



John Carter Brown



g b

30.

2

4

Jerome Osorius natif de Lisbonne apprit les langues et
les Sciences a Paris. L'Infant Dom Louis lui avoit
confié l'Education de son fils, et l'en recompensa en lui
procurant des dignitez. Il Savant s'exprimoit avec tant
de grace et tant d'Eloquence qu'on le surnomma le Acevonde
Portugal. Il mourut a l'aille dans son Diocese. a 74 ans.

HISTOIRE DE PORTVGAL,

CONTENANT LES ENTRE-
prises, nauigations, & gestes memorables des
Portugallois, tant en la conqueste des INDES
ORIENTALES par eux descouuertes, qu'es
guerres d'Afrique & autres exploits, depuis l'an
mil quatre cens nonãte six, sous Emmanuel pre-
mier, leã troisiẽsme, & Sebastiã premier du nom.

*Comprinse en vingt Liures, dont les douze premiers sont traduits du
Latín de IEROSME OSORIVS, Euesque de
Sylues en Algarue, les huit suiuans prins de Lopez
Castagnede & d'autres historiẽs.*

Nouuellement mise en Francois, par S. G. S. Avec vn discours de
fruit qu'on peut recueillir de la lecture de ceste histoire,
& ample Indice des matieres principales
y contenũes.



A PARIS,
De l'Imprimerie de PIERRE
CHEVILLOT.

1581.

Avec Priuilege du Roy.

EXTRAICT DV PRIVI-
lege du Roy.

PAR grace & privilege du Roy, est permis à Rober le Magnier marchand libraire iuré en l'université de Paris, d'imprimer où faire imprimer un liure intitulé l'Histoire de Portugal contenant les gestes memorables des Portugoys, en la conqueste des Indes Orientales, & és guerres d'Afrique: Et fait ledit seigneur defences à tous libraires imprimeurs & autres de quelque qualité qu'il soit de n'imprimer ledit liure & ce pour le temps & terme de neuf ans à commencer du iour que ledit liure sera achemé d'imprimer sans le consentement dudit le Magnier sur les paines contenues aux lettres sur ce donnees à Paris le seiziesme iour de Iuin lan mil cinq cens quatre vings & un, & de nostre Reigne le huitiesme.

PAR LE CONSEIL

SIGNE BOVRSSIN,

Et scellé sur simple queuë de cire iaune.



A NICOLAS PITHOV

S^r DE CHAM-GO-

BERT,

S. G. S.

JOHN CARTER BROWN

MONSIEVR, Je pense bien que ceux qui nous connoissent trouveront estrange Et mal seant de première face, que j'aye mis la main à ceste histoire, pour la communiquer à nostre nation: Et qu'ayant esté dédiée par Olorius à un Prince, je la vous présente maintenant. Quant à ce premier point, ie ne nie pas que durant le temps employé à ce labeur ie pouuois vacquer à choses plus serieuses, mieux conuenantes à mes estudes, Et plus propres à ma vocation. Je di dauantage, qu'estant sur le milieu de cest œuvre, j'ay desiré la laisser, Et procuré en maintes sortes qu'un autre acheuast plus heureusement ce qui ne se pouoit bonnemēt supprimer, une partie estât imprimée, Et certains amis me pressans de poursuiure. Les chemins facheux, que j'ay trauezé depuis quelques années, m'auoyēt peu de temps auant que toucher à ceste histoire tellement harassé, que bien souuent mon esprit courroit par dessus Et parmi les liures comme en un desert, ou plustost, agitē d'infinis pensemens, ie voguois sur une mer perilleuse, sans pouuoir tenir ni trouuer route certaine. Et combien que de fois à autre, resistant à la tempeste, ie visse le port ie vouloy tendre, neantmoins ma misere me portoit comme à l'auanture, tellement que parmi tant de vents Et de vagues i'employoy la premiere piece qui se rencontroit, pour trouuer quelque son. Vous entendez ce que ie veux dire, Et i'espere que telles secouffes ne seront pas inutiles, ains me seruiron pour le reste de ma navigation terrienne. Donques, estant pressé de diuerfes facheuries qui ne me

permettoient de gouster la douceur des saints liures, comme ie des-
rois, lisant un iour l'histoire de Portugal, ie prins tel plaisir à la le-
cture des douze liures de Ierosme Osorius, tant pour le beau stile
qu'à cause des choses remarquables en l'histoire par luy desrite, qu'il
me print enuie de les faire parler François: Et n'eus si tost comencé
(le chemin me semblant si beau) que ie me sentis incontinent bien
loin. Mais ma course fut retardee par nouveaux accideus, Et com-
me i'estois sur le point de demeurer au milieu, Dieu a permis que
i'aye veu le bout d'icelle. Mesmes i'ay auancé outre mon esperance,
adioustant, pour le paracheuement de l'histoire, ce qui est auenu de
plus memorable es Indes, sous le regne de Iean troisieme, dont Oso-
rius ne fait aucune mention, ayant coupé le fil de son histoire à la
mort d'Emmanuel: Et ay suivi entierement Lopez, de Castagnede
historien Portugallois, duquel Osorius mesme a tiré ses douze liures.
Quant à la guerre de Din contenue au dixneuuesme liure. Damian
de Goes gentil homme de Portugal m'a cōduit es traitez latins qu'il
en a faits. Et pour le regard du dernier, les escrits de plusieurs histo-
riens modernes m'y ont aidé, comme la lecture en fera soy, n'ayant ri-
mis du mien qu'en la trenslation Et disposition, avec la plus soi-
gneuse fidelité que i'ay peu, laissant (en Castagnede Et Goes nom-
mément) quelques repetitions Et discours ennuyeux qui n'eussent
serui que de remplage, Et qui estans obmis n'ostent rien du lustre
de l'histoire entiere: n'ayant aussi oublié de rendre raison pourquoy
ie n'ay suivi par l'ordre des annees, depuis l'an mil cinq cens trente.
Car s'il eust esté en ma liberté de le faire, i'eusse plus amplement
contenté les lecteurs: mais i'espere qu'ils prendront en patience
pour le present. Or outre le plaisir, i'ay beaucoup aprins en ceste hi-
stoire, y remarquant de beaux traits pour l'instruction de ma vie,
Et ie m'assure que tout homme de bon iugement confessera qu'il y a
en ce volume des exemples Et enseignemens notables pour gens de
toutes qualitez. Le traite quelque chose de cela au discours suivant
Et par mesme moyen ie respon à ceux qui estiment le temps employé
à la traduction Et lecture de ceste histoire Et d'autres semblable
estre au tant de temps perdu: ce que ie say, nō tant pour excuser mon
travail tel quel, bien eslongné de la disposition Et eloquence des hi-
storien que i'ay exprimez, en François, que pour maintenir l'hon-
neur Et bontité des histoires de nostre temps, entre lesquelles cest
ci merite quelque place, selon mon petit auis. Brief, puis que person-
ne ne m'a deuancé, ie ne suis pas marri de presenter à nos compatriott
ces liures en leur langage, afin qu'ils en puissent tirer quelque plaisir

honneste & grand profit aussi. Pour le regard de l'autre point: i ay
tousiours estimé qu'il est loisible à chascū d'estre maistre du sien, pour
le presenter à qui lon veut, pouruen que celui qui donne Et celui qui
reçoit soyent reiglez par la vertu, ennemie d'auarice, d'ambition,
d'ingratitude & de vanité. Autant que nous pouuons appeller no-
stre ce qui procede de nos efforts en ce monde, ie puis dire mien cest
ouurage-ci: & le dediant à l'un de mes meilleurs amis, à un homme
bien versé en la lecture des histoires, & qui sūiellette tous les iours
celles de nostre temps, ie pense que nous n'auons point outrepassé nos
limites, moy en vous offrant ceste histoire, vous en la receuant de bon
œil, comme tesmoignage de l'honneur que ie vous porte, & de l'ami-
tié que ie vous prie cōtinuer enuers moy. Quant au reste, ie me con-
tente de vostre faueur, pour supporter tout ce qui me pourra auenir
du costé des lecteurs, si d'auenture il s'en rencontre de si mal affectiō-
nez en mon endroit, qu'ils trouuent mauuais que i'aye mis en veue
chose qu'ils receuroient pour belle Et bonne si elle partoit de la main
d'un autre. Mais ie ne suis pas tant ami de mes occupations, que ie
ne quitte tres-volontiers le pris à quiconque voudra faire mieux,
cōme il se peut faire: ains ie desire que ceci dōne enuie à plusieurs de
penser à bon escient aux histoires merueilleuses de ces derniers tēps,
pour en procurer Et auancer la publication, afin que celui à qui
toute gloire appartient, soit tant plus glorifié en ses iugemens, que les
meschans, en quelque part & de quelque estat qu'ils puissent estre,
soyent convaincus qu'il y a un Dieu au ciel qui gouuerne le monde,
Et que les gens de bien demeurent entretenus Et consermez en l'amour
de la vraye vertu, iusques au dernier soupir de leurs vies. Du
bourg de saint Germais, ce vngtiesme iour d'Octobre.

M. D. LXXXI.



DISCOVRS AV LE-
CTEUR, DV FRVICT QV'ON
peut recueillir de la lecture de ceste
histoire de Portugal.

HIERON parlât en tresbonne part de l'histoire, dit que c'est le tesmoin des temps, la lumiere de verité, la vie de la memoire, la maistresse de la vie, & la messagere de l'ancienneré: tiltres de haute louange, & veritables aussi en toute histoire escrete cōme il appartient, mais en l'histoire Saincte & Ecclesiastiques specialement, & plus excellemment sans cōparaison qu'es profanes, lesquelles ce pendât en leur rang ont leur part à ce tesmoignage. Ce que nous considerons cōme il s'ensuit, specialemēt en ce que l'histoire est appelée maistresse de la vie. La sagesse & iustice que nous contēplons en Dieu, & selō laquelle toutes nos pensees, deliberations, entreprises & actions doiuent estre reiglees, se manifeste es cōmandemens de la premiere & secōde table de la Loy morale, lesquels sont autāt de beaux rayōs de la sagesse de Dieu, qui a discerné si bien les choses bōnes d'auec les meschantes: ayant infus quelque clairté de tels rayōs es entendemens de tous hōmes, & iceux fait paroistre plus à descouuvert en la mōtagne de Sinai, pronōcāt de sa bouche sacree ces cōmandemens, afin de renouueller ce que les tenebres de peché & de nostre corruptiō taschent d'enseuelir. Alors donc il s'est monstré aux hommes, pour leur apprendre ce qu'ils doyēt à sa haute maiesté & à leurs prochains aussi. Or les histoires, en la pluspart de ce qu'elles contienēt, ne sont sinon des miroirs bien polis, qui monstrent par les

diuers exēples que nous y lifons plusieurs euidēs tefmoignages de ceste ſageſſe & loy de Dieu, au gouuernement des eſtats du monde, & en la vie des grands & des petis. Quand nous y voyons les meſchantes reſolutiōs & executions ſuiuies de grands malheurs, au contraire la pieté, la iuſtice, brief les vertus recompenees & fauoriſees de benediſtions & aſſiſtāces de Dieu, cela touche & eſmeut beaucoup plus nos cœurs à aimer le bien & hair le mal, que ſi nous n'auīōs que les ſimples cōmandemens ou deſenſes. Ceſt dōc choſe profitable en la lecture de l'hiſtoire d'appliquer les exemples qui nous y ſont deſcrits aux reigles de la vie humaine, dont la première eſt, que nous teniōs pour reſolu que Dieu eſt autheur des legitimes vocations, qu'il maintiēt le mōde, eſt tout puiſſant & iuſte, demāde qu'on le craigne & honore, & recōpenſe ſes ſeruiteurs: qu'il hait & punit l'impieté, l'iniuſte violence, la tyrannie, l'orgueil, les larrecins, meurtres, paillardiſes & autres telles meſchancetez: & qu'apres auoir ſupporté ceux qui le meſpriſent il les frappe tant plus rudement. Mais entre tous ceux qui doiuent auoir l'œil fiché ſur l'hiſtoire, les magiſtrats & gouuerneurs de la ſociété humaine, ſoit en Monarchie, en Ariſtocratie, ou en Democratie, doiuent eſtre les premiers, pour remarquer les bons conſeils & deuoirs des Princes vertueux. Item les cauſes du changemēt & renuerſemēt des villes & royaumes, les ſources des guerres & calamitez publiques. Ils voyent en l'hiſtoire beaucoup d'excellens perſonnages, qui par iuſtice, bonté, clemence, magnanimité en guerres neceſſaires, patience & moderation en leurs deportemens, de petis ſont deuenus tresgrands, ont heureuſement gouuerné leurs eſtats, & laiſſé leurs ſuiets en toute proſperité: cōme à l'oppoſite, par tyrannie, diſſolutions, enuie, orgueil, trop grande conſiance ſur le bras de la chair, haines & diſſenſions ſecrettes, les grands royaumes ont ſouuent eſté ruiñez, Dieu transportant la domination d'une perſonne ou d'un peuple à l'autre, à cauſe de l'iniuſtice, cōme en parle le Sage. L'hiſtoire auertit les Princes & Seigneurs de bien conſiderer les ſemences & origines des conſuſiōs publiques, afin de les fuir ſoigneuſement, comme le ſage pilote ſe donne garde des eſcueils & ſablons mouuans, craiate

de faire naufrage, & perdre soy mesme avec les passagers. Et comme les hommes d'aujourdhui sont de la mesme paste de ceux de iadis, ainsi void-on au gouuernemēt public & particulier renaistre mesmes affaires, conseils, occasions, euenemens, miseres & malheurs qu'autresfois. Il n'y a que changement de personnes, qui comparoissent les vnes apres les autres sur ce grand theatre de la vie humaine, pour prendre l'habit que leurs compagnons ont laissé, & iouer mesme roolle en substance, n'y ayant difference qu'en quelques particularitez, dont la principale est du plus ou du moins: cōme les impietez & iniustices anciennes se vōyent es histoires de nostre temps, plus grādes en quelques particuliers, moindres es autres, mais tousiours conspirans à mesme fin. Autant en faut-il dire des vertus dont l'histoire ancienne & moderne nous presente les exemples. Outre plus il y a en l'histoire des instructions propres à tous estats, pour abhorrer le vice & cherir la vertu en quelque temps que ce soit. Sur tout, les merueilleux effectz de la prouidence de Dieu, qui fait teste aux orgueilleux, les renuerse piedz contremont, voire les accrauant, nous admonnestent de sentir nostre petitesse & vanité, nous commandent d'estre moderez, humbles, equitables, despouillez de toute fiance de nous mesmes, pour ne remuer ny entreprendre chose que bien à point, & dont nous ne pesions exactemēt les consequences, afin de ne nous auancer quand il faut demeurer coy, commē au contraire elle nous incite à entreprendre & suivre courageusement ce que requiert nostre vocation, & monstre qu'en bien faisant nous deuons estre paisibles en nos cœurs, encores que souuentefois l'euenement soit tout autre que nous n'attendions.

OR pour appliquer ce que dessus à l'histoire presente, il nous faut premierement voir si elle a les marques de vraye histoire, pour en meriter le nom: brief, si elle est digne de tenir quelque rang entre celles, qu'on peut appeller maistresses de la vie. Si cela est prouué, i'estime qu'il ne sera pas besoin de disputer si la peine employee à publier telles choses est recommandable. Quelqu'un a sagement dit que la verité est l'œil de l'histoire, à quoy i'adiouste que ce n'est pas assez de dire la verité des choses:

mais aussi que telle verité doit valoir la peine qu'on préd à la faire cognoistre. Car si chascun vouloit faire des liures du cours de sa vie, & de ce qui aduient és villes & maisons, on pourroit dire verité en tout cela, & toutesfois se rendre ridicule, & remplir le mode de discours inutiles ou de bien peu d'usage. Il suffit donc que de tant de cas humains, qui sont de si diuerses formes, quelques hommes doctes choisissent ce qui peut seruir aux autres pour les rendre plus aduisez en la cōduite des affaires du monde, marquant ce qui se rapporte au plus pres de la prudēce, modestie & sagesse recommandees à toutes personnes. L'estime qu'Orosius sera estimé veritable, & iugé n'auoir rien mis en auant que bien à propos, quand on considèrera le rang qu'il tient en Portugal, les moyens qu'il a eus de sçauoir la verité des choses, la suite de ses discours, son stile simple, bien serré, & descourant les choses sans cōtrainte, affecterie, ou desir de faire valoir sa nation. Ses amis aussi luy rendent tesmoignage que c'est vn homme d'esprit posé, qui pense à ce qu'il escrit, & ne se fie aux bruits de ville, tellemēt que s'il n'a trauersé les mers pour marquer de l'œil ce qui se faisoit en Barbarie ou és Indes, il a fait dauātage en son estude, dressant par bon ordre & en bons termes, ce que diuers tesmoins dignes de foy luy ont fait entēdre de viue voix & par escrit entreposant son aduis par tout, pour rāger les choses en leur endroit sans trop grande additiō ou diminution. Mesmes en ceste histoire il y a cela de particulier, q̄ les Geographes & dresseurs de chartres marines ou terrestres, que les Roys de Portugal enuoyoyent és Indes avec les nauires qui y faisoient voile tous les ans, ne rapportoyent aucune relation des Viceroyes, qui ne fust bien signee de plusieurs tesmoins, & scelee de diuers seaux, pour confirmatiō de verité. Et puis que verité est le fondemēt de l'histoire, Orosius n'eust pas esté si mal aduisé de mettre en auant choses dont mille tesmoins l'eussent peu redarguer, s'il eust prins plaisir à mentir, ou à flatter quelques particuliers de sa nation. Et de penser qu'il ait voulu faire du plaisant, & presenter des comptes pour rire, ce seroit hors des limites de raison, estant homme d'age, de grande erudition, & de qualité. Reste de sçauoir si ce qu'il propose

vaut la peine d'estre escrit & leu. Je suis de ceste opinion, si ie ne voy bien clairement le contraire. Car il raconte les choses aduenues briefuement, clairement, librement: descouure leurs commencemens, progrès & issues: fonde & monstre au doigt les conseils & les fondemens des deliberations de part & d'autre, puis ce qui s'en est ensuiuy iusques à vne cōclusion finale: décrit affaires d'importance en temps de paix & de guerre, fait voir ce qui est receuable ou à condamner és actions des grāds & petits: par fois en declare aussi ce qu'il en pense, entremettant des discours qui tiennent le lecteur en goust, & ne le laschent qu'il ne s'en retourne plus amy de vertu apres la lecture que deuant. Quant à Castagnede, vray est qu'Orosius le surpasse en sçauoir & dexterité de bien dire: mais en contreschange il a veu les Indes, & assisté en beaucoup de choses qu'il décrit, comme tefmoin oculaire. Les autres que nous auons suiuis és deux derniers liures sont de mesme marque qu'Orosius & Castagnede, les vns ayans veu, les autres ayans escrit apres fidele rapport. Mais la verité sera encores cognue plus vtile si nous considerons les choses diuerses contenues en ceste histoire, & qui apportent si doux plaisir & telle instruction, qu'on ne sçauoit dire lequel y est le plus grand, ou la consideration des merueilles de Dieu en si grande diuersité d'affaires, ou la doctrine enclose és exemples qui s'y font voir en mille endroits. On y void les coustumes, façons de faire, loix, ceremonies & naturels d'une infinité de nations: leurs Isles, pays, villes, haures, forteresses, bastimens & commoditez: leur gouuernemēt politique & œconomique, leurs gouuerneurs en temps de paix & de guerre, leur façon de combattre, leurs armes, leur religion & tout ce qui en depend. D'auantage les sources des dissensions & esmeutes y sont demonstrees, les stratagemes, escarmouches, batailles, sieges, assaux, princes, raiſtaillēmēs secours, coniurations, trahisons, ambassades, harangues militaires, & autres parties d'histoire sagement descrites, & si doncement entrelacees qu'elles contraignent le lecteur de sentir diuerses passions en son ame, tant la verité a de puissance sur les cœurs humains. Mais en considerant les autres qualitez requises en vne histoire receua-

ble, on cognoistra encores mieux la valeur de ceste-cy. Il faut donc en second lieu, que tout sage historien escriue librement ce qu'il doit dire: pource que s'il veut plaire à ceux-cy ou à ceux-là, c'est estre flatteur non pas historien: & s'il oublie vne trop expresse verité, il est ignorant, ou craintif, ou passionné: s'il charge trop les vns pour excuser les fautes d'autrui, de flatteur il deuiet calumniateur, vice detestable en toutes personnes, sur tout és historiens desquels le premier & principal but est de dire verité. Combien qu'Orosius semble en quelques endroits pancher vers son pays & fauoriser à son peuple: toutesfois on peut voir en d'autres passages qu'il n'espargne point les Portugallois, ains descouure & condamne les fautes des grands & petis, si expressement que rien plus, comme tous les liures en font foy: autant en font les autres suivans, le tout avec la moderation requise en tels discours. Car en matiere de descouurir les imperfections d'autrui, il ne faut pas s'accommoder aux desirs de plusieurs malins, ny sacrifier à l'enuie de ceux qui sont bien aises de voir degrader tout le monde, ne pouuâs iamais rire, s'ils ne voyent sauter (par maniere de dire) à deux piedz sur le ventre des plus grands spécialement. Vne discrette mediocrité est requise en cela, qui n'approche de crainte ny d'audace. Vray est que par fois les iniquitez sont si estranges & execrables, qu'il n'est plus tēps d'espargner personne, cōme les histoires de tout tēps en font foy: mais en cest endroit ie demande vn esprit non passionné, craignant Dieu, & regardant à edification, de peur q̄ les escrits ne se changent en inuestiues ou libelles diffamatoires. Ce pēdant, il ne se faut pas gueres soucier de l'ineptie de ceux qui condānent tous les traits picquās d'un historien, iugeans d'autrui selon leur insuffisance. Ils seroyēt marris (ce croy-ie) qu'on les contraignist de s'abstenir de sel en leur viure: pourquoy donc trouuent-ils mauuais qu'un discours soit assaisonné de quelque chose qui luy dōne goust, faisant venir aux bōs plus grād appetit de la vertu, & cōtraignant les coupables de rougir en leurs cōsciences? mais les tigneux craignēt le peigne, cōme dit le prouerbe, & sont faschez quand on testōne leurs compañois, craignās que puis apres on ne les empoigne

au collet, Toutesfois quāt à ceste histoire, les Portugallois
 & autres peuples n'auront occasion de mescontentemēt
 au contraire, encores que le royaume de Portugal soit
 maintenant bien decheu de sa splendeur ancienne, que la
 vertu de ses habitans soit comme aneantie, & leur estat
 merueilleusement desfigurē, ceste histoire monstre leur
 valeur & bonheur, tandis qu'ils ont aimé quelque disci-
 pline & honnesteté. En les reprenant, elle leur descouure
 tant mieux les remedes au mal d'aujourd'hui, & en les es-
 leuāt monstre que l'auerſité ne doit pas aneātir ceux qui
 iadis ont fait preuue de leur hardiesse & constance en
 maints endroits. Il est requis aussi que l'historien garde
 l'ordre des tēps, descriue les pays & regions exactement,
 propose les conseils, exploits & euenemens, y adioustant
 lon auis quelquesfois selon que la chose le requiert, mô-
 strant les traits de sagesse ou d'indiscretion en ceux qui
 ont manié les affaires, se retenant tousiours en ses limites
 afin de tomber és fautes de certains estourdis, qui iugent
 de toutes choses à la volée, & selon la passion qui les mai-
 strise. Adiouſtons à cela le stile graue, doux, coulāt, brief
 & clair, sans beaucoup de redites ou discours de nulle cō-
 sequence, & qui peuuent desgouter le lēcteur au lieu de
 le retenir. Tous ces ornemens où la plupart se trouuerōt
 en ceste histoire, en laquelle l'ordre des tēps les plus no-
 tables pour voir l'estat florissant de Portugal est fuiui; les
 situations des pays ne sont pas oubliees, les cōseils & de-
 portemēs sont amplemēt deduits, & de telle grace, que si
 i'auois à la dixiesme partie pres aussi bien rencōtré en ma
 trāslatiō que mes auteurs en leur inuention & dispositiō,
 i'oſeroi' mettre ceste histoire au rang des plus plaisātes
 & vtiles que lon ſcauroit ſueilleter entre les histoires pro-
 fanes. C'est à vous, lēcteur, de iuger de ce que dessus, &
 voir si les marques d'une vraye histoire paroissent en cel-
 le-ci: pour à quoy paruenir encores mieux, considerons si
 elle nous propose des enseignemēs tels que nostre vie en
 puisse estre réduite meilleure. Emmanuel en plusieurs en-
 droits dōne de beaux aduertissemēs aux Roys & Princes
 de leur deuoir en tēps de guerre & de paix. Ses fautes no-
 tees en quelques liures, sont tésmoignages que la gran-
 deur humaine est bien foible, si elle n'est appuyee que sur

soy. mesme: & nommément cela ne se peut nier que les
 mariages de ce prince, contractez autrement que la Loy
 diuine commande, n'ayent attiré sur ses royaumes & su-
 iets beaucoup de confusions: ceci sur tout estant deplo-
 rable, que si tost apres la mort de ce Prince, tant illustre &
 renommé, toute sa race soit perie. Quand il a entrepris
 quelque chose nō necessaire, nostre historien mōstre que
 la fin n'en a esté que tresmiserable. Cela se descouure
 mieux en Sebastian, qui pour s'estre fourré sans droite
 vocation en la guerre de Barbarie, y est demeuré pour les
 gages, seruant d'exemple aux plus grands de se contenir
 en leurs limites, croire bon conseil, ne vouloir s'agran-
 dir par moyens obliques, procurer la paix auant toutes
 choses, ou manier les armes en si bonne conscience que
 Dieu & les hommes droits y consentent. La iustice, la
 discipline militaire, les recompenses des capitaines, gen-
 tilshommes & bons soldats, les estats donnez aux hom-
 mes doctes, les ambassades & affaires d'importāces com-
 mises aux principaux & plus experimentez au royaume
 de Portugal, tandis que les affaires y ont esté bien re-
 glees, apprendrōt aux grands, qui ont l'esprit encores sain
 de fuir toute oppression, de contenir leurs suiets sous vn
 bon ordre, de n'oublier leurs bons seruiteurs, de n'auan-
 cer gens indignes, flatteurs, boufons, macquereaux &
 maistres de dissolution, aux charges publiques ny aux
 particulieres. Quand à la religion, Emmanuel & ses suc-
 cesseurs ayans monstré quelque conscience en cela, de la
 resolutiō de laquelle nous ne disputons pour le present,
 font assez le procez à ceux qui esteuez és honneurs du
 mōde ne pēsēt pas tousiours à celuy qui les a establis scs
 lieutenans, pour procurer sa gloire comme ils déuroyent.
 Mais ceste fidelité, douceur, humanité, constance, & au-
 tres vertus que nous voyons en quelques roitelets & sei-
 gneurs Indiens, fait bien le proces à tous hōmes de qua-
 lité, faisans professiō du Christianisme, s'ils ne l'embras-
 sent en leur cœur, pour apprehender non seulement ce
 qui est de leur salut, ains aussi ce qui touche leur deuoir
 enuers les hommes. La vaillance & resolutiō de plusieurs
 Princes & capitaines entre ces peuples, doit encourager
 tous hommes de bon cœur à maintenir le droit & la

pieté iusques au dernier soupir. Comme au contraire les pillages, trahisons, fraudes, violences & saccagemens de quelques vns de ces barbares, monstre quelle beste cest que l'homme abandonné à son naturel, & despourueu de la conoissâce du vray Dieu. On voit en ceste histoire infinis iugemens de Dieu contre les tyrans & perfides, cōtres les rebelles, orgueilleux & ambitieus. Les lārrons voleurs, meurtriers, faux tesmoins, & autres tels malheureux, y sont flestris en diuers exemples. On y lit les miserables issues des cōseils procedās d'auarice ou dambition: cōme au contraire la liberalité & promptitude de quelques gens de bien y reluit, pour fortifier les bons à la vertu. Brief nous y voyons infinis exemples de la droiture soustenue, auancee, & recompensee: mais d'autre par mille & mille tesmoignages de la confusion des vicieux. Je ne corte point icy les noms des particuliers, laissant au lecteur son iugement entier en cela: mesme ie n'ai marqué les belles sentences qu'on peut recueillir de ceste histoire pour former les mœurs de toutes personnes. Seulement i'adiousteray que combien que les histoires de plusieurs autres peuples & royaumes, specialement où l'estat de l'Eglise est descrit, presentent diuerses autres belles considerations: que lon peut noter en ces vingt liures plusieurs beaux traits de la sagesse, grandeur, iustice & bonté du Tout-puissant: & que celuy qui void tant de merueilleux exploits de nostre temps est plus stupide qu'une pierre, s'il n'apprend à conoistre & craindre celuy qui se rend si admirable en ses œuvres, & tant redoutable en ses iugemens. Somme, si l'histoire en general merite d'estre nommee maistresse de la vie, ceste particuliere aura celos, qu'il sera dit de ceux qui l'ont dressee, qu'ils ont offert vn honneste & vtile labeur à la posterité. Car quand à la nue conoissance des choses, le lecteur employe tref-mal le temps, qui pense scauoir beaucoup, s'il peut discourir de ce qui s'est fait deçà & de là là mer: ressemblāt à ceux qui pēsent auoir prou fait en allāt voir des bois, riuieres, terres, mōtagne, villes & villages bien loin, pour aprēdre quelques langages estrāges, & retourner puis apres en leurs maisons ausi fots & vicieux qu'ils en sont partis, & par fois mesmes y rapportans des in-

uentions & complexions meschantes des nations qu'ils ont frequentees. Nous pouuons bien apprendre es histoires à conoistre les mœurs des peuples, sçauoir la situatiō de leurs pays, & remarquer tout ce que nous y voyōs de memorable: comme ceux qui voyagent ne sont pas condamnez à cheminer les yeux clos, ou estoupper leurs oreilles pour ne voir ny entendre rien. Mais le principal doit demeurer, cest que nos corps & nos esprits quelque part qu'ils aillent s'auancent tousiours à la vraye vie, afin de ne nous contenter d'une idee & nuë apprehensiō des choses, en danger de deuenir orgueilleux & bauards, ains considerer tellement ce qui se presente, que par tout ou nous serons, ce tesmoignage demeure tousiours en nos cœurs, que nous haïssons le mal en nous mesmes & en tous autres, comme à l'opposite nous louons la vertu en quiconque elle se trouue, & desirons l'ensuiure, comme nostre deuoir le nous commande. Quant à ma translation, ie n'en diray autre chose, sinon, que ie m'y suis porté le plus simplement & sincerement que j'ay peu priant le lecteur d'en iuger en bonne part, & croire qu'en desirant seruir à ceux qui n'entendent la langue latine & autres, esquelles ceste histoire à esté premierement es-crite, j'ay desiré faire conoistre vne partie des merueilles de Dieu en ces nauigations & exploits de la nation Portugalloise, & presenter en ceste histoire quelque instruction à ceux qui ont des yeus pour voir & vn cœur pour cōprendre. Doncque, lecteur, si vous me sauez gré de ce petit effort, i'en seray ioyeux: sinon, ie me contenteray de ma bonne affection, & lairray faire ceux qui pourront vous presenter choses plus profitables par leurs doctes inuentions ou nouuelles traductions. Au reste, pour vostre soulagement, outre les sommaires mis en teste de chaque liure, nous auons adiousté vn ample indice alphabetique des matieres principales de toute l'histoire, afin que rien ne retarde ceux qui voudront lire & considerer plusieurs fois quelque particulier discours.

REPERTOIRE DES ANNEES DE CESTE Histoire.

1495	feuillet 3	1513	240
1496	8	1514	264
1497	11	1515	282
1498	17	1516	298
1499	19	1517	312
1500	40	1518	325
1501	41	1519	329
1502	56	1520	339
1503	59	1521	356
1504	72	1522	380
1505	106	1523	404
1506	110	1524	421
1507	128	1525	427
1508	148	1526	467
1509	180	1527	480
1510	191	1528	110
1511	214	1529	535
1512	234		



LE PREMIER LIVRE DE L'HISTOIRE DE PORTUGAL.

SOMMAIRE.

1. Jean second, Roy de Portugal, nommé Emmanuel son heritier, puis meurt.
2. Emmanuel est receu & declaré Roy.
3. Il pourroit sagement aux affaires du Royaume.
4. Estat des Juifs au Royaume de Portugal, & quel traitement leur fit Emmanuel.
5. Preparatifs d'Emmanuel pour recommencer la guerre en Afrique.
6. Victoire des Portugallois contre les Mores, sous la conduite de Jean Menez.
7. Ordre mis par Emmanuel aux affaires Politiques & Ecclesiastiques de son Royaume.
8. Nouveau & estrange traitement fait aux Juifs en Portugal.
9. Pour parler de mariage entre Emmanuel & Isabelle veufue de Alphonse, fils du feu Roy Jean second.
10. Discours sur le voyage des Indes Orientales, entrepris par les predecesseurs d'Emmanuel, & continué par luy.
11. Preparatif pour le voyage des Indes.
12. Mariage d'Emmanuel & d'Isabelle, couronnez Roys d'Espagne: & mort d'Isabelle.
13. Michel fils d'Emmanuel designé Roy de Castille & d'Aragõ.
14. Voyages sur l'Ocean, faits par Vasque de Gama Capitaine Portugallois, pour aller aux Indes Orientales.
15. Belle description de l'Aiguille marine.
16. Continuation des voyages de Gama, & des diuers pays par luy descouverts.

17. Son arriuee au Royanme de Melinde, & ce qu'il y fit.
 18. Sa descente à Calecut, & comme il y fut receu.

*Preface ser-
 uant d'entree
 à l'histoire de
 Emmanuel,
 choisi Roy,
 autant pour
 son naturel
 Royal, que
 pour la pro-
 chaineté de
 sang.*



EAN second de ce nom, Roy de Portugal, apres auoir languy long temps d'une maladie lente, se traî- porta en vn des bouts de son roy- aume, vers le Midy, terminé en ce costé par la mer Oceane, nommé Algarve, afin de trouuer remede à son mal, par le moyen des baings qui sont fort salubres en ce quar- tier là. Les eaux sortent d'un ro- cher & coulét par vne vallee à trois ou quatre lieues loin de la mer: & sont estimez les meilleurs baings de tout Portugal. Toutesfois l'espreeue de ce remede n'ayant de rien seruy, la maladie se renforça de iour à autre: & eut on opinion que le Roy estoit ainsi defaillu peu à peu, à cause qu'il auoit esté empoisonné pour mourir en temps limité. Parquoy voyant la mort approcher, il fit son testament en vne ville d'Algarve nommée Aluor, laquelle aucuns pensent estre le port d'Hannibal, & par iceluy establit son heritier Emmanuel son cousin germain, auquel aussi la couronne escheoit, quand mesmes Iean fust mort sans tester. Car Fernand pere d'Emmanuel estoit frere germain du Roy Alфонse pere de ce Ieá, lequel n'ayant aucun fils de femme legitime (d'autant qu'Alfonse fils vnique de luy & de sa femme Eleonor, estant en fleur d'aage auoit esté ietté de son cheual en terre, comme il couroit en la ville de Saint-arene, & estoit mort de ceste cheute) il falloit qu'Emmanuel vist comme de loin la couronne venát sur sa teste. George fils de Iean en estoit forclos par les loix & coustumes du Royaume, à cause qu'il estoit bastard, cōbien que sa mere fust de fort noble maison: neantmoins ce qui appartenoit de droit à Emmanuel fut ratifié par l'expresse & dernière volóté de Iean, lequel n'aimoit pas tant Emmanuel pour la prochaineté du sang, qu'il l'auoit en grande estime pour vn naturel Royal paroissant en luy, & pourtant il esleuoit la dignité d'Emmanuel par tous les beaux paremens dont il se pou-

uoit auiser. Dauantage la Roynie Eleonor, princesse douee de la crainte de Dieu, & d'une pieté & vertu singuliere, estoit sœur d'Emmanuel, & l'aimoit singulierement. Apres auoit fait son testament, & disposé aussi de son ame selon les ceremonies accoustumées, il mourut de telle sorte que en ceste dernière période de sa vie, il fit preuve de l'excellente vertu & piété qui estoient en luy. Ce fut un Prince illustre & de grand cœur, ennemy juré des meschans, amy de iustice, & admirable en toutes sortes de vertus. Outreplus il estoit prompt & hardy, ayant montré souuentefois en guerre sa vaillance & sa dextérité. Il estoit si magnanime, que combien que son corps fust en Portugal, en son esprit il couroit par tout le monde, & remuoit & entreprenoit beaucoup d'affaires qui pouuoient le faire renommer entre tous autres, si la mort ne l'eust si tost emporté. Il portoit telle affection aux vaillans hommes, que quelques uns, pour estre resolu aux armes, effrayoient deuant luy les vices dont ils estoient entachez. Au contraire les couards & paresseux luy desplaisoyent tant, que mesmes il ne les estimoit pas hommes. Quant à ceux qui pour leurs richesses deuenoyent insolens, il les effrayoit par sa ferveur : & prenoit en sa sauuegarde ceux qui pour leur basse condition estoient exposez aux outrages des autres, tellement que les pauvres viuoient en grande assurance. Vray est qu'il fit mourir plusieurs gentils-hommes, voire mesmes des Princes qui luy estoient alliez, ayant cogneu qu'ils luy estoient rebelles, ou qu'ils auoient machiné sa mort : & s'il ne l'eust fait, la dignité Royale s'aneantissoit, ioint qu'il estoit en manifeste danger de sa vie. Il auoit un bon entendement, & recite-on plusieurs siens propos qui sont de bonne grace, & descouurent un gentil esprit. Il esuenoit d'une sagesse merueilleuse les deliberations des Roys, de la fidelité desquels il doutoit : & par biens-faits auoit obligé à son seruice beaucoup des plus notables en diuers Royaumes, & par leurs aduertissemens il descouuroit ce que les Roys machinoient contre luy, long temps auant qu'ils luy peussent nuire, afin d'obuier à leurs conseils. Ses sujets ne le craignoient pas tant en ce qu'il estoit leur Roy, qu'ils l'aimoyent pource qu'il leur estoit pere : car il pouruoit à leurs commoditez d'une

*Image d'un
bon Prince.*

affection paternelle, Sur quoy ló a accoustumé de louer, & non sans cause, ce qu'il disoit, qu'en trauaillant quelques vns pour chercher de l'or, il n'auoit autre but sinon de soulager la disette de ses suiets par le moyen de ses richesses. Ayant ouy dire qu'il y a vn oiseau, lequel de son bec deschire sa poiectrine, afin de redonner par l'effusion de son sang la vie à ses petits morts de morsures des serpens, il fit adiouster le pourtrait de cest oiseau à ses armoiries, pour se monstrer prest d'espandre son sang pour le salut de son peuple. Mais de toutes les vertus que lon a remarquées en luy, il n'y en auoit point de plus admirable que le ze ardent à la religion. Car iamais il ne fut distrait de procurer ce qui seruoit à l'auancement des choses diuines, tant les affaires de son Royaume fussent embrouillees, ny pour les coniurations brassees contre sa vie, ny pour troubles quelconques qui soyent auenus. Brief ce fut vn Prince, duquel le nom semble bien meriter louange perpetuelle.

2. Les nouuelles de sa mort furent incontinent portees à Emmanuel, qui les receut avec telle abondance de larmes, qu'il apparut assez que la tristesse qu'il auoit de la mort d'un si bon prince, & de qui il estoit allié de si pres, surmōtoit la ioye de se voir heritier d'un royaume. Alors Emmanuel estoit aagé de vingt six ans, & se tenoit en la ville de Lisbonne, où demeueroit aussi pour lors sa sœur la Royne Elconor. Selon la coustume & façon de faire obseruee en Portugal, Emmanuel fut déclaré Roy du consentement de tous, avec les solennitez requises & accoustumees. Ayant receu ceste charge il fit estat de s'en aquiter soigneusement: car il estoit de vif esprit, & enclin aux affaires, ioint qu'il y auoit esté duit & façonné. Parquoy ayant fait quelques ordonnances salutaires à tout le Royaume, il estima que rien ne luy deuoit estre plus en memoire pour l'executer, que d'assembler les Estats. Ainsi donc il partit de Lisbonne, & vint à Monte-major, qui est vne ville sur vne colline, de la le fleuue Tayo (que les Latins appellent *Tagus*) & est à dix lieues de la ville d'Euora. Il manda les grands Seigneurs, les Prelats, & les deputez des villes du Royaume. On luy amena George fils bastard du Roy Iean, lors aagé de quatorze ans. Em-

Sagesse d'Emmanuel en assemblant les Estats des le commencement de son regne, afin de gagner le cœur de ses suiets, en se montrant equitable, & obseruant luy-mesme les bonnes loix.

manuel le recueillit si amiablement & avec tant de larmes aux yeux, que lon cognut assez cōbien il auoit aimé & honoré le Roy defunct. Entre ceux qui acompagnoyē George, estoit Jacques d'Almeide, grand Commandeur de Portugal, homme vaillāt, & de bonne compagnie entre tous autres, & qui auoit eu grand credit vers le Roy Iean, lequel aussi le donna pour gouuerneur à son fils, afin qu'il aprinst sous vn tel maistre les sciences dignes de sa grandeur. Iceluy tenāt George par la main droicte, tous deux habillez de dueil, apres auoir fait vne fort grande reuerence au Roy, selon la coustume, luy tint tel lāgage. *Belle harangue au Roy.*

frere d'amitié, en mourant m'a declairé cōbien qu'il for-
 tist de ce monde fort alaigremēt, neantmoins vne chose “
 luy pesoit sur le cœur, de laisser ce sien fils orphelin & des-
 titué: que cependant il se consoloit & estoit soulagé d'vn “
 tel penement, pource qu'il se souuenoit de vostre dou-
 ceur & gracieuseté, & en semble du desir que vous auez “
 d'estre orné de toutes vertus digne d'vn Roy. En apres il “
 me commanda de vous prier & supplier en son nom, puis “
 qu'il vous auoit porté autant d'affection qu'à son propre “
 fils, dont les presens & honneurs qu'auuez receus de luy “
 sont bons tesmoins, il vous pleust conseruer la souuenā-
 ce de ceste sienne amitié enuers vous, & rendre la pareil-
 le a cestuy-cy son fils vnique lequel il laissoit destitué de
 tout secours & appuy: & que vous pensissiez ce qu'il eust “
 fait à vos enfaas si vous en eussiez eu, au cas que Dieu “
 vous eust retiré de ce monde auant luy. Outreplus il me “
 donna charge d'aduertir souuent son fils de vous hono-
 rer & seruir tousiours, se rendre obeissant à vos comman-
 demens, & mettre peine d'estre le plus fidele & entier de
 tous vos seruiteurs & amis: pource que tant plus il vous
 attouche de parentage, mieux lui sied-il de surpasser tous
 autres en bons deuoirs en vostre endroit, sans peimētre
 qu'aucun le deuāce en choses qui seruent à l'acroissēmēt
 de vostre grandeur. C'est ce qu'il ma commandé de faire. “
 Pour m'acquitter de la charge à moy dōnee, ie vous pre-
 sente en son nom son fils, ieune, & orphelin d'vn tel pe-
 re, comme vous voyez, vostre parier de nature & de sang,
 pupille par accident piroyable, qui se recommande hum- “

„ blement à vous, & vous est seruiteur, afin que l'ayant re-
 „ ceu en vostre protection vous le fauorifiez & faciez grâces
 „ si que chacun puisse estre tesmoin de vostre cœur Royal
 „ à recompenser les bien-faits & se souuenir soigneusement
 „ des plaisirs receus. Si vous le faites, comme nous en som-
 „ mes assurez, tous vous en loueront comme Prince gra-
 „ cieux & magnifique: & par vne si belle preuue de bonté
 „ vous obligerez beaucoup plus estroitement vos suiets à
 „ vous estre fideles & obeissans. Ceste harangue d'Almeide
 „ resueilla tellement la tristesse d'Emmanuel, que voulant
 „ respondre, les larmes & souspirs arresterent sa pensee & sa
 „ voix. En fin il declara en peu de mots qu'il tiendroit Geor-
 „ ge comme son fils, & luy feroit tant de biens qu'on co-
 „ noistroit combien il desiroit que le nom & la memoire
 „ du feu Roy demeurassent en leur entier & fussent publiez
 „ par tout. Tous les Seigneurs lors presens, fort ioyeux de
 „ la response du Roy, s'approcherent pour le remercier, &
 „ luy baisèrent les mains. Or i'ay pensé que ce discours ne
 „ seroit pas impertinent, afin que lon cogneust la bonté du
 „ Roy Iean, laquelle auoit si bié gagné le cœur de son he-
 „ ritier au Royaume, qu'il n'y pouuoit penser sans douleur:
 „ & que d'autrepart lon vist le naturel excellent d'Emma-
 „ nuel, qui n'a peu s'esleuer en orgueil pour tât de richesses
 „ à luy escheuës & presentees sans y penser, ny ne s'est des-
 „ pouillé d'humanité & douceur. Car la conuoitise enraci-
 „ nee en plusieurs, fait que venàs à posseder, par la mort de
 „ leurs peres & meres, vn heritage qui ne leur pouuoit fail-
 „ lir, a peine peuuent-ils masquer la ioye de leur cœur, en-
 „ cores que pour vn temps ils facent bien les tristes & fas-
 „ chez. Ceste intemperance se descouure beaucoup mieux,
 „ quand il est question d'un Royaume, pource que les ri-
 „ chesses royales sont plus grandes, & ont plus de force
 „ pour renuerfer vn cœur, s'il n'est assis en bon lieu & sous
 „ la sauuegarde d'une vraye vertu. Mais quand quelqu'un,
 „ sans y penser, est esleué au throne Royal, souuentefois
 „ l'esprit en est tellement esbranlé qu'il perd tout sens & rai-
 „ son. Or Emmanuel ne pouuoit pas presumer de deuenir
 „ Roy, attendu qu'il auoit eu des freres viuans plus aagez
 „ que luy, & Alphonse fils de Iean se portoit bien. Iean aussi
 „ estoit encores assez ieune pour auoir des enfans: car il n'a-

naturel d'un
 bon Roy.

noit que quarante ans au iour de son trespas. Cependant tous ceux-là moururent par vne speciale providence de Dieu, selon l'aduis de plusieurs, afin qu'Emmanuel regnast.

* APRES que les Estats du Royaume furent assemblez, par l'aduis de tous, le Roy pourueut à quelques affaires necessaires pour l'establissement du Royaume. De là aussi il despescha son Ambassadeur vers le Roy Fernand & la Royne Isabelle, qui lors gouuernoient avec grande autorité & louange les Royaumes de Castille & d'Arragon, pour les auertir de son estat. En ce temps Aluar, frere de Fernand Duc de Corunne, qui pour crime de trahison auoit eu la teste tranchée, demouroit au Royaume de Castille, où il estoit en fort grand credit pres de Fernand & d'Isabelle, sans qu'au reste il fust aucunement coupable de la faute de son frere: mais le voyant ainsi ignominieusement mis à mort, il s'estoit retiré avec son bien hors des limites de Portugal. Or le Roy Iéan luy auoit defendu de s'arrester en Castille en sorte que ce fust: mais la bonté & magnificence de Fernand & d'Isabelle, qui l'auoyent en grande estime à cause de sa vertu & prudence, l'arrestèrent tellement qu'il se confina volontairement en leurs Royaumes. Et pour n'estre contraint d'obeir au mandement du Roy Iéan, il laissa en la puissance d'iceluy tous ses biens qui estoient en Portugal. Le Roy Emmanuel conuia doucement par le mesme Ambassadeur ce Seigneur, & les enfans du Duc, lesquels apres la mort de leur pere s'estoyent bannis de leur bon gré, de reuenir au Royaume: & que s'ils le faisoient, il leur feroit autant de faueurs qu'il seroit possible. Il enuoya vn autre Ambassadeur à Rome, pour faire recognoissance au Pape Alexandre lors esleué en ceste dignité, tât pour le Roy que pour le Royaume de Portugal. Et pour faire cela avec plus de magnificence, il pria par lettres le Cardinal de Portugal, nommé George Coste, de faire ceste recognoissance pour luy: ce que fit ce Cardinal, dont le Pape reçeut grand contentement, & fit responce fort amiable au Roy, le gratifiant de son auènement à la couronne. Ce pendant Emmanuel estoit occupé à l'expedition des affaires du Royaume. En premier lieu il conferma benignement les donations de toutes les choses que le feu Roy auoit données

3.

* En la prudence d'Emmanuel, qui dispose des affaires du royaume par l'aduis des Estats, on aperçoit le denoir d'un bon Prince.

*Contre ceux
qui pourchas
sent d'auoir
dons & pre-
sents des Rois.*

peu de temps auant que mourir : combien que plusieurs de ceux à qui il auoit donné, fussent plus dignes du gibet que d'autre chose quelcōque. Car il appert assez que ceux qui importunent vn Prince tirant à la mort, de leur donner cecy ou cela, qu'ils n'eussent peu obtenir lors qu'il estoit en plaine santé, n'ont iamais pensé à la fidelité qu'ils doyuent à leur prince, mais seulement à leur profit particulier. Dauantage, eust on trouué plus grande trahison, qu'au temps auquel l'entendement du Prince estoit comme accablé des douleurs de mort, on se seruist lors de sa foiblesse pour tirer de celuy qui leur auoit ia tant fait de faueurs, d'autres nouueaux biens pour satisfaire à leur auarice, & non pour recompenser aucune fidelité que iust en eux? Mais y a-il plus grande inhumanité que se trouuant en presence d'un Roy qui est aux traits de la mort, on ne puisse estre destourné d'une auarice insatiable, par quelque sentiment d'une iuste douleur, ny par quelconque respect d'humanité? Il y a plus, c'est qu'un Roy, qui en tel temps ne reiette point ces requestes importunées & iniustes, semble faire largesse du bien d'autrui, nō pas du sien. Car il dōne ce dont il ne se peut plus seruir. En apres, il rend à son successeur les affaires embrouillees & beaucoup plus falcheuses à desmesler : pource qu'il espuise les finances, fontaines de la liberalité des Roys. Finalement il donne, sans pouoir iuger si ceux qui prennent l'ont meritē, & sans auoir esgard au droit qu'il faut garder en cela. Car qui est le Prince, qui, ayant ia la veue obscurcie, halant & soupirant sans cesse, suant de tous costez, & ne pouuant dire trois mots qu'à grande peine, puisse conoistre exactement la valeur des vns & des autres? Ceux dōc qui au temps que l'esprit du Prince doit estre fortifié de prieres & saints discours, le vont tempester, molester, presser & comme forcer que d'une voix entrerompue & mourante il espanse prodigalement les fināces du Royaume, au lieu de recompensē meritēt d'estre hays & mal-voulus de tout le monde. Toutesfois Emmanuel, pour n'estre estimé ennemy de son predecesseur s'il rescindoit les actes de ce bon Prince, conferma non seulement les biens qu'il auoit faits avec discretion, ains aussi ceux que on auoit obtenus & tirez de lui par finesse. Cela fait il s'a-

donna entierement à administrer iustice. Il chastia rigou-
 reusement les iuges qui donnoient des sentéces iniques. *Les bōs Roys*
 estans corrompus par argent: & reprima plus doucement *administrent*
 ceux qui n'estoyent pas coupables de si lourdes fautes. *iustice: et par*
 Il recompensa ceux qui auoyent gardé leurs mains & cō- *où ils com-*
 sciences nettes, selon la dignité d'un chascun. En apres il *mencent.*
 augmenta le nombre des iuges, afin que tous procès peus-
 sent estre vuidéz plus promptement, & leur acrent leurs
 gaiges, de peur que la pauvreté ne les fist eslongner d'e-
 quité. Puis il enuoya par tous les quartiers de son Roy-
 aume gens honorables & de bonne reputation, avec ma-
 dement authentique pour faire iustice, & arracher, autant
 que faire se pourroit, les plantes de tous vices. Outreplus
 il donna bon ordre aux peages & impôts: car il voyoit
 que l'estat d'un Royaume ne peut prendre pied ferme,
 quand les finances s'escoulent par la nonchalance des of-
 ficiars, ou sont pillées par l'avarice des thresoriers, ou sont
 espuisées par despenſes superflues. Or lon ne ſçauroit biē
 faire la guerre, ni la paix, ni administrer iustice, quand les
 particuliers desrobent, ou quand le Roy despend inuti-
 lement les finances du Royaume, qui doiuent estre l'in-
 strumēt de salut de tout le public. Au reste, afin que tous
 ses suiets se sentissent de sa douceur, il mit les Iuifs en li-
 berté. Et afin de bien entendre cela, il ne viendra point
 mal à propos de discourir & monſtrer plus au long com-
 ment ils furent afferuis.

FERNAND & Isabelle Roy & Royne de Castille, 4.
 ayans entendu pour certain, que les Iuifs habitās en leur
 Royaume auoyent fait des complots fort meschans cō-
 tre la saincteté de nostre religion, les bānirent tous. Cela
 auint l'an mil quatre cens huitante & deux. Mais quel-
 ques vns d'entre eux illuminez du sainct Esprit se firent
 Chrestiens. D'autres monſtrèrent semblāt del'estre, crai-
 gnans d'estre contrains laisser leurs maisons, heritages &
 autres biens, ou les vèdre en temps mal propre pour eux.
 Tout le reste fut chassé. Or estans les vns espars deçà, les
 autres de là, la plus part d'eux obtindrent du Roy lean de
 demeurer pour quelque temps prefix en Portugal sous
 certaines conditions. Les principales furēt: Que chascun
 d'eux payeroit huit escus au Roy, & dās un certain temps

Garder la foy
est une vertu
requisse en
tous, mais es
Princes &
Rois specia-
lement.

sortiroient du Royaume: & si iceluy terminé on les trou-
uoit encor en Portugal, ils perdoient leur liberté: & que
le Roy donneroient leur moyen de se retirer par mer à ceux
qui vouldroient prendre telle route. Moyennant cest ac-
cord, le Roy Iean amassa de grandes finances, qu'il faisoit
soigneusement garder en son Espargne, afin de pouuoir
passer en Afrique. Car l'un de ses plus grands desirs estoit
de faire guerre à toute ouurance aux Mores: non pas tant
pour acquerir renommée, que pour auancer la gloire de
Dieu & la religion Chrestienne. Mais il ne peut executer
ce dessein à cause des empeschemens que luy donnerent
les malheurs, dont il fut longuement molesté en son Roy-
aume: & pource que finalement la mort estouffa toutes
telles entreprises. Neantmoins durant sa vie, il fut soi-
gneux de garder la foy qu'il auoit promise aux Iuifs. Et
pourtant il manda aux gouuerneurs des ports & haures
de Portugal, de faire avec les maistres & patrons de naui-
res, qu'ils menassent les Iuifs à pris raisonnable en tel pays
qu'ils vouldroient. Dauantage il defendit de leur faire
outrage. Ce qui fut autrement executé: car les marchans
& pilotes qui receuoient les Iuifs en leurs vaisseaux leur
faisoyent mille maux sur mer: car au lieu de se contenter
du pris accordé pour le passage, ils en tiroient beaucoup
dauantage par quelque moyen que ce fust, & alongeoyent
leurs voyages de fait d'auis, tracassans ces pauures Iuifs
çà & là, afin qu'ayans mangé leurs viures ils fussent con-
trains d'en acheter de ces marchans & pilotes, qui les leur
vendoyent si cherement, qu'après auoir payé, les Iuifs
demeuroient destituez & nuds. Outre cela ces gens de
marine violoyent les femmes & filles Iuifues, & faisoyent
tant de maux aux maris que c'estoit pitié. Brief, en foulant
aux piedz le nom de Chrestien duquel ils faisoyent pro-
fession, on les voyoit plonger en toutes cruautez & tra-
hisons. Les Iuifs qui s'estoient arrestez en Portugal, trou-
blez de frayeur pour des iniures si atroces (car tels actes
ne pouuoient estre tellement cachez que le bruit n'en
vint aucunement à leurs oreilles) & n'ayans pas le moyen,
à cause de la pauvreté, d'acheter en dedans le terme prefix
ce qui estoit necessaire pour s'embarquer & voyager par
mer, le temps estant expiré, deuindrent esclaves. Par ainsi

celuy qui vouloit auoir vn esclauue Iuif le demandoit au Roy, qui en donnoit à ceux qu'il cognoissoit estre d'un naturel pitoyable & doux, afin que les Iuifs ne fussent accablez de trop dure seruitude. Or cela auint vn peu de temps auant la mort du Roy Iean. Ceux qui cognoissoient bien ce Prince, estimoyent que s'il eust veicu d'auantage, les Iuifs eussent esté affranchis avec quelque douce condition. Tel estoit l'Estat des Iuifs en Portugal, lors qu'Enmanuel commença à regner. Iceluy voyant que malgré eux ils estoient demeurez en Portugal apres le terme porté par l'accord fait avec le Roy Iean, les fit tous remettre en liberté : dont ils furent si ioyeux que ils luy offrirent vne grande somme de deniers laquelle il refusa : car il auoit delibéré d'attirer par beneficence ces pauures gens à la Religion Chrestienne.

5.

APRES auoir commodément & sagement pourueu *Roy de Portugal* à cela & à plusieurs autres affaires, il commença à delibérer de la guerre d'Afrique. Car depuis que le Roy Iean *ennemis iurez des* premier du nom eut à force d'armes & d'argent conquis *Mores.*

Septe, la plus forte ville de Mauritanie, assize sur la coste de mer du destroit de Gibraltar, iamais ses successeurs Roys de Portugal ne laisserent les Mores en repos. Le Roy Alphonse petit fils de Iean premier, & pere de Iean second, emporta de force Tingi & Arzile, qui sont deux villes proches l'une de l'autre. Et cōbien qu'apres la mort d'Alphonse, Iean second se trouuaist assailly de beaucoup de dangers & enueloppé en plusieurs & diuerses difficultez, neantmoins il entretint tousiours ceste guerre avec vn courage inuincible. Emmanuel suivant leurs traces, embrassa ceste guerre de mesme affection. Et pourtant il munit & fortifia les villes de Mauritanie, où il y auoit des soudarts Portugallois, les fit auictuallier pour long temps, & commanda qu'on les fournist de grand nombre d'armes & machines de guerre. Outreplus il acreur la soulde des gens de guerre, & fit de grands presens aux Capiraines, afin qu'estans esmeuz par telles largesses ils en fussent plus hardis & resolu au combat. Considerant aussi que le principal point pour estre heureux en guerre consiste au maintenant de la vraye Religion (car c'est Dieu qui donne le cœur & le bras, instrumens pour obte-

nir victoire; & qui oste esprit & force à ceux qu'il veut confondre) oultre autres recompenses faictes aux gens d'Eglise qui acompagnoient ses gés d'armes en Afrique, il leurs assigna la dixiesme partie de tous les tributs annuels que les Mores ses alliez luy payoiēt. En ces entre-faites le Roy Fernand & la Roynne Isabelle le gratifierent par Ambassadeurs de la succession au Royaume, & d'auiantage le prierent de vouloir espouser leur fille nommee Marie: finalement ils le requierent fort de vouloir reintegrer au pays & en tous leurs biens le fils de Fernand Duc de Corunne. Emmanuel receut vn grand contentement de ceste Ambassade, & fit responce aux Ambassadeurs qu'il n'eust sceu entendre meilleures nouuelles que ceste connoissance d'une si bonne volonté de Fernad & d'Isabelle enuers luy: & quant à son mariage, qu'il n'estoit delibéré espouser femme que premieremēt il n'eust mis ordre aux affaires de son Royaume. Or ne disoit-il pas cela pour estime qu'il eust que ceste alliance ne luy seroit commode, mais pource qu'il aimoit mieux prendre à fême leur fille aînée Isabelle veufue d'Alfonse fils de Iean second. Vray est qu'il ne descouurit pas lors ce qu'il en pensoit. Quant aux fils du Duc Fernand, il promit de donner contentement au Roy & à la Roynne. Au mesme temps, il receut nouuelles de la belle victoire obtenue sur les Mores par Iean Menez gouverneur d'Arzile. Ce qui auint comme s'ensuit.

6.

V A S Q U E Contin Sieur de Borbe, gouverneur d'Arzile, ayant esté chargé de quelque cas vers le Roy Iean, fut contraint de reuenir en Portugal pour s'en purger. Ce pendant il cōmit en sa place Roderic Contin pour pourvoir aux affaires. Alors il y auoit trefue entre les Roys de Portugal & de Fez. Or deux Seigneurs Mores, l'un nommé Barraxa, l'autre Almandarin, fort riches & de grande autorité au pays, n'estoyent point tenus d'observer ceste trefue, à cause qu'ils n'estoyēt pas encore vassaux du Roy de Fez. A ceste cause ils dresserent vne armee & vindrent sur les limites d'Arzile où ils firent vn grand degast. Roderic Contin tire aux champs les troupes qu'il auoit, & resoluement va donner bataille à ceste armee. Les vns & les autres combatirent vaillamment: mais en fin Roderic

accablé de la multitude des ennemis fut tué sur le champ avec plusieurs des siens. Le Roy Iean apres auoir entendu ceste desfaicte, despescha promptement Iean Menez, gentilhomme sage & vaillant, pour gouverner Arzile, avec charge d'encourager à sa venue tous les Portugalois, estés en Afrique. Et pource que quelques Mores stipendiaries s'estoyent rebellez à cause de ceste perte auenue aux Portugallois, & ne vouloyent payer le tribut qu'ils deuoyét au Roy Iean, suivant l'alliance faite entre eux, Menez estima que son premier exploit estoit de les reprimer & ramener à deuoir par force d'armes. Pour executer cela plus commodement, il pria par lettres Loup Azeuede gouverneur de Tingi de luy enuoyer quelques gens de cheual au secours. Ce que l'autre fit, & enuoya cinquâte cheuaux sous la charge de Pierre Leitan guidon de sa compagnie : lequel fit diligence de se trouuer la nuict au lieu que Menez luy auoit assigné. Menez sortit d'Arzile avec cent cinquante cheuaux, & s'estant ioint à la troupe de Leitan, print le chemin pour aller en vn bourg qui auoit commencé la reuolte. Et afin qu'on ne peust descouurir ceste venue, il dressa tellement les gens, qu'ils marchoyét en long & l'un apres l'autre, s'entresuiuans de sorte qu'on ne les pouoit pas rompre aisément. Comme le iour approchoit, les troupes se trouuerent pres du bourg, pour assaillir les ennemis à l'improuiste. Mais il auint qu'au mesme temps Barraxa & Almandarin, accompagnez de deux autres puissans Seigneurs Mores nommez Muzza & Acob, resolurent de venir conquerir ces bourgades qui appartenoyét aux Portugallois. Ils auoyent lors deux mille cheuaux & huit cens hommes de pied. Menez ayât entendu leur entreprise, afin de la descouurir tant plus certainement donna charge à quelques Mores, lesquels luy seruoyent à celà, de surprendre quelqu'un de la troupe des ennemis, pour sçauoir les choses au vray. Ces descouureurs s'acquittent promptement de leur charge & amènent prisonniers trois Mores à Menez, lequel entend par leur bouche que ce qu'on luy auoit rapporté aupara-
uant estoit veritable. Sur ce il resolut de courir sus à Bar-
raxa, Almandarin & à leurs troupes, combien que plu-
sieurs de sa suite fussent de contraire auis : car ses affaires re-

*Sagesse d'un
chef de guer-*

estoyent en tel estat que les Portugallois ne pouuoient reculer qu'avec deshonneur & grand dâger de leurs vies. Et pourtant il estima faire beaucoup plus vaillamment & sagement de charger les ennemis qui ne pensoient à rien moins, que d'estre contraint de les repousser quand ils le poursuiuroient chaudement. Car assaillir son ennemy quoy qu'il soit fort, luy donne neantmoins bien à penser, au lieu que s'il le faut auoir sur les bras, son courage acroit, & a-on double peine, l'une à luy faire teste, l'autre à se desuelopper de sa main. Ainsi donc, Menez partit ses gens en trois escadrons. Il en bailla l'un à Pierre Leitan, composé de cinquante cheuaux qu'il auoit amenez: le second à son neveu Iean fils de Pierre Menez sieur de Cantagnedo avec trente cheuaux: il print le troisieme pour soy avec le reste des gens de cheual. Apres les auoir encouragés & aduertis de ce qu'il requeroit d'eux, il se met au pas pour aller trouuer les ennemis qui s'esmerueilloient de l'audace des Portugallois, & mesprisoient ce petit nombre. Ce pendant ils dresserent premierement trois bataillons: puis changeans d'auis, & afin d'accabler du premier coup les Portugallois, se ioignirent tous ensemble & commencerent à s'auancer. Le premier escadron de Menez se voyant assez pres pour attendre l'ennemy, desmarche furieusement à lances baissées à l'encontre: & les Mores de mesme. Le conflict fut impetueux, & combien que les Portugallois fissent un grand deuoir, toutesfois à cause de tant d'ennemis qui les assailloyent de tous costez, commencerent à reculer peu à peu, tant que le ieune Menez avec sa troupe vint charger les Mores en flanc: ce qui redonna courage au premier escadron pour faire teste plus vaillamment qu'ils n'auoyent fait. Lors Menez voyant qu'il ne falloit plus differer, commande a son guidon de marcher, & avec toutes ses troupes court à bride aualee à trauers les Mores qui soustindrent aucunement ceste charge, mais tost apres ils reculerent, & finalement se desbanderent & s'enfuirent à vau de route. Les Portugallois les chasserent quatre lieues loin, & en tuerent grand nombre: puis reuindrent piller leur camp. En ceste rencôtre plusieurs Mores demurerent sur le châp, grand nombre de prisonniers, &

Le grâd nôbre ne donne point tousiours la victoire.

va riche butin aux victorieux, qui n'y perdirent vn seul homme. Cela fait Menez conduit ses troupes vers les bourgs & villages rebelles, qui s'humilierēt en demandāt pardon, & payerent tout ce qu'ils deuoyent suiuant leur cōpromis. Apres si heureuse expeditiō, le gouuerneur retourna à Arzile, & réuoya Leitā avec sa part du butin. Du temps de ceste rencontre Emmanuel estoit Roy, à la pietē & iustice duquel plusieurs estimerēt que Dieu auoit donē si belle victoire. Au reste, les Estats estoient encores assemblez, qu'une dāgereuse peste enuahit la ville où ils seiournoyent: au moyen dequoy Emmanuel fut contraint de desloger de là, & reseruer en autre temps plusieurs choses concernantes le bien du Royaume.

Vn an apres, qui fut l'an mil quatre cens nonante six, quelque temps auant Pasques il se transporta a Seruval, où ses sœurs Eleonor veufue de Iean, & Isabelle veufue du Duc Fernand l'attendoient. Apres auoir fait ses Pasques selon la coustume, il s'employa comme deuant aux affaires du Royaume. En premier lieu il rappella & remit en leurs premiers honneurs Iacques fils de Fernand, le quel s'estoit banny volontairement de Portugal, apres la mort de son pere, comme dit a esté cy dessus: Item Denis son frere, Aluares son oncle, & Sanche son frere de pere, fils d'Alfonse Sieur de Faron: & voulut que ceste Seigneurie de Faron chāgeast de tiltre, & qu'elle fust appelée la Contē de Demire. Outreplus il fit grace à d'autres, qui pour crime de trahison auoyent esté bannis du temps du Roy Iean: mais specialement il se monstra fort liberal enuers les Seigneurs susnōmez. Et pource que le Roy Iean auoit donné partie de leurs biens à quelques autres siens fideles seruiteurs: Emmanuel ne voulant donner occasion à personne d'eux de se plaindre, leur fit tant d'autres dons & presens qu'ils souffrirēt volontairement d'estre priuez de la possession de ces biens dont ils auoient iouy longuement. Plusieurs condānoient en diuerses sortes ceste magnificence. Les vns disoyent que c'estoit vne faute de voir faire tant de bien, & reſtablir ainsi legèrement en leurs honneurs les fils de ceux qui auoyent esté ouillez de l'ignominie d'une trahison. Les autres ne blasmoient pas la largesse du Roy, ains seulement requeroiēt

7.

1496.

Clemence
Royale.Prudence re-
quise pour cō-
tenter chas-
cun.

quelque mesure en icelle:alleguans que c'estoit incōmo-
 der le public d'espuiser en vn moment de temps les finā-
 ces, qui sont les nerfs d'un Royaume. Nonobstāt tous ces
 bruits le Roy ne desista point de se monstrier liberal. Car
 il se souuenoit que quelques vns de ceux qui auoyēt esté
 condānez n'estoyent pas tellemēt conuaincus que pour-
 tant leur nom deust demeurer tousiours diffamé. Dauan-
 tage, que ce n'estoit pas raison que les enfans fussent cha-
 stiez pour leurs peres. En apres, le deuil continuel de sa
 sœur Isabelle le semondoit à se monstrier benin: car il sca-
 uoit que ceste vertueuse & excellente dame auoit crou-
 py en perpetuelle destresse & fascherie depuis que son
 mary auoit esté executé à mort, & ses fils chassiez du Roy-
 aume. Qui plus est, sa mere Beatrix le prioit cōme Roy,
 & en qualité de fils l'admonnestoit, de ne perdre ainsi ses
 parens, ains les remettre en leurs honneurs, ce qui ne se
 pouuoit faire, si on ne les reestablistoit au degré duquel ils
 estoient decheus. Ce n'est point à vous seul (disoit elle)
 " que la couronne est escheuë, mais aussi à vostre mere, à
 " vos sœurs, à vos parens, brief, à tous ceux qui appuyent le
 " bien de leurs affaires sur vous. Si nous sommes fraydez
 " d'un tel espoir, à qui recourrons-nous? qui nous aidera? Si
 " vous n'avez esgard à nous, selon que nous l'esperons, il
 " faudra que nous vous voyons à contre cœur esleué en la
 " dignité Royale: car quand vous estiez en vostre particu-
 " lier, il nous estoit loisible seulemēt de pleurer nostre mal-
 " heur. Or maintenant outre ces gemissemens y aura cela
 " de pis, que nous lamenterons pour le tort qu'aurez fait à
 " vostre mere & à vos parens. Pourrāt, si vous auez la pieté
 " en recommandation, si vous auez souuenāce de celle qui
 " vous a enfanté, nourry, & tousiours aymé cheremēt, ayez
 " soin de nous tous: rendez la fille à vostre mere, les enfans
 " à vostre sœur, & moy toute entiere à moy mesme. En ce
 " faisant lon ne vous pourra accuser d'auarice, au contraire
 " vous serez grandement estimé pour vostre bonté & ma-
 " gnificence. Tels & semblables propos luy tenoit sa mere:
 sa sœur l'en sollicitoit iournellemēt les larmes aux yeux:
 les Roy & Roynie de Castille l'en prioient instammēt par
 lettres & Ambassades. Et pourtant il fut impossible au
 Roy, qui estoit d'un naturel benin, de mespriser le desir
 de

de sa mere, ou reietter les requestes de sa sœur, ou bouscher l'oreille aux prieres de ces bō Roy & Roync. Apres cela il fit diuers presens & recompēses à plusieurs gentils hommes, entre autres à Jacques Syluius, personnage de fort bon entendement, qui auoit esté son precepteur. Puis il enuoya Pierre Correa, homme bien estimé pour l'adresse de son esprit, vers le Pape Alexandre, pour solliciter quelques affaires concernans l'estat du Royaume, & pour ramener aussi le Cardinal de Portugal. Ce Cardinal, nommé George, estoit de petite maison, mais doué d'un grand cœur & d'un excellent esprit. Il fut en grand credit pres de Catherine fille du Roy Edouard, Princeesse fort vertueuse, & qui ne se voulut iamais marier. Auint qu'il entra en son seruice, & elle ayant cogneu la bonté & sagesse de ce personnage, luy fit donner force bons benefices, en l'administration desquels il se gouuerna tres-sagement: finalement il fut Euesque, & monta en d'autres degrez d'honneurs, tant que du commun consentement des autres Cardinaux il fut receu de leur nombre par le Pape. Il se portoit fort dextremement en ceste dignité, & estoit bien voulu & bien venu pres des Papes. Le Roy Ieā venant à la Couronne persecuta ce Cardinal, lequel il estimoit luy estre aduersaire: ce neantmoins le Cardinal se maintint en son rang & autorité, quoy que le Roy luy en voulust. Apres la mort de Iean, Emmanuel le pria par lettres de reuenir en Portugal, & que pour heureusement manier les affaires de son Royaume il auoit grād besoin de son conseil. Le Cardinal promit de reuenir. Mais Correa estant arriué à Rome, il changea d'avis, s'excusant sur son aage & sur sa foiblesse: & que le Pape ne luy vouloit permettre d'entreprendre ce chemin. Cependant il sollicita & fit expedier les affaires du Roy avec grand diligence & fidelité. En ces entrefaites le Royaume de Portugal estoit trauaillé de peste, si que le Roy fut contraint aller d'un pays en autre: & s'estât retiré en vne ville nommee les Tours-vieilles, l'Ambassadeur de Venise l'y vint trouuer, pour le gratifier au nom de la Seigneurie, de la dignité Royale en laquelle il estoit esleué, & pour luy offrir seruice de la part des Seigneurs & du peuple de Venise. Cest Ambassadeur fut magnifiquement recueilly,

& receût l'ordre de Cheualerie de la propre main du Roy: puis fut renuoyé avec tant de presens, que par son propre rapport, & par les amiables lettres que le Roy escriuit par luy, toute la Seigneurie de Venise fut beaucoup plus affectionnée enuers le Roy qu'au parauant.

EMMANUEL ayant expédié ce que dessus, entreprint & vint à bout d'une autre besongne que ses predecesseurs auoyent voulu amener à fin, mais n'auoyent iamais peu. Au temps que la pluspart d'Espagne estoit sous la puissance & domination des Arabes, la guerre s'estant allumée & continuant sans trefues asseurees entre eux & les Chrestiens, quelques gentils-hommes, vaillans & bien affectionnez à la Religion, firent promesse solennelle de combattre toute leur vie pour la gloire de Iesus Christ, sans poser les armes ny donner relasche aux ennemis. Pour executer ceste promesse plus alaigremēt, & seruir à Christ plus commodement, ils ne se voulurent point marier, employās le temps au seruice de Dieu & au manient des armes. Leur zele estoit si seruent qu'ils estimoyent bien-heureux ceux qui mouroyent en combatant valeureusement pour la defense du pays & de la religion Chrestienne. Plusieurs ensuyuirent leur exemple, tellement que de là nasquirent plusieurs ordres de religions militaires, à qui les Roys donnerent de grans biens, & qui furent approuuez des Papes. De ces ordres sortirent des vaillans Cheualiers qui maintesfois donnerent la chasse & desfirent les Mores, au grand honneur de la Chrestienté. Ils portoyent tous sur la poictrine vne figure de la Croix, partie de drap rouge, partie de verd, cousue sur leurs habillemens. Alors aussi florissoit en Espagne l'ordre des Templiers & des Cheualiers de Sainēt Iean de Ierusalem, où ils auoyent commencé incontinent apres la prinse d'icelle par les Chrestiens sur les Sarasins. Or cōbien que ces ordres eussent diuers reiglemens & marques pour estre distinguez les vns d'avec les autres, toutesfois tous s'accordoyēt en cela, que par vœu solennel ils promettoyēt à Iesus Christ de n'auoir iamais compagnie de femme, d'estre obeissans au grand Maistre de l'ordre, & de n'auoir en eux aucune tache d'avarice. Apres que Philippes le Bel Roy de Frâce y eust aboli l'or-

dre des Templiers, le Roy de Portugal, lors nommé Denis, établit en son Royaume vn nouuel ordre de Cheualiers, autres que les precedens : & tascha de faire que les Templiers de Portugal (en l'ordre desquels estoient receus tous les vaillâs & notables Cheualiers qui s'y venoient rédre, de quelque pays qu'ils fussent, pourueu qu'ils fussent Chrestiens) ne perdissent leurs biens ny leurs hōneurs. Et pour tant il ordonna que les peages & reuenuz assignez aux Templiers en Portugal, leur demeureroient, à condition qu'ils changeroient d'ordre & de nom. Ainsi donc ils furent appelez Cheualiers de Christ, & fut ordonné par luy que les Cheualiers de cest ordre porteroient vne croix blanche enchassée dans vne croix rouge, afin d'estre discernez plus aisément d'avec les autres Cheualiers. Apres cela il requit le Pape, de vouloir confermer cest ordre, lequel accrout & deuint riche & opulent. Or Emmanuel considerant le danger auquel les Cheualiers tant de cest ordre que des autres pouuoient tomber, (car si contre leur vœu ils venoient à paillarder, c'estoit se rendre coupables d'une grande meschanceté, outre ce que les enfans procedans d'eux seroient diffamez de ceste ignominie qui est commune à tous les bastards, tant nobles puissent estre ceux qui les ont engendrez) pria le Pape Alexandre de deslier de ce vœu de perpetuelle virginité tous les Cheualiers Portugallois, qui de là en auant se rangeroyent à quelqu'un de ces ordres. Quant à ceux qui l'estoyent desia, il ne se pouuoit faire qu'ils obtinssent ce mesme priuilege. Le Pape accorda cela au Roy, & depuis il fut permis à tous Cheualiers de religion, excepté à ceux de l'ordre de Saint Iean de Ierusalem, de se marier. Il y a beaucoup de gens qui louent ceste pouruoyance du Roy, qui coupoit proche aux vices, & deliuroit les siens d'un grand danger, à sçauoir de tomber en paillardise. Mais de ma part, je ne sçay si ceste pouruoyance à point fait plus grande fresche au mal qu'autrement. Car en premier lieu iadis relasche de discipline ne fut salutaire. Parquoy il faut estroittement serrer les choses qui se laschent, & les ramener au point d'où elles sont decheutes, si nous voulons que ce qui a esté louablement estably, serue & proufite de mieux en mieux. D'auantage, nous

voyons que par le soin de mesnage, ceste ardeur au combat que lon remarquoit és anciens Cheualiers est estainte en partie. Car ceux d'auourd'huy sont plus froids & moins resolu : & apres auoir quelque peu de temps porté les armes, ils se vont donner du bon temps, beaucoup plus tost & plus volontiers qu'il n'appartient. Dauantage, lors que le mariage leur estoit interdit, il est vray semblable que plusieurs se rendoyent Cheualiers, plus pour zele qu'ils auoient à la Religion, que pour prouit qu'ils y pretendissent. Mais maintenant que ceste deuotion est refroidie, & qu'on a osté ce que plusieurs estimoyent trop rigoureux, nous pouuons dire, avec coniecture apparente, que ceux qui se vont ranger à ces ordres, n'ont esgard qu'à se faire riches & grands. Finalement, ceste fenestre de conuoitise & d'ambition estant plus large auourd'huy que iamais, les choses sont venues peu à peu à telle extremité, que ce qui estoit bien fondé est allé par terre. Carnous voyons telles gens mespriser la promesse qu'ils ont faite à Iesus Christ, violer les choses saintes: il y a des audacieux & meschans qui mangent les biens de l'Eglise : & d'autres qui ne se sont iamais opposez à l'ennemy, regorgent neantmoins de biens destinez à saincts vsages, & en abusent à toute intemperance & dissolution. Mais cessons de deplorer ce à quoy nous ne scaurions mettre ordre.

8.

A PRES cela, Emmanuel mit la main à vn affaire, duquel on deuisoit par tout le Royaume, & dont les gens de son conseil disputerent diuersémēt. La question estoit, à scauoir si lon deuoit chasser les Iuifs bannis de Castille, selon ce qui auoir esté arresté du temps du feu Roy Iean: ou s'il leur falloit permettre de demeurer en Portugal, où ils s'estoyent arrestez & auoyent esté receus. Le Roy & la Royne d'Espagne admonnestoyent par lettres le Roy Emmanuel, de ne permettre à ceste meschante nation, haye de Dieu & des hommes, de s'arrester en Portugal. Emmanuel mit cest affaire en deliberation, estimant que il y falloit penser de pres. Aucuns de son conseil disoyent qu'il n'estoit pas raisonnable de chasser vne nation, que le Pape permettoit habiter à Rome & és autres villes appartenans à l'Eglise de Rome. Qu'à ceste exēple plusieurs

Princes Chrestiens en Italie, Alemagne, Hongrie & autres lieux de l'Europe, laissoient les Iuifs demeurer, & trafiquer en leurs pays. Dauantage, qu'en les bannissant d'un quartier, ils ne despoillent pas pourtât leur malice: ains que ceste meschâre natiõ laissoit mesmes marque de sa meschâceté par tout où elle mettoit le pied. Que ce n'estoit point fait sagemēt d'estre plus esmeu du mal cõmis en un endroit qu'en un autre. En apres, que si les Iuifs passoyēt en Afrique (ce que chascun tenoit pour assüré, au cas qu'on les fist sortir de Portugal) il ne faloit plus riē esperer de leur cõuersion. Que pendant qu'ils conuersoyēt parmy les Chrestiens, la hantise, l'exemple de la bonne conuersation des gens de bien en attiroit quelques uns à Iesus Christ: ce qui ne se pouuoit nullemēt faire entre les Mahumetistes. Outre plus, que cestoit endõmager le public de permettre que ceste nation portast aux Mores les deniers dont les particuliers auoyent abondance: & que les Iuifs descouuroient aux ennemis diuers moyēs pourroyēt aucunemēt nuire aux Portugallois. Les autres alleguoient au contraire, que ce n'estoit pas sans cause que ce peuple auoit esté chassé de Frâce, de plusieurs lieux d'Alemagne, & des royaumes d'Aragon de Castille: que les Princes qui auoyent la pieté plus reccommändee que les impôts & tributs auoyent suffisamment cogneu que les Iuifs essayoyent à desbaucher de la foy les simples gens, souilloient par vilains outrages le tressainct nom du fils de Dieu: que leur frequentation abbruoit plusieurs personaes d'erreurs fort pernicieus, & que ceste peste gaignoit mesmes les pauures paysans. En apres, que c'estoit se hazarder par trop de se fier de chose aucune aux ennemis du nom Chrestien, qui n'ont religion quelconque qui les retienne de descourir aux ennemis tout ce qu'ils pourroient sçauoir, & vèdre à beaux deniers cõtens la vie de ceux parmi lesquels ils habitoyēt. S'il faloit toucher au profit qui pouuoit reuenir de les laisser ou chasser, qu'il y auoit bien plus d'acquest d'enuoyer hors ceste nation née pour tromper les autres, avec les biens qu'elle possèdoit lors, & auant qu'elle eust mis la griffe sur les impôts & peages publics, que d'estre en peine de la faire desloger apres qu'elle auroit attrapé tous les de-

*Discours mō-
strant si les
Iuifs sont sup
portables, ou
non, entre les
Chrestiens.*

1497.

*Les sages Prin-
ces ne s'enue-
loppent point
en guerre le-
gerement, ny
ne faussent la
foy promise.*

*Expediēt in-
iuste n'excu-
se point le zele
inconsideré,*

niers du Royaume. Qu'en les chassant promptement, ils n'emporteroyent que ce qu'ils auoyēt apporté d'ailleurs. Mais que s'ils demeuroyent plus longuement en Portugal, c'estoit chose affeuree que par leurs finesse & meschantes pratiques ils ruineroyent vne infinité de gens. Le Roy embrassant ce second auis, ordonna que tous les Iuifs & Mores qui ne se voudroyent faire Chrestiens, eussent à vuidier hors de Portugal: & assigna vn iour, apres lequel expiré seroyent esclaves tous ceux que lon trouueroit dedans le Royaume. Au commencement de l'annee suyuant, qui fut l'an mil quatre cens nonante sept, le Roy Fernand & la Roynie Isabelle, qui estoient bien auant aux mains contre Charles huitiesme Roy de France, enuoyerent leurs ambassadeurs en Portugal pour confermer avec Emmanuel les alliances contractees entre eux & le feu Roy Iean: Item pour demander secours à Emmanuel contre Charles. Quant aux alliances elles furent confermees tres-volontiers par le Roy & par tout son conseil. Mais pour le regard du secours, Emmanuel fit responce qu'il estoit en paix avec Charles huitiesme, & que ce seroit vne grand' honte à luy de violer l'alliance qu'ils auoyent ensemble, & courir sus aux François qui ne luy auoyent fait aucun tort: veu mesmes que la guerre estoit esmeue fort loyn delà, & que les François n'auoyent pas encor enuayhy l'Espagne: ce qu'aucunant, lors il donneroit secours à Fernand & à Isabelle, pour l'estroite conionction qu'il auoit avec eux, & que de son costé il employeroit tous ses moyens pour reprimer les François. Ceste responce contenta fort Fernand & Isabelle, telon qu'ils en monstrent le semblant. En ces entrefaites, le terme donné aux Iuifs, qui ne se voudroyēt faire Chrestiens, pour sortir de Portugal, approchoit. A l'occasion dequoy tous faisoient leurs apprests en grande diligence pour s'embarquer. Mais Emmanuel ne pouuāt souffrir que tāt de milliers d'ames s'allassent precipiter en damnatiō eternelle: pour garantir de ce dāger les enfans des Iuifs, s'auisa d'vn expedient inique & iniuste à executer, & qui procedoit toutesfois d'vne bonne volonte & rendoit à bonne fin. Car il commanda que les enfans massés Iuifs, qui n'auoiēt

encor attaint l'aage de quatorze ans, fussent enleuez, *que l'on ap-*
d'entre les mains de leurs peres & meres, pour ne les plus *pelle bonne*
voir, & les faire instruire au Christianisme. Or cela ne se *intentiō, son-*
pouuoit faire sans grand trouble: car c'estoit pitié de voir *nētesfois cas*
arracher les petits enfans du giron de leurs meres, traîner *se de grandes*
les peres qui les tenoyent embrassez, & à grands coups *cruautex.*
de baston les contraindre de lascher prise: les cris horri-
bles resonnans de tous costez, & l'air rempli des pleurs
& lamentations des femmes. Il y en eut qui ne pouuans
souffrir telle indignité, iettoient leurs enfans en des
puys profonds. D'autres transportez de cholere & de ra-
ge se tuoyent de leurs propres mains. Et pour accabler
du tout ceste miserable nation, apres les auoir ainsi outra-
gez, encor ne leur voulut on permettre de s'embarquer
pour faire voile & passer en Afrique. Car le Roy auoit tel
desir que ces Iuifs se fissent chrestiens qu'il estimoit qu'il
les y falloit attirer partie par amour, partie par force.
Ainsi donc, combien que selon l'accord il falust permet-
tre aux Iuifs de monter sur mer: neantmoins cela se re-
mettoit de iour à autre, afin d'eux donner temps pour
changer d'avis. Suyuant quoy aussi, au lieu que du com-
mencement on leur auoit assigné trois ports pour se met-
tre à la voile, le Roy fit deffences qu'aucun d'eux n'eust
à s'embarquer en autre port qu'en celuy de Lisbonne. Ce
qui fit qu'une multitude innombrable de Iuifs se vint
rendre là. Mais cependant le iour limité, escheut: par
ainsi ceux qui n'auoient moyen de desloger, perdirent
leur liberté: tellement que plusieurs d'entr'eux, vaincus
par tāt de maux, aimerēt mieux se faire Chresttiēs, les vns
par quelque bonne intention, les autres par maniere d'a-
quit & par cautelle, que viure en telle misere. Apres auoir
donc declairé qu'ils vouloyent viure comme les autres
Chresttiens, & esté baptisez, on leur rendit leurs enfans,
& les remit on en liberté: dauantage le Roy se monstra
fort gracieux en leur endroit, leur fit plusieurs presens,
& ainsi ils demurerent en Portugal avec assez bonnes
commoditez. Mais tout ce traitement fait aux Iuifs n'e-
stoit fondé en loy ny en Religion quelconque. Car est-ce *Raisons mō-*
biē fait de cōtraindre des cœurs rebelles, & qui ne sont te *bras qu'Em-*
aus p aucune promesse, à croire des choses qu'il meprisēt *manuel n'a e*
sté fādē en loy

ni religio au- & reiettent obstinément? Qui prendra l'autorité d'empes-
 cune quand il cher la franchise de la volonté & refrener les esprits elga-
 a cōtraint les rez? Cela ne ce peut faire, & le fils de Dieu n'approuue
 Iuis de se fai point telle violence: car il demande des hommes vn sa-
 re Chrestiens. crifice volontaire, non point contraint ni tiré par ri-
 gueur: & ne veut point que l'on force les consciences,
 ains que par douceur & amitié l'on attire les cœurs à la
 vraye Religion. Au reste, qui est l'homme qui l'ose at-
 tribuer ce que le Saint Esprit seul fait en l'entende-
 ment de ceux qui ne resistent pas obstinément iusqu'au
 dernier soupir aux gracieux effects d'iceluy? Car c'est
 luy seul qui esclaire, attire & semond les consciences, &
 qui ameine à la conscience & communion de Christ
 ceux qui embrassent vn si grand bien avec vn cœur hum-
 ble & bien affectionné. Finalement, qui ne void combien
 c'est vne chose indigne de donner comme en garde à gēs
 mal rangez à la Religion les mysteres & signes sacrez d'i-
 celle? bailler inconsidérément occasion de mal à ceux
 qui se moquent de la Chrestienté, & qu'en faisant ainsi
 semblant d'embrasser vne religion on la viole & diffame
 en toutes sortes? Neantmoins plusieurs cuident la bonne
 intention du roy estre digne de louange, alleguans qu'il
 auoit fait cela par deuotion, & pour amener les Iuis fina-
 lement à sa'ut: mesmes il y auoit certains personnages,
 qu'on estimoit bien doctes & fort religieux, qui souste-
 noient vn tel fait estre licite, & que d'autres Princes
 Chrestiens l'auoyent pratiqué. Mais on a tousiours trou-
 ué, & n'y aura iamais faute de gens, qui accommodent
 leur discours pour se mettre en la bonne grace des Prin-
 ces. Vray est que de iour en iour de cest acte peu iuste
 d'Emmanuel on void sortir de beaux fruiets. Car les en-
 fans de ceux qu'on soupçonnoit estre Chrestiens par sain-
 tise, avec le temps, par viage, coustume & discipline, ont
 oublié l'hypocrisie de leurs peres, & sont deuenus bons
 Chrestiens. Par le moyen sus declairé, vne partie des Iuis
 deslogea de Portugal, ceux qui y restirent perdirent ce
 nom. Quant aux Mores, ceux qui ne voulurent point abi-
 urer l'erreur execrable de Mahumer, se retirent en Afri-
 que. Et ne leur fut donné aucun empeschement, comme
 aux Iuis, de peur que les Chrestiens qui estoient en Afri-

Les princes
 n'ont iamais
 faute de flai-
 leurs pour ex-
 ercer leurs
 antes.

que ou en Asie, sous la puissance des Sarasins, ne fussent mal traitez à cause de cela.

EN la mesme annee, le Roy commença à traicter du mariage qu'il desiroit: car, suyuant ce qui a esté touché cy devant, il portoit affection à Isabelle veuve d'Alfonse fils du feu Roy Iean, & la vouloit à femme, à cause de sa sagesse & vertu. Il communiqua son desir à Aluaro frere du Duc Fernand, lequel auoit grand credit enuers le Roy & la Royne d'Espaigne, & qui ayant promis de s'employer en cest affaire, s'achemina en Castille, d'où il escriuit à Emmanuel, l'aduertissant que le Roy & la Royne estoient en assez bonne volonté d'estétre à l'aliance qu'il desiroit. Suyuant cela Emmanuel despescha son grand Chambellan, gentil homme fort sage, pour aller trouuer le Roy & la Royne d'Espaigne, qui le receurent avec vn fort bon visage, & accorderét leur fille au Roy de Portugal. Mais Isabelle qui estoit ieune, ne pouuoit cōdescendre à cela: car en partie de tristesse qu'elle auoit de la mort de son feu mary, on la voyoit tellement deffaite & abatue qu'à peine se pouuoit elle soustenir: en partie aussi n'estimoit elle bien seât de se marier encor vne fois, & à peine luy pouuoit on persuader de cōdescendre au vouloir de son pere & de sa mere touchant ce mariage. Mais en fin les admonitions & prieres de son pere & de sa mere, les exhortatiōs de plusieurs bons & saints personnages, qui luy demonstroyent que ceste alliance maintiendroît l'Espaigne en paix, rompirent sa premiere deliberation, tellement qu'elle accorda ce qui plaisoit à ses pere & mere. Or tandis qu'on apprestoît ce qui estoit requis pour l'amener & pour la receuoir en Portugal, le Roy Emmanuel entreprint vn affaire de notable consequence & digne d'estre celebré à iamais. Pour entendre mieux que c'est, il faut prendre le propos de plus haut, & venir à ce qui en a esté la premiere occasion.

Par qui, à

JEAN premier de ce nom, Roy de Portugal, qui quelle occasiō avec grande gloire garanti son Royaume du rauage de & en quel tous ennemis sur lesquels il gaigna de belles victoires, tēps les Portugais qu'il estoit fort vieil, ne desista pourtant d'entreprendre choses qui augmentassent de plus en plus sa Royauté. Et pourtant il fit equipper & armer grand frigate, &

*passerēt la li
gnequinocēti
ale finalēmēt
& depuis se
hazarderent
encor plus a-
uant.*

*La nauiga-
tion moyen
propre pour
faire cognoi-
stre Iesus
Christ aux
peuples bar-
bares : mais
ce moyen a
esté mal sui-
uy, & pire-
mēt executé,
d'autant que
l'auarice &
l'ambitiō ont
possedé ceux
qui, en deli-*

nombre de vaisseaux, par le moyen dequoy il se rendit
maistre de Septe, qui est la plus grāde, riche, & forte ville
de Barbarie, assize à la coste de la mer pres du destroit de
Gibraltar. Ceste prinse donna occasion aux Portugallois
mis en garnison dans Septe, de voguer plus loing avec
leurs armes. Depuis, Henry fils de Iean, qui s'estoit vail-
lamment porté en la prinse de Septe, voulut a cheminer
plus loin ceste entreprise & fit faire quelques nauires pour
courir la coste d'Afrique, & molester les pays de Barba-
rie tendans vers le midi de là le destroit. Et apres de grād
desir qu'il auoit de descouurir les pays inconnus, il donna
charge aux capitaines des nauires d'aller encōres plus a-
uant. Ce desir suiuy de l'industrie de plusieurs vaillans
hommes, & de l'euēnement de diuerses tempestes dont
leurs vaisseaux se trouuerent agitez, fut cause que les
Portugallois conquirent non seulement vne bōne partie
de l'Afrique prochaine de l'Ethiopie, ains aussi beaucoup
d'Isles en la mer Oceane. Et tant plus les pays où abor-
doient les nauires Portugaloises estoient eslongnez, &
si l'on y trouuoit des choses plus nouuelles qu'ailleurs,
plus ce bon Prince desiroit qu'on alast descouurir enco-
res plus loin. Car c'estoit vn Prince de grand cœur & qui
craignoit Dieu : aussi n'auoit il pas tant esgard à se faire
renommer par telle entreprise, qu'à l'auancement du
Royaume de Iesus Christ. Or pensoit-il que le moyen
plus propre pour publier le nom de Christ entre les nati-
ons barbares eslongnees de l'Europe, estoit la nauiga-
tion. Pour executer cela plus commodément, il se retira
au quartier de Portugal, que l'on appelle le Royaume
d'Algarve, en vne ville nommée Sagres à deux lieues du
Cap de Sainct Vincent, afin d'enuoyer de là la flotte de
ses nauires, pour aller descouurir le chemin aux pays O-
rientaux. Mais la mort l'empescha de paruenir à ce à quoy
il aspirait : & sortit de ce monde l'an mil quatre cens
soixante, estant aagé de soixante sept ans. Il ne laissa
point d'heritier : car il ne s'estoit point marié, & mesme en
tout le cours de sa vie, il se porta tellement qu'il n'eut a-
faire à aucune femme. Apres sa mort, son neueu Alfon-
se fils de son frere le Roy Edouard, ne peut, à cause des
grandes guerres qu'il auoit sur les bras, descouurir plus

auant en mer qu'auoit fait Henry. Finalement, leau fils; *urant les*
d'Alfonse, estant Roy, s'adonna tellement à ceste entre- *barbares de*
prise, & employa tant d'argent & de gens apres, que ses *leurs premie-*
nauires descouvrirent la plupart de l'Etiopie, & allerent *res superstiti-*
iusques es pays que les anciens Geographes estimoyent *ons, leur ont*
estre inaccessible. Encore ne se contenta il pas de cognoi *porté finies*
stre le pays qui est sous la ligne equinoctiale. (aini ap- *meschacetez,*
pellent les Astrologues ceste borne du ciel qui partie le *par lesuelles*
Zodiaque en deux parties esgales: pource que le Soleil *ce peu de bon*
estât paruenue a ceste partie du ciel, le iour & la nuit sont *naturel qui*
esgaux) ains ordonna à ses gés de voguer par de la & d'al *ponnoit estre*
ler descouvrir ces grandes estendures de pays qui sont ou- *en ces pau-*
tre la ligne, où le soleil se retourne de la partie meridio- *ures pen-*
nale. Au moyen de quoy ils furent contrains, estans si *ples a esté du*
eslongnez du Septentrion, & ayans perdu de veue le Pole *tout corrom-*
Arctique, marquer d'autres estoilles au ciel meridional, *pu.*
contraires à celles du Septentrion, pour dresser leurs
carres & routes selon icelles. Or apres que l'on fut accou-
stumé à ces voyages, & que chacun talchoit à l'enuie de
son compaignon de s'auancer tousiours plus auât & des-
couvrir nouueau pays: il auint que les nauires du Roy
paruinrent pres d'un promontoire le plus grand qui ait
encores esté veu au monde. Car l'un de ses costez qui re-
garde l'Occident, s'estend si auant vers le Midi, que sa
pointe est eslongnée de la ligne equinoctiale d'enui-
ron trente cinq degrez. Les astrologues appellét Degré
vne partie de trois cens soixante, en quoy le monde est *Vn degré con-*
diuisé par eux. De la ligne equinoctiale, iusques au de- *tient dixsept*
stroit où ce promontoire commence, tirant vers le Sep- *lienes & de-*
tentrion, il y a enuiron quatre degrez. Ces trenteneuf *mie de che-*
degrez sont six cens quatre vingts & deux lieues & demie *min, soit en*
d'un costé, & autant de l'autre, quand il faut doubler ce *latitude ou*
promontoire: tellement que ce sont mil trois cés soixá- *longitude, en*
te cinq lieues. Voilà la longueur de ceste pointe de terre. *terre & en*
Il est vray que le costé vers Orient est beaucoup plus *mer.*
long. Or en tournoyant ce promontoire, les Portuga-
lois furent tant tourmentez & battus des vagues, qu'à to-
cups ils n'attendoyent que la mort. Au moyen de quoy
ils appellerent ce promontoire le Tourmenteux. L'ayans
descouuert ils repreant la route de Portugal, & com-

*Cap de bone
esperance, pour
quoy & par
qui ainsi ap-
pellé.*

me ils monstroient au Roy Iean l'affiette & longueur de ce promontoire, vne si grande ioye le faist qu'il estima auoir trouué le passage pour entrer aux Indes: & comme touché d'une assurance d'heureux succes, commanda que lon appellast ce promontoire le Cap de bonne esperance. Cependant il enuoya en Alexandrie des Iuifs & des Chrestiens qu'il conoissoit propres à tel afaire, afin d'aller de là en Ethio pie qui est sous l'Egypte, puis s'embarquer pour aller aux Indes, afin de sçauoir de gens experts en la nauigation par quel moyen le plus commode on pourroit de là en auant paruenir aux Indes par ceste route du Cap de bonne esperance. Dauantage il fit equipper des vaisseaux pour aller trouuer ce chemin qu'il auoit si grand affection de secourir. Mais la mort rompit toutes ces entreprises du Roy Iean, lequel avec la couronne laissa pour heritage à Emmanuel le soin de ceste descouuerte, & le moyen pour se faire beaucoup plus grand Seigneur. Plusieurs d'entre les conseillers d'Emmanuel tachoient luy oster ceste fantasie de la teste, disans que ceste esperance estoit incertaine, le danger tresgrand & tout euident, la nauigation fascheuse: quel'Inde estoit eslongnée de Portugal de plusieurs milliers de lieues, & qu'il ne se pouuoit faire que le profit d'un si penible trauail peust recompenser les pertes & incommodeitez qu'apporterait vn chemia si perilleux. Outreplus, qu'il auroit à combattre le Souldan d'Egip te, prince fort puissant es pays de Leuant. Item, que si les choses succedoient bien, les autres Princes Chrestiens luy porteroient enuie & luy pourroient courir sus. Et s'il desiroit acquerir renom, la guerre d'Afrique accroistroit assez sa gloire, s'il y vouloit employer ses moyens. Quant au profit, il auoit moyen de tirer vne infinité de deniers & de commoditez des prouinces d'Ethiopie, dont les vnès luy estoient suiuettes & les autres tributaires. Ces discours & autres semblables ne peurent destourner le Roy de son entreprinse: car il sçauoit que ses predecesseurs Henry & Iean n'auoient esté retardez par tels auis de faire descouurer les chemins de mer, dont le Royaume de Portugal auoit esté fort accommodé depuis. Il n'ignoroit pas aussi que la desiance acompagne vn cœur

bas & lasche: qu'au contraire vne grande esperance est ordinairement coniointe avec vne magnanimité & vertu singuliere. Partant il aima mieux ensuiure les traces des vaillans princes de son sang, que s'accommoder aux volonte de gens trop scrupuleux & craintifs. Ce qui le mouuoit encor outre cela, estoit vne certaine prediſtion procedante de l'auis du Roy Icaa, qui luy auoit conſeillé, lors qu'il estoit encores ieune, que pour deuise il adiouſtaſt à ſes armoiries & portaſt vne ſphere, en laquelle fuſſent pourtraits les cercles celeſtes: prediſant par cela que ſous Emmanuel, qu'il contemploit ia comme ſon ſucceſſeur, les Portugallois deſcouuſſeroient avec grand gain & renom perpetuel, vn nouveau ciel *L'auarice &* & les pays plus eſlongnez de nous, tant en Orient qu'en l'ambitiō, cō- *Selliers d'en-* Occident. Pour la coucluſion, le grand deſir qu'Emma- *treprinſes pa-* nuel auoit de faire conoiſſre, & faire receuoir en pais e- *rilleanſes, ont* ſtranges la religion Chreſtienne, ne permit qu'il acquieſ- *beſoin de beau* çaſt à l'auis de ſes Conſeilliers, gens timides & de petit *pretente.* courage.

AINSI donc il fit venir en cour Fernand Laurent perſonnage d'autorité & prompt à executer aſaires, auquel il commande d'equiper vne flotte de nauſres au pluſtoſt qu'il ſeroit poſſible, & les munir de toutes choſes neceſſaires. Il manda querir auſſi Vaſque de Gama gentil-homme vaillant & ſage, & en qui il ſe fioit beaucoup, & le fait Capitaine general de ces nauſres, avec inſtruſtions de ſa charge, & par meſme moyen l'exhorta fort amplement de ſ'acquitter prudemment & courageuſement de ſon deuoir. Ce gentilhomme accepta la charge qui luy estoit commiſe, remerciant humblemēt ſon Prince, & le ſupplia de luy donner pour adioint Paul de Gama ſon frere, lequel il ay moit vniquēment à cauſe de ſa vertu: ce que le Roy luy accorda fort aiſement. En peu de temps les nauſres furent armees & fournies de tout ce qu'il leur ſaloit pour vne ſi longue nauigation. Il n'y auoit pas grand nombre d'hommes, pource que ce voyage estoit entreprinſ plus pour deſcouuſſir les pays Orientaux, que non pas pour conquerir. Car il n'y auoit que quatre nauſres, l'vne deſquelles n'auoit autre charge que des viures. Vaſque de Gama estoit dans

la Nauire capitainesse, son frere Paul en la principale d'apres, Nicolas Cocillo, en la troisieme, Gonsalue Nonez en la quatrieme qui portoit la fourniture des viures. Au riuage de la mer, à deux lieues loin de Lisbonne, y auoit vn temple basti par le prince Henri sus-nommé, en l'honneur de la vierge Marie, lequel depuis a perdu son nom, à cause d'un autre plus magnifique temple que le Roy Emmanuel a fait bastir de neuf tout aupres, en l'honneur de la mesme vierge. Vn iour auant que s'embarquer, Vasco de Gama s'en alla trouuer les prestres qui demeuroient pres de ce temple, afin de passer la nuit avec eux en prieres & vœux. Le lendemain, vn grand nombre de peuple s'estant trouué là, tant à cause de luy que des autres qui l'accompagnoient, on les mena dedans les esquifs. Alors non seulement les prestres, mais aussi toutes autres personnes à haute voix & les larmes aux yeux, prioient Dieu qu'il conduisist Gama & les siens en vne si perilleuse navigation, & qu'apres auoir bien fait leurs besongnes ils recournassent sains & saufs au pais. Or il y en auoit plusieurs qui se lamentoient ne plus ne moins que s'il eussent veu porter des corps morts au sepulchre, & tenoient tel langage: Voyez où l'auarice & l'ambition porte ses miserables! Sçauroit-on inuenter vne sorte de supplice plus cruel alencontre de ces gens, quand mesmes ils auroient commis contre eux mesmes le plus horrible forfait du monde? Il leur fault trauerser la grand mer, surmonter avec mille trauals les flots impetueux d'icelle, & se trouuer au danger de la vie en infinis endroits. Y auroit il pas plus de plaisir d'estre emporté en terre de telle sorte de mort que lon sauroit imaginer, que d'auoir pour tóbeau les vagues de l'Ocean, & si loin de son pais? Tels propos & autres semblables estoient mis en auant, pendant que la peur les contraignoit d'imaginer en leur esprit des dangers & malheurs encores plus effroyables. Gama ne pouuant quitter ses amis qu'à grand regret & les larmes aux yeux, toutesfois esperant venir à bout de ses desseins, en se recommandant à Dieu, monta alaigrement dans son vaisseau le neuuesme iour de Iuliet l'an mil quatre cens nonante sept. Ceux qui estoient arrestez au bord de la mer n'en bougerent, tant que les nauires,

*Detestatio de
l'ambitio &
de l'auarice
des Portuga-
lois par ceux
de leur pro-
pre pays.*

qui cingloyent à pleines voiles par le moyen d'un vent propre, ne fussent du tout esslongnees de leur veue.

EN ces entrefaites, le Roy receut nouuelles que les Rois & Roine d'Espagne auoient donné ordre à tout ce qui estoit requis pour solenniser les nopces d'Isabelle. Et pourtant il deslogea de la ville de Sintre assise au pied du môt de Lune, où il se tenoit lors, pour venir à Euora, enuoyant lettres aux principaux de son royaume, afin de l'y venir trouuer. D'autre part la Roine d'Espagne amena sa fille Isabelle à Valence d'Alcantara, sur les frontieres de Portugal. Le Roy Fernand ne s'y peut trouuer à cause de la maladie de Iean Prince d'Espagne, son fils, lequel il faisoit conscience d'abandonner en telle necessité. Ainsies Roy & Roine auoient tellement parti les charges entre eux, que la mere conduisoit sa fille, & le pere demouroit avec son fils à Salamanque: à condition toutesfois que si le Prince recouuroit vne partie de sa santé, Fernand se deuoit trouuer à Valence pour honorer les espousailles de sa fille. Or d'autant que les choses trainoient en plus de longueur qu'Emmanuel ne desiroit, il escriuit à sa belle mere, que s'il luy sembloit commode que luy allast espouser sa femme à Valence, il iroit volontiers. La Royne en demanda auis à son mari, lequel fit responce que ne pouuant lors abandonner son fils, qui estoit fort malade, elle pouuoit accorder à leur gendre de venir à Valence: mais quelle l'auertist, de n'amener pas grand train, & remettre tous signes de plus grande resiouissance à meilleure cōmodité. Incontinent elle manda à Emmanuel qu'il pouuoit venir quand bon luy sembleroit. Surce il se mit en chemin & ne fut pas si tost arriué à Valence qu'on apporra nouuelles à la Roine de la mort du Prince son fils, ce quelle tint secret, afin de ne contrister son gendre, lequel neantmoins tost apres en sceut aussi la verité: au moyen de quoy il pria sa belle mere luy permettre d'amener sa femme Isabelle en Portugal, auant qu'elle ouist le vent de ceste mort. Ainsi donc il reuint à Euora, où finalement il declaira à la Roine sa femme la mort du Prince il declaira à la Roine sa femme la mort du Prince son frere: dont elle fut extremement affligee. A cause de cette perte toute l'Espagne fut en duel, spécialement monde.

12

Roy de Portugal marié avec la fille aînée du Roy d'Espagne.

Dieu peut

mesler la tri-

stesse parmi

les plaisirs

des Princes,

aussi bien que

parmi les pas-

sements des

petites dis-

ceux de Castille & d'Arragon, pource qu'il n'y auoit esperance d'auoir vn descendant masle du Roy Fernand & de la Roine Isabel, à cause de leur vieillesse. Or n'auoient ils autre enfans masle que le Prince Iean, lequel auoit espousé Marguerite fille de l'Empereur Maximilian lors Archiduc d'Autriche. Lors que Iean mourut, sa femme estoit en ceinte: mais toute l'esperance que lon pouuoit auoir de son acouchement, & que le Royaume ne tomberoit en main de Princes estrangers, fut retranchée & abolie peu de iours apres, à cause qu'elle accoucha auant terme, tellement que son fruit n'eut point de vie. Par ce moyen le droit de Iean heritier de la couronne escheut à sa sœur Isabel, qui estoit l'aînée des filles du Roy d'Espagne. Cependant Emmanuel ne cessoit d'aider & de pouruoir aux affaires de son Royaume. En ce temps il fit que les droits des possessions, les priuileges octroyez aux peuples sous certaines conditions, les côfins & limites des Prouincés, villes & bourgades, fussent couchés par escrit, afin d'obuier aux procès, reigler les droits des villes, & asseurer les bornes pour l'auenir. Sur la fin de ceste année, la Roine estant enccinte ils se retirerent à Lisbonne, où le Roy & la Roine d'Espagne leur manderent les nouuelles de l'auortement de la princesse Marguerite, & le prioient de venir en Castille, afin d'y receuoir les hommages des peuples, comme legitimes heritiers des Espagnes. Le Roy Emmanuel se voyant pressé de faire ce voyage, assembla derechef les estats, où il dressa beaucoup de loix salutaires à tout son royaume. Quelque temps apres, a sçauoir le premier iour d'Auril, l'an mil quatre cens nonante huit, ils partirent de Lisbonne, acompagnez de trois cens cheuaux: car les Rois & Roine d'Espagne les auoient priez de n'amener pas grand train, afin d'euitier les querelles qui pourroient suruenir entre les Espagnols & Portugalois en ceste entreueue, comme il auient souuent & pour legeres occasions. En ceste troupe estoient plusieurs grâds seigneurs, nommément George, bastard du feu Roy Ieã lequel quoy qu'il fust lors encor bien ieune, attiroit à soy les yeux de tous, qui en le contemplant, se souueñoient de son pere pour en magnifier la memoire. Tous estoient habillez

Notable reiglemēt d'Emmanuel.

habillez de noir, pour tesmoigner le dueil de la mort du Prince d'Espagne. Comme ils entroyent en Castille, le Duc de Medine-Sidoin, aussi tout vestu de noir avec sa suite, les vint recueillir, & à l'approcher descendit de cheual & leur baïsa les mains: comme firent les Princes, Seigneurs & gentils-hommes qui l'accompagnoient. Par toutes les villes & bourgades se trouuoit vn merueilleux nombre de gens pour les recevoir en grand honneur, & par tout on noyoit que cris de ioye pour leur arriuee: les Seigneurs & gens riches n'espargnoient rien pour leur faire des entrees magnifiques en tous lieux, Côme ils approchoient de Toledé, Fernand sortit de la ville & leur vint au deuant, puis les embrassa fort amiablement, selon qu'une conionction tant estroite entre eux le requeroit. Les principaux de la ville les attendoient aux portes, afin de leur tesmoigner par paroles, humbles reuerences, & autres ceremonies accoustumées en l'Espagne, qu'ils estoient leurs suiets. De là, pource qu'il estoit tard, ils furent menéz sous vn poisse de drap d'or au temple, où ils firent leurs deuotions, & de là vindrent au palais, où la Roine Isabelle leur fit si ioyeux accueil qu'elle sembloit à leur arriuee auoir chassé toute la tristesse cōceue de la mort du Prince son fils. Apres cela, Fernand s'adressa particulierement aux Seigneurs venus de Portugal, & parla fort humainement à chacun d'eux: mais il recueillit en grand honneur le Prince George. Peu de iours apres, luy & la Roine sa femme donnerent ordre de faire accomplir ce pourquoy ils auoient fait assembler les Estats de toute l'Espagne, & mādē leur gendre & leur fille. Vn iour de Dimanche suiuant leur arriuee, Emmanuel & Isabelle furent cōduits au temple. Le Duc de Medine, surnommé, marchoit à pied à costé d'Emmanuel, & tenoit la bride de son cheual: au costé gauche marchoit le fleur de Frie, qui conduisoit aussi le cheual d'Isabelle. En mesme sorte, le Connestable d'Espagne marchoit à costé droit, & le Duc d'Albe à gauche de Fernand & d'Isabelle la mere. L'Archeuesque de Tholedé chanta la messe, laquelle finie, & apres quelques autres ceremonies, Fernand & sa femme se leuent, luy prēd son gendre par la main & elle sa fille, les menent seoir en des sie-

*Entrée du
Roy & de la
Roine de Por-
tugal en Es-
pagne.*

*Estats d'Es-
pagne assem-
blez pour re-
cevoir leur
Roy, & l'or-
dre tenu en
cest endroit.*

ges haut esleuez & parez fort richement: puis eux se vō-
leoir en d'autres sieges à costé. Les deputez des villes es-
toient rangez en des chaires, selon l'ordre obserué des
long temps en Espagne. Les Princes prindrent place se-
lon que la commodité se presentoit: car Fernand les
auoit amiablemēt à imonnestez de ne debatre entre-eux
de la presence: declarant qu'on luy feroit tort si lon
troubloit sans propos ceste action, en laquelle il desiroit
que tous se monstrassent entierement de bon accord.
Lors chascun faisant silence, vn certain doctre Iuriscō-
sulte, homme eloquent, se leua & fit vne longue haran-
gue en laquelle il monstroir la paix, le repos, l'accroisse-
ment de l'Espagne, & autres commoditez qui depen-
doient de la conionction d'icelle avec le royaume de
Portugal. En apres il exhorta la Noblesse & les villes d'ai-
mer & reuerer à qui mieux mieux Emmanuel & Isabelle,
qu'ils voyoient estre heritiers de Fernand, de leur estre
fidèles & obeissans suiets en toutes choses, & esperer (puis
que les vertus royales, ne leur deffailloient aucunement)
qu'ils ressembleroient à Fernand & Isabelle, à qui ils de-
uoient succeder au temps ordonné de Dieu. Puis se
tournant vers Emmanuel & Isabelle, il les admonnesta
de considerer quelle charge leur estoit imposee. Que leur
devoir estoit d'auoir soin des peuples, maintenir les
bons, reprimer les meschans, garder chascun, obuier de
bonne heure aux dangers, entretenir & augmenter le
bien public par tous moyens possibles. Apres ceste ha-
rangue vn Euesque se leua, & ouurit vn liure des Euan-
giles: puis mit vne croix d'or dedans, & s'approchant
d'Emmanuel & d'Isabelle leur dit qu'ils touchassent des
mains ceste croix. Cela fait suiuant les paroles que l'Eues-
que prononçoit, ils s'obligerent par serment solennel
d'administrer iustice à leurs suiets, conseruer la liberté de
la chose publique, & pouruoir soigneusement au bien &
salut de tous. Incontinent apres, le Connestable print le
liure des mains de l'Euesque, & le tenāt iura & promit de
reconoistre Emmanuel & Isabelle pour vrais & legiti-
mes successeurs de ses Roy & Roine, & que fidelemēt il
maintiendroir par armes leur grandeur & dignité. Puis il
fit obliger par mesme serment les Princes, & les deputez

*Devoir des
Rois.*

*Promesse re-
ciproque des
Rois & de
leurs suiets.*

des villes. Alors les vns apres les autres vindrent par ordre vers le Roy & la Roine, ausquels ils venoyent de jurer fidelité, & leur baisérēt les mains. Ce que toutes fois les deputez de Toledé ne voulurēt pas faire en cē lieu là. Mais ce ne sera point chose hors de propos de declarer pourquoy ils refuserēt ce deuoir, afin qu'on puist entendre qu'il faut peu de chose souuentes-fois pour troubler les peuples, si l'on ne preuient le mal dextrement & de bonne heure. Il y eut iadis en Espagne vn fort grand debat, touchāt la presēce, entre les villes de Toledé & de Burgos, qui estoient les principales: car ceux de Burgos maintenoient fort & ferme que leur ville estoit la capitale de Castille: & ceux de Toledé attribuoient à la leur la principauté d'Espagne. Ce debat ne peut iamais estre appointé, & n'y eut moyen de faire qu'vne de ces villes quitaist vn seul point de son droit à l'autre. Parquoy lors que les Rois assembloient les Estats, il y auoit tousiours danger que les deputez de ces deux villes ne vinsent aux mains. Or pour remedier aucunement à celā, le Roy Alfonso, vnziēme du nom, tenant les Estats du royaume à Complute, dit en plainc assemblee, & auant que lon eust commencé à parler de ce differant: Ie sçay que ceux de Toledé acquesçeront tres volontiers à ce qui sera ordonné: Que ceux de Burgos parlent. Ce propos du Roy retint les vns & les autres, chacun s'estimant preferé, à sçauoir ceux de Toledé, pour ce q le Roy auoit parlé en leur nom premierement: & ceux de Burgos, d'autant qu'ils auoient dit leur auis les premiers. Depuis ceste coustume fut gardee, par les Rois de Castille, toutes les fois qu'ils tenoient les Estats. Toutes fois pour euitier querelle, ceux de Toledé ne voulurēt point faire la recognoissance en ceste assemblee: mais au sortir du temple, comme le Roy & la Roine alloient dīner en la maison de l'Archeuesque, ils se presenterent en chemin, & apres plusieurs grandes reuerences baisèrent les mains au Roy & à la Roine. Les deputez des villes s'estans retirez. Ferdinand & sa femme deliberent de mener leur geindre & leur fille en Aragon, afin de leur faire prester serment de fidelité par les Estats du Royaume, comme auoir esté fait en Castille. En chemin, par tous les lieux où ils

Ceux de Toledé saionx de leurs priuileges.

passoyent vn nombre infini de peuple leur venoit au deuant avec signes de ioye incroyable: plusieurs Seigneurs & villes fournirent à suffisance tout ce qui estoit requis pour la despence des Roys & Roines, lesquels finalement arriuerent à Saragoſſe le premier iour de Iuillet, où ils furent receuz fort solennellemēt, & avec des ceremonies desmesurees, à la façon du pays.

Honables procedures de ceux d'Aragon qui maintiennent constamment leurs priuileges anciens.

APRÈS s'estre reposez quelques iours, Fernand ordonna que ceux de Saragoſſe sans aucun delay feroient hommage à Emmanuel & Isabelle: ce qu'ils dirent ne pouuoit faire que premierement ceux de Valence, & de Bercelonne, qui auoyent en recommandation les priuileges de leurs villes, ne fussent assemblez avec eux. Fernand insistoit au contraire, qu'il n'estoit point besoin d'attendre ceux là, puis qu'on ſçauoit qu'e temps & lieu, ils feroient mesme deuoir: & que ceux de Saragoſſe ne deuoient delayer en vn afaire qui estoit hors de doute. Ils repliquent que l'affaire estoit de telle consequence, qu'il meritoit bien que lon y pensast. Qu'ils n'estoient point en doute s'il falloit faire homaige ou non: mais du moyē & des conditions: & que pour en resouldre plus meurement, il falloit que leurs associez y fussent, afin qu'une cause commune fust maintenue par le commun auis de tous. Et si Fernand vouloit qu'ils fissent hommage sans attendre les autres, ils le vouloient bien, pourueu qu'au preallable Emmanuel & Isabelle iurassent, que si tost qu'ils entreroient en possession du Royaume, sans delay ny remise quelconque ils remettoient aux Aragonois les droits & franchises que Fernand leur auoit ostez. Fernand respondit là dessus, qu'il ne souffriroit en sorte que ce fust, que l'on rendist aux peuples ce qui leur auoit esté osté à cause de leurs grands forfaits, & d'autant qu'ils en abusoient en toutes façons. Ils furent en ses disputes l'espace de trois mois, dont les Roys estoient merueilleusement irritez: & ce qui les picquoit le plus estoit, que ceux de Saragoſſe disoient que le Royaume d'Aragon auoit tousiours eu ce priuilege, que iamais il n'estoit tombé en quenouille: & que si le Roy mouroit sans hoir masse, il estoit en la liberté des Aragonois d'assembler les Estats du Royaume, & eslire vn Roy qu'ils

iugeroiēt estre propre pour regner à cause de ses vertuz. Outre cela, ceux de Saragoſſe voulans maintenir leur liberté faiſoient ſecrètement porter des armes en certaines mailſons, ſe fortiſoient de toutes parts, conſeroiēt & conſultoient enſemble de ce qui eſtoit requis pour leur bien cōmun, & ne laiſſoient rien en arriere pour conſeruer leurs droits. Mais l'acouchement de la ieune Roine Iſabelle appaiſa tous ſes troubles: car le vingt cinquième iour d'Aouſt elle accoucha d'un ſils qui fut nōmé Michel, dont Fernand receut tel contentement, qu'il ne ſe pouuoit contenir de ſ'eſſouir ouuertement avec tous de la naiſſance de ce petit Prince, heritier de toute l'Eſpagne. Toutesſois, comme les choſes humaines ſont caduques & ſans arreſt, & le plus ſouuent vne grande ioye a vne douleur extreme pour compagne, ce tant doux plaiſir des Rois, les reſiouiſſances des Princes & du peuple furēt en vn inſtant changez en vn pitoyable dueil. Car deuant qu'Iſabelle accouchaſt elle eſtoit affligee de maladie, qui croiſſoit à meſure que le terme de l'enſantement approchoit. Or apres ſ'eſtre deliurē de ſon ſils, elle vuida tant de ſang, que ces forces deſſaillirent, ſi qu'en fin elle rendit l'eſprit entre les bras de ſon pere. C'eſtoit vne Princeſſe fort modeſte, bonne, ſage, & douce de la craintē de Dieu, ce quelle monſtra bien ſur la fin de ſa vie, ſe portant en telle ſorte qu'il eſtoit aiſé à voir qu'elle ſe ſoucioit peu de ceſte miſerable terre, & qu'elle auoit le cœur arreſté à la vie eternelle. On l'enterra avec le regret & les pleurs de chacun. Emmanuel ayant paracheuē les obſeques, & fait diſtribuer les legats qu'elle auoit ſaits par ſon teſtament, print congé de Fernand & d'Iſabelle, en grande angoiſſe de cœur, pour ſ'en retourner en Portugal. Ce depart fut accōpagné de maintes larmes de part & d'autre, quand Fernand & ſa femme ſe ſouuenoient quelle fille ils auoient perdue, & qu'Emmanuel conoiſſoit qu'il eſtoit priuē d'une femme ornee de toutes vertus. Il fut conduict iuſques en Portugal par pluſieurs Princes & grands Seigneurs. Mais comme il eſtoit en chemin en vne ville nommee Arande, il en ioya ſes Ambaſſadeurs vers le Pape Alexandre, pour l'admonneſter de pouruoir aux affaires de l'Egliſe: d'autant que la vie des Chreſtiē

*Peuples coura
geux & enne
mis de ſerui
tude.*

d'alors estoit fort corrompue, la pieté estainte, la bride laschée à tous vices, les choses sainte & charges Ecclesiastiques, vendues à deniers contant, à des gens du tout indignes d'icelles. Que la ville de Rome qui auoit esté le domicile de pieté & sainteté, estoit deuenue vne boutique d'impudence & de meschanceté: que l'Eglise Romaine estoit souillée d'ordures estranges, & que les choses estoient en miserable estat. Partant le supplioit & adiueroit, qu'en reuerence de Iesus Christ, qui a espandu son sang pour nous, il remediaist au mal: reprimaist l'auarice, arrestaist par vne seuerie discipline la licence desbordée des Chrestiens, fist honneur à ceste grande charge qui luy auoit esté commise, & par bons exemples ramenaist la Chrestienté à Dieu, duquel elle s'estoit destournée par infinis scâdales. Les ambassadeurs estoient Roderic de Castres, Henry Coutin & Fernand Coutin gentils hommes de grandes maisons, & bien entendus en affaires. Emmanuel leur enioignit de communiquer de leur legation avec l'ambassadeur que le Roy Fernand deuoit enuoyer à Rome, comme il l'auoit arresté en la ville de Saragoſſe, avec le Roy de Portugal. Ayant depesché ces ambassadeurs, il reuint en assez grande diligence en son Royaume, & arriua à Lisbonne le treziesme iour d'Octobre.

13

Estats de Castille & d'Arago reconnoissent le fils d'Emmanuel pour leur Prince & luy font hommage.

1499.

ESTANT là, il entendit par lettres que Fernand & Isabelle luy escriuirent que Michel son fils auoit esté declaré Prince legitime & heritier de Castille & d'Aragon, du commun consentement des estats de ces deux royaumes: & que tous luy auoyent fait hommage. Ils le prioient de donner ordre que ceux de Portugal fissent le mesme, alleguans que cela seruoit de beaucoup pour entretenir ces Royaumes en paix. Ainsi d'oc l'an suiuant qui fut l'an mil quatre cens nonante neuf, Emmanuel assemble les Estats de son royaume, pour accomplir cela sans delay. Les deputez venus, il les prie de prester serment au Prince Michel son fils vniue, & promettre de luy estre fideles suiets, quand il sera paruenu à la couronne. Eux auant que faire cela requirét qu'il promette aussi au nom de son fils, & le confermaist par serment, d'enc bailler iamais en aucun tēps, ni pour quelque oc-

casion que ce fust, à autres qu'à gens nez au royaume de Portugal, la garde des places fortes, les iurisdicctions, ay les peages deçà ou delà la mer. Ce que le Roy leur accorda volontiers. Ainsy donc, eux presterent le serment au Prince Michel absent, & Emmanuel ayant signé de sa main les lettres patentes de sa promesse, pour les rendre authentiques & perpetuelles, les fit sceller du grand seau. Voila ce qui auint ceste annee en Portugal. Quant aux Ambassadeurs enuoyez à Rome, y estans arrivez ils communiquèrent leur charge à l'Ambassadeur d'Espagne, comme il leur auoit esté commandé. Apres auoir auité à leurs affaires, tous ensemble vont trouuer le Pape, le prient, supplient & adiurent au nom du Roy, de vouloir estaindre le feu de tant de meschancetez qui auoyent la vogue en la Chrestienté, par vne bonne reformation & par vne roide & seuer discipline. Ils l'en sollicitent & importunerent librement plusieurs fois, publians leurs requestes par tout, afin que chascun entendist que les Roys d'Espagne auoyent fait tout deuoir pour remettre l'Eglise au dessus. Ces supplications furent cause que le Pape ne fut pas depuis si desbordé en son gouuernement qu'il auoit esté au parauant. Aussi fit-il semblant d'auoir prins en bonne part cest auis. Quelques iours apres il enuoya son Legat vers Emmanuel, avec des presens consacrez solennellement à Rome, selon la coustume: à scauoir vne espee & vn bonnet. Le Roy s'estima fort honoré de tels dons, & renuoya le Legat avec d'autres riches presens, & escriuit au Pape qu'il luy porteroit tousiours la reuerence à quoy la Religion l'obligeoit. En ceste mesme annee, l'onzieme iour de Iuliet, le Roy receut les premieres nouuelles de ce que ses Capitaines auoyent fait es Indes, qu'ils estoient allez descouurir par son commandement. Mais pour scauoir comme le tout se passa, il faut reprendre le propos des son commencement.

Presens du Pape au Roy de Portugal, tesmoins de la reformation de l'Eglise.

14.

V A S Q U E de Gama estant party de Lisbonne, print la route des Isles fortunées; puis il descouurit l'Isle de saint Iacques, qui regarde l'Ethiopie. Delà, selon qu'il luy auoit esté commandé, il vogua vers l'Est, iusques à ce qu'il descouurit vne terre, vers laquelle il fit tourner la

Divers voyages & accidens de Gama

Riuere de S.
Jacques.

Port de Saint
Helaine.

la folie d'un
et plusieurs
seiz. en pei-
se.

flotte, & estant entré en vn grand bras d'eau, il commanda que l'on ployast les voiles & que l'on mouillast l'anchre. Puis enuoya Nicolas Coeillo pour descouurir de plus pres ceste terre, & voir s'il y auroit quelque riuere d'eau douce pour en accommoder leurs nauires. Car il y auoit ja trois mois que la tempeste les battoit & portoit au lōg de ceste coste, avec grande disette de bonne eau. Coeillo executant ce qui luy estoit commandé, courut au riuage, & trouua la bouche d'une riuere, dont l'eau estoit douce & les riuages couuerts de belle herbe verte: dont ayant aduertý son General, incontinent on mit la voile au vent, afin que tous peussent puiser de l'eau & couper du bois. Là ils pescherent de grands veaux de mer, dont y auoit foison, & se saoulerent de ceste viande. L'intention de Gama estoit, en quelque lieu qu'il mist le pied, de cognoistre les mœurs & façons des habitans. Pourtant il donna charge à certains de sa troupe, de faire tant par finesse & par force qu'il eust quelque vn du pays, de qui il peust s'enquerir & apprendre ce qu'il desiroit sçauoir. On luy amena des hommes bigarrez de couleurs sur la face & par le corps, ayās les cheueux courts & frisez: mais personne ne pouuoit entendre leur langage, encor que Gama eust des hommes qui entendoient plusieurs sortes de langages d'Ethiopie. Nonobstant il leur fit fort doux acueil, les vestit & leur donna des presens auxquels ils prenoient plaisir, afin de les allecher, & de faire qu'ils amenassent de leurs compagnons es nauires. Ces presens estoient des clochettes, des patenostres de verre, & autres telles choses. Depuis il y eut grande familiarité entre ces Ethiopiens & les Portugallois: car ils leur apportoyent grande quantité de fruits & de chairs de leur terre, avec autres sortes de viures, en eschange de chemises & choses de petit pris, dont toutesfois ils se brauoyent, & en faisoýēt grād cas. Or les vns trafiquoyēt avec les autres par signes & contenance. Mais par la folie d'un homme ceste frequentation & trafique print fin. Cestuy-là estoit deuenu fort familier de ce peuple Ethiopien, pourtant il requit Gama de lui permettre de les aller visiter iusques en leurs logis. Ainsi donc il s'en alla avec eux, & sur le chemin ils surerent vn grād veau marin, & luy en dresserent vn ban-

quet assez magnifique à leur auis. Luy regardant à contre cœur ceste viande mal propre à son estomach, se met incontinēt en voye pour retourner vers les nauires: eux le suiuent avec vne douce & gracieuse contenance: mais lui ne pouuoit cognoistre s'ils le menoyent au supplice, ou si c'estoit par honneur qu'une si grosse troupe l'accompagnoit. Toutesfois la peur le contraignoit d'interpreter tout en mauuaise part: au moyen dequoy si tost qu'il se vid pres du riuage, ce fut à crier à l'aide, comme si les autres l'eussent trainé prisonnier. Les Portugallois coururēt incontinent vers luy, & les autres se retirerent plus viste que le pas. Gama mit pied en terre avec les autres Capitaines, afin de pouuoir plus aisément considerer en l'Astrolabe la distāce du Soleil de la ligne equinoctiale. Mais les habitās du pays, qui s'estoyent sauuez dedans vne forest, où ils tenoyent leurs armes (ignorans pourquoy les Portugallois estoient abordez là) se tenoyent cachez. Les armes dōt ils s'aidoyent le plus, estoient certaines cornes fort aigues attachees à des lōgs bois, qu'ils dardoyent de grand' force, & cela faisoit aussi grand' playe, que si lon eust lācé vn iauelot bien acéré. Cōme donc les Portugallois s'amusoient sur le riuage, sans penser à aucun inconuenient, ces gens sortent en vn instant de leurs cachettes, & acourent fort vistemēt vers la mer, assaillent les Portugallois, en blessent plusieurs, entre autres Gama, lequel fut atteint au pied d'un coup de trait. Les Portugallois furent contraincts monter en leurs nauires, & desloger de là plustost qu'ils ne pensoient. Voila comme la folie d'un d'entr'eux incommoda le rafraischissement de toute la flotte. Ils appellent aujourd'huy ce lieu le port de sainte Helaine: & ceste riuere d'eau douce, la riuere de saint Jacques. Car selon que les iours dediez à la memoire des saints trespassez escheoyent, ainsi imposoyent-ils les noms aux pays, isles, & riuieres qu'ils auoyent descouuertes le iour de tel Saint ou de telle Sainte.

A v desmarer de là, ils prindrent la route vers le Su, & ser le Cap de
 tachent de passer le Cap de bonne esperance. En ceste na-
 uigation, Valque de Gama fit preuue de sa vertu. Les va-
 gues estoient estrangemēt perilleuses, les vents cōtraires, tain temps
 la pluye fort froide, vn brouillas espais, & la tempeste de l'annee.

*Grādes diffi-
 cultez à pas-*

*ser le Cap de
 bonne espe-*

rance, en cer-

*Tempeste de-
dās les naui-
res aussi pe-
rilleuse que
dehors.*

continuelle. Ce qui aduient d'ordinaire en ceste plage de mer en certains temps, spécialement lors que le Soleil approche le plus pres du Nord: car lors les vagues sont effroyables & tres-dangereuses: comme aussi elles estoient tellement & pilotes & passagers, qui ne s'estoyent jamais trouuez en si grand' tourmēte, que chascun d'eux pensoit estre venu à la fin de ses iours. Car leurs nauires balançoient en telle façō sur les vagues, que par fois elles sembloient vouloir monter aux nues, puis tout soudain deualer & fondre és abismes profōdes. Mais le pis estoit qu'ils ne pouuoient passer outre: pourtant furent-ils contraints caler la voile, & se laisser maistriser par les vērs, en telle sorte toutesfois qu'ils singloyent à la cappe, faisoient diuers tours & retours, pour ne reculer en arriere, ains pour attendre la fin de la tempeste, au milieu de la rēpēte mesme. Or si tost que l'orage cessoit quelque peu, les Portugallois transis de peur, se rangeoyent autour de Gama, le suppliās ne vouloir estre caute que ceux qui luy estoient baillez en garde, perissēt d'une mort si espouuētable: que il estoit impossible de pouuoir resister plus long tēps à la fureur des vagues, & qu'il permist qu'on reprinst la route de Portugal, auāt que les nauires coulassēt en fond. D'autant qu'il estoit poit l'aureille, & reiettoit constamment routes leurs requestes, plusieurs d'entr'eux cōspirerent de le tuer: dōt il fut aduertī par son frere, & se dōna soigneusement garde de leurs embusches, puis fit en chaîner les maistres & Patrons, & luy mesmes se mit en la place du pilote, cōme il estoit fort experimenté au fait de la marine. Ayant d'un cœur inuincible soustenu les efforts de ceste tempeste, l'espace de plusieurs iours, finalement le tēps changea, & les nauires doublerent la pointe & passerent ce Cap, tellement que le vingtiesme iour de Nouembre ils cōmencerent à voguer de l'autre costé, avec vne ioye nōpareille. Car ils s'asseuroyēt, qu'estans eschappez des parres de ce lion de mer, tiē ne les empescheroit de paruenir heureusement au lieu où ils tendoyent. Au reste, ils diefferent tellement leur route, que iamais ils ne perdoient de veue la terre, dont ils cōsideroyent la situation & la beauté en grand contentement: car ils voyoient de grandes forests espaisies, infinis troupeaux de bestail, & grand nō-

re d'hômes de mesme couleur & taille que ceux du port
de sainte Heleine. En parlât ces gés semblê sanglotter, *Quels sont*
heminent nuds, tiennent leurs parties hôteulés encloses *les peuples du*
n des guaines de bois, s'aident de certaines flustes qu'il *Cap de bona*
fait assez bô ouyr. Leurs maisons sont d'une sorte de bri- *esperance.*
ques cuites au Soleil, ou faites de terre, qu'ils courent
uis apries de chaulme & de gazonz entassez sans ordre.
Les Portugallois voguerent cinq iours durant au long
d'une des costes de ce Cap, lequel ils doublerent le vingti-
cinquesme iour de Novembre, & lors tournerent leurs
troues vers Septentrion. Entre la dernière pointe de ce
promontoire, laquelle regarde l'Orient, & le goulfe, que
les Portugallois appellent l'aiguade S. Blaise, distans l'un
de l'autre de cent dix lieues, la terre est fertile, nourrit de
grands Elephans, & quantité de bœufs gras, que ceux du
pays bastent, & s'en seruent comme nous faisons d'ânes,
mulets, & d'autres bestes de charge. Au dedans du goulfe
y a vne petite Isle, où les nauires aborderent pour puiser
de l'eau. Ils virent là des troupes de veaux marins en nô-
bre infiny, si farouches & cruels qu'ils se lançoient con-
tre les hommes. Aussi virent-ils des oiseaux, que ceux du
pays appellent Sorilicaires, gros & grands comme des oi-
sons, sans plumes, avec des aîles pareilles à celles des
chauefouris: ils ne pequent voler, mais ils estendent ces
aîles de peaux, & courent d'une tresgrande vitesse. Apres
auoir fait aiguade & acheté quelques chairs, les Portu-
gallois se remirent à la voile. Le huitiesme iour de De-
cembre vne tempeste soudaine les effroya fort, & les em-
porta en haute mer: mais elle ne continua pas, tellement
que de rechef ils costoyerent la terre: à cause que n'estâs
accoustumez encor à la nauigation de ceste mer, ils esti-
moient que c'estoit le plus seur de voguer, sans perdre la
vue du riuage. Ils descouurent lors des petites Isles dis-
tâtes d'enuirô six vingts lieues du goulfe, où ils s'estoyêt
rafraischis. Ces Isles estoient fort plaisantes, les arbres
hauts, la terre tapissée de verd, & innnis troupeaux pais-
sans de toutes parts. La mer estoit calme & profonde en
ces endroits specialement: par ainsi ils pouuoient appro-
cher du bord, & voir à plaisir ce beau pays.

A I N § I, apres auoir descouvert toute ceste coste, le

*Arrivée de
Gama en la
terre de S. Ra-
phael, au cô-
mèremment de
l'an 1498.*

dixiesme iour de Ianuier de l'année suyuant, ils apper-
ceurent en terre grand nombre d'hommes & de fem-
mes qui alloient & venoient. C'estoient gens de couleur
brune, comme les autres de ceste coste, de grande stature,
& d'assez belle cōtenāce. Gama fit lors tourner les proues
celle part, puis enuoya vn truchement pour saluer de sa
part le Roy du pays & luy porter des presēs, ce truchement
fut biē recuilly et renuoyé avec d'autres presens tels que
ceste terre les porte. Les hōmes portoyent des poignards
qui auoyent les manches d'estain, assez artistement elab-
borez, & les gaines d'vuoire. Vafque de Gama fit des-
cendre en ce lieu deux bannis de Portugal, pour y apren-
dre par le menu les mœurs & coustumes du peuple: car il
y auoit en ceste flotte dix criminels cōdamnez à mort, aus-
quels on auoit donné la vie, à la charge qu'ils descouuri-
roient les pays, & prendroient garde soigneusement aux
façons de faire des gens avec lesquels Gama leurs enioin-
droit de demeurer. Les Portugallois partirēt de la, le quin-
ziesme iour de l'auier, & arriuerēt à la bouche d'un grand
fleuve, dont les riuages estoient tous couuerts d'arbres
chargez de fruits, de branches larges & de grādes fueilles,
la terre estoit herbue & plaisante, ils y mouillirēt l'anchre
afin de voir le lēdemain (car le Soleil s'aloit coucher) quel
pays c'estoit. Au matin ils apparçoiuent plusieurs hom-
mes, presque, d'une mesme couleur & façon, qui venoyēt
vers les nauires dans des barques, desquelles ils sortirent,
& sans aucune crainte entrerent franchement es nauires,
où ils firent grād chers. Mais personne ne pouuoit en-
tendre leur langage, tellement que par les signes qu'il fai-
soient il failloit comprendre leur intention. Au bout de
trois iours, les quatre principaux du pays vindrent pour
saluer Gama & voir les nauires. Ils estoient vn peu mieux
en point que les autres: aussi Gama leur fit vn banquet, &
leur donna à chacun vne robe de soye, dont ils monstre-
rent semblant de estre fort ioyeux. Mais les Portugallois
ne peurent entendre d'eux, chose de laquelle ils peussent
recueillir s'ils estoient encores pres ou loin des Indes.
Toutes fois l'un d'eux dit en langage Arabe tellement
quellement, qu'au pays, d'où il estoit reuenu depuis peu
de iours, arriuoient souuēt es fois des vaisseaux de mesme

orme, & grandeur que ceux qu'il monstroït lors du
oigt, & que ce pays n'estoit pas gueres esloigné de là. Ce
aport fit esperer les Portugalois qu'en brief tēps ils des-
couvriroyent l'Inde Orientale. Cela fit que Vasque de *Riviere des*
Gama appella ce fleuve la riviere des bons signes, & fit *bons signes.*
planter sur le riuage d'icelle vne croix de pierre, en la-
quelle estoient grâues les armoires du Roy Emmanuel:
omme il faisoit es ports & haures plus commodes, à la
gloire du nom de Iesus Christ, & pour conseruer plus lōg
emps la mémoire de son illustre Prince. Au reste, il ap-
pella ce pays, la terre de Saint Raphaël: & y laissa deux
de ceux à qui la vie estoit donnée à la condition descrite
y dessus.

LES nauires ayans esté calfeutrees, & les malades pen-
ez en celieu, Gama fit leuer les anchres, dresser les ba-
tons des masts, & tendre les voiles, le vingtquatriesme
iour de Feurier: & le premier iour de Mars, ils descouuri-
rent quatre isles assez pres l'une de l'autre. Cocillo apper-
çut partir de l'une d'icelle sept carauelles, qui venoient
à voile desployee droit aux nauires. Ceux qui estoient
dedans ces carauelles remarquerent incontinent la Ca-
pitainesse à l'estendars attaché au plus haut du grand
mast, parquoy ils tournent leurs proues vers icelle, &
estans pres commencent à crier & saluer les Portuga-
lois en Arabe. Lors Gama fit auancer Cocillo qui auoit
le plus petit vaisseau de toute la flotte, & luy commanda
de tirer vers ceste isle, d'où il auoit veu partir les carauel-
les: à quoy Cocillo satisfit, iettant la sonde deuant, & les
autres nauires flotterent lentement apres. Cependant
des carauelles entouroient la flotte, & avec fifres & autres
instrumens de musique donnoient du passe-temps aux
Portugallois, & leur crioient à pleine teste qu'ils fussent
les tresbien venus en ces pays. Or c'estoyent gens bigar-
rez de couleurs, d'assez belle taille, portans des chemi-
soles de soye, & des turbans en la teste faits de longues
pieces de linge, rayonnees de fil d'or: ils estoient aussi e-
quippez d'un cimenterre pendant au costé, & d'une ron-
delle liee au bras. Estans entrez es nauires ils saluēt les
Portugallois en langue Arabe. Ceux qui entendoient
bien ceste langue, leur respondirent gracieusement. Gama

*Terre de S.
Raphael.*

*Isle de Mo-
zambique, sa
situation, &
ses habitans.*

*Zofala ou
Cephalapais
abondant en or.*

*15
Description de
l'aiguille ma-
rine, inuentio
des plus belles
Et viles du*

fait aprestre le banquet, ce qu'eux ne refuserent point. & comme ils faisoient bonne chere, Gama leur demanda de comme s'appelloit ceste Isle, comment on y viuoit & quel chemin il falloit tenir de la pour aller aux Indes. Eux respondent que l'Isle se nommoit Mozambique: que le peuple estoit idolastre, toutes fois qu'une grande partie d'icelle estoit habitee par des marchans Sarra- sins: que le Roy de Quiloa en estoit Seigneur, y ayant vn gouverneur homme de grande autorite: & que c'estoit vn port des plus celebres de tous ces pays: d'autant que de la les nauires voyageoyent en Arabie, es Indes, & en plusieurs autres parties du monde, d'où l'on amenoit infinites marchandises en ce port. Ils adioustoient d'auantage qu'en ceste coste y auoit vn pays nomme Zofala (que les Portugallois auoyent passé) fort abondant en or: puis ils declarerent quelle distance il y auoit de ceste Isle iusques à Calicut. Les Portugallois oyans si bonnes nouuelles commencerent à leuer les mains au ciel, remercier Dieu, & estimer estre au bout de leurs plus grandes difficultez. Ceste Isle de Mozambique est au pays que les Anciens appelloient Aegsimba, distant de seize degrez de la ligne equinoxiale, en tirant vers le pole antartique au Midi. Les habitans sont noirs, l'air y est gros & mal sain à cause des marefsts. Ils font des mailons de terre, & les couurent de paille. Toutes fois à cause de la commodité du trafic, les nauires y abordoient de toutes parts. En ce temps là les Arabes y auoyent grand credit, & beaucoup de biens. Ils s'aident d'une sorte de vaisseaux, semblables à vn brigantin, dont les timons ne sont point de fer, mais ils passent des pieces de bois rondes en des pertuis, & s'aident de cela en lieu de gouvernail. Ils calefrent les nauires avec des cordes faites de fucilles de palmiers, qui sont arbres fort hauts, iertas fueilles longues, picquates & velues, les rameaux estedus, donans ombre fort gracieuse, & portans des noix fort grosses q̃ les Portugallois nomēt cocos. Or ces peuples s'aidoient des lors en leurs navigation, de certains instrumens que nos Pilotes appellent Aiguilles marines. L'estime que ce ne sera pas discourir hors de propos d'en représenter icy quelque forme, en faueur de ceux qui sont esloignez de la mer. Premierement,

Il faut considerer vne boitte de bois, bien aplanie & ronde, de la hauteur de deux ou de trois doigts. Elle a au milieu vne pointe fermement attachee & soit aigüe par le bout, vn peu plus courte que la hauteur de la boitte: puis la boitte est couverte d'une reiglette ou platine de fer ingenieusement forgee, & de la proportion de la boitte, en tel sorte, toutesfois qu'elle ne soit pas du tout si grãde que le diametre d'icelle boitte, & n'en touche pas les bords. Or le bout de ceste pointe, fichee au milieu de la boitte, passe par le milieu de la platine, ayant vne rose esleuee par dessus, & tient ceste platine tellement en balance & contrepoids, qu'elle est d'une hauteur esgale en tous ces rumbz. Puis elle est couverte d'une verriere retenue fermement avec vn fil de cuiure tout autour, afin de ne bransler, & pancher d'un costé plus que d'autre. Et d'autant que la proprieté de l'aymant est d'attirer non seulement le fer à soy, mais aussi que l'un de ces bouts regarde le Septentrion, l'autre le Midy, & qu'il comunique ceste proprieté au fer qui le touche: il auient que quand la rose, attachee au dessous de la platine & retenue droit sur la pointe, est appliquée à l'aymant qui regarde le Septentrion, & frottee d'iceluy, elle tire en soy ceste proprieté: & estant suspendue tellement qu'elle se peut tourner de tous costez, sa languette ou aiguille se tourne par ceste communication admirable vers le pole Arctique. Cest instrumēt apprenoit aux mariniers, en quelque endroit qu'ils fussent sur l'Ocean, quoy que le ciel fust couuert & embrouillé, de pouoir neantmoins tenir leur route droit au Septentrion. Et pource que cest instrumēt ressembloit à vne aiguille, il l'appellerēt aiguille marine. Or cōme il est bien aisé aux esprits humains d'adiouter aux belles inuentions, ils inuenterēt vne autre façon d'aiguille, par le moyen de laquelle ils peussent cognoistre plus asseurement quel chemin ils tenoyēt en leur navigation. Car ils font avec des verges de fer vne figure en forme de lozãge, dessous & dessus laquelle ils collēt vn cartō tout rōd. Puis agencēt tellement leur figure par le moyē de l'aymant, que l'une des pointes regarde le pole Arctique, l'autre, l'Antartique. Il y a deux autres pointes rebouchees dont l'une tend au Couchant, l'autre au Le-

uant. Le diametre du rond n'excede point la longueur de la figure. Ce rōd a au milieu vn anneau d'airain fait de la mesme forme que celui de l'aiguille sus mentionnee. La pointe d'vne verge de fer passe par ce pertuis, & tient ce rond suspendu, lequel sert beaucoup plus que la platine de l'autre aiguille, car on y peut remarquer tous les vents & rumbz, dōt la nauire est agitee. Car en la carte de desus sont escrites les quatre plages du monde, à sçauoir Orient, Occident, Septentrion & Midi. L'aiguille ainsi dressée, reſtoit vne inēcommodité, qu'il estoit force, quand les vagues font ballancer la nauire, comme il auient à tous momēs, q̄ par fois elle penche vers la proue, puis en poupe, ou de costé, tellement q̄ l'aiguille demouroit couchée au fond de la boussole, & ne pouuoit dresser son mouvement libre vers le Septétrion. Afin dōc que cela n'auinst, quelque fages Pilotes trouuerent vn moyen fort ingenieux: car la boussole ou boîte est serree fort estroitement d'vne reiglette ou filet de cuiure vn peu endedās du bord. Puis de part & d'autre on fait passer vne vergette d'acier par le pertuis du grand cercle de dehors, distant vn peu de celui qui est dedans. Ces deux verges sont tellement esgales & opposées, que si des deux lon n'e faisoit qu'vne, elle contiendrait le diametre de tout le rond. Or le rond de dehors, est balancé sur ces deux vergettes, ou languettes comme sur vn puiot. Derechef, hors de ce rond de dehors sont tirées deux autres languettes, eslongnées de mesme interualle, autour d'vn petit auge rond, dedans lequel ceste machine est enclose. Au reste, les languettes de dehors sont tellement opposées à celles de dedans, que si deux d'icelles seulement se regardoyent droit, ce seroit pour s'entrecōttrer & rompre es angles droits. Et d'autant que ceste machine à le bas de cuiure & est pesante, & ne touche à rien, elle est tellement poussee, qu'elle demeure tousiours suspendue au milieu. Aussi cōme elle est suspendue & mobile, son cōtrepois la faict subsister en telle sorte q̄ quelque tēpeste qui puisse agiter le vaisseau, elle demeure tousiours tournée vers son compas: par ainſi il auient que rien ne peut empeschér l'aiguille d'auoir tousiours son mouvement & la pointe dressée iustement vers le Nord.

Ces Arabes s'aidoyent deslors de telles aiguilles, & de cartes marines, par le moyen desquelles ils conoissoyent certainement l'assiette des regions maritimes, selon les lignes descriptes en ces cartes. Ils obseruoient aussi avec des Quadrans les hauteurs du Soleil, & combien de distance il y auoit de chascun pays iusques à la ligne equinoctiale. Brief, ils estoient si bien fournis de ce qui est nécessaire pour la nauigation, que les pilotes de Portugal ne leur eussent sceu gueres apprendre de l'art de nauiguer. Or ce qui les faisoit ainsi deuiser ioyeusement avec les Portugallois, estoit qu'ils les prenoient pour Mahumetistes, & de la coste de Barbarie, Gama leur donna quelque chose, & les renuoya avec presens vers le gouuerneur de l'isle, nommé Zacoeja les priant de le saluer de la part de Gama : ce qu'ils firent, & apres que Zacoeja eust entendu avec quelle douceur & humanité ils auoyent esté receus des Portugallois, & eust veu ce que Gama luy donnoit, il estima son deuoir estre d'aller vers ces estrangers. Et pourtant il se vestit d'une robe semee de fleurs d'or, ceignit vne espee, dont la guaine estoit couuerte de pierres precieuses, & vn poignard de mesmes: puis accompagné d'une grande troupe d'hommes, se fit mener vers les nauires, au son des flustes & tabourins, dont la mer retentissoit. Gama scachant ceste venue, auant que l'autre atriuaist fit mettre à part les malades, commander à ceux qui estoient sains & dispos de s'armer & se tenir en la chambre haute de sa nauire. Car son opiniõ estoit qu'il ne se falloit point fier aux Sarasins, mais dissimuler, & se donner sagement garde de leurs embusches & surprinses. Puis il approcha du tillac pour receuoir Zacoeja, lequel estant monté avec les siens salua Gama qui l'embrassa amiablement. Tous s'asseient, & deuisent ioyeusement les vns avec les autres. On met les viandes sur table, & Gama fait verser du vin: eux mangerent en assez gaye contenance, & la superstitiõ de Mahumet ne les empescha pas d'aualer volontiers plusieurs rasses de vin. Cela fait, Zacoeja demande aux Portugallois s'ils estoient Mores ou Turcs: tenant pour assuré qu'ils estoient Mahumetistes. Item de quelles armes ils s'aidoyent en guerre. Puis s'ils auoyent point quelques

*Continuatiõ
des voyages
de Gama.*

*Ce qu'il luy
aduiet en l'I
sle de Mozã-
bique.*

*Sage amis de
Gama.*

liures de la loy de Mahomet, d'autant qu'il desiroit forte les voir. Gama respondit qu'ils estoient partis d'un pays des derniers de l'Occident, que leurs armes estoient celles dont estoient equippez les soldats qui l'environnoient: & qu'oultre plus ils se seruoient de ces machines (luy monstrant l'artillerie) propres à rompre non seulement les armes d'hommes, mais aussi à mettre par terre les forteresses. Quant aux liures de leur loy, il promettoit les monstrier, apres qu'ils se seroient repolez quelques iours. Et puis que leur intention estoit d'aller en Inde, il prioit Zacoeja de luy donner quelques pilotes, par l'adresse desquels il peust arriuer à Calecut: & qu'ils reconnoistroient ce bien fait, en telle sorte que Zacoeja ne se repentiroit point de les auoir gratifiez en cela. Zacoeja promet de le faire, & le lendemain reuint voir Gama, amenant deux pilotes, avec lesquels Gama fit marché, moyennant certaine quantité d'or, qu'ils le meneroient iusqu'à Calecut.

Les Portugalois en nouueaud danger.

DURANT ces allees & venues, & presens des vns aux autres, la familiarité estoit deuenue si grâde & ferme, qu'il n'y auoit pas apparence qu'aucun inconueniẽt deust suruenir pour la troubler. Mais il auint que Zacoeja descourit que Gama & les siens estoient Chrestiens. Alors toute ceste amitié se tourna en haine tresaspre: & Zacoeja se mit à dresser embusches, machiner des meurtres, & inuenter tout ce qu'il fut possible, pour trouuer les moyens de surprendre les nauires, ou y mettre le feu. Ce pendant on ne fournissoit plus riẽ aux Portugallois que de mauuaise sorte, le pris des viures & marchandises haussait d'heure à autre: d'auantage les Insulaires se mutinoient & prepa-royent pour courir sus aux Portugallois. Finalement, vn des pilotes amenez par Zacoeja descourit à Gama les embusches que l'autre luy tendoit: & l'autre pilote estant descendu en terre s'estoit tellement caché qu'on ne l'auoit peu voir depuis. Sur ce il auint que quelques vns des nauires estãs allez puiser de l'eau douce & couper du bois furent assaillis par sept barques: mais ils furent secourus par ceux des nauires, qui à coups de trait chasserent ces barques. Apres cela, les Portugallois se retirerẽt soudainement en vne isle qui estoit à deux lieues de là

Puis ils se mettent à la voile pour aller à Quiloa : mais à cause que le vent leur failloit, ils furent cōtrains d'anchrer, & sur ce leua vne tempeste qui les rechassa en l'Isle d'où ils estoient partis. Là se vint rendre à eux vn Arabe accompagné d'un sien petit fils, & supplia le Capitaine de les recevoir, afin de pouuoir arriuer en quelque haure commode pour s'en retourner à la Mecque son pays. Estant interrogué de quel estat il se mesloit, se dit estre Pilote : au moyen dequoy on le receut volontiers, & Gama pensoit bien qu'avec les deux pilotes estrangers il poursuivroit aisémēt sa route. Davantage, Paul de Gama auoit enleué en vne esmeute de ceux de Mozambique contre les Portugallois, vn Insulaire qui sembloit estre expert à la nauigatiō. Alors les Portugallois n'auoyēt que trois vaisseaux : car le quatriesme qui portoit les viures, estant vuide fut bruslé long temps deuant par le cōmandemēt du Capitaine. Or si tost que le vent propre se leua, ils leuent l'anchre & singlent vers Quiloa : mais les nauires n'y peurent surgir, ou pource que les vents estoient contraires, ou pource qu'ils n'auoyent pas bien suiuy leur route, ou d'autant que le pilote de Mozambique, qui commença à leur brasser trahison, les auoit frauduleusement esgarez.

AINSI donc ce pilote leur conseilla d'aller à Mom- *Description*
 baze : & pour le leur persuader tāt mieux, il faisoit a- *de l'Isle &*
 croire que la plus part de la ville estoit habitee de Chre- *ville de Mon-*
 tiens, qu'on ne scauroit trouuer lieu plus propre pour *baze, & de*
 penser les malades. En ce temps, vne bōne partie de ceux *ce qui aduint*
 qui s'estoyēt embarquez avec le Capitaine Gama estoyēt *aux Portugal*
 morts de diuerses maladies : ceux qui estoient eschap- *lois en icelle.*
 pez, à peine se pouuoient soustenir. Or ceste ville est
 assise sur vn haut rocher, dedans vn goulfe, où quand le
 reflux vient à donner dans l'emboufcheure, les flots, qui
 n'ont assez d'espace viennent reiaillir au pied de la ville
 puis au baiser font vn bras & ceignēt les deux costez de la
 ville, qui est presque Isle par ce moyen. Elle auoit au port
 vne forteresse, munie d'armes, de traits, d'artillerie, où il
 y auoit forte garnison faisant guet nuit & iour. La
 terre est fertile en fruits, herbes potageres, grains, be-
 stial gros & menu, & en eaux douces. L'air y est fort rem-
 d ij

péré : & les habitans y vivent fort delicatement , baſti-
 ſent à noſtre mode , enduiſent les parois & les paignent
 de diuerſes couleurs. Ce qui fit que les Portugallois al-
 lerent là prendre port, ſut afin de ſ'y rafraîſchir quelques
 iours, & remettre en appetit les malades par le moyen des
 fruits nouueaux de l'iſle. A peine les matelots auoyent
 mouillé l'anchre, qu'ils apperçoyuēt vne grande barque
 approcher de la nauire Capitaineſſe, & portoit cēt hom-
 mes habillez à la Turqueſque, avec des cimeters & pa-
 uois: entre leſquels y en auoit quatre plus richement ve-
 ſtus, & de plus grande apparence que les autres. Ils vou-
 loyent tous monter en la nauire, mais le Capitaine ne le
 permit qu'à ces quatre, & leur fit poſer les armes. Quand
 ils furent dedans, ils louerent la ſageſſe du Capitaine, qui
 ne laiſſoit point approcher en armes gēs à luy incognus.
 Sur ce, Gama leur fit preſenter la collation, eux beurent
 & mangerent, & par beaucoup de ſignes d'amitié, ils ta-
 cherent d'attirer les portugallois : adiouſtans pour la fin
 de leur propos, que quelques iours auparauant le Roy de
 Môbaze auoit eſté aduertie de leur venue, & deſiroit for-
 tes conoiſtre pour leur eſtre amy. Gama fit reſpōſe pleine
 de reſmoignages de bonne volonté & ſincere affection.
 Le lendemain vindrent quelques autres ſaluer le Capi-
 taine de la part du Roy, avec quelques preſens pro-
 pres pour conforter les ſoldats encor tous eſtourdis du
 branſlement des vagues : & dirent avec cela, que le pays
 eſtoit fort opulent, & remply de toutes les eſpiceries &
 marchandises que pluſieurs alloient querir es Indes. Que
 le Roy leur portoit ſi bonne amitié, qu'il n'y auoit rien
 ſi malaiſé qu'il ne promiſt faire, pour leur gratifier. Partāt
 ils prioient le Capitaine d'approcher plus pres de la ville,
 & entrer dedans le port, afin que le Roy qui deſiroit
 le voir, en euſt plus grande commodité. Ce que Gama
 promit faire, & pour les en aſſeurer comme avec o-
 ſtages, il enuoya au Roy deux de ces bannis, dont a
 eſté parlé cy deuant, auxquels le Roy fit fort bon viſage,
 commādant à ſes domeſtiques de leur faire voir l'aſſiette
 & les commoditez de la ville. Apres ſ'eſtre bien pour-
 menéz, le Roy leur fit monſtrer diuerſes ſortes d'eſpi-
 ceries, qu'on a accouſtumé d'apporter des Indes, & leur

en donna quelque peu, afin de les monſtrer à leur Capitaine, & luy perſuader qu'il feroit beaucoup mieux de trafiquer avec vn Roy ſon bon amy, qu'expoſer ſa vie à vne ſi perilleuſe nauigation. Les bannis reuiennent avec ce mandement vers leur flotte, & Gama entendant leur rapport en fut ſi ioyeux, que le lendemain il fait leuer les anchres, afin d'amener les nauires en la rade de Mombaze. Or il aduint que la ſienne eſtant eſleuee par l'impetuofité d'une marée beaucoup pl^{us} haut qu'il ne falloit, luy craignant qu'elle n'eſchouaſt puis après, en danger de ſ'ouuir, il commanda tout à l'heure que l'on baiſſaſt les voiles, & auallaſt les anchres tant de ſa nauire que des autres. Ce qu'eſtant fait, les pilotes de Mozambique ſaiſis d'une peur ſoudaine, ſe iettent en la mer, & gaignent à nage quelques almadies (ſorte de petits bateaux) qui eſtoient pres de là. Car voyans ietter les anchres ainſi en vn inſtant & contre leur opinion, ils penſerent que la trauiſon eſtoit decouuerte: comme de fait les Portugallois ſçurent incontinent pour certain que le Roy de Mombaze auoit accordé avec ces pilotes, par l'entremiſe de ſes gens qui alloient & venoyent es nauires, qu'ils ameneroyent la flotte en tel lieu, qu'on pourroit mettre à fond ou ſe ſaiſir aiſément des nauires. Le Capitaine cria après ceux qui eſtoient almadies qu'ils euſſent à luy enuoyer ſes pilotes: eux au contraire ſe moquans de luy, les menerét à bord. Alors il cognut tant par cela, que par quel que aduerſiſſement que luy donna le pilote Arabe, & par pluſieurs autres coniectures, de combien grand danger Dieu l'auoit garanti, & leua les mains au ciel en recognoiſſance ceſte deliurance. Apres cela, le Roy de Mombaze enuoya gens fort ſecretemēt en des almadies & eſquifs pour couper de nuit les cables des anchres: ce qu'ils euſſent fait ſans l'induftrie & vigilance du Capitaine & des ſiens, leſquels eſtoient au danger tout euident de leurs vies, s'ils n'eſſent preueu les embuſches de ce traifre & meſchant Roy.

A v bout de deux iours ils partirent de là, & ne peurēt ſe deſuelopper pluſtoſt, puis firent voile vers Melinde. En chemin ils prindrent vne nauire de Sarraſins, dont Gama retint quatorze, & laiſſa aller les autres. Ayant en-

*de ce que les
Portugallois
y firent.*

tendu que l'un des quatorze qui auoit quelques grauité estoit pilote, l'interroqua soigneusement, à quoy l'autre, comme fort sage respondit veritablement & d'esprit rassis, monstrât avec bonnes raisons la route qu'il falloit tenir. Comme la flotte vogueoit selon l'instruction de ce pilote, le iour de Pasques elle arriva à Melinde. La ville est situee en vne platte campagne, enuironnee de toutes pars de plusieurs beaux iardins. Il y a grâde abondance d'arbres, spécialement des citrons, qui ont vne odeur fort souefue. Le pays est fertile & gras, abondant en bestial, & en toutes sortes de sauuagines & de volaille domestique & de chasse. Les maisôs sont basties de pierres esquarries, enduites, planchees & lambriſſees de gentille façon. Le pleuple adore certaines idoles qui luy sont particulieres. Ce sont gens noirs, ayans les cheveux crepus, au reste habillez assez proprement. Ils pōtent à l'entour de leurs testes des turbans de lin, & ont la moitié du corps nud, à sçauoir depuis le nombril en haut. De là iusqu'au genouil ils se couurent de drap de soye ou de coton. Leur armes sont des espees ou glaiues pointus, des boucliers, picques, arcs & fleſches: & s'estiment merueilleusement propres à la guerre. Le haure n'est pas pres de la ville: car la coste d'icelle est ceinte de rochers, & fort suiette aux orages & tempestes, ce qui contraignit le Capitaine Gama de mouiller l'anchre vn peu loin de la ville. Or le Sarasin, qui auoit esté prins au partir de Mombaze, entendant que Gama se desſoit du Roy de Melinde, à cause du tour que celuy de Mōbaze luy auoit ioué, il l'exhorta de l'enuoyer à Melinde pour descouurir l'intencion du Roy. Il adiouſtoit à cela qu'il y auoit au port quatre quarauelles Indoise, dont les passagers estoient Chrestiens, du nombre de ceux qui habitent en Inde, qui (peut estre) ayant donné ordre à leurs affaires, se preparoyent pour retourner: & que si l'on pouuoit faire voile avec eux, la navigation en seroit beaucoup plus aisee. Cōbien que Gama ne se fiast pas en ce Sarasin, routesſois considerant qu'il n'y auroit pas de mal d'essayer à gaigner beaucoup en perdât peu, il fait descharger ce Sarasin en vne Islette vis à vis de la ville, d'où luy fut incontinēt enuoyee vne almadie pour l'amener au Roy,

auquel il fit vn discours à la louâge de la courtoisie, fidelité & bonnes mœurs des Portugallois, le Capitaine desquels desiroit fort auoir amitié avec luy & autres Roys & Seigneurs : & que cela prouffoit beaucoup au Roy & à tout le Royaume de Melin, de contracter alliance avec ces estrangers. Le Roy estoit fort vieil, au demeurant de douce & benigne nature. Il enuoya donc quelques siens domestiques pour saluer Gama en son nom, & luy porter des presens necessaires, à sçauoir des moutons & diuerses sortes de fruits bons à manger. Le capitaine gama, qui en toute sa vie a esté tellement ialoux de sa liberalité, qu'il ne pouuoit souffrir qu'un autre le surmônst en cela, fit presenter aussi au Roy d'autres dons. Puis il fit approcher la flotte plus pres de terre, & enuoya querir les Chrestiens Indiens, qui furent ioyeux à merueilles de voir les Portugallois, & les aduertirent de plusieurs choses cōcernâtes leur vie, & la seureté de leur nauigation.

Le Roy desiroit grandement voir les nauires, mais cela luy fut impossible, à cause de sa maladie & extreme vieillesse. Son fils qui manioit desia toutes les affaires du Royaume, vint aux nauires, suiuy d'un grand nombre de gentils hommes. Il estoit vestu à la royale, assez proprement : & auoit en sa troupe force haubois, fifres & tabours, qui faisoient tout retentir. Gama le voulant recevoir plus honorablement se mit en vn esquif : mais le prince estant aupres n'eut la patience de monter, ains à l'approcher, se lança dedans d'un plain saut, & embrassa le capitaine aussi estroittement que s'ils eussent esté amis & familiers de long temps. Puis ils s'assirent & deuiserent ioyeusement : le Prince monstrant en ses propos qu'il ne sentoît point son Barbare, ains descouuroit vn'esprit gentil, raffiné & digne du rang qu'il tenoit. Au reste il regardoit Gama par grand esbaïssement, & confideroit la forme & composition des nauires. Lors Gama luy fit present de tous les Sarrafins qu'il auoit pris au depart de Mombaze, dont le Prince monstra signe d'estre merueilleusement content, pria biē fort Gama de venir voir son pere, & qu'il l'aueroit pour ostage ses propres enfans qui demeuroient es nauires. Le capitaine fit ses excuses : à raison dequoy le Prince requit qu'au moins il

d iij

luy permist d'emmener deux autres de la flotte : ce qui luy fut aisément accordé. Le lendemain Gama porté dans vn esquif approcha plus pres de la ville, pour en considerer l'assiette & la beauté, où de rechef il fut visité par le Prince, qui n'oublia aucun tesmoignage & signe d'amitié pour asseurer les Portugallois de l'affectiō qu'il auoit de leur faire plaisir. Finalement il leur donna vn fort bon Pilote, natif de ceste partie des Indes, qui est arrousee du fleuue Indus : & se fit promettre par le Capitaine qu'il passeroit par Melinde à son retour de Calecut, d'autant que luy vouloit enuoyer vne ambassade en Portugal, pour ratifier par vne sainte alliance l'amitié fermee avec le Roy Emmanuel.

18

*Poursuite de
la navigatiō
de Gama ins-
ques à son ar-
riuee en Ca-
lcut.*

GAMA partit de Melinde le vingtdeuxiesme iour d'Avril. Or combien qu'ils tinssent leur route à l'Est, toutesfois ils gauchissoient au Nord. En peu de iours ils passerent les pays qui sont sous l'Equateur, & derechef virent à grand ioye les estoilles du Nord, lesquelles ils auoyent perdus de veue, tout le temps de leur route vers le Pole Anarctique. Ainsi donc ils contemplerent la grande & petite Ourse, & les autres estoilles qui tournēt autour du Pole Arctique. Depuis ils voguerēt tousiours avec vent si propres qu'ils traufferent sans fascherie toute ceste grande campagne de l'Ocean, qui laue vers le Septentrion les costes d'une grand' part de l'Ethiopie, Arabie & Caramanie. Finalement, le vingtiesme iour de May, ils descouurent vne terre esleuee & fort haute, laquelle le Pilote ne sceut cognoistre, à cause du brouillaz qui entreuint incontinent. Mais le deuxiesme iour suivant il vid les montagnes prochaines de Calecut : & lors il accourut vers le Capitaine, demâdant vn present pour si bonnes nouuelles. Gama luy donna vne bonne somme d'argent, puis rendit graces à Dieu, fit deschainer & deliurer les prisonniers, & se monstra fort ioyeux, comme ayant recueilly les fruits de tous les trauaux supportez en si longue & perilleuse navigation. Ce mesme iour la flotte alla surgir en vn port à vne lieue pres de calecut. Incontinent force Almadies vindrent voir que c'estoit : & s'interroguent les vns les autres. Premièrement Gama leur fit demander par son truchement, en quel lieu le

Roy estoit lors. Puis il enuoya vn des bannis en la ville. A peine ce banny estoit descendu en terre, qu'une miliaſſe de gens l'environne, pour voir vn homme d'autre sorte, & autrement vestu que ceux du pays, & l'interroge d'où il venoit, de quel pays il estoit, ce qu'il cerchoit, & quelle tempeſte l'auoit pouſſé là. Mais il ne les entendoit aucunement, ny eux luy. Or cest multitude le preſſoit tellement qu'il estoit pouſſé tantost d'un costé tantost d'un autre, comme vn vaiſſeau agité des flots de la mer: tant qu'à la fin, comme Dieu voulut, il rencontra deux Marchans natifs de Thunes en Barbarie. Eux cognoiſſans à l'habit que cest homme estoit Espagnol, furent fort estonnez. L'un d'eux, nommé Monzaida, luy demanda en langue Espagnole, de quel quartier d'Espagne il estoit, de Portugal, respondit-il. Ce qu'entendu, Monzaida le mene en sa maison, luy donne à boire & à manger, disant qu'il auoit eu grande accointance avec les Portugallois du temps que le Roy Iean enuoyoit ses nauires à Thunes pour en apporter ce qui estoit necessaire pour fournir son arsenal, & qu'il s'estoit fidelement employé en cela: le priant au reste de le mener vers le Capitaine. Surce, ils s'en vôt de compagnie vers la nauire, où Monzaida fait la bien venue au Capitaine Gama, & parle Espagnol: Gama aussi luy fait fort gracieux accueil. Et apres auoir communiqué quelque tēps ensemble, il auertit Gama de plusieurs choses, & respondit tellement à toutes ses demandes, que lon voyoit biē que c'estoit vn hōme sage, & qui auoit l'oreille aux escoutes. Finalement il offrit son seruice au Capitaine, promettāt de faire bon deuoir. D'auantage il asſeura que l'atriuee des Portugallois seroit agreable au Roy de Calecut, qui estoit fort ioyeux que les estrangers vinſſent trafiquer là: car encores qu'il eust vn pays de grande estendue, & que plusieurs Rois fuſſent ses vassaux: toutesfois le plus cler reuenu procedoit des ports & peages.

Le lendemain Gama enuoya deux de sa suite avec Monzaida vers le Roy, qui lors estoit en vne ville nommee Pandarane à vne lieue de Calecut. Audience leur estant donnee, ils dirent que le Roy de Portugal ayāt ouy la renommee de la dignité & grandeur de celuy de Ca-

Le Roy de Portugal recherche l'alliance & l'amitié de celuy de Calecut.

lecut, auoit enuoyé là vn de ses Capitaines, pour traiter alliance perpetuelle avec luy, & promettre qu'en faueur du Roy de Calecut, il feroit volontiers tout ce qui luy seroit possible. Que le Capitaine supplioit le Roy luy permettre del'aller trouuer. Le Roy fit responce, qu'il estoit ioyeux de la venue du Capitaine, & qu'il ne vouloit pas estre tel de refuser l'amitié qu'un tât illustre Roy cōme estoit celuy de Portugal, luy presentoit: qu'il dōneroit ordre qu'en brief temps le Capitaine pourroit parler à luy. Cependant il l'admonnestoit de faire venir la flotte vers Pandarane, d'autant que la rade, où elle auoit ietté l'anchre, estoit fort perilleuse en ceste saison dell'année. Et afin que cela se peust faire plus cōmodement, il enuoya au Capitaine vn pilote fort expert en ceste mer là. Quelques iours apres vn homme de grande apparence que ceux du pays appellent le Catoual, lequel est Iuge de Calecut, vint trouuer le Capitaine pour le mener en grād pompe vers le Roy, qui luy auoit commandé de ce faire. Gama establit son frere Paul general des nauires, luy cōmandant, & à Nicolas Coeillo, que s'il luy auenoit autre chose qu'apoint, ils ne s'en souciaissent autrement, ains se remissent à la voile, pour retourner faire leur rapport au Roy Emanuel de ce qui auoit esté descouuert en leur voyage. Que ce n'estoit pas raison qu'en le voulant secourir ils se fissent tous tuer, & que le fruit d'un si long trauail se perdist: quant à luy, s'il vouloit s'acquitter de ce dont son Roy l'auoit enchargé, c'estoit force qu'il parlast à celuy de Calecut. Qu'il ne se soucioit pas de perir, moyennant que sa mort peust apporter quelque proufit & contentement au Roy & au royaume de Portugal. Mais afin que les nauires ne demeurassent destitués de soldats, il n'en mena que douze avec soy. Si tost qu'il fut en terre, le Catoual le fist leuer sur vne lictiere à bras, & le Catoual estoit en vne autre: tous ceux de leur suite marchoiēt à pied: & estoient enuironnez d'un grād nombre de genrils hommes, qu'il appellent Naires. Estans venus en la ville, & apres auoir assez bien dîné, ils entrent en des almadies, & furent conduits doucement iusques en vn lieu, où vne grande troupe de valets les attendoit avec d'autre lictieres.

Catoual, Iuge de Calecut.

Naires gētils
hommes de Calecut

De là le Catoual conduisit le Capitaine & ses douze soldats en vn temple estimé traissaint par ceux du pays: & Gama, qui auoit ouy dire que plusieurs Chrestiens habitoient en ces quartiers, estoit que ce fust vn tel temple que ceux de Portugal: ce qu'il creut encore d'auantage voyant la grandeur & magnificence de ce temple, & plusieurs choses qui de prime face sembloient auoir quelque conuenance avec ceux de l'Eglise Romaine. A l'entree ils rencontrent quatre hommes nuds depuis le nombril en hault, & couverts de la iusques aux genoux d'une piece de cotton. Chascun d'eux portoit trois filets en escharpe, pliez sous le bras gauche, & nouez sur l'espaule droite, ils arrousent les Portugallois d'eau benite: & baillent à chacun d'iceux de la pouldre de bois de bonne senteurs, pour en marquer leurs fronts. Es parois du temple on voyoit plusieurs images peintes: & au milieu d'iceluy estoit vne chapelle haut esleuee, ronde, en laquelle on montoit par plusieurs degrez. La porte estoit d'airain & fort estroite. Au fond de ceste chapelle y auoit vne image: mais les Portugallois ne sceurent discerner de quelle sorte, à cause que le lieu estoit si obscur & le Soleil y battoit si peu, qu'à peine y entroit il vn seul rayon de lumiere. On ne voulut nullement permettre aux Portugallois d'y entrer: cela n'appartenoit qu'aux Prestres & marguilliers. Ces quatre susmentionnez entrèrent assez auant, & montrans l'image avec le doigt crierent deux fois, Marie le Catoual & tous ceux de la suite se prosternerēt soudain cōte terre, les mains estēdues: puis s'estans releuez font leurs deuotions à la mode du pays. Les Portugallois estimans que ces hommes inuoquassent la vierge Marie, se mirent à genoux, se recommanderent à Dieu & à la vierge mere de Dieu, selon la coustume de Portugal. Au sortir de là ils entrèrent en vn autre temple aussi magnifique, & finalement prennēt le chemin pour aller au palais du Roy. Au reste, il y auoit tant de gens autour d'eux, que sans les Naires, qui marchoyēt deuant & derriere, les espees nuds au poing, gama & les siens n'eussent peu entrer au palais. Ce pēdant tout retentissoit du son des haubois & trompettes.

*Temples, de
ceux de cale-
cut & leurs
ceremonies.*

ESTANS paruenus à l'entree du palais, quelques sei-

gneurs, qu'ils appellent Caimaes sortirent au deuant de Gama, lequel ils menerent iusqu'à la porte de la salle, où le Roy l'attendoit, & lors sortit vn vieillard couuert d'une longue robbe de cotton depuis les espauls iusques aux talons, lequel embrassa le Capitaine. C'estoit le grãd Brachmane, ou grand Pontife entre-eux, lequel a merueilleux credit enuers le Roy. Apres que tous les autres furent entrez les premiers, iceluy entra le dernier, tenant le Capitaine par la main droite. La salle estoit assez grande, ayant plusieurs chaires de bois fort artistement elaborées, & attachees tellement aux parois, que les vnes estoient dressées & esleuees sur les autres en forme de theatre. Le plancher estoit couuert de draps de soye: & les parois cachees de tapisserie de soye recamee de fil d'or. Le Roy estoit couché sur vn liçt fort magnifiquement paré, & portoit en teste vn bonnet de soye broché d'or & de pierres precieuses, vestu d'une robbe de soye qui le serroit par deuant avec plusieurs agrafes d'or. Il portoit à ses oreilles des perles d'un pris inestimable. On voyoit sortir vne grande clarté des pierres precieuses qu'il portoit es mains & aux piedz. Il estoit grand, ayant vne face liberale, & qui representoit la maiesté d'un Roy. Gama le salua comme ont accoustumé de faire ceux de Portugal leurs Roys. Luy le fit approcher, & luy commanda de s'asseoir assez pres: & voulut aussi que les autres Portugallois s'asseissent. Puis il fit aussi apporter de l'eau pour lauer & rafraischir les mains, avec diuerses sortes de fruits pour conforter ces estrangers encores tout recrus du travail de la marine. Finalement il s'enquit soigneusement de la charge que Gama auoit du Roy de Portugal, dont Gama ne voulut riẽ dire, s'excusant sur la façõ de faire de son pays, où la coustume estoit de ne declarer le mandement de son Roy à d'autres Roys, en presence de beaucoup d'hommes. Partant le supplioit de donner congé à ceux qui estoient en la salle, s'il vouloit entendre ce qu'il auoit à luy dire, & luy presta audience en presence seulement de ses plus secrets Conseillers. Le Roy s'accmodât à sa requeste, les fit retirer en vne autre salle parée beaucoup plus richement, & le suiuit incontinent, avec le grand Brachmane, & petit nombre d'autres. Lors Ga-

ma fit sa harangue, dôt le sommaire fut: Que Emmanuel *Harangue de*
 Roy de Portugal estoit vn Prince magnanime, & ma- *Gama au*
 gnifique, desireux de choses grandes, & qui auoit vne sin- *Roy de Cale-*
 guliere affection en la cognoissance de plusieurs choses. *cut.*
 Que ce à quoy il pensoit le plus estoit d'estre ioint par al-
 liance avec les Roys puissans & illustres: d'autant qu'il n'y
 auoit chose plus propre pour vnir les cœurs, que la con-
 formité en vertu: & que cela se môstroit d'une façon sin-
 guliere és Roys, dont la grandeur approchoit le plus pres
 en ce monde de la maiesté diuine. Pourtant qu'après au-
 uoir ouy parler souuent esfois de la grandeur de l'Inde, &
 entendu par la renommee volant par tout le monde, au
 grand esbahissement de chascun, que le Royaume de
 Calecut estoit de tresgrande estendue, que le Roy d'iceluy
 estoit trespuissant en richesses, en peuples, & de grande
 autorité par dessus tous autres Roys, il attoit eu vn grand
 desir d'estre de ses amis. Et sur ce auoit enuoyé ceste am-
 bassade, pour prier en son nom le Roy de Calecut d'esti-
 mer tant l'alliance & l'amitié du Roy de Portugal, com-
 me il se deuoit asseurer de la volonté d'iceluy, s'il le met-
 toit au rang de ses amis. Gama adioustoit qu'outre la di-
 gnité de ceste alliance, il s'asseuroit que les deux Royau-
 mes en seroyent beaucoup accommodez: & qu'il auoit
 des lettres d'Emmanuel pour preuue que tout ce qu'il
 mettoit en auant estoit tres-veritable. Le Roy dit en peu *Response du*
 de mots, que celuy estoit chose agreable d'auoir cognois- *Roy de Cale-*
 sance avec vn si excellent Prince, & qu'il feroit volontiers *cut.*
 tout ce qui seroit possible pour faire paroistre qu'il vou-
 loit tenir Emmanuel côme son propre frere. Apres auoir
 fait ceste response, il commanda au Catoual d'emmener
 promptement Gama au logis qui luy estoit preparé, &
 les autres és hostelleries. Gama demeura trois iours en
 son logis, sans en bouger. Mais auant que d'escrire ce qui
 auint puis apres: il ne viendra pas mal à propos de dire
 quelque chose de la situation de ce pays là, Item des cou-
 stumes & de la maniere de viure des habitans.



LE SECOND LIVRE DE L'HISTOIRE DE PORTVGAL.

SOMMAIRE.

1. Briefue description des Indes Orientales, & la commodité du Royaume de Calecut.
2. La Religion des Malabares ou Calecutiens.
3. Mœurs & coutumes diuerses des Calecutiens & autres peuples voisins.
4. Presens de Gama au Roy de Calecut, & commencement de machinations contre les Portugallou.
5. Harangue des Arabes au Roy de Calecut contre Gama & les siens.
6. Commencement de querelle entre le Roy de Calecut & Gama.
7. Depart de la flotte de Portugal arriere de Calecut, & lettres du Capitaine au Roy.
8. Arrivée de la flotte pres de l'isle de Goa, & ce qui s'ensuiuit.
9. Passage en Melinde, Zamzibar & Mozambique; & retour de Gama en Portugal.
10. Nouuelle flotte de treize nauires enuoyees en Calecut sous la charge de Pierre Aluaro Capral.
11. Mort du Prince Michel, & nouveau mariage d'Emmanuel. Item le secours par luy accordé aux Venitiens contre le Turc.
12. Rencontres & diuers accidens des Portugallois contre les Mores en Afrique.
13. Secours de Portugal enuoyé aux Venitiens, & ce qui en auint.
14. Navigations de Capral pour aller en Calecut, & comme il fut chassé en la terre du Bresil.
15. Description de la terre du Bresil, de la maniere de viure des

habitans, & de leurs façons en temps de paix & de guerre.

16. Continuation de la navigation de Capral, son arrivée en Quiloa, Melinde & Calecut.
17. Negotiation de Capral avec le Roy de Calecut.
18. Combat d'un petit vaisseau de Portugal contre une grande navire venant de Cochim.
19. Murmures, calomnies, & sédition des Arabes contre les Portugallois, & ce qui s'en ensuiuit de part & d'autre.
20. Navigation de Capral en Cochim & en Cananor, & son retour en Portugal.
21. Second voyage de Vaque de Gama es Indes Orientales.
22. Navigation de Jean Nouio.
23. Deportemens d'Emmanuel, & estat de Portugal.
24. Navigation de Gaspar Cortereal en Septentrion, & ce qui s'en ensuiuit.
25. Continuation du second voyage de Gama, et ce qu'il fit en Quiloa.
26. Commencement de guerre contre le Roy de Calecut.
27. Diverses menées du Roy de Calecut pour attraper les Portugallois.
28. Alliance de Gama avec les Roys de Cochim & Cananor: & son retour en Portugal.
29. Guerres & divers accidens des Portugallois contre les Mores en Afrique.

Nous appellons Inde tout le pays qui a pour confins vers l'Occident les limites des Paropamisadares, d'Arachosie & Gedrosie: vers l'Orient touche les frontières du Royaume de la China. Au Septentrion il a pour bornes le mont Imaüs qui fait une partie de Caucase: & au Midy est clos de l'Océan Indois. Neantmoins, on diuise l'Inde en deux parties. L'une de la le Gange, & s'étend jusques à la China. L'autre est dedans le Gange, c'est à dire, commence aux frontières d'Arachosie & Gedrosie à l'Occident, & finit au fleuve du Gange. Toutesfois nous ne prenons pas toujours ce mot si au large: car nous appellons Inde le pays qui est enclos de deux grandes rivières, Indus & le Gange. Les habitans appellent ce pays Indostan. Le fleuve Indus coule d'Occident, & le Gange d'Orient, & tous deux ont leur source en Imaüs, par une esgale distance du Septentrion.

Briefue description des Indes Orientales.

1500.

trion. De là ils deualēt de viffesse, & apres plusieurs tours & retours dont ils trāchent plusieurs Prouinces, croiffent par le flus de grand nombre de ruisseaux & petites riuieres qui entrent & se perdent dedans, en telle sorte qu'en approchant de la mer, ils portent de grands vaisseaux, à cause de la profondeur de leur canal. En se deschargeāt en la mer Oceane, chacun fleuue fait vn goulfe fort grād. La terre s'estend en longueur fort auant vers le Midy, en telle sorte que quelques fois elle s'estroiffit, par fois se met vn peu plus au large: puis vient finir au Cap que les Indies appellent Comori, qui fait vne pointe aiguē. Or tout ce pays depuis la bouche du fleuue Indus iusques à ce Cap de Comori, a de longueur enuiron neuf cens mille pas, qui font quatre cens cinquante lieues Françoises. La largeur entre les deux fleuues susnommez est d'enuiron trois cens cinquante lieues, mais elle se restraint & accourcit peu à peu. Ceste pointe du Cap Comori qui regarde le Midy, est essongnee del'Equateur d'enuiron sept degrez qui montēt enuiron cent dix huit lieues. Les villes & places qui sont à la coste de l'Ocean Oriental & Occidental, sont habitees de diuerses nations. Toutesfois du temps que Gama & les siens arriuerent en Calecut & autres endroits qui regardent l'Occident, la pluspart estoit habitee par les peuples qu'ils appellent Malabares. Et y auoit plusieurs Roytelets qui recognoissoyent presques tous le Roy de Calecut pour souuerain, & luy estoient tributaires. Ce pendant le plus clair & riche reuenu de ce Roy procedoit des ports & peages: car lors Calecut estoit le plus renommé port des Indes Orientales, oī les marchās arriuoient de toutes parts. Aussi le pays abondoit en espiceries & marchandises qui se recueilloient en partie sur iceluy, & en partie estoient apportees d'ailleurs.

2.

*Religion des
Malabres ou
Calecutiens.*

Ce peuple est miserablement superstitieux & idolatre. Ils ont force temples, & portent fort grand honneur à leurs Prestres, qu'ils appellent Brachmanes ou Bramins, qu'ils estiment estre entendus en la science des choses diuines & humaines. On n'estit point de Roys que ces Prestres n'ayent esteuē & enseignē. En temps de guerre ils peuuent aller seurement par tout: car ce seroit, à leur iugement, le plus grand crime du monde, de toucher ces

Prestres

Prestres autrement que ne porte l'opinion qu'on a de leur saincteté. Ils portent trois filets pendās de l'espaule droite sur le costé gauche, pour représenter la Trinité des personnes en vne seule nature diuine. Ils croyent que Dieu couuert de la forme humaine a conuersé au monde, afin de racheter le genre humain de la mort eternelle. Il est vray semblable qu'ils ont aprins celā des anciens Chrestiens. Ils font profession des Mathematiques & de la Philosophie. Au demeurant, ce sont grands hypocrites, qui sous apparence de saincteté commettent de grandes meschancetez en toute leur vie. Les autres Malabres, enseignez par ces Prestres, adorent des monstres. Tous les ans le vingtdeuxiesme iour d'Aoust, il se fait vne feste solennelle, où les ieunes garçons tirent avec des arcs des fleches fort legeres contre leurs compagnons. Ceux qui sont de plus grand aage, tirent aussi de l'arc, dōt plusieurs sont griefuement blesez & meurent. Les autres pensent que celuy qui meurt ainsi est bien-heureux: car ils tiennēt qu'ils s'en est allé au Ciel pour viure avec les Dieux. Ils font force anniuersaires, esquels aucuns se font mourir en diuerses sortes, deuant vne grand' troupe, qui les regarde. Ils commencent l'annee au moys de Septembre, mais ils n'ont point de iour certain pour le commencement du moys. La premiere chose qu'ils font en cela, c'est de demander aduis aux Astrologues & Augures, & ils commencent l'an à l'heure que ces deuins prognostiqueront deuoir estre heureuse & de benin aspect. Ceux qui ont passé quinze ans, voient leur visage ce iour là, & cachent leurs yeux pour ne rien voir. Puis les petis enfans les meinent es tēples, où il y a diuerses images des dieux. Lors on les demasque, & tout soudain ils iettent la veue sur ce qui est à vis d'eux. S'ils fichent les yeux du premier coup sur l'image de celuy qui est leur patron, ils s'asseurent d'auoir bonne auenture toute l'annee.

Il est defendu aux gentils-hommes de se marier, afin que riē ne les empesche de s'exercer cōtinuellement aux armes. Mais vn chascun a plusieurs Damoiselles à son commandement: & estime-on qu'ils ayent commis vn crime horrible entre les autres, s'ils ont la cōpagnie d'une femme qui ne soit point Damoiselle. Ces Damoiselles

3.
Privileges e-
stranges &
infames de la
noblesse de
Catecut.

ont aussi autant de rufés qu'il leur plait, pourueu que ce foyent Naires, c'est à dire, Gentils-hommes. Les vns ne sont point ialoux des autres, ains suivent quelque ordre en leurs desordres & ordures. Si vn Naire paillard avec vne roturiere, ses compagnons le hachent en piéces. Les femmes nobles aussi qui ont affaire avec autres que naires, sont traittes de mesme. En leurs testamens ils n'instituent point heritiers leurs fils: d'autant qu'ils ignorent s'ils sont engendrez d'eux: mais ils adoptent les fils de leurs soeurs. Le Roy, donne gages à ces Naires, qui s'exposent sans crainte à tout danger pour son estat. Ils cheminent nuds depuis le nombril en haut: depuis là iusques au gras des iambes ils sont couverts de quelques vestemens. Ils ne peuuent s'aider d'armes en guerre, que premierement ils n'ayent fait serment au Roy, qui leur donne quelques ornemens militaires. Dés leur enfance ils apprennent à manier les armes, & portent grand honneur aux maistres qui les ont façonnez à cela. Ils sont vaillants & dispos. Si quelque roturier les touche, ils estiment que cela souille leur noblesse: & ne trouuent meilleur expedient de venger ceste grâde iniure, que de tuer ces miserables qui se sont approchez vn peu trop pres d'eux. Voila pourquoy, quâd ceux qui ne sont pas nobles marchent çà ou là, ils sont contrains de crier à haute voix, comme pour dire qu'ils sont en chemin. Quand les Naires entendent à ces cris que les autres s'approchent, ils leur commandent de se tirer à quartier, & par ce moyen les ignobles enitét la mort, & les nobles l'ignominie perpetuelle. En ce lieu la noblesse ne s'obscurcit pour meschanceté que le noble commette, & ne faut pas qu'un roturier pense iamais estre autre, fust-il le plus sage & vertueux de tous les hommes du monde: il faut necessairement que chacun demeure en la conditiô en laquelle ont esté ses predecesseurs. Les mestiers sont tellement distinguez, que ceux de l'un ne peuuent marier leurs filles à ceux de l'autre. Comme pour exemple les fils d'un cousturier ne peuuent espouser les filles d'un cordonnier, ny apprendre autre mestier que celui de leur pere: & sont de mesme és autres mestiers par vne coustume obseruée entre eux de tout temps. Ils sont vne sorte de voru en s'al-

liant quelquesfois les vns avec les autres, & vsent de certaines imprecations, que si l'un d'eux est tué en quelque querelle, tous les autres se ferônt hacher en piéces ou végerônt sa mort. Cela fait que quâd le moindre de leurs compagnons est occis, les survivâns sans se soucier de leur vie, se iettent au trauers des espees nues, courét par dedâs les feux, & se fourrent au milieu d'un millier d'hommes armez, pour saccager ceux qui ont tué leur compagnon, & ne celsét de les poursuivre, iusques à ce qu'ils les ayét mis à mort, ou qu'eux-mesmes demeurerét estédus sur la place.

EN escriuant ils ne se seruent de papier ny de parchemin, mais marquét avec vn poinçon leurs lettres sur des feuilles d'arbres sauvages, qu'ils appellent Palmiers, à cause que ces arbres se ressemblent. Or ils ont des liures fort anciens, escrits en ces fueilles. Et coupent vne grande quantité de ces fueilles, en telle sorte qu'elles sont d'une mesme longueur, où ils escriuent leurs Annales & Histoires memorables: puis ils percent ces fueilles par les costez, & aplanissent deux couuercles de bois qu'ils attachent assez proprement à ces fueilles. Alors ils mettent les fueilles par ordre, meslâns quelques petits aiz, par dedans, les ioignent ensemble avec des petites cordelettes qui serrent cela estroittement: & quand le liure est complet, ce qui reste de ces cordelettes est entortillé & estrait de plusieurs nœuds au long du dos de ce liure. On pourroit discourir plus amplement sur les mœurs de ces peuples: mais nous les obmettrôs pour le présent, afin de reprendre le fil de nostre histoire.

*Maniere d'escrire et relier
liures en Calcut.*

CALCUT est presques au milieu de ceste coste que nous auons descrite cy dessus, qui a le Cap de Comori, & n'est pas loin de la mer. Le Havre où les nauires sont à couuert n'est pas ioint à la ville. Ceste ville est grande: les maisons ne s'entretouchent pas, ains sont eslongnées les vnes des autres, & ont des iardins & beaux vergers entredeux. Il n'y a que le Palais du Roy qui soit basti de pierre: les loix descendent aux autres personnes de bastir magnifiquement, tant grands seigneurs puissent-ils estre. Le pays est fertile, abondant en toutes choses requises pour la vie humaine. En ce tēps, le Roy de Calcut estoit le plus riche & puissant entre tous les Roys de ce pays:

*Situation & commoditez
de la ville de
Calcut.*

& tel estoit l'estat de Calecut, lors que les Portugallois y arriuerent.

4.

A v bout de trois iours, le Catoual cōduisit Gama vers le Roy, auquel il presenta ses lettres, avec quelques presens, dont le Roy ne tint pas grand compte: à cause de quoy Gama dit, qu'il ne se faloit esbahir si la maiesté Royale n'auoit receu des presens dignes d'elle, pour autāt qu'Emmanuel ne sçauoit pas bonnement que ceste nauigation deust si bien succeder. D'auantage, qu'il n'auoit peu lors luy faire present plus riche que l'amitié du Roy de Portugal. Quant au proufit, il le prioit de considerer quel gain luy reuiédroit, si tous les ans arriuoient en son Havre de grands vaisseaux de Portugal chargez de précieuses marchandises. En apres, il le supplia de ne communiquer aux Sarrafins les lettres d'Emmanuel, mais se seruir d'autres truchemens. Car il auoit ja entendu de Monzaida qu'ils luy brāssoyent quelque meschanceté. Apres que les lettres eurent esté leuës & expliquees par Monzaida, le Roy donna congé à Gama, l'admonnestant de se donner soigneusemēt garde des embusches des Sarrafins. Gama le remercia fort humblement de ce conseil, & s'en retourna chez soy, avec resolution de se retirer es nauires au plustost qu'il luy seroit possible. Ce pendant, les Sarrafins commēcent à parlementer ensemble, comploter contre les Portugallois, aller & venir vers les mignons & domestiques du Roy, les importuner par prieres, les corrompre par presens, & supplier de faire que le Roy ne se laissast tromper par ces melchans. Que Gama estoit vn cruel corsaire, & qu'en toutes les costes de mer où il auoit mis le pied, il y auoit laissé les traces de ses brigandages: & que sous pretexte de trafiquer il estoit venu descourir le pays, afin d'y faire puis apres tout le mal qui seroit possible. Que cecy estoit vn petit feu, sur lequel si on ne versoit bien tost de l'eau pour l'estaindre, il pourroit embraser tout le royaume. Ils battoyēt les oreilles du Roy de tels discours & autres semblables. Car en partie la haine qu'ils portoyent aux Chrestiens, en partie la crainte qu'ils auoyent d'estre chassiez de ces pays à la venue des Portugallois, ou de n'y faire pas si bien leurs besongnes comme au parauant, leur faisoit essayer tous moyes pour

exterminer leurs ennemis. Aussi attiroient-ils à eux par presens le Catoual, afin que par faux rapports & autres artifices il ruinaît les Portugallois. Le Roy qui estoit d'un esprit variable & inconstant, tournoit tantost d'un costé, quelquesfois de l'autre. Car s'il faisoit tuer Gama & les siens, ou qu'il les fist emprisonner pour cōtenter aucunes des Sarrafins, il craignoit d'estre reputé traistre: & s'il les laissoit aller, il preuoyoit que ces Arabes qui augmētoyēt par leurs trafic ses ports & peages, s'esfrageroyent de luy. Eux d'autre part, pour ne laisser rien en arriere, se rassemblent en bon nombre, vont trouuer le Roy, auquel le plus hardy & le mieux disant d'entre eux fit (comme plusieurs disent) la harangue qui s'ensuit.

SIR A, nous nous sommes monstrez si fideles à vostre seruice, que nous deuons obtenir paisible audiēce de vostre maiesté. Car l'accroist de vōs peages par nostre trafic & traual est si euident, qu'il n'est aucunemēt besoin d'en faire mention. Demandez-en à vos Peagers: interrogez les Controllours: faites examiner leurs liures, & vous cognoistrez que nous n'auōs iamais porté dommage à vostre Royaume. Ioint que nos predecesseurs nous ont mōstré ce chemin: car il y a long temps qu'ils ont hanté ce pays comme si c'eust esté le lieu de leur naissance, & ont tousiours grandement respecté & honoré les Roys de Calcut. Or ces bannis & desesperes, qui depuis quelques iours sont en vostre Havre, feront tāt par leurs menées, si vōus ne preuenes leurs complots, qu'ils desnoieront & aboliront du tout ceste amitié tant estroite que nous auons de si long temps avec vos suiets. Si vous ne vous en doutez pas encōres, ce n'est pas de merueilles, Car vn cœur vraiment Royal, iuge des autres selon sa rondeur & integrité: ce qui l'empesche de croire aisēmēt que quelqu'un luy machine du mal. Dauantage, vous ne sçauēz pas qui sont ces gens, que nous cognoissons bien pour en auoir fait l'espreuue à nostre grand dommage. Aussi ont-ils fourragé & ruiné plusieurs nations, qui ne leur auoyent fait aucun tort, estans esguillonnes de pure auarice & ambition, & non d'autre chose. Penſez-vous qu'ils soyent venus de si loin, & ayent trauersé tant de perils, pour venir icy trafiquer avec vos suiets? Il n'y en a

5.
*Harangue au
Roy de Calcut
cōtre Gama et les siens.*

„ point d'apparence. Mais ce sont escumeurs de mer, qui
 „ veulent abuser de vostre clemence à la ruine de plusieurs,
 „ & pour y paruenir vous ont présenté des lettres contre-
 „ faites: ou bien il faut dire que le Roy qui les a enuoyez
 „ est extrêmement ambitieux, & ne les a point fait embar-
 „ quer pour traiter alliance avec vous, ains pour remarquer
 „ soigneusement le plan de ceste ville. Les Roys de Portu-
 „ gal ont-ils pas empietté grand nombre de villes en Affri-
 „ que par ce mesme stratageme? Se sont-ils pas faits mai-
 „ stres d'une bonne portion de l'Ethiopie sous tels pretextes
 „ frauduleux? Ignore-on combien de torts ces corsai-
 „ res ont faits à diuerses nations en ce voyage? Ont ils pas
 „ assaillé Mozambique? Ils ont remply de sang le port de
 „ Mombaze: & se sont saisis de plusieurs nauires qu'ils ont
 „ pillés & retenu ceux qui estoient dedans. Puis qu'en leur
 „ pauureté ils ne peuuent cacher leur naturel importun &
 „ bruslant: que feront-ils, quand leurs forces & richesses
 „ seront plus grandes? Et pourtant, si vous voulez main-
 „ tenir vostre royaume en sa vigieure, exterminiez ces mes-
 „ chans. S'ils sont Pyrates, c'est tresbien fait de les chastier
 „ de leurs brigandages. Au contraire, si leur Roy, qu'ils di-
 „ sent estre si puissant, les a enuoyez, il est expedient de
 „ couper la gorge à ceux-cy qui sont en vostre puissance,
 „ afin que leur mort tranche tout desir à leurs patriottes de
 „ venir voir ce qu'on fait pardeça. Il est aisé d'arracher le
 „ mal qui n'a pas fortes racines: mais quand il est fort &
 „ enuieilly, on a beaucoup de peine à l'abolir. Maintenant
 „ donc qu'en auez le moyen, preuenez le mal, raclez par le
 „ pied l'ambition, & fortifiez vostre estat. Or comme il n'y
 „ a rien qui endommage plus vn Royaume que croire de
 „ leger: aussi ne scauroit-on trouuer plus seure forteresse
 „ pour repousser les dangers, que la prudence & desfian-
 „ ce. Mais quelle marchandise apportent-ils? c'est si peu
 „ de cas, à ce qu'on dit, qu'il est aisé de cognoistre par là
 „ qu'ils sont fort pauures. Comment donc peut-on espe-
 „ rer que ceux qui n'ont gueres de moyens chez eux puis-
 „ sent enrichir vostre Royaume de marchandise de grand
 „ prix? Que diray-ie des presens qu'ils vous ont offerts
 „ au nom de leur Roy? Pour vray ie ne scauroy dire,
 „ s'ils nous ont plus fait rire, ou d'auantage despité.

Naturel des

Portugallois.

Mais peut estre que ce Roy pensoit enuoyer quelque chose de beau à ie ne çay quel Roytelet d'Etiopie, qui par sa pauvreté & niaiserie pouuoit estre attiré au filet tissé de ces bagatelles. Faudra-il donc dire que l'on se soit ainsi ioué de la grandeur d'un puissant Roy: que l'on ait abusé de sa douceur: mesprisé sa sagesse? Mais on pourra repliquer, que nous auons dressé ceste accusatiõ à cause de la mauuaise affectiõ que nous portõs aux chrestiens. le confesse que nous sommes tousiours en querelles avec ceste nation contraire & ennemie de nostre bien. Mais en ce danger qui paroist maintenant, nous estimons que vostre estat est plus pres de sa ruine que le nostre. Car si vous traitez alliance avec les Chrestiens, il faudra que nous deslogions d'icy pour nous retirer ailleurs où nous puissions trafiquer commodément. Nous proposerons nos iustes doléances aux autres Roys, que vous aurez preferé des inconnus à gens bien connus, des estrangers à des domestiques, des suspects à ceux qui estoient feaux: & sommes asseurez que nostre retraite en leurs pays ne leur sera pas desagréable. Quât à ce qui concerne nostre prouffit particulier, quelque part où nous setons, peut estre que nous y ferons nos besongnes aussi aisément & prõptement qu'en ce lieu. Mais pour vostre regard, Sire, si vous ne pouruoyez de bõne heure à vos affaires, ie crain (ce que Dieu destournera s'il luy plaist) que d'icy à quelques annees vo^{us} ne soyez cõtraint cõbatre contre ceste gent troupe auare, ambitieuse, & desesperée à la guerre, nõ seulement pour l'estat de vostre royaume, mais aussi pour le salut & cõsolation de vostre personne.

Ces Arabes cõbatoynt par elles & semblables harangues, faisans instance vers le Roy d'exterminer les Portugallois & se saisir de leurs nauires, si faire se pouuoit. D'au^{ant} *Cõmencement* de querelles tre costé, Gama ayât descouuert cecy & plusieurs autres *entre le Roy* meschancetez & cõspirations cõtre sa vie: voyât aussi les *de Calcut* fraudes & finesses du Catoual, qui le trainoit par le nez, *Et Gama,* vid bié qu'il ne falloit pas seiourner là lõguement: tellement que deuât iour il tira vers Pandarane, & se hastãt qu'il fut possible, de crainte q^{ue} le Catoual ne l'espeschast. Or auât descẽdũ en terre, il auoit cõmãdẽ que tout les iours on

inist prest quelques esquis au riuage de la mer, afin de
 pouuoir couter le mal que les Sarrafins luy voudroyent
 brasser. Les Sarrafins d'autre part sollicitoyét de pres leur
 affaire, font amas d'arme, & enueniment cōtre Gama &
 les siens tous ceux enuers qui ils auoyent quelque credit
 & estoient en telle cholere qu'ils deliberoient se ruer
 sur les Portugallois. Mais ayant entendu que Gama s'e-
 stoit retiré, ils porterent cela fort impatiemment, & sol-
 liciterent le Roy de faire tant qu'il reuinist à Calecut. Le
 Roy persuadé par leurs harangues, enuoya le Catoual
 pour retenir Gama : à quoy ce Catoual obeissant, alla en
 toute diligence à Pandarana, & fit tous ses efforts de re-
 tenir gama, & sous couleur de sa charge taschoit de re-
 oster les moyens de se garentir: Car il disoit que la plus
 grande sollicitude estoit de procurer que gama obinst du
 Roy ce qu'il voudroit. Que cela ne se pouuoit faire s'il
 ne leuoit ces defiances que le Roy auoit de luy, qui ven-
 droit entendre avec quelle intention les Portugallois
 estoient venus en Calecut. Partant qu'il deuoit faire ve-
 nir la flotte plus pres de terre, & luy bailler en garde les
 voiles & les gouuernails, afin que ces gages asséurassent
 le Roy que gama ne luy vouloit estre traistre. Ce que ga-
 ma ne voulut accorder en façon que ce fust, encor qu'il
 deust mourir du plus cruel supplice qu'il seroit possible
 d'inuenter. Delà il escriuit à son frere, l'aduertissant,
 comme à la premiere fois, que s'il voyoit que ce peuple
 infidèle le detinist trop long temps, il se mist à la voile &
 remenast la flotte en Portugal, pour faire entendre au
 Roy comme le chemin des Indes estoit ouuert. Quant à
 luy il ne luy chaloit plus de viure, & que tout ce qu'il crai-
 gnoit estre que le fruit d'un si long travail perist. Ce pé-
 dant il resistoit de tout son pouuoir au Catoual, & raba-
 toit ses coups fort dextrement. Ils furēt deux iours à dis-
 puter sans aucune resolution. Finalement ils accor-
 dent que la marchandise des nauires seroit deschargée
 en terre avec gens pour la vendre. Apres que la marchā-
 dise fut liuree, le Catoual donna congé au Capitaine, qui
 se retira dedās sa nauire, d'oū il escriuit vne lettre au Roy,
 par laquelle il declairoit le meschant tour que le Cato-
 ual luy auoit voulu iouer, & que ses trahisons l'auoyent

*Naturel des
 traistres de-
 peint au vis-
 en ce Cato-
 ual de Cale-
 cut.*

contraint de se departir ainsi. Le Roy promit là dessus de conoistre du fait, & que s'il descouvroit quelque faute au Catoual, il le chatieroit de telle sorte, qu'à l'auenir il apprendroit à tenir promesse. Quant aux marchandises, il l'admoneste de les faire amener au port de Calecut, où elles seroyent mieux vendues: ce que gama trouua bon, & les marchandises furent conduites aux despens du Roy de Calecut. Sur ces entrefaites, & tandis que la flotte estoit pres du port, il enuoyoit tous les iours deux ou trois hommes en la ville, afin d'en faire considerer la situation par chacun de sa troupe. Les habitans du lieu se comportoyent assez paisiblement: & les Portugallois d'autre costé monstroyont tous signes de paix & d'amitié.

*Belles paroles
attrappoires
de mal auifex.*

QUEL QUE temps apres il pria le Roy par lettres, de luy vouloir permettre pour plus ferme conionction de l'aliance pour l'auenir, de laisser à Calecut vn homme qui seroit facteur & negocieroit pour le Roy de Portugal. Le Roy qui n'entendoit point à quoy tendoit ceste demeure de facteur du Portugal en Calecut, ou estimant que gama s'en voulust aller sans payer le port & peage des marchandises, fut fort irrité, & ne respondit que menaces. gama voyant la respõse toute autre que la requeste ne demandoit, estima qu'il ne faloit plus dire mot de ceste affaire à vn Roy si incõstant. Mais son silence despita tellement le Roy qu'il fit emprisonner les deux Portugallois que gama auoit enuoyez avec la marchandise au port de Calecut, & commada que l'on serrast toute la marchandise. Le Capitaine requeroit là dessus que tout luy fust rendu: mais le Roy ne s'en soucia. Au moyen de quoy pour r'auoir ce qui estoit sien, le Capitaine iugea qu'il falloit vser de force.

AINSI donc, il assaillit vne nauire qui vouloit entrer dans le havre, & à force d'armes entra dedans: print *Gama prend* prisonnier des six des principaux, avec dix huit seruiteurs, & les emmena *domestiques* prisonniers, laissant aller les autres. Puis il fit hausser les voilles du Roy de veue la terre: car il esperoit que le Roy renuoyeroit les deux Portugallois qu'il derenoit avec la marchandise, afin de r'auoir ces quatre & leurs seruiteurs. Mais le

Roy luy manda qu'il s'esbahissoit grandemēt de ce qu'il luy retenoit les gentils hōmes de sa maison sans aucune cause, veu qu'ils ne luy auoyent fait aucun tort. Qu'il n'auoit point voulu lascher les deux qu'il tenoit, que premierement il n'eust escrit au Roy de Portugal son frere, & qu'il les renuoyeroit avec les lettres & la marchandise. Ceste promesse esmeut Gama de ramener sa flotte plus pres de la ville. Le lendemain arriuerent les deux Portugallois avec les lettres adressantes au Roy de Portugal. Vn messager vint avec eux dire à Gama que s'il vouloit laisser en la ville vn facteur pour son maistre, le Roy de Calecut donneroit ordre qu'il y auroit grand proufit pour les Portugallois: & que les marchandises n'auoyent point esté renuoyees, pource qu'il esperoit qu'elles se pourroyent vendre avec plus grand proufit par celuy que le Capitaine y establiroit. Gama respondit qu'il auoit changé d'aduis, & ne vouloit laisser personne en la ville: partant qu'on luy renuoyast promptement ses marchandises, si le Roy vouloit auoir ses domestiques. Le lendemain Monzaia da vint aux nauires tout troublé, disant que les Sarrasins se mutinoient, dressoyēt des embusches, enflammoient le Roy contre Gama & les siens, & qu'il s'estoit trouué en grand danger de sa vie pour auoir seruy de trucheman, & qu'à peine s'estoit-il peu sauuer de leurs mains. Qu'il luy estoit impossible de se garentir des trahisons de ces meschans, s'il retournoit en Calecut: pourtant supplioit Gama de l'emmener en Portugal, & qu'il ne se soucioit aucunement du bien qu'il laissoit en Calecut, ains ne demandoit qu'à conseruer sa vie. Gama le receut tres-volontiers, & luy promit la foy, comme aussi il l'amena en Portugal, où il fut baptisé & en tout le reste de sa vie se porta en Chrestien, & homme de bien.

le la Ce mesme iour le Roy enuoya sept almadies dans
Portugal. arriere lesquelles estoyent les marchandises que le Capitaine
de Calecut. redemandoit. Luy qui aimoit mieux mener les prisonniers en Portugal, que recouurer telles merceries, dit puis que iusques lors on luy auoit donné tant de trouffes, il ne se fioit plus à personne: qu'il connoissoit qu'on ne luy rendoit pas tout ce qui auoit esté porté à

Calecut: qu'il n'auoit pas le loisir de regarder à ce qui de failloit. Partant qu'il ne lascheroit point des Malabares prisonniers, ains les meneroit en Portugal, afin que son Roy entendist de leur bouche, combien d'outrages le Roy de Calecut auoit faits à son ambassadeur & Capitaine de ses nauires, en faueur de certains mēchans Arabes. Sur ce il fait mettre le feu à l'artillerie, afin d'effrayer ceux qui estoient es almadies, & leur donner la chasse. Le Roy de Calecut fut merueilleusement despitē d'une telle bravade, mais il ne pouuoit s'en venger, pour ce que tout son armee de mer estoit lors en terre, à cause de la saison de l'annee. Toutesfois pour ce que le vent estoit foible, & que la flotte de Portugal ne pouuoit voguer de telle vitesse que elle vouloit, & sortir de ceste mer de Calecut: le Roy fit equipper soixante nauires & charger de gēs de guerre pour attraper Gama & les siēs. Mais vne tempeste suruint tout soudain qui escarta ceste flotte de Calecut, & chassa fort loin de leur veue en vn instant les nauires de Portugal. Au premier haure que le Capitaine aborda, il escriuit des lettres au Roy, esquelles il discouroit sur les trahisons que les Sarrafins & le Catoul luy auoyent brassees: que c'estoit ce qui l'auoit contrainct de partir sans prendre congē de sa maiesstē: neantmoins qu'il luy demurerait tousiours affectionnē seruiteur, & procureroit que le Roy de Portugal seroit volontiers & promptement ce qu'il conoistroit appartenir à la dignitē du Roy de Calecut. Quant à ses domestiques, qu'il ne s'en donnast aucune peine: car il promettoit de faire qu'on les rameneroit sains & saufs. Il bailla ces lettres à vn des seruiteurs de ces quatre prisonniers, & le fit mettre en terre, afin de les porter.

A v desmarer de ce haure, la flotte fut poussee en quel- *Arrivee dela*
 ques petites isles: mais auant que d'en approcher elle fut *flotte pres de*
 assailie de huit fustes de corsaires, dont les sept furent *l'isle de Goa,*
 mises en fuite, l'autre chargee de viures & de diuers *& ce qui leur*
 fruits fut prinse. C'estoit la flotte d'un certain pyrate *y auint.*
 nommé Timoja, homme resolu, & qui escumoit telle-
 ment ceste mer, que chacun le redoutoit. De là les na-
 uires de Portugal prindrent la route d'une isle nom-

avec Anchediue, esloignee de terre ferme enuiron deux lieues, afin de se reposer vn petit apres auoir si long tēps branslé sur les vagues. De tous costez arriuerent gens pour voir les Portugallois, entre autres vn personnage seruiteur domestique d'vn Seigneur de certaine isle prochaine, nommee Goa. Ce Seigneur s'appelloit Zabajo, homme magnanime, grand guerrier & qui entretenoit bon nombre de soldats, attirant à soy par grosse solde tous ceux qu'il scauoit estre hardis & resolués à la guerre. Or ce seruiteur estant pres de gama, commence à le saluer honnorablement, & luy faire les recommandations de son maistre, en langage Italien. Puis il adiouta que Zabajo esmeu de la renommée de gama, estoit prest de luy fournir tout ce dont il auroit besoing. Qu'il demandast donc des viures, des armes, ou de l'argent, & que sans doute il obtiendroît tout, selon son desir: d'autāt que Zabajo luy vouloit monstrier qu'il estoit bon Prince & amy des Portugallois. Le Capitaine estonné de voir cest homme parlant si bon Italien, & tant prompt qu'il respondoit fort à propos sur tout ce dont on l'interrogoit, luy demande d'où il estoit. Ce seruiteur s'auoue né en Italie, & qu'estant monté sur mer avec son pere & sa mere pour aller en Grece, il fut prins par des corsaires, & apres plusieurs accidens fut reduit finalement à ceste extremité que de perdre toute esperance de retour & estre contraint de seruir à vn Prince Mahumetiste. Apres cela ce seruiteur commence à se enquerir dextrement, & demander plus curieusement qu'il ne faloit diuerses choses, comme sans y penser, puis il sortoit de propos, & y rentroit incontinent. Le Capitaine se douta que c'estoit vn espion, qui n'estoit pas venu pour le saluer, mais pour le conoistre de pres. Sur ce soupçon il fait empoigner & donner la torture à ce seruiteur, lequel ne pouuant porter ceste question extraordinaire, confessa qu'il estoit Tartare de nation, Iuif de religion, seruiteur domestique de Zabajo, qui l'auoit enuoyé pour espier la flotte, combien de soldats il y auoit dedans, & quelles armes ils portoient: qu'iceluy se deliberoit assembler gens & mettre en fond les nauires de Portugal. Ce qu'entendu, gama fit leuer les voiles & partit de là au plustost

qu'il fust possible : toutesfois il ne voulut point laisser aller le Iuif, lequel depuis fut baptizé & appellé Gaspar, & fit de notables seruices au Roy Emmanuel.

A v depart, la flotte print sa route, en telle sorte toutesfois que faute de vent elle ne faisoit pas grand chemin. Ils traueserent ceste grande estendue de mer & cōmencerent à costoyer l'Etiopie sur l'Egipte, tirant au Su, & arriuerent pres d'une ville nommee Magadaxe, laquelle estoit possedee des Sarrafins : ce qu'entendu, Gama la fit canonner viuement, abatre la pluspart des murailles, enfondrer les vaisseaux qui estoient au port, ou briser la plus part de leur equipage & les rendre inutilés. S'estant auancé en mer il rencontra huit nauires de Sarrafins qui le voulurent inuestir, mais en peu d'heure il les escarta & contraignit de fuir, sans toutesfois les pouuoir suiure, à faute de vent. Finalement il aborda au haur de Melinde, où il fut assez amiablement receu du Prince, qui fournit ce qui estoit requis pour restaurer les soldats rompus de maladies & de travail. Ayant là seiourné cinq iours seulement, il se remit à la voile, d'autant qu'il craignoit perdre la commodité de doubler le Cap de bonne esperance à cause de l'hiuer qui estoit prochain. Toutesfois en s'embarquant il emmena l'ambassadeur que le Prince de Melinde enuoyoit au Roy Emmanuel. Pource aussi que la nauire de Paul de Gama estoit fort vieille, & puisoit trop d'eau en diuers endroits, tellement qu'il n'y auoit pas assez de matelots & soldats pour la conduite & garde des trois nauires, le Capitaine fit mettre le feu en ceste là & receut son frere en la sienne, avec vne partie des matelots & soldats, & les autres furent baillez à Nicolas Cocillo. Le vingtneufiesme iour d'Auil ils arriuerent en l'isle de Zamzibar, fertile & grasse, plaisante à cause des belles fontaines. & forests espaisles, abondante en bestial, esloignee de terre ferme enuiron douze lieues : en laquelle, entre autre choses, croissent d'euxmesmes es forests des arbres fort hauts nommez Citrôs, des fleurs desquels fort vne si douce odeur qu'elle est portee par fois du vent à ceux qui sont fort esloignez, qui en ont grand plaisir. Combien que le Prince de l'isle fust Mahumetiste toutesfois il recueillit benigneement la flotte & leur four-

*Passage en
Melinde. Zā-
zibar & Mo-
zābique, &
retour de Ga-
ma en Portu-
gal.*

*Description
de l'isle de
Zamzibar.*

nit viures & fruits en abondance. Puis apres ils passerent au long de Mozambique, & aborderent à l'aiguade S. blaise, où Gama fit puiser de l'eau, couper du bois, & print le plaisir de la chasse. Il estoit deliberé de visiter les ports où il auoit laissé quelques vns des bannis, mais les vents contraires repoussèrent les nauires, qui doublerent le Cap de bonne esperance le vingtsixiesme iour d'Auril. Puis la flotte ayant les vents à souhait arriva en l'isle de saint Iacques. Au desmarer de là, vne tempeste les escarta. Nicolas Coeillo print la route de Lisbonne. Gama print terre en vne isle nommee Tierce, car son frere Paul estoit malade de long temps, & tellement deuenu sec qu'il ne pouuoit plus souffrir l'agitation de la mer. Aussi mourut-il en ceste isle. Vaque de Gama l'ayant fait enterrer, s'embarqua vistement pour paracheuer son voyage, & vint surgir au port de Lisbonne l'an mil quatre cens nonante neuf. Desia auparauant le Roy auoit entendu de Nicolas Coeillo tout ce qui estoit auenu en ceste nauigation & és Indes. Cé pendant il n'y auoit petit ne grand qui ne fust tout rauy, & en regardant ceux qui estoient retournez de Calecut ne pensoient voir des gens resuscitez. Encores ne reuindrent-ils pas tous, car les deux tiers presque moururent de maladie. La flotte estoit de cent quarante huit hommes avec Gama: il n'en retourna que cinquante cinq, la plupart demi morts de miseres & maladie. Le Roy fit grandes caresses à Gama, & luy donna des biens, estats & honneurs pour recompense d'vn si braue exploit, comme aussi il en estoit digne. Coeillo ne fut pas oublié, ni les particuliers qui furent recompensez selon la qualité & son merite.

10

Nouvelle flotte de trixe nauires enuoyees en Calicut sous la charge de Capral.

EN ce temps Emmanuel fit transporter les os du Roy Iean son predecesseur, de Sylues en Algarue, en vne autre ville nommee Bataille, ainsi appellee à cause d'vne bataille qui y auoit esté donnee entre Iean premier du nom Roy de Portugal, & Iean fils de Henry, Roy de Castille. Et combien qu'il s'occupast à faire bastir vn magnifique temple à la vierge Marie, & à dresser vn couuent de moines de l'ordre de saint Ierosme, & à telles autres ceremonies: toutesfois il n'oublloit pas les Indes, ains fai-

soit apprester vne nouuelle flotte de nauires pour y enuoyer. Elle estoit de treize nauires, & auoit quinze cens soldats, bien armez & fournies d'artillerie, de munitions de guerre & de viures. Il fit general de ces vaisseaux vn gentil-homme nommé Pierre Aluaro Capral, sur la suffisance duquel il se reposoit, & luy commanda d'essayer par tous moyens de confermer l'alliance avec le Roy de Calecut, & luy demander permission de bastir vn fort pres de la ville, où les Portugalois peussent se conseruer en seureté contre la rage de leurs ennemis, & negocier sans inconuenient ni dommage. S'il voyoit le Roy tellement ennemy que de ne vouloir entendre aucunement à ceste alliance, qu'il ne fist difficulté de luy faire la guerre. Outreplus, il luy commanda d'aborder à Melinde, s'il estoit possible, & faire entendre au Roy que son ambassadeur auoit apporté ioyeuse nouuelles à Emmanuel, qui feroit pour luy volôtiers à l'auenir tout ce qu'il scauroit luy estre agreable. On fit embarquer aussi avec ceste flotte cinq Cordeliers, pour demeurer en Calecut, si l'alliance se faisoit, afin d'administrer les Sacremens aux Portugallois qui habbiteroient là pour le trafic: & pour instruire en la religion Romaine les Payens qui voudroient estre Chrestiens. Le principal d'entre eux estoit vn nommé Henry, qui depuis fut esleu Euesque de Septe. Capral & les siens s'embarquerent & firent voile le huitiesme iour de Mars l'an mil cinq cens. Apres cela le Roy esleua en nouueaux hōneurs George fils du feu Roy Ieā, & luy donna pour femme Beatrix dame vertueuse, fille d'Alnar frere du duc de Corune. Il fit aussi Conestable de Portugal Alфонse fils de son frere Iaques, que le Roy Ieā auoit tué de sa propre main. C'est Alфонse estoit bastard & sa mere qui estoit vne grand' dame, ayant ouy parler de l'excellente beauté de Iaques qui demouroit lors en Castille, s'en amouracha tellement & fit tant qu'elle eut sa compagnie dont proceda Alфонse.

Mort du

EN ceste mesme annee mil cinq cēs, le Prince Michel Prince fils d'Emmanuel & d'Isabelle, approchant de l'age de *chel, & nou-*
deux ans mourut de maladie. Lors Fernand & Isabel- *ueau maria-*
le Roy & Roine d'Espagne, commencerent à pratiquer *ge d'Emma-*
vne nouuelle alliance, pour ioindre Emmanuel.

*avec sa belle
sœur par la
dispense du
Pape.*

par seconde affinité avec eux: car ils desiroient luy bailler en mariage leur autre fille nommée Marie. Emmanuel ayant entendu ceste volonté, s'y accorda de bonne affection. Car il ne pouuoit rencontrer party de plus noble race, plus riche, plus vertueux, illustre & conuenable que cestuy-là: étant Marie vne Princeesse fort modeste, douce & de bonnes mœurs, Mais d'autant que l'affinité qui estoit entre eux, à cause du mariage precedent, empeschoit ceste nouvelle alliance, ils demanderent dispence au Pape, afin que la religion ne peust empescher vn mariage qui accommoderoit en tant de sortes les Royaumes d'Espagne. Le Pape ayant ottroyé la dispence, ce mariage fut consommé. Au reste, combien qu'Emmanuel portast vne singuliere amitié à ceste seconde femme, à cause de ses vertus, toutes fois il ne laissoit de continuer en vne resolution que dès long temps il auoit en la pensee: à sçauoir d'aller en personne faire la guerre aux Mores d'Afrique, comme auoient fait ses predecesseurs. Plusieurs de ses conseillers taschoient le destourner de cest auis. Ils disoient que ce n'estoit point à faire à vn Roy de mener vne armée, mais commander aux conducteurs d'icelle. D'auantage, qu'il n'auoit pas gens assez pour subiuguer toute la Mauritanie: que pour faire commodement la guerre, les troupes qui estoient sous la charge de ses capitaines suffisoient & faisoient bon deuoir. Que ce seroit preiudicier à sa reputation, si passant en Afrique il n'auoit vne armée entiere pour assuiettir toute la Barbarie, & la ioindre à sa couronne. loint qu'il n'auoit point de fils qui luy peust succeder, au cas qu'il mourust en ceste guerre: & pourtant ils le prioient de ne mettre son Royaume en danger, à l'appetit de quelque honneur: veu que la gloire éternelle d'un Roy consiste en l'amour qu'il porte à ses sujets, non pas en des guerres entreprises sans qu'aucun proufit en reuienne au public. Outre cela la Roine sa femme le prioit avec larmes de donner, par si soudain depart, occasion à plusieurs d'estimer qu'il seroit allé en Afrique par quelque affection de quitter sa femme, plustost que pour desirer d'y faire la guerre. Quelle eust esté beaucoup plus contente de n'auoir iamais esté amenée en Portugal, que d'estre si tost laissée

seule:

seule: & que demeurât en Espagne, ne luy eust esté occasion de plainte, mais demeurer cōme veufue, seroit vn témoignage de haine. Elle pria aussi par lettres ses pere & mere de destourner le Roy son mary de ce voyage d'Afrique: declarant qu'elle ne vouloit pas empescher que son mari ne fist la guerre aux Mores, mais elle supplioit que ce ne fust alors. Voila comme les conseillers & la Roine de Portugal taschoyent destourner le Roy de son entreprise: luy au contraire persistoit en sa resolution, & se preparoit à ceste guerre: faisant enrouler soldats en diligence, & equipper les nauires. L'armee estoit de vingt six mil pietons, de six mil cheuaux & de huit cens hommes d'armes.

OR sur ces entrefaites, & comme tout estoit ia prest, on luyapporta nouuelles de plusieurs endroits, que Baiazet Empereur des Turcs dressoit sur mer vne grande armee, pour subiuguer & ruiner toutes les isles & villes que les Venitiens tenoient en Grece. Apres que les Venitiens eurent entendu pour certain que le Turc faisoit vn grand appareil contre eux, & se sentans trop foibles pour soutenir le choc, ils enuoyerent leurs ambassadeurs demander secours aux Rois Chrestiens, spécialement à celuy de Portugal: & prierent le Pape de faire tant pour eux enuers Emmanuel, qu'il secourust leur Republique de son armee de mer, ia toute prestte à faire voile. Outre les instructions qu'auoyent les ambassadeurs qui allerent en Portugal, ils porterent aussi lettre du Pape, par lesquelles il admonnestoit le Roy d'accorder ce dont les Venitiens le prioient: adioustant que les Chrestiens deuoyent d'vn mesmes accord ioinde leurs forces ensemble pour repousser vn peril commun & qui menaçoit toute la Chrestienté. Qu'il considerast que si l'ennemy iuré du nom de Christ venoit au dessus de ses desseins, avec quel orgueil, puis apres il en uahiroit l'Italie, la France & l'Espagne. Que lon pouuoit commodement différer la guerre contre les Mores iusques à vn temps: mais que si on laissoit l'occasion de faire teste au Turc, il seroit difficile puis apres de remedier au mal aduenü. Que c'estoit vn acte beaucoup plus louable de deliurer ses amis de malheur, que de courir sus à ses

Secours accordé par le Roy de Portugal aux Venitiens contre le Turc.

ennemis que plusieurs Princes d'Italie estoient resolués de secourir les Venitiens : mais que le danger imminent & horrible preuendrait leurs forces qui n'estoient pas prestes. Au contraire, puis que l'armée d'Emmanuel estoit fournie de toute munitions de guerre, rien n'empeschoit si tel estoit son plaisir, que luy seul n'emportast l'honneur d'auoir conserué la republique de Venise. Mais qu'il falloit se hastier, ce que les autres ne pouuoient executer, à cause des incommoditez de leurs affaires. Et pourtant qu'il se proposast combien sa renommée seroit magnifique, si en vn danger si grand, luy duquel le Royaume estoit tant esloigné d'Italie secourroit vne republique abandonnée de ses voisins. Finalement, qu'en se ioignant à ceste guerre, il ne seroit pas seulement prouue d'humanité & de vertu, mais aussi monstreroit son zele à la religiō, & en redroit son nō venerable à iamais. Le Roy persuadé par ces raisons, & esmeu à pitié par les lettres du Pape, fit vne amiable respōse aux ambassadeurs, leur promettant de faire son debuoir. Il ordonna donc qu'en toute diligence on fournist de viures & autres choses necessaires à ceste longue nauigation trente nauires de grande flotte, laquelle estant affoiblie par ce moyen, la guerre contre les Mores fut differee en autre temps, & arresté de penser au secours qu'on donneroit aux Venitiens.

12.

1501.
Rencōtres &
diuers accidēs
des Portuga-
lois contre les
Mores en A-
friquo.

TANDIS que le Roy pouroyoit à cela, les affaires d'Afrique estoient en l'estat qui s'ensuit. Apres la victoire que Iean Menez (aucuns l'appellent Iean de Menezes) eut contre Barraxe & Almandarin, il reuint en Portugal, suivant le commandement du Roy. Puis l'an mil cinq cens & vn fut renuoyé en Arzille avec renfort de cent cinquante cheuaux. Car la guerre contre les Mores se menoit en telle sorte que les rencontres ne se faisoient gueres à pied : & pourtant la plus part des forces de Portugal estoient gens de cheual. En ce temps, Roderic de Castre estoit gouuerneur de Tingy. Si tost que Menez fut arriué en Arzile, il ne se reposa pas long temps, ains alla chercher les Mores. Et pource qu'il n'auoit pas forces suffisantes pour executer commodement son entreprinse, il pria Roderic de luy venir tenir compa-

gnie. Leurs troupes jointes par ce moyen, ils s'acheminent vers quelques grans villages, & surprennent les Mores, dont la plupart effroyez se sauverent de vitesse. Plusieurs toutesfois, ayans leur honneur en recommandation, & voyans qu'il y alloit de leurs vies se deffendirent vaillamment. Il y eut grand nombre de tuez, & cent quatre vingt prisonniers. Or il auint que cinq Portugallois à cheual descouurent sept Mores qui seretiroient à couuert & au grand pas avec cinq femmes: à cause dequoy ils vont apres. Combien que les Mores fussent à pied neantmoins ils se disposerent resolument à faire teste aux assaillans, & y eut vn long & aspre confict entre eux: car les Mores tuerent trois cheuaux & blessèrent les cinq Portugallois: finalement ils furent tuez tous sept sur le chap. Comme l'vn de ces Mores combattoit valetreusement en ce peril de sa vie, sa femme, qui estoit en la compagnie des cinq, fut surprins de telle douleur qu'elle commença à s'escrier d'vne haute & piteuse voix, faudra-il donc mon bien aymé, que ie te voye meurtrir cruellement, sans te pouuoir secourir? Au lieu de t'accompagner en la mort, faudra-il que ie te lamenté? Quel plaisir auray-je en ne te voyant plus? disant celà, elle se vint fourrer au milieu des especes, se rue sur vn Portugallois qui combattoit à pied avec son mary, & le serre si fort, qu'il ne se pouuoit despetrer, & peu s'en salut que le More ne le tuast, à cause qu'il ne se pouuoit aider de son espee: mais ses compagnons (qui auoient tué les autres) accoururent au secours, tellement que le combat finit avec la vie des sept Mores, lesquels iusques au dernier soupir se deffendirent & porterent vaillamment. En ceste rencontre y eut grand butin de cheuaux & autre sorte de bestial gros & menü.

Or comme les chefs remettoient leurs troupes es villes d'où ils estoient partis, & estoient ia à deux lieues des villages, le gouuerneur d'vne ville forte que les Mores appellent Alcaffarel-quibir, vint donner sur queue de ces troupes. Les Portugallois marchoyent d'ordre avec leur butin, taschans seulement d'eschapper, & non pas d'assaillir: par ainsi ils se retiroient peu à

peu, nonobstant les courfes & escarmouches des Mores. Leur façon de combattre estoit telle. Apres que les Mores auoyent fait vne charge à coups de jaelines, ils s'en retournoyent au galop vers leur troupe, & se debandoient de rechef pour venir à vne seconde charge. Les Portugallois soustenoient le coup sur leurs escus, prenant garde qu'on n'offensast leurs cheuaux : & quand on les pressoit de trop pres, ils chargeoient aussi l'ennemy de leur costé. Mais d'autant que les Mores continuoyent plus viuement, Menez avec vne partie de ses forces donna au trauers, & en fit tomber cinquante sur la place. Les Mores voyans leurs ennemis se retirer peu à peu avec leur butin, resolurent de leur donner bataille. Pourtant ils firent cesser l'escarmouche, & se rangerent pour combattre tous ensemble. Menez estoit content aussi de venir aux mains : pourtant il fit arrester ses gens, & enuoya dire à Roderic que sa deliberation estoit de cōbatre. Partant si tel estoit son aduis, qu'il se vint joindre avec ses troupes, afin que tous ensemble chargeassent l'ennemy. Roderic fit response, qu'un sage chef de guerre, apres auoir executé vne entreprinse, ne se hazardoit pas sans grande necessité : pour ce que l'insolence des chefs est souuentefois cause que ce qui a esté commencé heureusement finit tresmal. Que les ennemis estoient en trop plus grand nombre : qu'eux ayans si commode retraite, pouoyent eiter le combat, si bon leur sembloit. Qu'un vaillant Capitaine donnoit bataille à son auantage, non pas au gré de son ennemy. Outreplus, qu'ils auoyent assez bon butin, sans perte d'un seul des leurs : à ceste cause il le prioit de ne gaster & perdre par legereté leur valeureux exploits. Pendant ceste consultation, les Mores voyans leurs ennemis ainsi arrestez, estimerent qu'ils se rangeoyent pour combattre : & d'autant qu'en plusieurs lieux ils auoient esprouué comment les Portugallois manioyent dextrement les armes, apres s'estre resolus au combat, ils se retirerent. Alors Menez & Roderic partagerent le butin, & se retirerent saufs en leurs gouuernemens.

*Denoir d'un
sage chef de
guerre.*

QUELQUE peu de temps apres vn certain espion More auerit le gouuerneur d'Arzile que le Roy de Fez

estoit en cāpagne pour faire quelques courses, surprendre (s'il pouuoit) la ville de Tingy, ou du moins fourrager le plat pays d'alentour, & faire aux Portugallois tout le mal qu'il pourroit. Qu'il estoit suivy de douze mille cheuaux, & marchoit en telle diligence vers Tingy, que le messager qu'on enuoyeroit pour aduertir Roderic n'y viendroît iamais à temps, veu mesmes qu'il n'y auoit passage que les ennemis ne tinssent clos. Menez estonné de ces nouuelles, fit descharger l'artillerie, afin que par le bruit Roderic peust entendre le danger qui le menaçoit. Outre cela, il estoit auenu qu'un homme de Tingy estant venu à Arzille en ce temps là y auoit laissé par oubliance vne chienne. Le gouuerneur commanda qu'on la prinst, & luy fit attacher au col des lettres bien cachetees contenant ce qu'il auoit entendu de la venue du Roy de Fez: & sur le soir il fit rudement fouetter ceste chienne, & la chasser hors la ville au riuage de la mer. La pauvre beste sanglante des coups qu'elle auoit receus ne cessa de courir vers la maison de son maistre, tellement qu'elle se rendit aux portes de Tingy le lendemain deuant le iour. Roderic ayant leu les lettres fit commandement à tous de prendre les armes. Surce les troupes du Roy de Fez commencerent à approcher, & vne grand part de son armee eut charge d'aller faire le degast, emmener le bestial, & tuer tous les gens qui seroyent trouuez es villages. Roderic sortit pour leur faire teste, & les alla charger: mais se trouuant pressé de la multitude des ennemis, il se retira non sans grande difficulté dans les fossés de la ville. Auant que d'y pouuoir paruenir, le combat dura plus de deux heures, & y firent tuez le fils de Roderic, & huit autres vaillās homes de cheual: Roderic mesme fut fort blessé au visage d'un coup de iaueline. Les Mores suiuent leur pointe, & descendent au fossé, pressent les Portugallois, & font tous leurs efforts d'entrer en la ville avec eux. Ce que voyant Roderic, avec vne troupe de gēs de cheual il enfonça si impetueusement les Mores que ce pendant tous ceux qui estoient sortis rentrerēt aisément en la ville. Le dernier estoit appelé Loup Martin, homme vaillant, lequel estant entré ferma la porte à moitié seulement: & comme plusieurs criaissent

apres luy qu'il la fermast entierement: ie ne feray iamais ceste faute, dit il, que de flestrir les Portugallois, en faisant penser qu'ils ayent peur. Adioustant qu'ils estoit prest de combatre iusques au dernier soupir de la vie, pour empescher que personne n'entraist par ceste moitié de porte. Le dire & le faire fut tout vn. Car les Mores estat accourus là, pour entrer, il soustint ce premier choc fort vaillamment, iusques à ce que plusieurs le vindrent secourir, au moyen dequoy les Mores contrains de prendre autre parry se retirerent en leur camp.

Av. bout de quatre iours, le Roy de Fez descampa pour tirer en diligence contre Arzille: dont le gouuerneur fut aduertty par ses espions, apres auoir donné ordre en la ville, sortit avec ses troupes & se rangea en vn lieu nommé Vielle-ville, où il rengea en bataille ses gens de cheual & de pied, leur commandant de demeurer cois iusques à ce qu'il leur fist signe de sortir, & qu'alors il se montraissent. Pendant luy accompagné de vingts autres s'auança iusques vers vne riuere d'eau douce pour descouurir l'armee ennemie: ce qu'ayant fait, il se retira au pas vers la ville. Mais les auant-coureurs & cheuaux legers Mores le vindrēt assaillir de si pres qu'il le contraignirent de se fourrer parmy eux, assez pres delieu où il auoit laissé ses troupes. Alors il n'estoit suiuy que de quatre hommes: car les seize autres s'estoyent retirez dans Arzile, vn peu plus vistement qu'il n'appartenoit. Toutesfois cinquante de la grosse troupe, voyans leur chef qui se fourroit à trauers tant d'ennemis, accoururent à bride abatuë, & chargent si furieusement les Mores que plusieurs tomberent sur la place, les autres se sauuerent de vistesce. Ceux qui auoyent esté laissez en la Vielle-ville, voyans que le gouuerneur chaussoit les esperons aux fuyards, estimerent qu'il ne faloit plus attendre de signe: pourtant ils marchent apres pour le secourir. Mais au mesme temps les Mores enuoyez en diuers endroits de la campagne, tenoyent tous les passages. Or le gouuerneur aperceuant que le Roy de Fez rafraischissoit ses gens, & enuoyoit renfort de gens de cheual qui arriuoient à la file: estat d'autre part suiuy d'un petit nombre, & considerant qu'à la longue il seroit accablé

de tant d'ennemis qui luy tomboyent sur les bras, faisoit tout ce qui estoit possible pour retourner vers ses troupes. Ce qui ne se peut faire qu'à grand' peine: & en ce côsist d'angereux il perdit quelques hommes, plusieurs y furent blesez, & luy mesmes receut vn coup en la cuisse: toutesfois il donna de telle furie à trauers vn regiment qui luy fermoit le passage, & le vouloit attraper, qu'en fin il se retrouua avec ses gens. Lors tous ensemble chargerent les Mores qui combattoient ja dans le fossé, dont ils tuerent grand nombre, les autres furent partie prins, partie blesez & mis en route. Le combat finy, Menez entra dedans la ville. Alors auint vn cas qui appresta à rire, non pas à celuy qui en fut cause: c'est qu'un More vint à cheual du camp en la ville, qu'il estimoit auoir esté prinse par ses compagnons, & tout ioyeux & delibéré entra par les portes: mais tout soudain les Portugallois luy mirent la main sur le collier, & ainsi paya le plaisir qu'il s'estoit trop tost imaginé.

TANDIS que ces choses se faisoient en Afrique, le Roy de Portugal donnoit ordre que l'armée de mer que il enuoyoit aux Venitiens fust équipée & fournie de tout ce qui estoit requis, au plustost qu'il seroit possible. Il fit general d'icelle Ieā Menez fils d'Edouard sieur de Viene, gentilhomme sage & vaillant entre plusieurs autres. Il fit armer aussi quelques nauires sous la charge du mesme general, esquelles estoient certains soldats qu'on deuoit loger au chasteau de Mazalquibir, si en passant on le pouuoit surprendre. Ceste fortéresse est sur le bord de la mer en la coste de Barbarie, vis à vis de la ville d'Oran. Le Roy auoit commandé secretement au general, qu'il ne fust difficulté d'assaillir en quelque sorte ceste place, moyennant que ce fust sans s'arrester beaucoup. Toute la flotte fit voile du port de Lisbonne, le dixseptiesme iour de May, l'an mil cinq cens vn, & avec bon vent paruint bien tost au destroit de Gibraltar. Le general desirant exécuter le commandement du Roy, tira vers Mazalquibir: mais à cause des vents contraires, il luy fut impossible d'arriuer qu'au bout de trois iours, pendant lesquels les Mores ayans eu loisir de cognoistre l'intention de ceste flotte, se preparerent à faire teste, & renforcerent la

13.

*Secours de
Portugal en-
uoyé aux Ve-
nitiens, & ce
qui en auint.*

*Stratageme
des Mores.*

garnison du Chasteau. Finalement, les Portugallois mirent pied à terre, assaillent le Chasteau, plantent leurs eschelles, montent courageusement, & voyans que personne ne paroissoit sur le rempar estimerent que les Mores s'estoyent cachez de frayeur: & sur ceste fauce opinion commencerent à se pourmener çà & là comme victorieux. Mais les Mores embuschez & attendans ceste occasion, les voyans ainsi escartez, leur coururent sus furieusement, & les font descendre beaucoup plus viste qu'ils n'estoient montez: tellement qu'en ce conflict vingt Portugallois demeurèrent sur la place. Le Gouverneur qui n'auoit pas charge d'employer dauantage de temps à assaillir ceste place, choisit trente nauires de toute la flotte destinees pour le secours des Venitiens, & reprit la premiere route. Finalement, il aborda en l'Isle de Sardagne, où il fut honorablement receu du gouverneur de l'Isle. Apres auoir fourny ses nauires d'eau douce & de viures, il s'embarqua, & comme il approchoit de Thunes il descouurit vne grand' nauire marchande & deux de guerre, lesquelles il assaillit, & amena en Sardagne, & fit descharger la marchandise en terre. C'estoyent nauires Geneuoises, qui portoyent à Thunes grand nombre de Turcs, de Mores, de Iuifs & de Chrestiens, avec force marchandises. Il fit rendre aux Genenois la nauire marchande avec tout ce qui leur appartenoit, permit aux Chrestiens & aux Iuifs de s'en aller en liberté: retint prisonniers tous les Turcs & Mores, distribuant leurs biens à ses soldats: & retint les deux nauires de guerre pour autant de temps que dureroit la guerre, à cause de laquelle il estoit venu secourir les Venitiens. De là il fit voile vers l'Italie, & ayant passé la Calabre & la Pouille, arriva en Albanie, & de là en l'Isle de Corfou, où la flotte des Venitiens le vint recueillir, monstrant à coups d'artillerie, & au son des trompettes, combien ce secours estoit agreable. Les Portugallois respondirent de mesmes: & d'autant que leurs nauires ne s'aidoyent point de rames, & qu'il y auoit grande bonasse, elles furent menees au port à l'aide des Galleres Venitiennes à force d'auirons. Quoy que les Venitiens priaissent l'Amiral Menez, il ne voulut en sorte quelconque abandonner ses nauires: bien permit-il à ses Capi-

taines de descendre en terre, où ils furent assez humainement receus.

TOUTESFOIS à ce qu'on puisse cognoistre, cōbien la licence au fait des armes est dangereuse, si elle n'est retenue par vne bonne discipline: il ne viendra pas mal à propos de dire quelque chose du deportement des Portugallois. Les Marelots & soldats de ceste nation gens orgueilleux & insolens de leur naturel, se donnoient tant d'autorité, & se gouvernoient si dissolüement en ceste Isle, que les Grecs, assez prompts à la main, ne peurent porter telles façons de faire. La chose en vint finalement à ce point qu'il y eut sedition, des Venitiens & Corfiots contre les Portugallois, en laquelle chascun empoigna les premieres armes offensives que lon rencontroit. Les Capitaines Venitiens accourent en diligence pour appaiser ce tumulte. D'autre part, l'Amiral se diligente de prendre terre pour empescher les siens de passer plus outre. A peine les chefs peurent-ils separer ces mutins, tant ils estoient acharnez. Septante Portugallois pour salaire de leur temerité & insolence furent tuez en ceste seditiō. Les Venitiens & Corfiots y perdirent aussi grand nombre des leurs. Voila comme les vns qui secouroient les autres, leur porterent grand dommage, par la folie de quelques particuliers. Au reste, il n'y eut bataille ny rencontre avec les Turcs: car Bajazet ayant entendu que les Roys d'Espagne & de Portugal armoyent pour secourir les Venitiens, que les places estoient bien munies de viures & de gens, & que son armee de mer dressée avec grands frais luy apporteroit peu de proufit, fit reuenir ses vaisseaux à part, & defendit à ses Licutenans & Capitaines de passer outre ny de venir aux mains. Et pourtant le General des Galleres Venitiennes declara à l'Amiral Menes que la Seigneurie de Venise remercioit humblement le Roy qui l'auoit secourue tant au besoin, & l'auoit tellement obligée à soy, que iamais elle n'oublieroit vn tel bien: qu'en briefle Senat & le peuple enuoyeroient leurs Ambassadeurs, pour faire entendre plus amplement au Roy l'honneur & singuliere affection qu'ils luy portoyēt. Ainsi donc, l'Amiral ayant pourueu à toutes choses necessaires aux nauires, print la route de Portugal, & apres

*Licence en
guerre tres-
dangereuse:
& discipline
militaire re-
quisse.*

*Naturel des
marelots &
soldats Por-
tugallois.*

diuers accidens sur la Mer, arriua finalement à Lisbonne, & fit entrer au Haure toute la flotte qu'il auoit menée.

14. Ces pendant, Capral qui vogueoit vers les Indes, suiuit la route qu'auoit tenue Gama, iusques à ce qu'il paruint à l'Isle de Saint Iacques. Voulant passer outre, vne impetueuse bourrasque dissipa toute la flotte, rompit l'équipage, & page d'une des nauires laquelle reuint à Lisbonne. Ceste tempeste appaisée, Capral rassembla toutes les nauires, exceptee celle-là, laquelle il attendit l'espace de deux iours, faisant baisser les voiles au dessous du milieu du masts. Et d'autant qu'elle n'apparoissoit point, il fit voile vers l'Oest. Les mariniers descoururent terre le vingt-quatriesme iour de May: ce qui resioit fort tous ceux de la flotte. Pas vn d'eux n'eust iamais estimé qu'en ces endroits il y eust terre habitee de gens. Et pourtant Capral fit tourner les prouës vers le riuage, & commanda au maistre de la nauire Capitainesse d'entrer en vn esquif pour approcher plus pres du bord & descendre en terre, afin de considerer soigneusement l'assiette & le naturel du pays. Le maistre ayant executé ce qui luy estoit commandé retourne & dit que c'estoit vn pays fertile, plaisant, couuert de bonnes herbes, belles fleurs, & d'arbres fort hauts, & qui auoit abondance d'eaux douces: Item qu'il auoit veu des hommes bazannez, portans cheueux longs, non crepus, le corps nud, & marchans auec arcs & fiesches au long du riuage. Capral non content de ce rapport, fit armer quelques Capitaines & leur commanda d'entrer en des esquifs, pour aller descourir encor plus diligemment ce pays. Eux obeissans promptement retournent vers leur general & conferment le rapport du maistre. Or comme ils estoient à l'ancre, vne horrible tourmente agita tellement les nauires qu'elle les contraignit de costoyer ce pays, & leur fit faire maints tours & retours, iusques à ce qu'elles gaignerent vne fort bone rade, que Capral fit appeller le port seur.

La flotte arrestee là, quelques Capitaines se mirent en des esquifs pour aller descourir la terre. Ils retournent auec deux pescheurs qu'ils auoyent prins dans vne petite barque. Or d'autant que perlonne ne pouuoit entendre

leur langage, on cōmença à parler à eux par signes : mais ils estoient si lourds & stupides, qu'ils ne peurent rien comprendre par les signes qu'on leur faisoit. Alors Capral leur fit vestir à chascun vn saye, & donner des clochettes, des brasselets de laiton & des miroirs, puis commanda qu'on les mist à bord. Eux bien fiers de tels presents s'en content en grand ioye vers leurs gens & leur monstrent ces ioyaux. A leur rapport vne grande multitude accourut de toutes parts vers les nauires avec des fruits de diuerses sortes, & grand' quantité de farine, échangeant cela avec quelques menues besongnes des Portugallois. Ils s'esbahissoyēt fort en voyant leur représentation es miroirs, les clochettes leur donnoyent vn merveilleux plaisir, ils s'estimoyēt bien braues avec leurs brasselets, contemploient les Portugallois & ne se pouuoient saouler de voir leurs merceries. Capral voyant la simplessie de ce peuple descendit en terre & fit dresser vn autel sous vn haut arbre, commandāt qu'on y chantast la Messe, & qu'on fist quelque Sermon. Les Sauvages furent admis à voir la Messe, où ils se trouuerēt, sans sonner mor, & tous estonnez de voir tant de ceremonies, & d'ouïr la chāterrie: au reste ils s'enclinoient & monstroyēt quelque signe que cela les esmouuoit. Apres ces misteres acheuez, Capral voulant s'embarquer, ils le suivirent à grand' ioye iusques au riuage. Les tesmoignages de leur contentemēt paroïssoyēt en leurs chāsons, au son de leurs cornets, aux mouuemēs de leurs corps: puis ils tiroient force fleches en l'air, & esleuoient les mains vers le Ciel, en quoy ils sembloient rendre graces à Dieu qui auoit mené les Portugallois vers eux. Mais ils estoient si estōnez, qu'on n'eust peu iuger d'eux autre chose, sinon qu'ils estoient hors de eux mesmes. Car plusieurs d'entre eux entrèrent en l'eau iusques à la poitrine pour suyure Capral qui se retiroit en les nauires: les autres alloient à nage iusques là : autres se mettoient en des petites barques, & ne pouuoient quitter la flotte. Tandis que Capral estoit à l'ancre, pour faire aiguade, & pouruoir aux munitions des nauires, la mer ietta au riuage vn poisson dont les Portugallois s'esmerueillerez grandement. Il estoit aussi *Poisson mon-* gros qu'un grand tonneau, & deux fois aussi long, *streueux.*

ayant la teste & les yeux comme vn pourceau, les oreilles semblables à celles d'un Elephant, la peau couverte de soyes, espaisse d'un doigt, la queue longue de cinq pieds, & n'auoit point de dents. Capral fit appeller ce pays là terre de sainte Croix (aujourd'huy c'est la terre du Bresil) & y planta-on par son commandement vne colonne de Marbre, semblable à celles que Gama auoit fait dresser en plusieurs lieux: puis il renuoya l'un de ses capitaines nommé Gaspar Leme, porter les nouvelles au Roy de Portugal de la decouuerte & situation de ceste terre, laquelle il ne sera pas impertinent de descrire en quelque sorte auant que passer plus outre.

15.

*Description
de la terre du
Bresil, de la
maniere de
vivre des ha-
bitans, & de
leurs façons
en temps de
paix & de
guerre.*

Ce pays est situé vers le midy. Ses limites de grande estendue touchant le Peru, & que tient aujourd'huy le Roy d'Espagne. La terre est fertile, plaisante, & si salubre, qu'il n'est gueres besoin d'y user de medecine: car ceux qui meurent sont emportez plustost de vieillesse que de maladie. Il y a beaucoup de grandes riuieres: & infinies fontaines d'eau douce. Les campagnes fort larges produisent de l'herbe à foison. Elle a de bons hayres, des rades, descentes, & entrees fort aisees, où les nauires ne peuent estre agitées de vents ny tourmentes des vagues. La pluspart du pays est distinguée par costaux & petits vallons, les forests sont grandes & espaisées ayans diuerses sortes d'arbres inconnus pardeça, entre autres vn, des plus hautes fueilles duquel coupees d'un ferrement decoule vne sorte de baume. Il y a force bresils, arbres hauts, dont on fait des taintures rouges. Dauantage ceste terre produit des herbes singulieres, entre autres celles que plusieurs appellent la Sainte, car elle guerit les vlcères, remédie à la courte halaine, aux chancres, à la gangrine engendree de quelque vieille playe: & chasse en peu de iours plusieurs maladies que les medecins ne peuent guerir. Les habitans sont de couleur brune, ont les cheueux mols, noirs & longs, ne portent point de barbe, ains arrachent avec des pincettes le poil de toutes les parties de leur corps. Ils n'ont conoissance de lettres quelconques, vivent sans religion, sans loy, ne s'aident de poids ny mesures, ne sont suiets à Roy quelconque. Toutesfois s'il suruient guerre, ils eslisent pour chef

celuy qu'il tiennent pour le plus vaillant & adroit à conduire les autres. Ils cheminent nuds, exceptez quelques vns des plus apparens qui couurent vne partie de leurs corps de certain parement fait de plumes de perroquets, & d'autres oiseaux où l'on void plusieurs diuerfes & belles couleurs. Ils portent en leurs testes aussi des bonnets faits de ces plumes, item des brasselets de mesme. S'ils se couurent ce n'est que depuis le nombril iusques aux genoux. Les femmes nourrissent leur cheuelures : les hommes rasent la leur depuis le front iusques au sommet de la teste. Ceux qui veulent paroistre plus braues percent leur oreilles, narines, leures & ioues, où ils attachent & en chassent des pierres de diuerfes couleurs. Au lieu de ces pierres, les femmes se parét de menues coquilles de mer fort estimees entre elles. Ils s'aident d'arcs en guerre, & descouchent leurs fiesches si dextrement, qu'ils assenent l'endroit où il leur plaist viser. Ils s'entre-tiennent par le moyen de la chasse, & mangét des signes, des Laizards, des couleutres, des souris, sans se degouster de telles viandes. Leurs barques sont faites de grandes escorces d'arbres, & y en a quelques vnes si amples que trente hommes demeurent à l'aile dedans. Quand ils veulent pescher, tandis que les vns rament, les autres battét l'eau & esfarouchent les poissons, qui se viennent rendre au dessus de l'eau: lors ceux qui sont au guet pour cela, ont de grâdes courges vuides qu'ils plögent entre deux eaux, & font que les poissons entrét dedas. Ils ne sement point de bled, ains font leur pain de la racine d'une herbe grâde cöme le pourpié. Ceste racine est si venimeuse, que celuy qui la mange crue meurt incontinent. Eux la pilent, & en tirent le ius, tellement qu'il n'y restent aucun suc venimeux. Puis ils la font secher au soleil, la broyét, & en font de la farine. Les tourteaux de ceste farine sont bons, fort saoureux & appetissans. Avec icelle & avec graine de miller ils brassét vne sorte de breuuage tel que ceruoise, dont ils s'enyurent, ce qui leur auient souuent: & en faisant leurs beuuettes, tous conspirent & machinent la ruine de leurs ennemis plus que de coustume. Ils sont grands deuins & empoisonneurs: & parmy eux sont en estime certains sorciers nommez Pages, auxquels

ils demandent auis en leur difficultez. Ces Pages portent au bout d'une fiesche une courge qui a figure de face humaine. Quand bon leur semble, ils mettent le feu dans ceste courge, & font un parfum d'herbes, dont ils tirent la fumee par les narines, iusques à tant qu'il commencent à chanceler comme yvres, tombent par terre & sont ecstatiques: car ces herbes ont autant d'efficace qu'un vin fort, beu outre mesure, c'est d'oster la raison. Alois ils commencent à grincer les dents, escumer par la bouche, tourner les yeux, menacer plusieurs de mort, effroyer les assistans par des mouuemens & contenance estranges: car chacun estime que ces estranges parolles ne procedent que de l'inspiration de quelque bon esprit. Si quelqu'un de ceux que cest insensé aura menacé tombe en quelque grief accident, ils raportent tout son malheur à ceste deuination. Quelque part où les Pages aillent, on les reçoit honnorablement, les chemins sont dressés, on leur fait la bien-venue avec chansons au son des fleustes & en dances: & leur baille-on pour compagnie les plus belles femmes, soyent mariees ou à marier: car ces pauvres sauuages pensent que toutes choses leur viendront à souhait, si ces Pages leur sont amis. Les peres ne peuuent espouser leur filles, ny les sœurs leurs freres: & n'y a autres degrez pour empescher le mariage, ains prennent telles femmes & en tel nombre que bon leur semble, lesquelles ils repudient si elles les offensent. Celles qu'on surprend en adultere sont tuees ou vendues comme esclaves. Les peres & meres n'ont point de puissance sur leurs filles: ce sont les freres, qui en disposent & les vendent quand il leur plaist. Ceste vête gist en eschange d'autres choses à quoy ils prennent plaisir: d'autant qu'ils n'ont point l'usage d'argent monnoyé. Au reste, ils ne travaillent point de leurs mains, & ne demandent qu'à se donner du passe-temps. S'ils n'ont point de guerre, ils ne font autre chose que banqueter, chanter, danser, sans fin ny mesure. Ils dansent en rond sans bouger d'une place. En leurs chansons ils n'observent point de tous distincts, ains chantent comme d'une teneur. Le conte-nu d'icelles parle de leurs exploits de guerre, dont ils se vantent à merueilles, rapportans tout à haut louer la ver-

tu militaire, cependant les vns iouent de leurs fleustes, & les autres accordent le branle de leurs pieds au refrain de la chanson. Il y en a d'autres qui presentent à boire aux danseur, tellement qu'à la fin tous tombent yvres par terre. Leurs maisons sont faictes de pieux de bois, couuertes de chaume en monceau, & enuironnées de deux ou trois murailles, à cause des courses ordinaires de leurs ennemis. Plusieurs demeurent en vne mesme maison, car elles sont fort longues: & s'entr'aident fraternellement, & employent volontiers leur vie à quelque danger que ce soit, pour garâtir ceux qui habitent ainsi avec eux.

Ils ne font point la guerre pour garder ou estendre les limites de leur pays, ains pour l'honneur, toutes & quantes fois qu'ils estiment que leurs voisins ou autres peuples eslongnez n'ayant tenu conte d'eux. Alors ils se gouvernent par le cōseil des vieillards qui se sont portez vaillamment en guerre au temps de leur ieunesse. Avant que deliberer, chacun boit à plaisir & autant que bon luy semble. Tout ce que les vieillards concluent pour la paix ou pour la guerre est executé par les ieunes, sans aucun subterfuge. Ils eslisent pour chef (comme dit à esté cy dessus) celuy qu'ils tiennent pour le plus vaillant. S'il mostre signe de couardise en quelque chose que ce soit, ils le degradent incontinent, en establisent vn autre au lieu. Ce chef tornoÿe autour de leurs loges, & à grands cris exhorte chacun à la guerre, les aduertit de quoy ils se doyuent equipper & munir, discourant aussi combien il est besoin qu'ils se monstrent vertueux. Outre leurs arcs & fiesches, ils s'aident d'espees de bois fort dur, dont ils rompent & despecent leurs ennemis. Ils taschent d'vser de surprises & leur principale guerre est d'assaillir à l'improuiste leur ennemi. Ils mangent incontinent leur prisonniers de guerre, spécialement les vieillards: & enchainent les autres. Quant à leurs gens tuez au combat, ils font grand dueil en les enterrant, & font des harâgues pour magnifier leur hardiesse. Ils nourrissent gralement les prisonniers, & leur donnent des femmes qui couchent avec eux. S'ils veulent faire quelque iour de feste, ils liêt de chordes le plus gras de leurs prisonniers. Premierement sō amie pour reconnoissance de faueur

luy jette vne corde au col, & tire son amy au supplice. Puis les hommes l'enuironnent, luy serrent le ventre, les bras & les iambes, le lient à vn pieu, paignent son corps de couleurs, & l'ornent de diuers plumages. Et pour n'estre estimez trop inhumains, ils le laissent par fois, le fôt manger & boire ioyeusement & à suffisance. Eux cependant banquettent & auallēt quantité de ce bruvage sus mentionné. Puis ils sautent, chantent, dansent, & font durer ce ieu tragique l'espace de trois iours, en fin desquels ils le deslient & le font entrer en vne logette, ou fosse. Les femmes & enfans le tirent avec vne corde dont il est ceint par le ventre. Mais les hommes & quelques autres femmes luy jettent des Citrons & diuers fruits, luy recueille ce qu'il peut, & en frappe ceux qui se trouuent au deuant. Ce pendant il boit ioyeusement, ce semble, car on ne luy refuse à boire ny à manger. Au reste, il se monstre fort alaigre: eux d'autre costé se plaisantent de luy & luy disent force outrages. Tu leras chastité garnement que tu es, crient ils, nous espondrons ton sang pour véger la mort de ceux qui ont esté tuéz en la guerre. Car no' te massacrerôs, despecerôs, rostirôs & magerôs: Il ne m'enchant pas, respond il: car ie ne mourray point en vilain & couard. Tousiours ie me suis môstré vaillant. Et bien vous me tuerez, mais i'en ay tué plusieurs d'entre vous en diuers lieux. Si vous me mangez, aussi me suis je souuent saoulé de la chair de plusieurs des vôtres. D'auantage, i'ay des freres & cousins qui vengeront ma mort. Disant cela il est enclôs en la logette, & lors entre avec luy celuy qui l'a gardé prisonnier, lequel a le corps painturé & la teste parée de belles plumes, poutant es mains vne grande espee de bois. Il saute, siffle, & fait quelques tours de son baston, que le prisonnier tasche luy arracher des poings. Mais en se voulant lancer d'un costé, les femmes & enfans le tirent à eux par la corde qu'ils tiennent, à laquelle il est attaché. S'il veut tourner de l'autre costé, il est empesché & retenu par les mains des femmes: brief il est arresté de telle sorte qu'il ne peut bouger d'une place. Or ce vaillant escrimeur après l'auoir estonné de son espee, finalement luy casse la teste, & fait tomber la ceruelle par terre. Puis il luy

coupe

couppe le mains. Alors les femmes approchèt, & iettent le corps mort dans vn feu, afin qu'il ne luy reste aucun poil, & qu'elles le puissent lauer plus aisément. Cela fait elles luy fendent le ventre, & en tirent les tripes & boyaux : les autres mettent le corps par pieces: & pour n'alonger dauantage ce propos, tous mangent ceste chair humaine avec grand plaisir. Il y a d'autres sauuaiges demeurans es montaignes, qui font tousiours la guerre à ceux qui demeurent es loges, & ne sont pas moins cruels & meschans. Ils ne font punition de peché quelconque que de l'homicide. Car les parens du meurtrier sont contrains le liurer aux mains & alliez du meurtry, lesquels poursuuyent la vengeance de sa mort. Iceux l'estraglent & l'enterrent: puis les parens de l'un & de l'autre pleurent & font le ducil des trespassiez, quoy fait le banquet est préparé où ils se reconcilient ensemble. S'il auient que le meurtrier n'euisse estre apprehendé, lors ses filles, sœurs, ou cousines sont liurees pour esclaves aux parens du meurtry, & c'est le moyen qu'ils tiennent pour abolir toute haine & querelle.

16.

CAPITALE partit du Bresil le cinquiesme iour de May. *continuatio*
 Le vingt quatriesme du mesme mois les matelots virent *dela naviga-*
 vn brouillaz se leuer soudainement, & le ciel se cou- *tion, de Ca-*
 urir d'une nuage espais de tous costez. Or conoissans *pral: son ar-*
 que la mer s'esmouuoit, & les vagues s'ensloyent, ils cō- *riuee en Qui-*
 mencerent à s'estōner & à baisser les voiles. Mais la bou- *loa, Melinde*
 rasque fut si soudaine, qu'auant que la pluspart d'eux se *& calecut.*
 fussent aprestez pour euitier ce naufrage, quatre nauires
 furent tellement battues & pressées des tourbillons im-
 petueux, qu'elles allerent sous les vagues, & coulerent
 tellement en fond, qu'ame viuante de tous ceux qui y e-
 stoyent n'eschappa. C'espectacle contrista miserablement
 ceux qui restoyent es autres nauires, voyans leurs com-
 pagnons, compatriottes, parens & amis engloutis par ce
 gouffre horrible, sans pouuoir secourir en telle calamité
 ceux qui perissoient d'une mort si estrange. Les autres
 sept nauires apres plusieurs regrets & lamentations ti-
 rent autre route, & par vne seconde tourmente furent
 derechef chassées & escartees. Finalemēt le vingtsepties-
 me iour de Iuillet, six nauires se retrouvèrent ensem-

ble qui reprindrent leur route. L'autre seule fut poussee des vens si roidemēt qu'elle alla iusques au goulfe d'Arabie, puis reuint en Portugal avec six hommes seulement: car les maladies, la faim, la soif, infinies dangers & tempestes auoyent fait mourir le reste. Apres que les six nauires eurent doublé le Cap de bonne esperance, elles descouurent vn beau pays, chargé d'arbres, abondans en bestial, & arrousé de plusieurs riuieres fort claires. Capral fit incontinent tourner la flotte 'celle part: mais personne des habitans du pays ne voulut communiquer avec les Portugallois, lesquels auoyent disette de viures: toutesfois voyans qu'il n'y auoit moyen de rien recouurer de ce peuple, ils se remirēt à la voile, & costoyèrent tousiours ce pays, iusques à ce qu'ils prindrent port en deux isles vis à vis & assez pres de terre ferme. Là y auoit deux nauires à l'ancre: ceux qui'y estoient ayans descouuert la flotte de Portugal s'ensuyrēt incontinent. Capral print ces deux nauires: mais ayant entēdu qu'elle appartenoyent à vn Prince nommé Foteima, son aimé du Roy de Melinde, il les laissa aller avec vne grand' quantité d'or qu'elles apportoyent de Zofala, & quelques marchādise de grād pris. Le vingtvniesme iour de Iuillet il print port à Mozábique, puis à de l'eau douce sans aucū empeschemēt, acheta des viures, fit marché avec vn pilote pour estre cōduit à Quiloa, & se remit incōtinēt à la voile.

*Descriptiō de
l'isle & roy-
aume de Qui-
loa.*

O R il costoyoit la terre, & descouuroit plusieurs belles isles habitees, toutes suiuettes au Roy de Quiloa: car son royaume auoit en longueur plus de quatre cens cinquante lieues. Le Roy & tous les habitans de son royaume sont Mahumetans. Ce sont gens les vns noirs, les autres balanez. Ils parlent Arabe & entendent plusieurs autres langages, à cause de leur trafic avec beaucoup de nations qui abordent là. Leurs vestemens ressemblerent à ceux des Turcs & Arabes: & vient fort somptueusement. Quiloa est distant de Mozambique enuiron deux cens lieues. Ceste isle est separee de terre ferme par vn petit bras de mer. Au reste, il y a force herbes & arbres, des fontaines fresches & viues, abondance de gros & menus bestial: les bois & forests nourrissent quantité de bestes sauuagines. La terre est fertile, & produit diuers fruits, si l'on veut est soit peu la cultiuer. Il y a plusieurs sortes de bōs pois-

sons en la mer de ceste isle. La ville est grâde, & y a grâd' multitude d'habitâs. Quât aux maisôs elles sêt amples & basties magnifiquemêt, avec leurs châbres, cabinets plâchers & couuertures de mèsme, ornees de diuers beaux meubles. Leurs nauires sont côme celles de Mozâbique: au lieu de poix on les enduit d'vne sorte d'encës bastard. Capral ayât fiché l'ancre au port de ceste ville, s'arresta là, puis enuoya vers le Roy vn nommé Abraheim, pour luy dire q̄ Capral estoit venu en ces quartiers par le cōmandemêt du Roy de Portugal, avec lettres & cōmissions par lesquelles le Roy de Quiloa pourroit entēdre quel desir celuy de Portugal auoit de contracter alliance & amitié avec luy. Qu'il ne pouuoit mettre pied à terre, à cause de la defense q̄ sō Prince luy en auoit faite, laquelle il ne vouloit outrepasser. Pourtāt il prioit le Roy d'assigner quelque lieu cōmode où ils peussēt & cōmuniquer ensēble. Le Roy recueillit humainemêt ces messagers, renuoya dire par eux à Capral qu'il estoit le bien venu: qu'il auoit ony. discourir amplement de la grâdeur & des vertuz royales d'Emmanuel, encōres qu'il y eust si lōgue distâced vn roy aume à l'autre: & q̄ ces vertus l'incitoiēt à faire quelque amiable alliâce ensēble. Puis aussi qu'il ne se pouuoit faire q̄ la declaratiō de l'âbassade se fît en terre, il s'apresteroit pour parler à Capral le lēdemain sur la mer. Celz dit il enuoya va de ces domestiques vers Capral avec quelques presës. Le lēdemain il entra avec ces gēs dâs les petites barques agēces & parees pour tel effect. Les vns estoyēt vestrus de robbes de drap d'or, les autres d'escarlaitte, de soye & de cottō, portans au costé des espees & dagues, les poignes desquels estoyēt enchassées de pierres precieuses fort luyfâtes & de grâd pris. Pour signe de ioye ils estoient acōpaignez de ioueurs de cornets & de flustes qui faisoient tout retētir. Les Portugallois respondoyēt de leur costé avec le son des trōpettes & à coups d'artillerie. Capral cōmanda à tous les Capitaines de se vestir le plus brauemêt qu'il seroit possible, & descēdre en des esquifs: ce que luy fit aussi de sa part. Ainsi ils approchèt des barques du roy, auquel Capral fit la reuerēce acoustumee de faire à telles personnes: Le Roy fit vne hōnestre respōse, & receut de la main de Capral les lettres escrites en Arabe, entend

*Portugallois
mal voulus
des Arabes.*

avec vn visage graue & paisible l'ambassade de Capral: puis donna à entendre qu'il tiendrait tousiours le Roy Emmanuel pour son frere, & seroit que personne ne se monstroït plus affectionné que celuy enuers les Portugallois. En apres fut accordé entre eux, que Capral enuoyeroit le lendemain vn homme vers le Roy pour confermer par alliance l'amitié encommencee. Cela fait, les marchans Arabes suruindrent qui commencerent à accuser les Portugallois de cruauté & meschanceté, s'estoñans de la simplessé du Roy, qui mettoit son estat & sa dignité entre les mains de ces pirates: & que si l'on ne preuenoit de bonne heure leurs embusches, en dedans peu de iours sous couleur de paix, ils le feroient le plus pauvre prince du monde. Ces rapports changerent le cœur du Roy, tellement que non seulement l'accord fut rompu, mais aussi ces Arabes irritent fort le Roy contre les Portugallois. Doncques il commencement à faire fortifier la ville, amasser gens de guerre, asseoir corps de garde, & executer tout ce que font les villes maritimes quand les ennemis sont au haure. Homeris, frere du Roy de Melinde suruenant lors en Quiloa, ayant descouuert les entreprises en aduertit Capral, lequel sans differer & perdre plus de temps, print la routte de Melinde, dont le Roy, ayant receu les nouuelles, fut fort ioyeux, & commanda que soudainement la flotte fust rafraischie de viures & de fruits que la terre produit.

CAPRAL remenoit avec soy l'ambassadeur du Roy de Melinde, à qui Emmanuel auoit fait de grands presens, & portoit quelques choses precieuses à son maistre de la part d'Emmanuel. Le lendemain Capral enuoya le tout au Roy par quelques vns de ses soldats. Or afin que tout le peuple fust tesmoin de l'honneur que le Roy de Portugal faisoit à celuy de Melinde (comme c'est la coustume des grands de passer mesure en desirs d'honneur, & faire grand cas des dons que leur enuoyent quelques vns de leurs semblables) le Roy de Melinde fit incontinent accoustrer vn grand cheual richement enharnaché & caparassonné, dont Emmanuel luy auoit fait present entre autres choses, monta dessus, & se mit en chemin vers la mer, où Capral & ses Capitaines l'at-

tendoyent dedans les esquifs. Lors ils s'entr'embrasserēt, & firent de grandes caresses, tellement que c'estoit à qui montreroit meilleur visage l'un à l'autre. Le Roy fit son possible de retenir Capral quelques iours, mais il demanda congé: toutesfois il laissa en Melinde deux bannis, pour auiser, s'ils pourroyent point aller à pied de là en Ethiopie au dessus d'Egypte, où il y auoit vn Empereur Chrestien, selon le rapport fait au Roy de Portugal: & pour conoistre amplement les mœurs & façons de viure de la nation.

Le septiesme iour d'Aoust, Capral partit de Melinde, & ayant vent à souhait, trauersa la mer, arriuant le vingt deuxiesme iour en l'isle d'Anchediue, où il seiourna quelques iours afin de faire calfuter les nauires, & faire reposer les soldats harassez du trauail de la mer. De là il print la route de Celecut, où il arriua en treize iours. Ce qu'estant rapporté au Roy il enuoya deux de ses Naires avec vn marchand qui auoit grand credit en cour, du pays de Cambaja (d'où les habitans sont appelez Guzarates) vers la flotte pour saluer le general en son nom. Capral les renuoya acompagnez de Iean Sala, cheualier de Portugal, qui auoit tenu compagnie à Vasque de Gama, au premier voyage des Indes. Sala menoit avec luy Gaspar Gama, qui estoit Iuis, seruiteur de Zabajo. qui s'estoit fait Chrestient, & auoit prins le nom de son maistre. Capral enuoya avec eux quatre des Naires que Gama auoit emmenez en Portugal, retenant les autres comme pour ostages. Ces Naires estoient vestus en Portugallois, & resiouirent fort le Roy quand il les vid. Apres quelques messages faits de part & d'autre, le Roy ordonna que Capral le viendroit trouuer en vn palais basti assez pres du bord de la mer, où il feroit entendre la commission. Les chambres de ce palais estoient parees magnifiquement où le Roy vint enuironné de grand nombre de Seigneurs & gentils-hommes. Deuant luy marchoyent quelques gens avec des trompettes d'or & d'argent, faites d'un artifice singulier, qui demonstroyent par ceste harmonie la ioye que le Roy sembloit lors auoir. Capral vint avec quelques Capitaines, & en laissa vn nommé Sance Thoarez, pour gouverner es nauires

17.

*Arrivee de**Capral en**Calecut, &**deuxiesme iour en l'isle d'Anchediue, où il seiourna**quelques iours afin de faire calfuter les nauires, & avec le Roy.*

en son absence. Si tost qu'il eust mis pied a terre, plusieurs seigneurs & gētils hommes luy vindrent au deuât, & fut mis dans vne lictiere: tous les autres le suiuirent à pied iusques au palais du Roy. La salle estoit tapissée de drap d'or & de soye: le Roy luisoit de tous costez à cause des pierres precieuses qu'il portoit. Apres que Capral luy eust fait la reuerance, on l'assit en vne chaire d'argent auprès du Roy. Lors on fit approcher Gaspar le truchemēt, & par luy le Roy demanda à Capral ce que les amis ont acoustumé de faire en deuisant familièrement: à sç auoir cōme il se portoit, s'il auoit eu bonne nauigation, si lors que la flotte partit de Lisbonne son frere Emmanuel se portoit bien. Alors les lettres du Roy de Portugal furēt lues & expliquees par le truchement, & commença on à traiter de l'alliance. Le Roy faisoit de grandes & belles promesses, & accordoit plus que Capral ne demandoit. Il permit à tous Portugallois de trafiquer librement en calecut, promettant de faire qu'ils y frequēteroyent sans aucun danger. Dauantage il leur assigna vne assez grāde maison pres du havre, pour y pouuoir demeurer & serrer leurs marchandises. Et pource que le Sarrafin, à qui ceste maison appartenoit, commença à complotter contre les Portugallois, le Roy de calecut donna à celuy de Portugal vne autre plus grande maison, & plus prochaine du port: où tous ses facteurs pourroyent estre plus au large, & pourvoir plus aisément à leurs affaires. Il conferma ceste donatiō en lettres grauees en vne table d'or, pour memoire perpetuelle, mesmes il paya ceste maison à vn fort riche Sarrafin nommé cojebique, lequel aimoit les Portugallois, & depuis à cause de cela perdit tous ses biens. Dauantage il ordonna qu'au faiste de cest maison seroyēt plātées des bāderolles aux armoiries du Roy de Portugal, afin que chacun conu à qui elles appartenoyēt: declairant au reste qu'il donneroit ordre que ce tesmoignage de l'amitié qu'il portoit au Roy Emmanuel seroit tousiours conseruē en calecut.

18.

Cōbat d'un EN ces entrefaites on rapporta au Roy qu'vne grād'napetit *vais-* uire marchande estoit desmatee de cochim, en laquelle
seau dePortu y auoit vn Elephant fort hardy en guerre, & prenoit la
gar, cō tre vne route de cambaja. Sur ce, il enuoya prier capral, que

pour l'amitié establie entr'eux il conquist ceste nauire: *grāt' nauire*
d'autant qu'elle appartenoit à ses ennemis. Or afin de *venât de co-*
pouvoir conoistre de quelle dexterité & hardiessé les *chins.*
Portugallois inuestiroient les autres, il donna charge à
quelques Sarraïns de sa maison d'assister au combat. Ca-
pral depeſcha vn petit vaisseau seulement pour cest effect.
Le maistre d'iceluy s'appelloit Pierre Ataide, acompa-
gné d'Edouard Pacheco, de Vasque Syluerie. & de Iean
Sala. Le Roy voyant vn seul petit vaisseau s'eslongner
de la flotte bien munie de soldats, d'artillerie, & d'ar-
mes, fut fort esbahy: & pourtant il attendit l'issue de ce
combat en grand doute. A peine les Portugallois se-
stoyent mis en equippage, qu'ils descoururent la nauire
de Cochim. Lors ils voguerent contre à voiles desplo-
yées, non pas pour combattre main à main, crainte d'estre
accablez à coups de traits lancez de haut: mais estant
eslongnez quelques peu ils lâchent des boulets de pierre
& de fer, & harqueburent viuement, tellement qu'ils
blessent & tuent grand nombre d'ennemis, percent la na-
uire en plusieurs endroits, l'assailent deuant & derriere,
effroyant fort ceux de dedans. Au commencement il
sembloit que les ennemis s'en mocquaſſent, & huaſſent
apres les Portugallois: mais ils changerent d'avis, cou-
rurent aux armes, commencerent à se defendre & lâcher
leurs canons contre le vaisseau de Portugal. Or se sentant
endommager en tant de sortes, ils ne trouuerent meil-
leur expedient que de gagner le hault. Le petit vais-
seau vogue apres, & les contraind d'entrer sur le soir au
port de Cananor esloigné d'environ vingt lieues loin de
Calecut vers le Nord. Il y auoit lors quatre nauires d'A-
rabes à l'anchre en ce port. Les Portugallois estoient
au guet craignans que la nauire ne leur eschappast de
nuict. Le iour venu, ils voguent apres à voiles desplo-
yées, & luy donnent tel alarme, qu'elle fut contrainte se
separer des autres nauires, au milieu desquelles elle s'e-
stoit retiree, & s'eslargit en plaine mer. Pource que le
vaisseau des Portugallois estoit plus leger, il la poursuiuit
& costoya tellement à coups de canon, que les ennemis
ne vogueyent pas à leur plaisir, mais là part qu'ils estoient
contrains tourner la proue par les Portugallois qui s'a-

nalement en vindrent à bout, & contraignirent ceste nauire d'entrer au port de Calecut. Le Roy fut tout estonné, & s'enquit de ceux ausquels il auoit commendé d'estre spectateurs du combat, comme le tout s'estoit passé. Ils respondent n'auoir iamais veu gens plus adroits, plus vaillans, ni plus asseurez à se fourrer à trauers tous dangers. Sur ce le Roy enuoya vers Capral le prier d'enuoyer vers luy ceux qui s'estoyent plus vaillamment portez en ce combat: car il desiroit voir telles gens qui meritoient de tous Roys vne grande recompence de leur vertu. A quoy Capral obeit: & le Roy leur fit grande acueil & de beaux presens, notamment à Pacheco, lequel estoit monstre le plus vaillant, comme les Arabes, qui auoyent tout veu, le rapportoyent.

19

Murmures, calomnies & seditions des Arabes cõtre les Portugal-lois, & ce qui en ensuiuit de par & d'autre. **M**AIS tant plus il monstroient d'amitié aux Portugal-lois pour cest exploit, plus se trouuerent-ils en grand danger par la haine & l'enuie des marchans Arabes, lesquels desirans la ruine des Portugallois à cause de la diuersité de Religion, craignoyent fort aussi d'estre chassés de Calecut, si le Roy portoit si grande amitié aux Portugallois. Pourtāt ils les empeschoyent au possible d'amasser la quantité de poyure & autres espiceries qu'ils desiroient acheter. Cela leur faisoit inuenter toutes sortes de ruses, ils aigrissoient l'esprit du Roy par faux rapports, & accusoyent tous les Portugallois d'estre brigāds. D'auantage, ils promettoient beaucoup plus grand pris aux marchans espiciers, achetoient tout en cachette, & le serroyent es magasins, afin que les Portugallois ne peussent rien recouurer. Le Roy faisoit semblant de ne point voir telles pratiques, & réponoit sa foy. Desia auparauant Capral s'en estoit douté, mesmes auant que la maison luy eust esté baillee, pource que les ostages qui estoient en sa nauire s'estoyent iettez en la mer, afin de se sauuer à nage vers leurs gens: aucuns furent reprins, les autres qui se sauuerent ne furent point rendus, & le Roy n'en satisfist point Capral, comme il denoit. A raison dequoy Capral enuoya vn des siens se plaindre des torts qu'on luy faisoit, & luy remontrer qu'il auoit promis de faire que les nauires de Portugal auroient leur charge en dedans vingt iours: ce pendant trois mois

s'estoyent escoulez, & n'y auoit pas vne nauire fournie, combien que deuant les yeux il eust veu charger celles des Arabes: ce qui estoit contreuenir à l'alliance, en laquelle estoit dit par expres que pour pris quelconque pas vne nation n'auroit aucune quantité de poyure ou de gingembre, que premierement la flotte de Portugal n'en eut suffisante fourniture. Partant il le prioit d'auoir esgard à sa foy & dignité royale, pource aussi que le tēps de partir approchoit, & qu'il ne pouuoit seiourner plus longuement à l'anchre. Le Roy ayant entendu cela fit fort le courroucé de ce retardement, & dit qu'à son desceu quelques trompeurs auoyent commis la faute: & puis que les Sarrafins auoyent esté si meschans & audacieux de charger les nauires contre son commandemēt, il permettoit aux Portugallois d'eleuer les espiceries qui estoyēt es nauires Arabesques, en payāt aux marchans le pris d'icelle: afin qu'estans vistement fournis ils peussent faire voile en plus grande diligence. Capral oyant cela craignit qu'il n'y eust de la fraude au congé du Roy assçauoir que ce fust vn moyen pour irriter les Arabes, tellement qu'il s'en ensuiuist quelque sedition, en laquelle les Arabes qui estoyent en plus grand nombre & plus forts pourroyent couper la gorge aux Portugallois: & que la coulpe du mal retomberoit ou sur les Portugallois qui auoyent commencé la querelle, ou sur les Arabes, qui contre la parole du Roy se seroyent mis en defense. A ceste cause Capral ne bougeoit, estant en perplexité de ce qui estoit expedient de faire. Ce pendant Arius Correa: qui demeuroit en la maison pres du port comme facteur du Roy de Portugal, requeroit instamment Capral de se seruir de ce congé du Roy de Calecut, & oster par force aux Sarrafins ce qu'ils destournoyent par finesse. Qu'à faute de ce faire il auendroit que les nauires s'en retournoyent vuides en Portugal, & que tout le gain ne payeroit pas la despēce ia faite. Et pource que Capral ne se resoluoit point, Correa le pressoit de plus pres, l'adiurant de ne souffrir que son nom fust souillé de lascheté & couardise, ny le Roy Emmanuel fust priué du profit qui se presentoit. D'auantage il prenoit des tesmoins & demandoit acte authentique aux Secretaires pour

monstrer à tous, qu'il n'auoit point tenu à luy, mais au general, que les affaires de leur Roy ne s'estoyent mieux portees. Ces complaints & protestations de Correa esmeurent Capral, qui resolut de faire quelque exploit, afin d'euitier aucunemēt le crime qu'on luy pouuoit mettre sus.

Il y auoit lors vn peu loin du port vne nauire chargee d'espiceries, laquelle pretendoit faire voile bien tost quand Capral ennoya l'vn de ses seruiuers dire au Pilote & au maistre qu'ils ne bougeassent: d'autant que le Roy luy auoit permis d'arrester toutes les nauires qui estoient en ceste mer. Celuy à qui appartenoit la nauire estoit vn fort riche Sarrafin, bien aymé & en grand credit entre les seigneurs & courtisans de Calecut. Le Pilote, le maistre & toute leur suite se moquent du mandement de Capral, lequel fit armer & partir des esquis avec des soldats & matelots, pour lier la nauire, & la tirer au port à la rame: ce qui fut incontinent executé. Le Sarrafin en ayant entendu les nouvelles, transporté de cholere assemble tous ses parens & alliez, leur donne à entendre l'accident, se plaint de l'outrage & iniquité des Portugallois, & amplifie par vne longue harangue l'indignité de faict. Chascun des assistans iette (comme on dit) de l'huile au feu, disant qu'il valoit mieux mourir que d'endurer telle brauade. Pourtant ils s'en vont tous au Roy, crians que c'estoit vne grand' honte que des Chrestiens eussent la hardiesse d'affaillir dans le Royaume de Calecut ceux qui estoient en la sauuegarde du Roy, & comme s'ils estoient 12 Rois, commendassent à baguette, menaçaissent les personnes franches, emmenassent les nauires, & à la barbe du Roy tourmentassent les subiets. Que s'il ne chastioit bien tost vne telle audace, ils machineroient plus grande meschanceté & courroyēt sus à luy mesme. Ils adioustoient que sa douceur auoit esté cause que ces estrangers, esloignez de la maniere, de viure des Indiens, desistuez de tout support, mesprisoient sa puissance, & se donnoient l'autorité de commettre ces insolences en son royaume. Le Roy leur fit telle responce qu'ils couurent bien qu'en executant quelque meschanceté contre les Portugallois, il ne les en recherchoit pas beaucoup.

Et pourtant ils acoururent à la foule vers la maison où les Portugallois demeuroient par le congé du Roy, ne pensans aucunement la guerre: & attirèrent avec eux grand nombre de Naires Correa fait leuer haute vne banderolle pour donner à entendre à la flotte en quel danger il estoit. Lors il auoit septante hommes avec soy. Les Sarrafins & les Naires se trouuerent au nombre de quatre mil. Capral qui estoit tourmenté d'une fieure quarte commanda à Sañce Tobare de prendre terre viftement avec les esquifs pour aller au secours des assaillis & recueillir les fuyans. D'autre costé les Sarrafins faisoient tous leurs efforts d'efoncer la porte à coups de haches, rōpre les murailles avec longues pieces de bois, & assailloyēt viuement ceux de dedans, taschans les tuer tous auāt que le secours fust venu. Les Portugallois se defendoient courageusement, & faisoient du pis qu'il leur estoit possible pour venger leur mort presente. Cependant la muraille fut effondree d'un costé à force de hurter contre: alors les ennemis entrerent furieusement à la foule, & coupent la gorge à la pluspart des Portugallois. Ceux qui peurent eschapper se serrent ensemble & tirerent vers la mer, où plusieurs de leurs compagnons venus au secours, coururent sus aux ennemis, tellement que les ayant fait reculer quelques pas, ils eurent moyen de faire entrer les eschappez dans les esquifs. Il y eut cinquante Portugallois tuez en ceste esmeute, entre autres Arius Correa. Vingt eschapperent, blesez toutesfois, & la pluspart moururent incontinent apres de ces playes. Le moine Henry, principal entre les cinq qui y auoient esté enuoyez, fut blessé en quelques endroits. Arius Correa auoit mené avec soy es Indes vn sien fils nommé Antoine aagé de dix ans seulement: lequel au milieu de ce tumulte fut vaillamment preserué par vn homme de cheual nommé Nonio Leitan, qui l'emmena sain & sauf iusques au bord de la mer. Or pource qu'il ne pouuoit lors passer outre, n'y porter l'enfant iusques à l'esquif, vn matelot ayant compassion du pauvre orphelin, acour, le charge sur ses espaulles, & au grand danger de sa vie le porte dans l'esquif. Cest Antoine fut depuis vn vaillant soldat, & fit de beaux exploits d'armes.

Arabes cha-
stiez de leur
sédition &
du massacre
des Portu-
gallois.

CE massacre fut executé par les Sarraïns le dixseptief-
me iour de Decembre, l'an mil cinq cens. Capral en fut
extremement contristé, tellement que sa fièvre le trauailla
beaucoup plus que de coustume, & pleura à chaudes lar-
mes pour la mort de Correa. Toutesfois il ne voulut en-
cor entreprendre aucun acte d'hostilité, attendant que le
Roy proposast quelque excuse supportable, & chastiaïst les
auteurs de la sedition. Mais cognoissant par le silence du
Roy, que non seulement il sçauoit quelque chose d'une
si malheureuse entreprinse, mais aussi en estoit cause en
partie, le lendemain, par l'avis des Capitaines, il assaillit
dix grandes nauires d'Arabes, lesquelles estoient au port.
Le combat fut aspre d'une part & d'autre: toutesfois les
Portugallois entrent à viue force dedans les nauires, ven-
gent la mort de Correa & des siens sur plus de six cens
hommes de ces nauires, auxquels ils coupent la gorge:
puis deschargent les nauires, prennent prisonniers quel-
ques vns qui s'estoyent cachez pour les distribuer esga-
lement, afin de suppleer au defaut des matelots. On trou-
ua trois grands Elephans qui furent tuez & salez pour la
fourniture des nauires, qui auoyent les viures bien courts.
Finalement, sur le soir, ils mirent le feu dans toutes ces
nauires, entre lesquelles estoit celle de cest Arabe qui a-
uoit esmen un si grand trouble. Il s'appelloit Cogecem
Micidie. Cest embrasement effroya tous ceux qui demeu-
royent en Calecut, ils s'assemblent de tous costez, font
de grandes huees & lamentations pour une si notable
perte, leuant les mains contre le Ciel, avec des impreca-
tions horribles contre les Portugallois: sans penser ce pen-
dant à resister ny à se venger. Le Roy mesmes auoit esté
spectateur de ce feu. Mais si tost qu'il fut iour la flotte de
Portugal se rengea pour canonner la ville le plus furieu-
sement que faire se pourroit: ce qui fut executé, force
maisons abatues, & grand nombre de personnes tues du
Canon & de la ruine des maisons çà & là. Un des serui-
teurs domestiques du Roy fut tué & mis en menus mor-
ceaux d'un coup de boulet: ce qui donna telles affres à ce
Roy, qu'il ne trouua meilleur remede que de s'enfuir vi-
stement en lieu plus assuré.

Cochim : car il auoit ouy dire que le Roy de ce lieu desiroit estre amy des Portugallois. La ville de Cochim est assise vers le Su & eslongnee de Calecut enuiron trente cinq lieues. Elle est arrousee de tous costez par les tours & retours d'un fleuve qui l'environne, & se va rendre au dessous d'icelle en la mer. Le Haure est fort bon, & la rade tresasseuree pour les nauires. La terre est maigre & sterile, plaisante toutesfois à cause des arbres verdoyans que on y void : & pour l'abondance du poyure. Ce Roy n'estoit pas des plus riches, & tous les ans payoit certains tributs au Roy de Calecut. La maniere de viure du peuple s'accorde avec celle des Malabares. Capral ayant ietté l'ancre au port, enuoya vers le Roy vn Indien nommé Michel, pour l'auertir del'arriuee de la flotte en son Royaume, & requerir de leur vendre quelque quantité de poyure & d'autres espiceries à iuste pris, afin de pouuoir charger quelques nauires. Ce Michel auoit esté vn homme de merueilleuse abstinence, d'une vaine religion dont font profession certains fantastiques que les Indiens appellent Iogues, lesquels ont apparence extérieure d'auoir entièrement renoncé au monde : ils ne possèdent aucunes facultez & richesses, viuēt d'aumosnes, courant çà & là, afin de prescher la sainteté de leur secte à tous ceux qui les veulent escouter. Ils sont grands imposteurs, qui par illusions pipent le simple peuple, & s'engraissent de la bestise d'iceluy. Or ce Michel qui s'estoit rangé à la bõne foy avec ces gens, s'en retira apres auoir descouuert leurs artifices, & presta l'oreille aux Portugallois qui auoyēt vne plus pure religion, & persuadé par leurs remonstrances se fit baptiser. Iceluy ayant fait la reuerence au Roy de Cochim au nom de Capral, & présenté sa requeste, eut bonne response pleine de douceur & de tesmoignage de singuliere affection : rapportant que le Roy estoit fort ioyeux de l'arriuee des nauires, & promettoit de fournir largement & liberalement ce qu'on demandoit. Par consequence l'alliance fut aisément conclue : & suiuant icelle Capral enuoya quelques coupes, aiguieres & autre vaisselle d'argent au Roy, par gens qui auoyent charge d'acheter au pris ordinaire les espiceries que lon y pourroit trouuer. Le Roy fit loger ces Portugallois en vne maison

*Nauigation
de Capral en
Cochim, &
en Cananor,
& son retour
en Portugal.*

Moines Indiens.

assez spacieuse & forte, leur donnât des Naires pour leur garde & seureté. Tandis que toutes choses s'auançoient selon le desir de Capral, par la fidelité du Roy, suruindrēt des ambassadeurs du Roy de Cananor & du Roy de Coulam, qui au nom de leurs Roys offroyent amitié aux Portugallois, & les semondoyent à venir trafiquer & charger les nauires en leurs Royaumes. Capral les remercia affectueusement, comme il deuoit, alleguant que ce qui l'empeschoit d'accepter ce qu'ils luy offroyent de la part de leur Prince estoit le bon recueil que luy auoit fait le Roy de Cochim avec qui il trafiquoit pour lors : ce pendant il se sentoit autant obligé à eux, que s'il auoit receu par effect le bien qu'ils presentoyent. Que si la quantité qu'il desiroit acheter ne se trouuoit en Cochim, lors il accepteroit de bon cœur leur volōté. Tandis qu'on chargeoit les nauires en diligence, suruindrent deux Chrestiens Indiens du nombre de ceux qui font profession de suiure la doctrine de l'Apostre Sainct Thomas, depuis tāt d'annees que ce seruiteur de Iesus Christ a presché l'Euangile à Rome, & prièrent Capral de les vouloir emmener avec soy, afin que de Portugal ils peussent aller à Rome, en Ierusalem, pour voir ces lieux où Christ & ses Apostres auoyent conuersé : ce que Capral leur accorda volontairement. Ils estoient d'une ville nommee Cranganor eslongnee de dix lieues loin de Cochim. Apres que les nauires furent chargees, le Roy de Cochim fut auerty que celuy de Calecut auoit assemblé vne flotte de vingt grandes nauires de guerre, & vn plus grād nombre d'autres moindres vaisseaux, pour venger la mort de ses sujets, & que l'armee de ceste flotte estoit de quinze mil hommes : ce qu'il fit incontinent entēdre par ses domestiques à Capral, lequel ayant entendu ces nouuelles tint ses soldats prests, estant resolu de combattre la flotte de Calecut. Ayant donc fait leuer les voiles il vogua à l'encōtre : mais à cause des vents contraires il luy fut impossible de l'aborder. Les Calecutiens voyans avec quelle resolution leurs ennemis taschoient les inuestir, redoutans aussi l'impetuositē & violence de l'artillerie, n'oserent approcher ny venir aux mains, encores qu'ils eussent vent à gré, qui les portoit contre les nauires de Portugal. Et

pourrant Capral resolut, puis qu'il n'auoit plus d'empeschement, de prendre la route de Portugal: & laissa deux hommes à Cochim, l'un nommé Gonalue Barbose, l'autre Laurent Morene, avec quelques Portugallois, pour manier les affaires de leur Roy.

EN passant au long de Cananor, il fut semonds par le Roy d'y charger ce qui luy defailloit pour la fourniture des nauires: ce qu'il ne refusa, & vint surgir au port de ceste ville, l'an mil cinq cens vn. Cananor est vne grande ville, habitee de plusieurs allans & venans. Le goulse qui flotte iusques dans icelle, est cause qu'il y a vn bon port. Le pays est abondant en tous biens necessaires à la vie humaine: le Roy estoit riche, souuerain, se gouuernant au reste presques en la mesme sorte que les autres Roys des Malabares. Capral y acheta certaine quantité de poivre & de canelle. Et pource que le Roy estima que faute d'argent estoit cause que Capral n'enleuoit pas tout ce qu'on luy presentoit, luy enuoya dire qu'il auoit entendu qu'on l'auoit despouillé de ses biens & moyens au port de Calecut: pourtant, qu'il feroit plaisir au Roy de Cananor de s'aider des deniers d'iceluy, cōme s'ils appartenoyent au Roy de Portugal: dont il fut remercié par Capral, lequel monstra aux messagers vne grande somme de ducats, afin que le Roy peust entendre, que ce n'estoit point l'argent qui le retardoit, mais qu'il n'auoit point voulu acheter dauantage de marchandise, à cause que les nauires estoient assez chargees. Le Roy desirant affermir la paix avec celuy de Portugal, enuoya vn ambassade qui entra dedans les nauires. Ils partirēt de là le seiziesme iour de Ianuier. Et comme Capral approchoit du port de Melinde, il print vne grande nauire chargee de marchandise, laquelle appartenoit à vn Sarrafin fort riche nommé Milicup, lequel demouroit au Royaume de Cambaja, & possedoit vne ville nommee Barochiū: ce qu'entendāt Capral il la laissa aller, & dit au Capitaine d'icelle que le Roy de Portugal ne feroit guerre es Indes sinō au Roy de Calicut & à ces Arabes de la Mecque, qui luy auoyēt fait de grāds torts. En cest endroit vne roide tēpeste agita la flotte, & fit eschouer la nauire de laquelle Sance Thoarez estoit Capitaine. Au plustost qu'il fut possible, Capral

*Descriptiō de
la ville de
Cananor.*

fit mettre le feu en ceste nauire rompue, afin que les ennemis n'y peussent rien gagner. Toutesfois depuis le Roy de Mombaze fit plonger des nageurs en l'eau, & s'estant aidé de force gens tira l'artillerie hors. Capral n'ayant pas les vents commodes pour aller à Melinde, suivit la route de Mozambique, où apres auoir calfeutré les nauires, il logea Sance Thoarez en vne autre pour confiderer soigneusement l'asiette de Zofala, & se retirer de là en Portugal. Luy ayant fait aiguade, delibera se retirer sans aucun delay, & apres plusieurs tours & retours de tempeste & de beau temps sur la mer, il arriua finalement à Lisbonne le dernier iour de Iuillet. Son arriuee esmeut diuersement le Roy: car le retour de ceux qui estoient eschappez le resiouissoit autant comme il estoit contristé de la mort de ceux que la mer auoit engloutis, & que les Arabes auoyent tué en Calecut. En la mesme annee le Roy Emmanuel auoit entoyé vne autre petite flotte es Indes, sous la conduite d'un vaillant Capitaine nommé Iean Nouio: & y auoit seulement trois nauires. Car il se confioit que les nauires esquelles Capral commandoit embarquées l'an precedent auroyent assez de pouuoir pour faire paix, ou pour faire guerre avec le Roy de Calecut: lors donc il estima que ce supplément de trois nauires suffiroit. Mais ayant entendu les embusches esquelles Capral auoit cuidé estre prins, il cogneut que ce forfait requeroit plus grande armee pour le reprimer & punir.

27.

1502.
Secōde nauigation de Vāsque de Gama es Indes Orientales.

Cela fut cause que l'annee suyuante, qui estoit l'an mil cinq cens & deux, il enuoya pour la seconde fois Vāsque de Gama en Inde avec vne flotte de dix nauires, es neuf desquelles estoient establis vaillans Capitaines & soldats. Il fit encor armer vne autre flotte de cinq nauires, de laquelle estoit general un braue Capitaine nommé Vincent Sodre. Charge luy fut donnee de courir la mer des Indes & faire viuement la guerre aux Sarrazins qui trafiquoyent es Indes. Ces quinze nauires fournies de toutes choses necessaires desmarerēt du port de Bethlehem le dixiesme iour de Feburier. Le Roy ne se contentāt pas encores de cela, fit armer cinq autres nauires sous la conduite d'Estienne de Gama frere de Vāsque, lequel

partit

partit de Lisbonne le premier iour d'Auril de la mesme annee & tint la route des autres. Car le Roy qui auoit vn cœur haut, conuoiteux de grandes choses & (qui estoit le principal) fortifié de l'esperance qu'il mettoit en Dieu, estimoit qu'une des principales parties de sa charge requeroit qu'il prinst les armes pour conquerir ces pays, exterminer les ennemis des Chrestiens, & planter la religion es Indes Orientales. En la mesme annee, la Roynne Marie accoucha à Lisbonne de son premier fils, à la naissance duquel s'esleua vne si terrible tempeste que les plus vieux n'auoyent souuenance d'auoir iamais veu la pareille. Le Ciel estoit couuert d'espaisse obscurité: les tonnerres & esclairs si estranges & continuels, que les plus hardis trembloient de frayeur. Dauantage, la foudre tomba en plusieurs endroits: les tourbillons impetueux arrachoyent les arbres: les grandes pluyes qui suruindrent incontinēt couurirent les champs, & emplirent plusieurs maisons. Le beau temps estāt reuenū, le Roy & toute la ville firent grand feste de la naissance du petit Prince, lequel fut baptizé au huitiesme iour & nommé Iean. Entre autres comperes le Roy voulut auoir Pierre Paschal Ambassadeur de Venise, qui estoit venu le remercier au nom de la Seigneurie de la flotte enuoyee par luy cōtre Bajazet, comme dit a esté: & luy declarer que la Seigneurie & tout le peuple de Venise luy demeureroient obligez à iamais pour ce bien-fait. Le Roy fit cest Ambassadeur Cheualier de sa main propre, luy en bailla les enseignes, & le renuoya avec beaucoup de presens. Ce qui allecha tellement Paschal, qu'estant à Venise il fit de grands discours sur l'excellēte vertu du Roy de Portugal, & fut cause que l'amitié encommencee entre le Roy & la Seigneurie fut confirmee par vne alliance plus estroitte. Le iour qu'on baptisa le Prince Iean, le feu se print soudainement au Palais du Roy: mais par la diligence de grand nōbre d'hommes il fut incontinent estaint. En ceste mesme annee le Roy equippa vne autre flotte, pour l'enuoyer au destroit de Gibraltar, afin de brider l'audace des Mores: mais il n'appert point qu'elle fist chose digne de memoire.

*Naissance de
Iean Prince
de Portugal,
& les prodiges
en la naissance d'ice-
luy.*

P o v r feuenir à Iean Nouio, ayant le vent à gré, apres de Iean No-
uoir passé la ligne equinoctiale il vint surgir au port d'v-
nio.

Nauigation

ne Isle incognue des Portugallois, laquelle il nomma la Conception. Delà il print la route de Mozambique: mais auant qu'y arriuer, il fit tourner les proues vers terre pour puiser de l'eau en ce lieu qui est appelé l'aiguade S. Blaise. La fut trouué vn vieux soulier attaché à la brâche d'un arbre: ce qu'on pensa n'auoir esté fait sans quelque cause, pourtant il se fit apporter ce soulier, dans lequel estoient certaines lettres escrites de la main de Pierre Ataide, par lesquelles il admonnestoit tous Capitaines de Portugal qui passeroient par là, de se destourner du Haure de Calecut: que le Roy estoit vn meschant & cruel, qui auoit premierement par embusches, puis à force ouuerte machiné la mort des Portugallois. Nouio estant arriué à Quíloa, trouua l'un de ces bannis, qu'on auoit laisséz en diuers lieux: lequel bailla lettres de Capral à Nouio, de mesme teneur que celles d'Ataide. Estant au port de Melinde, il fut auerty par le Roy de toutes les fraudes & embusches que le Roy de Calecut auoit dressées à Capral. Delà Nouio fit voile en Anchediue, pour fournir ses nauires d'eau douce, & delà tira vers Cananor, où il fut tellement receu, que le Roy luy monstra tous les signes d'amitié qu'il est possible de desirer. En ce lieu suruiut vn Portugallois nommé Gonsalue Peixot, qui lors qu'Arius Correa fut tué estoit demeuré caché à l'aide de Cojebec, pour éuiter la mort presente. Depuis, les choses aucunement appaíses, il se monstra, & vint trouuer Nouio par le commandement du Roy de Calecut, pour luy dire que ce tumulte, ou Correa fut tué, auoit esté esineu par vne multitude enragee: que iamais il ne s'estoit departy de la singuliere affection qu'il portoit au Roy de Portugal: & que Nouio luy feroit grand plaisir, s'il vouloit venir à Calecut, pource qu'il obtiendrait aisémēt tout ce qu'il voudroit demander. Ayant fait ce rapport au nom du Roy, il adiousta de la part de Cojebec, que Nouio se donnast bief garde de croire le plus desloyal Roy qui fust au monde: pource que ce meschant ne pensoit sinon sous pretexte d'amitié attrapper autant qu'il pourroit de Portugallois, pour les massacrer: & que celuy qui se fieroit en vn traistre qui n'auoit iamais gardé sa foy, en se faisant tuer à credit receuoit le payement que sa folie meritoit. Nouio

*Folies de ceux
qui se fient
aux traistres*

ne voulut faire aucune réponse, & ne permit à Peixot de retourner en Calecut. Or comme il tenoit la route de Cochim, il rencontra vne nauires de Calecut, laquelle il força, butina ce qui estoit dedans, fit mettre le feu au vaisseau vuide, & vint surgir finalement au port de Cochim. Sa venue esiouit tellement les Portugallois laissez là que ils estimoient lors estre resuscitez de mort à vie : car encor que le Roy les traitast humainemēt, & leur eust baillé quelques Naires pour garde, si est-ce qu'ils redoutoyent merueilleusement la desloyauté des Arabes qui trafiquoyēt presque ordinairement en Cochim. Le Roy monstra à Nouio tous les tesmoignages qu'on peut requerrir & attendre d'un homme vertueux & fidele. A cause dequoy Nouio, ayāt fait ses besongnes à souhait, & chargé presque du tout ses nauires, fit voile de rechef en Cananor, afin de prendre quelque charges d'autres espiceries: ce qui luy fut liberalement accordé. Comme il vouloit s'embarquer, le Roy de Cananor l'auertit que celuy de Calecut auoit armé quatre vingts Almadies, pour assieger l'issue du port, enclorre les quatre nauires & les auoir à force d'armes. Pourtant il l'admonnestoit d'approcher plus pres de terre, afin que luy & les siens peussent accourir au secours. D'autant qu'il ne se pourroit pas faire, que Nouio avec si peu de gens & de vaisseaux peust soutenir la flotte des ennemis. Nouio le remercie humblement, & exhorte le Roy de ne se donner peine des Portugallois: qu'il remettoit en Dieu souverain toute esperance de sa victoire, & qu'à l'aide de ce Dieu il ne feroit difficulté de combattre vne plus grande flotte. Le lendemain Nouio apperceut que les ennemis tenoyent l'entree du Haure. Ils auoyent plus de cent vaisseaux. Nouio disposa ses nauires en telle sorte que elles pouuoient s'aider toutes de leur artillerie: en apres il auertit tous les Capitaines, que tout l'espoir de leur sauueté consistoit en ce qu'ils ne se laissassent amener à ce point que de combattre main à main contre vne si grande multitude d'ennemis: partant qu'ils donnassent ordre de faire ranger tellement leurs pieces, que sans cesse on canonast les Calecutiens: à cause que l'intermission les mettroit en grand danger. Eux executent

*Combat Naval de Nouio
côté la flotte
de Calecut.*

fort soigneusement ce qui leur estoit commandé. Par ce moyen les Portugallois combattirent vaillammēt & alai-
grement depuis le matin iusques au soir. Les ennemis y
perdirent (comme on sceut depuis) quatre cens dixsept
hommes tuez, & plusieurs blesez d'arquebusades, quel-
ques vaisseaux mis au fond: sans que les Portugallois eus-
sent receu aucun dōmage. Les ennemis leuerent vne ban-
derolle en signe de paix. Nouio pensant qu'ils brassyēt
quelque trahison, leua au contraire vne enseigne de guer-
re, & commanda qu'on recommençast à tirer. Eux ne-
antmoins continuent à monstrier ce signe de paix. Alors
Nouio en fit aussi leuer yn. Ils enuoient vn Arabe demā-
der trefues pour ceste nuit: & que le lendemain on pour-
roit traiter vne paix equitable pour les vns & les autres.
Nouio respond qu'il n'accorderoit point les trefues, si
premierent ils ne se tiroyēt arriere de l'entree du port, en
luy laissant la mer libre. Eux accordent incontinent ce
que Nouio requeroit. Nouio sortit du destroit avec les
nauires, & les deux flottes demeurèrent à l'anchre assez
pres de l'entree du port, en telle sorte toutesfois qu'il y a-
uoit quelque petite distāce de l'vne à l'autre. Les ennemis
rompans leur promesse enuoient des nageurs entre deux
eaux pour venir couper les cables des anchres. Iceux es-
troyēt suiuis de quelques basteaux legers, munis de feux
artificiels pour les darder dans les nauires, incontinent
que les cables seroyent coupez. Ce qu'ils eussent executé
sans l'extreme vigilāce des Portugallois, lesquels à coups
d'arquebusades & de moultquets repoussoyent aisément
ceux qui osoient approcher trop pres. La nuit se passa
en tel travail de part & d'autre. Les ennemis voyans que
la force ouuerte & les embusches ne leur auoyent seruy,
comme ils esperoyent, leuerent les anchres, & avec vent
propre se retirerent à Calecut. Nouio & les siens deliurez
d'vn si grand danger, rendirent graces à Dieu & resolu-
rent de voguer à toutes voiles vers Portugal. Ils n'auoyēt
pas fait guerres de chemin qu'ils descouurirēt vne nauire
de Calecut, laquelle fut incontinent enuoloppée, prinse,
pillée & bruslée. De là moyennant les vents propres, il
doubla le Cap de bonne esperance, puis arriua en vne pe-
tite Isle qu'il appella l'Isle de sainte Helaine, qui est assise

*Isle de sainte
Helaine.*

au milieu de la mer, où elle semble auoir esté posée par vne singuliere prouidence de Dieu, afin de donner loisir aux Portugallois retournans des Indes, affligez de la tourmente, & de disette (comme il ne se peut faire autrement en si longue nauigation) de se refaire & rafraischir. Car il y a des riuieres douces, fraischcs & continuelles, des forests espaisles & vn air fort doux. Or apres que par l'industrie d'vn personnage, duquel nous parlerôs en son endroit propre, ceste Isle commença à estre cultiuee, elle a eu abondance d'herbe & de diuers fruits, avec force poutceaux & moutons. Qui est cause que les Portugallois puissent de l'eau & cueillent du bois fort commodement en ceste Isle, mesmes ils y fournissent leurs nauires de poisson, sauagine & volaille. Nouio quitta cest Isle, & singla par si bon vent qu'il vint surgir à Lisbonne, l'vnziesme iour du mois de Septembre, l'an mil cinq cens & deux: dont le Roy & toute la ville furent fort ioyeux à cause de l'heureuse nauigation.

EN ceste annee le Roy fit vn pelerinage à Saint Iacques en Gallice. A son arriuee à Códexe de Velle, anciennement Conimbrice, il vid le Sepulchre du saint & inuincible Roy Alphonse, par la vertu duquel les Mores auoyent esté chasséz loin des frontieres de Portugal, n'auoir presque point d'apparence: pourtant il le fit abarre, & en edifier vn plus ample & plus magnifique. Semblablement il fit bastir à grands frais en la ville de Portugal le sepulchre de saint Panthaleon martyr, selon l'ordonnance contenue au testament du Roy Iean. Au reste, par tout où il passoit, les veufues & orphelins sentoient sa douceur & equité: il faisoit de beaux dons aux temples, & faisoit griesue iustice des plus grès, qui iusques lors estoient demeurez impunis. Il demeura trois iours à Compostelle, & visita songneusement le sepulchre de S. Iacques, enrichit le temple, & y fit pèdre vne lampe d'argent faite d'vn artifice singulier pour y luire tousiours. Il fit beaucoup de presens à toutes les personnes chez lesquelles il logea. Brief ce voyage fut tel, que par tout où il mettoit le pied, il laissoit des traces de pieté, largesse & magnificence royale. Estant de retour à Lisbonne, chacun en reçeut merueilleux contentement, tât sa presence

23.

*Deportemēs
d'Emmanuel
& estat de
Portugal.*

*La presence
du Prince ne
doit pas abo-
lir, ains esta-
blir la iusti-
ce.*

estoit agreable.

1503.

Av commencement de l'annee suivante il remit en deliberation de conseil son entreprise de passer en Afrique, pour y faire guerre en personne aux Mores. Pourtāt il fit leuer gens, & pouruoir aux munitiōs de bledz pour les nauires. Mais le degast & changement de temps rompit le coup: car au printemps les pluies & tempestes continuelles degasterent les bledz. De là suruint vne cherté, puis la famine, dont non seulement les pauvres, mais les riches aussi furent affligez. Plusieurs viuoyent de racines d'herbes & d'autres choses, le gouist desquelles ils n'eussent iamais cuidé estre bon. De là s'ensuiuirent des maladies fort dangereuses à cause du mauuais suc des viandes, & de la corruption de l'air. Le Roy voyant ceste calamité laissa pour vn temps tout pensement de guerre, estimant qu'il ne falloit auoir l'œil à autre chose qu'à faire prouisiō de bledz. Pourtant il donna ordre d'en faire venir grande quantité de France & d'Angleterre. En ceste annee il enuoya six nauires es Indes, trois conduites par Alфонse Albuquerque, les autres trois par François Albuquerque son frere. En apres il fit equipper vne autre flotte dont il bailla charge à Gonçalue Coeillo, pour aller recognoistre plus particulierement la terre du Bresil que Capral auoit descouuerte. Mais pource que la route de ceste navigation en pays incogneu estoit malaisce, il auint que Coeillo perdit quatre nauires qui eschouèrent. Il emplit les deux autres de bois de bresil, dont le pays abonde, de perroquets & de singes, & reuint ainsi chargé en Portugal.

24.

*Nauigation
de Gaspar
Cortereal en
Septentrion,
et ce qui s'en
ensuiuit.*

EN ceste mesme annee, le Roy enuoya deux autres nauires es pays qui sont sous le Nord, afin d'essayer si lon pourroit sçauoir nouuelles de la mort ou prison de deux freres gentils-hommes vaillās. Or la chose estoit auenue comme s'ensuit. Gaspar Cortereal gentil-homme de grād cœur, & desireux de faire parler de soy, estima que le vray moyen de laisser son nom memorable à la posterité, il falloit descouurir quelques nouuelles terres. Et pource qu'il voyoit que presques tous les Haures, costes, ports & descentes vers le Midy auoyent esté recognus & remarquez par les Portugallois, il resolut de courir & visiter ce qui

estoit au Septentrion. Pourtant il equippa vne nauire à ses despens, bien fournie de viures, d'armes, de pilotes. matelots & soldats. Il fit voile de Lisbonne l'an mil cinq cens, & tira vers le Nord : finalement il print terre, laquelle, à cause de sa plaisante beauté, il nomma terre verte. Les gens (comme il le recita depuis) sont barbares & sauvages, de couleur blanche, qui toute fois se ternit avec l'aage, à cause de la rigueur du froid. Ils sont fort legers du pied, bès archers à merueilles: leurs flesches sont brulées par le bout, & en trenpercent aussi aisément leurs ennemis que si elles estoient ferrees. Ils se couurent le corps de peaux de bestes, demeurent en des fosses, ou petites cabanes couuertes de chaume: viuent sans religion, & neantmoins croient les deuins. Ils espousent leurs femmes sur la pudicité desquelles ils veillent fort soigneusement: car ils sont soupçonneux de leur naturel. Cortereal estant de retour, & desirieux d'en conoistre dauantage, retourna l'an mil cinq cens vn en ce mesme pays, afin de descouurir plus amplement toutes les costes d'iceluy, & remarquer particulieremēt les meurs & costumes des habitans. Mais on ne sceut iamais sçauoir depuis ce qui luy estoit auenu, ny de quelle mort luy & les siens estoient peris. Or son frere, Michel Cortereal, qui auoit grād credy enuers le Roy equippa deux nauires l'an mil cinq cens & deux, pour aller chercher en ces pays Septentrionaux son frere, à qui il portoit singulier affection. Mais il ne reuint non plus que l'autre. Le Roy voyant deux gentils hommes, que plusieurs aimoyent à cause de leur gentillesse, estre ainsi perdus, en fut extrememēt marj: & suyuant le deuoir d'un bō Prince estima qu'il falloit sçauoir s'ils estoient morts ou prisonniers. Mais les nauires qui couroyēt toutes ces mers n'en peurēt
Terre de Co
 jamais riē entēdre. Ainsi perirēt ces deux freres, & la terre
terreal.
 descouuerte par Gaspar perdit son nō de terre verte, & cō
 mēça à estre appelée la terre de Cortereal. Or d'aurāt que
 leur frere ainsé, nommé Vasque Ieā Cortereal, grād maistre
 d'hostel du Roy, auoit encor quelq̃ opiniō de la vie de ses
 freres, il voulut entreprendre le mesme voyage: mais le
 Roy l'en empescha, de peur que sans aucun fruit il ne tē-
 bast au mesme danger qu'eux. En ceste annee que les Al-

Estats assen- buquerques auoyent esté enuoyez es Indes, Emmanuel
blez, à la re- rassembla les Estats de tout le Royaume, afin que les peu-
queste du peu- ples fissent (suiuant la coustume d'Espagne) serment au
ple. Prince Iean, comme au legitime heritier de leur Roy.

125.

Continuatiõ
du second
voyage de
Gama, & ce
qu'il fit en
Quiloa.

Carauelles de
Portugal.

Ce qui fut fait d'un commun consentement de tous.
 En ces Estats furent faites plusieurs ordonnances prou-
 fitables aux peuples qui auoyent requis ceste assemblee.
 Outreplus le peuple fournit au Roy certaine sômede de-
 niers, pour les frais qu'il falloit faire en la guerre d'Afrique.
 Pour reuenir à Vasque de Gama, apres auoir doublé
 le cap de bone esperance, il partit sa flotte en deux, & bail
 la vnze nauires à Vincent Sodre pour aller à Mozam-
 bique & l'attendre là : il s'en referua quatre, afin de
 prendre la route de Zofala, descouurit la situation &
 façon du pays. Le Prince le receut humainement, &
 contracterent amitié ensemble. Comme Gama leuoit
 l'âcre pour sortir du goulfe, vne de ses nauires eschoua,
 & fut perdue à l'entree du port. Les hommes & tout l'e-
 quippage furent chargez es autres nauires. Il vint surgir
 de là en Mozambique, & communiqua avec le Prince
 & gouuerneur de la ville. Car celuy qui auoit voulu sur-
 prendre les Portugallois au premier voyage de Gama, s'en
 estoit allé, & vn autre substitué en son lieu, qui fit gra-
 cieux accueil au general de la flotte. Or Gama auoit
 donné charge à Vincent Sodre, tandis que luy feroit le
 voyage de Zofala, de faire charpéter & dresser au port de
 Mozambique vne carauelle, pour le bastiment de laquel-
 le on auoit apporté es nauires le bois de Portugal. ces
 carauelles sont faites en la façon que s'en suit. Elles n'ont
 point de hunes, ny de bois traufferant le mast en haut,
 ains il est attaché en trauers vn peu au dessous de la som-
 mité du mast. Les voiles sont faites en triangle, & leur
 bout d'embas n'est gueres plus haut esleué que les autres
 fournitures du vaisseau. Au plus bas il y a de grosses pie-
 ces de bois, comme vn mast, lesquelles sont vis à vis
 l'vn de l'autre aux costez de la carauelle, & s'amenuisent
 peu à peu contremont. Les Portugallois s'aident de tels
 vaisseaux en guerre pour aller & venir en plus grande
 diligence: car ils font tourner fort aisément, & chan-
 gent à l'aise quand il leur plaist ces pieces de bois qui

leur seruent de masts: ils laschent, leuent & serrent aisément aussi les voiles, selon que leur navigatiō le requiert: & comme le vent souffle, ils y tendent incontinent leurs voiles, reçoivent tous vents, tellement que souventes-fois quoy que le vent soit de costé, celles ne laissent pas de tenir leur route droite, & si elles veulent rebrousser chemin, le mesme vent leur sert autant que s'il donnoit en poupe: Gama fit donc bastir vne de ces caravelles, pour courir toute ceste coste, & faire tout le mal qu'il seroit possible aux ennemis des Chrestiens, Il la ioignit à la flotte, puis vint surgir à Quiloa, où son frere Estienne se rendit tost apres avec ses cinq nauires. Par ainsi la flotte estoit de dixneuf nauires. celle d'Antoine de Camps, auoit esté chassée au loin par les vens; & n'aparoissoit point.

HABRAHEIM Roy de Quiloa, tout esperdu, se vint humilier deuant Gama, qui à cause des outrages faits aux Portugallois le retint prisonnier Ayant demandé pardon il fut relasché à condition de payer tous les ans au Roy de Portugal certaine quantité d'or. Pour seureté de ceste promesse il donna pour plege Mahumet Ancō, personnage de grande autorité, & qui secōdoit le Roy en ces quartiers là. Mais Habraheim se sentant deliuré, ne paya point l'or qu'il auoit promis: voulant retenir cela & estre cause de la mort de Mahumet. Car il estimoit que Gama irrité de telle perfidie, seroit vn mauuais party à Mahumet. Aussi estoit cest Habraheim vn meschant & malheureux homme, qui auoit tué traistrement le predecesseur Roy pour regner en son lieu, haïssoit & tenoit pour suspects tous les hommes sages, & vaillās & industrieux. Sur tout il redoutoit ce Mahumet, lequel ayant descouvert cest desloyauté d'Habraheim, fit entendre à Gama le meschant tour que ce malheureux luy vouloit iouer, & paya l'or promis de son propre bien. Quoy fait Gama le relascha incontinent, puis s'embarqua pour aller en Melinde: toutesfois à cause de la vehemence du reflux agité de grands vents, les nauires n'y peurent aborder, ains furent portees en vn goulfe à quinze lieues loin de Melinde. Estans là le Roy y enuoya vn des bannis nommé Louys Mouré, laissé en ces lieux par Capral, afin de sa-

Roy de Quiloa prins prisonnier, sa deliurance & perfidie.

Naturel des tyrans.

*Combat de la
flote de Portu
gal contre
une nauiue
du Sultan
d'Egypte.*

26.

*Comencemēt
de guerracōtre
le Roy de Ca
lecut.*

luer en son nō le Capitaine, & sçauoit si lon auoit faute de luy ou de ses moyēs. Gama ayant fait aiguide & pour ueu aux viures de la flotte en ce lieu, print la route des Indes, & comme il approchoit de terre ferme, il descourrit vne grande nauiue. equippee de tout ce qui estoit necessaire pour la guerre. Elle appartenoit au Sultan d'Egypte estoit partie de Calecut chargee de poyure, gingembre canelle, & autres marchandises de pris, & faisoit voile vers la Mecque, pour y descharger grand nōbre de passagers qui y alloient en pelerinage pour voir le corps de Mahumet. Gama la fit incontinent assaillir. Les Arabes & Egyptiens resisterent beaucoup plus viuemēt que l'on ne sçauoit croire: & s'acharnerēt tellement les vns contre les autres que le combat dura iusques au lendemain matin, encor qu'une si grande flotte n'eust affaire qu'à vne seule nauiue. Car les Portugallois ne la vouloyēt pas mettre à fond auant que l'auoir pillee: & les autres voyās qu'on demandoit leur vie, la vouloyent vendre bien cher: Mais finalement ils furent forcez par les Portugallois qui coupperent la gorge à plus de trois cens hommes, sans espargner autre personnes que les petits enfans: pillent ce grand vaisseau & y mettent le feu puis apres. Au desmarer de là, les nauires vindrent surgir à Cananor, où Gama renuoya vers le Roy l'ambassadeur qui estoit venu en Portugal avec les presens qu'Emmanuel luy enuoyoit, dont ce Roy fut extremement ioyeux. Cela fait Gama entreprint d'aller en Calecut: & en ce voyage il print quelques almadies où il y auoit iusques à cinquante Calecutiens, lesquels il fit mettre tous à la haine. Finalement il arriua au port & y fit s'icher l'ancre.

ALORS vint aux nauires vn Arabe vestu en cordelier, lequel estant mené vers Gama, reconut franchemēt qu'il estoit Mahumetiste, & s'estoit desguisé en ceste façon, pource qu'il n'esperoit pas pouuoir approcher de la flotte que par ceste ruse. La robbe appartenoit à l'un des moines qui auoyent esté tuez avec Arius Correa. Or cest Arabe fit eutendre à Gama que le Roy de Calecut ne demandoit autre chose que paix & amitié avec le Roy de Portugal: qu'il auoit esté extremement fesché de la sedition esmeue par les Arabes (qui n'estoyent pas de ses suiets)

contre les Portugallois. Gama respond qu'il ne demandoit autre chose que paix : qu'il estoit venu par le commandement du Roy son maistre, pour faire paix avec le Roy de Calecut, s'il estoit possible & la confermer par certaine alliance. Si le Roy de Calecut vouloit auoir paix, qu'il monstrast quelque tesmoignage de sa volonté, & premierement rendist sans aucun delay tout ce qui auoit esté osté aux Portugallois lors qu'Arius Correa fut tué. Apres plusieurs messages enuoyez de part & d'autre, le Roy n'executoit rien à propos. Gama conut bien lors, que tout le fait de ce Roy ne consistoit qu'en trôperies, & n'auoit veine qui tendist à establir vne ferme paix. Et pourtant il luy enuoya dire que s'il ne rendoit promptement tout ce qui auoit esté prins, il feroit mourir cruellement en vengeance de la mort de Correa tous les prisonniers qu'il auoit en ses mains. Le Roy ne voulut faire aucune responce à ceste menace, au moyen dequoy Gama fit pendre tous les prisonniers, & apres leur auoir fait couper les mains & les pieds, fit mettre les corps en vn des vaisseaux qu'il auoit prins avec lettres adressantes au Roy, auquel & à tous ses suiets il denonçoit la guerre à feu & à sang. Puis il fit pousser ce vaisseau contre terre de force de rames. Le Roy ayant receu ces lettres trop rudes & estranges pour luy, & voyant ses suiets tuez & mutiliez d'une horrible sorte, fut fort troublé, & toute la ville de Calecut se mit à pleurer. Mais le general fit approcher la flotte plus pres de terre, & le lendemain à la pointe du iour commanda aux canonniers de battre viuement la ville. Plusieurs maisons furent abatus, le palais du Roy pres du havre renuersé, & grand nombre de gens tuez. Cela fait, Gama print la route droit à Cochim, & laissa pres de Calecut Vincent Sodre avec six nauires, pour roder au long de ceste coste. Si tost qu'il fust arriué en Cochim les Portugallois, qui estoient demeurez chez le Roy, le vindrent trouuer incontinent, luy conterent combien bon traitement on leur auoit fait, & avec quelle vigilance ils auoyent esté garantis des embusches des Sarrasins. Incontinent le Roy enuoya saluer Gama fort honorablement de sa part, & ce par vn des principaux de sa maison. Il fut accordé entre eux que le lendemain le

Roy choisiroit vn lieu commode, afin qu'eux deux communiquassent ensemble, d'autant qu'il luy vouloit faire entendre ce que le Roy de Portugal l'auoit enchargé de dire. Ce pendant il luy enuoya au nom d'Emmanuel de la vaiselle d'or & d'argent, item vne couronne d'or. Celuy de Cochim ne se voulant pas monstrier moins magnifique renuoya deux brasselets d'or garnis de pierres precieuses, & vne fort grosse perle, priant Gama de vouloir porter & presenter le tout au Roy de Portugal. Le lendemain ils deuiserent ensemble avec des tesmoingnages de grande amitié l'un enuers l'autre. Quelques iours apres vindrent certains ambassadeurs vers Gama de la de Cranganor part des Chrestiens qui demeurent en Cranganor. Le vers Vasque sommaire de leur legation fut qu'ils ne scauoient assez de Gama, remercier nostre Seigneur Iesus Christ pour le grand bien qu'il leur estoit auenu: car ils auoyent obtenu ce qu'ils n'eussent iamais estimé se pouoir faire, que de pays si lointains peussent venir en ces quartiers des Chrestiens si gens de bien. Que delà en auant ils vouloyent estre suiets du Roy de Portugal, & ne recognoistre autre seigneur au monde. Partant ils supplioyent Gama de les vouloir tous receuoir en sa protection sous l'autorité de son inuincible Roy. Gama remerciant Dieu, leur donna bonne esperance de meilleure condition pour l'auenir, leur promettant de faire que tous les Capitaines Portugallois, que le Roy enuoyeroit de là en auant aux Indes, les deliureroyent de la tyrannie des meschans qui dominoient sur eux, & les garantiroyent de tous les outrages des Sarrafins. Apres que ces ambassadeurs furent partis: Gama faisoit toute diligence, à ce que les nauires eussent leur charge.

27.

*Diverses me-
nes du Roy
de Calecut
pour attrap-
per les Portu-
gallois.*

Ce pendant vn des Brachmannes, dont le Roy de Calecut se seruoit beaucoup, vint trouuer Gama avec deux ieunes enfans, l'un son fils, & l'autre son proche parent. Il prioit Gama de vouloir mener ces enfans en Portugal, afin qu'ils y aprinsent la langue latine, la religion: ceremonies & maniere de viure des Chrestiens. A quoy Gama ne luy donna que bõne responce. Mais apres s'estre rendu fort familier, lors il fit entendre ouuertement à Gama ce qu'il ne luy auoit osé confesser du commen-

ement, à sçauoir quele Roy de Calecut l'auoit enuoyé pour tesmoigner que tout son desir estoit de contracter ensemble vne paix asseuree par sainte alliance, estant prest non seulement à rendre les biens des Portugallois, mais aussi à faire tout ce qu'on peut attendre de plaisir & seruice d'un amy: priât Gama d'oublier les iniures passees, & se contenter de satisfaction. Quant à la charge des espiceries, lon ne pouuoit en trouuer plus grande quantité, ni à meilleur pris qu'en Calecut. Pourtant s'il y vouloit mener sa flotte, ce seroit vn moyen d'exercuter ses affaires selon son desir. Gama voulut essayer si le Roy se repentoit en quelque sorte des fautes passees: & pource il laissa les nauires en la garde de son frere Estienne, & le Brachmanne pour ostage, puis en toute diligence vogua vers Calecut: Où estant arriué il enuoya ces deux ieunes enfans vers le Roy, qui les renuoyoit, & ainsi faisoient les messages de part & d'autre. Cependant le Roy dressoit des embusches: car les Arabes commencerent à luy faire des plaintes, & ne cessoient de l'irriter contre les Portugallois. Luy qui estoit infidele, inconstant, & qui se mocquoit des forces que Gama auoit amenees, se laissa persuader par les Arabes, & le plus secrettement qu'il fut possible fit armer trente quatre brigantins pour envelopper Gama tout en vn instant: ce qui fut executé en fort grande diligence. Et pourtant ils viennent pour enclorre Gama, lequel estonné de ce soudain accident, fit coupper les cables des anchres, & tendre les voiles incontinent. Il estoit en ce peril euident, quand par la grace de Dieu vn vent d'Est se leua assez fort, & poussa le vaisseau de Gama en haute mer. Neantmoins les brigantins le suivirent à voile & à rame, mais cōme ils approchoient il auint que Vincent Sodre venoit au deuant avec ses nauires: car Gama ayant par soupçon descouuert quelque chose de ce qu'on luy brassoit, encores qu'il ne pensast qu'on voulust executer vne telle meschanceté si soudainement, enuoya vne des nauires vers Sodre, pour le faire venir à Calecut avec sa flotte. S'estans ioints ensemble, il tourne contre les calecutiens, met en fōnd les vns, tue bon nombre de leurs soldats, les dissipe & cōstraint de se sauuer de viffesse. Estant puis apres de rerour

en Cochim il fit pendre le Brachmanne. Les enfans échapperent, pour ce qu'ils estoient descendus en terre, auant que l'on eust aucun soupçon d'une coniuration si meschante.

*Autres me-
nees & tra-
hisons du
Roy de Cale-
cut.* LE Roy de Calecut voyant que les finesse ny la force n'auoyent succédé selon qu'il pensoit, print vn autre conseil pour ruiner les Portugallois : car il enuoya lettre au Roy de Cochim : par lesquelles il le prioit de luy liurer les Portugallois : luy faisant de belles promesses au cas qu'il fist ce seruice : au contraire il luy mettoit deuant les yeux le danger où il se trouueroit reduit, & mesme le menaçoit. Mais le Roy de Cochim fit responce qu'il s'esbahissoit fort qu'un Roy tant illustre eust pensé de conseiller les autres Rois à estre perfides. Que c'estoit vn forfait du tout indigne des Rois de violer leur foy, & trahir ceux qui se fioyent en eux : & que comme il n'y auoit vertu plus royale que constance & fidelité, au contraire la desloyauté estoit ennemie des mœurs & façons vrayement royales : d'autant que la foy engend्रे gloire, mais la perfidie couure de deshonneur perperuel tous ceux qui s'en meslent, & flestrit les Rois par des-

*Ceux qui ne
Gardent point
la foy, ne s'ot
pas dignes de
commander.* fus tous autres, n'estimant pas Roy celuy qui rompoit la foy qui doit estre sainte & inuolable, pource que ce n'est le grand pais qui fait le Roy, mais la vertu digne de commander à tout le monde. Quant à luy qu'il ne feroit nullement cela, encore qu'il sceust certainement que pour sa fidelité il seroit contraint quitter le royaume, & encourir au peril de sa vie : mais qu'il auoit aprins de faire plus grand cas de son debuoir que de puissance ny ioye quelconque qu'il pourroit receuoir en ce monde. Le Roy de Calecut ne laissa de poursuiure sa pointe, & par trois fois escriuire lettres de mesme teneur au Roy de Cochim l'allechât par promesses & l'estônât par menaces. mais le Roy changea point de resolution : toutes fois durant ses allees & venus il n'en descouurit rié à Gama, crainte de le troubler & faire entrer en soupçon. Mais apres que toute l'esperance du Roy de Calecut fut renuersee, il fit entendre lors à Gama combien d'assaux il auoit soustenus, donr il fut humblement remercié par Gama, & exhorté de n'auoir point peur : d'autant qu'on laisseroit vne flotte es Indes

ni pourroit aisément faire teste à la cruauté de ce Roy
esfide.

13.

AYANT fait ceste promesse au Roy de Cochim, il fit *Alliances de*
oile en Cananor avec treize nauires chargees, afin de fai *Gama avec*
e fournir les autres trois qui estoient à l'achre au ha vre *les Rois de co*
e Cananor, & les ioindre aux autres. Mais il n'estoit pas *chim & Ca*
plus de six lieues de Pandarane, qu'il descouuroit vingt- *nanor: & son*
neuf nauires que le Roy de Calecut auoit equippees & ar *retourner Por*
nees pour l'attrapper. Par l'auis des autres capitaines il *tugal.*
esolut de combattre ceste flote. Il fit voguer deuant Vin-
cent Sodre, Pierre Raphaël & Jacques Petrio, pource que
eurs nauires estoient les moins chargees. Eux executas
le grand courage ce qui leur estoit commandé, s'attachet
deux nauires d'Arabes qui precedoyent les autres. Ceux
qui estoient en ces deux nauires, esperdus de peur, auant
que gama fust plus pres, se iettent en mer pour se sauuer à
nage. Incontinent les Portugallois sautent en des esquifs
& tuent plus de trois cens hommes parmy les vagues. Les
autres nauires de Calecut voyant ces deux prinles, & les
hommes tuez, tournent en grand' frayeur les proués cō-
tre terre. gama voulant les suiure de pres ne peut à cause
de la charge de ses nauires. En pillant ces deux nauires, ils
trouuerent vne image d'or, faite d'une façon monstrueu-
se. Elle pesoit quarante liures. Au lieu d'yeux elle auoit au
front deux esmeraudes de grand pris: aussi auoit elle en la
poitrine vne escarboucle fort grosse, luisante comme
vn charbon de feu, & estoit vestue d'un manteau d'or. Ap-
res que ces nauires furent vuides, Gama y fit mettre le
feu, afin d'estonner les autres encores dauantage. De là il
fit voile vers Cananor, & traitta alliance avec le Roy, par
laquelle estoit dit que iamais le Roy de Cananor ne fe-
roit guerre contre le Roy de Cochim, ny ne luy enuoyeroit secours aucun
contre le Roy de Cochim. Puis apres il laissa en sa protec-
tion les Portugallois qui deuoient manier les affaires du
Roy de Portugal. Il sortit de là le vingthuitiesme iour du
mois de Decembre l'an mil cinq cens deux. Mais Vincēt
Sodre fut laissé avecques six nauires, & charge de main-
tenir les Rois alliez contre toutes courtes, & faire guer-
res sans cesse aux ennemis: & si le Roy de Calecut vouloit

faire guerre à celuy de Cochim, qu'il destournast auiant qu'il pourroit, la guerre loin de cochim. Mais si l'ennemy n'entreprenoit rien auant le mois de Februrier, que lors il fist voile en la mer d'Arabie, pour y faire la guerre aux Arabes. De là les nauies prindient la route de Mozambique, où Gama les fit fournir d'eau douce & de viures. Or comme la flotte approchoit du éap de bonne esperance, elle en fut chassée loin par vne tempeste, & la nauire d'Estienne Gama séparée des autres ne peut tenir la mesme route. Finalement la flotte de gama qui estoit de douze nauies, vint mouiller l'anchre au port de Libône, le premier iour de Septembre, l'an mil cinq cens & trois; dont le Roy, tous les Seigneurs & tout le royaume furent merueilleusement ioyeux. Six iours apres, Estienne, ayant eu vent à sonhait, arriua au mesme port.

29.

*Guerres &
diuers accidēs
des Portugala
lois contre les
Mores en A-
frique.*

ENVIRON ce mesm temps les affaires d'Afrique estoient en l'estat qui s'ensuit. Il y a vne ville en Barbarie nommee Caserquibir, assez pres du destroit de Gibraltar, & au long duquel passe le fleuve Lusso, qui n'est pas grand, mais les pluyes l'ensient quelquesfois de telle sorte, qu'il se desborde & entre dedans la ville. On dit que ceste ville fust bastie par Mâsor Roy de Maroc, qui estoit Roy & Pontife ensemble, comme les autres que les Mahumetans appellent Caliphe. Il n'y a fontaines ni puits en ceste ville, ains seulement l'eau des cisternes & de la riuiere: neantmoins elle est fort marchande & frequentee des gentils hommes. Il y auoit eschole de philosophie & des sciences liberales, tellement que de toutes parts y arriuoient gens pour estudier. Semblablement il y auoit vn grand hospital, où l'on pensoit plusieurs pauures & malades tourmētez de diuerses maladies. Le pays estoit couuert d'arbres & d'herbes potageres, ayant des vergers fort beaux & bien disposez. Le terroir est fertile & gras, tellement que souuentesfois il rapporte trente pour vn. Apres que le Roy Alfonse cinquieme eust conquis la ville d'Arzile, le Roy de Fez fit fortifier caserquibir, y mit grosse garnizon & des capitaines qui ne cessoient de faire des courses iusques aux portes d'Arzile, ce que le Roy Emmanuel portoit fort impatiemment. Pour ce il escriuit à Iean de Menezes ou Menez, gou-

uerneur

turneur d'Arzile, de ne laisser aucunement en repos Caserquibir. Or au temps duquel nous traïtons maintenant, Iean Menez, conte de Tarauce qui auparavant auoit mené la flotte de Portugal au secours des Venitiens contre Bajazet Empereur des Turcs, estoit gouverneur de Tingi. Pour effectuer plus commodément ce qui luy estoit enioint. Menez gouverneur d'Arzile escriuit au conte de Tarauce son compagnon (car ils portoyent mesmes armes & auoient part à vne mesme seigneurie) le priant se venir ioindre avec luy pour l'affaire dont il luy donnoit aduertissement. Le conte part de Tingy avec deux cens cheuaux & se rendit dans Arzile. Menez mit aux chäps deux cens cinquante cheuaux bien resolus. S'estät mis ensemble ils prennent le chemin de Caserquibir en grand silence & environ la minuit approchent d'un pont eslongné de quinze lieues loin d'Arzile. Mais ils peurent tromper les sentinelles de l'ennemy. Le gouverneur de Caserquibir ayant ouy ces nouuelles, fait sonner à l'arme & monter les gens à cheval puis au point du iour se range avec ses troupes en vn costau pres de la ville, nommé le costau de plaist. Il les met en ordre pour cöbatre attendant les Portugallois. Le côté de Tarauce enuoya demander au gouverneur d'Arzile ce qui luy sembloit de la troupe des ennemis. Tout va bié respondit-il: car nous auons trouué ce que nous cerchions. Pourtät dör que les vns & les autres ne demandoient sinon à venir aux mains, les deux cötes disposerent leurs gens, & commanderent aux enseignes de ne marcher. Ce pendant les ennemis se mirent à escarmoucher & faire des courses pour harasser les Portugallois & les contraindre de röpre leurs rägs, auät que devenir ensemble au cöbat. Mais äyät conu que personne ne vouloit se desbäder, eux se reioignent, & commencent à descendre du costau à la fille pour cöbatre en gros. Les Portugallois gagnent le costau, & chargent furieusement les Mores qui se sauuent incontinent à bride aualee. Mais on leur chaussa les esperons de si pres, que cent quatre vingts furēt tuez pres des fossez. Ceux de la ville tout esperdus fermēt les portes, & ouürirent tellement à leurs gens, qu'ils ne les laisserent pas entrer tous: car ils craignoyēt que leurs ennemis estäs à dos n'entraissent &

prinssent la ville au mesme instant. Le desespoir conseilla ceux qui estoient demeurez dehors de s'vnir ensemble & se ruer à trauers ceux qui les pressoyent. Le combat recommence, plusieurs Portugallois sont blesez, & leurs cheuaux tuez. Edouard Menez fils du Conte de Tarauca fut blessé au visage, Pierre Leitañ aussi: mais il n'y eut per sonne tué, à caulé que ceux qui estoient derriere suruindrent au secours des blesez. Les chefs furent d'aduiz de remener leurs troupes & s'en retourner cōme ils estoient venus. Estans arriuez prez d'vn petit pōt à vne lieuë loin de la ville, ils descouurirent le gouuerneur qui les suiuoit avec neuf cens cheuaux. Ils passent le pont, & se rangent en la campagne pour soustenir l'ennemy, resolu de l'assaillir si tost qu'vne partie auroit passé le pont. Or les mores craignans cela ne voulurent passer le pont, sinon quand ils virent les Portugallois fort loin. Ce pendant de toutes parts acouroient Mores, & en poursuivant leur chemin le nombre croissoit: tellement qu'ils commencent à s'auancer plus hārdiment & ferrer de pres leurs ennemis, iusques à ce que les vns & les autres furent pres de l'autre pōt. Alors le gouuerneur de Caserquibir estoit acompagné de treize cens cheuaux. Les mores estymoier que les Chrestiens passeroient le pont en desordre & crainte, qui leur feroit rompre leurs rangs: mais tout le contraire auint: car l'auantgarde ne passa point en meilleur ordre que l'arriere garde, sur laquelle les Mores faisoient leurs courses. Apres auoir passé ce pont, les Contes remirent leurs troupes en bataille, donnaans le choix à leurs ennemis de combattre ou nom. Les Mores n'osèrent passer, ains se retirerent en la ville, & es villages circonuoisins. Il n'y eut pas vn seul Portugallois tué lors.

Autre course sur les Mores & ce qui en auint. QV EL QV ES iours apres, les deux contes mirent leurs compagnies aux champs, pour aller surprendre vne troupe de Mores demeureans en certains villages sur vne riuiera aupres de caserquibir. Mais il en furent auertis par vn espion chrestien renié, Flamen de nation, se retirerent de nuit. Neantmoins les Portugallois en tuerent cinquante & en emmenerent autres cinquante prisonniers qui n'auoyent pas esté assez habiles. Or comme ils estoient sur leur retraite, vn bataillon de

Mores les vingt assaillir : eux reculent tellement que par fois ils se debandoient en troupe pour charger ceux qui les saiuoyent de trop pres, & en tuoyent plusieurs. Les Mores d'autrepart ne cessoyent d'escarmoucher & assaillir, endommageant bien fort les Chrestiens. En ceste rencontre Pierre Souse vaillant Capitaine se trouua en danger de sa vie, comme il vouloit rassembler ses gens & rompre l'effort des ennemis. Mais combien que le combat fust perilleux à cause du grand nombre des Mores, toutesfois il n'y eut que quatre Chrestiens tuez. Par ainfi maugré les Mores, ils s'en retournerét en Arzile avec leur butin. En la mesme annec, Menez entendant qu'en vne montagne à dix lieues loin d'Arzile, y auoit certain nombre de fort belles femmes gardees par vaillans soldats qui les aymoient ardemment, resolut d'y aller, afin d'enleuer ses femmes & les enuoyer à la Roine de Portugal. Mais il auoit à trauerser plusieurs villages avec grand danger. Ainfi donc vn soir que les tenebres estoyét fort espaisles, & faisoit vn brouillaz & téps fascheux : estât suiui de deux cens cheuaux, il marcha si à couuert & secretement que personne ne l'apperceut : tellement que sur les trois heures apres minuiet il se trouua pres du plus grand village de ceste montagne. Auant que les ennemis peussent rien sçauoir de sa venue il fit allumer certains flambeaux de cire portez expres, afin qu'à la clarté d'iceux les Chrestiens vissent ce qu'ils auoyent à faire durant l'effroy des ennemis. Alors le son des trompettes, le cliquetis & bruit des armes estonna tellement les Mores demi endormis, que la pluspart se mit soudainement en fuite : aucuns toutesfois, ramassez ça & là, combatirent vaillamment en ceste extremité de leurs vies. Les lamentations & huees des femmes, & les hauts cris des hommes esueillèrent tous les Mores des villages voisins. Mais d'autant qu'ils ne sçauoient le nombre des Portugallois, ni quel ou combien grand estoit cest accident, s'imaginant vn danger beaucoup plus grand, & n'ayans aucun chef qui leur commandast : au lieu de venir au secours, prindrent leurs femmes & enfans, & s'enfuirent au plus reculé de la môtagne, où se cachèrent dans les bois. De ceux qui estoient en armes & firent teste, y en eut quatre vingts

tuez, soixante hommes & femmes prins prisonniers, le village pillé sans aucune résistance. Entre les femmes prisonnières estoient quelques vnes de celles qu'on prisoit rât, & pour l'amour desquelles ce perilleux voyage auoit esté entrepris. Cela fait, Menez ramena les troupes, & tant que la nuist dura personne n'entreprint de courir apres. Or au point du iour il fut assailli d'une grosse troupe de Mores : mais il marchoit en si bon ordre, qu'ils ne luy pouuoient rien faire. Toutesfois en quelques lieux les Portugallois se trouuerent en grande extremité, où y eut aspre conflict, & plusieurs Chrestiens furent fort blesez, quelques cheuaux tuez sous eux. Menez aussi se trouua en fort grand danger de sa vie : ce ne obstant tous les Chrestiens eschapperent, & reuindrent saufs en Arzile avec tout leur butin.

FIN DV SECOND LIVRE.





LE TROISIÈME LIVRE DE L'HISTOIRE DE PORTUGAL.

SOMMAIRE.

1. État des Indes: fidélité du Roy de Cochim envers les Portugalois, par qui il est abandonné.
2. Harangue de Nambadarim au Roy de Calecut, sur le fait de la guerre qu'il entreprenoit contre le Roy de Cochim & les Portugalois.
3. Guerre du Roy de Calecut contre celui de Cochim allié des Portugalois, & les accidens d'icelle.
4. Navigation de Vincent Sodre en la mer d'Arabie & sa mort.
5. État des affaires de Portugal.
6. Discours sur les affaires d'Afrique, spécialement de la découverte du pays de Congo, & des choses admirables faites en iceluy.
7. Voyage des Albuquerque aux Indes, où ils reftablissent le Roy de Cochim en son Royaume, font bastir une forteresse en Cochim: leurs combats, & victoires.
8. Description de la ville de Coulam, & alliance d'Alfonse Albuquerque avec la Roine de celieu.
9. Paix entre les Portugalois & le Roy de Calecut, par qui rompue & comment: & ce qui arriva aux Albuquerque.
10. Navigation & divers accidens survenus à Antoine Saldagne, & à ses capitaines, spécialement en Zanzibar & Mombaze.
11. Affaires du Royaume de Portugal.

12. Guerres & accidens diuers suruenus entre les Portugallois & les Mores en Afrique.
13. Guerres du Roy de Calecut contre celui de Cochim & les Portugallois.
14. Victoires admirable & diuerses des Portugallois conduits par Edouard Pacheco contre les Rois de Calecut & les siens, tant par mer que par terre.
15. Le Roy de Calecut quitte le Royaume, & Pacheco victorieux demeure renommé & redoutable par toutes les Indes.
16. Nauigation de Loup Soarez : & ce qu'il fit en Calecut & Cranganor.
17. Guerre de Soarez contre ceux de Cranganor, & l'issue d'icelle.
18. Description de Cranganor & des mœurs, custume & ceremonies des chrestiens qui y habitent.
19. Discours sur le tombeau de l'Apostre saint Thomas à Malipures Indes : & des miracles par lesquels aucuns remarquent l'antiquité des chrestiens en ces pays là.

*Fidelité du
Roy de Co-
chim enuers
les Portugal-
lois, remar-
quable cõtre
la perfidie de
plusieurs
chrestiens en-
uers les chre-
stiens mesmes.*



DURANT ces affaires d'Afrique, le Roy de Cochim, nommé Trimumpara, se trouuoit reduit en grande perplexité. Car le Roy de Calecut delibera de leuer gens & faire vne grande armee pour le ruiner & chasser du Royaume de Cochim, à cause de son alliance avec les Portugallois. Il y en auoit plusieurs au conseil de Trimumpara, qui taschoyent luy persuader de mettre es mains du Roy de Calecut ceux de Gama luy auoyent commis en garde, & racheter par la mort d'un petit nombre d'hommes, ennemis de leur religion & façon de viure, la prosperité deluy & de tout son Royaume. Mais au lieu de suiure ce conseil, il tança fort asprement ceux qui luy donnoyent : adioustant qu'il n'estimoit pas le Roy de Calecut tant aduersaire qu'il le voulust despoiller de son Royaume, & luy oster la vie qu'il tenoit pour ennemis, ceux qui l'admonnestoyent de rompre sa foy. Que le cours de ceste vie est brief, & la possession d'un Royaume de petite durée ; mais que la flestrissure de desloyauté demeure

à tousiours. Partant qu'il aimoit mieux estre chassé du Royaume, & se trouuer és dangers de perdre la vie, que d'estre reputé infame, pour auoir failly tant soit peu à tenir sa promesse. Les choses estans ainsi troublees, Vincent Sodre arriua en Cochim avec sa flotte : & comme il deliberoit de se remettre en mer, Iacques Fernád, Correa qui auoit esté laissé en Cochim par Gama pour solliciter & pouruoir aux affaires du Roy de Portugal, pria Sodre de ne vouloir alors abandonner le Roy de Cochim, qui estoit en si grand danger seulement à cause de l'alliance, & amitié qu'il auoit avec les Portugallois. Qu'il auoit esté laissé en ces quartiers avec vne flotte bien armee, spécialement pour garantir les amis de l'effort des ennemis. D'auantage, il le prioit de considerer quel deshonneur ce luy seroit de liurer leurs alliez en la puissance des Calecutiens : & que le nom de traistre ne conuenoit pas seulement à ceux qui contre leur foy machinoient la ruine de leurs alliez : mais aussi à ceux qui abandonnoient leurs amis au besoin. Vincent Sodre fit response que le Roy de Portugal ne luy auoit donné charge sinon de courir sus aux nauires qui iroyent d'Arabie és Indes, & qu'il ne vouloit point laisser en arriere sa commission. Surquoy Correa repliche qu'il ne falloit pas tousiours considerer les mots, mais l'intention du Roy. Que les euenemens sont diuers, & que selon la nouueauté des accidens il faut changer de conseil. Que iamais le Roy de Portugal n'auoit entendu que Sodre abandonnast vn Roy son allié ny ses suiets estans en danger : ne qu'il fist guerre, sinon lors que les prochains ennemis ne diroyent mot. Ayant mis en auant plusieurs autres raisons à ce propos, appellé Dieu à tesson, & demandé acte public de sa requeste, il ne gaigna rien pourtant. Car, ou la crainte, ou l'esperance du butin, esmeut plus Vincent Sodre que la foy iuree ny son deuoir. Tellement qu'il print sa route vers l'Oest, & vint se rendre au destroit de la mer d'Arabie.

OR Naubeadarim ieune Prince, eloquent, instruit soigneusement par les Brachmannes en toutes leurs sciences, fils de la sœur du Roy de Calcut, & selon les loix du pays vnique heritier du Royaume: ne pouuant approu-

*Crainte Et
auarice mal-
heureux con-
seillers.*

uer l'auis de son oncle touchant la guerre contre le Roy de Cochim & les Portugallois, harâgua deuant luy, comme lon asseure, en termes dont la substance fut telle.

Belle harangue de Naveadarim.

COMBIEN que mon aage semble plus propre à recevoir conseil qu'à le donner: toutesfois d'un costé la force d'amitié, de l'autre la grandeur du peril me sollicite de
 „ descouurir ma conception en choses si importantes. De
 „ nature vous estes mon oncle, Sire, & mon pere bien aimé
 „ quant à l'amitié que ie vous porte en mon cœur. Ioint que
 „ si par mauuais conseils les reuenus de vostre Royaume
 „ amoindriissent, il n'y a homme qui apres vous y perde plus
 „ que moy: au contraire, si par bons auis vostre Royaume
 „ est conserué, le bien & proufit m'en reuiendra. Et pour
 „ tant ie vous supplie d'escouter patiemment ce que ie veux
 „ dire, considerez que vous oyez parler vn homme qui
 „ vous touche plus pres que nul autre, de sang, d'amitié, &
 „ de compagnie au danger. Si ie dy quelque chose à propos, mon desir est que vous l'approuviez: mais si ie m'abuse, vous ferez lors ce que vous cognoistrez estre plus
 „ expedient. Vous faites de grands apprests pour ruiner
 „ Trimumpara. Ce n'est pas chose dont il se faille esbahir,
 „ veu que c'est l'ordinaire des Roys de courir sus les vns
 „ aux autres. Mais considerons la cause de la guerre: car
 „ bien souuent on void finir malheureusement les guerres
 „ entreprises sans legitime occasion. Quoy donc? A-il refusé de payer le tribut? S'est-il rué en armes dedans vostre Royaume? Y a-il quelque coniuration de luy contre vous? Rien moins. Quel pretexte pouuez-vous donc auoir, pour l'aller assaillir si rudement? Vous direz, qu'il ne vous a pas liuré, comme vous le luy commandiez, certaines gens à qui il a promis la foy: lesquels vous voulez faire mourir cruellement à cause de la haine que vous portez aux Portugallois. Ainsi donc, vous estes marry que Trimumpara n'a point voulu violer le droit des gés, ny faucher sa foy. Commét donc vous comporterez vous ennens ceux qui commettent infinies meschancetez contre le droit diuin & humain, si vous estes tant ennemy de ceux qui n'ont rien en plus grande recommandation que leur foy & deuoir. Ferez-vous du bien à ceux qui ont mérité le gibet cent & cent fois? Ie ne l'estime pas. Car c'est

une chose Royale de faire mourir les traistres, & reculer
de tous biens & honneurs les meschans. Vous replique-
rez, que Trimumpara fauorise ceux qui vous ont fait
grand tort. Icy ie vous supplie, autant qu'il m'est possi-
ble, de prendre en bonne part ce que ie diray. C'est rai-
son que tous soyent esmeus & indignes des offenses cõ-
mises contre vostre maiesté par qui que ce soit. Mais quât
aux Portugallois, ils ne font rien, à mon auis, que lon
doine beaucoup blasmer. Ils se monstrent vaillans, sen-
tent quand on les blesse, combattent estans assaillis, & se
vengent asprement des outrages qu'on leur fait. S'ils au-
royent entrepris les premiers quelque chose cõtre vos-
tre estat, vous auriez raison de les en vouloir chastier:
mais ils n'ont rien fait, au contraire pour executer ce que
requeriez, ils vous ont donné vn vaisseau avec tout le bu-
tin d'iceluy par eux subingué. Quand ceux qui estoient
en terre, sous vostre protection & sauuegarde, ont esté
trahis, pillés & cruellement meurtris sans aucune raison:
c'est raison de punir les auteurs de la sedition & de tous
les maux auenus depuis, non pas les Portugallois qui se
vengent d'une si detestable cruauté. Il y a long temps que
nous supportons les Arabes, nous cognoissons leurs
fraudes & embusches: nous n'ignorons pas combien ils
sont subtils à forger des mensonges. Tout cela estoit au-
cunement supportable, lors qu'ils estoient, encor petits
compagnons: mais maintenant les biens qu'ils ont gai-
gné en vostre Royaume les rendent si fiers qu'ils ne per-
mettent qu'on les supporte dauantage. Ils ne scauēt plus
que c'est d'obeir, ains taschent de dõner loy à vostre puis-
sante maiesté. De quelle audace & fierté les void-on mar-
cher maintenant? Avec quelle assurance trottent-ils où
il leur plait? Combien sont-ils eshontez à s'auancer & in-
finuer? S'ils veulent obtenir quelque chose de vous, ils
sont-ils pas avec brauades? Brief, ils se sont esleuez inf-
ques là, que si vous leur prestez l'oreille, ce Royaume sera
gouuerné à leur appetit. Car que demandent-ils? Exter-
minez ceste nation qui nous est ennemie, pourquoy dõc?
Si on la reçoit, vous chassera-on pour cela? Nullement.
Mais nos yeux ne peuuent voir les Chrestiens. Nous crai-
gnons aussi que le gain que lon faisoit auant leur arriuee

„ ne diminüe. Et pourtant nous ne vous requérons plus,
 „ mais selõ nostre droit nous demãdons que vous conten-
 „ tiez nostre cõil delicat, & assouuissiez nostre auarice insa-
 „ tiable par le danger de vostre Royaume, & l'infamie de
 „ vostre nõ. Toutesfois ils alleguent qu'il importe pour le
 „ public que ceste nation tant adroite aux armes soit chas-
 „ sée des Indes. quoy dõc? Si vous coupez la gorge à quel-
 „ ques hommes logez en Cochim,abolirez-vous pour cela
 „ toute la nation Portugalloise? Non certainemẽt. Qui pis
 „ est, vous irriterez dauãtage cõtre vous ceux qui viendrõt
 „ puis apres. Si donc ils sont si forts que ceux cy crient,c'est
 „ à faire à vous suiuant leurs propres paroles de decliner ce
 „ mal: & puis que les Arabes vous font peur des armes des
 „ Portugallois, il vaut bien mieux, pour le repos de vostre
 „ Royaume estre amy de telles gens que les auoir pour en-
 „ nemis. Car il auient souuẽt que ceux qui sont les plus as-
 „ pres en guerre, sõt les plus fermes & loyaux quãd on s'est
 „ reũny à eux. L'vn & l'autre procede de mẽsme source de
 „ magnanimité. Or ie crain que les Portugallois n'enrichis-
 „ sent le Roy de Cochim de vos despoilles, & que quand
 „ vous serez le plus foible, plusieurs ne se moquent de vous.
 „ Car ie m'asseure que vous verrez bien tost ceste mer cou-
 „ uerte de voiles, & que les armées ennemies ne fassent vn
 „ merueilleux rauage de ceux qui leur auront fait quelque
 „ tort. Et pourtant i'estime ces Arabes vos plus grãds enne-
 „ mis. Premièrement, en ce que par leur auarice & la haine
 „ irreconciliable qu'ils portent aux Portugallois, ils veulẽt
 „ abuser de vous, Prince tresillustre & digne de commander
 „ en ce Royaume, pour faire que vous rompiez la foy &
 „ defailliez à vostre deuoir. En apres, leur orgueil les a tel-
 „ lement enflẽz qu'ils cuidẽt que vostre Royaume doiue es-
 „ tre gouverné à leur fantaisie: combien qu'en ce meurtre
 „ par eux commis deuant vos yeux, ils ont mis vne indigne
 „ tache d'infamie perpetuelle sur vostre nom: car personne
 „ ne croira qu'ils ayent osé iamais entreprendre vn si mes-
 „ chant acte, qu'à vostre auẽu. Finalement, en ce qu'ils vous
 „ conseillẽt, au grand dãger de vostre estat, d'estre ennemy
 „ de gens vaillans, à l'aide desquels vous pouuez deuenir
 „ plus riche & plus puissant. Pourtãt suis-je d'auis que vous
 „ laissiez ceste guerre, & faciez vne bonne paix avec ceux

de Portugal, qui sont loyaux, equitables, & gardēt estroit-
tement leur promesse, à ce que lon dit: & que leur faciez
raison des torts qu'ils ont receuz des Arabes. Autrement,
ie crain, ce que les Dieux ne vueillent, que le conseil de
ces garnemens qui veulent troubler vostre Royaume,
n'attire beaucoup de maux sur ce pays. Quant à moy, mō
deuoir me commande de vous suivre par tout, quoy que
il en auienne: car ie suis prest de perdre la vie pour l'ac-
croissemēt de vostre grandeur. Toutesfois i'ay estimē que
l'obligation que i'ay enuers vous requeroit que ie des-
chargeasse mon cœur. Or ie prie les Dieux, qu'ils fauori-
sent ce que vous cognoistrez estre bon d'exccuter.

ENCORES que Naubeadarim eust souuētesfois repe-
té le mesme propos, toutesfois il luy fut impossible de de-
stourner le Roy de sa deliberation. D'autre costé Tri-
mumpara leuoit gens, & en toute diligence donnoit or-
dre à tout ce qui estoit requis pour repousser le danger de
la guerre. Mais d'autant que le Roy de Calecut estoit fort
riche, & que plusieurs tenoyent celuy de Cochim desia
pour ruiné, ils se rangeoyent avec le Roy de Calecut, a-
bandonnans l'autre iusques là, que quelques vassaux du
Roy de Cochim se reuolterent pour prendre le party de
son aduersaire: entre autres les sieurs de Chirabipile &
de Cambala, & le Prince d'yne Isle qui est vis à vis de Co-
chim. Ainsī donc le Roy de Calecut vint avec vne gran-
de armee à Rapelin, à huit lieues loin de Cochim. Sur ce,
les Portugallois viennent trouuer le Roy de Cochim, le
prient de ne charger sur ses bras à cause d'eux vn si pe-
sant fardeau de guerre. Qu'ils se retireroient en Cana-
nor, afin d'y attendre la flotte de Portugal. Le Roy fit
responce qu'il s'esbahissoit fort que gens resolu com-
me eux, & qui estoient ses amis & familiers, en vins-
sent là de redouter ses ennemis, ou douter de sa fidelité: par-
tant qu'ils demeuraissent, & fussent assurez que tous en-
courroyent vn mesme hazard: quāt à luy, que iusques au
dernier soupir de sa vie il combatroit pour le Roy de
Portugal. Cela dit, il esleut pour chef de son armee Na-
ramuhim fils de sa sœur, lequel deuoit regner apres lui, &
estoit estimē vaillant entre tous autres. Il l'enuoya avec
cinq mil cinq cens hommes pour garder le destroiēt,

3.

*Guerre du
Roy de Ca-
lecute cōtre le
Roy de Co-
chim allié des
Portugallois,
& les accidēs
d'icelle.*

par où le Roy de Calecut deliberoit passer. Car les deux royaumes sont diuisez par vn grád entredeux de mer. Le lieu par où le Roy de Calecut pensoit entrer en Cochim est tel qu'après que la marée est remontée on le peut passer à gué. Le Roy de Calecut ayant là amené son armée, commanda incontinent à ses auantcoureurs de sonder le gué: mais ils furent tellement repoussez, qu'ils perdirent grand nombre des leurs. Le lendemain il enuoya le gouverneur de Repelin avec vne bõne troupe de braves soldats, pour chasser Naramuhim, & faire que le reste de l'armée peust passer puis apres sans empelchement. Pour executer cela plus aisément il fait poser nombre de pataches chargees de gés de guerres à l'endroit où le gué estoit plus profond, non pas gueres loin, afin de pouuoir secourir leurs gens, & transpercer les ennemis à coups de fleches. Toutesfois ce iour là Naramuhim fit plus grande resistance qu'auparauant, & tua plusieurs des ennemis. En ces combats il s'aidoit principalement du conseil de Laurent Morene, homme vaillant, lequel avec ceste petite troupe de Portugallois restees en Cochim, donnoit vn grand secours. Combien que les ennemis assaillissent souuent le passage, ils furent tousiours repoussez avec la perte de ceux qui sauanoient des premiers. Finalement ils s'espandirent par les villages appartenās à Trimumpara, & firent tout le mal dont il se peurent auiser. Mais Naramuhim se trouuoit par tout, ou en personne, ou par les Capitaines qu'il y enuoyoit, repoussant ces fourageurs, & tousiours obtenoit victoire faisans tóber beaucoup d'ennemis sur la place. Le Roy de calecut voyant que la peau de lyon ne luy seruoit pas comme il auoit pensé, s'auisa d'y couldre celle du regnard. Et pourtant il enuoya homme vers le Thresorier de cochim, qui selon la coustume du pays, payoit de iour en iour la solde des gens de guerre, & par grands presens & promesses le sollicita de ne point payer les soldats. ce thresorier, gaigné par argent, fit semblant d'estre malade, & se retira incontinent à cochim, aduertissant les soldats de l'y venir trouuer, s'ils vouloyent toucher deniers. A cause de quoy plusieurs se retiroient en cochim, & n'estoit possible à Naramuhim de les retenir. Le thresorier

*Traistres en
vendant les
autres se vè-
dent les pre-
miers,*

différoient le payement de iour en iour. D'autre costé, les ennemis n'approchoyent aucunement du gué, afin d'endormir ceux de Cochim. Le Roy de Calecut voyant les soldats escoulez, & que ceux qui restoyent, n'estoyent pas autrement sur leurs gardes, il commanda soudainement aux pataches de s'approcher, repousser les ennemis à coups de trait & de canons, passer le gué en toute diligence, & rompre les corps de garde de Naramuhim. Les soldats executent de grand courage en la presence du Roy ce qui leur estoit commandé. Il estoit nuit quand l'assaut commença, & le Roy de Calecut entendit par un espion & par l'aduertissement du thresorier, que le port estoit desnué à cause du depart des soldats, & de la nonchalance de ceux qui estoient restez. Naramuhim acourt au bruit : mais ne pouuant soustenir la multitude & l'impetuosité des ennemis, après auoir vaillamment combattu quelque temps il fut tué à coups de fleches. Deux ieunes hommes ses parens moururent de mesme sorte avec luy : & auant que tomber par terre, se firent bien sentir à leurs ennemis. Il y eut grand meurtre de part & d'autre : le combat ayant commencé deuant iour, dura iusques au soir : & finalement ceux de Cochim se sauuerent à la fuite. Les Calecutiens courent apres, mais la nuit suruint qui les empescha de passer outre.

TRIMUMPARA ayant ouy les nouvelles de ceste Desfaite de ceux de Cochim, desfaite de ceux de Cochim, neantmoins il voulut essayer le dernier remede de la guerre. Et pourtant il assemblea autant de gens qu'il peu, & vint donner la bataille aux ennemis. Il en auint ce qu'on void succeder es combats où peu de gens affoiblis & esperdus s'attachent à vne multitude asseuree & achernee à cause de quelque victoire precedente. Ainsi Trimumpara fut mis en route, & se retira en vne Isle, commandant qu'on y passast les Portugallois qui estoient avec luy, lesquels il conserva aussi fidelement parmy ces tempestes, comme si à l'aide d'eux, pour lesquels tât d'incōueniens luy auenoyēt, il eust esté garanti de toute incommodité. Derechef le Roy de Calecut luy ennoya des ambassadeurs en ceste Isle, promettant de le reestabliir en tous ses biens, pourueu qu'il

Fidelité & Excellence de la foy liurast les portugallois qui estoient en sa puissance. Trimumpara respond qu'on luy pouuoit oster le royaume & la vie, non pas la foy. Ceste response irrita tellement le Roy de Calecut, que tout à l'heure il commanda qu'on bruslast la ville de Cochim. puis resolut de conquieser toute l'Isle. Mais la situation est telle, & de nature ceste Isle est si forte, ioint les garnisons qui y estoient, que le Roy de Calecut n'en pouuoit pas aisément venir à bout. Et pourtāt lors qu'il voulut l'enuahir, il fut chassé plusieurs fois par la vaillance de ceux qui la gardoyent, & perdit grād nombre d'hommes. Or pource que l'huyter aprochoit il fut contraint leuer le siege, & retourner en Cochim qu'il fit fortifier, & y mit garnison: puis se retira avec resolution de retourner assaillir & conquisser l'Isle au printemps. Plusieurs considerans la miserable condition de Trimumpara apres la mort de Naramuhim, se reuolterent malheureusement de luy &

Deux Milānois se reuolēt, & quittent le christianisme, dis que le Roy de Cochim iustice de la foy promise. des Portugallois semblablement. Entre autres deux Milānois se reuolānois, qui par la permission du Roy Emmanuel s'entēt, & quittent le christianisme, dis que le Roy de Cochim iustice de la foy promise. Mais tant plus la perfidie de ceux qui se disoyent Chrestiens estoit detestable, plus apparut excellente la fidelité de ce pauvre Roy barbare, laquelle fut si grande qu'il ne se soucia point d'estre chassé de ses pays, priué de son royaume, despouillé de tous moyens, & reduit en extreme dāger de sa vie pour des gens qu'il ne conoissoit que bien peu au parauant, lesquels n'estoyent ses parens ny alliez de droit ny de religio. Certainement voila vn rare exemple de fidelité & preudhommie, digne d'estre recommandé à tous ceux qui viuront cy apres.

Nauigation de Vincent de Ara- bie, & sa mort. C e pendant, Vincent Sodre print la route d'Arabic, & de Vincent de Ara- bie, & sa mort. faisant voile au long de la coste de Cambaja, il rencontra cinq nauires d'Arabes, chargees de grandes richesses, & saulesquelles il print, butina & brusla. De là il fut porté en des Isles vn peu eslongnees du Cap de Guardase, assez pres du goulfe de la mer Arabique. On les appelle Curia Muria: où il delibera calfeutrer ses nauires. Ces Isles estoient habitees de Sarrausins, qui recueillirent la flotte

benignement, & vendirent à moyen pris les viures dont les Portugallois auoyent faute. C'estoyent gens de labour, & qui ne se soucioient aucunement de la guerre. Or voyans qu'on tiroit en terre la nauire de Pierre Ataide, afin de la poïsser & calfeutrer (car elle faisoit eau en quantité & estoit fendue en diuers endroits) ces Insulaires acourent & exhortent les Portugallois de ne demeurer pas d'auantage en ce lieu: pource qu'au commencement du mois de May suruenoit vn vent de Nord qui brisoit & enfondroit tous les vaisseaux qui se trouuoient en ce havre: & qu'ils ne se pourroyent garantir, s'ils attendoyent ce temps. Vincent Sodre ne fit conte de cest aduertissement: & combien qu'iceux le suppliasent, & les autres Capitaines le pressassent, disans qu'il ne falloit pas mespriser vn tel conseil qui se pouuoit aisément exécuter: que l'on pouuoit mener les nauires en vne rade plus seure vers le Su: que le changement se pouuoit faire sans danger: que tous ceux du pays iuroient que c'estoit chercher la mort de demourer plus long tēps là. Neantmoins Sodre demeura fiché: en son opinion, Pierre Raphaël, Fernand Roderic, & Iaques Petreio capitaines de trois nauires, indignez de telle obstination, quitterent Sodre, le dernier iour d'Auril, & se retirerēt en vne autre endroit de l'Isle. Cependant. Vincent Sodre estoit en sa nauire à faire bonne chere sans se soucier de rien: mais tout soudain s'esleua du Nord vne tempeste, laquelle ietta & froissa les nauires contre le riuage: & les vagues furent si hautes que presque tous ceux qui estoient es nauires furent noyez, entre autres Vincent Sodre & Blaise Sodre son frere furent engloutis des ondes, & leurs corps morts iettez à bord avec les autres. On estime que par vn iugement de Dieu il estoit auenu que Vincent Sodre auoit esté châtié de telle sorte, & qu'aussi iamais on ne retrouua vne seule piece de tout son butin. Car apres que les nauires eurent esté brisees, la mer ietta au riuage les cables, l'equippage, les masts, les tonneaux, les aix, & plusieurs autres telles choses: mais on ne trouua iamais l'or butiné, ni chose quelconque pris, ny aucun coffre où estoient serrez les meubles precieux. Les trois Capitaines qui s'estoyent sauuez de bonne heure arriere

*Quād Dieu
vent punir
les hommes il
leur oste la
sens.*

de la tempeste, apres qu'elle fut appaisée vindrēt au port où ils auoyent laissé Vincēt Sodre. Ataide eschappa avec ses gens, pource qu'il estoit descendu en terre. Apres auoir calfeutré son vaisseau, les autres Capitaines l'esleurent general au lieu de Vincēt Sodre: & consultent de ce qui estoit expedient de faire. Tous d'un accord recourent que les Sodres auoyent esté chastiez de leur deloyauté. Et pourtant qu'ils ne pourroyēt faire chose plus à leur honneur ny plus agreable à Dieu, que de retourner en Inde, afin de secourir Trimumpara & les Portugalois qui estoient demeurez avec luy. Pourtant, encores qu'il fust froid, ils ne laisserent de se mettre à la voile & se hazarder à tous dangers pour effacer ceste tache qui flestrissoit les Portugallois. Mais les tourmentes les repousserent, & contraignirent de tourner en l'Isle Anchediue, où ne pouuans faire mieux ils passerent le reste de l'hiuer, attendant le Printemps pour aller en Cochim.

5.
*Estas de Por
tugal.*

EN ceste annee la Royne Marie acoucha d'une fille qui fut nommee Isabelle, mariee depuis à l'Empereur Charles le Quint. Ce fut vne fort belle & vertueuse Princesse, laquelle aspira tousiours à vne haute dignité, tellement qu'elle disoit souuentefois qu'elle n'espouseroit iamais maris il n'estoit le plus grand Prince de la Chrestienté. Sur la fin de ceste annee, le Roy assemblea en la ville de Tomar, où il y a vn grand & magnifique temple de l'ordre de saint leā de Ierusalem, les chevaliers de cest ordre: & fit plusieurs bonnes ordonnances pour l'establissement de la religion & la reformation de la discipline. En la mesme annee mourut le Pape Alexandre, auquel succeda Pie qui ne vescu gueres, & luy fut substitué du consentement de tous les Cardinaux vn Geneuois nommé Iules.

6.
1504.

*Discours sur
les affaires de
Afrique spe
cialement de
la decouuer
te du Royau
me de Congo,
ou Manicongo*

A v commencement de l'annee suiuate, le Roy enuoya quelque nombre de gens d'Eglise en vn endroit de l'Ethiopie nommé congo (ou Manicongo) pour instruire ceux du lieu beaucoup mieux qu'ils ne l'auoyent esté du commencement. ce pays est de la l'Equateur sept degrez vers le Midi. Il est merueilleusement fertile, abondant en diuerses sortes de fruits & d'animaux, & arrousé de plusieurs riuieres. c'est vn royaume de grande esten
due.

duc. Pour entendre comme il fut conuerti à la religion *en Ethiopie,*
Chrestienne, il faut reprendre les choses de plus haut & *et des chose*
à leur commencement, afin qu'on puisse mieux conoi- *admirables*
stre la droite intentiõ du Roy de Portugal pour faire in- *auenus en ice*
struire ceste nation. Le Roy Iean ayant resolu ferme- *luy.*
mēt de faire descouurir toute la coste d'Ethiopie, afin de
pouuoir retourner vn chemin pour aller en Inde: il auint
l'an mil quatre cens quatre vingts & quatre, qu'un vail-
lant cheualier nommé Iacques Canus, qui par le com-
mandement du Roy descouurit ceste coste d'Ethiopie,
trouua l'entree d'une riuere profonde & impetueuse.
Or considerant la largeur d'icelle, & le naturel des eaux,
il conclud en soy mesme qu'il falloit que cestē riuere fust
habitee de part & d'autre. Pourtant il entreprit d'en-
trer dedans, où ayant fait quelque chemin il vid plusieurs
hommes de mesme poil & couleur que les autres Ethio-
piens qu'il auoit veuz souuentes fois. Iceux, sans auoir
crainte ny frayeur des personnes incognues qui se pre-
sentoient, s'approcherēt des Portugallois, & monstroeyēt
signes de grande douceur & amitié. Surcē, Canus com-
manda à ses truchemens, qui entendoient plusieurs lan-
gāges d'Ethiopie, de les interroguer: mais pas vn d'eux ne
peut entendre le langage de ce nouueau peuple. Et pour-
tant on commença à communiquer auēc eux par signes:
& ils declairoient qu'ils y auoit en ces quartiers vn Roy
puissant & riche, qui demouroit en vne sienne ville ca-
pitale à quelques iournees de là. Canus entendant cela,
les allecha par dons & promesses à ce que ils conduis-
sent quelques vns de sa cōpagnie iusques là: & par iceux
enuoya des dons & presens au Roy, qu'il estimoit luy
deuoir estre agreables, donnant terme à ses messāgers
dedans lequel ils deuoient reuenir apres auoir descou-
uert le pays. D'autant qu'ils demurerent deux fois dau-
tage que Canus n'esperoit, il leua l'āchre, emmenāt auēc
soy quatre des Ethiopiens qui le venoyent voir es nau-
res. C'estoyent gens notables & de bon esprit. En che-
min Canus les façonna tellement, qu'estans presentez
au Roy ils pourroyent ia exprimer plusieurs choses en
langage Portugallois. Le Roy print grand plaisir à leur
façons de faire, & leur fit des presens, commandant à

*Negotiation
de Canus au
royaume de
Congo.*

Canus de retourner sans aucun delay en ce pays avec les quatre homes vers leurs Roy, l'admonester de seuir le-
sus Christ Dieu souuerain & createur de toutes choses.
CANUS retourna au mesmelieu, & enuoya vn des qua-
tre Ethiopiens vers le Roy, pour le prier de permettre
aux Portugallois qui estoient en son royaume de re-
tourner vers leurs compagnons: & que sans delay on luy
renuoyeroit ses trois suiets qui estoient es nauires. Que
Canus auoit charge de passer outre, & qu'ayant execu-
té sa commission il retourneroit incontinent vers le Roy
de Congo pour luy faire entendre le mandement de le Roy
de Portugal. Vn des capitaines du Roy ramena
incontinent les Portugallois, auquel Canus rendit aussi
les trois Ethiopiens avec les presens que le Roy de Portu-
gal leur auoit baillé pour porter à leur Roy. Les pre-
sens & le rapport que les hommes firent de la vertu &
magnificence du Roy Iean, lequel ils esleuoient ius-
ques au ciel, commença à esmouoir celuy de Congo,
& faire qu'en son cœur il print en grande amitié le
Roy de Portugal. Canus apres auoir soigneusement des-
couuert les autres costes, reuiut au mesme lieu, d'où
sans aucun delay il alla trouuer le Roy de Congo, qui
le recueillit tant honorablement que rien plus: & luy ayant
demandé nouuelles de l'estat du Roy Iean, des mœurs,
loix & coustumes du peuple de Portugal il l'interroqua
amplement sur le fait de la Religion Chrestienne, &
commençoit peu à peu à y encliner. Toutesfois il ren-
uoya Canus & accorderent ensemble qu'il remeneroit
avec luy à Lisbonne vn des quatre du premier voyage
nommé Zacut, avec instructiōs dont la substance estoit
qu'il priaist instamment le Roy Iean, & l'adiuast au nom
de Dieu qu'il adoroit, d'enuoyer au royaume de Con-
go quelques gens d'Eglise par les instructions desquels
ce royaume peult estre amené à la conoissance du vray
Dieu. Canus s'embarqua avec l'ambassadeur & quel-
ques ieunes pages, que le Roy enuoyoit en Portugal a-
fin d'y estre faits Chrestiens, & instruits de bonne heure
en la Religion. Ainsi Canus arriva en Portugal, rappor-
tant grande quantité d'yuoire, avec des couuertures de
liet tissues de fueilles de Palmier, qu'il presenta à son

maître de la part du Roy de Congo. Vn tel message res-
suoit fort le Roy Iean, pource qu'il voyoit la porte
ouuerte pour auancer la religion Chrestiennes en ces
pays si eslongnez. L'ambassadeur demeura plus de deux
ans en Portugal avec les Pages, afin d'apprendre mieux
le langage & les ceremonies de la religion.

A P R E S que tous eurent esté baptisez, le Roy Iean
fit equipper trois nauires, desquelles il donna la char-
ge à Gonzale Sousa, gentil homme de bonne maison,
& renuoya l'ambassadeur avec les Pages. Outre plus il
fit embarquer avec eux quelques prestres, avec leurs
chafubles, surpelis, calices, messels & autres instru-
mens de leur religion, pour baptiser les Ethiopiens
& les façonner aux ceremonies obseruees entre eux.
Or d'autant qu'en ce mesme temps il y auoit vne grand'
peste à Lisbonne, aucuns des nauires y porterent la
contagion, dont ils moururent sur mer, entre autres
Gonzale Sousa, au lieu duquel fut esleu du consente-
ment de tous Rodéric Sousa son proche parent. Apres
que les nauires furent arriuees où elles pretendoyent,
& que tous ceux qui deuoient aller vers le Roy furent
descendues en terre, ils furent receus de ceux du pays
avec tel chants & autres signes de si grande ioye, qu'il
sembloit que les bois & les champs en fussent esmeus.
Le premier qui fut baptisé estoit oncle du Roy, & do-
minoit sur vn pays de grande estendue, & le nomma-
on Emmanuel: car il auoit entendu que Iean Roy de
Portugal auoit vn cousin de mesme nom, Prince orné
de grandes vertus, & pourtant de tira-il d'estre ainsi ap-
pellé. Ce Seigneur embrassa la religion de si grand zele,
qu'il apparoissoit que son entendement estoit esclairé des
rayons de la lumiere celeste. Les Capitaines & gouver-
neurs du Royaume avec vn nombre infiny de personnes
disposées par ordre selon leur coustume, vindrent au de-
uant des Portugallois, par le commandement du Roy. Ce
pendant tout retentissoit du son des tabours & trôpettes,
& du cry des gens. Estans paruenus iusques au Roy, Sou-
sá luy fit telle reuerence qu'il appartenoit: luy de sa part
recueillit Sousa honnorablement à sa mode. Apres a-
uoir entédu l'ambassade de Sousa, il remercia vne infinité

*Navigation
des Portuga-
lois en Congo
pour couerir
le royaume à
la religion
Romaine.*

de fois le Roy Iean, & requit Soufa de faire desployer & mettre deuant les yeux de tous les chasubles & autres habillemens des prestres. Alors il commença à les visiter les vns apres les autres, avec grand esbahissement & regardoit attentiuement les prestres. Apres qu'on eust desployé vne croix, & que Soufa & les siens se furent mis genoux deuant, à leur façons acoustumee, ceux de Congo firent le mesme. Le Roy ne se pouuoit saouler de voir ces choses, & de demander quel en estoit l'usage: retenant fort bien ce que les prestres luy disoyent, puis le faisoit entendre à la Roine la femme. Incontinent fut ordonné qu'on bastiroit vn temple: & combien que les pierres fussent amenees de fort loin, toutesfois l'affection du Roy, & le grand nombre de gens qui y mettoient les mains en toute diligence, fut cause que ce temple fut incontinent acheué & nommé sainte Croix.

*Roy de cogo
se fait bapti-
ser quelle est
la chrestien-
de ce pays,
et comment
elle y a esté
plantee &
auancee.*

EN ces entrefaites, on apporta nouuelles au Roy qu'un certain peuple à luy suier, habitant en vne Isle située au milieu d'un grand lac procedant d'un fleuve nommé Zair, s'estoit reuolté de son obeissance, & par courtes ordonnances endommageoit grandement le pays voisin. Surce le Roy delibera de reprimer l'audace de ce peuple, & le chastier. Mais auant que partir il voulut estre baptisé, & le fut, ensemble la Royne, & quelques seigneurs de son royaume. On le nomma Iean, & la Royne Eleonor, desirans monstrier par ces noms l'affection qu'ils portoyent au Roy & à la Royne de Portugal. Soufa mit es mains de ce Roy vn estendart où y auoit vn Crucifix, & l'admonnesta de s'asseurer que par la vertu de la Croix il obtiendrait victoire sur ses ennemis. Ce Roy appuyé sur le nom de Iesus Christ, mit en route ses rebelles à la premiere rencontre, & vid la fin de ceste guerre beaucoup plustost quel'on n'eust pensé. Estant de retour, il donna congé à Soufa avec grandes caresses & tesmoignages de bien-vueillance. Or Soufa fit demonier les prestres en ce royaume, & quelques autres pour visiter & descouurir le pays tant en la situation que largeur & longueur, spécialement celac duquel nous venons de parler, & cognoistre les mœurs & la façon de viure des habitans. Apres le depart de Soufa, le fils aîné du Roy reuint de la

guerre, qu'il estoit allé faire en l'un des bouts du royaume contre des ennemis voisins, puis fut baptisé & nommé Alphonse, pour l'amour d'Alphonse fils de Iean. Semblablement plusieurs gentils hommes se firent Chrestiens, & le menu peuple acouroit de toutes parts pour estre baptisé, & iouir de la nouvelle lumiere d'une vie celeste. Ceux qui auoyent esté baptizez semoïstroient fort ioyeux, & le nombre croissoit de iour à autre.

Troubles &

Mais l'ennemy perpetuel du genre humain resistat *guerres en cō*
fort à ces commencemens de soudaine & salutaire *go pour le*
uerfion: & pour faire mieux ce qu'il desiroit, il poussa un *changement*
autre fils du Roy nommé Pañse Aquitime qui estoit de *Religion.*
ennemy juré des Chrestiens, sollicita son pere de quitter la religion. Il disoit que c'estoit une honte de quitter la religion du pays & des ancestres, qu'on abatist les images des dieux, & que les temples reputez saints iusques lors fussent polluez. Outre cela le Roy portoit fort impatiemment que les Chrestiens luy eussent defendu d'auoir des cōcubines, luy permettās la cōpagnie d'une femme legitime, & nō d'autres. Ces concubines aussi se voyās des fauorisees, & degradees de l'honneur qu'elles pensoient auoir au pres du Roy, sollicitoyent elles mesmes le Roy, & employoyent aussi les Seigneurs du royaume, afin de le destourner de la Religion. D'autre costé les enchanteurs & deuins, qui sont fort estimez entre ces peuples, menaçoient le royaume de la part de leurs dieux, & annonçoient tout malheur à ceux qui abandonnoient l'ancienne religion. Alphonse fit tous les efforts de rompre le coup de ces garnemens, lesquels sceurent tant faire qu'ils le mirent du tout en la malice de son pere, lequel en vint iusques là de croire que son fils auoit machiné sa mort: tellement qu'il le relegua en l'un des bouts du Royaume. Et selon la licence qu'il donnoit à Aquitime, on voyoit diminuer l'affectiō qu'il portoit au parauant à la religion Chrestienne. Mais apres que la fraude eust esté descouuerte, le Roy rappella son fils Alphonse, reſtablit en son premier degre d'honneur, & luy donna plus grand estat qu'au parauant. Alphonse illuminé du saint Esprit fit une ordonnance es pays à luy donnez par son Pere, par laquelle il defendoit sur peine

de la vie que personne n'eust à tenir en sa maison aucune idole dediee à superstition, ny ne s'enclinaist deuant en forte que ce fust. La publication de ceste ordonnance, fut cause de grosse esmeute, & plusieurs coniuurerēt cōtre luy avec son frere. Le pere l'appella pour l'admonester de n'estre cause d'aucun trouble, & de se deporter de ceste ordonnance. Alphonse s'excusant sur la multitude de ses affaires, ne voulut aller vers sō pere ny rescinder aucunement son edit. Par ainsi plusieurs se reuolterēt de l'obeissance d'iceluy potir suiure le parti de son frere. Le pere qui estoit vieil, accablé de maladies, s'en alloit tout mourant. Dont plusieurs auertirent Alphonse, le prians de venir afin de dissiper les troupes que son frere assembloit pour se faire Roy. Alphonse n'osa y aller iusques à ce qu'il eust entēdu la mort de son pere. Mais si tost que les nouuelles luy en eurent esté apportees, il entra de nuict en la ville capitale, suyuant l'aduis de sa mere. Le lendemain il assemblea les Seigneurs, en qui il se fioit le plus en vne place qui estoit deuant le palais du Roy, où il leur fit sageement entēdre le droit qu'il auoit au royaume, la douceur qu'il estoit deliberé monstrier & faire sentir à ses suiets, & l'obeissance qu'ils luy deuoyent : puis il les admōnesta tous de luy estre fideles suiets. Eux avec toute alegresse le saluent incontinent pour leur Prince souuerain, & commencent à crier viue le Roy, accompagnās leur voix du son de diuers instrumens. Aquitime entendant ces nouuelles, & se voyant accompagné de grand nombre d'hommes, en fit deux armees & marcha droit cōtre son frere. Alphonse estoit suyuy de peu de gens, ausquels toutesfois il donna bon courage, & les exhorta de croire fermement que Dieu leur assisteroit : & qu'un petit nombre aidé de Iesus Christ pouuoit aisément rompre & desfaire vne puissante armee. Lors il attendit son frere en ce lieu là, lequel vint de furie luy donner bataille avec si grand nombre d'archers, que les fleches volantes faisoēt ombre comme vne espesse nuee. Or combiē qu'Alphonse se defendit vaillamment, toutesfois il n'auoit esperance sinon au secours de Dieu. Pourtant il appelloit Iesus Christ à son aide à plaine voix, & crioit saint laques, comme les Espagnols ont acoustumé de faire en guerre,

Ainsi ne fut-il pas frustré de l'esperance qu'il auoit en Iesus Christ: car les ennemis frappez d'une frayeur soudaine tournerent le dos & s'enfuirent à vau de route. Alphonse, voyant leur auantgarde rompue, donne dedans la bataille laquelle il desfit & contraignit se sauuer de vistesse. Aquitime tout esperdu se voulant cacher en des profondes forests tomba dedans vn piege tendu aux bestes sauuages, & y fut prins avec vn Capitaine qu'il auoit ioint à soy, à cause que c'estoit vn homme fort adroit & expert en guerre. Ce capitaine se voyant arresté, enuoya dire au Roy qu'il estoit content de mourir selon les demerites: toutesfois il le supplioit au nom de ce grand Dieu qu'il adoroit, de ne l'enuoyer au supplice que premierement il n'eust esté baptizé. Qu'il ne se foudoioit plus de ceste courte vie enuironnee de tant de miseres: ains craignoit fort d'estre forclos de celle vie qu'on appelloit eternelle. Outreplus il adiousta que c'estoit chose impossible à la petite troupe d'Alphonse de vaincre les armées d'Aquitim, mais que luy auoit veu parmy la bataille vn grand nombre de gens de cheual, portans des croix en leurs armes, & si resplendissans que personne ne les pouuoit regarder d'un œil ferme: ce qui l'auoit tellement effrayé, qu'incontinent il s'estoit enfuy. Que cela luy faisoit conoistre certainement qu'il ne faisoit point adorer autre Dieu que celuy des Chrestiens. Alphonse luy accorda ce qu'il demandoit, & d'auantage luy sauua la vie, & depuis fit de grâd seruices au Roy en plusieurs endroits. Mais Aquitime mourut peu de iours apres en partie de despit, en partie à cause des playes qu'il auoit receues: & ce qui fut le plus deplorable, on ne peut iamais le destourner de sa meschanceté & impiété. Alphonse eüst demeuré Roy paisible, obtint par la faueur de Dieu plusieurs victoires sur les ennemis des Chrestiens: se monstrant tant affectionné au Christianisme, qu'il n'employoit pas moins de temps à donner ordre que ses suiuis seruissent Dieu, qu'il faisoit aux autres affaires publiques. D'auantage il faisoit souuent des exhortations à son peuple de la iustice & pieté, de la seuerité du iugement de Dieu, des loyers de sa vie eternelle, de la destruction & vie de Iesus Christ, & des exemples des saints per-

sonnages qui l'auoient ensuiuy. Brief, tandis qu'il vescu son Royaume perseuera en la possession de la religion Chrestienne, & contint les subiets en deuoir d'equité & d'integrité.

Le Roy Emmanuel voyant vn tel zele en ces peuples comme de sa part il estoit de nature, d'affection & d'instruction, desireux des choses saintes, s'employa soigneusement à paracheuer ce qui auoit esté heureusement commencé par son predecesseur. Pour cest effect, l'an mil cinq cens quatre, il enuoya en Congo des hommes doctes aux saintes lettres & religieux : item des maistres pour tenir escholes & instruire la ieunesse, & des ouuriers de diuers mestiers. Il fit porter grand nombre de chappes & chasubles, de drap d'or & de velours, des breuiaires, des legendes de Christ & des saintes, des calices, des croix & encensoirs d'argent, brief tout ce qui estoit requis pour façonner ce peuple à la religion Catholique Romaine, & accomplir les ceremonies obseruee en icelle: afin de confermer plus aisément le peuple en la religion qu'il auoit nouuellement receüe. D'auantage, il fit donner vne bonne somme de deniers & force viures aux prestres, & à tous ceux qui eurent charge de visiter soigneusement ce pays. Et combien qu'il fist de grans frais pour auancer cest affaire, neantmoins il ne se soucioit pas tant du profit qui luy en pourroit reuenir, qu'il regardoit à la recompense eternelle. Or quand les prestres enuoyez de Portugal furent arriuez avec tout leur equippage au Royaume de Congo, vne grande multitude les vint environner, & quelques vns les vouloyent porter sur leurs espaules. Tous faisoient la reuerence aux prestres, & les regardoyent comme si c'eussent esté des gens tombez du ciel. Le Roy les recueillit gracieusement, & pria Dieu de benir à iamais le Roy de Portugal, pour ce bien qu'il faisoit à tout le Royaume. Les troupes du peuple accouroient de toutes parts pour se faire baptiser, & viure d'autre façon qu'auparauant. Et pource que les prestres n'entendoyent point le langage du pays, ni le peuple ce luy de Portugal, le Roy seruoit de truchement, & ce que les prestres luy disoyent, il le recitoit à ses suiets, car il auoit aprins le langage Portugallois. D'auantage, Emma-

manuel manda au Roy de Congo qu'il enuoyast ses enfans en Portugal, où il les feroit instruire en la langue Latine & és sciences liberales. Celà fit que non seulement les fils du Roy, mais aussi plusieurs ieunes gentilshommes vindrent à Lisbonne, où ils furent entretenus aux despens du Roy de Portugal, & y proufiterent en la conoissance des sciences liberales. Quelques vns d'entr'eux, qui s'estoyent adonnez à la Theologie, estans de retour en Ethiopie, par presches & bons exemples amenèrent plusieurs du pays à la conoissance de Iesus Christ. En somme cest œuvre excellent fut acheué par le Roy Emmanuel.

Or d'autant qu'il estoit resolu de poursuiure ce qui *Voyage des* estoit commencé és Indes, en ceste année il fit armer vne *Albuquerque* grande flotte sous la conduite de Loup Soares. Nous *ques en In-* dirons ci après en son endroit ce qu'il y fit. Maintenant *de, & ce* il faut descrire ce qui auint aux Albuquerque. Alfonso *qu'ils y exe-* partit de Lisbonne huit iours deuant que son frere François peust s'embarquer. Neantmoins François arriua le premier iour en Inde, & avec ses deux nauires fut porté en l'Isle d'Anchediue. Nicolas Coeillo, à qui vne autre nauire auoit esté commise, aborda avec luy en mesme Isle. Le troisieme Capitaine nommé Pierre Vasque Veiga perit miserablement, ou dans la mer, ou par quelque accident: car on n'en à iamais peu sçauoir certainement verité. François ayant entëdu de Pierre Ataide & des autres Capitaines, qui estoient avec luy en Anchediue, cōme les deux Sodres auoyent esté noyez, & que le Roy de Cochim auoit esté chassé de son royaume par les forces du Roy de Calecut, en Anchediue, fut d'auis, sans faire plus long sejour, & combien que ce fust en temps d'hiver, de faire voile en Cananor avec les six nauires: car il ioinct aux deux siennes les quatre qui estoient à l'ancre au port d'Anchediue. Le Roy de Cananor luy raconta plus au long ce qui estoit auenu à Trimumpara, & de pauvre estat où il estoit reduit. A cause de ce François print la route de Cochim, & arriua en vne Isle qui est vis à vis nommee Vaipin, où Trimumpara estoit encor avec les Portugallois, qui voyans les nauires furent fort ioyeux, comme lon peut penser. Le Roy mesme se print

à crier par plusieurs fois Portugal, & embrassa fort affectueusement les Capitaines. Eux d'autrepart l'assurerent que bien tost il seroit remis en son premier estat. Les nauires de Calecut logez en garnison dans la ville de Cochim, s'effroyerent incontinent & s'enfuirent. En ce temps Edouard Pacheco, qui estoit party de Lisbonne avec la flotte d'Alfonse Albuquerque, arriua aussi en Inde & se ioignit à François.

La fidelité de Trimumpara recôpensee, lui estât restably en son royaume, & ses subiets rebelles & reuoltéz punis.

APRES que François Albuquerque eust grandement loué la fidelité de Trimumpara, & l'eust remercié au nom d'Emmanuel, le voyant sans moyens, & en grandes difficultez à faüte d'argent, outre les autres presens luy donna dix mille ducats de l'argent du Roy de Portugal. Ceste somme vint bien à point à Trimumpara reduit en extreme necessité, & tous les Indiens qui l'entendirent en furent esmerueillez. Car encores que ces Rois des Indes coustumierement facent les braues, & soyent riches: toutesfois ils vivent escharement, & sont par trop adonnez à leur prouffit particulier. Ainsi donc le bruit de ce present estant paruenue aux oreilles des autres Rois les estonna, spécialement celuy de Calecut. Le mesme iour François Albuquerque considerant que le delay en l'affaire qui se presentoit estoit dangereux, remena le Roy en Cochim, & au nom d'Emmanuel le reestablit en possession de la ville & du royaume: & pour ne laisser croupir ses gens en oisueté & donner temps aux ennemis de reprendre courage, il assaillit vne autre Isle opposée à celle de Cochim, le Prince de laquelle s'estoit rangé au party du Roy de Calecut, surprint les ennemis, les escarta, en tua grand nombre, brussa quelques bourgades & villages, puis s'en reuint à Cochim. Le lendemain il passa en vne autre Isle appartenante à Trimumpara, le gouverneur de laquelle s'estoit aussi reuolté. Mais ce gouverneur auoit trois mille bons soldats, & quelques pataches au brigantins de Calecut, armez pour la guerre, qui flotoyét au long de l'Isle, afin de le secourir au besoin. Albuquerque distribua ses troupes en telle sorte que Pacheco eut charge d'assaillir par mer: Nicolas Coeillo, Antoine de Camp & Ataide marcherent les premiers pour combattre l'ennemy. Pacheco inuestit la flotte de

Calecut, mit en fond vne partie des vaisseaux, donna la chasse à d'autres, & fit mourir grand nombre de Calecutiens par glaive & par feu. Les autres capitaines ayans gagné terre au premier choc rompent les ennemis, gagnent le fort de la maison du gouverneur, entrent de violence dedans, tuent ce gouverneur, brûlent la maison, & le mesme iour retournent victorieux à Cochim. De rechef le lendemain, Albuquerque fit approcher les nauires de l'Isle de Repelin, dont le gouverneur auoit commis mesme faute que les sus-mentionnez. Craignant d'oc d'estre chastié comme les autres traitres, il se prepara pour resister, & auoit deux mille Naires en armes: tellement qu'il vint au bord de la mer pour empêcher que les Portugallois ne prissent terre. Il y eut lors aspre confict: mais finalement les ennemis furent contrains quitter la place & se sauuer de viffesse. Ils furent pouruiuis iusques à la plus grande ville de toute l'Isle: alors le gouverneur se voyant reduit à l'extremité rassembra toutes ses forces, & se mit en campagne, pour combattre plus resolument que iamais. Ainsi la meslee recommença, avec vne obstination courageuse des vns contre les autres: neantmoins les ennemis furent rompus & contrains fuir pour la seconde fois. Plusieurs furent tuez sur le champ, les autres precipitez de l'Isle dedans la mer, & l'Isle exposee en proye aux gens de guerre de Trimumpara. Cela fait, Albuquerque fit mettre le feu es villes & villages.

APRES ces victoires, Albuquerque vint trouuer le Roy tout consolé de tant d'heureux succès, & luy demanda congé de bastir vne forteresse, par le moyen de laquelle les Portugallois peussent resister aux courtes des ennemis, & conseruer plus aisément l'estat du Roy contre la cruauté du Roy de Calecut. Trimumpara condescendit aisément à ceste requeste, confessant qu'il tenoit du Roy de Portugal, d'Albuquerque, & de la prouesse des Portugallois, sa vie, ses estats & le moyen de subsister à l'auenir contre les efforts de son ennemy mortel. Pourtant que si Albuquerque estimoit que les affaires du Roy de Portugal requissent que ceste forteresse fust bastie, luy vouloit fournir tous les frais necessaires. On choisit d'oc vn

*En quel tēps
& par qui
fut bastie la
forteresse en
Cochim.*

lieu fort cōmode: car il estoit haut & regardoit l'emboucheure de la mer, tellement qu'il estoit aisé aux Portugallois chasser du port les nauires du Roy de Calecut. Les fondemens furent polez le vingtseptiesme iour de Septembre l'an mil cinq. cens trois: & depuis il y auoit grand nombre d'hommes qui y trauailloyent d'ordinaire par le commandement du Roy. Quant aux Portugallois, personne d'eux, fust gentil-homme ou vieillard, ne s'exemptoit du trauail, encores que le Roy les priaist de n'y mettre la main. Au bout de quatre iours apres que lon eust commencé à bastir ceste forteresse, Alphonse Albuquerque arriua au port de Cochim: par ainsi lon augmenta le nombre des ouuriers, tellement que la forteresse fut esleuee & paracheuee.

*Les Portugal
lois en assen-
rāt les autres
ueulēt pour-
voir à leurs
affaires pour
l'auenir.*

Cela fait, Alphonse Albuquerque ayant consulté de ce qui estoit à faire, se mit en chemin avec les autres Capitaines & quelques soldats de Trimumpara, pour aller assaillir les places du Seigneur de Repelin, qui s'estoit reuolté del'obeissance de Trimumpara. L'Isle est distante de dix lieues loin de Cochim, assez pres de la riuē du fleuue qui se desgorge dans le destroit de mer. Les Portugallois gaignent terre avec des esquifs & autres petis vaisseaux, surprennent les ennemis, en tuent bon nombre, mettent en fuite les autres, saccageant & fourragent ce qu'ils rencontrent lors. Le bruit de ceste desfaite paruint incontinent aux oreilles de tous les voisins: car selon la grandeur de leurs cris ils signifient combien le danger est grand. Ceux qui entendent ce cry, pour faire venir les autres au secours font le mesme cry: ce qui fait qu'en partie par gēs enuoyez expres, en partie par telles hucēs des vns aux autres, en peu de temps ils asserablent vne grande armee. Alors donc se trouuerent plus de six mille Naires qui accoururent viftement au secours des leurs, & assaillirent furieusement Albuquerque & les siens, qui commencerent à reculer pas à pas. Eux poursuivent & chargent viuement les Portugallois, combatans non seulement de loin à coups de trait, mais aussi de pres à glaiues desgainez. Et si les Portugallois ne se fussent tenus bien rengez, ils eussent perdu beaucoup d'hommes alors. Mais d'autant que les esquifs n'estoyent pas loin, & qu'ils se re-

*Comment les
Indiēs auer-
tissent les vns
les autres es
dangers.*

tiroient sans bruit, ils rentrent tous en leurs vaisseaux, non toutesfois sans travail & grand danger. Edouard Pâcheço ne trouuant pas son esquif, pourautant que ses matelors auoyent esté si temeraires que de l'emmener arriere du lieu assigné, se trouua en grand danger de sa vie: car les ennemis le vindrent environner, pour le desfaire auant que pouuoir estre secouru. Neantmoins estant homme resolu & courageux, il les arresta par sa vaillance, iusques à ce que les Albuquerque, voyans le danger où il estoit, accoururent pour le secourir. Par ainsi tous se rembarquerent, & retournerent à Cochim avec huit blesez, sans auoir perdu vn seul homme. Plusieurs Naires y furent tuez, sept de leurs vaisseaux prins, & quinze brisez. La nuit suivante (car les Capitaines estoient si ardans qu'ils ne donnoient loisir à leurs soldats de reprendre haleine) ils remonterent en leurs esquifs pour aller saccager les autres villages du Seigneur de Repelin. Alfonse Albuquerque vogoit deuant les autres. Mais ils trouuerent les ennemis au guet, qui s'amasserent ensemble & firent tel effort qu'ils tuerēt deux Portugallois & en bleferent vingt. Alfonse arresté inopinément ne scauoit comme faire teste à tant de gens, ny en quelle seureté se tirer en arriere: & pource faisant deuoir de vaillant Capitaine, il resolut de se defendre courageusement, iusques à ce que les autres Capitaines fussent venus à l'aide, & ainsi soustint les ennemis iusques au point du iour. Lors François Albuquerque & les autres Capitaines prindrent terre, & en grande diligence coururent au lieu où Alfonse combattoit, qui voyant venir le secours reprint courage avec les siens: au contraire les ennemis furent desfaits & mis en route, vne partie taillée en pieces sur le champ, & les villages bruslez. Ce mesme iour ils enuahirent vne autre isle nommée Cambala, où ils tuerent plus de sept cens hommes. Non contents de cela ils entrerent en d'autres pays appartenans au Roy de Calecut, taillerent en pieces ceux qui leur voulurent resister, & firent de grands ranages. La dessus, suruindrent six mille hommes pour repousser les Portugallois, qui tindrent bñ neantmoins, & ne deslogerent de là qu'à toute force. D'autre costé Pâcheço combatit trente quatre vaisseaux du Roy de Cale-

8. cut qui fermoyēt aux marchans le passage pour venir en Cochim, & les contraignit de gagner le haut.

Descriptiō de la ville de Coulam, & alliāce d'Alfonse Albuquerque avec la Roynie de ce lieu. LES ennemis ayans esté trauallez en tant de sortes, Alfonso Albuquerque fut d'auis de faire vn voyage en Coulam pour y charger trois nauires, pource que les marchans n'osoyent amener du poyure ny d'autres espiceries au port de Cochim. Iadis la ville du Coulam estoit la plus grande & riche de tous ces pays là. Mais depuis que les marchans commencerent à trafiquer en Calicut, & que la ville deuint riche & marchande, la grandeur de Coulam commença à s'abaïsser. Elle est à vingt quatre lieues de Cochim vers le Leuant. La nauigation est fort seure, au long d'une riuiera, sinon es lieux où elle est estroite: car les ennemis peuuent se cacher au long des riuages & nuire de là. Ceste riuiera est fort profonde, d'autant qu'elle se mesle avec les eaux de la mer au reflux: & le Haure est bon & asseuré. Les maisons & temples, la Religion, les coustumes & façons de faire de ceux de Coulam conuiennent avec ce que font les autres Malabares, comme nous l'auons veu cy dessus. Ce peuple est accoustumé aux armes, & a tousiours guerre contre le Roy de Narsingue. Encores que le Royaume de Narsingue occupela pluspart de la coste Orientale des Indes, si est si large qu'il s'estend iusqu'aux confins du couchant. Pour la pluspart du temps le Roy se tient en des villes qui sont entre deux mers: & met des gouuerneurs en Coulam les plus loyaux qu'il peut trouuer. Le pays est habité de certains Chrestiens qui viuent selon la doctrine, laquelle ils disent auoir receue de l'Apostre Sainct Thomas, & l'ont tousiours retenue depuis d'une foy & constance inuincible, parmy tant de tempestes, changemens de Royaumes, & aduersitez de toutes sortes. Il y a vn vieil tēple en ceste ville de Coulam, que les Chrestiens disent auoir esté basti par Sainct Thomas, le corps duquel est enterré

Temple & corps de S. Thomas, & les miracles qui y ont esté faits. en la coste de Narsingue en vn temple fort estimé des Chrestiens, des Sarrafins mesmes & des autres peuples idolatres. Car le bruit cōmun est qu'en faueur de ce saint personnage Dieu a fait plusieurs miracles, & que ceux qui se recommandent à Sainct Thomas en leurs griefues maladies & grandes afflictions ont esté merueilleusement

soulagez & deliurez de leurs maux. Lors qu'Alfonse Albuquerque arriva en Coulam, vne Royne veufue manioit dextrement les affaires du Royaume, pour son fils qui n'estoit pas encor en aage de commander. Il fut receu honnorablement des principaux de la ville, qui promettoient au nom de la Royne faire tout ce qu'Albuquerque voudroit. Suivant cela il fit charger les nauires, & traita alliance, laissant en la protection de la Royne quelques Portugallois qui deuoyent demeurer là pour solliciter les affaires du Roy Emmanuel: puis reuint en Cochim.

EN ces entrefaites, le Roy de Calecut voyant le danger où les Arabes l'auoyent poussé par leurs mauuais conseils, delibera fort secrettement de pacifier avec les Portugallois, de peur que les Arabes ne se iettassent à la trauerse pour troubler tout. Les continuelles exhortations de Naubedarim, lequel portoit bonne affection aux Portugallois comme il a esté veu cy dessus, l'incitoient encor dauantage à hastier cest affaire. Les conditions furent que toutes les flottes & armées de mer, pour faire la guerre aux Portugallois ou à leurs alliez, seroyent cassées promptement. Que tous les biens du Roy Emmanuel, ravis par les Arabes & leurs complices lors qu'ils tuerent Arius Correa & les siens, seroyent rendus: ou que pour iceux le Roy de Calecut payeroit en dedans vn terme assigné certaine quantité de poyure. Qu'il ne permettroit aux Sarrazins trafiquans en Calecut de nauiguer en Arabie. D'auantage François Albuquerque demandoit que les deux Milannois qui s'estoyent retirez avec le Roy de Calecut luy fussent rendus. Ce fut le seul article que le Roy ne voulut accorder, estimant que ce seroit se diffamer soy-mesme de trahir ceux qui s'estoyent mis en sa protectiō: & accorda tout le reste. Les articles approuuez de part & d'autre, Naubedarim vint en Cranganor, afin de faire peser & deliurer à Pacheco, qui y estoit venu par le commandement de François Albuquerque, la pluspart du poyure promis. Or il auint tandis que Pacheco faisoit charger les nauires de ce qu'il auoit ja receu, qu'vn vaisseau chargé de poyure appartenant au Roy de Calecut tiroit vers Cranganor: ce qu'estant rapporté à Jaques Fernand

*Priere des
Saints pro-
fitable.*

9.

*Paix entre le
Roy de Cale-
cut & les
Portugallois,
par qui rom-
pue & com-
ment, & ce
qui auint
aux Albu-
querque.*

Correa, il enuoya gens au desceu d'Albuquerque pour prendre ce vaisseau, & l'emmener en Cochim. Ceux qui estoient dedans, voyant qu'on les arrestoit se plaignent du tort à eux fait, veu qu'il y auoit paix, solennellement accordée entre les Roys de Portugal & Calecut : contre laquelle les Portugallois prenoient prisonniers les Calecutiens & pilloyent le poyure du Roy. Item, qu'on portoit ce poyure en Cranganor, afin d'estre liuré aux Portugallois, & que le Roy de Calecut accomplist tant plustost sa promesse. Pourtant ils supplioient qu'on ne leur ostant par forcé & en despitant leur Roy ce qu'ils vouloyent liurer sans offenser personne. Neantmoins Correa obstiné en la deliberation qu'il auoit prise de faire ce coup, assaillit & print le vaisseau où il y eut six Naires tuéz, & plusieurs blesez. Les Portugallois ne s'en retournerent pas tous si sains qu'ils estoient venus, tellement qu'ils acheterent à pris de sang de bon nombre d'entre eux vn peu de poyure emporté par outrage & violence. Naubecadarim entendant cest effort, requit François Albuquerque de satisfaire au Roy de Calecut, remonstrant que l'alliance auoit esté violée, le Roy griefuement offensé, & occasion donnée à ceux qui desiroient troubler la paix, d'esmouoir temerairement vne cruelle guerre. Et puis que les Portugallois sembloient auoir eu iuste occasion de faire la guerre au Roy de Calecut, pource qu'il n'auoit point voulu faire iustice de ceux qui auoient tué Arius Correa & pillé ce qui appartenoit au Roy de Portugal, & recompenser ceste perte : ce n'estoit pas raison qu'Albuquerque laissast impuny le mesme forfait commis par ses gens. Qu'il ne deuoit differer de satisfaire au Roy de Calecut, afin de pouoir appaiser son cœur picqué d'vne iniure si atroce : & que ce Roy qui estoit de nature muable, cholere, affectionné enuers les Sarrazins, par l'inductiō desquels il auoit fait aux Portugallois tout du pis qu'il auoit peu, encores qu'ils ne l'eussent point offensé, ne les lairroit point en paix (comme on pouoit esperer) ayant trespasse occasion de faire la guerre.

*Meschās de-
portemens de
François Al-* COMBIEN que Naubecadarim proposast ces choses & plusieurs autres au mesme propos, par beaucoup de messages, François Albuquerque n'en tint compte. Enquoy

quoy faisant il obscurcit la gloire & renommée qu'il auoit *buquerque*
acquise, ou en rompant la foy qui est vne meschaceté de *descourret de*
testable, ou estant si couard qu'il n'osa mettre la main sur *quelle affe-*
cest estourdy qui auoit pillé le poyure du Roy de Cale- *ction la plus-*
cut, & le chastier comme il auoit mérité. Le Roy grande- *part des Por-*
ment irrité, resolut d'armer vne flotte de vaisseaux, & fai- *tugallois ont*
releuer gens de guerre, pour assaillir le Roy de Cochim *entrepris ces*
& les Portugallois, par terre & par mer. Trimumpara en- *voyages loiz-*
tendant ces nouuelles, pria instamment François Albu- *tains.*
querque, de luy laisser telles forces qu'il peust repousser
arriere des limites de son Royaume les courses & assaux
des Calecutiens: d'autant que ce seroit vne indignité par
trop estrange que les Portugallois (pour lesquels il auoit
a soustenir vn si pesant fardeau) l'abandonnassent au be-
soin. Albuquerque promet d'y donner ordre. Mais il ne
tint pas promesse comme il deuoit: car il laissa seulement
à Trimumpara vne nauire, deux caruelles, desquelles
nous auons descrite la forme cy dessus, & vn autre petit
vaisseau avec cent Portugallois. Trimumpara en auoit
encor cinquante autres pres de foy, tellement que pour
faire teste à si grand nombre d'ennemis on luy laissoit cēt
cinquante hommes en tout. Leur Capitaine estoit Edouard
Pacheco, qui accepta tres-volontiers ceste charge, estant
prest d'employer & donner sa vie (si besoin estoit) pour
la gloire de Iesus Christ & la dignité du Roy Emma-
nuel. Ce pendant Alphonse Albuquerque reuint de Cou-
lam. Estans ensemble, les deux Albuquerque partirent
de Cochim & arriuerent en Canano, où Alphonse enten-
dit par les lettres de Raphael Reinel, demeuré aupres de
Naubadarim pour receuoir le reste du poyure, que la
guerre s'en alloit commencer plus cruelle que iamais.
Cojebique, duquel nous auons parlé cy deuant, qui fa-
uorisoit beaucoup les Portugallois escriuit le mesme aux
Albuquerque. Comme ils vogoient au long de la co-
ste de Calécut, ils enuoyerent prier le Roy de leur en-
uoyer les Portugallois qu'il retenoit pres de foy: mais il
n'en voulut rien faire. Pourtant ils partirent de là, & prin-
drent la route de Portugal. Alphonse Albuquerque print
port à Lisbonne le dixseptiesme iour de Iuillet, l'an mil
cinq cēs quatre. Mais on ne sçait que deuinrent François

*Frçois Al-
buquerque
arresté par le
ingement de
Dieu.*

10.

*Nauigation
et diuers ac-
cidents d'An-
thoine Sal-
dagne et de
ses Capitai-
nes.*

*Rauasque pil-
le ceux de
Zanzibar et
ce qui s'en
ensuiuit.*

Albuquerque & Nicolas Coeillo : car on ne les a point veuz depuis, & personne de leur flotte n'eschappa pour en dire des nouuelles. La nauire de Pierre Ataïde s'estât eschouee, il se sauua en terre avec quelques autres qui estoient de sa cōpagnie, & se retira en Mozambique où il mourut. Les autres s'en allerent en Melinde.

ENVIRON le mesme temps que ces choses auindrēt, vn autre Capitaine nommé Anthoine Saldagne fut agité de diuerses tourmentes sur la mer. Il s'estoit embarqué par le commandement du Roy de Portugal, peu apres que les Albuquerque desmarent de Lisbonne : & auoit trois nauires afin de courir la mer qui est entre le dernier promontoire d'Ethiopie nommé Guardafu, & le goufse de la mer Arabique. Vn des Capitaines qui estoit sous luy, nommé Iacques Fernand Pereira, fut séparé par la tempeste d'avec les deux autres & porté en Melinde. De là il fit voile vers vne Isle nommee Zacotora iusques lors incognue aux Europeans, separee d'un bras de mer de l'entree du destroit Arabique, où il delibera passer l'hyuer. Quant à Saldagne, l'ignorance de son piloteluy fit perdre sa route, & aborda en l'Isle de Saint Thomas située sous l'Equateur. Ayant leué l'anchre de là, vne autre tempeste suruint qui separa d'avec luy l'autre nauire en laquelle commandoit Roderic Laurent Rauasque. Comme Saldagne vouloit doubler le Cap de bonne esperance, par la faute de ce mesme pilote qui estimoit desia estre outre, il fut porté en vn goufse, où il puisa de l'eau. Depuis ce lieu fut appellé l'aiguade de Saldagne. Mais Rauasque passa le premier le destroit, & tira vers Mozambique, de là il fit voile vers Quiloa, où il attendit Saldagne, l'espace de vingt iours. Voyant qu'il tardoit trop à venir, il prit la route de l'Isle de Zanzibar susmentionnée. Ceste Isle est distante de quarante lieues loin de Mombaze vers le couchant. Entre ceste Isle & terre ferme il y a vn bras de mer si estroit qu'une nauire ne scauroit passer par là, que ceux de l'Isle & de la terre ne la descouvrēt aisément. Rauasque roda deux mois autour de ceste Isle, & à diuerses fois arresta vingt nauires chargees de toutes sortes de marchandises, & ne les voulut onc relascher que ceux à qui elles appartenoyent ne luy eussent payé rāçon.

Ce brigandage de Rauasque irrita ceux de Zanzibar & des autres Isles, & rendit les Portugallois odieux à beaucoup de gens qui les aimoyent au parauant. Mesmes ceux de l'Isle leur portoyent bõne affection. Le Prince enuoya dire à Rauasque qu'il s'esbahissoit fort pourquoy vn Capitaine des Portugallois, estimez si loyaux, eust ainsi traité ceux de Zanzibar leurs amis. Qu'il ne se soucioit point de la marchandise pillée : seulement qu'on luy rendist le canon & les armes qui estoient és nauires, & que les Portugallois gardassent le reste. Mais Rauasque, au lieu de satisfaire à vne si iuste demande, ne respondit qu'iniures & outrages. Le Prince offensé de telles brauades, fit equipper quelques petis vaisseaux pour assaillir Rauasque. mais son secretaire nommé Gomeze Carrasque & Laurent Phajo vaillant soldat furent enuoyez par Rauasque dans vn esquifourny pour la guerre, pour assaillir les brigantins du Prince de Zanzibar auant qu'ils fussent hors du port : ce qui fut fait, & quatre de ces vaisseaux prins, les autres se sauuerent. Il y eut quelques hommes tuez, entre autres le fils du Prince. Iceluy voyant que par douceur ne par force il n'auoit peu obtenir son droit, voulut toutesfois empescher que son Isle ne receust plus de mal, encores qu'il eust esté grandement incommodé, spécialement en la mort de son fils: toutesfois il pacifia avec Rauasque, à condition de payer tous les ans certaine somme d'or de tribut au Roy Emmanuel. Apres qu'ils eurent fait ceste paix, Rauasque print la route de Melinde. Alors il y auoit grosse guerre entre les Roys de Melinde & de Mombaze. Rauasque voulant estonner le Roy de Mombaze, vint avec sa nauire au port de Mombaze, où il combatit deux nauires de charge & trois autres moindres vaisseaux, & les print. Entre autres prisonniers, il y auoit douze Arabes fort riches & les principaux de leur ville, laquelle s'appelloit Braua, vingt lieues loin de Mombaze. Ils attendoyent vne autre nauire chargée de beaucoup de marchandise de grand pris. Apres auoir payé rançon, ils rendirent leur ville, & promirent par sermēt qu'eux & tous les habitants de Braua demeureroient perpetuels subiets du Roy de Portugal. Outre cela, illes rendit tributaires au Roy de tel poids d'or & tribut annuel que bon luy sembla.

Iniquité de Rauasque.

Le battu paye l'amande, et les Portugallois exigent tribut de celuy qu'ils ont pillé & outragé.

Nouvelle cõsuetude de Portugal. Outre cela, illes rendit tributaires au Roy de tel poids d'or & tribut annuel que bon luy sembla.

Cest accord fait, la nauire qu'ils attendoyent arriua, à laquelle Rauasque ne voulut toucher ny souffrir qu'aucun autre portast dommage en sorte que ce fust. D'autre costé Saldagne avec trois nauires conquises en sa nauigation vint mouiller l'anchre à Mombaze. Le Roy voyant ceste petite armee nauale, craignit que les Portugallois ne luy donnassent de la peine: pourtant il accorda avec le Roy de Melinde. De là Saldagne fit voile en Inde, & print port és Isles de Canacane & Anchediue. Nous dirons cy apres en son endroit ce qu'il fit en la continuation de son voyage.

II.
*Affaires de
Portugal.*

EN ceste année mil cinq cens & quatre au mois d'Octobre, Alphonse neveu du Roy Emmanuel, & Connestable de Portugal, fut surprins d'une grosse maladie dont il mourut en la fleur de sa ieunesse, & laissa vne seule fille, qui depuis fut vne des belles & vertueuses dames de son temps, & fut mariée à Pierre Prince de Ville-real, vaillant entre les autres. Presques au mesme temps, Isabelle Roynne de Castille mourut, & fut fort regrettee de toute l'Espagne. Car c'estoit vne Princesse de si grand cœur, si sage, tant affectionnee enuers Dieu & toutes choses bonnes, que sa memoire merite vn los perpetuel. Le dernier iour de Decembre de la mesme année la Roine Marie accoucha d'une fille de singuliere beauté, & qui fut appelée Beatrix comme son ayeulle. Depuis elle fut mariee à Charles Duc de Sauoye, comme il sera dit en son lieu. En ceste année il y eut de grands & frequens tremblemens de terre, dont plusieurs edifices tomberent bas, la terre s'afaisa en plusieurs endroits, & y eut de grands domages. Les gens quittoyent leurs maisons, sans toutesfois oser gaigner les montagnes, craignant autant la ruine & confusion d'un costé que d'autre. Ils demeuroyent d'ordinaire en des pauillons fichez és plaines & campagnes.

II.
*Guerres &
accidens di-
uers suruenus
entre les Por-
tugallois &
les Mores en
Afrique.*

ENVIRON le mesme temps, Iean Menez dressa contre les Mores vne entreprise digne de memoire. Il y a en Barbarie vne ville renommee qui s'appelle Larache à dix lieues loin d'Arzile, arrousee du fleuve Zile, lequel se degorge en la mer Oceane. Les Mores s'estoyent saisis de cinq nauires Portugalloises qui estoient lors à l'anchre au port de Larache: dont Menez fut grandement indigné, si

toſt qu'on luy en eut apporté nouvelles, & fut ſur le point d'aller aſſaillir le port pour ramener les nauires. Or il y a à l'emboucheure de ce fleuve vne tour forte d'aſſiette, bien munie de canon & de toutes ſortes d'armes, avec guet ordinaire. C'eſtoit la retraite de tous les pirates qui s'embarquoyent tous les ans en ceſte coſte de Barbarie, pour aller faire leurs courſes & eſcumer l'Ocean. Menez commence à penſer cōme il pourroit entrer au Haure de Larache, ſans encourir danger par le moyen de ceſte tour. Ayant delibéré & reſolu en ſoy-meſme ce qu'il auoit à faire, auint vn iour qu'il deſcouurit cinq ſuiſtes & vne gallere à trois rames qui vogueyent à l'Oeſt. Surce il deſpeſcha incontinent des eſpions pour aller recognoiſtre de pres leur route par mer & par terre. Tous rapportent que ces ſuiſtes & la gallere s'eſtoient rendues au port de Larache, & auoyent eſté tirées pres de terre, en telle ſorte toutesſois que la gallere pouuoit deſmarer à l'aiſe. A ce rapport il fait incontinent equipper quatre carauelles, commande aux plus reſolus de ſes troupes d'entrer dedans, fait leuer l'ancre de nuit, tire droit vers Larache, & au point du iour ſe trouue à l'emboucheure du fleuve ſuſnommé. Les Mores courent aux armes, canonnent, & font tout leur poſſible pour empescher l'entree aux carauelles. Menez attendoit la marée, & comme il la ſentir venir aſſez fort, il fit courir & armer de toutes parts les coſtez d'une des carauelles, laquelle il fit voguer droitement à l'opposite de la tour, afin qu'elle receuſt les coups de canon: les autres eſtoient à couuert ſous ceſte là, tellement qu'elles entrèrent dedans le port. Ce pendant les Mores harquebuſoyent, deſcochoyēt fleſches, & à coups de trait tachoient par tous moyens de repouſſer les carauelles. Mais en deſpit d'eux Menez entra dedans ſi auant qu'il voulut avec toute ſa flotte. Le fleuve eſt profond de ſoy-meſme & à cauſe du reſus de la mer, tellement que les carauelles pouuoient aiſément approcher du riuage: ce qu'ayans fait ceux qui en auoyēt la charge mettent promptement pied à terre, & combattent de grand courage afin de pouuoir mettre le feu en la gallere. Au contraire, les Mores accourent de toutes parts afin de les empescher. Il eut aſpre conſlict, & le cōbat fut long &

*Premiere entrepriſe brauement ex-
cutée ſur les Mores au
port de Larache.*

fort furieux. Mais finalement apres que plusieurs Mores eurent esté tuez, grand nombre deblesez, les autres s'enfuirent sans estre pouruiuis, d'autant que Menez ne le voulut permettre à ses soldats, ains il commanda promptement suiua sa deliberation qu'on mist le feu en ceste gallere à trois rames. Les cinq fustes, deux autres galles & vne des nauires de Portugal furent incotinrent remenees en mer. Les autres trois nauires ne le peurēt estre, pourtant elles furent bruslees avec la gallere. Menez ayāt executé son entreprise apperceut vne grosse troupe de Mores qui se dispoſoyent pour luy donner vne nouuelle charge: pourtant sans aucune difficulté il se retira avec la marée qui començoit à baisser: & ne perdit en tous ces combats qu'un homme, remenant douze nauires au port d'Arzile, d'où il estoit party avec quatre carauelles seulement. Ceste hardiesse & courageuse entreprinſe de Menez estonna fort les Mores, voyans que tout d'un coup il estoit entré dedans leur Haures, à trauers leurs garnisons & maugré les plus asseurees forces qu'ils euſſent, auoit mis le feu aux nauires, & avec quatre carauelles assailly & endommagé vne si forte ville que Larache. De fait, la mort de leurs gens & la perte des nauires ne les mettoit pas tant en peine que la consideration d'un si braue exploit. Car ils craignoyent que le succès d'iceluy ne fist croistre le cœur aux Portugallois, pour se ietter de nouveau en choses plus hazardeuses. Le Roy ayant receu les nouuelles de ce qui s'estoit passé en fut fort ioyeux, & loua grandement la vertu, l'adresse & l'industrie de son Lieutenant, lequel d'autre part ne voulant perdre aucune occasion pour endommager les Mores, s'auisa d'une ruse telle que s'ensuit.

*Autre entre-
prise et stra-
tagem de
Menez cōtre
les Mores.*

Il y a vne montagne nommee Farobe, que l'estime estre vne partie du petit Atlas, à dix lieues loin d'Arzile. Au pied de ceste montagne coule vne riuere qui s'enſe tellement en hyuer par les pluyes continuelles qu'on ne la ſcauroit passer à gué. Les Mores s'asseu- rans là dessus hyuernoyent en toute ſeureté par les vil- lages qui sont en grand nombre çà & là sur ceste mon- tagne, où ils nourrisſoyent des grands troupeaux de gros & menu bestail. Or Menez ne voulant estre des-

couuert fit dresser en sa maison deux flottes ou nasselles quarrées : & personne des charpentiers qu'il mettoit en besongne, & sur la fidelité desquels il se reposoit, ne sceut iamais presumer à quoy ces nasselles deuoyent estre employées. Elles estoient de telle grandeur qu'une forte beste de voiture en pouuoit porter vne. Cela fait, Menez ne fit aucun semblant de bouger iusques à ce qu'une nuit pluuieuse & fort facheuse survint. Ayant rencontré le temps à souhait, il fait sonner la fourdine pour monter promptement à cheual. Chacun festonne de ce commandement en tel temps, auquel les ravages des pluyes sembloient commander cessation de tous actes d'hostilité : toutesfois on estima que ce sage Capitaine & vieux routier de guerre n'entreprenoit rien sans cause. Ses gens donc s'arment & le suivent sans delay, & n'y eut personne qui s'enquist de la resolution de leur chef, ny en quelle part il les conduisoit. Il estoit lors suivi de deux cens vingt hommes de cheual : ausquels, quand il estima estre temps, il descouvrit son intention, monstrant combien elle estoit aisée à executer, & ce qu'il vouloit que chacun fit. Cependant il admonesta ceux qui ne se vouloyent hasarder, de reprendre le chemin d'Arzile: pource qu'il entreprendroit beaucoup plustost l'execution de ses entreprises avec une petite troupe de vaillans hommes, qu'estant suivi d'un grand nombre de gens de cœur failly. Mais tous eurent leur honneur en telle recommandation qu'ils ne voulurent nullement tourner bride. Estans parvenus à ceste riviere, lors desbordée, & qui couvroit beaucoup plus de plat pays qu'ils n'auoyent pensé, Menez fit descharger à la riue les nasselles que des cheuaux portoyent. Lors il commanda à un de ses domestiques nommé Fernand Freite d'empoigner aux dents le bout d'une corde, & passer à nage la riviere, iusques à ce qu'il auroit gagné une leuee de terre paroissant de la le canal, où le fil de l'eau estoit plus impetueux. A ceste corde estoit attachée l'une des nasselles. Fernand ayant passé la riviere & gagné ceste leuee, paruint de la à l'autre bord, tirant la nasselle fort aisément à soy. A ceste premiere nasselle estoit

attachee la seconde d'une autre corde, & partant fut tirée sans peine par Fernand. Estans toutes deux fermement retenus par ces cordes, dont l'une laschoit, l'autre ferroit, selon qu'il estoit requis pour passer d'un bord à l'autre, quand une nasselle se trouuoit à l'un des bords, l'autre nasselle estoit au bord opposite. Alors les soldats deffellent leurs cheuaux, chargent quelques selles sur la nasselle qui estoit vers eux, & aucuns montent dedans, & trauesent ainsi la riuere, faisant passer à nage leurs cheuaux qu'il menoyent par la bride. Estans tous arriuez à l'autre bord ils boutent selle & remontēt à cheual, marchās toute nuict par des fanges & marets, encor que la pluye impetueuse les cōtraignist par fois d'aller au pas, & que leurs cheuaux fussent en l'eau iusques aux sangles. Menez qui conoissoit tous les destroits & auenues du pays arresta ses gens en vn lieu propre a dresser embusches, aupres de certains village qu'il estoit resolu de fourrager. Des la pointe du iour, les montagnars descendent en la plaine (car la pluye estoit cessée) les vns pour voir leurs semailles, les autres pour mener leur bestial, & quelques autres pour chasser. Pour cela Menez ne vouloit pas sortir de l'embuscade, iusques à ce que plus de gens fussent assemblez pour leur courir sus & en deffaire plus grād nombre. Mais il auint que deux chasseurs se vindrent rendre au lieu où les troupes estoient: au moyen dequoy il leur fut force de sortir. Par ainsi ils assaillent furieusement ceux qui se rencontroyent, en tuent plusieurs, prennent prisonniers les autres, font vn grand butin, & se retirent sains & saufs. Estās au bord de la riuere, premierement on contraignit tout le bestial de la passer à nage, puis Menez & ses gens la traueserent beaucoup plus aisément qu'ils n'auoyent fait de nuict, & sur le soir rentrerent dedans Arzile, au grand esbahissement de ceux qui y estoient demeurez. Car ils estimoient impossible qu'on peust passer la riuere en temps si fascheux, ny se desuelopper du milieu de tant d'ennemis exercez à la guerre: veu que le retour estoit malaisé, & qu'on pouuoit sans grande difficulté fermer le passage en couppant les cordes des nasselles.

14.
En la guerre
du Roy de ca

T E L estoit l'estat de Portugal & d'Afrique, tādīs qu'es

Indes Trimumpara & les Portugallois ses associez auoyent vne pesante guerre sur les bras : car suyuant ce qui à esté dit cy dessus, le Roy de Calecut faisoit grosse leuee de gens, & apprestoit vne merueilleuse flotte, auât mesmes que les Albuquerque se fussent mis à la voile pour retourner en Portugal. Apres que Pacheco eust prins congé d'eux, il reuint de Cananor en Cochim. Le Roy voyant le petit nombre de soldats qu'on l'auoit laissez, & sçachant par beaucoup d'auertissemens quelles forces auoit son ennemy, item que les Arabes qui faisoient venir des bleds en Cochim, & plusieurs habitans du lieu, ne pensoyent qu'à ce sauuer ailleurs, & qu'aucuns mesmes se vouloyent reuolter, conclud que c'estoit fait de luy & de son estat. Ioint qu'il ne pouuoit se persuader que Pacheco avec vne poignée de gens se voulust fourrer en ceste guerre, veu que s'il entreprenoit faire teste en combat tant mal party, il faudroit plustost attribuer cela à temerité & folie qu'à vertu. Finalement il tint pour certain que François Albuquerque s'estoit moqué de luy : autrement, que ne luy laissoit il plus de gens, s'il auoit enuie de le secourir ? Estimant donc auoir esté circonuenu, & que c'estoit le salaire de sa fidelité & ferme amitié enuers le Roy de Portugal, tout troublé il va trouuer Pacheco, & en pleurant & attestât ses dieux le pria de luy descourir son cœur, disant que les Portugallois auoyent receu tât de plaisirs en Cochim, que si mal luy aduenoit par leur lascheté, il pourroit à tousiours se plaindre du tort qu'il auroit receu d'eux. Maintenant, dit-il, que tout est perdu, ie ne vous demande point secours : seulement ie vous prie que ne vous moquiez point de moy. Car si tout à plat vous refusez m'ayder, ie trouueray quelque expedient pour ne perir pas du tout. Mais si sous ombre de quelque esperâce, i'oublie à pouruoir de bonne heure à mes affaires, l'occasion de me garâtir s'estans enuolee il sera trop tard puis apres de lamenter ma misere. Or ie ne puis presumer que les Albuquerque vous ayant laissé en Inde pour me secourir, ains seulement pour pouruoir aux affaires du Roy de Portugal. Car s'ils eussent desiré mon bien, de tant de nauires & tant de soldats qu'ils auoyent, ne vous se-

lecute cõtre le Roy de cochim. Et les Portugallois, on void que Dieu donne les bons conseils, la hardiesse, la force, & la victoire: cõme les valeureux exploits de Pacheco le demõstrent.

Discours entre Trimumpara & Pacheco touchât la guerre.

„ roient pas baillez en charge trois vaisseaux tels quels, &
 „ qui demandent d'estre calfeutrez, avec si petit nombre
 „ d'hômes. S'ils vous ont commandé de faire voile en Cou-
 „ lam ou en Cananor, quand vous me verrez assailli de tou-
 „ tes parts, vous estes assez fort avec vostre flotte & vos
 „ gés. Mais si vous avez charge de repousser l'effort de ce
 „ puissant Roy mō enaemy, ie voudrois qu'ils eussent esté
 „ plus auisez. Pourtant ie vous prie & adieu au nom du
 „ Dieu que vous seruez, de ne permettre que ie sois abusé:
 „ & me dire franchement si vous m'assisterez en la necessité
 „ ou ie suis réduit, ou si vous partirez d'icy pour euitier le
 „ malheur qui pend sur ma teste. Ce propos mit Pacheco
 en grande cholere, tellement qu'il commença a respon-
 dre aigrement au Roy, & le tancer du tort qu'il luy fai-
 soit : disant que ce discours partoît d'un cœur reuouquât
 en doute sa fidelité, qui estoit le plus grand outrage que
 l'on scauroit faire à un homme de bien. Que tousiours
 il auoit eu sa foy en plus grande recommandation que
 sa propre vie. Que le Roy ne se pouuoit plaindre des Al-
 buquerque, d'autant qu'ils auoyent laissé tel nombre de
 soldats qu'ils conoissoyent suffire pour reprimer l'inso-
 lence d'un Roy meschant & orgueilleux. Item que ce n'es-
 toit point l'impetuosité d'une armee estourdie & mal
 conduite, mais la vigilance & sagesse de peu d'hômes biē
 resolu qui donnoit la victoire. D'auantage que pour en-
 trer du Royaume de Calecut en celuy de Cochim, y au-
 uoit un gué estroit, & tel qu'un petit nombre de soldats
 le pouuoient defendre & garder contre un nōbre infiny
 d'assaillans. Finalement que son Dieu & sauueur Iesus
 Christ estoit si bō & puissant, que d'un clin d'œil il pouuoit
 chasser l'armee ennemie : & que les moyens humains ne
 scauroyēt empescher le bras de Dieu, du secours duquel
 il estoit trefassuré. A cause de quoy il exhortoit Trimū-
 para d'auoir bon courage, estant prest de combattre ius-
 ques au dernier souspirs pour maintenir l'estat & dignité
 d'iceluy. Quant à l'issue de la guerre, Pacheco l'assureoit
 qu'en brief le Roy de Calecut seroit non seulement
 vaincu, mais aussi prins prisonnier, enfermé, & mené
 en Portugal. Ceste réponse redressa le cœur de Trimū-
 para, & luy donna bonne esperance pour l'aduenir.

APRES que Pacheco eust laissé Trimumpara, il fit appeller les principaux & plus riches Arabes les pria d'auoir bon courage, & ne faire leur resolution de quitter le lieu où ils auoyent vescu si commodement iusques lors: adioustant puis apres diuerfes raisons par lesquelles il taschoit leur persuader qu'ils ne deuoyét aucunement desesperer de la victoire, Finalement il commença à menacer fort rudement ceux qui quitteroyent desloyaument le Roy de Cochim, ou qui par couardise pen- *Moyen tenu par Pacheco* feroient se retirer ailleurs. Qu'il vouloit faire entendre à tous, que quiconque entreprendroit abandonner la ville, seroit chastié: & que personne n'estimast pouuoir *pour retenir en deuoir les* rien gagner par finesse, pource que sa charge estoit de *couards &* veiller, de preuenir les efforts de tous, & boucher si bien *traistres.* tous les passages, qu'un homme viuant ne scauroit s'enfuir par mer ny par terre. Partant que ceux qui aimeroient leur vie se tinssent cois, & detestassent tous conseils deshonestes & infames: autrement, qu'ils fissent leur cõpte de mourir d'un cruel supplice: Ceste dernier partie de sa harangue, où il vsõit de menaces fut prononcee si aspiement & d'une voix forte, que tous trembloient de peur: car les yeux estincelloient, sa face estoit comme en feu, & apperceuoit on à sa contenance vne cholere extraordinaire. Les Arabes promirent par leur response de faire bon deuoir, & se porter en telle sorte que le Roy ne les pourroit accuser de desloyauté. Par ce moyen il auint que ceux qui consultoyent souuent ensemble pour abandonner la ville, s'en deporterent, en partie volontairement en partie de crainte. Cependant Pacheco alloit & venoit au long du canal, posoit sentinelles, fermoit soigneusement & selon les hommes qu'il auoit toutes les auenus par mer & par terre, afin que personne n'entreprist de s'en aller sans congé. Or il auint qu'on luy amena quatre pescheurs qui à son desceu estoient allez pescher. Luy prenant ce pretexte leur mit sus qu'ils auoyent delibéré s'enfuir: pourtant les fit il garroter & mener en l'isle, commandant à haute voix qu'ils fussent pendus & estranglez. Le Roy de Cochim ayant entendu l'affaire, pria Pacheco de pardonner à ces pources prisonniers: à quoy Pacheco fit response qu'il les ba-

hisoit fort qu'un Roy si sage se monstra ainsi lasche à chastier tel crime. Qu'il ne falloit point lascher la bride à la licence des hommes quand l'estat estoit en danger, ains manier les affaires roidement & sans espargner personne. Que le supplice de ces quatre donneroit pied ferme à vne bonne discipline: & que si on leur pardonnoit, les autres qui auoyent delibéré s'enfuir en deuiendroyent plus audacieux pour executer leur dessein. Pour son regard, qu'il n'endureroit point que l'inconsiderée douceur du Roy mist l'estat & tout le Royaume en manifeste danger. Mais d'autre costé par dessous main il fit entendre par homme seur au Roy qu'il ne feroit point mourir ces quatre pescheurs, ains que toutes ses menaces ne tendoient qu'à espouuenter & contenir les autres en leur deuoir. Ces quatre qui auoyent esté transportez en l'Isle furent ramenez de nuict en la ville de Cochim, & cachez soigneusement en la maison du Roy, afin que personne n'estimast qu'on eust fait seulement semblant de les estonner.

*Courfes &
diuers exploits
de Pacheco.*

A v resté, Pacheco ne se contentoit pas seulement de pouruoir à la seureté de la ville, mais aussi s'aidoit de toutes occasions pour endommager les ennemis. Pourtant trauersa il plusieurs fois le canal, & fit des courfes sur les terres du seigneur de Repelin & d'autres: brulla plusieurs villages, tua beaucoup d'hommes, & d'une viftesse incroyable surprint & tailla en pieces grand nombre d'ennemis çà & là. Cela fit que le Roy de Calecut se hâta de mettre son armee aux champs, afin de reprimer Pacheco & s'approcha de Repelin. D'autre part Roderic Reinel (qui estoit detenu d'une grosse maladie en Calecut, dont il deceda tost après) fit entendre à Pacheco quelles estoient les forces du Roy de Calecut. Vn tel auertissement mit la ville de Cochim en trouble, & par la desloyauté des Arabes plusieurs furent sollicitéz à se reuolter: toutesfois quoy qu'ils fussent effroyez ils se contindrent redoutans l'ire de Pacheco. Le pays de Cochim vers le Septentrion par où les Calecutiens deuoient venir est enrecoupé de diuerses langues de mer qui font plusieurs isles, de l'une desquelles vne armee ne peut aisément passer en l'autre, pource qu'on ne scauroit trauerfer les

estroits à pied, ny passer avec bastaux à cause des sables qui se rencontrent à tous coups. C'estoit aussi chose fort malaisée d'enuahir la ville de Cochim avec vne flotte de vaisseaux en large mer, d'autant que l'embouchure du haure est fort estroite. D'autrepart le Roy de Calecut estoit que c'estoit se hazarder avec perte euidente de vouloir passer au gué qu'il gagna lors que Trimumpara fut chassé de son royaume: car il se souuenoit de la perte qu'il y auoit faite, & craignoit y laisser beaucoup plus grand nombre d'hommes, si les Portugallois accompagnoient les garnisons du Roy de Cochim. Il y a vne isle assez pres de Repelin nommee Cambalam vers le leuât, le seigneur de laquelle auoit quitté le party de Trimumpara. De ceste isle il estoit aisé d'entrer en celle de Cochim, & le gué sembloit n'estre mal-aisé à passer. Ce fut là que le Roy de Calecut se rendit avec son armée de mer & de terre, afin qu'ayant gagné le passage, & mis ses troupes de l'autre costé il accablât ses ennemis. Mais Pacheco auoit tous ses sens & discours occupez à luy fermer ce passage: & tandis, pour monstrier combien il faisoit peu de cas de tout l'appareil du Roy de Calecut, vne nuit il passa avec ses troupes en l'isle de Repelin, & entrant dans la ville, tua grand nombre d'ennemis dormans au demi esueillez, & fit mettre le feu és maisons. D'autres logez ailleurs acourent à l'aide, & le suiuent comme il se retiroit: mais ils furent vaillamment soustenus par les Portugallois qui se retirerent saufs en Cochim, exceptez huit d'entre eux qui furent blesez en ceste course.

Où pource que le Roy de Calecut s'apprestoient pour venir au gué, Pacheco distribua ses troupes comme s'en-
 suit. Il laissa vingtcinq soldats dans la nauire Capitaine, & leur donna pour chef le maistre Pilote nommé Jacques Pereira. Ceste nauire estoit bien equippee & fournie d'armes, d'artillerie & autres munitions de guerre. Leur charge fut de garder la ville & la forteresse contre les courses & assaux des ennemis. Dedans la forteresse furent laissée trente neuf soldats, dont estoit chef Jacques Fernand Correa. Puis apres il fit entrer vingtsix hommes dedans la carauelle, & leur bailla pour capitaine

Ordre tenu

par Pacheco &

distribuer &

conduire ses

troupes.

Pierre Raphael. Et pource qu'on racoustroit l'autre Caravelle, au lieu d'icelle Pacheco fit equipper deux petits basteaux, de l'un desquels Jacques Perrejo eut la charge avec vingt trois hommes. Pacheco commandoit dedans l'autre à vingtdeux soldats, entre lesquels y en auoit vn fort ieune nommé Simon Andrade, qui deslors auoit fait de belles preuues de sa personne au fait de la guerre. Et ainsi toute l'armee nauale en ces trois vaisseaux estoit composee de septante vn homme seulement. Auant que s'embarquer tous se confessèrent & firent leurs Pasques selon la coustume : ce qui leur acrut le courage. Puis ils iurerent les vns aux autres de ne faire chose dont ils peussent auoir reproche, que pour danger quelconque ils ne tourneroient le dos, s'employeroient iusques au dernier soupir pour s'entresecourir, ne se lairroyent prendre vifs, ny ne quitteroient la place pour sauuer leur vies : ains mouroyent honnestement ou remporteroient vne belle & glorieuse victoire. S'estant ainsi encouragés & bien resolus, ils entrent és vaisseaux, & approcherent du lieu où le Roy de Cochim les attendoit au riuage. Iceluy voyant Pacheco voguer si alaigrement contre tant de milliers d'ennemis, fut espris de grande ioye. Mais considerant tout soudain que toute son esperance estoit fondee sur septante & vn soldats, il comença à se troubler & auoir peur. D'autrepart il fut esmeu de compassion & douleur, apperceuant ceste poignee d'hommes courans ainsi à la mort : & plus il les voyoit deliberez & hardis, plus les estimoit il digne de compassion, estimant chose indigne de laisser perdre ainsi pauurement vne troupe de si braues soldats. Pourtant il pria avec grande abondance de larmes le general Pacheco, de quitter ceste entreprise, disant qu'il auoit perdu toute esperance de pouuoir plus garder son royaume : & qu'il n'estoit besoin agrandir le malheur present & ineuitable par la mort de Pacheco & des autres Portugallois qu'il aimoit comme ses freres. Qu'il se contentoit de leur bonne affection, apperceuant que la mort mesmes ne les auoit peu destourner de la volonté qu'ils auoyent de s'employer pour luy : & qu'il seroit aussi marry de la mort de tels hommes que de la perte de son royaume. Encores

que Pacheco fust gentilhomme de grand cœur, si est-ce que la harangue du Roy l'atendrit tellement qu'à peine se peut il contenir de pleurer. Toutesfois il le pria d'auoir bon courage, l'admonnestant de destourner les yeux de ceste petite flotte de vaisseaux & poignée de soldats pour regarder à Dieu: que de sa part il alloit trouuer les ennemis estant appuyé sur la force de Dieu, & non sur celles des hommes: s'assurant que Iesus Christ fils de Dieu souuerain, que les Chrestiens reconnoissent estre Seigneur du Ciel & de la terre, se trouueroit en ceste guerre, & en vn instant pourroit confondre les ennemis.

P UIS apres il fit entendre ce qu'il requeroit du Roy. *Armee du Roy de Co-*
En ce temps Trimumpara auoit seulement cinq mil hô- *mes de Co-*
mes de guerre: car les autres voyans les appareils du *chim & co-*
Roy de Calecut s'estoyent rangez de son costé. Pach- *mençemens de*
co choisit cinq cens de ce nombre, conduits par Can- *guerres cõtre*
dagore & Frangore estimez vaillans entre les Malaba- *le Roy de Ca*
res, & par les seigneurs de Paluole & Darraul, ausquels *le Roy de Ca*
le Roy commanda d'exécuter sans aucun delay tout ce *le Roy de Ca*
que Pacheco leur commanderoit. Le seiziesme iour de
Mars, l'an mil cinq cens & quatre, Pacheco partit de
nuist avec ces troupes, & ayant la maree propre, arriua
deuant iour au gué par la riuiera qui coule dans le port
de Cambalam. Le Roy de Calecut n'estoit pas enco-
res venu: à raison dequoy Pacheco fut d'auis en l'atten-
dant d'aller faire quelque dommage aux confederez d'i-
celuy. Pour cest effect il tira vers Repélin. Au port de
ceste isle estoyent enuiron huit cens archers avec quel-
ques harquebuziers. Ils accourent pour empescher la
descente à Pacheco & aux siens, à coups de fiesches &
de boulets: mais l'artillerie leur fit quitter la place:
tellement que les autres mirent pied à terre. Les fu-
yards apperceuans les Portugallois loin des nauires
se reioignent & les viennent charger fort resolument.
Le conflict fut tresaspre vne demie heure durant: mais en
fin les Calecutiens furent repoussez & contrains se sau-
uer de viffesse, ayans laissé bon nôbre de leurs cõpagnõs
sur la place. Le lieu où les Portugallois se rencontrerent
fut incontinent brulé, & de là ils emmenerent plusieurs

bœufs qu'ils tuèrent pour fournir leurs vaisseaux, dont les Naires de Cochim s'offensèrent grandemēt: car c'est crime entre eux de tuer vn bœuf, & sacrilege de goustier la chair d'iceluy. Les Portugallois au contraire redoutans plus la faim que le despit des Naires les laisserent murmurer avec leur superstition. Cē mesme iour le Roy de Cochim enuoya cinq cens autres soldats à Pacheco, qui de sa part ne se fioit pas beaucoup en telle gēs, ains auoit toute sa fiance en Iesus Christ, puis en la prouesse de ses soldats.

*Armee du
Roy de Cale-
cut.*

Le lendemain le Roy de Calecut arriva avec son armee dont le nombre & ordre estoit tel. Bertacorole Roy de Tanor menoit quatre mil hommes, Cantanambara roy de Biput & de Cucurrā, pays voisins d'une mōtagne qui touche le royaume de Narsingue vers Orient, en auoit douze mil. Le Roy de Cotagam vers Septentrion, entre Calecut & Cananor, assez pres des montagnes, conduisoit dix huit mil hommes. Curriuaquil Roy de Curige, ville situee entre Crangahor & Panane, en auoit trois mil. Tous ces Rois tributaires de celuy de Calecut, auoyent leurs troupes & enseignes à part. Les autres soldats conduits par Naubeadarim & par plusieurs autres Seigneurs montoient à plus de vingt mil, & y auoit grād nombre d'Arabes. Par ainsi ceste armee estoit composee de plus de cinquante sept mil hommes. Mais outre ces troupes qui marchoyent par terre, le Roy de Calecut auoit fait equipper vne flotte de cent soixante vaisseaux à rames, entre lesquels y auoit septante six brigantins, munis de grands sacs & balés de laine par les Milannois, pour receuoir les coups de canon. D'auantage ces Milannois auoyent fondu force artillerie, & fait diuerses machines de guerre pour ruiner tant plus aisement les Portugallois. Outre plus suiuant leur auis on auoit encheuē ensemble vingt brigantins qui voguoyent deuant les autres: & ceux qui commandoyent en iceux auoyent charge d'innestir la carauelle, & l'acrocher le plus soudainement que faire se pourroit. Il y auoit douze mil hommes en ceste armee nauale, desquels Naubeadarim estoit general. Encor outre tout cela le Roy de Calecut, conseillé par les Milannois, fit dresser en vne nuit vne leuee de

de terre en forme de boulevard, & vne tour, vis à vis du corps de garde des Portugallois, afin que les soldats logez en ceste tour peussent offenser à coups de fleches & autres traits ceux qui oseroient se monstrier. Mais Pacheco fit lier d'un cable entortillé de chaines de fer (pour ne pouuoir estre coupé) la carauelle avec vn basteau, à quelques pas loin l'un de l'autre: puis on attachà ce basteau à vn troisieme en la mesme façon: par tel moyen il ferma toute la largeur du canal.

Ce pendant l'armée de Calecut, qui tenoit la route pour descendre en l'Isle de Cochim du costé de Septentrion, approchoit. La multitude des ennemis, la fanfare des trompettes, les grands cris & diuerses hues, la lueur des armes & bastons de guerre battus des rayons du Soleil, & le bruit des canons qui faisoient trembler la terre, effroya tellement les soldats de Cochim, que tout soudain ils quitterent la place, laissant seulement Frangore & Candagore leurs capitaines qui demurerent comme par force, à cause qu'ils estoient dedans la nauire, & Pacheco les retint pour estre spectateur du combat: sans les vouloir employer à autre chose. Les ennemis vindrent au combat de grande impetuosité à coups de traits & de boulets tirez par mer & par terre: tout estoit en feu, & la fumee, estoit le iour aux combatans. Quant aux Portugallois, ils ne sçauoyent comme resister à l'armée nauale ny euitier les coups de traits lancez du haut de la tour: neantmoins ils estoient resolu de se defendre courageusement où de mourir en gens de bien. Car tant plus les ennemis faisoient d'effort, plus sembloient ils mespriser hardiment tous dangers. Et premierement ils rompirent quelques vaisseaux: mais les vingt brigantins enchainez ensemble approcherent plus pres & leur donnerent beaucoup d'affaires: car ils tiroyent si soudainement, que les Portugallois n'auoyent pas loisir de reprendre haleine, & estoient desia tant las de combatre qu'à peine se pouuoient ils tenir debout. Le combat ayant duré quelques heures, Pacheco fit braquer vne des plus grosses pieces & tirer quelques coups contre ces brigantins, qui furent escartez, & quatre d'iceux tellement brisez qu'ils furent contrains se retirer arriere. Les autres suruindrent.

*Batailles &
victoires ad-
mirables des
Portugallois.*

en la place & attacherent de rechef le combat : mais Pacheco & les siens enfoncerent huit brigantins, donnerent la challe à treize autres : au moyen dequoy ceux qui restoyent, n'estoyent pas si eschauffez à venir aux mains, voyans ce qui estoit auenu à leurs compagnons. Sûccé, le Seigneur de Repelin qui leur faisoit espaule vient avec ses vaisseaux assaillir les Portugallois las & recrus : d'autrepars le Roy de Calecut avec son armee tasche de passer le gué & accabler ceux qui luy vouloyent faire teste. Alors le conflict fut beaucoup plus aspre que deuant, tellement que l'eau du canal sembloit estre tournée en sang. Le seigneur de Repelin croioit à ses gens qu'ils accrochassent la nauire, & assaillissent viuement ceux qui estoient dedans, faisant tout son possible & exhortations & menaces pour s'en rendre le maistre : toutesfois il perdit ses peines, car l'armee qui combattoit en terre fut mise en route finalement, la flotte des vaisseaux recula, & le combat finit sur le soir au grand estonnement de tous. Il y eut quelques Portugallois blesez, mais pas vtué. Les ennemis y perdirent plus de treize cens homes. Brief Dieu besongna ce iour là tout euidentement, comme Pacheco s'en estoit asseuré. Car on vid plusieurs Portugallois frappez de coups d'arquebouze sans en auoir receu autre dommage qu'une petite meurtrissure : pour monstrer que ceux là sont invincibles qui sont en la sauuegarde du Tout puissant.

Autres exploits & victoires des Portugallois.

Le Roy de Cochim ayant eu les nouuelles de ceste victoire en fut extremement resioy, & enuoya incontinent le Prince qui luy deuoit succeder au royaume gratifier Pacheco pour l'heureux succes de ceste ioutnee. Combien que les Portugallois fussent comme rompus de tant de travaux, si ne se donnerent ils pourtant aucune relasche : car en moins de rien les baïseaux furent calfeutrez, & l'autre carauelle refaite à neuf fut iointe aux autres vaisseaux. Au reste, combien que par l'auis des deuins le Roy de Calecut differast de combattre iusques à vn autre iour, Pacheco ne vouldust se reposer pour cela, ains passa en Cambalam, coupant les arbres, gaisant le plat pays, tuant les personnes, & emmenant force butin, maugré les garnisons de l'ennemy, lesquelles il

deffit en plusieurs rencontres. En telles executions il se monstroit industrieux, diligent, & autant auisé que peut estre vn bon capitaine. Quant au Roy de Calecut, encores qu'il ne desirast sinon se vanger, toutesfois il n'osa recommencer la guerre, que le iour assigné par les deuins ne fust escheu. Il auint que ce iour estoit celuy de Pasques, auquel les Chrestiens renouellent & celebrent en grande ioye la memoire de la resurrection de Iesus Christ. L'armee de mer de Calecut estoit beaucoup plus grande qu'auparauant: car il y auoit cent brigantins, cēt galeres, & quatre vingt petits bastaux, parce que de fois à autre on enuoyoit renfort au Roy de Calecut. Le nombre des soldats de ceste armee nauale montoit à plus de quinze mil. Or pour mieux executer son dessein ce Roy enuoya vn de ses capitaines avec septante brigantins en Cochim, pour assaillir & mettre en fond la nauire laissée pour la garde de la ville, ou du moins y attirer Pacheco afin de la garantir: estimant mettre plus aisément fin à ceste guerre en separant les forces des Portugallois. Les brigantins entrèrent de nuit par vn destroit de mer dedans le canal, & arriuerent pres de Cochim. Ce destroit estoit tel que toute la flotte pouuoit aisément voguer iusques en Cochim: mais le Roy de Calecut ne voulut y entendre, ou pource qu'il n'osoit s'enfermer en ce destroit; ou ne vouloit faire ce tort à la reputation de changer de place, ou plustost pource que par la grace de Dieu, qui eut soin des Portugallois, la prudence luy faillit au besoin. Si tost que les brigantins commencerent à assaillir la nauire, le Roy de Cochim enuoya aduertir Pacheco du danger auquel estoient reduites les affaires, dōt Pacheco fut fort troublé seachāt biē à quoy tēdoit vne telle entrepr̃se. Toutesfois estant contraint d'y pouir promptement, il resolut de l'aller secourir: pourtant le plus soudainement qu'il fust possible, ayant mārēe propre il vogua vers Cochim avec vn petit bastau, & l'vne des carauelles. Si tost que les ennemis le descouurirent, ils se retirerēt, & à force de rames gaignerent Repelin. Luy ne voulut point aller apres, ny entrer en la nauire, ains sans parler à personne, se hastā de retourner aussi viste mēt qu'il estoit venu à quoy lui seruit

beaucoup le vent qui s'estoit tourné, comme il auient souvent quand la mer se retire. Or quand il arriva au détroit de Cambalant, les gens estoient en extreme danger : car la carauelle restee pour garder le passage estoit percee en plusieurs endroits à coups de canon, tout l'équipage rompu & les bales de cotton esparées, semblablement les petits bastaux estoient en peril tout euidant, à cause que leurs pavois estoient brisez & leurs fournitures mises en pieces : puis les Calecutiens les ceignoient de tous costez tant par mer que par terre. Néanmoins les Portugallois ainsi presseés n'auoient faute de bon courage, ains plus on leur couroit sus viuement, plus resolument faisoient ils teste à l'ennemy. Tel estoit leur estat quand Pacheco reuint à eux, qui vint donner impetueusement à des aux Calecutiens, lesquels ne l'attendans pas si tost furent merueilleusement effroyez : au contraire les Portugallois qui combatoyent en front reprirent cœur, & au lieu de se defendre commencerent à assaillir. Ainsi les ennemis ayans affaire deuant & derriere, gaignerent le haut : mais auant que partir ils perdirent dix-neuf brigantins, & pres de trois cens soldats, sans que Pacheco y laissast aucun des siens, & ce asçir que lon conust encores mieux que Dieu auoit besongné d'une faueur speciale, en ce conflict : d'autant que pour certain plusieurs soldats de Pacheco furent frappez à coups de traits, les vns à la teste, les autres à la poitrine aux bras & en d'autres endroits du corps, sans mort de personne d'eux, combien que ces traits fussent lancez de telle impetuosité, qu'en tombant des corps contre qu'on les dardoit, ils perçassent des boucliers espais, & passassent aisément à trauers les bales & autres empeschemens qu'on mettoit au deuant.

Autre bataille & victoire des Portugallois.

Le Roy de Calecut ne pouuant porter vne telle honneur fit incontinent rassembler & renger en bataille ses vaisseaux pour assaillir de rechef les Portugallois. Ce que Pacheco voyant, il defendit à ses gens de ne tirer, ny faire bruit, que premierement il ne leur eust donné un certain signal. Les ennemis n'oyans aucun bruit estimerent que les portugallois estoient tellement blesez & estonnez qu'ils auoyent perdu toute esperance de pou-

voir plus résister. Pourtant ils commencerent avec grandes hucées & d'une viffesse incroyable, en desordre, à s'approcher des caravelles & baſteaux de Pacheco, tant par mer que par terre. Eſtant aſſez pres Pacheco fit ſigne à ſes ſoldats qui ſe monſtrèrent tout ſoudain, s'eſcrient à haute voix, combatans à coups de canon, de harqueboutes & autres fortes de traits. Ils enfondrent beaucoup de brigantins, eſcartent & brifent les autres, oſtent la vie à grand nombre d'hommes. Les Calecutiens furent fort eſtonnez de voir ſains, vigoureux & ſi apres au combat ceux qu'ils eſtimoyent demy hachez en pieces : mais principalement le carnage de leurs gens leur oſtoit le courage. Et pourtant, encores que le Roy regardaſt la meſlee, il n'y eut honte ny crainte de chaſtiment qui les peult retenir qu'ils ne s'enſuiſſent. Le ſeigneur de Repeſlin appercevant celà, les recueillit, & apres avoir redreſſé la flotte il vint aſſailir de rechef les Portugallois : en telle ſorte neantmoins qu'il ne vouluſt venir aux mains, ains ſe contenta de combattre de loin. Le Roy prenant garde à ceſte façon de guerroyer, tança rudement ce ſeigneur, l'appellant couard, meſme l'outrageant par des injures fort piequantes. Puis il fait venir Naubeadarim, & l'exhorte de ſe ruer promptement ſur les Portugallois, & les preſſer de telle violence qu'ils demeuraſſent accablez, à ce coup, confiſſéré qu'il n'y avoit apparence qu'ils peuſſent ſubſiſter plus longuement, ayans eſté tant haraſſez. Naubeadarim acceptant ceſte charge, vient au gué & taſche de rompre l'impelſchement qui luy faiſoyent Pacheco & les ſiens, leſquels ſe porterent ſi vaillamment qu'outre ce qu'ils ſouſtindrent tous les efforts des Calecutiens ils les contraignirent de tourner le dos, leur donnerent la chaſſe viuement, & les endommagerent fort alors : car ils mirent à fond vingt brigantins, & tuerent ſix cens hommes. Le Roy ayant perdu toute eſperance de pouvoir gaigner ce paſſage, fit deſmonter les canons bracqués en la tour, & leuer le camp. Pacheco pourſuivit aſſez loin l'armée navale, puis ayant prins terre mit le feu en deux grands villages. Cela fait il revint au gué ſur les dix heures. La bataille avoit commencé au point du jour, & dura juſques environ ce temps. Apres s'e-

fire rafraischy quelque peu, Pacheco entendit de ses espions qu'assez pres de là y auoit vne bourgade bien peuplee, mais pour lors mal fournie de gens. Il y alla promptement, aliaillit à l'impourueue ceux de dedans, entua la plupart, & mit le feu dedans les maisons. Comme il se vouloit retirer les ennemis espars se reioignent, & luy courent sus: luy en fait tomber grand nombre sur la place, blesse plusieurs des autres, & les contraint se sauuer de viffesse. En quoy ie ne suis pas tant esbahy de ses victoires, que ie m'estône de son travail, de sa diligēce & viffesse. Car il s'endurcissoit à la peine, il n'y auoit difficulté qui l'arrestast & ne faignoit de fourrer la teste à trauers tout danger pour donner la chasse à ses ennemis. Estât donc de retour au gué, il trouua plusieurs seruiteurs & domestiques du Roy de Cochim, avec force viandes & fruits que l'Isle porte, qui luy furent presentez pour le soulagement de luy & de ses soldats.

Le Roy de Calicut las de la guerre, y est poussé de rechef par man mais conseil.

EN cetemps le Roy de Calicut commençoit à se repentir d'auoir esmeu ceste guerre, & desiroit se retirer en sa ville, ayant pour cest effect cassé la plupart de ses troupes. Naubecadarim estoit entierement de cest aduis. Mais le seigneur de Repelin, ces Arabes qui estoient au conseil, & les deux Milannois s'estoyent au contraire que le Roy ne pouuoit bonement laisser les choses ainsi, veu qu'il y alloit nō seulement de son honneur, mais aussi de la conseruation de ses estats. D'autant que s'il retournoit à Calicut laissant la place aux ennemis, outre l'ignominie dont il se flectiroit, ses ennemis en deuiendroient plus aspres & insolens, tellemēt qu'il auroit pais apres toutes les peines du monde à les chasser arriere des limites de son royaume. Qu'il pouuoit s'abstenir de commencer ceste guerre sans autrement preiudicier à sa dignité: mais que de quitter ainsi les affaires, il ne pourroit sinon encourir la mocquerie des grands & des petits. D'auantage qu'il ne falloit pas tenir pour chose impossible le traicté en l'Isle de Cochim, veu qu'il y auoit d'autres passages encores à fonder, par où l'armée pourroit entrer plus aisément. Pres du destroit ou les batailles precedentes furent donnees y auoit vn autre gué nommé Pallignare, si fangeux que celuy qui le vouloit

traverser y eſtât entré ne s'en pouoit retirer qu'avec indigne peine. Le riuage du coſté de Calecut eſtoit couvert de buiſſons & broſailles eſpaïſſes. Neantmoins ils ſe perſuadoient pouoir paſſer en ceſt endroit, pource que les nauires de Pacheco ne pouoyét y entrer, à cauſe que les eaux y eſtoient trop baſſes. De là ils faiſoient leur compte de gagner le deſtroit par où le Roy eſtoit paſſé lors qu'il conquist l'Iſle de Cochim ſur Trimumpara : & ſ'alleuroient d'entrer par là, ſi promptement que Pacheco ne viendroit jamais d'heure au ſecours. Melmes ils cuidoient que Pacheco s'endormiroit, & n'assembleroit aucunes forces pour empêcher l'exécution de ceſte entreprinſe, laquelle ayant eſté ainſi reſolue, ils deſcenderent. Du commencement, les deſcouureurs de Cochim eſtimèrent que le Roy de Calecut auoit perdu toute eſperance de venir au deſſus de ſon entreprinſe, & s'en retournoit en ſon pays. Mais apperceuans qu'il ſe rendoit au gué de Palignate, ſur l'heure ils en donèrent aduertissement à Pacheco, lequel fut auerty par d'autre eſpions qu'en l'Iſle d'Arrol eſtoient deſcendus cinq cens ſoldats Calecutiens, qui en grande allegreſſe abbatoyent les arbres d'une forêt, qui eſt une conſtume obſeruee par ces peuples quand ils eſſeurent d'obtenir quelque victoire. Or pource que l'Iſle n'eſtoit gueres eſlongnee, Pacheco partit en diligence pour y aller avec deux cens hommes de Cochim (car pluſieurs eſtoient reuenus, & auoient obtenu pardon de leur reuolte) & quelques Portugallois. Il diuiſa ſes troupes en deux bandes, de l'une deſquelles il donna charge à Pierre Raphael, & luy conduiſit l'autre. Les ennemis furent taillez en pieces pour la pluſpart, d'autant qu'ils voulurent faire teſte : outre plus cinquante demeurèrent priſonniers & les amena-on au Roy de Cochim.

Il n'eſtoit pas beſoin que Pacheco demeurast plus long temps à garder le paſſage du gué, & d'autre part la grandeur du danger ne luy permettoit de laiſſer une entrée libre à l'ennemy, il fit tourner les nauires tout à point vers un autre deſtroit propre pour entrer en Cochim, nommé Palurce, à une lieue loin du gué de Palignate. Eſtant à l'ancre en ce lieu, il entendit que le Roy de Calecut

Pouruoiance
notable de
Pacheco aux
affaires de la
guerre.

s'estoit resolu de passer le gué le lendemain qui estoit le premier iour de May. Lors il delibera y aller avec les basteaux, & laisser les nauires avec quelques Capitaines au destroit de Palurce: tenant comme pour certain que l'ennemy s'essayeroit de forcer l'un & l'autre passage. Mais auant que partir il fit couper & brusler les arbres qui estoient en l'Isle à l'opposite des nauires, afin que les ennemis ne s'y peussent loger à couuert, & s'en seruir de rempar pour euitier la furie du canon des nauires, lesquelles il dispose en telle sorte qu'elles estoient quelque peu eslongnees, & neantmoins attachees & retenues avec des cables afin de se pouuoir entresecourir & occuper tout le destroit. En ces difficultez il apperceuoit vne commodité, que lon ne pouuoit forcer les deux guez en vn mesme instant. Car quand la maree montoit, le gué de Palignare se remplissoit tellement qu'il estoit impossible le passer à pied: & quant aux grands vaisseaux ils ne pouuoient y entrer ny au venir ny au departir de la maree. Pour le regard du gué de Palurce où estoient les nauires, les grands vaisseaux le trauersoyent aisément quand le flot de mer se haussoit, mais s'estant abaissé ils estoient contraincts de reprendre le large. Ainsi lors que les pietons pouuoient franchir le gué de Palignare, la flotte ne pouuoit trauerser celuy de Palurce: & au contraire la roideur du reflux au gué de Palignare empeschoit le passage à l'armée, lors que presques à pié sec il estoit aisé d'entrer en Cochim par le destroit de Palurce. Ce que Pacheco descouurit, & pourrât fist estat d'épescier les ennemis en tous les deux endroits en diuers temps, gardét Palurce quand la mer hausseroit, & Palignare lors qu'elle baisseroit.

*Harangue de
Pacheco à ses
Capitaines
& soldats.*

AYANT donc deliberé de se rendre au gué de Palignare il fit entendre aux Capitaines commis à la garde du destroit de Palurce ce qu'ils auoyent à faire, & leur monstra quel signal ils auroient à luy donner pour venir à leur secours si la necessité le pressoit. Lors il les exhorta d'auoir l'honneur de Dieu & le leur en recommandatiō, declarant que la bataille à laquelle ils s'apprestoyent seroit beaucoup plus furieuse que les precedentes. Qu'il scauoit bien que ceux à qui sa parole s'adressoit estoient gens resolus contre tous dangers: mais que le cœur leur deuoit

croistre d'autât plus que le peril inévitable en apparence approchoit de leurs testtes: Au reste il les prioit de s'asseurer que comme nostre Seigneur leur avoit assisté és autres combats, ils ne les abandonneroit non plus en cestuier: d'autant que le bras du tout puissant ne peut estre serré en quelques limites, & n'y a force humaine ny multitude tât grande soit elle qui luy puisse resister. Cela dit, il les admonnesta de boire & manger, adjoûtant qu'il se doutoit bien qu'ils ne feroient le lendemain autre repas que celui que leur prouesse leur apresteroit. Eux suivant cela banquetterent ensemble, & après avoir posé les sentinelles se reposent, n'oubliant pas à se recommander de bon cœur à Dieu. Dés la pointe du iour Pacheco se rendit au gué, & descouvrit au riuage le Prince de Cochim enuoyé de par le Roy avec six cens soldats pour faire teste aux ennemis. Or Pacheco attendoit que le Roy de Calcut se vinst jettier au destroit: mais appercevant qu'iceluy n'entreprenoit rien, & que le flus de la mer remplissoit & gardoit le passage, il vogua en diligence vers les navires, & de là commença à assaillir en diuers endroits les Calcutiens selon que la commodité se presentoit: se cōduisant au reste de telle sorte, que fust de iour, de nuict, en beaux temps ou durant la tempeste, on le voyoit tousiours au gué de Palignare quand la marée reculoit, & en celui de Palurce lors qu'elle approchoit: sans toutesfois laisser ces passages du tout desnuez: car il avoit fait anchrer les navires au gué de Palurce qui est plus profond, & les basteaux en celui de Palignare.

SURCE ayant entendu par le rapport de ceux qui estoient allez descouvrir que le Roy de Calcut avoit deslibéré d'employer toutes ses forces le lendemain pour forcer le destroit de Palurce: il pourueut promptement à tout ce qui estoit requis pour la defense de ce passage. Christofle Iusarte & Simon Andrade, qui avoient esté laissez avec deux petits vaisseaux au gué de Palignare, le vindrent trouver avant iour pour estre en la bataille, disant puis que la mer avoit rempli le gué, ce seroit une grande honte à eux de perdre une si belle occasion que la vertu & l'honneur presentoyent: & qu'ils retourneroient au gué de Palignare, si tost qu'ils apperceuroient la marée s'a-

Bataille navale entre Pacheco, & le Roy de Calcut.

dedans le gué, quittetout & s'enfuyent. Alors le Prince de Cochim estoit absent, & Pacheco l'auoit enuoyé querir par vn Brachmannes, par la meschanceté duquel estoit auenu que le Prince n'estoit peu venir à temps: car il ne luy voulut rien declarer sinon après auoir veu les affaires du Roy de Calecut acheminees, comme il le desiroit. La pluspart de ces fuyards de Cochim estoient conduits par vn des traistres qui auoit quitté le party de

*Il fait mau-
mais se fier en
gés qui n'ont
point de foy.* Trimumpara, & depuis estoit remis en grace. A l'occa-
sion dequoy, Pacheco qui ne se fioit point en telles gens,
voulut donner auertissement au Prince de la bataille,
qui se deuoit donner, afin qu'il amenast vn plus asseuré
secours. Car le Prince estoit retourné en la ville de Co-
chim, lors que les ennemis cessèrent de guerroyer. In-
sarte cria à haute voix pour faire entendre à Pacheco la
lascheté des traistres: mais il y auoit vn tel bruit d'armes,
& si grande huee des combatans que Pacheco n'entendit
rien.

Sur ces entrefaites le seigneur de Repelin qui suy-
uoit Naubeadarim se trouua au gué. Le Roy qui mar-
choit apres faisoit tous les efforts de gagner ce passage.
Pacheco le recognoissant à ses accoustremens royaux,
fit braquer droit à ce Roy vne piece dont le boulet es-
carbouilla deux de ses plus familiers, ce qui le troubla &
fit reculer, exhortant sans cesse Naubeadarim & le sei-
gneur de Repelin d'enfoncer ces ennemis. Pour à quoy
paruenir ils chassoyent leurs gens à coup de baston, afin
de gagner le bord, les menaçoient aigrement l'espee
au poing s'ils n'executoyent resoluement ce qui leur
estoit commandé, mesmes ils en bleferent quelques
vns. Ainsi les vns poussoyent les autres & s'entr'empes-
choyent. Mais quand ils furent arriuez aux pieux sus-
mentionnez, plusieurs griefuement blesez sous le pied
tomberent à plat: lors ce fut à gemir & lamenter, tel-
lement que tout retentissoit de cris & de plaintes: &
les derriers venus tomboyent sur les premiers. Ce
pendant l'artillerie disposée es batteaux faisoit vn ter-
rible eschec donnant à trauers ceste multitude ainsi
empesree. De là s'ensuyuit vne grande confusion entre
les ennemis: car plusieurs ainsi blesez desirans tourner

en arrière ne pouvoient : les autres estoient voulans faire le mesme estoient contrains de passer vistement outre. Les choses estans en cest estat, grand nôbre de Calecutiens entrent au gué par l'autre endroit qu'ils trauesent sans empeschement, & à coups de hachent tranchent la palissade, puis se saisirent du fort q les soldats de Cochim auoyent abandonné. Pacheco ayant aperceu celà, estima tout perdu : toutesfois il n'en fit aucun semblant, ains approcha du bastéau de Iusarte & se lança dedans, commandant à Iusarte d'entrer au sien : & ainsi en approchant plus pres du gué, il résolut de repousser l'ennemy à coups de canon & d'autres traits. Mais Naubecadariin survint qui recommença le combat aussi furieusement que s'il n'eust fait que commencer. Les Calecutiens s'auançoient hardimēt, & se ramassoyēt pour enclorre de tous costez les Portugallois : mesmes plusieurs d'entre eux empoignoient les anirons du bastéau, tellement qu'il ne se pouuoit remuer. Lors Pacheco se voyant perdu, commence à implorer le secours de Dieu à haute voix, & tout à l'instant conut que la main du Tout puissant combattoit pour luy : car la merée commençoit à s'enfler & couvrir le gué. Au moyen de quoy les Portugallois reprennent courage, & taschèt de pousser le bastéau à force d'anirons. Il combatoyent à coups de dards, de picques, de pieux & bastons bruslez par le bout. Mais tant plus le gué se remplissoit d'eau, plus Pacheco & les siens se monstroyent après au combat, taschans avec vne impetuosité incroyable se retirer du milieu des ennemis qui les auoyent enclos. Finalement, pource que le fus de la mer couuroit le passages de ceste bataille (la plus furieuse de toutes les precedetes) prit fin. Ainsi Pacheco deliuré de la multitude de ses ennemis reuint trouuer Iusarte qui fit de braues exploits en ce combat. Et pource qu'alors les bastéaux vognoyent à l'aïse, l'avis des deux chefs fut de faire iouer l'artillerie : car ils ne vouloyent perdre l'occasion qu'à elle se preseroit. A ceste cause ils comēcent à tirer contre les ennemis qui estoient en terre pres du gué, entant bō nôbre, & cōtraignēt les autres de se sauuer dedas la forest.

Le Roy de Calecut desespéré ce iour là, se plaignoit amerement de son malheur, en ce qu'avec tāt de forces il

*La main de
Dieu se mon
stre es extre
mes dangers.*

*Retraite du
Roy de cale-*

ent, et ce qu'il n'auoit peu forcer quarante hommes seulement. Or cō-
 faut estimer me il se retiroit, estant porté en lictiere, & approchant
 des combats d'un lieu nō gueres eslongné de l'endroit où le gué estoit
 precedens. plus profond, Pierre Raphael fit delascher vn coup de ca-
 nion, dont le boulet esmorella aux pieds de ce Roy
 trois de ses seruiteurs domestiques, mesmes il fut arrou-
 sé de leur sang qui rejaillit sur luy: ce qui luy donna tel-
 les affres que tout soudain il sauta en terre, & s'enfuit
 vistemēt à pied arriere de là. Ceste derniere bataille ayāt
 commencé au point du iour dura iusques à neuf heures
 du matin. Le Roy de Calcut y perdit plus d'hōmes & de
 vaisseaux qu'il n'auoit fait en pas vn des combats prece-
 dens contre les Portugallois, qui resterent tous en vie,
 encores que leurs ennemis combatans desesperement
 leur eussent tiré infinis coups de fiesches, de dards &
 d'autres traits. Qui monstre assez que toute ceste guerre
 fut menee & la victoire acquise par la force de celuy qui
 peut en moins de riē renuerser les ennemis de son saint
 nom, & qui n'abandonne iamais les siens au besoin. Si
 quelqu'un estime cela incroyable, il n'este rien aux homi-
 mes, mais il raut la gloire à Dieu, & monstre ne sçauoir
 combien la vraye religion a grande efficace. Ceux qui
 ont quelque crainte de Dieu, & qui ont senti sa faueur en
 diuers accidens de leur vie, confesseront franchement
 que ceux qui s'appuyent fermement sur le bras de Iesus
 Christ, peuuent executer encor plus grandes choses que
 les susmentionnees, sur tout quand il est questiō de main-
 tenir la gloire d'iceluy. Or il estoit requis que cela auinst
 ainsi lors, à cause que ces peuples ne sçauoyent que c'e-
 stoit de Iesus Christ, & que les Portugallois n'auoyent
 encor le pied ferme es Indes: afin que tels miracles at-
 tirassent plus aisément ces peuples à la cognoissance de
 Dieu, & que les Portugallois s'estans fortifiez possassent
 les fondemens d'une domination, par le moyen de la-
 quelle la lumiere celeste vinst a esclairer les nations du
 Leuant: ce qui auint depuis comme nous le voyons, &
 esperons que ceste lumiere apparoitra encor plus claire-
 ment cy après.

Pieté prudece

et bons amis

de pacheco.

PACHECO se voyant deliuré d'un si grand danger, &
 les ennemis en route, rendit grâces à Dieu avec grande
 deuotion.

deuotion. Sur ce, le Prince de Cochim suruint, auquel Pacheco tourna le dos, n'estimant pas chose seante à sa dignité de parler à vn couard, deserteur & perfide: dõt le Prince fut fort indigné, proposa ses excuses, iurant que c'estoit par la faute du meschant Brachmanné, & non par la sienne, qu'il ne s'estoit point trouué en la bataille: & que ce Brachmanné auoit resolu né l'appeller, sinõ apres que le Roy de Calecut auroit exterminé les Portugallois. Ceste excuse contreta Pacheco qui dit que le Roy de Cochim, oncle du Prince, estoit cause de tout le mal, pource qu'il auoit receu en sa protection ces garnemens qui puis apres le trahissoient. Qu'un homme sage ne se fierà iamais en celuy qui aura vne fois rompu sa foy. On scauoit que les premiers soldats qui se desbanderēt pour fuir en la ville de Cochim estoient aux gages du Prince de Mangate, lequel au parauant auoit laschement quitté le party du Roy de Cochim. Au depart du prince, Pacheco se retira en ces nauires, où le Roy le vint visiter, & avec sesmoignage de grãde ioye le gratifia de la belle victoire qu'il auoit obtenue. Pacheco se pleignant lors de la fuite & trahison des soldats, en reietta toute la coulpe sur le prince de Māgate, & admonesta le Roy d'vser de son autorité, en faisant mourir, ou du moins bannissant ce mal-heureux homme, afin qu'il allast seruir le Roy de Calecut. D'autant qu'il n'y auoit danger tant à craindre que celuy qu'un traistre peut brasser: cela estant vn mal couuert qui tue auant qu'on le puisse cognoistre, pour s'en donner garde. Que le secours des meschans n'auāce iamais les affaires des Roys, au contraire les recule & rēuerse bien souuent. Qu'il desiroit fort que le Roy de Calecut fust secouru de telles gens, afin de pouuoir estre rāt plus tost ruiné, & chastié de ses meschācetez. Apres auoir passé vne partie du iour en tels & autres propos, le Roy se retira en la ville, & Pacheco se rafraischit & reposa avec les siens de tant de travaux precedens.

Mais le Roy de Calecut ne faisoit qu'outrager & *Pernicienn*
maudire ses capitaines & soldats, disāt que leur couardise *effors du sieur*
auoit esté cause que les Portugallois estoient encores en *de Repelin*
vic. Le seigneur de Repelin voulant en quelque sorte *s'aidant de la*
appaiser ceste cholere, delibera d'exterminer les Portu- *peau dis-re-*

*nard, celle
du lyon n'a-
yant de rien
serui, en
quoy il rencō-
tre mal,
Dieu detestāt
la fraude au-
tant quel'in-
iuste violāce.*

*Renouelle-
ment de guer-
re.*

gallois par quelque finesse, puis que par force l'on n'en auoit peu venir a bout. Premièrement dont il corrompit par argent quelques gens de Cochim afin d'empoisonner les fontaines où Pacheco & les siens puisoyent l'eau. En apres il tascha par tous moyens que l'on mēlast de la poison parmy leur pain. Dont Pacheco ayant ouy nouvelles, donna ordre que tous les iours on fouist des puis dont les Portugallois beuuoient l'eau: car la terre de Cochim est basse & abondante en eaux, comme sont pres- que toutes terres proches de la mer. Il pourueut aussi soigneusement que pas vn des siens n'achetast viures quelconques que le vendeur n'en goustost premierement. Ce seigneur de Repelin sentant toutes ses mines esuētees, en voulut dresser vne autre, à sçauoir mener la flotte de Calecut en Cochim durant quelque nuit fort obscure, afin qu'une partie des vaisseaux prenant terre on mist le feu en la ville, & que l'autre partie surprinst & desfist les Portugallois. Mais la vigilance de Pacheco preuint & rōpit tels frauduleux desseins. Cependāt Pacheco fortifioit le gué, faisant creuser aupres vn fossé, dressoit des forts, preparoit diuers engins, menaçant d'exterminer biē tost le Roy de Calecut. Il donnoit souuent l'alarme aux ennemis, passoit en terre ferme, où il faisoit de grands rauages. Aussi couroit-il au long des goulfes & riuieres: mesmes il print quelques nauires munies d'artillerie, lesquelles il donna au Roy de Cochim. Et afin que l'on pensast qu'il ne s'eslongneroit pas si tost de ce gué, il se fit bastir vne maison aupres, environnee d'un fossé, rempli puis apres de l'eau de canal. Le Roy de Calecut fut tellement irrité de tels deportemens, qu'il resolut de sonder derechef le gué. Cependāt il enuoya quelques vaisseaux pour endommager ceux de Cochim: mais ils trouuoient tousiours en teste les Portugallois qui les cōtraignoient ne se retirer avec perte. Vne fois Pacheco voulāt assaillir dixhuit Brigantins, se trouua inopinément enuēloppé de trente quatre embutches pour le surprendre: ce qui l'estonna fort, car il s'estoit legerement auancé auant qu'auoir descouuert le nōbre des vaisseaux de l'ennemy. En ce danger les Portugallois monstrerent tout ce qu'ils auoyent d'adresser & de vaillance, tant que les enae-

mis furent contrains gagner le haut : ainsi retournerent victorieux au gué, ayans conquis quatre vaisseaux, plusieurs canons, & diuers butin. Or combien que le Roy de Calecut eust deslors bonne enuie de courir sus aux Portugallois, & les molester puis q̄ deuât avec plus grâdes forces que iamais, neantmoins il fut contrainct de differer en autre temps à cause de la peste qui se ralluma en son royaume. Ce nonobstant il faisoit tout son possible de ruiner Pacheco ou par armes descouuertes, ou par trahisons : mais ce vaillant & sage Capitaine preuenoit les embusches par l'adresses de s^{on} esprit, par sa prouesse repoussoit l'effort des ennemis, sur lesquels il empor-
toit plusieurs victoires nauales.

FINALEM^{ENT} arriva le temps que le Roy de Calecut s'estoit resolu marcher derechef contre les Portugallois avec plus grandes forces que deuant. Le seigneur de Repelin menoit l'auantgarde, en laquelle y auoit grand nombre de pionniers avec hoyaux, coignes & autres ferremens pour aplanir les chemins, creuser des fosses, faire des rempars, afin de placer l'artillerie à couuert, & empescher que les Portugallois ne la peussent endomager. Le Roy marchoit apres avec trente mil hommes, & force pieces de batterie. Il auoit fait porter par eau de gros fardeaux d'estoupe entortillee & poissée pour y mettre le feu & bruller les vaisseaux de Pacheco, quand il en seroit temps. Puis vogueyent cent & dix paraux ou brigantins bien equippez, partie enchainez les vns aux autres, partie separez. Ils estoient suyuis de cent galeres & de quatre vingt barques de passage. Or ce qui haussait le cœur au Roy de Calecut estoient certaines tourelles dressees par l'industrie d'un more de Repelin, home qui auoit hanté les guerres & veu beaucoup de pays, en la sorte que s'ensuit. Deux brigantins despouillez de tout leur equippage, estoient eslongnez l'un de l'autre la longueur d'une moyenne pique. Puis cest ingenieux fit ioindre les proues par le moyen d'un gros cheuiron de bois, trauerçant un autre cheuiron de poupe en poupe, qui retenoit si fermement ces deux brigantins qu'on ne les pouuoit separer. Sur ces deux cheurons on en portoit quelques autres en trauers : & l'espace entre les deux

Derniere guerre & bataille du Roy de Calecut contre Pacheco Et les siens, avec diuers notables accidens de ruse & de prouesse.

estoit tellement rempli d'autres pieces, que le tout ensemble ressembloit à vn plancher. Tous ces cheurons estoient clouez & attaché fermement en trois endroits. En chaque costé de ceste charpenterie faite en quarré, estoit planté vn rang de cheurons de quatorze pieds de haut, faisant comme vne muraille. Le tout fut affermy de tenons & iointures si bien cheuillées & ferrées, qu'il n'y auoit pas apparence qu'on les peust rōpre. Puis les poutres attachees dessus les cheurons rendoyent la charpenterie beaucoup plus forte. En apres il y auoit au haut des fortes clayes & lōgue perches: & en ce plancher d'en haut de la plus haute tourelle on pouuoit loger quarante soldats pour combattre, & se remuer à l'aise. Ainsi furent basties huit autres moindres tourelles sur seize brigantins. Ces engins furent dressez, à ce que quand la mer se seroit retiree les vaisseaux de Calecut estans auancez & pres de ceux de Portugal, les tourelles eussent tellement le dessus que les soldats y logez peussent aisément lancer leurs traits & le feu. Les Calecutiens ayās vœux tels engins s'assurerent tous de la victoire. Mais Pacheco se fortifia contre ceste inuention comme s'enfuit. Il fit attacher fermement ensemble, à gros crochets de fer des masts de nauire ayans quatre vingt pieds de long, & les disposa en quarré, ayans autant en longueur qu'en largeur. Puis il commenda qu'on posast ceste machine deuant les nauires vn peu loin des prouës, & les fit retenir de six anchres selon le naturel du reflux, à scauoir que quand la marée montoit trois anchres arrestoyent la machine, & les trois autres faisoient le mesme, lors que la marée baissoit. Or cela fut ainsi dressé afin d'empêcher que quād les carenes des vaisseaux de Calecut voudroyēt approcher, ils ne peussent faire ioindre leurs tourelles aux nauires de Pacheco. D'autre costé Pierre Raphael fit couper quelques masts qui furent acoustrez en forme de colonnes & plantez sur le plancher des nauires: aux faistes on dressa des chapiteaux ou cabinets qui pouuoient contenir six soldats pour resister à ceux des tourelles: car la hauteur de chaque chapiteau esgaloit la hauteur des tourelles portees es brigantins de Calecut, selon que Pacheco auoit descouuert entierement

& par le menu, par le moyen de ses espions le nombre des soldats de l'ennemy, toutes les sortes de ses machines de guerre, la mesure d'icelles, & tous les desseins du Roy de Calecut. L'armée de terre faisoit vn merueilleux bruit tant à cause des bues de diuers son, que du froissis & cliquetis des armes: ce qui eust peu faire fondre le cœur à gens non experimentez en guerre. Mais tãdis qu'ils iettoient ces cris en l'air, Pacheco donnoit ordre de les estôner à bon escient: car ayât mis pied à terre en vn endroit del'isle d'Arraul, assez pres duquel les navires pouuoÿt flotter à l'aide du reflux, il fit vne course sur l'auantgarde ennemie: toutesfois pour n'estre enuelpé de ceste grande multitude, apres en auoir fait tomber quelques vns par terre, il print le chemin pour retourner en ses vaisseaux, sans perte d'aucun des siens. Le Roy de Calecut ayât entendu combien Pacheco s'estoit hardiment auancé en ceste course, commença à s'eschauffer de cholere & de despit: faisant cognoistre qu'il ne luy estoit plus possible de porter tant de brauades, specialemēt celle là. Pourtant il commanda à ses capitaines de luy amener Pacheco pieds & poings liez, afin de le gehenner & faire mourir cruellement. Ils marchent incontinent en diligence, & font tous leurs efforts d'excuter ce commandemēt: mais au lieu de prendre Pacheco, ils furent chassiez, & plusieurs des leurs tuez sur le champ.

En ces entrefaites, le soleil se leua. Or la marée venât lors à baisser pouffoit la flotte de Calecut contre les vaisseaux de Portugal. Les fardeaux d'estoupe estans allumez & iettez rencontrèrent les masts que Pacheco auoit fait retenir par six anches, comme dit a esté cy dessus, & s'arrestèrent tout soudain, tellement qu'au lieu de nuire, ils soulageoyent grandement les Portugallois: car tandis que le feu dura les ennemis n'osèrent approcher plus pres. Ce vain espouuantail consommé, leur flotte s'auança. Mais leur plus grande tourelle ayant rencontré les masts & ne pouuant passer outre, fut contrainte de s'arrester, & tirer de là contre Pacheco & les siens, qui de leur part canonnoÿent furieusement les brigantins prochains de ceste tourelle, & en briserent quelques vns. Sur ce, Pacheco fit braquer & lascher vne de ses plus

grosses pieces, nommee le chameau, contre ceste tourelle, laquelle demeura entiere, encor que le coup fust fort violent. Durant ces canonnades, les ennemis voyât leur tourelle se maintenir ferme commencerent à presser plus hardiment les Portugallois, & faire des huees & cris de grande ioye. Les autres tourelles voyans cela voguerent fort resoluement vers ce mesme endroit. En apres les ennemis commencerent à lancer tant de traits que l'on ne voyoit & sentoit qu'une nuee de fleches & vne pluye de boulets de fer & de plomb parmy l'horrible embrasement & l'espaissè fumee des canons & harquebuses. Lors Pacheco effroyé leue les yeux au ciel, & comence à dire si haut que ses soldats l'entendoyent, O Dieu souuerain, ie confesse auoir commis des pechez qui meritent vn tres-grief chastiment. Toutesfois ie te supplie de tout mon cœur que tu en differes la vengeance à vn autre temps, où il ne sera point question de l'honneur & de la gloire de ton saint nom. Ayant fait ceste priere il fit braquer & lâcher derechef le chameau, ce qui fut executé si dextrement que le boulet rompit vne grande partie de la tourelle, fit tomber les soldats en la mer. Lors Pacheco & les siens commencent à leuer les mains au ciel, en remerciant le Seigneur, duquel ils apperceuoient la puissance à leurs secours, & font teste aux ennemis plus couraueusement que iamais. Finalement ceste tourelle fut du tout abatue moyennant quelques autres volees de canon. Toutesfois les autres demeuroyēt en place, & les soldats logez dedans faisoient vn merueilleux deuoir pour accabler les Portugallois: & pource qu'ils ne pouuoient ioindre de plus pres, ils decochoyent incessamment vn nombre infiny de fleches & d'autres traits. Pacheco & les siens en tiroient pas vn seul coup à faulte: car plusieurs des ennemis furent tuez, grand nombre de brigantins mis à fond ou brisez.

D'VRANT ce combat naual le Roy de Calecut entra au gué avec toutes ses forces, & tasche de gagner le bord pour entrer en Cochim. Mais Christofle Infante & Simon Andrade commandant es basteaux, & Laurent Morene brigantins de Cochim, luy resisterēt vaillamment. D'autrepart le Prince de Cochim avec mille soldats fit bien son deuoir à garder le passage ce iour là,

Brief tous se portèrent tellement qu'il empêcherent les ennemis de passer outre, & les endommagerent en beaucoup de sorte. On a sceu pour certain que ceste bataille fut plus cruelle & sanglante que les precedentes: & qu'en icelle les ennemis perdirent grand nombre d'hommes & de vaisseaux. Elle commença au point du iour, & dura iusques au soir que le flus de la mer venant à remplir le destroit, de grande violence il repoussa en arriere les tourelles: & par ainſi les vns & les autres furent contrains de laisser le combat. Plusieurs soldats de Pacheco furent bleſsez, mais pas vn tué. Depuis il y eut cessation d'armes pour quelques iours, durant lesquels le Roy de Cochim vint carasser Pacheco, le louant & remerciant beaucoup de fois: puis il fit porter des viures & fruits del'Isle pour rafraischir les soldats. Quant au Roy de Calecut, encor qu'il n'esperast plus obtenir victoire, & ne demandast qu'à reprendre le chemin en son royaume, toutesfois estant importuné par plusieurs d'assailir de rechef les Portugallois, & tenter le dernier hazard de la guerre encores pour ce coup, les vint retrouver apres avoir esté batu & desfait tant de fois. Or la victoire avoir tellement haussé le cœur à ses ennemis qu'ils estoient plus aspres au combat que iamais: au contraire les Calecutiens estonnez des coups receus es batailles precedentes, marchaient trop lâchement, & n'osoient venir aux mains: à cause dequoy ils prenoient incontinent la fuite, leur flotte apres avoir esté fort endommagée de l'artillerie de Pacheco ne voulut plus combattre. Le Roy de Calecut extremement despité contre ses Brachmannes, qui l'avoient tant asſeuré au nom de leurs dieux qu'il emporteroit la victoire, & detestant leurs tromperies, se retira avec son armee. Toutesfois il ne cessa pas de dresser embusches pour faire mourir Pacheco: mais telles pratiques ayans esté descouvertes, ceux qui s'en mesloient furent rudement chastiez à coups de baston; puis menez au gibet. Or d'autant que plusieurs Naires de Cochim suruindrent là dessus, supplians instamment Pacheco de sauuer la vie à ces traistres, il les enuoya au Roy, pour en disposer selon que bon luy sembleroit.

LE Roy de Calecut voyant tous ses desseins rompus despité d'auoir receu vne telle honte & fâché de viure, quitta le royaume, establiſſant Naubeadarim pour son ſucceſſeur: puis il ſe retira en vn turcol & lieu de deuotion, afin d'y paſſer le reſte de ſes iours au ſeruiſe de ſes dieux. Toutesſois ſa mere, femme de grand cœur, l'incitoit par lettres & par meſſages à recommencer la guerre. Qu'il n'y auoit point d'ordre de quitter ainſi tout ſans ſe vanger: & valoit mieux mourir mille fois que laiſſer vne telle tache ſur ſon honneur. Que ce pretexte de religion ne procedoit point de pieté, ains de couardiſe. Pourtant ſ'il vouloit eſtre renommé & reſtably en la dignité qu'il auoit perdue, il faloit recommencer & faire ſentir aux ennemis qu'il n'y auoit perre quelconque qui peuſt troubler. Ces diſcours le picquerent tellement qu'il ſortit de ſon cloiſtre pour recommencer la guerre: mais tous les rois & princes qui l'auoyent ſuiuy, voyans ſes affaires ſi mal en point ſ'eſtoient retirez, & ne leur pouuoit on faire reprendre les armes. Meſmes pluſieurs d'entre eux auoyent fait paix avec Trimumpara & Pacheco. Qui fut cauſe que de deſeſpoir il ſe cacha de rechef en ſon turcol. Ceſte guerre dura cinq mois, en laquelle Pacheco trauailla beaucoup, mais l'iſſue fut à ſon tresgrand honneur, & l'ennemy y perdit dixneuf mil hommes tant de maladie qu'es recontres & batailles, puis vn grand nombre de vaiſſeaux. Ceſte guerre acheuee, & la paix faite avec pluſieurs Princes, Pacheco fut aduertty qu'il y auoit eu du tumulte en la ville de Coulam, & que les Sarraſins eſtimans que les Portugallois ne pourroient eſchapper des mains du Roy de Calecut, auoyent conjuré la mort de ceux qui reſtoient en Coulam, comme de fait ils en tuerēt vn. A ceſte occaſion Pacheco y alla: mais il ne toucha point aux meurtriers, de peur d'eſmouuoir quelque ſedition en la ville, où luy & ſes ſiens ſe fuſſent trouuez en danger. Seulement il requit les principaux de garder l'alliance par eux faite avec le Roy de Portugal, en laquelle eſtoit accordé que nulle nauire ne pourroit ſe charger d'eſpicerie auant celle des Portugallois: au cōtraire ie voy, diſoit-il, les nauires des Sarraſins chargees & preſtes à deſmarer, & celles du Roy Emma-

*Tumulte en
Coulam, &
l'ordre que
Pacheco y
mit.*

nuel vuides. Les gouverneurs de Coulam respondent que cela ne s'estoit point fait de leur consentement, mais par l'audace & importunité des Sarrasins, ce qu'ils n'auoyent peu empêcher à cause des grands moyens d'iceux. Sur celà, du consentement des gouverneurs, Pacheco fit descharger les nauires des Sarrasins, leur paya les espiceries, & les fit mettre promptement és nauires du Roy: puis se mit à la voile, & courut avec sa flotte bien equippee toute ceste coste des Indes, print quelques vaisseaux, & fit bon butin. Sa sagesse & vaillance luy auoient acquis tel renom, & le rendoyent si redouté des Rois, princes, & pirates mesmes, que personne n'osoit luy faire teste. Il executa tout ce que nous auons veu cy dessus en l'espace de quelques mois, iusques au commencement de Septembre del'an mil cinq cens & quatre.

EN ce temps, Loup Soarez, dont a esté parlé cy de-
uant arriua en Inde avec vne flotte de treize nauires. Il
auoit entendu par les lettres que Pierre Ataide auoit es-
crites & laissées auant son trespas en la ville de Monzabi-
que, les preparatifs du Roy de Calecut pour faire la guer-
re. Lors qu'il vint mouiller l'ancre au port de Melinde,
le Roy luy auoit delairé le mesme. Pour ceste cause il
s'estoit hasté en ceste navigation, tant qu'à la fin il vint
surgir en l'isle d'Anchedine, où il trouua Antoine Salda-
gne & Roderic Laurent qui y auoyent hyuerné. Or d'au-
tant que le printemps commençoit en ces pays là, il
print la route de Cananor, où il aprint du Roy mes-
mes, & de Gonzale Barbose facteur du Roy de Portu-
gal, ce que Pacheco auoit fait contre le Roy de Calecut.
Le lendemain de son pourparler avec le Roy de Cananor,
qui luy auoit fait fort gracieux recueil, vint vers luy vn
Arabe accompagné d'un ieune garçon de Portugal, avec
lettres des Portugallois qui auoyent esté prins prison-
niers du temps de Capral. Le sommaire de ces lettres es-
toit, que le Roy de Calecut n'auoit plus de moyens de
faire la guerre, & qu'apres tât de pertes par luy faites grâs
& petits condamnoient son entreprisse, comme c'est
l'ordinaire de gens non experimentez de pouruoir à leur
affaires seulement apres auoir esté chassiez de leur folie.
Que les principaux de Calecut les auoyent auertis d'escri-

16.

*Navigation**de Loup Soa-**rez & ce**qu'il fit en**Calecut &**en Cranga-**nor.*

re & faire sçauoir aux capitaines Portugallois que s'ils vouloyent faire paix avec le Roy de Calecut, ils ne sçauoyent desirer temps plus propres qu'alors : dautant que le Roy, qui estoit d'un naturel benin & fidele en ses promesses, auoit tousiours condamné ceste guerre. Sur la fin des lettres ils prioyent & supplioyēt Soarez de ne refuser vn bon accord: veu que ce seroit vn moyē de les affranchir de la miserable seruitude où ils estoient, outre le proufit qui reuiēdroit de cest accord aux Portugallois. Apres que ces lettres euiēt esté leuēs, Soares voulut renuoyer l'Arabe & retenir le garçon : mais cest enfant ne voulut aucunemēt s'y accorder, disant que iamais il ne se feroit ce tort, d'estre cause, en fausant la foy & demeurāt es nauires, de la mort cruelle des prisonniers Chrestiens, qu'on tueroit infailliblement, si pour crainte de seruitude ou d'autre dāger il différoit de retourner. Soarez les ayāt renuoyez delibera de faire voile vers Calecut, ou estant arriué au haure, les principaux de la ville luy enuoyērēt incontinent plusieurs sortes de viandes & de fruits, en signe d'amitié. Mais il ne voulut rien recevoir, protestant n'accepter chose quelconque venant d'eux, que premieremēt ils ne fissent paix ensemble: d'autāt que le present d'un ennemy ne presāgeoit iamais rien de bon à celuy qui le receuoit. Puis apres Cojebique, duquel nous auons fait mention cy dessus, & qui depuis fit de grands seruices aux Portugallois, le vint trouuer, accompagné des deux prisonniers du temps de Capial: lors ils commencerent à traiter de la paix. Ceux de Calecut prioyēt Soarez d'attendre la venue du Roy qui deuoit estre en la ville dans quatre iours. Il fit responce qu'il n'accorderoit point la paix si premierement on ne luy rendoit les prisonniers de Portugal & les deux Milannois: perseuerant en ceste demande. Quant aux prisonniers, ceux de Calecut les luy rendoyent, sans aucune difficulté: mais ils ne pouuoient consentir à la reddition des deux Milannois, pource qu'ils estimoyent que ç'eust esté cōmettre vne grāde meschāceté de trahir & liurer à la mort ceux qu'ils auoyent receu en leur protection & sous leur foy. Or comme ils se portoyent en gens de bien en cest endroit, l'estime Soarez tant plus accusable qui faisoit

*Obstinacion
de Soarez &
fidelité de
ceux de Ca-
lecut.*

plus grands cas d'attrapper deux estrangiers pour les faire mourir cruellement, que de racheter & sauuer grand nombre d'hommes de sa nation. Outre cela il se monstroit vaillamment couard en persistant avec telle opiniastreté en ceste demande: comme si deux hommes eussent peu beaucoup nuire aux Portugallois, & auancer les affaires des ennemis qui auoyent receu tant de bastonnades. D'auantage, comment se peut accorder celà, que ceux qui sont d'avis de chastier les perfides conseillent les personnes avec lesquelles ils veulent traiter quelque accord, de violer la foy promise? Brief puis qu'on ne doit courir sus aux ennemis que pour maintenir les amis: il faut estre beaucoup plus soigneux de la conseruation des vns que de la ruine des autres, Soarez ne considérant cela, sans se soucier de la vie des Portugallois, ny de Cojebique, qui pour l'amour d'eux estoit en danger de mort, fit tirer force coups de canon contre la ville de Calecut, & mit par terre grand nombre de maisons, sous pretexte de ce qu'on ne luy accorderoit sa requeste. De là il print la route de Cochim, visita le Roy, & au nom de celuy de Portugal le loua grandement de sa fidelité, luy portant des presens assez riches de la part d'Emmanuel. Cela fait, il despescha deux capitaines, à sçauoir Pierre Mendoze & Vasque de Carual, pour courir avec leurs nauires toute ceste coste iusques au port de Calecut, la rédre assuree aux amis & confederez, & n'y laisser les ennemis en repos. Puis il donna charge à Alфонse Coste, à Pierre Alфонse, à Lyonel Coutin, & à Roderic Abrei, de faire voile en Coula, afin de receuoir des mains du facteur & charger leurs nauires des espiceries là amassées par la diligēce de Pacheco, lequel ayāt donné ordre à tout, se retira en Cochim, où il fut recueilly de Soares avec l'honneur dont il estoit digne au iugement de chascun.

17.

Guerre de So

ESTANS en ce lieu, Soarez entendit que la ville de Cranganor, qui auoit tousiours tenu le patty du Roy de Calecut, estoit en armes: que tous les habitans se pre-
avez, cōtre ceux de Cranganor & ce qui en auint.
 paroient à la guerre, que leur capitaine nommé Maime auoit équipé huitante brigantins & cinq nauires: que Naubeadarim auoit mis en campagne vne grosse armee, laquelle se reforçoit de iour en iour. Que l'intérieur

des ennemis estoit de surprendre & ruiner le Roy de Cochim, si tost que la flotte de Portugal seroit desmarrée de Cochim. Pour executer cela ils faisoient leur compte de passer vn destroit nommé le gué de Paliport, qu'ils estimoient leur estre beaucoup plus commode que les autres. Soarez ayant descouvert telles entreprises, resolut par l'aui des autres Capitaines d'aller assaillir promptement Cranganor, pour rompre le coup aux ennemis qui n'attendoient rien moins que cela. Suyuant cela ils s'embarquèrent de nuit avec quinze esquifs, vingt cinq brigantins & vne Carauelle, sans bruit quelconque, emmenans mille soldats Portugallois, & mille de Cochim. Le Prince de Cochim gardoit le passage du gué de Paliport avec huiet cens hommes, demeurant en terre, & les autres vogans en mer fort alaigrement & tout assurez d'executer leur dessein. Soarez mit deuant la flotte Tristan de la Forest, Anthoine Saldagne, Pierre Alfonse, Vaisque de Carual & Alfonse Coste avec leurs vaisseaux. Alors le Capitaine Maimame estoit en garde avec ses deux fils en deux grandes nauires fermement iointes ensemble avec quelques fortes chaines, bien fournies d'artillerie, de viures, de toutes fortes d'armes, & de grand nombre de gens de guerre prests à combattre quand il en seroit besoin. Ces cinq Capitaines qui faisoient la pointe viennent à inuestir ces deux nauires, Maimame & ses deux fils les reçoient & soustiennēt d'un courage incroyable: & leur vaillance fut cause que le combat dura plus long temps que lon n'eust pensé. Finalement Maimame & ses fils ayans esté tuez, les soldats & matelots se ietterent dans la mer par vn autre endroit des nauires. Les autres Capitaines Portugallois ayans assailly les brigantins les mirent incontinent en fuite, apres quelques legères escarmouches. Apres ceste desfaite de l'armée de mer, les Capitaines mirent leurs troupes en terre: & le prince de Cochim se vint ioindre avec eux. L'armée de Naubecadarim marcha contre eux, & à l'instant ils vindrent aux mains, ou les vns & les autres combattirent fort resoluement: toutesfois les ennemis voyans tomber leurs gens à monceaux, commencerent à s'effroyer de telle sorte, qu'ils se sauuerent dedans Cranganor, sans toutesfois prendre aui d'y tenir

bon: au contraire comme ils estoient entrez de grande vitesse par vne porte, ils sortirent de mesme tout soudain par l'autre. Les Portugallois qui les talennoient entre- rent de furie & en troupe dans Cranganor, & y mirent le feu. La pluspart des maisons sont de bois, couuertes de grands tas de fucilles de palmiers, qui sont allumettes propres à recevoir le feu. Comme le feu gaignoit presque toute la ville, quelques habitans Chrestiens, qui se tenoyent cachez au parauant pour la crainte des ennemis, accoururent, & prient les Portugallois de faire estaindre le feu, de peur que les temples où ils auoyent l'exercice de leur religion ne fussent bruslez. Encores que l'on taschast de pouruoir à cela en diligence, toutesfois il fut impossible d'empescher que le feu ne cōsumast plusieurs maisons appartenantes aux Chrestiens, auant qu'on le peust estaindre. Les maisons des Arabes & Iuifs non attaintes du feu furent incontinent pillées. On mit aussi le feu aux nauires & brigantins, apres auoir transporté l'artillerie, les armes & autres munitions és nauires de Portugal. Cela executé, Soarez accompagné des autres Capitaines reprit la route de Cochim.

Or pource que mention a esté faite de Cranganor par plusieurs fois, il faut discourir quelque peu sur sa situation & grandeur, sur la multitude des habitans, & sur les coustumes & ceremonies des Chrestiens qui y habitoient. Nous auons dit cy dessus que Cranganor est à huit lieues de Cochim vers le Septentrion. Elle est arrousee par diuers tours & retours d'une riuere qui coule au long & se desgorge en la mer. C'estoit vne grande ville fort hantee de plusieurs nations, à cause du trafic qui y estoit grand & renommé. Au reste, la ville estoit franche, gouuernée par quelques magistrats creéz par les suffrages du peuple. Le Roy de Calicut en estoit protecteur, le parry duquel ceste ville embrassoit sans contredit, quand quelque guerre suruenoit. Toutesfois elle le quitta, ayant veu ses affaires mal succeder contre les Portugallois. Outre les citoyens, elle est habitée de plusieurs estrangers Arabes & autres qui se sont accommodez en ce lieu à cause du trafic. Les estrangers idolatres viennent à la coustume des autres Malabares. Les Chrestiens ont des tēplés qui ne sont

18.

*Descriptio de
Cranganor,
auec les
mœurs et ce-
remnies des
Chrestiens
qui y habi-
tent.*

pas des mieux bastis du monde : car aussi n'ont-ils pas grands moyens en ce lieu là. Ils s'assembleront tous les Dimanches en leur temple, pour y assister au service diuin & ouir les predications. Leur grand Pontife a son siege en certaines montagnes vers le Septentrion, fort esloignées de la mer, & appellent ce pays Chaldee. Or ce Pontife a vn conseil composé de douze Cardinaux, deux Patriarches & plusieurs Euesques, avec lesquels il dispose de tout ce qui concerne la Religion. Tous les Chrestiens qui demeurent es pays de Levant luy obeissent. Les Prestres ont leur couronne de telle sorte, qu'au lieu de la rondité, elle est faite en Croix. Ils se seruent en leurs ceremonies de vin fait de raisins de passe. Tous indifferement communiquent au sacrement de l'Eucharistie sous les deux especes de pain & de vin : mais auant qu'approcher de ce saint bāquet ils font cōfessiō de leurs pechez. On ne baptise point les petis enfans qu'ils n'ayent quarante iours, sinon qu'il leur suruienne quelque maladie & danger de mort. Quand quelqu'un est à l'extremité, vn Prestre le visite : & les malades tiennent pour certain que les prieres qu'iceluy fait les soulagent. A l'entree du temple ils s'arrousent d'eau benite, comme on fait en diuers endroits de l'Europe. Ils obseruent mesmes ceremonies à l'enterrement des morts. Puis les parens & alliez font vn banquet, & demeurēt huit iours à faire bonne chere pour l'amour des morts, dont ils celebrent la memoire, prians Iesus Christ pour le salut eternel d'iceux. Les vefues, qui se marient auāt que l'an entier après la mort de leurs maris soit expiré, perdent leur douaire, ils gardent fort soigneusement la Bible escrite en langue Syriacque, qu'ils appellent Chaldaïque, & sont bien instruire ceux qui la doyuent exposer au peuple en public. Quant aux ieunes qu'on appelle de l'Aduent & du Carême, ils les obseruent assez estroitement : & sont fort deuotieux & ceremonieux à fester les iours solennels comme ont fait en l'Europe. Ils retiennent aussi diligemment le mesme Calendrier que nous auons, avec le iour de bissexe de quatre en quatre ans. Le premier iour de Iuillet, non seulement les Chrestiens, mais aussi les estrangers Iuifs, ou Mahumetistes & Payens, font feste en l'honneur de Saint

Eau beniste.

*Priere pour
lestrespassez.*

*Ieune de Ca
resme & de
l'Aduent.*

*Observation
des iours de
festes.*

Thomas. Ils ont entr'eux des couuents de moines & de nonnains aussi, qui se contiennent en grande chasteté, piété, abstinence & religion. Les prestres y sont mariez: toutes fois si leur premiere femme meurt, il leur est defendu de conuoler en secondes nopces. Le mariage des autres particuliers ne peut estre rompu ny separé que par mort de l'vne ou de l'autre partie. On dit que les Chrestiens qui demeurent en Inde ont tousiours fidelement obserué ceste religion & façon de viure, non seulement au pays de Cranganor, mais en plusieurs autres aussi, depuis le temps de l'Apostre Sainct Thomas, premier Docteur de ces peuples pour les attirer à la cognoissance de Iesus Christ, ont continué iusques à nostre temps.

LE corps de ce Sainct personnage est enterré en vne ville nommee Malipur, au Royaume de Narsingue, & est renommé à cause de plusieurs miracles. Du temps que Martin Alonse de Suse, braue Capitaine, estoit lieutenant des Indes pour le Roy Iean troisieme, on luy apporta vn tableau de cuiure, dans lequel estoient engrauees certaines lettres si vſees de vicilleſſe que personne ne les pouuoit lire. Finalement, il fit venir vn Iuiſ qui entendoit diuerſes langues, & bien verſé es choſes concernant l'antiquité, lequel apres auoir trauaillé apres ceste eſcriture ancienne & de l'agage mal aiſé à comprēdre (à cause qu'il estoit composé de mots ramassez de langues differentes) en vint à bout & le leut. Ces lettres contenoient en ſomme la donation que le Roy (qui viuoit du temps de Sainct Thomas) auoit faite à l'Apostre de certaine eſtendue de terre pour y baſtir vn tēple. Mais puis que nous ſommes entrez en propos de ce Sainct personnage: i'eſtime q̄ ce ne ſera nous eſloigner de noſtre intētion, de mettre icy en auāt vn autre teſmoignage de l'antiquité, pour ſouuenāce de Sainct Thomas. L'an mil cinq cens ſoixāte deux, l'Eueſque de Cochim enuoya à Henry Cardinal de Portugal vn teſmoignage authentique bien ſeellé, lequel contenoit vne hiſtoire digne de recit. En ceste ville autrefois nommee Malipur, & qui a eſté appellé Sainct Thomas, depuis que les Portugallois ont commencé à y trafiquer, y auoit vne Chapelle ſur vn coſtan. Ceux du pays tenoyent que l'Apostre fut tué en ce lieu par les ennemis

*S. Thomas
auteur pre-
mier de la re-
ligion & do-
cteur des
Chrestiens de
Cranganor.*

19.
*Discours sur
le tableau de
l'Apostre S.
Thomas & des
miracles par
lesquels au-
cuns remar-
quent l'anti-
quité des chre-
tiens en ces
pays là.*

*Croix trou-
uee à Malim-
pnr.*

de la religion Chrestienne. Or la coustume est que tous les ans, huit iours deuant la feste de la natiuité de Iesus Christ, tous les Chrestiens s'assembloyent en ceste Chapelle pour y celebrer le seruice diuin. Semblablement enuiron l'an mil cinq cens quarante huit, on auoit trouué sur ce costau vne Croix taillee en pierre, au sommet de laquelle estoit la figure d'un pigeon, la base estant plantee sur vne apparence d'herbes qui sembloient s'espandre au long & au large. Ce sommet, la base, & les bras auoyent les bouts taillez en façon de fleurs de lis. Puis il y auoit vne arcade de la mesme pierre, qui enuironnoit la Croix de toutes parts. En cest arc estoient grauees des lettres que personne ne pouuoit lire. Toutes ces pierres assez pesantes furent esleues sur l'Autel de ceste Chapelle, à force d'hommes. Il y auoit quelques marques de sang fort apparentes en la Croix. Auint au iour que les Chrestiens s'assembloyent en la Chapelle pour solennizer la feste de l'Annoiciation, comme le Prestre qui faisoit le seruice commença à lire l'Euangile, la Croix deuint noire, & en sortit de l'eau en abondance incroyable: puis la couleur noire se changea en bleüe. Es endroits où estoient les taches apparut vne splendeur de couleur de roses. Les annees suivantes, cela auenoit au mesme iour: & ne voyoit-on ce miracle en la Croix es autres iours, dont chacun s'esmerueilloit. Toutesfois il y eut quelque intermission, & le miracle ne continua pas infalliblement tous les ans. Il auint l'an mil cinq cens loixante vn, comme les Chrestiens estoient assemblez en ceste Chapelle en la maniere & avec les solennitez & ceremonies accoustumees, au iour que la Croix auoit accoustumé de ietter certaine liqueur: le Prestre commençant à lire l'Euangile (car ce miracle ne commençoit sinon alors) la Croix fut tout soudain marquee de taches noires & luisantes, ce qui continua tât que peu à peu elle deuint toute noire. Elle luisoit comme si on l'eust frottee d'huile. Les gouttes commencèrent à distiller comme si c'eust esté roussee, puis elles s'enferent tellement que la Croix fut mouillee de toutes parts. Le Prestre acheua son office avec force larmes & soupirs. Cela fait il monta sur l'Autel, & l'esuy avec les linges desquels il s'estoit seruy à l'Autel. In-

continuant

continent les linges furent taints de taches rouges comme sang. Le gouverneur de la ville & tout le peuple là assemblé commencerent à lever les mains au ciel, crier Iesus, misericorde, & tomber en merueilleuse deuotion. Apres que la Croix eust longuement pleuré, elle deuint plus luisante que deuant, & la couleur de sang apparut encore mieux. Ce miracle esmeut le gouuerneur & le principal prestre de s'enquerir diligemment qui pourroit interpreter les lettres grauees en l'arcade. Les habitans du pays respondent qu'il y auoit au Royaume de Narfingue vn Brachmanne fort docte entre les autres, & qui auoit cognoissance de diuerses langues. Soudain on l'enuoya querir; & luy fut demandé s'il cognoissoit ces lettres: à quoy il respondit que c'estoyent lettres antiques, dōt s'aidoyent les sages du temps passé, & que la cognoissance d'icelles estoit abolie par la nonchalance de ceux qui estoient venus depuis: mesmes que le langage auquel elles estoient descrites n'estoit entendu que de fort peu de gens. Ils prient le Brachmanne de monter sur l'Autel, ce qu'il refusa faire, disant que ce seroit se rendre coupable d'un grand forfait de fouler aux pieds vne chose sacrée. Toutesfois on l'importuna tant qu'il y monta, & leur les lettres, qui auoyent telle propriété (selon son dire) qu'une en exprimoit dix, quinze, & vingt autres. Ce qu'elles vouloyent dire contenoit en somme, que Thomas homme de Dieu auoit esté enuoyé en ces pays du temps du Roy Sagan, par le Fils de Dieu, duquel il estoit disciple, pour prescher l'Euangile aux Indiens. Qu'il auoit basti vn temple en ce lieu & fait beaucoup de miracles: & que comme il prioit Dieu à genoux contre ceste croix, vn Brachmanne le transperça d'un coup de picque: que la croix arrousee du sang de ce tres-sainct personnage auoit esté laissée debout pour memoire eternelle de sa vertu. Tel estoit le contenu de ces lettres: ce qui fut receu & creü tāt plus asseurement qu'un autre Brachmanne estant appelé d'un autre lieu, qui estoit fort vieil, & de grande reputation, à cause de son sçauoir, donna la mesme interpretation. l'ay avec moy le pourtrait de ceste Croix taillé en mesme bois dont ceste chapelle est bastie, avec lettres authentiques signees de plusieurs temoins: & la certitude des

choses apparut lors en tât de sortes, que nul ne peut douter des enseignemens que ce pays a du saint Apostre: ce que i'ay estimé deuoir estre icy adiousté, afin qu'on cognoisse tant mieux, combien est grande entre les Chrestiens qui habitent és Indes, la renommee de ce fidele seruiteur de Dieu.

FIN DV TROISIESME LIVRE.




LE QVATRIESME LIVRE DE L'HISTOIRE DE PORTVGAL.

SOMMAIRE.

1. François Almeida enuoyé pour estre Viceroy és Indes.
2. Ambassade du Sultan d'Egypte au Pape contre le Roy de Portugal.
3. Responce d'Emmanuel aux lettres du Pape, contre le Sultans d'Egypte.
4. Recompense de Pacheco estant de retour en Portugal.
5. Estat des affaires en Afrique.
6. Sedition estrange & horrible à Lisbonne contre les Iuifs, mas- sacrez en grand nombre, & ce qui s'en ensuiuit.
7. Nauigation de François Almeida, & ce qu'il fit en Quiloa.
8. Guerre contre le Roy de Mombaze, & le succez d'icelle.
9. Continuation de la nauigation d'Almeida, & ce qu'il fit en Melinde & en l'Isle d'Anchedine.
10. Traité de paix entre Almeida & le Roy d'Onor, rompu par la perfidie de ce Roy, la guerre qui en prouint, & quelle en fut la fin.
11. Ce qui auint entre les Arabes anchrez au port de Coulam & les Portugallois.

12. Description du Royaume de Narsingue, avec autres particularitez.
13. Ambassade du Roy de Narsingue vers Almeide, & sa response, ensemble ce qu'il traita avec le Roy de Cananor.
14. Sedition des Arabes en Conlam contre les Portugallois & ce qui en auint.
15. Arrivee de François Almeide en Cochim, & ce qui se passa entre luy & le Roy.
16. Premier abord de huit navires Portugalloises en l'Isle de Madagascar, aujourdhuy appelée l'Isle de Saint Laurent.
17. Navigation de François Gnaye en Zofala, & des choses qu'il y fit jusques au iour de sa mort.
18. Description du Royaume de Zofala & des deux Ethiopies, & des mœurs des habitans d'icelles.
19. Particuliere description du riche Royaume de Benomotapa en Ethiopie, & de quelques particularitez remarquables au gouvernement de ce Royaume.
20. Des Isles de Maldinar, ample description de l'Isle nommée Zeilan & des singularitez d'icelle, & ce que Laurent Almeide y fit au nom du Roy de Portugal.
21. Discours sur la venue de Loys Vuartoman de Boulongne vers Laurêt Almeide, & ce qui auint aux deux Milanois qui avoient suivy le party du Roy de Calecut.
22. Bataille navale entre la flotte de Calecut & celle de Portugal, & quelle en fut l'issue.
23. Estat d'Espagne & de Portugal, & les poursuites d'Emmanuel pour procurer la paix entre les Princes Chrestiens.
24. Divers deportemens des Portugallois és Indes, & la cruauté d'un de leurs Capitaines.
25. Entreprises du Roy de Cananor contre les Portugallois, & des particularitez notables survenues en la guerre qu'il leur fit.


 OMMÈ les choses sus mentionnees se passoyent, le Roy de Portugal faisoit equipper une grande flotte pour les Indes, de laquelle il establit general François Almeide, gentil-homme sage & vaillant, avec toute charge & autorité, pour estre Viceroy és pays de Leuant. Car pourcé qu'Emmanuel vouloit poser quelque fondement de domination és Indes, afin q' ses facteurs y peussent ne-

r.
 Nouvelle flot
 te enuoyee és
 Indes, pour y
 affermir la
 domination
 du Roy de
 Portugal.

1505.

gocier seurement, & que les Roys ses alliez ne receussent aucun dommage, pour les plaisirs qu'ils faisoient aux Portugallois, il trouua expedient d'auoir vn Viceroy en Luan, pour procurer ces choses fidelemēt, soigneusement & dextrement. En la mesme annee, que lon contoit mil cinq cens & cinq, il enuoya à Rome Iacques de Soule Euesque de Portogalo & Iacques Pacheco docte & eloquent Iuriconsulte, pour faire submission de sa part & en son nom à Iules second nouuellement esleu Pape du commun consentement des Cardinaux, & pour le prier, puis que la guerre d'Afrique ne se pouoit cōtinuer sans grands fraïs, de vouloir octroyer des pardons à ceux qui eslargiroient quelque chose de leurs biens, pour la poursuite de ceste guerre.

2.
*Plainte du
Sultan d'E-
gypte au Pa-
pe contre les
Roys d'Espa-
gne et de Por-
tugal.*

PRESQVES au mesme tēps vint en Portugal vn Cordelier fort estimē entre les siens, general des Moines du mont de Sinaj, nommē Maurus. L'occasion de son voyage estoit telle. Le Sultan d'Egypte & de Syrie fort irritē du dommage que les Portugallois luy auoyent fait en diuers lieux, enuoya lettres au Pape Iules par ce Cordelier, qu'il estima homme propre, afin que par la profession & autoritē du messager, il peust obtenir plus aisēmēt du Pape ce qu'il pretendoit. Ces lettres contenoient que les Roys d'Espagne auoyent fait de grands torts au Sultan: car Fernād Roy d'Arragon s'estoit iettē en armes dās le Royaume de Grenade & d'Andalousie, où il auoit fait mourir cruellemēt vne partie des Mores qui y habitoient, banny les autres & confisqué leurs biens, tyrannisant apres d'une façon estrange ceux qui estoient demeurez au pays: qui pis est, il les auoit forcez de faire profession du Christianisme. Qu'il n'estoit loisible entre les Chrestiens, ny entre les Mahumerans, de contraindre par violence quelq'un à renoncer la religion en laquelle il auoit esté instruit dēs son enfance: & qu'il ne pouoit dissimuler cest outrage qui mertoit en mauuais mesnage les vns cōtre les autres, nuisoit à tous, & condamnoit la religion des vns. D'auantage, qu'Emmanuel Roy de Portugal incommodoit avec ses vaisseaux la mer & les pays des Indes, ayant fait de grans torts à ceux qui y voyageoyent d'Egypte & d'Arabie, mesmes iusques à auoir prins, bu-

ciné & bruslé les propres nauires du Sultan. Que tels deportemens n'estoyent fondez en droit aucun, attendu qu'il n'auoit iamais offensé les Portugallois, qui neantmoins par leurs courtes & rauages luy ostoient vne grãd' part de ses peages & tributs. Que de sa part iusqu'à lors il auoit donné bon ordre que les Chrestiens habitans ou trafiquans en Egypte & Syrie, ou visitans le Sepulchre de Christ, ne fussent aucunement molestez. Mais que si les Roys d'Espagne continuoyent à tourméter ainsi les Mahumetistes, lors il seroit contraint de machiner la ruine des Chrestiens, & feroit aspre vengeance des maux par luy soufferts: car il donneroit ordre que tous les Chrestiens qu'on trouueroit sur ses terres auroient la gorge coupée, que leurs temples & saint Sepulchre seroyent desmolis, brief qu'en tous les pays de son obeissance on n'orroit plus nouuelles des Chrestiens. Outre plus, que pour venger les torts receuz, son intention estoit d'armer vn bon nombre de vaisseaux, & faire à la pluspart de l'Europe tous les maux qui luy seroyent possibles. Finalement il admonnestoit le Pape de procurer que le Roy de Portugal n'enuoyast plus de nauires és Indes, si lon vouloit sauuer de mort cruelle vn grand nombre de Chrestiens, voir debout les temples qui estoyent en Asie & en Egypte, cōtregarder le sepulchre de Iesus Christ, & destourner le saccagemēt de plusieurs ports & côstes de l'Europe, laquelle ne pouuoit faillir de receuoir vne grand' playe, si Emmanuel continuoit ses navigations. Le Pape ayant receu de Maurus ces lettres du Sultan d'Egypte en enuoya copie aux Roys d'Espagne & de Portugal, par la main du mesme messager, les priant de luy mader quelle response eux vouloyent qu'il fist au Sultan. Je n'ay peu sçauoir ce que le Roy d'Espagne rescriuit au Pape. Mais quant à celuy de Portugal sa response fut telle que s'ensuit.

TRES-SAINCT Pere, J'ay veu vos lettres apportees par Maurus, & ay aussi receu le double de celles que le Sultan d'Egypte vous a enuoyees, esquelles il se plaint aigrement des torts que le Roy Fernand (lequel j'ayme & honnore comme mon tres-cher pere) a fait aux Mores demeurans au Royaume de Grenade: ensemble des domages que mes gēs ont portez aux Sarrafins en Inde. En tã d'Egypte.

3.
*Response du
 Roy de Por-
 tugal aux
 lettres du Pa-
 pe et du Sul-
 tan d'Egypte.*

quoy maugré luy il dōne lustre à nostre nō, en mōstrant
 combiē chacun de nous deux est ennemy des Mahume-
 ristes. Car que scauoyēt mieux & plus proprement faire
 les Princes Chrestiens pour acquerir vn perpetuel renō,
 que d'employer tous leurs moyens à exterminer la mes-
 chāte & cruelle superstition de Mahumet, & abolir la me-
 moire de ce mal-heureux brigand? Il menasse, & fait du
 braue & del'insolent, presumant que les Chrestiens se-
 stonnent de paroles arrogantes, & se deportent par
 tels espouuentails de poursuiure leurs saintes entre-
 prises pour le soustenement de la vraye Religion,
 Mon beau pere Fernand, Roy inuinible, fera respōce di-
 gne de sa sagesse & vertu & de ses valeureux exploits.
 Vne chose say-ie bien: c'est que iamais les brauades d'un
 ennemi infidele ne le feront repentir d'auoir acquis vne
 gloire eternelle ayant deliuré l'Espagne de la tyrannie
 des Mores. Pour mon regard, tres-saint Pere, ie vous
 puis protester qu'un de mes plus grāds regrets est que ce
 tyran n'a plus grande occasion de se plaindre, afin qu'en
 sa cholere il peust avec plus grands outrages de paroles
 auoir la reuēche des dommages qu'il auroit receus, en
 s'essayant vainement d'effroyer de parole ceux desquels
 il n'auroit peu venir à bout par la force des armes. Car
 lors que nous auons deliberé d'ouurir le chemin à nos
 nauires pour entrer es indes, & descouurir les pays inco-
 nus à nos predecesseurs, nostre intention a esté de suffo-
 quer l'heresie de Mahumet, dont tant de maux sont sortis
 pour se desborder cōme vn deluge sur le monde, par l'ar-
 tifice du diable ennemy de nostre salut: & par la proues-
 se des Portugallois prendre & raser iusques aux fonde-
 mens la Meque ville d'Arabie, où est le sepulchre de Ma-
 humet. Nous sommes bien marris que cela n'a point en-
 cor esté executé selon nostre desir. Toutesfois nous espe-
 rons moyennant l'ayde de Dieu, que cela se fera quelque
 iour, comme les proiets en sont desia auācez par l'adresse
 & vaillance des Portugallois. Quand donc ce cruel & im-
 portun ennemy verra par pieces le sepulchre de Mahu-
 met, quand le pays qui a nourry vn monstre si execrable
 sera ruiné, & que les adherans de ce faux prophete serōt
 raclez du monde, qu'il fremisse & menasse lors, non pas

maintenant qu'il n'a esté touché sinon au bout du doigt. Quant à ce qu'il menace de massacrer les Chrestiens, ruiner le saint sepulchre, mettre l'Europe à feu & à sang, il n'y a apparence pourquoy personne se doye estonner de ce bruit. Car cest ennemy, qui est auare, ne laissera pas diminuer les tribus qu'il amasse de la deuotion des Chrestiens, ce qui luy auendroit s'il faisoit raser le saint sepulchre & autres lieux que les Chrestiens visitent au prouffit de sa bourse : & n'est pas si beste de vouloir par vne iniure faite à toute la Chrestienté s'exposer à la haine de tous, & procurer qu'ils s'accordent pour luy courir sus d'un mutuel consentement, afin de l'accabler de tous costez. Car vn outrage fait en commun à tous, conioint les cœurs auparavant des-unis, & les incite à se venger de l'ennemy qui les offense. Les Chrestiens n'ont pas tant mis sous le pied le zeile qu'ils ont enuers leur Religion & la recommandation de leur honneur, qu'ils voulussent laisser impunie la meschaceté de ce tyran. Je m'assure donc que si le Sultan fait ce massacre, tous les Chrestiens tant vieux que ieunes s'amasseront de toutes parts, pour chastier vn forfait si execrable. Et veu qu'il n'ignore pas cela, il aura assez de sens pour eslongner de la personne & de ses biens vn mal-heur qu'il ne pourroit euitier s'il s'oublioit iusques là. Cependant il me fasche bien que ce tyran soit monté en tel orgueil par le moyé des diuisions qui sont entre les Princes Chrestiens, que de leur monstrier le poing si audacieusement veu qu'eux pourroyent racler en moins de rien & luy & toute sa puissance. Et pourrant, tres-saint Pere, non seulement ie vous exhorte & admoneste, mais aussi ie vous supplie, que vous preniez en main cest affaire digne de vostre vertu, pieté, sagesse, dignité, grandeur & sainteté : à sçauoir que vous employez vostre autorité sainte pour reuinit les Princes Chrestiens ainsi diuisez, afin que, d'un bon accord, ils meinent leurs armées en Afrique & en Asie pour exterminer vn ennemy lequel est haut monté, non point sur sa force, mais sur la nonchalance & stupidité des Chrestiens, & donnent ordre d'effacer entierement de la memoire des hommes le nom de Mahomet. Si vous le faites, outre ce que vous aplanirez

vn beau chemin à vostre ame au ciel, vous ferez aussi que vostre nom sera immortel en ce monde. Quelques Princes Chrestiens ont fait vne fois grande instance de cela enuers le Pape Alexandre, à qui vous auez succédé. Mais peut estre que cela n'a esté lors executé, pource que Dieu reseruoit à vous seul ceste occasion de gloire & louange perdurable. Or quant à ce que vous demandez que nous vous declarations par lettres la response que voulons que faciez au Sultan, nous recognoiſſons en cela vostre bonne volonté & grande affection enuers nous, qui nous obligera à vous honorer & reuerer en tout le temps de nostre vie. Toutesfois ce n'est pas à nous de prescrire à vostre sagesse, ou au prudent college de messieurs les Cardinaux, ce qu'il faut respondre à l'ennemy, ains seulement descouvrir nostre intention. Afin donc de vous monſtrer ce que j'ay sur le cœur, ie suis celuy que toutes les menaces, espouuantes & difficultez du monde ne peuuent empescher de mettre la main à l'execution de mes desseins: & suis delibéré d'employer tous mes sens, afin de renuerſer & briser de mon pouuoir l'orgueil de ce cruel ennemy, & prie Dieu que par son saint esprit il conferme vostre cœur, afin que vous puissiez tousiours gouverner son Eglise (comme vous faites) à la grande gloire de vostre sainteté. Le Roy de Portugal ayât fait quelques presens a Maurus le renuoya avec ses lettres: & iceluy en receut d'autres du Roy d'Espaigne, puis s'en alla à Rome, où ayant prins les lettres du Pape, il retourna vers Sultan, lequel entendit par la response, qu'il ne falloit point menasser les Portugallois, ains venir aux mains avec eux, pour en voir le bout. A ceste occasion il equippa vn grand nombre de voiles pour les chasser des Indes, dont nous parlerons cy apres.

4.

*Comment la
vertu de Pa-
checo fut reco-
nnue & recô-
pensée en Por-
tugal.*

EN ceste annce, Loup Soarez arriua à Lisbonne: où, combien que le Roy & toute la Cour luy fissent grand accueil, toutesfois chacun auoit les yeux fichez avec grand esbahissement sur Edouard Pacheco, louant infinimēt sa promptitude & diligēce aux hazards de guerre, sa magnanimité es dangers, sa patience à porter les travaux, & son bon-heur en toutes récontres. Le Roy ordōna que l'on feroit vne procession solennelle en faueur d'iceluy,

& marcha avec ses gés en grâde solennité depuis le grād æple iusques à celui de Sainct Dominique. Pacheco estoit à costé du Roy, afin que tous regardassent cōme le Roy honnoroit la vertu de ce gentil hōme. Estāns venus au temple, Iacques Ortis Euesque de Visen, Theologien tref-dōcte & fort eloquent fit vne belle & longue harangue, en laquelle il esleua hautement les prouesses & cœures admirables de Pacheco, en telle sorte toutesfois qu'il rapportoit le tout à la gloire de Dieu. Le Roy ne se contentant pas de cest honneur fait à Pacheco, escriuit presques à tous les Princes Chrestiens, magnifiant en beaucoup de sortes la vaillance & les beaux exploits de Pacheco, afin que la gloire & renōmee d'iceluy volast par toute la Chrestienté. Or afin que chascun voye, cōbien les esperāces humaines sont deceuables, il est bon de cognoistre quelle recōpence recent en fin ce vaillāt personnage. Le Roy ayant entendu que Pacheco estoit pauvre (car il auoit despēdu tout son bien en la guerre) ne l'apportant des Indes pour son butin sinon vne belle louāge d'auoir vaillāment & heurensemēt paracheué vne guerre si dangereuse, il le fit gouuerneur d'vne ville d'Ethiopie, nōmee Sainct George, où l'on a acoustumé de charger l'or pour l'apporter en Portugal: afin qu'en ce gouuernement il peust s'entretenir avec sa famille en quelque honneur. Mais d'autant que sa vertu estoit fort enuiee, il fut calomnié & accusé par ses ennemis d'auoir desrobé au Roy vne grande quantité d'or, & commis plusieurs autres meschancetez. Sur ce rapport le Roy le fit arrester, & amener pieds & poings liez en Portugal, où il fut serré en prisō fort long temps, & traité tres-indigne-mēt, iusques à ce que les choses ayās esté biē examinees, on trouua que ce qui luy estoit mis sus, n'auoit aucune apparence, ou n'estoit tel qu'il s'y falust arrester. Alors il fut eslargy, & remis en ses estats & hōneurs: mais on ne recōpensa pas sa vertu, comme elle le meritoit, tellement qu'il vescu & mourut pauvre. Tāt sōt pernitiex les rapports des meschās à l'oreille des bōs Princes, qu'ils les destournēt de se mōstrer liberaux enuers ceux qui le meritent, chose toutesfois la plus requise es Roys & Princes pour estre estimez vrayement magnifiques. En la mēme

annee le Roy adiousta plusieurs nouuelles ordonnances aux anciennes, lesquelles il reforma, & establit vn reiglement propre pour l'amplification de ses peages & reuenus: donnant ordre de pres à faire limiter exactement les heritages appartenans aux hospitaux & aux malades. Presque au mesme temps, par sa permission, vn gentil-homme nommé Iean Siqueire bastit vn fort en vn quartier d'Ethiopie appellé Gadanabar, pres du cap de Guer: mais ne le pouuant defendre, il le mit entre les mains du Roy, qui le recompensa fort amplement de ses frais & de sa peine. Au mois d'Octobre la peste se fourra dedans Lisbonne, & emporta grand nombre de gés, ce qui contraignit le Roy de se retirer à Almerin.

5.
*Estat des af-
faires d'Afri-
que.*

En ce temps il y auoit vn vaillant Capitaine dans Arzile le nommé Francisque Pereire, qui desia par plusieurs fois auoit fait preuue de sa hardiesse & suffisance. Iceluy obtint du gouuerneur septante cheuaux pour aller faire butin en vn village assis sur vne haute montaigne. Ainsi donc estant deslogé de nuit, il posa son embusche assez pres du lieu. Des la pointe du iour les villageois mettent hors leur bestail & haras au pasturage. Francisque leur court sus à l'impourueu, & emmene tous les troupeaux vers Arzile. Mais les Mores, suyuant leur façon, cōmencerent à erier & donner quelque signal, au moyen dequoy ils esueillerent le voisinage. Plusieurs hommes de cheuals s'assemblent & vont apres Francisque, lequel soustenoit leurs escarmouches faisant sa retraite au pas, & quelquesfois il les chargeoit viuement, afin de rabatre leur cholere. Estant à mi-chemin, pource que ses ennemis le pressoyent, il fit monter ses gens sur vn costau. Les Mores estimans qu'il y eust quelque embusche derriere, s'arresterent court: au moyen dequoy les Portugallois voyoient le chemin ouuert pour se retirer seurement. Il y auoit en la troupe vn braue chevalier nommé Jacques de Viegas, qui à plaine teste commença à appeler les compaignons, afin de donner à toute bride à trauers la troupe qui les suiuoit, Chargeons les, dit-il, assemblez vous qu'ils ne sont pas gens pour nous faire teste. Le capitaine Francisque qui estoit d'vn naturel rebarbatif, commence à se fâcher & tancer rudement Viegas: &

entre autres paroles se mocqua de la cazaque de grosse toile dont il estoit couuert. Encores (luy dit-il) estes vous si mal auisé de donner tel conseil à vn homme qui sçait que c'est de la guerre. Lors Viegas se sou-riât, luy respôd, Seigneur Francisque, ie vous feray voir que ma cazaque vault vn corselet à l'espreeue. Cela mit du tout en cholere le capitaine, lequel repliqua. Si vous estes si vaillant, ie desire le conoistre maintenant à l'effect. Sus donc compagnons, à l'ennemy. Alors ils descochent roidemēt tous à trauers le bataillon des Mores, lesquels estonnez d'une si furieuse charge furent rompus & mis à vau-de-route : laissant quatre vingts des leurs tuez sur le champ, & trente prisonniers. Durant le combat, Francisque iette la veuë sur Veigas qui combattoit de telle force, que le capitaine en demeura comme ravi. Pourtant apres que les ennemis eurent quitté la place, il s'adressa la teste nue à Veigas, & d'une humble parole luy dit, Brave cheualier, supportez mon indiscretion, où s'il vous plaist, prenez le baston & me chastiez : car j'ay bien meritè cela, ayant ainsi mesprisè vostre vertu. Certainement, si j'auois six tels cheualiers en ma compagnie, ie ne ferois difficulté d'entrer en Constantinople, pour saisir le grand Turc, & le faire mon prisonnier. Ainsi deuifans ioyeusement & de bon accord, ils repindrent en Arzile avec vn assez riche butin.

PENDANT ces choses la peste s'enflammoit en Portugal, & s'estant espandue iusques à Sanctaren, plusieurs craignans qu'elle ne gaignast iusques à la Cour qui estoit pres de là, le Roy fut contraint d'en desloger soudainement & se retira en vne ville assise sur vn costau de ça le Toya, appelée Abrantes. La Royne estoit prestè d'acoucher & se deliura d'un enfant masse, le troisieme iour de Mars l'an mil cinq cens & six, lequel au baptesme fut appelé Loys, qui en son viuant se monstra fort vertueux, ingenieux, humain, & craignant Dieu : brief, doué de tant de vertus, que chascun l'estimoit digne de gouverner tout vn monde. Or combien qu'il eust esté façonné excellentmēt en la discipline militaire, & eust aussi toutes les parties requises pour manier affaires d'estat en temps de paix; tout celà neantmoins n'estoit comme

Estat de Portugal.

rien au pris de la pieté qui reluisoit en luy, & l'amflamoit de telle sorte que de la prison de ce corps son ame voloit & conseruoit presque ordinairement au ciel. En la mesme année le Roy fit equipper vne flotte pour les Indes, dont Tristan de Cugne estoit general.

6.

Seditio estrange, monstrée, quels sont les fruits d'un zele sans sci-

PRESQVES au mesme temps: il y eut sedition esmeuë à Lisbonne par la folie & forcenerie de la populace: qui fut vn deluge lequel emporta presques tous les Iuifs qui s'estoient faits Chrestiens. La chose auint cōme s'ensuit. La pluspart de ceux de la ville estoient absens à cause de la peste. Auint en ces iours là que plusieurs François, Flamans & Alemans arriuerent au port de Lisbonne avec leurs marchandises. Le dixneufiesme iour d'Auril plusieurs de ceux qui estoient restez dans la ville se trouuerent au temple de Saint Dominique, pour y ouir messe. Au costé gauche du temple y a vne chapelle fort reuerce de ceux du pais, & appellee la chapelle de Iesus. Sur l'autel d'icelle y-a vn crucefix, la playe du costé duquel estoit couuerte d'une verriere. Quelques vns par deuotion iectant les yeux sur ceste ouuerture, il leur fut auis que certaine clairté en sortoit. Alors ce fut à crier miracle, & dire que Dieu monstroït des tesmoignages de sa presence. Vn Iuif, nagueres deuenü Chrestien, se trouuât là, nia tout haut qu'il y eust aucun miracle, & qu'il n'estoit pas vray semblable que d'un bois sec sortist telle splendeur. Or combien que bon nombre des assistans doutassent de la verité de ce miracle, toutesfois il n'estoit pas temps, ny ne conuenoit à vne telle personne de tenir ce langage, pour perdre sa peine à vouloir arracher de l'entendement de tant de gens vn erreur qui y estoit du tout & tres-fermement planté. La populace donc, qui est d'un naturel impetueux & farouche, & rauie sous pretexte de religion, oyant vn Iuif nier le miracle, commença à murmurer, appellant cest homme traistre, meschant apostat, ennemy detestable de Iesus Christ, & digne de cruel supplice. Apres que plusieurs l'eurent bien outragé de paroles, toute la multitude escumant de cholere se iete sur luy, luy arrache la barbe & les cheveux, le saboule, & le traîne en la place deuant le temple, l'assomme & des-

hire en pieces, & allume vn grand feu, où le corps mort
fut ietté. Tout le reste du peuple acourt à ceste mutinerie.
à vn certain moine, qui auoit la parole en main, fit vn
sermon, où il enflamma viuement les auditeurs à faire
vne vengeance del'injure qu'auoit receu nostre Seigneur.
La populace qui de soy-mesme estoit assez enragee, fut
estee du tout dehors des gonds par vne telle harangue.
Outre plus deux autres moines empoignerent & esleue-
rent en haut vne crois, crians tout haut vengeance, & ex-
hortans le peuple à effusion de sang. A chascun mor ils
s'escrioient heresie, heresie, reprenez la meschante here-
resie, exterminiez la meschante nation. Les François &
Alemands sautent de leurs nauires en terre, & se ioignent
aux Portugallois qui auoyent ia commencé le massacre.
Ils estoient cinq cens en l'execution des cruantez sui-
uantes. D'vne fureur & meschanceté desesperée ils se firent *cruantez de*
comme dogues affamez sur les miserables Iuifs, couppēt *cinq cens mis-*
la gorge à vn grand nombre, & les traînent my-morts
dedans le feu. Et pour besongner plus commodé-
ment on auoit allumé diuers feux en la place où le Iuif
qui mesdit du miracle fut bruslé. Les valets, crocheteurs,
& mariniers, apporteroient alaigrement le bois de tou-
tes parts, afin que la flamme fust suffisante pour executer
leur rage. Les hées des femme, les supplications des hô-
mes, & les cris de tous estoient si pitoyables que c'estoit
assez pour flechir à compassion la cruauté mesme. Tou-
tesfois les massacreurs estoient tellement desnaturez &
despouillez d'humanité, que, sans aucun esgard d'age ni
de sexe, ils meurtrissoient hommes, femmes, enfans: telle-
ment que ce iour là, ils tuerent & bruslerent plus de cinq
cens personnes Iuifues. Le lendemain, pource que le
bruit de ceste sanglante boucherie vola de tous costez,
plus de mille paylans accoururent comme enragez de-
dans Lisbonne, & s'assemblerent avec les meurtriers du
iour precedent. Lors ce fut à recommencer. Et d'autant
que les Iuifs esperdus de frayeur s'estoyent enfermez en
leurs maisons, ces mutins enfoncent les portes, esgor-
gent cruellement hommes, femmes, & filles, escarbouillēt
les testes des petits enfans contre les parois, traînent les
corps morts, ou encores respirans, pour les ietter au feu.

Plusieurs blesez de diuerses playes, & neantmoins encor viuans estoient bruslez. Ce iour, la miserable nation Iuisue auoit receu si grand coup de marteau sur la teste, qu'ils ne pouuoient se lamenter d'un tel rauage ny deplorer leur misere. Ceux qui estoient cachez n'osoient ietter un soupir, encôres qu'ils vissent traîner leurs peres où leurs enfans au supplice: & la peur leur auoit tellement transi les cœurs, que les viuans sembloient estre mort. Ce pendant on saccageoit les maisons. Les meurtriers amassoient l'or, l'argent, & les meubles plus precieux. Les François emportoient la marchandise en leurs nauires: & ces pillages furent cause que plusieurs Iuifs eschapperent ce iour là. Au reste, la fureur de ces brigands les transporta iusques là que d'oser entrer insolemment es Eglises, pour arracher de là les petits enfans, les vieillards & les ieunes filles, qui empoignoient les autels, les croix, & les images des S. en criant misericorde: puis les massacroient tout à l'heure, ou les iettoient dedans le feu. Plusieurs qui auoient le port & apparence de Iuifs se trouuerent lors en extrême danger, & mesmes quelques vns furent tuez: d'autres blesez en diuers endroits de leur corps, auant que pouuoir verifier qu'ils n'auoient aucune acointance avec les Iuifs. Aucuns qui portoyent inimitié à d'autres, en les rencontrant ne faisoient que crier au Iuif, & lors ils estoient facilement, sans qu'on leur donnast le loisir de respondre à la calomnie. Les magistrats n'auoient pas la hardiesse de s'opposer à la fureur de ceste populace. Neantmoins beaucoup de gens de bien sauuerent la vie aux Iuifs qui se retirèrent chez eux, & les garderent comme eux mesmes, leur donnans moyen d'eschapper & aller en lieu seur ailleurs. Toutesfois ce deuxiesme iour le nombre de tuez monta à plus de mille. Au troisieme iour, les massacreurs alterez apres le sang humain se mirent en rue pour continuer: mais ils ne trouuoient plus de gorges à couper. Car le reste des Iuifs, & ceux qui leur attorchoient, estoient sauuez hors de la ville, où demeuroient cachez es maisons de quelques gens de bié. Et toutesfois il y eut encor quelques meurtres. En ces trois iours les meurtriers massacrerent environ deux mille personnes Iuisues.

Sur le soir du troisieme iour Arius Syluius, & Aluar de Castres, gêtis-hommes, & chefs de la iustice, vindrent à main armee dedans Lisbonne, & firent cesser l'emotion. A l'heure mesmes les François & Alemans se retirent en leurs nauires avec force pillage, & haussans les voiles, prennent vistement la route de leurs pays. Le Roy ayant receu les nouuelles de ceste horrible sedition, en fut extrêmement indigné, & tout soudain enuoya à Lisbonne deux des principaux de sa cour, à sçauoir Iacques Almeida & Iacques Lopes, avec plain pouuoir de faire punition de tant de forfaits. Ils firent mourir publiquement un grand nombre des seditieux, qui furent punis de leurs fureurs & cruautéz. Les moines qui auoyent esleué la croix & exhorté la populace à massacrer, furent degredéz, puis estranglez & bruslez. Les Iuges & Magistrats qui auoyent esté paresseux à reprimer ceste rage populaire furent partie priuez de leurs estats, partie condamnez en grosses amendes, & la ville mesme fut depouillee de plusieurs priuileges & honneurs.

D V R A N T ces tempestés de Portugal, François Almeida tenoit la route des Indes. Mais quelques fois les bouraques, d'autres fois la bonasse par trop longue, retardoyent sa course, tellement qu'il eut beaucoup d'affaires avant que pouuoir commodément doubler le Cap de bonne esperance. Car lors il estoit hiuer és pays Meridionaux, & les nauires estoyent rudement bartues des vents & des vagues. D'auantage, les maistres & matelots ayans perdu leur route, se laisserent porter vers le Su beaucoup plus loin qu'il ne falloir, où les iours estoient fort courts alors, à cause du Soleil qui lors estoit le plus esloigné du pôle Antarctique, & faisoit sa course vers l'Arctique. Et ce qui redoit les iours encores plus brieves estoit le brouillaz espais, la pluye impetueuse & continuelle, les neiges ordinaires, qui geloient presques les Portugallois. Finalement le vingtiesme iour de Iuin ils passerent le Cap quoy fait, Almeida fit tourner la flotte plus pres de terre. Mais le second iour de Iuillet vne tourmente soudaine agita merueilleusement les vaisseaux: & icelle apaisée, la flotte ayant costoyé l'Erhiopie Meridionale vint s'arrier au port de Quiloa. Soudain Almeida enuoya gens

7.

*Nauigation
d'Almeide,
ses difficultez
& ce qui luy
auient en Quiloa.*

pour saluer le Roy de sa part : mais ce Roy troublé de sa meschante conscience , sortit de nuict hors la ville. Mahumet Ancon, daquel a esté parlé ci deuant , demoura. Les soldats qui y estoient en garnison , se retirerent vers luy , afin que ious sa conduite ils soustinsissent l'assault des Portugallois. Almeide voyant que le Roy ne venoit point vers luy, ni ne rendoit raison de sa longueur soupçonna que ces mauuais homes machinoient quelque trahison. Or comme le reflux frayast desia le pied des maisons de la ville, Almeide descendit en terre avec cinq cens hommes des plus vaillans de sa flotte : & en bailla deux cens à son fils Laurent , ieune gentil-homme fort hardy , marche apres avec les autres trois cens. Mais alors Mahumets s'en estoit aussi fuy, tellement qu'Almeide entra aisément, & d'autant que personne ne s'opposoit à luy, il craignit qu'on n'eust dressé quelque embusche pour surprendre les gens lors qu'ils seroyent escartez & amusez au butin. Pourtant ils s'arresta, commandant à son fils de marcher au pas, & auoir l'œil par tous, sans permettre à pas vn des siens de se desbander. Il n'y auoit presque personne en la ville, & ceux qui estoient restez, en fort petit nombre, estoient tant eiperdus qu'ils ne scauoient fuir ny demeurer cachez en leurs maillois. Almeide fit apporter tout le pillage en vne maison assez spacieuse, puis le distribua avec grande equitté entre ses soldats, & ne retint pour soy qu'une fleche. Cela fait il delibera de bastir vn fort pres du rivage, en lieu assez commode pour repousser les assaux de l'enemy. Tâdis qu'on travailloit à celà, il enuoye homme expres à Mahumet Ancon, & aux habitans de Quiloa, leur dire qu'ils auoyent occasion de remercier Dieu, en ce que par la force & benignité du tres-bon & tres-puissant Roy Emmanuel, ils estoient deliurez de la seruitude d'un d'esloyal & cruel tyran, pour recouurer leur liberté. Il les admonnestoit aussi de se ramenteuoir les tromperies, embusches, iniures & meschans tours qu'il leur auoit faits. Que par vn changement contraire il auendroit de là en auant qu'on les traiteroit avec toute douceur, & chascun d'eux pourroit se maintenir contre la fureur & malignité de ce pervers. Outre plus qu'il donneroit ordre que moyennant les

armes des Portugallois ils pourroyent aisément repousser les efforts de tous ceux qui leur voudroyent faire tort. Et à ce qu'ils en fussent plus asseurez, il leur declaira son intention estre de leur donner Mahumet pour Roy, veu que c'estoit vn personnage, la fidelité, preud'homme & prudence duquel ils auoyent esprouuee en plusieurs endroits. Et pourtant, il les exhortoit de reuenir, pour faire alliance avec gens qui leur vouloient estre bons amis, & rentrassent avec toute liberté en possession de leurs biens. Ce message les resiouit grandement, & ayans fait monter Mahumet sur vn cheual bien équipé, marchent apres avec cris d'allegresse. Almeide le nomma Roy au nom d'Emmanuel, Roy de Portugal, luy mit sur la teste vne couronne d'or, luy imposant vn tribut annuel montant à petite somme. Mahumet iura solennellement qu'il demeureroit à tousiours fidele vassal d'Emmanuel. Sur ces entrefaites, deux pilotes, l'un nommé Gonzale Pina, l'autre Fernand Bermude, vindrent trouuer Almeide qui les auoit enuoyez à Mozambique pour sentir quelle affection le gouuerneur de l'Isle portoit aux Portugallois : & si lon pourroit entendre par lettres, que quelques vns y auroient peu laisser en passant en quel estat estoient les affaires des Indes. Eux rapportent que tout estoit paisible à Mozambique, & apportent lettres que François Albuquerque & Loup Soarez auoyent laissées es mains du gouuerneur de l'Isle sur leur retour de Calecut en Portugal, lesquelles ne cōtenoyent que bonnes nouuelles. Il auint puis apres que le nouveau Roy Mahumet vint saluer à sa façon le Viceroy Almeide, & le pria humblement de vouloir lascher tous les Arabes qui estoient detenus prisonniers: ce qu'Almeide luy accorda volontairement. Et comme Mahumet le remercioit de celà, il fit vne autre requeste beaucoup plus notable. L'ayeu (dit-il) grande intelligence, amitié & estroite alliance avec le Roy Alfudail, que ce tyran, par vous dechassé du Royaume, tua traistrement. Si Alfudail viuoit, ie luy quitterois sceptre & couronne: car ie ne suis pas celuy qui vueille preferer les richesses & pompes royales à la fidelité & au respect que ie dois porter à mon supérieur. Mais puis que ce Prince est mort, ie vous prie & sup-

Grande fidelité d'un Roy Mahumetifié codānant l'ambition & desloyauté de

plusieurs „ plie, autant qu'il m'est possible, me permettre de faire ve-
Princes qui „ nir pres de moy le fils d'iceluy, pour succeder apres moy
s'appellent „ au royaume. Vray est que i'ay des enfans, qui ne sont pas
Chrestiens. „ du tout indignes d'un tel honneur. Toutesfois si ie les
 „ auance pour regner apres moy, & que i'en frustrer les en-
 „ fans du defunct, ie me deshonnoreray à iamais, & ceste
 „ tache ne souillera pas seulement ma reputation, ains aussi
 „ diffamera toute ma race. Pourtant i'aime mieux laisser
 „ par testament à mes fils un exemple de fidelité & hone-
 „ rreté, qu'un riche patrimoine. Ceste requeste raut en
 „ esbahissement les Portugallois, voyans un Mahumetiste
 „ se monstrer si fidele amy, & mespriser si genereusement
 „ les richesses du royaume, que de preferer de son bon gré
 „ son deuoir enuers un amy trespassé à l'amitié paternelle.
 „ Et pour ceste cause fut il grandement estimé de tous, &
 „ iugé digne de regner sur beaucoup plus de pays, pour a-
 „ uoir ainsi transporté au fils d'Alfudail ce qui appartenoit
 „ aux siens. Suiuant cela on fit venir ce fils du Roy defunct,
 „ auquel tous ceux de Quiloa presterent serment de fide-
 „ lité du consentement d'Almeide, promettans de le rece-
 „ uoir pour Roy.

8. Les choses ayans esté ainsi disposées, Almeida or-
Guerre d'Al- donna pour la garde du fort Pierre Ferreire de Fogaze,
meide en Mô lequel il instruisit bien particulièrement de tout ce qui
baze, & di- estoit requis pour la seureté de ceste place: & s'estant em-
uers accidens barqué, arriua en dedans le quatriesme iour suiuant à
d'icelle. l'emboucheure du haure de Môbaze. Lors il enuoya de-
 „ uant Gonzale Paiua pour sonder la profondeur du port.
 „ Paiua menoit quant & soy deux patrons Arabes, qui sca-
 „ uoyent fort bien l'entree de ce port. En executant ce qui
 „ luy estoit commandé il arriua pres d'une tour, dont ceux
 „ qui la gardoient commencerent à tirer force coups
 „ contre le vaisseau de Paiua, qui de son costé s'appresta
 „ pour les canonner viuement. Auint qu'un coup de bou-
 „ let vint donner en ceste tour ou dans la pouldre où à
 „ trauers quelque autre matiere propre à recevoir le feu,
 „ tellement qu'à l'heure mesme il en sortit une flamme, la-
 „ quelle effroya tant les soldats qu'ils abandonnerent
 „ la tour, & se retirerent en la ville. Paiua ayant entierement
 „ descouuert & sondé la profondeur du goufse, vint trouuer

Almeide, l'assurant qu'il n'y auoit rien à craindre pour ce destroit. Ainsi donc Almeida entre dedans & s'approche avec sa flotte assez pres de la ville. Puis enuoye vn des pilotes de sa nauire aduertir le Roy qu'il n'estoit point abordé là pour faire la guerre, ains pour procurer tout ce qui appartiendroit à la dignité & conseruation d'iceluy. Que la puissance & douceur du Roy de Portugal estoit telle, que ses vassaux & suiets viuoient en beaucoup meilleure condition, que s'ils n'estoyent sous la domination d'aucun Prince qui fust fort pour les garantir: pource qu'en se gouuernât eux mesmes, ils pourroient estre contrains d'auoir tous seuls à porter, avec peril euident, le faix d'vne guerre contre qui les vouldroit assaillir. Mais que s'ils se mettoient en la protection & sauuegarde d'vn bon Roy, cela leur donneroit moyen de repousser aisément l'effort de leurs ennemis. D'auantage, que le Roy de Mombaze ne feroit rien cōtre son hōneur, d'estre vassal d'vn autre, à qui plusieurs grands Rois de l'Inde & de l'Afrique obeissoient volontairement. S'il le faisoit qu'il seroit tousiours reputé par Almeida Prince loyal & confederé du Roy Emmanuel; lequel s'employeroit à le maintenir en sa dignité. Et pour la fin Almeida adioustoit que si le Roy de Mombaze refusoit de se soumettre à la domination de celuy de Portugal, pour viure plus heureusement sous vn tel souuerain, il seroit cōtraint l'amener par force à ce point. Le messager partit avec ce mandement: mais ceux de Mombaze ne luy voulurent permettre de sortir de son esquif. Si tu mets pied à terre, nous te deschirerons par pieces, luy dirent-ils. Desloge d'icy promptement, & va dire à ce Portugallois, que cy deuant il a fait la guerre aux femmes de Quiloa, & que maintenant il a affaire avec des hommes vaillans & bien resolu. S'il en veut venir à l'esprouue, on luy fera bien tost sentir qu'à la mal'heure sa flotte est arriuee en ce port. Almeida ayant entendu ces nouuelles commanda à Iean Nouio & à vn autre pilote de faire tant la nuit prochaine que prendre & luy amener vn des habitans de Mombaze, afin de descouurir l'intention du Roy & quelles forces il auoit. Eux partent & descendent fort coymement en terre, saississent soudainement le premier

qu'ils rencontrent & l'ameinaient à Almeide. Iceluy estoit l'un des domestiques & familiers du Roy. On l'intimida tellement par menaces qu'il confessa que ce Roy ayant entendu la prise de Quiola, auoit (outre ses soldats) fait vne leuee de quatre mil hommes des peuples voisins, & en attendoit deux autres mille. Qu'outre celà il estoit bien muni d'artillerie & de toutes choses pour la guerre: au moyen dequoy il esperoit soutenir & repousser au loin vne armee beaucoup plus puissante que celle de Portugal. Nonobstant cela, Almeide delibera d'assailir la ville: suiuant quoy il enuoya deuant son fils avec quelques autres capitaines, afin de gagner terre en toute diligence, & mettre le feu au quartier de la ville, lequel touchoit au bord de la mer. Laurent & les autres capitaines executent le tout si promptement, que premier que les ennemis s'y peussent opposer le feu auoit ja enuay grand nombre de maisons. Toutesfois ils accourēt à la foule & assaillent les Portugallois, qui les soustienent courageusement. Lors il y eut cruelle meslee, en laquelle ceux de Mombaze perdirent septante hommes; & les Portugallois deux seulement. Ce pendant le feu s'enflamoit & gaignoit les maisons, faisant que les habitans auoyent double sollicitude: car il falloit faire reste à ceux qui leur couroyent sus, & estaindre le feu, de peur qu'il ne ruinaist & mist toute la ville en cendre. A quoy ils ne sceurent si bien pouruoir que la chaleur de ce grand embrasement ne contraignist les Portugallois mesmes de se retirer: & pourtant il rentrēt vistement en leurs esquifs. Le lendemain auant iour Almeide descendit au riuage avec ses troupes, ayant par la lueur du feu, qui n'estoit pas encores estaint, apperceu que personne n'estoit pres de la mer pour l'empescher de prendre terre. Neantmoins craignant quelque embusche; il ne voulut point assailir la ville auant iour: puis il enioignit à son fils d'aller commencer par vn autre endroit. Il n'y auoit muraille quelconque qui empeschast leur assault. Ils entrent donc es rues plaines d'ennemis, lesquelles estoient fort estroites, les maisons haut esleuees, droittes & plattes au dessus, tellement que les pierres & les dards plouuoient de tous costez sur les Portugallois, ce qui les incommodoit

de telle sorte qu'ils ne pouuoient suivre les ennemis qui reculoient: mesmes il leur estoit comme impossible de s'aider de leurs harquebouzes & autres bastons à feu. Aucuns d'eux enfoncent les portes des maisons, montent par les degrez en haut, & à la foule au grand danger de leur vie assaillent ceux qui estoient sur les toicts: & pour ce que ces toicts s'entretenoyent, les maisons estés jointes l'une à l'autre, ils chassent tous ceux qui les endommageoyent de là, & ainsi donnent libre passage à leurs compagnons en rue. D'autre costé les ennemis firent tomber les murailles d'une maison, tellement que ceste ruine rompit l'ordre des soldats d'Almeide, le fils duquel marchoit le premier, ayant apres luy Jean Nouio qui faisoit espaulé. Or le monceau des pierres les separoit tellement, qu'ils ne se pouuoient entrescourir. Lors les traits voloyent des toicts & fenestres en telle abondance, que les Portugallois ne scauoient où se ranger: & pour se garantir furent contrains d'enfoncer les portes d'une autre maison, & d'icelle passer sus les autres, où ayans taillé en pieces une multitude d'ennemis, precipité plusieurs du haut en bas, ils eurent loisir de reprendre halaine. Laurent Almeida prenoyant que Nouio & les siens pouuoient estre en grand danger, descend en rue pour les secourir: mais ils estoient les maistres. Et pourtāt ils se ioingnent tous ensemble pour aller vers le Palais du Roy. Là ils trouvent Pierre Bermude, à qui le Viceroy Almeida avoit laissé la garde de ceste place: Iceluy leur racōte avec quelle prouesse Almeida avoit repoussé les ennemis, & qu'en fin il avoit gaigné le Palais, à l'occasion dequoy le Roy tout desperdu s'estoit sauvé hors de la ville. Laurent marche en diligence pour trouver son pere, lequel il rencontre en une rue attaché au cōbat avec une grosse troupe d'ennemis, lesquels Laurent chargea de telle furie que ils se sauverēt de viffesse en une espaisse forest, où le Roy s'estoit allé cacher. Les Portugallois se reprindrent & reposerent vn petit, puis saccagent la ville. Il n'y avoit pas grand butin: car les ennemis auoyent emporté dehors le plus beau & le meilleur. Toutesfois on y trouua force fleches, dards & autres traits, avec des bastōs à feu de diverses sortes. En ce sac de ville, il y mourut quinze cens

hommes de Mombaze , & y eut dix mille prisonniers, dont Almeida ne retint que deux cens des principaux, & quelques femmes d'apparence, relaschant tous les autres pour aller où bon leur sembleroit. Les Portugallois n'y perdirent que cinq hommes , l'un desquels estoit Fernand Decio braue gentil-homme, qui fut blessé au pied d'une fiesche enuenimée dont il mourut . Il y eut grand nombre de blesez. Almeida commanda qu'on remist le feu en diuers endroits de la ville.

9.
Continuatio
de la nauiga-
tion d'Almei-
de, & ce qu'il
fit en Melin-
de & en l'isle
d'Anchediue.

COMME Almeida estoit occupé à ceste guerre, vn de ses capitaines nommé Vasque Gomeze d'Abrey, la nauire duquel auoit esté separee de la flotte par vne tourmente, vint surgir au port de Mombaze. Ils demarèrent de là tous ensemble, prenans la route de Melinde: mais vn refus tresvehement les repoussa de telle sorte qu'ils furent portez en vn goulse à douze lieue loin de melinde. Là Almeida trouua deux nauires qui y auoyent esté iettees des vens & des vagues. Loup Chanoque estoit Capitaine de l'une, & Jean Lhomme, sage & vaillant capitaine commandoit en l'autre: combien qu'il fust plus propre à executer de la main, qu'à conduire & manier par conseil. Almeida desiroit saluer le Roy, mais estant retenu par le mauuais temps il demeura avec sa flotte. Toutesfois il enuoya gens luy faire la reuerence en son nom, & luy porter des presens de la part du Roy Emmanuel. Le Roy despescha vn sien frere vers Almeida avec force viures & quelques presens: item pour luy dire que celui estoit vn grand desplaisir qu'ils ne pouuoient s'entrevoir. Au departir de là, ils vindrent mouiller l'ancre en l'isle d'Anchediue, le treiziesme iour de Septembre de ceste année là, que l'on contoit mil cinq cens & cinq. Gonzale Gilles Barbose, y laissa des lettres lesquelles il commandoit estre baillees au premier capitaine qui y arriueroit de Portugal: & par icelles auertissoit auoir ja amassé grande quantité despiceries, dont lon pourroit aisément charger plusieurs vaisseaux: d'auantage, que lon attendoit trois nauires Arabesques, chargees de plusieurs marchandises, lesquelles seroyent arrestees & prises sans aucune difficulté, si Almeida vouloit laisser quelques gens au guet en ceste isle pour tout le mois de

Septembre. Ces nouuelles firent que Almeide enuoya Iean l'homme en Cochim, Cananor & Coulam, pour y faire entendre la venue de la flotte, & dire aux facteurs du Roy qu'ils donnassent ordre de faire porter pres du riuage les fardeaux que lon deuoit mettre és nauires. Puis il donna charge à Loup Chanoque & à Gonzale Paiua, de courir soigneusement avec leurs nauires toutes ces estendues de mer, afin que les trois que lon attendoit peussent estre attrappées. Quant à luy, tout promptement il commença à faire bastir vn fort assez pres de la mer, & en creusant la terre furent trouuez quelques mesures & pierres rôpues marquées de Croix rouges & noires en plusieurs endroits: ce qui faisoit presumer que ceste Isle auoit esté autresfois habitée par des Chrestiens. En peu de iours ce fort fut esleué haut, à cause de la multitude de ceux qui trauailloyent apres, & n'y auoit Gentil-homme, Capitaine, ny autre, pour charge quelconque qu'il eust, qui en fut exempt. Ce pendant arriua Manuel Pazagne, lequel Almeide auoit fait chef d'yne partie des nauires, auant qu'auoir doublé le Cap de bonne esperance. Il estoit accompagné d'Anthoine Vascio. Gonsalue Vascio de Goes auoit prins terre en Quiloa, par le commandement de Almeide: & Lue de Fosseque hyuernoit en Mozambique. Loup Sance fut englouty des vagues de l'Ocean avec ceux de sa nauire, exceptez cinq pilotes que Pierre Barret receut à demy morts en sa nauire. C'estoyent les pilotes qui au parauant auoient esté sous la charge de Pazagne, par l'ordonnance d'Almeide, auquel Pazagne raconta que le tyran Habraem, priué du Royaume de Quiloa par Almeide, auoit pratiqué de faire tuer en trahison le Roy Mahumet: & pour executer cela mit en besongne vn vaillant soldat, qui s'estant retiré en la Cour de Mahumet, & deuenu fort familier d'iceluy sous couleur d'amitié, luy perça vn iour le bras d'vn coup de poignard. Mais que la playe n'estoit pas mortelle, & que le traistre ayant esté empoigné, auoit esté châtié de ce meschant acte par vn cruel supplice. Peu de iours apres Chanoque & Paiua retournent avec quelques bastiaux par eux prins, chargés de bon nombre d'Arabes. Il y auoit aussi parmy eux vne Carauelle Indienne, en laquelle

voguoit vn Portugallois enuoyé par Barbose vers Almeide, avec lettres par lesquelles ill'aduertissoit quel'vne des trois nauires qui venoyent d'Arabie, estoit desia arrivee au Haure de Calecut: & que lon y attendoit les deux autres. Qu'en celle-là qui estoit à port y auoit quatre Venitiens enuoyez par le Sultan d'Egypte, pour fonder de l'artillerie au Roy de Calecut, qui les auoit enuoyé demander au Sultan pour tel effect. Adioustant dauantage, que ce Sultan equippoit vn grand nombre de voiles contre les Portugallois, & qu'à Calecut aussi lon faisoit vn grand apprest pour la guerre. Ces nouvelles furent cause qu'Almeide s'enuoya Chanoque & Paiua, leur commandant de tenir la mer & auoir l'œil par tout, à ce que les deux autres nauires venans d'Arabie ne peussent eschapper. De son costé il mit les prisonniers Arabes, amenez par Chanoque, dedans vne gallere (pour le bastiment de laquelle il auoit apporté les matieres necessaires du pays de Portugal) pour y tirer à la rame, & en donna la cōduite à Iean Serrá. Outre plus il luy bailla deux carauelles, pour brider les courses des ennemis sur ceste mer. En l'vne cōmandoit le Capitaine Simon Martin, & en l'autre Jacques Diaze.

10.

*Traité de
paix entre
Almeide &
le Roy d'O-
nor, vōpu par
la perfidie de
ce Roy : la
guerre qui en
prouint &
quelle en fut
la fin.*

Ce fut en celieu que Merlaë Roy d'Onor (qui est vne ville à seize lieues loin de l'Isle Anchediue) enuoya quelques gens vers Almeide, luy demander la paix. Le Pirate Timoja, duquel a esté parlé cy deuant, estoit lors en Onor, desirant aussi faire alliance avec Almeide, & s'estoit accordé avec le Roy d'Onor pour ceste requeste. Ils furent receus tous deux, & Almeide entendit par leur rapport qu'assez pres de là y auoit vne forteresse bié munie nommée Zincatura, appartenant au Roy de Dacani: toutesfois celuy qui y cōmandoit estoit à la solde de Zabajo, Prince de Goa, contre lequel le Roy d'Onor auoit guerre presque ordinairement. Almeide commanda à son fils Laurent d'aller sonder la profondeur du port. Iceuluy approchant avec ses Capitaines de l'emboucheure du fleue qui coule au long de la forteresse, trouua trente piedz de profond, & cinquante plus auant. Puis il descouure la forteresse bastie sur vn costau. Si tost que les soldats de la garnison apperceurent les esquifs, ils vindrent inconti-

nent au riuage de l'eau, estans enuiron mille en fort bon equipage. Huit d'entr'eux seulement estoient à cheual, & l'un de ces huit estoit gouuerneur de ceste forteresse. Les Portugallois leuerent vne banderolle monstrant que ils cerchoient amitié : au moyen dequoy le gouuerneur vint incontînét trouuer Laurent Almeide, & fit paix avec luy : pour confirmation de laquelle il luy enuoya des presens & assez bonne quantité de viures & fruits de la terre pour rafraischir les soldats. Puis au bout de neuf iours, les deputes vindrent trouuer le Viceroy Almeide, avec qui la paix fut confirmee en grandes solennitez. Comme Almeide sejournoit encor en l'isle d'Anchediue, on descouurit vn grand vaisseau qui portoit des cheuaux de Perse. Les Portugallois entrent soudain en des esquifs & vont au deuant : dont les Perses & Arabes logez en ce vaisseau eurent telle apprehension, qu'ils sautent dans leur esquif, & gaignent terre vistement. Or le vaisseau estoit tellement eschoué, qu'on ne le pouuoit retirer à force de rames. Lors s'esleua tout soudain vne tourmente qui mit les esquifs de Portugal en grand danger. De dixneuf cheuaux Persans qui estoient au vaisseau, lon en auoit ja mis neuf es esquifs, lesquels ne pouués plus subsister furent contrains prendre le bord. Les Arabes habités du pays accoururent de tous costez pour voir que c'estoit : lors ils furent priez de garder les cheuaux, iusqu'au retour, apres que ceste tourmente seroit appaisée : ce que les Arabes promettrent. Les Portugallois se retirerent avec grand danger en Anchediue, & apres que la tourmente fut cessée, retournerent pour emmener leurs cheuaux : alors ces Arabes firent responce que le Roy d'Onor les auoit. Almeide l'enuoya auertir de garder plus soigneusement l'alliance, & de rendre promptement les cheuaux. Mais la responce du Roy fut telle, que lon en pouuoit recueillir que ceste sorte de gens ne garde ce qu'elle promet pour fidelité qu'elle ait, mais seulement pour son proufit particulier, en consideration duquel elle oublie souuentes fois le danger qui luy peut auenir pour auoir faussé sa foy. Ceste responce fut cause que Almeide ayant laissé Manuel Pazagne au fort d'Anchediue avec quelque garnison, se mit à la voile pour aller en Onor. Estant arrivé à l'embouchure du fleuve qui coule

au long de la ville, il delibera de fourager le pays & mettre le feu aux nauires qui estoient au port. Mais les Arabes qui estoient embarquez en icelles promirent de faire tant que le Roy d'Onor satisferoit à Almeide, lequel à cause de ceste promesse attendit vn iour entier. Ce pendant tous les habitans de la ville se retirerent de nuit és montagnes voisines, avec tout ce qu'ils peurent emporter. Le Roy s'y estoit retiré aussi. Sur ce Almeide enuoya son fils afin de brusler promptement toutes les nauires qui estoient au port: ce qu'aperceuant le Roy, & le danger euidet de ces nauires, il enuoya quatre mil hommes au secours. Or le feu allumé, partie és nauires partie en la ville, s'embrasoit ja viuement. Almeide voulant empêcher que les ennemis ne le peussent estaindre, commanda à son fils de courir sus à tous ceux qui y voudroyent mettre la main. Les ennemis marchoyent en tel ordre & équipage qu'il n'estoit pas aisé de les repousser. Car ceux qui marchoyent les premiers portoyent de grandes targes, & derriere eux estoient les archers qui descochoyent seurement leurs fiesches, dont les Portugallois estoient blesez. Il sembloit que le combat fust bien party. Mais en fin les Portugallois, donnans à trauers de pied & de teste, mirent ces barbares à vau de ronte. Almeide voyant ses soldats courir apres trop chaudement, fit sonner la retraite. Les ennemis estimans que la crainte fust cause de cela, se rallient, & reuiennent au combat plus eschauffez que deuant. Ils furent soustenus des Portugallois sans troubler leurs rangs ny faire grand bruit. En ceste meslee fut tué bon nombre des ennemis, quatorze nauires furent bruslees, & le feu merueilleusement furieux consuma presque toute la ville. Les Portugallois ne perdirent qu'un homme: & Almeide fut blessé au poulce de la main droite. Incontinent le Roy enuoya gens pour demander pardon & paix: à quoy Almeide fit response qu'il n'auoit pas loisir pour lors de confermer l'alliance, mais qu'il enuoyeroit bié tost son fils pour la ratifier avecques fermes conditions. Cela fait, il print la route de Cananor.

II.

Ce qui auint entre les Ara ment d'Almeide fit entredre à tous & par tout où il estoit

bes ancrez
an port de
Coulam &
les Portugal-
lois.

besoin, la venue & le pouuoir d'icelui. Puis eſtât arriué en Coulam, il entendit d'Anthoine Sala facteur du Roy que par l'importunité des Arabes on reſuſoit de liurer aux nauires de Portugal la charge d'eſpicerieſ qui deuoyent eſtre fournies, ſelon la teneur de l'alliance. Car il y auoit au port trente quatre nauires Arabefques, qui auoient tel credit que de prendre telle charge que bon ſembloit aux maiſtres d'icelles, auant que les nauires de Portugal en receuſſent aucune quantité : combien que l'alliance portaſt que les Arabes n'en auroyent pas vne liure que premierement les nauires de Portugal ne fuſſent fournies. Iean Lhôme qui eſtoit haut à la main, & iamais ne s'eſtônoit, oſta aux Arabes tout l'equippage de leurs nauires, & en cômît la garde à Anthoine Sala. Ce ſera maintenât, dit-il, que vous pourrez ſeuſement charger les nauires du Roy & ne rendrez voiles ny gouuernails à ces traîtres, ſinon apres que nos nauires auront leur fournitures entiere. Ce qu'Anthoine Sala promit faire. Iean Lhomme eſtât party de là, en pourſuiuant ſon voyage print deux nauires d'Arabes, & enferma eſtroitement les priſonniers en la ſentine de ces nauires, puis logea en chaſcune d'icelles trois de ſes matelots: car il ne pouuoit pas faire dauantage, & le vent eſtoit à gré, tellement qu'il eſtimoit que par le moyen de ces trois matelots elles pourroyent eſtre amenees ſeuſement. Deſia il s'eſtoit monſtré à Almeide, & commençoit à entrer dedans le port, quand tout ſoudain les Arabes, empriſônez en l'vne de ces deux nauires, trouuent moyen de ſe deliurer, puis tuent les matelots, & châtegens de voile, gagnent le haut & ſe ſauuent. Almeide fut extremement indigné de ceſt accident, eſtimant que Iean Lhôme auoit meritê d'eſtre priué de ſon eſtat: mais il fut empeſché de le luy oſter, par l'interceſſion de pluſieurs. Or auant que partir de là, il arreſta, ſuiuant l'avis de Gonzale Gilles Barboſe, de faire baſtir vn fort en ce lieu. Car Gonzale luy ramenteuſt la deſloyauté des Mahumetans, qui s'aidoyent de tant de moyens pour chaffer les Portugallois, que quâd le Roy de Cananor voudroit, encores ne pourroit-il les garentir. Pourtant Almeide fit eſtat de ne bouger de ce lieu que le fort entrepris ne fuſt en deſenſe. Il entendit alors que l'Ambaſſadeur du Roy

de Narfingue estoit arriué pour le saluer au nom de son maistre. Mais auât que parler de ceste legation, il ne fera pas mauuais de dire quelque chose de la situation & estēdue du royaume de Narfingue.

12.
*Descriptiō du
royaume de
Narfingue, a
uec autres par
ticularitez
notables de la
religion &
des mœurs
des habitans.*

CE royaume est en la partie de l'Inde Orientale enfermée du Gange, fleuue renommé, vers l'Orient. Il regarde aussi l'Occident, & du costé de terre affronte aux pays conioints au royaume de Goa: & est en guerre cōtinuelle avec les habitans de ces pays. Au reste, il est de fort grande estendue, orné de grād nombre de villes, arrousé de plusieurs riuieres, fort gras & fertile, abōdant en poissons, sauuagine, volaille, menu bestial & haras de grosses bestes. Les habitans sont estrangement superstitieux & idolastres: neantmoins ils auoient & reconnoissent vn seul Dieu, cōfessans qu'il a puissance souveraine sur toutes choses. Leurs temples sont bastis superbement: mais comme es autres temples Iudiens on n'y void autre choses q̄ des images de mōstres & choses effroyables, qu'ils adorent. Ils ont des Brachmannes tant femmes qu'hommes, qui ont charge de tout le seruice, & sont fort honorez de chacun. Il y a vne autre sorte de religieux, estimez comme saincts en ce royaume, & appelez Baneanes: lesquels ont pendue au col vne pierre de la grandeur & grosseur d'vn œuf percée par le milieu, dont sortent trois filets, & disent que ceste pierre represente leur grand Dieu, à cause dequoy ceux qui la portent sont reueuez de tous. Ceste pierre tant estimée se nōme Tambarane. Les Baneanes ne mangent chair ny poisson, & ne se marient qu'vne fois en leur vie. Apres leur mort on enterre leurs vefues toutes vifues auprès d'eux. Les autres femmes apres le decès de leurs maris sont portees en grāde cōpagnie de leurs parēs & amis, avec chançons de resiouissance & de louāge, pres d'vn feu ardāt dedās lequel on les ierre viues. Ils font feste le septiesme iour, à sçauoir le cinquiesme de nostre sepmaine, lequel nous appellons Vendredy. Outre lequel, ils ont plusieurs autres iours de feste au long de l'annee, qu'ils celebrent avec cantiques, seruices & ceremonies à leur mode. Ils croyēt que l'ame est immortelle, & qu'apres ceste vie la iustice Diuine a apresté recompense aux bons & des supplices

aux meschans. Ils se paignent la face, s'habillent brutalement, font adonnez à paillardise, à cause dequoy il y a beaucoup de querelles entr'eux. Celuy qui desfie vn autre combat à outrance, demande place au Roy, en laquelle il puisse seurement combattre son aduersaire. Si c'est quelque homme de marque, le Roy se trouue là en personne, & donne vne petite chaine d'or au vainqueur, qui la doit garder tout le temps de sa vie, autrement il perd tout l'honneur qu'il auoit acquis. Et est loisible à tout homme de leuer les armes contre luy seul à seul, pour essayer qui emportera la chaine, laquelle demeure au plus fort, & luy est ostee s'il se laisse vaincre puis apres par vn encores plus vaillant que luy. Et non seulement les gens de guerre, mais aussi les artisans vident à coups d'espee les debats suruenans entr'eux pour sçauoir qui est le plus excellent ouurier. La plus grande ville du royaume s'appelle Bisnaga, ayant plus de quatre mille pas de tour, plusieurs murailles, les maisons spacieuses, les tēples fort magnifiques, & habitee d'vn tref-grand nombre de personnes. Elle est plaine de diuerses marchandises qu'on y apporte de toutes parts. Les marchans qui amènent par mer des cheuaux de Perse ou d'Arabie ne payent aucun tribut: mais il n'y a point d'exemption pour les autres marchandises. Le Roy achete tous les cheuaux des marchans, puis retient ceux qui luy plaisent, & vend ou donne les autres. Son palais est fort grand & basti à grands frais, orné de tref-plaisans iardins & de viuiers plains d'vne infinité de poissons. Ce Roy ne marche iamais que bien acompagné d'vne grosse garde de soldats, & est grandement respecté & presque adoré de ses suiets. Il se nourrit de viandes exquisés & delicatés au possible, son corps est poly de parfums & liqueurs precieuses, & en approchant on le void resplédisant de toutes parts, à cause de l'or & des pierres precieuses qu'il porte. Entre ses femmes, il en a vne laquelle est la plus excellēte & fauorissee. Mais encor il a vn haras de concubines, qui sont toutes princesses. Quand il meurt, on alame vn feu de bois odoriferas, & met-on le corps sur le bucher. Lors on luy baille pour compaignie toutes ses concubines, tous ses mignons, ses domestiques & seruiteurs qui sont bruslez

avec ce corps. Or ils acourent si alaigrement à ce feu, qu'on void manifestemēt qu'ils estimēt que le plus grād honneur qu'ils pourroyent iamais acquerir cōsiste à estre cōpaignons de leur Roy en sa mort. Les Roys de Narsingue sont bons iusticiers. Les marchans trafiquent en toute feureté. Il y a plusieurs seigneurs subalternes en ce royaume, lesquels le Roy fait mourir ou du moins chastier à coups de baston s'ils font tort à quelque particulier: tellement que nul ne se peut promettre impunité, tant riche puisse-il estre. Les Roys amassent de grands thresors, & cuident que ce seroit tres-mal fait de toucher à ceux que leurs aneistres ont laissez, sinō en cas d'extreme necessitē. Cela fait qu'ils ont vn gros amas d'or, d'argent & de pierres precieuses: entre autres ils serrēt en leurs thresors des diamas fort grands & pesans, que l'on taille en ce pays là. Ils entretiennēt bon nombre de gens de guerre, & les fournissent de cheuaux qui sont nourris en l'escurie du Roy, & les maistres ont bouche à cour. Ceux qui luy ont vne fois prestē serment ne peuent en sorte que ce soit sortir du royaume sans le commandement du Roy. Pour le present i'obmets plusieurs autres choses des coustumes du royaume de Narsingue, de la richesse du Roy, de ses despeses & magnificences: afin de n'estre point plus lōg q̄ le discours de ceste histoire le requiert.

LE Roy de Narsingue, en l'an mil cinq cens & cinq, esmeu de la renommee des choses executees par les Portugallois es Indes Orientales, delibera d'auoir amitiē & traiter alliance avec le Viceroy. Pourtant il luy māda lettres & presens pour estre enuoyez de sa part au Roy Emmanuel. L'ambassadeur fut receu assez honorablement par Almeida, auquel suyuant sa creance il fit ample discours de sa legation, laquelle porroit en substance, Que le Roy de Narsingue desiroit grandement contracter alliance avec celuy de Portugal: d'autant que le bruit des vertus admirables dont Emmanuel estoit ornē, l'auoyent si viuement esguillonē, qu'il n'e desiroit rien tāt que d'estre conioint par estroite amitiē avec vn Prince tant accompli. Quant à luy qu'il ne demandoit autre tesmoignage de ce renom que les faits admirables des Portugallois es Indes, depuis quelques annēes. Car il

concluoit à part soy que le Prince estoit excellément vertueux, & tres-digne d'estre aimé & fauorisé à l'enuy par tous les Roys du monde, qui auoit des suiets si uillans. Pourtant, declairoit estre prest d'executer promptement tout ce qui pourroit seruir à l'acroissement de la grâdeur du Roy de Portugal: s'asseurant que nul autre Roy ne le deuanceroit en ce point de porter plus d'amitié & de bonne affection à Emmanuel que luy. Et si l'alliance de mariage luy plaisoit, il donneroit volontiers pour femme au fils du Roy de Portugal vne siene fille fort belle Princeesse, avec donaire tres-riche: afin que par telle union leur alliance fust de plus en plus affermie. Telle estoit la creance de cest ambassadeur, lequel apporta de la part de son maistre deux colliers garnis de fines perles fort luy-santes, des anneaux garnis de pierres de grand pris, des robbes de drap d'or & de soye, desirant que le tout fust enuoyé au Roy de Portugal à la premiere commodité. Almeide fut fort ioyeux de tel ambassade, fit de beaux presens à l'ambassadeur, & rescriuit au nom de son Roy à iceluy de Narfingue fort honorablement, avec promesse solennelle d'enuoyer ses presens en Portugal, & faire entendre au Roy Emmanuel qu'il ne s'en estoit point trouué es Indes qui eust recherché son amitié de meilleure affectiō que celuy de Narfingue. L'ambassadeur ayāt eu congé, Almeide entra en vn esquip & print terre, commandant qu'on dressast son pavillon dessous des palmiers aupres du riuage: où le Roy de Cananor le vint voir. Et apres beaucoup de propos amiables tenus entr'eux, Almeide pria le Roy luy vouloir permettre de bastir vn fort, pour garātir les Portugallois de la multitude de des Sarrafins, & pour rendre ce lieu plus assuré pour le Roy contre les courses & assaux de ses ennemis. Le Roy accorda ceste requeste, suyāt quoy l'on mit la main au bastiment de ce fort en telle diligence, qu'en peu de iours il fut acheué: car long temps au parauant Gilles Barbose en auoit posé les fondemens, & toutesfois ne disoit pas que c'estoyent les priets d'un fort, ains seulement d'une maison spacieuse, pour y habiter plus à l'aise: car il craignoit du commencement que ce nom de fort ou citadelle ne luy nuisist, remettant cela à meilleure op-

Sous pretexte de garder auant, les Portugallois empient, & assurent leur domination en pays estrange.

portunité qu'Almeide en feroit luy mesmes instance au Roy. Ceste place fut appelée le fort Saint Ange, où fut estably gouverneur Loup Britio avec cent cinquâte Portugallois.

14.

*Sedition des
Arabes de
Coulam cōtre
les Portugal-
lois, & ce qui
en auint.*

COMME on estoit apres cela, nouuelles vindrent à Almeida de la mort d'Antoine Sala facteur du Roy de Portugal en Coulam, comme nous l'auons monstre cy dessus. Apres que Jean L'homme (plus hardy que sage en ce fait) eust osté aux Arabes de Coulam les gouuernails & voiles de leurs nauires, & baillée tout à Antoine Sala, tandis qu'on chargeroit les nauires de Portugal, il partit pour aller trouuer Almeida. En son absêce les Arabes irritéz de telle brauerie, desgorgerent plus furieusement le maltalent par eux conceu de longue main conspiration, tascherent d'attirer à leur party ceux de la ville. Mais voirément, attendez (disoient-ils) que ces ambitieux & outreuidez, apres auoir remply leurs bourses & leurs coffres, fauorisent vostre liberté, & gardét la foy qu'ils vous ont promise. Vous voyez vne poignée de gēs esloignez du secours des leurs, estre si audacieux que d'oser en vostre ville, à vostre barbe, oster les voiles & gouuernails à nous qui sommes vos amis & alliez de long temps : outrageans vilainement les bons marchans desquels vous tirez vn beau profit toutes les annees: & cōme s'ils estoient desia Roys, abusent de vostre patience pour tyrāniser les autres. Car qu'ont-ils executé en nous faisant tel tort, sinon se mocquer de nous tous, & triompher comme estans nos seigneurs & maistres? Eux qui ne sont que cinq ou six, en pays estrange, sur les terres d'un excellent Prince, parmy vn monde de gens, ont commis ce que le Roy mesmes n'eust iamais voulu attenter. Et pourant ce n'est point à nous, mais à vous que ces glorieux se sont attachez: & ce qu'ils font maintenāt n'est pas tant pour nous molester que pour tenter vostre patiêce: & si vous laissez passer telle insolence ils vous osteront vostre liberté & vos biens aussi. Tels propos esmeurerēt le peuple qui s'amassa pour courir sus à Sala, lequel acompagné de douze autres (car ils n'estoyent pas dauantage en celieu) se retire dans vne chappelle dediee & à la vierge

ge Marie. Lors ils se preparerent pour resister courageusement, & repoussent de telle sorte l'impetuosité des ennemis, qu'il estoit mal-aisé de les forcer. Ce que veu par les ennemis, & qu'ils ne pourroyent entrer en ceste chapelle que avec grande perte de leurs gens, ils l'environnent de bois puis y mettent le feu, qui suffoqua tous les Portugallois. Alors Pierre Raphaël estoit au port, & ne peut secourir ses compaignons en vn accident si soudain & precipité. Toutesfois pour venger ce meurtre il brusta cinq nauires que les ennemis auoyent lors à l'ancre: puis print la route de Cochim, où il trouua Almeida, & luy conta l'auanture. Lors Almeida despescha promptement son fils, avec commandement de faire voile en Coulam le plustost qu'il seroit possible, & bruster toutes les nauires qu'il trouueroit au port. Cela fut executé de telle viffesse, qu'auant que les Arabes se peussent douter de rien, on descourrit la flotte de Portugal, laquelle mit le feu en vingtsept nauires ennemies. D'autre part leant l'homme fut priué de son estat de capitaine par Almeida, pour chastiment de sa temerité.

15.

*Arrivee de
François Al-
meide en Co-
chim, Et ce
qui se passa
entre luy &
le Roy.*

APRES cela, Almeida descendit en terre & fut recueilly en grand honneur par le Roy de Cochim. Trimumpara, lequel s'estoit exposé au hazard de perdre son royaume & sa vie pour conseruer les Portugallois, ne regnoit plus lors: ains par deuotiō auoit quitté le maniment des affaires, s'estant retiré en vn turcol, lieu estimé saint par ceux du pays, pour vaquer au seruice de ses dieux: & de son franc vouloir auoit laissé le Royaume à Nâbeadare fils de sa sœur, à qui la courōne escheoit, selō la custume obseruee entre ces peuples. Almeida estimât chose superflue de presenter quelque chose à vn Roy qui auoit hazardé sans crainte ses biens & estats, delibera de faire vn present au ieune Roy propre à la fidelité & amitié que son oncle auoit monstree aux Portugallois. Et pourtant il fit dresser vn haut d'aix moyennemēt esleué, couuert & tapissé richement, & mit le Roy en vn siege, tellement qu'il pouoit estre veu de tous: puis fit vne harangue pour asseurer ce Roy pour l'auenir d'une condition plus heureuse que iamais. Car il dit que le Roy Emmanuel se souvenant des excellens merites, & de la

inguliere fidelité du Roy Trimumpara, auoit tousiours desiré l'accroissement de sa dignité, & non seulement l'appeller, ains aussi le tenir pour son confederé & bon amy. Mais puis que bon luy auoit semblé de renoncer des son viuant aux choses que les autres hommes estiment tant: c'estoit raison que ce qui luy estoit deu fust trāsporté à son successeur. Pourtant il donnoit à Nambeadare vne couronne d'or au nom du Roy Emmanuel, lequel par promesse solēnelle receuoit Nambeadare en sa protectiō, l'assurant sur sa foy de repousser les efforts de tous ses ennemis. D'auantage il luy permettoit de faire battre monnoye d'or, d'argent & cuire: ordōnant qu'il demeurerait souuerain, & possederait le royaume avec ce tiltre, afin de cōseruer ses biens par tels moyens. Nambeadare remercia bien affectueusement le Roy de Portugal, & promait solennellement d'estre tousiours prest à recevoir ses cōmandemens, & d'entrer en toutes guerres pour l'accroissement de sa dignité. Lors Almeida luy mit sur la teste vne courōne d'or qu'il tenoit en ses mains. Ceste harangue fut suyue d'une longue fanfare de trompettes, & le Roy s'en retourna fort content en son palais, avec sa courōne & les autres presens qui luy auoyēt esté faits. Surce Almeida donna promptement ordre de faire charger huit nauires qui se deuoeyt mettre à la voile pour retourner en Portugal.

16.

*Premier
abord de huit
nauires Por-
tugalloises
en l'isle de
Madagascar,
aujour d'hey
appellée l'isle
de saint Lau-
rent.*

1506.

Les capitaines de ces huit nauires s'estās embarquez, prindrent leur route de telle sorte que le premier iour de Feurier l'an mil cinq cens & six, ils furent portez en vne terre neufue, de fort grāde estendue, chargée de plusieurs espaisles forests, & abondante en bestial. Puis ils descouurent dix barquerolles, chargées d'hommes nuds, bigarrez de diuerses couleurs, les cheueux frisez, avec arcs & flesches: ils s'adressent à la nauire de Fernand Soarez, & montent dedāns iusques au nombre de vingt cinq, ou ils furent receus tres-volontiers, & leur donna-on quelques habillemens & à manger. Personne n'entendoit leur langage, & se faisoient entendre par signes. Ils s'en retournerēt fort contents ce sembloit: mais estās vn peu esloignez, ils deliberent payer leur escot à coups de flesches: ceux des nauires respondent & les chassent à

coups de canon. Fernand Soarez voyant approcher quelques autres de la nauire en laquelle cōmandoit Roderic Freirio, l'admonesta de se saisir de ces barbares : & ainsi lon en print vingt huit. De là ils costoyent ce pays, & trouuent vne riuere d'eau douce, où ils firent aiguade. Les habitans de ce lieu s'estans amassez en troupe leur courent sus: eux se retirerent en leur esquip, puis de leurs nauires tirent quelques coups de canon, dont ils tuent aucuns de ces barbares, en blessent griefuement d'autres, & contraignent le reste de se sauuer à la fuite. Ces deportemens firent cognoistre aux portugallois que le peuple de ceste coste n'estoit pas acointable. Du commencement ils ne pensoyent pas que ce fust vne isle. Apres auoir vogué au long de toutes ses costes, ils doublerent les promontoires d'icelles: lors ils conurent tout euidentment, que c'estoit l'isle iadis nommee Madagascar, & par nous auourd'huy l'isle de saint Laurent. Elle est à l'opposite du royaume d'Ægesimba, & est assise vers l'Orient. La flotte arriua à Lisbone le vingtquatriesme iour de May, l'an mil cinq cens & six.

D'vn autre costé, ce qui s'ensuiuit auint en vn quartier d'Ethiopie, nommé Zofala, faisant portion du royaume d'Ægesimba. L'an mil cinq cés & cinq, apres qu'Almeide fut party de Lisbonne, le Roy fit equipper vne autre flotte de six nauires, de laquelle il donna la conduite à François Gnaye. L'vn des pilotes nommé Iean de Laiet, voguant au long de l'Ethiopie, voulant percer d'vn coup de traict, certain gros poisson, tomba dedans la mer, & ne fut point veu depuis. Vn autre pilote, descendu en terre trop auant pour auictuâiller de chair son vaisseau, fut tué avec quelques siens compagnons par les habitans du pays. Autres ayans esté ordonnez en leurs places ta flotte s'auance, & prend la route de Cap de bone esperance: mais ils s'en eslongnerent tant vers le pole Antarctique, qu'ils trouuerent l'eau gelee, & furent tât barus de neige, de gresle & de froid, qu'ils en estoient roides & en tel estat qu'à peine se pouuoÿt-ils remuer d'vne place. Finalement s'estans esleuez au Septentrion & ayans doublé le cap, ils vindrent mouiller l'ancre en la coste de Zofala. Or pource que les deux grandes nauires

17.
*Navigacion
de François
Gnaye en Zo
fala, & des
choses qu'il y
fit iusques au
iour de sa
mort.*

ne pouuoient entrer au port, Gnaye avec quatre moindres vaisseaux arriua tout dedans le golfe de Zofala. Le Roy de ce pays estoit aagé de septante ans & aueugle. Il auoit esté tort estimé pour ses vaillances, premier que cest accident luy auinst. La ville n'estoit pas grande, ny les maisons gueres magnifiques, ains tapissées de quelques draps de soye, & fortifiées au dehors de hayes & buissons espais. Ce Roy nommé Zufe receut Gnaye fort humainement, & luy promit de faire tout ce qu'il pourroit pour le Roy de Portugal. Il auoit vne grosse garde de soldats Mores bigarrez de couleurs, nuds iusques au nombril & portans au costé des cimenterres à poignées d'yoire, le reste du corps couuert de draps de soye & de coton, & de hauts turbas en leurs testes. Apres plusieurs demonstrations d'amitié, Gnaye pria le Roy luy permettre de bastir vn fort, esperant que le Roy en recuroit grande commodité : ce qui luy fut accordé promptement. Gnaye s'estât retiré, vn Ethiopien nommé Acote, qui auoit grand credit enuers le Roy, entra en conoissance & ferme amitié avec Gnaye, auquel il donna de bons auertissemens touchant le naturel du pays, & la façon de viure des habitans. Incontinent Gnaye mit la main à l'œuvre, & diligenta de telle sorte, qu'au bout de quelques mois son fort fut bien auancé. Puis il enuoya quelques vns de ses gens en Inde & en Quiloa, & luy demeura avec les troupes qu'il luy peut retenir : & pour paracheuer ce fort, ceux du pays mesmes luy aidoyent volontiers. Plusieurs Mores indignez de ceste entreprise vont trouuer le Roy, & l'admonesterent de se donner garde des embusches de ses meschâs estrangers qui saignoient l'aimer, cependant machinoyent la ruine de son estat. A quelle fin, disoyent ils, est basti ce fort dedans vostre pays, siuô à ce que s'estât rédus les plus forts, ils vous chassent d'icy, & vous despouillent de tous vos biens. Est-ce point par tels artifices qu'ils ont chassé le Roy de Quiloa? Ont-ils pas ruiné avec vne trahison insignie plusieurs Princes Indiens? Quelque part où ils mettent le pied, y laissent-ils pas des profondes traces de fraude & de brigandage? Si d'ôc vous estes sage, vous les desferrez auât qu'ils soyent plus forts, de peur que cy apres il ne soit trop tard

de destourner vne telle peste arriere de vous & de vos sujets. Ce roylet enflammé par tel discours, amasse secrettement quelques gens, & assigne iour pour couper la gorge aux Portugallois. Acote descouurit la cōspiratiō à Gnaye, lequel se tint prest pour repousser viuement les ennemis, qui, selon ce qui auoit esté resolu, vindrēt assaillir furieusement le fort, iettēt des lances à feu, & font tous leurs efforts pour entrer dedans. Acote voulāt secourir les assaillis entre dedās le fort avecques cent hommes. Lors y eut aspre meslee: mais en fin les assaillans furēt repoussez à coups de flesches & d'harquebouzes. Estans en route, les Portugallois sortent dessus, & ne leur donnēt loisir de se rassurer ny rallier. Pourrāt ils les tallōner de pres & les chassent iusques en la ville où se tenoit leur Roy, & enuahissent le palais d'iceluy. Il s'estoit retiré en sa chambre: & cōme les Portugallois fussent paruenus iusques là, tout vieillard & aueugle qu'il estoit, le voyant en peul euident de sa vie, au lieu de perdre courage, commence à lancer puissammēt des iaelors cōtre ceux qu'il assailloient: & pource qu'ils entroyent à la foule, il ne iettoit iaelot qui n'assenast, & en blessa plusieurs, notamment Gnaye, qui receut vn coup de trait au col. Ce que veu par Manuel Fernād, facteur du Roy de Portugal en ces quartiers, se ietta sur ce vieillard aueugle, & luy trancha la teste. Apres ce coup, Gnaye defendit à ses gens de plus toucher à personne, voulant qu'on espargnast le peuple, & l'attirer à soy par tel resmoignage de douceur, afin qu'en voyant ces exemples de vertu ils fussent participants de quelque rayō de misericorde lors que tout sembloit estre perdu pour eux. Il luy sembla donc qu'il falloit assseurer cest estat, & que Acote qui s'estoit bien porté en ce tumulte meritoit bonne recompence. Pourtant il le crea Roy au nom de celuy de Portugal, & fit que les habitans promirent de luy estre fideles sujets. Acote s'obligea d'accomplir à tousiours sans delay ny refus tout ce que le Roy Emmanuel & ses capitaines requerroient de luy. En ces entrefaites, d'autant que l'air de ce pays estoit contraire aux Portugallois, & en infectoit plusieurs à cause des brouees & exhaltations humides que le Soleil tresardant attiroit des lieux marécageux de la region, a-

uint que les Portugallois qui seiournoyent là commencerent à languir, tomber malades & mourir de peste, du nombre desquels fut Gnaye leur general. Ceux qui suruescurent luy substituerent d'un commun accord Manuel Fernand. Au mesme temps Almeide eut nouuelles par Cidebarbute & Manuel Corefme, pilotes enuoyez par le Roy de Portugal, que Gnaye estoit mort: d'auantage qu'il y auoit de la sedition en Quiloa, à cause du Roy Mahumet tué en trahison par les menées de Tirendiconde parent de Habraheim. Voila ce qu'ils auoyent aprins en leur voyage, ayans esté enuoyez du Roy pour sçauoir si François Albuquerque & Pierre Mendoze, qui auoyent fait naufrage, se seroyent point sauuez en quelque endroit de ceste coste. Incontinent Almeide depecha Nonio Vafque pour aller en Zofala commander dedans le fort, & en passant appaiser ce tumulte suruenu en Quiloa à cause du meurtre de Mahumer, chastiant les auteurs de ce mal, si faire se pouuoit.

18.

*Descriptiõ de
Zofala et des
deux Ethio-
pies: itẽ des
mœurs de
ceux qui y
habitent.*

Ce ne sera pas chose hors de propos de descrire icy la situation de Zofala & de l'Ethiopie. Il appert que des le temps du poëte Homere, ceste partie d'Afrique que les Grecs appellent Ethiopie estoit distinguee en deux: l'une (suiuant ce qu'en dit Homere mesmes) regardant l'Occident, l'autre l'Orient: & que les derniers confins de ces deux Ethiopies s'estendans fort auant vers le Midy estoient bornez de la mer Oceane. L'Ethiopie Occidentale est iointe avec ceste partie d'Afrique qui aboutit au destroit de Gibraltar, & s'estend de là vers le Midy iusques à cinq degrez au deça de l'Equateur, & lors elle resseschit vers l'Orient, & s'alonge d'un fort long espace iusques à la pointe du promontoire de bonne esperance. De là elle s'auance tellement vers le Midy, qu'elle passe oultre l'Equateur vers le Pole Antarctique enuiron trente cinq degrez: puis remontant à l'Orient elle rerauerse la ligne Equinoctiale, & s'esleue au Septentrion, tant qu'elle paruiet à la mer d'Arabie & au cap de Mozambique. Là elle regarde l'Arabie au Leuant. Or l'Ethiopie contient plus que la moitié de toute l'Afrique. Le pays est fertile en plusieurs endroits, & abonde en fruits, sauuaginẽ & bestail, estant arrousé de plusieurs ri-

uières. Il y a d'autres quartiers deserts & du tout steriles & inhabitez. Semblablement il y a grande difference de langage & de mœurs. Car quelques vns des habitans sont doux, affables & humains : les autres farouches & cruels. Quant à ceste part d'Ethiopie qui regarde l'Oriente elle commence à la pointe de ce grand promontoire, & s'estend de là par diuers goulfes & retours iusques à l'Ethiopie, qui est sous l'Egipte. Au reste, il y a force Elephans en ce pays, lequel fournit grande quantité d'ivoire aux marchans, qui le portēt puis apres es autres régions. En plusieurs aussi lon y trouue plusieurs mines d'or, d'argent, de cuiure & d'autres mineraux. Toutesfois les chaleurs y sont si extremes & fascheuses aux Europeans, que les sieurs mortelles qui s'en ensuiuent empeschent la commodité du trafic, & la crainte du danger priue les marchans des grâds proufits qu'ils y pourroyent faire. Néanmoins l'auarice domine, bien souuent en telle sorte sur les personnes, qu'elle leur fait perdre toute apprehension de danger & de mort.

EN ceste partie d'Ethiopie qui est delà le promontoire de bonne esperance, & a pour bornes l'Ocean meridional, y a vn royaume de fort grande estendue nom-
Particuliere description du riche royaume de Benemotapa en Ethiopie: & de quelques choses remarquables au gouuernement de ce royaume.
 mé Benemotapa: au Roy duquel (auant la nauigation des Portugallois) tous les seigneurs & roitelets de ceste me de Benemotapa en Ethiopie: & riuières: & plusieurs seigneurs payoient tous les ans au de quelques Roy vn tribut d'or. Les habitans du pais n'adorent aucunes images, ains recognoissent vn Dieu createur du ciel & de la terre. En leurs façons de viure & de vestemens ils s'accordent avec les autres peuples de l'Ethiopie. Ils portent vne reuerence incroyable à leur Roy, lequel porte ordinairement deux enseignes de sa maiesté royale. L'vne est vn certain petit hoyau ayant le manche d'ivoire: l'autre sont deux iaelots assez courts. Par l'vne il exhorte ses suiuis à labourer la terre, de peur que par oisueté ils ne la laissent tomber en friche, & que la faim ne les face deuenir brigâds. L'vn des iaelots mōstre qu'il veut faire iustice dedans son royaume: & l'autre declare qu'il repoussera les ennemis par les armes. Ce Roy tient en sa

cour pres de soy les fils des autres Roys & Princes ses vassaux: tant afin que par le moyen de ceste nourriture ils taschent d'aymer leur souuerain & luy estre fideles, que pour contenir leurs peres en son obeissance, ayant tels ostages de leur part. Il est tousiours accompagné d'une puissante armee, encor qu'il soit en paix & ferme alliance avec tous les peuples circonuoisins. Estimant qu'il n'aura occasion de craindre la guerre, si en temps de paix l'on presume tousiours que de la part il est comme sur le point d'enuahir les estats des autres Roys. Tous les ans il enuoye de ses domestiques & familiers porter de sa part aux Roys & Princes ses vassaux du feu nouveau, auquel les autres suiets vont pour en auoir leur part: ce qui fait comme s'en suit. Quand l'ambassadeur arriue à la maison de l'un de ces Princes, qui qu'il soit, on estaint le feu. Puis l'ambassadeur en rallume de nouveau, & lors tous viennent en prendre là pour l'emporter en leurs maisons. Qui refuse cela est estimé traistre & rebelle, & le fait-on mourir comme criminel de lese maiesté: & s'il est besoin, on leue une armee contre luy pour l'attrapper. & exterminer cruellement comme un perfide & deserteur. Voila quant à l'Ethiopie, au circuit de laquelle est aussi cōprinse l'isle de Zofala.

20.

*Des isles de
Maldiuar, avec
une ample de-
scription de
l'isle nommee
Zeila & des
singularitez
d'icelle: & ce
que Laurent
Almeide y fit
au nom du Roy
de Portugal.*

QUANT à l'estat des Indes, le Viceroy Almeida, ne voulant laisser couler le temps inutilement enuoya son fils avec une flotte de neuf nauires aux isles de Maldiuar, qui sont en fort grand nombre, separee l'une de l'autre par petits destroits, à septante lieues loin de Cochim ou enuiron: & luy commanda d'espier les nauires des Sarrazins cinglans de l'Orient à l'Occident, pour les prendre & amener en Cochim. Or l'impetuosité du reflux estoit telle que Laurent fut entierement chassé hors de sa route, & porté en une isle assez proche du Cap de Comory. Aucuns estiment que c'est la Taprobane: mais ceux qui suivent l'avis de Ptolemee tiennent que la Taprobane appelée Samatra de ses habitans, est à l'opposite de Malaca. Ptolemee appelle Cori celle dont nous parlons, du nom de ce Cap des Indes, vis-à-vis duquel elle est située. Ceux qui y demeurent l'appellent Zeilan. Elle a en longueur du Septentrion au Midi enuiron six vingt & cinq lieues.

& en la plus grande latitude septante cinq lieues. C'est vne isle merueilleusement fertile, abondante en diuerses sortes de fruits, & tapissée d'herbes & de plâtes de souefue odeur, lesquelles y croissent d'elles mesmes sans aucun labourage. Il y a des forests espaisées de citrons, & diuers fruits de flair & goust fort plaisant. D'auantage il y a de la canelle à foison, force pierres precieuses que lon tire és mines des rochers, & des perles en nombre incroyable, de tresbelle couleur & splendeur. Item, des Elephás par grosses troupes. Toute l'isle étoit diuisée en sept royaumes, l'un desquels estoit beaucoup plus excellent que les autres, à cause de son estendue & de ses richesses. Le Roy seiournoit en vne grande ville nommee Colôbo qui est la capitale de ce plus riche royaume. Au milieu de l'isle se void vne haute montagne enuironnée de plusieurs estangs. Et au sommet de ceste montaigne y a vne petite pointe du milieu de laquelle sortent d'un lac qui y est des eaux douces & coulantes sans cesse. Pres de ce lac y a vne grande pierre, sur laquelle l'on void empreinte la trace d'un corps humain. Les habitans tiennent vne opinion de pere en fils, que c'est la trace d'Adam nostre premier pere, lequel ils disēt auoir esté enléué de là au ciel. Vn peu arriere delà se void vne chapelle, où l'on va visiter deux sepulchres par fort grande superstition: car ils estimēt que là ont esté enterrez les corps d'Adam & d'Eue, desquels est descendu tout le genre humain. Ceste opinion du tout enracinée en l'entendement de ces insulaires, fait que plusieurs Sarrafins & autres idolatres viennent là en pelerinage. La pente de ce costau est si roide, qu'il ne leur est pas possible de grimper iusques au haut avec les mains, ains faut qu'ils y montent avec des eschelles & chaines accommodees à cela. Laurent Almeida étant arriué avec sa flotte en ceste isle, alla mouiller l'ancre en vn port nommé Gabalicam: ce qu'entendit par le Roy, qui n'estoit pas loin de ce lieu, il enuoya incontinent vn Ambassade vers Almeida avec presens, afin de demander la paix. Laurent receut l'ambassadeur fort humainement, & luy donna quelques besongnes qu'il estimoit luy deuoir estre agreables: & pour ratifier l'accord, despescha vn gentil-homme de sa suite nommé Pe-

lage de Soufe, lequel eftant conduit au palais trouua le Roy en magnifique appareil : car encor qu'il fust iour, toutesfois les pierres precieufes qu'il portoit fur soy, & les torches de cire allumees faisoient vn autre iour: & ce Roy eftimoit que ceste clarté donnoit lustre à fa maiesté royale. Pelage de Soufe fut honnorablement recueilly avec toute sa troupe, & l'alliance paffee sans aucune difficulté. Les conditions furent que le Roy payeroit tous les ans à celuy de Portugal deux cens cinquante mille liures de cannelle : & le Roy Emmanuel le receuroit en sa protection & sauuegarde, & commanderoit à ses capitaines de garder les ports & villes maritimes d'iceluy des courtes & assaux de tous ennemis. Laurent accorda ceste alliance pourueu que son pere y consentist. Neantmoins le Roy fit liurer aux Portugallois les charges de cannelle: tant il estoit saisi de frayeur, que ses gens ne pouuoient assez faire à son gré pour confermer c'est accord. De son consentement le fils d'Almeide fit plâter en terre vne colonne de marbre, avec les armoiries du Roy Emmanuel, pour signifier qu'il auoit prins possession de ceste isle au nom du Roy de Portugal. Cela executé il vint retrouver son pere en Cochim, lequel l'enuoya en Anchediue; pour auétuailier le fort, & courir toute ceste coste de mer. Manuel Pazagne fut aussi depesché pour aller en Cananor afin d'aider Laurent Brittio à bastir & munir la forteresse qui y estoit commencent.

21.

Discours sur la venue de Louis Vvarroman Boulongnois vers Laurent Almeida: & ce qui auint aux deux Milannois qui auoyent fuiuy le party du Roy de Calecut.

T A N D I S qu'on estoit apres ces affaires, vn Italien natif de Bologne nommé Louis Vvartomā, lequel auoit voyagé en diuerses parties du monde pour contenter sa curiosité, & finalement habillé en marchand Arabe estoit venu à Calecut, vint trouuer Laurent Almeida. La cause estoit, que durant son seiour en Calecut, comme on deuioit des Portugallois presque par toute la ville, luy faignant ne sçauoir quelles gēs c'estoient, s'enquit de leur voyages és Indes, de leurs mœurs & religion. Les Mahumetiste luy disent que c'estoit vne meschâte & cruelle natiō, qui ne s'adonnoit qu'à rapines, brigādages & saccagemens: & leur auoit ja fait beaucoup de maux en ces quartiers là. Sur ce discours Vvartoman fait du courroucé, disant que c'estoit vne hoire de supporter si long

temps l'audace & les courses de ces escumeurs de mer, lesquels deussent estre raclez du monde dès long temps au parauant. Quelques iours apres s'estant rendu familier de ceux qui auoyent crédit autour du Roy, il descouurit les conseils d'iceluy, & à quelle fin il armoit vn grand nombre de vaisseaux, & de quel secours il se fortifioit pour ruiner les Portugallois. Ce pendant il entra en quelque esperance d'estre biē tost deliuré de la detestable compagnie & frequentation des Mahumeristes, à l'aide des Portugallois. Au reste, il communiqua sa deliberation aux Milannois, les exhortant de sortir de Calecut, & se retirer avec les Portugallois. Eux respondent qu'ils estoient Chrestiens: mais que les maux qu'ils auoyent commis les empeschoyent de recourir aux Portugallois. Vvartoman leur donne courage, & promet de faire tant que les forfaits passez ne leur seroyent point imputez. Apres cela, dès la premiere occasion qui s'offrit, Vvartoman deslogea, & vint trouuer Almeida. Estant sur mer il rencontra Laurent, auquel il fit entendre ce que le Roy de Calecut preparoit tant par mer que par terre: adioutant que les deux Milannois estoient fort desplaisans de leur faute, & que si on la leur pardonnoit, ils reuiendroyent volontiers en la compagnie des Portugallois: & supplia Laurent de les receuoir promptement en grace, d'autant que le Roy de Calecut leur faisoit foudre force artillerie, & plusieurs Malabares apprenoyent le mestier, au grand regret de ces Milannois. Laurent sceut fort bon gré à Vvartoman, luy fit quelques presens, beaucoup de promesses, & commanda qu'on le menast au Viceroy, lequel manda incontinent à son fils qu'il s'apprestast pour combattre les ennemis. Puis il renuoya Vvartoman en Calecut, afin de donner la foy aux deux Milannois, & les amener en Cochim. Tel message fut tres-agreable à ces deux miserables: mais comme ils vouloyent trousser bagage pour s'enfuir, leur entreprinse ayant esté esuentee, ils furent empoignez & executez à mort d'un fort cruel supplice. Louys Vvartoman fut habillé à se sauuer, & sans cela il passoit le pas avec les deux autres.

Ce pendant l'armee nauale de Calecut se fournissoit en

Bataille na-
uale entre la
flotte de Ca-
lecuy & de
Portugal: &
ce qui en ad-
uint.

diligence de tout ce qui estoit requis auant que faire voi-
le. Il y auoit quatre vingts nauires, & six vingts quatre
brigantins: bien munis d'armes, de soldats, d'artillerie &
de viures. Laurent Almeida vogua contre avec sa flotte
d'onze nauires, esquelles estoient huit cens Portugallois,
vaillans hommes & bien equippez. Il auoit outre cela
quelques soldats Indiens, mais c'estoit peu de chose. Les
deux flottes se rencôtrèrent au long de Cananor. Et apres
que les grandes huees de part & d'autre, le son bruyât des
trompettes, & le tonnerre des canons eurent fait branler
la mer & la terre, finalement les nauires s'accrocherent &
vindrent aux mains. Laurent Almeida ayant choisi la na-
uiere Capitainesse, s'y adressa, & apres auoir ietté par plu-
sieurs fois les crocs pour l'arrester, en fin elle demeura
court, & y eut rude confliet de part & d'autre. Toutesfois
Laurent sauta dedans, suiuy de Philippe Roderic, Iean
Lhomme, Fernand Petrejo d'Andrade, Vincent Pereire,
Roderic Pereire, & d'autres braues soldats. Il y auoit six
cens hommes en ceste nauire, qui se voyans reduits à l'ex-
tremité, tascherent de vendre leur peau. Mais apres quel-
que resistance ils furent partie tuez, partie prins: quelques
vns se ietterent en l'eau pour se sauuer à nage. Apres ceste
prinse, Laurent alla tout à point secourir Nonnio Vasque
Pereire, lequel ayant la cōduite d'un moyen vaisseau s'e-
stoit attaché à vne grande nauire des ennemis. Mais peu
s'en salut que son vaisseau ne fust enfondré à coups de
canon: d'auantage on descochoit tant de fiesches & de
dards contre luy & les siens, qu'ils estimoient estre au
bout de leurs iours quelque resistance qu'ils fissent. Mais
à l'arriuee d'Almeide ceste nauire des ennemis fut gai-
gnee, & de cinq cens soldats qui estoient dedās ne se sau-
ua pas vn, sinon ceux qui eschapperent à force de nager.
Au nombre des nauires de Calecut y en auoit plusieurs
marchandes qui se confioient en la force & multitude
des autres. Mais ces marchans voyans les deux nauires
prinsez, commencerent à douter de l'euement de ce
combat. Or tandis que les Portugallois estoient enue-
loppez & contrains de se defendre de toutes parts, telle-
ment qu'ils n'auoyent pas loisir de courir çà ou là, ces mar-
chans cinglent à toutes voiles, & les vns gagnent le Ha-

de Calecut, les autres prennent telle route que bon leur sembloit. Les autres nauires résistoient vaillamment à coups de canon, de traits, & en chocquant contre celles des Portugallois: & en plusieurs cōbatoyent main à main avecques picques & cimeterres. Quant aux Portugallois ils estoient fort pressezz: pource qu'une de leurs nauires estoit enuironnee de plusieurs ennemies. Les vns & les autres firent merueilleux deuoir assez longue espace: mais finalement les Calecutiens furent desfaits & contrains de s'aigner le haut. Ils y perdirent trois mille hommes, & dix nauires avec plusieurs brigantins mis en fond, deux enseignes & neuf grandes nauires prinſes, avec vn fort riche butin. Les Portugallois ne perdirent en ceste bataille que six hommes.

APRÈS vn si heureux exploit, Laurent alla surgir en Cananor, où il fut recueilly du Roy avec grands signes de reconnaissance, & merueilleux esbahissement de sa vertu. En ces entrefaites, Zabajo Prince de Goa ayant entendu que le Roy de Calecut auoit équipé vne grosse flotte, & que les Portugallois auoyent fait voile de la forteresse d'Anchediue pour combattre ceste flotte, il ne voulut pas perdre ceste occasion de bien faire ses besongnes, ce luy sembloit. Ainsi donc, par l'auis d'un certain Portugallois qui auoit abiuré le Christianisme (& estoit du nombre des bannis qui auoyent esté condamnez à mort, & deliurez à condition de descouurir les terres incognues) il enuoya vne armee de soixante voiles en Anchediue, pour s'emparer de la forteresse, & establir ce Portugallois general des nauires. Iceluy s'appelloit Anthoine Fernand, charpentier de son estat, & qui seruoit aux Portugallois à calfeutrer & refaire leurs vaisseaux. En quittant la religion il auoit changé de nom, & s'appelloit Abedella. Estant approché d'Anchediue, il resolut d'assiéger la forteresse. Manuel Pazagne qui commandoit dedans, garda si bien la place, que les assaillans n'y gaigherent que des coups: au moyen dequoy ce mal-heureux fut contraint de leuer le siege, & reprit la route de Goa avec sa courte honte & grande perte d'hommes. Toutesfois Almeida voyant que ceste forteresse ne seruoit de rien, & que lon ne tiroit ny pouoit tirer aucun reuenue de l'Isle, à cause

qu'elle estoit trop loin de Cochim, sinon qu'on voulust employer beaucoup d'argent, & y hazarder des soldats: Item, qu'il n'auoit pas nombre d'hommes, & n'estoit besoin les escarter, par l'auis de tous ses Capitaines il fit ruiner ceste forteresse, & enuoya pour cest effect son fils en Anchediue, lequel, suiuant la commission à luy donnee, chargea dedans les nauires Pazagne & ses soldats: puis ayant fait raser la forteresse se retira en Cochim.

23.

Estat d'Espagne & de Portugal: & des poursuites d'Emmanuel pour procurer la paix entre les Princes Chrestiens.

PRESQVES au mesme temps que ces choses se faisoient en Inde, le Roy Pphilippe fils de l'Empereur Maximilian, gendre de Fernand & d'Isabelle, passa de Flandres en Espagne. Il auoit espousé Ieanne fille de Fernand & d'Isabelle, qui estoit heritiere de l'Espagne apres la mort de Iean & d'une autre Isabelle mariée premierement à Alfonso fils du Roy Iean, & en secondes nopces à Emmanuel. Or Philippe & sa femme ayans entendu que la Royne leur mere estoit decedee, s'embarquerent pour venir en Espagne, pour prendre possession du Royaume. Emmanuel scachant qu'ils estoient en chemin, & ja paruenus à vn port du Royaume de Gallice nommé Fin de terre, print occasion du parentage & voisinage d'enuoyer ses Ambassadeurs leur faire la bien-venue de leur heureuse arriuee en Espagne, promettant de faire deuoir de bon frere en toutes choses qui concerneroient leur dignité & contentement. Le chef de ceste ambassade estoit Jacques Lopes Seigneur d'Aluite, lequel fut honnorablement receu du Roy & de la Royne, & emporta response fort amiable & pleine d'offres de leur part. En la mesme saison Emmanuel entreprint vne chose digne de memoire eternelle, encorcs qu'il n'en vinst pas à bout comme il le desiroit. Voyant que les Princes Chrestiens estoient en grandes picques & sanglantes guerres les vns contre les autres, dont s'enfuiroit la ruine de toutes choses: que la Chrestienté s'en alloit en pieces, les forces de l'Europe s'afolbissoient, & que de iour à autre les moyens des ennemis accroissoient à veüe d'œil par la folie & fureur des Chrestiens: craignit que ce mal ne gaignast, & amenast les affaires à vne irremediable confusion, si lon n'y mettoit ordre de bonne heure. Pensant à ces choses, il estoit angosté aussi en son esprit de ce que les Mahume-

tistes occupoyent le Sainct Sepulchre, & que les Princes Chrestiens ne s'en donnoyent aucune peine. Or il estoit que tous les maux dont la Chrestienté estoit agitée procedoyent de ceste nonchalance: & pensoit que la Religion violée par discord & trop grande lascheté, deuoit estre remise en honneur par force d'armes. Sur ces pensées il enuoya vers le Pape vn de ses Conseillers nommé Edouard Gakam. Le sommaire de la legation fut tel que il s'ensuit. Les Princes Chrestiens s'entrebattēt à qui aura tel ou tel pays, & mettent en danger toute la Chrestienté. Cependant le Turc & le Sulran d'Egypte se fortifient, & les affaires des Chrestiens diminuent. Nul de ces Princes ne pense à tel inconuenient, encores que leur deuoir fust, aux despens mesmes de leur vie, garantir les Chrestiens de la rage de leurs ennemis. Si l'ambition sollicitoit les Princes à faire la guerre, quel plus grand honneur scauroyent-ils desirer qui fust comparable à celuy des conquestes de la terre sainte? Si l'auarice les esguillonnoit, que ne iettent-ils l'œil sur l'Asie & l'Egypte pays fertiles & pleins de grandes richesses? Ainsi donc il supplioit le Pape au nom de Dieu, d'employer tout son esprit, ses peccées & affectiōs à oster le discord, establiir vne paix asseurée, & inciter les Princes Chrestiens à racler du monde le nom & la memoire de Mahumet, afin de s'acquérir par tel moyen vn honneur & renom immortel. De sa part il offroit tous les moyēs de son Royaume, & s'exposoit à tous dangers, voire de sa propre vie, pour l'execution d'vne si belle entreprinse. Voila ce qu'Emmanuel pourchassoit par lettres & ambassades: mais il perdit ses peines, & n'obtint chose quelconque: car les Princes estoient comme forcenez, & à cause de leurs differens pensoient si peu au mal qui les menassoit d'ailleurs, que non seulement ils mespriserent ceste poursuite du Roy de Portugal, ains aussi s'en mocquerent. En la mesme année le Roy fit bastir vne forteresse en Afrique, hors le destroit de Gilbratar, en la coste Meridionale, afin que de là lon peust faire courses sur les Mores habitans en ces quartiers: & donna charge de la besongne à Iacques Azambuge, diligent, sage & vaillant personnage. Les Portugallois eurent beaucoup de peine à paracheuer ceste œuvre: car

les Mores s'amasloyent de toutes parts pour y donner empeschemēt, au moyen dequoy les Portugallois estoient contraincts bastir d'une main, & combattre de l'autre.

24. L'AN s'irruant, que lon contoit mil cinq cens & sept, le Roy fit equipper quatorze nauires, qui desmarerent du port de Lisbonne en diuers temps: car à mesure que l'une estoit armee & munie, incontinent elle haussait les voiles: toutesfois pas une d'icelles n'arriua es Indes ceste année-là. Vn des Capitaines nommé Vasque Gomeze d'Albrey estoit enuoyé pour commander en la forteresse de Zofala. Comme il costoyoit l'Ethiopie, il commanda que la Carauelle de Iean Chanoque voguast deuant pour monstrier la route aux autres: mais par la nonchalance de Chanoque ce vaisseau se rompit: toutesfois les gens gagnèrent le bord. Vne partie d'iceux tomba es mains de quelques barbares, qui les retindrent prisonniers, & depuis furent rachetez par leurs compagnons, voguans au long de ceste coste. Quant à Roderie Soarez, qui auoit charge d'une nauire, il en rencontra une qui venoit d'Arabie, en laquelle y auoit cinq cens personnes, auxquels ils attachā, & finalement entra dedans, taillant en pieces tous les Sarrazins. Trois autres nauires de Portugal perirent par la tourmente avec leurs pilotes & conducteurs. Celles qui estoient eschapees, gagnèrent des rades propres pour hyuerner. Or quant lon cogneut en Inde qu'il ne venoit aucun secours de Portugal, les ennemis reprindrent cœur, estimans auoir trouué les moyens d'exterminer à ce coup le nom des Portugallois. Et pourtant ils admonnestent & exhortent le Roy de Calecut de ne laisser escouler l'occasion que les Dieux luy presentoyent de faire vn acte digne de memoire. Les Augures & deuins prognostiquoyent qu'il obtiendrait vne grande victoire ceste année-là: comme aussi les prestres & Brachmannes, poussez (ce me sembloit) par les oracles de leurs idoles, faisoient diuers rapports pour donner esperance au Roy de quelque heureux succes. Luy de sa part donnoit soigneusement ordre à tout ce qui estoit requis pour les affaires de la guerre. Le Viceroy Almeida entendoit par le menu toutes choses, par le moyen de ses espions, & de gens qui se venoyent rendre à luy. Or afin de faire cognoistre aux ennemis

*Diuers de-
portemēs des
Portugallois
es Indes.*
1507.

ennemis qu'il n'auoit besoin de nouueau secours, il arma promptement deux flottes, ordonnant l'une pour garder les nauires faisans voile de Cochim vers le Cap de Comori, & en icelle y auoit deux galleres, deux nauires de charge & vn brigantin, dont Manuel Pazagne fut general: l'autre pour asseurer toute ceste coste, où il y auoit onze nauires, desquelles Laurent son fils estoit general. En ceste flotte y auoit vn Capitaine nommé Gonsalue Vascio de Goes, qui ayant faute de viures, cingla vers Cananor pour trouuer du pain: puis reuint en diligence pour se ioindre à la flotte. En ceste route il rencôtra vne nauire Arabesque venant de Cananor, laquelle il assaillit. Les Sarrafins ne firent point de resistance, car ils se disoyent confederer, & en monstrent lettres de Laurent Brittio gouverneur de la forteresse de Cananor: les choses estās ainsi reiglees depuis que les Portugallois ont commencé à bastir des citadelles es Indes, qu'il n'est loisible à personne de voguer sur l'Ocean Oriental s'il n'a passeport de quelque Portugallois Capitaine de nauire, ou gouuerneur de forteresse, lequel ait premierement esprouue la fidelite de celuy qui se veut embarquer, & luy donne certains Capitaines enuoyés.

Droit que les Portugallois se font attribué, & comme l'un de leurs Capitaines enuoyés.

portant s'embarque & vogue seurement: autrement les Capitaines Portugallois peuuent arrester ces vaisseaux, piller tout, tuer ou rendre esclaves ceux qui sont dedans. Alors, comme les Arabes monstroyent leur sauf-conduit, en vertu duquel ils estoient montez sur mer, Gonsalue aueuglé d'auarice, ou guidé de passion cruelle & barbare, ou transporté de cholere contre ceste nation, commença à crier que ces lettres auoyent esté frauduleusement pratiquées, qu'il cognoissoit que ces passagers estoient ennemis des Chrestiens, & machinoient traistreusement & meschamment la ruine des Portugallois: & pourtant seroyent chastiez à cause de si mal-heureux actes. A l'instāt il pille ceste nauire, fait couldre ces miserables dedans les voiles: & apres que le vaisseau fut vuide le fit percer à coups d'artillerie & couler en fond. Cest acte estoit non seulement inhumain, entrepris & meschamment executé en despit du droit des gens, contre toute raison & humanité: mais aussi il y auoit de la temerité & de la fa-

reur en Gonsalue de faire ce coup en vn temps si dange-
reux. Veu que la domination des Portugallois n'auoit en-
côres prins pied: & puis qu'ils n'auoyent pas grandes for-
ces sur la mer, c'estoit raison qu'ils obtinssent par renom
de fidelité & de douceur ce que la force des armes ne leur
pouuoit donner. Car puis qu'il n'y a plus seur appuy de
nostre vie que la foy, c'estoit lors qu'il falloit fonder en la
reputatiô de preud'homme & integrité la puissance que
lon ne pouuoit acquerir autrement, attendu que les for-
ces n'estoyent pas suffisantes. Et comme l'excellent nom
de fidelité & benignité attire doucement les cœurs de
tous hommes: au contraire la desloyauté infame allume
haine, desir de vengeance, & cruauté. Ce qui n'apparut que
trop par effect en ce temps là: d'autant qu'un tel acte fit
que les Indiens commencèrent à s'enuenimer contre les
Portugallois. Quant à Almeide, il en fut fort indigné, de-
posa Gonsalue de son estat de Capitaine, & depuis ce iour
ne luy monstra plus bon visage.

25.

*Entreprinſes
du Roy de Ca
nanor contre
les Portugal-
lois, & des
particulari-
tez notables
ſuruenues en
la guerre que
il leur fit.*

EN ce temps le Roy de Cananor estoit decedé, au lieu
duquel succeda vn autre qui haïſſoit mortellemēt les Por-
tugallois: car il estoit paruenu à ceste dignité par le moyē
du Roy de Calcut. Il y auoit en Cananor vn Arabe nom-
mé Mameles, le plus aparent & riche de tous ceux de ſa
nation habitans en ces quartiers là. Or le pilote de la na-
uiſſe que Gonsalue de Goez auoit enfondree estoit ſon
neueu. Iceluy voyant ſa marchandise pillée, le vaiſſeau
perdu, ſon parent cruellement noyé avec les autres, outré
de douleur il ſ'en va trouuer Laurent Brittio, & commence
à ſe plaindre tout haut du tort qui luy estoit fait. Tu nous
as trahis, luy dit-il, tu nous as trompez: c'est par ta perfu-
die & meſchanceté que j'ay perdu ma nauire, mes biens
& mon neueu. Autrement, ſi ton certificat eust esté eſcrit
& dreſſé de bonne foy, comment ſe fuſt-il peu faire qu'un
Portugallois, Capitaine de nauire, nous eust ſi cruelle-
ment traitez, & fait vn tel outrage à ſi grand nombre de
nos compagnons? Là deſſus Brittio iura qu'il n'y auoit
point de fraude de ſon coſté. Mais l'Arabe ne ſe contē-
tant de cela, tout eſpleuré & ardant de cholere, ſ'en alla
preſenter au Roy, accompagné des ſeïmes, enfans & pa-
rens de ceux qui auoyent esté ſi cruellement mis à mort.

Lors ils commencerent avec grands cris, les mains tendues vers le Roy, à luy demander iustice, & le supplier de faire vengeance des maux commis par ceste meschante nation de Portugal. Luy monstra qu'il vouloit accorder leur requeste: & lors tira à part Mameles, auquel il fit entendre que ce luy seroit chose fort agreable, si Mameles & les siens trouuoient moyen d'attraper les Portugallois afin de les chastier. Incontinent Mameles escriuit aux Arabes qui trafiquoyent en Calecut lettres par lesquelles illes auertissoit de cest outrage. Eux en font le rapport au Roy, lequel tout sur l'heure despescha homme express vers le Roy de Cananor pour l'enflammer à la guerre, & luy promettre de sa part ayde & secours pour opprimer les Portugallois, desquels ils pourroyent nettoier les Indes, s'ils ioignoient leurs forces ensemble. Le Roy de Cananor ayant receu ce message, tourna toutes ses pensées à trouuer les moyens de ruiner ses ennemis: & premierement il tint son entreprinse fort secrette. Ce pendant il fit creuser vn large fossé depuis vn des bouts du riuage iusques à l'autre: ce fossé separant la ville d'avec la forteresse assise en vn coing enuironné de la mer. Il faisoit faire cela pour la fortification de la ville. Or assez pres de la forteresse y auoit vn puis, duquel les Portugallois puisoyent de l'eau pour leur vsage. L'ennemy faisoit son conte de leur bouscher & oster ceste commodité: car du fossé iusques au puis y auoit vne sente fort estroite, que le Roy vouloit munir de bouleuards & bastions, afin d'empescher les Portugallois d'en approcher, & les faire mourir de soif. Ceste deliberation fut decelee à Laurent Britio gouverneur de la forteresse par le Prince qui deuoit succeder au Royaume, lequel fit entendre aussi que outre les autres prouisions de guerre le Roy de Calecut auoit secretement enuoyé à celuy de Cananor vingt-quatre piéces d'artillerie pour battre la forteresse, & promit d'enuoyer trente mil hommes au secours. Laurent remercia le Prince, promettant de faire que ce bon seruiçe seroit deuëment recognu. Et pourtant il retint ses gens pres de soy, de peur qu'au danger de leurs personnes ils ne s'allasent pourmener en vne ville ennemie. Puis il enuoya messager vers Almeide pour l'auertir du dan-

ger auquel luy & les siens estoient. Almeida enuoya ses fils pour munir la forteresse de viures, d'armes & de soldats, à ce que lon peust soutenir vn siege plus aisément: ce qui fut diligemment executé. Britio voyant que si lon bouschoit le passage du puis, il faudroit mourir de soif, fortifia d'vn fossé & d'vn boulevard l'entre-deux de terre depuis la forteresse iusques au puis, & enferma les deux riuages en ceste fortification. En apres il dressa vn pont de bois pour aller du boulevard au puis: & dressa diuers bastions, sur lesquels furent disposez quelques fauconneaux pour repousser l'ennemy, s'il vouloit empescher qu'on puisast de l'eau.

Guerre ouverte entre le Roy de Castille & les Portugalois, avec diuers stratagemes.

LE Roy voyant cela cogneut que ses embusches estoient descouvertes, à cause dequoy estimant que dissimuler plus long temps c'estoit perdre sa peine, il resolut d'assaillir la forteresse. Il auoit lors en son armee quarante mil hommes, partie de ses suiets, partie de ceux qui estoient ja venus de Calecut. Ainsi donc il rangea ses troupes, & en vn instant vint pour se rendre maistre du boulevard. Les Portugallois soustindrent la charge vaillamment. Mais le fort de la meslee estoit pour l'eau: les vns taschans oster du tout ceste commodité; les autres s'exposans à tous hazards pour s'en conseruer l'usage. Voila comme ceux qui desiroient boire de l'eau estoient contraints l'acheter au pris de leur sang. Or par l'auis d'vn excellent ingenieur, nommé Thomas Fernand, les Portugallois minerent dedessous la forteresse iusques au puis: ce qui fut fait avec si peu de bruit, que iamais les ennemis ne s'en apperceurent. En apres, vn peu au dessus de la porte de ceste mine se venant rendre au milieu du puis, il assit des soliveaux, & les recourit d'autres en trauers, & mit dessus diuers materiaux qui cachoyent tellement l'eau, que les ennemis n'y pouuoient ietter de la poison. En apres, ayant rompu la gueule du puis par enhaut, il amassa force terre dessus, afin que lon ne peust tirer les materiaux qui couuroient les piéces de bois. Par tel moyen ceux de la forteresse auoyent de l'eau à commandement en despit de leurs ennemis. Le Roy se voyant frustré de ceste esperance delibera d'assaillir le boulevard plus viuement qu'il n'auoit encores fait. Mais d'autant qu'il y perdoit beau-

coup d'hommes, afin de besongner au plus seur, il fit emplir des grands sacs de laine & d'autres matieres pour les opposer aux coups de canon. Tandis qu'on travailloit à cela, son camp se tira plus loin & defendit à ses gés de donner assaut. Brittio conoissant qu'il y auoit quelque nouuelle deliberation, s'auisa d'un moyen pour la descouurir. Par son commandement vn charpétier dressa vn piege pres du boulevard du costé qui regardoit la porte, & le couurit de terre & matiere legere. Incontinēt Brittio fit sortir quarante soldats avec semblant d'aller vers la ville. Estans descouuerts ils furent chargés par les ennemis: lors ils se retirent au pas, ce qui donna occasion aux autres de poursuyure: tellement que leur capitaine marchant le premier tomba dedans le piege. Quoy fait les Portugallois commencent à tourner visage & combattre vaillamment: puis il en sort d'autres du ravelin, qui se ioignent à eux, & repoussent les ennemis estonnez de cest accident inopiné, les chassent assez loin, & à leur retraite despestrent du piege leur prisonnier, & l'amènent à Brittio, lequel entendit de luy l'occasion pourquoy la guerre cessoit. D'auantage le Prince qui deuoit succeder au Roy descouurit l'intention d'iceluy, par vn de ses gens qu'il enuoya en la forteresse dedans vn esquis chargé de viures. Cela fit que les Portugallois se preparent à soustenir l'assaut.

A P R E S que le Roy eust donné ordre à ce qui estoit requis pour assaillir, soudain il disposa ses troupes en l'ordre que s'ensuit. Premièrement les sacs estoient tellemēt rangez, qu'ils seruoient comme de boulevard, à ce que les soldats peussent seurement approcher de celuy des Portugallois. Et en apres marchoit vn bataillon composé d'archers, de harquebouziers, & autres equippez de diuerses sortes d'armes. Le Roy estoit en l'arriere-garde, avec la plus grosse & meilleure troupe. Combien que l'artillerie de la forteresse vomist des boulets de fer & de pierre fort gros, cela ne nuisoit de rien aux ennemis, à cause des balles de laine qui rompoient le coup. Ce qui donna tel courage aux assaillans que pensans auoir ià le dessus, ils commencerent à crier de ioye. Le iour suyuant, l'assaut fut plus impetueux que deuant: & lors

il souuint à Brittio de s'aider d'une piece laquelle estoit iusques lors demeuree inutile, & qu'il scauoir delascher de plus grande roideur que les autres. Le canonnier y ayant mis le feu elle transperça les balles, & apres quelques coups esparpilla tout ce qui estoit au deuant. Ainsi les grosses pieces venans à donner à trauers les ennemis descouverts, avec une scopeterie continuelle, il y eut grand meurtre d'hommes. La nuit suivante un gentil-homme Castillan, nommé Guadilaire, demanda à Brittio qu'il luy permist de choisir cent cinquante hommes, pour aller donner l'alarme aux ennemis. Ce que luy ayant esté accordé, sur les trois heures apres minuit, le temps estant fort pluuieux & couuert, luy & les siens viennent assaillir le camp qui ne pensoit à rien moins qu'à cela, à cause du petit nombre des assiegez, & au son des trompettes & hucées de toutes parts donnent l'alarme fort chaude, esgorgeant quelques uns des plus endormis, saccagent d'autres à demy esueillez, & mettent le reste en fuite. S'estans rendus maistres du camp sur le point du iour, ils emmenent un grand butin dedans la forteresse. Mais cest heureux exploit fut diformé par une mesaventure qui survint tost apres. Il y auoit ioignant la forteresse plusieurs maisons que les soldats assiegez garantissoient des courses & assaux des ennemis. On auoit serré en icelles force marchandises, meubles précieux, & des viures dont les soldats estoient nourris durant le siege. Aduint, par la nonchalace d'un goujat qui s'allât coucher laissa la chandelle allumee, que ceste chandelle tomba sur quelque maniere seiche, laquelle print le feu incontinent & embrasa la maison. Or pource qu'icelle & toutes les autres estoient de bois, couuertes de fucilles de palmier, & proches les unes des autres, elles furent toutes bruslees: ce qui fut cause d'une grande perte, dont Brittio toutesfoi ne se faschoit pas tant que de la disette de viures, lesquels le feu auoit consumez pour la pluspart: & n'y auoit pas esperance, que durant l'hyuer on peust auictuailier la forteresse d'ailleurs.

Famine entre les Portugallois.


COMME dōc la faim pressoit les Portugallois, premierement ils se ruerēt sur les chats, puis sur les rats & laizards. Brittio estimant qu'il falloit se hazarder en quelque fa-

çon, fit sortir vn sien parent avec trente soldats des plus resolu, pour surprendre l'ennemy, & voir s'il y auroit point moyen d'enleuer quelques viures du cāp qui estoit assez mal gardé. Mais les ennemis qui estoient au guet blessèrent plusieurs de ces soldats, entre autres le parēt de Britio qui receut quelques coups en la face & aux cuisses, tellement qu'il ne pouuoit marcher, & ne s'en salua rien qu'il ne demeurast prisonnier: mais par la vaillance d'vn ieune soldat aagé de vingtcinq ans, nommé Jean Gregoire, il fut retiré du milieu des ennemis, & ramené en la forteresse. Quatre Portugallois furent tuez en ceste escarmouche. Ce pendāt le Roy fut auerty par quelques esclaves, qui s'estoyent sauuez de la forteresse, que la famine assailloit de pres les assiegez: pourtāt estima il que le temps de venir à bout de ses desseins approchoit, & fa- loit s'aider de l'occasion presente. Et sur ce il dressa vne embusche en lieu assez propre, & fit chasser deux vaches assez pres du ravelin. Les assiegez voyās ceste proye sortent à l'instāt sans congé d'autre capitaine que de la faim qui leur cōmandoit: & lors ils se virent assaillis de ceux qui estoient cachez. Neantmoins ils resisterent si courageusement qu'auant que plus grand nombre d'ennemis peust arriuer, maugré ceux qui les enuironoyent, ils emmenèrent les deux vaches, & s'entretindrēt de la chair d'icelles l'espace de quelques iours, en fin desquels il fa- loit se rēdre ou mourir de faim. Mais en ceste extrēmité Dieu les secourut miraculeusement: car la mer cōmença à estre tourmentee, & poussa au riuage vn nōbre infiny de petis poissons nommez sauterelles de mer, dont les Portugallois rassasierēt leur faim, & les malades entr'eux commencerent à se refaire. Et par ce moyen ils soustin- drent le siege tout au long de l'hiuer.

Le prin-temps approchant, on attendoit secours si tost que la mer seroit nauigable: ce que scachant bien le Roy *E'issue de la* guerre entre de Cananor, il delibere employer toutes ses forces pour les Portugal- se rendre maistre du boulevard & de la forteresse, a- lois Et le Roy uant que le secours fut arriué de Cochim. Pourtant de Cananor. il arma bon nombre de vaisseaux, & fit dresser sur quelques vns d'iceux deux tourelles semblables à cel- les dont le Roy de Calecut s'estoit aidé contre Pach-

co. Le Prince de Cananor auertit incontinent Brittiô de tout cest appareil, & l'admonesta de bien prendre garde à la forteresse du costé de la mer. Alors le Roy auoit en son armee cinquante mil hommes, tant de ses suiets, que de gés amassez d'ailleurs. Tout son equippage estant prest, voulant assaillir les Portugallois par mer & par terre, aussi en mesme temps ses vaisseaux voguerent contre la forteresse, & les grosses troupes qui estoient en campagne marcherent droit au boulevard. Mais ils furent repoussez de tous les deux costez avec grand' perte de vaisseaux & d'hommes. La meslee fut sanglante, & dura depuis le leuer iusques au coucher du Soleil: en quoy Dieu se monstra manifestement fauorable aux Portugallois, qui ne perdirent pas vn des leurs, & au contraire firent mourir vn merueilleux nombre d'ennemis. Le lendemain Brittiô fit trainer la pluspart de l'artillerie disposée en la forteresse sur le boulevard, & de la commença vne furieuse batterie dans la ville. Plusieurs maisons en furent ruinees, notâment vne mosquee où plusieurs Mahumetistes s'estoyent assemblez pour supplier leur faux prophete de venir au secours. Or les habitans & les estrangers qui estoient en Cananor se donnerent telle frayeur, que tous importunerent le Roy de traiter quelque accord avec les Portugallois: autrement ils deslogeroiēt tous arriere de là. Ce qui les sollicita encor dauantage fut l'arriuee des nauires, desquelles Tristâ de Cugne estoit general, qui lors approchoit pour secourir les assiegez, s'ils eussent esté en plus grâd danger. Ainsi donc la paix fut faite sous certaines conditions, & moyennant que le Viceroy Almeida les voulust ratifier. Quant à ce que Tristan de Cugne fit en son voyage auant qu'aborder en Cananor, nous en ferons mention cy apres.

FIN DV QUATRIESME LIVRE.



LE CINQVIESME LI-
VRE DE L'HISTOIRE
DE PORTVGAL.

SOMMAIRE.

1. Estat d'Afrique : & les choses memorables auenues en la ville de Safin entre les Portugallois, Haliadux & Ichabentafuf.
2. Affaires de Portugal : embarquement de quelques capitaines pour aller es Indes, & leurs auantures.
3. Navigation & diuers accidens de Tristan de Cugne, specialement en l'isle de saint Laurent.
4. Descriptiõ de ceste isle, appellee par ceux du pays, Madagascar.
5. Continuation du voyage de Tristan de Cugne, & quelques exploits de guerre.
6. Arrivee de Tristan de Cugne en l'isle de Zacotora, des Chrestiens qui y habitent & de leurs mœurs, ensemble la guerre que Tristan y fit pour les deliurer de seruitude.
7. Bataille nauale entre François Almeida & les Calcutiens : l'embrasement de Panane, & le retour de Tristã de Cugne en Portugal.
8. Armee de mer de Campson, Sultan d'Egypte, cõtre les Portugallois, & de leur rencontre au port de Chaul.
9. Desfaite des Portugallois par la flotte du Roy de Cambaie, iointe avec celle du Sultan d'Egypte & la mort de Laurent Almeida, avec plusieurs autres.
10. Guerre d'Azamort en Afrique, & les diuers accidens d'icelle.
11. Siege d'Arzile prinse par les Mores, le chasteau assiegé & secouru, & Arzile reprinse par les Portugallois, avec diuerses particularitez.
12. Diligence du Roy de Portugal à pourvoir aux affaires d'Afrique, & quel conseil on donna sur la poursuite de la guerre en ce quartier.

13. Description de l'isbe *Et* de la ville d'Ormus: des mœurs des habitans, & de la puissance de ce royaume.
14. Diuers exploits de guerre d'Alfonse Albuquerque contre plusieurs ports de mer appartenans au Roy d'Ormus.
15. Negotiation d'Albuquerque avec le Roy d'Ormus: la guerre & sanglante bataille qui s'ensuiuit.
16. Ambassade du Roy d'Ormus vers Albuquerque pour auoir la paix, laquelle est finalement accordée, & vne citadelle bastie par les Portugallois en Ormus.

I
Choses me-
morables au-
eues à Safin
en Barbarie.



ANDIS qu'on se barboit ainsi es Indes, les affaires d'Afrique estoient en l'estat qui s'ensuiuit. Il y a vne ville en Barbarie nommee Safin, assise de là le destroit de Gibraltar vers le Midy, & qui est au bord de l'Océan Atlantique. Elle estoit lors fort grande, riche & marchande. Le pays est fertile, abondant en fruits & en bestail. Ceste ville a esté long temps suiuite au Roy de Marroc qui dominoit sur la pluspart de Barbarie. Mais finalement certains gentils-hômes, sur-nommez les Farhoms, se reuolterēt, & par le moyen de leurs richesses & de la faueur du peuple se firent seigneurs de ceste ville. Finalement vn des principaux de ceste maison nommé Abdear Rhamā, homme de grand cœur & extrêmement ambitieux, desirant estre maistre, fit mourir meschamment vn sien oncle nommé Hamedie, le plus riche & puissant de tout leur lignage. Puis, sous ombre de liberalité & de gracieuseté, gaigna si bien les cœurs du peuple, qu'il se conserua aisément la dominatiō en ceste cité. Or il auoit vne belle fille, aimée par vn beau ieune gētil-homme nommé Haliadux, lequel iouissoit d'elle, du consentement de la mere. Rhaman ayant ouy quelque bruit de ceste hantise, fut grieffuement picqué d'vn tel opprobre fait à sa maisō, & delibera de tuer le ieune hōme: dont la mere & la fille se doutās l'en auertirent. Haliadux voulant preuenir Rhaman machina de le faire mourir: & ayāt communiqué son entreprinse à vn sien amy, appellé Iehabētafuf, en la fidelité & prouesse duquel il se cōfioit, la resolutiō fut d'executer au plustost qu'il seroit possible. Or vn iour de feste solēnelle entre les Mores, Rhaman s'en alla en leur mosquee, & enuoya semondre Haliadux de se trouuer aux ceremonies

qui s'y faisoient: adioustant qu'après icelles il auoit à luy communiquer chose de grande importance. Haliadux entêdit biē par tel message que l'heure estoit venue qu'il falloit tuer Rhaman, ou estre tué de luy. Ainsi donc il appelle Ichabentafuf, & eux deux acompagnez de dix des plus vaillans de leurs parens & domestiques vont droit en la mosquee, & y massacent Rhaman. Ceux qui estoient venus là auecques Rhaman commencent à se remuer pour courir sus aux autres: mais voyans douze gentils-hommes bien resolus, ayans les glaiués desgainez & prests à charger: estimans aussi que le peuple fauorisoit vne si hardie entreprinse, & que leur chef estant atteiré ils n'auroient aucun support ny secours, à l'instant ils s'enfuyent hors de la mosquee. Mais Haliadux & Ichabentafuf se transportent sur la place de la ville, & ayās fait venir le peuple, Haliadux fit vne harāgue, en laquelle il mōstra auoir eu iuste occasiō de tuer le tyrā qui machinoit sa mort: & q̄ ceux de la ville luy estoient grādement reu^{er}, en ce qu'il les auoit deliurez d'un meschāt patricide: pource q̄ de là en auāt leurs affaires florissoient beaucoup plus sous vne dominatiō gracieuse & moderee. Lors du cōsētemēt du peuple (cōme cela est ordinaire à gēs legers & volages, de se laisser mener cōme on veut) Haliadux & Ichabēta fuf surētseus seign̄rs & gouuerneurs de la vile.

EN ce temps, Iacques Azambuge (duquel a esté parlé au liurē precedent) commandoit en la forteresse par luy bastie, suyuant le commandēment du Roy Emmanuel, assez pres de Safin. Tandis que les affaires estoient ainsi troubles & confuses en la ville, treize Espagnols qui y estoient prisonniers trouuerent moyen de gaigner vn esquip, & se sauuent vers Azābuge auquel ils font entendre ce que dessus. Deux iours apres, Haliadux voyāt que les parens & amis de Rhaman, qui auoyent grand credit en la ville, machinoient la ruine de luy & de ses compaignons, alla trouuer Azambuge, l'exhortant d'empoiner l'occasion que Dieu luy presentoit: que de sa part il feroit que la ville receuroit volontiers le Roy de Portugal pour seigneur: & que cependant il estoit besoin que ceux qui auoyent ceste volōté fussent soustenus des Portugallois pour resister aux pratiques de leurs enne-

*Ce qui ad-
uint apres la
mort de Rha-
man seigneur
de Safin.*

mis. Combien qu'Azambuge conust tresbien la perfidie de ceste nation, toutesfois voyant que parmy ces mutineries les affaires estoient en tel point qu'il estoit expedient de tenir promesse à Haliadux & à ses confederez, ne refusa point ceste condition. Et pourtant il entra dedans Safin avec douze gentils-hommes, où ayant sejourne huit iours, il proposa quelques conditions de paix, & fit alliance avec Haliadux & les siens au nom du Roy Emmanuel. Or il entendit sur ces entrefaites par le rapport d'un luif nommé Abraham, qu'on luy dressoit quelque embusche: ce qui le fit retirer en sa forteresse, mais quatre gentils-hommes Mores, dont Haliadux estoit le principal, allerent apres: & ce pendant Ichabentafuf demeura en la ville pour y commander. Par l'alliance il estoit dit que les Mores assigneroient à Azambuge vne place au quartier où la mer laue le pied des murailles de la ville, pour y bastir vne grande maison, & luy lairroyer vne tour aboutant aux murailles, & la porte qui regarde la mer, afin de rendre son logis plus spacieux & plus magnifique. Cela ainsi accordé, Azambuge fit voile en Portugal avec les quatre Mores susmentionnez, & fit entendre au Roy toute sa negotiation, ensemble la grandeur de la ville, & la commodité du lieu pour faire la guerre aux pays de terre ferme en Afrique. Le Roy fut fort content de ces nouuelles, & renuoya Azambuge en Barbarie: puis afin d'acheminer mieux ceste entreprise, il enuoya lettres à Garfie Melio, qui gardoit avec vne flotte de nauires le destroit de Gibraltar, pour empescher la navigation aux Mores, par lesquelles luy estoit commandé de se joindre avec Azambuge. Combien que Melio fust lors fort malade, toutesfois il executa promptement ce qui luy estoit enioint: & cingla iusques au port de Safin, où Azambuge estoit ia arriué: mais ils trouuerent tout changé. Car la ville estoit en armes, sans plus se soucier de l'accord precedent, & la populace disoit tout haut qu'elle ne s'assuiettiroit en sorte quelconque à la domination des Chrestiens: brief tout y estoit en troubles. Haliadux, lequel estoit lors de retour en la ville, & Ichabentafuf fermoient les yeux à vne telle perfidie, & sans plus se souuenir de l'alliance, conspyroient ensem-

ble contre les Portugallois.

ALORS Azambuge & Melio s'auiſent de ſemer dextrement quelque diſcord entre Haliadux & Iehabêtaſuf, afin qu'ayant deſioint leurs forces, eux peuſſent plus aiſément ſe rendre maîtres de la place. Le moyen d'excuter ce ſtratageme fut tel. Melio eſtoit toujours malade : & pourtant il enuoya querir vn medecin Iuiſen la ville pour le venir penſer. Ils corrompirent ce Iuiſ à force d'argent, & luy perſuaderēt de porter lettres aux deux gouuerneurs, en telle ſorte que l'un ne peuſt ſentir qu'on euſt eſcrit à l'autre. Elles eſtoient eſcrites de la part de Melio, lequel en celles enuoyees à Haliadux l'admonneſtoit de ſe tenir ſur ſes gardes : pource que luy ſçauoit de bonne part qu'il eſtoit en grand danger de ſa vie. Pour obuier à vn tel inconuenient, Melio promettoit de s'employer, aſſeürant l'autre qu'il eſtoit preſt à luy faire ſeruiſſe : & ce pendant l'aduertiſſoit qu'il n'y auoit embuſches qu'il deũt redouter d'auantage, que celles qui luy eſtoyēt dreſſees à cauſe qu'il eſtoit compagnon d'un autre en ce gouuernement. Car puis que iamais ceſte aſſociatiõ n'auoit eſté ferme & fidele, il ſeroit tant plus aiſément ruiné, que ceux auec leſquels il eſtoit ioint en charge n'eſtoient point ſouſpõnez ni redoutez par luy. Autant en eſcriuit-on à Iehabentaſuf, en l'exhortant d'aſſeürer ſa vie contre les pratiques & menées d'Haliadux. Toutes & quantes fois que le medecin venoit voir Melio, il mettoit la main deſſous la couuerture du liſt, comme pour taſter ſi la vehemence de la ſieure eſtoit point moderee : & là prenoit les lettres, à ce que perſonne ne peuſt rien deſcouurir de ceſte fourbe. D'autre coſté Haliadux & Iehabentaſuf, au deſceu l'un de l'autre remercioyent affectueuſement Melio, promettans ſe ſoumettre au Roy de Portugal : & le ſupplians inſtamment de ne permettre que l'un ruinaſt ainſi l'autre. Ceſte partie ſubtilement dreſſee contre la plus cauteleuſe nation du mōde, fit que chaſcun des deux gouuerneurs ſe deſiant l'un de l'autre eſtima que pour ſe maintenir contre ſon compagnon il ſe falloit fortifier du ſecours des Portugallois. L'un & l'autre donc, au deſceu de ſon compagnon, prie Azambuge & Melio de venir en la ville, les aſſeürant que bien

*Stratageme
des Portugal
lois pour ſe
rendre mai-
tres de Safin.*

tost il la mettra és mains du Roy Emmanuel. Cela fit
 qu'eux accompagnez de cinquante soldats entrèrent de-
 dans Safin, & choisirent pour leur demeure la maison de
 Rhaman, pource qu'elle sembloit spacieuse, forte, & plus
 pres de la mer que les autres maisons. Puis ils y firent ap-
 porter secrettemēt des armes de toutes sortes, enfermées
 en des coffres & tonneaux. Les Mores, qui ne sont pas
 seulement desloyaux, mais aussi fort soupçonneux, tou-
 chez de quelque sinistre opinion, ne présumoyent rien
 de bon de toutes ces allées & venues des Portugallois: les
 deux gouverneurs commençoient à se repentir de leur
 legereté, & brasloyent secrettement, de telle sorte qu'il
 estoit aisé à voir qu'après tant de desguilemens il y au-
 roit des coups ruez. Azambuge fit incontinent entendre
 au Roy de Portugal comme les choses alloient, lequel
 sans delay leur enuoya vn bon secours, ayant fait armer
 en diligence quatre nauires, desquelles Gonçalues Men-
 dese de Zacote gentil-homme qui auoit haaté toute sa
 vie les guerres d'Afrique, eut la charge. Iceluy estant ve-
 nu surgir au port de Safin, entendit qu'Azambuge &
 Melio estoient reduits en grandes difficultez par l'arti-
 fice des Mores, lesquels au lieu de maintenir l'alliâce, em-
 peschoient la fortification d'Azambuge, denians outre
 ce qui estoit requis pour icelle les viures mesmes: & apa-
 roissoit en beaucoup de sortes qu'ils n'auoyent faute que
 de courage pour executer quelque meschanceté, at-
 tendu qu'ils estoient poussez d'une tresmauuaise volon-
 té. Quand les Portugallois se plaignoyent de l'vn des
 gouverneurs, iceluy en attribuoit toute la faute à son cō-
 pagno. Mais la venue de Zacote fortifia les Portugallois,
 & les fit aller & venir plus hardiment par la ville. Alors ils
 declarerent aux gouverneurs, que l'on n'endureroit plus
 qu'eux deux ensemble maniasent les affaires de la ville:
 attendu qu'ils ne s'accordoyent pas bien ensemble, &
 que l'vn complotoit contre l'autre. Qu'ils auisassent le-
 quel d'eux deux gouverneroit la ville au nom du Roy
 Emmanuel. Haliadux & Ihabentafuf voyans que force
 estoit que l'vn d'eux quittast la place, auiserent ensē-
 mble paisiblement au plus expedient, & avec vne meruei-
 leuse moderation (ce qui pourroit sembler incroyable à

qui considerera leurs mœurs) l'un deferoit le gouuernement à l'autre. Finalement Haliadux obtint que Ichabentafuf demeureroit gouuerneur.

QUAND Ichabentafuf se vid sans competeur, il comença à machiner beaucoup plus hardiment contre les Portugallois, & taschoit par tous moyens d'empescher la fortification d'Azambuge. Par ses menées nul n'osoit porter des pierres, de la chaux, ny autre matiere pour bastir, mesmes il menaçoit aigrement les ouuriers secretelement quelques iours, puis apres tout ouuertement & avec audace. Ce qu'entendu par Azambuge il enuoya querir Haliadux (lequel il scauoit se repentir de sa modestie, en ce qu'il auoit laissé le gouuernement à son compaignon) & l'admonnesta d'amasser quelque troupe de ses gens, assaillir à l'improuiste Ichabentafuf, & luy couper la gorge promettant de le secourir s'il estoit besoin, & faire que le gouuernement de la ville reuiendroir à luy seul. Ichabentafuf se voyant en danger à cause des forces qu'auoit Haliadux qui le cerchoit, & ignorant que cela se maniait par l'auis d'Azambuge, s'enfuit en la maison de Rhaman, où l'on batissoit la citadelle. Iacques Mirande petit fils d'Azambuge, demouroit lors en ceste maison, & ne sachant pas aussi que Ichabentafuf eust esté poussé en ceste extremité par les menées de son ayeul, le receut en sa sauuegarde, & le garentit de la main de son ennemy. Azambuge estoit delibéré de faire mourir Ichabentafuf: mais cé More (homme de grand esprit, & qui auoit la parole à commandement) ayant proposé plusieurs raisons pour monstrier qu'il n'estoit nullement expedient pour le bien des affaires du Roy Emmanuel, qu'on luy ostast la vie pour lors, obtint congé d'Azambuge pour aller en Portugal, afin de se liurer soy-mesme es mains du Roy, s'obliger estroitement à luy par vne bonne alliance, que iusques à la mort il s'employeroit fidelement pour l'auancement de la dignité & grandeur d'iceluy. Que si le roy ne vouloit accorder cela, lors il seroit en sa puissance d'ordonner de quel supplice on luy feroit finir ses iours. Finalement il obtint d'Azabuge, qu'on le meneroit prisonnier en Portugal, où il obtint pardon du Roy, lequel luy donna vne compaignie

ruses de Ichabentafuf gouuerneur de Safin contre les Portugallois, et quelle en fut l'issue.

de cheuaux legers pour faire la guerre autour de Safin. Ceste douceur & gracieuseté du Roy gaigna tellement le cœur lehabentafuf, que depuis il fit de grands seruitices en la guerre: & se porta tellement qu'on apperceust tousiours qu'il auoit la foy & l'honneur en recommandation.

*Deportemens
de Haliadux
enuers les
Portugallois,
& de ce qui
en aduint.*

QUANT à Haliadux, auquel Azambuge auoit laissé le gouuernement de Safin, il se porta tout autrement en ceste charge que l'on n'auoit estimé, & s'opposoit plus insolemment aux Portugallois que n'auoit fait lehabentafuf. Ce à quoy il s'estudioit le plus, estoit d'empescher le parachèuement de la citadelle. Il en destournoit les charpentiers & maçons par grosses menaces, descendant à peine de griet supplice d'y porter aucune matiere, & monstroit tout ouuertement sa mauuaise volonté. Toutesfois l'œuvre s'auançoit peu à peu. Ce pendant Azambuge mouroit qu'il bastist vne citadelle: c'est seulement (dit-il) vne grande maison que ie fay bastir, afin que les marchans Chrestiens y puissent retirer commodément leurs marchandises. Il auoit bousché de terre & d'autre matiere les sepelieres où se deuoient placer les pieces de batterie, & auoir enduit le dessus avec de la chaux, afin que les ennemis ne peussent descouurir ses desseins. Outre plus de mur & il fit percer la muraille, afin que ceux qui estoient es naures, peussent entrer aisément en la forteresse: puis il fit deux leues de terre de costé & d'autre pour fortifier le passage du chemin iusques à ceste ouuerture. Au reste la citadelle estoit tra en defense, & fort haut esleeue. Le lendemain Azambuge enuoya hommes expres vers Haliadux, se plaindre, de ce qu'au lieu de garder l'alliance il violoit meschamment sa foy, & ne tenoit aucun compte de son serment: attendu qu'il auoit iuré sur l'Alcoran de Mahumet de fournir liberalement & suffisamment tout ce qui estoit necessaire pour le bastiment de la maison: qu'au lieu de tenir promesse, il monstroït par effect vne haine violente & cruelle. Il le prioit donc de garder sa foy, de craindre Dieu, & pour son honneur entre les hommes se de porter de mal faire. Haliadux respond qu'il s'esbahissoit fort de la folie d'Azambuge, qui ne considere pas que les viures luy defau-

dront

dront incontinent, si le gouverneur de Safin ne luy en donne & nonobstant il faisoit du braue, autant que s'il auoit abondance de tout ce qui estoit requis pour l'entretenement de luy & des siens. Azambuge repliqua à cela qu'il estoit fort aisé aux Portugallois de souler leur faim & rassasier leur soif de la chair & du sang de leurs ennemis. Haliadux oyant ce propos mordit son doigt, qui est vn signe entre ces peuples de quelque horrible vengeance qu'ils deliberent faire : aussi quand Azambuge en entendit les nouuelles, il conut que l'affaire ne demandoit plus de delay, autrement Haliadux assembleroit grosse trouppes des lieux d'alentour, ausquels il feroit impossible faire teste. Mais afin qu'il ne semblast faucher la foy promise, s'il commençoit la meslee, il s'auisa du stratageme qui s'ensuit.

Vn certain More, boucher de son estat, auoit en pleine boucherie donné vn soufflet à quelque Portugallois de la maison du Roy. C'est homme s'estant plaint à Azambuge du tort à luy fait, fut pour l'heure exhorté de patienter, attendu qu'il n'estoit pas temps d'en quereler. Or ayant receu de Haliadux vne responce si audacieuse, il appella ce Portugallois, & luy conseilla de tuer le More qui l'auoit souffleté : & pour faire ce coup plus promptement il luy bailla pour compagnon l'vn de ses seruiteurs. Ces deux s'en vont de ce pas en la place de Safin, où ils rencontrent le More, & le deueschent à coups d'espee. Incontinent on commence à s'esmeuoir & crier au meurtre & à l'arme. Les Mores s'amaissent de tous costez, & assaillent les deux Portugallois qui se defendent vaillamment, & en reculant peu à peu gaignent finalement à toute peine leur citadelle. Azambuge ne voulut permettre à pas vn des siens de sortir. Sur ce les Mores enuironnent la citadelle, & taschent à coups de dards, de jaelots & autres traits d'endommager ceux de dedans. Finalement ils amènent quelques pieces, & commencent à barreller la place. Quant aux Portugallois ils estoient en armes, & se tenoient sur leurs gardes, sans toutesfois tirer aucun coup : car Azambuge leur auoit expressement comendé de se tenir cois. Toute la nuit les ennemis firent leur possible de forcer la citadelle : mais ils perdirent leur

*De quel mo-
yè s'aïda A-
zâbuge pour
auoir occasiõ
de mettre en
trouble &
subiuguer
ceux de Sa-
fin.*

temps. Si tost que le iour apparut, il ordonna à tous de se recommander humblement à Dieu, puis il exhorta ses gens d'auoir bon cœur, & prendre leur repas. Ayans fait l'un & l'autre, il disposa ses troupes sans aucun bruit, & se fit amener vn cheual blanc pour soy: car luy estoit ja fort vieil & boiteux, d'un coup recen en la cuisse au siege d'une ville nommee Alegrer, que Iean second fils du Roy Alfonse assaillit durant la guerre d'Alfonse contre Fernad Roy de Castille & d'Arragon. Donques Azambuge fut seul à cheual ce iour là: les capitaines & soldats combattirent à pied. Tout estant prest, Azambuge sortit enuiron midy, & donna vn merueilleux alarme aux ennemis qui ne l'attendoyent pas, & ne pouuoient penser qu'une poignée d'hommes, qu'ils tenoyent pour demimorts de peur, deussent se fourrer à trauers vne si grande multitude d'ennemis. Pourtant ils reculent & se retirēt en vne mosquee, où ils furent viuement poursuiuis des Portugallois, & quelques vns tuez. Mais ayans reprins leurs esprits, le combat commença: toutesfois pource que les Mores perdoient beaucoup de gens, ils se sauuerent de ystesse par vne autre porte de ceste mosquee. Plusieurs s'enfermerent dans le chasteau de la ville, où ils tenoyent garnison, & de là endommagerent fort par le moyen d'une grosse piece de batterie la citadelle d'Azambuge. Ce qu'apperceuant vn canonnier bien expert nommé Sebastien Roderic, il braqua vis à vis de ceste piece vne des siennes, & visa si droit que la balle de la sienne donna dans la bouche de la piece des ennemis, & rompit icelle piece, & esmorcela celui qui la gouuernoit. En fin les Mores ne sçachans plus de quel bras se defendre, gagnerent au pied, & Haliadux se retira en vne ville nommee Targam. Ceux qui ne bougerent de Safin demanderent la paix à Azambuge, laquelle il leur accorda sous certaines conditions, & notamment d'un tribut annuel qu'il leur imposa. Or combien que le nombre des ennemis tuez fut incertain, si est-ce qu'il en demeura beaucoup en diuers endroits: les Portugallois n'ayans perdu qu'un seul homme de la maison d'Azambuge, lequel fut tué d'un coup de trait aupres de son maistre. Au reste, Melio & Azambuge ne s'accordoyent pas biē ensemble,

car ils estoient de diuerse opinion sur les moyens de garder la ville de Safin: & leur different s'eschauffa de telle forte, que Melio monta sur mer, & par despit reuint en Portugal, laissant Azambuge seul gouuerneur pour le Roy Emmanuel. Neantmoins apres la prise d'icelle, les Mores demeurans par les villages ne cessoyent de faire des courtes: mais l'auantage demouroit aux Portugalois qui leur donnoient tousiours la chasse. Voila comme par l'adresse & vaillance d'un petit nombre d'hommes fauorisez du bon heur d'Emmanuel, ceste ville riche forte & bien pourueue de tout ce qui estoit requis pour la guerre, luy fust assuiettie. Presques au mesme temps & peu auant la prinse de Safin, le Roy estant en la ville d'Albrantes, à cause de la peste de Lisbonne, la Royne Marie acoucha d'un fils le cinquiesme iour de Iuin l'an mil cinq cens & sept, lequel fut appellé Fernand, Prince de gentil esprit, fort curieux à recercher les choses antiques, desirieux de grandes entreprises, & doué de plusieurs vertus seantes aux personnes de sa qualité: toutesfois il mourut en la fleur de sa ieunesse.

Affaires de Portugal.

2.

Pour reuenir aux affaires des Indes, le Roy (qui ne pensoit presque à autre chose) fit equipper seize nauires pour y enuoyer. Il en bailla quatre à Iacques Siqueire, luy commandant de faire voile iusques delà le Gange, voguer iusques en la Chersonese d'or, au iourd'huy nommée Malaca, & par quelques vns Iapan & Zipangri, & reconnoistre l'assiette de Malaca ville tres-riche & renommée, pour estre l'un des plus notables lieux des foires de l'Orient. Outre-plus il luy enioignit de descourir amplement en ceste route l'isle de saint Laurent, laquelle il entendoit estre fort grande & riche. Siqueire partit de Lisbonne avec ses nauires le cinquiesme iour d'Auril l'an mil cinq cens & huit. Les douze autres nauires furent laissées en la charge de George Aquilaire, auquel fut commandé qu'avec cinq d'icelles il descouurist le Cap de Guardafu, du costé où il tourne du Midy au Septentrion au goulfe de la mer d'Arabie, & coustut toutes ces mers là, afin d'arrester toutes les nauires qui feroient voile d'Arabie en Inde. Les autres sept nauires furent distribuées à certains Capitaines, l'un desquels, nommé Francisque Pe-

Embarquement de quelques Capitaines Portugals pour aller des Indes & leurs auantures.

reire, eut le gouuernement de la forteresse de Quiloa. Le Roy commanda à vn autre nommé Tristan de Silues, de faire voile avec deux galeres, de l'Inde au Cap de Guardafu, puis se joindre avec Aquilaire. Ceste dernière flotte desmara du port de Lisbonne au mesme mois, & cinq iours apres la premiere. Mais vne soudaine tourmente elcarta les nauires, rompit le mast de celle de Pereire, & despeça tout l'equippage, tellement qu'il fut contraint reuenir à Lisbonne. Ayant racoustié son vaisseau il se remit à la voile le dixneufiesme iour de May: mais à cause de l'hiuer il luy fut impossible de gagner Quiloa ains il hiuerna és isles situees autour de Mozambique. Les capitaines qui denoyent aller és Indes, apres auoir esté agitez en diuerses sortes, finalement vindrent surgir au port de Cochim. Quant à Aquilaire il fit naufrage & fut englourty des vagues. Vn sien parent & capitaine de nauire nommé Edouard de Leme, estant arriué avec la flotte au haur de Mozambique, n'en voulut partir que premierement il n'eust nouuelles de la vie ou de la mort d'Aquilaire. Mais ayant conu par plusieurs coniectures que le vaisseau d'iceluy auoit esté fracassé & mis en fond par la tourmente (car mesmes en ceste route lon voyoit flotter des aix avec des tonneaux & diuerses pieces d'equippage des matelots) il fut arresté du commun consentement de tous les capitaines, que Leme luy succederait. Et pourtant, si tost que la saison fut commode, Francisque de Pereire, qui s'estoit aussi venu rendre en Mozambique, cingla droit en Quiloa. Le general Leme s'embarqua en la nauire d'iceluy, baillant la siéne à Vasco de Sylueire, & ainsi ils prindrent la route du Cap de Guardafu. Pierre Ferreire de Fogaze, capitaine de la forteresse de Quiloa, s'en alla en Melinde, suivant la commission du Roy de Portugal, & y demeura à l'anchre, attendant le temps propre pour se remettre en mer: & si tost que la commodité s'en presenta, il se joignit à Leme, lequel en vne flotte de sept nauires fit voile vers Zacotora: tournoyant au long des pays tributaires au Roy, ou il recueillit ce qui estoit deu, & contraignant par armes au payement ceux qui en faisoient quelque refus. Comme il vouloit assieger Magadoxe, ayant consulté avec les

capitaines il s'en deporta, pource que c'estoit vne ville forte d'assiette, bien munie, dont le port estoit fort dangereux pour les nauires, & l'encouleure du destroit pour entrer de la mer en la ville fort mal-aisé. Estât à l'achte pres de ce lieu, auint par la nonchalance de ceux qui faisoient la garde, que l'on coupa les cables des anchres du vaisseau dans lequel George Quadre commandoit. Sur ce le flux de la mer lors tres-vehement emporta ce vaisseau si loin, que quand les soldats & matelots s'esueillierent ils ne sceurent iamais conoistre en quelle plage de mer, ils estoient lors. Pourtant ils retindrent leur vaisseau avec les rames, iusques au leuer du Soleil: mais entendans aussi peu lors en quel endroit ils pouuoient estre, force leur fut de s'abandonner aux vents. Ainsi furent ils emportez iusques au port de Zeilan ville assez proche du goulfe de la mer Arabique, & touchant à l'Ethiopie: au moyen dequoy auint qu'ils tomberent tous entre les mains des Arabes habitans en ce lieu, qui les retindrent prisonniers. Edouard de Leme destourné de l'entreprise par luy faire sur Magadaxo, vint à Zacotora, & y laissa Pierre de Fogaze pour commander en la forteresse. Nous descriurons en vn autre endroit cy apres ce qui luy auint depuis.

MAINTENANT il nous faut discourir sur ce que Tristan de Cugne fit en son voyage. Il auoit vne flotte d'onze nauires. D'auantage, le Roy en fit equipper cinq autres pour Alphonse Albuquerque, ordonné Viceroy des Indes, apres que la commissiō d'Almeide seroit expirée. de Cugne avec sa flotte arriua en Mozambique au mois de Decembre, où il fut contraint seiourner à cause de l'hyuer. Toutesfois quelques nauires, separees de la sienne par les tourmentes, ne se rendirent pas en ce port quant & luy. Car Alphonse Lopes de Coste estoit abordé en Zofala: Lionel Coutin auoit gaigné le haure de Quiloa: Aluar Tellio fut emporté avec grand danger iusques au Cap de Guardafu, d'où, apres s'estre vn peu remis sus, il auoit destrouué quelques vaisseaux d'Arabes, dont luy & ses soldats se firent riches. Puis apres il se remit à la voile, & print la route de Zacotora pour se ioindre à Tristan de Cugne. Roderic Pereire Coutin ayant esté aussi batu d'vne bourasque entra dans vn goulfe de l'i-

(3.)
*Navigation
 & diuers ac-
 cidēs de Tri-
 stan de Cugne,
 spécialement
 en l'isle de S.
 Laurent.*

fie de saint Laurét, lequel il appella beau port, à cause de
 sa beauté : & ce nom luy est demeuré iusques à present.
 Là dixhuit ieunes hommes de l'Isle venās à luy dans vne
 barque furent benigne ment receus, & leur donna des ha-
 billemens: puis il en retint deux à force de dons, lesquels
 il mena à Tristan de Cugne en Mozambique. Le general
 ayant entendu plusieurs discours de la grandeur de ceste
 Isle, & voyant que le temps n'estoit pas propre pour aller
 à Zacotora, apres auoir communiqué premieremēt avec
 Alphonse Albuquerque, resolut de faire voile vers ceste
 Isle, afin d'y cognoistre en quelque sorte les mœurs du
 peuple, l'estendue & fertilité du pays. Il mena avec soy
 Alphonse Albuquerque, Manuel Tellez, Anthoine de
 Camp, Francisque de Touar, Jean Gomeze d'Abrey, Ro-
 deric Pereire, & Tristan Aluar. Les autres Capitaines de-
 meurerent au port de Mozambique avec leurs vaisseaux.
 Or estant venu surgir en quelques ports, comme il vou-
 loit prendre terre, les habitās des lieux l'en empeschoyēt:
 mais il leur donnoit la chasse à coups de canō, & en tuoit
 grand nombre. Puis il descouurit toute ceste Isle du costé
 qui regarde l'Ethiopie : & comme il doubloit la pointe
 qui tire à l'Occident, & desiroit faire le tour de l'Isle, afin
 de recognoistre aussi la partie tédant au Midy, vne tour-
 mente s'esleua qui rompit son dessein : & fit rōpre le vais-
 seau de Roderic Pereire, tellement qu'il enfondra avec
 perte de la pluspart de ceux qui estoient dedans. Le ge-
 neral ne voulut passer outre, ains retourna en Mozambi-
 que. Or lors que ceste tourmente suruint, Jean Gomeze
 d'Abrey auoit ja passé le Promontoire : & comme il vo-
 guoit au long de la coste Australe, il descouurit l'embou-
 cheure d'un fleuue qui est au pays que ceux de l'Isle ap-
 pellent Matarane. Il resolut de mouiller l'anchre là, pour
 faire aiguade : & lors en moins de rien apparurent for-
 ce gens en des petits bateaux qui vindrent autour de sa
 nauire, en le saluant courtoisement, & luy presentant
 des poissons fraichement peschez, des racines dont ce
 peuple fait de la farine, & des cannes desquelles ils tirent
 du sucre : monstrans au reste tous signes de bien-vueil-
 lance & d'humanité. Ceste debonnaireté esmeut telle-
 ment le Capitaine, qu'il commanda à son pilote (qui en-

tendoit diuers langages) de descendre en vn esquif, pour voir s'il pourroit entendre & communiquer avec ces gens, l'admonnestant de faire tant par presens, qu'il peust en amener quelques vns avec soy. Mais si tost que eux eurent le pilote, ils ramerent de telle viffesse, qu'en moins de rien Gomeze les perdit de veue. Cela estant aduenü si soudainemēt, il entra dans vn esquif fourny d'artillerie, & avec vingt quatre soldats, suiuit les basteaux des insulaires: mais comme il approchoit de terre, il descouure ces mesmes basteaux ramenans le pilote, & voguans vers luy en toute assurance. Le pilote faisoit signe que l'on n'entreprinist aucun acte d'hostilité: & que c'estoit vn peuple benin & fort charitable enuers les estrangers. Estant paruenü à l'esquif il conta que ces gens l'auoyent mené vers le Seigneur du pays, qui luy auoit monstré fort bon visage, & donné vne chaine, des bracelets & anneaux d'argent, avec charge de venir trouuer le Capitaine, & le prier en son nom de vouloir visiter vn Seigneur qui desiroit grandement communiquer avecques luy. Le Capitaine inuité & poussé d'un si bon rapport, descendit en terre: où il trouua au riuage ce Seigneur, lequel fit tout son possible de l'attirer à son amitié. Il y eut vn banquet appresté selon la coustume du pays, & fourny de toutes sortes de biens que ceste terre produisoit, & plusieurs propos ioyeux tenus de part & d'autre. Le Soleil commençoit à se coucher, & le Capitaine retournoit vers son esquif, quand voicy s'eleuer vne furieuse tourmente, & l'air s'obscurcir d'un nuage espais, tellement qu'on ne voyoit goutte, la mer ronfloit & escumoit de façon estrange, tellement que le Capitaine ne peut retourner vers sa nauire: & ceste boursaque dura quatre iours au long de la coste, combien que la haute mer fust bonasse. Ceux qui estoient demeurez en la nauire presumoyent que le Capitaine estoit allé assaillir le peuple pour auoir son pilote, & qu'il auoit esté tué au combat: car (disoyent-ils) comment se pourroit-il faire qu'il demeurast si long temps en pays incogneu: à quel propos l'aitroit-il ses gés en l'oucy cōtinuel de son seiour? Quelle bonne chere luy pourroyent faire ces sauuages & barbares pour le retenir? Mais leur ayant redemandé

son pilote, & eux le refusans, il en aura voulu auoir raison par force, & il sera auenu que la foule des ennemis aura esté si grande qu'il y sera demeuré mort. Que ferôs nous donc? Attendrôs nous que quelque nouuelle tourmente chasse la nauire au riuage, & la brise contre vn escueil, & que nous perissions pauurement engloutis des vagues de la mer, ou deschirez en pieces par ces barbares sans pitié? Sur tels discours ils haussèrent les voiles. Le capitaine ayant couru toute la coste avec son esquif, & ne trouuant plus sa nauire, reuint trouuer ce Seigneur, lequel luy fit le meilleur accueil du monde, & tascha par tous moyens de le resiouir, & destourner de la tristesse, dont il le voyoit faisi. Mais ce fut en vain, car le capitaine se voyant comme confiné en ce grand pays, & priué d'espoir de retourner iamais en Portugal, les viâdes & façons de faire de ceste isle ne luy estant propres, ne vouloit se resiouir en sorte que ce fust, ne faisant que pleurer & lamenter, tant qu'à la fin il mourut de tristesse. Huit de ses soldats accablez de regret, trespasserent tost apres. Les suruiuans apres auoir racoustre leur esquif, s'embarquerent au grand regret du Seigneur de ce pays, & prindrent la route de Mozambique, & auant qu'y arriuer rencontrerent la nauire dont Luc de Fonseca estoit capitaine, qui les chargea dedâs, & les mena en Mozambique.

4.
*Descriptio de
 l'isle de saint
 Laurent, ap-
 pallee Mada-
 gascar par ses
 habitans.*

Il est requis en cest endroit de dire quelque chose de la situation de l'isle de saint Laurent, & descrire les coustumes des diuers habitans d'icelle, ensemble le naturel du terroir. Les Europeans luy ont donné ce nom, pource qu'elle fut descouuerte par les Portugallois le dixiesme d'Aoust, iour consacré à saint Laurent par l'Eglise Romaine. Elle a en longueur enuiron six cens lieues, & en largeur deux cens quarate: distinguees en diuers royaumes. Ceux qui habitent au milieu & auant en pays, sont fort idolastres: les habitans des costez sont Mahumetistes pour la pluspart, partie noirs, partie marquez de couleurs, les cheueux courts & crespus. Les plus riches portent quelques robbes de coton: les pauvres couurent les parties honteuses seulement. Il leur est loisible d'espouser autant de femmes que bon leur semble. Le pays est

fort fertile, arrousé de grand nombre de fontaines & de belles riuieres d'eau douce, couuert de bois & forests espaisles, abondant en poisson, grosse venaison, volaille & fruits qu'il produit sans grand labourage : & porte diuerles sortes de racines, dont les habitans vsent, comme nous faisons de pain. Il y a des citrons & autres arbres odoriferans à merueilles : & y croist vn nombre infiny de roseaux, dont le sucre prouient naturellement, ou est exprimé artificiellemēt. Le gingébre y croist de tous costez: ils le mangent verd, & n'ont l'adresse de le garder sec. Ils ont force mines d'argent. Ce peuple est simple, & d'un naturel fort humain : & lors ne scauoient que c'estoit de nauiger, s'aydans seulement de petis bastiaux legers pour la pesche du poisson. En leur guerres ils ne s'aydoient d'autres bastons que de jaelots bien foibles: mais par la hantise des Portugallois, ils se font faconnez à plus fortes armes, & marchent vn peu mieux equippez pour le combat. l'estime que cela suffira pour le present, pour faire cognoistre la situation de ceste isle, le naturel du terroir, & les mœurs de ceux qui y habitēt.

O R Tristā de Cugne partant de Mozambique fit voile & alla surgir au port de Melinde, où apres auoir deuisé familièrement avec le Roy, il luy liura les presens, & fit les recommandations du Roy de Portugal : puis luy laissa trois hommes, l'un Portugallois, nommé Fernand Gomeze de Sarde, l'autre More de nation, depuis baptisé, & nommé Iean Sancho : le troisieme estoit vn More de Tunes, appellé Mahumet. Ces trois alloient avec lettres d'Emmanuel vers le Roy d'Ethiopie, que l'on appelle assez improprement le prestre Iean. Le Roy de Melinde les receut en sa protection, afin que sous sa fidelité ils fussent conduits en Ethiopie. De Cugne ayant donné ordre à cela, print la route de Hoje, qui est vne ville à quarante lieues loin de là, laquelle guerroyoit contre le Roy de Melinde, & la print, l'accagea & brussa, & y tua grand nombre des Mores. Il alla puis apres en vne autre ville à trente lieues de là, laquelle ne fit resistance, ains se rendit volontairement au Roy de Portugal, au nom duquel fut imposé sur les habitans vn tribut annuel de certaine quantité d'or. En apres il tira vers vne autre vil-

*Continuatiō
du voyage de
Tristā de Cu
gne, & quel-
ques exploits
de guerre.*

le, bien forte, & la plus marchande de tous ces quartiers & Haures, nommee Braua : & estant avec sa flotte venu mouiller l'anchre au port, il enuoya Lionel Coutin aux principaux de la ville, offrit la paix au nom du Roy de Portugal, & les prier de faire alliance ensemble. Eux mōstroient semblant de desirer le mesme, toutesfois ils remettoient l'affaire du iour au lendemain : attendans vn vent & tourbillon impetueux, lesquels s'esleue d'ordinaire en ces temps que de Cugne y arriua, & qui apres auoir bien agité les vaisseaux qui se trouuent lors au port, finalement les brise & met en pieces. De Cugne ayant decouuert ceste finesse malicieuse, resolut d'assaillir la ville. Au point du iour il mit ses troupes en terre, & en fit deux bandes : la premiere, de quatre cens soldats conduits par Alfonso Albuquerque : la seconde de six cens ausquels luy mesmes commandoit. Il y auoit garnison de quatre mil hommes en la ville. Deux mille sortent incontinent, & viennent attacher le combat. Il y eut aspre conflict, mais les Portugallois chargerent si viuement les autres, qu'ils les contraignirent de reculer. Eux se retirent en la ville, sans se desbander ny rompre leurs rangs, & sans s'effrayer ferment les portes & empeschent les Portugallois de passer plus auant. Les quatre cens qui marchoyent les premiers se partirent en deux troupes, & courent çà & là, pour trouuer quelque bresche, afin d'entrer plus à l'aise. Ce pēdant on lançoit sur eux de dessus les murailles des traits & engins de feu pour les empeschier. Finalement Albuquerque ayāt trouué vn endroit propre, où la muraille trop vieille estoit par terre, entra dans la ville. Les ennemis courent à la foule vers ce quartier, & se voyans reduits à telle extremité, resistent vaillamment : tellement que le combat estoit comme esgal, iusques à la venue de Cugne, car lors les assaillis quitterent la place, se sauans où ils pouoyent. Les Portugallois vouloyent pour suite leur victoire, mais leur chef les retint : commandant qu'on pillast la ville, de laquelle on emporta vn merueilleux butin es nauires. Les ennemis y perdirent beaucoup d'hommes : le nombre des prisonniers fut grand, toutesfois on en relascha la pluspart, Les Portugallois y perdirent cinquante hommes, & plusieurs furent

fort bleſſez. Dixneuf autres aueuglez d'auarice porterēt tant de pillage dans vn eſquif; qu'il enſonça en la mer, & tous furent noyez: puis l'eſquif s'eſtant deſchargé de ces meſchans fardeaux reuint au deſſus. Quelques ſoldats furent ſi cruels, que pour butiner plus à l'aiſe ils coupoient les doigts & poings à pluſieurs femmes, afin d'auoir bien toſt leurs anneaux & brasselets. Mais le capitaine fit publier que perſonne continuait d'auantage, à peine de la vie. Au reſte, la ville fut conſommee de feu en preſence de ſes habitans qui s'en eſtoient fuiſ, & regardoyēt ce miſerable ſpectacle de loin. Puis la flotte tira vers Magadaxo, où Lionel Coutin fut enuoyé pour offrir paix & alliance comme l'on auoit fait à ceux de Braua. Il y auoit des gens de cheual bien armez qui couroyent çà & là au long de la mer, les murailles eſtoient bordees de gens d'armes, les autres ſe pourmenoyent hors la ville avec leurs armes: brief chacun d'eux ſe preparoit à la guerre. Auant que Coutin print bord, il fit deſcendre en terre vn de ceux qui auoyent eſté prins au ſac de Braua, afin de faire entendre qu'il n'eſtoit venu là que pour traiter quelque accord. Mais eux deſchirent par pieces ce priſonnier en la preſence de Coutin, le menaçans de pareil traitement, au cas qu'il fuſt ſi temeraire de ſortir de la mer. Coutin retourne vers le general, luy fait entendre les menaces & la cruauté des ennemis. Le general y voulut aller les cōbatre, mais par l'auis des capitaines & pilotes il s'en deporta. Car outre ce que l'iſſue d'vne telle guerre eſtoit fort incertaine, le ſejour ſacheux & perilleux pour la flotte, la ville bien fortifiée, & munie de gens reſolus pour la guerre, l'hiuer approchoit, le temps de la nauigation ſ'eſcouloit: tellement que ſi la ville n'eũt eſté emportée au premier aſſault, les nauirres eſtoient en grand danger, & toute l'armee ſe perdroit, au grand deſ-honneur du general.

6.

AINſI donc il prit la route de Zacotara, en laquelle la *Arrivée de* flotte vint ſurgir ſans aucun empêche-*ment, & en peu de* *Triftā de Cu* iours. Pluſieurs eſtiment que ceſte iſle eſt celle que les *gñe en l'iſle* anciens appelloient Dioſcoride, laquelle regarde le *de Zacotara,* Promontoire de Mozambique. Elle eſt mōtaigneuſe, a *des Chre-* bōdāte en herbes, & fruits de diuerſes ſortes. Les habitāſ *ſiens qui y*

habitēt, et de sont bigarrez de couleurs, & se disent Chrestiens. Ils leurs mœurs: ont des temples & des autels, comme l'on void en Europe enſemble de la rope. Les autels ne sont parez que de croix, & n'ont guerre que point d'autres images. Es iours de ieufnes, qu'ils obseruēt *Tristan y fit* fort estroitement, ils s'abstiennēt fort seueremēt de manger chose aucune. Ils n'espousent qu'une femme. Ils ont *pour les deli-* les mesmes festes, & en mesmes iours que les Europeans, *ner de serui-* tude.

mesmes celles des saincts: payant entierement à leurs prestres les dismes des grains & des fruits: ne ſcāuēt que c'est de nauires, & sont si ignorans, encores qu'ils facent profession de Chrestientē, qu'ils n'entēdent vn seul mot de religion Chrestienne. Ce sont gēs paresseux & de lasche courage, tellement hebetez & stupides, qu'une petite troupe de Mores leur commande & les gouuerne, sans qu'ils se hazardēt en sorte quelconque pour s'affranchir, encores qu'ils soyent rudement tyrannisez. Au tēps que *Tristan de Cugne y arriua,* le Roy de Caxem (qui est vne portion del'Arabie heureuse, bornee de l'Ocean) dominoit sur ceste isle en fort grāde rigueur, & pour oster aux insulaires tout espoir de recouurer leur libertē, il auoit fait bastir vn fort assez pres de la mer, lequel estoit bien muni d'armes & de forte garnison, à laquelle son fils encores ieune, mais fort vaillant, commandoit. De Cugne resolut d'assaillir ce fort, afin de deliurer les Chresties de relle tyrānie. Toutesfois il enuoya premieremēt vn ambassadeur vers ce ieune Prince nomē Abrahaim, l'exhortāt de quitter le pais enuahy de force & sans aucun droit par son pere, & liurer prōptement le fort vuide de garnison entre ses mains. Abrahaim respond qu'il respectoit le commandement de son pete, & ne se soucioit de l'autorité des autres Princes: & pōurtāt il pouuoit venir aux mains si bō luy sembloit, d'autāt que la guerre ne se doit point faire de paroles. Sur quoy le general pourueut prōptement à tout ce qui estoit requis pour l'assault, fondāt la profondeur de l'eau vers l'endroit qui sembloit plus propre pour descendre en terre. Mais la nuict mesme Abrahaim fortifia ceste descente, & y logea vn corps de garde, pour repousser ceux qui voudroyent approcher trop pres. De Cugne partit ses troupes en deux, & au point du iour approcha du riuage. Il menoit la pre-

miere troupe, & Albuquerque l'autre. Or Albuquerque voyant qu'il y auoit vne autre descête plus pres de la forteresse, qui sembloit fort dangereuse le iour precedent, à cause que la mer estoit esmeuë, & lors estoit coye pour occuper l'ennemy en deux endroits, il fit tourner ses esquifs à force de rames vers ce costé, & ainsi sans aucun empeschement luy, & les siens mirer pied à terre. De Cugne n'aperceuant pas cela, tira droit vers vn lieu couuert de palmiers, où estoit le corps de garde d'Abraheim, lequel voyant cela sortit vistement de la forteresse pour venir au secours de ses soldats. Mais ayant descouvert la troupe que conduisoit Albuquerque, il alla au deuant, pource que le danger estoit plus grand de ceste part. Albuquerque bien armé delibera luy courir sus: lors Alfonso Norogne l'un de ses Capitaines desmarche le premier, & vient charger Abraheim, contraignant les ennemis de reculer. Sur ce, Abraheim voulant que ses gens se retirassent seurement en la forteresse, demeura sur la queue où il soustenoit vaillamment les Portugallois, se monstrant adroit & braue Capitaine: finalement il fut abandonné de tous les siens excepté de huit. Toutesfois pour vendre sa vie, il fit lors merueilles, ce que voyant Norogne, accourut pour le combattre seul à seul. Alors il y eut vne terrible escrime entre ces deux Capitaines, laquelle finit par la mort d'Abraheim, & de ses compagnons aussi, qui furent enuironnez des Portugallois, & nonobstant leur resistance, & qu'ils en blessassent plusieurs, finalement hachez en pieces. De Cugne estant arriué au bord qu'il auoit remarqué de l'œil, & voulant descendre, trouua de la resistance en ce corps de garde, dont a esté parlé. Mais les ennemis ayans esté viuement repoussez, tatcherent de gaigner la forteresse, où ils furent suivis de pres. Comme ils approchoyent, la troupe d'Albuquerque les effraya & escarta: toutesfois quelques vns en petit nombre gaignerent ceste retraite, & quant à ceux qui se sauuerent ailleurs, De Cugne ne voulut point aller apres, ains fut d'auis d'assailir promptement la forteresse: tellement que ses soldats à sa parole approcherent pour enfoncer les portes, estimans que les ennemis estonnez de peur ne feroient pas grand resistance. Mais il en auint tout autre-

ment: car les ennemis bleſſoyēt les Portugallois à coups de pierres & de traits lancez des tours en bas, & eſtourdirent ſi fort Albuquerque d'un coup de pierre, qu'il demeura long temps comme mort. De Cugne apperceuāt telle reſiſtance, fit ſonner la retraite, amener vn canon des nauires & apporter des eſchelles. Les portes ayans eſté rompues à coups de boulet, il fit planter les eſchelles au pied des murailles: ce que veu par les ennemis & qu'il ne pourroyent (à cauſe de leur petit nombre) ſouſtenir l'effort des Portugallois qui ſe preparoyent pour venir à l'aſſaut, ſe retirerent en vne forte tour de la fortereſſe, en laquelle entrerent les aſſailās, & ſe faiſirēt d'une autre tour, puis approcherēt de celle où ſ'eſtoient enfermez les ennemis qui ſe defendirent lors plus reſolument: qu'ils n'auoyēt encore fait, ſe voyans en manifeſte peril de leurs vies, & faiſoyent tel deuoir, que le general eſtoit marry que ſi vaillans hōmes ſe perdiſſent: pourtant il leur fit dire par vn trucheman, qu'il leur donneroit volontiers la vie & congé de ſe retirer ailleurs, s'ils ſe vouldoyent rendre. Mais eux preſererent la mort honneſte à vne compoſition qu'ils eſtimoyēt honteuſe. Et par ainſi la tour fut emportee d'aſſaut finalement, & tous les ſoldats tuez, excepté vn qui eſtoit fort bon pilote. De Cugne y perdit huit des ſiens, & vn grand nombre de bleſſez. Apres la prinſe de ceſte fortereſſe, Triſtan de Cugne fit entendre aux habitans de la ville qu'il eſtoit venu là par le commandement du Roy de Portugal pour les mettre en liberté: & que ce tref-illuſtre Prince auoit eſtimé que c'eſtoit choſe inſupportable qu'un peuple Chreſtien demeurast ſi long temps ſous le ioug tyrannique des Mahumetiſtes. Les Inſulaires commencerent à le remercier, tendre les mains au ciel, s'eſcrire de ioye, & prier pour la proſperité du Roy Emmanuel. Cela fait, de Cugne & tous les ſiens allerent en vn temple, où les Mahumetiſtes ſ'aſſembloyent pour leurs ceremonies & ſuperſtitioſ, lequel ayant eſté repargé il y fit chanter meſſe. Puis ayant reparé & mis en meilleure deſenſe que iamais la fortereſſe, il y eſtablit capitaine Alfonſe Nôrogne, ſuyuant l'intentiō du Roy. Puis il ſ'embarqua le deuxieſme iour d'Aouſt, l'an mil cinq cens ſept pour gaigner l'Inde, où

estant arriué au port de Cananor, cōme il en a esté parlé sur la fin du liure precedent, la paix fut faite avec le Roy de Cananor. Estât porté de là en Cochim, il fut assez honorablement recueilly & caressé du Viceroy Almeida.

7.

QUELQUES iours apres les nouuelles vindrēt qu'au port de Panane (qui est vne grande ville appartenāte au Roy de Calecut , à vingtcinq lieues de Cochim vers le Septentrion) y auoit quelques nauires d'Arabes & la flotte de Calecut equippee d'armes & d'hommes, sous la charge d'un vaillant & rusé capitaine nommé Cutial pour garder ces nauires: ce qu'entēdu Almeida resolut de les aller combattre, acompaigné de Tristan de Cugne qui promit s'y employer de tout son pouuoir. Et pourtant il partit avec douze nauires & print la route de Panane, où il entendit par le rapport de quelques Indiens prins aupres du hault, que les nauires des Arabes n'estoyent point encores en haute mer, ains demouroient anchrees au long de la riuere, que Cutial auoit fortifié l'emboucheure du port de leuees de terre de part & d'autre, & disposé des pieces d'artillerie dessus avec bon nōbre de soldats: que la ville estoit fortifiée de murailles & de gens: & qu'outre cela Cutial auoit vne armée de quatre mille braues soldats, partie d'Arabes, partie de Naires stipēdiez du Roy de Calecut. Almeida n'auoit que sept cēs Portugallois, lesquels il disposa cōme s'en suit, pour courir sus aux ennemis. Il enuoya deuant en un esquif (à cause q̄ les grāds vaisseaux ne pouuoient entrer en la riuere, pource que la mer s'estoit retiree) un capitaine nommé Pierre Barret avec trēte soldats pour attirer les Calecutiens au cōbat. Il estoit suivi de Iacques Petrejo avec trēte autres soldats, pour assaillir ceux qui gardoyent l'entree de la riuere, où estoit le plus grand dāger. Laurent Almeida & Nonio de Cugne fils de Tristā les suyuoient en deux autres esquifs, & conséquēment les autres capitaines. Puis Almeida & Tristā de Cugne estoient à dos avec deux galeres: Le lendemain au point du iour ils assaillēt les ennemis selonc cest ordre: toutesfois Almeida & de Cugne demurerent à l'emboucheure de la riuere, attendāt le flot de la mer. Les ennemis tiroient force coups de canō & de lances à feu. Neantmoins les Portugallois passerent assez hardiment

Bataille navale entre les Calecutiens: l'embrasement de Panane, & le retour de Tristan de Cugne en Portagal.

*Vau de Mo-
res.*

à trauers les feux & les boulets. Barret approcha des nauires comme il luy auoit esté enioint, & voulant prendre terre fut assailly de trente Mores qui auoyent la teste & la barbe rase. qui estoit vn signe de certain vœu, par lequel ils s'estoyent condamnez avec horribles execrations à mourir plustost que de quitter la place. Or comme lon entendit depuis, il y auoit lors fort grand nombre de ces vouëurs, ausquels ceste necessité estoit imposee ou de se faire tuer ou de demeurer victorieux. Cela fut cause de rendre le combat fort perilleux encor que la troupe des combatans fust petite. Semblablement Iacques Perrejo voulant donner au lieu qui luy estoit assigné fut assailly de mesme sorte de gens. Cutial enuoyoit renfort par tout où il estoit besoin, tellement que la meslee deuenoit plus aspre d'heure à autre. Estas ainsi aux princes les vns contre les autres, Laurent Almeida arriua avec ses soldats & print terre maugré les ennemis, en telle sorte toutesfois que plusieurs de ses soldats y furent fort blessez. Les Portugallois ayans repris courage contraignirent les Calcutiens de reculer peu à peu. Laurent combattoit avec vne hache dont il tua en moins de rien six soldats de Cutial, à l'occasion dequoy chacun comença à le regarder par grâd esbahissement: aussi estoit-il fort puissant homme, de belle taille, adroit & vaillant entre tous autres, tellement que les ennemis n'osoient subsister deuant luy. Toutes-fois vn de ces rasez le vint attaquer, & le blessa au bras: mais il fut tué comme ses autres compagnons. Nonio de Cugne en suivant Barret fit vn merueilleux deuoir, & mit le feu en dix huit nauires. Le combat estât ainsi eschauffé, la marce suruenante donna moyen aux galleres de voguer à l'aise: par ainsi Almeida descédit en terre avec son enseigne (laissant Tristan de Cugne malade és galleres) afin de secourir ses gens. A sa venue les ennemis furent mis en route: mais il les poursuivit iusques en Panane, & fit incontinent mettre le feu par tout, ce qui courrista fort les ennemis, & despita aussi les soldats Portugallois, d'autant que c'estoit vne ville riche, de laquelle ils pouuoient emporter vn bon butin. La vaillance des soldats (disoyent-ils) ne sera elle iamais recompensee? Cest homme cy n'est pas prest de donner du sien à ceux qui ont fait leur deuoir,

puis

puis qu'il ne leur permet pas mesmes de gaigner quelque chose sur leurs ennemis. Sçait il pas bien que telles recognoissances rendent les hommes plus courageux, & que la chicheté les afadit & leur oste le cœur? Qui le voudra plus suivre, quād on verra belistres ceux par la prouesse desquels il se fait renōmer par tout le mōde à cause de ses victoires. Telles estoient les plaintes des soldats. Mais Almeide ne s'arrestoit pas beaucoup à tels desirs, ains se conduisoit par raison & meür aduis. Il voyoit le danger present, attendu que les ennemis n'estoyent pas loin, qui romproyent aisément les Portugallois, s'ils les chargeoyent à l'improuiste, car ils les trouueroient escartez & empeschez à cause de leur butin. Outreplus recognoissoit que les ennemis se pouuoient ramasser en plus grosse troupe que deuant, veu que tous les soldats qui s'estoyent emparez de tout ce pays là, estoient gens fort prōpts aux courses & executions soudaines : & par tel moyen le fruit de sa victoire seroit aneanti, & seroit en hazard de perdre tout. Les ennemis perdirēt en la rencontre susmentionnee enuiron trois cens hommes : car on ne les osa pas pourfuyure plus loin, crainte de quelques embusches. Des soldats d'Almeide il y en demeura dixneuf, sās les blesez. Toutes les pieces que Cutial auoit placees çà & là, furent prinſes & mises dās les nauires. Ces choses si heureusement executées, Almeide se retira en Cananor, & renuoya de là Tristan de Cugne en Portugal avec cinq nauires chargees.

8.

*Armedemer
de Campson
Sultan d'Egy
pte contre les
Portugallois,
Et de leur ven
cōtre au port
de Chaul.*

A v commencement de l'annee suivante, Almeide ne voulant reposer en place pour empescher ses soldats de s'amolir, & les ennemis de reprendre courage, despescha son fils Laurent avec vne flotte de huit nauires, pour courir toute ceste coste, & molester sans cesse les Mores. Laurent se mit à la voile, assaillit beaucoup de ports, brulā plusieurs nauires d'ennemis & finalement se rendit avec sa flotte au port de Chaul, afin d'y attendre les nauires qui doyuent partir de Cochim & qu'il auoit prinſes en sa garde. Chaul est vne riche ville assize vers le Septentrion & proche du royaume de Cambaje, à trauers duquel passe le fleuue Indus. Ainsi que Laurent demeueroit à l'ancre en ce port, il entendit que Capson Sultan d'Egypte

auoit enuoyé vne puillante armee nauale en Inde, afin d'exterminer les Portugallois, & par ce moyen venger non seulement les torts qu'ils luy auoyét faits, mais aussi pour faire plaisir aux rois de Cambaje & de Calecut. De fait ces rois estoient ses alliez, & l'auoyent prié par lettres de venir cōbatre & ruiner vne trouppé de gens ennemie des ceremonies & coustumes des Mahumetistes, & qui vouloit vsurper vne domination tyrannique sur les Indiens. Qu'il seroit aisé d'executer telle entreprise: car outre ce que le Sultā estoit riche Prince, & auoit de vaillans hommes pour la guerre: eux feroient deuoir de leur part, & ioignans leurs forces avec les siennes, racleroyēt du monde ces gens qui auoyent fait tant de maux es Indes. Le Sultan fit equipper vne flotte qu'il estimoit suffire pour ruiner les Portugallois, & en icelle enuoya plusieurs de ceux qui iadis (& lors que la Sultanie d'Egypte estoit en vigueur) l'on appelle Mammeluchs, lesquels ayās esté enleuez par force des leur enfance de la maison de leurs peres & meres Chrestiens, & instruits en la superstition Mahumetaine, & faconnez aux armes, estoient fort vaillans & adroits à la guerre. Entre les Indiens ils estoient nommez Rumes, c'est à dire Romains: car ayans aprins de quelque vieux enseignemens combien l'Empire Romain auoit esté excellent par dessus tous autres peuples au fait des armes, lors que les Mammeluchs vindrent premierement es Indes, & qu'on les apperceus si industrieux & magnanimes es combats, ils furent estimez Romains. Comme puis apres, quād ils virēt les Portugallois se gouuerner presque de la mesme façō en leurs guerres, ils les appelloyēt François. Car depuis que Ierusalem fut prinse par Godefroy de Bouillon, la renommee des François vola par tous les pays de Leuant, où ils estoient fort estimez & redoutez. Ainsi donc ceste flotte & la vaillance des soldats qui y estoient faisoit discourir les Indiens en diuerses façons. Ceux qui haïssoyēt les Portugallois conceuoient vne certaines esperāce de les voir ruiner à ce coup: les partisans d'Almeide estoient au cōtraire troublez de peur & fort esbrālez. Almeida escriuit à son fils qu'il ne laissast passer plus auant l'ennemy de peur de plus grand remuement en Inde, ains allast au de-

*Le nom des
François re-
nommé es In-
des, & en
tous les pays
de Leuant.*

uant, & à la premiere commodité luy donnaſt bataille. Suyuant cela Laurent fit ſes apreſts, pour aller à Diu, où le autresfois ſuiette au royaume de Cambaie: mais la flotte d'Égyte n'attendit pas tant, ains auoit prins ſa route pour venir cōbatre les Portugallois au port de Chaul. Le general d'icelle s'appelloit Mirhocem, vaillant & ſage capitaine, accompagné de ſix galeres, d'vne nauire de guerre & de quatre autres. Melichiaz gouuerneur en la ville de Diu pour le Roy de Cābaie, s'eſtoit ioint à ceſte flotte avec trēte quatre nauires bien equippees d'armes, de canons & de ſoldats. Les galeres & barques conduits à force de rames ſe cachoyent au long de la coſte. Cinq autres nauires eſtans pouſſees d'un vent propre en haute mer, de premier veue firent penſer aux Portugallois que c'eſtoit Alfonſe Albuquerque, lequel on attendoit, & qui lors faiſoit la guerre au goulſe de Perſe. Cela fut cauſe qu'ils ne bougerent. Mirhocem ayant la maree à propos, laquelle bat les murailles de la ville de Chaul, paſſa deuant les nauires de Portugal, les ſuiuant à grand coups de canon & autres traits, dont quelques vns furent fort bleſſez & un gentilhomme nommé Roderic Perreire tué: mais on luy rendit la pareille, & perdit auſſi pluſieurs des ſiens. Les ennemis s'auancèrent & vindrēt mouiller l'ancre plus pres de la ville. Quāt à Melichiaz il demeura ce iour hors l'emboucheure du port. Laurent Almeide eſtimant qu'il ne ſaloit plus differer fit leuer les anches, afin d'allaillir promptement la nauire capitaineſſe de Mirhocem, lequel ſe ſentant trop foible, à cauſe que Melicheaz n'eſtoit pas encor entré avec ſa flotte dedans le port, ne voulut point venir aux mains: & de peur qu'on ne l'y contraignit, il deſpeſcha quelques galeres pour empescher les brigantins de leuer les anches: tellement que les nauires ne deſmarterent point ce iour là. Le lendemain Laurent ayant leuē les anches vint inueſtir la nauire de Mirhocem, mais il n'en peut approcher à cauſe de la mer qui remontoit ſeulement, ils combaterent de loin à coups de canon & autres traits. Or d'autant que la nauire de Mirhocem eſtoit fort haute, tous les traits qui en eſtoient lancez tomboyent à plomb ſur les Portugallois, dont pluſieurs furent

blessez, entre autres Laurent Almeida qui receut vn coup de fiesche. Ceux qui estoÿét autour de luy l'admonestēt & prient, puis que le vent ne donnoit point, & que la marée estoit contraire, tellement qu'il n'estoit pas possible de joindre de plus pres la nauire des ennemis, il permit que son vaisseau remontast plus auant en mer. Mais il reietta cest auis fort brusquement, ayant opinion que s'il reculoit, son honneur estoit perdu. Estans en ceste perplexité, & ne sçachās quel conseil prendre parmy telles tempestes, voicy vn autre coup de fiesche qui blessa bien fort Laurent Almeida au visage. Neantmoins luy & Pierre Barret s'auācerent pour combattre de plus pres, en telle sorte toutesfois qu'il ne pouuoient agripper ceste nauire. La guerre se faisoit à coups de canō avec perte du costé & d'autre, plusieurs blessez estans contrains de se tirer à l'escart pour penser leurs playes. Les galeres & carauelles de Portugal qui pouuoient, nonobstant le reflux contraire, aborder les nauires de Mirhocem, faisoÿēt vn merueilleux deuoir. Pelage de Soufe fut le premier qui sauta de son vaisseau dans celuy des ennemis, estāt suiuÿ d'Ambroise Pazagne, de Fernād Petrejo d'Andrade & de plusieurs autres, maris d'estre les derniers pour auoir part à l'honneur: & ainsi cestuy là fut conquis, & ceux qui estoÿét dedans tuez & iettez en la mer. Jacques Petrejo capitaine d'vne autre nauire, & deux autres capitaines en prindrent trois des ennemis, le reste se sauua à toutes voiles. Durant ce confliet vn More estimé sainet personnage entre les siens, s'estoit enfermé en la chambre d'vne des nauires, où il demandoit secours de bon cœur à Mahumet: mais comme il estoit occupé à cela, vn coup de boulet vint donner là dedās, & le mit en morceaux. Or comme la marée se haussioit, Pelage de Soufe & Jacques Petrejo tirerent les nauires cōquises vers celle de Laurent Almeida: lors voyans que luy & la pluspart de ses gens estoient tellement blessez qu'ils seroyent inutiles pour lors, ils l'exhortent de laisser en paix la nauire capitaineſſe des ennemis, & se contenter de la battre de loin & les autres aussi à coups d'artillerie. Laurent reietta ce conseil, disant que les nauires des ennemis estoient grandes & bien equippees: qu'il valoit

beaucoup mieux s'en saisir (comme il eseroit que de les mettre en fond.

9.

Le lendemain, Melichiaz, lequel estoit demeure *Desfaite des*
hors l'emboucheure du fleuve, ayant le vent propre & la *Portugallois*
maree à propos se vint joindre avec sa flotte à celle de *par la flotte*
Mirhocem. Tel renfort donna courage aux ennemis & de *Cambaie*
troubla les Portugallois qui n'auoyent point encores *jointe avec*
desconuert Melichiaz. Ceux de Chaul en firent de grâds *celle d'Egipte*
cris & signes de ioye, monstrans assez qu'ils ne cerchoyēt *la mort de*
ny souhairoyent autre chose que la mort d'Almeide & *Laurent Al-*
des siens. Les capitaines s'assemblerent vers la minuiēt *meide & de*
pres de leur general pour auiser à ce qui estoit expediēt: *plusieurs au-*
& d'un commun accord estimerent que ce seroit vne *tres.*

grande temerité d'arrester plus longuement en ce port,
veu que la pluspart des soldats Portugallois estoient
naurez, & par trop harassez des combats du iour pre-
cedent, que leur general estoit blessé en deux endroits
de son corps, les nauires percees en diuers lieux & en
grand danger, les ennemis terribles & furieux à cause du
secours qui leur estoit venu, les habitans de Chaul enne-
mis mortels des Portugallois. Et pourtant qu'il faloit at-
tendre que la marée remonast, & que le vent fut leué
pour hausser les voiles, & se largir en mer. Estans demeu-
rez de cest arrest, apres minuiēt ils font voile, mais ce ne
peut estre si coyement que les ennemis n'en sentissent
quelque chose: tellement qu'ils suiuent promptement la
flotte de Portugal, & arrestent à coups de traits la nauire
d'Almeide, qui vogueoit derriere les autres, & finalement
la viennent inuestir: puis l'ayans percee d'un coup de ca-
non, elle commença à puiser force eau en la sentine, telle-
ment qu'il n'estoit plus possible que le pilote la peüst
gouuerner: & en fin elle demeura arrestee en des engins
de pèscheurs cachez en l'eau. Pelage de Soufe apperce-
uant cela, attache sa galere avec vn cable à ceste nauire, &
fait tirer avec auirons le plus roidement qu'il estoit pos-
sible: mais elle demouroit tellement arrestee, qu'on ne la
pouuoit remuer de là. Melichiaz voyant qu'elle estoit en
sa puissance la laissa pour enueloper la galere de Soufe,
Ceux de dedans se sentans trauaillez de leurs blesseures,
combats & mesaises, tellement qu'ils ne pourroyent fai-

re teste sans en dire rien à Pelage de Soufe coupent
 le cable : quoy fait le flot de la mer emporta la ga-
 lere de telle viffesse , que Pelage n'y sceut donner or-
 dre , quoy qu'il tempeftast contre les gens. Finalemēt
 il se vint joindre à Pierre Barrer, Edouard Melio, Jac-
 ques Petreio & autres capitaines qui s'estoyent arrestez
 à leur grand regret , ne pouuans approcher de leur ge-
 neral pour combattre avec luy, à cause de l'impetuositē du
 reflux. Laurent Almeida fut admonestē par ses soldars
 d'entrer en vn brigatin fort leger que l'on auoit apprestē
 pour cest effect, afin de se retirer pres de ses capitaines.
 Ce conseil l'irrita, menaça fort asprement ceux qui luy
 renoient tel langage , disant que celuy seroit des-hon-
 neur de fuir vn danger où ses cōpaignons demeureroiēt.
 Qu'il ne craignoit point la mort , ains les reproches : &
 d'auantage qu'il s'asseuroit qu'avec ses soldars, il pour-
 roit garder son vaisseau , en attendant que la maree
 donnaist moyē aux autres capitaines de venir au secours.
 Il auoit lors cent hommes avec soy, dont les septante
 estoient blesez, & n'en restoit que trente qui peussent
 manier les armes. Il les disposa en trois bandes, donnant
 la charge de l'vne à Manuel Pazagne pour defendre le
 tillac, l'autre à Francisque Nabaife pour garder le cha-
 stelet de la proue : & retint la troisiēme pour demeurer
 en poupe. Les ennemis voyans avec quelle resolution
 les Portugallois se disposoyent au combat, ne voulurent
 point venir aux mains avec gens, courageux, vaillans, &
 reduits à l'extremité, en laquelle il auint que les plus ti-
 mides ne voyans plus esperance s'eschauffent tellement
 qu'ils font merueilles & estonnēt ceux qui les assaillent.
 Ils se contenterent donc de frapper de loin, & n'oyoit
 on autres choses que coups d'artillerie, si que la fumee es-
 paissē des canons obscurcissoit la clartē du jour. Les Por-
 tugallois canonnoyent furieusement de leur costē. Lau-
 rent assistoit & encourageoit les siens, faisant deuoir
 de braue capitaine. Mais ayant eu la cuisse brisēe d'vn
 coup de trait, il se fit assēoir dās vne chaire pres du masts
 de la nauire, & de la cōmandoit à ses soldars, les exhortāt
 de faire preuue de leur magnanimitē. Cōme il parloit tout
 haut vn autre coup luy dōna dans la poitrine, & luy osta
 vie & voix ensēble. La nauire estoit lors desnuēe de la plus

part de son equippage, & ouuerte, faisant eau en plusieurs endroits. Au moyen dequoy les ennemis approcherent de tous costez pour sauter dedans, dont ils furent viement repoussez par trois fois. Mais en fin pource que les Portugallois n'en pouuoÿt plus, ils entrent dedàs, & tuët ce qu'ils rencontrent, où derechef il y eut grâde resistâce, pource que les soldats de Laurët voyans que c'estoit fait de leurs vies se defendoyent de tout ce qu'il leur restoit de vigueur. Melichiaz considerât que ce seroit dommage de perdre des hommes si vaillans, sauua la vie à vingt qui restoyent, tous les autres ayans esté mis à mort au nombre de quatre vingts, & de septâte és autres vaisseaux: au nombre desquels y auoit plusieurs braues gentils-hômes & capitaines. Les autres qui n'auoyent peu donner secours à cause du reflux, & voyans la nauire prinse & mise en fond ne voulurent s'auancer inutilement: ains gagnans le haut à plaines voyle prindrent la route de Cannanor, d'où ils enuoyerent Pierre Gnaye en Cochim auertir le viceroy dela mort de son fils. Ce message contrista & fit pleurer à chaudes larmes tous les portugallois: car aussi Laurent Almeide estoit vaillât entre tous autres, & si gracieux qu'il gaignoit les cœurs de chascun, si entier & rond en tous ses deportemēs que lon apperceuoit qu'il se conformoit à l'exemple de son pere: tellemēt que il fut merueilleusement plaint & regretté de tous ceux qui l'auoyent conu. Le Roy de Cochim troublé d'un tel accident alla incontinent trouuer Almeide pour se douloir avec luy & le consoler le plus doucement qu'il seroit possible. Encor qu'Almeide eust monstré auparavant en diuers lieux sa constance & grandeur de courage, elle n'apparut iamais mieux qu'alors: car quoy qu'il eust perdu son fils vnique, vertueux d'esprit & de corps, toutesfois il se contint si constamment que tous confesserent qu'il n'estoit point besoin de le conforter. Au contraire il admonnestoit les autres de ne pleurer point. disant qu'il n'auoit point prié Dieu de dōner longue vie à son fils, ains l'amour de pieté & iustice: que le cours de la vie humaine estoit brief, & eternal le loyer de vertu: rapportant & attribuant à la prouidence de Dieu tout ce qui estoit auenu, & luy rendât graces de ce qu'il luy auoit

pleu terminer la vie de son fils d'une mort honneste: s'as-
 ſeurant aussi qu'il auoit part aux biens qui ne perissent
 iamais. Il adiouſtoit, que celuy qui a aymé autresfois mō
 fils, monstre par armes & non par larmes, ceste affection:
 car ie delibere venger ſa mort, & celuy qui ſe montrera
 le plus volontaire en tel exploit ſera eſtimé de moy le
 meilleur amy que mon fils ait eu de ſon viuant. Di-
 ſant cela & autres telles choſes, plus il ſe rendoit ad-
 mirable, plus contraignoit il la compagnie de deplorer
 l'accident de ſon fils. Car ſelon que ſon cœur ſe mon-
 ſtroit haut & conſtant, moins l'eſtimoit on meriter telle
 viſitation.

10.
*Guerre d'A-
 zamor en A-
 frique & les
 diuers acci-
 dens d'icelle.*

COMME ces choſes paſſoyent en Inde, le Roy de
 Portugal auoit aussi la penſee tournée aux affaires d'A-
 frique. Il y a vne ville en Barbarie nommee Azamor, en
 la coſte de l'Ocean, comme Safin, dont elle eſt eſlongnee
 de quarante lieues vers Septentrion, arrouſſee d'un grand
 ſieuue, qu'aucuns eſtiment eſtre Afama, lequel paſſe à tra-
 uers la ville. Le Roy Emmanuel deſiroit fort ſe rendre
 maiſtre de ceste place, & ſe perſuada de la pouuoir aiſé-
 mé, emporter par la venue d'un certain Prince More nō-
 mé Zejam, ſeigneur de Mequineze, ville aſſize en terre
 ferme, non gueres loin de Fez, & qui commandoit à plu-
 ſieurs bourgades & villages d'alentour. Iceluy eſtoit frere
 de par pere de Mahumet autresfois Roy de Fez qui auoit
 eſpouſé aussi la ſœur de Zejam. Nazarre frere de Ma-
 humet & ſon ſuccesseur au Royaume de Fez, aussi fidele
 que les autres Mores, eut ſi peu d'eſgard à l'alliance affer-
 mie par parentage & affinité qu'il chaſſa Zejam de ſes
 pays. Iceluy deſpouillé de ſa dignité & de ſes biens ſe re-
 tira en Azamor, eſtimant que ceux de la ville le feroient
 leur ſeigneur, pour l'honneur qu'ils luy portoyent. Mais
 ils n'y voulurent pas entendre pour lors à cauſe de quoy
 Zejam frustré de ſon attente, vint trouuer le Roy Emma-
 nuel, & luy iura fidelité, promettant luy conquerir Aza-
 mor & pluſieurs autres villes moyennant quelque nom-
 bre de nauires pour l'exécution certaine de ces entrepri-
 ſes. Adiouſtant qu'il auoit pluſieurs parens, allies, amis
 & ſeruiteurs dans Azamor, deſquels il s'aſſeuroit qu'ils li-
 ueroyent tres-volontiers ceste place, eſtans irritez des

torts qu'on leur faisoit, & incitez, par le bruit du doux traitement que le Roy de Portugal faisoit à diuerses nations qui se ragoeyent à son obeissance, de se mettre en sa protection. Emmanuel adiousta foy aux paroles de ce More, voyant que c'estoit vn roy, chassé indignement par vn autre, esmeu de iuste douleur, & qui ne voudroit mentir, attendu qu'aucun profit ne luy en reuenoit: ioirt aussi (qui est le principal) que de nostre naturel nous tenons aisément pour desia fait ce que nous desirons voir executé. Pourtant il fit promptement equipper vne petite flotte sous la charge de Iean de Menesez, qui fit voile de Lisbone le vingtsixiesme iour de Iuillet l'an mil cinq cens & huiet. L'armee estoit de quatre cens cheuaux & deux mille hommes de pied. Finalement la flotte arriva à l'embouchure du fleuve, & de nuict, ayant la maree propre, le general Menesez fit couler ses vaisseaux iusques pres des murailles d'Azamor, & commença à assaillir la ville. Les habitans courent incontinent aux armes, se defendent courageusement, lancent toutes sortes de traits, s'aident de torches ardantes, & notamment ils dardoyent par engins des pieces de bois poissées & embrasées contre les vaisseaux de Portugal afin d'y mettre le feu. D'auantage, ils sortirent en grosses troupes hors des portes, courans ça & là, pour empescher l'entree aux assaillans. Menesez attendoit secours de Zejam, lequel s'estoit auparauant retiré de Portugal en Azamor. Mais comme les hommes, sur tout les Mores, sont inconstans & legers, iceluy ne se souciant plus de sa promesse, du commencement amusoit Menesez, le paissant de belles paroles: puis en fin il vint à machiner tout ouuerement contre les Portugallois. Car il s'accorda tresbien avec ceux d'Azamor, amassa seize mille hommes de guerre, avec lesquels il faisoit des sorties en la campagne au long du fleuve, pensant à tous moyens possibles pour endommager la flotte. Il y auoit huiet mille soldats en garnison dedans la ville pour repousser les assaux des Portugallois. Ce nonobstant Menesez print terre & se campa avec ses troupes. Or d'autant que ces lieux là sont propres à dresser embusches, les Mores posterent certaines bandes de soldats en trois endroits boccegeux

entre la ville & le bord de la mer : puis sortirent avec le reste de leurs troupes en campagne, & vont trouver les Portugallois qui les receurent. Menefez partit sa petite armee en trois bataillons, le premier ayant cent chevaux conduits par le gouverneur de Tentugal, le second de cent cinquante chevaux, sous la charge de Jean Mascaregne : luy commandoit au troisieme composé de deux cens cinquante chevaux. Au milieu de ces trois bataillons estoient les gens de pied bien couverts & asseurez. Lors il charge viuement les ennemis, qui ne pouuans soustenir la violence de ce choc se retirerent dans la ville beaucoup plus viftement qu'ils n'auoyent delibéré. Car leur intention estoit de reculer au petit pas, iusques à ce qu'ils eussent attiré Menefez dedans l'embusche, afin de l'enclorre de toutes parts & tailler en pieces luy & ses troupes. Les habitans d'Azamor craignans que les Portugallois qui touchoient aux espauls des Mores n'entraissent pelle mesle dās la place avec eux fermerent les portes. Alors les ennemis cōtraints de tourner visage, iouans à tout perdre, commencent le combat, où les vns & les autres se monstrerent merueilleusement resfolus. Ceux qui estoient embuschez debuſquent soudainement, & donnent d'estrange furie à trauers les troupes de Portugal. Le gouverneur de Tentugal & Mascaregne demeurent derriere par le recōmandement de Menefez, soustindrent vaillamment ceste charge. Sur ce Zejam approche avec vn gros bataillon pour secourir ses gens, & des villages voisins accouroient à la fille force gens de cheual pour attrapper & racler tous les Portugallois. Ce que considéré par leur general, il fit sa retraite en tel ordre & si dextrement que pas vn de ses soldats ne branla pour quitter son rāg. Les forces disposées pour le rafraichissement, oyans sonner la retraite, mirent en route les Mores sortis des embusches, & Menefez demeuré en l'arriere garde faisoit teste aux plus eschauffez d'Azamor battant ceux qui s'approchoient trop pres. Par ce moyen il regaigna le lieu où il s'estoit campé, & de là se retira es nauires. Il perdit seize hommes de cheual en ce conſlit, entre lesquels estoient quelques gētils-hommes & braues capitaines. On ſeut quelque temps apres que

les ennemis y auoyent laissé mil trois cens soixante cinq des leurs tuez sur le champ. Iean Roderic de Menefez estant tombé par terre, pource que son cheual fut tué entre ses iambes, se trouua en extreme danger de sa vie, les ennemis l'assaillans de tous costez : mais deux vail-lans capitaines, à sçauoir Iean l'Homme, retourné des In-des en Portugal, & Iaques Fernand de Far escarterent les assaillans à force d'armes, & le tirerent de la presse, le fai-sant monter sur le cheual d'un capitaine More, qui auoit abatu d'un coup de trait le cheual de Roderic, & lequel fut tué au combat de la main de Fernand. Menefez pensant la dessus à la perfidie & trahison de Zejam, con-siderant aussi qu'Azamor estoit forte & bien gardee, tel-lement que ce seroit tenter vne chose impossible de pen-ser se rendre maistre d'une telle place, resolut de ne s'ar-rester pas plus lōg tēps deuant. Pourtant il fait leuer les an-chres & mettre la voile au vent. Or d'autant que le reflux estoit foible à cause du decours de la Lune, tellement que le fleue ne pouuoit soustenir les nauires sur son courât, ce qui descourageoit les pilotes & matelots de desan-chrer & se mettre à la voile, il auint que quelques pe-tits vaisseaux eschouerent & coulerent en fond : char-mes les ennemis vindrent enceindre vne nauire de char-ge qui estoit asablee, & occirent trenze forçats, lesquels a-uant mourir tuerent dixhuit Mores. Ceste nauire fut bru-slee par ceux d'Azamor. Quant aux autres, Menefez a-yât gaigné la mer print la route du destroit de Gibraltar. Plusieurs estimerent depuis, & tres-sagement, que ceste guerre auoit esté conduite plus par vne singuliere proui-dence de Dieu, que par le conseil des hommes. Et sembloit bien que Dieu, voulant alors espargner les Portugallois, s'estoit seruy de la mauuaise conscience de Zejam & de la legereté d'Emmanuel, en armant ceste flotte pour as-saillir hors de saison avec vne poignée de gēs ceste ville si puissante. Car si les affaires eussent prins vn autre train, les Portugallois ne pouuoient faillir d'estre exterminiez, ou de receuoir vne fort grande honte, auant que le Roy eust eu moyen de les secourir à temps. Menefez e-sloigné d'Azamor, conquist au destroit quelques nauires ennemies, & par le commandement du Roy establit Icau

Roderic de Menesez gouverneur de la ville d'Alcassar, où il y auoit ja vne garnison des Portugallois.

II.

Siege d'Arzile, prinse par les Mores, le chasteau assiégré & secouru, et Arzile reprinse par les Portugallois : avec plusieurs notables enueuemens.

EN ces entrefaites, nouuelles vindrent que le Roy de Fez marchoit avec vne puissante armee pour venir assiéger Arzile. Ses troupes auoyent esté si dextrement amassées, que personne n'en descouurit rien, sinon quand on les appercent en cāpagne, equippees de toutes munitiōs & machines de guerre. Il auoit vingt mille cheuaux, & six vingts mille pierōs. Vasque Coutin gouverneur de Borbe commandoit lors dedans Arzile, lequel à l'approcher de l'armee ennemie donna ordre de faire surprendre quelques Mores, pour sçauoir d'eux où estoit le Roy de Fez. Cela fut executé, & entendit-on le dessein de ce Roy, le grand nombre de ses troupes, & autres choses dignes d'estre sceuës en tel accident. Pourtāt Coutin escriuit promptement à Edouard de Menesez gouverneur de Tingi & à Iean de Menesez qui costoyoit la Barbarie avec quelques nauires, à ce qu'ils sceussent en quel dāger estoit Arzile. Le dixneuuesme iour d'Octobre, l'an mil cinq cens huit, le Roy de Fez se campa avec toutes ses forces deuant ceste place là. Et le lendemain fit dresser la batterie, assaillir les assiegez d'une infiniré de fiesches, preparer des mantelets & eschelles, & raser les murailles. Il n'y auoit lors que quatre cens soldats pour garnison dans la ville, lesquels resistoyent vaillamment, & soustindrent l'ennemy tout ce iour iusques à la nuit. Au matin du iour suivant ils voyent la ville assiegee, les corps de garde posez, les trāchees de l'ennemy, son artillerie placee, & ses troupes rangees pour combatre. D'auantage, pour empescher l'entree du port aux nauires, les assiegeans auoyent logé plusieurs compagnies ça & là sur le bord de la mer, dressé des gabions, remply de terre & de sable force tonneaux opposez au canō des assiegez, disposé leur artillerie pour battre & mettre en fond les vaisseaux qui vouldroyent amener secours. Plusieurs autres avec arcs, arbalestes & harquebouzes de ce temps là visoyent droit à ceux qui se monstroyent sur les murailles, descochans & tirans aussi soudain que quelqu'un se descouuroit tant soit peu, tellement que personne n'osoit se presenter sur le rempart. Outreplus, apres auoir auancé certains mantelets & autres

tels engins, ils commencerent à sapper les murailles, de telle viffesse (à cause que gens frais venoyent de moment en autre soulager les trauaillans, & qu'ils ne cessoyent tât peu que ce fust) que le mesme iour la pluspart des murailles fut renuersee par terre. Ayans fait bresche raisonnable & commode, ils viennent à l'assaut. Mais Coutin estât sorty sur eux avec cinquante cheuaux, retint leur impetuositè, iusques à ce qu'ayant eu le bras percé d'un coup de fleche il se retira au chasteau, laissant derriere George Barrer son gendre pour faire teste aux ennemis, iusques a ce que son bras fust pensé. Surce il aduint que les assiegez accablez de la multitude des Mores, & entendans la retraite de leur chef, se retirerent au grâd pas vers le Chasteau. C'estoit pitié d'ouir les cris des femmes, de voir l'irresolution des soldats, & l'estrange confusion où la ville fut lors reduite, n'y ayant personne qui prinst party en vne si soudaine calamité, ou de demeurer, ou de fuir, ou de viure & mourir vaillamment. Les ennemis taillerent en pieces tout ce qui se trouua deuant eux, escarbouillâs les testes des enfans contre le paué & les parois, & ne oublierent sorte quelconque de cruauté qu'ils ne fissent sentir aux vieilles & ieunes gens, aux filles & femmes, sans respect d'aage ny de sexe. Comme chascun fuyoit de tous endroits vers le Chasteau, & les vns empeschoyent les autres d'entrer, il s'esleua vne piteuse huee & lamentation de ceux qui demeuroyent derriere, specialement des femmes avec leurs petits enfans en leurs bras, demandans à hauts cris & chaudes larmes qu'on eust au moins compassion de leurs petits: ce qui faisoit mourir d'ennuy ceux du Chasteau, lesquels desiroient bien donner entree à ces miserables, mais c'estoit chose impossible. Or d'autant que les ennemis poursuiuoient impetueusement les fuyards, & taschoient d'entrer avec eux dans le Chasteau, les portes furent fermées à toute peinc, & plusieurs laissez à la mercy de l'ennemy qui les esgorgea cruellement. Puis la ville exposee au pillage fut saccagee.

Les nouuelles de ceste prinse furent incontinent portees à Menefez qui diligentoit pour se ietter dâs Arzile, ayant fait venir renfort de vaisseaux & de Capitaines. Estât au port il voulut soudain prendre terre: mais la tem-

peste & agitation de la mer l'en empescha. Car ce port est tresdangereux & perilleux à cause des bancs, sur tout en temps de tourmente. Outre cela il ne sçauoit si le chasteau estoit en la puissance des ennemis, ce qui le mettoit en perplexité: à cause que si ainsi eust esté, on ne le pouuoit tenir que pour vn estourdy de gaigner le bord avec si petite troupe pour combattre ouuertement à son desauantage vne si puissante armee. Par ainsi il demeura trois iours à l'ancre, ne sçachant bonnemēt voir ce qui estoit meilleur de faire en ce brouillis d'affaire. Finalement il enuoya deux soldats de qui il se fioit, dans vn esquif bien équipé & voguant en diligence, pour fendre les vagues, & approcher du chasteau regardant sur la mer. Ces deux, au grand hazard de leurs vies, trauersent les flots impetueux, les coups de canon & d'autres traits gressans contre eux des corps de garde posez sur le riuage, & se rendent pres du Chasteau en despit des ennemis. Ceux qui y estoient enclos les voyans monstrent incontīent par vne fenestre les estendarts portans les armoiries du Roy, crians souuent & à haute voix Portugal, Portugal. Les femmes leur presentoyent force petits enfans pendans au col des meres, afin d'esmauoir tant plus ceux de dehors à leur assister en ceste pitoyable extremité. D'auantage, Vasque Coutin enuoya quelques robustes & experts nageurs avec lettres enuolopees de cire vers Menesez, auquel il faisoit entendre le danger pendant sur les restes des assiegez, l'instruisant au reste du meilleur moyē qu'il pourroit tenir pour faire entrer nouuelles forces au chasteau, & notamment des viures, qui y estoient fort courts alors. Menesez fait embarquer nombre de soldats en des vaisseaux propres à subsister au port ainsi facheux, & fait publier à son de trompe que tous les forçats qui pour leurs forfaits estoient condamnez à demeurer en galeres perpetuelles, ou qui y demeuroyent pour vn temps seroyent deliurez, pourueu que le lendemain ils fissent leur deuoir de bien cōbatre en terre: promettant au reste à celuy qui descendroit le premier la somme de cinq cens escus pour recognoissance & loyer de sa prouesse. Cela fait, il suiuit à l'heure assignee le flux de la mer, auançant sa flotte à force de rames. Vasque Cou-

En qui les regardoit du chasteau, fit incontinent sortir par
vne fauce porte, suiuant ce qui estoit arresté entre luy &
Menesez, trente hommes à cheual, & le reste des autres
gens d'ordonnance à pied, afin de donner secours à ceux
qui descédroyent des nauires en terre. C'estoyent les plus
asseurez soldats qui fussent au chasteau: & Menesez estoit
auerty par ce signal, à sçauoir par leur sortie, de mettre ses
troupes en terre. Pourtant il fait promptement mettre
le feu à toutes les pieces, & cañonne furieusement les en-
nemis, qui grandement estonnez de la mort de plusieurs
des leurs se retirerent en grand trouble & desordre assez
loin du riuage. Alors chascun de ceux qui estoient és na-
uires fait tous ses efforts d'estre le premier à bord, l'un de-
sifrant gagner les escus promis, l'autre racheter son ban-
nissement, mais la plupart alloit à teste baissée à trauers
le danger pour acquerir hōneur. Le premier qui mit pied
à terre fut Tristan de Menesez porté dans l'esquif de Iean
Roderic, qui le seconda, & fut suiuy de Héry de Menesez.
Iean l'Hōme aussi voguant en vn esquif fit le quatriesme.
Quāt aux principaux chefs des troupes, Iean Mascaregne
Colōnel des cheuaux legers fut le premier en terre. Si tost
que les Chrestiens se furent emparez du riuage, les enne-
mis accourent & commencent la charge, où les vns & les
autres ne s'espargnerent nullement. Plusieurs demeure-
rent estendus sur la place, & y en eut tant de blesez qu'ils
furent contrains se retirer. Les Portugallois saussierent le
plus prochain corps de garde, & en tout ce conflict ceux
qui estoient sortis du chasteau se porterent vaillamment
entrē tous autres. Ils trainerent dans le chasteau six coule-
urines cōquises en ce corps de garde, & par mesme moyē
Ieā Mascaregne y mena deux cens soldats avec quelques
charges de pouldre, d'armes, de viures, & munitions de
guerre. Ce secours remit sus les assiegez & les encoura-
gea du tout à tenir bon, au lieu qu'auant telle auanturē ils
ne sçauoyent que faire estans destituez de toutes cho-
ses necessaires pour soustenir vn siege. D'auantage,
les soldats auoyent tant enduré de faim & de soif, tant
trauailé, veillé, & combatu aux despens de leur sang,
qu'à peine s'en fust-il trouué vn pour assener vn bō coup.
Le gouuerneur de Tentugal fut si griefuement blezé

d'un coup de bouler à la descente, que sans pouuoir subister dauantage il se fit reporter dans Tingi, d'où il s'estoit embarqué. Manuel Coutin, Iean de Pimète & quelques autres braves soldats, qui s'estoyent vaillamment portez ce iour là furent tuez sur le champ. Mais cōbien que ceux du chasteau eussent esté ainsi soulagez par la sagesse & vaillâce de Meneséz, si ne furent-ils pas deliurez du tout. Car au lieu qu'ils estimoyent que cela feroit descamper l'armee du Roy de Fez, le contraire aduint: tellement que ils se retrouvèrent à la guerre plus que iamais, leurs ennemis estans deuenus comme enragez d'une telle deliurance. Poartant aussi le Roy de Fez commanda que la batterie fust recommencee avec plus grande impetuosité qu'au parauant, & pour accommoder ceste batterie les gens se retrancherent de telle sorte qu'il estoit impossible de les endommager du Chasteau. Ce qui mit en nouvelle peine les assiegez, lesquels neantmoins prenans courage en telle necessité resistoyent en toutes sortes. Toutesfois à la longue ils y fussent demeurez tous, s'ils n'eussent esté secourus d'ailleurs: d'autant qu'il n'estoit pas possible qu'une poignée de gens harassez peussent faire teste longuement à une si puissante armée, laquelle auoit du tout resolu de les auoir à quelque pris que ce fust: le Roy de Fez preuoyant bien de quelle importance estoit le recouurement de ceste place, qui est une des clefs de ceste coste de Barbarie, & dont si les Portugallois demouroyēt maistres absolument, les Mores auroyēt tousiours la guerre sur les bras & à leur desauantage, les Portugallois ayans une retraite si asseuree entre les autres, comme de fait il en auint ainsi puis apres. Mais il fut frustré de son desir, & contraint faire place au bon heur des Portugallois, par le moyen qui s'ensuit.

MENESÉZ auoit prié par lettres le Roy Emmanuel, d'assembler secours en diligence. D'auantage il auoit enuoyé messagers en Andalouzie, pour obtenir quelques compagnies. Suiuant quoy Pierre de Nauarre, lors Capitaine fort renommé, auoit amené la flotte d'Espagne vers le destroit au Haure de Gibraltar, ayant esté instamment requis par Meneséz de venir à l'aide en ceste necessité. Les uns & les autres s'apprestoyent à qui mieux mieux
pour

pour passer en Barbarie. Ce pendant les Mores battoient furieusement le Chasteau, sans donner relasche aux assiegez. Le premier qui amena gens d'Andalouzie fut vn gentilhomme, dont ie n'ay peu trouuer le nom par escrit, president de Xeres, lequel arriua en Barbarie avec vne nauire de guerre merueilleusement tost equippee & munie de soldats, d'armes, de viures, & de toutes autres choses necessaires. Or pource que les ennemis s'estoyent si bien retranchez que l'artillerie du Chasteau ne les endommageoit aucunement, ce gentilhomme auançant son vaisseau s'arresta en vn lieu qui descouuroit les ennemis. De là il commence à les canonner & meurtrir d'estrange façon, tellement que tout leur camp en fut troublé: & comme eux pensoient auoir leur reuenche, il se retiroit si vistement que c'estoyent poudres & balles perdues de tirer contre luy. Et de rechef il les costoyoit & fouëttoit si rudement, que le Roy de Fez fut contraint camper en autre endroit. Pierre de Nauarre, vaillant & prompt à executer, ne tarda gueres avec son secours de six mil cinq cens hommes. Estant arriué, luy & Menesez entrent en deliberation de ce qu'ils auoyent à faire. Leur resolution fut d'assaillir promptement l'armee du Roy de Fez, remettans l'execution au lendemain. Ce Roy voyant vn tel secours pour les assiegez, estima qu'il ne falloit plus demeurer là: pourtant il fit mettre le feu dans la ville. Il auoit en son camp vn gentilhomme que Menesez print prisonnier en certaine escarmouche, & le traita fort humainement quelques iours, en fin desquels estant sorty par rançon, il ne se pouuoit saouler de faire entendre aux autres Mores la vertu & douceur de Menesez, auquel il enuoya messager expres demander sauconduit pour luy aller faire la reuerence. Ce qu'ayant obtenu il vint droit au camp des Portugallois suiuy de vingt cheuaux, & apres que Menesez & luy se furent entrealuez & entretenus de propos d'amitié quelque espace de temps, finalement le gentilhomme More tint tel langage. Pour certain, Seigneur Menesez, vous auez de beaucoup accru le los de vostre illustre nom, quand en tel temps ceste ville a esté secourue par vous contre vn Roy si puissant. Arzile vous en est grandement obligé:

car sans vostre presence, le Chasteau seroit maintenant en la main de nos gens. Mais vn si braue exploit ne pouuoit estre executé sinõ par ceste noble vertu qui est tousiours apparue en vous. Menefez respond incontinent. Si i'ay remedié à la confusion en laquelle ceste ville estoit embrouillee, ceux qui voudront considerer bien le tout, iugeront qu'il ne m'en faut pas attribuer grand' louange: car i'estime que cela ne m'appartient pas tant, qu'il fait à mon Roy, Prince tres-excellent, lequel a accoustumé & peut mettre en besongne beaucoup d'autres Capitaines plus habiles que ie ne suis. C'est vostre Roy qui a dequoy se glorifier, de ce que non seulement il a assailly l'vne des villes du Roy de Portugal, (entreprise qui merite grand honneur) mais aussi s'en est rendu maistre par la force de ses armes. Pourtant i'estime qu'il s'est acquis vn perdurable nom d'auoir abbatu les murailles, prins la ville, & battu le Chasteau. Mais ie ne puis dire que ce soit chose bien seante à sa maiesté d'auoir fait mettre le feu és maisons & bastimens enclos dedans la ville. Chascun a encor les armes au poing. S'il pretend emporter la victoire, pourquoy est-il si mal-aduisé de reduire en cendres vne place dont il espere se rendre bien tost seigneur? Au contraire, s'il se sent foible, que luy sert de delcharger sa cholere sur des toicts & des maisons? A-il amassé vne si puissante armee pour faire la guerre aux parois & soliveaux? Nostre Roy n'a point le cœur bas ny failly, repliqua le More: c'est vn Prince magnanime, & qui merite le rang qu'il tient. Il ne s'est point mis en campagne avec tant de soldats pour bruster des maisons, ains pour s'esprouuer aux armes contre vn autre Roy fort renommé pour ses vertus. S'il n'est venu à bout de ce qu'il pretendoit, on ne l'en peut toutesfois iustement reprendre. Car le deuoir d'vn Roy qui aspire à vn renom digne de sa grandeur, gist à entreprendre choses grandes & difficiles. Mais la victoire n'est point en la main des hommes, ains en la deliberation & assistance de Dieu. Quant au feu, ie vous puis asseurer, qu'il a esté mis és maisons au desceu du Roy. Pourtant si tost que ie me trouueray deuant sa maiesté, pour luy faire entendre ce qui est aduenü, vous verrez que lon esteindra incontinent le feu.

Cela dit, le More print congé, & par le commandement du Roy ses gens estaignirent, par grande adresse, tout l'embrasement. Plusieurs estimerent que le Roy de Fez estoit en la compagnie de ce More: car il desiroit fort voir Menesez, lequel estoit fort renommé & prisé de tous les peuples de Barbarie. Au reste, ce Roy voyant qu'il seroit fort malaisé de forcer le Chasteau assez bien muny pour lors, & que le secours arriuoit de toutes parts pour le garder: Item que de là à peu de iours la flotte de Portugal apparoistroit, & que ceste place estoit de telle importance, à cause qu'elle regarde l'Andalouzie, que si on ne l'emportoit au premier assaut, il y auroit fort grand danger de tenir vn camp plusieurs iours en ce siege: il resolut de ne perdre pas d'auantage de temps en ceste guerre. Ainsidonc il fit desloger son armee la nuit mesme & prendre le chemin d'Alcassarquibir. Le lendemain Menesez entra dans Arzile avec toutes ses troupes, enseignes desployees. Coutin, sa femme, & tous ceux qui s'estoyent retirés dans le Chasteau, luy allerent au deuant en grande ioye, le remercians & recognoissans pour celuy de qui ils tenoyent la vie.

LORS que les premieres nouuelles de la venue du Roy de Fez vindrent en Portugal, Emmanuel estoit à Euora. Incontinent il delibera de secourir au plustost ceux d'Arzile: suyuant quoy dès le mesme iour il escriuit à toutes les villes de son Royaume, aux seigneurs & gentils-hommes, mandant que chascun eust à le venir trouuer, & despescha promptement quelques compagnies pour entrer és Algarues, afin de passer vistement de là en Afrique. Quatre iours apres il entendit par autres lettres de Menesez, que la ville estoit prinse, le Chasteau assiegé & serré de bien pres. Ceste recharge luy fit prendre la poste à l'heure mesme, & sans estre suiuy que de huit hommes au plus il se mit en chemin, courant iour & nuit sans prendre le loisir de guerres boire, manger, ny dormir. Car il consideroit qu'en moins de rien les choses tournent à rebours, & sont suiéttes à des reuolutions fort estranges: & qu'il y a trop grand danger en affaires de guerre de laisser eschapper l'occasion de faire

12.

*Diligence du
Roy de Portugal à pour-
voir aux af-
faires d'A-
frique.*

quelque exploit notable, si elle se presente, d'autant qu'on ne la peut aisément recouurer. Que le fait d'un couard & vau-neant est se lamenter en vain d'auoir failly vn beau coup: au contraire qu'un Capitaine vaillant & experimẽté ne perd commoditẽ quelconque d'executer, ains l'empoigne soudain qu'elle se monstre. D'auantage qu'un Roy commet vn crime horrible d'abandonner les vassaux & suiets au besoin, sur tout quand ils sont en manifeste danger de leurs vies pour son seruice. Picqué de tels discours il posta de telle roideur qu'estiant es montagnes qui separerent les Algarues d'auẽc le royaume de Portugal, le coursier qui le portoit, rompu de trop grand trauail, fondit tout à plat, & mourut entre les iambes de son maistre. Lors on luy vint dire que le secours estoit pres d'Arzile, que le Chasteau auoit esté rasfraychy d'hommes & de viures maugré les ennemis. Pour cela il ne discontinua de courir, craignant que par diuerses mines conduites par les Mores, suiuant l'aduis qu'il en auoit receu, le Chasteau ne fust renuersé, si lon n'y pouruoyoit de bonne forte & bien tost. Finalement il arriua en vne ville au iourd'huy nommee Taurire. Ceste ardante volenté, allegresse & diligence incroyable du Roy encouragea tellement les Portugallois que gens de cheual & de pied y accouroient de tous costez: tellement que cinq iours apres son entree dans Taurire, s'y trouuerent plus de vingt mil hommes de guerre. Outreplus par son commandement, on amena de Lisbone plusieurs nauires chargees d'artillerie, de viures & autres munitions: & luy de sa part donna soigneusement ordre qu'elles fussent fournies de tout ce qui leur defailloit.

*Quel conseil
dona au Roy
de Portugal
touchant la
guerre d'A-
frique.*

Mais comme il vouloit s'embarquer, on luy apporta lettres contenans que le siege estoit leuẽ, & que le Roy de Fez voyant que c'estoit perdre temps de s'arrester dauantage deuant le Chasteau d'Arzile, auoit cassé son armee. Neantmoins Emmanuel faisoit estar de passer en Afrique, dont il fut destourné par quelques vns estimez les plus sages de son conseil. Si vous vulez (luy disoyent-ils) chasser l'ennemy de deuant Arzile, cela est ja fait: & si vous pensez subiuguer toute l'Afrique, les forces cy assemblees ne suffisent pas pour executer si grande entre-

prise. Ce n'est pas chose bié seante à vn tel Roy que vous de mettre la main à vne chose non necessaire, ou dont ne puissiez sortir à vostre honneur. Vostre passage d'icy en Afrique sera louable lors que vous serez asséuré de pou- uoir executer à la louange de vostre nom ce qu'aurez de- liberé de faire auant que vous embarquer: car autrement vous n'en rapporterez que confusion. Pour ceste heure la gloire acquise par vos gens, qui ont braué le plus puissant Roy d'Afrique, vous appartient à bon droit, & de là cha- cun peut coniecturer quelle opinion lon aura de vostre vertu cy apres, en ce que voz Capitaines & soldats ont fait receuoir vne telle honte au Roy de Fez, & deliré les assiegez. Or vous maculerez ceste gloire que vos suiets vous ont acquise, si vous faites chose qui ne responde en- tierement à l'opinion que tout le monde a de vous. Si vous passez avec ceste armee en Afrique, n'estimez pas que lon se contente de deux ou trois batailles que vous pourrez donner aux Mores, mais il faudra que vous sub- iuguez toute la Mauritanie. Si donc vous ne satisfaites à l'esperance des hommes, voila vne tache sur vostre repu- tation. Pour le present vous estes trop foible pour vn si grand exploit. Retournez en Portugal, apprestez toutes choses necessaires pour vne telle guerre, lors pourrez-vo^s entrer honnorablement en Afrique: autrement on dira que ceux qui auront donné & repris ce cōseil sont des e- stourdis, & si quelque malheur suruiét, ce sera flestrir trop auant vostre honneur. Ces conseils de gens peu soucieux d'acquérir honneur en guerre destournerent Emmanuel de sa deliberation, laquelle le rendoit renommé à iamais, s'il y eust perseueré: d'autant que les moyens de l'execu- ter se presentoyent alors. Les Mores estoient gens des- loyaux, mutins contre leurs Roys, sans conscience qui les destournast tant soit peu de leurs villennies & meschan- cetez. Ils n'auoyent point d'armes pour la pluspart: & d'a- uantage plusieurs de leurs chefs estoient en grandes pic- ques les vns contre les autres. Les plus forts fouloyét ou- trageusement les petits, qui pour reuence machinoient diuerfes trahisons contre les grands. Outreplus, c'estoit chose certaine, que ces peuples remuans & amis de nou- ueauté ne faudroyent de descouuir leur inconstance &

perfidie à la premiere occasion qui leur seroit presentee:
 & estoit aisé, avec bié peu d'argent, d'acheter de quelques
 particuliers leurs Roys & leur pays. Au reste, ceste con-
 tree eust fourny à planté les viures d'une armee: car elle
 est tresfertille, le peuple y est friad d'argét, à cause de quoy
 chascū fust acouru au camp avec toutes sortes de viures, Et
 encor qu'ils eussent veu brusler & fourager le pays. Et
 pour certain, si les Portugallois apres la victoire se fussēt
 portez modestement, ces Mores se fussent aisémēt rāgez
 à l'obeissance d'Emmanuel. Pourtant, toutes choses ve-
 noient lors à souhait au Roy de Portugal, pour le regard
 des ennemis: & quant au Portugallois c'estoyent gens si-
 delles, aimans singulierement leur Prince, qui ne demā-
 doient que la guerre, resolu, hardis & vaillans au pos-
 sible. Ioint qu'alors ils estoient tellement eschaufez, que
 presques tous les gentils-hommes effroyent de leur part
 porter les armes à leurs propres despens en si belle entre-
 prise. Si ceste course du Roy tant aimé de ses suiets, & la
 diligence qu'il fit d'aller d'un des bouts de son royaume à
 l'autre, pour donner ordre aux affaires, esmeut tellement
 chacū qu'en peu de iours on vid tant de milliers d'hō-
 mes se rendre alaigrement pres de sa personne: qu'eust
 ce esté, s'il eust voulu passer à main armee en Afrique?
 D'autant aussi que le traject est court & aisé, il est certain
 que grand nombre d'Espaignols d'Andalouzie se fussent
 embarquez à sō secours. Et puis qu'en fait de guerre l'oc-
 casion & l'opportunité des choses gouvēnēt tout, & que
 l'on ne sçauoit rencontrer meilleure cōmodité que celle
 que la hardiessē des assaillans & la frayeur des assaillis
 presente: il faut conclure qu'Emmanuel eust exploité a-
 vec tout heureux succez alors, s'il se fust aidé de l'ardeur
 de ses soldars cōtre les ennemis effrayez de la perte qu'ils
 auoyent receue. Finalement, & qui est le principal, la pie-
 té & sainte affection de ce bon Prince, entreprenāt des
 guerres en pays lointain cōtre les infideles, eust esté cau-
 se que toutes choses luy fussent venues à souhait. Quoy
 qu'il en soit, le Roy est digne de grand louange pour a-
 uoir pensé à vn si memorable exploit: au contraire l'es-
 time que ceux qui le destournerent vn si beau moyen
 d'estre renommé à iamais le conseillèrent tres-mal.

MAIS pour reuenir à nostre premier propos, combien qu'Emmanuel vist son coup rompu par l'auis de ses conseillers, il ne laissa pas de donner bon ordre à tout ce qui estoit de besoin. Car il renforça Arzile de gens & de munitions de guerre en grande abondance, y enuoyant aussi bon nombre de charpentiers & manœuvres, pour redresser les maisons & murailles abatues, & rendre le chasteau plus fort. Car en ce temps Arzile estoit estimée la plus forte place qu'eussent les Portugallois en toute la coste de Barbarie, à cause de sa situation, & pour ce que le pays d'alentour est commode & fertile. Il enuoya aussi vn present de six mille escus à Pierre de Nauarre, lesquels iceluy ne voulut iamais prendre, disant auoir fait la guerre pour obeir au Roy Fernand qui le souldoyoit, & qu'il n'attendoit recôpence de ses traux & exploits d'autre que de celuy duquel il estoit entrete- nu. Le gouuerneur de Xerez fit mesme response: ce notwithstanding Emmanuel reconut amplement puis apres la seruice que ces deux luy auoyent fait.

OR apres qu'Arzile fut munie de viures & de nouuelle garnison, Menesez fit voile en Portugal, où il fut honorablement & amiablement receu du Roy avec remerciement des bons seruices qu'il auoit faits. En ceste mesme année Emmanuel & Ieanne fille de Fernand & d'Isabelle eurent debat touchant le limite des pays marqué par le feu Roy Iean & par les Roys de Castille, monstrant iusques où les Roys d'Espagne & de Portugal (sans entreprendre l'vn sur l'autre) pouuoient chasser les Mores & s'auancer en pays estrange. Ce different fut appointé fort paisiblement & d'vn tresbon accord entre les deux parties, & ainsi Emmanuel quitta vne grand part de Barbarie, encores qu'elle semblast estre de son partage, & en laissa la conquête aux Roys d'Espagne: d'autre part Ieanne laissa ce qu'elle preterdoit en Ethiopie, ayant entendu que ce pays là estoit assigné aux Roys de Portugal. Sur la fin de la mesme année, Emmanuel enuoya en Ethiopie au royaume de Cogo grand nôbre de prestres & de moines, pour y prescher & enseigner à leur façon les peuples de là, & les amener à la cognoissance d'autre religion que la leur precedent. Voila ce qui auint alors en Afrique & en Portugal.

Exploits d'Alfonse Albuquerque pour l'intelligence desquels le royaume, isle & ville d'Ormus sont décrits: item les mœurs des habitans & la puissance de ce royaume,

NOUS auons declairé cy deuant ce que fit Tristan de Cugne en son voyage de l'Inde, premieremēt sur la mer, puis quelles villes il assaillit & força: comme il print port à Zacotore, se rendant maistre de la forteresse que le Roy de Zaxem y auoit fait bastir, & y laissant Norogne pour capitaine: & comme au partir de là il print la route des Indes, puis reuint en Portugal. Mais nous n'auons encores peu entamer le discours des exploits d'Alfonse Albuquerque, apres que Tristan l'eut laissé pour courir avec la flotte la mer qui regarde l'Arabie heureuse, & faire viuement la guerre à tous vaisseaux d'ennemis. Or Alfonso qui estoit homme de grand cœur, estima que ce seroit se denigrer s'il faisoit le mestier des pirates, & resolut d'entreprendre choses plus grandes. Pourtant il ietta l'œil sur le royaume d'Ormuz pour s'en rendre maistre. Ormuz est vne isle dans l'embouchure du goulfes ou mer Persique, non gueres eslongnee de Caramanie, & semble auoir prins son nom d'Armuzie ancienne ville de Caramanie, dont la memoire & le nom se sont esuanouis avec le temps. Peut estre aussi qu'Ormuz est vne peuplade de ceste ancienne Armuze, & qu'elle en a retenu le nom. Elle a huit lieues de circuit, estant à six lieues de mer pres de Caramanie, & à vingt de l'Arabie du costé de Caramanie. L'isle est du tout sterile & seche: la terre si maigre, que de soy mesme, ny pour estre cultiuee, elle ne sçauroit produire chose qui serue à la vie humaine. Il n'y a point de fontaines, ains seulement trois puits en toute l'isle, loin de la ville, par ainsi les habitans pour la plupart s'aident d'eau de cisternes: & comme les Caramaniens, Arabes & autres insulaires voisins leur fournissent des viures, aussi apportent-ils de l'eau douce de ces isles en Ormuz. Dedans l'isle se void vne petite montaigne, contenant en vn de costez grande abondance de soulfre: de l'autre elle fournit des pierres de sel en bon nombre. Il y a deux hautes trespasseurez, l'vn à l'orient, l'autre à l'occident, estant separez l'vn de l'autre par vne langue de terre, s'estendant assez auant en mer. Les marchans Indiens, Perses, Arabes & autres de diuers pays, s'aidans de la commodité de ces hautes, commencerent à frequenter en l'isle: au moyen dequoy elle acquit tel bruit,

qu'on y bastit vne ville en lieu plat, laquelle par successiō de temps est deuenue l'vne des principales de ces quartiers là, les rues d'icelle sont larges & droites, les maisons magnifiques, ayans plusieurs estages, & enrichies de toits gentiment façonnez. Le palais du Roy est commode pour loger grand nombre de personnes, fort & bien muni pour résister à la violence des ennemis. Il fait extremement chaud en cest isle, tellement que les habitans employēt toute leur industrie en diuers remedes & moyens pour s'en garantir. Ces habitans sont presque tous Arabes & Perfes, adherans aux superstitions de Mahumet. Ils sont estrangement voluptueux adonnez à paillardise & medisance. Les femmes sont contraintes de voiller leur visage, crainte d'estre veues par autres que par leurs maris. Les hommes sont pour la pluspart d'assez belle representation, aiment fort la musique, & prennent plaisir à s'accoustre pompeusement. Ils s'exercent d'ordinaire aux armes, & estudiant volontiers, sur toutes histoires, ils tiennent conte des hommes sçauans, les honnorāt, escoutent, & tiennēt que c'est vn grand honneur d'estre disciples de telles gens. L'estat public est gouverné par quelques loix assez commodes. Toutes marchandises & autres choses se vendent au poids: & celui qui vse de tromperie en cela est estimé de tous ennemy capital de la société humaine, & de l'equiré qui doit entretenir ceste vie. Au reste, combien que l'isle ne produise chose aucune pour la nourriture & entretenement des insulaires: neantmoins il s'y trouue des fruiets, de la viande, & des delices en telle abondance, qu'à peine sçauoit-on trouuer pays au mōde mieux fourny que cestuy là, pour biē accommoder la vie des hōmes. Car il n'y a delices en Arabie ny en Perse, ny en Inde, ny en autre regiō quelconque dōt les nauires puisse aborder à Oimus, qui ne soyent apportees de toutes parts en ceste isle-là. Par ainsi, quoy qu'elle soit sterille, toutesfoīs on la peut preferer à plusieurs pays tresfertiles. Les Roys d'icelle ont amassé de grand thresors du reuenue des ports & peages, & se sont tellement agrādīs, qu'ils ont commandé finalement à bon nombre d'isles & de villes de Carmagne & Arabie. Iadis ils entretenoyent à leurs despēs des armées

grandes: mais en fin, leurs capitaines & lieutenans deuenus trefriches, & voulans se rendre maistres absolus, les Roys d'autres costé fondus en delices & oisueté, il auint que les Roys n'eurent de leur part que leur nom, & laisserent le maniemēt de leurs finances & affaires à certains meschans seruiteurs, qui gouernoient tout le plus mal qu'il est possible de penser.

14.

Diuers exploits de guerre des Portugallois contre plusieurs ports de mer du royaume d'Ormus. TEL estoit l'estat de ce royaume lors qu'Albuquerque que se resolut de l'assuiettir au Roy de Portugal. Or pour y paruenir, le vingtiesme iour d'Aoust; l'an mil cinq cens & sept, il fit voile de Zacotora vers le cap de Rozalgate en Arabie, appellee Corodum par les anciens geographes. Il menoit quand & soy six vaillans & renommez capitaines, à sçauoir Francisque Taoure, Manuel Tellio, Alphonse Lopez de Coste, Nonio Vasque de blanc castel, Antoine de Camp, & Iean Nonio, lesquels commandoyent à quatre cens septante soldats en tout. Avec ceste petite flotte il delibera mettre pied à terre pour assaillir le riche & puissant royaume d'Ormus, & apres auoir costoyé & passé outre l'Arabie, approchant de Calaiate, premiere ville de ce royaume, à l'embouchure du goulfe, il offrit la paix aux habitans, moyennant qu'ils voulussent luy fournir des viures. Passant outre pour aller prendre port à vne ville nommee Curiate, les soldats voulans repaistre descouurerent le meschant tour qu'on leur auoit ioué: car ceux de Calaiate auoyēt remply d'ordures les tonneaux de munition, & couuert quelque peu le dessus de diuerses sortes de viandes, pour deceuoir les Portugallois, qui leur vendirent bien cher puis apres vne telle desloyauté. Quant à ceux de Curiate, ils aimerent mieux combattre tout ouuertement qu'yser de finesse. Ils auoyent lors pour gouuerneur de la part du Roy d'Ormus vn vaillant homme qui auoit fortifié le port d'un bon rempart & d'une tranchee avec tels corps de garde qu'il s'asseuroit de repousser aisément beaucoup plus grosses troupes que celles d'Albuquerque: & en ceste assurance il refusa la paix qu'Albuquerque luy presentoit. Sur ce refus Albuquerque ayant cōsulté avec ses capitaines, fait rāger ses gens & prend terre. Les ennemis qui leur vouloyent empescher la descente estoient au

nombre de trois mille. Il y eut lors vne terrible meslee toutesfois les Indiens furent chassez, leurs tranchées & rempar forcez, & les Portugallois entrent finalement de pied & de teste dans la ville desnuée de secours, laquelle ils saccagent, puis y mettent le feu, ensemble és nauires qui estoient à l'anchre, & à celles aussi qui s'estoient au-cunement eslargies en mer. De là les Portugallois aborderent pres de Mascate, qui est vne autre fort grâde & riche ville d'Ormus. à vingt lieux de Curiate, assize en lieu plat, & ceinte de deux montagnes qui luy seruent de forteresse de part & d'autre, & s'estendans iusques au haure de la ville, rendent l'entree du port fort estroite. Les habitans auoyent tiré vn fossé bien large du pied d'une des montagnes à l'autre, & iceluy fortifié de leuees de terre & d'un double rempart, & pour s'en aider commodemēt, ils firent deux chemins fort estroits qui tendoyent de la ville à la mer à l'auantage des habitans. Neantmoins Albuquerque entra dedans le port, & accorda avec le gouuerneur qu'il fourniroit viures (comme tributaire) à la flotte de Portugal. Comme on aprestoit le tout, voicy arriuer vn des lieutenans du Roy d'Ormus avec renfort de gens, lequel tança fort aigrement le gouuerneur qui auoit promis les viures, & fit mettre toute la ville en armes, tellement qu'il y auoit enuiron quatre mille combattans. Albuquerque conoissant l'intention de ses ennemis fit battre furieusement ceste ville tout la nuit, & esbrâsler toutes les murailles non seulement pour faire bresche, mais aussi pour effrayer les habitans & les tenir en continuel alarme. Le lendemain il partit ses troupes en trois, l'une desquelles il commit à Francisque Tauore; & luy commanda ensemble à Alphonse de Coste de se rendre maistres du bout d'un d'es rempars ioignans à l'une des montagnes. Iean Nonio & Antoine de Camp qui menoyent la seconde troupe eurent charge de donner vers l'autre bout de montagne. Albuquerque & Manuel Telio qui commandoyent à la dernière bande resolurent de fausser la forteresse du milieu. Francisque Tauore fut le premier en terre & marcha droit au quartier qui luy estoit assigné: & quoy que les assaillis se defendissent avec vne infinité de traits & de flesches, toutesfois ils fu-

rent repoussez, & le feu mis en leur tranchee, laquelle ils abandonnerent par contrainte, n'y pouuans aucunement subsister. Albuquerque estoit aux mains au lieu qu'il auoit assailly & trouuoit forte partie. Nonio & de Camp assaillirent courageusement ceux qui gardoyent l'autre tranchee : mais en fin les Indiens furent rompus, mis en route & poursuiuis : la ville prinse, saccagee & bruslee, avec perte de huiet Portugallois seulement. Apres que les troupes se furēt rafraischies quelques iours, Albuquerque se rembarqua, & alla mouiller l'anchre pres d'une autre ville nommee Soar, où il y auoit vne bonne forteresse. Neantmoins le gouuerneur d'icelle ayāt nouvelles du dommage receu par ceux qui auoyent fait teste se rendit incontinent. De là Albuquerque fit voile vers Orfazam ville forte & bien munie, en laquelle commandoit vn braue capitaine, lequel toutesfois ne peut iamais retenir les habitans qu'ils ne deliberaissent de s'enfuir, si tost qu'ils virent ietter les anchres. De fait la nuit d'apres l'arriuee de la flotte de Portugal, ils se retirerent à grand haste és montagnes prochaines, avec tout ce qu'ils peurent emporter. Le lendemain la ville fut pillée & bruslee. Cestoit la derniere ville d'Arabie vers le Septentrion, des appartenans du Royaume d'Ormus. Au desmarer de là Albuquerque print la route de l'isle mesme au haure de laquelle y auoit plusieurs nauires de Sarrafins fort biē equippees pour combattre. Lors Albuquerque assembla en sa nauire tous les capitaines pour auiser aux moyens de faire ceste guerre. Apres plusieurs disputes, finalement l'on arresta d'un commun consentement que la ville ne pourroit estre conquise que premierement l'on n'eust mis à fond ou prins ces nauires, d'autant qu'il ne se pourroit faire que les Sarrafins qui tenoyent Ormus pour leur commune partie, laissassent ainsi perdre la ville deuant leurs yeux & que ceste flotte de nauires seruoit de forteresse à Ormus, plus que toutes les murailles & rempars.

15.
Negotiation
d'Albuquerque
avec le
Roy d'Or-
mus.

SVIVANT cest aduis on iette les anchres, & Albuquerque enuoye promptement faire sçauoir au Roy qu'il estoit arriué avec sa flotte pour traiter de paix avec luy, & non pour esmouuoit trouble, pourueu qu'on ne l'empeschast d'establis en ceste coste de mer la domination du

Roy de Portugal, sans laquelle condition il faisoit se preparer à la guerre. que le Roy Emmanuel estoit si vertueux & debonnaire Prince qu'il valoit beaucoup mieux pour viure en seureté s'affluer à luy, que de commander à plusieurs nations : pource aussi qu'une principauté mal reiglee est odieuse & mal voulue, & suiette à des hazards & euenemens trespangereux. Que la façon de dominer & la protection du Roy de Portugal estoient une seure retraite & defence à tous ses suiets : & que si le Roy d'Ormuz se rendoit vassal d'iceluy, c'estoit le vray moyen de se maintenir contre les entreprises & efforts de tous ennemis : autrement, il essayeroit d'obtenir par les armes ce qu'il ne pourroit auoir par douceur. Le Roy effroyé du bruit des exploits d'Albuquerque en ceste course, monstra semblant de ne vouloir sinon la paix : & despescha incontinēt vn de ses domestiques avec lettres, & presens à Albuquerque, lequel receut bien les lettres, mais il refusa les presens, disant ne vouloir rien prendre que premier luy & le Roy d'Ormuz ne fussent d'accord, à quoy enclinoit la volonté de ce Roy, ce sembloit. Mais il remettait les affaires du iour au lendemain, iusques à ce que la flotte qu'il attendoit fust dedans le haure. Cependat quelques Portugallois asseurez sur sa parole alloyēt & venoyent par la ville. Mais si tost que les nauires d'Ormuz chargee de gens de guerre furent dedans le port, le Roy fit empoigner prisonniers tous les Portugallois qu'on trouua par la ville. Puis il fit arrester & ranger les grands vaisseaux au lōg de la descente, & commanda que les autres legers s'elargissent en haute mer, afin que si Albuquerque accrochoit ceux du bord, les autres peussent singler à toutes voiles & inuestir tellement la flotte de Portugal, que tout demeurast enucloppé à la mercy des Indiens. Le lendemain Albuquerque ayant descouvert cest ordre cognut biē que ses ennemis s'approchoyent au combat : ce qu'il accepta volontiers. Car il fit leuer les ancres, & donna dedans les grands vaisseaux qui gardoyēt le haure. Cojearar qui commandoit de la part du Roy d'Ormuz aux esquifs & autres vaisseaux legers qui auoyent prins le haut, tournant voile vers Albuquerque, commença à s'en approcher pour l'enclorre. Alors y a-

*la guerre &
sanglante ba-
taille nauale
qui s'en en-
suivit.*

uoit trefaspre combat entre les nauires de Portugal & celles qui gardoyēt l'entree d'Ormus, & la fumee de l'artillerie des deux costez ostoit la veue du iour aux vns & aux autres. Ce qui seruit à Cojeatar pour approcher seulement, & de telle sorte que ses soldats endommageoyent ceux d'Albuquerque non seulement à coups de canō, ains aussi avec les dards & fleches. Le combat s'eschauffa si asprement qu'il sembloit que la terre deust s'ouuir, & que le ciel eust perdu sa clarté. Le Roy estoit au faiste d'une haure tour, regardant en grande perplexité toute ceste meslee. Plusieurs femmes enceintes, estonnees de l'horrible bruit de l'artillerie, auorterent. Or apres que beaucoup de vaisseaux eurent esté brisez, les autres regagnerent le haut: tellement que les Portugallois deliurez du danger qui les menagoit de telle part, retournerēt assaillir plus à leur aise les grāds vaisseaux anchez au port. Toutesfois ils trouuerent gens qui leur resisterent courageusement: nonobstant quoy la nauire en laquelle estoit le Prince de Cambaje, venu peu auparauant à Ormus, & qui se monstra lors fort vaillant, fut mise à fond, ensemble vne autre, dans laquelle commandoit vn nommé Melichiaz. Les autres vaisseaux ayant perdu la plupart de leur equippage par le canon, ne pouans plus resister, ceux qui estoient dedans se iettent en la mer, afin de se sauuer à nage, voyans tout autre moyen leur defaillir. Incontinent Albuquerque fait embarquer ses soldats en des esquifs & leur commande de tuer ceux qui taschoyēt d'eschapper en nageant. Les vaisseaux qui eurent le loisir & l'adresse de s'eslargir en mer, se garantirent à force de rames & de voiles. Mais il y en eut vn qui demeura ferme, & qui auoit vn pilote vaillant & resolu au possible. Les Portugallois entrent dedans & ne trouuent personne: car les soldats s'estoyent cachez en la sentine: tellement que les Portugallois estimans que ce vaisseau fust vuide y laissent quelque petit nombre de gens, & se mettent à poursuiure les autres vaisseaux qui fuyoient. Ceux qui s'estoient cachez, sortent soudainement de la sentine, & se ruent sur les Portugallois, qui se voyans en telle extremité commencent à crier à haute voix apres leurs compagnons pour estre secouruz, & cepen-

dant font teste aux assaillans. Ceux qui venoyent à l'aide dans des esquifs, ne peurent tant diligenter que les assaillis n'eussent esté blesez tous en diuers endroits: mais estans secourus, leurs ennemis furent hachez en pieces pour la pluspart, les autres se lancerent dans la mer où presques tous furent tuez, quelques vns en petit nombre gaignerent le riuage. Or il y eut tel carnage en ceste bataille que la mer sembloit regorger de sang, & les vagues estoient si vermeilles qu'on auoit horreur de les regarder. C'est chose certaine que les Indiens furent tellemēt effroyez quand ils apperceurent la victoire tourner du costé des Portugallois, qu'ils se transperçoient de leurs propres fiesches, comme on le conut par les corps morts tuez de coups de fiesches lesquels vindrent à bord: car il n'y auoit aucun archer entre les Portugallois. George Barret qui estoit entré dans ce vaisseau pour secourir les soldats assaillis, comme dit a esté, se sentāt à l'anchre pres de la ville, & que ce vaisseau estoit bien muni d'artillerie, fit lascher les pieces de grande furie & par plusieurs fois, pour faire bresche. Les Portugallois ayās ainsi chassé & desfait leuts ennemis, mirēt vne partie des vaisseaux à fond & en bruslerent quelques autres: quoy fait Albuquerque approcha plus pres de la ville, & vint se rendre au deuant du palais du Roy. Combien que ceux qui estoient là dedans fussent saisis de grande frayeur, neantmoins ils descocherent vne infinité de fiesches pour repousser les Portugallois, tellement qu'Albuquerque, Menezes & quelques autres gentils-hommes furent blesez. Albuquerque courut au mesme instant ceste coste, mit le feu en plusieurs nauires, & finalement se rendit pres d'une rade regardant vers Carmagne, en laquelle il trouua cēt quatre vingts nauires neuues & que l'on n'auoit encor poussees en mer, lesquelles furent bruslees pour la pluspart. Il y auoit vn magnifique temple hors & assez pres de la ville d'Ormus, dédié à Mahumet, lequel fut aussi peu espargné que les nauires: & les soldats d'Albuquerque estoient si eschauffez au cōbat, qu'ils ne demandoient que d'assaillir la ville, ce que leur general ne voulut permettre, d'autant qu'ils estoient peu, & trop harassés du travail precedēt: au contraire Ormus estoit pleine

de gens de guerre. Le combat naual susmentionné dura huit heures. Albuquerque y perdit dix hommes, & ramena plus de cinquante blesez, entre autres Gaspar Diaz porte enseigne d'une des compagnies, lequel eut la main droite abattue d'un coup d'espee. Les Indiens y laisserent enuiron deux mille hommes. Ceste desfaite les estonna bien fort: mais la perte des nauires les mettoit presque en desespoir, d'autant que sans vaisseaux de mer l'isle ne peut viure ny subsister aucunement, ains faut qu'elle dechee & se ruine soy mesme.

16.

Ambassade AINSI donc le Roy ayant assemblé son conseil, en-
du Roy d'Or uoya deux Sarrafins des plus experimentez aux affaires
mus vers Al- & de grande autorité en son Royaume, l'un nommé Co-
buquerque jebeiram, l'autre Abdate natif de Grenade en Espagne,
pour auoir la pour supplier Albuquerque deluy pardonner tout le pas-
paix, laquelle s'étoit & accorder la paix. Ils alleguoient que la ieunesse vo-
est finalemēt lage du Roy & le conseil de certains garnemens l'auoyēt
accordee, & precipité en ceste guerre. Qu'il auoit esté assez chastié,
vne citadelle & que tant de pertes deuoyent faire esperer qu'il seroit
cōmencee par sage & se contiendrait à l'auenir. Qu'il se rendoit volon-
les Portugal- tairement vassal du Roy Emmanuel, & s'offroit payer le
lois en Or- tribut qui luy seroit imposé. Puis il prioit Albuquerque
mus. de luy estre pere, promettant luy porter autant de reue-
rence toute sa vie comme s'il estoit son propre fils. Il l'ex-
hortoit aussi de bien prendre garde à ce qu'il faisoit: puis
qu'Ormus estoit de la tenue du Roy de Portugal, ce se-
roit perdre vne bonne partie du reuenu d'iceluy, si lon
fourrageoit & saccageoit vne telle isle, bien peuplee, ri-
che, & de tel accez en Perse & en Arabie: & que qui en
seroit maistre pourroit aisément empieter beaucoup de
pays. Que la force de ceste isle consistoit és nauires, telle-
ment qu'icelles bruslees l'isle perdoit toutes ses commo-
ditez, & demeueroit deserte & destruite entierement. Car
(disoyent ces ambassadeurs à Albuquerque) comme vn
arbre seche estant coupé par le pied, ainsi Ormus perira
en perdant les nauires qui la nourrissent & subsistent
comme les racines font l'arbre. Si donc vous desirez enri-
chir vostre Roy, il faut que vous conseruiez ceste isle, la-
quelle demeurât en son entier luy apportera de grandes
commoditez. D'auantage, puis que par prouesse & valeu-
reux

feux exploits, vous ensuiuez ces grands capitaines tant renomméz par les histoires: vous deuez aussi auoir deuant les yeux, pour vous y conformer, les exemples de leur douceur qui les a fait autât estimer que leurs victoires. Pour immortalizer leur nô, ils n'estimoyent rien plus seant que de conseruer benignement ceux qu'ils auoyét abatus par la force de leurs armes. Apres s'estre ainsi fait redouter des ennemis par leur magnanimité, ils attiroyét aussi par le bruit de leur clemence tout le monde à les aymer & cherir. Vous auez par vostre vaillance obtenu vne telle victoire que vous meritez d'estre comparé aux plus grands chefs de guerre que lon scauroit trouuer. Reste, que côme vous estes demeuré inuincible ayât les armes au poing, maintenant que la victoire est vostre, vous ne permettiez que personne vous surmonte en humanité & douceur. Puis aussi que nous auons esté assez chastiez de nostre folie, que vostre gracieuseté face que nous puissions respirer après tant de maux dont nous sommes accablez. C'est le deuoir d'un grand personnage de se soustenir de l'infirmité humaine, lors qu'il est esleué au sommet de sa felicité, & de supporter doucement ceux qu'il void du tout abatues. Nous vous prions donc & suppliôs par le Dieu que vous adorez, & par ceste vostre dextre va-leureuse & inuincible, que vous ayez pitié des affligez, & pardonniez ceste faute au ieune Roy qui se repent de sa legereté, & permettiez qu'au plustost que faire se pourra lon estaigne le feu. Si vous le faites, outre ce que vous acquierrez la reputation de braue capitaine, chascun vous louera comme vn Seigneur doux & misericordieux: d'auantage, ce sera le grand prouât du Roy vostre maistre. Albuquerque respondit à celà qu'il estoit tresmerry de ce qu'ils auoyét tant differé à venir faire ce message: d'autât que le dommage n'eust pas esté si grand. Et leur permit d'aller sur l'heure faire cesser le feu, promettant qu'on ne les incommoderoit en sorte quelconque, quand ils tireroient à sauuer les vaisseaux que le feu n'auoit point encores endommagez: & que puis apres il donneroit response: quant aux conditions de paix. Cojebeiram retourna avec ceste réponse vers le Roy, laissant Abdala pour ostage: ce pendant le feu fut estaint sans empeschement.

ment par l'adresse & diligence de plusieurs personnes. Le lendemain arriuerent de la part du Roy les principaux d'Ormus, entre lesquels estoit vn nommé Noradin qui estoit lieutenant pour le Roy en la ville. Iceux confermerent la paix avec Albuquerque, aux conditions qui s'ensuiuent. Que Zerfadin, deuxiesme de ce nom, Roy d'Ormus, seroit tributaire du Roy Emmanuel, & luy donneroit de tribut par chacun an quinze mille ducats, & cinq mille pour vne fois à Albuquerque pour les fraix de ceste guerre. Qu'il assigneroit vne place dans la ville, au choix d'Albuquerque, pour y bastir vne citadelle. Les lettres de cest accord furent grauees en plaques d'or en langue Arabesque & Persique: l'exemplaire Persique demeurant au Roy d'Ormus, & l'Arabesque pour Emmanuel. Cela fait, Zerfadin pria Albuquerque de luy enuoyer vn estandart du Roy de Portugal son protecteur, afin que cela estant deuant ses yeux l'admonnestast d'estre fidele au Roy absent duquel il s'estoit rendu vassal, & que tous entendissent qu'il estoit en la sauuegarde de ce Prince si renommé entre tant de nations. L'estandart enuoyé par Albuquerque fut receu en grãd honneur & avec cris de ioye par ceux de la ville, comme vn signal de bonheur & repos perpetuel: puis ils le planterent au haut du palais Royal. En apres Albuquerque descendit en terre & vint trouuer le Roy en sa chambre tapissée de draps d'or & de fin cotton. Le Roy le recueillit avec grande demonstration d'amitié, & deuiserent longuement ensemble de leur accord lequel fut ratifié par serment solennel. Côme Albuquerque remontoit en ses nauires, le Roy luy enuoya quelque beaux presens, & dignes de la magnificence d'un tel Prince: à sçauoir vn baudrier de fin or & enrichi de pierres de fort grand pris, avec vn poignard & la gaine de mesme ouurage & richesse: puis quatre anneaux garnis de pierres luytantes & belles à merueilles, & vn cheual beau par excellence, & courant viste au possible, fort somptueusement harnaché. Il fit aussi de beaux presens aux capitaines Portugallois. Albuquerque de sa part luy presenta quelque bagues & ioyaux fort dextrement elabourez. Tout ce que dessus persuadoit chascun que ceste paix seroit la plus ferme du monde. Les portugallois sui-

uant icelle entrèrent sans aucune desfiance és maisons que le Roy leur auoit assignees. On amena à bord en toute assurance quelques nauires pour les racoustrer. Les fondemens de la citadelle furent posez incontinent. Albuquerque, qui conoissoit l'humeur des Sarrafins, & scauoit cōbien ils faisoient peu de conscience de trōper au trauay, fit bastir vne tour sur vn destroit de terre pres de la mer & de la citadelle, où il fit placer quelques canōs, afin de chasser ceux qui voudroyent empescher le paracheuement de son entreprinse. Les Portugallois trauailloyent apres qui mieux mieux, sans distinctiō de personnes, & qui s'employoit le plus estoit estimé & hōnoré par dessus les autres. Albuquerque hastoit la besongne, & pressoit les trauaillans, soulageant leur peine par propos recreatifs & plains de louange, & leur remonstroit souuent que le moyen de prendre pied ferme & subsister là, estoit d'acheuer vistement ceste citadelle, afin que si le Roy se repentait de sa promesse, & qu'il la voulust rompre, on l'en peust empescher par le moyen de ceste forteresse, qui tiendroit luy & les siens en bride. Lui mesmes, pour encourager ses gens, trauailloit aussi avec eux bien souuent : le Roy fournissoit en abondance les matieres necessaires. Et pource que par fois il suruenoit quelque mutinerie entre ceux d'Ormus & les soldats d'Albuquerque, de peur que les Sarrafins ne greuassent les Portugallois, le Roy donna pour garde aux Portugallois quatre cens hommes sous la charge de Noradin. Deux fils d'iceluy, l'vn nommé Delamix, l'autre Xerafauyent conspiré de tuer le Roy, mais leur meschanceté fut descouuerte tellement qu'ils se sauuerent de bōne heure, pour euiter le suplice. Pource qu'ils se monstroyēt fort affectionnez au party d'Emmanuel, Albuquerque obtint leur grace du Roy & permission de reuenir au pays.

FIN DV CINQUIESME LIVRE.



LE SIXIESME LI- VRE DE L'HISTOIRE DE PORTUGAL.

SOMMAIRE.

1. Ambassade du Sophi au Roy d'Ormus & la brane res-
ponse d'Albuquerque.
2. Conspiration des capitaines Portugallois contre Albu-
querque.
3. Seconde guerre d'Albuquerque contre le Roy d'Ormus, &
les divers evenemens d'icelle.
4. Revolte de quelque capitaine Portugollois, & ce que fit Al-
buquerque iusques à son depart du Royaume d'Ormus.
5. Guerre d'Albuquerque contre ceux de Calaiate, & l'issue
d'icelle.
6. Troisieme guerre d'Albuquerque au Royaume d'Ormus.
7. François Almeida rappelé en Portugal: & le mal qui auint
de la ialousie suruenue entre luy & Albuquerque.
8. Dabul riche ville, assaillie, prise & sacree de façon estrā-
ge par Almeida.
9. Diverses auantures d'Almeide.
10. Voyage d'Almeide à Diu: sa memorable bataille contre
Melichiaz & Mirhocem capitaine du Roy Cambaye, &
ce qui en auint.
11. Paix entre Melichiaz & Almeida.
12. Cruauté d'Almeide. Mutinerie des Portugallois contre Al-
buquerque, grandes querelles entre luy & Almeida, &
l'issue d'icelle.

13. Voyage de Fernand Contin en Inde avec une flotte de quinze nauires, son arriuee & ses exploits.
14. Estat des affaires de Portugal.
15. Guerre de Fernand Contin en Calecut, en laquelle, apres divers combats luy & plusieurs capitaines sont tuez, & Albuquerque se retire à Cochim.
16. Discours sur la mort d'Almeida tué avec la pluspart de ses gens par les barbares pres du cap de bonne esperance.
17. Voyages & exploits notables de Iacques Lopez, de Siqueire.
18. Description de l'Isle de Taprobane, du Royaume de Malaca & de Siam.
19. Accord entre Siqueire & le Roy de Malaca.
20. Diuerses ruses & trahisons de ceux de Malaca contre Siqueire, lequel s'en garentit, puis se retire en Inde

EN ces entrefaites, deux ambassades arriuerent à Ormus, pour exiger le tribut que le Roy deuoit par accord fait à Ismael Sophi qui lors estoit Empereur de Perse, & de beaucoup d'autres grands pays de Leuant, où il auoit plusieurs Roys tributaires. Cest Ismael Sophi estoit vn Prince excellent entre les Sarrafins, & par son industrie, sous pretexte de religion premierement, en apres par la grande adresse qu'il auoit monstree au fait de la guerre, s'estoit fait extremement riche, & auoit estendu sa domination au long & au large. Or le Roy d'Ormus & plusieurs autres luy estoient tributaires par crainte & par force. Comme donc ces Ambassadeurs le sollicitassent de satisfaire, luy ne sçachant que respondre, tant il estoit embrouillé en son esprit, fit entendre le tout à Albuquerque, lequel l'exhorta de ne se donner aucune peine. Et incontinent enuoya vn de ses Capitaines faire la bien-venue aux Ambassadeurs & leur dire que la ville & le Royaume d'Ormus appartenoyent par droit de guerre au Roy de Portugal, sous la protection duquel celuy d'Ormus auoit esté receu, tellement que les Portugallois estoient là pour le maintenir contre tous. Et quant au tribut, Albuquerque vouloit le leur payer promptement au nom de Roy. Disant cela le Capitaine

I.
Ambassadeurs de Perse en Ormus, & la responce que leur fit Albuquerque.

fit ouvrir en presençe des ambassadeurs vne quaiſſe dans laquelle estoit ce tribut, à ſçauoir des boulets de fer, des fleſches, des pointes de picques & halebardes, & des harquebouzes. Le tout deſployé, ce capitaine enuo-
yé par Albuquerque adiouſta. Voicy le tribut qu'Emma-
nuel Roy de Portugal, & des Algarues d'Inde & d'Or-
mus à accouſtumé de payer à ceux qui veulent exiger
quelque choſe des Rois ſes vaffaux. Combien que les am-
baſſadeurs ſe plaigniſſent que ceſte reſponſe touchoit
par trop l'honneur d'Iſmaël ſi puiffant Roy entre tous les
autres, ſi n'eurent ils autre choſe, & s'en retournerent à
vuide.

2.
*Conſpiration
deſcapitaines
Portugallois
contre Albu-
querque.*

Ce pendant la citadelle auoit eſté tellement auan-
cée, qu'elle estoit en deſenſe de ſoy-meſme. mais les capi-
taines Portugallois ne pouuoient endurer qu'on les reti-
naſt plus longuemēt à ceſte beſongne : & ſongeoyēt
iour & nuit au butin qu'ils euſſent aiſémēt fait en cou-
rant ceſte mer au long du gouſſe Arabique. Eſtans ainſi
embraſez d'auarice, ils complottent enſemble d'import-
tuner Albuquerque au nom du Roy de Portugal, à ce
qu'il laiſſaſt vn capitaine en la citadelle, pour ſe mettre
en mer & s'eſlongner de là. Ils dreſſent & ſignent ceſte
requeſte, ſupplians Albuquerque de ne perdre pas d'a-
uantage de temps apres ceſte citadelle, attendu meſmes
qu'il n'auoit aucun mandement du Roy de ce faire. Ce-
luy qui auoit eſcrit la requeſte la luy preſenta, afin que
ſ'il n'accordoit le contenu d'icelle, on le peult accuſer de
trahiſon & maluerſation en ſa charge. Albuquerque ayāt
receu ceſte requeſte ne la voulut point lire, ains la
cacha ſous vne pierre à l'entree de la fortereſſe en lieu tel
qu'on n'y pouuoit attein-
dre. Les capitaines offenſez de
ceſte brauade, vont trouuer Cojeatar, premier conſeil-
ler du Roy d'Ormus, & luy donnent à entendre que le
Roy de Portugal n'auoit commadé à Albuquerque cho-
ſe quelconque de tout ce qui auoit eſté exécuté contre
le Roy d'Ormus: que c'estoit vn homme remuant &
ambitieux iuſques au bout, qui auoit dit & fai-
ct choſe qui irriteroyēt grādement Emmanuel, Prince qui ne de-
mandoit que paix, & n'entendoit que ſes gens couruſſent
ſus aux Rois qui ne leur auoient fait aucun tort. Cojea-

tar fut extremement aise d'ouir ce discours, & pēsa auoir bien trouuē le moyen sans grand danger d'ourdir quelque toille à Albuquerque, lequel il alla trouuer, & apres vne longue trainee de paroles l'admonnesta tout ouuerement de hausser les voiles & tirer ses nauires arriere de là, à cause que les marchans n'osoyent plus trafiquer en Ormus comme au parauant, de crainte qu'ils auoyent de luy, ce qui diminuoit les reuenus du Roy consistans pour la pluspart en ports & peages; tellement qu'il luy seroit malaisē, ayant peu de moyens sans cela, de payer le tribut qu'on luy auoit imposē. Sur ce il promettoit donner ordre que la citadelle seroit paracheuee & fournie de toutes choses necessaires en l'absence d'Albuquerque, & selō son desir. Mais Albuquerque fit telle response que Cojeatar entendit bien que c'estoit temps perdu de le vouloir destourner de parfaire son ouurage. Pourtant fust il question de trouuer autre expedient. Cojeatar corrompit par argent cinq matelots d'Albuquerque, aucuns desquels estoient fondeurs d'artillerie, & les ayant fait passer en terre, commanda qu'on leur fournist amplement ce qui estoit necessaire pour faire des pieces de canon, & qu'ils fussent magnifiquement traitez & salariez. Albuquerque entendant cela fit prier le Roy & Cojeatar de luy rendre incontinent les matelots. Eux respondent qu'on ne les trouuoit point, & que neantmoins on les feroit chercher, pour les luy renvoyer. Trois iours apres vn messager de leur part vient dire à Albuquerque que ces cinq matelots s'estoyent retirez de l'Isle en terre ferme, mais qu'on les enuoyeroit prendre là. Ce pendant ces fondeurs ne cessoient de fonder artillerie de fonte & de fer: d'autre costē Cojeatar homme turbulent & cauteleux faisoit apporter des armes, entrer soldats de nuict, afin de n'estre descouuert, s'apprestant à la guerre si finement que Albuquerque (qui autrement estoit fort auisē) n'en pouoit rien sentir. Finalement vn More nommé Abraham luy descouurit toute la menēe, & declara que quelques Capitaines Portugallois estoient cause que Cojeatar s'estoit ainsi oublie. Albuquerque tout estōnē remercia Dieu, & exhorta le More de descouurir tout ce qu'il pourroit, & le luy rapporter sans aucun delay, luy

promettant de le bien recompenser & faire grand. Puis il escriuit au Roy & à Cojeatar, les priant de ne violer l'alliance ratifiée si solennellement, pour fauoriser cinq traitres: de craindre Dieu, ennemy capital des periures: & de ne donner occasion de recommencer la guerre en faulxant leur promesse. La dessus le Roy & Cojeatar protestent par serment qu'ils ne sçauoyent en quel lieu les cinq susnommez estoient.

*Cōsultation
d'Albuquerque
pour la
guerre.*

ALBUQUERQUE d'autre part assemble ses Capitaines pour auiser aux affaires. La plupart disoyent que luy qui estoit sage chef de guerre se deuoit bien garder de hazarder son honneur & sa vie en vne guerre ouuerte, à l'appetit de cinq pendards: qu'eux estoient en petit nombre, rompus des travaux passez, & auroient sur les bras vne infinité d'ennemis. Que s'il y auoit eu de la faute en la guerre precedente, entreprinse assez legerement ceste seconde recharge seroit tant au desauantage d'Albuquerque qu'elle effaceroit tout l'honneur acquis par la belle victoire qu'il auoit obtenue, pource que chascun diroit que tout ce premier heureux succes auroit esté vn coup d'auanture, & qu'en fin Albuquerque en se ruinant monstreroit sa folle temerité. Que les forces de Portugal estât si petites ne deuoient estre legerement desmembrees & exposees en proye sans grande occasion. Pourtant ils luy conseilloyent de dissimuler sagement la repolte de cinq matelots, & n'auoir rien plus recommandé que l'observation de la paix: qu'au reste il establist vn lieutenant avec bonne garnison dās la Citadelle, & que luy s'embarquast pour tirer ailleurs. Albuquerque ne voulut pas suiure cest aduis, qui aussi ne partoist point de cerueaux bien faits, & ne pouruoit pas sagement aux affaires de la guerre. Car desia (disoit-il) de toutes parts estoient arriuez gens de guerre bien fournis d'armes, d'artillerie, & de tous autres equippages necessaires: & n'y auoit piece des ennemis qui se souciast d'entretenir la paix. L'on n'apperceuoit en eux qu'hypocrisie soustenue de mensonge, injustice & trahison. Que laisser vn Capitaine avec garnison en vne place à demy bastie, & qui n'estoit encor en bonne defense, ne s'appelloit pas brider l'ennemy, ains liurer ses gens à l'ennemy. Que ce seroit vne grand' honte &

folie d'abandonner vne forteresse qui auoit tant donné de peine à commencer: car en quittant l'entreprise chacun apperceuroit leur lascheté, & les iugeroit-on insensés s'ils donnoient moyen aux ennemis de se maintenir par ceste citadelle bastie par le traual & par la diligence des Portugallois, tellement que de là en auant il seroit comme impossible de se rendre maistres de la ville ayant vn tel répar pour se couvrir. Pourtant Albuquerque n'approuuant l'opinion de ses Capitaines, enuoya de rechef gens vers le Roy pour le mesme effect que dessus. Mais au lieu d'obtenir quelque chose, il fut auerty par le More, qui luy auoit premierement descouuert toute la mennee, que lon portoit des armes en certain lieu, que soldats arriuoient de routes parts, que lon fortifioit & garnissoit les ports, disposant l'artillerie ça & là: à l'occasion de quoy en vne nuict il fit retirer dans les nauires tous les Portugallois avec le plus beau & le meilleur qu'ils eussent.

Le Roy sçachant cela, cogneut que sa mine estoit esuentee, & pourtant qu'il falloit besongner à descouuert sans plus delayer. Ainsi donc on void sortir gens en armes de toutes parts, les garnisons s'assemblent, on braque tout ouuertement le canon contre la flotte de Portugal, les soldats eschaufez & courans ça & là descouurent assez leur mauuais courage. Albuquerque esueillé à ce bruit, fait descendre les Capitaines en des esquifs pour approcher plus pres de la ville, laquelle il commanda que lon battist de l'artillerie. D'autre costé Cojeatar fit baïsser dedans le port les nauires qui estoient plus haut à l'ancre, craignant qu'elles fussent prinſes & bruslees par les Portugallois, lesquels alors approchent incontinent, & iettent le feu dans ces nauires. Ce pendant Albuquerque ne laissoit passer iour sans canonner & faire bresche aux murailles. Mais voyant que cela tiroit trop en longueur, il s'auisa d'vn autre moyen pour endommager beaucoup plus ses ennemis. Ce fut de donner tel ordre aux passages de la mer, que personne ne peust porter viures dans Ormus. Manuel Tellio, George Barret, Anthoine de Camp & Alphonse Lopez de Coste eurent ceste commission, suivant quoy, encores que ce fust à regret, ils prindrēt quel-

3.
*Secōde guerre
d'Albuquerque
contre le
Roy d'Orm^{us},
& les diuers
ennemis
d'icelle.*

*Cruauté bar-
bare d'Albu-
querque.*

ques barques & les amenerent à Albuquerque, lequel cō-
mit lors vn acte cruel & indigne de ses valeureux ex-
ploits: car il fit couper les narines, les oreilles & les mains
à tous les basteliers & archers: quant aux autres ontre les
oreilles & narines on leur fendit à chascun vn des piedz
par le milieu. Puis il les fit mettre en terre, les admonne-
stant d'aller dire à Cojeatar que tous ceux qui entrepren-
droient de mener viures en la ville seroyent ainsi trait-
tez. Ceux d'Ormus estoyent fort estonnez, la disette les
pressoit, le peuple commençoit à se mutiner à faute de vi-
ures: tellement que plusieurs s'allèrent presenter au Roy,
se plaignent tout haut du mal-heur qui les pressoit, le
prient, en menaçant, de remedier à leurs maux par accord
auec ses ennemis ou par quelque autre moyen: autrement
ils aduiseroyent à se despestrer de tant de miseres. Cojea-
tar fit response à cela pour le Roy (suyuant ce qui est ac-
coustumé entre les Barbares, lesquels estiment que ce
soit chose bien seante aux Roys de parler par trucheman,
& penser que leur grauité consiste à estre enfans) que
quant à la disette d'eau, les cisternes de la ville, & les
puits qui estoyent à deux lièues de là en vn lieu nommé
Terumbaquen, suffiroient à tous les habitans. Qu'au
reste il y auoit assez de viures en la ville pour soustenir
le faix de ceste guerre, iusques à ce que la grosse flot-
te fournie de toutes choses necessaires, & qu'on atten-
doit de iour en iour, fust arriuee. Puis il les prioit d'a-
uoir bon courage, pource qu'il attrapperoit tous ces Por-
tugallois, afin de les chastier de leur meschanceté & tra-
hison. Voila comme par belles paroles la violence & fu-
reur du peuple fut arrestee. Mais à la verité il n'y auoit
point d'eau és cisternes ny és puits pour vn si grand nom-
bre de personnes, & les viures estoyent tant courts que
rien plus. Albuquerque voulât encores ferrer de plus pres
ses ennemis, & les reduire plus vistement à l'extremité,
delibera de combler & estoupper les puits de Terumba-
quen. Pourtant donna-il ceste charge à George Barret &
à Alonse Lopez de Coste, lesquels costoyent le riuage
dans des esquifs auec quatre vingts soldats. Barret mit en
terre six gentils-hommes bien résolus pour faire en sorte
qu'ils peussent empoigner quelque homme qui leur sceust

*Stracageme
de tyrann-
weaux.*

dire s'il y auoit gardes autour des puits. Iceux attrapent dauanture deux du pays, desquels ils entendent qu'un Capitaine nommé Cidehameer avec vingt-cinq cheuaux & deux cens archers gardoyent les puits: ce qu'estant rapporté à Barret, il se diligenta de gaigner terre auant iour, afin de surprendre & tailler en pieces ceste garnison, ce qu'il executa: car les gardes ayans esté trouuez dormans, le Capitaine & presques tous les gens furent esgorgez, & les puits comblez de charongnes d'hommes & de cheuaux: & de peur qu'on ne les en tirast, Albuquerque commit vn braue gentil-homme Castillan nommé Laurent de Sylues avec vingt soldats pour garder les puits. Iceuluy eut incontinent des troupes d'ennemis sur les bras, à cause dequoy, Albuquerque, qui n'estoit pas loin & auoit l'œil par tout, accourut au secours avec cent cinquante hommes. Le Roy d'Ormus estoit en personne là, & encourageoit les gens, comme faisoit aussi Cojeatar de son costé, remonstrent aux siens qu'il y alloit de leur vie & de celle de leurs compagnons. Les ennemis en fort grand nombre viennent à teste baissée à trauers les Portugallois qui chargez si lourdement furent contraints reculer, & se sentirent poursuinis de pres, & plusieurs d'entre eux blesez: sur tout Albuquerque estoit celuy à qui lon en vouloit, & qui fut assailliy de toutes parts, tellement qu'il fut en tresgrand danger de sa vie ce iour là. Delamixa, pour qui Albuquerque auoit obtenu grace & permission de rentrer au pays, faisoit plus de mal que nul autre aux Portugallois, & eust continué sans vn coup d'arquebuzade, dont il fut tellement blezé, qu'il cessa de frapper & poursuire les autres. Ils se battoient assez pres du riuage, qui fut cause que tous les Portugallois, excepté l'un des domestiquesd Albuquerque tué sur le champ, eschapperent, s'en retourna's blez pour la pluspart. Ce nonobstant ils faisoient si bon guet sur mer que lon ne pouuoit mener viures en Ormus, tellement que le peuple commença à prier le Roy d'auoir pitié d'eux, & qu'ils ne pouuoient plus porter vne telle necessité de viures: que ce n'estoit raison de faire mourir ainsi miserablement toute vne ville à l'appetit de quelques particuliers. Telles plaintes estoient accompagnées de crieries, menasses, pleurs &

lamentations fort grandes, à quoy Cojcatar s'esforçoit d'appliquer quelque remede, quelques fois par douces paroles, & par fois avec menasses, les chassant au loin & empeschaant qu'ils ne parlassent au Roy. Neantmoins le mal croissoit tellement qu'il falloit rendre la ville par composition pour mettre fin à la misere qui pressoit les habitans.

4.

Reuolt e de quelques Capitaines Portugallois, & ce que fit Albuquerque insques à son depart hors du royaume d'Ormus, M A I S comme les choses estoient en cest estat, il auint vn cas digne de memoire à la confusion & honte eter-nelle de ceux qui en furent cause. Car Manuel Tellio, Alfonse Lopez de Coste & Antoine de Camp gentils hommes de bon lieu & capitaines excellens, commencerent à se despitier contre leur general: & comme la guerre commençoit, à prendre fin, sans auoir esgard ny à leur noblesse ny à leur serment, abandonnent tout soudain Albuquerque, haussent la voile & prennent la route de l'Inde. Albuquerque se voyant affoibly d'autant, & qu'il ne pourroit pas plus longuement soustenir le faix de ceste guerre, quitta tout: & partit de là en extreme cholere, de ce que les siens propres, & non point ses ennemis, luy auoyent arraché la victoire d'entre les mains. Il y a non gueres loin d'Ormus vne isle des appartenances de ce royaumes, nommee Queixume, en laquelle Albuquerque estant arriué, il assaillit vne place nommee Arbez, tua le capitaine avec plusieurs soldats, & emporta vn fort grand butin de ce lieu en ces nauires. On luy apporta lors nouuelles certaines que la forteresse de Zacotora estoit reduite en grande extremite de viure, & serree de bien pres par les ennemis qui n'y laissoient rien entrer. Par mesme moyen il entendit qu'une flotte, de septante vaisseaux desmarez d'un port de Perse pour venir secourir Ormus, approchoit. Ne voulant donc heurter cõtre vne telle puissance, & desirans secourir les Portugallois de Zacotora, il resolut de quitter Ormus: toutesfois auant que partir il assaillit encore vne autre place de ceste isle de Queixume, nommee Homeald, où il y auoit grosse garnison qui fit grande resistance, mais en fin la place fut forcee, saccagee, les capitaines qui commandoyent dedans, & la pluspart des soldats taillez en pieces. Albuquerque n'y perdit qu'un marcelot & deux Mores qu'il auoit prins à sa

folde. Ieā Nouio y fust bleffé, & laiffé en Inde pour guerir
ses playes: cependāt Albuquerque print terre en Zacotora,
& son arriuee mit fin à la guerre, car les ennemis eston-
nez de le sentir si pres se retirerent plus vifte que le pas,
& mesmes demâderent la paix qui leur fut acordee à cō-
dition que la forteresse seroit auictuaillee d'vn certain
nombre de bœufs & de moutons. Puis il enuoya Fran-
cisque Tauore en Melinde pour y acheter des bleds: luy
fit vōile vers le cap de Guardafu. Comme Tauore execu-
toit sa commission en Melinde, Iacques Melie, & Martin
Coeillo qui auoient hiberné en Mozambique, arriuerent
au port où il estoit à l'anchre. Ceux qui auoyent esté lais-
sez en Melinde, pour estre menez en Ethiopie vers le pre-
stre Iean, n'estoyent encores partis, pource que le Roy
de Melinde n'auoit encore trouué gens propres &
seaux pour les guider: & par ainsi ils furent receus & lo-
gez dās les nauires. Or ces trois capitaines, à sçauoir Ta-
uore & les deux autres, prindrent leur route vers Albu-
querque & sur icelle attraperent vn vaisseau qu'ils
pillèrent premierement, puis y mirent le feu. Albuquer-
que qui en auoit conquis vn autre fut fort resiouy de
l'arriuee de ces trois capitaines. En ce vaisseau gaigné
par Albuquerque, il y auoit vn Arabe, homme de grande
experience, qui auoit long temps hanté la court de Pre-
stre Iean, & cognoissoit le naturel des Ethiopiens & tou-
tes les coustumes & façons de faire de ces pays là. Albu-
querque enuoya ce personnage en Portugal, afin que le
Roy entédist de luy par le menu ce qu'il desiroit sçauoir
de ces choses. Et quant aux trois qui deuoient aller en
Ethiopie, Albuquerque les fit descendre en vne ville as-
sez pres du cap de Guardafu, d'où ils poursuirent & pa-
racheuerent leur voyage assez commodemēt. Celuy qui
lors estoit grand Negus ou Empereur d'Ethiopie, que
nous appellōs d'ordinaire Prestre Iean, s'appelloit Dauid,
& sa mere Helaine, regente de l'Empire pour la grande
opinion que l'on auoit de sa suffisance, & à cause que son
fils estoit encore fort ieune. Helaine & son conseil ay-
ans receu les lettres du Roy de Portugal, monstrerent
en estre tresioyeux, & despeschèrent vn ambassadeur, de
la cōmission duquel nous parlerons en vn autre endroit.

*Guerre d'Al-
buquerque
cōtre ceux de
Calajate &
l'issuë d'icelle.*

QVANT à Albuquerque, estant party de Guardafu, il se retira en Zacotore pour y passer l'hiver: puis se remit à la voile incontinent que le temps fut propre, & le vingtième iour d'Aoust print sa route droit à Calajate, afin d'entendre ce qui s'estoit passé à Ormus en son absence, & chastier ceux de Calajate du mauuais tour qu'ils luy auoyent ioué. Les habitans du lieu ayans descouuert la flotte, enuoyerēt envn petit basteau deux des principaux & plus riches d'entre eux, lesquels monterent assuremēt en la nauire capitainesse: car ils estimoyēt que ceste flotte fust nouuellement partie de Portugal, & ignoraist ce qui estoit avenu en Ormus: aussi desiroyent ils sçauoir ce qu'Emmanuel auoit resolu touchāt les affaires de l'Inde. Mais voyās Albuquerque, & entendans la trahison braesee par le gouuernement de Calajate, ils demeurerēt tous esperdus, & supplierent qu'on leur sauuaist la vie, ce qui leur fut promis moyennāt qu'ils declarassēt ce qu'Albuquerque desiroit sçauoir. Eux donc declarerēt toutes les forces & comoditez d'Ormus, & que ce gouuerneur qui auoit voulu attraper les Portugallois cōmandoit dedans Calajate. Albuquerque sçachāt cela, tire vers le port pour gaigner terre: ceux de la ville accourent incōtinent avec leur gouuerneur pour l'empescher, mais apres quelque legere escarmouche il furent challez de là, & s'enfuirent en vn temple prochain du riuage, d'oū ils furent cōtrains sortir pour se sauuer en la ville. Les Portugallois allerent apres iusques aux portes, & vouloyent entrer dedans, si Albuquerque ne les eust retenus: car la nuit approchoit, les chemins estoient estroits, les maisons haut esleuees, dōt les ennemis pouuoyt ietter pierres & traits, ce qu'auenant en tenebres les assaillans estoient en grand danger. Ainsi donc ils passerent la nuit dans ce temple: & au point du iour donnerent l'assaut à la ville que les habitās auoyent abandonnee tant ils estoient effroyez. Les Portugallois se ruent incontinent sur le butin, & ayans sejourné là quelques iours, vn capitaine nōmé Zafaradin, suiuy de mille Indiens d'esliste vint sur la minuit leur donner vne charge pensant les surprendre, enquoy il se trōpa: car Albuquerque donnoit tousiours tel ordre à ses affaires, qu'il estoit presques impossible de l'attirer en ac-

cident qu'il n'eust preueu auparauant. Et pourtant ce capitaine & les siens furent repoussez avec grand honte & dommage. Derechef Albuquerque despité contre la nation, commit la mesme cruauté qu'il auoit auparauant exercee en Ormus: car il fit couper le nez & les oreilles à tous les prisonniers, & mettre le feu en la ville & au temple fort magnifiquement bastit, & en vingt sept nauires qui estoient au port. Puis il s'embarqua, & apres auoir fait aiguade avec grãd peril, il fit voile vers Ormus, afin de descouurir luy mesme l'estat & forteresse de la ville, & esfayer de nuire en quelque sorte aux habitans.

*Nonuelle crisa
anté d'Albu-
querque.*

6.

ESTANT arriué assez pres il vid la citadelle par luy fondee bien fournie d'artillerie, & hauffee de deux estages. Ce nonobstant il fit battre la ville, & print quelques nauires, monstrant en toutes sortes à luy possibles la haine qu'il portoit en son cœur à Cojeatar, & aux autres à cause de leur desloyauté. Mais Cojeatar luy enuoya lettres d'Almeide qui escriuoit à Cojeatar qu'Albuquerque auoit fait guerre à ceux d'Ormus sans aucune commissiõ du Roy de Portugal, & que le tort fait à Ormus luy desplaisoit grandement: que volõtiers au nom du Roy Emmanuel, de qui il estoit lieutenant en toute l'Inde Orientale, il traiteroit alliance & seroit amy avec le Roy d'Ormus. Ces lettres fascherent fort Albuquerque, neantmoins il fit du pis qu'il peut à la ville d'Ormus, & à quelques autres places qui en dependoyent: & ayãt prins terre, il mit le feu en vne bourgade nommee Habande, d'où on portoit l'eau douce en l'isle, & afin de priuer les insulaires de ceste cõmodité, il cõbla de terre tous les puits. Apres cela, il se mit en cãpaigne & alla au deuãt de deux capitaines d'Ismael Sophi, qui amenoyent grande quantité de viures & diuerses marchãdises aux marchãs d'Ormus. Il les chargea de telle furie qu'ils demeurèrent sur la place avec la pluspart de leurs troupes, qui estoient de cinq cens hommes, les suruiuans s'estans sauuez de vitesse. Cela fait il donna charge à Iacques Melio d'aller en vne isle nommee Lara, pour y estouper quelques autres puits d'eau douce: car son intention estoit de tuer de soif ceux d'Ormus. Melio desirant faire de soymesme quelque braue ex ploite pour entrer en credit, se laissa

*Troisiesme
guerre d'Al-
buquerque
au royaume
d'Ormus.*

Melio tu

surprendre & enuclopper par quelques vaisseaux de Mo-
res contre lesquels il combatir vaillamment, mais en fin
neuf autres furent tuez, & leurs cōpagnons avec vent à
point se sauuerēt à toutes voiles. Toutes ces choses ainssi
executees, Albuquerque print la route de l'Inde, & arriua
en Cananor le troisieme iour de Nouembre l'an mil
cinq-cens & huit, apres que Laurent Almeide, comme dit
a esté cy deuant, eust esté tué en vne bataille nauale con-
tre les Capitaines du Sultan.

7.

*François Al-
meide rappel
lé en Portu-
gal, & le
mal qui a-
uint de la is-
louise surue-
nue entre luy
& Albuquerque.*

ENVIRON ce mesme temps François Almeide receut
lettres du Roy qui le rapelloit en Portugal, avec com-
mandement de laisser sa charge à Albuquerque. Or Al-
meide estoit du tout entensif à rassembler & equipper
sa flotte pour courir sus à Mirhocem, & venger la mort
de son fils. Toutesfois auant que s'embarquer, il equip-
pa de toutes choses necessaires sept nauires qui deuoyēt
partir pour rerourner en Portugal, deux desquels perirēt
en haute mer, les autres cinq arriuerent sauues à Lis-
bonne. Quant à luy, il print la route de Cananor avec
sa flotte, & comme il faisoit ses aprests pour la guerre,
Albuquerque, y arriua, lequel Almeide recueillit avec
grandes caresses & signes d'amitié. Le lendemain apres
auoir donné à dîner à Albuquerque, il luy monstra apres
lettres du Roy qui le rapelloit en Portugal, & donnoit
la charge des affaires à Albuquerque, auquel Almeide
declara bien amplement qu'il estoit tout prest d'obeir au
commandement du Roy, mais que cela ne se pouuoit ac-
complir ceste annee là, pource qu'à grand frais & tra-
uaux il auoit armé ceste flotte, avec laquelle il vouloit
courir sus à Mirhocem & aux Calecutiens ses associez:
que la raison vouloit que luy qui auoit dressé & chemi-
né vne telle entreprise, la conduisist à fin, & ne baillast
pas à vn autre la charge de véger la perte qu'il auoit faite
en la mort de son fils. Albuquerque respondit qu'Almei-
des'oublloit grandement s'il contreuenoit au vouloir
de son Prince: & quant aux ennemis, que luy les pour-
suiuroit si viuement, pourueu qu'on luy mist en main la
flotte ia prestee, qu'Almeide ne se repentiroit point de luy
en auoir laissé la charge. Almeide refusa ce faire, aumoyē
dequoy ils commencerent se regarder de traueis, & leurs
gens

gens furent badez en deux parts, les vns suyuant le parti d'Almeide, les autres d'Albuquerque, tellement que chascun vifant à ce but d'entretenir querelle entre ces deux braues seigneurs, les choses en vindrent à tel point que tous leurs foldats estoient ennemis l'un de l'autre. Eux deux aussi qui estoient assez ambitieux, & ne desiroient sinon d'emporter l'honneur d'auoir mis fin à ceste guerre, ne pouuoient souffrir qu'autre quel qu'il fust leur leuast ceste reputation. Cependant leur debat estoit tel que iamais ils n'en vindrent aux outrages de paroles ou de fait. Mesmes, lors qu'Almeide fust prest à s'embarquer pour courir sus à ses ennemis, Albuquerque s'offrit à luy faire seruite, & le fit prier par amis communs qu'il le menast en ceste guerre. Almeida le remercia bien fort, adioustant que ce n'estoit pas raison que Albuquerque se mist en telle peine, ains faloit qu'il se reposast ayant esté trauaillé de tant de combats & agité en tant de sortes sur les vagues de la mer: qu'il se donnast vn peu de bon temps, & se tint pres pour entrer en des autres guerres autant dangereuses pour le moins que les precedentes, lesquelles il auroit à soustenir, puis qu'il estoit Viceroy. Albuquerque se voyant du tout rebouté de ce voyage, se retira en Cochim, où il seiourna, digerant assez mal le tort qu'il pretendoit luy auoir esté fait.

3.

Dabul ville

Q V A N T à Almeida, il fit voile avec sa flotte de dix neuf riche assail-
nauires le douzième du mois de Decembre en la mesme lie, prise &
annee. Il y auoit treize cens soldats Portugallois en ceste saccagee de
armee nauale, & quatre cens hommes de Cochim. En façon estran-
cette route, comme il passoit la coste de Comori, il fit ge par Al-
mettre le feu en quelques nauires de Calecut qui estoient meide.
au port, ce qui ne se peut executer sans grande effu-
sion de sang de part & d'autre. Estant allé de là faire ai-
guade en Anchediue, il tira de là au port de Dabul, ville
appartenante à Zabajo seigneur de Goa, lequel s'estoit
ligué avec Mirhocem, le Roy de Calecut & autres enne-
mis des Portugallois, & par lettres auoit sollicité le Sul-
tā à leur courir sus. Cela fut cause qu'Almeide resolut de
saccager ceste ville là, s'il luy estoit possible. Au reste l'un
de ses capitaines nommé Pelage de Souze s'estant escarté
de la flotte pour se rafraischir d'eau douce & de quel-

ques viures, descendit en terre, où ses soldats se porterēt si insolennement à l'endroit des habitans du pays, que les communes d'alentour appellees par leurs voisins qui ne pouuoient plus porter tant d'outrages, s'amasserēt, coururent sus aux Portugallois, tuerent ce capitaine, lequel veu mort le reste de ses soldats se sauuerent de viffesse. Plusieurs disoyēt que Pelague auoit esté chastié de sa folie, ayant sans occasion vrgente, & sans aueu de son general esté si hardy que de prendre terre: ioint qu'il n'estoit pas en telle diserte qu'il ne peüst bien attendre le commandement d'Almeide. Pour reuenir à la flotte, Almeida se voyant pres du haure de Dabul entouya de nuit quelques matelots pour s'onder au vray la profodeur de l'eau pres du port. Dabul est assise au pied d'un mont fort plaisant: elle est grande, enrichie de beaux bastimens, en la plaine, & lors estoit munie d'une forte garnison. Zabajo y auoit estably gouuerneur un braue capitaine More commandant à six mille homes, entre lesquels y auoit cinq cens Turcs. Dedans le port on voyoit bon nombre de vaisseaux bien fournis d'artillerie, d'armes & de soldats. Ce capitaine aussi s'asseuroit tant en la prouesse de luy & de ses troupes, qu'il fit venir en la ville la mieux aimee de diuerses femes qu'il auoit, & tous les paysans d'alentour, afin de leur dōner le passetēps de la victoire qu'il se promettoit. Le iour suyuant, comme le flus de la mer approchoit, la flotte de Portugal ayant veu en poupe, Almeida fit leuer les anchres, & à voiles desployees entra dedās le haure. Les galeres faisoient la premiere pointe, estans suiuiés des carauelles: puis les grandes nauires estoient derriere pour enclorre la flotte, & luy seruir d'appui. Les esquifs estoient prest pour porter les soldats quand l'occasion se presenteroit, afin de prendre terre soudainement & charger ceux qui leur y vouldroyent faire teste. Les ennemis ne pouuans empescher la descente à Almeida qui voguoit en si bon ordre, luy laisserent gagner le bord avec ses tronpes, & enseignes desployees. Ainsi qu'il s'apprestoient pour assaillir une forte tour, le gouuerneur de Dabul avec toutes ses forces armees à la coustume du pays luy vint au deuant. Les Portugallois de leur part dōnent de telle roideur à trauers leurs ennemis, qu'ils les rō-

pent à la premiere charge, tuent le gouuerneur & plusieurs des plus apparens de son armee, mettent le reste à vau de route, & les talonnent de si pres qu'ils entrèrent pêle-mêle dans la ville. Les vaincus furent lors traitez à toute rigueur, sans espargner sexe ny aage, tellement que les femmes avec leurs petis enfans qu'elles portoyent pendus au col passoyent au tranchant de l'espee, & ne voulut on recevoir personne à rançon, quoy que plusieurs avec larmes & lamentations estranges offrirent grâdes sommes d'or & d'argent, force perles & meubles precieus: tellement que la tuerie cõtinuea iusques à la nuict. Almeide craignant que ses soldats escartez çà & là pour piller & esgorger ne fussent enuoloppéz de quelque peril, cõtme il auient souuent en tels rauages & mespris de la discipline militaire, fit sonner la retraite, & ramassa toutes ses troupes dans vn temple assez grand, où il passa cheualiers quelques vns, qui entre autres s'estoyent portez valeureusement ce iour là. Le lendemain il donna le pillage aux soldats, qui trouuoient tant à butiner, qu'on ne les pouuoit tirer des maisons, ce qui esmut Almeide d'enuoyer gens secretement mettre le feu en vn quartier de la ville: tellement que la flamme ayant gaigné les edifices qui s'entretenoyent, Dabul, ces temples, murailles & grandes richesses qui y restoyent encor furent mises en cendre avec plusieurs des habitans cachez çà & là, & tout les vaisseaux aussi qui estoyent au port. Brief de tout le peuple qui s'estoyt venu rendre dans ceste ville, outre les gens de guerre, il n'en eschapa que bien petit nombre qui se sauuerent es montaignes. Les Portugallois y perdirent seize hommes, & remenerēt deux cens blesez es nauïres. Almeide non cõtent, mena ses troupes aux môtagnes, brusla plusieurs petits forts & maisons champestres, tailla en piecés quelques gens qui luy firent teste, rompit & chassa les autres, & amena du bestial à corne & à poil pour auictuailer sa flotte, en laquelle il se retira apres auoir ainsi fracassé ses ennemis.

Comme il se rafraischissoit, on luy presenta lettres de Melichiaz & des prisonniers Portugallois. Celles de Melichiaz estoyent fort gracieuses, car il declaroit quant à la rançon des Portugallois qu'il s'en remettrait volon-

*Cruauté des
Portugallois
en Dabul.*

*9.
Diverses a-
uëures d'Al
meide.*

tiers à ce qu'Almeide en ordōneroit. Les prisonniers faisoient entendre aussi que Melichiaz les traitoit humainement : toutesfois ils supplioient qu'on accordast de leur rançon avec Melichiaz, tandis qu'il se monstroient ainsi doux & maniable : de peur que s'il falloit puis apres negocier avec vn autre, il ne se fust beaucoup plus malaisé de les tirer de captiuité. Mais on sceut puis apres que Melichiaz homme cauteleux n'auoit pas enuoyé ces lettres pour desir qu'il eust d'estre amy d'Almeide, ains pour descouurir ce qui se faisoit en la flotte de Portugal. Almeida ne voulut donner aucune responce par escrit à telles lettres, ains delibera parler par effect comme sa dignité aussi le requeroit : & pourtant apres auoir fait charger es nauires le canō & le butin de Dabul, il desinara de ce port le cinquiesme iour de Ianuier, l'an mil cinq cens & neuf, & costoyant le pays voisins recueillit les tributs que doyuent quelques vns, selon la teneur de leurs alliances avec le Roy de Portugal. Finalemēt il fut porté en vne riuiere qui apres auoir trauersé le royaume de Cambaje se descharge en la mer, & s'appelle Maim. Il vid en vne ville fort ancienne de ces quartiers-là vn tresprecieux temple & vne campagne de grande estendue, où il y auoit vne infinité de sepulchres. S'estant enquis des habitans du lieu qu'euloyent dire tant de tombeaux, les plus notables respondirent que leurs vieux registres & papiers portoyent qu'Hercules estoit entré iusques en Inde avec vne grosse armee, qu'en ceste campagne il auoit eu deux batailles contre vn certain Roy fort puissant, esquelles il auoit esté mis en route, & que pour perpetuer à iamais la souuenance d'vn accident si memorable, leurs ancestres auoyent ordonné que ceste place, où les soldats d'Hercules estoient demeurez morts, seroit solennellement consacree, & qu'on ne toucheroit nullement à ces tombeaux. Voyla ce qu'ils en disoyēt, de quoy le lecteur qui en voudra iuger pourra croire ce que bon luy semblera.

10.

Voyage d'Almeide à Diu. ALMEIDE au partir de ces sepulchres commanda que l'on prist la route de Diu, où estoit Mirhocem deliberé & sa memorable bataille de faire prendre large à sa flotte, & combattre Almeida en plaine mer, suivant quoy, & contre l'avis de Meli-

chiaz, il fit quitter à tous les capitaines les ports & de- contre Meli-
 stroits où ils s'estoyent retirez. En son armee nauale y a- chiaz et Mi-
 uoit trois grandes nauires couuertes, trois autres becues rhocem qui
 & armées d'esperôs, six galeres quatre nauires de Cam- furét desfaits
 bajé & les Roberges ou longues nauires de Melichiaz, avec tresgrā-
 dont a esté parlé cy dessus, & grād nombre de brigantins de perte.
 de Calecut: brief il y auoit plus de cent vaisseaux en ceste
 flotte. Les soldats de Mirhocem bien armez & resolu au
 combat, s'asseuroyent desia de la victoire: ceux des na-
 tions estrāges ioints avec eux estoyent en mesme pēsee.
 L'espoir & le despit les inuitoit fort de conseruer leur li-
 berté, & exterminer les Portugallois leurs ennemis mor-
 tels: Or le pis fut, qu'en ceste mesme flotte il y auoit des
 Chrestiens auāt desireux de venir aux mains contre les
 Portugallois que les ennemis manifestes de la Chrestieté.
 Les vns estoyent Venitiens, les autres Sclauons, qui con-
 duisoient les galeres. Au reste, les deux generaux n'ou-
 blièrent pas à bien encourager leurs gens. Mirhocem re-
 mōstroit aux siens leurs braues exploits, l'estēdue de leur
 domination, la liberté de tous les Mahumetistes, la ruine
 des Chrestiens, les biens & recompenses que cest seule
 bataille leur presentoit. Qu'ils considerassent que leurs
 compagnons qui marchoyent en terre regarderoient ce
 combat, la victoire duquel leur acquerroit vne louange
 immortelle, & qu'au contraire, s'ils estoyent vaincus, ils
 ne remporteroient que des-honneur & confusion à ia-
 mais. Qu'en l'issue de ceste iournee consistoit l'Empire
 de l'Inde, la sauueté & liberté de tous les peuples associez
 aux Indiens, & la gloire perpetuelle de ceux qui feroyēt
 deuoir de bien combattre. Quant à Almeide il proposoit
 aux siens le nom de Iesus Christ, la saincteté de la religiō
 Chrestienne, les vilenies de la secte de Mahumet, l'espe-
 rance d'estre bien recompensez en ce monde, & en l'autre
 aussi: adioustant qu'en leur vaillance & resolution con-
 sistoyent leur seureté. Qu'ils considerassent qu'en perdāt
 la victoire ils estoyēt enclos d'un million d'ennemis qui
 ne demandoient autre chose qu'à executer toutes sortes
 de cruauetez contre les Chrestiens, le nom desquels il
 racleroient entierement de tous ces pays là, s'ils auoyēt
 le dessus en ceste bataille. Que le secours estoit loin, &

les ennemis esendus tout à l'entour, tellement qu'après la desfaite il n'y auroit aucune retraite: que ceux qui se montreroient lors amis pourroyent tourner le dos, & rompre bien tost la foy promise. Pourtant il les prioit de penser, comme braues & bons soldats qu'ils estoient, qu'il falloit gagner la victoire hōnorablement, ou mourir les armes au poing. Il leur ramētoit aussi la mort de Laurente Almeide son fils bien aimé, ce qui eschaufoit merueilleusemēt tous ceux qui auoyent conu ce personnage, à véger ceste mort. Au reste il les exhortoit de s'asseurer que Iesus Christ, pour la gloire duquel ils combatoyēt, leur assisteroit. Par tels & semblables propos Almeide aiguisoit les cœurs des Portugallois desia assez animés au combat. Ses harangues finies, il fait desployer les voiles: mais d'autant que le vent baissoit, & que les ennemis s'estoyent arrestez, luy aussi demeura coy, iusques à ce qu'il sentit le vent se renforcer au retour de la marée. Or pour ce que le vent commença à souffler plus fort & plus tost qu'on n'auoit cuidé, Almeide fit hausser les voiles des trinquets, & ayant dōné le signal à toute sa flotte approcha des ennemis, tellement toutesfois qu'il auoit si long espace entre les deux armées, qu'elles ne pouuoient combattre qu'à coups de canon. La cause fut que la marée n'estoit encor de retour, & Almeide craignoit d'eschouer au gué qui separoit vne flotte de l'autre. Il y auoit force artillerie bien braquée sur les rempars de Diu & en la tour qui regardoit la mer: tellement que les vns & les autres estans assez pres de là, toutes les piéces des rempars, de la tour, & des vaisseaux ennemis commencerēt à iouer sans cesse. Les Portugallois de leur part respondoient à grands coups de canon. Mais ceste tempeste cessa par le moyen de la nuit. Almeide auoit delibéré de voguer des premiers & accrocher sō Amirale à celle de Mirhocem: mais les capitaines le prièrent tant qu'ils luy firent changer d'avis: car ils alleguoient que si quelque mal luy auenoit, la flotte effroyée de l'accident de son chef & combatant sans ordre ou commandement, vogueroit incontinent en confus pour l'aller secourir. Il les creut, mais maugré soy, voyant que ses affaires le requeroient ainsi. Ce pendant il donna charge

à Nonio Vasque Pereire d'assailir l'Amirale de Mirhocé, & luy bailla des plus vaillans de l'armée pour executer ceste entreprise. Durant ceste nuit les capitaines rengèrent leurs troupes, les disposans en quatre endroits de chaque vaisseau, comme la nécessité requeroit, à sçauoir en prouë, en poupe, & aux costez avec gés pour y commander aux soldats.

MIRMOCEM voyant Almeide si resolu de venir aux mains, delibera de suiure le conseil de Melichiaz, dõt il n'auoit tenu compte au parauant. Au lieu donc de passer le gué, il fit relascher vers la ville, afin d'auoir le secours d'icelle pour combattre les Portugallois à son auantage: car ils s'asseuroit que l'artillerie des rampars le fauoriferoit grâdemēt, & qu'on luy pourroit enuoyer secours au besoin. Sur ce il ordonna ses vaisseaux, cōme s'ensuit. Premièrement il mit en frōnt ses six nauires, & les fit attacher deux à deux avec chaines de fer, tellemēt que les six estoient distantes aucunement & en trois endroits ainsi ioinctes pour secourir l'vne l'autre. Luy se mit au milieu de la flotte avec son Amirale. En apres il disposa à dos de ces nauires, les galeres, longues nauires & brigantins, pour secourir au besoin, & de fois à autre donner tellemēt à trauers la flotte de Portugal, qu'au besoin ils poussent regaigner l'espaule des plus grands vaisseaux. Quāt aux nauires de Cambaje il leur commanda de demeurer pres du gué au long du riuagē, pour soustenir la premiere charge. Le lendemain, apres qu'Almeide eust donné le signal à son armee, Nonio Vasque Pereire se mit le premier à la voile, suiuant la charge qui luy en auoit esté donnee: apres lequel vogua d'assez loin George Melichiaz par la nonchalance de son pilote. Tous les autres capitaines le suiuirent de pres en leur rang assigné. Melichiaz les ayant descouverts fit iouer l'artillerie des remparts & de la tour contre ceste flotte, tellement que d'vne volée de canon furent emportez dix hommes qui serroyent la grand' voile du vaisseau de Pereire, afin de luy donner commodité de cueillir plus de vent. Nonobstant celā Pereire s'auance & accrochel l'Amirale de Mirhocem lequel fit lascher la nauire qu'il retenoit attachee, afin qu'elle seignist Pereire par derriere, & qu'ayant à combattre en

front & à dos, il fust desfait plus aisément. Pereire connoissant ceste ruse, fit tourner vne grosse piece de batterie qui tiroit à fleur d'eau, droit à ceste nauire d'estachée, & le boulet donna si à propos que ceste nauire fut perçee par bas de part en part. Les ennemis craignâs que leur nauire ne prinst eau s'auancēt incōtinēt vers l'ouuerture faite la dernière, & taschent en la chargeât de quelq̃ bagage faire qu'elle penchast, afin de destourner, ce leur sembloit, le danger de la premiere brisee & ouuerture. Mais d'autant que ce costé sur lesquels ils penchoyēt n'estoit guerres moins entre-ouuert (ce qu'eux ignoroyent) il auint que la nauire coula soudainement en fond. Jacques Petrejo qui commandoit en vne galere, vogueyt deuât Pereire, suivant le commandement d'Almeide, pour prendre hauteur: mais ayant descouuert l'auantage que les ennemis auoyent par le moyen du gué, il fit signe à Pereire de ne s'auancer pas plus auant: au moyen dequoy Pereire fit abatre les voiles & s'arresta. Ce qu'apperceuât Mirhocé, il le vint assaillir de grande furie, & ainsi leurs vaisseaux estans accrochez, il y eut vn cruel combat de part & d'autre. Toutesfois les soldats de Pereire entrerent dans l'Amirale de Mirhocem, & contrainquirent ses gens de combatre, & alors fut tué Henry Machiade, vaillant entre les Portugallois. C'estoit sur le tillac qu'ils combatoyent ainsi: mais ils estoient aussi aux mains & en partie forte sur les chables & cordages entrelassez & rédus de prouë en pouppe. Car les Portugallois y estoient grimpez avec beaucoup de peine, & auoyent les ennemis en teste & sur les bras. Cependant vne des nauires Becues de Mirhocem separee des autres, vint pour heurter vn autre costé de celle des Portugallois, qui eurent lors plus à faire que iamais, & se trouuerent en extreme danger. Pereire voyant celà faisoit tout ce qui luy estoit possible, tant pour soustenir l'ennemy où l'effort estoit plus grand, que pour aller & venir és autres endroits: mais en voulant hausser la visiere de son armet pour prendre quelque relasche, on luy descocha soudainemēt vn coup de fiesche dont il eut le gosier percé tout outre. Ce nonobstant la victoire ne penchoit de costé ny d'autre. Or Francisque Taore apperceuant le danger qui menaçoit

les soldats de Pereire, vint s'attacher prôprement à l'Amirale de Mirhocem, & d'un des flâcs enuoya quelques gës pour grimper sur les cordages: mais ils y monterët en tel nombre que cest entrelaz de chordes estant rompu, ceux qui cōbattoient d'enhaut tomberent sur le tillac. Alors la meslee recōmença plus furieuse que deüât, dõt l'issue fut qu'une partie des ennemis ayât esté taillee en pieces, le reste se ietta hors le bord. Ceux qui estoient en la nauire becue iointe à l'Amirale de Mirhocem, voyans la plus part de leurs soldats & matelots tuez, leur vaisseau brisé en diuers endroits, & l'equippage dissipé, se sauuerët cōme ils peurent, & quoy qu'ils n'eussent personne propre à gouverner leur vaisseau, toutesfois par l'impetuosité du reflux, ils furent poussez au riuage.

EN ces entrefaites, les autres capitaines Portugalois trauailloyent de leur part, tellement que Pierre Barret gaigna à force d'armes vne des nauires de Mirhocem: Antoine de Camp força l'une des becues. Quant à George Melio, si tost qu'il se sentit vn peu au large, il vogua cōtre les nauires de Cambaye. Pierre Canus assaillit vne autre nauire becue, & auant que l'accrocher, monta avec trente huit soldats sur le cordage, où il se trouua en merueilleuse peine, car les ennemis estâs dessus le tillac blessoient ses gens, qui ne pouuoient s'aider de leurs armes, à cause des cordages entrelassez qui les retenoyët. Canus voyant cela, resolut de sauter en bas, afin de cōbarre main à main sur le tillac, & comme il baissoit la teste pour entrer par la porte, vn des ennemis luy auale la teste d'un coup d'espee. Sur cela vne autre nauire vint à voile desployée secourir les soldas de Canus reduit à l'extremité, lesquels elle deliura, entrant de force en la nauire des ennemis qui furent tous tuez. Almeide estoit spectateur du combat, ordonnant à ses capitaines ce qu'ils auoyent à faire: & cependant son artillerie tonnoit si furieusement qu'elle mit en fond vne des grandes nauires de Mirhocem, & quelques longues avec bon nombre de Brigantins. Quant à Melichiaz il enuoyoit de fois à autre gens frais pour soulager ceux qui estoient recreus & faire que ses troupes continuassent tousiours le combat. D'auantage il alloit & venoit l'espee au poing au long du riuage,

tuant ou blessant les fuyards, & contraignant les autres de retourner en la meslee, les menaçant de la mort s'ils differoyent. Mais finalement les Portugallois eurent le dessus & firēt tel carnage, que les ondes de la mer estoÿēt taintes en rouge. Les Calecutiens furent les premiers qui se retirerent de la presse & gaignerent le haut. Mais les longues navires de Melichiaz & les galeres de Mirhocem baissèrent dās le port, & se rendirent à l'emboucheure du fleuve. Roderic Soarez qui commandoit en vne carauelle voyant deux galeres ennemies iointes ensemble, print sa route droit en la distance d'entre deux, & les ayant accostees, fit ietter les crochets des deux costez de la carauelle: au moyen dequoy ayant ainsi arresté ces galeres, desfit vne partie de ceux qui estoÿent dedās, contraignit les autres de se sauuer à nage, & amena les galeres à Almeide. R estoit vne navire entiere laquelle estoit la plus haute & mieux equippee de toutes, reueſtu de cuir cru de toutes parts, afin d'oster la commodité de pouuoir grimper dedās, & pour empescheraussi les effets de tout feu naturel ou artificiel que lon voudroit darder contre. Elle estoit plaine de soldats bien armez, des plus experimētez & resſolus de l'armee: ayāt au reste les costes si ferme & espaisſes que le canon n'y pouuoit aisément faire ouuerture. Apres que les navires d'Almeide l'eurent marchandee & battue assez long temps, & de grande furie, elle commença à puiser, tellement que ceux de dedans se ietterent en l'eau: mais ils furent poursuiuis par des fustes, & tuez pour la pluspart dans les vagues, le nombre estant fort petit de ceux qui eschapperent.

LA bataille dura depuis la nuit iusques au soir, en laquelle les ennemis perdirent quatre mille hommes, entre lesquels y auoit huit cens Mammeluchs du Sultan d'Egypte, dont il n'eschappa que vingt & deux. Mirhocē craignant que la fortune ne fīst changer de volōté à Melichiaz, qui le pourroit mettre entre les mains d'Almeide, s'enfuit de grande vīſteſſe vers le Roy de Cambaje. Il perdit en ceste bataille trois grandes navires, avec plusieurs brigantins & longs vaisseaux qui coulerent en fond sans deux navires becuës, quatre autres grandes & deux galeres, prinſes par les Portugallois, dans lesquelles y

auoit grande quantité d'armes & d'artillerie, force or & argent monnoyé, des tapis de drap d'or de soye & de cotton, fort artistement faits. Le butin fut partagé entre les soldats, sans qu'Almeide en voulüst toucher chose quelconque. Il y eut trente deux Portugallois tuez, & trois cens bleffez. Leurs nauires furent despecées & rompues en tant d'endroits, qu'il falloit necessairement employer vn long temps à les equipper & remettre en leur premier estat. Au reste, ils obtindrent alors vne tresbelle victoire, de laquelle toutesfois Paul Ioue n'a dit mot en ses histoires, encores qu'il ait discoursu sur ceste armee navale de Sultan en Inde contre les Portugallois. Mais il estoit despité de ce que s'estant offert au Roy Iean troisieme d'escrire l'histoire de Portugal, en bien payant, ce bon Prince ne luy enuoya point de presens des Indes pour l'induire à coucher par escrit les conquestes des Portugallois. Mais pour reuenir à Mirhocem, son armee estoit composée de tant de nations diuerses, qu'es nauires prinſes lon trouua plusieurs liures en langue Latine, Italiennne, Scaloune, Françoisse & Espagnole. Outre ce que dessus le Sultan y perdit trois estendarts.

COMBIEN qu'Almeide eust toutes choses à souhait toutesfois craignant que sa flotte ne receust quelque dommage de nuit, il la fit eslongner du port. Mais le lendemain Melichiaz enuoya par lettres demâder la paix deschargeant toute sa faute sur la fortune, par la rigueur de laquelle il estoit tombé en cest accessoire. Puis il demandoit pardon humblement, & promettoit de faire si bon deuoir, & se monſtrer à l'auenir si loyal à l'endroit des Portugallois, qu'on ne trouueroit point son semblable. Qu'il auoit assez esprouué leur vaillance, & entendu par le rapport de plusieurs qu'il tenoyent promesse à leurs allies: pourtant auoit-il conclu de n'estre plus si mal apris de vouloir essayer à sa honte & perte leur prouesse, ains aimoit mieux sentir leur feaulté à son honneur & proufit. Il monſtroit en après quel bien teniendroient aux Portugallois de l'amitié qu'il offroit auoir avec eux, s'ils la vouloyét accepter. Ces lettres furent apportées par vn More nommé Cidialle, natif du Royaume de Grenade. & bien conu d'Almeide des le temps qu'il y estoit

*L'ambitieux
auarice de
Paul Ioueta-
xee,*

II.
*Paix entre
Melichiaz et
Almeide.*

en la guerre que fit le Roy Fernand en ce pays là. Almeida fit respôse qu'il n'accorderoit aucune paix si Melichiaz ne luy liuroit les Portugallois qu'il detenoit prisonniers, ensemble Mirhocem, les soldats du Sultā, & les vaisseaux ennemis qui s'estoyent sauuez de la deffaite. Melichiaz repliqua, par ce mesme More renuoyé pour cest effect, qu'il rendroit promptement les Portugallois & les vaisseaux, mais q̃ Mirhocem s'en estoit fuy, sans qu'on sceust

*Parole grande
d'un barbare
re qui fait le
proces à plu-
sieurs Chre-
tiens.*

où. Que quand il le tiendrait en sa puissance, toutesfoi ne feroit iamais ce tort à sa reputatiō, ny ne commettrait vn si meschāt acte, de liurer à vn ennemy, ceux qu'il auoit prins en sa protectiō : & que ce n'estoit le fait d'un homme noutry aux armes, qui aime mieux vne mort honneste qu'une vie honteuse. Almeida accepta volontiers l'offre de Melichiaz, tellement que les Portugallois & les vaisseaux des ennemis furent liurez à Almeida, lequel fit promptement brusler les galeres, n'ayant pas alors des soldats, matelots & gens de rame pour fournir tant de vaisseaux. La paix estant conclue, Almeida enuoya de ce lieu Anthoine Norogne avec deux nauires bien fournies en Zacatora pour auistuailler & renforcer la Citadelle : puis laissa au port de Diu Tristan Agao avec deux nauires de la conqueste, commandant de les charger de viures, artillerie & autres munitions de guerre, puis prendre la route de Cochim. Quant à luy, partant de là, il courut tellement toute la coste entre Diu & Cochim, qu'il imposa tribut à tous les seigneurs & gouverneurs de ces quartiers, chastia les desloyaux, & les remit sous la domination & protection du Roy de Portugal. Il laissa aussi quelques nauires à Pierre Barret, à Garfie de Soule & à Martin Cocillo, pour courir sus aux Mahumetistes en toute ceste mer.

12.

*Cruantez de
Almeide cō-
damnees : &
ce qui aduint
entre luy &
Albuquerque*

D E là il se vint rendre en Cananor, où il commit vn acte barbare & cruel deuant la forteresse, ternissant par telle faute (au dire des gens de bien) la plupart du lustre de ses exploits : car il fit pendre & deschirer par tortures les soldats du Sultan, prisonniers de bonne guerre, & qui luy estoient tellement esclaués, que ce pendant il en deuoit estre le protecteur. Après auoir seiourné là pour rafraischir ses gens, & donner ordre aux affaires de la ville,

au bout de quelques iours il s'en alla en Cochim, où le Roy & tous les Portugallois le recueillirēt en grand' ioye. *que par les rapports des flatteurs.* Cependant il aduint par les pratiques de quelques meschans garnemens, que les semences de haine commēcerent à croistre. Car les partisans d'Almeide l'exhortoyent de ne bail-ler le gouuernement des Indes à vn estourdy & furieux: disans qu'Albuquerque estoit trop violent, & que par sa fureur les Portugallois verroyent escouler de leurs mains tout ce qu'ils tenoyent de cōqueste. Mais ceux qui auoyēt abandonné Albuquerque deuāt la guerre d'Ormus, vou-lans en le blasmant indignemēt couvrir la faute d'un au-tre, disoyent qu'Albuquerque auoit cōmencé vne guerre mal à propos & avec grand danger, s'estoit armé pour ruiner vne nation qui ne luy auoit fait tort quelconque: que sans aduis ny conduite de raison. Il auoit avec sa pe-tite flotte combatu vne trespuissante armee nauale, & ha-zardé lors l'honneur de son Prince, & la vie des soldats auxquels il commandoit. Et quoy que par la grace de Dieu la flotte de Portugal fust elchappée du danger où la temerité d'Albuquerque l'auoit reduite, neantmoins on pouuoit dire que de sa part il auoit mené à la mort tous ceux qui estoient alors en ceste flotte. Qu'il ne falloit pas iuger de la sagesse ou indiscretion d'un chef d'armee par l'euēnement, ains par le conseil selon lequel les affaires sont conduites: & que si tel precepte estoit pratiqué, pour certain Albuquerque seroit trouué indigne de la charge que le Roy luy commettoit. Ils disoyent outre plus à Al-meide, Si vous craignez l'indignation du Roy, vous de-uez encores plus apprehender la faute que ferez en re-mettāt entre les mains d'un homme si mal propre le gou-uernement d'un pays qui a cousté tant de sang, & lequel ce nouueau gouuerneur renuertera incontinent de fond en comble. Si vous en escriuez au Roy, il faut presumer qu'il approuuera vostre aduis. Et s'il ne le fait, vous auriez trop peu de cœur de redouter dauantage l'iniuste indi-gnation d'un Roy que la mort honteuse de tant de Por-tugallois coniointe avec le dommage & deshonneur du Roy. Outre ce que dessus tels rapporteurs accusoyent la rigueur d'Albuquerque qui travailloit excessiuement ses

soldats, entremeslant avec cela des traits de ruse & autres attaches contre celuy qui n'estoit pas present pour leur respondre. Neantmoins il y auoit d'autres esprits nez à semer noüses qui luy en portoient nouuelles, & taxoyent sa lascheté, disans que ce luy estoit vne honte de souffrir qu'on l'outrageast ainsi, sans toutesfois s'en formalizer, & qu'il deuoit faire tous ses efforts d'entrer en possession de son droit. Que ses braves exploits faisoient enragier tels enuieux, qui en venoyent iusques là de mespriser le mandement du Roy, pour machiner vne trahison contre les loix & coustumes de Portugal & contre la reuerence due à la maiesté Royale. Partant qu'il deuoit aller vers Almeide, le sommer en presence de tous, prendre Dieu & les hommes à tesmoins, pour suivre son droit en toutes fortes, voire avec les armes, si la necessité le requeroit, & chasser hors des Indes Almeide qui y vouloit commander par force. Albuquerque picqué de tels discours alla trouuer Almeide, lequel en se retirant dans la Citadelle le pria d'y venir banquetter, ce qu'Albuquerque refusa fierement, & au contraire requit tout haut que la Citadelle fust mise entre ses mains, demandant acte deuant notaires signé de plusieurs tesmoins, pour l'enuoyer en Portugal, au cas qu'Almeide refusast d'obeir aux lettres patentes du Roy. Almeide apres auoir respondu qu'il estoit prest de se desingitir du gouvernement, & tasché de moderer la chaleur d'Albuquerque, voyât que c'estoit peine perdue, pour empescher sedition fit empoigner & mener Albuquerque dans la Citadelle de Cananor, commandât qu'il fust seurement gardé, & neâtmoins traité avec tout le respect & honneur que sa personne le meritoit.

13.

*Voyage de
Fernad Con-
tin en Inde
avec vne flot-
te de quinze
navires : son
arrivee et ses
exploits.*

Mais pour reuenir au Roy de Portugal, il ne pensoit rien plus, sinon aux moyens de bien garder ce qu'il auoit conquis en l'Inde. Ayant donc ouy nouuelles de l'armée du Sultan Campson, de la mauuaise volonté d'iceluy envers les Chrestiens, & du secours que le Roy de Calcut luy donnoit par paroles & par effects, il dressa vne flotte de vaisseaux bien equippez pour renforcer les garnisons de l'Inde. Ainsi donc furent armées & munitionnées quinze navires portans mille cinq cens soldats Portugalois, desquels estoit general Fernad Coutin gentilhomme.

fort estimé, & marechal de camp du Royaume. Le Roy luy donna charge de mettre Albuquerque en possession du gouvernement, & de faire reuenir Almeide en Portugal. Coutin desmara de Lisbonne le douziesme iour de Mars, l'an mil cinq cens neuf, & arriva en Inde au port de Cananor au mois d'Octobre, dont Albuquerque fut extrêmement aise : car ils estoient parens & fort grands amis. Puis Coutin remonta incontinent en mer & mena Albuquerque quant & soy en Cochim, où Almeide le recueillit honnorablement & avec signes de grande amitié. Alors Coutin fit tant qu'il reconcilia Albuquerque & Almeide, ce qui ne luy fut pas trop malaisé, car les mauuais conseillers ayans esté chassés arriere de l'un & de l'autre, il ne se pouuoit faire que ces gentishommes qui estoient tous deux fort vertueux & tendoyent à mesme but, encor que ce fust par diuers chemins, n'appointassent incontinent & de bon cœur tous les differens qu'ils auoyent ensemble. Et pourtant apres auoir équipé les nauires qui deuoyent reuenir en Portugal, Almeide se desmit du gouvernement entre les mains d'Albuquerque, & monta sur mer sans plus vouloir descendre en terre. Albuquerque de sa part luy fournit soigneusement & de bon cœur tout ce qui estoit requis pour accommoder son voyage. Almeide s'estant ainsi embarqué, Coutin rendit à Albuquerque les lettres du Roy lequel leur enuoyoit de joindre leurs forces ensemble pour ruiner le Roy de Calecut & raser la ville, mandant à Albuquerque de suivre en ce fait l'avis de Coutin. Sur quoy Albuquerque promit de s'employer fidelement, exhortant Coutin d'acheminer ceste entreprise, & se seruir de luy aussi hardiment que d'un simple soldat. Lors ils consulterent ensemble de ceste guerre avec le Roy de Cochim, & leur premier avis fut de faire venir secrettement Cojebique, More tenant le party des Portugallois & residant en Calecut, pour sçauoir de luy en quel estat les affaires du pays estoient alors. Il leur fit entendre que le Roy de Calecut estoit absent, & occupé en guerre contre un autre Roy voisin : mais que la ville estoit bien fournie d'armes & de braues soldats. Or comme ils estoient apres à faire leurs preparatifs, arriva Vasque de Sylueire apportant lettres de Leme qui couroit avec

quelques vaisseaux la mer d'Arabie, & prioit le Viceroy de luy enuoyer renfort de gens & de nauires, d'autant que ses troupes estoient fort amoindries, & ses vaisseaux brisez de diuers naufrages & accidens. Albuquerque promit y donner ordre à son retour de Calecut, & ce pendât receut de bon œil Sylueire pour lui aider en ceste guerre: aussi estoit ce Sylueire vn fort vaillant Capitaine, & qui auoit executé des choses memorables en diuers endroits.

14.
*Etat des af-
faires de Por-
tugal.*

ENVIRON ce temps, la Roync Marie accoucha d'un fils en la ville d'Euora, lequel on nomma Alphonse, & fut depuis chargé de tresriches benefices & fait Cardinal: Prince fort deuotieux, de bon naturel, & tresmagnifique. En cesté mesme année, vn certain coursaire François appelé Mondragon s'estant saisi d'un vaisseau qui retournoit des Indes, le Roy de Portugal s'en plaignit par son ambassadeur au Roy de France, demandant que le vaisseau & tout ce qui estoit dedans luy fust rendu. Mais voyât que telle sollicitation ne seruoit de rié, il fit equipper quatre nauires sous la charge d'Edouard Pacheco, qui en toute diligence alla apres Mondragon, lequel il descourrit en la coste de Gallice, pres du cap nommé fin de terre. Mondragon ne fit difficulté de venir aux mains, & y eut vne sanglante meslee: mais en fin Pacheco mit en fond l'un des vaisseaux du coursaire, en print trois & le coursaire mesme, lequel il amena prisonnier en Portugal. Or apres qu'iceluy eust rendu ce qu'il auoit prins, promis d'estre humble seruiteur d'Emmanuel de là en auant, & de ne faire plus tort quelconque aux Portugallois, il fut relasché & se retira en son pays.

15.
*Guerre de Fer-
mand Coutin
en Calecut,
en laquelle a-
pres diuers
combats luy
& plusieurs
Capitaines
sont tuez, &*

QUANT aux affaires de l'Inde, la flotte de Cochim ayât esté equippee & munie avec vne diligence & adresse singuliere, Coutin & Albuquerque prindrent la route de Calecut avec deux mille soldats Portugallois, six cens Indiens: puis vont mouiller l'anchre au port, & consultant de ce qui estoit à executer. Lors Coutin pria Albuquerque de luy donner la conduite de l'auantgarde, adioustant ces mots, Vous qui deuez demeurer longuement parmy ces nations barbares, auez beau moyen de vous faire valoir & acquerir honneur: mais quant à moy, puis que

que ie dois incontinent prendre la route de Portugal, permettez-moy que i'entame ceste guerre pour emporter quelque louange. Vous n'avez occasion de me porter enuie de cela, veu nostre alliance & ferme amitié, au cōtraire ce que l'un desire, l'autre s'y doit accommoder. Albuquerque permit à Coutin de faire ce qu'il demandoit, encor que ce ne fust pas de bō cœur: car il sçauoit que Coutin, autrement vaillant & resolu en guerre, estoit homme bouillant, & de peu d'auis pour preuoir ce qui pouuoit suruenir en l'execution de quelque entreprise d'importāce. Toutes choses estans prestes pour sortir, le lendemain à la pointe du iour Albuquerque & Coutin taschent de prendre terre avec leurs troupes, mais ils trouuent résistance, car les Calecutiens auoyent renforcé les corps de garde des meilleurs soldats qu'ils eussent, & remplý de canon, de traits, & de gensdarmes vne maison du Roy entre la ville & le riuage. D'icelle & des corps de garde les bales d'harquebouze & de traits de toutes sortes pluyoyent dru & menu sur les Portugallois: ce que voyant Albuquerque, il aduertit Coutin que ce seroit se hazarder par trop de descendre ensemble ainsi en foule, attendu qu'en voulant fausser les corps de garde, on ne tireroit iamais à coup perdu à trauers tant de gens, & qu'il valoit mieux se partir en deux, afin de gagner le bord avec ses troupes es endroits qu'on estimeroit les plus propres. Coutin approuua cest aduis & se retirerent l'un de l'autre pour considerer le lieu plus commode à la defence. Albuquerque se sentant à deliure fit haster ses esquifs & brigatins, & gaignāt le bord qu'il auoit marqué de l'œil, donna de furie à trauers ceux qui le vouloiēt empeschier de prendre terre, tellement qu'apres vn aspre combat, il mit les Calecutiens à vai de route, & maugré le feu & les flammes faussa le corps de garde & la tranchee deuāt luy, contrainnant les ennemis de se retirer viftement & en grand desordre dans la maison du Roy. Il les poursuit, & lors recommença la meslee plus cruelle que deuant, où lon ne voyoit que gens tomber par terre & vne infinité de blesez. En fin Albuquerque demeurē le maistre, entre de force dās la maison, & y met le feu qui la reduisit en cendres. Mais Coutin qui ne s'estoit pas tant hasted, estant en

terre, apres auoir gaigné la tranchee qui estoit deuant luy, entendit bien par le tonnerre de l'artillerie & par le grand feu qu'il voyoit luire qu'Albuquerque estoit attaché au combat avec l'ennemy: dont il fut extremement passionné: Lors tout bouillant de despit & de cholere, il comença à dire tous les maux du monde d'Albuquerque, l'appellant traistre à chaque mot, pource qu'il auoit esté le premier à la charge. Albuquerque ayant ouy le vent de cela, vint droit à Coutin, & se iustifia le plus honnestement qu'il luy fut possible, disant qu'en plusieurs endroits la guerre se faisoit à l'œil & selon que les occurrences le requeroient, plustost que par fait d'avis. Qu'il n'auoit peu retenir les soldats ny les empescher de prendre en main l'occasion qui se presentoit, & charger si à propos les ennemis. Que, s'ils se fussent arrestez en vn lieu, les Calecutiés eussent prins courage pèsans que la peur en fust cause, tellement que luy & les siens eussent eu beaucoup plus à faire. D'auantage que ce n'estoit pas encorés fait: que c'estoit seulement vne escarmouche, non pas vne iournee entiere. Que le plus fort de la guerre restoit, ou Coutin pourroit acquerir de l'honneur assez. Albuquerque adoustoit que se confessant estre du tout à Coutin, il n'estoit pas scéar d'estimer qu'il voulust preiudicier à celuy qui luy auoit fait beaucoup de biens, & lesquels aussi il desiroit recognoistre: protestât que de sa part il faisoit plus de cas d'un bon ami que d'une victoire. Mais Coutin aueuglé de courroux ne voulut se contenter de l'excuse d'Albuquerque, ny mesmes se deporter de luy dire iniure en face: puis appellant tout haut son trancheman nommé Gaspar, meisme moy, dit-il, en Calecut iusques au palais du Roy, où ie mettray le feu, pour descourir à tout le monde la vanité de ceux qui afin qu'on estime d'eux qu'ils sont habiles gens, content merueilles des richesses & de la puissance des Roys de l'Inde. Quant à moy, ie ne demande qu'à combattre des homes au beau milieu de la ville: car ie ne puis croire que ceux-là ayēt esté hommes qui se sont laissez rôpre en si peu de temps. Albuquerque porta patiemment ces outrages, & ne voulut faire teste à vne telle presumption, ains suivit Coutin, non pas qu'il approuuast la deliberation d'iceluy, mais d'autant qu'il ne le pouuoit

*Orgueil de
Coutin suivy
de honte &
confusion.*

abandonner qu'il n'eust fait tort à soy-mesme. Au reste, lon pouuoit ruiner Calecut par autre moyen, attendu que la ville n'estoit point close de murailles, & estoit aisé de s'en rendre maistre, en coupant premierement les arbres, l'espaisseur desquels nuisoit grâdement aux Portugallois: ioint qu'il falloit prealablement faire le degast à l'entour de la ville, & ne mener pas ainsi les troupes à la foule, ains apres auoir descouuert s'il y auoit embusches dressées ou non. Toutesfois Coutin, sans demander auis à pas vn des vieux Capitaines, fit chariet & marcher deuant ses troupes deux canons, puis commanda que lon mist les enseignes au vent, & enuoya aduertir Albuquerque qu'il auoit resolu d'êtrer en Calecut & brûler le palais du Roy, permettant à Albuquerque de faire ce que bon luy sembleroit. Coutin conduisoit huit cens Portugallois & quelques Indiens de Coahim. Albuquerque voyant que cest homme se perdoit, se mit à le suivre avec six cens homes; encores qu'il preuist le malheur, & laissa quelques forces sur le riuage, sous la charge d'Anthoine Norogne. Outreplus il fit mettre le feu aux vaisseaux de Calecut qui estoient à l'anchre, & aux forts dressez par les ennemis, & emporter dans ses nauires les canons & engins de guerre qu'on trouua: commandant au reste que lon fist soigneuse garde des esquifs & brigantins. Ce pendant Coutin conduit par son frucheman, apres diuers combats se rendre pres du palais royal, où il trouua les Naires amassez qui luy courroyent sus fort courageusement & se retiroient de tresgrande vifesse, puis se rassembloyent pour venir combattre comme deuant, & quand ils se sentoient trop foibles, se garantissoient à bien courir: & quoy qu'on en tuast plusieurs, ils ne laissoient de blesser quelques Portugallois. Mais la meslee fut encores plus dâgerense dans le palais, car beaucoup d'hommes y estoient accourus afin d'y viure & mourir pour maintenir l'honneur de leur Roy, lequel ils ont en singuliere reuerence, garder les grandes richesses qui estoient leans, & pour le bien de toute la ville qui sembloit enclôs en la conseruation de ceste place. Ce nonobstant le palais fut gaigné, tellement que les soldats se mirent incontinent à buriner. Manuel Pazagne vieux & sage Capitaine, voyant que le pillage escar-

soit les soldats, auertit Coutin de donner ordre qu'ils fussent promptement rassemblez & rangez en bataille, d'autant que le danger estoit beaucoup plus grand que lon ne pensoit, & que les ennemis n'auoient quitté le palais, sinon afin de se ruer sur les soldats chargez de butin, & s'en defaire plus aisément. Coutin respōd qu'il cognoissoit que les Mores habitans en Calecut ny les soldats Calecutiēs qui sembloient n'auoir iamais fait autre chose que porter les armes, n'auoyent cœur ny bras quelconque: & qu'il vouloit s'arrester pour reprendre vn peu ses esprits. Ce pendant les Portugallois oublians tout ordre & discipline despouilloient & posoyent les armes pour entrer dans les maisons, & en emporter ce qu'ils pouuoient, rodans çà & là par les rues, comme si tout eust esté à eux. Mais les ennemis s'amassoient de toutes parts autour du palais: quand Albuquerque furuint, lequel ne voulut pas entrer dedans. Toutesfois il enuoya prier Coutin de faire sonner la retraite & l'auertir qu'il auoit plus d'ennemis sur les bras qu'auparauant. Coutin luy enioignit de rassembler les soldats & marcher deuant, promettant le fuire si tost qu'il verroit le palais embrasé, comme il auoit commandé qu'on y mist le feu. Mais Albuquerque estoit desia aux mains avec les ennemis qui l'auoyent innesté de toutes parts, & plusieurs des siens auoyent esté blesez, tellement qu'il print party de se tirer au riuage avec ses troupes, faisant pour cest effect marcher premierement les blesez, auxquels il faisoit espaule avec les plus dispos. Coutin ayant seiourné deux heures au palais, & voyant le feu attaché par tout, sort en place. Alors les ennemis se partirent en deux bandes, dont l'une poursuist Albuquerque, l'autre se rue sus Coutin, blese & rue bon nombre de ses gens à coups de trait & de main, & finalement vient enclorre Coutin, lequel en cest extreme danger de sa vie repoussoit vaillamment ses ennemis. Albuquerque vouloit à toute force aller en ceste presse: mais ses soldats effroyez ne voulurent ny entēdre, ioint que le passage estoit clos, à cause du grand nombre de gens amassez autour de Coutin & des siens. Ainsi dōc apres que Coutin eust esté grieuement blesté en vne des cuisses, il tomba mort finalement avec Manuel Pazagne & plusieurs

autres, lesquels auant que rendre l'ame, & cōbatans à genoux, blefferent plusieurs assaillans & en tuerēt quelques vns. Beaucoup de gentils-hōmes furēt tuez avec Coutin, entre autres Vasque de Sylueire, lequel ayant quitté vne tranchee pour courir au secours, fut terrassé de plusieurs coups, en telle sorte toutes fois qu'auant mourir il despescha trois de ceux qui l'assailloyent de trop pres. Quant à Albuquerque il se retiroit avec ceux qui fuirent vers luy apres l'accidēt de Coutin, mais le chemin n'estoit gueres large, à cause des iardins & champs fermez de chaussees, qui donnoient moyen aux ennemis de descocher à plaisir sur les Portugallois, tellement qu'il ne tomboit gueres de fiesches & autres traits en terre, qui fut cause que plusieurs demeurerent sur la place çà & là. Albuquerque fut griefuement blessé au dessous du bras gauche, & d'un coup de fiesche qu'il receut au chignon du col à peu qu'il ne demeura avec les autres. Pour la troisieme recharge, un Calecutien lui ietta vn tel coup de pierre à la poitrine, qu'il tomba par terre tout esvanouy. Toutes fois il fut incontinent enleué, & porté sur vne targe avec grand difficulté iusques au bord de la mer, où le secours par luy assigné attēdoit son retour, & par le moyen de quoy les ennemis furent repoussez, & les Portugallois receus à sauueté. Ils perdirent en tout ce cōflit septante huit soldats, entre lesquels y auoit plusieurs braues gentilshōmes. Les ennemis acheterent la place bien cher, car onze cens & trente des leurs y finirent leur iours, non comprins cinq cens septante autres que le feu denora. Albuquerque ayant repris vigueur, retourna en Cochim, où il fut tellement traité des medecins, lesquels au commencement n'esperoyent rié de sa vie, qu'il recouura sa premiere santé. Puis il arma & freta soigneusement les deux flotres qui deuoient se mettre à la voile pour reuenir en Portugal, & dressa quelques articles pour la discipline militaire.

Telle fut l'issue de l'entreprise de Coutin homme de grand courage, mais de petit esprit. Almeida perit encor d'une façon plus miserable. Car auant qu'auoir doublé le cap de bonne esperance, & comme ses nauires en approchoient il delibera faire aiguade. Quelqu'un de ses gens, descendu en terre, s'accosta si priuement de ceux du pays

16.

*Discours sur
la mort d'Al-
meide tué a-
uec la plus
part de ses*

gens par les qu'il alla avec eux iusques en leur village à deux lieues
barbares pres loin de la mer. Apres luy auoir fait bonne chere ils le ren-
du cap de bô- uoyèrent, & en signe d'amitié luy firent present d'un grâd
re esperance. belier. Cest homme rapporte à Almeida que ce peuple
estoit fort humain, simple, & riche en bestail : au moyen
dequoy Almeida le renuoya au village avec douze autres,
afin d'acheter brebis & bœufs pour la founiture des na-
uires, & entrer en amitié & communication avec ces bar-
bares en leur donnant quelques menus presens dont tou-
tesfois ils font grand compte. Les barbares apprestèrent
vn banquet aux treize, leur presenterent des fruits de la
terre, les renuoyèrent & cōduisirent gracieusement avec
le bestail qu'ils auoyent acheté. Estans en chemin ils ren-
contrerent vn payfan qui menoit des moutons pour les
changer aux merceries des Portugallois, comme auoient
fait les autres. Lors vn de la compagnie dit aux autres,
Emmenons par force ce galand-cy à nostre general, afin
qu'apres auoir esté bien abreuué & vestu il retourne en
porter les nouuelles à ses gens, & que par ce moyen nous
ayons plus d'accès & de familiarité avec eux : & que ceux
qui viendront faire aiguade en celieu se puissent rafrais-
chir seurement & à leur auantage. Cest auis agrea à toute
la compagnie, & sur l'heure ils se ruèrent sur le payfan, le-
quel commence à s'escrier à gorge desployee: incontinct
les autres paysans accourent à l'aide, arrachent leur com-
pagnon d'entre les mains des Portugallois, ausquels il dō-
nēt la chasse à coups de pierres, en blessent quelques vns,
& reprennent leur bestail. Les fuyards ayans gaigné leurs
nauires, pour faire leur cause bonne compterent l'affaire
à Almeida autremēt qu'il n'en alloit. Plusieurs furent d'o-
pinion que cest acte meritoit qu'on y pensast, alleguant
que si telles gens demeuroyent impunis, nulle nauiure ne
pourroit aborder là pour s'y accommoder d'eau, qu'on ne
la contraignist prendre incontinent le haut: que ce peuple
farouche ne cognoistroit iamais son deoir que par ru-
desse & violence: que partant il falloit venger vn tel ou-
trage, & chastier viuement ces mutins, afin qu'ils ne fus-
sent plus si insolens à l'aduenir que d'entreprendre telle
chose. Au contraire quelques vns alleguoyent que c'e-
stoit se hazarder trop legerement en s'attachant ainsi à vn

peuple inconnu: que ce tort fait estoit de petite consequence, & meritant plustost d'estre tourné en risée que prins de si haute lutte. Que la victoire n'apporteroit honneur ny proufit: & que l'on ne scauroit si peu perdre là qu'il n'y allast de l'honneur en beaucoup de sortes. D'avantage qu'on n'estoit pas resolu par la faute de qui estoit avenu ce dont les treize se pleignoient, & que c'estoit chose vray semblable que les paysans, prouoquez par l'insolence & temerité des treize, qui auoyent commencé le debat, s'estoyent contentez de les repousser. Les autres persistoyent en leur aui, comme si en la mort ou blessure de quelques barbares eust esté enclose la vie & reputation de la nation Portugalloise. Brief les choses en vindrent là qu'ils contraignirent Almeida, gentilhomme de marque, aagé de soixante ans, de prendre les armes sans apparence de raison contre vn peuple farouche & brutal au possible. Ainsi donc Almeida estant descendu de nuit avec cent cinquante hommes dans des esquis prit incontinent terre. Pierre & George Barree qui marchoyent les premieres arriuerent au village auant iour, & par ceste surprinse effroyerent fort les habitans, qui de leur part comencerent de crier à l'aide. Incontinent leurs compagnons accoururent de diuers autres villages avec des sacs de cuir pleins de cailloux pour lapider les Portugallois qui s'en retournoient avec leur butin. Outre ces sacs ils portoyent vne infinité de petis iauclots ayans des pointes longues de demy pied en forme de hameçons qu'ils dardoyent de merueilleuse roideur, & blessoyent bien fort les Portugallois. Ce sont gens noirs, portans les cheveux crespes & comme brulés à la façon des autres Ethiopiens, de laid visage, & montrans en guerre vne trongne estrangement farouche, afin d'estre plus redoutez. Alors aussi par leur regard cruel, par contenance effroyable & hurlemens entremeslez de diuers tons ils taschoyent à se faire craindre, comme de fait les Portugallois estonnez de chose non iamais veue commencerent à reculer, & se retirèrent vers Almeida qui marchoit vers le village avec la banniere royale desployee. Voyant qu'il ne faloit pas durer plus longuement, il reprit le chemin de la mer,

*Tel se pense
venger qui a
croist sa hôte.*

Or les esquifs auoyent changé de place en vne rade plus coye, & dont l'acces n'estoit pas si malaisé qu'au parauant. Le bestial que les Portugallois emmenoyent estoit au milieu des troupes, & ceux qui menoyent l'arriere-garde soustenoyent les barbares tellement quellement. Vray est que du commencement ces barbares ne cōbatoient que par maniere d'acquit, mais se voyans en bon nombre par le secours qui acouroit de toutes parts, ils se prirent à faire vn certain cry par lequel ils attirerēt ensemble tout le bestial des Portugallois. Car ils accoustument tellement toute sorte de bestes à leine ou à corne, qu'en criant elles marchent, ou s'arrestent, ou courent là où ces peuples veulent. Par ainsi le bestial demeura tout court sans vouloir aller auant ny arriere, & mesme empeschoit les Portugallois de gaigner chemin. Les barbares se sentans assurez de leur bestial s'approchent lors de grande furie, chargeant l'arriere garde & rompent les rangs. Almeida voyant plusieurs de ses soldats occupez à chasser le bestial, leur commande de laisser tout, & mesme le chasser du milieu des troupes, lesquelles il ioignit ensemble estimant soustenir plus aisément les ennemis. Mais il en auint autrement : car pource que les Portugallois (qui ne faisoient aucun cas de ce peuple) ne s'estoyent point armez que de leurs dagues & espees, les ennemis ne dardoient iauelots ny cailloux à trauers vne si grosse troupe qu'ils n'en blessassent tousiours quelques vns, sans que toutesfois on les peust offencer, à cause qu'ils estoient si dispos, qu'en vn instant ils eutoient les coups en gaignant au pied, & retournant à la charge aussi soudain que s'il n'eussent oncques quitté leur place. Les Portugallois se sentoient du tout recreus, car le Soleil les brusloit, & s'estoyent desia tant remuez, qu'à peine pouuoient ils tirer les pieds du sablon cuisant de chaleur : & la plupart auoyēt si peu de vigueur qu'il leur estoit impossible de demeurer debout. Plusieurs surprins de frayeur commencerent à se desbander. Alors l'un des capitaines nommé George Melio, lequel auoit suyuy le party d'Albuquerque en Inde, s'adressant à Almeida, le vouldroy, dit-il, que ceux qui vous promettoyēt merueilles en Inde môstrassent icy l'amour qu'ils faignoient

vous porter, & exposassent leurs vies pour sauuer la vostre, sans calônier les innocés. Cela ne viét pas à propos main-
tenant, respond Almeide: que ne parlez vous de ce qui se
presente, en faisant deuoir de garder la bânier royale, de
peur que si ces bestes farouches cy s'en saïssissent, le nô de
nostre Prince en soit exposé en risée? Quât à moy, ie suis
chargé de tât d'annees & de tât de vices, que s'il faut que
ie meure en ce cōbat, on ne peut dire que ie sois trop tost
forty de ce mōde, ny que i'auois merité vne plus douce
mort. Disant cela il mit la bânier es mains de Melio, &
cōme il vouloit soustenir vne nouuelle charge des enne-
mis, l'vn d'entre eux luy perça le col d'vn coup de trait, ce
qui le naura tellemēt que sa force cōmença à defaillir, & *Mort d'Al-*
tōba en terre sur ses genoux, tendât les yeux & les mains *meide tesmoi-*
au ciel, & en montrant par ce tesmoignage exterieur au *gnage de la*
dernier soupir sa piercé à ceux qui estoÿēt autour de luy, *fragilité des*
rédit l'esprit. Ce fut vn gentil-hōme de bonne nature, li- *plus habiles*
beral, & qui a acquis vn los immortal par ses valeureux *du monde.*
exploits: en telle sorte neantmoins que par quelques fau-
tes tres hōteuses (choses du tour deplorable) il souilla les
beaux actes de sa vie passée, notāment à ceste fois, quād à
la suscitation de quelques estourdis, il se fourra en vn dā-
ger, duquel, quand mēmes il fust eschapé, il ne pouuoit
pretēdre hōneur pour soy, ny proufit pour sa patrie. Ainsī
donc, il fut rudement chastié de sa legereté, & cest exēple
aprend chacun de considerer sa foiblesse, à ce que l'on ne
s'appuye par trop sur la felicité presēte, veu qu'on apper-
çoyt celuy qui auoit acquis tāt de renō par sa prouesse en
la guerre de Grenade, qui auoit mis en route tāt d'armees
d'Indiens, qui auoit affoibly & brisé la puissance de Cāp-
son Sultan d'Egypte, qui auoit bridé tant de Roys, estre
occis & foulé aux pieds par vne poignée de barbares, nō
exercez aux armes ny à discipline quelcōque, desarmez,
nuds, & approchans du naturel des bestes farouches. Les
Portugallois voyans Almeide mort cōmencerent à fuir.
Toutesfois Laurent Brittio & Martin Coeillo aimerent
mieux mourir sur le chāp, que laisser le corps d'Almeide à
l'abādon. Ils commencērent à crier apres les fuyards, In-
grats & poltrons que vous estes, disoyent ils, quel cōpte
rendez vous en Portugal de vostre capitaine? vous auez

amené & abandonné au danger celuy qui vous auoit fait tant de biens, & maintenât vous le laissez sans sepulture. Mais voyans que c'estoyét paroles perdues ils tournerét visage aux barbares, qui les enfermerét, à coups de pierres, de iauelots & de leuiers les firent demeurer estendus sur la place. Soixante cinq Portugallois furent tuez en ceste malheureuse rencôrrer, entre lesquels y auoit onze capitaines, gēs de fait, & biē exercez aux affaires de la guerre, lesquels ayās en despit des feux, des glaiues, des bales, flešches & infinis coups de trait, passé hardimēt sur le ventre d'un millio d'ennemis, sur lesquels ils auoyēt obtenu des victoires fort remarquables; furent lors tuez & des-

„ pouillez par vne bāde d'hōmes desarmez & nuds. On a e-

„ stimē qu'ils auoyent esté punis de ceste sorte par vn iuste

„ iugemēt de Dieu, pour ce qu'ils s'estoyēt monstrez trop

„ insolēs en prosperité, & n'auoyēt pas tousiours tenu me-

„ sure apres leurs victoires, ains s'estoyēt par fois diffamez

de cruauté à l'endroit des vaincus. Les suruiuās gaignerēt leurs esquis avec grandes difficultez. George Barret & George Melio, apres auoir descouuert la retraite des barbares, descendirēt en terre, pour enterrer les mōrts, lesquels ils trouuerent tous nuds: & cest enterremēt n'eut autres solennitez que de larmes. Ce piteux accidēt auinē le premier iour de Mars, l'an mil cinq cens dix. La flotte faisant voile de là arriua sauue à Lisbonne, portāt la nouuelle de ceste desfaite, dont le Roy & toute la noblesse furent grandement contristez.

1510.

17.

Voyages & MAINTENANT il faut discourir sur ce qui auint en exploits nota ces mesmes tēps à Jacques Lopez de Siqueire. Il s'estoit bles de Iaz- embarqué à Lisbōne, ayant charge de quatre nauires, le ques Lopez, cinquiēme iour d'Auril mil cinq cēs huit, & aborda en l'is- de de saint Laurēt le quatriēme iour d'Aoust, & costoya l'isle en la partie meridionale, où il trouua quelques mar-elots qui auoyent esté au seruice de Ieam Gomeze d'A-brey, desquels il entendit, cōme dit a esté cy dessus, que leur maistre estoit mort de dueil & de regret. De là il alla surgir en Cochim, où il fut honorablement & amiable-ment receu d'Almeide qui estoit encores viceroy, & le-quel luy bailla, pour acroistre sa petite flotte, vne nauire avec soixante hommes, en laquelle Gasie de Soufe cō-

mandoit. Siqueire paruint avec les cinq nauires en l'isle iadis nommee Taprobane, & aujourd'huy Zamatra.

CETTE isle est sous l'Equateur à l'opposé de la Cher
sonese d'or vers le Su. Elle a plus de quatre cens cinquâte
lieues de long, & enuiron six vingts de large. Le pays est
merueilleusement fertile, diuisé en plusieurs royaumes, &
fréquenté de diuers peuples, ayans presque chacū ses cou-
stumes & ceremonies particulieres. Car les vns sont Ma-
humetistes, les autres font du tout adōnez aux idoles. Il y
en a de si farouches & bestiaux qu'ils ne viuēt q̄ de chair
humaine. D'autres au cōtraire ont des façons de faire assez
civiles, & mōstrent quelque douceur en leurs cōtenâces.
L'isle abōde en or, à l'occasion dequoy les marchâs y vōt
de tous les quartiers du môde. Siqueire ayât esté porté en
ceste isle, mouilla l'âcre en vn port du royaume de Pedir,
& par son ambassadeur traita alliance avec le Roy. Il fit le
mesme en vne autre ville nommee Pacem, à quarâte lie-
ues de là. Puis il passa outre iusques en Malaca qui est en
terre ferme vers le Nord, pour l'amour dequoy il auoit
entreprins sa nauigation par le cōmandement d'Emma-
nuel. Malaca est en la Chersonese d'or, assize sur la bou-
che d'une petite riuiere. Ceste ville auoit lors le plus renō
mé trafic de tout l'orient & cōtenoit quatre mille pas de
longueur, & fort peu de largeur, riche d'arbres & de di-
uers fruits : mais on luy ameine d'ailleurs les grains &
autres viures. La riuiere partit la ville en deux, en telle sor-
te que les deux parts s'entretiennent par le moyē d'un pont.
Les maisons & murailles estoient proprement & magnifi-
quement basties. Le peuple est de couleur bazannée, au reste
assez civil & doux en sa cōuersation. Quant au langage
il est estimé si beau que tous ceux des regions & isles cir-
conuoisins, qui trafiquent en Malaca, pensent estre beau-
coup plus honnestes & gentils s'ils peuuent apprendre ce
langage. Ce peuple prend plaisir aussi à se vestir & acou-
strer proprement, aime la musique : est neantmoins vail-
lant en guerre, & ne fait difficulté de perdre la vie pour cō-
seruer & acquerir honneur. La ville dependoit iadis du
grād & riche royaume de Siā, & le Prince de Malaca es-
toit tributaire du Roy de Siā. Mais quād ce Prince se vid
riche à cause des grands deniers qu'il tiroit de ports &
peage, il s'assura tellement en ses moyens qu'il se retira

18.

*Descriptiō de
l'isle de Tapro-
bane, & de
ses habitans.*

*Du royaume
de Malaca.*

*Du royaume
de Siā.*

de l'obeissance de l'autre, & depuis maintint sa liberté tant par armes, résistant brauement à ceux qui luy couroyent sus, que par presens qu'il faisoit aux conseilliers du Roy de Siam pour le destourner de la guerre. Celuy qui regnoit lors estoit Mahumetiste, & nommé Mahumet, tellement que le nom conuenoit avec la secte. Siqueire estât arriué au port, trouua en la rade quatre nauires de la China, les passagers desquelles allerent incontinent trouuer Siqueire, & communiquerent si priuément avec luy que Siqueire espris de leur honnesteté & gentillesse, deuint leur grand amy, iusques à entrer en leurs nauires, & leur faire toutes caresses propres pour les assseurer de la singuliere affection qu'il leur portoit.

19.

*Accord entre
Siqueire &
le Roy de
Malaca.*

LE Roy enuoya lors les gabeliers & receueurs des ports sçauoir quelles gens estoient les Portugallois, & pour quelle occasion ils auoyent fait voile en ce haure. Siqueire fit response qu'un Roy fort renommé l'auoit enuoyé d'un des bouts de l'Occident, afin de traiter alliance avec le Roy de Malaca, de la grandeur duquel il auoit ouy parler bien amplement: & qu'il s'asseuroit que telle alliance seruiroit à l'un & à l'autre. Selon qu'on pouuoit coniecturer par l'exterieur, le Roy & son oncle, qui estoit regent du royaume, furent tresioieux de l'offre de Siqueire: car ils estymoient que c'estoit un grand honneur à eux d'auoir alliance avec des Rois tant esloignez d'eux, & que leur nom volast avec honneur iusques en Occident: ioint que le trafic des Portugallois enrichiroit le Roy & le royaume de Malaca. Et pourtant le Roy enuoya des principaux de sa cour vers Siqueire, lesquels l'assseurerent de la part du Roy qu'on le traiteroit selon que la commodité & dignité de son maistre le requeroit. Puis apres il fut accordé que Siqueire entreroit en la ville, afin de parler plus commodement de la paix avec le Roy mesme: ce que Siqueire executa, & fut receu du Roy avec plusieurs signes d'amitié, & recueilly magnifiquement selon la maniere de faire de la nation. Ils accorderent lors que pour conclure la paix, leurs deputez confereroient ensemble des articles, lesquels furent passez finalement, & ceste paix ratifiée par serment solennel, puis on liura promptement vne facturerie à Roderic Arange qui deuoit

negociier en ce lieu pour le Roy de Portugal : ce qui fit que les Pourtugallois commencèrent à se pourmener en toute assurance çà & là par les places & rues de la ville. Mais les capitaines de la China voyans vne telle confiance auertirent Siqueire de ne se fier pas tant aux Malacans, d'autant que c'estoit vn peuple double & trompeur, qui faisoit mestier de mentir & trahir, qui apres auoir pipé & endormy les Pourtugallois se rueroit sur eux & les extermineroit sans remission. Que le denoier d'un bon chief estoit de penser que la vie de ses soldats depend de la vigilance, non pas de la fidelité d'autrui : & que les Malacans tiendroyent promesse tandis qu'ils ne verroyent point le moyen de nuire aux Pourtugallois, mais que quand l'occasion se presenteroit de iouer quelque meschant tour, ils ne la lairoient pas eschapper. Que la debonnaireté est louable, & la trop grande confiance chez autrui blasmable, sur tout quand on adiouste foy à des gens confits en fraudes & menfonges. Tels estoient les auertissemens que ces capitaines donnoient à Siqueire, à ce qu'il se tint sur ses gardes : mais l'alliance solennelle, & l'apparence d'amitié que les Malacans monstroyent, ioint que de nostre naturel nous presumons mal-aisément qu'une bonne fortune se puisse changer en mauuaise, empescherēt Siqueire de faire soit prouffit de tels auis, au contraire il permit à ses gens d'aller & venir en la ville, & aux Malacans de trafiquer en ses vaisseaux avec plus grande liberté qu'auparauant.

Ce pendant les marchans des isles Meridionales, & de l'Inde haute firent tant qu'ils destournerent le Roy de l'affection qu'il portoit aux Pourtugallois, lesquels pour en parler au vray, il craignoit plus qu'il ne les aimoit. Doncques ces marchans alleguoyent que Siqueire & ses semblables estoient courfaires ennemis & hays de toutes nations : que sous vn beau semblant ils ne machinoient que tromperies, pour ruiner ceux avec qui ils contractoyent alliance. Qu'ils auoyent ruiné beaucoup de villes, rauy les biens & la liberté à plusieurs peuples, & guerroyé à toute ouurance ceux qui ne leur vouloyent permettre de bastir des citadelles dans les villes. Que ces citadelles n'estoyent dressées sinon pour affermir ceux

Bos auertissemens font ormesprifez.

203

Dinerse ruses & trahisons de ceux de Malaca cōtre Siqueire, le-quel se retire en Inde Ce pendant le naturel des Pourtugallois est icy en peu de ligne depaint au vis.

qui donnoient entrée à tels bastisseurs, & pour les piller malheureusement puis après. Brief qu'il n'y auoit nation si enragée apres le pillage, si cruelle & farouche, qui ne fust surmontée par l'auarice & cruauté des Portugallois. Que pour cognoistre celà, il ne s'en faisoit point rapporter aux paroles, ains à la pratique, & que si le Roy vouloit s'enquerir de tous les marchans, il entendroit les maux commis par les Portugallois en Inde, en Arabie & en Perse. Que le deuoir d'un sage Prince requeroit qu'il aprinst aux depens d'autrui, afin de ne tomber en semblables inconueniens: & que le seul remede au danger present estoit de rader ces escumens auât qu'ils fussent plus forts, autrement on se plaindroit trop tard d'auoir laissé perdre la commodité, & mesprisé le moyen de viure en repos tandis qu'il se presentoit. Pourtât ils luy conseilloyent de faire couper la gorge à Siqueire & aux siens, afin que la despesche de ce petit nombre de gés fermast la porte du Royaume à leurs semblables. Tels propos osterét aisémēt au ieune Roy, d'ailleurs assez estourdi, instruit en dissimulation, & fort contraire au Christianisme, l'affection qu'il portoit aux Portugallois. Les principaux auteurs de ce conseil furēt deux des plus riches, & puissans marchāns qui trafiquassent en Malacca, l'un nommé Nahodabegue de Cambaje, & Vtetimutaraja de la grād' laue, bien veus & mieux voulus entre les Malacans. Iceux gaignerent aussi plus par grāds presens que par belles paroles Bendara oncle du Roy & regēt du Royaume tellement qu'il rompit sa foy, & la fit rōpre à son neveu. Mais Lansāman, Amiral du royaume, s'opposoit viuēmēt à tels conseils, disant que le plus grād mal que lon sçauoit attirer sur tous vn estat est le periure. Que Dieu, à qui toutes choses sont descouuertes, feroit vengeance du sermēt violé, & de son nō prins en vain. D'auātage, que c'estoit vne grand' honte & vilenie d'estre traistre & menteur: & que l'on ne sçauoit imaginer crime plus detestable que cestuy là pour fletir à iamais le nom du Roy. Et quāt aux Portugallois qu'il sçauoit qu'e toutes leurs guerres ils auoyēt eu bō droit, & n'auoyent chastié sinon les periures: que cestoyēt gens qui tenoient fermemēt leur promesse, & se monstroyent uelaptes à courir sus aux peifides pour les

punir selon l'enormité de leur forfait. Qu'il valoit donc mieux ensuiure ceux par le moyen desquels il estoit aisé de repousser tous ennemis, que les autres, qui en contreenât à leur deuoir, se poussoyēt eux-mesmes en tresiuste ruine. Ce discours de Lansaman ne peut aucunemēt destourner le Roy du mauvais auis qu'il auoit prins: & pour tāt il resolut de faire tuer Siqueire & les autres capitaines

P O U R executer celà plus commodément il fit bastir vne grande maison de bois pres du pont, & semondit Siqueire à vn banquet qu'il auoit fait aprester en ceste maison, ce que Siqueire ne refusa point voyant que le Roy luy monstroït vn si bon visage. Il auoit lors en Malaca vne Persiene Mahumetiste, qui faisoit estar de loger pensionnaires. Vn cousturier Portugallois qui parloit bō Persan estoit l'vn de ses hostes, & à cause qu'il s'entendoient l'vn l'autre, il deuint fort familier de ceste femme. Elle ayant entendu quelque chose de l'entreprise du Roy de Malaca par le rapport d'vn quidam qui l'entretenoit, fit prier Siqueire par ce cordonnier de permettre qu'elle parlât à luy seul touchant certaine affaire concernant l'honneur & la vie d'iceluy. Siqueire se mocqua de tel auertissement, nonobstant quoy elle le fit prier par deux & trois fois de celà: mais voyant que cestoit temps perdu, fermant les yeux à tout ce qui en pourroit auenir, elle descouurit au cordonnier toute la menee. Iceluy en auertit par le menu Siqueire, lequel fit le malade lors qu'ō l'apella pour allet au banquet, & par ce moyen euita le danger. Ceste mine ayant esté ainsi euentee, ils en dressèrent vne autre. Siqueire se plaignoit de ce qu'on différoït à luy liurer pour argent cōme aux autres marchans les espiceries & autres marchandises qu'il vouloit charger. Le Roy protestoit que cela estoit auenu par l'importunité des marchans, & qu'il doïroit ordre de satisfaire amplement le lendemain à ce que Siqueire requeroit, l'admonnestant de tenir prest ses esquifs au bord de la mer. Ce pendant il fit emplier quelques barques d'armes sous lesquelles y auoit diuerses sortes de viures & munitions de guerre, & commanda à des soldats bien armez d'entrer en ces barques, & s'abiller en marchans auquel equippage ils deuoient entrer dans les nauires des

27.

Plus vn ennemy monstre beau visage, plus est il à craindre.

Les traistres n'ont iamais faute d'inuentions,

Portugallois comme pour vendre des viures, en attendant qu'on leur donneroit quelque signal de la ville (ce qui se deuoit faire par certaine fumée) pour surprendre & tuer les capitaines. Au reste, ils auoyent arresté de ne donner le signal q̄ premierement les esquifs ne fussent arriuez & arrestez à bord pour charger: afin qu'en mesme instât ils peussent assaillir les nauires vuides, & les esquifs qui atté-
 doient sans se douter d'aucun mal. Le lendemain, ces marchans desguisez, voyant que tous les esquifs, excepté vn, estoient abordez, comencent à ramer doucement vers les nauires, ayans pour principaux executeurs de telle meschanceté les inuenteurs de la trahison. Estans pres des nauires ils demâdrent si l'on veut acheter des fruits ou des viures, & les offrent à fort petit pris, ce qui esmeut les Portugallois qui aussi auoyent besoin de telle marchandise, de laisser entre ces marchans en leurs nauires. Mais Garfe de Souze, voyant qu'il en entroit trop dedâs la sienne, leur commanda de descendre tous, & chassa à coups d'espee ceux qui firent les restifs. Puis enuoya Fernand Magellan en son esquif, seul demeuré de reste aduertir Siqueire de ne laisser entrer en sa capitaineſſe ceste desloyale nation: le priant de se souuenir du banquet des iours precedens, où le Roy auoit deliberé le faire empoisonner. Desia Siqueire estoit euironné de huit Malacâs, qui attendoyent le signal, & ioint si ardemment aux eschees qu'il ne quitta point le ieu pour les propos de Magellan. Toutesfois il commanda à l'un des Pilotes de monter au masts, & auiser de la hune si les esquifs retournoient chargés. Magellan vogue en diligence vers Souze qui n'auoit pas grand'compagnie, afin de luy assister. Or le pilote descourrit de la hune, vn des Malacâs entrez en la capitaineſſe, desgaînant vn poignard derriere Siqueire & vn autre à l'opposite luy disant des yeux qu'il approchast, en attendant le signal. Siqueire & ceux de sa compagnie estoient tellement attachez au ieu qu'ils n'apperceuoient point ces huit hommes autour d'eux. Alors le pilote s'ecrie à haute voix apres Siqueire qu'il se gardast du coup qu'on luy vouloit donner, dont Siqueire tout estonné commence à demander ses armes. Ceux qui estoient restez avec luy s'amassent, dont les Malacâs es-

froyez gaignent viftement leurs barques, comme auffi firent ceux qui auoyent inueſty les autres nauires. Car ayans deliberé de ſurprendre les Portugallois, & n'attendants plus que le ſignal, quand ils apperceurent chaſcun courir aux armes, ils ne trouuerent plus expedient que de ſ'en retourner plus viſte qu'ils n'eſtoient venus. Eſtans quelque peu eſlongnez de la flotte, on donna le ſignal de la ville, dans laquelle furent cruellement traitez les Portugallois qu'on y peut attraper. Vingt ſeulement ſe ſauuerét en la ſacturerie de Roderic d'Arauge. François Serran, qui lors eſtoit dedàs la ville, trouua moyé de gaigner vn eſquif & ſe tira de la preſſe. Siqueire entra lors en conſeil, où les vns furent d'auis de vanger promptement vn tel outrage, & pour ceſt effect mettre le feu en tous les vaiſſeaux qui eſtoient au haure, exceptez ceux de la China, puis foudroyer à trauers la ville à coups de canon. Mais cela ne ſe pouuoit pas bonnement executer, car les ennemis auoyent tué beaucoup de Portugallois, les ſurtiuans eſtoient en petit nombre, & y auoit deux eſquifs retenus. D'auantage il faloit trouver quelque expedient pour deliurer Roderic d'Arauge & ceux qui eſtoient avec luy. Or Bendar craignãt que Siqueire ne deuaſtaſt au port, alla vers Arauge l'exhorta de ne rien craindre & luy promit ſur ſa foy qu'on ne feroit aucun tort à luy ny aux autres Portugallois. Puis le Roy de Bēdara enuoyerent meſſager vers Siqueire luy proteſter qu'à leur deſceu ce deſordre auoit eſté commis par quelques meſchans garnemens, leſquels en ſeroient bien chaſtiez: & que ſ'il vouloit en voir faire iuſtice il priſt la peine de venir en la ville, où il ſeroit treſbien venu, l'affeurant qu'on le traiteroit comme vn des meilleurs amis. Qu'Arauge & les autres Portugallois eſtoyēt accommodez de tout ce qui leur faloit, & promettoit on les rendre, ſi Siqueire les vouloit aller querir. Siqueire pria pour reſponſe que le Roy luy rennoyaſt ſains, & ſaufs les Portugallois, afin qu'vn tel gage l'affeuraſt qu'on luy tiendroĩt promeſſe en tout le reſte. Le Roy n'y vouſſant point entendre, aĩns contraignit machinant diuerſes ruses nouuelles pour attraper Siqueire, & d'autant auſſi que le temps de la navigation ſ'eſcouloit, la flotte ſe mit

*Les traifſtres
n'ont iamais
ſaute d'excu-
ſes & prote-
ſtations.*

à la voile & tira vers Indostan. En ceste route Siqueire conquist deux nauires d'ennemis, & mit le feu en l'une des siennes, par faute de matelots & autre gens pour la conduire. Il en perdit vne autre qui eschoua, en telle sorte toutesfois que ceux qui estoient dedans se sauuerent tous. Finalement il arriua au cap de Cory, où ayant entendu qu'Almeide, duquel il auoit tenu le party, s'estoit embarqué pour retourner en Portugal, & qu'Albuquerque estoit Viceroy en Inde, craignant l'indignation d'iceluy, il print la route de Portugal.

FIN DV SIXIESME LIVRE.



LE SEPTIESME LIVRE DE L'HISTOIRE DE PORTUGAL.

SOMMAIRE.

1. *Albuquerque entreprend la guerre contre Zabaim Dalcans Prince de Goa.*
2. *Description de la ville de Goa & de l'isle aussi.*
3. *Premiere guerre de Goa, & qu'elle en fut l'issue.*
4. *Diuers exploits d'Albuquerque apres la reddition de Goa.*
5. *Seconde guerre de Goa, & les choses memorables suruenues durant icelle.*
6. *Goa assaillie & prise par Zabaim pour ruiner Albuquerque.*
7. *Diuers efforts de Zabaim pour ruiner Albuquerque, & comme le tout succeda.*

8. Bataille nauale entre la flotte d'Albuquerque & de Zabaim, Et les plus remarquables occurrences d'icelle.
9. Estat des affaires en Afrique.
10. Diuers apprest du Roy de Portugal pour maintenir sa domination es Indes.
11. Albuquerque se prepare à une troisieme guerre contre Zabaim.
12. Mort du Roy de Cochim, la custume du pais en la succession Royale, guerre en Cochim & son issue.
13. Troisieme guerre en Goa, prinse de la ville avec notables faits d'armes de part & d'autre. L'ordre qu'Albuquerque y establi.
14. Coparaison d'Albuquerque avec Almeide au gouuernement des Indes.
15. Siege de Safin en la coste de Barbarie.
16. Diuerses victoires des Portugallois sur les Mores de ceste coste de Barbarie.
17. Navigation & exploits d'Edouard de Leme en Ormus & ailleurs, iusques à son retour en Portugal.
18. Ce qu'Albuquerque fit pour maintenir son autorité es Indes.
19. Preparatifs d'Albuquerque pour aller faire la guerre en Malaca, & ce qui luy auint durant le voyage.
20. Traité de paix & d'Alliance entre le Roy de Pacem & Albuquerque.
21. Arrivee d'Albuquerque en Malaca: diuerses ruses du Roy & les commencemens de la guerre.
22. Prinse de Malaca, & des merueilleux accidens d'icelle: la ville bruslee en partie, & entierement pillée apres la desfaite & fuite du Roy.
23. Quel ordre Albuquerque establi en Malaca.
24. Description du Royaume de Saim. Ambassade du Roy de Saim & d'autres Rois vers Albuquerque pour pacifier & se rendre tributaires du Roy de Portugal.

1.

Albuquer



ALBUQUERQUE ayant delibéré d'aller en que cōseill
 Ormus arma vne flotte de vingt-trois vais. de faire la
 seaux portant deux mille Portugallois & guerre au
 quelque renfort de soldats Indiens. Or cō. Prince de
 me il arriuoit en Batticalā la, ce coursaire, Goa.

duquel a esté parlé ci deuant, nommé Timoia, qui lors tenoit le party des Portugallois, & demouroit en vne petite isle à l'opposite d'Onor, le vint trouuer, & le destourna de son entrepryse: disant qu'il s'esmerueilloit qu'un si sage capitaine eust fait telle resolution & aimast mieux entreprendre guerre tant loin avec grand hazard & peu de proufit, que de s'arrester pres, avec beaucoup plus grand loyer de ses trauaux. D'auantage que c'estoit vne manifeste indiscretion de laisser en arriere vn puissant ennemy avec liberté de courir sus aux Portugallois qui seroyent desnués de secours. Qu'Albuquerque deuoit auant qu'entreprendre autre chose, subiuguer Goa, tant à cause de la situation de l'isle, richesse de la ville, & pource qu'il en estoit voisin, que pour reprimer l'audace de l'ennemy. Timoia auertit aussi Albuquerque de l'appareil de guerre que faisoit Zabaindalcam Prince de Goa, lequel bastissoit vingt grandes nauires, equippoit quelques galeres, entretenoit mille Turcs fort vaillants hommes, & soldoyoient beaucoup de gens en diuers lieux, afin de surprendre & exterminer les Portugallois. Qu'il n'y auoit rien si seur ny plus honorable que de preuenir le dessein de l'ennemy, & aller assaillir promptement Goa, deuant que ceste flotte que Zabain armoit desmarast. Outre plus il remonstroit que Dieu presentoit à Albuquerque le moyen de bien faire ses besongnes: d'autant que Zabaindalcam estoit enuelpé en très facheuse guerres apres la mort de son pere Zabajo, & s'estoit transporté en terre ferme pour dompter les Princes qui s'estoyent reuoltez de son obeissance. Que cela l'auoit contraint d'y faire passer vne partie de ses forces, pour acheuer tant plustost. En apres Timoia offrit son seruice en ceste guerre, adioustant qu'il ne desireroit rien tant que d'exposer sa vie au besoin pour maintenir l'honneur du Roy Emmanuel. Albuquerque esmeu de telle harangue assembla son conseil, auquel tous approuuerent l'avis de Timoia. Par ainssi Albuquerque ayant conclud d'assaillir ceste isle, enuoya Timoia deuant par terre, pour assaillir vne forteresse bien munie de Zabain en la ville de Zintacora. Quant à luy il print la route de Goa, & à peine estoit il arriué en la coste, que Timoia le vint retrouver, l'auertissant qu'il auoit

brulé & renuersé de fond en comble la forteresse. Or Timoja commandoit à quatorze galeres bien fournies d'armes, d'artillerie & de toutes munitions de guerre.

Goa est le nom commun d'une isle & d'une ville. Vn grand fleuve se partissant en deux & se degorgeant ainsi en la mer, fait l'isle qui a douze lieue de circuit ou le de Goa. 2.
L'isle est ceinte de murailles, munie des tours & bien garnie de toutes sortes de machines de guerre, ayant les maisons & bastimens bien amples. L'air temperé, le paysage plaisant, le haure assés attiroient plusieurs marchans à y venir demeurer, le trafic y estant fort frequent & riche. Il auoit aussi exercice des armes, & garnison de pied & de cheual entretenue aux despens de Zabaim, lequel, ressemblant en celà à son pere, attiroit à soy par grosses pensions tous ceux qui scauoient s'estre portez vaillamment en guerre. L'isle peut nourrir beaucoup plus de gens qu'il n'y en habite, car elle est couuerte d'arbres fructifiers en grande abondance, fertile en grains, en bestial, en autres diuers biens propres à la nourriture du corps, & plusieurs fontaines d'eau viue & douce. Les temples y estoient magnifiquement bastis à la Mahumetane, avec amples reuenues pour l'entretenement des prestres. Or il n'estoit loisible à personne de mettre le pied en l'isle, que premierement à la descente il n'eust dit son nom, celui de son pere & de son pays à l'un des secretares establis en cinq lieux où la descente en l'isle estoit plus aisée. Ces secretares mettoient aussi par memoire la couleur, stature, & autres marques de celui qui vouloit entrer. Au reste, il auint apres que l'isle fut subiuguee par Albuquerque, qu'un certain Portugallois creusant assez profond afin de poser les fondemens d'une maison, trouua une croix de cuiure, preuue assez certaine, que ceste isle à esté autresfois habitée par des Chrestiens. 3.

Premiers

Pour reuenir à Albuquerque, il enuoya deuant guerre de Antoine Norogne, Simon Andrade & Simon Martin, Goa & quel en des brigantins qui pouuoient voguer en eau fort basse en fut l'isle. se afin de gagner une tour qui pouuoit endommager sues les assaillans. Il leur donna pour associer George Fogaze, Ierosme Teixeira, George Sylueire, Iean Nonio, & Gar-

fie de Soufe avec leurs esquifs bien equippez : & com-
 manda au maistre pilote de jetter la sonde, & voir si les
 grands vaisseaux pourroyent entrer au port sans danger
 de naufrage. Il enioignit aussi à Timoia d'aller assaillir
 vne autre tour en terre ferme assez pres de l'isle, en la-
 quelle y auoit garnison & artillerie. Tous executez
 courageusement leur commission: car vne partie de ceux
 qui tenoyent bon dans les tours furent partie tuez par-
 tie contrains se sauuer de viffesse, & le feu mis en ces
 tours: le maistre pilote rapporta aussi qu'il n'y auoit nul
 danger pour le regard du gué. De là ils passerent par le
 commandement d'Albuquerque, pour assaillir vne bour-
 gade nommée Pangin, assez grande & munie de bon
 nombre de gens de guerre. Les ennemis acourent incō-
 tinent pour empescher la descente, & y eut aspre com-
 bar: mais en fin ils furent rompus & mis à vau de route,
 & la bourgade bruslee. Le lendemain Albuquerque des-
 pescha quelques brigantins pour aller se ioindre à Antoi-
 ne Norogne: car la bonace arrestoit les grands vaisseaux:
 & quant à luy il entra dans la galere de Iacques Fernand
 de Begie, où quelques Sarraïns se trouuerent disans quil
 estoient de Cabaje, & auoyent fait vn voyage pour
 leur trafic en Goa: qu'au reste ils estoient compris en
 l'alliance de Melichiaz, pourtant supplioient Albuquer-
 que de les tenir comme aliez en sa protection, & auoir
 esgard selon sa fidelité & benignité acoustumee à l'hū-
 ble requeste qu'ils luy faisoient. Albuquerque les receut
 & assura qu'on ne leur feroit dommage quelconque,
 puis s'enquit d'eux en quel estat estoit la ville de Goa. Eux
 rapportent que les habitans estoient fort estonnez: que
 les principaux estoient prests à se mutiner les vns contre
 les autres, d'autant que la pluspart parloient de se rendre
 ne se sentans pas assez forts de gens, les autres s'oppo-
 soyent fort & ferme à telle deliberatiō: & qu'au reste ceux
 ci ny ceux là n'auoyent adresse ni resolutiō certaine pour
 se tourner vers ce qui estoit plus expedient. Albuquerque
 preuoyant que s'il approchoit plus pres, ce seroit con-
 traindre ceux qui estoient diuisez de se rallier: & desirāt
 se voir biē tost maistre de la ville, afin de pouuoir execu-
 ter plus aisémēt les desseings qu'il proiectoit en son esprit

*Prudence
 d'Albuquer-
 que.*

trouua bon d'envoyer en ambassade ces Sarraſins vers les principaux de Goa. Le ſommaire de leur legation eſtoit, Qu'Albuquerque eſtoit abordé là, non point pour ruiner les habitans, mais pour les deliurer d'une tyrannie, & les mettre ſous le ioug d'un gouuernement paiſible & moderé. S'ils ſe vouloient rendre, il promettoit les maintenir en liberté, leur permettant de viure ſelon leurs couſtumes, & ceremonies de leurs peres, ſinon qu'ils aimaffent mieux embrasser la religion Chreſtienne: d'auantage leur quitteroit vn tiers des tribus qu'ils payoyent à Zabaim, à condition toutesfois qu'ils luy liureroient les gens de guerre, pour en diſpoſer ſelon ſon bon plaſir. Les habitans accepterent ces conditions, exceptez aucuns qui s'enfuirent avec quelques ſoldats. Les choſes ainſi accordees, Albuquerque entra dans la ville le iour ſuiuant, qui eſtoit le ſeiziesme iour de Feurier, l'an mil cinq cens dix: print poſſeſſion d'icelle, de la fortereſſe, de toutes les armes & munitions: receut le ſerment des habitans qui promirent d'eſtre touſiours fideles au Roy de Portugal, & ne ſe departir iamais de l'obeiſſance qu'ils iuroyent luy rendre. On trouua ſur les rempars & dans les arſenaux quarante doubles canons de fonte, vn nombre infiny de fauconneaux, mouſquets & autres petites pieces, force boulets, grande quantité de pouldre à canon, & telle abondance de toutes autres munitions que c'eſtoit merueilles. Au haur il y auoit quarante nauires de guerre, ſeize fuſtes, & pluſieurs galeres. Les eſcuries de Zabaim eſtoyent fournies de cheuaux Perſans & Arabesques. Outre ces commoditez la ville eſtoit garnie de viures de toutes ſortes & à ſoiſon.

ALBUQUERQUE deſirant bien garder ceſte ville tant renommee, arreſta d'y paſſer l'hyuer, aſſit des corps de garde ſur toutes les aduenues, bailla la ville en garde à Anthoine Norogne, la fortereſſe à Gaſpar Payua, & la recepte des deniers du Roy à François Coruinel. Puis il eſleut les prouiſeurs & voyers pour auoir l'œil ſur les viures, rues & maiſons: & poliça avec vne ſinguliere moderation tout ceſt eſtat. Il ne voulut point caſſer, ains laiſſa en leurs charges les Sarraſins & autres cōmis pour exiger les ports & peages des marchādises eſtrangeres, iugeant que le

4.
Diners ex-
ploits d'Al-
buquerque
apres la re-
ditiō de Go

Image d'un temps ne portoit pas que lon touchast à cela : tint sa pro-
prudent gou- messe exactemēt, & s'estudia bien fort à se faire aimer de
uerneur. tous les habitans: fit soigneusement garder & garantir de
l'insolēce des soldats les femmes & filles que Zabaim te-
noit en son ferrail. Cela fait, Albuquerque delibera d'en-
uoyer vn ambassadeur au Roy de Narsingue, & mettre
peine d'attirer à son party le Roy de Vengapor, vassal de
celui de Narsingue, par le royaume duquel l'ambassadeur
deuoit passer. Gaspar Chanoque eut ceste cōmission, & se
rendit dans Bisnaga ville fort grāde & tresriche, capitale
du royaume de Narsingue & où le Roy demeure le plus
du temps, duquel il fut honnorablement receu. Il y auoit
dans Goa quelques amis & seruiteurs domestiques du
Roy d'Ormus, lesquels trafiquoyent avec les marchans.
Albuquerque leur ayant fait quelques presens leur donna
cōgé: & traitta fort humainement les ambassadeurs d'Is-
mael Roy de Perse venus en Goa pour traiter d'affaires
de consequēce avec Zabaim. Puis il despescha vn gentil-
homme vers Ismael, à sçauoir Roderic Gomeze Caruail-
lose, lequel fut empoisonné en Ormus par Cojeatar qui
craignoit l'issue de la negociation de ce gentilhomme avec
le Persan. En apres Albuquerque fortifia la ville, fit para-
cheuer les nauires qui estoient encommēcees, deliura au
plus offrant (qui fut Timoja) les tributs & peages.

*Albuquerque
et arde en ses
effeins par
ux qui le
moient ai-
r.*

EN ces entrefaites, suruint vn nouveau cas qui tailla
de la besongne à Albuquerque & l'empescha de prendre
loisir de dresser entierement l'estat public de Goa. Car
quelques gentilshommes commencerent à se formaliser
contre luy, en controllant premierement ses actions, puis
se mocquant en derriere de tous ses exploits, & en vin-
drent iusques là, de vomir mille outrages contre luy, soit
qu'ils portassent enuie à sa vertu, soit qu'ils fussent agitez
de folie ou de fureur: & passant encores oultre, ils vindrēt
audacieusement protester contre luy qu'il auisast de ne
point ainsi hazarder les affaires & personnes des Portu-
gallois. Que Goa estoit vne grande ville enuironnee d'vne
infinité d'ennemis, & qu'on ne la sçauoit aucunemēt
garantir pour lors des dangers dont elle estoit menassée:
qu'en hyper il estoit impossible de tirer secours d'ailleurs,
à cause des perils en la nauigation. Zabaim, disoyent-ils,

a de grands moyens, tout le peuple circonuoisin vou-
droit nous auoir tiré à tous le cœur du ventre. La fidelité
que ceux de Goa ont iuree n'est pas gueres ferme, atten-
du qu'on l'a arrachée de leurs bouches par menasses. Il
faut donc tirer les garnisons hors la ville, & n'exposer pas
à la mercy des ennemis enragez toutes les troupes de
Portugal pour assouuir l'ambitiō de qui que ce soit. Ceux
là trouuerent assez de compagnons, accuserēt Albuquerque
enuers la multitude, iusques à prendre acte public
contre luy, tellement que par telles menees ils rendirent
neuf cens Portugallois contraires & ennemis d'Albu-
querque. Ce que luy ayant entendu, il surprint de nuit
les auteurs de ce tumulte, assemblez en vne maison pour
traiter secrettement de leurs affaires, & les reserra estroit-
tement. Eux promettent de luy estre obeissans à l'adue-
nir, ce qu'il accepta, leur pardonnant le passé, d'autant
que pour lors il ne se pouuoit pas passer d'eux. Toutesfois
il donna congé à quelques vns qui le luy demanderent,
craignant qu'ils ne luy fissent plus de dommage pres que
loin. Les autres fausserent leur promesse & l'abandon-
nerent.

CEUX du pays n'ignoroient pas tels desordres, & Za-
baim auoit des espions qui l'aduertissoient par lettres de
routes les particularitez. Sur cela, quelque seigneur parti-
san d'Albuquerque luy escriuit que Zabaim dresseoit vne
puissāte armee, appelloit les princes voisins à son secours,
auoit mis fin par composition passable aux guerres qu'il
faisoit à quelques seigneurs ses vassaux, & ruinoit les
lieux qui enclinoyent tant soit peu au Roy de Portugal.
Albuquerque taschoit de secourir ses allies, mais il auoit
tant d'ennemis sur les bras, que c'estoit temps perdu de
penſer pouruoir à tāt d'affaires en vn coup. C'estoit assez
(comme aussi il s'en acquittoit avec extreme diligence)
d'empescher l'entree del'Isle aux ennemis & bien garder
la ville. Mais encores estoit-il fort empesché en cela : car
il auoit peu de soldats Portugallois, dont la pluspart mes-
mes ne l'aimoit gueres, ayans esté destournez par les pro-
pos des tumultueux susmentionnez. Quant aux habitans
ausquels il auoit ottroyé la paix, il s'en desſioit merueil-
leusement, & non sans cause, veu qu'ils faisoient assez en-

8.
*Secōde guer-
re de Goa, et
les choses sur-
uenues durāt
icelle.*

rendre que leur Prince seroit le tresbien venu s'il rentroit en l'Isle, laquelle auoit beaucoup d'auenues & descentes assez aisces. Pourtant Albuquerque auoit à veiller de pres en mesme temps sur ses soldats pour les contenir en deuoir, sur les habitans de Goa qu'ils ne fissent quelque trahison, & sur la multitude des ennemis pour leur resister en diuers endroits. Premièrement il fit des tranches en routes les auenues de l'Isle, posa des corps de garde es lieux foibles, & establit en chascun de ces corps de garde vn Capitaine des plus vaillans & en qui il se fioit. Il y auoit vn quartier nommé Benastarim plus fort que les autres, à l'opposite de la terre ferme en laquelle estoit campé Pultecam lieutenant de Zabaim. Vn gentilhomme nommé Garfie de Souse gardant ce passage par le commandement d'Albuquerque, vid que les ennemis haussioyent en leur camp vn estendard blanc: lors il commanda qu'on fist le mesme de sa part. C'estoit signe d'assurance à celui qui voudroit approcher. Incontinēt vn homme commenca à descendre du costau qui couuroit le camp des ennemis, droit au riuage. Or le lieu est si estroit que ceux qui sont sur les bords peuuent parler & estre aisément entendus l'un de l'autre. Cest homme donc commença à appeller tout haut Souse, disant quant à luy qu'il estoit Portugallois nommé Iean Machiade, & l'un des bannis laissez par Capral en Melinde. Qu'au partir de là il estoit arriué à Diu, où il auoit prins solde de Melichiaz, puis rencontrant Zabajo Prince de Goa, & pere de Zabaim, qui luy donnoit plus grands gages, & l'estimant Turc, luy auoit donné charge d'une compagnie, il s'estoit rangé à ce party: & quoy qu'il faignist estre Mahumetiste, qu'à la verité neantmoins, & en sa conscience il n'auoit iamais renoncé la religion Chrestienne: Que l'amour qu'il portoit à ses freres Chrestiens & à sa patrie l'auoyent persuadé de descendre pour admonester les Portugallois d'euiter la mort qui les menaçoit: pource que Zabaim auoit en campagne plus de quarante mil hommes de guerre, & tel nombre de canons & engins, qu'Albuquerque & les siens ne pourroyent longuement soustenir vne si pesante & furieuse charge. Pourtant les prioit & exhortoit-il de quitter l'Isle auant que l'huer leur fermast du tout les

*Stratageme
des ennemis
aneanty par
la prudence
d'Albuquerque.*

passages. Soule remercia cest aduertisseur, & fit entendre le tout à Albuquerque, lequel presumant que c'estoit vn stratageme des ennemis pour estonner les gens, ne tint compte de cest aduertissement, & dit qu'il n'estoit pas digne de sa charge s'il n'essayoit les moyens de garder l'Isle auant que d'en sortir. Pultecam voyant Albuquerque obstiné, aduisa comment il pourroit gagner le passage: pour y paruenir fit attacher ensemble quelques radeaux, & de peur que le canon ne les empeschast de seruir il posa vn corps de garde pres de l'embouscheure du fleuve, & le fortifia d'une leuee de terre, d'un fossé, & de bon nombre de soldats. Les Portugallois apperceuans cela firent tout leur possible de rompre ce corps de garde, mais apres auoir perdu leurs peines ils aduertirent Albuquerque que c'estoit folie de s'y amuser. Albuquerque y alla incontinent avec vne troupe de gens de cheual, & ayant veu le retranchement des ennemis, defendit aux Capitaines de plus assaillir, mais se contenter seulement de fermer le passage à l'ennemy, que de sa part il retourneroit promptement avec plus grandes forces, & enuoyeroit Norogne en mer avec les esquifs, afin de rompre plus aisément ce corps de garde. Il commanda le mesme aux autres Capitaines qui gardoyent les autres aduenues, puis estant de retour en la ville, incontinent il fait publier que lon assemble en vn lieu toutes les nacelles dont les habitans se seruoyent à la rame, & que ils appellent Coties: mais on les auoit enuoyees secrettement aux ennemis, afin de luy donner moyen de mettre son armee tant plustost & plus aisément en terre. Albuquerque entendant cela fit sur l'heure couper la gorge à celuy qui auoit procuré telle trahison. Ce pendant les ennemis s'efforçoyent par tous moyens d'entrer en l'Isle: mais ils trouuoient telle resistance qu'ils estoient contraincts reculer à tous coups. En fin Pultecam desesperant d'y pouuoir entrer de iour à cause de la vailance des Portugallois, pensa que la nuict luy seroit plus fauorable. Il attendit vne nuict fort noire & pluuieuse, (car l'hyuer approchoit) en laquelle la pluye & l'orage empescheroit tellement les Portugallois qu'ils n'auroyent moyen de s'aider de leurs harquebouzes, ny

courir à leur aisé où la necessité les appelleroit. La nuit qu'il desiroit estant suruenue, à sçauoir le dixseptiesme iour de May, il commanda à Zufalarim vaillât capitaine bien resolu aux affaires de la guerre de monter sur les radeaux avec mille soldats d'élite & tirer droit à Benastarin. Puis il enuoya dans les Coties (aprestees pour cest effect) Melich Cufforg, autresfois chef de l'armee de Goa, pour assaillir vne autre entree nommee Zancalin: promettant de passer avec le reste des troupes pour faire espaule à tous deux. Quoy que Zufalarim s'aydast dextrement du silence de la nuit & de la commodité du réps, si ne peut il asiner les Portugallois qui estoient tousiours au guet. Mais aussi, pource que le nombre des ennemis estoit par trop grand, & venoyent ainsi à l'improuiste assaillir ceux que la nuit & les pluyes combatoyent assez, & qui ne sçauoyent bonnement où courir pour resister mieux, ioint que les deux autres furent assaillies en mesme instant, les ennemis prirent terre & chasserent les Portugallois arriere de leurs corps de garde: ce qui ne peut estre executé qu'apres plusieurs coups ruez aux despens des vns & des autres, notamment de George de Soule qui y fut tué. Cela fait, ceux qui auoyent esté repoussez se retirerent dans la ville avec leurs compagnons qui gardoyent les autres auenues.

*Stratageme
d'Albuquer-
que, & ses ef-
forts pour
pouir à
tout.*

ALBUQUERQUE qui se des fioit des soldats de Goa, receus en ses cōpagnies, & voulant presenter la ville de leur embusches (car ils auoyent coniué de la liurer à Zabaim) leur fit commandement à tous de sortir, pour couuerture leur donna charge d'aller en armes garder la descente de Benastarin, promettant les suiure & secourir. Car il ne les pouuoit chastier tous, & estimoit beaucoup plus dange- reux laisser les ennemis dans l'enclos des murailles, que de les combattre tous en campagne. Iceux se vont incontinent ioindre avec Pultecam. Quant aux marchans qui estoient restez, & qu'on ne voulut pas chasser, pource qu'ils n'estoyent pas tant à craindre que les gés de guerre, Albuquerque s'informa de leurs menees, & fit trancher la teste à vn des principaux & plus riches nommé Mircazem, & à quelques autres qui auoyent coniué avec luy. Ce pendant Pultecam se campa à vne lieue pres de Goa,

& deſſoit force eſcarmouches contre ceux de dedans. Albuquerque d'autre part commanda à Iacques Fernãd de Far braue ſoldat d'aller mettre le feu aux vaiſſeaux qui eſtoient en la rade de la ville: mais l'embrace-
ment fut eſtaint en moins de rien par la multitude des enne-
mis. Les murailles de Goa eſtoient foibles en diuers en-
droits, à cauſe dequoy Albuquerque conclud d'y poſer
des corps de garde iuſques au nôbre de huit, & en donna
charge à huit capitaines ſuiuis de bõ nombre de ſoldats:
En apres il fit trainer vne fuſte en la mer, pour prendre
promptemēt la route de Cochim, & y porter les nouuel-
les de l'eſtat des affaires de Goa, & appeller au ſecours
George de Sylues & Ieroſme Teixeira, leſquels eſtoient
de ceux qui auoyent eſmēu la ſedition contre Albuquer-
que. Mais il ne tindrent compte de s'embarquer, fuſt par
deſpit d'Albuquerque ou qu'ils deſeſperaffent d'y pou-
uoir arriuer à temps. Or Pultecam approchoit ce pendâr,
& faiſoit tous ſes efforts de ſe rendre maĩſtre de la ville,
mais Albuquerque & les ſiens ſe defendoyent de grand
courage. Antoine Norogne commis à la deſenſe du plus
foible endroit de la ville, où il n'y auoit pas vn pan de
muraille debout, ſouſtenoit vaillamment l'aſſaut des en-
nemis. Mais pource qu'ils le preſſoyent ſans reſaſche, il
fit ouurir la porte & donnant de pied & de teſte à trauers
les aſſaillans les contraignit reculer, en telle ſorte toutes-
fois que ſur ſa retraite il eut autant d'affaires que deuant.
Ce iour la ville ſouſtint l'aſſaut de toutes parts l'eſpace de
trois heures, où les aſſiegez firent tel deuoir que Pulte-
cam, craignant plus grande perte, fit retirer ſes troupes
loin des breſches.

L A nuit ſuiuant il aſſit vn corps de garde, bien retrā-
ché en vn endroit pres du riuage, où l'on auoit acouſtu-
mé de rouler les vaiſſeaux pour les y calfeutrer, & diſpo-
ſa là auſſi quelques pieces de batterie avec vne forte gar-
niſon. Puis des le point du iour, fit commencer la batte-
rie du coſté ou Arius de Sylues eſtoit en garde, & par guli-
erme moyen donna vn aſſaut general: mais luy & les ſiens
furent repouſſez ce iour avec grand perte de leur deu-
coſté. Toutesfois Albuquerque & ſes gens eſtoient a rage,
lors rompus de travail, de veilles, de playes, & d'autres

incommoditez ordinaires à des assiegez despourueus de secours, & sur tout Albuquerque, lequel neantmoins surmontoit courageusement toutes ses sollicitudes & fascheries extremes, redressant les cœurs afadis de ses soldats ou par consolations, ou par viues reprehensions, par fois leur proposant quelque esperance de relasche, puis leur alleguant que ce seroit vne grande honte d'estre degradez des armes, s'ils s'estonnoient & quitoient la place : & par son exemple il encourageoit plusieurs à trauailler aux fortifications plus necessaires, & à combattre resoluement. Mesmes quelques fois il faisoit deuoir de soldat, sans toutesfois oublier iamais sa charge de capitaine, à laquelle il s'occupa sans relasche. Ce pendant Machiade, duquel a esté parlé cy deuant, partit secrettement du camp des ennemis & vint trouuer Albuquerque auquel il declara que Pultecarn se deliberoit de mettre le feu aux nauires de Portugal. Comme Albuquerque estoit apres à trouuer quelque expediēt pour se garātir d'un tel danger qu'il redoutoit grādement, George de Cugne, Francisque Pereire Coutin, François de Souze & quelques autres auteurs de la seditiō sus escripte, commencent à presser & importuner Albuquerque, protestans & demandans acte de son refus : car ils disoient que tout estoit perdu, & qu'il falloit promptement quitter la ville. Par leurs crieries le peuple fut tellement descouragé qu'Albuquerque n'eust sceu dire bonnement qui il deuoit plus craindre ou les ennemis decouuerts, ou ceux de Goa mesmes, sur tout ces gentils-hommes qui incitoient ainsi la populace à se reuolter. Neantmoins il pourueut à tout par vne singuliere allegresse & adresse: car il sauua ses vaisseaux du feu, faisant si bon guet que Pultecarn ne sceut rien executer, & reprima le tumulte par vne harangue fort graue qu'il fit deuant tous.

Goa assaillie
Et prise par
Zabaim sur
Albuquerque, lequel se
sauua en la

Ce nonobstant Zabaim, ayant fait passer toute son armee en l'isle, vint en personne (suiuant l'avis de Pultecarn, quiluy auoit escrit & fait seauoir l'estat des affaires) se camper pres de la ville. Or les Sarasins qui estoient demeurez par souffrance dans Goa, où ils se monstroyent bons suiets, craignans Albuquerque, n'e-

rent pas plustost descouuer les têtes de Zabaim, qu'ils *forteresse, & de là sur mer.* prennent les armes & se ruent sur les Portugallois. Lors Albuquerque cōsiderāt la force des ennemis, la foiblesse de la ville, la trahison de quelques vns de ses troupes, & les Sarasins transportez de haine & de fureur cōtre luy, se retira diligēment dans la forteresse avec tous ses soldats. Zabaim entra tost apres en la ville, sans aucun contredit, & sur l'heure commença d'auiser aux moyens d'oster aux Portugallois toute retraite. La forteresse estoit assise biē pres du fleuue, lequel auoit vn canal, estroit & profōd. Zabaim fait incōtinēt estoupper ce canal, de peur qu'Albuquerque & les siēs ne peussent nauiguer dessus: & premiere-ment fit percer vne grāde nauire qui flotroit sur le canal, tellement qu'elle print fond, & par ainsi boucha le passage à ceux de la forteresse. En apres Zabaim apresta des engins de bois sec enduits de poix & de souffre, qu'on deuoit pousser contre les vaisseaux de Portugal & y mettre le feu par le moyen, afin d'emporter puis apres à force d'armes la forteresse hors d'esperāce de secours, & couper la gorge aux Portugallois qui y estoient enclos. Albuquerque ayāt ouy nouuelles de tels desseins par le raport d'un Bracmane que Timoja entretenoit au camp de Zabaim, pour y descouurir ce qui s'y faisoit, delibera de quitter la forteresse enuiron minuit, & ranger ses vaisseaux au port, attendu que l'hyuer l'empeschoit de se mettre à la voile, & de là guetroyer incessamment contre Zabaim: puis au prim-tēps retourner avec vne plus puissāte flotte & armee assaillir la ville de Goa. Mais premierement il enuoya le pilote de sa capitainesse descouurir s'ils y au-roit point quelque espace d'eau entre la nauire enfondree & le bord du fleuue par lequel les nauires peussent couler aisément. Le pilote rapporta que cela estoit faisable: suuant quoy (apres qu'Albuquerque eust fait tuer cent cinquante Sarasins prisonniers conuaincus de trahison) on porta dās des nauires les armes, canōs, pouldres, boulets, l'airain, le fer, les engins de guerre, & les viures: puis Albuquerque fit embarquer les femmes & filles de Zabaim, quelques Sarasins les cōfedederez, tous ses soldats, & finalement luy monta tout le dernier dedans sa capitainesse. Or ce depart, quoy que pratiqué fort coyemēt, fut

descouuert par les ennemis: car Norogne, auant que des-
 logger fit mettre le feu en l'arcenal plain de poix, de souf-
 fre & d'huile, ce qui estant embrasé fit que les ennemis
 coururent qu'Albuquerque & les siens quittoyent la for-
 teresse. Pourtant ils acourent soudainement en armes
 sur le riuage, où il y eut vn cruel combat auquel Antoine
 Norogne, Ierosme Limice, Mantiel Lacerde, & autres
 gentils-hommes qui soustenoyent auec bonne troupe le
 choc des ennemis, firent telle preuue de leur vertu, que
 les Portugallois s'embarquerent en leurs nauires, enco-
 res que plusieurs d'eux eussent esté blessés au cōbat. Voila
 comme Albuquerque partit de Goa le trentiesme iour
 de May, ayant esté maître d'icelle l'espace de trois mois
 & demy. De là il fit voile auec vent à souhait en vn au-
 tre port nommé Rapandar, où il delibera passer l'huiuer.
 Alors François de Souze ayant machiné en son esprit de
 se separer d'Albuquerque, gagna le hault sans congé:
 mais la tourmente & les vagues le contraignirent de des-
 cendre au port d'où il estoit party, & lors il fut priné de sa
 charge, & son vaisseau commis à vn autre.

7.

*Diuers efforts
 de Zabaim
 pour ruiner
 Albuquer-
 que, et cōme le
 tout succeda.*

O R Zabaim entendant par ses espions qu'Albu-
 querque vouloit huiuer au long du fleue, dressa pre-
 mierement vne leuee de terre à l'endroit où les Portu-
 gallois venoyent faire aiguade, nommé Bardes, y fit
 charrier quelques pieces de campagnes, & y establit vn
 corps de garde des meilleurs soldats qu'il eust, sous la
 charge d'vn capitaine nommé Melichius Corg, pour
 oster l'eau à ses ennemis. Il mit aussi vne bonne garnison
 dans le chasteau de Pangin sur l'emboucheure du fleue,
 & fit reparer & munir ceste place de toutes choses ne-
 cessaires. Et pource qu'il y auoit vne colline qui commā-
 doit à ce chasteau, laquelle pouuoit nuire grandement à
 ceux de dedans, Pultecarn eut charge de se camper sur ce
 cousteau avec trois mil hommes. Les pieces & mous-
 quetades de ces forts bleffoyent beaucoup des gens d'Al-
 buquerque, tellement qu'il fut contraint de smarer de là,
 & anchrer sa flotte en vn endroit où le reflux a acoustumé
 de battre entre vne isle nommée Diuar & la terre ferme.
 De rechef les ennemis s'assemblerent promptement là
 autour, afin de dresser d'autres forts, & ruiner les Portu-
 gallois.

gallois à coups de traits & de canon. Et combien qu'Albuquerque fit changer de place à ses soldats de fois à autre, si se trouuoient ils tousiours à descouuert. Mais la faim & la soif leur faisoit beaucoup plus rudement la guerre : car les viures estoient faillis. Quelques fois neantmoins ils appaisoyent aucunement la faim avec le poisson qu'ils peschoient. Quant à la soif, d'autant que les grosses pluyes enflerent tellement le fleuve qui se desgorgeoit en la mer que les ondes d'icelle se sentirent de ceste douceur, ils se soulagerent puisans de l'eau du reflux qui leur vint bien à propos. Ce nonobstant la famine croissoit de iour en iour : ce qui contraignit Albuquerque d'enuoyer Antoine Norogne avec Meniaque (capitaine Indien , qui estoit tousiours demeuré fidele au Roy de Portugal) es isles de Charamé & Diuar non gueres eslongnees l'une de l'autre, afin d'en leuer de là quelques viures pour la flotte. Norogne estant descendu es isles emmena certain nombre de vaches, qui luy cousterent auant que partir beaucoup de sang de ses soldats. Or la famine continuât, & pressant de plus en plus, sans espoir de soulagement, auint que quelques Portugallois oublierēt leur serment de fideité & la religiō Chrestienne, & s'enfuirēt à nage vers Zabaïm, auquel ils declarent les difficultez dont Albuquerque estoit enuélé. Alors Machiade auertit Albuquerque que Zabaïm bastissoit des machines & engins de merueilleuse hauteur, pour approcher des nauires de Portugal, & y darder le feu. Que ces engins deuoyent estre suivis d'une flotte de quatre vingts grāds vaisseaux, qui auoyent charge de poursuiure & mettre en fond les nauires escartees, & qui se sauuerent du feu. Albuquerque estonné de telles nouuelles, se tournoit de tous costez pour pouruoir en quelque sorte à ce danger qui pendoit sur sa teste : & premierement il resolut assayer s'il pourroit point emporter de viue force ce chasteau de Pangin susmentionné, qui endommageoit plus que tous les autres forts des ennemis. Ceste entreprinse sembloit la plus incōsideree & folle du monde, de vouloir avec vne poignée de gēs demy morts de faim assaillir & forcer vne place munie de toutes sortes d'armes & de grand nōbre des meilleurs soldats de l'ennemy. Mais

La famine, et le desespoir, ont des cōseils et effects merueilleux.

la famine & le desespoir (qui font courir souuent les hommes à teste baillée dans la mort, les rendent obstinez & prompts à cercher & supporter les dangers, & par ce moyen leur ont donné maintes victoires) poullirent Albuquerque en ceste resolution. Pour execution d'icelle il enuoya Norogne & Simon Andrade avec cent hommes du costé d'Orient pour inuestir ce costau où Pultecarn estoit campé, & le tenir en besongne, afin qu'il ne peüst secourir ceux du chasteau : puis commanda à Simon Martin de garder vn chemin estroit tendant au chasteau vers le Septentrion, pour fermer le passage à Pultecarn, s'il vouloit aller secourir les siens par là. Du costé de Midi, il ordonna tout aupres de l'emboucheure du fleuve Jacques Fernand de Begie avec vne galere, & Alfonso Perlonne en vne mauire loque, pour effroyer le cap de l'ennemy à coups d'artillerie. Ceux à qui il donna charge d'assaillir le chasteau deuant & derriere estoient diuisez en deux troupes, dont l'une estoit conduits par Manuel Lacerde, Sebastian Mirande & Nonio Vasque de Blancastel: l'autre par Ierosme Limice, Arius de Sylues, George Hogaze, & par Fernand Andrade. Les choses ainsi disposées, ils se mirent à voguer si coyement que personne n'entendoit le gachis des auirons: & sur le point du iour ils prindrent terre. Alors tous se mettent en besongne en l'endroit qui leur estoit assigné, avec vne allegresse incroyable: & quant à Albuquerque il donna le signal de bataille au son des trompettes & tabours, au tonnerre de l'artillerie, & aux huees de ses gens, dont les ennemis estoinez & encores à demy dormans furent tellement estourdis qu'ils se mirent en fuite. Or les choses succederent tellement qu'en mesme instant l'on assaillit le chasteau & le camp de Pultecarn, au moyen dequoy les Indiens qui cōmençoient à s'esfuciller ne consulterent pas s'il falloit combattre ou nō, ains penserent seulement à se sauuer de viftelle. Car ils ne pouuoient croire que les Portugallois incommoditez en tant de sortes eussent osé entreprendre tel acte, sans nouueau secours venu d'ailleurs. Pultecarn perdit deux cēs cinquante homes en ceste rencontre, & ne suiuit-on pas loin les fuyards, les affaires requerrans que les Portugallois (qui ne perdirēt que quatre

des leurs) pourueussent autrement à leur seureté. Toutes les pieces qui estoient dans le chasteau & au camp furent emmenees dans les nauires, ensemble les viures & le butin de la bourgade de Pangin. Ceste victoire estant auene contre toute esperance fit grand peur à ceux de Goa, & Zabaim en fut merueilleusement trouble.

Or de peur que les Portugallois n'approchassent derechef trop pres de Goa, il dressa quelques tourelles dehors, *Albuquerque que conduitsa-* fortifia plusieurs places, afin de repousser plus aisément *gemēt ses as-* tous assaux. Puis il enuoya vers Albuquerque Iean Machiade, afin de demander & obtenir la paix. Or Machiade auertit en secret Albuquerque de ne rien accorder *ment ce gou-* qu'auec conditions auantageuses : car Zabaim auoit *verne à l'en-* receu nouuelles que le Roy de Narfingue avec vne puissante *droit des siens* armee approchoit de Taracol, ville assise en terre *mesme qui le* ferme & dependante du royaume de Narfingue, de laquelle *veulent maî-* le toutesfois Zabaim s'estoit emparé. Mais outre cela Zabaim craignoit que la flotte de Portugal ne le frustrast de ses reuenus & peages, en tentant les ports d'où il tiroit de grand deniers, spécialement de la descente des cheuaux qui passent de Perse & d'Arabie en Goa. Albuquerque qui ne vouloit rien promettre qui l'empeschast d'assaillir Goa derechef avec armes descouuertes si bon luy sembloit, proposa de tels articles de pacification que Zabaim ne pouuoit les signer qu'à son grand deshonneur & dommage. Ainsi se passa l'hyuer, durant lequel Albuquerque surmonta non seulement ses ennemis, la fureur de la mer, & la rigueur de la famine, mais souuent aussi l'orgueil & peruerfité de ses gens mesmes : car il auint en ce temps, que quelques gentilshommes Portugallois s'amourachent de certaines belles Indiennes qu'Albuquerque faisoit garder fort soigneusement, pour les enuoyer en Portugal à la Royne Marie, afin d'estre baptisee & mariees, puis apres. Roderic Diaz fils d'un secretaire, qui des long temps paillardoit avec l'une de ces Indiennes, fut celuy qui mit le feu aux oreilles de ces gentils-hommes, tellement que tous venoyent de nuict en la galere capitaineſſe trouuet ces femmes, sans se soucier de ce qu'Albuquerque en auoit ordonné. Luy entendant tel desordre commenda

que Roderic fust pendu: au contraire les gentils-hommes, compaignons en mesme forfait, vont se presenter à Albuquerque, & le supplient de donner la vie à ce pauvre macquereau. Albuquerque ayant reietté leur supplication, eux pensent gaigner dauantage par paroles audacieuses & outrageuses: mais ils ne firent sinon contraindre leur general de les arrester & serrer prisonniers. Toutesfois voyant qu'il ne pouuoit pas bonnement se passer d'eux: ayât lors grand faute de gés, il les fit relascher. Eux cōmencent à leuer les cornes, disant que ce pardō ne pouoit pas compenser le tort qu'on tenoit de tels gentils-hōmes de marque & de bon lieu, qu'ils ne vouloyēt sortir de prison à quelcōque conditiō qu'en leur presentast, ains souffriroyēt qu'on les enchainast & enuoyast pieds & poings liez en Portugal, pour declairer deuant le Roy mesme ce qu'ils auoyēt à dire d'Albuquerque. Tels beaux propos rapportez à Albuquerque, il fut content que ces estourdis trempassent tout leur saoul en l'estat auquel ils se plaisoyent ainsi les degrada, & commit leurs charges & capitaineries à d'autres gentils-hommes.

8.

Bataille navale entre la flotte d'Albuquerque et de Zabaim, & les plus remarquables occurrences d'icelle.

C E P E N D A N T Machiade, qui espioit soigneusemēt tous les deportemens de l'ennemy, fit entendre à Albuquerque que Zabaim dresseoit vne armee navale de quatre vingts vaisseaux pour l'assaillir au despouueu. Albuquerque pensa sur cest aduertissement qu'il ne falloit pas attendre que ceste flotte fust du tout preste, ains resolut preuenir Zabaim & le surprendre auant que tous les vaisseaux fussent roulez en mer. Pourtant il despescha Antoine Norogne avec dix fustes bien equippees, luy cōmandant d'investir ce qu'il pourroit: puis enuoya deux galeres, vne longue nauire & vn brigantin, pour anchrer en certain lieu & cestoyer le bord, afin d'attrapper quelqu'un du pays & sçauoir quelque chose des desseins de Zabaim. Apres auoir longuement attendu sans decouvrir personne, ils s'auancerent pres de la ville de Goa à la portee du canon. Vn des capitaines nōmé Iean Gonçalue passa deuant la ville, puis s'en reuint trouuer les galeres, sans perte quelcōque, quoy que les ennemis fissent iouer leurs pieces droit à luy. Quant à Norogne, estant approché finalement avec ses fustes & brigantins il des-

courrit derriere soy trête fregates parties de l'isle de Diuar sous la conduite de Zufalarim, lesquelles venoyent à luy, & d'autre part du costé de la ville quelques barques voguans à force de rames: au moyen dequoy il deuifa sa petite flotte en deux. Lors il menoit trois cens soldats des plus resolus que l'on eust sceu trouuer, entre lesquels estoient ces gentils-hommes qui prenoient plaisir à demeurer en prison, lesquels toutesfois pour l'amour de Norogne se disposerent au combat en qualité de soldats seulement, sans vouloir y accepter aucune charge. Norogne commanda à vne partie de sa flotte d'assaillir les vaisseaux prochains de la ville: luy avec son reste tourna visage contre Zufalarim, lequel vint aux prises fort courageusement, & y eut aspre combat de tous costez longuement, & y eut aspre combat de tous costez longuement, sans que l'on peust presumer qui emporteroit la victoire. Mais en fin, pource que les ennemis rōboyent en grand nombre sans plus se releuer, Zufalarim fit tourner les proues & mit ses troupes en terre, comme aussi firent les autres capitaines qui s'estoyent trouuez en ceste meslee, & tirerent leurs vaisseaux à bord avec vne viffesse incroyable. Ils estoient lors attachez au combat pres de la ville deuant les yeux de Zabaim. Or il auint que Norogne poursuiuit de telle ardeur le vaisseau de Zufalarim qu'iceluy eschoua. Lors Simón & Fernand Andrade freres suiuiés de trois autres sautent dedans, & chargēt de telle furie qu'ils cōtraignirent tous ceux qui y estoient de se sauuer promptement en terre. Cōme Norogne vouloit entrer dedans ce vaisseau pour secourir ces cinq, en mettant le pied sur le tillac il eut la cuisse gauche percee d'un coup de fleche descouchee de dessus les murailles de Goa: ce qui le fit tomber dans son esquif, lequel par vne telle seconssse fut separé de la galere de Norogne. Vn tel accident mit les Portugallois en grand effroy; & tous commencerent à tendre vers Norogne pour le tirer de là, sans que personne allast aux cinq qui auoyent cōquis le vaisseau de Zufalarim, duquel les ennemis s'estoyent approchez à l'aise, pource que le flus de la mer s'estoit retiré. Mais les deux Andrades se porterēt lors si vaillamment que Zabaim demeueroit tout rauy de leur prouesse: car outre la defense de leurs personnes ils com-

batoient brauement pour garantir les trois autres qui les auoyēt suiuis. Les esquifs & brigantins ne pouuoÿt approcher d'eux à cause que le canal n'auoit assez d'eau pour soustenir le moindre vaisseau que l'on eust sceu choisir. Or le pilote de la galere de Louys Coutin l'exhorta de faire descharger son esquif, declairant qu'avec sept matelots il vouloit aller querir les Andrades & les tirer de la presse: ce qui fut prôprement executé, & cōme le pilote approchoit il y trouua vn des Capitaine de Norogne, nommé Begie, qui s'estoit rendu là pour empescher que les ennemis n'endommageassent le pilote & ses matelots. Apres que les Andrades & les trois autres furent entrez dans l'esquif, Begie fit ses efforts d'attirer le vaisseau de Zufalarim, mais voyât que c'estoit peine perdue, il le laissa dans le sable. Les ennemis perdirent beaucoup de gens en ceste bataille, dont les Portugallois remportoient vne belle victoire sans la mort de Norogne, lequel deceda du coup de fiesche au bout de trois iours, au grād regret des soldats. Son corps fut enterré, & son trespas pleuré, non seulement par son oncle Albuquerque, mais aussi par toute l'armee. Car ce personnage outre sa vaillance estoit paré de belles vertus, & entre autres il estoit aimé & cheri de chascun pour la grandeur, douceur & debonnaireté de son naturel. Zabaim enuoya gens vers Simon & Fernand Andrade leur declairer qu'il les estimoit des plus vaillans du monde, que tous ses biens & moyens estoient à leur commandement. Que la

*Comment la vertu gaignoit son cœur en quelque persōne qu'il la vist
vertu est reco
nue par un
barbare.* vertu gaignoit son cœur en quelque persōne qu'il la vist
reliure: & qu'ayant apperceu les beaux faits d'armes par
eux executez en sa presēce, il ne pouuoit les tenir pour
aduersaires, ains pour amis. Eux firent responce de mesme
gayeré à Zabaim, lequel apres ces choses descendit
en terre ferme pour aller au deuant de l'armee du Roy
de Narsingue, & de là il despecha quelques truchemens
pour parler de la paix: mais luy & Albuquerque ne se peurent
accorder. Albuquerque ayant le temps propres fit
voile en Anchediue, d'où il delibera se retirer en Cananor,
afin de calfeutrer ses vaisseaux, & donner quelque
relasche aux malades & blesez pour se guerir de leurs
playes & maladies. Mais auant que doubler vne pointe

nommee Rama, laquelle depend de la coste de Goa, il descouurit cinq nauires en haute mer, dont les quatre faisoient vne flotte à laquelle commandoit Iacques Mendeze de Vasconcel, qui auoit charge du Roy d'aller en Malaca: l'autre nauire estoit de la flotte de Fernand Coutin qui auoit hiuerné en Mozambique. Ce résfort de nauires & d'hommes remit le cœur au ventre des Portugallois.

DYRANT ces guerres Indiennes, les affaires d'Afri- *9. Estat des af-
fares d'Afri-
que.*
que passoyent comme s'ensuit. Nonio Fernand Ataide fort de Fez, le combat & met en route, tuant vne partie de ses gens, les autres restent prisonniers, Benguaneme melme demeure mort sur le champ. Vasque Coutin, Conte de Borbe & gouverneur d'Arzile, ayant entendu par ses espions que quelques autres capitaines de Fez se reposoyent en capagne sans estre sur leurs gardes, les surprint, tailla en pieces vne partie, emmena des prisonniers avec force bestial. D'autre costé Barraxa & Almandarin (qui estoient lors à la solde du Roy de Fez, & des plus auâcez & estimez entre ces capitaines) amasserent avec leurs cōpagnons vne grosse troupe & coururent iusques aux portes d'Arzile: sans aucun exploit memorable toutesfois ains mesmes ils y perdirent trois hommes de cheual. Le Roy de Fez amassa vne grande armee & requint deuant Arzile: mais ayant aprins que la place estoit bien munie de gens & de viures il leua le siege. Derechef tost apres, Barraxa, Almandarin & quelques autres capitaines suivis de plusieurs cornettes de cavalerie se vindrent presenter deuant Arzile. Vn ieune & braue gentil-homme nommé Fernand de Castre fut le premier à cheual pour aller au deuant: mais d'autant que le gouverneur fit fermer les portes, iceluy se trouua dehors avec vn sien valet seulement. Les espions & descouureurs au nombre de dix, qui se retiroient de vistesse dās la ville se ioingnirēt avec Fernand, lequel dōnant à toute bride à trauers les ennemis fut enucloppé & tué. Incontinent les portes furent ouuertes & courut on au secours des autres qui rentrerēt fort blesez, & les portes fermees de rechef, afin de retenir les plus eschauffez, le gouver-

neur se contenât que les ennemis eussent esté repoussez. En la mesme annee George Vicire accompagné de trente deux cheuaux fit vne course & rencōtra Cide-Hamet fils du gouuerneur d'Alcaflar Quibir, lequel menoit cent hommes bien montez. La meslee fut tres-aspres & longue: mais en fin Vicire & plusieurs autres de son costé apres auoir vaillamment combatu tomberent par terre, les autres demeurerent prisonniers, quelques vns en bien petit nombre se sauuerēt du danger à course de cheuaux. François de Portugal, qui puis apres fut Seigneur de Viminose, suiuy de cinquante cheuaux dont il auoit charge, & de quarante autres de Coutin qui se ioignirent à luy, donna dedans vn village où il tua force Mores, & print des prisonniers. Mais les ennemis s'estans assemblez sur luy de toutes parts au signal que leurs compagnons auoyent donné, il se trouua en tresgrand dāger de sa vie: car on luy dōna tel coup de pierre qu'il demeueroit estendu sur la place, si Aluar de Branche ne l'eust soustenu. Quelques gentils-hommes furent tuez sur la place: ce nonobstant Portugal retourna victorieux dans Arzile avec seize prisonniers.

10.

Divers appareils du Roy de Portugal pour maintenir sa domination en Inde.

EN ceste mesme annee le Roy Emmanuel equippa quatre flottes: l'vne, dont a esté parlé cy dessus, sous la charge de Iaques Mendeze de Vasconcel, laquelle desmara de Lisbonne le septiesme iour de Mars. La seconde estoit de sept nauires, ayāt pour general Gonsale Siqueire, lequel fit voile de Lisbonne le dixseptiesme iour du mesme mois: & furēt ces deux flottes enuoyees en Inde. Quant à la troisieme composee de trois nauires ausquelles commandoyent Iean Serran, le Roy leur commanda de prendre terre en l'isle de saint Laurent, pour traiter alliance avec le Roy d'icelle, & se charger des choses de pris que lon y pourroit trouuer. La quatrieme flotte de plus de trente nauires conduites par Nonio Fernand Ataide, qui peu auparauant estoit retourné en Portugal, fut enuoyee en Barbarie, afin de garder pour le Roy la ville de Safin. Nous auons veu ci deuant comme Vascōcel arriua en Inde. Siqueire ayant perdu vne nauire & sauué les hommes d'icelle print terre en Cochim, puis alla en Cananor, entendant qu'Albuquerque faisoit illec

sa demeureance. Serran estant abordé en l'isle de saint Laurent apres diuerses auantures, descouurit toute la coste Meridionale, fit alliance avec quelques Rois, recueillit en ses nauires vn des mariniers qui auoyent esté laissez avec Gomez d'Abrey, & entendit d'iceluy que le tēps qu'il employeroit à courir au long de ceste isle ne luy apporteroit plaisir ny proufit qui en valust la peine. Pourtant Serran s'eslargit en mer nonobstāt les bourasques & print la route de l'Inde. Quant à Vasconcel, apres auoir gaigné le haure de Goa, il alla faire la reuerance au Vice-roy Albuquerque, & presenta les lettres d'Emmanuel qui luy commandoit de fournir à Vasconcel tout ce qui seroit necessaire pour le voyage de Malaca.

A L O R S fut resolu d'un commun auis, qu'il n'y auoit affaire qu'on deust preferer à la guerre de Goa, & que la presence de Vasconcel y estoit bien requise. Quāt à Malaca, c'estoit vne entreprise de si grand poids & de telle importāce, qu'il faloit plus de quatre nauires pour en venir à bout : & qu'apres la conqueste de Goa, on pourroit accommoder Vasconcel d'un bon nombre de nauires pour accomplir ce voyage si perilleux. Vasconcel suiuit volontiers ceste résolution. De là Albuquerque fit vn tour en Anchédiue, & enuoya François Pantōje Zacotōra dans vne nauire de charge pleine de viures, & contremenda vn sien neveu aussi nommé Antoine Norogne, capitaine de la citadelle de Zacotōra, pour le venir trouuer. Il escriuit aussi à Leme que la guerre de Goa l'auoit empesché d'enuoyer les nauires qu'il luy auoit promise de renfort. D'Anchediue il fit voile en Onor, où Timoja luy vint à l'encōtre avec des fruits & viures. Vasconcel presenta lors à Timoja des lettres fort gracieuses du Roy de Portugal, lequel mandoit à ce coursaire qu'il le remercioit de ses bons & fideles seruices, promettant l'en recompenser si amplement que Timoja ne se repentiroit iamais de s'estre fidelement employé pour vn tel Prince. Ces lettres encouragerent tellement Timoja qu'il promit faire meilleur deuoir que iamais pour l'auancemēt des affaires du Roy, Albuquerque retourna de là en Canahor parlementa avec le Roy de ceste isle en vn lieu assigné pres du riuage, tellement qu'il conferma plus

II.
*Albuquerque
que se prepare
pour recomen
cer la guerre
contre Za-
baim.*

estroitement que iamais par promesses & gracieuses paroles l'amitié contractée avec ce Prince. De Cananor il enuoya vn capitaine nommé Simon Martin de Caldeire pour garder la coste de Calecut avec trois nauires, & empescher qu'aucun vaisseau venant d'Arabie entraist au port de Calecut ou sortist d'iceluy, sans estre arresté. Il donna la mesme charge à Garfie de Soufe avec trois autres nauires. Gaspar Payua fut despesché avec trois nauires pour faire le mesme en la coste de Goa. Vasconcel fut prié de roder toutes les autres costes de l'Inde avec ses quatre nauires. Tous executerent ce qui leur estoit commandé, & prirent quelques nauires, en l'une desquelles on trouua deux Iuifs, qui ayans embrassé le Christanisme seruirent depuis de truchemens & s'acquitterent tresbien de leur deuoir.

EN ces entrefaites, Albuquerque receut nouuelles de la mort du Roy de Cochim, lequel (suiuant ce qu'en auôs discouru ci dessus) auoit inuiolablement gardé l'alliance par luy contractée avec les Portugallois, puis quittant toutes affaires & le gouuernement du royaume s'estoit retiré en vn turcol pour y passer le reste de sa vie au seruice de ses dieux. Le fils de sa sœur luy auoit succédé selô la coustume du pais. Or il auoit vne loy portât que si le Roy par deuotion quittoit la couronne pour employer le demeurant de ses iours à viure solitairement en quelque lieu à l'escart & vacquer aux affaires de sa superstitiô incontrinét apres sa mort, son successeur seroit contraint laisser le gouuernemēt du Royaume, & se retirer en la mesme solitude, afin de succeder à son oncle en deuotiô (quoy que forcée) aussi bien qu'en dignité royale: & lors celuy à qui les loix adiugeoyent la couronne s'emparoit du Royaume. Cela se pratiquoit, toutes & quâtes fois que quelque Roy laissoit l'estat de son bõ gré pour deuenir moine. Or au temps qu'Edouard Pacheco faisoit la guerre au Roy de. Calecut, le prince qui deuoit succeder au Royaume auoit abandonné son oncle & s'estoit ioint au Roy de Calecut sôn ennemy: à cause de quoy il fut priué de son droit, & vn autre neveu appellé pour succeder au Roy de Cochim, lequel estant decédé, celuy qui c'estoyt ainsi vilainement reuolté & rangé au party des Calecutiês comen-

11.

*Mort du Roy
de Cochim, la
coustume du
pais en la suc-
cession Roya-
le.*

ça à presser son cousin de luy quitter la place & entrer en la moinerie. Le nouveau Roy ayant demandé auis aux Portugallois, qui ne pouuoient souffrir cōment que ce fust que ce perfide & mal-heureux leur ennemy coniuré prinst possession d'un royaume dōt ils estoient protecteurs, esconduisit tout à plat son cousin, lequel voyant sa superstition mesprisee, & par ce moyen luy decheu de l'esperance de regner, assembla force gēs que luy bailla le Roy de Calecut, puis entra à main armee sur les limites du royaume de Cochim, Albuquerque entendant celà, fit voile en Cochim, donna ordre à ce que rien ne defaillit pour l'entretenement de la guerre, & laissa au Roy pour sa garde quelques vaillās hōmes pour faire teste à l'ennemy. Ceste venue d'Albuquerque effroya celuy qui querelloit le royaume & le fit retirer: mais quād il sentit Albuquerque en Cananor, il se remit aux chāps avec ses forces, pour gueroier à bē esciēt sur la frontiere de Cochim. Nonio Vasque de Blāccastel & Laurent Morene allerēt au deuāt avec quelques troupes, luy dōnerent bataille, le desfirēt, tuerēt vne partie de ses gēs, mirēt le reste à vau de route, & le Prince mesme se sauua à toute peine. Enuirō ce temps vint vers Albuquerque vn ambassade du Roy de Cābaje, pour luy faire entēdre de la part de son maistre que le bruit estoit qu'Albuquerque armoit pour entrer en la mer d'Arabie: quoy auenant, ce seroit chose tresagreable au Roy, si Albuquerque alloit mouiller l'anchre en l'un des ports de Cambaje, afin qu'eux deux peussent traiter ensemble des affaires de paix. Outre plus cest ambassade apportoit lettres de cinquante Portugallois que son Roy tenoit prisonniers. Iceux estans partis de Zacotora avec Alfonso Norogne, furēt trouvez d'une bourasq̃ en la coste de Cābaye, tellemēt que leur vaisseau se rōpit. Norogne & autres qui se ietterēt sur des ais à la mercy de la mer auoyēt esté engloutis des vagues. Mais ceux qui se tindrēt dās le vaisseau, apres que le plus marin se fust retiré se sauuerēt à pied en terre ferme, où ils furent prins des gens du pays & menez au Roy. Ils supplioyent Albuquerque d'auser à tous moyens possibles pour les tirer de là. Albuquerque fit responce propre pour entretenir le Roy en sa bōne volonte, & donna bōne esperance aux prisonniers, ce qui

*Guerre en
Cochim &
son issue.*

les resiouit en leur misere.

13.
*Troiesime
guerre entre-
prise contre
Goa.*

A v mesme temps Albuquerque auoit équipé vne flotte de trente quatre nauires, en laquelle y auoit quinze cés Portugallois & trois cens Indiens. Estant party de Cananor il arriua au haur d'Onor, où Timoja le vint trouuer & auertir qu'apres son depart la ville de Goa auoit esté fortifiée de tranches, fossez, murailles, rempars, bien munie d'artillerie & de gens de guerre, & que la garnison montoit à plus de neuf mille soldats, parmy lesquels y auoit grand nombre de Turcs. Lors Timoja espousoit la fille d'vne certaine Royne de Gozompen laquelle auoit quelque estendue de pays en ces quartiers là. Albuquerque se trouua aux nopces pour faire honneur à l'espoux, puis ils resolurent ensemble que Timoja passeroit à pied de la terre ferme en l'Isle: & quant à ses trois nauires il les ioignit à la flotte d'Albuquerque, & en donna la lieutenance à vn nommé Melras, sur la vaillance duquel il se reposoit grandement. Melras donnant à toutes voiles dás le port, estonna tellement la garnison de Pangin, qu'ils se retirèrent en desordre dedans la ville: toutesfois aucuns furent attrapez & menez à Albuquerque qui sceut d'eux en quel estat estoient les affaires de Goa. Puis ayant ietté les anches Albuquerque enuoya deuant Ierosme & Iean Limice freres avec quelques autres Capitaines, pour aborder la ville de plus pres. Eux executent en grand danger ce qui leur estoit enioint, & rapportent que la ville estoit bien remparée & munie d'vne tresforte garnison. Ce nonobstant Albuquerque s'appresta pour l'assaillir, & pource que son intention estoit de mettre promptement la main à la besongne, estimant que la victoire consistoit à estre soudain, il resolut faire tous ses efforts d'y entrer le lédemain qui fut le vingtiesme de Nouembre. Premièrement il arresta de faucher & rompre les corps de garde disposez çà & là, puis se camper & retrancher: cela executé faire bresche raisonnable, puis donner l'assaut. Mais son entreprise succeda encores mieux qu'il ne l'auoit desfeignée du commencement, comme nous le verrons tantost. Ceste nuit il fit voguer deuant les galeres & caruelles, commandant aux Capitaines de canonner la ville sans relasche quelconque, afin d'oster le repos aux enne-

mis, & les accabler plus aisément le lendemain qu'ils seroyent encores tout recreus d'auoir tât veillé. Luy sur les trois heures de matin descend en son esquif, comme aussi firent les autres Capitaines, & sans bruit mit ses troupes en terre au point du iour, rangeant ses troupes incontinent en bon ordre. Avec cinq cés Portugallois & les trois cens Indiens il tira vers le corps de garde posé au Septentrion. Les autres Capitaines assaillirent vne grosse troupe d'ennemis qui gardoit la descente. Ierosme & Iean Limice, Lacerde, Begie & autres Capitaines suivis de trois cens hommes donnerent dedans vn corps de garde qui regardoit la ville. Vasconcel & Payua, qui auoyent mesme charge, assaillent furieusement les ennemis qui estoient sur le milieu. Les Andrades, Arias de Sylues & autres chefs prennent la charge de se rendre maistres du quartier qui s'estendoit iusques à vn lieu nommé le canal de Timoja. Les ennemis polez en garde s'efforcèrent de chasser les Portugallois à coups de canon : mais ils perdirent peine & pouldre, car ils ne peurent avec leurs bales & boulets leur empescher l'approche. Il y auoit en l'vne des portes, que les Chrestiens ont depuis appellee de sainte Catherine, vn Capitaine de Goa, commis pour auiser où il seroit besoin d'enuoyer secours, & y marcher luy mesme si la necessité le requeroit. Voyant les vns aux mains contre les autres, & de quelle violence les Portugallois chargeoyent leurs ennemis, il appella des compagnies nouuelles de la ville, qui accourent en foule, & lors le combat recommença plus aspre & furieux que deuant. Les ennemis estoient en trop plus grand nombre, mais Dieu ayda aux Portugallois tellement que le corps de garde que Ierosme & Iean Limice auoyent assailly ayant esté rompu le premier, les autres Capitaines eurent mesme heur ailleurs, & contrainquirent les ennemis de se sauuer dans la ville. Alors ils les poursuivirent de si pres que ils se meslerent ensemble : de telle façon que quand on voulut fermer les portes, les Portugallois se trouuerent entre deux. Denis Fernand Melio entré le premier, ietta à trauers vne grosse pertuisane, pour tenir la porte entrebaillée. Quelques autres qui le suiuyent firent de mesme. Ce nonobstant les ennemis faisoient tous leurs efforts

*Prinse de Goa
par les Portu-
gallois avec
notables faits
d'armes de
part et d'au-
tre.*

de fermer la porte, & y eut là vn étrange tumulte, car ceux de la ville voyoyent que leur vie & salut consistoit à empêcher l'entree aux Portugallois, lesquels au contraire s'asseuroyēt d'emporter la victoire si ceste porte demouroit ouuerte: & ainsi quelques fois les vns la fermoient; puis les autres la r'ouuroient. Finalement les Portugallois presserent & pousserent tant qu'en despit des ennemis ils en demurerent maistres: treize entre autres qui y auoyent tousiours valeureusement combatu, apres s'estre fait large à coups d'espee entrerent la teste baissée & merueilleusement eschauffez au combat dedans la ville. Les ennemis reculoient tellement qu'ils ne laissoient de descocher vne infinité de feschés & autres traits cōtre ceux qui les poursuioyēt. Des fenestres & de dessus les toits on iettoit tant de cailloux que les Portugallois ne sçauoyent où se touraer, au moyen dequoy les ennemis se rassemblent & les assaillent pour les chasser dehors. Arias de Sylues, Mendeze Alfonse de Tingi, puis Fernand Andrade, Manuel de Cugne & Anthoine Garcez suruindrent à point avec vne troupe de soldats qui recommencerent la partie, & mirent les ennemis en route de tous costez. Les vns s'enfuirent au palais de Zabaim, les autres s'escarterent par diuerses rues, ce qui fut cause que les Portugallois se desbanderent de rechef en les poursuuāt. Vingt d'entre ceux qui poursuuiuent ceux qui s'estoyent retirez chez Zabaim se trouuerent en grand danger: car les ennemis se rendirent là, leur coururent sus de toutes parts, tuerent Vasque de Fonseca & Vasque Coello qui les pressoyent de trop pres. Ierosime Limice ayāt perdu beaucoup de sang & le souffle luy defaillant tomba par terre. Ses compagnons voyans cela commencerent à reculer. Alors Mendeze Alfonse & Arias de Sylues commencent à crier à haute voix apres les Portugallois pour recommencer le combat, & donnent de telle furie à trauers les ennemis qu'ils renuersent tout ce qui leur osa faire teste. Les autres Portugallois entrans par les maisons, furent cause que leurs compagnons demurerent beaucoup plus longuement attachez au combat par les places, & salut qu'ils sortissent pour aller au secours. Entre autres Iean Limice, lequel rencontrant son frere par terre

respirant encor, vaincu de l'amour fraternelle s'arresta tout court. Mais Ierosme luy dit, passe oultre, mon frere, ce ne te seroit pas honneur de perdre courage maintenât & oublier à faire le deuoir de vaillant homme. Ne te fasche point de ce qui m'est aduenü : car auant que mourir i'ay combatu autant que ma force la peu porter. Combien que Iean fust oultré de douleur, toutesfois picqué par les propos de son frere expirant, auquel il ne pouuoit rendre la vie, entra de piedz & de teste dans la foule des ennemis, de tant plus que le regret de la mort de son frere luy haussioit le courage. Il y auoit deuant l'entree du palais de Zabaim vne plaine & vne petite colline au bout. C'estoit en ceste plaine que les grands coups se ruoyent : mais en moins de rien on vid sortir force gens de cheual & de pied hors de ce palais fort spacieux, qui enfermerent les Portugallois & les eussent tuez tous, si Vasconcel ne fust suruenü avec ses troupes : car en entrant dans la ville cōme en bataille rangée, il poursuiuoit les fuyards, sans iamais permettre aux siens de se desbander. Ainsi comme il couroit sus aux ennemis ramassez, leurs Capitaines recuillirēt nouuelles troupes sur le costau, & voyās combien estoit petit le nombre des assaillans, ils reprindrent cœur, donnerent vne charge fort rude aux Portugallois, & les ferrerēt de si pres qu'ils les cōtraignirent de reculer & mōter les degrez bastis en façon de theatre autour du palais de Zabaim. Apres auoir quelque peu repris leur halaine sur ces degrez, & soustenu le choc longuement, ils retournerēt au combat comme si de tout le iour ils n'eussent rien fait, & tuerent grand nombre d'ennemis, entre autres vn More fort puissant mōté à cheual, lequel tombé par terre vn valet de Manuel Lacerde se saisit du cheual & l'ameine à son maistre qui auoit esté griefuement blessé d'un coup de fiesche en la ioue : le bois de la fiesche estoit tombé & le fer demeuré dans l'os de la machoire, dont sortoit le sang en abondance. Mais ny l'effusion du sang ny la douleur d'une telle playe ne le destournoyent du combat, ains estant monté à cheual, il courut sus de telle impetuosité à huit cheualiers Indiens, qu'il les mit en fuite. Les autres ennemis commencerent lors à se refroidir, se cōtentans seulement de faire teste,

puis ils se prirent à reculer, & finalement se sauuent les
vns çà & les autres là, avec telle frayeur que plusieurs se
jetterent des murailles en bas.

Ce pendant Albuquerque, qui auoit prins vn autre
chemin pour gagner vne tranchee & corps de garde assis
en vn lieu assez loin de la mer, gagna le dessus d'vn co-
stan, d'où entendant la scopeterie des harquebuzades,
les hauts & effroyables cris, & les lamentations des fem-
mes, il enuoya quelqu'vn de sa compagnie vers la ville
pour luy apporter nouuelles de l'estat de ses gés au com-
bat. Mais comme il estoit ardent, impatient, & tousiours
au guet apres l'occasion, il n'attendit pas le retour de son
homme, ains marcha au grand pas vers la ville, & lors il
rencontra vne grosse troupe d'ennemis qui se sauuoient.
Le combat recommença aussi aspre que de tout le iour,
car les ennemis irritéz & en grand nombre, marris & des-
pitéz de leur fuite, & ne pouuans esperer de reprendre
Goa, estoient comme enragez. Les soldats d'Albuquer-
que qui n'auoient eu leur part aux combats dans la ville,
& ne voulans estre estimez moins habiles que leurs com-
pagnons, combatoyent d'vne ardeur incroyable, si qu'en
fin vne partie des ennemis ayât esté mis en pieces, les au-
tres se garentirent à bien courir. Albuquerque entré de-
dans la ville, rendit premierement graces à Dieu, par la
faueur duquel il paroissoit que ceste place auoit esté con-
quise. Car quel plus beau tesmoignage de la presence di-
uine eust on sceu obtenir que de se voir en dedâs six heu-
res maistre d'vne grande ville pleine d'armes, d'artillerie,
de vaillans Capitaines & soldats, & d'vn meueilleux nô-
bre de peuple, conquis par vne poignée de gens? Pour
admirer cela encores plus, c'est chose certaine que ce iour
quelques ennemis combattirent si obstinément au palais
de Zabaim, qu'encor que les Portugallois esmeuz de grâ-
de compassion leur promissent non seulement la vie &
liberté sauue, ains aussi recôpense de leur prouesse: neant-
moins ils aimerent mieux se faire tuer sur la place que re-
cevoir la vie de leur ennemy, estimans cela le plus igno-
minieux du mode. On tient qu'il y eut plus de trois mille
hommes occis dedans la ville. Les Portugallois y perdi-
rent quarante des leurs, entre autres Ierôme Limice,
Vasque

*Victoire des
Portugallois
maistres de
Goa en peu
d'heures.*

Valque de Fonsecque, Cosme Coeillo, Anthoine Voga-
de, Anthoine Garcez, Aluar Gomeze, & Pierre Gomeze
Limice. Quant aux blesez, le nombre monta à plus de
trois cens. Albuquerque craignant que l'ardeur du com-
bat n'emmenast les gens trop loin, & qu'en poursuivant
leurs ennemis ils ne s'escartassent & qu'il ne leur survinst
quelque inconuenient, cōme il aduient quand la victoire
read les hōmes insolens & leur fait souuent oublier toute
discipline, commāda que lon fermast promptement tou-
tes les portes de la ville. Puis tout à loisir, selon qu'il auoit
protecté de se venger de la meschanceté des habitans de
Goa, il fit brusler les fauxbourgs. Ces choses executees
Timoja arriue avec vne armee de trois mille hommes &
s'excuse de son retardement, dont Albuquerque se con-
tenta. Au reste, quand il n'eust eu autre raison que son re-
tardement, la soudaine prinse de Goa le deschargeoit as-
sez de toute mauuaise presomption. Ce pendant i'estime
qu'il y eut vne autre cause pourquoy il n'amena ce se-
cours à temps : c'est qu'il ne conuenoit pas que des bar-
bares idolatres eussent part aucune en la guerre que dieu
vouloit faire, ny honneur quelconque avec les Chre-
tiens qui s'y employerent comme nous l'auons veu. Le
butin consista en vne fort grande quantité d'armes, d'ar-
tillerie, de viures, de munitions de guerre & de vaisseaux:
car on n'auoit rien laissé en la ville, sinon ce qui pouuoit
seruir pour la defense d'icelle.

A L B U Q U E R Q U E chassa tous les Sarrazins hors du territoire de Goa, & permit aux autres qui n'estoyent pas Mahumetistes, d'habiter en l'Isle, pourueu qu'ils payas-
sent entierement au Roy de Portugal le tribut qu'ils bail-
loyent à Zabaim. Puis il fit crier à son de trompe que tous
marchans pourroyent entrer en Goa avec cheuaux &
marchandises, dont il leur donneroit ample sauſconduit,
promettant solennellemēt de les y maintenir contre tou-
te violence & iniustice. Il establit Manuel de Cugne Ca-
pitaine de la Citadelle de Cananor, & appella Roderic
Rabel qui y commandoit pour le mettre en la forteresse
de Coa. Fernand Andrade, Pierre Fonsecque de Castre &
Anthoine Sale eurent charge de courir la mer de Goa
pour asseurer la route à tous marchans qui y voudroyent

*Ordre donné
aux affaires
de Goa apres
la prinſe d'i-
celle.*

venir trafiquer. Puis il commanda à George Botel & à Simon Alfonse Belagu de roder la mer de Calecut & y faire du pis qu'ils pourroyent. Chascun d'eux executa sa commission. Andrade descourrit vne nauire d'Ormuz, ignorant d'où elle estoit la poursuiuit, pource qu'elle ne vouloit pas baïsser les voiles, tellement qu'elle vint dōner dedans le port de Dabul. Le gouuerneur de Dabul tāscha de repousser Andrade à coups de canon d'une tour qui commandoit sur le port: mais Andrade ayāt prins terre força ceste tour, la destruisit, print l'artillerie qui estoit dedans & la fit charger en sa nauire. Botel assaillit vne grande nef de Sarraïns, & apres l'auoir longuement batue & percee en plusieurs endroits, il la pilla, laissant le vaisseau inutile à la nauigation pour ce que l'equipage estoit tout brisé. Pour le regard d'Albuquerque il donna bon ordre à l'erection des ports & peages, dressa l'estat de la ville & la forme du gouuernement public: puis embrassa vn autre affaire digne d'eternelle memoire, contre l'auis de plusieurs. Mais auant que d'en parler, il ne sera pas impertinent de monstrier en peu de mots en quoy Albuquerque & Almeida se trouuoient de contraire opinion.

14.

*Cōparaison
d'Albuquerque
& d'Almeide au
gouuernement
des Indes.*

Ces deux grands Capitaines, sages & vaillans entre tous autres, se proposoyent vn mesme but, mais ils n'y visoyent pas d'un mesme œil. L'un & l'autre auoit deliberé employer sa vie à tout hazard & danger, tant grand peust il estre, pour la religion Chrestienne, pour la grandeur du Roy de Portugal, & pour maintenir la reputation d'un bon chef de guerre. Mais l'un differoit de l'autre en ce qu'Almeide estimoit chose mal seure d'assaillir les villes, de peur de separer ses forces & les rendre plus foibles, Pourtant sa deliberation estoit de tenir la mer, iugeant que le maistre d'icelle estoit Seigneur de toute l'Inde. Voila pourquoy il ne vouloit bouger des nauires, & pourueu qu'il eust vn haure assure à son commandement, il ne se donnoit peine quelconque de tout le reste: disant qu'il seroit impossible d'enuoyer tous les ans du Royaume de Portugal tant de soldats qu'il faudroit pour garnir les fortereſſes & Citadelles. Que qui voudroit entreprendre cela, il semeroit çà & là les Portugallois à la mercy des ennemis, au lieu qu'estās ioints ensemble ils estoient

redoutez de tous les Indiens. Au contraire Albuquerque faisi d'une plus haute esperance, que les grands esprits ont accoustumé de concevoir ordinairement, remuoit souvent en sa pensee les moyens d'asseurer non seulement les affaires des Portugallois pour quelques annees, mais aussi d'y donner pied ferme à leur domination laquelle il s'asseuroit de voir estre de grand estendue à l'auenir: estimant qu'il ne faloit pas simplement regarder come tous les ans les nauires retourneroient chargees de poyure en Portugal, mais plustost en quelle façon on pourroit poser les fondemens de l'empire d'Emmanuel & de ses successeurs en Inde. Et d'autant plus que le secours estoit loïn, plus tenoit-il qu'on deuoit estre soigneux d'occuper & peupler diuers ports en Inde, afin de semer la nation Portugalloise en tant de lieux, que lon en peust au besoin leuer vne armee en Inde mesmes. Au reste, il disoit que la mer estoit vne peu seure retraite à ceux qui n'auoyent quand & quand quelque moyen en terre. Qu'une seule tempeste pouuoit engloutir la plus grosse flotte qu'on scauroit desirer: que les commoditez de la terre reparoient les pertes des nauires, & n'estoit malaisé de recouquerir la domination de la mer. En apres il tenoit pour chose tresdangereuse d'enclorre la flotte de Portugal en vn destroit, sur tout où la terre seioit maigre, sterile, & mal propre pour entretenir vne armee durât l'hyuer. Pourtât estimoit-il ceux pouruoir tresmal au tēps auenir qui s'asseuroient pouuoir accommoder les affaires des Portugallois au Royaume de Cochim ou de Cananor, parmy vn si grand nombre d'ennemis iurez du nom Chrestien, & qui ne faisoient qu'espier les occasions pour ruiner les Portugallois. Que le lieu qui n'auoit autre defense q̄ de soy mesme n'estoit pas assez assure, ains celuy auquel on pourroit donner secours de plusieurs autres endroits. Que la domination de la mer n'affoiblissoit point ceste occupation de places, ains plustost la fauorisoit & accommodoit: car plus la flotte auroit de hautes & de retraites, plus aisément pourroit elle nauiguer, & plusieurs lieux fourniroient plus commodément qu'un seul les materiaux propres pour bastir ou racoustrer les nauires. Finalement, il estoit entierement d'avis q̄ celuy qui voudroit se maintenir seigneur des Indes,

non point pour la vie d'un homme seulement, ains pour
 iamaïs, deuoit bastir vn fort qui se peupleroit de toutes
 sortes de gens: si qu'en temps de necessité, il ne faudroit
 pas tousiours attēdre apres le secours de Portugal, lequel
 en si longue & perilleuse nauigation perit pour la plus-
 part de diuerses maladies, ou se perd es flots de la mer, ou
 est retenu par la rigueur de l'hyuer, ou est contraint se re-
 poser & quitter les armes, tant les travaux de la mer l'ont
 affoibly & rendu inutile. L'issue des affaires a verifié lōg
 temps apres la mort d'Albuquerque combien son aduis
 estoit propre & necessaire. Car lors que Solyman Empe-
 reur des Turcs enuoya le gouuerneur d'Egypte avec vne
 puissante flotte en Inde pour deposseder les Portugallois,
 & qu'iceluy se vint camper deuant la Citadelle de Diu,
 laquelle il battit furieusement l'espace de plusieurs iours,
 & fit tous ses efforts de l'emporter: encores que les assie-
 gez l'endommageassent grandement, toutesfois il n'eust
 pas si tost leuē le siege, s'il n'eust receu nouuelles de la
 grande flotte qui arriuoit en Goa pour le venir combattre
 au port de Diu. Et de rechef, quand le Roy de Cambaje
 avec vn puissant secours de Turcs fut campé six mois du-
 rant deuant ceste Citadelle, il n'eust pas esté si aisément
 chassé & desfait par Iean de Castre viceroy de Portugal
 en Inde, si Goa n'eust fourny armes gens & viures qui
 hastèrent d'autant la victoire. Car ceste ville est deuēue
 si grāde, qu'on y peut leuer des armées entieres, & equip-
 per des flottes bien puissantes. Albuquerque pesant meu-
 rement ce qui est aduenu posa si bien les fondemens de
 l'estat de Goa, qu'il est malaisé de ruiner ce qu'il y a dres-
 sé. Mais d'autant qu'il n'y auoit point de femmes Portu-
 galloises, qui estoit le moyē de peupler, il faisoit baptiser
 les Indiennes prinſes en guerre, & les marioit à ses sol-
 dats, ausquels il assignoit quelques possessions en l'Isle
 confisquées sur les Sarraſins, & leur faisoit d'autres fa-
 ueurs & presens pour les attirer en tels mariages. Par
 ainsi, cōme Romulus bastit Rome, & Theseus fit venir les
 payſans des villages de l'Attique en Athenes, ou comme
 quelques autres ont fondé des villes, on peut aussi dire
 qu'Albuquerque à esté le fondateur de Goa, laquelle il a-
 uoit conquis par sa valeur & à la pointe de l'espee.

TANDIS que les affaires passoyent ainsi en Inde, ce qui s'ensuit auint en Barbarie. Ataïde gardoit la ville de Safin pour le Roy de Portugal, & par ses courtes tenoit les Mores en continuel alarme, ramenant à tous coups force butin de leurs villages. Entre autres il print vif vn certain More que les autres adoroient presques, le tenàs pour vn treslainct personnage. Il se tenoit dans vn Chasteau bien fortifié & muni d'artillerie & de soldats: mais la place fut forcee par Ataïde, partie de la garnison tuee, les autres emmenez prisonniers: Brief Ataïde estoit tellement tout le pays, que les villes, villages, communantez & chastellenies demanderent la paix, receurent les conditions qu'Ataïde presentoit, & payoyent les tributs à quoy ils estoient taxez. Mais d'autant que ceste nation est desloyale & peu soucieuse de religion, elle creut aisement les autres Mores qui luy persuadoient de rompre promesse, & se disposa pour faire la guerre ouuerte aux chrestiens: Incontinent les Mores s'amassent de tous costez, & se trouuerent cinq mille cheuaux & plus de soixante mil hommes de pied, qui se viennent camper deuant Safin, le treiziesme iour de Decembre l'an mil cinq cens & dix: & dix iours apres ils eurent acheué leurs retranchemens & d'autres ouurages necessaires pour le siege: car ils dresserent plusieurs caualiers, firent des trenchées en bon nombre bien fossoyees & remparees, placerent les pieces pour la batterie en lieux commodes. Si tost qu'Ataïde eust entendu par ses espions qu'on le vouloit visiter, il escriuit au Roy, & despescha incontinent vn vaisseau en l'Isle de Madere pour amener secours de là. Simon Gonsalue de Camare gouverneur de l'Isle estoit lors pres du Roy en Portugal. Sa femme qui auoit vn cœur d'homme, & scauoit l'intention de son mary, gentilhomme vaillant & prompt à faire seruice, leua en diligence incroyable & avec grande despenſe vne cōpagnie dont Manuel Norogne frere du gouverneur eut charge. Ataïde disposa les corps de garde, & commit chascun d'iceux à des gentils-hommes qui auoyent commandés guerres, avec certain nombre de soldats: & n'oublia rien du deuoir d'un bon chef en la fortification de la ville, retenant pres de soy le plus de gens qu'il fut possible pour courir es en-

15.

Siege de Safin en la coste de Barbarie.

droits où le danger paroistroit plus grand. Or afin de mieux cognoistre le camp & la contenance des ennemis, il sortit de la ville avec trois cens septante cheuaux, cent pietons, & quelques pieces montees sur roues, & gaigna vn petit costau, faisant desployer vne banderolle pour signal de bataille, si les ennemis vouloyent ioindre. Mais d'autant qu'ils ne bougeoient il remena ses troupes en la ville. Le vingt-troisiesme iour du mesme mois les ennemis conclurent de donner vn assaut à la ville, ce qu'ils firent avec vne merueilleuse impetuosité, car ils estoient en fort grand nombre. Les gentils-hommes & Capitaines de leur costé ne se contentoient pas seulement d'assister & encourager les soldats, ains aussi regardoyent où il y auoit plus de danger & y couroyent, talschans de mōter les premiers pour encourager les autres à faire comme eux. Ils plantoyent eschelles, trainoyent mantelets pour se couvrir en sapant les murailles, & ne cessoient de descocher fleches & lancer dards pour accabler les assiegez, qui de leur part firent vne estrange boucherie de leurs ennemis à coups de trait, d'arquebuzades, de lances & pots à feu; tellement que quatre cens des assiegeans furent ruez en cest assaut. Le lendemain Ataide suiuy de huit cheuaux seulement sortit aux chāps pour trouuer moyen de surprendre quelqu'vn afin de scauoir nouuelles du dessein des ennemis: mais il ne fit rien pource qu'il fut incontinent descouuert, & pourtant il se retira dans la ville apres auoir tué deux Mores rencontrez en son chemin. Or les ennemis voyans qu'ils ne pourroyent plus guerres demeurer là à cause de leur multitude qui ne pouuoit estre commodement nourrie ny retenue en discipline, delibererēt employer toutes leurs forces en vn assaut general pour emporter la ville, si possible estoit. Ainsi donc le trentiesme iour du mesme mois de Decembre ils vindrēt à la breche de telle fureur, & l'assaillirent en tant d'endroits avec tant de coups de trait & de tous engins de guerre, que plusieurs tous esperdus quittoient les places où ils auoyent esté establis. Toutesfois Ataide, se presentant par tout, couroit notamment là part en laquelle les ennemis combatoyent plus asprement, encourageant les vns par viues remonstrances, louant les autres, enuoyant

gens de renfort prins de sa troupe es endroits les plus pressez, & cōbatant luy mesme de fois à autres en vaillār & experimenté soldats. Mais voyant que les plus grans coups se dōnoient en la bresche regardant la mer, il s'arresta là pour faire par sa presence que ses soldats repoussassent plus aisément les ennemis, lesquels sans aucune crainte venoyent à l'escalade, taschoient en d'autres endroits de donner le sault aux murailles avec leurs machines: briefs'exposoyent à tous hazards pour se rendre maistres de la ville & mettre en pieces les assiegez. Toutesfois ils furēt si gaillardement repoussez que force leur fut de sonner la retraite, apres auoir cōbaru quatre heures entieres aux bresches, & perdu ce iour plus de six cēs hommes. Les furniuians estonnez leuerent le siege bien à la haste le dernier iour de Decēbre & avec tel bruit que leur deslogemēt meritoit plus le nom de fuite que de retraite. Ataide sort promptement avec quatre cens cheuaux & cent pietons pour donner sur la queue: il en tue quelques vns, prend des prisonniers, & ne voulut pas les suiure loin, de peur qu'estās les ennemis en si grād nōbre ils ne le chargeassēt quād ils le sentiroyēt loin de la ville.

16.

A PRES ce siege leuē, plusieurs Mores d'autour de Safin se rendirent vassaux du Roy de Portugal. Quāt à Ataides, encores qu'il fust ennemy de repos, & eust tousiours en teste quelque entreprise au desauantage des ennemis, neantmoins il se tint quoy iusques à ce que toute ceste armee venue au siege de Safin se fust escoulee. Mais ayāt entendu qu'il n'y en auoit plus de bandes en campagne, ains que seulement à deux lieues d'Almedine, l'vne des plus fortes ville de Barbarie à seize lieues de Safin vers le Septentrion, seiournoient cinq compagnies d'ennemis, qui ne pensoient nullement à la guerre, & qu'il pourroit surprēdre, il partit le second iour de Ianuier l'an mil cinq cēs onze, avec quatre cens trente hōmes de cheual, & cēs harquebouziers, & arriua de nuit au lieu assignē, où il ne trouua pas ceux qu'il cherchoit. Incōtinēt il despescha ses espions pour descouurir l'endroit de la retraite, qui rapporterent, apres auoir fait diligence, que les ennemis estoient à vne lieue de là, chose acoustumee entre ces peuples qui n'arrestent gueres en vne place. Surquoy Ataides

*Diverses con-
ses & victoi-
res des Portu-
gallois en la
coste de Bar-
barie.*

commenda à Manuel Norogne (lequel, comme dit a esté
 cy dessus, estoit venu de Maderc au secours de ceux de
 Safin) de picquer deuant avec neuf vingts cheuaux pour
 attaquer & retenir les ennemis. André de Caldeire &
 Iean Freite capitaines de gens de pied eurent charge de
 le suiure, afin de le soustenir, s'il en auoit besoin. Mais
 Norogne qui estoit ieune & bouillant, & ne cherchoit
 qu'à se faire valoir, ne voulut attendre ce renfort, ains
 commença à galopper de telle sorte qu'en moins de rien
 il fut bien loin des pietons. Ataide voyant cela enuoye
 apres au secours Manuel Ceruaire & trente cheuaux,
 avec charge de retenir Norogne, car il craignoit que
 ce ieune gentils-homme ne se fourast trop auant au dan-
 ger. Ceruaire ne sceut picquer si roide qu'il ne trouuast
 Norogne aux prinſes avec les ennemis: pourtant enuoya
 il en diligence vn des siens auertir Ataide que le combat
 estoit ia fort eschauffé. Ataide oyant ces nouuelles acourt
 à bride abatu suiui de quinze cheuaux pour donner se-
 cours, & laissa la charge à Aluar Ataide d'amener prom-
 ptement le reste des troupes. Ce pendant la partie estoit
 assez desauantageuse pour les Portugallois. Vn des prin-
 cipaux d'entre eux, nommé Aluar Roderic d'Azeuede, auoit
 esté tué d'un coup de lance. Bernard Manuel chambellan
 du Roy de Portugal, & vaillant entre tous autres, estoit
 tombé de cheual en terre à cause de sa blessure. Le More
 qui l'auoit abatu & nauré d'une playe profonde au bras,
 s'estoit saisi, malgré les Chrestiens acourus au secours, de
 la hache d'armes de Bernard, & s'en defendoit d'une mer-
 ueilleuse adresse contre tous. George Mendeze Ataide
 d'Algarue court à toute bride contre le More, & de tel-
 le roideur qu'il renuerſe le More par terre, où il fut incō-
 tinent mis à mort, & Bernard Manuel qui estoit demeu-
 ré esuanouy pour la douleur de sa playe, releué, remis
 à cheual & conduit où estoit le gros des troupes. Auant
 qu'estre ainſi blessé il auoit tué grand nombre de Mores:
 car quoy qu'il eust le cerueau foible, il ne laissoit d'estre
 tresapre au combat. Or combien que Norogne eust en-
 tamé ceste charge vn peu indiscrettement, toutesfois l'is-
 sue en fut assez heureuse: car auant qu'Ataide y suruinst
 les ennemis furent rompus & contrains se sauuer de

vistesse, plusieurs demurerent sur la place, & laisserent cent prisonniers avec assez grand butin. Ataide s'estant ioint avec Norogne descouurit assez pres vne grosse troupe, & se doutant de ce qui auint incontinent apres, disposa ses gens qui estoient tous arriuez. Les ennemis estoient en bon equippage & bien deliberez de combattre, au nombre de quatre cens cheuaux & mille pietons. Ils donnent de pied & de teste si furieusement parmi les Portugallois, que peu s'en salut qu'ils ne les rompiissent à ceste premiere charge. Le cheual d'Ataide y fut attain de trois iauelots qui demurerent attachez aux endroits des blesseures, tellement qu'Ataide fut cōtraint s'escarter, pour prendre nouvelle monture. Ce pendant les traits, fiesches, cailloux, la course impetueuse des cheuaux faisoient vn terrible bruit, & plusieurs blessez tomboyent par terre. Ataide estant rentré en la meslee apperceut vn sien seruiteur & Iean Lhomme, qui s'estoit tousiours bien porté aux guerres, combattans vaillamment à pied bō nōbre d'ennemis qui auoyēt tué leurs cheuaux : mais Ataide fit tant qu'il les tira de la presse. Le combat long temps, dura sans qu'on peust cognoistre qui emporteroit la victoire. En fin comme Ataide encourageoit ses gens à haute voix, tous reprindrent tel courage, qu'en vn instant ils firent demeurer trois cens Mores sur la place, & mirent les autres à vau de route, lesquels Ataide ne voulut qu'on poursuiuist, craignant que ces fuyards aidez de nouvelles forces qui se viēdroient ioindre à eux de toutes parts, selon la coustumes de ces peuples ne se ruaient sur les Portugallois escartez en la poursuite, & ne les desfissent à leur aise. Pourtant aimā il mieux tourner en arriere avec le butin. Mais il estoit loin de sa retraite, & les ennemis rassurez retournerent l'attaquer avec plus grandes forces qu'auparauant. Ataide & les siens soustenoyent la charge au mieux qu'il leur estoit possible, & de telle sorte que fissent les ennemis, iamais ils ne furent rompus. Toutesfois Ataide voyant qu'il ne faloit pas arrester beaucoup, autrement s'estoit faict de ses troupes, quitta tout le butin & le bagage pour se retirer au grand pas. Il perdit en ceste course, notamment au retour, treize hommes & dix sept cheuaux tuez :

il fit tuer trente autres cheuaux qui ne pouuoient plus marcher tant ils estoient foulez, & ne les voulut laisser en la puissance des ennemis, de peur qu'ils s'en seruissent contre luy.

En ceste mesme annee Ataide sçachât qu'à seize lieues de Safin y auoit vingt cinq bandes de Mores, delibera les aller charger. Alors grand nombre de Iuifs & d'Africains estoient en la ville avec marchandises & viures pour le trafic: au moyen de quoy Ataide fit clorre les portes, & y establit gardes, leur defendant de laisser sortir personne sans son congé, afin que les ennemis ne sceussent rien de son entreprise. Le mesme iour qui fut le vingt troisieme du mois d'Octobre, apres soleil couché il sortit en campagne avec quatre cens cheuaux & cinq cens hommes de pied, & marchant au pas se trouua sur le point du iour au lieu où il pretendoit, & surprenant les Mores les mit incontinent en route, fors trois cens tuez sur la place, cinq cens sept prisonniers, & si grand butin de bestail gros & menu & de chameaux, que la terre estoit couuerte l'espace d'une lieue. Mais pource que le chemin estoit long & pierreux, Ataide craignant que les ennemis ne se rassemblent de tous costez, & luy donnassent des affaires parmy tant de bestail, laissa la plupart du butin, & poursuivit la retraite avec le reste. Ses espions couroyent deuant qui l'auertirent que d'Almedine estoient sortis trois cens cheuaux deliberez de le charger. Lors il fit ranger le bestial & le bagage au milieu de toutes ses troupes, & demeura sur la queue pour soutenir le premier choc. Ainsi les ennemis estans acours fort impetueusement sur l'arriere garde, furent si brauement repoussez, que de la en auant ils n'oserent plus approcher de si pres: & Ataide entra sur la nuict dans Safin avec tout le bestial & bagage sans autre nouuelle empeschement. Les Mores d'alentour ayans esté battus si souuent s'auiserent de demander la paix & receuoir le ioug de Portugal: tellement que plusieurs villages des montagnes & de la plaine, quelques chastellenies, viles & communes se rendirent au Roy Emmanuel, promettans payer tous les ans le tribut qui leur fut imposé, à sçauoir une tresgrande quantité de froment. Les ennemis estoient tel-

lement estoient que ceux de Maroch mesmes ne scauoyent quelque party prendre, & beaucoup d'entre eux se retiroient au haut & au loin pour n'estre reueillez à toutes heures des mauuaises nouuelles de la desfaite de leurs compatriotes. Les confederez & tributaires du Roy de Portugal viuoient en seureté, iouissans de leurs heritages & reuenus sans aucun empeschement. Et tous ces reuenuemens, soit pour le fait de la guerre, soit pour l'accroissement des tributs du Roy, Iehabentafus se porta fidelement & vaillamment, apres qu'Emmanuel l'eust receu en grace, & honoré de quelques perseuera pour le retenir en son seruice, en quoy il preserua iusques au dernier soupir comme nous le verrons plus amplement cy apres.

MAINTENANT c'est bien raison que nous descriuions ce qui auint en ces entrefaites à Edouard de Leme, auant qu'il arriuaist en Inde: car iusques à present nous n'auons peu commodement entrer en ce discours. Leme ayant fait voile du cap de Guardafu, print la route d'Ormus, & enuoya dire au Roy, qu'il estoit enuoyé la de la part d'Emmanuel pour donner secours à l'isle & faire tout ce qui seroit requis pour maintenir ce Roy en sa dignité: le priant au reste d'oublier tous les torts qu'Albuquerque luy auoit faits, & attendre à l'auenir tous offices & deuoirs de bonne amitié des Portugallois. Quant à la conseruatiō de l'isle l'on scauroit que plusieurs Princes voisins estoient enuenimez contre le Roy, à qui le secours des Portugallois viendroit bien à point, ausquels partant deuoit estre permis prendre terre & se loger en l'isle, & auoir quelque lieu fort pour garder plus aisément la ville: ce qui estoit plus à l'auantage du Roy que des Portugallois. Il demandoit donc permission de paracheuer la citadelle qu'Albuquerque auoit commencee. Cojcatar fit response que le Roy & luy satisferoyent tresvolontiers à tout ce qu'ils auoyent promis à Albuquerque, mais que quant à la citadelle ils ne permettoyent nullement qu'on la paracheuast. Ainsi donc ils fournirent la somme de quinze mille escus suyuant le traité passé avec Albuquerque, prierent Leme de descendre & se venir reposer en la ville, & receurent humainement tous ceux de sa suite. Leme ne se sentant pas assez fort pour faire

17.

*Nauigatiōs
exploits
d'Edouard de
Leme en Or-
mus & ail-
leurs iusques
à son retour
en Portugal,*

la guerre, monstra semblant de trouuer la paix bonne, & apres auoir seiourné deux mois en Ormus, à cause que le temps n'estoit pas propre pour la nauigation, il s'embarqua, & fit voile en Mascate, d'où il enuoya, comme dit à esté cy dessus, Vasque Sylueire en Inde pour demander à Almeida quelques nauires de renfort. De là il paruint en Zacotora, où il tomba malade, & pour recouurer sa santé, (à cause que l'air du pais estoit mal sain, & les exhalations des marests fort fâcheuse) il se retira en Melinde. Albuquerque, qui estoit desia viceroy, enuoya querir Alonse Norogne par Antoine de Nogueire, & escriuit à Leme que pour la perte receue en Calecut il ne pouuoit diminuer le nombre de ses vaisseaux, craignant que plusieurs ne se reuollassent & machinassent quelque chose au preiudice des Portugallois: & qu'apres auoir appaisé les desordres prochains de luy, il iroit en personne mener le secours à Leme. Albuquerque faisoit des lors estat d'aller iusques en la mer d'Arabie, pour combattre la flotte du Sultan d'Egypte, laquelle on disoit y deuoir se presenter bien tost: mais ce fut vne fausse nouuelle. Quât à Leme il estoit encor en Melinde. Francisque Pereire Berrede & Alonse Norogne s'estans embarquez dans le vaisseau de Nogueire coururent la mer ce pendât avec luy pour butiner sur les premiers trouuez. Ils prirent vne grand' nauire de Cambaye pleine de richesse, ce qui leur haussa tellement le cœur que, sans attendre d'auantage ils passerent en Inde, & apres auoir trauersé Batticala, vne tourmente les agita de telle sorte que la nauire de Cábaje gouvernee par vn pilote Arabe, se vint rendre au port de Dabul, où elle fut brisée, & les Portugallois arrestez prisonniers de Zabaim. La mesme tourmente ayant contrainct Nogueire de tirer au haur d'vne ville de Cambaje nommée Dama, son vaisseau se rompit, & Alonse Norogne s'estât ietté trop tost avec quelques autres sur des aix pour gagner le bord fut englouty des vagues avec ses compagnons, comme dita esté. Les autres demeurerez dedans le vaisseau furent prins & menez au Roy de Cambaje, ainsi que l'auons touché cy deuant. François Pantoye enuoyé par Albuquerque en Zacotora, apres auoir traicté la mer Indique, print vne

grand nef nommee Meri, en laquelle commandoit vn parent du Roy de Cambaje, & qui poussee de la rourmēte sus mentionnee auoit esté contrainte faire iect, & la conduisit en Zacotora, où il trouua Leme retourné de Melinde, qui auoit estably pour gouuerneur de la forteresse Pierre Correa, d'autant que le capitaine d'icelle estoit decedé. Quant à la nef prinse par Pantoje en ceste route, quoy qu'il sceust alleguer, Leme se fit croire qu'elle luy appartenoit comme ayant esté prinse és plages de mer à luy assignez pour la guerre, & pourtant il se rendit maistre de la nef & de tout ce qui estoit dedans. De Zacotora Leme singla en Inde où il fut honorablement recueilly d'Albuquerque, qui fit beaucoup de choses en sa faueur, & telles qu'un autre en eust esté feschy du tout: mais pour tout cela Leme ne sceut iamais se ioinde avec Albuquerque, lequel luy ayant discouru de son entreprise sur Goa la luy fit trouuer telle que Leme promit s'y trouuer. Ce pendant il auoit mesdit en cachettes d'Albuquerque, & denigré son nom en maintes sortes, disant que Goa estoit imprenable, & que mesmes estant prinse les Portugallois n'en seroyent aucunement accommodez. Plusieurs auoyent volontiers presté l'oreille à telles mesdisances, & semoit-on des propos suffisans pour esmouuoir des querelles & tumultes estranges, si Albuquerque n'eust resisté au mal qui naissoit, en dissimulant, & en amortissant par douceur & gracieuseté la folie de cest ambicieux & estourdy. Pour tout cela Leme ne voulut aucunement tenir ce qu'il luy auoit promis, ny donner aide quelconque pour la guerre de Goa. Mais vn cas suruint qui couppa broche à tous ces differens: car apres la prinse de Goa arriuerent des nauires de Portugal avec lettres du Roy, qui commadoit à Leme de liurer la flotte à Albuquerque & reuenir en Portugal. Tâdis Albuquerque commença à traiter de la deliurance des prisonniers. En la nef prinse par Pantoje auoit esté arresté le seigneur d'icelle nommé Aleacam, cousin du Roy de Cambaje. Albuquerque s'asseuroit de venir aisément à bout de son desir par l'eschange de ce Prince, & apres luy en auoir tenu propos, il enuoya vn marchant en Cambaje pour traiter avec le Roy de la deliurance des prisonniers Portu-

gallois en échange de ce parent sien. Le Roy relascha indcontinent Iacques Correa & Francisque Perceire, à condition qu'il retourneroyent si luy & Albuquerque ne pouuoient tomber d'accord, ce qu'eux promirent tenir & accomplir sans aucune fraude. Albuquerque sceut d'eux les particularitez du naufrage & de la mort de son neveu Alphonse Norogne. Quant à Edouard de Leme il reuint en Portugal.

15.

Ce qu'Albuquerque fit pour maintenir son autorité en Inde.

APRES le depart de Leme, qui ne se pouoit contenir de reculer en toutes sortes à luy possibles, les desseins du viceroy, Albuquerque se sentât allegé d'un lour & fardeau, s'appliqua plus librement à dresser l'estat de Goa, & pouruoir aux charges publiques: & fit toute diligence de marier les soldats Portugallois à des femmes du pays, appellât les soldats ses fils, & leurs femmes ses bruës, lesquelles il menoit en sa maison, faisoit diuers presens à leurs maris, tellement qu'on traitoit force mariages en ceste nouuelle ville, contre l'esperance & opinion de tout le monde en des comencemens cy petis. Albuquerque ne pouruoyoit pas moins soigneusement aux autres choses qui sembloient necessaires pour fortifier, embellir & conseruer la ville. Lors arriuoient à luy de diuers lieux les ambassadeurs des Roys & Princes Indiens: les vns pour payer les tributs imposez sur eux, les autres pour demander la paix & confermer l'amitié, tous pour offrir leurs moyës afin de maintenir la dignité du Roy de Portugal. Albuquerque ne leur donnoit pas si tost congé, car il leur faisoit voir les fortresse de la ville, les preparatifs de son armee nauale, & la magnificence des choses auxquelles il occupoit son esprit, afin qu'estés rauis d'une telle puissance, ils demeurassent plus fideles pour l'auenir. Eux n'approchoient de luy qu'en toute reuerence, les vns admirans sa grauité, les autres prisans merueilleusement sa debonnaireté. Goa estoit lors tellement frequetee qu'on la pouoit comparer à la cour de quelque grand Roy. Combien qu'Albuquerque de son naturel eust le cœur fort haut, toutesfois il s'efforçoit de donner lustre à toutes ses entreprises, afin de se faire estimer d'auantage, & retenir par une telle majesté plus aisément les personnes en deuoir. D'auantage en receuant ainsi les ambas-

sadeurs pour quelque temps, il gaignoit ce point que l'isle s'emplissoit de soldats de iour en iour, & faisoit monstre de ses forces à tous ceux qui le venoyent voir. Car Zabaim Dalcam ne cessoit de tenter par tous moyens à rentrer en l'isle, & son lieutenant Melich Agriaje suiuy de plusieurs compagnies tascha d'y prendre terre en ce temps, mais il fut repoussé avec perte de beaucoup des siens.

APRES ces choses Albuquerque despescha Iacques Fernand de Begie avec trois nauires pour aller ruiner la citadelle de Zacotora qui ne seruoit de rien aux Portugallois, & estoit exposée à trop de dangers: luy commandant de charger en ses nauires les Portugallois qui y estoient en garnison. Cè pendant Iacques Mendez de Vasconcel vint trouuer Albuquerque, ramentut ses seruitices, & le pria de faire armer la flotte avec laquelle il deuoit aller en Malaca, suiuant la charge que le Roy luy en auoit donnée. Albuquerque luy fit vn long discours pour le destourner de ce voyage, disant que par le commun auis de tous les capitaines auoit esté arresté qu'on ne permettoit point à vn tel personnage que Vasconcel de s'en aller perdre sans aucun fruit: que telle entreprise estoit trop difficile, & ne se pouuoit executer qu'avec vne puissante flotte de nauires. Qu'il y auoit trop de danger en ce temps d'entreprendre deux voyages d'ageux: que luy estant sur le point d'aller au deuant de l'armée nauale du Sultan d'Egypte, il estoit impossible d'equipper au mesme instant suffisant nombre de vaisseaux pour chastier ceux de Malaca des maux qu'ils auoyent faits. Puis Albuquerque pria instamment Vasconcel de s'embarquer avec luy, comme il auoit fait pour la guerre de Goa, afin de se seruir de sa vaillance pour desfaire tât plustost les ennemis: & qu'apres ceste guerre acheuee, il le renuoyeroit en Portugal avec les tesmoignagnes de faueur & d'honneur qu'il meritoit. Vasconcel irrité de telle responce, commença à se plaindre & dire qu'on l'auoit repeu de bayes: & puis que ses seruitices estoient si mal recontus, il yroit en Malaca maugré tout le monde, disant n'estre pas venu en Inde pour obeir aux capitaines Portugallois, ains pour executer la commission de son Prin-

te, Albuquerque le voyant du tout fiché en ceste résolution de faire voile en Malaca, defendit à luy & aux capitaines qu'il l'accompagnoient à peine de banissement, aux pilotes & matelots à peine de la vie, de desmarer ny leuer les anches sans son congé. Ce neantmoins Vasconcel avec ses capitaines haussa les anches vne nuict & quitta le port. Albuquerque enuoya incontinent apres quelques autres capitaines en des galeres & fregates bien equippees pour le poutluiuere & ramener: commandant qu'en cas de refus ils missent Vascôcel & ses vaisseaux en fond. Eux suiuant ceste charge rataignent Vascôcel, & pource qu'il ne vouloit obeir, ils commencent à canonner sa nauire, de telle sorte qu'ils brisent le principal mast, & tuent deux matelots, menaçans de paracheuer s'il ne tournoit incontinent voile vers le port d'où il estoit sorty. Finalement il reuint & fut constitué prisonnier, puis condamné à estre porté en Portugal, & vn capitaine de nauire nommé Ierosme Ceruiche, qui auoit conseillé ce depart & resisté plus asprement que les autres à la volonté d'Albuquerque iugé à perdre la teste, & les pilotes plus rebelles à estre pendus. Deux d'iceux furent incontinent menez au gibet: les autres alloyét faire le mesme saut, sans les ambassadeurs des Rois de Narsingue & de Câbaje, qui sollicitiez par les gentils-hommes Portugallois allerent trouuer & prier Albuquerque de donner la vie à ces pauvres miserables ce qu'il otroya, se contentant de les bannir, & oster aux capitaines leurs charge, les renuoyant en Portugal. Voila avec quelle seuerité Albuquerque établit la domination de son prince & sa charge, se monstrant si humain parmi cela que de se seoir en iustice pour faire droit aux parties, & obligeant à soy par grande largesse les ambassadeurs des plus grands Rois d'Orient, comme eux mesmes l'auoüoyent.

19.

*Preparatifs
d'Albuquerque
pour aller
faire la guerre
en Malaca
& ce qui luy
auint durant
le voyage*

APRES auoir ainsi rangé les affaires, & muni la ville d'une forte garnison, il fit voile de Goa suiui d'une flotte de vingt trois nauires, prenant sa route à l'Occident pour aller en Arabie: mais vne tourmente les contraignit reculer & ce qui luy gaigner le haure de Goa. Et pource que le mesme vent auint durant continuoit, & que le temps de naniguer s'escouloit, ayât consulté avec ses capitaines, il resolut de cingler en Malaca,

laca, où le vent le portoit à toutes voiles. Et pourtāt il vogua droit en Cochim où il laissa Pereire Fôsecque de Castro, Meneide Alfonso, Simon le Vieil & Antoine Sale avec certain nombre de vaisseaux, dont Manuel Lacerde estoit general, leur cōmandant qu'à l'entree du printēps, qui commence au mois d'Aoust en ce pays là, ils courussent la coste de Calecut, fissent la guerre aux Calecutiens & à leurs associez, & s'estendissent insques en Goa, de peur qu'en son absence personne n'entreprinst cōtre luy. Puis il crea Amiral Edouard Melio de Serpe, & s'embarqua avec huit cens Portugallois & six cens Indies en dix-neuf nauires. Auant que doubler le cap de Cori il print vne nef de Cambaje: & pour ce que sa flotte estoit lors fort agitée il perdit vne galere, sauuant toutesfois ceux qui estoient dedans. Puis apres il combatit & gaigna trois vaisseaux chargez de marchandises de grand pris qui alloient en Malaca, & estant porté en la Taprobane, il mouilla l'anchre au port de Pedir. Incontinent le Roy luy fit present d'une nauire & de quelques Portugallois qui auoyent esté laissez par Siqueire en Malaca, d'où ils s'enfuirent & vindrent se ietter sous la protectiō du Roy de Pedir. Vn d'entre eux nommé Jean Viegas compra à Albuquerque qu'apres le depart de Siqueire. Bendara oncle du Roy auoit esté executé à mort pour crime de cōspiration contre la personne de son neueu. Itē que Nahodabegue chef de certains idolatres ennemis iurez de la secte de Mahumet auoit sollicité les Malacans à courir sus aux Portugallois & les exterminer: & qu'iceluy estāt de la ligue de Bendara, & craignant d'estre saisy s'estoit sauué de viffesse & retiré au Royaume de Pacem, qui est vn membre de l'isle de Malaca, où il demeueroit. Albuquerque, apres auoir confermé la paix & alliance plus estroite que deuant avec le Roy de Pedir, tira vers le royaume de Pacem communiqua avec le Roy, & le pria bien fort de luy liurer Nahodabegue, ce que le Roy promit: mais au lieu de ce faire il auertit l'autre de se retirer promptement. Quant à Albuquerque il remonta incontinent en ses vaisseaux, & au bout de quelques iours ayant descouuert vne grande nef il inuestit: ceux qui estoient dedans se defendirent courageusement, toutesfois ils

perdirent quarante hommes : & comme les Portugallois montoyent à la foule pour entrer dedans, les passagers y allumerent tout soudain vn feu fort aspre qui estonna tellement les assaillés. qu'il quitterent ceste nef, & s'en retirèrent le plus loin qu'ils peurent. Depuis on sceut que ce feu artificiellement fait ne brusle point, & est aisé à ceux qui l'allument de l'estaindre quand il leur plaist. Comme la flotte estoit à l'ancre on descourrit vne autre nef qui voguoit à voiles & à rames & autres instrumens speciaux à ces peuples. Albuquerque depecha soudain deux capitaines avec quelques esquifs pour accrocher ce vaisseau & le tirer à bord. Les matelots effroyez se iettèrent en l'eau, Nahodabegue estoit là dedans, & tiroit en Malaca pour annoncer au Roy la venue des Portugallois, esperant obrenir sa grace par ce bon & prompt seruice. Or se voyant prins, & qu'il n'y auoit moyen d'euer la mort qu'il auoit bien meritee, il aima mieux mourir les armes au poing avec ses seruiteurs que se laisser prendre & saouler par son supplice les yeux des Portugallois. De fait il combatit si resoluement que de tous ceux qui l'attaquerent nul ne s'en retourna sans estre blessé. Mais en fin tous les gens furēt taillez en pieces : & quand à luy apres auoir receu plusieurs coups d'estoc & de taille il tomba tout estendu, en telle sorte qu'il ne sortoit point de sang de ses playes. Or apres qu'il eust esté despoillé, & que les Portugallois luy eurent osté vn brasselet d'or, auquel estoit attachee vne certaine pierre, incontinent le sang commença à couler de toutes ses playes en grand abondance. L'on tire ceste pierre du corps de certains animaux que ceux de Siam appellent Cabris, & dit on qu'elle a vne merueilleuse efficace à retenir le sang. Les Portugallois voguans plus outre prindrent deux autres nauires, dont l'vne estoit partie de Malaca : les passagers d'icelle firent scauoir que Roderic d'Arauge & les autres Portugallois laissez en Malaca se portoyent bien.

*Merueilleuse
propriété d'vne
ne pierre à ar-
rester le sang.*

20.
*Traité de
paix & d'al-
liance entre le
Roy de Pacé
& Albu-
querque.*

CESTE nef qui c'estoit defendue avec les armes & puis garantie par le moyen du feu artificiel mentionné ci dessus, se representa le troisieme iour d'apres à la flotte de Portugal. Deux des passagers d'icelle sautent dans vn

brigantin & voguent droit à la nauire capitainelle, & apres auoir obtenu qu'on ne leur feroit tort quelconque, ils montent dedans, & tindrent à Albuquerque tels ou semblables propos. Mon seigneur, si ce que la renommee publie de vous est veritable, on ne nous scauroit persuader que vous eussiez voulu assaillir nostre nef, si nostre intention vous eust esté descouuerte. Nous ne sommes point escumeurs de mer qui meritiōs chastimēt de quelque crime commis: ni marchans, pour attirer à nous courir sus pour nos richesses ceux qui sont affamez d'or ou d'argent. Les marchandises que nous portons sont les armes, la vertu & la fidelité, chose conuenantes à nostre noblesse. Vostre deuoir est de reprimer les meschans, & favoriser les bons: car nous entēdons que vous estes lieutenant d'un Roy excellent & inuincible: nous scauons que vous auez fait belle preuue en plusieurs endroits de vostre generosité. Ainsi donc le bruit de vostre nom nous a enhardis de venir vous supplier d'auoir pitié d'un personnage priué de tous ses biens, par la meschanceté execrable d'un des plus meschans hommes du monde. Le Sultan Zainal possedoit en tiltre de bonne foy le royaume de Pacem, dont il a esté dechassé par les artifices d'un tyran desloyal. Nous sommes soldats de Zainal, qui voulons estre fideles à nostre maistre, & s'il est besoyn, ne ferōs difficulté d'exposer nos vies pour la dignité d'iceluy. Nous faisons voile en laue avec luy pour demander secours aux insulaires: mais ayant descouuert la flotte de vos vaisseaux, il a estimé qu'il ne falloit point chercher aide ailleurs. Si le nom royal peut esmouuoir les nations estranges, nous sommes asseurez que vous qui ne faites difficulté de hazarder vostre vie à tous dangers pour le seruite de vostre Prince, auez compassion de nostre plus que nul autre homme qui viue. Doncques nostre Roy vous prie de prendre en main la defence de son droit, chose digne de vostre preud'homie & vertu, & qu'il vous plaise reestabliir en son royaume celuy qui en a esté si indignement depossédé. Quoy faisant vous rendrez vos faits plus illustres, & obligerez à iamais enuers vous un Prince lequel n'oublie nullement les biens qu'on luy fait. Albuquerque print grād plaisir à ceste ambassade, &

enſuya premièrement Fernand Andrade, puis luy meſme alla faire la reuerence au Roy qui eſtoit lors mal à ſon aïſe. Ils traierent paix & alliance enſemble, à condition que ſi Albuquerque reſtaſſoit Zainal en ſon Royaume il ſeroit vallaſſal du Roy Emmanuel, & luy payeroit tous les ans de penſion & tribut vn certain poids d'or. C'eſt accord paſſé ſelon le deſir d'Albuquerque il mena Zainal quand & ſoy en Malaca, & le premier iours de Iuillet l'an mil cinq cens onze alla ſurgir en vne petite iſle eſlonguée de Malaca d'vne portée de couleurine.

21.

Arrivee d'Albuquerque en Malaca.

Il y auoit pluſieurs vaiſſeaux à l'ancre en ceſte iſle, leſquels en grande frayeur cōmencerent à tendre les voiles pour ſe tirer viſſeimer loin de là: mais Albuquerque les tua incontinent toute ceſte apprehenſion faiſant publier qu'il ne vouloit courir ſus ſinō à ceux qui lui ſeroient ennemis. Cinq capitaines de nauires de la China, ſejour nās en ceſte iſle, le vindrent trouuer & luy declairerent que le Roy de Malaca, ayant entendu long tēps auparauant par lettres & rapport de pluſieurs qu'Albuquerque deuoit venir s'eſtoit préparé à la guerre en toutes ſortes à luy poſſibles: quoy auenant, dirent ils à Albuquerque, nous ſommes preſt à vous ſeruir, adiouſtās que la meſchance-té de ce Roy perſide leur deſplaiſoit, & que la preud'homme des Portugallois les incitoit à tenir ce langage. Ils alleguerēt auſſi les plaiſirs faits par quelques vns des leurs à Siquēre, afin de monſtrer encores mieux qu'ils auoyēt fort bonne enuie d'aider aux Portugallois. Albuquerque les pria au ſouper, où ils firent grand chere & beurent d'autant à la mode de quelques nations de l'Europe. Le lendemain arriva vn ambassade pour ſaluer Albuquerque de la part du Roy de Malaca, & qui auoit charge d'imputer à Bendara tout le tort fait aux Portugallois, à raiſon dequoy auſſi on l'auoit executé à mort. Qu'au reſte le Roy ne demandoit ſi on la paix, & accepteroit volontiers toutes raiſonnables conditions. Albuquerque reſpondit qu'il eſtoit content de pacifier, mais pour conoiſtre que le Roi vouluſt la paix & deſeſtāt le meſchāt tour ioué aux Portugallois, il falloit premièrement qu'il remiſt en liberté ceux qui eſtoient arreſtez, leur permetāt d'aller vers Albuquerque, & rendiſt les biens qui auoyent

Diuerses riſes du Roy de Malaca.

esté pillé. Le Roy fit respõse que les Portugallois estoient espars en diuers lieux, & qu'aucuns d'eux auoyent embrasé le mahumetisme, partat n'estoit pas loisible de les liurer aux Chrestiens. Que les biens n'auoyent point esté pillé par son commandement, & d'auantage que la pluspart d'iceux auoit esté employé pour la nourriture des Portugallois. Voila ce qui se traitoit par mellages enuoyez de part & d'autre, qui monstroient assez que le Roy vouloit attirer Albuquerque, afin de le surprendre sous couleur d'accord & le ruiner tout à coup. Albuquerque voyoit bien cela, & entendit aussi par les lettres d'Arauge & par le rapport de quelques marchans que le Roy attendoit vne grande flotte de nauires, afin de pouoir desfaire plus tost les Portugallois en leur donnant bataille au port & en pleine mer en mesme iour. Il y auoit en la ville neuf mille piéces de canon de fonte & de fer, grand nombre de soldats & toutes sortes d'instrumens de guerre. Toutefois pour belongner plus seurement, le Roy estoit delibéré d'attendre ceste flotte. Or Albuquerque voulant monstrier à toutes les nations traquantes en Malaca que c'estoit malgré soy, & par les menées de ce desloyal, qu'il entroit en guerre, tiroit les affaires en longueur differant de iour en iour à prendre les armes. Le Sultan Zainal estimât que la peur fust cause de ce delay, comença à se desfier d'Albuquerque, & se retira de nuit vers le Roy de Malaca. Albuquerque enuoya le lendemain quelques vns des plus resolués de son armée mettre le feu es maisons assizes au bord de la mer, aux fauxbourgs, & en trois nauires de Cambaje, ce qui ne fut executé sans bien combattre premierement: neantmoins malgré les ennemis le feu fut allumé par tout, dont tous ceux de Malaca furent fort espouuantez. Le Roy qui auoit sa part de la peur enuoya incontinent Arauge & les autres Portugallois vers Albuquerque, protestant ne vouloir que paix, & le priant vouloir permettre que lon estaignist le feu. Albuquerque qui otroya du premier coup ce qu'on luy demandoit, exceptees les nauires de Cābaje qui furent entièrement bruslees par son commandement. Mais Arauge l'asseurâ que le Roy brassoit nouvelles trahisons, que c'estoit vn personnage le plus infidele du monde, & qui s'en-

*Commençent
de guerre.*

richissoit par vne infinité de meschantes & maudites pratiques. Qu'il auoit delibéré d'abuser les Portugallois par diuers delais & remises en attendant que la flotte qui deuoit bien tost arriuer fut iointe à celle du port. Ce Roy auoit empesché plusieurs nauires de marchans qui estoient à l'anchre en son hauer, de se mettre en mer, pretendait s'en seruir contre Albuquerque si besoyn estoit. Quant aux capitaines de la China, Albuquerque les mit en liberté avec leurs vaisseaux bien equippez, & toutes fois les pria de ne bouger iusques apres la bataille. Puis il enuoya dire au Roy que pour auoir paix il assignast vn lieu commode dans la ville, auquel Albuquerque pourroit bastir vne citadelle, afin que les Portugallois ne fussent plus en danger par la malice de certains garnemens. Le Roi promit de bailler vne place au choix d'Albuquerque: mais d'autant qu'il n'exécutoit rien, & que toutes ses mines & menées ne pouuoient plus demeurer couuertes, Albuquerque ne voulut pas differer d'auantage, mais pour conoistre par quel endroit il pourroit assaillir la ville plus commodement, quelles forces auoit le Roy pour se defendre, & quel ordre il tiendrait pour soustenir l'assaut, il feignit vouloir enuahir la ville des le lendemain matin: & descouurit que la forteresse de la ville consistoit au pont & en vn temple basti aupres. Pourtant resolut il d'assaillir la ville par cest endroit: & suivant cela le iour suivant il approcha avec vne galere & les fregates. Les ennemis accourent & s'assemblent de toutes parts pour empescher la descente aux Portugallois: tellement que le combat commença à s'eschauffer à force de canonnades & de harquebouzades, à trauers & nonobstant lesquelles les Portugallois gaignerent le riuage.

22.
Prise de Malaca, & des merueilleux accidens d'icelle.

ALBUQUERQUE diuisa lors ses gens en deux trou-
pes, & en bailla l'vne à Fernand Andrade, Jean Limice
& quelques autres capitaines pour assaillir le costé du
pont qui ioint au temple: il retint l'autre pour soy, a-
fin de donner en l'autre partie plus habitée de la ville, à
l'autre bout du pont. Il y auoit des corps de garde de co-
sté & d'autre avec garnison & force d'artillerie, dont les ba-
les & boulers pleuuoient de toutes parts assez pour esto-
ner les plus hardis du monde, mais les Portugallois estoient

tellement accoustuméz à telles salues, & desiroient tant l'honneur & la victoire qu'ils tenoyent ja par la main, avec la faueur de Dieu qu'ils encourageoit, qu'ils poulerent oultre, & donnerent à teste baissée dedans ces corps de garde, si resoluement, qu'après quelque combat où les ennemis firent teste assez long temps, la place leur demeura. Albuquerque commença, tellement qu'il contraingnit les ennemis de quitter le corps de garde qu'il assaillloit, & les poursuivit de pres. Simon Andrade eut cest honneur de faire la pointe & entrer le premier dedans. Jean Limice le seconda pour le regard de l'autre fort, & quelques ennemis furent aussi dechassez, & chaudement suivis iusques à ce qu'ils trouuerent les troupes du Roy, la presence duquel arresta & assésa les fuyards. Le Roy estoit dās vne tourelle avec quelques vns de ses domestiques sur le dos d'un grand elephant, suivi d'autres elephans bardez & chargez d'hommes, qui descochoyēt vne nuée de fleches & d'autres traits du haut de leurs tourelles. Ces Elephans auoyent des glaiues attachez aux dents, & marchoyent de telle impetuosité, qu'ils rompirent les premiers rangs. Neantmoins Fernand Gomeze de Leme, & Vasque Fernand Coutin demurerent fermes: nés'estonnans point de telle nouveauté, ains s'estans ouverts pour faire passage à l'Elephant royal, en passant luy donnerent de part & d'autre tel coup de picque dans les flancs que combien que ceste beste fust terriblement fatouellie, & cruelle au commencement du combat, toutesfois se sentant blessée, elle vaincue de rage, & à sa façon accoustumée, rebroussa chemin à trauers ceux qui estoient derriere. Ainsi donc se sentant percé es deux flancs il leue sa trompe, abat en terre celui qui le gouvernoit & le foule aux piedz: & à veüe d'œil commença à defaillir pour l'abondance du sang qui couloit de ses deux playes. Le Roy craignant pis saute incontinent bas, & l'Elephant tournant contre les Indiens mesmes mit en effroy les autres Elephans qui le suiuyent, & qui commencerent à fuir de peur sans vouloir plus retourner en la meslee. Quoy que leurs gouverneurs les flataient, ou menaçaient. Les Portugallois despestrez de ceste difficulté recommencerent le combat plus aspre que deuant: & les Malacans qui de-

sendoyent leurs familles, leurs maisons, pays & liberté, en presence de leur Roy, se fourroyent parmy les especes sans aucune crainte. Quant au Roy, ayant esté griefuement blessé en l'une des mains, il fut contraint sortir de la presse & se retirer en son palais pour se faire penser. Ses gensdarmes voyans cela, gagnerent à la file un petit costau sur lequel ce palais estoit basti. D'un autre costé les choses estoient en grand branle, car Albuquerque auoit les ennemis en teste, à dos & sur les bras: au moyen dequoy Jean Limice laissa quelques soldats sur le pont, autant qu'il cogneust pouuoir suffire pour tenir bon; & courut au secours d'Albuquerque, se meslant de telle furie parmy les Malacás, que plusieurs se ietterent en l'eau pour garantir leurs vies. Les matelots Portugallois voguans en des esquifs ne faisoient autre chose que tuer sans que personne resistast, Albuquerque deliuré d'un manifeste peril par la venue de Limice, se préda à exhorter ses gens de recommencer le combat, & les resueille tous par la fanfare des trompettes pour les rendre tant plus disposés, puis court sus à une grosse troupe de Malacans qui occupoyent un chemin fort large. Combien qu'ils eussent vaillamment soustenu la premiere charge, si furent-ils à la parfin rompus & mis en route. Lors ayant gagné sur les ennemis un des bouts du pont, il y posa incontinent un corps de garde fortifié d'un fossé & d'une tranchee avec quelques pieces, dont Nonio Vasque de Blanc Castel & George Leon eurent la charge. Voulant puis apres gagner l'autre bout qui regardoit le temple & le palais, il fut si viuement repoussé par les Malacans, qu'il n'auancoit en rien. Le combat dura depuis le point du iour iusques à midy: lors Albuquerque craignant que les soldats disposez es corps de garde du pont ne fussent endommagez des maisons prochaines fit promptement mettre le feu de part & d'autre

*Malaca brus
se en partie.*

en ces corps de garde. L'embrasement gagna iusques au temple & au palais, & en brusla une grand partie. Alors le Soleil commençoit à se coucher, & les Portugallois estoient extremement trauaillez de la chaleur de ceste iournee & du long combat: au moyen dequoy Albuquerque remena ses gens es nauires, en intention de retourner à la premiere commodité avec plus grand nombre de soldats en

la ville. On n'a peu sçauoir le nombre des ennemis tuez en ceste meslee: mais c'est chose certaine que le compte en fut tresgrád. Albuquerque y perdit treize hommes, & en remena septante griefuement blefsez: il print cinquante piéces d'artillerie, & y eut beaucoup de maisons sacagees.

EN ceste nuit plusieurs marchás s'enfuirent de la ville, & vn certain seigneur du pays, qui peu de iours au parauant auoit espoufé la fille du Roy de Malaca, ne peust estre retenu de l'amour de sa femme, ains se sauua comme les autres. Au mesme instant Yretimutaraja marchand de Iaue, demeurant en Malaca des long temps, & estimé le plus riche entre tous les estrágers, ayant veu le combat du iour, vint la nuit trouuer Albuquerque avec presens, & le supplia d'estre receu, promettant rendre fidele obeissance aux Capitaines du Roy de Portugal. Albuquerque le recueillit & print amiablement en sa protection. Les Capitaines de la China vindrent aussi gratifier Albuquerque de sa victoire, prians qu'il leur fust permis de se mettre à la voile: ce qu'Albuquerque leur ottroya, les renuoyant avec presens, & leur bailla vn Portugallois qui auoit esté prins avec Arauge, & parloit bñ Malacan, pour aller avec eux & s'arrester au royaume de Siam par où ils deuoient passer, estimant bon pour la commodité de ses affaires de saluer le Roy de Siam, & tesmoigner le bon desir qu'il auoit de luy faire service, afin d'attirer ce Roy, qui auoit vn Royaume riche & de grande estendue, en amitié avec Emmanuel. Ce Portugallois enuoyé avec les Capitaines de la China s'appelloit Edouard Fernand, & portoit de la part d'Albuquerque au Roy de Siam vne espee qui auoit la poignée & le pommeau de fin or artistement elaboréz, esmaillez & gravez richement, avec vne ceinture de mesme façó. Pour reuenir aux Portugallois ils employerent la nuit à accoustrer leurs playes, se rafraischir & fortifier de viande, & à preparer ce qui estoit necessaire pour retourner au combat. Quant au Roy de Malaca, il fortifia encores mieux qué deuant d'autres corps de garde plus en auant dans la ville pour soustenir les Portugallois qui auoyent ja quelque auantage pour entrer, & fit braquer force artillerie vers l'endroit où ils s'estoyent fortifiez.

D'auantage il fit semer des pointes d'acier teintes en poison és lieux desquels il estimoit que les Portugallois tascheroyent s'emparer, afin qu'y mettant le pied ils s'enfermassent pour tomber & mourir en grande douleur. Car le venin dont telles pointes furēt frottées auoit la propriété qu'en ataignant tant soit peu le sang, il s'espandoit tout soudain aux entrailles. Mais Albuquerque fut aduerty de tout par vn nommé Ninachetuen, qui soustenoit le party des Portugallois : & cognoissant qu'vn des plus heureux succés de ceste guerre consistoit en la prise du port, il s'auisa de ce qui s'ensuit. La nauire que le Sultā Zainal auoit abandonnée vuide en s'enfuyant estoit grande & forte. Albuquerque la fit equipper d'artillerie, de munitions de guerre & de viures : puis avec sacs de laine, de coton & autre telle matiere molle qui preste aux coups de canon, & s'entretient assez contre vne telle violence, il fit reculer les costez de ceste nauire, laquelle portee par le flux de la mer & approchée du pont, y cōmandoit cōme si eust esté quelque Citadelle. Mais alors on ne la pouuoit faire joindre pource que la marée estoit fort lente & basse à cause de la Lune, selon le cours & changement de laquelle le flux enfle & diminue : ce qui a accoustumé d'auenir, selon que la Lune approche ou se recule du Soleil. Or quand elle est au declin, ou qu'elle commence à se faire neuue, lors elle perd de iour en iour ceste vertu qui paroist en son plain. Albuquerque attendoit ceste commodité, & selon que la marée haussait, les matelots faisoient tous leurs efforts d'auancer la nauire vers le pont. Les Malacans ne se reposoyent pas ce pendant, car ils apprestoyent des engins poillez, huilez, & enduits de matiere propre à faire feu, & entortillez proprement au long du canal, pour les darder contre la nauire, & l'embraser alors que la marée remonteroit. Au contraire les Portugallois accouroient promptement au secours dans des barquerolles & esquifs, & avec grands crochets de fer empoignoient ces engins à feu & les iettoient vers l'autre costé de la riuiere. Mais les Malacans aualoient des longues pieces de bois iour & nuict contre la nauire pour la briser. Anthoine d'Abrey commandoit en icelle, ou ayant esté atteint d'une harquebouzade qui luy perça les deux ioues,

Albuquerque luy substitua soudain vn lieutenant: ce que entendu par Abrey. I'ay encores (dit-il en cholere) mes deux iambes entieres pour courir, & les bras en la maché pour frapper: i'ay la parole ferme & le langage ne me defaut pour encourager mes soldats, & grâces à Dieu, i'ay de l'entendement assez pour commander. Quand mesmes mes playes me contraindroient demeurer au liect, encores pouvrois-je preuoir & pouuoir aisément aux affaires, sans bouger d'un lieu. Et pource, tant que l'ame me battra au corps, ie n'endureray point qu'un autre tienné ma place. Ainsi il renuoya celuy qui venoit pour luy succeder, aussi eschauffé à faire sa charge, que s'il n'eust esté blessé en sorte quelcôque. Finalement la nauire fut ioindre au pont à l'aide de la marée qui estoit fort haute, maugré toute la resistance des ennemis.

Le lendemain auant iour Albuquerque ayant mis ses forces en terre, assaillit la ville comme au parauant: & y *sant donné à* eut beaucoup plus aspre combat qu'à la premiere fois, tel- *Malaca qui* lement qu'il en tomboit de part & d'autre, & y auoit *est prinse &* grand nombre de blesez. En fin, les Portugallois se rendirent *pillee apres la* maistres du temple & du palais royal, contrainmans les *desfaite &* ennemis se sauuer de vitesse. Semblablement, Albuquerque *suite du Roy.* que ayant avec ses troupes gaigné à toute peine l'autre fort, les Malacans deslogerent de là. Abrey d'autre part chassa la garnison qui defendoit le pont: tellement qu'en mesme temps, lors que la nauire combattoit, & que chacun en son quartier assigné chargeoit l'ennemy, apres auoir longuement balancé les Malacans furent rompus en tous endroits. Or comme ils reculoient, le Roy monté sur vn Elefant & accompagné de trois mil hommes marchoit au grand pas pour les soutenir: mais voyant tous les forts saisis il se retira vers sa maison. Les Portugallois ne coururent pas apres luy, à cause qu'ils estoient en trop petit nombre: ains Albuquerque entra dans le temple occupé par ses gens, & en commit la garde à ceux qui y estoient entrez les premiers. De là il retourna sur le pont, & aux deux bouts d'iceluy posa des corps de garde enuironnez de forts gabions bien rangez, garnis d'artillerie & de soldats pour la defense. Les ennemis s'eschoient d'empescher l'ouurage à coups de trait &

de harquebusades, dont quelques ouuriers furēt blesez, au moyen de quoy Albuquerque partit ses troupes en deux & y establit des plus experimentez capitaines, auxquels il commanda d'aller par deux chemins escartez de celuy où les Malacans se monstroyent, puis leur venir donner à dos, & tailler tout en pieces: ce qui fut executé, tellement que plusieurs des ennemis y laisserēt la vie, mais la plupart gaigna au pied. En apres Albuquerque choisit deux maisons pres du pont vers l'endroit le plus apparant de la ville duquel il se vouloit emparer, & fit braquer quelques pieces au haut d'icelles maisons qui ne sont pas pointues ains basties en plateforme. D'auantage il disposa des esquifs & autres vaisseaux legers bien garnis de canon en certains endroits propres de la riuere: car il estimoit auoir encor le plus fort à acheter, & preparoit toutes choses fort soigneusement, comme ayant à combattre plus asprement que iamais, & resolu d'assaillir le palais royal des le lendemain. Mais la nuit deuant le Roy s'enfuit en terre entre deux mers avec toutes les richesses qu'il peut emporter. Les soldats Portugallois estant courus au palais pour le piller, & n'y trouuans que les murailles, de despit y mirent le feu de rous costez. Il y auoit encor plus desix mil hommes en armes dans Malaca, qui firēt quelques escarmouches, mais n'ayans rien gaigné que des coups avec nouuelle perte, ils quitterent tout & s'enfuirent. Albuquerque donna le pillage de la ville aux soldats, reseruee la place en laquelle Vtetimutaraja habitoit & les maisons de Ninachetuen, des marchans de Iaue, & de quelques autres recens en la protection du Roy de Portugal. Les Soldats eurent force butin, & print on plus de trois mille pieces de canon: les arçenaux estoient garnis de diuerses provisions, munitions & engins de guerre. Tout ce qui fut trouué propre pour reequipper la flotte & fortifier la ville demeura en reserue, sans que les soldats y touchassent, & neantmoins le quint du pillage, appartenant au Roy de Portugal, fit estimé valoir deux cens mil escus, encor que les soldats n'eussent representé l'or & l'argent qu'ils pouuoient voir caché. Dont il appert que si le Roy & les plus riches marchans de Malaca n'eussent transporté en

terre leurs richesses apres le premier combat, il y eut eu du butin assez pour assouvir l'extreme avarice des gés de guerre. En tous ces conflicts furent tuez quatre vingts Portugallois ou enuiron.

A PRES tous ces accidens Albuquerque attira par gracieuses promesses les marchás qui n'auoyét porté les armes à retourner en la ville, les remit en leur liberté & pérmít qu'ils vécussent à leur façon acoustumée. Il cōmit Vretimutaraja pour gōuurneur & iuge des Sarrafins, & Ninachetuen des autres nations qui adheroient à autres superstitions, en telle sorte qu'on pourroit appeller de leurs sentenciés deuant la iustice de Portugal, qui y fut establie pour decider de tous differés en dernier ressort. Albuquerque entēdant aussi que le Roy se fortifioit pres de la riuiera qui trauersoit la ville, à quinze lieues de là, fit partir quelques capitaines pour ruiner tout & chasser les ennemis: ce qui fut executé, & gagnèrent force butin avec sept elephans qu'ils prindrēt. Cela fait, Albuquerque s'appliqua du tout au bastiment d'une citadelle, prenant pour matereaux les sepulchres des Rois & Princes, les pierres des plus beaux bastimēs de la ville ruinēz par le canon durant la guerre: il y auoit du peuple en nombre suffisant pour seruir les ouuriers: quand à luy il sollicitoit tellemēt la besongne, qu'en peu de temps la citadelle fut eslēue iusques au sommet. Puis au reste par ses douces paroles il attira grāde multitude de gens de diuers endroits pour venir peupler la ville: dreslā des ordōnances pour la police, fit battre monnoye d'or & d'argent au coın du Roy de Portugal, & en fit forger aussi d'estain, defendant sur grosses peines d'vser d'autre monnoye à l'auenir. Lassaman, Amiral de Malaca, voyant la ville prinse, policee par bonne loix & ordonnances, la domination des Portugallois fermement establie, & son Roy mort de regret, enuoya prier Albuquerque de le recevoir en son seruice, promettant s'employer aussi courageusement pour la grandeur du Roy Emmanuel qu'il auoit fait en plusieurs lieux pour son Prince decedé. Ceste offre pleut grandement à Albuquerque, qui luy promit la foy, & le pria de venir vers luy: mais quelques enuieux craignans que s'il entroit en Malaca, l'on ne luy

Ordre establi
par Albuquerque
en Malaca.

24.

Ambassade retint.*du Roy de
Sia & d'au.
tres Rois vers
Albuquer-
que.**Description
du royaume
de Sion.*

donnaist l'une des plus honorables charges, luy escriui-
rent qu'il se donast bien garde d'y aller, & qu'Albuquer-
que auoit deliberé de le faire mourir: ce qui l'estonna &

EN ces entrefaites retourna Edouard Fernand enuoyé
vers le Roy de Siam avec vn ambassadeur de ce Roy qui
auoit humainement recueilly & honoré de presens E-
douard. Le sommaire de l'ambassade de ce député de Sia
vers Albuquerque fut, Que le Roy estoit fort ioyeux
de la victoire obtenue par les Portugallois, desiroit voir
agrandir la domination du Roy Emmanuel, prenoit
plaisir d'auoir pour voisin vn veuple si vaillant, promet-
toit faire tout deuoir d'amy, & procurer tout ce qui se-
roit pour le prouffit & honneur d'Albuquerque & des
lieutenans du Roy de Portugal. Il enuoya aussi à Albu-
querque vne coupe d'or, vne espee avec le fourreau d'or,
& vn anneau garny d'une pierre de tresgrand pris as-
sez proprement enchassée. Albuquerque fit present par
cest ambassadeur de quelques riches ioyaux à la mere
du Roy. Or le royaume de Siam comprend presques tous
les confins & extremités de l'Inde Orientale & Septen-
trionale, estant borné d'un grãd bras de mer & du roy-
aume de la China à l'Occident, où il se joint au royaume
de Pegu. Autresfois il s'estendoit par de là vn promôtoi-
re distant de Malaca enuiron soixante lieues, & cōman-
doit aussi en Malaca. On tient que ce royaume est forny
de douze mil elephans, dont quatre mil sont tousiours e-
quippez & armez pour obeyr aux soudains accidens de
guerre. Albuquerque voulant ratifier solennellement la
paix avec ce Roy, luy enuoya Antoine Mirade d'Azeue-
de & Edouard Coeillo avec riches presens & dignes d'une
magnificence royale. Vn autre ambassadeur du Roy de
Iaue arriua puis apres en Malaca avec presens qui sen-
toyent leur homme de guerre: car s'estoyent tapisseries
de cotton enrichies d'armes & representans les exploits
de guerre de ce Roy: item des tabourins d'airain dont
la nation se sert pour s'encourager au combat. Les au-
tres Roys voisins, celuy de Zamatra, & de Pegu, la do-
mination duquel tirant de là le Gange vers l'Occident
est de merueilleuse estendue, enuoyèrent leurs ambas-

fadeurs : les vns requerans paix & amitié , les autres offrans estre vassaux du Roy de Portugal. Tous louoyēt merueilleusement Albuquerque, & par riches dons mōstroyent l'amitié & l'honneur qu'ils luy portoyent, pour la renommee qu'il auoit acquise par sa valeur.

FIN DV SEPTIESME LIVRE.



LE HVITIESME LI VRE DE L'HISTOIRE DE PORTVGAL.

SOMMAIRE.

1. La guerre commencee en Goa.
2. Temeraire entreprise de Rabel gouuerneur de Goa, en l'exécution de laquelle il est tué, & Vasconcel establi en son lieu.
3. L'isle de Goa conquise par les ennemis, & la ville reduite à l'extremité.
4. Apostasie de septante Portugallois. L'acte tragique de Machiade à l'endroit des enfans.
5. Ranistruaillement de la ville de Goa, renforcee par le secours de plusieurs capitaines d'Albuquerque.
6. Estat des affaires de Portugal & d'Afrique.
7. Menees d'Vetimutaraia, qui est emprisonné & decapité en Malaca avec son fils & son gendre.
8. Conspiratiō de Patecatir successeur d'Vetimutaraia contre les Portugallois & ce qui en auint.
9. Albuquerque part de Malaca, le danger auquel il fut reduit sur mer, la perte qu'il fit, & l'estat des Indiens en ce temps.
10. Naissance de Henry Prince de Portugal..
11. Guerre & diuerse rencontres de Patecatir & des Portugals.

lois en Malaca.

12. Nouvelle flotte de Portugal en Inde, et diuers aprests de guerre contre Albuquerque.
13. Guerre de Goa Et quelle en fut l'issue.
14. Negotiations d'Albuquerque avec plusieurs Roys & Princes à l'auantage des affaires de Portugal.
15. Ambassades de l'Empereur d'Ethiopie Et du Roy d'Ormuz en Portugal, & paix faite avec le Roy de Calcut.
16. Estat des affaires d'Afrique, & diuerses courses des Mores desfaites par Edouard de Menezes.
17. Guerre de Safin & l'issue d'icelle.
18. Guerre d'Almedine, les notables exploits & fin d'icelle.
19. Guerre de Maroch Et la belle victoire obtenue par Isabentafus.
20. Entreprises du Roy de Fex, sur Tinz y & Arzile, & le succès d'icelles.
21. Estat du royaume de Congo en Ethiopie.
22. Description de plusieurs isles de l'Inde Orientale, spécialement de la grande & petite Lauè.
23. Armee nauale de Pateonox Prince de Iapare: les batailles données, entre luy & les Portugallois au port de Malaca où il est desfait avec tresgrande perte.
24. La citadelle de Malaca deliurée de la trahison de Maxeliz & les affaires pacifiees.

Renouuelle-
mēt de guer-
re en Goa.



En ces entrefaites, les affaires de Goa furent reduites à l'extremité pour les Portugallois: car Zabaim Dalcam enuoya Pul-tecam avec trois mil hommes de guerre, la plupart Turcs, pour reconquerir les places qui auoyent esté saisies en terre ferme pour le Roy de Portugal. Melras & Timoja, qui tenoyent le party d'Albuquerque, mirent aux champs quatre mille pietōs & quarate cheuaux, & à la premiere rencontre mirent Pul-tecam en route. Or iceluy, ayant ramassé ses forces courut sus à Melras & Timoja, les surprint de telle viftesse qu'il eut sa reuanche, & les rompit entierement. Eux voyans la plupart de leurs soldats en piecēs, & qu'il leur estoit impossible de redresser vne autre armee, se retirerent vers le Roy de Narsingue, lequel à la requeste de

Melras

Melras pardonna tout le passé à Timoja, puis (selô le bruit qui en courut depuis par tout) contre la foy promise il le fit tuer en trahison par quelques siens seruiteurs. Pultecâ enflé de sa victoire delibera d'entrer en l'isle, & premierement sollicita les habitans à se reuolter: ce qu'eux refusèrent. Incontinent Crisne le plus riche & aisé entre les Insulaires, & qui estoit peager, fit sçauoir ceste resolution de Pultecam à Rabel gouverneur de la ville de Goa, lequel fortifia les auenues de l'isle, & y mit des garnisons pour en empescher l'entree aux ennemis. Mais Pultecam choisit vne nuit fort noire, pluueuse & plaine d'orages, & passa dans certains radeaux, prenant terre en des endroits, qu'il sçauoit n'estre pas bien gardez. Il surprit deux vaisseaux avec toute l'artillerie d'iceux, & fit tuer les Portugallois qui voulurent se mettre en defense. Les autres garnisons des insulaires se retirerent prôptement dans Goa. Sur ce Pultecam commença à songer côme il pourroit attirer hors de la ville les gens d'armes Portugallois qui la gardoyent, afin d'assaillir puis après quâd elle seroit desnuée de sa principale force. Il enuoye vn sien espion vers Cojebique, l'vn des capitaines del'isle, & qui manioit les deniers des ports & peages, pour luy persuader de mettre aux champs la garnison de la ville. Cest espion, supprimant (comme il luy auoit esté commandé) le nom de Pultecam, s'adresse à Cojebique, & feignant auoir quitté le party de Pultecâ, luy declare que deux ces Turcs estoient allez assaillir vne bourgade nommee la Vieille Goa: que ces Turcs auoiênt esté inuestis par les Insulaires, & taschoyênt se desuelopper: que si l'on enuoyoit quelque renfort ils seroyent tous taillez en pieces.

RABEL auoit enuoyé Jacques Fernand de Far pour
descourrir, & des le matin, en attendant le retour de Fernand, auoit rangé ses troupes, afin de courir sus aux ennemis, si Ja commodité s'en presentoit: mais cest espion mentionné. Lors Rabel demande à Cojebique ce qui luy en sembloit, qui respondit que ce rapporteur luy estoit suspect, Mais Rabel, ieune hôme, bouillât; & audacieux, plain d'esperance, & enflé de quelques heureux exploits (côme de fait il alloit bien à la guerre, & en main-
2.
treprière de Rabel gouverneur de Goa, en l'exécution de laquelle il est mé, & Vasiôsel establi en son lieu.

tes rencontres auoit battu ses ennemis (fut aisément attiré dans le piège. Ainsi donc sans attendre le retour de Fernád il sortit en campagne avec trente cinq cheuaux & cinq cens Indiens. L'espion de Pultecā apres s'estre decouuert à quelques vns se retira, & les Indiens qui sçauoyēt toute la fourbe ne voulurent pas quitter la ville: ce dont Rabel ne s'apperceut iusques à ce qu'il eust gaigné le dessus d'un costau, car lors il ne vid que treize Indiens autour de soy. Lors il descourrit vne grosse troupe d'ennemis montés en apparence à mil hommes ou enuiron: & y auoit cinq cheualiers qui les rāgeoyēt en cōpagnies. De rechef Rabel demāde à Cojebique son auis. Tout va mal, dit-il: nostre espion n'apparoit point: le nombre des ennemis est beaucoup plus grād qu'il n'auoit rapporté: nos gēs esto-
 nez de peur sont demeurez derriere: il y a apparence q̄ ce meschat espion nous a trahis: pourtant ie ferois d'auis q̄ nous retournissios en la ville. Toutesfois si vous trouuez meilleur de faire autrement, ie vous suiuray fidelement par tout où vous irez. Rabel ayant prié les autres de dire leur opinion, personne ne respōdoit, craignant s'ils don-
 noyent bon conseil qu'on n'estimast que la peur, nō pas la prudēce les faisoit ainsi parler. Surquoy Rabel reprint le propos & leur dit, Courage, mes amis: c'est auourd'huy que l'on verra qui a plus de volonté de biē faire. Un gentil-homme de la troupe, nommé Manuel de Cugne, ele-
 uant ceste parole, Voila (dit-il) vne resolutiō qui me plaist entre toutes autres. Incontinent ils descendent tous en la plaine, & se voyans prest des ennemis donnent dedans à bride abatue, de telle impetuosité qu'ils les font reculer iusques au riuage, où Pultecā recueilloit d'autres plus grosses troupes qui venoyent de terre ferme. Or les ennemis auoyēt esté tellemēt effarouchez à ceste premiere charge, que plusieurs se iettoyēt dans la mer, où il estoient engloutis des vagues: & Pultecā ne pouuoit rassembler le reste. Deux cens Indiens Malabares estoient arriuez au secours de Rabel, & apres s'estre ioints aux Portugallois poursuiuirent les ennemis escartez, tellemēt qu'il en demeura trois cens tuez en diuers endroits. Il y auoit sur le costau des mazures & pās de muraille de quelques bastimens ruinez. Pultecā se retira leans avec quatre vingts

Tûtes tant de pied que de cheual ramassez de la fuite. Râbel resolut de les aller desnicher de là, dont Cojebique tascha le destourner, alleguant que Pultecā y estoit caché, & auoit vne troupe de vaillans hommes avec soy, que la rage & le desespoir rendroit inuincibles, si l'on s'attachoit à eux: & qu'il estoit plus expediēt de les despescher de loin à coups de flesches, priant qu'on luy donnast ceste charge. Mais Rabel trop enflé de sa victoire ne tint conté d'vn si sage conseil, ains avec quatorze cheuaux (car les autres pour suiuyēt les fuyards) entra dedans ces ruines, où il fut assailly de deux costez, tellement que son cheual ayant esté abatu à coups de picque, luy mesmes, atterré de pierres & cailloux tombez d'vnē muraille, fût tué des ennemis, & Manuel de Gagne semblablement: les autres cōtrains se retirer d'entour ces mazures, sans toutesfois estre poursuytis de Pultecā, qui craignoit qu'en recommençant le combat, les siens, encores esperdus, ne fussent cause d'extreme confusion pour luy. Pourtant luy & les siens se contenterent d'auoir tué les deux principaux assaillans & contraint le restē de se fetirer. On vid ce iour là cōbien grande difference il y a entre vn sage capitaine & vn vaillant soldat: car Rabel, qui estoit braue guerrier au possible, fit vn tel tout de ieune hōme, q̄ plusieurs trouuoyēt fort manuais qu'Albuquerque l'eust esleu gouverneur de Goa. Au contraire Cojebique acquitalors la reputation de sage capitaine & bien experimentē, car il cōbarit vaillamment, & donna si bon conseil, que si Rabel l'eust creu, iamaïs il ne fut tombé en l'accident où il demeura prins. Apres tout ce que dessus auenu les Portugallois & Malabares se retirerent tous à sauueté dedans Goa, & d'vn commun auis esleurent François Pantoje pour gouuerneur, lequel se monstra lors de si lasche courage qu'il refusa ce qu'on luy presentoit, disant que les affaires estoient en tel estat qu'hōme bien auisé ne vouldroit pas se charger lors de la garde de la ville. A son refus les gentils hommes & habitans baillerent le gouuernement à Iacques Mendeze de Vasconcel, lequel l'ayant acceptée de bon cœur, mit courageusement ordre à tout ce qui estoit reunis pour bien defendre vne place, fit apporter dans Goa tous les viures qu'il fut possible reconuer, &ref

fa des forts, disposa des sentinelles, ayant l'œil & la main par tout. Crisne l'ayant prié d'estre receu avec ses gés en la ville, y fut receu avec bon visage, & n'y auoit pour la garde que deux cens Portugallois & six cens Indies confederez, bien petite troupe pour soustenir le faiz d'une guerre, & au besoin endurer vn siege.

3.
*L'isle de Goa
conquise par
les ennemis et
la ville redui-
te à l'extre-
mité.*

Q V A N T à Pultecam il s'empara de toute l'isle, & choisit pour l'assiette de son camp Benastatin bourgade située à l'entree de l'isle, vers le midy, assez commode pour recueillir les viures apportez de terre ferme, & pour repousser ceux qui veulent entrer en l'isle. Il fit bastir en ce lieu vne citadelle fort ample, laquelle il munit de tous engins de guerre & d'une forte garnison, afin de tant tourmenter les Portugallois qu'ils seroyent contrainz quitter tout: puis quelques fois tout couuertement, par fois par embusches, il taschoit s'emparer de la ville, mais Vasconcel le repoussoit tousiours. Ce pendant Francisque Percire de Berrede se vint ranger dedans la ville avec trente soldats Portugallois, ce qui resioiut grandement Vasconcel, tant il auoit lors faute d'hommes. Or d'autant que la guerre prenoit long trait, Zabaim commença à auoir mauuaise opinion de Pultecā, & mesmes quelq. vn rapporta à Zabaim que son lieutenant le trahissoit. A l'occasion dequoy Zabaim depescha vn sien beau frere, Turc de nation, nommé Rozalcā, avec six mille hommes pour aller en Goa, commandant par lettres à Pultecam de remettre son armee es mains d'iceluy. Pultecam, despité tout oultre de la honte qu'on luy vouloit faire recevoir, refusa d'obeir au mandement de Zabaim. Lors Rozalcā pour se rendre maistre manda à Vasconcel, qu'au desceu de Zabaim Pultecam auoit empieté le pays de terre ferme appartenant au Roy de Portugal, & prins pied en l'isle: mais que luy estoit enuoyé avec armee pour chastier Pultecam d'une telle faute, & que si Vasconcel le vouloit secourir, en peu de iours ils chasseroient Pultecam hors de l'isle. Il donnoit aussi esperance de liberté aux Portugallois que Zabaim auoit arresté prisonniers au port de Dabul, apres le naufrage dont a esté parlé cy deuant. Vasconcel adiousta foy trop legerement à celuy qui n'auoit point de foy, tellement qu'il do-

*Vasconcel assi-
né par Rozal-
cā.*

na secours à Rozalcam, par le moyen dequoy Pultecam fut desfait en moins de rien. Mais cela fait tant s'en falut que Rozalcam tint promesse, qu'au contraire il commença à menacer Vasconcel de luy courir sus & mettre tout à feu & à sang, s'il ne sortoit promptement de la ville. Par ainsi la guerre se ralluma au grand desauantage des Portugallois qui se trouuerent reduits en grande difficulté, & neantmoins repoussèrent tant de fois les ennemis arriere des murailles, que finalement ils n'oserent plus en approcher. Ce pendant l'hiuer suruint, qui est fort terrible & tempestueux en ceste plage de mer, & par ainsi les passages demeurerent clos. D'autre part vn grand pan de muraille tomba de soy mesme, qui fit presumer à Rozalcá qu'il auoit tout gagné, tellement qu'il amena ses troupes à l'assaut vers ceste bresche, où il y eut aspre conflict iusques au soir, avec perte de grand nombre d'ennemis, & quant aux Portugallois de quelques vns des leurs, nottamment de Gojebique, lequel combatant des premiers & vaillamment au possible fut renuersé d'une harquebouzade, dont il mourut sur la bresche. Rozalcam ne pouuant forcer les assiegez fit tous les efforts de les auoir par finesse : & pour y paruenir les contraignoit d'estre au guet nuict & iour, en apostant des coureurs qui alloient & venoyent incessamment, & des trompettes qui ne cessoyent de sonner alarme : tellement que les assiegez tomboyent par terre tant ils estoient las de veiller. Iean Machiade, duquel a esté parlé plusieurs fois cy deuant, & qui auoit charge d'une compagnie entre les ennemis qui l'estimoyent Turc, dont il auoit l'habit & l'apparence, auerty par lettres Vasconcel de mener ses troupes en vn endroit nommé les deux arbres, si tost que la trompette sonneroit, pource qu'il luy seroit aisé de désfaire vne troupe d'ennemis qui demeuroyent d'ordinaire là avec vne trompette. Cela fut executé de nuict, en telle sorte que plusieurs tomberent sur la place, les autres mis en route, & la bresche refaite en diligence. Ce pendant la famine minoit les assiegez, car l'hiuer empeschoit l'apport des viures par mer, & Zabaim auoit gens sur toutes les auenues, tellement que rien n'y pouuoit entrer de terre ferme.

4.
*Apostasie de
 septia Por-
 tugallos.*

De ceste famine plusieurs prindrent occasion de ren-
 cer le Christianisme, & s'enfuir de nuict vers Rozalcam,
 auquel ils promettoient de suivre la superstition de
 Mahumet. Il y eut septante Portugallos qui oublians
 leur serment & religion, & pour paistre leurs corps pour
 vn peu de temps, precipiterent malheureusement leurs
 ames en perdition eternelle: entre autres vn personnage
 de qualite & d'assez bon lieu nommé Fernand Lopez.
 Mais Iean Machiade, qui auoit fainct d'estre Turc iusques
 alors, perdoit patience voyant des Chrestiens detester ainsi
 leur religion, & fut tellement esmeu qu'il delibera mon-
 strer par ceuures sa foy en vn temps auquel il sembloit
 que les Chrestiens fussent accablez de faim, & reduits à
 toute extremite, & se ranger avec eux, pour participer à
 leurs trauaux & miseres. Il auoit deux fils d'vne Sarasine,
 lesquels il auoit baptisez de sa main: & les enuoya que-
 rir lors afin de les mener quand & soy dans la ville. Mais
 ne pouuant executer cela, il commit vn acte merueil-
 leusement pitoyable, aimant mieux se montrer cruel en
 uers son propre sang que laisser en la puissance des enne-
 mis des petis enfans pour estre empoisonnez des erreurs
 execrables de Mahumet. Ainsi donc vne nuict il estouffa
 ses deux enfans, & le lendemain commença à crier & la-
 menter ce miserable accident, deplorant à chaudes lar-
 mes sa calamité, & disant que ses enfans auoyent esté
 estouffez par les enchantemens de quelques sorcieres.
 En apres il fit semblant de vouloir se pourmener par l'is-
 le afin de soulager ses ennuis, & avec quelques prison-
 niers Portugallos, & les autres qui s'estoyent reuoltez si
 laschemet, approcha des muraille de la ville. Lors il fit vne
 longue harangue de la briefueté de ceste vie, des suppli-
 ces perpetuels, de la vie eternelle; & exhorte tous ses
 compagnons d'aimer mieux languir en ceste miserable
 & caduque vie, & estre trauailliez pour vn peu de temps
 que d'estre tourmentez à tousiours apres la mort. Quant
 aux apostats, ils ne tindrent compte de tout ce discours:
 mais Machiade, qui auoit eü promesse & fausconduit
 de Vasconcel auant que rien executer des choses susmen-
 tionnees, entra dans la ville avec les prisonniers, ce qui re-
 frouit grandement les Portugallos, & leur fit esperer de-

*Acte tragi-
 que de Ma-
 chiade à l'en-
 droit de ses
 enfans.*

liurance: car ils croyoyent que Dieu par sa providence avoit assisté à Machiade & à ses compagnons, pourtant s'asseuroyent ils aussi que le mesme Dieu donneroît bien tost quelque secours à vne troupe d'affligés qui innoquoit sa puissance. Ce pendant Rozalcam entretenoit le siege, & se vint camper en vn lieu d'où il faisoit iouer ses plus grosses pieces contre la ville: ce qui donna occasion à Vasconcel de sortir avec quatre vingt cheuaux, lesquels chargerent si viuement Rozalcam & les siens, qu'après quelques coups donnez de part & d'autre, les ennemis furent mis en route, & les Portugallois se retirèrent sains & saufs en la ville, fors quelques vns blesez. Rozalcam troublé de la hardiesse des assiegez, perdit tout espoir d'emporter la ville, & pourtant quitta-il tout aeste d'hostilité, se contentant de contraindre par famine les assiegez à se rendre. Vasconcel estimant qu'il falloit se hazarder davantage, enuoya Francisque Pereire de Berrede en Batçala, quoy que la navigation fust tresperilleuse à cause de la rigueur du temps & de la vigilance des ennemis, afin d'y recueillir quelques viures & les amener en la ville. Berrede cinglant en vne galere dont il estoit capitaine, exploita avec telle diligence & adresse, que s'estant embarqué le premier iour de Iuillet il retourna maugré les ennemis en dedans le mesme mois au port de Goa avec vings brigantins chargez de viures, tellement que la famine deslogea & les assiegez reprindrent leur premiere vigueur.

TELLES estoient les affaires de la guerre en Goa. Mais le capitaine Begie qui auoit commandement d'Albuquerque d'aller deuant en Zacotora, s'embarqua, & en sa route conquist vn vaisseau, puis attendit son general quelques iours, en fin desquels, coniecturant par la trop longue demeure, que la grand flotte feroit voile en Arabie ceste annee, vint surgir en Zacotora, destruisit la forteresse, chargea les soldats, l'artillerie, les viures & les munitions de guerre en ses nauires, puis cingla vers Ormus, pour exiger le tribut qui luy fut payé sans delay avec grãd hõneur fait à sa personne. De là il print la route de l'Inde, & sur la fin du mois d'Aoust vint mouiller l'ancre au port de Goa. Son arriuee remit au dessus tous

Goa auictu-
aillee & ren-
forcee par le
secours de plu-
sieurs capi-
taines Portu-
gallois.

ceux de la ville : car il mènoit cent Portugallois braues soldats & bien disposés. Au commencement du mesme mois estoient aussi arriuez de l'isle de saint Laurét Iean Serran & Pelage Sale, qui auoient grandement fortifié & resioy les assiegez. Semblablement Manuel Lacerde, qui avec vne flotte de six nauires auoit couru la mer Indoisé & rodé la coste de Calecut, si tost que les vents furent propres, amena toutes sortes de viures & deux cens soldats Portugallois en la ville de Goa, laquelle redressée par tât de secours commença à se mocquer des ennemis. Au mois de Septembre suiuant, Christofle Brittio party de Lisboane le dixneuuesme iour d'Auril, sous la charge de Garfie Norogne, print port en Goa. Ce Norogne, neveu d'Albuquerque, auoit esté enuoyé en Inde par Emmanuel avec six nauires, dont quatre hyuernerét en Mozambique, les deux autres furent enuoyées en Inde, l'une en laquelle commandoit Arias de Gama fit voile en Cananor, l'autre dont Brittio estoit capitaine print port en Goa, comme nous le venons de dire. Nonobstant tout cela Rozalcam faisoit la guerre assez viuement : en fin il y eut bataille donnée, en laquelle Brittio menoit l'auantgarde, & où les ennemis eurent du pire, car apres auoir esté rompus & mis à vau-de-route, ils furent poursuuïs & taillez en pieces pour la pluspart. Ceste perte ayant rendu Rozalcam plus sage, il delibera ne plus venir aux mains, se contentant de loger ses troupes en diuers endroits de l'isle, & fortifier la citadelle, laquelle du tout acheuée fut si bien munie de toute choses necessaires, mise en si forte defense & remplie de tel nombre de soldats, que Zabaim n'auoit place forte, quelle qu'elle fust, comparable à ceste citadelle. Ce pendant arriuerent au haure de Goa deux nauires enuoyées par Melichiaz, chargées de bleds & de riz : car Melichiaz, ayant entendu que les assiegez estoient en grâde disette de viures, depecha incessamment ces deux nauires pour le soulagement de Vascoucel & des siens, promettant par mandemens fort amples de s'employer iusques au bout pour le bien des affaires du Roy de Portugal. On le remercia bien fort, comme il le meritoit, & luy enuoya-on quelques presens. Puis les assiegez commencerent à faire la guerre d'autre façõ,

car ils couroyent souuent iusques à la forteresse de Benastarin, talschans par tous moyens de s'en redre maistre.

DVRANT cès guerres & remuemens en Inde, le Pape Iule second assigna vn Concile en la ville de Pise. Les Rois d'Espagne & de Portugal traiterent ensemble par l'entremise de leurs ambassadeurs des affaires qui les concernoyent en commun, pour estre debatues & vuidées en ce Concile. Il suruint là dessus vn fait d'importance que les ambassadeurs de ces deux princes deuoient desmesler alors, tel que s'ensuit. En ce temps il y auoit vn gentil-homme au royaume de Castille, nommé Pierre, & surnommé le Bastard, lequel auoit esté estimé l'auteur de quelques differens surueus apres le trespas de la Reine Isabelle entre le Roy Fernand & son gendre Philippe d'Austrie fils de l'Empereur Maximilian. Or apres la mort de Philippe, ce gentil-homme redoutant l'indignation de Fernand, se retira au Roiaume de Fez, chez Barraxa (qui lors estoit en grande reputation parmy les Mores, à cause de ses richesses & valeureux exploits) duquel il deuint familier amy. Or pour l'amour de Barraxa, qui en escriuit amplement, Fernand pardonna tout le passé à ce gentil-homme, lequel retourna en Espagne avec lettres de Barraxa adressantes au Roy. Le sommaire de ces lettres exhortoit bien au long le Roy Fernand d'entreprendre la guerre au Royaume de Fez, en quoy Barraxa promettoit s'employer à condition que le Royaume de Fez luy fust donné, lequel il retiendroît en hōmage du Roy d'Espagne, & luy en payeroit tribut à sa volonté. Fernand print plaisir à telles lettres, ce sembloit, & pourtant il enuoya incontinent ce gentil-homme vers Barraxa, avec instructions pour manier cest affaire. Pierre se transporta en la ville d'Alcassar Jaguier, lors tenue par les Portugalois, & fut humainement recueilly par Roderic de Soufe qui en estoit gouverneur. Iceluy s'estât enquis pour quelle occasion Pierre faisoit ce voyage, il respōdit que par le rapport de quelques mal vueillans, & non pour faute qu'il eust faire, le Roy Fernand luy vouloit mal de mort, & que pour se garentir il se retireroit au Royaume de Fez. Roderic, seigneur fort auisé, descourrant quelque inconstance és propos de Pierre & soupçonnant du mal, le

retint avec soy iusques à ce, qu'il trouua moyen de luy soustraire les lettres qu'il portoit à Barraxa, lesquelles il ouurit & en print copie, les referma dextremēt, les remit où elle auoyent esté prinse, donna congé au porteur, & enuoya son extrait au Roy de Portugal, lequel fut fort indigné des desseins de celuy d'Espagne qui cōtreuenoient à l'accord fait entre eux touchant le partage des pays, par lequel le Royaume de Fez estoit attribué au Roy de Portugal. Afin donc de destourner Fernand d'une telle entrepr̃se, Emmanuel enuoya vn ambassadeur en Castille. Tandis Fernand armoit vne puissante flotte, sans dire à quoy il la vouloit employer, seulement que son intention estoit de faire la guerre aux ennemis de la Chrestienté. Enuiron le mesme temps le Pape Iule manda à Fernand qu'il s'estoit ligné avec les Venitiens, les Suisses & l'Empereur Maximilian contre le Roy Louys douziesme. Que pour bien acheminer les affaires de ceste guerre il falloit que Fernand entrast en la ligue. Pourtāt il le prioit biē fort d'y vouloir entēdre, autrement il y auoit à craindre, que le Royaume de Naples ne luy fust enleué des mains. Fernand print peu de plaisir à telles nouuelles, toutesfois afin d'asseurer à soy le royaume de Naples, il se renga à la ligue, & incita Emmanuel à en estre, qui n'y voulut aucunement entendre: au contraire estant lors auenu que six galeres Françoises aborderent à Lisbone, Emmanuel fit bō acueil à leur general, & luy permit d'enleuer des viures pour sa flotte, dont Fernand fut grandement irrité, disoit-on. Mais la bonté & douceur de ces deux princes effaçā avec le temps toutes ses offenses de part & d'autre. Quant à la flotte que Fernand auoit equippee pour la guerre de Fez, elle fut retenue à cause des troubles d'Italie, tellement qu'Emmanuel fut deliuré des pensees qui le travailloyēt pour ce regard. En la mesme annee, Henry Roy d'Angleterre enuoya des ambassadeurs en Portugal, pour declarer la singuliere amitié qu'il portoit à Emmanuel, & pour renouueller l'anciēne alliance fondee sur le parentage & affinité de leurs deuāciērs.

7.
*Menee d'Vice-
 rois* TANDIS que ce que dessus se manioit en Europe, Albuquerque par vne sentence seuerē estaignist des nouueaux troubles suruenus en Malaca. Il a esté dit ci deuā.

que ce marchand nommé Vretimutaraja, allié d'Albuquerque, estoit fort riche: mais l'ambition accompa-
gnoit tellement ses moyens qu'il affectoit à se faire Roy. *emprisonné et
decapité en Malaca avec
son fils et son
gendre.* Mesmes auant qu'Albuquerque eust conquis Malaca, iceluy auoit dressé embusches au Roy pour le debouter du throné, & s'y asseoir, à quoy toutesfois il n'auoit peu attaindre. Mais il recommença ses menees du réps d'Albuquerque, esperant venir plus aisément au deslus alors qu' auparauant: car il estimoit comme impossible que la ville peust estre gardée par des estrangers de si lointain pays, & ia tenoit, par vne grande esperance ou vaine assurance qu'il s'estoit forgée, le sceptre du royaume, soit qu'il s'appuyast sur ses grands biens, soit qu'il se confiast en la bonne affection qu'Albuquerque luy portoit, soit qu'ils s'estimassent assez habile homme pour acheminer ses desseins, comme il estoit coustumier de se fonder sur ses propres discours. Or voyât qu'Albuquerque poligoit la ville, & reigloit l'estat & les charges publiques autremet que luy n'auoit pensé, & qu'on batiffoit vne citadelle de si bonne sorte que celuy seroit chose malaisce, d'effectuer ce qui machinoit en son esprit, il cōclud de recourir à d'autres artifices. Nous auons dit au liure precedēt q̄ mahumet roi de malaca mourut de regret, apres la prinse de sa ville. Celuy qui luy deuoit succeder par droit d'heritage, auoit esté chassé, Vretimutaraja cōmēça à negocier avec iceluy par lettres & l'exhorter à prendre les armes, promettāt de sa part employer ses richesses, ses adherās, & tous autres moyens pour chasser les Portugallois. Telles menees ne pouuās qu'avec grāde difficulté demeurer secretes, sur tous és lieux où chaicū tasche s'insinuer en la bonne grace du vainqueur, auint que les lettres enuoyees de part & d'autre tōberent es mains d'Albuquerque, lequel ne fit aucū semblāt d'ē sçauoir nouuelles, & n'en tint propos à hōme viuant fors à Roderic d'Arauge. Or il desiroit mettre la main sur le collet d'Vretimutaraja, ce qui ne se pouuoit faire à cause du grand credit d'iceluy, sinon qu'on trouuast moyē l'attirer dedans la citadelle, Vretimutaraja ne vouloit aller en sorte que ce fust, car outre ce que sa meschante conscience le tenoit en perpetuelle crainte, il sçauoit bien que plusieurs faisoient

plaintes de ses tyranniques deportemens aux oreilles de Albuquerque. Il aduint en ces entrefaites qu'un Persan sollicitoit Albuquerque pour obtenir quelque office, lequel fit response qu'il ne donneroit charge publique à aucun quel qu'il fust, sans l'aduis des principaux de la ville: lesquels il permettoit à ce Persan faire venir, & que lors selon ce qu'eux aduiseroyent, luy feroit tres-volontiers tout ce qui seroit de raison. Le Persan qui estoit grãd amy d'Vtetimutaraja, estimant que s'il le menoit vers Albuquerque ce seroit le moyen d'obtenir plus qu'il ne pretendoit, le tira sans contredit avec son fils & son gendre participans de ses conseils iusques dans la Citadelle: où eux se transporterent assez volontairement, non tãt pour faire plaisir à ce solliciteur, que pour maintenir leur degré en se trouuant en vne telle assemblée. Mais si tost qu'ils furent dedans on les arresta prisonniers, & cõmença-on à faire leur proces, & leur assigner des Aduocats pour defendre leur cause. Les principaux articles, sur lesquels leur emprisonnement fut fondé, estoient: Que Vtetimutaraja auoit sollicité l'heritier du feu Roy à redemander le Royaume avec les armes, à ruiner la Citadelle & tuer les Portugallois: destourné l'Amiral Lasaman du seruice que il desiroit faire au Roy Emmanuel: que par son conseil on auoit machiné la mort de Siqueire, & massacré indignement plusieurs soldats d'iceluy: que par ses ruses, aucuns d'iceux eschappiez du glaïue, & pressez d'autres grãdes miseres, auoyent quitté le Christianisme: que son fils & son gendre prisonniers avec luy, induits par son autorité, s'estoyent rendus compagnons & solliciteurs de la mesme trahison. Vtetimutaraja nioit quelques articles, mais il demeuroid conuaincu des autres par le tesmoignage de sa propre main. Pourtant commença-il à s'humilier & demander pardon: mais estant entierement decouuert par tesmoins & indices tres-suffisans, luy, son fils & son gendre furent condamnez à mort, & eurent les testes tranchees publiquement, leurs maisons furent demolies & rasees, afin que toutes marques de telles gens fussent effacees, & que lon n'en vist en rien Malaca. Ceste sentence mit Albuquerque en plus grande reputation que deuant entre ces peuples: car ils disoyent que

c'estoit vn personnage qui sçauoit vaincre ses ennemis en guerre ouuerte, & en paix ruiner la tyrannie par bõne & roide iustice. Au reste, encor qu'ils fussent biẽ ioyeux de l'exécution d'Vtetimutaraja & de ses complices, toutesfois ils auoyent tous leur part de la peur, pensans qu'il ne faloit pas broncher deuant Albuquerque, qui releuoit si rudement les mal-aduisez, sans se soucier de leurs richesses & grandeurs. La conspiration ayant esté ainsi estainte par le sang des traistres, Albuquerque resolu d'enuoyer aux Isles nõmees Molucques, & fit equipper trois nauires dont Anthoine d'Abrey eut charge, & partit de Malaca sur la fin du mois de Decembre, l'an mil cinq cēs onze, prenant sa route vers le Leuant.

QVANT à Albuquerque, pource qu'il auoit haste de reuenir en Goa, il bailla incontinent l'office d'Vtetimutaraja, à sçauoir de iuger les differens entre les Sarraïns, à vn nommé Patecatir estimé le secõd en biens & autorité apres Vtetimutaraja. Ce nouueau iuge estoit ennemy d'Vtetimutaraja qui ne luy auoit pas voulu donner sa fille à femme, quoy qu'il eust offert pour l'auoir. Estant entré en l'administration de sa charge, il attira à soy le cœur des Portugallois par vne certaine apparence de bonté qu'on voyoit en luy. Or la vesue d'Vtetimutaraja desirant venger la mort de son mary, gaigna Patecatir en luy baillant en mariage sa fille qu'il aimoit extrememēt, & luy fit tant de promesses qu'il entreprint faire la guerre aux Portugallois: car ceste femme l'asseura de luy fournir six mille bons soldats, avec lesquels, s'il estoit habile homme, il pourroit sans difficulté surprendre & exterminer les Portugallois. L'amour, l'auarice & l'ambition auenglerent tellement Patecatir (qui esperoit desia aucunement attrapper les richesses du Royaume en y employant toutes ses forces) qu'il condescendit aux prieres de sa belle mere. Et pourtant sans differer dauantage, apres auoir solennizé son mariage fort secrettement, il fit mettre le feu en vn quartier le plus habité de toute la ville, & tua plusieurs des habitans. Albuquerque prend incontinent les armes, court au deuant de cest estourdy le chassa hors de Malaca. Luy se retire en vn lieu nommé Op, assez pres de la ville, où il demouroit d'ordinaire, le fait fortifier

8.

*Conspiratiõ
de Patecatir
successeur
d'Vtetimuta-
raia cõtre les
Portugallois
& ce qui en
aduint.*

de foftez, tranches & remparts, au c force artillerie & diuerfes fortes de traits, engins & inftrumens de guerre, donnant puis apres maints alarmes aux Malacans par les courfes qu'il faisoit. Mais Albuquerque reprima si dextrement l'audace de Parecatir qu'en peu de iours il aprint à fes despens & demeura coy fans plus tourmenter perfonne. En apres, d'autant qu'Albuquerque se vouloit embarquier, il establit Roderic Britio gouuerneur de la ville & citadelle, Roderic d'Arauge threlorier, luy a dioignant des secretaïres & controlleurs, Fernand Andrade Admiral, Ninachetuen iuge des habitans qui n'estoyent Mahumetiftes, & qui appellent en leur langue ce iuge Xabanderes. Il difpofa les Sarrafins en diuers quartiers, & commit vn furintendant en chafeun pour y adminiftrer iustice, commandant neantmoins à tous d'obeir à Britio. Cependent Zainal entouya gens prier Albuquerque de luy pardonner fa faute, cōfessant que par defefpoir il s'estoit ainfi reuolté: car il ne pensoit pas, voyant mefmès les affaires prendre lōg trait, qu'Albuquerque peust s'emparer de Malaca avec fa petite flotte. Qu'ayant veu la prouesse des Portugallois il n'estimoit qu'il y eust forteresse au monde qui ne fift ioug sous leurs armes. Il demandoit donc à Albuquerque pardon de tout le passé, & qu'il luy rendist sa main victorieuse, afin que tous entendiffent qu'Albuquerque estoit aussi misericordieux qu'aspre & vaillant. Albuquerque luy promit la foy, & le fit venir en Malaca, où estant arriué il fupplia de rechef d'estre restably en son Royaume, ce qu'Albuquerque luy promit faire, mais que le temps s'efcouloit tellement que la rigueur de la mer l'arrefteroit tout court s'il ne se mettoit à la voile: qu'apres auoir gaigné le port de Goa, & donné ordre aux affaires de la ville, il le remeneroit en son Royaume. Zainal estimant qu'on le voulust entretenir de paroles fortir secrettement de Malaca avec tout son train.

9. ALBUQUERQUE ayant laissé trois cens Portugallois dās la ville, en emmena deux cens autres, outre les soldats Indiens & quelques Malacans qui s'estoyent tousiours monstrez fideles, & fit voile du port de Malaca avec quatre nauïres seulement. Or en cinglant au long de Zamatra, vne tourmente soudaine le contraignit ietter les an-

Albuquerque part de Malaca: le danger auquel il fut reduit

zures au premier port que les nauires peurent gagner. Mais les vagues iallissoient de telle roideur & si haut, que lon ne pouuoit asseurer la nauire Capitaineſſe quelques anchres que lon iettaſt, ſi que donnant contré va tocché ſous les ondes, elles s'ouurit, & la proue commença incontinent à puiſer: la pouppe arreſtee ſur le roc ſe monſtroit au deſſus, mais en telle forte que la ſentine eſtoit plaine d'eau, & tout ce qui y eſtoit fut englouti de la mer: quant aux hômes ils gagnerét le haut de la pouppe, mais ceux de la proue ſentans qu'elle enſonçoit empoignerét des aix, & tonneaux, tellement qu'une partie ſe ſauua au riuage de Pacé, les autres perirent. Il eſtoit nuit, & l'obſcurité ſembloit plus eſpaiſſe que de couſtume: les tourbillons, orages, tonnerres, & fouldroyans eſclairs eſtonnoient tous ceux de la flotte qui ne penſoyent qu'à la mort, & avec vœux, prieres, cris en l'air, ſanglots & larmes demandoyét miſericorde pour leurs ames. Albuquerque voyant vn fort ieune garçon preſt d'eſtre noyé par les vagues qui entroyent à randon dans la nauire, le chargea & tint ſur ſes eſpaules, iuſques à ce qu'on fuſt venu au ſecours d'une autre nauire, & dit, L'innocéce de ceſt enfant m'aſſeure que par la grace de Dieu ieſchapperay ce danger. Les choſes eſtans en telle extremité, on deſaſcha vn eſquif de la nauire de Pierre Alpoeme, preſidét en la iuſtice des Indes, & à force de rames les matelots approcherét d'Albuquerque & du reſte de ſes gens, leſquels ils amenèrent en la nauire d'Alpoeme, Gregoire Nonio Lion, Capitaine d'une autre nauire, fut emporté au loin par la tourmente. Ceux qui eſtoient en la nauire de Simó Martin, où il n'y auoit que treize Portugallois (les autres eſtans de Iaué & Malaca) voyas ces treize deſauez de tout ſecours ſe ruerét ſur eux & ſur leur Capitaine griefuement malade alors, & les tuerent. Quatre matelots ayans gagné vn eſquif ſe ſauuerét au riuage de Pacem: & quant à la nauire elle fut pouſſee d'un tourbillon au port de Timiamen ville aſſiſe en ceſte coſte de Zamatra, où les vagues l'engloutirent. La tourmente appaiſee Albuquerque reprit la route: mais le nombre de gens emporté dans la nauire d'Alpoeme eſtoit grand, tellement qu'il y auoit faute de viures. Toutes fois ce qui les affligeoit le plus eſtoit la ſoiſ, dont

*ſur mer, &
la perte qu'il
fit.*

ils fussent morts tous, s'ils n'eussent conquis deux vaisseaux rencontrez à la bonne heure pour les Portugallois, & qui portoyent quantité de viures & d'eau douce. Simon Andrade fut estably Capitaine de l'une avec quinze soldats, & Albuquerque retint avec soy le Capitaine de ce vaisseau avec quelques Sarrafins pour ostages. Un Sarrafin pilote de ce vaisseau dans lequel Andrade commandoit, se gouverna tellement que le vaisseau fut porté en une des Isles de Maldinar pleine de soldats Calcutiens, qui eussent tué tous les Portugallois: ils n'eussent craint qu'Albuquerque n'eust fait de mesme (comme le droit de guerre l'eust porté) aux ostages qu'il auoit retenus. Finalement ceux qui peurent eschapper, apres auoir souffert mille maux, arriuerent finalement en Cochim. Toutes les richesses conquises en Malaca perirent en la mer, dont toutesfois Albuquerque ne se soucioit, ains seulement estoit extrêmement marry de la perte de deux Lyons de fer excellentement elabourez, & du brasselet qui arrestoit le sang: car il auoit deliberé d'enuoyer cela avec autres presens au Roy Emmanuel.

*Les Portugal
lois pillent la
terre pour en
richir la mer.*

1512.

Estat des Indes.

AVANT gaigné le port de Cochim au commencement de Fevrier l'an mil cinq cens & douze, & recueillies nouvelles des choses aduenues en Goa, il despescha promptement huit brigantins chargez de gens de guerre pour entrer en l'Isle, & ordonna Manuel Lacerde gouverneur de la ville, l'assurant qu'en peu de iours il iroit le deliurer. Lacerde rescriuit tout soudain qu'il n'estoit besoin qu'Albuquerque se hastast: que la ville estoit bien munie: qu'il falloit attendre la flotte de Portugal, afin qu'avec plus grandes forces il peust se rendre maistre de la citadelle de Benastarin, autrement le viceroy n'auroit point d'honneur de prendre terre en l'Isle, s'il n'amenoit tant de gens qu'il peust se rendre maistre de ceste Citadelle. Albuquerque trouua bon cest aduis, & ce pendant fit iustice des crimes commis par quelques Portugallois en son absence. Une chose porta-il fort impatiemment, qu'aucuns (qui pour leurs meschancetez auoyent mérité le fouet) par leurs menées firent que Simon Rangel qui les reprenoit de leurs exces fut banny, puis saisi en chemin par les Sarrafins qui l'auoyent mené prisonnier en Arabie. En ce temps

temps Pierre Mascaregne, qui estoit party de Lisbonne avec Garſie Norogne, print port en Cochim, & assœura que Norogne arriueroit biẽ tost avec le reste de la flotte. D'auãtage suruint vn Ambassadeur du plus puissant Roy de toutes les Isles de Maldiuar, & pria Albuquerque de receuoir ce Roy en sa protection, d'autant qu'il vouloit estre vassal d'Emmanuel, & ne faillir à luy payer tribut tous les ans. Ceste promesse & alliance fut ratiffœe avec les ceremonies accoustumœes en tel cas, & commandement fait à vn Sarraſin nõmẽ Mamelles, qui s'estoit emparẽ de quelques vnes de ces Isles, d'en sortir incontinẽt, ce qu'il fit sans autre sòmation.

TEL estoit l'estat des Indes, & au mesme temps, à ſcã-
uoir au cõmencement du mois de Feurier, la Royne Ma-
rie accoucha d'un fils ressemblant du tout à Emmanuel, *10. Naissance de*
qui fut nommẽ Henry. Le mesme iour que ce Prince na-
quit il cheut de la neige en abondance dedans Lisbonne, *Hẽry Prince,*
ce qui est comme monstrueux en ceste ville-là qui est en *& encor au-*
vn air fort temperẽ. Plusieurs interpreterent que cela pre-
sageoit la candeur d'esprit, la puretẽ & continence de vie, *jourd'huy*
& la vertu qui reluiſoit abondammẽt, & d'une facon mi-
raculeuse en ce prince. Mais sans nous arrester aux pres-
ages, c'est chose certaine que le Royaume de Portugal est *Cardinal de*
appuyẽ sur la preud'homme, vertu, religion, constance &
bons exemples de ce prince à present Cardinal. *Portugal.*

Mais pour reuenir à l'estat des Indes, apres qu'Albu-
querque fust party de Malaca, les habitans de la ville tant *11. Guerre et di-*
Mahumetistes que autres idolatres qui tenoyent le party *uerſes rencõ-*
des Portugallois alloient & venoyent sans ſcãuoir où, tãt *tres de Pate-*
la peur les auoit troublez : car ils pensoient estre perdus, *catis & des*
n'ayans plus Albuquerque avec eux. Pour les estonner *Portugallois*
encores dauantage, vn bruit courut que Laſaman appro-
choit avec grand nombre de vaiſſeaux pour combatre les *en Malaca.*
Portugallois : tellement qu'Andrade fut d'auis d'aller au
deuant pour luy empeschẽ l'entree du haure. Patecatir
qui descouuroit tout par le moyen de ses espions, enten-
dant qu'Andrade estoit hors du port & cingloit en haute
mer pour donner bataille à Laſaman, entra de nuit dans
la ville, & surprint vne barque en laquelle commandoit
Alfonſe Chiaigne vaillant ieune homme lequel fut tuẽ.

en combatant, & ses soldats emmenez prisonniers. Il y auoit dans ceste barque vne grosse piece d'artillerie, nommee le Chameau, que Patecatir enleua & fit emporter en autre endroit. Andrade n'ayant point trouué la flotte de Lasaman, retourne au port, & delibere donner l'assaut au fort de Patecatir: & pour cest effect il enuoye Alфонse Personne avec mil cinq cens Indiens & quelques Portugallois pour prédre terre & costoyer le riuage, afin d'embsongner Patecatir en mesme instant par mer & par terre. Quand à Andrade il entra dans le canal par le moyen de la maree avec des barquerolles & esquifs, commandât à George Botel qui vugnoit le premier d'assaillir viuement les ennemis: luy suiuit Botel incontinent. Alфонse Personne au mesme instant courut au combat: tellement que le fort fut prins, la garnison mise en fuite, & grand nôbre d'ennemis tuez. On y trouua vn gros tronc de bois arrousé de sang fraichement espendu: car le canonnier qui auoit charge du Chameau, ayant esté emmené prisonnier avec les autres Portugallois, fut pressé de tourner sa piece & tirer contre Andrade, avec menace de le faire mourir s'il differoit: mais il refusa de tirer, aimant mieux perdre la vie que d'offenser Dieu & blesser ainsi sa conscience. Ce refus despita tellement Patecatir qu'il fit tout sur l'heure, couper la teste au canonnier sur ce tronc de bois. Or tandis que les vns s'amusoient au pillage, les autres à trainer le Chameau & autres pieces dedans les nauires, les autres à mettre le feu dans le fort, on descouurit vne troupe de quatre cens Sarrafins bien equippez avec trois grands elephans, chascun desquels portoit vne trourelle garnie de vingt archers. George Botel estât plus pres de ceste troupe que les autres Capitaines, donna dedans le premier avec sa compagnie, exhortant ses soldats de faire place au premier elephant, & frapper le conducteur d'iceluy. Eux ayans laissé large à la beste, s'adresserent à celui qui la gouuernoit, & à coups de piques donnez de toutes parts le tuerent & ietterent bas. L'elephant destitué de guide s'arresta tout court: alors le canonnier de l'esquif de George Botel, frappa d'vn boulet cest elephant au cœur, & le fit broncher incontinent par terre. Les autres effroyez du bruit s'ensuyent, & les Sarrafins

apres. Il y auoit sur la riuere des vaisseaux chargez de marchandise, qui furent pillez tout à l'heure, & les Portugallois retournerent victorieux dans la ville. Patecatir s'estant esloigné à deux lieues de là, fortifia vn autre lieu plus commode de nature, & y mit plus grosse garnison qu'es autres endroits. Andrade l'alla assaillir en celieu, entra de force & mit le feu au premier corps de garde, & voulât faucher les trois autres, il se vid sur les bras vne telle multitude de gens enuoyee par celuy qui se nōmoit Roy de Malaca, que luy & les siens furent contrains reculer. En ceste charge Andrade perdit douze de sa compagnie, entre autres Roderic d'Arauge, Christofe Mascaregne, George Garcez, & Anthoine d'Azuède: & fut blessé luy mesme avec Pierre de Far & plusieurs autres.

CESTE victoire haussa tellement le cœur à Patecatir, qu'il commença à donner esperance certaine au Prince qui aspiroit au Royaume de Malaca, de l'en rendre bien tost paisible Seigneur. Ce Prince manda incontinent à Lasaman qu'avec la flotte qu'il atioit toute prestee, il se joignist aux vaisseaux du Roy de Darguim (Royaume Limitrophe de celuy de Malaca vers le Midy) lequel luy donnoit secours contre les Portugallois, & assiegeast le port de Malaca. Andrade ayant descouuert que Lasaman avec sa flotte estoit à l'embouscheure d'une ruiere nommée Muar, y vogua en diligence & assaillit Lasaman. Ceste bataille fut tresapre & dura deux iours, en fin desquels les Portugallois demeurerēt maistres, les ennemis ayans esté contrains se sauuer apres grosse perte d'hommes & de vaisseaux. En ce mesme temps trois nauires chargees de soldats, de viures & munitions de guerre, & de charpentiers, enuoyees par Albuquerque, aborderent en Malaca, où il y auoit grãde disette de viures, à quoy Andrade voulant pouruoir fit voile au golfe de Cincapur qui separe la terre ferme de bout du Royaume vers Midy, & conquist vn grãd vaisseau de Patecatir bien garny de victuaille, puis estant de retour en Malaca enuoya Loup d'Azuède & George Botel au mesme endroit, d'où ils amenerent trois autres vaisseaux de Patecatir tous chargez de viures. Item, George Gomeze de Cugne se rendit au port de Malaca avec vne nauires plaine aussi de viures tirez

du Royaume de Pegu, le Roy duquel auoit traité paix & alliance avecques Albuquerque. En ces entrefaites arriva semblablement Anthoine Mirande, venant de visiter le Roy de Siam, qui l'auoit caressé & honoré de fort riches presens. Roderic Britio ne voulant perdre l'occasion qui se presentoit de faire vn bon coup, arma des nauires & les commit à Andrade, afin de ruiner entierement Patecatir qui commençoit à baïsser l'aisle, & ne sçauoit où se tourner, pour la necessité qui le pressoit, depuis la prise de ses viures & munitions. Andrade & les autres Capitaines se disposerent incontinent au combat, dont la pointe fut baillée à George Botel & à Pierre Personne, lesquels donnans de pied & de reste dedâs le premier fort des ennemis, dont la pluspart fut taillee en pieces, en faucherent deux autres consequemment, & contraignirent les autres se sauuer de viffesse. En ce combat François Machiade tua vn Elephant, & en print-on vn autre qui fut emmené en Malaca: deux autres eschapperent. Patecatir du tout abatu de ce coup s'enfuit és Isles de Iaué avec sa famille & ses biens. Le pretendu Roy de Malaca fit sa retraite en vne autre Isle vers l'Orient nommee Bintam. Quant à Lasaman, n'ayant plus enuie de s'attaquer aux Portugallois il leur laissa la mer libre. Andrade reuint en la ville & deliura les habitans de toute fascherie & sollicitude. En mesme temps Anthoine d'Abrey retourna aussi en Malaca, n'ayant peu descouurir entierement les Isles vers lesquelles Albuquerque l'auoit enuoyé, à cause d'vne tourmente. Ce nonobstant il fut porté en vne Isle appelée Amboin assez prochaine des Molucques, où il chargea quelque quantité de cloux de girofle. De là il fit voile és Isles de Bandan, situées en nombre de cinq, vers le midy: où croissent en abondance les arbres qui portent les noix muscades, & dit-on que ces arbres ressemblent fort aux lauriers, & que les fleurs d'iceux approchent de la forme & couleur de celles du peschier. Le peuple est lourd & farouche: ils contraignent le Roy de quitter sa dignité quand bon leur semble, & établissent vn conseil des plus anciens pour gouverner les affaires, diuersifiant ainsi leur estat public. Francisque Serran fut aussi chassé d'vne bourasque en vne isle des Molucques

nommee Ternate, & y fit naufrage : toutesfois le Roy de ceste Isle le receut avec bon visage & luy fit beaucoup de presens.

T A N D I S que ces choses passoyent és pays si proches de l'Orient, Albuquerque diligétoit de faire ses apprests pour la guerre. Alors Garfie Norogne, qui auoit hyuerné en Mozambique, comme dit a esté, suruint. Deux autres Capitaines, à sçauoir George Melio Pereire & Garfie de Soufe, partis de Lisbonne en la mesme annee, & ayans eu vent à souhait arriuerent aussi avec vne flotte de douze nauires, chargees de deux mille Portugallois & dauantage. Albuquerque arma lors seize nauires, & desmara du port de Cochim. Pierre Mascaregne, qui auoit ja esté estably en charge de Capitaine de la Citadelle de Cochim, protesta qu'il ne souffriroit iamais que ceste guerre se fist en son absence, & pressa tât que sa Capitainerie fut baillee à vn autre, & luy monta és nauires. En ceste course Albuquerque commit Geôrgé Melio pour garder la forteresse de Cananor, & par bonne iustice appaisa les dissensions suruenues entre les Portugallois & les marchâs Sarrafins habitans en Cananor: puis estant pres de Batticala il enuoya dire au gouuerneur de la ville, que sçachant pour certain qu'en ce port estoit arriué vn vaisseau de Calcut chargé de poyure appartenant au Sarrafin qui auoit acheré Simon Rangel, il luy cōmandoit de la liurer promptement : à quoy le gouuerneur obeit sans aucun delay, tellement que le vaisseau fut mené en Cochim. Alors vn Iuis apporta lettres des Portugallois (qui ayâs esté separez par vne tourmête de la flotte d'Edouard de Leme, avec leur Capitaine George Quadre, firent naufrage, & gaignans le bord à toute peine furent arrestez par des Sarrafins) lesquelles contenoient que le Sultran d'Egypte faisoit bastir vn fort à l'embouscheure de la mer Arabique, & auoit delibéré se rendre maistre de la ville d'Aden. Estans au dessus d'Onor vn autre Iuis apporta les mesmes nouuelles, adioustant qu'Albuquerque pouuoit sans aucune difficulté s'emparer d'Aden, auât que l'armee du Sultan y peust venir à temps: que les habitans s'estoient reuoltez, & craignoyent de retomber en ses mains, tellement qu'ils s'assuiertiroient beaucoup plus volontiers à

II.

Nouvelle flotte de Portugal en Inde, et diuers apprests de guerre contre Albuquerque.

la domination des Portugallois qui les traiteroÿt doucement, qu'à la tyrannie du Sultan. Melras vint aussi trouuer Albuquerque, & l'auertit que Zabaim dresseoit vne armee de vingt mil homme, afin de fortifier Benastarin & le rédre imprenable: qu'il se faloit donc haster auant q ceste armee se ioignist aux troupes qui tenoyét la ville.

13. C'est auertissement fut cause qu'Albuquerque, sans
Guerre de differer dauantage print la route de Goa, & avec sa flotte
Goa, et quelle assiegea Benastarin. Ceux de la ville canonnoyent fu-
en fut l'issue. rieusement les nauires, & entre autres pieces qui nui-
 soyent fort aux Portugallois, ils se seruoient d'vne nom-
 mee le Chameau. Mais par l'adresse d'vn canonnier qui
 tira d'vne autre piece appelée la Sphere, le boulet donna
 dedans la bouche du Chameau si à point qu'il fut tout
 soudain brisé, & les Portugallois deliurez de la peur qu'il
 leur faisoit. Albuquerque descendit en terre pour aller en
 la ville de Goa, afin d'amener les forces qui y estoyét, &
 enclorre ceux de Benastarin du costé de terre, pour les
 serrer dauantage. Rozalcam sçachant cela, le suiuit avec
 deux cens cinquante cheuaux & grand nombre de gens
 de pied: mais Pierre Mascaregne, Garfie Norogne, Ma-
 nuel Lacerde, Loup Vasque de saint Pelage, Ieã Fidal-
 gue & Roderic Gonçalue Camigne luy allerent au deuant,
 & se donnerent bataille, en laquelle Rozalcam eut du
 pire, tellement que luy & les siens mis en fuite furét pour-
 suivis si roidement iusques au portes de Benastarin que
 les Portugallois tascherent de gagner la muraille en
 montant sur les bouts des picques & halebardes. Vasque
 de saint Pelage & Pierre Mascaregne acquirent l'hon-
 neur de ceste iournée. Ceux de la ville repoussoyent l'as-
 saut à coups de traits de toutes sortes, tellement qu'ils tue-
 rent quelques assaillans & en blesserét plusieurs. Manuel
 Lacerde receut tel coup de pierre qu'il cheut bas de son
 cheual, & eust esté tué si Iean Decio ne l'eust secouru tout
 à l'heure. Et sans Albuquerque qui retira ses gens des mu-
 railles, contremont lesquelles ils grimpoÿt comme en-
 ragez, les Portugallois eussent perdu beaucoup dauanta-
 ge des leurs en ceste assault: car on les pouuoit retenir
 qu'ils ne montassent les vns apres les autres, cōme dit a
 esté, pour entrer dedans la forteresse. Albuquerque, estât

retourné en Goa, mit aux chāps toutesces troupes au bout de quelques iours, n'y laissant sinon certaines cōpagnies suffisantes pour garder la ville. Il auoit lors trois mille Portugallois, & parmy eux quelques bādes d'Indiēs. L'artillerie marchoit deuāt, avec des machines & engins propres pour l'acōmoder. Bref Albuquerque auoit tout l'attirail & equippage propre pour assieger & assaillir vne place. S'estans campez ils cōmencerent à battre la ville & forteresse tāt par mer que par terre. Mais ils n'auangoyēt pas beaucoup, car la ville estoit close de murailles fortes & espaisſes, de plusieurs bouleuarts, dont les assiegez tiroyent iour & nuict & tuoyent plusieurs des assaillās. Or tant plus les Portugallois s'obstinoyent, plus le danger croissoit pour eux, & tous leurs efforts tornoient en fumee. Il n'y auoit que la famine qui fist la guerre & pressast fort les assiegez, d'autant qu'Albuquerque auoit donnē bon ordre de leur coupper les viures de tous costez, faisant garder soigneusement toutes les auenues: tellement que les assiegez estans en grand nombre auoyent mangē les viures qu'on auoit serrē es magazins. Rozalcam contraint par ceste necessitē voulut essayer si par vne saillie il se pourroit afranchir de ce siege: & sur les trois heures apres minuiet fit sortir quelques compaignies biē equippees avec les plus vaillans capitaines: luy se tint à la porte pour enuoyer gens de renfort. Ces troupes donnerēt viuement dedans le corps de garde de Manuel de Souſe lequel fut blessē en combatant, & ses soldats contrains reculer: par ainſi les autres pourſuiuent & entrent en vn autre corps de garde de Garſie Norogne qui accouroit au secours de Manuel. La famine & la rage possēdoit tellement les troupes de Rozalcam que Norogne fust chassē plus loin. Pierre Mascaregne approcha lors avec des cōpagnies biē resolues, rassembla les Portugallois escartez, arreſtant tout court les pourſuiuans: alors le conflict fut si furieux, qu'au lieu de cōbatre avec les harquebouses & picques, ils se ioignirēt de si prests qu'à coups d'espees & de poignards, voire mesme en se ruant au col les uns des autres pour lutte, chacū tāschoit de vaincre son ennemy. Toutesfois les assiegez, ne se sentans assez forts pour passer outre, se retirerent à sauuetē dedans la ville.

Albuquerque fit vn fossé plus large, & fortifia bien sa tranchée mieux qu'au parauant, afin que ses ennemis ne peussent plus faire telles sorties: par ainsi l'extreme necessité les contraignit de demander composition, qui leur fut ottroyée aux conditions qui s'ensuyuent. Que les assiégez liureroyent à Albuquerque tous les Chrestiens qui s'en estoient fuis vers eux & qui auoyent renoncé le Christianisme: ensemble deux nauires par eux prins en entrant dedans l'isle, en vne descente nommée Noroez: item qu'ils quitteroyent la ville, forteresse de Benastarin, avec les cheuaux, armes & artillerie qui y estoit, & tous les vaisseaux anchrez en l'isle. Albuquerque promit sur sa foy qu'ils se pourroient retirer avec tous leurs biens, & qu'il ne feroit point mourir les Portugallois qui auoyent abiuré leur religion. Ceste composition fut fidellement obseruée de part & d'autre, tellement que les ennemis deslogerent & passerent en terre ferme: les Portugallois prindrent possession de Benastarin, & Albuquerque retourna dans la ville de Goa. Les Portugallois qui s'estoyent rangez au Mahumetisme ne furent point exécutés à mort, mais afin que personne n'entreprint à l'auenir d'auoir le cœur si lâche, il les traita de telle sorte que chascun en fut autant esmeu que si ces miserables eussent esté retranchez du monde: car il leur fit couper à tous les narines, les oreilles, les mains droites, & les pouces des mains gauches. Du nombre d'iceux estoit Fernád Lopez duquel a esté fait mention ailleurs: iceluy ayant esté depuis laissé en l'isle de sainte Helaine par les nauires qui reuenoyent en Portugal, peupla ceste isle de grains, d'herbes potageres & medecinales, & d'arbres, par vne adresse & sagesse si remarquable, qu'aujourd'huy les Portugallois à leur retour des Indes, allans faire aiguade en ceste isle y sont merueilleusement soulagez. Tout ce que dessus executé, Albuquerque enuoya Norogne en Cochim pour equipper & tenir presté la flotte qui deuoit reuenir en Portugal, & puis costoyer toute la lisiere de Calecut, afin qu'il ne partist aucun vaisseau hors du goule de la mer Arabique, sans estre incontinent arresté. Il donna charge d'autres nauires à Garfie de Soufe, pour contraindre tous les marchans venans de Perse avec des che-

*Benastarin
rendu à Al-
buquerque et
comment il
chastia les
Portugallois
deuenues Ma-
humetistes.*

uauz de venir mouiller l'anchre au port de Goa. Ceux qui y arriuoyent estoient humainemēt recueillis, & leur rabbatoit-on quelques choses du peage: au moyē de quoy les marchās deschargeoyēt fort volontiers en Goa leurs cheuaux & autres marchādises, qui fit que les reuenus de la douanne encherirent au proufit du Roy Emmanuel.

14.

IL y a vne region maritime limitrophe du pays de Zabaim, nommee Vengapor. Le Roy d'icelle enuoya vn ambassadeur vers Albuquerque demander la paix: car le nom de ce capitaine estoit tant estimé par toutes les Indes, que plusieurs pour l'amour de luy desiroyent estre suiets du Roy de Portugal, afin que sa protection les garantirist de la tyrannie des autres Princes. Cest ambassadeur presenta de la part de son Roy Albuquerque des felles, colliers, bardes & housses de cheuaux. Sa legation ne contenoit autre chose qu'une declaration du grand desir que ce Prince disoit auoir d'estre amy des Portugallois, ausquels il offroit bailler des viures. & si besoin estoit faire la guerre à Zabaim, brief n'omettre chose quelconque du deuoir d'homme fidele & bien affectionné au seruice du Roy de Portugal. Seulement il requeroit luy estre permis d'acheter & tirer tous les ans de Goa le nombre de trois cens cheuaux. Ce qu'il demanda luy fut accordé & l'ambassadeur renuoyé honorablement vers son maistre. Gaspar Chanoque, qui auoit fait desia vn voyage vers le Roy de Nasringue, y fut renuoyé par Albuquerque avec riches presens, pour luy demander au nō d'Emmanuel vne ville nommee Batticale sise en la coste de Malabra, laquelle commence en Cananor & se termine au cap de Cory. Or Batticale appartenoit au royaume de Nasringue, & combien que le terroir soit sterille, & la haure assez mal asseuré, toutesfois vne garnison seruoit bien en ce lieu aux Portugallois, pour acommoder leurs affaires. Enuiron le mesme temps Zabaim Dalcam despescha deux ambassadeurs pour prier Albuquerque de pacifier, & luy permettre d'acheter des cheuaux en Goa, pour s'en seruir es guerres qu'il auoit contre les nations voisines: ce qui luy fut accordé, & Iacques Fernād de Fer esleu pour aller vers luy ratifier sous certaines cō-

*Negotiation
d'Albuquerque
que avec plu-
sieurs Roys et
Princes à l'a-
uantage des
affaires de
Portugal.*

ditions alliance de paix & d'amitié. Melichiaz mada aussi vn de ses domestiques avec vne nauire chargee de viures & diuers fruits à Albuquerque pour luy gratifier de la prinse de Malaca, & declairer par vne longue harangue que Melichiaz demeureroit tousiours humble & obeissant seruiteur d'Albuquerque, lequel de sa part remercia Melichiaz, fit quelques presens à son hōme, & recōpensa Melichiaz de ses viures par autres riches dons qu'il luy enuoya. Semblablement il donna congé & honnora de ioyaux de grand pris l'ambassadeur du Roy de Cambaje, lequel auoit ramené les Portugallois prisonniers.

15.
*Ambassade
del'Empereur
d'Ethiopie en
Portugal, &
paix faite a-
uec le Roy de
Calecut.*

ALBUQUERQUE fut alors auerty que l'ambassade enuoyé par l'Empereur d'Ethiopie au Roy de Portugal auoit esté constitué prisonnier par le gouuerneur de Dabul : ce qu'ayant sceu estre certain il manda par homme expres à ce gouuerneur qu'il eust à relascher promptement l'ambassadeur, à quoy l'autre obeit sans aucun delay, & l'ambassadeur amené en Goa, où il fut receu en grande solennité, notamment par les prestres Portugallois qui luy allerent au deuant en procession, car il portoit vne croix faite du propre bois sur lequel Iesus Christ createur & sauueur du genre humain auoit esté crucifié, de laquelle cest Empereur faisoit present au Roy Emmanuel. Tous se monstroyent fort ioyeux de voir en des pays tant eslongnez de l'Europe l'ambassadeur d'un Prince Chrestien : ce qui les asseuroit qu'un iour l'on pourroit voir le Christianisme restably par tout le monde. Albuquerque renuoya aussi alors vn autre ambassadeur qui l'estoit venu trouuer avec lettres & instructions de la part du Roy d'Ormus. En ces entrefaites Garfie Norogne executa sa commission, & apres auoir équipé les nauires qui doyuent partir pour Portugal courut soigneusement toute la mer de Calecut. Naubeadarin heritier du royaume, lequel portoit bone affection aux Portugallois, comme dit a esté cy deuant, escriuit à Norogne que s'il plaisoit à Albuquerque, luy moyēeroit vn bon accord entre le Roy son oncle & les Portugallois, & feroit qu'il leur seroit permis de bastir vne citadelle en Calecut. Albuquerque ayāt entendu ces nouuelles de Norogne en fut fort ioyeux : car il deliberoit faire voile en la mer

Arabique, & pourtant desiroit laisser les affaires paisibles & bien dressées Indes. La paix fut faite, & la citadelle commencée en vn lieu où auoit autresfois esté le palais royal assailly par Albuquerque le premier. Or l'année cinq cens treize, au mois de Mars Albuquerque fit voile de Goa avec sa flotte pour entrer en la mer d'Arabie, de quoi nous parlerons au long ci apres.

I 5 I 3.

I 6.

Estat des af-

EN ceste mesme année Barraxa & Almandarin, sortis des limites des villes qu'ils tenoyent en la coste de Barbarie, firent des courses sur les Mores pensionnaires du Roy de Portugal, brûlerent les bleds, & passans iusques au territoire d'Arzile le fourragerent, puis s'avancerent iusques au tour de Tingy. Edouard de Meneses, qui estoit gouverneur, assemble les capitaines pour auiser à ce qui estoit de faire. Cependat les ennemis qui couroient ça & là, mettent le feu aux bleds qui estoient encores en gerbe. La flamme allumée en diuerses granges estoit si grande de nuict, mesmes que de dessus les murailles de Tingy, on voyoit les troupes des Mores marchans par la campagne. Ceux de la ville se tenans sur leurs gardes courent aux armes, & pouruoient à tout ce qui estoit requis pour soutenir vn assaut ou vn siege. Meneses auoit enuoyé à la descouuerte, & dès le point du iour se trouue à cheual aux portes avec ses troupes, attendant le rapport de ses espions, qui dirent que les ennemis s'estoyent arrestez derriere des costaux, où ils auoyent posé leurs sentinelles, & qu'ils sembloient estre en grand nombre tant à pied qu'à cheual: que ce ne seroit pas vn acte de sage capitaine d'aller avec si petite troupe apres des gens asseurez, à cause de leur multitude & enhardis par tant d'exploits. Alors Meneses menoit seulement deux cens chevaux & trois cens hommes de pied, neantmoins il resolut passer outre, & ayant gagné le dessus d'un costau descouurit les ennemis, marquant de l'œil au plus pres qui luy fut possible le nombre d'iceux. Ils reculent pour tirer Meneses plus loin de la ville, & Meneses avec les siens marchent apres au petit pas. Apres que les Mores eurent fait environ vne lieue ils s'arrestèrent, & commencerent à huer d'estrange façon. Lors Barraxa dit, Il ne faut point tant crier, mais faut frapper à bon escient: ces gens que vous voyez ne

*faictes d'A-**frrique & di-**uerfes courses**des Mores des**faits par E-**douard de**Meneses.*

s'estonnent point de huees: c'est en la force du bras, non point au bruit de la bouche, qu'il faut logger & cercher la victoire. Je desire voir maintenant des hommes qui ne crient point en l'air, ains qui chargent viuement l'ennemy. Cela dit-il desbande avec les plus asseurez de ses troupes & donne à toute bribe dans le premier escadron des Portugallois conduits par Pierre Leitan qui menoit soixante cheuaux, & auoit esté enuoyé deuant de nuit. Il soustint ceste premiere charge, mais luy & les siens auoyent trop de gens sur les bras. Pour cela Meneséz (qui se fioit grandement au bon sens & en la prouesse de Leitan, & n'estimoit qu'il falut secourir tels gensdarmes sinon au grâd besoin, & que les choses n'estoient pas à l'extremité) ne s'auançoit qu'au pas, voulant donner à trauers les rangs à demy rompus desia par le combat. Ainsi donc apperceuant l'heure propre, il commanda aux pietons de courir sus aux ennemis sur l'un des flancs, luy chargea brusquement sur l'autre. Ceste meslee fut tres-aspre l'espace d'une heure, en fin de laquelle les Mores cōmençans à se lasser, & les Portugallois ayant plus de courage qu'au commencement, les Mores commencerent à fuir. Almandarin, qui auant la bataille s'estoit moqué de Barraxa, lequel auoit predict qu'il ne faloit point penser vaincre ceste poignée de Portugallois par huees, mais à coups de main, pour verifier le dire de son compaignon: se sauua des premiers avec cent cheuaux. Leitan le suiuit, & l'eust attrappé vif, ou tué, si ses gens de cheual ne se fussent trop amusez à tailler en pieces les pietons Mores, quoy que Leitan taschast de les attirer apres soy en sa poursuite. Barraxa fit vn merueilleux deuoir ceste iournee là: toutesfois voyant ses gens estoanez de la lascheté d'Almandarin il commença à reculer, en telle sorte neantmoins qu'il marchoit tousiours en rang. Meneséz le suiuit six lieues loin: mais finalement Barraxa fit gagner à ses troupes vne montagne par vn sentier estroit, & lors Meneséz fit sonner la retraite pour ramasser ses soldats qui tuoient les Mores çà & là. Il en demeura se iour sur le champ plus de six cens, & y en eut deux cens quarante prins prisonniers, entre autre le capitaine du premier escadron d'Almandarin, le guidon de Barraxa, & plusieurs

gentils-hommes, sans les estendarts pavillons, & grand butin que les victorieux emporterét. Barraxa fut ce iour bien pres du bout de sa vie, car il tomba de son cheual en terre: mais tout soudain vn de sa cōpagnie luy amena vn autre cheual frais, & par ce moyē ile schappa. Menesez y perdit quatre hommes, & remena vings trois bleffez, puis estant rentré dedans Tingi, alla droit au temple avec ses troupes, & rendit graces à Dieu, par la puïssance & benediction duquel il auoit obtenue vne si belle victoire.

17.

LA garnison de Safin ne se reposoit non plus alors: *Guerre de Sa*
car combien que les Mores voisins fussent tributaires du *fin & l'issue*
Roy de Portugal, auquel ils auoyent obligé leur foy, toutes-*d'icelle.* fois ils refuloyent payer, estans sollicités à se rebeller, ainsi par quelques Princes qui leur soustenoyent le menton: qui pis est ils persecutoyent à toute outrance les autres Mores, qui ne leur vouloyēt pas ressembler. Ainsi les Portugallois estoient contrains pour dompter ces rebelles, ou pour garantir ceux qui perseueroyent leur fidelité de faire diuerses courses. En ceste annee donc Nōnio Fernand Ataide enuoya Loup Barrigue braue gentil-homme & capitaine des cheuaux legers en vn lieu eslongné de Safin enuiron vingt lieues, nommé Dabide, pour secourir les habitans contre ceux de Xiatime qui leur faisoient la guerre. Dabide est situee sur vn costau regardant Xiatime, pres d'vne riuiera qu'ils appellent Aguz. Ceux de Xiatime estoient les plus forts à cause de leur nombre, & faisoient mille maux à leurs voisins, dōc Barrigue les sceut bien chastier alors. S'estant retiré, les Xiatimiens entendirent que le habentafus avec ses troupes alloit par les chasteaux recueillir les tributs que lō deuoit au Roy de Portugal. Ils appellent incontinent à leur aide huit cens cheuaux, avec lesquels ils s'assurent de desfaire le habentafus & les siens qui n'estoyent que huit vingt en tout logez pour lors en vn fort nommé Mirabelle. Ayant sceu que les Xiatimiens approchoyent, il enuoya querir quelques soldats de Dabide, & quoy qu'il eust beaucoup moins de gens, chargea si resolument les Xiatimiens qu'il les mit en route, & les poursuir, ayant tué quelques vns d'iceux, & prins prisonniers deux des

principaux. En contreschâge vn des premiers de Nabide, nommé Acum s'acharnant trop à la poursuite des fuyards & eslongné de ses gens fut prins & emmené par ceux de Xiatime. Le nombre des morts en ceste rencontre fut petit, d'autant que les Arabes qui demeurèrent en Mauritanie sont si auares que pour argent ils sauuent la vie à leurs ennemis, afin de s'enrichir par les rançons qu'ils en tirent, & mesmes font gloire par dessus tous autres d'auoir prins beaucoup de prisonniers en guerre. Or toute ceste esmeute print fin par eschange des prisonniers & renouuellement de l'ancienne alliance: par ainsi le Roy de Portugal fut entierement payé des tributs qu'il luy appartenoyent. Apres cela Ataïde depescha Barrigue & Rehabetasuf pour aller en vn village nommé Areze assis au pied de la montagne de Fer, & y chastier quelques rebelles. Ils partent de nuict & sur le point du iour faucent les barricades & defences du village, tuent quelques ennemis, en prennent aucuns prisonniers, tandis que les autres gagnent vistemēt le haut de la montagne. Les victorieux s'en retournent chargez de pillage, & rentrent sains & saufs dedans Safin. Derechef estant auenu que les habitans d'vne ville nommee Tazarot liguez avec ceux d'Azeze vindrent courir es enuironz de Safin, Ataïde sortit avec ses troupes en campagne, mit ses coureurs à van de route, en tua quelques vns, & fit sa retraite sans auoir rien perdu.

18.

Guerre d'Almedine: les notables exploits & la fin d'icelle.

Ce pendant Louys fils de Iean de Menesiez seigneur de Tarauce & Aluar Norogne suivis chascun de cent cheuzaux arriuerent à Safin, où le Roy les auoit enuoyez en garnison, avec commandement routesfois d'obeir alaigrement à Ataïde en tout ce qui leur commanderoit. Ataïde voulant exercer ces ieunes gentils hommes, afin qu'ils peussent acquerir quelque honneur auant que retourner en Portugal, delibera les mener en Almedine. C'est vne ville fort peuplee & ceinte de murailles: le peuple y est adonné au labourage & à la nourriture du bestial, au moyen dequoy le pais abonde en grains & chairs, & vivent les habitans vn peu plus delicatement que les Arabes qui demeurent au mesme pays. La ville estoit diuisee en deux sections, dont l'une estoit le party

du Roy de Portugal, l'autre du Roy de Fez, & chascune auoit des chefs: neantmoins tous deuoyent tribut selon l'alliâce par eux iuree. Alors les partisans du Roy de Fez estoient les plus forts à cause d'une garnison qu'ils auoyent introduite en la ville: qui faisoit que les vns volontairement, les autres par crainte, ne payoyent plus le tribut. Or Ataïde suiuy de quatre cens cheuaux & d'une cōpagnie de gens de pied partit de Safin, & sur la pointe du iour se trouua près des portes d'Almedine. Les ennemis auoyent esté auertis de sa venue par leurs espions, & estoient lors au nombre de six cens hommes de cheual & mille pietons gens de fait, bien armez & resolus au cōbat. Ataïde pensoit les surprendre, & pource estât près des murailles il fit deux bandes, dont il commit l'une à Aluar Norogne, avec charge de gagner la porte qui meïne à Maroch, & retint l'autre pour soy & pour Louis de Menefez, afin de donner à la porte opposite. Les ennemis ouurent eux mesmes les portes & presentēt le cōbat aux Portugallois. Il fut donc question de iouer des cousteaux, où les vns & les autres monstrerent tout ce qu'ils sçauoyent faire. Ataïde & les siens reculerent premierement, puis reprenās courage plus que iamais chargerent viuement les ennemis: mais cōbien que la partie eust esté debatue l'espace de plusieurs heures, sine pouoit-on coniecturer qui gagneroit. En fin les vns & les autres quitterent le combat volontairement: si que ceux d'Almedine se retirèrent dans leur ville ayās perdu vingt hommes, & Ataïde ramena ses gens diminuez de trois: mais il y eut grand nombre de blesez des deux partis. Ce nonobstant Ataïde impatient & qui ne pouoit arrester en place, s'aidant du silence de la nuit, delibera de resuciller quelques compagnies campees près d'Almedine: toutesfois entendant qu'il estoit descouuert & attendu, il se retira quoy qu'il eust desia fait vne bonne partie du chemin. Au reste, vn Arabe de sa cōgnoissance le vint trouver, & luy rapporta que le Roy de Maroch tenoit le passage par lequel Ataïde deuoit repasser pour le desfaire & se saisir de la personne. Ataïde respondit que ces nouuelles luy estoient tresagreables, & dōna quelque chose à cest espion pour sa peine: puis luy dit, le te prie va-

dire au Roy que ie l'attendray en campagne au iourd'hui tout le iour. Mais le passage demeura ouuert, soit que le Roy ne voulust pas venir aux mains, soit qu'il dressast quelque autre entreprise plus commode pour le bien de ses affaires, soit que l'Arabe eust controuué ce rapport: & le Roy s'en alla droit en vne contree qu'on nomme Duca, & traita vne ligue avec vn Prince seigneur des montagnes de ce quartier, afin de ioindre leurs forces pour faire teste aux Portugallois. Ataide ayant perdu beaucoup de temps à attendre, rentra finalement en la ville avec les troupes enuiron la minuët. Presque en ce mesme temps Nonio Mascaregne entra dedans Safin accompagné de cent cheuaux: Louys de Meneséz & Aluar Norogne furent rappelez en Portugal. Il y auoit lors en ce lieu plus de sept cens hommes de cheual, avec lesquels Ataide battoit les chemins, & attaquoit souuent les ennemis qui ne le pouuoient empescher d'exiger des tributaires ce qu'il deuoyent au Roy Emmanuel.

*Suite de la
guerre d'Al-
medine, avec
diuerses cour-
ses de part &
d'autre.*

OR comme Ataide desiroit sçauoir ce que faisoient les ennemis campez à six lieues de là, Barrigue s'offrit de les aller reconnoistre, & estant monté à cheual avec trente autres par le congé d'Ataide, il partit de nuit & approcha du camp des ennemis, comme le iour commençoit à poindre, tua six hommes, print quatre prisonniers, executant le tout de telle viffesse, qu'auant que les ennemis se peussent mettre en ordre pour le poursuiure, il se retira sain & sauf. Ataide sceut des prisonniers la deliberation des ennemis, l'ordre des cōpagnies, & avec quelles forces ils vouloyent combattre. Qui fut cause que le lendemain il enuoya deuant Barrigue avec cent cinquante cheuaux, suiuy de Nonio Mascaragne & de sa compagnie, afin de dresser vne embusche en lieu propre. Ataide marchoit apres avec le reste des forces. Barrigue enuoyé pour escarmoucher surprit les ennemis, en tua cinq, print quatorze prisonniers & emmena force bestial. Tout le camp commença à courir aux armes, les Mores estans despitez iusques au bout des algarades de Barrigue, qui se glissoit si dextrement parmy eux, puis eschappoit de leurs mains. Tout incontinent donc desmarcherent quatre cens cheuaux qui chargent Barrigue, lequel se retiroit

se retiroit au pas iusques à l'approcher du lieu où Mascaregne estoit embusché. Alors il tourne bride avec ses gés, & Mascaregne sort de l'embusche: puis ils viennent aux mains, avec telle hardiesse & resolutiō de par & d'autre, qu'on tient que depuis la prinse de Sabin il n'y eu rencontre en ce pays où pour vn si petit nombre de gens les armes ayant esté plus valeureusement manies qu'en ceste cy. Car les Mores combattoient en rang sans se troubler ni desbâder: les Portugallois lassés du chemin les soustenoyent de grand courage, & n'y auoit personne qui tournast le dos. Plusieurs furēt blesez & iettez par terre, mais tous resterent en vie. Finalement les Portugallois commencerēt à reculer, iusques a ce qu'ils eussent à dos Ataide qui venoit au secours: au moyē dequoy les Mores s'arresterent. Ataide ne voulut passer outre, voyant les cōpagnies de Barrigue & Mascaregne si harassées que riē plus: il craignoit aussi que du camp des ennemis ne suruinst rēfort aux autres par le moyen dequoy luy & les siens seroyent accablés. Pourtant laissa-il le butin, afin de marcher mieux en ordre, & se retira dedans sa ville. Quelques iours apres ceux d'Almedine firent vne course sur les terres de Sabin, & s'embuscherent en deux endroits: mais Ataide les ayāt descouuerts sortit sur eux, & y eut aspre cōflit, en fin duquel les Mores furent rompus & s'enfuirēt, laissant quarante huit des leurs sur la place. Ils en eussent perdu dauantage, sans la bonté de leurs esperons & la vitesse de leurs cheuaux, ioint aussi qu'Ataide (qui perdit trois hōmes) ne voulut permettre qu'on les poursuiuist, de peur que les siens en s'amusant à tuer çà & là ne fussent enveloppez de quelque embuscade. Il y auoit sept cens Arabes à cheual qui couroyent par les champs deuant la ville & faisoient le gâst, qui se retirerent tout soudain. Ataide voyant à leur contenance qu'ils ne pensoyent nullement qu'on les deust charger enuoya apres eux Barrigue suivi de huit vingt hommes choisis, & par vne autre porte Nonio. Ceste vaillant capitaine avec vne autre compagnie pour assaillir de tous costez ces coureurs. Nonio chargea le premier, & en ceste meslée les Portugallois se trouuerent en grand danger, à cause de la multitude & fureur des Arabes: mais Barrigue & les siens sur-

uindrent si à point que leurs compagnons reprendrent courage, & firent reculer les ennemis, puis les rechargèrent si rudement qu'ils mirēt tout à vau de rōute, les chasserent deux lieues loin, en occirent grand nombre. Barrigue retourna en la ville avec les principales despoilles, car il tua de sa main le general des ennemis, estimé l'un des plus vaillans de l'Afrique, en telle sorte que ceste victoire luy cousta bien cher, ayant esté grieuement blessé en plusieurs endroits de son corps: mais l'honneur de sa victoire amortissoit la douleur de ses blessures. Ce general s'appelloit Iahomazēde. Barrigue gaigna le cheval & trancha la teste de Iahomazende, laquelle il apporta, entrant sur ce cheval dans Safin. La teste fut fichée au bout d'une picque, & plantée sur l'une des portes de la ville. Quelque somme d'argent que les Arabes voulussent donner pour ceste teste, Ataïde ne la leur voulut iamais rendre. En fin, les Mores habitans d'une contree qu'ils appellent Xerquie, n'en pouuans plus, & ne voyans ressource quelconque en leurs affaires, demanderent la paix à Ataïde, & entre autres conditions, que la teste de Iahomazende leur fust rendue pour l'enterrer, car il estoit grandement respecté de tous les Arabes pour ses beaux exploits en guerre, & n'y auoit pas un des siens qui ne l'estimast par dessus tous autres. Ataïde leur accorda cela, tellement que la paix fut incontīnēt concludē. Les autres Mores incitez par l'exēple de ceux de Xerquie, priērēt Ataïde de pacifier, ce qu'il fit par l'entremise de Iehabentafuf qui moyennoit de part & d'autre. Ils ne furēt point cottisez à plus grosse taille qu'auparauāt: & par ces accords la guerre fut assopie, & toute ceste estendue de pays assuervie de rechef au Roi de Portugal avec tribut raisonnable. De ces Mores avec lesquels Ataïde s'estoit accordé, il en souldoya bon nombre, afin de faire la guerre d'ordinaire au Roy de Maroch & au Xerif capitaine general des coureurs Arabes de l'Afrique, & par eux estimé pour l'opinion qu'ils auoyent de sa prouesse. Le nom d'Ataïde effroyoit tellement ces deux Princes qu'ils ne pensoyent iamais

19.
Guerre cōtre
le Roy de
Maroch.

OR quand Ataïde se vid à deliure de ces affaires que les guerres susmentionnees luy auoyent donnez, il deli-

bera s'employer du tout à courir sus au Roy de Maroch & au Xerif: poutât commanda il à Barrigue d'entref au royaume de Maroch pour y faire la guerre avec cent cinquante cheuaux Portugallois, & le renfort des Arabes confederez qui marchoyent sous la charge de Ichabentafuf. Mais auant que parler de leurs exploits, il faut descrire ce qui auint quelque temps auparauant. Huiet iours apres le combat entre Barrigue & Mascaregne contre les quatre cens cheuaux Mores, dont mention a esté faite au chapitre precedent, Ataide sceut que le Roy de Maroch s'estoit remué & campé au promontoire de Catin assez pres du lieu où le combat susmentionné estoit donné. Sur le soir, tadis que le Roy souppoit, Ataide surprint deux compaignies & saisit les genldarmes d'icelles prisonniers, mit tout le camp en alarme & en grand trouble, puis se retira au grand pas. Les Mores coururent apres & l'assailent à coups de fleches, de dards & de harquebuzades: mais sur tout il y auoit telle gresle de cailloux d'un costé, (comme aussi leur camp estoit ainsi disposé) que depuis ce lieu là fut nommé le iet des pierres. Nonobstant cela les Portugallois se retirerent avec leur proye, & furent suiuis de pres par les Mores toute la nuit. Ataide les ayans soustenus vaillamment plusieurs fois entra sain & sauf avec ses troupes & bon butin dedans la ville. Il y auoit plus de trois cens prisonniers, grand nombre de cheuaux & quelques chameaux. Le Roy gaigna un autre endroit plus fort pour s'y cäper, assauoir vne haute montagne nommee Idenar, au pied duquel se void vne campagne, estroite à cause de quelques costaux estans à l'entree, & qui s'elargit puis apres. Il assit donc son camp en ces destroits: ce qu'Ataide ayant descouuert monta à cheual vne nuict avec cinq cens hommes, & le regiment de Ichabentafuf courut au camp des ennemis, les surprint & mit en tel desarroy, que combien que les vns empoignassent ce qui se presentoit à leurs mains pour se defendre, toutesfois la peur les auoit tellement troublez qu'ils quitterent tout pour se sauuer de vistesle. Le Roy mesme n'attendit pas que son cheual fust prest, ains monta sur le premier rencontré, & s'enfuit à bride abatuë. Il y eut force gens tuez au camp, grand butin pour les vi-

Glorieux, & sur tout vne grosse troupe d'hommes & de
 femmes emmenez pour estre esclaves. Entre les prison-
 nieres il y en eut vne tresbelle, concubine du Roy laquel-
 le il aimoit ardemment. Quelque Portugallois furent
 blesez notammēt Ataïde receut vn coup au visage. Voi-
 la ce qui auint alors. Mais pour reuenir à Barrigue, estât
 logé avec Iehabentafuf en vn village nommé Duam à
 vingt quatre lieue de Safin, il entendit qu'en vne assez
 large campagne nommée Alehauz au pied du mont At-
 las, lequel ceux du pais appellent auourd'huy Montes
 Claros, y auoit neuf compagnies d'ennemis. Ces nou-
 uelles firent diligenter tellement Barrigue, Iehabentafuf
 & les autres capitaines, qu'ils surprindrent ces neuf com-
 pagnies, taillerent presque tout en pieces, tellemēt qu'il
 en demeura mille estendus sur la campagne, prirent
 cent cinquante prisonniers & firent vn merueilleux bu-
 tin ceste iournee. Passans oultre ils entrerent en la con-
 tree de Xiatime, tuerent nombre d'ennemis, & emme-
 nerent cent prisonniers. Le Xetify vint avec puissantes
 troupes pour se rendre seigneur du pays à force d'armes.
 Plusieurs gens à cheual de son camp y vindrent charger
 Barrigue, lequel auoit receu cēt cheuaux qu'on luy auoit
 enuoyez de renfort. Il y eut assez aspre meslee, sans pou-
 uoir conoistre qui emporterait la victoire. Trois Portu-
 gallois & vn Arabe y demurerent : les ennemis perdirēt
 vingt cinq des leurs, entre autre le fils d'un certain sei-
 gneur, & voyans qu'ils ne gaigneroient pas beaucoup,
 ils s'en retournerent en leur camp, sans estre suiuis de
 Barrigue qui craignoit vne plus pesante recharge. Quel-
 ques iours apres Barrigue fit vne autre course iusques aux
 portes d'une ville du territoire de Xiatime nommee Tâ-
 ly. Les habitans qui se voyoyent en extreme danger ap-
 porterent sur les murailles & mirent le feu en vne infinité
 d'exaims d'abeilles dont le pais est riche : tellemēt que
 les Portugallois bruslez du feu & picquez viuement de
 ces mouches furent contrains se retirer, & y en eut qui
 receurent des coups de main, afin qu'ils ne se plaigais-
 sent pas d'auoir esté chassiez par les mouches seulement
 Barrigue fut du nombre. Au mesme temps Nonio de Cu-
 gne fut enuoyé en Safin avec vne compagnie de cent

cheuaux, & Mascaregne rappellé en Portugal.

Il y a en la coste de Barbarie tirant vers Safin vne ville *Iehabétasuf* nommée Aguz, laquelle auoit esté gardée par vn Capitaine Portugallois avec cinquante archers. Barrigue & tort de trahison. *Iehabétasuf* s'y refraischissans avec leurs troupes receurent son gain. virent nouvelles que le Roy de Maroch approchoit avec ne belle vne puissante armee: ce qu'on fit scauoir à Ataide, lequel estoit, sans promptement au secours de ceux d'Aguz Nonio de Cugne. Ataide, en Lors comme quelques vns des ennemis vouloient donner qui lon void sur la queue des Portugallois, ils furent repoussez, & l'un comme les d'eux prins prisonnier, puis enuoyé par Barrigue à Ataide, grands sont lequel s'enquerat de ce que le Roy de Maroch deliberoit faires à se faire, fut afin par ce More qui luy imprima des opinions laisser trop per au cerueau iusques à lui faire peser que *Iehabétasuf* vouloit par faux rap loit trahir les confederéz: tellement qu'il manda à Barrigue & biers que promptement il fist rentrer tous les Portugallois lourdemment en la ville, & demeurast en campagne avec soixante quelques fois. cheuaux seulement, puis trouuaist quelque pretexte par le moyen dequoy lon estimast qu'il auroit eu iuste occasion de se separer d'avec *Iehabétasuf*. Barrigue exécute ce qu'il luy estoit commandé, & premierement renuoye tous les autres, puis dresse (comme dit le prouerbe) vne querelle d'Aleman, & fait si bien du courroucé qu'il sembloit n'auoir peu autrement faire pour son honneur sinon laisser *Iehabétasuf* à part. Roderic de Castre ne le voulut point abandonner ains luy tint compagnie avec trois seruiteurs. *Iehabétasuf* bien marry d'estre delaisné au besoin par les Portugallois, fut encor plus indigné de ce qu'on l'estimoit autre que sa fidelité & ses seruites ne monstroyent, portant ce tort plus impatiemment que le danger auquel on l'exposoit. Pourtant escriuit-il des lettres par lesquelles il se plaignoit d'un si grand outrage: protestant toutesfois qu'avec ses troupes il donneroit bataille ce mesme iour au Roy de Maroch, afin que par vne victoire memorable ou par vne mort honneste, il fist cognoistre à tout le monde combien il auoit esté loyal seruiteur du Roy Emmanuel. Ataide esmeu en lisant telles lettres, rescriuit qu'il luy enuoyeroit incontinent cinq cens cheuaux. Mais quand le porteur, suiu de douze cheuaux seulement, arriva, *Iehabétasuf* estoit

desia meslé dedans l'armée du Roy de Maroch. Ceste bataille fut cruelle entre plusieurs autres, mais Ichabentafuf & ses gens firent merueilles à ceste fois, car ils mirent les ennemis en route, & taillerent en pieces vn fort grand nombre, gaignerent le camp du Roy & poursuivirent tellement les fuyards que la pluspart de ceste armee fut tuee par les chāps. Il y eut vn riche butin, car les pauillons estoient garnis de toutes choses requises à la guerre. Le lendemain Ataide suiuant sa promesse enuoya au secours Barrigue & de Cugne avec cinq cens cheuaux: mais auant leur venue Ichabentafuf auoit obtenu la victoire, dont Ataide fut extremement despité, de ce qu'une bataille si remarquable s'estoit donnée sans que luy, ny pas vn capitaine Portugallois s'y fussent trouuez; & plusieurs taxerēt sa legereté, d'auoir ainsi adiousté foy au rapport d'un babillard & trompeur, iusques là de ne faire conscience d'abandonner son compagnō en si grande necessité, & se faire estimer pariure & hōme sans foy. Peu de iours apres Ataide enuoya Barrigue vers vn autre place du gouvernement de Xiatime où estoient les ennemis, lesquels furent viuement assaillis, & se defendirent de mesmes, tellement que deux gentils-hommes & quelques autres Portugallois demurerent sur le champ: mais en fin la place fut prinse, vne parties des ennemis taillee en pieces, aucuns prins prisonniers, les autres echapperent à bien courir.

20.
*Entreprises
 du Roy de
 Fez sur Tin-
 gyet Arzile
 & le succes
 d'icelle.*

L'AN mil cinq cens onze le Roy de Fez ayant entendu que Tingy n'estoit pas munie de grosse garnison, & mesme qu'on la gardoit assez laschement, eutima s'en pouvoir aisément empater, s'il l'assailloit au desprouueu. Pourtant dressa-il vne puissante armee pour y aller. Mais il y trouua beaucoup plus de resistance qu'il ne pensoit. Neantmoins il se campa, tint le siege quelques iours, & fit tous ses efforts d'entrer dedans: toutesfois il fut tousiours repoussé avec grande perte & confusion. Or l'année suiuaute, voulant recouurer son honneur il amena son armee pres d'Arzile où il se cāpa, & comme ses troupes fussent descēdues au fossé, ceux de dedās les y allerēt attaquer, de telle sorte que Bernard Coutin courant la lāce baissée contre Adel chef des Mores, luy donna dans

la visiere, & luy creua vn œil. Iacques frere de Francisque Coutin Conte de Marialbe fut tué en combatant vaillamment. Le nombre des morts de part & d'autre ne fut pas grand, & le Roy voyant que c'estoit temps perdu de s'arrester dauantage à ce siege, se retira chez soy sans autre exploit.

QUANT au Roy de Portugal, combien qu'il eust l'esprit tousiours tendu aux affaires d'Afrique, si pensoit-il aussi à vne autre guerre, de laquelle il receuroit nō moindre honneur que des autres. C'estoit vn Prince fort desireux d'auancer sa religion, & abatre par armes spirituelles toutes forteresses de superstition contraire. Pourtant il donnoit ordre que les Indiens & Ethiopiens idolatres fussent induits à embrasser le Christianisme par les enseignemens & exemples de gens religieux. Entre autres, aperceuant que ce Royaume d'Ethiopie nommé Congo auoit ouy quelque peu parler de Chrestienté, dès le temps du Roy Iean second, il s'estudia d'amener ceste œuvre à perfection. Pourtāt, comme dit a esté au troisieme liure, il auoit enuoyé en ce royaume quelques prestres des plus deuotieux de Portugal, afin d'apprendre quelque chose du Christianisme aux pauvres superstitieux qui n'auoyent encor esté baptizez, & pour instruire vn peu plus auant ceux qui s'appelloyent Chrestiens. Enuiron ce temps dōc il enuoya vn cheualier gentilhomme de sa maison vers le Roy de Congo, & nouveau renfort de prestres, avec leurs chappes, chasubles, surpelis, estolles & autre tel equippage pour chanter Messe, & attirer dauantage à la religion Romaine ce Roy de Congo, lequel incité par la bonne affection que Emmanuel luy mōstroit, enuoya en Portugal son fils nommé Héry avec son frere & quelques ieunes gentilshommes, pour apprendre les langues Portugalloise & Latine, & estre instruits plus auant es ceremonies de la religion qu'il auoit nouuellement receuë. Avec eux arriua vn Ambassadeur nōmé Pierre, hōme fort prudent, & qui deuisoit souuentefois avec Emmanuel. Ice-luy desirant seiourner en Portugal amena quant & soy sa femme, à laquelle la Royne Marie fit beaucoup de presens. Emmanuel, voulāt en toute douceur planter sa religiō en ce Royaume, commit le frere & le fils du Roy de Congo

21.

Estat du royaume de Congo en Ethiopie.

avec les autres ieunes gentilshommes à des prestres & moines sçauans pour leur enseigner le Latin, & les façons de faire obserues en l'Eglise Romaine. Puis enuoya vn gentilhomme nommé Simon de Sylues vers le Roy de Congo avec quelques presens, à sçauoir des mules & cheuaux brauement harnachez & caparassonnez, des beneftiers, tableaux de peinture, mitres & semblables paremens pour l'exercice de leur religiō : Item quelque charpentiers pour bastir des temples & des palais au Roy. Il donna aussi toute autorité à Sylues de retenir en deuoir les Portugallois habitans en ceste partie d'Ethiopie, & si besoin estoit, punir leurs malefices : d'auantage ayder au Roy de Congo à administrer iustice à tous les peuples de son Royaume. Pour executer cela plus cōmodement Sylues mena vn Iuriconsulte quant & soy, suiuant la requeste que le Roy de Congo en auoit faite à celuy de Portugal. Outreplus Sylues eut charge que si pēdant son seiour en Ethiopie suruenoit quelque esmotion de guerre, il aidast le Roy de moyens, de conseil & de force : & sur tout l'admonnestast d'enuoyer Ambassadeurs à Rome pour recognoistre la puissance & l'autorité du Pape & de l'Eglise Romaine sur les affaires de la religion. Et d'autant que l'Ambassadeur nommé Pierre, qui seiournoit en Portugal, sembloit homme fort auisé, Emanuel estoit d'auis qu'iceluy eust entre autres ceste commission, & qu'on deputast quelques gentilshommes pour l'accompagner iusques à Rome, où le Roy de Portugal promettoit le faire conduire & l'en ramener à ses despens. Il prioit aussi celuy de Congo d'enuoyer quelques ieunes enfans, des meilleures maisons de son royaume, en Portugal pour estre enseignez avec les autres. De Sylues s'embarquant avec ceste charge, eut vêt à souhait & arriva au Royaume de Congo, dōt le Roy mōstra semblāt d'estre fort ioyeux, & promptement despēcha vn sien parent des principaux de sa court pour bienueignier Sylues, & l'amener en la ville où le Roy seiournoit, fort loin de la mer, puis luy bailler logis cōmode. Sylues ayant esté atteint d'vne fièvre en ce voyage mourut auant que voir le Roy, qui fut grādement cōtristē de cest accidēt. Aluar Lopez Admiral de ceste flotte succēda à Simon de Sylues, cōme Emma-

quel l'auoit ordonné auant qu'ils s'embarquassent au cas
 qu'iceluy de Sylues decedast auant qu'auoir executé sa
 commission. Les lettres que Lopez presenta au Roy de
 Congo ne contenoient sinon vne declaration de pieté &
 de bonne volonte d'Emmanuel avec creâce à ce que Syl-
 ues diroit. Icelles ayans esté leuës Lopez adiousta quel-
 que chose de bouche pour l'esclaircissement d'icelles, & fit
 desployer en presence du Roy les presens qu'il auoit char-
 ge deluy offrir. Ce Roy mania chascune piece l'une apres
 l'autre, s'estonnant de les voir, prisant beaucoup telles
 besongnes, & en leuant les mains au ciel remercia Dieu
 qui l'auoit tiré des tenebres de superstition pour luy faire
 veoir sa lumiere par le moyen de deux Roys si accomplis
 en toute vertus: & qu'il se sentoît meueilleusement obli-
 gé à Emmanuel qui ne s'estoit pas contenté de luy faire
 ce bien tant excellent, mais aussi vouloit combler les
 biens-faits passez par autres dons de nouueau. Or d'autât
 qu'Emmanuel luy enuoyoit les armoiries qu'il deuoit
 porter de là en auant pour tesmoignage de sa vertu, &
 pour l'ornement de toute sa posterité, il fit vn edit de cela
 pour faire scauoir à tous & rendre notoire à iamais l'in-
 stitution de ces armoiries, & que signifioit ceste benefi-
 cence royale. En cest edit il racôroit au long comme par
 l'entremise du Roy Iean le pays de Congo auoit esté ap-
 pellé à la religion Chrestienne, & deliuré de la tyrannie
 du diable, & avec quels artifices cest ceuvre tant excellent
 auoit esté retardé par les ruses de ce vicil serpent qui a-
 uoit esté cause de faire chasser nos premiers peres hors
 de l'heureux seiour où ils estoient. Avec quel soin estude
 & vigilance Emmanuel Roy inuincible s'estoit parforeé
 de paracheuer ce que son predecesseur auoit commencé.
 Il faisoit puis apres vn sommaire du Christianisme, puis
 racontoit par quel moyen son pere miserablement seduit
 par des garnemens execrables s'estoit meschamment re-
 uolté de la foy Chrestienne, dont il auoit fait profession
 pour quelque temps, & traité fort rudement son fils ainé
 Alphonse (qui estoit le Roy parlant en cest edit) pourcé
 qu'il refusoit ensuiure ceste reuolte. Apres cela il discou-
 roit sur ce que son pere l'auoit bāny, & les fascherics alai-
 grement portees en son exil pour le nom de Christ: Item

eomme ainsi que son pere mouroit, luy accompagné de
 trente six hommes seulement, à l'aide de Christ souuen-
 tes fois inuocé, il estoit entré au combat cōtre son frere
 qui taschoit à grand tort s'emparer du Royaume, & qui
 menoit vne puissante armee: & en quelle maniere, non
 point avec le bras humain, mais par la force de Dieu, cō-
 me les ennemis mesmes le confessoient, la guerre auoit
 esté parachutee, son frere prins prisonnier comme par
 miracle, & iustement puny de sa meschanceté desesperee.
 Puis apres il declaroit pourquoy son cousin Pierre l'vn
 des trente six susmentionnez combatans pour luy estoit
 son Ambassadeur en Portugal, & qu'il entendoit par les
 lettres d'iceluy que par le commandement d'Emmanuel
 on faisoit prieres par tout son Royaume pour le salut du
 Roy & du Royaume de Congo, tesmoignage excellent
 d'une extreme & ardante charité. Que considerant ces
 choses il estoit prest de souffrir toutes incōmoditez voire
 la mort mesme pour la religion Chrestienne, pour les
 lieux saints & pour les commandemens de l'Eglise: puis
 aussi s'exposer à tous hazards pour maintenir la grādeur
 du Roy Emmanuel. Il adioustoit encores ces mots: Mais
 afin que ce bon Roy, digne de gloire immortelle, nous
 obligeast de plus en plus à soy, il nous a enuoyé vn de ses
 gentilshommes avec dons & ornemens qui monstrent
 assez la bonne affection qu'il nous porte. Et d'autant que
 c'est la coustume des Roys Chrestiens de porter des ar-
 moiries pour faire cognoistre eux & leur race, & illustrer
 leurs maïestez: ce mesme Roy à voulu nous fauoriser &
 honnorer grandement en cela, nous ayant enuoyé vn es-
 cussōn marqué du signe de la croix, afin qu'ayons souue-
 nance de la victoire obtenüe par l'Empereur Constantin,
 apres auoir veu le signe de la croix au ciel, & que le sou-
 uenir d'une semblable victoire à nous dōnee de Dieu ne
 s'effaçast iamais de nostre memoire. Et d'autāt que l'Apo-
 stre S. Jacques patron des Espagnols a esté souuēt inuoc-
 qué par nous durant le combat, & qu'il est apparu au grād
 effroy de nos ennemis, le Roy Emmanuel a voulu que sa
 figure fust depainte és mesmes armoiries. D'auantage,
 pour sceller par vn notable tesmoignage l'amitié que no-
 uous l'vn avec l'autre il a meslé ses armoiries (qui ont

cinq petis escussions diſpoſez en forme de croix) avec les noſtres. Ces cinq eſcuſſions repreſentent les playes, dont Ieſus Chriſt a eſté hauré en la croix pour le ſalut du gère humain: car lors que le Roy Alphonſe premier du nôſt preſt de donner bataille à cinq Roys payés entrez dans le Royaume de Portugal, en regardât vers le ciel d'où il attendoit ſecours, il vid des yeux de l'eſprit & du corps vne ſemblance de Ieſus Chriſt avec ſes playes, ce qui l'encouragea de telle ſorte qu'il tua ſur le champ vn nombre infiny de ſes ennemis, & pour ſouuenance à la poſterité de cēſte belle victoire, il print icelles armoiries, leſquelles nous ont eſté enuoyees afin d'amōneſter nos ſucceſſeurs qu'en toutes leurs guerres ils s'appuyent ſur l'aſſiſtance de Ieſus Chriſt, & non ſur le bras humain. Nous remercions infiniment noſtre treſcher frere le Roy Emmanuel pour tāt de biēs faits excellēts, & outre ce que nous le recognoiſſons noſtre frere & protecteur; nous ſōmes preſts auſſi d'employer nos biēs, & noſtre vie pour ſon ſeruiſe. Et quād nous aurions fait tout ce qui eſt poſſible, encores ne pourrions recognoiſtre comme il appartient le moindre des biens dont nous luy ſōmes redevables. Il reſte dōc, puis que ne pouuōs rēdre la pareille, qu'il plaiſe à l'eternel Roy des Rois, en l'honneur duquel Emmanuel entreprend des choſes ſi grādes & ſi belles, lui en dōner vne recōpenſe diuine & perpetuelle. Nous adiurons & admōneſtons nos enfās & ſucceſſeurs, & ſuiuāt noſtre autorité leur commandons de porter ces armoiries, en orner leurs boucliers, en faire les ſeaux de leurs lettres & leurs eſtendarts, & ſe ramentēuoir touſiours ce qui eſt deſigné par icelles, afin que cela les entretenant en l'amour de pieté & de iuſtice, à l'aide de Ieſus Chriſt, ils emportent la victoire de leurs ennemis. Or d'autant que la couſtume eſt que les valeureux faits d'armes ſoyēt anoblis, & que les hommes qui par leurs merites ſont montez en degré d'honneur monſtrient à leur poſterité les marques de leur vertu, le meſme Roy Emmanuel nous a enuoyé d'autres eſcuſſions & marques de nobleſſe pour en honorer la race des trente ſix, qui ſe ſont portez vaillamment en la bataille, où à l'aide de Dieu, nous auons brisé l'eſſort de noſtre frere: afin que pluſieurs ſoyent in-

citez à aimer la vertu par vn tel tesmoignage d'icelle, &
 que non seulement nous ayons dequoy resister aux en-
 nemis qui nous courent sus en ce mode, ains aussi qu'en
 la vie auenir nous puissions iouir des biens perdurables
 à iamais. Par ces lettres affichees par tout, & dont copie
 fut enuoyee à tous les grands du royaume, ce Roy vou-
 lut monstret combien il se sentoit oubligé enuers Em-
 manuel. Puis suyuant l'exhortation d'iceluy il deputa
 Pierre avec douze gentils-hommes pour aller en ambas-
 sade vers le Pape, & enuoya à Emmanuel grande quan-
 tité d'yuoire & autres presens dont Congo abonde : &
 fit embarquer avec Pierre douze enfans de noble maison,
 pour estre esleuez & instruits en Portugal cōme les au-
 tres qui y estoyēt venus auparauāt, Pierre estāt arriué en
 Portugal, Emmanuel cōmenda qu'on luy fournist ample
 mēt, ensēble à Henry fils du Roy de Congo, & aux autres
 gētilshōmes deputez, tout ce qui estoit requis pour faire
 leur voyage. Ils furent les biēs venus à Rome & benigne-
 mēt receus du Pape & des Cardinaux, puis presenterēt les
 lettres de leur Roy lequel declaroit que premierement
 par l'adresse du Roy Iean second, luy & son royaume au-
 uoyent esté deliurez de la tyrannie du diable, & des te-
 nebres de superstition : puis auancez au Christianisme
 par la bonne volonté du Roy Emmanuel qui n'y auoit
 rien espargné, tellement qu'il apperceuoit mieux que ia-
 mais la laderie dōt il auoit esté infecté, & detestoit plus
 que deuant sa superstition & folie passée : promettant ré-
 dre graces à Dieu pour vne telle grace par le moyen de
 laquelle il estoit si heureux, & auoit esté esleué en son de-
 gré Roy par des miracles manifestes : item qu'il auroit
 tousiours bonne souuenāce de ceste diuine faueur. Mais
 ayant ouy dire que Iesus Christ auoit vn grand vicāire
 au monde, à qui tous les Princes faisoient hommages,
 & aux mandemens duquel ils assuiettissoyent comme à
 ceux de Dieu mesmes, luy ne se voulant pas separer de ce
 rang, ny eslongner de la deuotion des autres, auoit de-
 liberé enuoyer à Rome son fils Henry desia instruit aux
 saintes lettres en Portugal, & son cousin Pierre, en la fi-
 delité & pitié duquel il se reposoit, afin qu'en son nom
 ils baissassent la pantoufle du Pape, & luy offrissent tout

le royaume de Cogo pour en disposer à son plaisir: promettant delà en apres se monſtrer ſi obeillant ſils du ſeige Romain, que nul autre Prince Chreſtien ne le deuanteroit en bonne affection. Le reſte eſtoit vne priere que l'on adiouſtaſt ſoy à ſes ambassadeurs, & quelque requeſte touchant certaines choſes appartenantes au ſair de la Religion. Ces ambassadeurs furent gracieuſement receus, & leur accorda-on ce qu'ils demandoient. Le Pape & ſes Cardinaux conſideroyent que ceſte nation barbare, eſlongnee de toute ciuilité & humanité, n'auoit peu quitter ſa premiere ſuperſtition pour embrasser la religion Romaine, que par vne ſinguliere faueur de Dieu, & partant qu'il ſaloit receuoir avec actions de graces ces nouuelles premices d'Ethiopie; qui ſe preſentoient apres vn ſi grand laps de temps. Voila ce que le Roy de Portugal deſigna & executa pour eſtablir ſa religion en Ethiopie. Mais enuiron le meſme temps, Pierre de Menefez ſeigneur d'Alcortin, & Prince de ville Real, paſſa la mer, eſtant enuoyé gouuerneur dans la ville de Septe, afin de manier les affaires de la guerre auſſi vaillamment & heureuſement que ſes predeceſſeurs.

Pour reuenir à l'eſtat des Indes, apres qu'Albuquerque ſ'en fut allé de Malaca, les affaires au lieu d'y eſtre paiſibles ſ'enaigrierent & ſe diſpoſerēt ſi mal que les troubles recommencerent plus que iamais. Or afin d'en traiter plus clairement, il faut dire en premier lieu quelque mot de la ſituation de quelques iſles qui ſe preparoyēt à la guerre contre les Malacans. La Taprobane, qu'ils appellent Zamatra, eſt tellement oppoſee au midy à la Cherſoneſe d'or, que toutesſois elle ſ'eſtēd plus loin vers l'Orient. De là vers le Midy il y a grand nombre d'iſles, entre autres à l'Occident on ne void vne nommee Zúda, fort abondante en poyure, & qui n'eſt ſeparee de Zamatra que d'un petit bras de mer. Tirant de là au Levant apparoifſent deux autres iſles, l'une nommee grande & l'autre petite Iauc. Ces trois iſles ont leurs Roys auſquels elles obeifſent. Les deux Iauces ſont fertiles & graſſes entre autres, produifent grains & fruits de diuerſes ſortes, entretiennent tres-grand nōbre de gros & menu beſtial, enſemble force haraz de cheuaux. Elles ſoiſſonnent en

22.

*Deſcriptio de
plusieurs iſles
de l'inde Oriē-
tale, ſpeciale-
ment de la grā-
de Et petite
Iauc.*

venaison volatile & faunaginès, & la terre produit par tout abondance de poyure & autres espiceries. Ceux qui demeurent auant en terre ferme sont grâds idolatres les habitants des lieux maritimes sont Mahumetistes pour la plupart. Quant aux hommes ils cheminent d'ordinaire estant nuds & descouverts iusques au nôbril: toutesfois les plus magnifiques portent quelque chemise de soye ou de coton. Ils ne peuuent endurer vn poil de barbe, ains l'arrachent, rasent tout le poil du deuant de la teste, nourrissent & tortillent soigneusement les cheveux qui sont sur le derriere, & ne couurent nullement leurs testes, estimant indigne de l'excellence de l'homme (laquelle ils considerent au chef plus qu'en nulle autre partie du corps) cacher ceste noble partie, comme si c'estoit chose deshonneste. Si quelqu'un touche à la teste de son compaignon, ils vengent vn tel outrage avec les armes sans remission. Ce sont gens hardis à la guerre, & qui se fourrent à teste baissée parmy tous dangers: adonnez au reste à forger & faire avec grand industrie des armes, canons & diuerses sortes de traits, & fort experts à fondre l'airain pour en dresser telle piece d'ouillage & d'outil que bon leur semble. Ils ne sont pas moins adroits à bastir & charpenter nauires, conoistre le cours du ciel & des estoilles: sur tout ce sont les plus grands magiciens qu'il est possible de peser. On les void souuent par les forests à la chasse avec chiens & espieux pour courir le sanglier & le cerf, & s'aider aussi d'oiseaux de proye pour la volerie. Ils sont de couleur bazane: les femmes ne sont pas laides, & ont assez bon esprit, prennent plaisir à se parer, ne dansent pas de trop mauuaise grace: se plaisent fort à la chasse, & y acompagnent leurs maris, se faisans pour cest effect porter dedans des chariots. Ce peuple vit comme les habitans de la China, desquels il se vante estre descendu.

23.

Armee nauale de Pateonou. Prince de Iapare: les batailles donnees entre luy & les Portu-

En l'isle de la grâde Iane y auoit vn Moïse, nommé Pateonou, seigneur d'une ville nommée Iapare assise en la frontiere maritime qui regatde la Taprobane. Deuant qu'Albuquerque se fust rendu maistre de Malaca, Pateonou & Vtetimutaraja s'estoyent liguez ensemble pour faire mourir le Roy, duquel Vtetimutaraja se plaignoit fort pour les grands outrages qu'il disoit en auoir receus,

& dont il s'estoit resenty iusques là de promettre par lettres à Pateonouz qu'il luy liureroit ce Roy entre les mains. Pateonouz cōuoiteux de regner, employa tous les sens à faire valoir l'occasion qui se presentoit : & pour-<sup>gallois au port de Malaca, cō-
il est des fait
avec tresgrā-
de pertē.</sup> tāt commença-il à equipper & armer vn fort grand nōbre de vaisseaux, & employa sept ou huit ans à preparer tout ce qui y estoit necessaire, le tout si secretement de sa part & du costé d'Vtetimutaraja, que persōne ne pouuoit cōiecturer à quoy deuoyēt seruir tous ces appareils. Cependāt il enuoyoit gens en Malaca, pour y demeurer en qualité de marchā, en attēdant le tēps de surprēdre avec les armes ceux qui ne s'en desfioyent pas. Vtetimutaraja receuoit tels marchans en certaines siennes rues, & lors qu'Albuquerque le fit decapiter, il y en auoit grād nōbre dedās la ville. Voila cōme ceste republique cachoit en ses entrailles sa propre mort, tellement que personne ne se pouuoit douter de la ruine qui pēdoit sur sa teste. Apres l'execution d'Vtetimutaraja, Pateonouz ne laissa pas de cōtinuer en ses desseins. Sa flotte estoit puissante, il auoit de grāds moyens, & n'estimoit pas l'estat de Malaca si asseurē qu'on ne le peust remuer & changer. Pourtant desmara-il de Iapare avec trois cens voiles bien equippees, ayant en ceste flotte vne armee de gens d'eslite, & apres auoir passé le destroit entre les Iaues & la Taprobane, il effroya tous les Insulaires voisins. Roderic Brittio, esleu gouuerneur de Malaca, cōme dit a esté, entēdit ces nouuelles, & despeschā soudainemēt Andrade avec sept nauires pour aller vers ce destroit de secourir quelle route tenoit ceste flotte: mais icelle en auoit ia passé vn autre nōmé Saba, pour arriuer plustost en Malaca. Andrade & les autres capitaines n'eurēt loisir q̄ de regagner la ville. Cependant Brittio delibera de cōbatre ceste flotte luy seul avec ses forces, dont Andrade fut extremement indignē, alleguant qu'Albuquerque l'auoit esleu Amiral, & que Brittio estoit cōmis pour garder la ville : qu'il deuoit dont se tenir dās la citadelle, conseruer Malaca, & laisser à Andrade la charge des affaires de mer. Au cōtraire Brittio soustenoit que le cōmandement sur mer & sur terre luy appartenoit en ces quartiers là, partant qu'Andrade deuoit sans aucū delay obeyr à tout ce q̄ luy ordōneroit.

*Grande prou-
dence de Brit-
tio & d'An-
drade, mal en-
suuie par la
plusspart de
ceux qui pẽ-
sent estre bien
habiles.*

pour la manutention de l'estat. Mais Andrade protestoie n'endurer iamais qu'on le despoillast de sa dignité: & fur ce ils commencerent à tancer & se picquer de paroles iniurieuses si auant que Brittio constitua Andrade prisonnier, toutesfois ayant mis de l'eau en son vin & refroidy la cholere des la nuict suiuiante & pensant que pour paroles dites (tant fussent elles poignantes) il ne falloit pas en tel temps perdre vn tel capitaine, il enuoya homme vers Andrade pour faire appointement & se reconcilier ensemble l'admonester qu'il s'embarquast, & que Brittio l'attendoit avec sa flotte, afin qu'il eust part à la victoire. Andrade considerant de son costé que celuy seroit chose fort mal seante de vouloir s'arrester à vne querelle particuliere, lors que tout le general branloit, fit promptement ce qui luy estoit commandé. Brittio commit Arias Pereire pour garder la citadelle, puis monta en sa capitaineisse bien armee & equippee, estant suiuy de quinze autres nauires. Outre cela, Ninachetuen vengoit au long de la coste dans des nacelles pour garder le riuage & empescher la descente. Le soleil estoit ia leué, quand les ennemis hausserent les voiles, afin d'entrer au haure, & les Portugallois au contraire cinglerent en diligence pour donner bataille en haute mer, en telle sorte cependant qu'ils furent estonnez non seulement du grand nombre de vaisseaux de la flotte de Pateonouez, mais aussi de l'ordre qu'ils tenoyent en leur nauigation. George Botel qui commandoit en vn vaisseau merueilleusement biẽ accomodé de voiles & viste entre tous autres, & precedoit le reste de la flotte, fit voile droit à la capitaineisse des enaemis: mais il fut incontinent inuesti de quinze barques, contre lesquelles toutesfois il ne lascha coup de trait quelcôque, voulant seulement attacher le combat où il pretendoit. Pierre de Fer qui commandoit en vne galere, fit hastier les forçats pour ioindre & secourir Botel, tellement qu'eux commencerent à assaillir ceste capitaineisse: mais elle estoit si haute que le chastellet de sa pouppe surpassoit de beaucoup en hauteur la hune du vaisseau de Botel. Ils delibererent donc la battre de loin, en quoy ils proufiterent aussi peu, car elle estoit si forte & de telle espaisseur que les boulets de canon y mordoyent

autant

autant que si elle eust esté reueſtue de cailloux. Botel & de Far voyās que ce n'eſtoyēt que pouldres & bales perdues, ioint que les ennemis s'appreſtoyēt pour les enclorre, ſe retirèrent au gros de la flotte auſſi viſtement qu'ils s'en eſtoyent eſlongnez. Tout ce iour paſſa en courſes & eſcarmouches, car les ennemis ne vouloyēt pas venir aux mains en haute mer, ains taſchoyent approcher de la ville, afin d'y eſmouuoir quelque trouble, & s'en emparer avec leurs forces entieres. Les Portugallois cōmencerēt auſſi à changer d'auis redoutans le combat en haute mer, à cauſe de la grand flotte de Pateonouz qui les pourroit ceindre de toutes parts. Ainſi les ennemis, ſelō leur deſir, vindrēt mouiller l'anchre pres du riuage vis à vis de Malaca, le ſoleil eſtant ia couché. Quant aux Portugallois, ils s'approchèrent auſſi tellement du bord qu'il pouuoient prendre terre en vn inſtant.

Ceſte nuit le Brittio aſſembla le conſeil pour reſoudre de l'ordre & des moyens qu'on auroit à ſuiure pour donner bataille le lēdemain. Alors tous les capitaines cōmencerēt à le prier de n'eſtre en perſonne en ceſte récontre nauale : car ſi nous ſommes deſfaits, diſoyēt ils, vous pourrez eſtant en la citadelle faire teſte aux ennemis, & reparer le dommage receu en noſtre perte. D'auantage vous tiendrez la foy iuree, car vous auez promis ſolennellement & en termes expriés au viceroy, que vous garderiez la citadelle contre tous ceux qui la voudroyēt aſſaillir, & n'auiez pas dit que vous feriez la guerre ſur mer au hazard de voſtre vie & danger tout euident de ceux de Malaca. Ces remonſtrances contraignirent Brittio de retourner en la citadelle, tellement que le ſaix tomba ſur Andrade qui employa de tout ſon pouuoir à dreſſer toutes choſes requiſes, pour combattre le lendemain. Or les Mores Iauiens, qui eſtoyent dans Malaca, allèrent ceſte nuit trouuer Pateonouz, & luy cōſeillerēt de ne combattre point la flotte de Portugal : à cauſe qu'il auoit vn moyen plus aſſeuré, c'eſt d'appeller au ſecours le Roy de Bintam, par le moyen duquel ſans difficulté ny perte quelconque il emporteroit la victoire, puis aſſiegeroit la citadelle, & la contraindrait en peu de iours de ſe rendre, d'autant qu'elle n'eſtoit pas fournie de vi-

ures pour tenir longuement: & qu'il pourroit retirer ses vaisseaux en vn courant de mer qu'ils appellent Mauris. Cest auis fut trouué bon, tellement que des le point du iour Pateonouz fit leuer les anchres & rendre les voiles, ce qu'entendu par Andrade, & ne pouuant presumer à quelle fin, il entre dás vn esquif, va vers toutes les nauires de la flotte, admonnest les capitaines de cingler à voiles desployees & en bon ordre apres les ennemis, en sorte qu'ils ne les ioignissent pas pour combattre à coups de main, ains se contentassent de les saluer à coups de canon & avec des engins à feu pour embraser autant de vaisseaux qu'ils pourroyent. Eux executent ce mandement à qui mieux mieux: ce qu'apperceuant Pateonouz, fit incontinent hausser toutes les voiles de sa capitaineffe, commandant à tous les autres vaisseaux de l'ensuiure: ce qui descouragea toute son armee, car ils estimérét que ce vaillant chef de guerre apperceuoit ses affaires aller mal, & qu'au lieu de se preparer à la bataille, il ne pensoit qu'à se sauuer. Par ainsi tous commencent à gagner le haut, mais Andrade & ses nauires les suiuet de si pres, qu'à coups d'artillerie ils percerent & mirent plusieurs vaisseaux en fond, en embrasent d'autres avec pots & lances à feu, blessent grand nombre d'ennemis. Le feu s'estant prins en diuers vaisseaux, les ennemis tout esperdus se iettét dans la mer, où ils demeurerent, les vns engloutis des vagues, les autres poursuiuis par les victorieux & tuez à coups de traits en cuidât eschapper. Andra de voyant les ennemis en tel desordre que s'il les poursuiuoit ce iour auât que leur dōner loisir de reprēdre leurs esprits, ceste guerre prédroit fin, & craignant d'autre part qu'à faute de munitions de guerre il ne fust contraint de laisser la victoire en chemin, il enuoya prier Britio de dōner ordre qu'en charriast prōptement suffisante quantité de pouldres & boulets pour estre distribuez aux nauires: ce qui fut executé en grande diligence.

*Pateonouz
ruiné par ses
propres con-
seils.*

PATEONOUZ apperceuant vne grād part de sa flotte dissipée, ioignit quatre grands nefes à sa capitaineffe en telle sorte que luy voguoit tousiours au milieu, & fit entrer dedans toute la fleur de ses soldats. Quant aux autres vaisseaux qui restoyent entiers il cōmanda qu'on

les rāgeast & ioignist ensemble, afin qu'ils peussent soutenir le choc plus aisémēt, & leur enoignit de voguer autour des cinq grādes nefes, & se retirer pres d'icelles, cōme d'un bouleuart assleuré, toutes les fois qu'on les presseroit trop, pour derechef voguer plus assleurémēt contre les Portugallois. Or cest auis, par le moyen duquel Pateonouz pelloit tout gaigner, fut la ruine: car premierement les autres vaisseaux desnuez des meilleurs soldats ne purent resister longuemēt: puis estans ainsi attachez les vns aux autres, c'estoit force forcee que tous les coups qu'on leur tiroit portassent, sans tōber à faulte. Andrade & les siens s'approchans, & le cōbat cōmencé, les vaisseaux ennemis furent partie brisez, partie coulerent en fond: les autres se sauuerent à voiles & à rames: & les affaires en vindrent là par le petit nōbre d'iceux vaisseaux que les Portugallois s'auācerent pour acrocher le reste & combattre main à main. Vn capitaine nommé Martin Guede apres auoir, enfondré quelques vaisseaux, en acrocha vn fort grand, monta dedans à viue force, tua vne partie des ennemis, & fit sauter le reste hors le bord. Iean Lopez d'Albin en assaillit vn autre peril & contraignit ceux de dedans se sauuer ailleurs: puis on mit incontinent le feu en ces deux vaisseaux. Les autres capitaines Portugallois faisans mesme deuoir chacun de son costé tuerēt vn merueilleux nombre d'ennemis. Restoyent les cinq grandes nefes, lesquelles ayans vent à point se sauoyent à voilles desployees. Andrade voulant assaillir plus sūrement celle de Pateonouz, tira les meilleurs soldats de sa flotte, & les fit entrer en son Amirale: puis cinglant apres fit tout son possible d'en approcher, mais l'autre ayant l'auantage, il acrocha la premiere qu'il rencontra, en laquelle cōmandoit Temungam, capitaine renommé pour ses richesses & vaillāce, & qui apres Pateonouz estoit le principal en ceste flotte. Sa nef fut assaillie en l'un des costez par Andrade qui gaigna le dessus. Francisque Melio entra plus par la proue & donna dedans. Temungam menoit quand & soy vn sien neveu fort braue soldat, & qui commandoit en l'une des cinq grandes nefes. Iceuluy desirant secourir son oncle, aborda l'Amirale d'Andrade, & sauta prōmptement dedans, car personne

ne l'en pouuoit garder, Andrade estant desia aux mains dedans la nef de Temungam. Ce ieune homme monte vistement par la nauire d'Andrade en celle de son oncle, & commence à encourager ses gens: tellement que la meslee fut beaucoup plus aspre que l'on n'eust osé presumer, les affaires de Pateonouz estant reduites à point. Les ennemis estoient en grand nombre, le desespoir les animoit à combattre, & se soucioient plus de venger leur mort qu'ils n'auoyent peur de mourir. Ce pendant George Botel s'attache à la nef dont le neueu de Temungam estoit capitaine, & grimpant dedans trouua forte partie. Mais en fin les ennemis furent ou taillez en pieces, ou precipitez en mer, & leur nef bruslee, comme aussi le fut celles de Temungam apres que luy & les siens eurent perdu la vie au combat. Ninachetuen, & Tuam, Mahumet capitaine d'un grand vaisseau de guerre, qu'eux appellent Ionc, acquirent ceste iournee le nom d'hômes vail-lans & bien resolu.

Il ne restoit plus que la nef de Pateonouz avec deux autres, lesquelles Andrade rataignit, & delibera les briser à coups de canon: car d'autant qu'elles estoient fort hautes, & bien munies de bons soldats, c'estoit se hazarder trop de sauantageusement de s'attacher à gens desesperes. Or d'autât que le canon d'Andrade iouoit sans cesser, tout l'equippage de ces trois nefes fut brisé, les chastellets abatus: mais les costez demurerent entiers à cause de leur espaisseur. Le combat ayant commencé des le matin dura iusques à la nuict: & pource que l'obscurité deuint tant espaisse qu'on ne pouuoit entrevoir chose quelconque, Andrade ietta les anches en intentiõ d'assaillir de nouveau des le point du iour les ennemis qui ne pouuoient non plus que luy bouger de là. Mais vne tourmente se leua tout soudain avec tonnerres & grâds tourbillions qui escarta la flotte d'Andrade, & mit les nefes de Pateonouz en extreme danger: car peu s'en fault qu'elles ne s'entrefroissassent ou eschouassent. Ceste tourmente apaisée & comme le iour venoit, Botel & Mahumet se virent pres de Pateonouz: lors ils recommencerent le combat, & mettent deux nefes en fond, tellement que celle de Pateonouz demeura seule résistante à la furie du canon,

comme dit a esté. Neantmoins Botel la fit battre tant que la pouldre & les boulets durerēt, puis tourna voile en diligence vers Malaca, pour se charger de munitions & retourner poursuivre sa pointe. En sa route il trouua la flotte toute lasse, & quelques vaisseaux encores escartez & estonnez de ceste tourmente. Passant outre, & s'estant muny de ce qui luy estoit necessaire, il gaigne la haute mer: mais Pateonouz avec vn vêt à souhait se sauua en la grande laue, ayant perdu en ceste bataille nauale cinquante neuf grands vaisseaux appelez Ioncs, de soixante qu'il auoit amenez, & vn fort grand nombre de barques, fustes & brigantins mis en fond ou bruslez: huit mil hommes & dauantage despeschez par le feu ou par l'espee. Les Portugallois n'y perdirēt que trēte des leurs, & y en eut beaucoup de blesez. Andrade & les autres capitaines retournerent en Malaca, au grand esbahissement de tous ceux de la ville, qui n'auoyent iamais ouy parler ny esté spectateurs d'vne bataille plus sanglāte. Cela fait, Andrade fit voile en Indostan.

APRÈS le depart d'Andrade peu s'en salut que les ennemis ne s'emparassent de Malaca. Car vn Sarrafin nommé Maxeliz, natif de Bengala, homme de menée & le plus propre du monde à bien tramer quelque trahison, auoit esté semonds par grands presens & belles recompenses de Mahumet Roy de Bintam, de luy liurer la citadelle de Malaca, par tel moyen & à quelque pris que ce fust. Pour paruenir à cela, Maxeliz fit tant qu'il deuint fort familier de Pierre Personne facteur du Roy & surintendant des douannes & peages: puis il apostā quelques autres Sarrafins pour entrer armez dās la citadelle, incōtinent qu'ils verroyent Pierre Personne tué, afin de s'emparer de l'endroit le plus fort d'icelle où Pierre faisoit sa demeure, iusques à ce que le secours du Roy de Bintam, qui estoit embusché en armes, & n'attendoit que l'heure pour acourir promptement, fust arriué & entré. Il s'asseuroit d'auoir en ce tumulte de l'aide assez beaucoup d'autres compagnons de ceux qui haïssoient les Portugallois. Tout estāt ainsi dressé, Maxeliz alla voir à l'acoustumee Pierre qui le caressoit comme amy: & apres auoir deuisé quelque temps ensemble, cōme Pierre s'amusoit à

24.

*La citadelle
de Malaca
deliurée de la
trahison de
Maxeliz &
les affaires
pacifiques.*

escrire, Maxeliz se rue sur luy sans dire mot & luy donne vn coups mortel. Personne n'estant que c'estoit fait de sa vie, & craignant trahison, courut soudainement à la porte, pour la fermer au verrouil, de peur que les autres ennemis n'entraissent dedans, & maugré Maxeliz la ferma de fait auant qu'expirer. Les Sarrafins approchent, & commence l'on à faire du bruit. Quant aux Porrugallois ils acourent aussi aux nouuelles de cest estrange accidēt, & voyans les ennemis hors de la porte, close par dedans, leur courent sus, & les taillent en pieces, nonobstā leur resistance. Puis enfoncēt la porte: & s'attachent à Maxeliz, qui (auant que mourir) mōstra qu'il sçauoit escrire: mais ce furent coups perdus pour luy. Ceste despesche assōpit la trahison & contraignit le Roy de Bintam de demander la paix, laquelle luy fut accordee à conditions equitables, selon que le temps le requeroit. Malaca estant ainsi rendue paisible, iouyt de ce repos l'espace de quelques anneés.

FIN DV HVITIESME LIVRE.





LE NEUVIESME LI-
VRE DE L'HISTOIRE
DE PORTVGAL.
SOMMAIRE.

1. Navigation d'Albuquerque en Arabie pour se rendre maître de la ville d'Aden, laquelle est brièvement descrite, avec les mœurs de ses habitans.
2. Deportemens du gouverneur d'Aden & des Portugallois.
3. Aden assiégée & assaillie par Albuquerque, qui est contraint leur le siege.
4. Second siege d'Aden, dont Albuquerque se retire, & quelle fin lissue de sa navigation en Arabie.
5. Arrivée de Jean Limice en Goa. Paix assuee avec Nabeardarim nouveau Roy de Calecut: & la dangereuse menée de Gaspar Pereire contre Albuquerque.
6. Estat des affaires d'Afrique, & l'armée navale enuoyée contre Zeiam prince d'Azamor.
7. Description de la ville & territoire d'Azamor.
8. Escarmouche devant Azamor, siege d'icelle, assaut donné & la ville prise.
9. Prise de Tite & d'Almedine villes de Barbarie.
10. Nouveaux remuemens en Azamor de quelques uns qui vouloyent que l'on fist la guerre au royaume de Maroc, Et la responce du Duc de Bregens Viceroy.
11. Courses et exploits de guerre de Ieã de Meneses cõtre les Mores.
12. Guerre contre les Rois de Fez & de Mequinez, à qui les Portugallois donnent bataille & emportent la victoire.
13. Nouvelle guerre en Azamor & les diuers succès d'icelle.
14. Mort de Jean de Menes, à qui Pierre de Sousa succede.

en charge.

15. Guerre de Septe, & ce qui en auint.
16. Diuerses peuples de Barbarie se rendent Vassaux & tributaires du Roy de Portugal.
17. Tumulte suruenu entre les Mores, & les courfes de Iacques Lopez iusques au territoire de Maroch.
18. Ambassade & presens enuoyez par le Roy de Portugal au Pape Leon dixiesme.
19. Demandes du Roy de Portugal au Pape, notamment d'une partie des reuenus Ecclesiastiques, & discours de l'historien sur cela.
20. Ambassade du grand Negus ou dominateur d'Ethiopie vers le Roy de Portugal, & à quel propos le vulgaire la nomme Prestre Iean.
21. Par qui & pour quelle occasion cest ambassade fut enuoyé d'Ethiopie en Portugal.
22. Legation & presens de l'ambassadeur d'Ethiopie au Roy Emmanuel.
23. Description de l'estendue des pays sur lesquels domine ce grand seigneur & les mœurs de ses suiets.
24. De la religion & ceremonies des Ethiopiens.
25. Estat des Indes. Ninachetuen desponuillé de sa charge en Malaca.
26. Guerre entre les Rois de Bintam & de Campar, en laquelle les Portugallois se meslent pour secourir celuy de Campar, & desfont le Roy de Lingue.
27. Mort tragique de Ninachetuen, & les memorables particularitez d'icello.
28. Description du Roiaume de Cambaie, ensemble de quelques villes d'iceloy: l'ambassade d'Albuquerque vers le Roy & la response.
29. Navigation de Pierre Albuquerque en Arabie pour y faire la guerre: sa negotiation en Ormus avec ce qui s'en ensuiuit, & son retour en Goa vers le Viceroy.

I.
Navigation
d'Albuquerque
en Ara-



OMME ces choses passoyent en l'Inde de là le Gange, Albuquerque armoit deçà vne grande flotte. Il establit Pierre Mascaregne gouverneur de Goa, fit Iean Machiade Amiral en ceste coste de mer, & Roderic Pe-

reire capitaine de la citadelle de Benastarin. Sa flotte estoit de vingt nauires, chargees de mil sept cens Portugallois & de mille Indîes, avec lesquels il fit voile du port de Goa le dixhuitiesme iour de Feurier l'an mil cinq cēs treize. Estant fort esloigné de là, & ayāt employé plus de iours qu'il ne pensoit en sa nauigatiō, il alla surgir en Zancora pour faire aiguade, & de là reprint sa route vers Aden l'vne des plus fortes villes de l'Arabie heureuse. Elle est assise au pied d'une haute montagne qui aboutit par longue & estroite pointe de terre en mer, & est luee de riuieres de costé & d'autre, tellement que c'est vne demy isle. Ceste montagne est si sterile, qu'il n'y croist arbre ny herbe, à cause que ce sont com me cailloux entassez & rochers esleuees l'une sur l'autre. Il n'y a point d'eau douce, & ne pleut pas souuent en Aden. D'un village fort esloigné de là ils font venir de l'eau par vn conduit iusques a deux lieues pres de la ville, où ceux qui en ont fau- te la vont querir. Tous les viures y sont aussi apportez d'ailleurs, & neātmoins on y'en trouue tousiours à grād' foison. Elle est ceinte de murailles, munies de tourions, fortifiez de bouleuards, de belle veue, fort hātee de marchans Indiens, Perses, Ethiopiens & de diuerses contrees de l'Arabie. Les habitās sont Mahumetistes, Mores blācs, & d'assez honneste contenance. Quant aux gentils-hommes ils s'exercent ordinairement aux armes, & sont fort connoiteux d'acquerir honneur en guerre. Le Roy possede des autres villes en terre ferme, souldoye grand nombre de gens, & au besoin tire de ses pays deux mille hommes de cheual. Il a accoustumé d'establiir pour gouuerneur en Adē celuy duquel il se fie le plus. Alors qu'Albuquerque y arriua, vn Ethiopien, braue capitaine, nommé Miriamirjā, cōmandoit dedans ceste ville, de laquelle Albuquerque desiroit s'emparer, afin de courir de là toute l'Arabie, & fermer le passage à la flotte du Sultan d'Egypte qui menaçoit alors les Portugallois, & maintenant à celle des Turcs qui se veulent emparer des Indes. Car de la ville d'Aden iusques au goulfe de la mer Arabique, il n'y a que soixante lieues, tellement qu'au besoin en l'espace d'un iour on peut bouscher, l'entree avec petit nombre de vaisseaux, D'auantage, il estoit aisé, ce sembloit

d'aller avec des esquifs & basteaux depuis Aden iusques au port de Suez, où lon batit les nauires, afin de mettre le feu és artelliers & arcenaux. Quoy fait Albuquerque estimoit que la dominatiō des Portugallois és Indes auroit vn fondement asseuré pour subsister à iamais, s'il estoit loisible de penser que les choses humaines soyēt de quelque duree. Mais son dessein succeda tresmal, car en premier lieu il ne trouua pas à point l'occasion qu'il pensoit bien rencontrer, s'estant laissé persuader par vn bruit commun: au contraire il trouua la ville bien fortifiée & assez mal affectionnee au party des Portugallois, lesquels de leur part, se souuenās peu ou point de la discipline autresfois tant bien partiquee entre eux, agraueēt la haine des Arabes contre toute la nation.

2.
Deportemens
du gouuer-
neur d'Aden
& des Por-
tugallois.

Or les affaires furent maniees comme s'ensuit. La flotte de Portugal ayant ietté les anchres s'arresta, quoy que les nauires fussent agitees des vagues. Si tost que la tourmente fut appaisée Miriamiriā enuoya sçauoir d'Albuquerque à quelle intention il estoit arriué en ce port. Albuquerque fit responce qu'ayant entendu par les lettres & rapports de plusieurs que le Sultan armoit en la mer Arabique pour faire la guerre aux Portugallois, il l'auoit voulu releuer de peine & accourir la nauigatiō des Egiptiens, ayant prins sa route iusques en Arabie pour y combattre ceste flotte. Pour le regard de la ville d'Aden, il presentoit la paix & non pas les armes, à condition toutesfois que les habitans s'assuiettissent au Roy de Portugal, sous la protection duquel ils pourroyent viure trop plus heureusement que sous autres Princes qui leur auoyent commandé. Miriamirjam fit porter incontinent force presens à Albuquerque, c'est à sçauoir des vi-
staualles pour ses nauires, & declarer qu'il se rendoit volontairement au Roy Emmanuel. Il y auoit treize nefs à l'anchre en la rade, dont les marchās, pilotes & passagers s'estoient soustraits & serrez dans la ville, pour la craincte qu'ils eurent des Portugallois. Mais Albuquerque depecha homes expres pour leur aller dire qu'ils s'asseuraissent hardiment de luy & remontaissent en leurs nefs. Eux respondent que les paroles ne s'accordoyēt pas avecques le fait: que ses soldats estoient entrez en leurs nefs auoyēs

pillé & emporté tresiniustement tout ce que bon leur sembloit. Il receut puis apres des lettre de Miriamirjam lequel se plaignoit fort de l'outrage qu'il pretendoit luy estre fait, en ce que les marchans passagers & pilotes susmentionnez auoyent esté auertis de se retirer de la ville (disoit-il) que leur depart la desgarniroit & affoibliroit d'autant: que cela estoit vne menée d'hommes qui faignant apporter la paix machinoient sous le pre-texte d'icelle vne maiheureuse guerre. Par ces lettres Albuquerque conut que le gouverneur n'estoit pas amy des Portugallois, comme de premier abord il en monstroir quelque semblant. Sur ces entrefaites vn Chrestien d'E-thiopie, detenu prisonnier en Aden, se sauua & paruint en nageât iusques aux nauires: puis rapporta à Albuquerque que le gouverneur auoit souldoyé gens, & doné ordre à tout ce qui estoit requis pour garder la ville,

3.
*Adé assaillie.
par Albuquerque, qui
est contraint le-
uer le siege.*

ALBUQUERQUE entendant cela descédit en terre & se campa avec ses troupes, pour assaillir la ville: & apres auoir fait bresche en diuers endroits, il fit plâter les esche-lles, & si les soldats eussent gardé leur rangs, la ville eust esté prinse alors. Mais chascun s'efforçant de mōter le pre-mier ou avec les premiers, & ne laissant vn seul esche-lon vuide, il y eut tel desordre qu'il estoit impossible que l'in-solēce de tels assaillās peust estre reprimée par cōmande-ment d'aucun capitaine: tellemēt que les eschelles rōpi- rent sous le fais de ceux qui mōtoient. Il y auoit lors cēt cinquante Portugallois sur les bresches; entre lesquels se trouuerēt plusieurs gentils-hōmes. Garcie de Soule, apres que son eschelle fut rompue, se retint à vn creneau, puis se coula en terre, & voyant ceux qui auoyent si brusque- ment gaigné la bresche s'effroyer si fort de leur cheute qu'ils ne vouloyēt plus remonter, cōduit sa cōpagnie vers vn quartier de la ville dōt le mur estoit assez bas, tellemēt qu'il gaigna le dessus, & se rendit maistre d'vne tour dans laquelle y auoit de l'artillerie. Albuquerque s'y trāsporta incontinent & fit abatre le reste de la muraille qui auoit esté rompue du canon auparauant. Quoy fait l'enseigne de Manuel Lacerde entra par ceste bresche dedās la ville, suiuy d'vn prestre qui portoit vne croix, & de bon nom-bre de braues soldats. Miriamirjam monte sur vn cheual

accourut celle part pour les repousser, George Sylueire & quelques autres combatoyent vaillamment sur la bresche. En cest endroit la muraille estoit plus basse par dedans, tellement qu'un Sarrafin venant au long d'icelle pour faire teste à ceux qui voudroyent passer oultre arracha la picque à Sylueire, ce qui le mit en telle fureur que sautant en bas l'espee au poing il attaqua de si pres le Sarrafin delaisié de ses compagnons que sur l'heure il fut mis à mort. Quant à Miriamirjam il faisoit tout son possible pour chasser ceux qui estoient entrez par la bresche. Alors les Portugallois se retirerent au quartier de Garfie de Soufe, leur nombre estant diminué de beaucoup, sans plusieurs grieffement blesez : & alors commencerent-ils à perdre courage. Les assiegez au contraire assaillirent l'endroit où de Soufe s'estoit arresté, & combatoyent furieusement les uns contre les autres à coups de picques, en presence d'Albuquerque, qui du riuage de la mer, sur laquelle la tour susmentionnée regarde, contemploit avec vne estrange passion d'esprit le danger de ses gens ausquels il ne pouuoit prester la main. Soufe crie apres luy demandant ce qui estoit de faire : lors Albuquerque fait bailler des chordes à ceux qui combatoyent dans la tour, afin de couler bas par le moyen d'icelles. Le mur estoit fort haut en cest endroit, tellement qu'il falut lier deux picques ensemble pour tēdre les chordes aux Portugallois serrez en la tour. Mais Soufe respondit que ce seroit mettre vne tache sur sa race, & denigrer tout le renom qu'il auoit acquis par ses deportemens, si la crainte le faisoit deualer avec vne corde d'un lieu où sa hardiesse l'auoit fait monter. Plusieurs de sa compagnie prindrent la mesme resolution, & resistoyent si courageusement que les ennemis n'en osoyent approcher que bien à point : mais les uns ayās esté froisséz à coups de pierres, les autres transpercez de dards & iauelots, Soufe receut vn tel coup de fiesche au dessous du front qu'il en rendit l'esprit tost apres : alors les suruiuans se glisserent par les chordes & eschapperent par tel moyen. Les autres entrez dedans la ville faisoient vn merueilleux deuoir : toutesfois voyans qu'à la longue il iroit mal pour eux regaignerent les bresches, & descendirēt par les eschelles que Manuel Lacerde & Iean Decio

y auoyent fait planter, pouruoyans au retour. Aucuns se hazardans à sauter de la bresche en bas se briserent les cuisses. Apres qu'Albuquerque eust ramassé les gens échappez des bresches, il retourna vers les nauires. Vis à vis des murailles d'Aden y auoit vne Islette & en icelle vne tour de laquelle l'artillerie bartoit incessamment & endommageoit fort toute la flotte. Les Capitaines furēt appellez en cōseil par Albuquerque pour deliberer comment on pourroit raser ceste tour : mais tandis qu'ils en communiquoyent, Aluar Marreire, pilote de la nauire de Lacerde, suiuy d'une bande de matelots, sauta en terre, gaigna la tour, hacha en piéces quelques soldats qui y estoient logez, puis en tira vingt sept canons de fer: ayant executé ces choses si soudain, qu'auant que les Capitaines eussent conclu tout estoit acheué. Or Albuquerque voyant que la ville ne pouuoit estre forcee sans grande perte des siens, & presumant qu'il auoit à combattre biē tost la flotte du Sultan, où ce seroit chose trop hazardeuse de mener des gens affoiblis & rompus en ces assaux d'Aden, ioint aussi qu'il craignoit qu'en perdant sa peine autour d'une si forte place le temps propre à sa nauigation ne s'escoulast, fit eslargir ses nauires en haute mer. Mais auant que leuer les anchres, les vaisseaux ennemis qui estoient au port furent saccagez & bruslez par son commandement. De là il entra bien auant en la mer d'Arabie, puis alla surgir en vne Isle nommee Camare, à deux lieues ou enuiron de la coste, où il y a force fontaines d'eau douce, des forests espaisles, & du bestail en abondance. Les Insulaires craignans quelque esclandre estoient passez en terre ferme: mais la flotte d'Albuquerque demeura sept iours en leur Isle pour y puiser de l'eau & amasser des viures par cy par là. Puis se remettant à la voile, ils prindrent leur route vers Inde ville situee en la liziere d'Arabie, d'où ils furent chasséz par vne tourmente qui les ramena en Camare, tellement qu'Albuquerque delibera y passer l'hyuer & calfeutrer ses nauires, ayant appriuoisé les habitans par tous les signes d'amitié & de douceur qu'il fut possible leur monstrier.

Sur le printemps Albuquerque s'appresta pour retourner en diligence és Indes, d'autant qu'il ne receuoit au-

Second siege d'Aden, d'où Albuquerque se retire, & quelle fut l'issue de sa nauigation en Arabie. eunes nouvelles de l'armee du Sultan ny d'autre. Estant arriué pres d'Aden il voulut encor essayer s'il pourroit la prendre à peu de perte. Mais elle estoit alors mieux fortifiée que iamais pour s'oustenir & sieges & assaux. Ceux de dedans canonoient sans cesse & de grand' furie les nauires de Portugal, tant de dessus les murailles, que des tours & de la pente de la môtagne. Les Portugallois d'autre part battoient les murs & rempars, & tuoient force Arabes. La tour que Marreire auoit gaignee fut reprise par ceux de la ville, & les soldats qui la gardoyent mis au fil de l'espee. Quinze iours apres (car la tourmente empescha de le faire deuant) Albuquerque fit leuer les anchres & se retira, suivi de toute sa flotte, tellement qu'apres auoir perdu son temps en tout ce voyagé, il vint surgir au port de Diu. Meliachiaz luy enuoya beaucoup de présens pour se maintenir en sa bonne grace, non pas que il se fust beaucoup en Albuquerque: au contraire c'estoit l'un des plus fins & dangereux homme du môde, qui mesurant tous les autres à son aulne n'estimoit rien de bien d'Albuquerque duquel il cognoissoit l'esprit, & redoutoit son astuce, n'ignorât pas cōbien ce viceroy desiroit s'emparer de Diu par armes couuertes ou descouuertes. Au bout de six mois Albuquerque partit de là, & fut conduit assez loin par Melichiaz avec quatre vingts vaisseaux bien equippez. Quand ils furent en haute mer Melichiaz môta en la Capitainesse d'Albuquerque sous assurance, & avec belles paroles luy offrit tous ses moyens, lequel le récompensant de mesme monnoye, l'assure d'estre prest à luy faire tout plaisir, & mesmes luy donna quatre prisonniers Arabes: car en ceste nauigation les Portugallois auoyent gaigné cinq nefes Arabesques. Melichiaz print ce présent fort à gré, d'autāt que ces prisonniers estoient riches & de grande authorité, tellement que pour les auoir remis en liberté il s'asseuroit d'en estre honoré dauantage puis apres. En apres Albuquerque passa tellement toute celle coste qu'il fut salué & hōnoré en maintes sortes par tous les gouuerneurs des villes, qui luy payerent tribut sans aucun delay ny refus. S'estant arresté au port de Chaul il y trouua Tristan de Gaz lequel auoit esté enuoyé en ambassade vers le Roy de Cambaje, & qui apportoit lettres

par lesquelles le Roy permettoit à Albuquerque de bastir vne Citadelle en la ville de Diu. Et pour cōfermer de plus en plus l'amitié il enuoyoit vn ambassade vers Albuquerque avec Tristan Au partir de Chaul, & auant que prendre terre en Goa, il print vne autre nef chargee d'espices. Mais au reste ceste flotte qui auoit tāt cousté de peine & d'argent à equipper, & dont lon esperoit si grandes choses, à cause du renom acquis par le general & par ses braues soldats, & pour la frayeur que plusieurs nations s'en estoient donnee, ne seruit d'autre chose que d'apprendre aux Portugallois, enfez de leurs victoires & se confians trop en leurs bras, d'estre plus modestes & renoncer à toute remerité & insolence. Ils aprindrent lors que les armes sont iournalieres, & qu'ils n'estoyent pas inuincibles: Item que l'honneur des victoires par eux obtenues ne leur deuoit pas estre attribué, ains à la faueur de Dieu. Car (comme nous auons dit) les nauires, ayans perdu bon nombre des meilleurs hommes de la flotte, se retrouuerent en Goa, sans auoir fait chose qui vaille le parler. On fit entendre à Albuquerque que deux nefs de celles qu'il auoit prinſes appartenoyent au Roy de Calecut allié des Portugallois: à cause dequoy il les restitua promptement, encores que la Citadelle qui deuoit estre bastie au port de Calecut, selon la teneur de ceste alliance, ne fust encores commencee, l'œuure ayant esté retardé partie par la mauuaise volonté du Roy, partie aussi par l'enuie de quelques Portugallois, qui ne cessoyent de se plaindre que cest estourdy & insensé (parlâs d'Albuquerque) ruinoit leur nation en bastissant tant de fortresses. Fernâd Andrade arriva ces mesmes iours, & deduisit bien au long deuant Albuquerque toutes les particularitez de l'estat de Malaca & de la victoire obtenue sur Pateconouz, ce qui resioit grandement Albuquerque.

ENVIRON ce temps Iean Souſe de Limice avec deux nauires print port en Goa. Il estoit party de Lisbonne avec trois nauires: mais l'une, dont Francisque Correa estoit Capitaine, perit en mer. L'ambassadeur du Roy de Narſingue vint aussi pour lors deuers Albuquerque avec nouueaux articles: car il demandoit que tous les cheuaux qui de là en auant seroyent amenez en Goa, luy fussent

s.

*Arrivée de
Ieã Souſe de
Limice en
Goa.*

*Paix assen-
ree avec Nau-
beadarim
nouveau Roy
de Calecut.*

*Dangereuse
menee de Gas-
par Pereire
contre Albu-
querque.*

vendus à certain pris raisonnable, & qu'il ne fust permis à Zabaim d'en acheter aucuns. Albuquerque refusa ceste demande ne voulant enfreindre l'alliance traittee avec Zabaim. En ces entrefaites le Roy de Calecut vint à mourir tout à point pour les Portugallois, aimez & fauorisez de Naubeadarim successeur d'iceluy: tellement que du mutuel consentement des deux parties la paix fut faite & iuree, avec conditions auantageuses pour le Roy de Portugal, auquel Naubeadarim enuoya deux Ambassadeurs avec grands pretens, & commença-on à bastir la citadelle en Calecut. Les choses ainsi establies, Albuquerque fit voile en Cananor pour redresser l'estat trouble par certains remueurs de mesnage, & regagner par douceur & iustice les cœurs des habitans, qui commençoient à se desgouter. Estant apres cest affaire il receut vn mauuais coup par les meschantes pratiques d'un des siens, nommé Gaspar Pereire son secretaire, homme qui auoit grand credit à cause de sa charge. Iceluy s'estoit associé avec les ennemis d'Albuquerque, l'honneur duquel il denigroit de tout son pouuoir: mesmes auoit bien escrire au Roy Emmanuel qu'il falloit du tout quitter Goa, s'il vouloit seurement garder ce que lon conquestoit és Indes. Que ceste ville-là requeroit vne trop puissante garnison: qu'en s'y amusant on quittoit la seigneurie de la mer, & que les soldats enclos dans le pourpris de Goa demeuroient exposez à mille perils. Les enuieux discouroient là dessus avec les vns & les autres, & en la cour de Portugal on ne disputoit presque d'autre chose. Brief ils en rompirent tellement les oreilles au Roy qu'ils l'amenerēt à ce point de mander en Inde que lon assemblast tous les Capitaines & personages de qualité pour consulter de cest affaire: & que si la plupart des voix enclinoit à ce que Goa fust abandonnee, la garnison eust à en sortir promptemēt pour laisser la ville en la puissance des ennemis. Pereire ayant ces lettres en main pensoit auoir desia tout gagné. Le conseil fut assemblé & apres qu'on eust opiné de part & d'autre, il fut arresté à la pluralité des voix que Goa seroit garde, & Dieu a monstré depuis qu'il auoit presidé en ce conseil: car il n'y a lieu és Indes Orientales plus riche q̄ Goa, ny où il y ait si grād nōbre de Chrestiens.

Durant

DURANT ces remuemens lointains, le Roy de Portugal arma vne puisſante flotte pour recômmencer la guerre en Barbarie. Il a eſté dit au cinquieſme liure, que le Roy, induit par les belles paroles de Mulei Zeiam, auoit enuoyé Iean de Menefez avec vne armee en Azamor, & que Zeiam auoit fauſſé ſa foy, tellemēt que Menefez s'eſtoit retiré ſans rien faire. Depuis Zeiam s'empara de la ville, & ſe print à tourmenter les habitans : mais afin d'auoir apuy pour les tyrannifer mieux à ſon aiſe, il pacifia avec le Roy Emmanuel ſous des conditions auātageuſes aux Portugallois, & commodés auſſi pour aſſeurer ſon eſtat: car il promit payer certain tribut tous les ans, exempter de toutes charges les Portugallois qui trafiquoyent en la ville, & fournir gens au Roy toutes & quantes fois qu'il voudroit faire la guerre à ſes ennemis. Le Roy auſſi de ſon coſté prenoit Zeiam en ſa protection & ſauuegarde, s'obligeant d'employer toutes ſes forces pour repouſſer ceux qui entreprendroyent quelque choſe ſur l'eſtat d'iceluy. Mais Zeiam ne tint pas promeſſe, & les Portugallois trafiquans en Azamor offenſez de ſa deſloyauté ſe retirèrent incontinent ailleurs. Or le Roy voulant chaſtier ce pariuré, & reduire en ſa main ceſte ville aſſez riche, équippa vne armee nauale auſſi grande, peut eſtre, que iamais on en ait veu en Portugal: car il y auoit quatre cens vaiſſeaux grands & petis, vingt mille pietons, deux mil ſept cens cheuaux, dôt cinq cens eſtoient bardez. Iacques Duc de Bregents, en la prudēce duquel le Roy ſ'aſſeuroit beaucoup, fut eſleu chef de ceſte armee, ayant pour adioint & lieutenant Iean de Menefez. La pluſpart des gentilshommes beaucoup de grands ſeigneurs marcherent de fort bonne volonté en ceſte guerre, tant pour complaire au Roy que pour acquerir honneur. Quant au Duc il menoit à ſes deſpens trois mil hommes de pied, & cinq cens cheuaux dont y en auoit cent bardez, qui avec le reſte faiſoyent le nombre ſus declaré. Pluſieurs leuoyēt des ſoldats, & les y menoyent à leurs propres deſpens, entre autres Ieā Gonſaluc Camare gouuerneur de l'Isle de Madere ſ'y rendit avec vingt nauires, ſix cens pietôs & deux cens cheuaux. Le Roy aduertit le Duc d'attirer par douceur les gens de marque du party cōtraire, quant aux au-

Eſtat des affaires d'Afrique, et l'armee nauale enuoyee cōtre Zeiam Prince d'Azamor.

tres ennemis les contraindre par vne bonne discipline de se ranger à leur deuoir : & en general de s'employer si bié que ses exploits se rapportassent à l'esperance que lon auoit conceuë de sa vertu : sur tout qu'il s'asséurast en Dieu pour obrenir victoire par la faueur & puissance d'iceluy. Apres que la flotte fut prestee le Duc s'embarqua & fit voile de Lisbonne le dixseptiesme iour d'Aoust : & pource que lon n'auançoit gueres , à cause des traueses du vent, il ne doubla pas le cap de Saint Vincent si tost que lon pensoit : mais en fin apres auoir costoyé & passé outre les Algarves il s'arresta au port de Pharoje, assez pres d'Osonobe ville ancienne (qu'aucuns appellent aujourd'huy Gibroleon, les autres Elcombar) afin de ramasser toutes ses troupes . Le vingtiesme iour d'Aoust il se remit à la voile, & le vingthuitiesme se rendit avec toute sa flotte & armee en la coste d'Azamor : mais il luy fut impossible, à cause du vent contraire, d'entrer dans le fleuue qui passe à trauers la ville. Pourtant il fut contraint de voguer iusques à vne autre ville nommee Mazagan distante d'une lieue d'Azamor, où il mit toute son armee en terre, & employa trois iours à pouruoir à tout ce qui sembloit necessaire pour le siege. Ce pendant les ennemis faisoient des courses, & donnoient quelquesfois l'alarme bien chaude par tout le camp, tuans tous ceux qui s'escartoyent tant soit peu loin. Finalement ils se presenterent avec cinq mille cheuaux & sept mille pietons pour donner bataille : mais apres auoir consideré l'assiette du camp, le bon ordre mis par tout, le nombre de ceux qui les venoyent assieger, ils se retirerent en Azamor, dont les habitans furent tant estonnez, que sur l'heure ils enuoyerent dehors les femmes, petis enfans, & gens inutiles à la guerre, avec le plus beau & meilleur de leurs biens, & les firent retirer en lieux d'assurance, ne retenant en la ville sinon ceux qui estoient propres à la garde & defense d'icelle.

7.
Descriptio de OR auant que passer plus oultre, ce ne sera chose im-
la ville et ter pertinente de toucher quelque mot de la situation d'A-
ritoire d'A- zamor, ensemble de ses moyens & richesses. En la partie
zamor. d'Afrique qui regarde l'Occident, & qui dela le destroit
 de Gibraltar panche au midy, y a vne prouince tresfertile

& grasse, que les Arabes nōment Duecala, arrousee d'un grand fleuve qu'ils appellent Omirabith, & que plusieurs estiment estre Afama. Sur le bord de ce fleuve assez pres de la mer est assize Azamor, qui lors comprenoit plus de cinq mille maisons dedans l'enclos de ses murailles, le peuple magnifique, les bastimens spacieux & de belle structure en plusieurs endroits. Elle estoit distribuee en quatre Quantōs, chascun desquels auoit son gouverneur, en telle sorte toutesfois qu'on n'oyoit bruit ny tumulte quelconque entre eux, pource qu'il y auoit vn souverain auquel ils obeissoient tous. La capagne est fort large, & cultiuee par des Arabes pour la pluspart, qui pour n'estre en sorte que ce soit delicats, cōme ceux de la ville, sont estimez beaucoup plus robnstes & propres à manier les armes. Ils n'ont point de maisons, aias passent leur vie en des paillons fort amples, mangent peu & choses de petite nourriture & de nul appareil, employans presque tout le temps aux exercices de la guerre. Ceste prouince estoit distribuee en trois parties, chascune ayant prins nom de certaine nation d'Arabes, qui en auoyent chassé les anciens habitans, & s'estoyent campez en leur places. La premiere s'appelloit Xerquie, la seconde Dabide, la troisieme Garabie. En après chascune d'icelle auoit ses communautez, & chasque communauté ses paillons fichez en lieu commode & à part selon la multitude de ceste communauté qui recognoissoit aussi son Capitaine & gouverneur à part: en telle sorte toutesfois que ces trois portions de pays estoient liguees ensemble, & au besoin se donnoient secours les vnes aux autres. Il estoit aisé à ceux d'Azamor de leuer plusieurs compagnies de pied & de cheual en ces villages & communautez.

M A I S pour reuenir à la guerre, le premier iour de Septembre toute l'armee de Portugal marcha en bataille vers Azamor. Le Duc commanda à Pierre Alфонse Aquilaire, lors Amiral, de faire charger en des fregattes, l'artillerie & les viures, puis entrer dans le canal du fleuve. Et d'autant que les ennemis apprestoyent des engins fort grands & pesans, poissiez, & enduits d'autre telle matiere propre pour prendre feu, lesquels ils vouloyent pousser dans le fleuve, afin qu'estans portez par le courāt d'iceluy

8.

*Après pour
le siege, et es-
carrouche
deuant Azamor.*

ils embrassent les vaisseaux de Portugal : auant que les ennemis eussent executé cela, le Duc commanda qu'on allast briser & brusler ces engins posez sur la riuë du fleuve, enuoyant pour cest effect Garfie Melio & Aquilaire avec ses archers. Iceux s'estans approchez de la ville executerent leur commission quoy que les ennemis taschassent de les chasser à coups de canon. Francisque Pedrose qui menoit les auantcoureurs, s'estoit auancé loin deuant l'armee, & fut rudement chargé par vne troupe de caualerie des ennemis, lesquels il soustint vaillamment : mais d'autât que les autres accouroyēt de toutes parts & pressoyent desia bien fort Pedrose & ses gens, Menesez conducteur de l'auâtgarde y suruint au secours avec les meilleurs hommes de cheual de son bataillon. Toutesfois à cause que presque sans cesse le nombre du party contraire croissoit, & que les derniers venus se fourroyent resoluëment au combat, & chargeoyent d'estrange sorte les Portugallois, il falut que le Comte de Borbe & ses gens de cheual y accourussent pour tirer Menesez du danger. Finalement le Duc mesme doubla le pas avec ses troupes bien rangees & quelques cheuaux pour faire espaule aux premiers. Gaspar Vasquio Capitaine fort vaillant conduisoit ces troupes & se mit entre celles de Portugal & des ennemis. Eux faisoient tout leur possible de rompre les rangs, mais voyans que c'estoit en vain ils tournerent bride, & perdirent quelques gens en ceste escarmouche : entre autres vn des plus braues nommé Cidaco, sur la vaillance & adresse duquel les Azamoriës s'appuyoyent grâdemement : & de fait si tost qu'ils le virent par terre, leur retraite commença. Cidaco auoit esté autresfois affectionné seruiteur du Roy Emmanuel, & en plusieurs exploits s'estoit môstré tel : mais depuis il quitta ce party. L'armee de Portugal marchant en son premier ordre approcha la mesme nuict plus pres d'Azamor, & se campa incontinent au long du fleuve où estoient les vaisseaux. Le lendemain, par le commandement du Duc on descendit des fregattes en terre les canons, engins de batterie & munitions, & furent toutes choses disposees pour faire bresche. Sur le midy les assiegez firent sortir trois regimens & presenterent le combat. Vasque Coutin Comte de

Siege d'Azamor.

Borbe pria le Duc de luy permettre d'aller le premier à la charge, ce que luy fut refusé, le Duc alleguant que ce seroit vne honte d'employer le temps à des escarmouches, mais qu'il falloit finir ceste guerre par bataille generale, ou par la soudaine prinse d'Azamor. Pourtant fit-il dresser ses engins de batterie contre les murailles, & l'artillerie commença à iouer, & furent apportees eschelles en nombre pour monter à la bresche. Iean de Menesez, par l'aduis duquel ces choses se conduisoient, assistoit à ceux qui auoyent charge d'executer. Alors il fit marcher Louys de Menesez & George Barret avec les soldats Algaruois, suivis de Iean de Sylues & des forces enuoyees par l'Euesque de Sylues, donna ordre que tout se maniaست courageusement & par ordre. L'assaut fut tresfurieux : les engins approchez des murailles, & le canon battant d'autre part auoyent fait grande ouuerture. Les assiegez plantez sur le rempar, à coups de fleches, d'autres traits, & de cailloux, repoussoyent viuement les assaillans, & en blessoyent plusieurs fort griefuement : qui plus est, ils iettoient des pots à feu & des ruches allumees avec vn nombre infiny de mouches à miel, afin de brusler les engins & endommager les Portugallois avec le feu artificiel & par les aiguillons des abeilles. Cide Manzor le plus renommé Capitaine entre les Mores, & qui auoit aussi fait mainte preuue de sa suffisance en guerre, commandoit alors dedans Azamor avec grande dexterité, courant çà & là es endroits où il voyoit le combat plus eschaufé & les bresches plus larges, menant le secours & donnant conseil necessaire sur le champ. Outre cela il mostroit exemple à ses soldats de s'acquitter de leur deuoir, combatant luy mesmes vaillamment & les incitant de bien defendre leurs maisons, custumes & liberté : tellement que tandis qu'il subsista, tous les assiegez repousserent vaillamment le danger qui les menaçoit. Mais il auint enuiron soleil couchant qu'un des assaillans tira vn coup de harquebuzé à Cide Manzor, dont il fut percé d'outre en outre, laissant sur la bresche vie & vaillance ensemble. Les assiegez esperdus à cause d'un tel accident commencerent à crier & braire à gorge desployee, & se descouragerent tellement par la mort de leur chef qu'ils conclurent inconti-

Assaut donné.

Azamor abandonné des Mores & prinse par les Portugallois.

ment d'abandonner la ville, comme de fait la nuit mesme ils s'enfuirent par les portes, en tel desordre & estonnement que chascun voulant sortir le premier, & les vns empeschans les autres, il y eut plus de quatre vingts personnes estouffées aux portes. Avant que le iour fust venu, vn Iuif, Portugallois de nation, nommé Iacques Adibe, banny de Portugal avec les autres Iuifs, comme a esté dit au premier liure, accourut sur la bresche & appella tout haut Iacques Berrio l'un des Capitaines de marine, duquel il auoit esté familier autresfois, & le pria d'estre par luy mené promptement vers le Duc, duquel il obtint sauuegarde pour les biens & vies de luy, & de tous les Iuifs qui estoient restez en Azamor, pour recompense des bonnes nouuelles qu'il apportoit. Le Duc mit alors les genoux en terre, & leuant les mains au ciel rendit graces à Iesus Christ seigneur des armées celestes, par la puïssance & faueur duquel ceste grande ville tant peuplée, riche, & si bien munie de gens, auoit esté en vn iour subiuguée par les Chrestiens qui n'y auoyent perdu pas vn des leurs, & estoient demeurez maistres de la place en laquelle l'exécrable superstition de Mahumet auoit si long temps infecté les entendemens du pauvre peuple, au lieu de à quoy le saint nom de Christ y deuoit estre célébré de là en auant à iamais. Les choses ainsi acheminées, on planta les enseignes de Portugal sur les murailles, & le Duc entra dans la ville, où il fit incontinent repurger la mosquée des Mores, laquelle fut dediee avec les ceremonies accoustümées en tel cas, & vn autel dressé tout à l'heure, sur lequel fut chantée la Messe. D'autre part les soldats coururent au pillage, mais ils ne trouuerent chose qui valust le prendre sinon du bled en abondance.

Prinse de Tite & d'Almedine villes abandonnées des habitans.

Il y a vne ville nommée Tite assez pres d'Azamor, laquelle fut abandonnée de tous ses habitans si tost qu'ils eurent les nouuelles de ce qui estoit adueni. Le Duc y enuoya promptement quelques compagnies en garnison. Pareillement ceux d'Almedine quitterent leur ville, de laquelle le Duc bailla le gouuernement à Ichabentafuf, & commit Nonio Fernand Ataide pour entrer dedans, & y loger des forces à suffisance pour la bien garder: commandât à tous deux de rappeler & assembler sur leur foy

ceux qui s'en estoient fuis: qu'on ne leur feroit aucun tort s'ils retournoient habiter es villes, & se rendoyent suiets au Roy de Portugal, luy payans le tribut acoustumé: que par ce moyen ils viuroient en toute assurance sous la protection d'un si grand prince, & iouiroient librement de toutes leurs commoditez. Par tel moyen ces deux villes se repeuplerent, & deuiendrent plus riches & puissantes qu'auparavant. Les nouuelles de la prinse d'Azamor furent incontinent portees au Roy Emmanuel, qui tout ray de ioye ordonna que l'on en feroit processions publiques pour remercier Dieu, lequel gouuerne par sa prouidence les euenemens des guerres, & les fit faire magnifiquement & en grâde deuotion. Il en auertit aussi le Pape Leon dixiesme, qui en celebra vn iour de festes, des processions solennelles, & chanta messe luy-mesme, avec grâdes pompes & ceremonies: puis vn prescheurs fort eloquent fit vne harangue à la louange du Roy Emmanuel, de ce qu'il entreprenoit la guerre pour la gloire de Dieu & ruinoit les ennemis de la Chrestienté es Indes & en Barbarie, tandis que les autres princes Chrestiens deuenus aduersaires irreconciliables les vns des autres s'entremesgeoient, & par l'entretenement de leurs querelles fortifioient leurs ennemis communs.

10.

Nouveaux

MAIS il survint en Azamor vn trouble & mescontentement tant parmy le menu peuple qu'entre les principaux, qui voyans ceste ville forte auoir esté conquise des Chrestiens sans perte d'aucun, tenoyent pour assuré que si le Duc de Bregents vouloit entrer avecques son armee au royaume de Maroch, ils'en empareroient entièrement à son grand honneur pour le prouffit du Roy Emmanuel. Car puis qu'avec bié petite troupe les capitaines Portugallois donnoient la chasse au Roy de Maroch, que faloit-il esperer quand on luy courroit sus avec vne armee entiere? Ioint qu'alors les Mores n'estoyent pas si bien armez, ne dressoyent pas leurs bataillons guerres proprement, & leurs villes auoyent si peu d'appuy, qu'il estoit aisé d'en venir à bout & les ruiner en moins de rien. Les Roys ne manioient pas grands deniers, & ne seliguoient point ensemble, & pour petite solde on les pouuoit bander & armer les vns cōtre les autres. D'auantage

renuement en Azamor de quel ques vns qui vouloyent qu'on fist la guerre au royaume de Maroch.

l'inconstance, & la fraude, vices naturels & familiers à ce peuple acoustumé à fausser sa promesse & ne se soucier de son serment, estoit cause que les vns se desfoyēt tousiours des autres, & que chacun d'eux iugeant de ses compagnons comme de soy-mesme, les tenoit pour suspects, estimant tousiours d'eux qu'ils luy brassoyent quelque trahison. Quoy auenant on ne scauroit donner pied ferme ny aucune retraite asseuree à la vie & societé des hommes. Partāt c'estoit chose asseuree & qui auiedroit necessairement, si l'on menoit vne armee entiere auāt en pays, que les Mores mesmes qui s'acomodoyent ainsi au tēps & à l'estar des affaires, dresseroient embusches à leurs compagnōs, les trahiroient, & que leur esprit estoit continuellement trauaillé de la crainte que les vns auoyent d'estre vendus par les autres. Et n'y auoit doute que plusieurs ne iouassent quelque meschāt tour à leurs princes, mesmes pour gaigner la bōne grace des vainqueurs. Mais cōme il y a dāger de vouloir courir sus, à vn peule biē vny & de bon accord: au contraire l'on tenoit pour chose faisable de pouuoir renuerfer & asseruir des gens diuisez par inimitiez, tromperies & trahisons. D'auantage, que la guerre se feroit de telle sorte qu'il ne seroit besoin mettre la main à la bourse ny frayer chose quelcōque, à cause que la compagnie estoit fertile, les bleds & fruits de la terre beaux à souhait & foison, le bestail gros & menu en nombre incroyable, tellement que le camp seroit tousiours fourny de viures à suffisance. Itē, puis que l'opportunitē & l'occasiō gouuerne les affaires de la guerre, plusieurs estimoyent que iamais il n'y seroit plus beau ny plus, seur qu'alors. L'armee de Portugal estoit en son entier & bien complete, les soldats resolu, les capitaines vaillans & experimentez, les ennemis esperdus: tellement que chacun s'asseuroit que si les Portugallois poursuuiuoient leur pointe, en peu de temps ils auroient victoire entiere & paix asseuree en Barbarie, au grand prouffit de leur Roy, & à la gloire de tous les Chrestiens. Tels estoient les discours des vns & des autres par la ville, & y auoit mesmes des courtisans qui en rōpoient la teste au Duc: notāment vn Cordelier nōmé Frere Ieā de Chiaue, depuis fait Euesque de Viscn, preschant au

grand temple d'Azamor, traita amplement ce point en
 presence du Duc, & se plaignit en termes fort aspres de *Responce du*
 ce qu'on laissoit eschapper vne si belle occasion. Le Duc *Duc de Bre-*
 se voyant taxé par tout le monde, fut contraint respôdre *gents à ceux*
 deuant tous au temple mesmes à ce moine qui l'importu- *qui uoüloyët*
 noit de prēdre les armes, & dit qu'il sçauoit que chacū *qu'on fist la*
 mesdisoit de luy, mais que raison & bon conseil le gou- *guerre au roy*
 uernoient nō pas les bruits de ville: qu'il n'auoit riē plus *auue de Ma*
 recommandé que d'estre fidele & obeissant à son Roy, le *roch.*
 quel l'auoit enuoyé en A frique pour s'ēparer d'Azamor, "
 & non pour entrer au royaume de Maroch, & qu'outre- "
 passant sa commission ce seroit contreuenir à la volonté "
 d'un tres-sage prince. S'il nous falloit (dit-il) estre encores "
 au siege deuant ceste ville & y seiourner plusieurs mois, "
 si nous eussions perdu nos meilleurs soldats auant qu'y "
 entrer, chascun penseroit que la victoire seroit remar- "
 quable, & qu'on ne sçauoit plus rien désirer. Mainte- "
 nāt pource qu'il à pleu à Dieu qu'en vn iour & sans perte "
 la ville soit demeuree nostre, on ne tient conte de ceste "
 victoire: comme si c'estoit chose plus belle de couper la "
 gorge aux ennemis que de garantir nos gens de la mort. "
 Quant à moy i'estime au cōtraire que c'est vn acte beau- "
 coup plus notable & digne de louāge perpetuelle de cō- "
 seruer vn des nostres que de saccager vn grand nombre "
 d'aduersaires. La guerre n'est pas si aisée à faire que plu- "
 sieurs crient. Combien que les Roys barbares soyent des- "
 vnis, si est-ce que le peril qui les menacera tous en com- "
 mun les destournera aisement des querelles qu'ils ont à "
 desmesler ensemble, pour les induire à porter la main au "
 mal qui les pressera tous en particulier. Si donc les Rois "
 de maroch & de Fez le Xerf & les Princes des mōtagnes "
 se liguent & cōioignēt leurs forces pour nous faire teste, "
 peut estre que ces māgeurs de charrettes ferrees, qui par "
 leur discours mutinēt la populace, fonderōt de peur, quād "
 ils sentiront les coups. C'est l'ordinaire: quicōque en tēps "
 de paix tue ainsi les gens de paroles, & doit faire mer- "
 ueilles, deuient estourdy quand ce vient en fait & au prē- "
 dre, brief perd sens & raison. D'auātage, tels discou- "
 reurs ne considerent pas qu'une grande armes ne viuāt "
 que de fourage ne peut longuement demeurer en pied. "

„ Tant plus dōc nous sommes de gēs, si les ennēmies ven-
 „ lent, en nous coupant les viures, ils nous ferōt receuoir
 „ tant de honte & de dommage que rien plus. Si les grains
 „ & fruits estoient encores par les champs, il seroit aisē
 „ de pouruoir au pain de munitions : mais la maison estāt
 „ passēe, & le bled transportē loin, qui empeschera les
 „ ennemis de nous ruiner par famine ? Quand nous au-
 „ rons mangē en peu de mois nos prouisions de bled, com-
 „ ment continuerons nous la guerre, qui ne peut faillir
 „ à prendre long trait ? Outre plus nous sommes sur la fin
 „ de l'Estē, l'Hiuier suit tost apres qui nous empeschera de
 „ voir le bout de la guerre si tost que nos hardis & teme-
 „ raires cōseillers l'imaginent. Il y a encores ce points, que
 „ le Roy à reserué pour soy ceste pesante guerre, qu'eux
 „ pensent qu'il faille entamer au desceu & sans attendre le
 „ commandement d'iceluy : mais si nous entreprenons de
 „ luy leuer l'honneur qui luy est appareillé, nous mespri-
 „ sons son commandement, & rompons meschamment
 „ la foy donnee à la maiestē royale. I'ay exccuté la com-
 „ mission qu'il m'auoit donnee: s'il fault perdre la vie pour
 „ son seruice, ie suis prest de mourir, & moyennant que ie
 „ face chose qui luy soit agreable, il ne me chaut de ce que
 „ les vns & les autres estimerōt de moy. Ces conterolleurs
 „ ne pensent point que quand vn suiet entreprend vne
 „ guerre sans mandement de son Prince, il cōmet vne faute
 „ mortelle, & que la victoire qu'il obtient luy acquiert
 „ mille mauuaises graces : tellement que celuy qui entre-
 „ prend choses quelconque sans estre auouē de son souue-
 „ rain s'expose necessairement à vne infinitē de calomnies
 „ & reproches. Personne ne me sçauroit accuser de rien
 „ maintenant. Mon deuoir estoit de prendre Azamor, ce
 „ que i'ay fait par la grace de Dieu: i'auois charge de met-
 „ tre fin à la guerre au plustost qu'il seroit possible, ce q̄ i'ay
 „ acheuē heureusement en vingt quatre heures: il m'est en-
 „ ioint de remener l'armee sauue en Portugal, ie m'en ac-
 „ quitteray fidelement au plaisir de Dieu. Puis que cest af-
 „ faires a esté expediē tant aisēment, en si peu de temps, &
 „ sans perte, plus sommes nous tenus de reconoistre le biē
 „ excellēt q̄ Dieu nous à fait, & vaudroit beaucoup mieux
 „ l'en remercier humblemēt, que de blesser ainsi par enuie

l'honneur d'un personnage, qui s'est vertueusement acquitté de son deuoir. Le Duc ayant fait ceste response au. or. tit les deuis qu'on faisoit auparauant, en telle sorte toutesfois qu'encores auourd'huy plusieurs sont bien marxis qu'il ait laissé perdre alors vne occasion de rendre sa memoire honnorable par dessus tous autres. Mais voila les raisons qui l'induisrent à penser qu'il ne deuoit entreprendre ceste guerre de Maroch. Vne autre incômodité suruint qui le contraignit se retirer en Portugal, à sçauoir vne enflure en la cuisse gauche, dont il estoit tellement trauaillé qu'il ne pouuoit se tenir à cheual. Et pourtant apres auoir remis l'armee entre les mains d'un gentil-homme de grande maison, fort sage seigneur, nommé François de Portugal, il se retira dans Mazagan, puis trauersia le destroit & vint prendre port en vne ville des Algarues, appellee Bufere: d'illec il se transporta en Almeirin où le Roy deueniroit, qui le recueillit en grand honneur, comme aussi sa vertu le meritoit. Vne grande part de l'armee repassa en Portugal. Roderic Barret & Iean de Menesez furent laissés dedans Azamor : l'un pour garder la ville, l'autre pour faire la guerre aux peuples circonuoisins. Nonio Fernand Ataide s'estant retiré dans Safin, continua de tourmenter les Mores à sa maniere acoustumee. Iean de Menesez & Barret ne laissoient pas en gourdier ny trop reposer leurs compagnies.

Quant à Menesez, ayant entendu que les paylans de Xerquie habitans à quinze lieues d'Azamor, trottoient par la campagne en toute seurreté, sortit sur le soir avec Barret suivis de douze cens cheuaux & mille pietons, au commencement de l'annee mil cinq cens quatorze, & firent douze lieues ceste nuit là. Puis ils gaagnerent vne montaigne nommee la verde, à cause de sa plaissante, & qu'il y a tousiours force herbes verdoyâtes. Au point du iour ils assaillirent le village de Bencafiz situé sur vne montaigne dont la pente est aisée, & ronde au sommet. Les habitans furent partie tuez, partie faits prisonniers, les autres precipitez du haut de la roche dâs la riuier qui bat au pied & passe dans Azamor: puis le village fut pillé & brulé. Bernard Manuel & Iean de Silues, que Menesez auoit enuoyez en un autre village nommé Tafus,

II.

Courfes et exploits de guerre de Menesez contre les Mores.

I 5 1 4.

donnerent dedans , mais il n'y trouuerent que le nid , car les ennemis auoyent gaigné au pied. On les poursuivit à la trace iusques pres d'une riuiere où ils s'estoyent arrestez, non pas tous, car les vns ia passez à nage attendoyēt les autres qui se preparoyent à les suiure: neantmoīs ceux qui restoyent encores en bon nombre se ioignent & soustiennent la charge, mais ils furent rompus, mis en route, & contrains se ietter en l'eau , dans laquelle plusieurs furent transpercez à coups de traits. Bernard retiré de là avec du butin se ioignit à Menesez, & ainsi tous ensemble entrèrent dans Azamor, emmenans force prisonniers & du bestail en abondance. En la coste de Barbarie tournée au midi & limitrophe du terroir de Safin, se void vne prouince que les habitans appellent Hea, en laquelle est comprise la ville de Tednest assize en vne large & fertile campagne. Dedans ceste ville y auoit vne mosquee que les gens du pays honnoroyent par grande deuotion. Le Xerif y estoit accommodé d'un grand palais & de tresbeaux & magnifiques iardins , avec des viures , & diuerses fontaines , pour son passetemps quand il estoit de loisir. Ataide resolut de faire entreprinse sur ceste ville-là & par lettres pria Menesez de luy amener secours , d'autant que la chose valoit bien qu'eux deux ioignissent leurs forces ensemble pour en venir à bout. Mais auant que Menesez fust arriué Ataide sortit en campagne avec quatre cens cheuaux , accompagné de Iehabentafuf qui menoit quant & soy deux mil hommes à cheual & sept cens à pied. Estans prest de Tednest le Xerif vint à la rencontre suiuy de quatre mille cheuaux. Iehabentafuf qui faisoit l'auantgarde sans reculer ny marchander donne à toute bride à trauers les troupes du Xerif, en presence d'Ataide qui estoit encores derriere conduisant l'arriere garde, rompt tout ce qu'il trouue deuant soy, met le Xerif à vau de route qui laissa bon nombre des siens tuez sur le champ. Il y'eut tant de butin , que depuis le commencement des guerres cōtre les Mores à peine s'est-il donné bataille dont les victorieux remmenassent tāt de biēs car outre deux cens mille pieces de bestes à laine & à corne , & trois mille cheuaux, ils gaignerent encores vn merueilleux nombre de cheuaux. Ataide entra tost apres

dedans Tedneft où il se reposit, & fit entendre d'illec à Menefez, comme tout estoit ia executé. Or il y a d'Azamor à Tedneft environ quatre vingts lieues, à cause dequoy il ne se pouoit faire que Menefez se rendist si tost au pres d'Ataide. Menefez conduisoit sept cens cinquante cheuaux & mille pietons. Les capitaines & seigneurs Mores confederez du Roy de Portugal le receuoient honnorablement par tous les lieux où il passoit. Finalement il arriua en vne villette nommee Chiquier, fort frequentee des habitans du pais qui y courét en pellerinage à cause d'une Mosquee de Mahumet qui y a la vogue par dessus toutes les autres: car les prestres d'icelle faisoient acroire à ces pauvres superstitieux, que Mahumet luy mesmes l'auoit fait bastir. Menefez auoit picqué iusques en ceste villette pour courir de la iusques à Maroch, qui n'en est qu'à seize où dixhuit lieues. Toutesfois auant que monter à cheual il escriuit à Ataide, le priant de vouloir estre de la partie. Ataide fit response que pour l'heure il estoit tant empesché à prescrire les articles de paix & d'alliance avec plusieurs Mores, que celuy seroit chose impossible de quitter Tedneft. Qu'il falloit d'autre forces plus grandes, pour entrer en Maroch, & ne point exposer telle fleur de noblesse à vn danger euident sans honneur ny auantage: & pour conclusion il prioit & adiueroit Menefez de se deporter d'une telle entreprise. Ce nonobstant Menefez alla trouuer Ataide. En ces entrefaites Alfonso Norogne gendre d'Ataide avec vne troupe de huit cens cheuaux Mores se mit en chemin pour surprendre de nuict vne ville forte à cause de son assemblée au haut d'une montagne: ce qu'il executa, mais les ennemis sentans sa venue deslogerent de bonne heure, toutesfois il y en attrappa encorés quelques vns. Or les compagnies estans lors plus complètes que deuant, Menefez insista sur l'entreprise de Maroch, s'assurant qu'ils l'emporteroient à ceste fois, à quoy Ataide ne voulut iamais entendre, craignant (comme le bruit en courut) que Menefez ne remportast l'honneur d'un si haut exploit: & ainsi ayant refusé tout à plat de passer oultre Menefez & ceux de sa compagnie furent cōtrains digerer ce morceau à leur grand regret.

AINSI donc Menefez deslogeant de Tedneft tout-
Guerre cõtre despiré entēdit que les Rois de Fez & de Mequinez mar-
les Rois de choiēr avec vne puiffante armee pour assieger Azamor.
Fez & de Cela luy fit incontinent tourner bride en toute diligēce,
Mequinez, à & en chemin il receut lettres de Roderic Barret qui di-
qui les Portu soient le mesme, à l'occasion dequoy il conclut de dou-
gallois don- bler le pas. Toutesfois par l'auis de quelques capitaines
nēt bataille, & de peur que les Rois ne le surprinssent en chemin, il
& emportē escriuit à Bernard Manuel & à quelques autres gentils-
la victoire. hommes, demeurez avec Ataide, qu'ils le vinssent trou-
 uer, & fit emporter les viures, armes & diuerses muni-
 tions de guerre. Puis il entra dans Almedine, où il fut re-
 ceu en grād honneur & magnificence par le gouuerneur
 d'icelle nommé Almeimam, lequel l'aüertit de se tenir
 sur ses gardes, à cause de certains capitaines du Roy de
 Fez qui pour certaia marchoyent deuant luy avec huit
 cens cheuaux & six mil hommes de pied. Au partir d'Al-
 medine Menefez print tellement son chemin par les vil-
 les & places confederées, que tousiours ses troupes mar-
 choyent en bataille, comme si à toutes heures elles euf-
 sent deu combatre les ennemis. Toutesfois soit que ce
 bruit eust esté semé par des menteurs, soit que les capita-
 nes du Roy de Fez se fussent oubliez en capagne. Menc-
 fez reentra sans empeschement dedans Azamor avec ses
 gens de pied & de cheual sains & saufs. Là il receut nou-
 uelles assurees que le Roy de Fez auoit despesché deux
 capitaines avec leurs regimens biē fournis pour aller te-
 nir garnison en la contree de Duecala, & que lon atten-
 doit le Roy de Mequinez (residant en vne ville de son
 royaume, appelée Nafe) qui amenoit vne puiffante ar-
 mee. Orce Roy estoit deliberé de s'acheminer avec les
 lieutenans du Roy de Fez deuant Azamor pour l'assieger
 ce qu'entendu par Menefez, il estima qu'il ne faloit pas
 attēdre que les ennemis eussent ioint leurs forces ensē-
 ble. Et luy ayant esté rapporté que les lieutenans du Roy
 de Fez se rafraichissoient en vne ville assez forte nom-
 mee Balbe, il resolut leur donner vne venue auant qu'ils
 en deslogeassent. Il enuoya incontinent messagers ex-
 pres vers Ataide, l'exhortant par lettres de se trouuer en
 ceste bataille, afin d'y acquerir honneur & faire seruice

agreable au Roy Emmanuel. Du commencement ils furent en dispute du rendez-vous de leurs troupes: en fin ils choisirent vn lieu appellé Sea à douze lieues de Balbe. Ainsi donc Meneséz mit aux champs le douzième iour d'Auril huit cens cheuaux & mille homme de pied, & le lendemain se campa en vne plaine pres de certains estangs. Cemesme iour arriuerent Ataide & Iehabentafuf avec quinze cens cheuaux de Mores pour la pluspart. Les chefs ayans tenu conseil arresterent que sur les neuf heures du soir le camp partiroit, afin qu'au point du iour ils peussent charger les ennemis à la despouueue. Pour marcher & combattre plus à l'auantage, ils firent cinq bataillons de toutes leurs troupes. Meneséz conduisoit le premier, Roderic Barret le second, Iean Gonsalue de Camarre le troisieme, accompagné d'Aluarez Caruail & Iean de Sylues pour y commander au besoin, Ataide & son gendre Alfonse Norogne menoyent le quatrieme, Iehabentafuf le cinquiesme. Derriere ces cinq bataillons de gens de cheual marchoyt toute l'infanterie ayant pour colonnels Pierre Moral & Iean Roderic. Le bagage & quelques pieces de campagne montees sur roues estoient au milieu de l'armee, autour de laquelle Meneséz alloit, admonnestant tous les chefs de leur deuoir, & les soldats aussi à se porter vaillamment pour acquerir honneur. Le soleil estoit ia leué quand ils approcherent du camp des ennemis posé en vne campagne rase proche d'un mont qui luy commandoit. Meneséz ayant couru de l'œil & remarqué en ceste plaine le lieu où il faloit combattre, auertit les colonnels de l'infanterie de rager leurs soldats en cest endroit au plustost qu'il seroit possible. Il y auoit en l'armee des ennemis plus de quatre mille cheuaux, & tant de pietons qu'on ne les peut conter. Ados ils estoient fermez d'un torrent qui separe la plaine de la montagne: & combien qu'il fust sec alors, toutesfois à cause du canal profond que les rauines d'eau auoyent creusé, il pouuoit empescher que les ennemis ne gaignassent la montagne, sinon qu'ils voulussent se mettre en danger. Leurs troupes estoient parties en quatre: en la premiere marchoyt des pietons archers & harquebuziers, afin qu'à coups de fleches & de boulets ils entra-

massent le premier bataillon des Portugallois. La dessus Menefez commanda aux trompettes de sonner bataille, & lors, tous criant saint iacques à la façon d'Espagne, il desbanda de telle roideur à trauers les ennemis, qu'auant que ceux des premiers rangs peussent l'endommager (ce qui estoit fort à craindre) il les rompit: & rechargeant de plus belle, mit à vau de route trois regimens de caualerie qu'il poursuiuit iusques au torrent, & tua quelques gens en la campagne. Ataide qui auoit commandement de charger vn autre hot de caualerie, ne sceut rien executer, car ceste troupe estoit desmarchee pour aller au secours des autres contre Menefez. Pourtant il donna dessus les gens de pied & en fit vne terrible boucherie. Menefez arriué au torrent arresta ses gens, plusieurs desquels neantmoins, au mespris de son autorité, passerét oultre. Ce seigneur estoit accomply en toutes les qualitez qu'on peut desirer en vn bon chef de guerre: mais à cause d'vne certaine douceur de nature qui reluysoit en luy, il ne tenoit pas la bride roide aux soldats. A raison dequoy quelques ieunes gentils hommes qui auoyent assez de cœur, mais peu de sens, ne peurét estre retenus par la presence de leur general, ains se fourrerent en peril de leurs vies sans aucun auantage. Menefez leur enuoya vn sien neueu pour les ramener. Iceluy courant à bride abatee apres les arresta tout court, exhortant chascun d'eux de tourner bride: à quoy la pluspart obeissoit, quāt Arias, Tellio ieune seigneur de grande maison, extremement ambitieux, mais fort esceruellé, comme on disoit, se print à crier, compagnons il n'est pas temps de s'en retourner: poursuiuons l'espee au poing ces Mores cy iusques à Fez. Ceux qui estoient en train de tourner visage vers le camp furét tellement esmeus de ce propos, que sans tarder d'auantage ils courent apres les ennemis. Garsie neuen de Menefez voyant ceste resolutiō. Puis que vous le voulez, dit-il, allons donc par dela Fez, & disant cela il se ioignit aux autres. Menefez ayant ouy le vent de ceste folie delibera. passer le torrent pour recueillir ceux qui reuiendroyent plus viste encor qu'ils n'estoyent passez: car il voyoit desia ce qui deuoit auenir à ces ieunes fols. Et ce pendant il fit marcher vne compagnie de gens de pied, pour souste-

nir l'effort des ennemis. Ataïde ne voulut pas faire comme Menefez, craignant de dissiper ses troupes : mais il s'arresta au bord, afin de repousser les Mores qui s'efforceroient passer vers luy. Iehabentafuf ne seruit de rien alors, car les gens qui ne demandoient qu'à butiner l'abandonnerent si tost qu'ils virent le camp des ennemis en route. Mais quant ceux qui auoyent gaigné la montagne ne se virent poursuivis que par vne poignée de gens, ils tournerent visage, & les chargerent de telle furie que les Portugallois furent rompus & contrains se sauuer de viffesse, laissant la pluspart de leurs compagnons tuez sur le champ, pour payement de leur temerité, entre autres Arias Tellio & Garfie de Menefez. Les Mores poursuuians leur pointe, & reprenans leurs esprits, commencerent à sentir tellement leur cœur pour auoir esté les maîtres en ceste charge, contre toute esperance, qu'ils allerent attaquer Menefez mesmes de telle vigueur qu'il le contraignirent de repasser le torrent, ce qui n'auint sans grande effusion de sang, & de fait il perdit cinquante homes d'armes en ce conflict, & en emmena plus de cent blesez. Ce iour, comme lon entendit depuis, furent tuez du costé des Mores ennemis deux mille six cens soldats, & l'un des lieutenans du Roy de Fez : l'autre fut abatu de son cheual en terre & reduit en extreme danger, mais il fut rescous par ses gens. Ils y laisserent aussi sept capitaines, & eurent plus de quatre mille blesez, laissant de prisonniers aux Portugallois deux cens quatre vingt personnes, du nombre desquels furent les femmes & enfans des capitaines de Xerquie qui se trouuerent en la bataille. Les Portugallois auoyent obtenu vne victoire memorable, si l'inconsideration de ces ieunes esuentez ne l'eust deffiguree en quelque sorte. Quant les ennemis apperceurent les troupes de Portugal reuins, ils n'oserent pas en approcher : par ainsi les victorieux ayans ja partagé le butin s'en retournerent à leurs iournees chascun en sa garnison.

LES Rois de Fez & de Mequinez n'auoyent encores rien entendu de la desfaire de leur armee quand ils resolurent d'acheminer leur dessein touchant le siege d'Azamor, et les

13.

Nouvelle

guerre en Azamor, et les divers succés

d'icelle.

royaume avec toutes ses forces, & commença à tirer vers Azamor. Mahumet Roy de Fez luy enuoya de renfort bon nombre de gens de pied & de cheual. Lors qu'il fut question de passer la riuere qui trauerse Azamor, les compagnies du Roy de Mequinez employèrent sept iours à cela, tant il y auoit de gens. Menesez estimant qu'Azamor seroit assiegee en escriuit incontinēt au Roy de Portugal, qui fit diligence de pouruoir à tout ce qui estoit requis pour fortifier la ville. En ceste entrefaite Nazer receut nouuelles de la victoire obtenue par Menesez, ce qui luy fit changer d'auis: car il delibera fourrager le territoire d'Almedine, & fit vn estiage degast en la cāpagne, puis se rendit maistre d'Almedine, mit au fil de l'espee la garnison qui n'auoit pas voulu suivre le gouuerneur Almeimam, lequel s'estoit sauué dedās Safin. Iehabentafuf n'ayant forces suffisantes pour faire teste à vne si grande armee, & le renfort enuoyé par Ataïde (qui craignoit vn siege & pourtant ne s'estoit voulu afoiblir) ne le soulageant pas beaucoup, conclud de se retirer à Safin. Mais auant que partir il fit estoupper quelque puits, fouiller & infecter les autres par des charongnes puantes & fruits pourris qu'on y ietta, afin de ruër de soif l'armee de Nazer. Or en employant le temps à cela, ce Roy gaignoit chemin & l'attaingnit, tellemēt que ne pouuant euitter le combat, il salut ioindre, & y eut vn tresaspre confliēt. Du costé de Iehabentafuf quelques gens de cheual demurerent sur le champ, entre autres vn capitaine fort & vaillāt entre tous, nommé Benamire. Le Roy y perdit cinquante cheualiers & le colonnel des cōpagnies du Roy de Fez. En ce confliēt Iehabentafuf fit de tels atētes de prouesse que plusieurs estoient ravis de le voir: aussi quitta il tellement la place, que les ennemis ne s'eschauserent pas fort à courir apres. Ce pendant il perdit mille chameaux du butin des rencontres precedentes. Ataïde luy donna vn quartier ioignant les murailles de Safin, pour y acōmoder son camp. Quant à Nazer, son armee estoit en merueilleuse disette d'eau, pour à quoy pouruoir il fit de nouveau creuser des puits, perdant ainsi le tēps à choses de nulle importance: au moyen dequoy Iehabentafuf entreprit de luy donner vn alarme de nuict

& le forcer en ses pavillons, dont Nazer auerty remua tout soudain son camp en va lieu plus fort. Les Mores de Xerque conoissans par effect le cœur vil de ce Roy, duquel ils se desioient aussi à cause de son inconstance, commencerent à le hayr & desdaigner. Ce qui les despitait d'avantage, fut qu'ayât promis d'assiéger Azamor & Safin, comme son armée si grande luy en donnoit bien les moyens, il n'auoit osé en faire esprouue, tant il estoit couard. Ils portoyent fort impatiemment aussi que sous esperance de succès fort heureux on les auoit destournez de la suiettion par eux iurée au Roy Emmanuel. Pour descourtir dōc leur haine, & recouures par quelque acte notable la bonne grace d'Emmanuel, de laquelle ils estoient decheus par leur reuolte, ainsi que Nazer Roy de Mequinez & son camp seiournoient pres d'une ville nommée Tazarote, sans se soucier de leur promesse (aussi sont-ce gens qui ne sont consciēce d'estre traistres & periures) ils entrent de furie au camp, mettent au fil de l'espee ce qu'ils rencontrent, donnent la chassa aux forces du Roy, prennent huit cens cheuaux & les emmēnt avec plus de mille personnes pour estre esclaves. Le Roy priuē de moyens s'enfuit honteusement & avec grand perte en des montaignes fort hautes, d'oū il trouua moyē de se retirer en son royaume.

DURANT cela, Menesēz deuint extremement malade, & comme il estoit au lict, on luy apporta lettres d'Emmanuel qui l'esleuoit iusques au ciel par vne infinité de louanges, & promettoit le recompēser amplement pour recompense de ses grands seruices. Il ne fit aucune response à telles lettres, car alors il se voyoit bien pres du bout de ceste courte & miserable vie, & aspiroit ardemment & de tout son cœur à l'eternelle. Pourtant après auoir communiqué à toutes les ceremonies obseruees à l'endroit des mourans selon la religion Romaine, & monstř des tesmoignages de sa deuotion & de son esperance, son ame deslogea de la prison du corps & s'en vola au ciel, par le iugement de tous ceux qui l'ont conu. Car c'estoit vn seigneur non seulement sage & vaillant Capitaine, mais aussi debonnaire & misericordieux, plaissant en sa conuersation & en toutes

14.

*Mort de Iedn
de Menesēz à
qui Pierre de
Souff succedā
en charge.*

rencontres, chaste, & droiturier entre tous ceux qui auoyent tousiours fait profession des armes: & quand par fois il luy estoit auenu de porter affection à quelque dame, l'issue auoit tousiours monstré qu'il ne cerchoit qu'à passer le temps sans commettre vilenie de fait ny de paroles, ny donner occasion de penser qu'il y eust vn seul trait de meschante volonté en luy. Ses ennemis le redoutoyent autant que la foudre, les soldats l'aymoient singulierement: il laissa tous ceux d'Azamor contristez & espleurez vne lōgue espace de temps pour auoir perdu vn tel personnage. La poësie qu'il composoit en sa lāgue maternelle à monstré la gérillese de son esprit, car on ne sçauroit lire chose plus aigue ny plus pesante. Parmy ces vertus il estoit adonné aux predicions & deuinations, & par fois vne certaine melancholie l'agitoit tellemēt qu'il demeueroit comme insensé. Mais ces imperfections estoient estaintes par tant de belles parties, qu'il semble que les plus grands defauts de cest excellent personnage doyuent estre supportez. Pierre de Souze, depuis Comte des Prez, luy succeda en sa charge, & Roderic Barret retourna en Portugal.

15.
*Guerra de Se
 pte, & ce qui
 en auint.*

EN ceste annee Pierre de Menesez seigneur d'Alcoutin continuāt les courses sur les Mores, sur la fin du mois de Iuillet se rendit sur les frontieres de Turua, mit au trāchant del'espee grand nombre d'ennemis, & emmena les autres prisonniers. Au commencement d'Octobre il receut nouuelles que deux freres du Roy de Fez estoient en campagne avec dix mille cheuaux & forces gens de pied pour venir assieger Septe, & qu'ils auoyent vne flotte en mer, afin de serrer & battre la ville par mer & par terre. Iceux assirēt deux embusches en des bocages, & enuoyerent vingt cinq coureurs pour attirer Menesez, lequel fit sortir quinze des siens deuant, & les sniuit de pres acompagné de cent & quinze cheuaux, afin de les soustenir, quand les ennemis (comme il presumoit) sortiroient de leurs embusches. Ces quinze chargerent les vingt cinq qui commencent à reculer iusques à ce qu'ils eurent attiré les poursuiuans pres de l'embuscade. Les autres voyans ce filé tendu retournent à bride abatue trouuer Menesez, estans poursuiuis par deux cens cinquante che-

uaux, apres lesquels marchoit vne grosse troupe de caualerie. Pierre de Menefez se retira soudain dedans le fossé qui ceint la ville. Les deux cens cinquante cheuaux mellez parmy les coureurs de Menefez entrerent dans le fossé, & lors commencerent à chamailler les vns sur les autres de grande furie : mais avec tel desauantage pour les Mores que deux cens des leurs y furent tuez. De ceux de la ville il n'y en eut qu'un, & trente six blesez. Ce pendât les freres du Roy de Fez arriuerent pour empescher que les Portugallois ne gaignassent les portes, & les soldats qui estoient es nauires prenoient terre. Mais alors Menefez & ses troupes estoient rentrez, & auoyent si bien serré les portes que l'effort des ennemis tourna en fumee. Ils font porter leurs morts dans les nauires, pleurans & lamentans telle perte : car c'estoit la fleur de la ieune noblesse du royaume de Fez, & dont les vieux capitaines esperoyent le plus pour l'auenir.

16.

*Diuers pen-
ples de Bar-
barie se ren-
dēt vassaux
& tributai-
res du Roy de
Portugal.*

EN ce temps les Mores trembloient en oyant seulement parler du Roy de Portugal, & d'autre part sa douceur & equité le recommandoit & faisoit merueilleusement estimer au milieu de tous ces peuples, lesquels se sentans ainsi harassez & en transe continuelle pour les alarmes & courses des capitaines Portugallois, voyans d'autre part que leurs propres seigneurs les tyrannisoient, commencerent à tendre les mains à Emmanuel & le supplier, de les receuoir en sa protection, en leur imposant tel tribut & baillant tels gouuerneurs que bon luy sembleroit, promettant de combattre pour l'acroissement de sa dignité Royale iusques à la derniere goutte de leur sang. Non seulement les habitans des villes, mais aussi les villageois & montagnars, ayant aprins si long temps le mestier de la guerre & tousiours à leurs despens, aimerēt mieux s'asseruir de leur propre mouuement pour se maintenir, qu'estre tousiours sur le point de perdre & biens & vies. Ainsi donc les principaux de Xerquie enuoyez en ambassade vers le Roy, apres auoir obtenu audience, & remis toute la prouince en la main d'iceluy, prierent que Xerquie fust de la en auant vne prouince distincte d'avec Garabie & Dabide, & qu'un nommé Abdaramé fust estably gouuerneur de Xerquie. Mais afin que lon

n'estimast qu'ils eussent peur ou fussent ennemis de Iehabentafuf, ils remonstrerent que le pays nommé Duecala, lequel contient ces trois principales communautéz où provinces sushommees, estoit si grand que Iehabentafuf seul ne pourroit suffire à pourvoir aux affaires. Qu'il auroit assez de charge en son gouvernement de Dabide & Garabie, & qu'il permist que Xerquie fust gouvernee par vn autre. Ils adioustoient pour contenter Iehabentafuf, qu'Abdaramen estoit de sa maison, & fait de sa main, tellement que chascun tenoit pour certain que le disciple suiueroit tousiours le conseil du maistre. Qu'en cela consistoit la paix du pays, l'administration aisee de iustice, & le proufit du Roy: pource qu'enclinant volontiers à la requeste de ses vassaux, ils se les rendoit plus prompts à leur deuoir & exigeroit tant plus aisément le tribut qu'ils vouloyent payer. Ces ambassadeurs furent benignement receus & obtindrent du Roy ce qu'ils demandoient, à condition toutesfois, que quand ces trois provinces de Duecala ioindroyent leurs forces ensemble pour la guerre, elle reconnoistroyent Iehabentafuf pour leur general, & obeiroient sans contredit à ses cōmandemens. Le Roy defendit aussi que personne n'allast demeurer d'une communauté en l'autre, pour obuier à toute confusion, & de peur que tout cela n'esmeust quelque trouble dōt vne guerre pourroit s'ensuiure. Il en escriuit à Ataide & à Pierre de Soufe gouverneur d'Azamor, quāt à Iehabentafuf il approuua sans repliquer le partage que le Roy auoit fait.

17.

*Tumulte sur-
uenus entre les
Mores, & les
courses de Ia-
ques Lopez,
iufques au
territoire de
Maroch.*

C'EST E mefine année Ataide enuoya vn herault nommé Iacques Lopez en Xerquie pour exiger des payfans le bled qu'ils deuoyent contribuer, & le faire conduire dedans Azamor. Lopez ayant executé sa commission, se mit au retour avec les Mores qui menoyent le bled sur des bestes de voicture. Estant en chemin il rencontra soixante hommes de cheual venans d'Azamor. Les Mores estimans que ces cheuaux fussent en campagne pour les molester, courent incontinent aux armes, & se preparent courageusement au combat. Lopez se met entre deux & fait deuoir de herault; mais à peine peut il appaiser les Mores qui disoyent ne scauoir qui estoit Soufe, &

ne recognoistre autre qu'Ataide, avec lequel ils auoyent accordé de porter le bled, non pas avec Soufe. Combien que Lopez taschast de les adoucir, eux ne cessoyent de se plaindre des outrages que Soufe leur auoit faits, depuis qu'il estoit denenu gouuerneur d'Azamor, & que ces gés de cheual y fissent porter le bled s'ils vouloyent: que de leur part ils n'estoyent pas deliberez de mettre le pied dedans ceste ville là. Neantmoins Lopez les mania si dextrement & doucement que tout fut racointé, & mesmes il leur persuada de faire vne course avecques luy iusques au pres de Maroch. Suiuant quoy il choisit quatre cens vingt trois hommes de cheual des plus asseurez & mieux montez de leurs troupes, avec vingt sept cheuaux Portugallois, & picquant de là iusques au lendemain asfallit quelques compagnies logees à deux lieüs de Maroch, tua ceux qui voulurent faire teste, print cinquante trois prisonniers & emmena force bestail & des chameaux. Apres cela ils courent iusques pres de Maroch, & les Mores mesmes apres auoir crié Emmanuel plusieurs fois allerent donner des coups de lance contre les portes de la ville. Le Roy de Maroch troublé d'un accident si nouueau, monte à cheual bien suiuy pour repousser ces coureurs, qui combatent & tuent quatre hommes de cheual, puis se retirent à sauueté avec leur butin au lieu d'où Lopez les auoit emmenez, & ayans partagé la proye les Mores menerent leur part en Xerquie. Lopez retourna dedans Safin conduisant ses prisonniers, dont chascun fut merueilleusement esbahi, estimans incroyable qu'un Herault, homme de petite estoffe, eust osté entreprendre, en si petite troupe & tant suspecte pour la pluspart, entrer en pays où Ataide si vaillant Capitaine, appellé par Menefez pour mesme execution, auoit douté de pouuoir paruenir.

18.

Sur la fin de ceste annee le Roy de Portugal enuoya trois Ambassadeurs au Pape Leon dixiesme, avec des presents conuenables à la magnificence d'un Roy. Tristan de Cugne estoit le chef de ceste ambassade, accompagné de deux Docteurs en loix, gens de grande authorité en Portugal, l'un nommé Iacques Pacheco, l'autre Iean de Far. Ils porterent au Pape des chappes & chasubles de drap.

d'or, recouuertes & enrichies par artifice singulier de plusieurs pierres precieuses: Item des vases de fin or, des pendans & carquans d'or fort pesans & de grand pris. Tout estoit tellement elabouré que la façon valoit sans comparaison plus que la matiere tresriche de soy. Outre ces choses il enuoya vn fort haut Elephant amené des Indes, lequel non seulemēt à Rome (où depuis le declin de l'Empire personne n'auoit veu vn tel animal) mais aussi par tous autres lieux rauissoit tellement les personnes, qu'on ne pouuoit faire retirer arriere le peuple qui le venoit voir par grand esbahissement. Il enuoya aussi vne Panthere accoustumee à la chasse, present si exquis, que ie ne scay si iamais les *Ædiles* de Rome (qui donnoient le passe-temps de leurs magnifiques ieux aux citoyens Romains, & y faisoient voir maintes sortes de bestes sauuages & des Pantheres notamment) ont eu le moyen d'en faire voir vne telle. Car ceste-cy appriuoisee ne cōbatoit point en vne place publique contre quelques hommes exposez aux bestes, ou qui entreprenoyēt de les desfaire, mais couroit à la chasse apres les cerfs & sangliers, donnant beaucoup de plaisir aux Princes qui se plaisent en tel exercice. Elle estoit montee sur la croupe d'vn cheual Persan brauement harnaché, & gouverné par vn Persé excellent chasseur, que le Roy d'Ormus auoit enuoyé avec la panthere & le cheual. *Tristan de Cugne*, seigneur de tresnoble maison & de grande autorité, entreprint ceste ambassade à ses despens, & mena quant & soy ses trois fils, plusieurs de ses parens, & ses domestiques en grand nombre, tellement que son train ressembloit à celui d'vn Prince. *Garfie de Resende*, personnage fort respecté du Roy, estoit secretaire de ceste legation. *Nicolas de Far* maistre de l'equirie menoit vn cheual beau par excellence, accoustré d'vne selle, & tout le reste de son harnois de drap d'or, enrichis de broderie & de pierres precieuses proprement accommodees, pour en faire present au Pape. Estās arriuez pres de Rome le douzième de Mars l'an mil cinq cens quatorze, ils se disposerent à faire leur entree, comme s'ensuit. Tous les domestiques des ambassadeurs marchoyent les premiers en bel equippage, suivis de la panthere sur la croupe du cheual Persan & del'Elephant avec

leurs gouverneurs. Nicolas de Far môté sur le cheual sus-
mentionné, marchoit vn peu apres l'Elephant & fermoit
ceste premiere bande. La seconde estoit cōposée de gen-
tilshommes qui honoroyēt de leur compagnie les Am-
bassadeurs, & marchoyent en rang, ayans derriere eux le
Herault de Portugal avec sa cotte d'armes. Puis Tristan
de Cugne suiuiot estant au milieu des deux autres Am-
bassadeurs. Auant qu'entrer en la ville ils furent recueillis
en grand honneur par les gētilhommes de la maison des
Cardinaux, en apres par les Ambassadeurs des Princes es-
trangers, & par beaucoup de grands seigneurs. Comme
ils approchoyent des portes, le gouuerneur, suiuy de cer-
tains Euesques & des domestiques du Pape, sortit au de-
uant d'eux & leur fit vne harangue de la part du Pape, les
gratifiant de leur venue, & disant qu'à iamais le Pape se
souuiendroit de tous les bōs & notables seruices du tres-
illustre Prince Emmanuel Roy de Portugal, lequel com-
batoit sans cesse pour la foy, & qu'il les auroit pour tres-
agreables, comme tels seruices le meritoient aussi. Les
Ambassadeurs firent responce de mesme. Puis les Cōmis-
saires ordonnez à cest effect vindrent, qui pourueurent à
ceste entree, & ce pendant l'air & la terre retentissoyent
du son des fleutes & haubois, & de la fanfare des trōper-
es. Il n'y eut grand Seigneur qui n'honorast les Ambas-
sadeurs selō l'ordre assigné par les Commissaires. La gar-
de des Suisses marchoit deuāt l'enseigne desployee avec
les fifres & tabours. Toutes les rues & places estoient si
plaines de gens accourus de toutes parts à ceste entree,
qu'on auoit peine, mesmes à coups de baston, d'obtenir
large. Estans arriuez pres du Chasteau saint Ange, l'ar-
tillerie commença à tōner de telle sorte que toute la ville
trembloit. Apres que la fumee se fust esuanoüie, le Pape
regardant par vne fenestre, voicy approcher l'Elephant, *Les bestes fōs*
qui luy fit trois grandes reuerences, feschissant les ge- *la reuerence*
noux & baissant le corps par trois fois, dont tous les assi- *an Pape.*
stans furent grandement esbahis. Puis courbant sa trom-
pe en vne grande pipe pleine d'eau, il en puisa quantité
dont il en arrousa quelque peu ceux qui regardoyent par
les fenestres, & se tournant vers le peuple, afin de leur dō-
ner quelque part du passetemps, il ne leur espargna pas

l'eau, ains les en mouilla bien fort. Telle fut l'entree des Ambassadeurs que lon conduisit de là en leurs logis. Le vingtiesme iour du mesme mois il furēt menez en mesme compagnie, pompe & solennité au palais du Pape, qui les attendoit en son pontificat, reuestu de ses accoustremens accoustumez en telles receptions, & enuironné de Cardinaux assis en leurs chaires. Auant toute autre chose les trois Ambassadeurs baisèrent la pantoufle du Pape, cōme firent aussi tous ceux de leur suite, selon l'ordre designé par les Commissaires. Cela fait Tristā de Cugne luy presenta les lettres du Roy Emmanuel qui furent leuës tout haut, & ne contenoient autre chose que la creance des Ambassadeurs. Lors Iacques Pacheco fit sa harāgue, composant sa voix & toute son action de si bonne grace, que ce iour il acquit l'honneur d'estre vn des plus eloquens de son aage. Quant au Pape, il fit response bien au long en bons & beaux termes Latins, avec grauité, loua fort le Roy Emmanuel & la prouesse des Portugallois. Le lendemain les Ambassadeurs furēt menez en vn verger derriere le Palais sur le haut du Vatican, où le Pape les attendoit, & auquel ils offrirent les presens du Roy, dont la beauté & l'artifice le raut longuement. De là il descendit incontinent au iardin pour veoir l'Elephant & la panthere: pource que l'Elephant ne pouuoit monter à l'aise iusques au sommet du Palais où estoit l'entree du verger. Il voulūt voir comme la pāthere scauoit chasser, & fit amener quelques bestes, cōtre lesquelles le veneur ayāt lasché la panthere, elle courut sus & les estrāgla tout à l'instant.

19.

*Demādes du
Roy de Por-
tugal au Pa-
pe, notammēt
d'une partie
des reuenus
Ecclesiasti-
ques, & dis-
cours de l'hi-
storien sur ce-
la.*

QVILQVES iours apres, Tristā de Cugne & ses cōpagnons proposerent au Consistoire de Rome les demādes du Roy Emmanuel, dont vne partie concernoit l'estat commun de toute la Chrestienté, le reste touchoit le proufit & auantage particulier du Roy. Pour le commun il requeroit que le Concile assigné fust tenu, & les Decrets d'iceluy ratifiez: que lon trouuaist moyen de destourner les gens d'Eglise de leurs dissolutions & meschancetez, pour leur apprendre à viure chastemēt & saintement: qu'on pourueust à ce que les Princes Chrestiens quittassent leurs querelles pour s'allier tous ensemble & faire la guerre au Turc. Ces demandes furent reiectees.

n'estans pas alors temps d'y toucher. Le reste fut gracieusement accordé, à sçauoir que le tiers & le dixiesme des reuenus assignez pour l'entretènement des Ecclesiastiques & du seruice diuin fussent donnez au Roy, pour les employer aux affaires de la guerre contre les Mores: que la pluspart des biens des Eglises ensemble les reuenus de quelques Abbayes & Cōuents fussent alsignez pour l'entretènement des soldats qui iroyent en ceste guerre: que le Pape fist largesse de ses pardons à ceux qui voudroyent fournir deniers pour les fraies de la guerre mesme. Ceste largesse des biens Ecclesiastiques ne sçauroit estre excusée, ains merite grande reprehension, comme plusieurs aussi s'en trouuerent lors bien mal edifiez. Car ils disoyēt que si le Roy vaincu par l'importunité de quelques pînse-mailles auoit fait telle demande, le Pape ne deuoit pas estre si prompt ny si large à l'accorder: pource que tels reuenus auoyent esté religieusement conseruez non seulement entre ceux qui faisoient professiō de seruir au vray Dieu, mais aussi parmy les Grecs, Romains, Egyptiens & autres nations, tellement que quiconque y mettoit la main, estoit estimé coupable d'un si grand forfait qu'il n'y auoit presque aucun moyen de l'en absoudre. Ils adioustoient que la conuoitise des Chrestiens deuoit estre reprimée par autre moyen, à sçauoir par saintes admonitions, & qu'on ne deuoit ainsi permettre ce meslingé de choses sacrées & profanes pour assouuir la faim enragée de certains auaricieux qui ne pouuoient estre contentez en sorte que ce fust. Vray est que du temps des Roys Alfonso neufiesme & onzième, le tiers & le dixiesme des reuenus Ecclesiastiques leur auoyent esté ottroyez pour vn temps prefix: mais leurs tuteurs auoyent mal mesnagé le domaine, & y auoit iuste occasion d'employer tous les ornemens & reuenus des Eglises, sans espargner mesmes ny Ciboires ny Calices, pour fournir aux fraies de la guerre & chasser les troupes des Barbares qui se iettoyēt dedans l'Espagne. Semblablement le Roy Fernand & Isabelle estans espuisez de finances à cause de la guerre de Portugal, & sentans en tomber vne autre sur leur bras contre les Mores de Grenade, pour la religion, semblent auoir à trefuiste raison obtenu le mesme indult du Pa-

pe. Toutesfois le Roy Alphonse premier qui n'auoit pas grandes commoditez, & qui chassa de Portugal vne puissante armee de Mores riches & puissans, non sans vne loque & perilleuse guerre, ne voulut iamais toucher aux biens de l'Eglise: ny son fils Sance non plus, lequel guerroyant les Mores d'Andalouzie, les desfit pres de Seuille, & taignit de leur sang le fleuve Bætis, aujourd'huy nommé Guadalquiuir. Iean premier, qui apres auoir mis fin à la guerre contre le Roy de Castille print la ville de Septe: Alphonse cinquiesme conquisteur de Tingy, d'Arzile, & d'Alcassarquibir: leã sécõd, lequel fit preuue de sa vertu admirable es guerres contre le Roy Fernand & en celle d'Afrique aussi ces Roys, di-ie, ne s'empareret onc des reuenus Ecclesiastiques. S'il falloit ensuiure les exemples (puis qu'on estime que ce qui se fait par exemple doit seruir de reigle) il falloit s'arrester beaucoup plustost à ceux des Roys de Portugal que d'autres Roys & princes estrangers. D'auantage; les Roys qui par la permission du Pape mirent la main aux biens de l'Eglise, auoyent lors quelque excuse à cause de leur disette: mais Emmanuel estoit si riche, quant il fit ceste demande, que tous ses predecesseurs n'auoyent possédé aucuns deniers à comparaisons de luy. Et si ceux qui se graissoient les mains de cest argent sacré eussent employé leurs iours pour la religion, cõme on faisoit iadis en la terre & guerre sainte, alors le Roy eust eu droit de demander, & le Pape d'accorder ce don. Or le pis fut que par l'entremise des ambassadeurs, qui pretendoient auoir part au gasteau, on adiousta vne clause aux bulles de Rome, que le Roy pourroit donner l'argent de ces reuenus non seulement aux soldats combatans pour la religion, mais aussi à toutes autres personnes qui auroient merité recompense de seruices par elles faits. Ceste porte ouuerte aux alterez d'argent, il auint que ces reuenus tomberent es pattes de certaines harpyes, c'est à dire de quelques mignons & damerets qui n'auoyent iamais veu l'ennemy, ains au contraire pallissoient de frayeur au premier propos qu'on leur tenoit de la guerre d'Afrique. Finalement, le Roy ne gaigna pas ce que ses flatteurs luy auoyent soufflé aux oreilles. Il desiroit garder aisément les villes de la coste

de Barbarie, obliger de plus en plus à son service les gentils-hommes, en les bien appointant, & remplir son espargne. Mais apres cest octroy, les affaires de la guerre d'Afrique empirerent pour les Portugallois, la noblesse deuint plus necessiteuse qu'auparavant, & commença à se plaindre davantage qu'elle n'auoit oncques fait: l'espargne du Roy au lieu de se remplir des grands deniers qu'on y apportoit, s'espuisoit & tarissoit du tout par despenses inutiles, & quelquesfois par accidens deplorables. De ma part j'appreue la despence des biens Ecclesiastiques, pourueu qu'elle soit mesuree, & fournie à gens qui combattent pour maintenir la religion, & non point à ceux qui se contentēt d'en porter le tiltre: mais ie diray franchement qu'on ne deuroit nullement permettre que ie ne sçay quels effeminez, qui iamais ne desgainerent espee, s'ingerassent de receuoir & emporter leurs chapeaux plains de ducats tirez des reuenus de l'Eglise. Mais pour reuenir à nostre premier propos d'apres que les ambassadeurs eurent acomply leur commission selon leur desir, ils reprindrent le chemin de Portugal avec lettres contenans vn tesmoignage de tresaffectionnee volonté du Pape enuers le Roy Emmanuel, qui relascha aux Ecclesiastiques ce tiers & dixiesme de leurs biens, dont il acquit grande louange, & eux aussi pour recoissance d'un tel support, luy firent present de la somme de cent cinquante mille ducats, payable à trois termes. Quant aux pardons du Pape pour ceux qui contribueroient certaine somme applicable aux frais de la guerre d'Afrique, il en prouint d'horribles scandales, par l'auarice & meschanceté de ceux qui portoyent ces pardons. Le Roy en fit chastier quelques vns, & tous furent tellement punis de la main des hommes, ou frappez du iuste iugement de Dieu mesmes, que la fin de leur vie monstra que le iuge iuste & tout puissant estoit irrité de la conuoitise de ceux qui auoyent pratiqué telle inuention pour emplir leurs bourses. L'argent que les Ecclesiastiques deuoient contribuer pour la guerre, & pour les soldats de Iesus Christ (ainsi se faisoient ils appeller) montoit pour l'ordinaire à vingt mille escus. Mais le Roy voulut que cela fust moderé, premiere-

ment afranchir presques toutes les Abbayes, detenees par la violence de quelques vns qui n'auoyent oncques porté les armes, & neantmoins s'estoyent logez chez les moines sous pretexte de ceste guerre sacree. Pour le regard des autres benefices il establit des iuges equitables, donnant ordre que tout se maniait doucement. Mais ceux qui ne demandoient qu'à se gorger, trouuerent tant d'inuentions que tout aloit de trauers: car il taxoyent si bas les fruits qui doyuent estre assignez aux soldats, qu'à peine tout le reuenue annuel d'une prebende ou benefice pouuoit suffire pour la pension d'un seulement. Quant aux Ecclesiastiques, ils ne leur laissoient aucuns reuenus, ains reduisoient leur pension en argët, les chassans peu à peu de leurs possessioires par tels artifices. Or quand on vendoit les fruits, & que le pris haussioit tous les ans, les gensd'armes s'enrichissoient, au contraire les prestres demeuroient tousiours en mesme pauureté.

20.

Ambassade ENVIROn ce temps suruint vn autre ambassadeur du grãd Ne-en Portugal, dont le Roy receut fort grand contentement. Nous auons veu cy deuant comme l'Empereur *nateur d'E-* d'Ethiopie de là l'Egypte vers le Midy auoit enuoyé en *thiopie vers le* ambassade vers le Roy Emmanuel vn Armenien nommé Roy de Portu- Mattheu. Albuquerque le recueillit honnorablement, *gal, & à quel* comme dit a esté au huitiesme liure, & apres luy auoir *propos le vnl-* fait quelques presens l'enuoya en Portugal. Les capitai- *gaire nomme* nes qui le conduisoient luy firent tout plain d'outrages, *ce grand Ne-* en despit d'Albuquerque, disant que ce Mattheu estoit vn *gus le prestre* boufon & ioueur de passepasse, & qu'Albuquerque n'auoit pas la teste bié faite d'adiouster foy aux paroles d'un *lean.* basteur. En somme ils traiterent cest Armenien, non point en qualité d'ambassadeur, mais comme quelque chetif esclaue: à cause dequoy ils furent depuis serrez en prison pour estre punis selon leurs demerites, mais par l'intercession de cest ambassadeur mesme on les relascha. Or pour entendre quelle fut sa legation, il faut reprendre le propos vn peu de plus haut. Nous auons dit que le Roy Iean second desiroit infiniment descouurir toutes les Indes Orientales. Ayant entendu qu'il y auoyent vn certain Empereur Chrestien de fort sainte vie, lequel

dominoit es Indes & s'appelloit prestre Iean, & apres auoir veu plusieurs fois des prestres Ethiopiens venir à Rome, & voyager en France & en Elpaigne, cela luy fit penser qu'ils venoyēt de ce quartier des Indes où regnoit ce prestre Iean, qui (à ce qu'on disoit) estoit Pape en ces pays Orientaux, comme vne partie de l'Eutope en reconnoit vn deçà. Quand mesmes on interroguoit ces prestres passagers, si leur Roy auoit ainsy vne prestrise souueraine, si on l'appelloit prestre Iean, & si leur pays estoit limité dedans les Indes Orientales, ils ne disoyent pas du contraire, pensans si cest opinion s'imprimoit en l'entendement des Chrestiens de l'Europe, qu'on les y receuroit & traiteroit en plus grande douceur. Alors le monde estoit si ignorant que personne ne sçauoit remarquer la distâce qu'il y a entre l'Ethiopie & les Indes Orientales. Dôcques apres que le Roy Iean eust ouy contre merueilles de ce prestre Iean, il conclud que celuy seroit vn grand honneur, & l'auancement du Chrestianisme, avec vn expedient aisé pour descouurir les Indes, & qu'il ne sçauoit desirer dauantage que d'estre allié avec ce prince Chrestien. Et pourtant en diuers temps il offrit grosses pensions à des hommes qui entendoient bien la lāgue Arabesque, pour aller descouurir ces pays du prestre Iean. Finalement il en trouua deux, l'vn nommé Alфонse Payua, & l'autre Ieā Petrejo, lesquels partirēt de Portugal l'an mil quatre cens quatre vingts & six, habillez en marchans Egyptiens, & arriuerent en Aden, où ayans entendu qu'en l'Ethiopie sous Egypte à l'esgard d'Arabie, y auoit vn prince Chrestien, seigneur d'vne merueilleuse estendue de pays, & à qui beaucoup de Princes obeissoient, ils presumerent que ce pouuoit estre celuy à cause duquel le Roy Iean leur auoit fait entreprendre ce voyage. Mais le nom des Indes les mettoit en perplexité: car ils estoient enuoyez pour parler à vn Empereur Chrestien es Indes Orientales nommé le prestre Iean. Or celuy qui dominoit en Ethiopie n'auoit ce nom, ny tiltre quelconque d'Empereur ou de prestre. Apres auoir consulté ensemble de leurs affaires, ils resolerent que Petrejo feroit voile en Inde, pour voir, si l'on y parloit point de ce prestre Ieā, & q̄ Payua l'attēdroit à Thebes en

Egypte. Il estoit bien vray qu'autresfois y auoit eu vn Prince ainsi nommé, adherant à la secte des Nestorians, qui tenoit vn fort grand pays au cōtinent de l'Inde: mais il fut ruiné du tout par les Scythes ou Tartares qui s'emparerent de son royaume, & des long temps on ne faisoit plus aucune mention de luy. Toutesfois il y auoit encores quelques Chrestiens en ces quartiers là, infectez de l'heresie des Nestoriās. Petrejo voyant qu'il ne faisoit que perdre temps, reuint en Egypte, afin d'auiſer avec Payua ce qu'ils auroient à faire. Il y trouua deux Iuifs portans lettres du Roy Iean adressantes à luy & à son cōpagnon, lequel (à ce que luy certifierent les Iuifs) estoit decia mort. Or suiuant la commission du Roy les Iuifs prindrent le chemin d'Ormus. Petrejo apres auoir beaucoup tracassé, fit le voyage du mont Sina pour visiter le sepulchre de sainte Catherine, puis retournāt vers Aden & Zeila, finalement descendit es pays de l'Empereur d'Ethiopie, s'assurant qu'iceluy estoit le Prince vers lequel il estoit ennoyé par le Roy de Portugal, puis qu'en tous ces pays Orientaux il ne trouuoit Roy ny Prince.

27.

Par qui & pour quelle occasion le grand Negus d'Ethiopie en uoya son ambassadeurs en Portugal.

Ce luy qui regnoit alors en Ethiopie s'appelloit Alexandre, qui fut extremement resiouy des lettres du Roy Iean, & fit à Petrejo le meilleur traitement qu'il fut possible: mais il mourut quelque temps apres auant que de respondre au Roy de Portugal. Et pource qu'il n'auoit point de fils, son frere, appellé Nau, luy succeda, lequel ne voulut iamais dōner congé à Petrejo pour s'en reuenir. Iceluy decedé, vn sien fils nommé Dauid fut créé Roy, qui ne voulut oncques permettre (non plus que son pere) que Petrejo sortist des limites de son royaume: car ces Roys comme il est vray semblable, receuoient tel contentement de la communication qu'ils auoyent avec Petrejo, q̄ s'estoit chose mal aisee de tirer de leurs mains vn personnage de la prudence & adresse duquel ils vouloyent se seruir. Luy aussi n'esperant plus pouuoir regagner le chemin de Portugal, se maria & eut des enfans, estans ainsi arresté maugré soy en Ethiopie. Mais il auint par succession de temps que Vaque de Gama entreprint de trouuer le chemin des Indes & descouurit les re-

gions

gions Orientales : tellement que sa flotte & les autres qui firent voile apres luy & tant de braues capitaines qui allerent si auant & obtindrent tant de belles victoires, remplirent tout l'Orient du nom des Portugallois: ce qu'estant parueniu iusques aux oreilles de Dauid, auquel Petrejo fit entēdre que les Portugallois estoient ceste nation de laquelle le Roy l'auoit enuoyé en Ethiopie, il luy suruint incontinent vn merueilleux desir d'enuoyer gens en ambassade vers le Roy de Portugal. Dauid estoit encores enfans, & auoit sa grande mere nommee Heleine, femme de bon esprit, laquelle manioit les affaires du royaume. Cecy luy ayant esté communiqué, fut conclu que l'Ethiopie ne scauroit estre plus hōnorée, ny la religion mieux maintenue que quand Dauid & vn si grand religieux Prince que le Roy de Portugal seroyent alliez ensemble. Pour faire cest ambassade ils choisirent ce Matthieu surnommé, natif d'Armenie, faisant profession du Christianisme, homme fort meur, & qui auoit longuement fréquenté la cour des Roys d'Ethiopie, leur seruant de conseiller avec grand tesmoignage de prudence & loyauté. Il menoit quand & soy vn ieune seigneur du royaume, pour luy faire aprendre le langage & les façons de faire de Portugal. Ils furēt honorablement recueillis d'Albuquerque, & cruellement traitez de ses capitaines, comme nous l'auons veu cy dessus. Matthieu estant arriué finalement à Lisbonne fut receu de toute la noblesse & du clergé avec grandes demonstrations d'amitié Chrestienne, & conduit au palais du Roy, lequel monstra bon visage & receut gracieusement cest ambassadeurs.

22.

TR O I S iours apres, Matthieu obtint audience pour *Legation* & declairer sa commission: ce qu'il fit sagement & en bons *presens* de termes, puis bailla au Roy les lettres de la Royne Helai- *l'ambassadeur* ne cachettées de cinq sceaux d'or, & luy presenta de la *d'Ethiopie au* part de son Prince vne croix faite du propre bois sur le- *Roy Emma-* quel Iesus Christ fut crucifié pour le salut du genre hu- *nuel.* main. Emmanuel la receut en grande reuerence & les larmes aux yeux, remerciant & louant Dieu qui auoit conserué quelque semence de Christianisme & de pieté en des pays si lointains & autour desquels le diable &

les instrumens auoyent fait tant de rauages. Matthieu tira puis apres d'une canne d'or les lettres que Dauid escriuoit à Emmanuel. Toutes les deux lettres de la mere & du fils estoient escrites en langue Arabesque & Persique, contenant en substance ce qui s'ensuit. Premièrement, apres vne petite preface en laquelle le Roy parloit deuotement de la distinction des trois personnes cōiointes en vne seule nature & Deité il souhaitoit salut & bonheur au Roy de Portugal. En apres il le remercioit des lettres enuoyees aux Roys d'Ethiopie, puis manifestoit ses forces & richesses, assurant que par le moyen d'icelles, si Emmanuel vouloit faire la guerre par mer, & luy par terre, ils courroyent sus aux Mahumetistes, raderoyent du monde la memoire du meschant & abominable Mahumet, & reconquerreroient le saint sepulchre. Il autorisoit & auoit consequēment Mathieu pour son ambassadeur, assurant que la croix qu'il enuoyoit pour signe d'amitié auoit esté prinse & taillee de dessus le bois auquel Iesus Christ sauueur du monde fut crucifié: inuitāt Emmanuel à faire vne ligue offensue & defensue, laquelle aussi il offroit ratifier par mariage, disant que celuy seroit chose tresagreable que leur amitié & leur accord en religiō fussent confermez par ce lien sacré de mariage entre leurs enfans. Pour la fin il louoit les exploits des lieutenans d'Emmanuel es Indes, cōfessant que Iesus Christ y auoit besongné miraculeusement, & exhortoit le Roy de pour-suiure iusques au bout ce qu'il auoit entrepris. Ces lettres leues Emmanuel fit conduire Mathieu en vn logis, & luy fournir largement toutes choses necessaires.

23.

*Description
de l'estendue
du pays sur
lequel domi-
ne celuy que
le vulgaire
appelle Pre-
stre Iean, &
les mœurs de
ses suiets, au-
jourd'huy nom-
mez Abyssi-
niens.*

M A I S ce que nous venons de dire requiert quelque description des pays auxquels ce Prince Chrestien commande. Son royaume est borné de l'Egypte au Septentrion, des montaignes de la lune vers le Midi, & à l'Orient de la mer qui coulant par le goulfe du sein Arabique s'estend iusques au port de Suez. Les limites s'auancēt merueilleusement loin vers l'Occident, car il ioint aux Noirs du pays d'Agessymba. Cependant les Arabes tiēnent beaucoup de montaignes en ce royaume Chrestien, & ne sont suiets à personne: les autres Roylets obeissent au grand Roy, & comme vassaux luy payent tous les

ans grande somme d'or de tribut. Le Nil sort des mōragnes de la Lune, & après auoir fait plusieurs lacs & isles, il court au trauers de l'Egypte & dans Alexandrie puis se desgorge par plusieurs bouches en la mer Mediteranée. On estime que ce royaume a trois cens cinquante lieues de tour, & contient plusieurs hautes montaignes, presques inacessibles, & qui n'ont qu'un chemin si estroit, qu'à peine vn homme seul y peut-il monter. Au sommet il y a des plaines belles & spacieuses, des fontaines d'eau douce, des pasturages & herbages trescommodes, des riuieres bien claires, troupeaux de bestail à laine & à corne, ruches de mouches à miel qui en font vne merueilleuse quantité. Le pays d'endas est fertile & gras pour la plupart, abondant en mines d'or, d'argent & d'airain, nourrit force bestes cheualines, foisonne en cotton, n'a point de vin, mais au lieu d'iceluy les habitans font vne sorte d'hydromel agreable à la bouche & sain au corps. Ils ne se seruent que bien rarement de medecins & de medicamens. Toutesfois la nation est paresseuse, paresseuse ou bout, & à cause de sa fetardise, & qu'il ne se trouue personne qui veille mettre la main à la besongne, ils ne scauent tirer prouffit de la bonté de leur terre. Le Roy est tousiours en guerre avec les peuples circonuoi-
sins, & pourtant il ne demeure iamais en villes, ains passe toute sa vie sous des pauillons en plaine cāpaigne: où il est accompagné d'un tel nombre d'hommes & de têtes, que son camp s'estend enuiron six lieues de long & autant de large: mais en tel ordre, encores qu'ils se remuent souuent, qu'il est aisé à toute personne de descouurir de l'œil les rues du camp, aller droit sans se fouruoyer es têtes de ceux qu'il cherche, se presenter à tels seigneurs que bon luy semblera, & frequenter là dedans comme en vne ville bien hantee. Le camp est diuisé en sept paroisses, qui ont chascune leurs prestres assignez, qui font le seruice, le prône, entretiennent leur paroissiens en quelque ordre, ont discipline pour les retenir en bride, & les exhortent d'ordinaire à faire leur deuoir & se porter Chrestienement. Les villés du royaume sont petites, les maisons basses, les murailles foibles: néantmoins il y a des temples magnifiques & des moines basties à

grands frais. Autresfois le Roy se faisoit adorer comme Dieu, & ne mostroit sa face aux grands seigneurs mesmes, sinon quelques iours assignez à cela. Si quelques vns vouloyent parler à luy ils ne voyoyent que l'une des ses mains, ou l'un de ses pieds, & pensoyent que ce fust vn grand peché de le voir tout entier. Voulant répondre il se seruoit de gens interposez, & de derriere quelques rideaux (comme si c'eust esté vn oracle) il parloit par les truchemens. Mais quand les Portugallois secoururent ces peuples (aujourd'huy nommez Abyssins) reduits à l'extremité, qu'ils se mocquerent de leur bestise, monstrans comme les Roys de l'Europe se comportoyent en tel cas, ceste folle ostentation de ie ne sçay quoy plus qu'humain s'esuanouit en l'air, pour le iourd'huy on peut voir, aborder & ouyr deuiser les Roys des Abyssins.

24.
De la religio
et ceremonies
des Ethiopie
Abyssins.

Q V A N T à la religion ils retiennent & obseruent plusieurs ceremonies prinſes des Iuifs. Les masles sont circoncis au huitiesme iour, & coupe l'on mesmes quelque chose aux femmes, afin qu'elles semblent aucunement circoncis: & obseruent cela (disent-ils) non point pour chercher quelque efficace de salut en la circoncision: mais pour se proposer deuant les yeux l'exemple d'Abraham & des autres saints Patriarches, à ce qu'un tel enseignement les pousse plus hardiment & ardemment à ensuiure tels saints personnages. Les masles sont baptisez quarante iours apres la circōcision, les femmes au bout de trois mois: & ce mesme iour on administre aux enfans d'age competent le sacrement de l'Eucharistie, à sçauoir vn morceau de pain. Tous les ans ils solennisent le iour auquel Iesus Christ fut pabſié par saint Iean au Iourdain, & se font baptiser ce mesme iour: nō obstant quoy, ils tiennent que les pechez sont effacez par vn seul baptisme, & que les autres lauemens renouuelez en fin de chascue annee seruent au corps seulement, & ne sont point sacremens du nettoiyement des ames: qu'ils font cela pour se ramentenir tant plus souuent le benefice de nostre Seigneur, qui pour effacer les ordures de nos ames a versé sang & eau de son costé. Celles qui sōt acouchees d'un masle n'entrent au temple que quarante iours apres, &

si c'est d'une femme elles attendent deux fois autant. Les prestres peuvent se marier en premieres nopces : si leurs femmes meurent, ils ne se remarient plus, & passent le reste de leur vie en chaste viduité. On les degrade s'ils commettent adultere, ou si durant leur veufuage ils font quelque vilenie. Auât que celebrer leurs ceremonies ils s'abstiennent de leurs femmes quelques iours, ayans opinion d'estre propre alors à chanter messe, & que cela leur est une vraye disposition pour bien consacrer & immoler plus deuotement leur Corpus Domini. C'est un forfait enorme à un moine d'espouser femme. Nul n'oseroit entrer au temple sinon à pieds deschaux, & sont estimez meschans ceux qui y rient, deuissent, qui s'y pourmeinent, ou qui y pensent à autres choses que diuines & celestes. En leurs ieunes ils ne boyent ny ne mangent qu'après soleil couché. Ils s'abstiennent des viandes defendues en la Loy de Moÿse: vont souvent à cõfesse vers leurs prestres: communiquent à la table du seigneur sous les signes du pain & du vin. Les moines ont pour auteur de leur ordre S. Antoine hermite d'Egypte. Quand aux Euesques le Roy les cree: les moines essient leur Patriarche qui est consermé par celuy d'Alexandrie. En beaucoup de choses ils s'accordent avec les ceremonies Iudaïques, encorres qu'ils afferment destourner leur finance d'icelles, & s'appuyer seulement sur les merites & vertu de Iesus Christ. Ils font beaucoup de festes, honnorent & inuoquent les saints trespassez. Voila les ceremonies & maniere de viures des Chrestiens d'Ethiopie, le seigneur desquels nommé David enuoya l'ambassade sus mentionné au Roy Emmanuel. Or les enuieux & ennemis d'Albuquerque taschoient de faire par leurs detractions que le Roy ne s'arrestast à la creance de cest ambassade, soustenant qu'il auoit dressé luy-mesmes les lettres presentees & toute ceste negociation: afin qu'en le rendant suspect, Albuquerque qui l'auoit honoré & recommandé perdist autant de sa reputation.

25.

*Etat des In-**des. Ninache-**en uen desponil**le de son estat**en Malaca.*

C'est en mesme annee George Albuquerque fut enuoyé par le Viceroy en Malaca, afin d'y commander en uen desponil la place de Roderic Britio, lequel ayant accompli le le de son estat temps de sa charge fut rapellé en Goa. Apres que Geor-

ge eust passé la Taprobane, il s'en alla surgir au port de Pacem, & entendit que le Roy se preparoit à la guerre contre vn Prince sien vassal qui s'estoit distrait de son obéissance. Pour ce que ce Roy estoit du nombre des cōféderez, les Portugallois le secoururent, & mirent en route l'armée de ce rebelle : puis reprindrent leur route en Malaca. Quelques mois apres George receut lettres du Viceroy Albuquerque, portans commandement de pruer Ninachetuen de sa dignité, & la bailler au Roy de Campar, qui est vn petit royaume vers le Midy. L'estat de Ninachetuen sembloit si excellent, que le Roy de Campar, quittant son royaume pour obtenir vne telle charge, estoit estre plus grand seigneur qu'il n'auoit oncques esté. On ne sçait pas qui esmeut Albuquerque de despoüiller ainsi Ninachetuen: sinon qu'ils s'y fust mal porté, ou que ceux de sa iurisdiction le mesprisans à cause qu'il estoit nouueau venu, eussent prié Albuquerque de leur donner vn autre gouuerneur du sang royal. Soit pour cela, ou pour autre occasion Albuquerque desmit Ninachetuen, establisant en son lieu le Roy de Campar affectonné partissant des Portugallois. George enuoya querir ce Roy par le capitaine Botel qui luy estoit familier, & qui partit de Malaca dans vne fregatte pour cest effect.

26.

*Guerre entre
les Roys de
Bintam et de
Campar, en
laquelle les
Portugallois
se meslēt pour
secourir celui
de Campar,
& desfont le
Roy de Lin-
gue.*

A v mesme temps le Roy de Bintam tenoit celuy de Campar assiegé. Botel demanda secours par lettres à George Albuquerque, afin de deliurer leur allié. Francisque Melio fut despesché avec quatre nauires chargees de cent Portugallois & sept cens Malacans pour y aller. Avec ces troupes Botel resolut entrer par la bouche d'vne riuere qui trauersē le pays de Campar: mais approchant des fauxbourgs de la ville assiegee il rencontra vn boulevard dressé par le Roy de Lingue, qui auoit prins ceste commission & promis au Roy de Bintam de ruiner celuy de Campar. Lingue est vne ville & region limitrophe de Campar. Or tant plus les Portugallois auançoient plus la riuere s'estroissoit, & partant le canal estoit profond & les riuēs plus hautes, tellement qu'il y auoit danger que les ennemis ayans cest auantage des bords de la riuere surpassans en hauteur les nauires de Botel n'accu-

blaisent ses gens à coups de pierres & de traits. Pour cette cause Botel fut d'aui de faire la guerre autrement, & trouua bñ de fermer l'emboucheure de la riuiere en mer, afin de couper les viures aux ennemis & les trauailler de faim ou les attirer au combat en lieu qui fust plus à son auantage. Ainsi donc il tourna voile en arriere avec sa fregatte, & incontinent fut assailly par quatre vingts voiles de six mille hommes du Roy de Lingue, lequel vouloit deuant en vn grand vaisseau avec les picipaux de son armee: mais Botel eut un bon nombre & esfaroucha fort les autres à coups de trait & de canō. Ce vaisseau pāchant d'vn costé & à demy rompu se mit de trauers & arterra de telle sorte qu'on ne le pouuoit remuer boufchāt le passage aux autres qui le suiuoyent, qui fit que Botel l'accrocha, & sautant dedans, apres quelque resistance tua les vns & ietta les autres en l'eau. Alors le fuis de mer se retiroit, tellement que la flotte du Roy de Lingue empeschee par son vaisseau ne pouuoit s'auancer ny se retirer, n'estant fauorisee du refus, & ainsi tous ces vaisseaux estoient tellement serrez qu'ils ne bougeoient. Francisque Melio gardoit l'emboucheure, & n'auoit rien descouuert de l'assaut donné par le Roy, tant pource que cela estoit suruenu tout soudain, qu'aussi à cause des contours de la riuiere & de la hauteur de ses bords. Toutefois entendant le son de l'artillerie & le bruit du combat il deuala celle part, & monta dans ce vaisseau du Roy. Estans lors ses forces assemblees, les Portugallois sauterent de vaisseaux en autres, apres en auoir chassé les ennemis, & fait carnage d'iceux: tellement que le Roy de Lingue pour sauuer sa vie, se tira de la presse au moins mal qu'il luy fut possible. Quant à celuy de Campar il remercia tres affectueusement les capitaines, & fut fort ioyeux des nouuelles de l'office qu'on luy donnoit. Le vaisseau du Roy de Lingue fut retiré & baillé au Roy de Campar par Francisque Melio, pour son voyage en Malaca. Il emmena quelques autres vaisseaux des ennemis & mit le feu au reste.

27.

OR quand Ninachetuen entendit que le Roy de Cā- *Mort tragique de Nina-*
par estoit appellé pour luy succeder en sa charge, il con- *que de Nina-*
clud en soi mesme de ne souffrir nulemēt d'estre degradé. *chetue, & les*

*memorables
particulari-
tez d'icelle.*

Pourtant il fit dresser vn eschaffaut esleué & longuet ap-
puyé sur quelque colonnes, tapissé, orné de fleurs & par-
fums en abondance. Cela fait il se vestit d'une robe de
drap d'or, & tout couuert de pierres precieuses sortit en
rue ainsi équipé, & monta par des degrez sur l'eschaffaut.
Il y auoit au dessus vn bucher de bois odoriferant bien
agencé & allumé. Ceste pompe extraordinaire de Nina-
cheruen fit leuer les yeux & les oreilles de tout le peuple,
ne sçachant que vouloit dire cest appareil. Ninacheruen
commença lors à faire vne piteuse harangue, & en pre-
mier lieu ramentu les seruices que les Portugallois au-
oyent receus de luy auant la prinse de la ville, & ce qu'il
auoit fait depuis en faueur du Roy Emmanuel: cōbien il
s'estoit monsté ferme & fidele en son deuoir: avec quelle
magnanimité en plusieurs endroits il auoit hazardé sa
vie pour preuue de sa loyauté. Que pour recompense
de tant de bons deuoirs, la nation Portugalloise vou-
loit diffamer de telle sorte sa vieillesse, qu'il estoit impos-
sible de trouuer homme ayant son honneur en quelque
recommandation qui voulust ni peust digerer cela en au-
cune sorte: car ils le despouilloient de la charge qu'eux
mesmes luy auoyent commise, le degradoient de ses hō-
neurs, le reputans digne d'acheuer ses iours ignominieu-
sement, & seruir de fable & de risée à tout le monde.
Quāt à luy, qu'il auoit tousiours moins estimé sa vie que
son honneur, & fait mesme sa resolution de mourir pour
conseruer sa reputation, & pourtant qu'à l'heure presente
il changeoit volontiers sa vie à la mort, plustost que de
receuoit la honte qu'on luy vouloit faire. Disant ces
choses il se ietta dedans le feu, où il rendit l'esprit. Cha-
cun regretta & pleura ce personnage ainsi mort, conside-
rant qu'il auoit fait pour les Portugallois, sa fidelité en
tous accidens, & la piteuse fin de sa vieillesse: tellement
que les cheveux dressoient en la teste de plusieurs qui s'e-
stoyent trouuez à ce spectacle.

28.
*Description
du royaume
de Cambaye
ensemble de
quelque vil-
la d'iceluy.*

TANDIS que ceste tragedie se iouoit en Malaca, il
fut arresté par Albuquerque d'enuoyer vn ambassadeur
vers le Roy de Cambaye: mais auant que passer oultre
il fault dire quelque chose de la situation du Royaume,
de la fertilité du pays, & de la maniere de viure des habi-

tans. Le Royaume de Cambaje est le premier quartier de l'Inde close des limites de l'Arachosie. Indus fleuve renommé, d'où l'Inde à prins son nom, court au trauers de ce royaume: & plusieurs autres riuieres coulantes d'Orient & d'Occident se perdent dedans ce grand fleuve, qui se desgorge en vn bras de mer que les anciens appellēt Cāticolpe & les modernes goulfe de Cambaje. On tient que le pays est si fertile, qu'il ne faut que bien peu d'arpens de terre pour nourrir beaucoup de familles. Il y a force fruis de diuerses sortes, du sucre à foison, vne infinité de bestail à corne & à laine. La coste de mer est habitee de Mahumetistes pour la pluspart: ceux qui demeurēt plus auāt en pays sont adonnez aux idoles. Es mōragnes habitent certains peuples hardis aux armes, qui se sont gouuernez eux mesmes, depuis que les Rois de Cambaje embrasserent la superstition de Mahumet. Ils s'appellent Refbuts & descendent souuent pour guerroyer contre ces Rois. Les marchans de Cambaje sont fort riches, les reuenus du Roy tresamples, les soldats estrangers estoient attirez en ce royaume par grosses pēsiōs, tellement que Cambaje estoit estimē comme vn pays cōmun. Diu ville notable d'iceluy est assise en vne petite isle separee du continent par vn bien petit destroit, qui pour la commodité de son haure attiroit plusieurs marchans, tellement qu'il s'y faisoit vn riche trafic de toutes marchandises. Albuquerque desiroit bastir vne citadelle en ceste isle, & pour obtenir ce priuilege taschoit de gagner le cœur du Roy par tous les moyens dont il se pouuoit auiser, & de fait le Roy s'y accorder, comme dit a esté ci deuant. Mais au contraire, Melichiaz gouuerneur de Diu, iugeant la liberté & le bien du peuple de Cambaje consister en ce fait s'opposa au bastiment de ceste citadelle. Entre ceux qui auoyent grand credit pres du Roy estoit vn nommé Melichigup, lequel Albuquerque tascha de gagner, afin d'obtenir plus aisément par faueur ce qu'il pretendoit. Melichigup luy en donna esperance par quelques lettres & l'exhorta d'enuoyer vn ambassade au Roy. A l'emboucheure du goulfe dedans lequel le fleuve Indus se descharge est assize vne ville nommee Surrate, dont Melichigup estoit seigneur. Le capitaine Begie am-

*Ambassade
d'Albuquerque
vers le
Roy de Cam-
baye.*

basiladeur y estant arriué fut honnorablement receu du
gouuerneur & des principaux de la ville, desquels ayant
entédu que le Roy ne môstroit gueres bõ visage à Meli-
chigup, sur l'auis de qui toute l'entreprise estoit fondee,
fut sur le point de s'en retourner, dont toutesfois il fut
empesché par ceux de Surrate, la pluspart desquels, par
despit de Melichiaz, desiroient que les Portugallois fis-
sent bien leurs affaires. Iceux donc asséurent Begie que
tout iroit bien, luy fournissent trente trois cheuaux,
& des chariots, pour porter son bagage: le font con-
duire par des soldats, afin que personne ne luy fist tort
en chemin. Quatre iours apres il arriua en vne ville grâ-
de & forte nommee Champanelle, où il trouua Melichi-
gup qui le recueillit assez magnifiquement & humaine-
ment, avec aduertissemens de se garder des fraudes & em-
busches du traistre Melichiaz. Ayant fait bonne chere
trois iours durant en ce lieu, Melichigup luy fournit vi-
tures & gens, l'admonnestant de ne loger sinon chez ce-
luy que luy montreroit vn capitaine des gardes que Me-
lichigup luy donna, afin d'estre hors de danger, autrement
il luy en viendroit grand mal. De là Begie tira à petites
iournees vers vne autre ville nommee Mandaue, en la-
quelle pour lors demouroit le Roy, qui couché sur vn liét
receut Begie courtoisement, & fut d'autre part salué d'i-
celuy & de sa suite à la façon de Portugal. Le Roy leur fit
donner à tous des habillemens & de l'argent, puis cõdui-
re en des logis, où il leur enuoya beaucoup de presens.
Pour le regard de la citadelle il auoit esté tellement de-
stourné de cela par Melichiaz, qu'il ne vouloit en sorte
que ce fust ratifier ce qu'il auoit ia ottroyé: disant qu'il
donneroit volontiers congé de bastir la citadelle à Sur-
rate, ou Bombaim, ou Namim, ou Doubes, villes assises
en la coste de mer du royaume: mais que pour le regard
de Diu il auoit des raisons tresiustes de ne le vouloir per-
mettre. Par ainsi le capitaine Begie s'en retourna sans rié
faire, en telle sorte ce pendant qu'il ne se pouuoit plain-
dre d'auoir esté autrement que bien venu, bien receu, &
honoré de grands presens, ensemble tous ceux qui l'ac-
compagnoient. Mesmes le Roy enuoya des ioyaux de
grand pris à Albuquerque, Begie s'estant embarqué avec

*Responce du
Roy de Câ-
baye.*

tout cela & force viures reprint le chemin de Goa, où il se rendit quelque temps apres. Lors Albuquerque armoit vne flotte pour l'Arabie, comme on en faisoit courir le bruit : mais à la verité sa delibération estoit d'aller en Ormus.

OR afin de mieux courir sa pensee & leuer toute des fiance au Roy d'Ormuz, il enuoya son neveu Pierre Albuquerque avec quatre nauires au cap de Guardafu, afin de faire la guerre aux Arabes. Pierre ayant passé là vne bonne partie de l'Esté fit de bons butins, entre autres print dix grands vaisseaux Arabesques chargez de grandes richesses de toutes sortes. De ce cap, selon la charge à luy dōnee, il fit voile en Ormuz, pour demander au Roy lors regnant nommé Terunxa, successeur de son frere Zeifadim ia decedé, le tribut, permission de bastir la citadelle, & faire instance vers ce Roy pour la confirmation de l'accord traité avec feu son frere. Terunxa fournit seulement dix mille escus du tribut, alleguāt que pour ses affaires vrgentes, il n'en pouuoit lors bailler davantage, mais qu'il pouruoyeroit au reste en dedans certain terme. Quant à la citadelle il declaira n'en vouloir permettre le bastiment : & que pour le regard de l'alliance il la confermeroit tresvolontiers. Les choses ainsi acheuées, Pierre resolut suiuant le commendement de son oncle de cingler iusques en vne isle nommee Bargarem, proche del'Arabie, dedans la mer Persique, & distāte d'environ deux cens lieues de l'endroit où l'Euphrates ia conioint au fleuve Tigris se desgorge en la mer. Le Roy fit son possible de le destourner de ce voyage, disant que la nauigation y estoit dangereuse à cause des bancs, escueils & sablons mouuans : item que les marescages proches de la mer espaississoient l'air tellement que les corps s'en portoyent tresmal. Ce nonobstant Pierre mit la voile au vent, & comme il approchoit de l'isle vne tourmente le chassa de l'autre costé au port d'vne ville de Perse nommee Raxel, où ayant trouué vn capitaine d'Ismael Sophy Roy de Perse, nommé Mirbuzaca qui s'estoit saisi de vingt nauires appartenantes au Roy d'Ormuz, il luy enuoya dire que Terunxa estoit tributaire du Roy de Portugal, & q̄ luy cōme capitaine Portugallois n'endure-

29.

Nauigatiō de Pierre Albuquerque en Arabie: sa negotiation en Ormuz, ce qui s'ensuivit, & son retour en Goa vers le Viceroy.

roit que lon fist tort à vn des vassaux de son prince: & pourtant le prioit comme amy (comme aussi il s'asseuroit que la force des armes ne seroit employee en chose qu'un message de paroles pouuoit appointer) de luy rendre ces vingt nauires. Soit que Mirbuzaca eust peur, où que son naturel fust ainsi debonnaire, il accorda ce qui luy fut demandé par Pierre, lequel retourné en Ormus fit present des nauires au Roy, le destournant par tel artifice de tout soupçon que la flotte de Portugal s'armast contre luy. Au partir d'Ormus Pierre print la route de Goa, où il trouue son oncle occupé apres l'equippage de ses nauires. Mais auant que s'embarquer il enuoya Iean Gonçalue de Blancastel vers Zabaim Dalcam luy demander quelques places en terre ferme pour y mettre garnison s'il vouloit de là en auant recouurer des cheuaux à pris raisonnable. Il despescha aussi Anthoine de Souse vers le Roy de Narfingue pour obtenir en la coste de l'Inde qui regarde le couchant vne ville nommee Batticala. Ces Ambassadeurs furent humainement receus & honnorez de riches presens: mais ils ne firent rien de ce qu'ils pretendoient, & ainsi retournerent en Goa.

FIN DV NEVFIESME LIVRE.





LE DIXIESME LI- VRE DE L'HISTOIRE DE PORTVGAL.

SOMMAIRE.

1. Navigation d'Abulquerque en Ormus.
2. Articles de la negotiation entre les Roys d'Ormuz & de Portugal, & l'issue d'icelle.
3. Discours de la race, maniere de viure, domination & exploits notables d'Ismael Sophi Roy de Perse.
4. Ambassades d'Ismael Sophi & d'Albuquerque l'un vers l'autre.
5. Albuquerque sejournant en Ormus preserue le Roy de la tyrannie de Raix Hamed, trouue moyen d'exterminer ce tyran, & dresse l'estat public pour le repos des Portugallois.
6. Estat des affaires d'Afrique, & course des Portugallois sur les Mores pres de Maroch & du mont Farrobe.
7. Guerre contre le Xerif, & les diuers euenemens d'icelle.
8. Diuers notables exploits du Capitaine Barrigue.
9. Guerre de Maroch, & quelle en fut l'issue.
10. Courses & ravages des Portugallois au mont Farrobe.
11. De la flotte de Portugal envoyee en Barbarie pour y bastir une Citadelle en lieu propre, afin de brider les Mores, & des malheurs qui en aduindrent aux Portugallois.
12. Les ennemis d'Albuquerque pratiquent tellement qu'il est desmis de sa charge au conseil de Portugal, & Loup Soarez, esleu Viceroy des Indes.
13. Embusches & calomnies dressees par le Roy de Bintan contre son gendre Abedalla Roy de Campar qui est decapité en

Malaca.

14. Murmures contre les Portugallois par toutes les Indes : machinations du Roy de Bntam contre George Botel & ce qui en aduint.
15. Ordre donné par Albuquerque en Ormus, pour la tenir assésée au Roy de Portugal.
16. Maladie mortelle d'Albuquerque, & comment il pouvoit à ses affaires.
17. Message apporté à Albuquerque touchât Soarez, estably en sa place: & ce qu'il dit et escriuit sur cela deuant que mourir.
18. Discours sur les mœurs d'Abulquerque, & ses funeraïles.
19. Mort de Fernand Roy d'Espagne.
20. Premiers actes de Loup Soarez, Viceroy és Indes & successeur d'Albuquerque.
21. Estat du Royaume de Congo en Ethiopie.
22. Estat de l'Europe, spécialement de Portugal.
23. Guerre d'Arzile, & les plus remarquables euenemens d'icelle.
24. Guerre de Maroch, & la victoire des Portugallois sur Ral Benxamut.
25. Memorable combat entre Benxamut & les Portugallois, qui sont mis en route avec perte de leurs chefs.
26. Harangue de Iehabentafus au Roy de Portugal.
27. Ordre donné aux affaires de Barbarie par Iehabentafus & Nonio Mascaregne successeur d'Ataide.
28. Captivité & illustre martyre de Gonsalves Vasco cruellement traité des Mores pour auoir renoncé au Mahumetisme.
29. Voyages de l'Ambassadeur de Portugal pour se rendre en la Cour d'Ismael Sophi Roy de Perse.
30. Pourparler entre l'Ambassadeur de Portugal & Ismael Sophi.
31. Demandes de l'Ambassadeur & responses du Sophi.
32. Exercices d'Ismael Sophi: son Ambassade & ses lettres au Roy de Portugal & à Albuquerque.

1.

Nauigation
d'Abulquerque
en Ormus.



N la mesme année cinq nauires parties de Lisbonne arriuerent à sauueté au Haure de Goa, où suruint aussi l'Ambassadeur que le Roy d'Ormuz enuoyoit au Roy de Portugal. Albuquerque fit vn tour en Cochim

pour equipper la flotte qui deuoit reuenir à Lisbõne, puis estant de retour en Goa, & apres auoir sagemēt pourueu à toutes choses pour entretenir en paix l'estat des Indes, fit voile de Goa sur la fin du mois de Feurier l'an mil cinqcens quinze, avec vne flotte de vingt sept nauires, & quelques autres vaisseaux legers chargez d'Indiens. Estant allé mouiller l'anchre au port de Mascate il entendit que les affaires d'Ormuz brāsloyent, tellement qu'il n'y auoit pas grande assurance aux promesses du Roy ny des gouuerneurs. Il fit aiguede & prouision nouuelle de viures, puis reprint la route d'Ormuz. Le Roy estoñné de ceste soudaine venue employa tous ses sens à adoucir le cœur d'Albuquerque: & pour cest effect despescha l'un des domestiques, qui luy alla faire la reuerence & le gratifier de son arriuee en bonne prosperité, avec charge de luy dire que la ville & tous les biens du Royaume d'Ormuz appartenoyent au Roy Emmanuel, & prier Albuquerque de s'aider de toutes les commoditez du pays comme s'il estoit en Portugal. La response d'Albuquerque fut qu'il tiendroit le Roy pour son fils, moyennāt que l'effect correspondist aux paroles, autrement il le menaçoit de l'en faire repentir. Ce deputé party, Albuquerque commāda que les brigantins & autres petits vaisseaux courussent autour de l'Isle pour descourir si quelques nauires de guerre entreprenoyent point d'entrer au Haure de la ville: que si c'estoyent ennemis qui refusassent se rendre, on tuast les soldats, & qu'on luy amenast vifs ceux qui se redroyent. Ceux qui auoyent telle commission y employèrent deux iours, durāt lesquels gens alloient & venoyēt, le Roy taschant appaiser Albuquerque par belles paroles, & Albuquerque le menaçant de ruiner totale s'il n'obeissoit à ce qui luy estoit commandé. Il enuoya aussi en Ormuz l'Ambassadeur du Roy retourné avec la flotte de Portugal & respōse d'Emmanuel. Or cest Ambassadeur estoit natif de Sicile, d'où il auoit esté enleué dès son enfance par certains coursaïres, & instruit en la superstitiō Mahumetiste. Durant son seiour en Portugal il print goust au Christianisme, abiura la secte de Mahomet, se fit baptiser & nommer Nicolas Ferreire. Albuquerque craignant que le Roy d'Ormuz ne traitast cruellement cest hom-

me à cause de la religion, obtint, auant que le laisser sortir des nauires, qu'on ne luy feroit rien pour cela.

2
Articles de
la negotiatio
entre les Rois
d'Ormus &
de Portugal,
et l'issue d'i-
celle.

Les articles que Ferreire presenta de la part du Roy d'Ormus à celuy de Portugal contenoient en substance ce qui s'ensuit. Premieremēt, que celuy d'Ormus demeurast du tout quitte du tribut qu'Emmanuel exigeoit de luy, alleguant qu'il estoit espuisé de finances, à cause que les nauires Portugalloises effrayoyent tellement les marchans qu'ils n'osoyent plus rien amener en Ormus, ce qui aneantissoit les doiüannes, qui estoient ses plus clers reuenus, & que le reste ne montoit pas à la somme qu'on luy demandoit tous les ans. Secondement, il demandoit permission à ses suiets de nauiger en Inde, & aussi aux nauires Indiennes de faire voile en Ormus. Tiercement, que les nauires de Portugal ne tinssent plus la route d'Ormus, & n'en approchassent aucunement, afin de n'esfoucher les marchans des autres pays, & n'abolir le reuenue des ports & passages. En quatriesme lieu, que le Roy de Portugal (qu'il recognoissoit pour protecteur & souuerain) luy fit payer selon la taxe raisonnable qui en seroit faite, comme pour quelque autre de ses suiets, les nefes & marchādises qu'on luy auoit prinſes. Finalement, que tous prisonniers Ormusiens fussent relaschez. La response fut que si le Roy d'Ormus demeueroit fidele, & moyennant qu'il laissast bastir vne forteresse en la ville, on luy quitteroit la moitié du tribut annuel. Emmanuel accordoit aussi aux Ormusiens & à ceux qui trafiquoyent en Ormus leurs nauigation libre, à condition qu'ils ne portassent marchandise defendue par les Ordonnances, & ne receussent en leurs vaisseaux aucuns marchans des pays qui seroyent en guerre contre les Portugallois. Ce qu'il demandoit que les flottes de Portugal laissassent la route d'Ormus, fut refusé, car c'estoit autant que debouter Emmanuel de la souueraineté qu'il auoit sur la ville: comme aussi lon se mocqua de la restitution qu'il vouloit estre faite des choses acquises par droit de guerre sur ceux qui auoyent fausſé leur promesse. Quant aux prisonniers, Emmanuel commandoit qu'on les laissast aller en liberté. Deuant qu'Albuquerque laissast descendre Ferreire, il se fit amener pour ostage vn ieune Seigneur des

des principaux du Royaume, nepueu de Raix Norandin. Le Roy d'Ormus estoit deliberé, sans cela, de iouer vn tour de mauuais maistre à son Ambassadeur Ferreire, qui auoit si solennellement detesté la secte Mahumetane. Toutesfois il receut en main propre & avec grád respect les lettres d'Emmanuel: mais il ne communiqua pas de bouche avec Ferreire, sinon par grande contrainte, & aurt que l'affaire d'alors le requeroit. Albuquerque enuoya le lendemain vn de ses gens au Roy luy dire que s'il vouloit la paix tout à l'heure son conseil assignast la place pour bastir la Citadelle, & dauantage qu'on luy ottroyast vn canton cõmode en la ville pour y habiter avec ses soldats, d'autant qu'il estoit resolu de seiourner là huit ou neuf mois. Le Roy, qui auoit belle peur, accorda tout, & respondit s'asseurer en la preud'homme d'Albuquerque qu'il le traiteroit comme vn pere fait son enfant, puis despescha Norandin avec charge de passer l'alliance selon les solennitez requises. Incontinent l'accord fut traité, confrmé par serment solennel, & Albuquerque fit present d'vn collier d'or au Roy & d'vn estendart enrichy des armoiries d'Emmanuel, que ce Roy fit planter au sommet de son palais, en signe d'alliance & d'amitié, & pour ratification de sa seruitude volontaire. On commença de bastir la Citadelle au mesme endroit où les premiers fondemens auoyent esté posez autres fois.

EN ce temps Ismael Roy de Perse estoit renommé par tout l'Orient, tant pour la valeur de ses armes que sous l'apparence de sa religion. Il se disoit estre descendu de Mahumet & de Alles ou Hali. Plusieurs tiennent que ce Hali auoit esté frere de pere & gendre de Mahumet, ayāt espousé la fille d'iceluy nommee Fatime. Or ayant succedé à son beau pere en la principauté, il changea & corrigea plusieurs articles de la doctrine de ce faux Prophete. Il en racla quelques vns, y en adiouta de nouueaux, ragença tellement les autres par nouuelles interpretations, que le peuple estimoit que ce fust vne nouuelle loy. De cela il aduint que les vns s'appellans Mahumetistes, les autres Halistes, la secte de Mahumet fut diuisee en deux, & par consequent les sectaires & disciples bandez, & ennemis mutuels. Car les Perses adherās à Hali chassoyent

3.
Discours de
la race, maniere de viure, domination & exploits notables d'Ismael Sophi Roy de Perse.

de leur compaignie les autres infectez des erreurs de Mahumet, comme gens souilleez, & ignorans la volonté de Dieu. Les Arabes Mahumetistes au contraire detestoyēt Perles comme apostats & corrupteurs de la loy diuine. Hali estant mort, son fils Hocem luy succeda en dignité & fausse religiō, puis finit comme son pere: car tous deux furent tuez de poison. Vn sien frere de mesme nom maintint cest erreur iusques au dernier soupir, & eut douze fils que les Perles appellent hommes celestes & les estiment bien aymez de Dieu, pour auoir esté grands zela-teurs de l'opinion de leurs deuanciers. Le plus excellent d'entre ces douze se nommoit Muza Caim. Apres que ceste race fut deueschee, le nom de Hali demoura incogneu & comme enseuely entre la pluspart de ces nations: au contraire les preceptes de Homar affectionné disciple & fauteur des resueries de Mahumet eurent le dessus, iusques à ce que Sophi Muza issu de quelques descendans de Caim attira à son party grand nombre de gens, pour la bonne estime que lon auoit de sa sagesse & pieté: en apres il se mit en teste de prouuer avec les armes que sa secte estoit la vraye loy de Dieu. Là dessus plusieurs natiōs luy tendirent les mains, tellement que la gloire de Hali releua la teste plongee de si long temps aux enfers; & son nom aboly par le temps reprit quelque vigueur. Puis au lieu des turbans de toile dont les Mahumetans enuoloppent leurs testes, Sophi ordonna que ses adherans porteroient des bonnets de laine pressée de couleur verde, plissez de part & d'autre comme en six degrez, pour estre eslargis & serrez selon qu'on veut, afin d'estre remarquez aisément d'avec les sectateurs de Mahumet ennemis de Hali. Et par ces douze degrez en chascun bonnet il vouloit conseruer la souuenance des douze fils de Hocem. Du fils de ce Sophi nasquit Aidaim, pere de cest Ismael de qui nous parlons maintenāt, lequel ayant esté esprouuē par de terribles traueses en son ieune aage vint en telle estime de sagesse entre les Perles, & se monstra si ardāt à maintenir la doctrine de Hali, que tous s'affinueroyent tres-volontiers à sa domination. Aussi estoit il magnanime & liberal à merueilles, gaigna plusieurs belles victoires, fit la guerre & donna bataille à Selym Empe-

reur des Turcs : finalement deuint si riche & grand Seigneur qu'il ne cedoit en chose quelconque à Selym. Or outre ce que son but estoit de deuenir encores plus puissant, aussi auoit-il grand desir d'estendre sa religion bien loin, & par prieres enuers les vns, par menaces vers les autres, il taschoit faire que lon portast le bonnet plissé, que lon receust les reigles de Hali, & que certains formulaires de prieres escrites par cest imposteur passassét en v'sage. Pour cest effect il enuoya des Ambassadeurs vers le Roy de Cambaje & Zabaim Dalcam, pour les tirer en son opinion, à quoy eux refuserent d'entendre. Ayant sur ces entrefaites sçeu par lettres de diuers endroits & par le bruit commun les louanges du vaillant & sage Albuquerque, les exploits memorables d'iceluy en Inde & en Ormus, que le nom d'iceluy voloit en merueilleuse reputation par toutes les regions de Perse & d'Arabie, il fut esmeu à luy porter amitié, encores qu'Albuquerque eust destourné l'Isle & ville d'Ormus de son obeissance. Les Perses ont ce naturel, comme nous le voyons par les plus anciènes histoires, qu'en quelconque personne qu'ils aperçoquent des rayôs de vertu ils en font tel cas, que mesmes ils diront tous les biens du monde des ennemis auxquels ils feront la guerre à toute outrance.

ESTANT doncques aduenü qu'Ismael enuoya son Ambassadeur en Inde, cômè dit a esté, il l'enchargea expressément de sa part a Albuquerque, & l'asseurer que le Sophi estoit prest de s'employer à tout ce qui concerne le bien de luy & des Portugallois. Cest Ambassadeur, nommé Cojealeam, fit sa charge de bonne sorte, puis requit Albuquerque d'enuoyer quelqu'un des siens vers Ismael qui desiroit fort entrer en amitié avec les Portugallois, desquels il admiroit la vertu. Albuquerque print grand plaisir aux caresses & conseil de cest Ambassadeur, estimant que par telle alliance l'estat d'Ormus pourroit aisément prédre pied. Et pourtât il enuoya vers Ismael vn de ses Conseillers nommé Michel Ferreire, lequel fut receu avec tous les hōneurs qu'on scauroit desirer, & preferé à tous les autres Ambassadeurs estrangers estâs pour lors à la suite d'Ismael, qui deuisoit ioyeusement avec Ferreire, s'enquerant par le menü des mœurs & cou-

stumes de Portugal, du naturel de la nation, de la vertu
 du Roy Emmanuel, & prenoit singulier plaisir aux dis-
 cours de Ferreire homme eloquent & sage. En fin, à la
 suasion de Ferreire, Ismael enuoya vers Albuquerque l'un
 des principaux de sa Cour nommé Bairimbonat, lequel
 arriva en Ormus avec Ferreire, au temps qu'Albuquer-
 que estoit occupé à faire acheuer sa Citadelle. Or Albu-
 querque considerât que ceste Ambassade auroit un mer-
 veilleux poids pour confermer l'autorité du Roy de
 Portugal, & nommément sa domination en Ormus, de-
 libera de ne donner audience à l'Ambassadeur qu'avec un
 appareil magnifique. Pour cela il fit dresser un haut thea-
 tre orné de tapisserie, & garny de chaires, en la place de-
 vant le Palais, afin d'estre veu du Roy d'Ormuz & de ses
 courtisans: puis il se vint asseoir en une des chaires, estant
 vestu comme la qualité de Viceroy le requeroit, & enui-
 sonné d'une troupe de gentilshommes. Lors il donna au-
 dience à l'Ambassadeur, lequel estimant desia ce Viceroy
 digne de grand honneur pour le renom qu'il auoit acquis,
 & voyant luy mesme une telle grauité, la barbe blanche,
 le regard arresté d'Albuquerque, choses qui monstroyent
 son haut courage, fit une pause, comme rauy d'estonne-
 ment: & tost apres exposa sa charge en bons termes & a-
 uec ample discours, en fin duquel il exhiba les lettres &
 presens qu'il apportoit au Roy Emmanuel & à son lieu-
 tenant Albuquerque. Quant aux presens, Albuquerque
 les fit incontinent desployer afin que tous les vissent, &
 donna telle responce que l'Ambassadeur cogneut qu'on
 faisoit à son maistre l'honneur qui luy appartenoit, & que
 ce pendant Albuquerque scauoit bien tenir son rai. Mais
 le sommaire de toute ceste legation ne contenoit autre
 chose que louange de la vertu & magnificence d'Albu-
 querque, ensemble des demonstrations de grande amitié
 de la part d'Ismael. Quelques iours apres l'Ambassadeur
 fut renuoyé, apres auoir esté honnorablement recueilly,
 caressé, & honoré de presens. De mesme aussi Albuquer-
 que despescha vers Ismael avec lettres & dons, un gentil-
 homme nommé Fernad Gomeze de Leme, avec des me-
 moires & creance pour le proufit de toute la nation Por-
 tugalloise. Nous parlerons plus amplement de ceste lega-

tion en vn autre endroit de ce liure.

APRES le depart des Ambassadeurs, Albuquerque s'occupa du tout à faire acheuer sa Citadelle & donner pied aux affaires de la ville. Et combien qu'il sentist que plusieurs malcontens brassoient quelque meschanceté, qu'il destournoit fagement: neantmoins ses deportemens estoient tels que lon ne pouuoit aisément presumer de luy qu'il se desfiast de personne. Mais les faiseurs de me- & se fortifioient en diuerses sortes. Toutesfois il y auoit cela de bien que le Roy Zeifadim & Cojeatar regent du Royaume, ennemis d'Albuquerque, estoient morts. Raix Nordin successeur de Cojeatar auoit empoisonné Zeifadim, debouté les enfans d'iceluy de la couronne, & estably Roy Terunxa frere de Zeifadim, s'assurant que toutes les affaires du Royaume: mais estant ja vieil & caduc, par consequent ami de repos, il remit le tout entre les mains d'un sien nepueu nommé Raix Hamed, aagé de trente cinq ans, homme courageux & de grand esprit, par lequel il iouïroit des reuenus du Royaume sans bouger de sa maison. Raix Hamed execute sa charge pres du Roy avec telle violence, que le Roy & le Royaume luy estoient asseruis d'une estrange façon. La Cour estoit plaine d'espions, tellement que le Roy n'osoit pas baailler, par maniere de dire, de peur qu'en disant quelque mot à la trauerse, dont Raix Hamed fust offensé, lon ne luy ostast les yeux ou la vie entierement. Neâtmoins, apres l'alliance faite il s'enhardit iusques là de se plaindre à Albuquerque des grands outrages que Raix Hamed luy faisoit: ce que Albuquerque tint secret. Vne autre fois il fut aduertý par Alexandre Ataide trucheman que le Roy estoit comme prisonnier, & aguetté de plusieurs, tellement qu'il n'osoit favoriser les affaires du Roy de Portugal, selon le desir qu'il en auoit, se plaignant de rechef à Albuquerque d'un tel traitement. Mais d'autre costé Raix Hamed resistoit secrettement aux Portugallois, empeschant en maintes sortes que leur Citadelle se paracheuast, & s'efforçoit de monstrier par effectis sa mauuaise volonté voilée de belles paroles. D'auantage pour de-

stourner Terunxa de la foy qu'il auoit promise au Roy de Portugal, il le contraignit de receuoir le bonnet qu'Ismael luy enuoya, ensemble les prieres & articles de la doctrine de Hali, afin de monstrier par tel signe qu'il estoit du tout à la deuotion d'Ismael. Albuquerque entendant la verité de toutes les menees de Raix Hamed, resolut de le tuer : mais cela ne se pouuoit executer bõnement à force ouuerte, de peur d'une grosse guerre ou de quelque sedition, ains falloit y proceder par quelque ruse. Premièrement donc Albuquerque commença à luy monstrier meilleur visage qu'au parauant, & en toutes sortes possibles taschoit luy complaire afin de l'asseurer. En apres il fit dire au Roy par Alexandre Ataide son trucheman & Pierre Alpoez son secretaire, qu'il falloit s'assembler avec Raix Hamed pour resouldre de quelques affaires secretes qui concernoyent l'estat d'Ormus & du Roy Emmanuel: le priant au reste de choisir vn lieu pour ce pourparler. Sur ce le Roy nomma vne grande maison ioignant la Citadelle, & fust arresté entre eux qu'Albuquerque y viendroit avec ses Capitaines seulémēt, sans armes, & le Roy aussi accompagné de certain nombre de gentilshommes. Seulément fut permis au Roy & à Albuquerque de mener chascun leur escuyer avec l'espee. Fur defendu à tous Portugallois & Perses attendans pres de la mer, & qui ne deuoyent entrer en la maison, de porter aucunes armes. La nuit precedente le iour determiné pour couper la gorge à Raix Hamed, Albuquerque appella en conseil secret ses Capitaines, leur descourrit son intention, & les exhorta de porter armes couuertes: puis le lendemain auant iour il descendit en terre (car il se tenoit d'ordinaire en ses nauires) & rãgea ses troupes au rinage & leur laissa quelques Capitaines, entrant avec les autres dedans la maison. Nordin disposa aussi les forces du Roy pres de la mer, & conduisit le Roy en la maison. Quant à Raix Hamed il estoit armé à couuert, en deliberation de tuer Albuquerque, lequel il pensoit bien prendre lors à son auantage: & pourtant se presenta-il hardimēt. Albuquerque luy monstra beau semblant, & selon la coustume des amis luy demande, comme il se portoit, & si le Roy deuoit venir bien tost. Raix Hamed iettant soudain sa

veué sur les capitaines qui enuironnoyent Albuquerque, imagina incontinent qu'ils estoient armez, encores qu'il n'eust apperceu les armes cachees sous leurs vestemens, & troublé du malheur qui pendoit sur sa teste sortit dehors, admonestant le Roy qui vouloit entrer de, ne passer outre, pource qu'Albuquerque accompagné de gens armez l'attendoit de pied coy. Neantmoins le Roy entra & contraignit Raix Hamed de marcher deuant à la façon accoustumée. Garçie Norogne fait clore la porte, tellement que la pluspart de ceux qui armez à couuert suiuiroyent Raix Hamed pour luy tenir main forte demeurèrent dehors, à cause dequoy ils commencerent à grôder, tépester & heurter rudement à la porte, disans qu'il auoit esté arresté, que le lieutenant de Portugal & le Roy d'Ormuz entreroient avec nombre esgal de gens de part & d'autre: au preiudice dequoy le lieutenant estoit leās avec sa suite, & le Roy n'auoit que quatre hommes, tous les autres estans forclos. Ce pendant Albuquerque se print à accuser Raix Hamed de ce qu'il portoit des armes, & luy commanda deles poser. Raix Hamed se confiant au secours des siens, qu'il n'estimoit pas estre enfermez dehors, mit la main au poignard. Mais Albuquerque le saisit fermement au bras, & lors Pierre Albuquerque, Loup Vascio de saint Pelage & les autres capitaines se ruent dessus Raix Hamed, & luy donnent tant de coups qu'il tombe mort sus le plancher. Le Roy voyant ce meurtre demeura tout esperdu de frayeur: au contraire Albuquerque avec vne face riante commença à l'embrasser & prier de n'auoir peur. Iusques à present dit il, Sire, vous n'avez eu que le tiltre de Roy, par la meschanceté de ce tyran, veu qu'à vray dire vous n'estiez point en liberté, mais au contraire esclau des volôtez de ce garnemēt. Cy apres vous serez maistre & seigneur, pour vser tousiours de vos droits. Sur ces entrefaites les Omuziens ne cessoyent de heurter à la porte: mais ayāt entendu la mort de Raix Hamed, & qu'on auoit ietté le corps sur le riuage par vne porte de derriere du logis, estimās que l'on eust fait mesme traitemēt au Roy, ils se preparēt à entrer leās à vne force. Les Portugallois laissez dehors presque tous, pour empescher ce que les troupes du Roy voudroyent

entreprendre, acourent avec leurs capitaines, & font reculer ces briseurs de portes. Nonobstant cela les principaux & le peuple d'Ormus demandoient qu'on rendist le Roy sain & sauf, menaçans en cas de refus de mettre promptement le feu en ceste maison. Albuquerque préd le Roy par la main & le meine au plus haut de la maison, d'où chascun le pouuoit voir, & comme de fait il les exhorta tous d'asseurer de luy. Que les Portugallois au lieu de le molester luy auoyent procuré vn tresgrand bien: pource que lors ils l'auoyent afranchy & mis en vraye possession de son royaume, afin de gouuerner ses suiets iustement & doucement. Il fut puis apres defendu, à peine de la vie, à ceux qui estoient armez, de faire aucun acte d'hostilité. Toutesfois Modafar frere de Raix Hamed, apres s'estre tempesté avec force iniures contre les Portugallois & le Roy mesme, entra dans le palais, suivi d'vne troupe de gens armez, & archers de garde desquels Ally son frere estoit capitaine, & deliberent se fortifier la dedans. Mais apres que le Roy eut protesté de les faire tous mourir cruellemēt, s'ils ne deslogeoyent à l'heure, & qu'Albuquerque les estonnoit aussi, ils obtindrent premierement qu'on ne les recherchoit point dauantage pour vne telle entreprinse, puis laisserent la maison vuide, & dans le terme à eux prefix tous ceux de ceste faction deslogerēt lors de l'isle & de tout le royaume d'Ormus, avec leurs parent, adherans, familles & biens. Voila comme toute la racaille de gens, amassez de costé & d'autre, par les pratiques de ce meschant homme, pour mettre l'estat sans dessus dessous, fut chassée de la ville. Et de fait ce tyran auoit amené des forces peu à peu dedans Ormus, afin d'en chasser les Portugallois, & liurer la place à Ismael Roy de Perse. Albuquerque deschargé d'vn si lourd fardeau, donna ordre arresté aux affaires de la ville, receut l'hommage & serment du Roy & du peuple, qu'ils seroyent à iamais sous la puissance & domination du Roy de Portugal.

9.
*Etat des af-
 faires d'A-
 frique, &
 conuerses des Por-
 tugallos sur*

*D*URANT ces remuemens, les capitaines Portugallois faisoient tresbien leur deuoir en Afrique. Pour le premier Ichabentafuf auertit Ataide qu'il y auoit quelques cōpaignies d'ennemis campees aupres de Maroch,

lesquelles on pouuoit aisément attraper. Ataide y en-
uoya Loup Barrigue avecques cent chenuaux, ausquels
Ichabentafuf ioignit ses forces : mais ces compagnies
estoyent deslogées pour s'accommoder en vne ville as-
sise pres du mont Atlas. Barrigue manda incontinent à
Ataide qu'il auoit besoin de plus grandes troupes, au
moyen dequoy Alфонse Norogne gendre d'Ataide y fut
enuoyé pour renfort. Quant à Ichabentafuf il menoit vn
batillon de mille chenuaux. Les ennemis auoyent quaran-
te enseignes, & outre le grand nôbre de pietons, plusieurs
troupes de caualerie : & s'estoyent retirez ailleurs, telle-
ment que les Portugallois suivirent leurs pas. Barrigue
conduisoit l'auantgarde cōposée de cent cinquante che-
nuaux, avec lesquels il chargea l'arrieregarde des en-
nemis, qui firent teste du cōmencement, mais en fin furēt
contrains se retirer au gros de leur armee. Lors se fen-
tans auoir l'auantage à cause de leur nombre, ils reuin-
drent à teste baissée cōtre les Portugallois. Norogne &
Ichabentafuf leur courent au deuant, & y eut vne san-
glante meslee, balançant de telle sorte pour vn tēps, que
l'on ne pouuoit iuger qui demeueroit le maistre. Toutes-
fois apres long combat les ennemis quitterent la place,
laissant grand nôbre de leurs cōpagnons taillez en pie-
ces, cinq cens prisonniers, vn butin de vingt mille bestes
à laine, de mille bœufs & de quatre cens chameaux,
que les Portugallois emmenerent. Apres que les en-
nemis se furēt vn peu rassurez & rassēblez en aussi gros-
se troupe qu'auparauant, ils recommencent le cōbat, où
ils gaignerēt aussi peu qu'au precedent. Toutesfois Barri-
gue y perdit trois de ses troupes, & Ichabentafuf quel-
ques Mores: les autres retournerēt avec le pillage dās la
ville. En ce tēps Iean Coutin fils de Vasque Côte de Bor-
be cōmandoit dedans Arzile au lieu de son pere. C'estoit
vn sage & vaillant capitaine entre tous ceux de son tēps.
Vn iour il entreprint faire vne course iusques au mont
Farrobe, & mit aux chāps pour cest effect vne troupe de
sept vingts cheuaux. Estant pres de la mōtagne ses espīōs
luy rapporterent que les gouuerneurs de Laroze & de
Molci Hamar estoyent aux camps avec vn des fils de
Barraxa & huit cens cheuaux, pour faire le gāst autour

*les Mores
pres de Ma-
roch & du
mōt Farrobe.*

d'Arzile & de Tingy. Coutin delibera de les attaquer, & afin qu'ils ne se retirassent sans venir aux mains, il ferma le passage par lequel ils deuoyent retourner. Il y eut vn cruel cōflict, la partie estant forte & egale, car les ennemis n'auoyent faute de courage, d'adresse, ni de desir d'apporter la victoire. Coutin & les siens d'autrepart conoissoyent bien qu'il n'y auoit moyen de partir de là qu'en combatant valeureusement. Aussi firent ils tel deuoir que les ennemis furent mis à van de route, plus de deux cens tuez, quarante & vn prins prisonniers, entre lesquels y auoit des principaux de leur armee. Les cheuaux & paremens de ces gentils hommes prisonniers seruirent de proye aux victorieux.

7. *Guerre contre le Xerif, & les diuers ennemis d'icelle.* A v mesme temps les Mores de Xiatime, tributaires du Roy de Portugal, demanderent secours à Ataide, pour chasser de leur pays le Xerif qui leur auoit fait tout plain de maux quelques iours auparauant. Barrigue leur fut enuoyé avec cinquante cheuaux, lesquels luy de quelques troupes de Xiatimiens passa le mont Farrobe, où il entendit que le Xerif auoit donné dans les pauillons d'une cōpagnie de Xiatimiens, tué les vns, mis en fuite le reste, & pillé ce qui y estoit. Incontinent Barrigue double le pas pour charger la queue de l'armee du Xerif, & l'ayant atteint il tailla en pieces les plus paresseux, prit vn prisonnier seulement, les autres s'estant retirez au galop, lesquels Barrigue ne voulut point suiure, pource qu'il auoit trop peu de gens: & de fait, il requit Ataide, par vn hōme de cheual qui se retira ayant esté blessé à la rencontre, de luy enuoyer secours. Ataide despescha vn renfort de cinquante cheuaux sous la charge de George Mendeze Ataide. Le Xerif au contraire fit diligence de venir au deuant avec seize cens cheuaux. Loup Barrigue diuisa ses troupes en deux, baillant la premiere à George Mendeze & à Pierre Barrigue: retenant la seconde pour soy. Quand aux Mores confederez ils firent le mesme. Mais le Xerif rangea ses gens en trois escadrons: donnant la cōduite de celuy du milieu, où il y auoit sept cēs cheuaux, à vn sien cōsuein nommé Abdelquibir: luy retint l'aile gauche, & laissa la droite à vn capitaine en qui il se fioit beaucoup. Abdelquibir ne se peut commander,

ains vint le premier à la charge cōtre la premiere troupe des Portugallois, qui se trouuerent tellement enuironnez, que force leur fut de combatre en rond. Loup Barrigue courut sus à Abedelquibir lequel enfermoit ainsi ses gens. D'autrepart les Mores confederez soustenoyēt courageusement deux escadrons ennemis, & y eut vne terrible escrimel'espace de plusieurs heures. Or auint que Pierre Barrigue courut la lance baissée de telle roideur contre Abedelquibir qu'il perça de part en autre. Iceluy estant tombé mort, son regiment commence à brâsler, & poursuuy par les Portugallois fut rompu du tout. Loup Barrigue voyant la victoire sienne de ce costé, galoppe furieusement droit au bataillon du Xerif, vn des principaux duquel nommé Zerq Bentagogim courut sus à Pelage Roderic qui faisoit merueilles de combatre, & le ietta par terre: mais comme il taschoit de le tuer, Loup Barrigue picque vers Bentagogim & le perce d'vn coup de lance. Le fils de Bentagogim acourant là dessus pour secourir son pere fut transpercé de la mesme lance & main de Barrigue, lequel en vne mesme place tua deux principaux ennemis & sauua la vie à l'vn de ses compatriottes. Finalement les ennemis furent du tout mis en route, & eurent ce iour des cheuaux si disposés qu'ils eschapperēt pour la pluspart, encor que les Portugallois suiuissent leur victoire assez loin. Sur le champ il en demeura quelque centaine de morts. Ataïde resueillé par ceste victoire de Barrigue desiroit faire quelque entrepri se memorable, & la prouesse de Jacques Lopez, qui avec vne poignée de gens estoit couru iusques aux portes de Maroch, le sollicitoit d'assaillir ceste ville là. Pourrant fit il sçauoir aux capitaines des Mores cōfederez, qu'ils eussent à prendre les armes vn tel iour, d'autant qu'ils meneroit en lieu d'où ils retourneroyent avec grand hōneur & riche butin. Mais il ne voulut descourir son dessein à personne. Loup Barrigue, qui luy seruit à solliciter ces capitaines Mores pour se tenir prests, ayant ouy nouuelles que le Xerif se tenoit en vn chasteau nommé Amagor, demanda secours à Ataïde pour aller surprendre & desfaire le Xerif. Ataïde despescha sur l'heure son neueu Aluar Mendez de Ceruaire avec deux cens cheuaux &

cinquante pietons harquebuziers & halebardiers. En dedans huit reposees Ceruaire se ioignit à Barrigue, lequel auoit ia ramassé les troupes des Mores alliez. Le chasteau d'Amagor estoit assis sur vne haute montagne, enceinte de rochers, & enclos de deux riuieres qui couloyent au pied deuant & derriere. Quant au territoire, il s'estendoit si loin qu'il contenoit en son tour plus de cent villages. Sur le commencement de la nuit Barrigue & ses troupes se camperent deuant le chasteau, duquel sortirent quelques gens de cheual qui dresserent vne escarmouche contre les Mores confederez, & les firent reculer: mais estans secourus de leurs compagnôs, ces escarmoucheurs furent cōtrains se sauuer dedans le chasteau. Barrigue faisoit son conte d'assiéger de pres ce chasteau des le lendemain, mais il fut auerty tout soudain que le Xerif s'en estoit fuy: à cause dequoy il monte à cheual & commande à ses troupes de le suiure, & assaut le premier fossé du chasteau. Ceux qui y estoient restez en garde se defendent brauement, & repousserent par deux fois Barrigue & les siens, qui finalement les enfoncerent, taillerent en pieces ce qui se trouua deuant eux, les ennemis se precipitoient des rochers en bas, les vns se brisans par morceaux, les autres demeurans attachez & percez par des branches d'arbres. Il y en eut de si forcenez en ce combat, que se voyans hors d'espoir d'eschapper, & n'ayans enuie de se rendre, ietterēt leurs cheuaux du haut des rochers à val, de peur que les Portugallois n'en tirassent quelque seruice. Il y eut deux cēs des assiegez mis au fil de l'espee: plus de mille moururent en ces precipices: le nombre des prisonniers montoit à quatre cens, entre lesquels estoit vn des oncles du Xerif, avec cētcinquante cheuaux, & vn si grand butin que les soldats employerent trois iours à les porter de la ville au camp. Ce fut vne tresbelle victoire, eu esgard au petit nombre d'hommes, & dont les Portugallois rendirent graces à Dieu confessans haut & clair qu'ils n'estoyent point demeurez maistres par la force de leurs bras, ains par la grace & puissance de Iesus Christ. Quelques iours apres Barrigue secouru de Ichabentafuf print vn chasteau nommé Algabal, où il y eut force pillage, & par lettres exhor-

ta Ataïde d'assaillir Algel, qui estoient vn autre chasteau où le Xerif s'enfuit au sortir d'Amagor. Suivant ces lettres Ataïde se mit en campagne avec les forces qu'il peut assembler, & alla iusques à quatre lieues pres de ce chasteau: mais au lieu de passer outre il tourna bride avec ses gens, sans qu'on ait peu sçauoir pourquoy. Le Xerif estoit deslogé de ce chasteau, où il retourna ayant entendu nouuelles de la retraite d'Ataïde.

DE PUIS, par le commandement d'Ataïde, Barrigue alla assaillir les cauernes entre des grands & hauts rochers, où grand nombre d'ennemis s'estoit mis à couuert durât ces courses: mais Barrigue fut contraint d'écéder bien viste, apres auoir perdu quelques soldats tuez à coup de main, & d'autre iettez en bas. En ces entrefaites il fut tant prié par les Mores confederez, qu'il delibera d'assieger le chasteau d'Algel: mais sur le chemin il ouit vn grand tumulte, & apperceut incontinent quelques vns acourans vers luy. C'estoyent Mores confederez que les ennemis persuiuoyét. Barrigue les rassemble, & charge si resoluement les ennemis qu'il les contraint se sauuer de viffesse, & court apres cinq ou six lieues loin. Estant assez pres du chasteau dont l'on vouloit s'emparer, plusieurs soldats, au mespris de son autorité, allerét à la desbandee courir sus aux ennemis qui s'amaissent de tous costez & enferment ces assaillans. Barrigue marche incontinēt au secours, & fut la rencontre si dangereuse que seize lanciers Portugallois & plusieurs Alarbes confederez y laisserent la vie: Barrigue mesme fut ietté de cheual par terre, blessé, & prins prisonnier, mais par la vaillance des siens, ou plustost par la grace & assistance speciale de Dieu (comme chascun le confessoit) il trouua moyen d'eschapper & monter sur vn cheual qui n'auoit point de maistre: & ainsi battu & mal mené il fit la retraite en ses pauillons. Le lendemain, nonobstant ses blessures, il delibera d'assaillir ce chasteau, & sur le chemin butine çà & là, puis se campa assez pres de la place, & se reposa trois iours, pour appaiser la douleur de ses playes. Comme il seiournoit illec, les ennemis qui estoient en grand nombre resolurent de l'assaillir à l'impourueu. Barrigue les receut alaigremēt, & des la premiere charge,

8.

*Divers notables exploits
du capitaine
Barrigue.*

les contraignit iouer des esperons : mais il ne voulut pas courir trop loïn apres, craignant quelque embuscche. Vn iour apres il remua les tantes & les fit tendre si pres du chasteau qu'il n'y auoit qu'une colline & vn ruisseau entre deux. Le lendemain ils se donnerent le combat d'une estrange furie. Or auint que les Mores qui alloient à la guerre sous Barrigue leur general reconurent sur le haut d'une montagne vn certain Prince de ces quartiers montueux, qui amenoit quelques gés de renfort au chasteau, ce qui les estonna de telle sorte qu'ils se desbandent & gagnent au pied, laissant les Portugallois au siege. Barrigue alla au deuant des ennemis, & les soustint vaillamment en vn destroit. Ces fuyards ayās l'hüuer & vne pluie bien fascheuse sur le dos, sans pauillons pour se retirer au sec, moururent de froid, estant ceste nation nee au chaud seulement, ioint qu'ils estoient harassez du chemin, & n'auoyent dequoy viure : tellement que ceste nuit le froid en tua plus de cinq cens. Ainsi la crainte de mourir leur ayant fait abandonner vilainement les tantes où ils pouuoient demeurer à couuert, les poussa en vne fin honteuse accompagnée de deshonneur & marqué de lascheté. Le matin venu, Barrigue fit sa retraite en rang de bataille, recueillit plusieurs esgarez & errans par la campagne, & repoussa tousiours brauement ceux qui le vouloyent desfaire, quoy qu'en diuers endroits & souuent il se vist les ennemis deuant & derriere : tellement qu'exceptez quelques vns qui s'estoyent perdus en quittant leurs rangs, il ramena ses troupes sauues dedans Safin.

9. C'est pendant Ataïde agité des pensées dont a esté faite mention, s'apprestoït pour le voyage de Maroch, & Guerre de Maroch & par son cōmandement Barrigue auoit semonds les chefs quelle en fut des Mores associez à estre de la partie. Pierre de Soufse l'issue. gouverneur d'Azamor y fut aussi appellé par Ataïde, pour auoir sa part du trauail & de l'honneur. Luy qui estoit vaillāt & ambitieux promit estre des premiers, & de fait luy & les autres se trouuerēt au rendez-vous: Soufse avec deux cens cheuaux, & Ataïde suiuy de trois cens le gouverneur de Dabide en menoit six cens, celuy de Garabie mille, & celuy de Xerquie huit cens. Ils se mirent en chemin du lieu de leur assignation le vingt deuxiesme

four d'Aurill l'an mil cinq-cens quinze, marchâs tousiours en rang, & ne remuans leur camp que par bons aduertissemens. Le pays de soy-mesmes est fertile, plaisant quant on cultiue, & bien arrousé, tellement qu'il y auoit grand contentement à le courir de l'œil. Finalement Ataide & ses troupes approchent de Maroch, & apres auoir consulté de ce qui estoit à faire fut arresté d'assaillir la ville par la porte de Fez. Or ils n'auoyent charrié artillerie, engins, munitiōs, ni chose aucune propre pour battre & forcer vne telle ville remplie de gens de guerre: & peut-on voir qu'ils n'estoyent allez là que par brauade, & pour dire qu'ils auoyēt mené leurs gens iusques aux portes de Maroch sans empeschemēt quelcōque, afin que par si hardie entreprise ils estōnassent leurs ennemis & monstrassent aux Rois de Portugal le moyen de assuiettir aisement toutela Barbarie. De fait ceux de Maroch furēt effroyez, car ils pensoyent que ce fussent là seulement les auant coureurs de quelque puissante armee. Ataide menoit le bataillō du milieu: ceux de Xerquie & Dabide le fermoyēt à gauche, & ceux de Garabie à droite. Soufe auoit party ses troupes en deux. Les Alarbes dressent incontinent l'escarmouche & courent iusques aux portes de la ville. Ceux de dedans sortent par la porte de Fez, estans en trop plus grand nōbre que les assaillans, mais nō pas si resolu: ce neantmoins à cause de leur multitude, & que gens frais venoyēt de tous costez pour combattre en la place de leurs compagnons trop trauaillez, les Portugallois estoyent en grand danger, & auoyent beaucoup à faire à se defendre. Cidemeimam fut griefuement blessé, & se sauua à route peine. Loup Barrigue pour s'estre fourré trop auant fut abatu par terre, en danger de la vie si Pierre Barrigue ne fust acouru au secours. Il en tomba de part & d'autre, & l'escarmouche dura quatre heures, en tel estat qu'on n'eust seu iuger qui deuoit demeurer maistre. Toutesfois Ataide & Soufe voyans que les ennemis se renforçoeyēt & accroissoyent par le rafraichissement qu'on leur donnoit, & que leurs troupes ia lasses ne pourroyent longuement faire teste à vn monde de gens, combatâs vaillamment en leur propre pais, pour la conseruation d'eux-mesmes & des leurs, commencent

à retirer leur compagnies peu à peu & en rang de batail-
 le, au long d'un gué assez estroit de la riuere qui passe
 au trauers de Maroch. Sur ce ils furent charger, mais ils
 soustenoyēt & chassoyent les ennemis, puis assembloyēt
 & faisoient passer leurs troupes à la file, à sçauoir deux
 ou trois au plus ensemble, à cause du destroit. Les en-
 nemis reuindrent à vne seconde charge beaucoup plus
 furieusement que la premiere, tellement que si Ataide &
 Soufe n'eussent contenu leurs gens clos & serrez, ils eus-
 sent esté taillez en pieces pour la pluspart. Or Ataide pria
 Soufe de se donner soin de ceux qui passoyent en l'auant-
 garde, afin de les renger en bataille sur le bord du fleue:
 luy demeura derriere où il eut fort à faire à soustenir les
 ennemis. Ainsy les troupes passerent, sans perdre pas vn
 homme, encor qu'aucuns fussent blesez. Douze Mores
 confederez y laisserent la vie: car pour faire preuue de
 leur proüesse deuāt les yeux des Portugallois, ils se four-
 roient à teste baissée parmy les lances & glaïues des en-
 nemis. Apres que tous furent passez & à vne lieuë loin
 du gué, les Marochiens extremement despitez de la bra-
 uade qui leur auoit esté faite au pied de leurs murailles,
 & aux portes de la ville capitale de Barbarie, par vne poi-
 gnee de gens, passerent l'eau pour se vanger de ceste honte,
 n'ayans eu moyen de ce faire, tandis que les Portuga-
 lois estoient en bataille sur le bord, mais les sentans es-
 longnez ils coururēt apres en grand nombre. Les Mores
 cōfederez de Garabie, Dabide & Xerquie, avec quelques
 Portugallois, vont à la rencontre, chargent ces poursui-
 uans, & apres quelques coups donnez, dont aucuns ne
 releuerent plus, entre autres vn certain capitaine de Fez
 qui menaçoit fort les Portugallois & se fourroit trop
 auant en la meslee, les rechasserent vers Maroch: puis
 tous ensemble continuerent leur retour à petites iour-
 nees, & les compassoyent en telle sorte que leurs logis
 se trouuerent tousiours accommodez en villages, bour-
 gades ou villes de leurs alliez: plusieurs accourans de
 toutes parts au camp avec des viures, s'esioüissans de les
 voir de retour en bonne santé, autant que s'ils eussent
 gaigné quelque grande victoire. Mais encor que ceste
 entreprise fust procedee d'un cœur hardy, si est-ce qu'il y
 eut

eut faute d'avis sur les moyens de l'exécuter, & en l'exécution mesmes.

Il y a, à dix lieues loin d'Arzile, vne montagne nommée Farrobé, fort plaisante, pour estre herbue, couverte d'arbres à part, & de forests entieres distinguées par quelques entredeux, treshaute, roide à la môtée, & fortifiée de nature en quelque endroits. Sur vne des pantes d'icelle qui regarde Arzile y auoit vn grand village nommé Aljubile, d'ou sortoyent les coureurs qui fourrageoyent autour d'Arzile, gastans les bleds, & par fois emmenans du bestail & des personnes aussi. Jean Coutin en vouloit fort à ce village, mais ayant les bras trop courts il requiert Edouard de Menesez, gouuerneur de Tingy de venir à l'aide: ce que Menesez fit, & s'estans joints se rendirent au pied de la montagne à la pointe du iour. Les ennemis qui descouurirēt incōtinent ces vifiteurs, au lieu de s'estonner, se coulent tout doucemēt par vn sentier estroit, & courent sus aux Portugallois. Menesez caché en vne reculée sous la montagne, & Coutin, de la riuē d'vn torrent où il s'estoit arresté tout expres, chargēt ceux qui s'estoyent auancez sur le milieu de leurs troupes, les contraignent tourner en arriere & montēt apres eux. Du commencement ces fuyards se confians en leur multitude, en la difficulté du chemin, & en la forteresse de leur village, se mocquoyent des Portugallois, qui ne laissent de les poursuiure si chaudement qu'en fin ils les rembarrent dās le village mesme, duquel les auenus furent gaignez, & les ennemis contrains se sauuer de vifitesse par vne autre porte. Les victorieux pillent, saccagent & bruslent la place, courent par ceste montagne, mettent le feu en des hameaux, ruinent maisons, mosquées, & diuers bastimens faits à l'antique: brief font tout le degast & rauage qu'ils peurent, & apres auoir ainsi exploité se retirerēt en leurs garnisons.

10.

Courses Et ravages des Portugallois au tour du mont Farrobe.

11.

En ceste mesme annee le Roy Emmanuel ayant De la flotte de enuie de tourmenter plus que iamais les Mores ennemis Portugal en- irreconciliables des Chrestiens faisoit son compte de te noyee en Bar- nir en bride toute la cōste de mer par le moyen de quel- barie pour y ques citadelles, afin de voir de haut ses enpeimis, & bastir vne ci- bastir vne ci- subinguer plus aisément le Royaume de Fez. N'ayant tadelle en lieu

N

*propre afin
de brider les
Mores, et des
malheurs qui
en auindrent
aux Portu-
gallois.*

presques autres pensees en teste, il s'enquit de ceux qui auoyent hanté la Barbarie, quel lieu ils y conoissoient le plus propre pour bastir vne forte citadelle. Eux l'assurēt que ceste commodité se presentoit auprès d'une riuiera qu'aucuns appellent Mamora, les anciens Subur, large & profonde, se desgorgeant en la mer Atlantique par vne bouche enuiron à cinquante lieues d'Arzile: d'autant qu'à l'emboucheure de ceste riuiera commandoit vn mont, au sommet duquel on pourroit bastir la citadelle, y porter à l'aise viures & munitions necessaires: que les nauires de guerre pouuoient mesmes entrer en la riuiera à cause de la profondeur de son canal, & que la rade estoit seure entre toutes autres. D'auantage que de ce lieu lon pouuoit commodement courir & faire la guerre, la ville de Fez n'estant pas gueres loin de l'emboucheure de ceste riuiera. Le Roy despescha incontinent gens pour en sonder la hauteur, qui à leur retour aprouuerent l'auis de ceux qui iugeoyent ceste place tant auantageuse, & assuerent que les plus grandes nauires pouuoient entrer dedans le canal de la riuiera. Alors le Roy fit equipper & armer vne flotte de deux cens voiles, portant huit mil hommes, sans les charpentiers & matelots. Antoine Norogne seigneur de grande maison fut esleu general de ceste armee, & Nonio Mascaregne substitué en sa place, au cas qu'il mourust. Plusieurs gentils-hommes les suiuirent, qui presque tous, estoient si dissolus & desbordez, que le tiltre de noblesse ne seruoit qu'à les rendre extremement orgueilleux, & moins corrigibles que la discipline militaire ne requiert. Les soldats pour la plupart estoient ieunes & nō experimētez encor. Ceste flotte partit de Lisbonne le treizieme iour du mois de Iuin, & arriva dix iours apres à l'emboucheure de la riuiera. Alors Norogne enuoya le capitaine Berrio dedans sa caruelle pour entrer en la riuiera, ordonnant à Pierre Bentez de voguer d'vn costé avec son vaisseau, & au capitaine Carin de l'autre, & à Antoine Saldagne de les suiure. Les autres capitaines entrerent apres, selon leur ordre. Estans arriuez pres de l'édroit où la citadelle deuoit estre bastie, apres auoir meurement visité ceste place, ils consulterent de ce qui estoit à faire, & d'vn commun auis choisirent vn

autre lieu qui n'estoit pas tant eslongné de l'éboucheure, en laquelle il estoit fort aisé aux naüres d'entrer, & dont lon pourroit charrier incontinent en la citadelle toutes provisions, ioint qu'apres y auoit force fontaines d'eau douce: car au premier endroit l'aiguade eust esté incommodé à cause du reflux de la mer, qui rendoit de fois à autre l'eau de la riuiera mal plaisante à boire. Doncques ils desseignent le plan d'une citadelle en vn lieu que tous estimerent le plus propre, & premierement creuserent vn fossé ayant dix pieds de profond & quinze de large, afin de retenir l'eau du flus marin si bon leur sembloit & la faire escouler aussi toutes les fois qu'ils voudroyent. D'auantage il y auoit des compagnies en armes pour garder ce lieu, & le camp fut tellement assis qu'il sembloit que les ennemis perdroyent leur temps à s'en approcher. Mais au contraire lon remarquoit vne incommodité, que la montagne commandoit à ce lieu, & ne pouuoit-on se saisir du sommet d'icelle, pource qu'elle estoit plus eslongnée de la riuiera qu'il ne falloit: & l'endroit que Norogne & les siens auoyent choisy estoit sous vne pente plus haute, d'oü les ennemis pouuoient grandement endommager les Portugallois, tant à coups de trait qu'à uue des pieces de rocher roulees du haut en bas. Outreplus, comme plusieurs en donnerent aduertissement des lors, quand la riuiera se desborde par le surcroist des grandes pluyes, elle s'espand & gaigne mesmes le dessus du plan auquel lon auoit commencé de bastir la citadelle, comme les restes de limon & autres ordures trainees par le desbord le monstroyent encor alors. Les ennemis s'estoyent emparez de lieux hauts, & les auoyent bien fortifiez, placé de l'artillerie en diuers lieux, & combatoyent de toutes sortes de traits au grand detrimement de l'armée Portugalloise. Aussi le Roy de Mequinez survint avec trois mille cheuaux & trente mil hommes de pied. Quant au Roy de Fez, il y accourut suivi d'une beaucoup plus puissante armee, car il menoit plus de deux cens mil hommes. Ce pendât les vns assailloyêt les autres, mais tousiours les ennemis emportoient le dessus à cause de leur multitude, & de l'auantage du lieu: mesmes en vne seule rencontre les Portugallois perdirent douze cens

*Le bon heur
des Portuga-
lois se chage,
tellement que
depuis ils n'ont
pas beaucoup
auancé.*

hommes tuez sur le champ. Vray est que les vaisseaux, ayans la nauigation libre sur la riuere, secouroyēt leurs compagnies posees en terre, & endommageoyēt à coups de canon le camp des ennemis, lesquels pour empescher l'entree à ces vaisseaux dresserent vn fort pres de l'emboucheure de la riuere, y establistent vn corps de garde de plusieurs enseignes ensemble battēt si à point & de telle furie les vaisseaux s'esforçans d'entrer, qu'ils les contraignent de tourner en arriere; où les brisent. Norogne pour euitter cest empeschement, s'auise d'armer vne nauire de grosses pieces de bois, ausquelles il fait attacher force balles de laines pour amoitir les coups de boulet. Ceste nauire, opposee au fort des ennemis, donnoit passage assure aux autres petits vaisseaux: mais elle fut tant canonnee de iour & de nuict, qu'en fin les pieces en volerent de tous costez, ce qui commença à effroyer les Portugallois. Leur armee estoit diminuee, leurs viures failloyent, & ne se passoit iour que les ennemis ne tuassent quelques gens: brief les affaires estoient en piteux estat. En ces entrefaites Norogne receut responce aux lettres qu'il auoit escrites en Portugal, par laquelle le Roy mandoit que si luy & les autres capitaines iugeoyēt ceste entreprinse inutile, ils s'en deportassent, pour remener la flotte en Portugal auant que perdre d'auantage. Or d'autant que la resolution de se retirer ne fut pas tenue si secrette que les ennemis n'en sētissent le vēr, ils recommencerent leurs escarmouches plus hardiment. Norogne fit dresser deux bataillons sur vn haut pour soutenir les ennemis. Roderic Melio conduisoit l'vn & Christofle Leitā l'autre. Celuy de Melio ayant trop d'ennemis sur les bras fut rompu, tellement que les soldats tomboyent de la roche en bas, les autres en fuyant empeschoyent leurs compagnons, tellement que les ennemis firent vne terrible boucherie. Leitā mena ses compagnies bien rengees par vn destour de la montagne, & se rendit pres de la riuere: mais tout le camp estoit si esperdu, que le general ny les capitaines ne pouuoient aucunemēt rassembler les soldats, ni les garder de fuir les vns çà les autres là, si que la peur en chassa plusieurs dans la riuere, où ils peirirent en la fange & parmi les vagues, se precipitans ainsi

en vne honteuse fin de leur vie pour euitier vne mort honteuse. Les pilotes & matelots trembloient de telle façon que par leur faute cent vaisseaux eschouerent & se perdirent au riuage: car les vns empeschoient les autres, ou s'entre froissoient: par ainsi voulés les soldas gagner bord apres que leurs vaisseaux estoient rompus, trouuoient l'ennemy qui les esgorgeoit. Neantmoins il se trouua quelques vaillans capitaines, qui se porterent vertueusement en ce desordre, nommément Bernard Manuel entre tous les autres: car il fit teste aux ennemis, les soustint & repoussa, recueillit grand nombre de fuyards, chargea les Mores & en tua plusieurs, brief fut cause que les Portugallois eurent quelque relasche & ne demurerent pas tous en ce conflict. Finalement l'armee remonta dans les vaisseaux, mais il y eut des gentilshommes qui empescherent force gens d'entrer, craignans le dâger & que les vaisseaux chargez de trop de geas ne coulâssent en fond, s'estans quant à eux sauuez par terre moyennant la vitesse de leurs iambes, & sur mer en traitant ainsi cruellement leurs compagnons. On tient que les Portugallois perdirent en ce voyage quatre mil hommes tuez en diuers combats, sans la citadelle, l'artillerie, les munitions & prisonniers que les ennemis eurent, & toutesfois il ne fut possible à ceux qui gardoyent le fort de fermer le passage aux Portugallois qui gaignerent le large en mer & mirent les voiles au vent. Emmanuel ayant receu nouuelles de ceste honteuse desfaite fut grandement contristé, toutesfois il remercia Dieu de ce qu'il le chastioit de ses pechez en ce monde: car il auoit aprins de se monstrier paisible & sage en l'aduersité comme en la prospérité, remettant toutes choses (comme doit faire tout prince Chrestien) à la prouidence de Dieu. Ce pendant il faut confesser que durant son regne il ne perdit tant pour vne fois qu'alors, & y en eut plusieurs qui digerent le deshonneur de leur fuite plus doucement peut estre qu'il ne conuenoit à leur deuoir, pource qu'ils ne s'efforceret pas depuis de faire bien pour effacer ceste tache.

I 2.

*Les ennemis
d'Albuquerque
pratiques*

EN la mesme annee, Emmanuel tomba en vne autre malheur, prestant l'oreille aux calomnies de plusieurs enuieux: car ceste peste, qui d'ordinaire exerce sa cruauté

*tellement qu'il
est desmis de
sa charge au
conseil de Por
tugal, et Loup
Soarez est le
Viceroy des
Indes.*

sur les gens de bien en la cour des Rois poussa ce Prince si auant en mauuais conseil, qu'il commença à se desfier d'Albuquerque, lequel alors auoit reduit sous la domination du Roy de Portugal presque toute la coste de la mer Indienne depuis le fleuue Indus iusques au promontoire de Cori, ensemble Malaca, conquis le Royaume d'Ormus, sagement dressé l'estat d'iceluy, & fait admirer par tout l'Orient le nom du Roy Emmanuel: d'autant que ces nations ne pouuoient autrement croire que ce Roy ne fust quelque homme diuin qui auoit vn lieutenant doué de tant de belles vertus. Et selon qu'Albuquerque auancoit, plus respectoyent ils la grandeur de son Prince. Quant au Roy, il aimoit fort Albuquerque: mais les enuieux luy rompoient les oreilles, accusans quelquesfois Albuquerque de folie & temerité, par fois d'ambition insupportable, voire mesmes de trahison. Finalement ils imprimèrent au cerueau du Roy qu'Albuquerque aspireroit à tyrannie & vouloit s'assuiettir les Indes, ayant l'appuy de ses parens & partisans, la bonne grace des Princes Indiens qui l'estimoyent quelque chose. Que ses moyens estoyent plus amples que l'estat d'un homme obligé aux loix ne requeroit: & qu'un homme moyennement riche & puissant se laissoit gouverner, mais qu'en deuenant ainsi grand, il n'estoit plus possible de le contenir es bornes d'equité & droiture. Mais que sera-ce, disoyent tels calomniateurs, si ce personnage qui a tant manié d'affaires, & rusé iusques au bout, entre en ligue avec Zabaim Dalcam, ou avec le Roy de Narisingue? Où en serez vous s'il a intelligence avec les autres Roys Indiens? Ne luy sera il pas aisé de se reuolter? Pour le moins il enseuclira vostre nom, & fera tant que tous s'assuiettiront tres-volontiers à luy. Combien que le Roy fut souuent importuné de tels discours coulorez d'eloquence & de merueilleux artifices, & qu'Albuquerque appuyé sur son innocence & ses seruices n'ignorast pas que plusieurs le diffamoyent: toutesfois il ne fut iamais d'auis de penser comment il pourroit rembarer les faulx accusations de ses aduersaires, tenant pour certain que les actes vertueux font assez reboucher la pointe des langues mesdisantes, & s'assurant que ses exploits & la

fidelité qu'on auoit marquee en tous les deportemens esteindroyét aisément par le soufle de sa vertu tant esprouuee les flammes de l'enuie allumee en Portugal contre luy qui en estoit si loin. Mais d'autant que les accusateurs continuoient leurs coups sans que personne parast ou s'opposast à leurs pernicioeux desseins, ils amenerent Emmanuel à ce point qu'il ordonna qu'Albuquerque reuiendroit en Portugal, non pas pour le degrader de tous honneurs, mais pour n'estre plus Viceroy des Indes, establi en son lieu Loup Soarez d'Aluaregue. Il donna congé à Matthieu Ambassadeur de Dauid Roy d'Ethiopie, pour s'embarquer avec Soarez, & pour confermer plus fermement la paix, d'un lieu tresestroit avec luy, il luy enuoya en ambassade vn gentilhomme Portugallois, fort sage & de grâde experience en affaires d'estat, nommé Edouard Galuan. Soarez fit voile de Lisbonne avec vne flotte de treize nauires & quinze cens Portugallois le septiesme iour d'Auril, & print port en l'Isle de Goa le second iour de Septembre, d'où, apres auoir donné ordre aux affaires, il partit pour aller en Cochim, afin de pouruoir aux choses requises pour la flotte qui deuoit reprendre la route de Portugal. Le septiesme iour du mesme mois nâquit vn fils à Emmanuel, & l'appella-on Edouard. Ce fut vn Prince benin & paisible, adonné à la musique & à la chasse, aymé de chascun à cause de sa douceur & humanité. S'il ne fust mort ieune, le Royaume esperoit beaucoup de luy, à cause de son naturel debonnaire & sage.

EN ceste mesme annee suruint en Malaca vn grief & miserable cas, qui fit perdre la vie à Abedalla Roy de Câtam, lors exerçant l'office de Xabandare. Le Roy de Bintam son beaupere ne demandoit qu'à le faire tuer ou empoisonner. Ne pouuant paruenir à ses pretentes par telles pratiques (d'autant qu'Abedalla estoit bien voulu de tous pour sa douceur & rondeur, faisant sa charge avec reputation d'estre fort homme de bien) il resolut de le ruiner par autre moyen. Pourtant il donna charge à quelques Capitaines de prendre les premiers vaisseaux qu'ils pourroyent saisir & les amener à Bintam : ce qu'eux executent promptement. Mais il se print lors à les rudoyer

13.

*Embushes
et calomnies
dressées par le
Roy de Binta-
tam cōtre son
gendre Abe-
dalla Roy de
Capar, qui
est decapité
en Malaca.*

de paroles, & les accuser d'auoir interessé ses suiets. Comment, dit-il, sçavez vous pas bien que ie suis Roy de Malaca, & que ceux-cy que vous m'amenez prisonniers sont mes vassaux, que i'ayme autant que s'ils estoient mes enfans? I'espere que mon gendre, ou plustost mon fils Abedalla, selon son dessein, me rendra d'icy à peu de iours paisible Seigneur de Malaca: & lors ie feray voir quelle difference il y a entre la tyrânie des Portugallois & mon gouvernement moderé: car ie traiteray gracieusement & comme mes enfans ceux que la violence des estrangers accable pour le iourd'huy. Ie sçay que mon gendre Abedalla est si aisé qu'il ne faudra iamais à me tenir promesse. Ayant semé ces propos il fit banquetter les Malacans, leur donna quelques ioyaux & les renuoya ainsi, leur rendant tous leurs biens, avec menaces à ses Capitaines de les chastier rudement si à l'aduenir ils traitoyent plus de telle façon les habitans de Malaca. Si tost que ces marchans furent arriuez ils commencerent premierement à raconter aux oreilles des vns & des autres, ce qu'ils auoient ouy dire au Roy de Bintam. Le bruit commença tost après à en courir par la ville, & fut rapporté à George Albuquerque gouverneur. Peu de iours au parauant estoit venu d'Indostan en Malaca Barthelemy Perestrel thesorier des guerres, lequel estoit fort familier des fils de Ninachetuen, & faisoit beaucoup en leur faueur. Eux qui ne cerchoyent qu'à venger la mort de leur pere, recueilloyēt & faisoient valoir ce bruit, adioustans avec serment que par lettres de bonne part & par certains argumēs se proueroit qu'Abedalla machinoit de trahir la ville: & que pour cest effect luy & le Roy de Bintam s'estoyent liguez ensemble. Perestrel admonnesta George Albuquerque de preuenir ce danger si prochain, & se desfaire du traistre, auant qu'iceluy peust executer son complot. George fit appeller les fils de Ninachetuen qui afferment la chose aller ainsi, & maintiennēt qu'il n'y auoit rien plus certain. Combien que George fust homme de bō naturel, si est-ce qu'il commit ceste lourde faute de ne penser qu'en crime capital, il ne faut pas adiouster trop promptement foy au rapport des ennemis: & soit qu'il apprehendast trop vn danger, soit qu'il estimast commettre vn acte digne de

memoire de faire mourir vn si grand Seigneur, & qui (quand il n'y eust eu autre consideration) portoit nom de Roy, sans delayer dauantage il enuoye querir Abedalla, l'accouple de trahison, & luy declaire ce que les fils de Ninachetuen deposoyent contre luy. D'autrepart Percestre recharge, l'accuse & presse plus que nul autre. Surce Abedalla prie George Albuquerque de considerer tout avec vn esprit rassis, & le supplie de n'exposer à la cruauté des ennemis l'innocent, affectionné seruiteur du Roy Emmanuel & des Portugallois, requerant vn delay pour descouvrir par tesmoins & preuues suffisantes, sans bouger de prison, les meschantes pratiques du Roy de Bintam, la calomnie de ses ennemis, & son innocence. Outreplus il insistoit humblement vers Albuquerque qu'il se gardast de denigrer si malheureusement la nation Portugalloise, & ne susciter beaucoup de personnes à luy vouloir mal, en trempant aiesi ses mains au sang d'vn homme iuste. Est-ce (disoit-il) la recompense des seruices que i'ay faits à vous autres, de vouloir contenter par ma mort la cruauté du Roy de Bintam vostre ennemy iuré, & apresster dequoy rire à ceux qui me portent vne haine irreconciliable, pource que i'ay tousiours esté fidele au Roy Emmanuel? Que demande le Roy de Bintam, sinon qu'ayât failly à me tuer par glaiue, par poison & par autres pratiques de ses seruiteurs, il m'oste ores la vie par la main des Portugallois, pour l'amour desquels i'ay abandonné mes parens, amis & suiets, & irrité ce meschât à me poursuivre si cruellement à la mort, & face que ceux entre les bras desquels ie me suis ietté, soyent executeurs de la sanglante rage qui le transporte ainsi contre moy? Il pretend bien faire deux coups estranges de ceste Pierre, l'vn que vous soulèrez son cœur barbare & selon, l'autre que chacun vous en sçaura tresmauuais gré, & que maintes nations vous detesteront. Car que diront ceux qui ont veu vos gens me venir tirer de mon Royaume, pour auoir charge treshonorable sous vostre autorité, & vivre en assurance maugré mes ennemis sous la protectiõ de vos armes, s'ils apperçoient maintenant que vous me degradiez si soudain, & que seruiiez de bourreaux à ceux qui me sont deuenus ennemis si tost que i'eus em-

*Iustes, mais
inutiles com-
plaintes d'A-
bedella en-
uers vn iuge
seduit par
faux tes-
moins.*

braffé vostre party. Pourtant, Seigneur Albuquerque, ie vous supplie & adiure par la foy, religion, debonnaireté & vertu dont vous faites profession, de me receuoir en mes iustificacions, & me donner terme pour respondre: lors si ie suis conuaincu de trahison, faites de moy tout ce que bon vous semblera. Ces remonstrances & requestes d'Abedalla ne peurent fieschir pour lors celuy qui autrement estoit de benigne nature: au contraire sans attendre dauantage, ce pauvre & innocent Roy fut mené en la plate de Malaca, & decapité deuant tout le peuple, au grand regret de plusieurs qui en murmuroient bien fort. En allant au supplice il tendoit les mains au ciel, demandant à Dieu vengeance de ceux qui par leurs fausses accusations estoient cause qu'on le faisoit mourir à tort. Dixsept iours apres Perestreel fut emporté de mort soudaine, ce que plusieurs attribuerent à vn iugement de Dieu sur cest accusateur.

14.

*Murmures
cōtre les Por-
tugallois par
toutes les In-
des.*

A v resté, l'execution d'Abedalla esmeut à courroux tant de gens que la pluspart des marchans & autres personnes deslogerent de Malaca, destournans par tous les pays où ils alloient les autres marchans de trafiquer ny conuerser avec les Portugallois: qui sont (disoyent-ils) traistres & infideles, & qu'apres les auoir fidelement seruis, pour recompense on estoit cruellement mis à mort sans informations ny iustification de l'innocent accusé. Ils ont osté l'estat à Ninachetuen qui leur auoit tousiours esté fidele, & apres tant de services l'ont reduit à telle extremité qu'il s'est bruslé soy-mesme. Le Roy de Campar a iniustement & cruellement perdu la teste. Ayans remply l'Orient de telles plaintes, aduint, pource que les marchans n'osoyent plus trafiquer en Malaca, que les ports & peages s'aneantirent, & que la famine & necessité de toutes choses se fourra parmy les Portugallois & Malacans. Mais le Capitaine Botel enuoyé par George Albuquerque avec deux nauires, courut par toutes les costes de ceste mer, & pour la familiarité qu'il auoit acquise avec les Roys & Princes de tous les pays voisins de Malaca, il obtint de plusieurs d'eux, sans difficulté, que les marchans trafiqueroient & apporteroient des viures en Malaca, comme ils faisoient auant ces troubles. Tandis que

Botel se diligentoit à faire prouisiō de victuailles, le Roy de Bintam pria par lettres le Roy de Siaca (qui est vn pays vers Midy en la mesme coste de mer, au trauers duquel passe vne riuiera de mesme nom) de luy enuoyer la teste de Botel, promettant donner pour recompēse vne sienne fille fort belle en mariage. Lors Botel estoit en Siaca, en danger de sa teste que ce Roy deliberoit chāger à la femme qu'on luy offroit en eschange. Mais il aduint qu'un de ses domestiques, au parauant prins prisonnier & relasché sans rançon par Botel, entendant ceste trahison, pour recognoissance du plaisir receu descouurit tout à Botel. Ce pendant le Roy de Bintam équippa douze vaisseaux, & enioignit aux Capitaines de luy amener Botel au cas que il eschappast, & fust en la route de Malaca. George Albuquerque entendant ces nouuelles, fit armer neuf nauires, sous la charge de Francisque Melio pour aller au secours de Botel: ce que rapporté au Roy de Bintam par ses descouureurs il mit en mer vingt quatre autres vaisseaux de guerre pour se ioindre aux douze, & donner bataille à Melio, ce qui fut fait: mais apres quelque combat, Melio demeura victorieux, les ennemis ayans fait vne tresgrande perte, il reuint en Malaca, ayant toutesfois perdu en ceste rencontre trente sept Portugallois & grand nombre de Malacans. Quant à Botel il se sauua, & vint surgir avec viures à foison & de diuerses sortes au port de Malaca, auquel temps George Brittio y estoit arriué de la part du Roy Emmanuel, pour commander en la place de George Albuquerque.

Quant au Viceroy Albuquerque, apres la desfaite de Raix Hamed il auoit tresbien pourueu à l'estat & affaires d'Ormus, gaigné le cœur des habitans par courtoisie & douceur, attiré par beaucoup de biens faits le Roy mesmes, & par amiable traitement alleché les nations estrangeres à y venir trafiquer. Plusieurs Roys d'Arabie & de Perse luy enuoyerent Ambassadeurs & presens pour traiter de paix avec luy: & quelques grāds Seigneurs prin drēt biē la peine de venir en Ormus, seulement afin de voir ce personnage tant renommé pour ses vertus. En ces entre-faites vn bruit fut semé que le Sultā armoit vne puissante flotte pour s'emparer d'Ormus. Cōbien qu'Albuquerque

*Machinatio
du Roy de
Bintam con-
tre George
Botel, & ce
qui en ad-
uint.*

15.

*Ordre donné
par Albu-
querque en
Ormus.*

ne creust rien de cela, toutesfois il s'en seruit de pretexte pour mieux garnir sa citadelle sans fascher le Roy, & despouiller la ville de ses armes, afin qu'elle ne peust se reuolter: car il fit entendre au Roy que pour empescher aisément les ennemis d'approcher de la ville il auoit besoin de toute l'artillerie d'Ormus, & fit par ce moyen charrier dans sa citadelle toutes les pieces, pouldres, & munitions qui estoient tant en la ville qu'au palais du Roy: & de peur qu'il ne s'esleuast quelques tumulte à cause du grand nombre d'enfans de lignee Royale, il enuoya en Inde quinze Roys d'Ormus, ausquels les gouverneurs du royaume auoyent creué les yeux, & les tenoyent enclos au palais avec leurs femmes & enfans, que les Princes & grâds Seigneurs, qui manioient à leur plaisir les finances du royaume sous le nom du Roy regnant, nourrissoient en quelques delices. C'estoit le salaire assigné aux Roys & meschans gouverneurs, quand ils vouloyent vser de leur autorité royale autrement que ne vouloyent leurs surintendans, qui apres s'estre ainsi rendus maistres de la royauté, choisissoient vn enfant de race royale, sous le nom duquel ils tailloient & rongnoient de l'estat public à leur fantasie. Si cest enfant ainsi par eux esleué au throne royal entreprenoit quelque chose de son autorité, ils luy creuoyent les yeux, & en prenoient vn autre en sa place, pour regner de nom & demeurer suiet à perdre la veue s'il s'ingeroit de garder ses affaires vn peu de pres. Ceste occasion de tyrannie insupportable suscitoit de terribles querelles entre toutes ces tyrans, dont la ville estoit souuentefois estrangement agitée par les seditiōs & meurtres qui s'y commettoyēt. Albuquerque donc voulant abolir la memoire d'vne si execrable meschanceté, & couper broche à toutes dissensions pour l'auenir, donna charge à Garfie Norogne de mener en Inde ces Roys aucuglez, commandant qu'ils y fussent nourris & entretenus comme leur estat le requeroit.

16.

*Maladiemor
zelle d'Albu-
querque et cō
mēt il pour-*

M A I s au milieu d'vn si heureux estat, & maniement d'affaires, selon le iugement humain, Albuquerque, abattu de vieillesse ou de trop grand trauail, fūt saisi d'vne fièvre lente qui croissoit de iour en iour. Le sentant pres

de la fin, il ordonna capitaine de la citadelle d'Ormus *uent à ses af-
fares.*
Pierre Albuquerque, la vertu & suffisance duquel il auoit
esprouuee en plusieurs endroits, & qu'il sçauoit estre bie
voulu du Roy & de tout ce peuple d'Ormus: apres que
par vn long propos il eut exhorté à se porter fidelemēt,
estre soigneux & droiturier. Puis il donna tel ordre à
l'estad'Ormus qu'on ne pouuoit le troubler ny remuer ai
sément, & pourueut à tout ce qui sembloit propre pour
maintenir les affaires des Indes en quelque tranquillité.
Cela fait il pensa à ce qui concernoit le salut de son ame
fit son testament, brief n'oublia rien qui appartenist au
maintenement de la religion & de ce qui concernoit sa
charge. Au reste, il luy print enuie de mourir en Inde, &
souhaitoit fort de voir vne fois auant que trespasser la
ville de Goa, dont il estoit le fondateur. Il enuoya Pier-
re Alpoez saluer le Roy d'Ormus de sa part, & l'asseurer
qu'Albuquerque luy seroit comme pere tout le temps
quiluy restoit à viure, luy recommandant entre tous
Pierre Albuquerque laissé capitaine de la ville & citadel-
le, esperant toutesfois, si Dieu le garantissoit de ceste
maladie, retourner en Ormus, afin de monstrier au Roy
par bons seruices l'amour qu'il luy portoit. Le Roy pleu-
ra de ce depart, & pour responce assura qu'il honorerait
toufiours Albuquerque comme son propre pere, & feroit en
sorte quel'honneur luy demeurerait d'estre le plus fidele
seruiteur du Roy Emmanuel, monstiant là dessus rece-
uoit grand soulagement de l'esperance qu'Albuquerque
luy donnoit de son retour en Ormus. Apres cest adieu, &
pour couter toutes autres salutations, Albuquerque, qui
ne pensoit plus au monde, monta dedans sa capitaine-
se & fit hausser les voiles. Estant à deux lieues d'Ormus,
il attendit à l'anchre deux iours durant les capitaines qui
ne s'estoyēt peu embarquer si tost que luy. Le Roy d'Or-
mus luy enuoya quelques vaisseaux chargez de fruits, vi-
ures & autres presens. Albuquerque monstra vne contenē-
ce fort gaye aux deputez du Roy, & les caressa fort fa-
milièrement, puis leur donna congé & quelques ioyaux,
monstiant sa liberalité à leurs pilotes & matelots aussi.

17.

Ayant costoyé l'Inde, vne fregate se vint rendre en *Messager ap-
sa flotte, en laquelle estoit vn messager enuoyé avec les-
porté à Albu*

querque tou- chât Soarez estably en sa place: Et ce qu'il dit et es cruint sur cela deuant que mourir.

tres de la part de Cide Haly & d'un ambassadeur du Roy de Perse, escrites à Dieu, qui l'auertissoient que Loup Soarez estoit enuoyé par Emmanuel. pour estre viceroy, & renuoyer Albuquerque en Portugal, chose qui leur sembloit si desraisonnable qu'ils luy offroyent tous les moyens de leurs Princes, s'il vouloit demeurer: s'asseurans qu'il pourroit aisément donner la chasse à ceux qui le vouloyent ainsi desmonter. Albuquerque les remercia, mais il ne tint compte de leur offre: ce pendant tout fâché en son esprit, sçachant bien que ceste partie luy auoit esté dressée par ses ennemis, ne peut se cōtenir de redre les mains cōtre le ciel, en s'escriant, Mon Dieu, mō Dieu cōment pourray-je me despêtrer de ces fâcheries qui m'environnent? Si j'obeis au Roy, j'encour la haine des hômes: & si ie m'acommode au desir de ceux là, mon Prince ne sera pas content. Ah! pauvre vieillard, il faut, il faut aller à Dieu. Il repetoit ces mots fort souuent, qui monstroient de combien d'aiguillons son cœur estoit percé. Tost apres, il predict que la fin de ses trauaux estoit prochaine: & ayant reptins ses esprits certainement, dit il, ie voy que Dieu donne de bons aduertissemens au Roy, & que c'est de son instinct & mouuemēt qu'un autre a esté esleu pour succeder en ma charge: car ie m'en vay mourir, & si par l'auis de mon Prince j'auois vn successeur ia designé, l'estat des Indes se fust peut estre remué. Ayant tenu tel propos il demeura coy: tandis la maladie se rengregeoit. Sur ce il escriuit vn mot de lettre au Roy Emmanuel, contenant ce qui s'ensuit. **SIRE**, Je vous enuoye ceste derniere lettre, ne pouuant presque respirer & voyant les signes tres certains de ma mort. Je laisse vn fils unique, lequel il vous plaira fauoriser de vostre benignté & magnificence, pour les grands seruices que j'ay faits à vostre grandeur & maiesté. L'œuure mesmoignera quel ouurier j'auray esté. Ces lettres acheuees de sa main tremblant & à grande difficulté, il quitta entièrement toute apprehension des choses humaines, s'appliquant à mediter ce qui touchoit son salut & à demander pardon à Dieu & entre plusieurs sienes occupations spirituelles, il se faisoit lire souuentes fois l'histoire de la passion de Iesus. Christ descrite par l'Euangeliste saint

Lettres d'Albuquerque et ses funerailles.

Iean, montrant par souspirs reiterez & autres tesmoignages qu'une telle lecture le fortifioit grandement. Estât en la coste de Goa, il enuoya l'un de ses domestiques en un brigantin querir son chapelain en la ville, lequel estât venu ils passeroient toute la nuit à deviser de ce qui appartenoit à la vie eternelle, & un peu avant iour l'ame d'Albuquerque sortit de la prison du corps. Les nouvelles de sa mort portees en Goa, incontinent les Portugalois commencent à pleurer & lamenter, cōme firent aussi les Sarrafins & autres nations idolastres, remplissant les rues de plaintes & gemissements.

18.

Ce Seigneur estoit si de bonnaire, qu'on ne scauroit *Mœurs d'Albuquerque et ses funeraill.* bonnement dire, si sa vertu le faisoit plus respecter ou si sa bonté le rendoit plus aimé. Premièrement il estoit grand iusticier, punisseur tresapre du periure, vëgeur des torts faits à qui que ce fust, & de chaste conuersation. Il ne fut iamais marié, & eut un fils unique d'une sienne seruante. Au reste il n'auoit son semblable au travail, tellement qu'il laissoit ordinairement par trop de charge ceux qui estoient pres de luy: toutesfois pour les encourager au lieu de menaces luy mesmes mettoit la main à la besongne. Les calomnieurs estoient du tout en sa male grace: de sorte que personne n'osoit (à peine de s'en repentir) luy accuser fausement quelque'un. Son conseil estoit tousiours bien digéré, & sa diligence incroyable pour exécuter ses desseins. Il aimoit verité, haïssant à mort mensonge & vains propos: patient à souffrir les iniures qu'on luy faisoit, & si par fois la cholere l'emportoit un peu loin, en la plus grande ardeur d'icelle il icettoit ordinairement quelque trait à la trauersé (tant il auoit gentil esprit) qui contraignoit ceux qui le redoutoyent de se ras-leurer & rire maugré qu'ils en eussent. Quand aux bonnes lettres, il en auoit gousté quelque chose, & prenoit plaisir quand les affaires ne le pressoyent, de lire en l'Escripture sainte principalement. On ne sauroit iuger en quel temps ou de paix ou de guerre il s'est montré plus admirable: car il mania tellement les armes qu'il merite le nom de grand capitaine, & dressa si bien l'estat en plusieurs endroits, qu'on le peut estimer l'un des plus sages politiques du monde. Aussi tous ceux qui habitoient

lors en Goa pleuroyent son trespas, se plaignans d'estre orphelins d'un pere qui les auoit tendrement aimez & cheries. Son corps fut emporté des nauires en terre avec vne pompe incroyable & conduit au sepulchre en singuliere magnificence: mais d'autre part ceux qui assistoyent au conuoy iettoyent tant de larmes que l'on pèsoit qu'ils deüssent expirer en la place. Les nouuelles de son decès contristerent toute la coste des Indes, & affligerent grandement plusieurs princes, entre autres Xuranda Roy d'Ormuz qui en pleura chaudement & se vestit d'habillemens de deuil: & quant au Roy de Portugal il en fut extrêmement marry, & enuoya querir tout sur l'heure le fils d'Albuquerque nommé Blaise, auquel il donna le nō de son pere, commandant que desormais il fust appelé Alphonse, afin que le nom d'un si grand personnage demeurast en la memoire de tous. Puis il fit de grands presens à ce fils, comme les seruices du pere le meritoient bien, & le maria à vne grande dame.

19.
Mort de Fernand Roy d'Espagne.

1516.

L'AN suiuant toute l'Espagne fut desfiguree par la perte qu'elle receut en la mort de son seigneur le Roy Fernand, prince inuincible, dont la renommee durera pour iamais à cause de ses actes valeureux. Il estoit fort malade en vn village nommé Madrigalei au territoire de Trugil, où Emmanuel l'enuoya visiter par Iean Roderic de Menesez, & scauoir comme il alloit de sa santé. Mais le Roy Fernand deceda le vingt troisesme iour de Ianuier l'an mil cinq cens seize: ce qu'Emmanuel entendant par les lettres de Menesez, il escriuit incontinent à la Royne veufue nommee Germaine, à Fernand fils de Philippe & petit fils de Fernand, & aux Princes de Castille, se condoulant avec eux, & montrant la bonne affection qu'il leur portoit, & enioignit à Menesez d'accompagner les lettres de paroles plus amples, luy enuoyant aussi memoires de ce qu'il desiroit negocier avec eux. Il despescha aussi vn paquet à Roderic Fernand Almada, l'un de ses conseillers, & lors son facteur en Anuers, & luy commadoit de l'auertir de tout ce qui passoit es pays bas, & en Allemagne, afin de pouruoir aux affaires de Portugal, selonc la necessite du temps. En apres il resolut d'enuoyer vn ambassadeur à l'Empereur Maximilian pre-

mier

mier ayeul de Charles cinquiesme, fils de Philippe d'Austriche, & heritier du royaume de Castille. Pierre Correa, gentil homme fort estimé du Roy pour sa prudence, eut ceste commission. Le sommaire d'icelle estoit, que Charles espousast Isabelle fille d'Emmanuel, & qu'Eleonor sœur de Charles fust donnee pour femme à Iean Prince de Portugal. Correa fut receu de bon œil par Maximiliã qui print grand plaisir aux lettres d'Emmanuel plaines d'offres & d'amitié: toutesfois pource que le temps n'estoit propre à la decision de telles affaires, Correa reprint le chemin de Portugal, suiuant la permissiõ d'Emmanuel.

COMME ces choses passoyent, Loup Soarez n'estoit pas en repos, ayant succedé à ce grand Albuquerque, à la valeur duquel il ne pouuoit atteindre. Neantmoins il s'acquittoit soigneusement de sa charge. Premièrement il despesca vn gentil homme vers la Royne de Coulam, lors regente du Royaume, à cause du bas aage de son fils duquel elle estoit tutrice, pour faire paix avec cõditions raisonnables, telles que s'ensuiuent: à sçauoir qu'elle fist rebastir à ses despens le temple de saint Thomas, que les Sarrafsins auoyent demoly lors qu'ils tuerent Antoine de Sale: qu'elle redist les reuenus du temple, payast quatre vingts milliers de poyure pour les biens pilléz aux Portugallois: & auant que transiger avec les Sarrafsins, expediait les nauire de Portugal, vendant sans fraude à chascun d'icelles le poyure dont on les pourroit charger, selõ vne taxe equitable & arrestee. Outre cela Soarez fit equipper la flotte qui deuoit faire voile en Portugal, ratifia la paix traitee par Albuquerque avec le Roy de Calecut, appaisa les troubles suruenus en Cananor: & comme il retournoit en Goa vne soudaine tourmente le cõtraignit de gagner Anchediue, d'où il enuoya Alexis de Menefez avec huit nauires pour costoyer l'Arabie, & aller de la hyuerner en Ormus. Incontinent apres son arriuee en Goa il assembla le conseil par commandement du Roy Emmanuel, pour auiser s'il estoit expedient de ruiner la ville & abandonner aux ennemis l'isle desnuée de garnison, ou s'il valoit mieux pour le bien de l'estat de garder tout. Car les ennemis d'Albuquerque ne cessoyent de l'accuser apres sa mort cõme en son

20.

*Premiers a-
ctes de Loup
Soarez Vice-
roy es Indes
et successeur
d'Albuquerque.*

vivant, soustenans par longues harangues que ceste ville
 ne seroit de rien aux Portugallois: mesmes l'espace de
 plusieurs anneés apres le decés d'Albuquerque, ils conti-
 nuèrent en leurs mesdisances & abois, disputans çà & là
 que ce brave capitaines n'auoit fait choses quelconque
 qu'à l'estourdie & à l'auēture. Toutesfois il fut arresté en
 ce conseil qu'il falloit renforcer la garnison de l'isle, ré-
 paré & bien munir la ville: ce que Soarez approuua, quād
 ce vint à dire son auis, Estāt retourné en Cochim, il arma
 quelques vaisseaux pour entrer en la mer d'Arabie, & en-
 uoya promptemēt Fernand Andrade en la China. Andrade
 avec trois nauires print la route de l'isle Taprobané, &
 alla surgir au port de Pacem, où il trouua l'anim Rabelot
 par lequel il fit auertir le Roy de son arriuee. Rabelot
 fut benignement receu, logé, & honnoré de grāds pre-
 sents, & la paix arrestee entre le Roy & Andrade stipulant
 pour Emmanuel, & lieu designé pour le bastiment d'une
 citadelle. Cela expedie Andrade rafraischir ses nauires
 de ce qui estoit necessaires, delibérant suiure sa route:
 mais vne bourrasque le cōtraignit retourner en Malaca,
 où sciurnoit lors Raphael Perestrel nouuellemēt venu
 de la China, qui luy fit vn ample discours des mœurs, loix,
 coustumes & gracieuses façō des Chinois. George Britio
 gouuerneur de Malaca fit embarquer Henry de Leme,
 pour aller en vn haure du royaume de Pegu nommé Mar-
 taban, afin d'en ramener des victuailles. Pegu est vn pays
 fertile & de merueilleuse estēdue assis en l'Inde de la le
 Gange vers l'Occident, d'où il s'estēd iusques en Malaca:
 vers l'Orient il touche à la mer qui borne vne partie de la
 China. Tandis qu'il attendoit en ce port, quelques Sarra-
 sins, à qui l'on auoit prins vne nef, accusèrent Leme d'e-
 stre vn brigand & cruel coursaire, si que le Roy de Pegu
 arma vne flotte, & somma Leme de rendre la nef aux
 Sarraains. Leme soustint le choc des assaillans l'espace de
 trois iours, mit en fond plusieurs vaisseaux, tua grand no-
 bre d'hommes: mais finalement sa nauire commença
 à puiser, d'autant qu'elle estoit à demy pourrye, bricee
 & percee de coups de canon, tellement qu'elle coula en
 la mer. Quant à Leme il se sauua en la Taprobané a-
 uec vn esquif & vn brigantin chargez de soixante Por-

tugallois. Mais vne tourmente les chassa de telle furie qu'ils allerent faire naufrage au bord, & vingthuit d'entre eux furent engloutis des vagues, les autres & Leme aussi s'en allerent au royaume de Pedir: où ils furent les bien venus & humainemēt traitez par le Roy. Alexis de Menefez empesché par les vents, de costoyer l'Arabie, monta en Ormus, où il executa de point en point la commission que Soarez luy auoit donnee, puis retourna en Inde si tost que la navigation fut commode.

THNDIS que les Indes estoient ainsi gouuernées, le Roy de Portugal pensoit aussi à l'auancement de sa religion: & entendant que le Royaume de Congo en Ethiopie embrassoit de plus en plus le Christianisme, pour mieux parachéuer ce qui estoit ainsi cōmencé selon son desir, il enuoya vn réfort de prestres au Roy Alfōse, avec des breuieres, messels, & autres tels presens, pour rendre ce More plus affectionné que iamais à la nouuelle religion qu'il auoit receue. Lors que ces prestres & les deputez d'Emmanuel entrèrent en la riuere de Cōgo, Alfonso estoit empesché en vne guerre contre aucuns siens vassaux reuoltez de son obeissance: ce pendant quelques vns de ses officiers recueillirent assez benignement les Portugallois en vne bourgade nommee Sono. Ceste guerre acheuee à l'auantage du Roy, il fit grāde carresse aux prestres, souhaitant gloire immortelle à Emmanuel qui luy faisoit tant de biens. Les autres prestres haultouyoier merueilleusement les vertus de ce Roy Alfonso: car il estoit aspre à chastier les mal-fauteurs, charitable enuers les pauues, bien auisé à maintenir les reuenus de son royaume temperé en sa maniere de viure, de chastes mœurs, deuōt en sa religion, & si zelé qu'il semboit auoir tousiours les yeux tendus contre le ciel. Et soit qu'il fist iustice, ou harenguast deuant son peuple, ou consultant des affaires de guerre ou de paix, il se proposoit tousiours Dieu deuant les yeux, rapportant toutes choses à la gloire d'iceluy. Il fit dresser des escholes, donoit grāds gages aux regēns, afin d'instruire la ieunesse, non seulement es bonnes lettres, ains aussi en la religion. Quant à luy tout le tēps que le public luy laissoit, estoit employé à l'estude, ayant tousiours en la bouche vne infinité

21.

Etat du royaume de Congo en Ethiopie.

de sentences des Prophetes & Apostres. Car à force de lire cantinuellement en la Bible il y estoit des plus exercez, & retenoit fermement ce que les prestres luy disoyent. Souuent il exhortoit ses suiets à recevoir & aimer le Christianisme: & au reste il auoit l'entendement bõ, & la memoire assuree. Apres auoir leu & releu cinq liures des ordonnances de Portugal, il loua fort la sagesse de ceux qui les auoyent dressees, l'ordre & reiglement d'icelles: mais il n'aprouuoit pas beaucoup certaines loix faites pour des choses de neant, tellement que se mocquât vn iour de ceste diligence affectee il demanda aux Portugallois, quel chastiment estoit ordonné à ceux qui mettoient pied à terre en leur pays. Il respectoit si fidelemēt le Roy Emmanuel, que souuēt ces mots luy eschappoyēt que iamais il n'auroit plaisir au monde qu'il n'eust fait vn voyage en Portugal, pour se prosterner deuant Emmanuel & se donner du tout à luy, pour recognoissance de la lumiere celeste dont il estoit esclairé, seruāt au vray Dieu, & aspirant à la vie eternelle par le moyen du Roy Emmanuel, qu'il appelloit tresillustres & tres-sainct.

22.

Estat de l'Europe, spécialement de Portugal.

EN la mesme annee François de Vallois, premier de ce nom, Roy de France enuoya vn ambassadeur en Portugal avec lettres fort gracieuses, par lesquelles il prioit Emmanuel de vouloir entrer en la ligue que luy & quelques Princes traitoyent alors pour courir sus à d'autres. La response d'Emmanuel fut qu'il estoit tresioyeux de la bonne amitié qu'en si puissant Roy luy portoit, & que sauue la religion & le deuoir d'un Roy Chrestien il feroit volontiers pour celuy de France tout ce qui luy seroit possible: toutesfois que son cœur auoit en horreur les guerres que les Princes Chrestiens s'entrefaisoyent, son intention estant de ruiner les Mahumetistes. Que ce pendant il souhaitoit aux Princes Chrestiens vne bonne conscience & vnion de cœur avec accroissement de tous biens. Enuiron ce mesme temps trois ieunes seigneurs Polonois firent le voyage de Portugal pour voir le Roy Emmanuel, la renommee duquel voloit au grand esbahissement de chascun iusques en ces pays lointains: car lors que les autres Princes Chrestiens, sans plus se sou-

uenir de ceste illustre nom, s'entr'haïssoyent ne cerchâs
sinon la confusion les vns des autres, & auenglez de fu-
reur bastifloyët sur leurs ruines la puissance de leurs en-
nemis cōmuns, qui sont au guet pour s'emparer de leurs
estats, Emmanuel meritoit d'autant plus de louage, qu'il
estoit seul en bon mesnage avec les autres Princes Chre-
stiens, & n'y auoit persuation quelconque qui le sceust
induire à se lïguer pour la guerre, ioint le zele qu'il mon-
stroït ne laissant iamais en repos les ennemis du nom de
Christ en Afrique & es Indes. D'auantage, sous l'autorité
d'Emmanuel, le chemin estoit ouuert pour aller voir les
plus eslongnees nations du monde, l'Inde conquise, plu-
sieurs peuples Orientaux subiugez, les grandes armées
d'Arabes, de Perses & d'Egyptiens desconfites, victoires
obtenues non point par force ny industrie humaine, ains
comme on peut bië presupposer) par la faueur de Dieu,
bataillant pour son seruiteur. Ceste louange du Roy de
Portugal ainsy espondue par la bouche des hōmes, estoit
allee iusques en la cour & aux oreilles du Roy de Polo-
gne affectiōné de mesme à la guerre, contre les Turcs &
autres ennemis de la Chrestienté, faisans exercer au
reste la noblesse de son royaume aux armes, & le con-
tenant sous bonne discipline. Les trois ieunes Seigneurs
susmentionnez furent induits par ce bruit de monter à
cheual & venir de si loin pour voir le Roy Emmanuel,
& le prier de les vouloir faire cheualiers de sa main, d'au-
tant qu'ils s'asseuroyent que leur entreprises en guerre
prospereroyent, si vn Prince orné de tant d'excellentes
vertus les honoroit de l'ordre de cheualerie. Ils obtin-
drent leur demande, & apres auoir esté passez cheualiers
par les propres mains du Roy, qui leur en donna toutes
les marques, & les honnora de plusieurs presens, ils
reprindrent chemin de Pologne, louant grandement
par tout où ils passoyët la vertu & magnificence d'Em-
manuel.

D V R A N T ceste annee, le Roy de Fez ayant en diuer-
ses courses rauagé le territoire d'Arzile & emmené pres-
ques tout le bestail, reduisit la ville en grande disette de
chair. Pour reparer ce dommage, Iean Coutin, suiuy de
deux cens cinquante cheuaux, marcha toute vne nuict,

23.
*Guerre d'Ar-
zile & les
plus remar-
quables eue-
nemens d'i-
celle.*

& auant soleil leué donna dedans vn riche village pres d'Alcassarquibir, où l'on ne se doutoit nullement de luy à cause de la distance du chemin: surprint les ennemis, en arresta prisonniers cinquante cinq seulement, les autres s'estans sauez à bien courir: emmena mille bœufs ensemble force cheuaux & ieunes poulains, non sans grande difficulté, à cause des eaux desmesurement enflées ceste nuit là par vne pluye qui auoit esté fort longue. Il fut incontinent suiuy par le gouuerneur d'Alcassarquibir accôpagné de trois cens cheuaux, mais la pluye destourna le cōbat: car à peine Coutin eut passé vn certain pont, que les eaux ia espendues par la campagne le courirēt vn tout, si que l'ennemy craignant ne pouuoir regagner pays, s'il entroit plus auant, le retira dās Alcassarquibir. Par telles courses Coutin escarmouchoit les Morēs ses voisins, fouageant la campagne, dont le Roy de Fez fut tellement despitē qu'il assembla vne puissante armee, afin d'assiēger Arzile. Il menoit trente mille hommes de cheual, & plus de septante mille pietōs, avec force artillerie & munitiōs de guerre, puis marcha vers Arzile laquelle il assiegea, faisant tirer vne trāchee autour, dresser des forts & placer les pieces. Cela fait la batterie commença, & fit on diuerſes mines sous terre pour donner le ſaut aux murailles, brief tous moyens furent employez pour emporter ceste place, auāt que les assiegez peussent estre secourus. Toutesſois Coutin, auerty d'assez bonne heure de ceste venue, auoit eſcrit à Nonio Ribero ſolliciteur des affaires du Roy de Portugal en Andalouzie, & lors reſident en la ville de Malaga, qu'il luy enuoyast incontinent plusieurs choses mentionnees aux lettres, & necessaires pour ſouſtenir le ſiege. Il auoit aussi mādē en Portugal les nouuelles de la deliberatiō du Roy de Fez. Puis il fit reueuē de ſes ſoldats, les distribua par quartiers aux capitaines, munissans des plus assurez corps de garde les endroits où le danger paroissoit plus grand, & les encourageant par longue exhortatiō à se defendre gaillardement. Tous se resolurent de viure & mourir leans avecques luy. Ribero enuoya ſans aucun delay en Arzile ce que Coutin luy demandoit. Iean Mascaregne, colonel des cheuaux legers, arma en bien peu de iours deux

mauires sur lesquels il chargea six vingt hommes de che-
ual, & autant de pietons qu'il y en peut entrer, menant
auec soy Nonio Mascaregne son frere. Les deux autres,
à sçauoir Manuel & Antoine, estoÿt dedans Arzile sous
la cornette de Coutin. Alors que les susnommez arriue-
rent pres d'Arzile, elle estoit assaillie de toutes sortes. Ri-
bero enuoya deux cens soldats de Malaga, sous la charge
de deux gentilshommes, qui pour les bons seruices par
eux faits au Roy Emmanuel, auoyent esté richement
recompensez de luy. Coutin les receut tous fort humai-
nement & auec grandes caresses, leur assignât place pour
la defendre à leur honneur; & cependant, de iour & de
nuict il faisoit contremurer, reparer, rebastir murailles
sur les anciennes ruines. Francisque Dore Geneuois,
frere de cest André Dore tant renomé capitaine sur mer,
auoit la charge des fortifications, & pour adioint Rode-
ric de Soule, surnommé Cide lesquels firent belle preu-
ue de leur vaillance & industrie en ce siege, tellement que
chascun auoit l'œil sur eux & parloit de leurs vertus. Les
autres capitaines s'acquittoient de leur deuoir, se presen-
tans resolumēt à tous dangers qui se presentoyent. D'au-
trepart les ennemis ne donnoient aucune relasche aux
assiegez. Quant au Roy de Fez, sa deliberation estoit,
au cas qu'Arzile ne fust emportee d'assaut ou rendue en
dedans peu de iours, de leuer le siege, craignant se mor-
fondre là deuant: ce qui l'esguillonnoit à presser aspre-
mēt & sans cesse les assiegez, tellement que les gēs à coups
de flesches & harquebouzes taschoient de chasser ceux
qui gardoyent le rempar: les autres canonnoyent inces-
samment pour agrandir la bresche: d'autres conoissans
les mines prestes, posoyent au pied des murailles des ca-
ques de pouldre, & si tost que les vns auoyēt quelque peu
trauailé, ils estoient soulagez par gēs frais qui prenoyēt
la place, tellement que les choses sembloient reduites à
l'extremité. Neantmoins ceux de dedans n'auoyent fau-
te de courage ny d'adresse pour resister: nonobstant les
coups de trait, la pluye des harquebuzades, & la foul-
dre du canon, ils gardoyent l'endroit qui leur estoit or-
donné, faisans tout deuoir de repousser l'ennemy s'il ap-
prochoit: en telle sorte, toutesfois qu'il en tomboit tous-

iours nombre de part & d'autre. Tel estoit l'estat d'Arzile quand Roderic Barret party des Algarues avec douze carauelles y arriua, ce qui rassura si bien les assiegez, qu'ils s'estimerent assez forts pour resister aux ennemis, & les combattre main à main sur la bresche, quand toutes les murailles seroyent bas, & dedans les mines aussi. En ceste flotte Garſie Melio menoit six cens braues soldats des Algarues, & plusieurs gentils-hommes aussi, qui s'employèrent courageusement en telle necessité. Mesmes quelques pilotes & mariniers de ce mesme quartier, hommes non seulement adroits à la voile, mais aussi propres à manier les armes, entrèrent avec leurs vaisseaux dans le port d'Arzile, & firent tresbien en ce siege. Sur ces entrefaites vn More prisonnier trouua moyen de se sauuer au camp des ennemis, & dit au Roy de Fez, que la ville estoit mieux fournie de gens qu'il ne pensoit: ce qui l'esmeut tellement que sans son frere le Roy de Mequinez il vouloit deslors leuer le siege. Ce pendant Iacques Lopez de Siqueire arriua avec vne flotte de trente nauires enuoyees de Portugal: qui fut cause que les Rois desçaperent laissant Arzile en liberté. Contin mit aux chäps tous les hommes de cheual qui se trouuerent dans Arzile, donna sur l'arriere garde des Mores, en tua quelques vns & emmena des prisonniers. En ce temps Iean Gonſalue de Camare, gouuerneur de l'isle Madere, se plaignoit de certaine iniure qu'il pretendoit luy auoir esté faite par le Roy Emmanuel, & s'éſentoit si offensé qu'il s'apprestoit pour quitter ille, domicile, richesse, reuenues & tout, pour chercher demeure hors de la iurisdiction de Portugal: car il maintenoit que la souueraineté de l'isle donnee à ses predecesseurs luy auoit esté ostee, où (qui valoit autant) trop amoindrie, ce qu'il ne pouuoit supporter. Or comme il fust sorty de l'isle, vne tourmente le chassa en Algarue, où il entendit qu'Arzile estoit assiegee. Cela luy fit changer d'auis, car il souldoya à grands gages sept cens hommes, & en toute diligence se rendit dedans Arzile. Mais les Rois Mores auoyent ia leué le siege, en telle sorte que plusieurs presumoyent qu'on reuen-droit à vn deuxiesme siege avec plus grand appareil que deuant. La noblesse lors residente en Arzile estoit es-

puisée d'argent, & n'auoit plus grand' haste que de regagner le royaume de Portugal. Coutin n'y pouuoit donner ordre: ce qu'apperceuant Camare il promit double paye aux soldats, iurant qu'il demeureroit là tant que bõ sembleroit à Coutin, pour faire tel denoir que personne ne le pourroit charger d'auoir defaillie enuers Dieu ny le roy en tel affaire. Par tel exemple plusieurs gentils-hommes furent retenus dedans la ville. L'ay pensé que ce discours des deportemens du gouuerneur de Madere ne seroit pas hors de propos, pour monstrier ce qui prouient des plaintes que les Portugallois font contre leur Roy. Tout ainsi que les enfans mignards se lamentent souuēt apres auoir esté fouëtez de la main de leurs peres: ainsi la noblesse de Portugal, irritez par fois pour choses legeres, murmure contre ses Princes qui l'ont esleuee & entretenue. Ce nonobstant en vn accident soudain, & quand la necessité le requiert, elle expose ses biens & sa vie à tous hazards pour maintenir la personne & maiesté royale. Apres que Camare se fust ainsi porté avec grande reputation, il se retira en Seuille, d'où Emmanuel le rapella par gracieuses & amiables lettres,

ENVIRON ce mesme temps les Portugallois perdirent beaucoup en la mort d'Ataide braue chef de guerre. Quelques Alarbes demeurans sur les limites du royaume de Maroch en vn quartier nommé Oleidemet, tributaire du Roy de Portugal, se plaignirent à luy de ce que certains de Xerquie fourrageoyēt leurs possessions, & les traitoyent cruellement. Or Ataide estoit tenu par les articles de l'alliance de leur assister contre tous ceux qui voudroyent leur nuire en sorte que ce fust. Ceux de Xerquie contre lesquels on imploreroit le secours d'Ataide estoient gentils-hommes vaillans, exercez aux armes, qui auoyent payé tribut au Roy de Portugal, puis s'estoyent reuoltez, & demeuroyent en leurs paviillons pres de Maroch, d'où ils couroyent sur les terres de leurs voisins, faisans mille maux à tous les suiets du Roy Emmanuel. Ataide les enuoya incontinent descourir, & ses espions rapportent qu'iceux s'estoyent campez au pied de la montagne qu'ils nōment Montes claros. Sur quoy Ataide partit de Safin avec quatre cens trente cheuaux

24.

*Guerre de
Maroch, &
la victoire
des Portugallois
sur Rah
Benzamut.*

& quelques pietons, le dixneuſieme iour de May l'an mil cinq cens ſeize, ſans que perſonne peult preſumer en quel lieu il pretendoit ſe rendre. Ayant fait enuiron quinze lieux, il rencontra les Mores de Dabide, auſquels ſ'eſtoient ioints ceux de Garabie avec leurs forces, qui marcherent de là enſemble, eſtans ſans la troupe d'Ataide au nombre de quatre mille cheuaux. Ils entrerent incontinent en vne contree nommee Alguz, qui eſt en plate campagne, fertile à merueilles, & limitrophe du territoire de Maroch, à trauers laquelle paſſa vne riuiera auſſi appelee Alguz. Ils laiſſerent là les femmes des Alarbes confederez, & tous ceux qui n'eſtoyēt propres à la guerre: puis monter à cheual ſur le ſoir, arriuerent deuant iour au lieu où eſtoit campé Rah Benxamut, vaillant capitaine, & de grâd'eſtime entre tous les Alarbes. Mais Ataide aſſaillit ſi ſoudain ſes ennemis que perſonne d'eux ne ſe mit en deſenſe, tellement qu'il y eut terrible boucherie: Benxamut ſe ſauuant avec aucuns en petit nombre. Ataide ſe mit incontinent au retour avec force butin, conduiſant l'arrieregarde, Aluar Ataide portant la banniere Royale, & Loup Barrigue menant l'auantgarde. Eſtant à deux lieux loin de maroch, il ſe reſoſa quelques heures en vn lieu aſſez plaiſant, pour ſe ſoulager de l'ardeur du ſoleil qui lors eſtoit extremement violent. Benxamut ſe preſenta tout ſoudain, premierement avec ſeptante cheuaux, puis apres en plus groſſes compagnie, pource qu'on accouroit à ſon ſecours de pluſieurs endroits. Lors il commēce à voltiger autour du camp, & criant à plaine voix apres les Alarbes cōfederez des Portugallois, les exhorte de ne perdre la belle occaſion qui ſe preſentoit. Si vous coupez la gorge à ces Chreſtiens, vous ferez (diſoit-il) choſe agreable à Mahumer, aſſeſſez voſtre nation de la tyrannie qui l'accable, effacez au ſang des Portugallois voſtre ſouilleure, en ce qu'auiez violé la religion, & rendrez voſtre nom immortal pour vn acte ſi genereux. Courage mes freres & compagnons, ſaſin ſera noſtre demain, le iour ſuiuant nous prendrons Azamor, la memoire des Portugallois ſera raclee de toute noſtre Mauritanie, & voſtre renomēee durera. Tâdis qu'il crioit ainſi, les Portugallois marchoyent en rang ſelon

qu'il leur estoit commandé. Les confederez ne luy respō-
dirent mot: ains s'auancerent avec leur butin vers l'auā-
garde, afin d'estre plus loin du danger.

25.

AVINT qu'entre les prisonniers estoit vne des fem-
mes de Benxamut nommee Hote, belle entre les autres,
& qu'il aimoit aussi tout oultre. Icelle commence à crier
tout haut, Benxamut, Benxamut. Luis s'arreste tout court,
& elle ayant obtenu congé des capitaines de pouuoir di-
re quelques mots à son mari, luy tint ce langage. Benxa-
mut, combien de fois m'avez vous dit que vous exposé-
riez vostre vie à tout hazard plustost que souffrir qu'on
m'emmenast prisonniere? Vous le voyez maintenant, &
toutesfois vous l'endurez! Qu'est deuenu l'amour que
me portiez? Où est vostre promesse & ceste vaillance dōt
vous faisiez vos brauades si souuent? Le iour n'est pas
passé respond Benxamut: la victoire gist en la main de
Dieu, l'exploit en la force de mon bras. Mais Hote iet-
ta plain sa main de poussiere en l'air, adioustant ce mot,
Le vens emporte la fermeté de vos paroles: allez donc,
& iouissez à vostre aise d'une autre femme, de laquelle
vous faites plus de compte que de moy, à ce que l'en puis
conoistre. Cependant, ie me plaindray toute ma vie,
ou de vostre desloyauté, où de vostre couardise, sans que
ie puisse dire maintenant lequel de ces deux vices deshō-
nore plus vn homme qui doit auoir quelque cœur. Ben-
xamut deschaussa incontinent l'un de ses souliers, & le
ietta droit à Hote, l'assurant par tel signe (accoustumé
entre ceste natiō) qu'il ne fausseroit point la foy qu'il luy
auoit promise: & la dessus se tournant vers ses troupes,
rout espleuré leur fit vne harangue pour les fieschir à cō-
passion. Si iamais (dit-il) vous auez porté affection à
quelque femme, si l'honneur vous a fait souuēt mespriser
la mort, si vous aimez ma vie, remediez au mal que l'a-
mour de ma femme me fait, empeschez que ie ne tombe
en ignominie extreme, garantissez moy du dāger qui me
pend sur la teste: car si ceste femme m'est ostee, il faut
que ie meure bien tost de regret & de honte. Pensez aus-
si combien vous meritez enuers le grand Prophete
Mahumet, si vous combattez pour maintenir sa loy. Ceste
exhortation esmeut merueilleusement les troupes à suivre

*Memorable
combat entre
Bēxamut et
les Portuga-
lois qui sont
mis en route,
pris et tail-
lez en pieces
avec la plus-
part de leurs
chefs.*

Benxamut, lequel courant à teste baillée dans l'arrière-garde des Portugallois, chargea si furieusement qu'ils se trouuoient bien empeschez de parer aux coups. Alфонse Norogne qui estoit sur la queue faisoit vn merueilleux deuoir pour repousser l'ennemy. Lors Ataide suruint, & luy dit en souriant, Ne tuez pas ainsi tous les Mores que i'ay esleuez avec tant de trauaux: c'est raison que nous en gardions quelques vns pour graine. Marchez donc deuant, ie prendray garde derriere. Norogne se departoit bien enuis de son beaupere, toutesfois n'osant desobeir il se range en l'auantgarde. Incontinent Ataide monte sur vn cheval frais, pource que le sien estoit tout las, & soustenoit si brauement les Mores qu'il ne permettoit à pas vn des siens de combattre hors de rang: & par fois il amassoit tellement ses troupes que c'estoit pour donner vne charge aux ennemis. Cela ayant esté fait plusieurs fois, Benxamut vid qu'Ataide combattoit ayât le col tout descouuert, d'autant que la cuirasse s'estoit desboulée en cest endroit: lors s'aidant de l'occasion il lance de toute sa force vn iauelot à Ataide & luy transperce le gosier, ostant la vie tout d'un coup à ce grand Capitaine qui auoit tant de fois desfait les Mores. Ceste perte troubla toute l'armée, en laquelle s'esleua vn tumulte qui fut cause de la perte & malheureuse fin des Portugallois: car les vns vouloyent pour chef Norogne, les autres Alфонse Ataide, & y eut tel debat pour cela qu'il y a en quelque estat public quand les compatriottes se mutinēt les vns contre les autres. Ainsi, quoy que l'ennemy fust sur leurs bras, ceux-là disputerēt tellement que peu s'en falut que, sans aduiser à se defendre de Benxamut, ils ne s'acharnassent les vns contre les autres par vne fureur & rage la plus estrange du monde. Les Mores confederez voyans vn tel desordre, se ioignirent aux ennemis, suiuant l'exhortation de Benxamut, afin d'auoir part au butin: tellement que presques tous les Portugallois furent tuez ou prins prisonniers, le tout par leur propre orgueil, & par la meschante reuolte de leurs alliez. Entre les autres Norogne & plusieurs gentilshommes demeurerēt morts sur le champ. Ceste victoire haussa fort le cœur aux Mores qui commencerent à s'asseurer de leurs affaires: les vns quitterent entierement le party

du Roy de Portugal, les autres branſloyent en attendant l'iſſue de ces aduantes, & ne pouuoient croire qu'apres la mort d'un ſi vaillant Capitaine lon peuſt aiſément trouver homme qui maintiſt ſi valeureuſement le droit d'Emmanuel. Benxamut ſe retira, emmenant la victoire, l'honneur, le butin, & (ce qu'il eſtimoit plus que toutes autres choſes) ſa femme bien aimée: tellement que tous l'admiroyent & eſleuoient ſa vertu par deſſus les Cieux. Mais ſa femme luy rendit la pareille de ceſte grande amitié. Car eſtât aduenu quelque temps apres ceſte victoire que le Xerif donna bataille au Roy de Fez, Benxamut fut tué en pourſuiuant vn des ennemis, qui en tournant viſage & à bride abatuë le tranſperça d'un coup de lance. Hote fit les obſeques de ſon mary avec vne infinité de larmes & lamentations, mit le corps en vn ſepulchre fort magnifique, puis ſ'abſtint de boire & manger neuf iours durant, ce qui la fit mourir, & ſuiuant ce qu'elle auoit ordonné fut enteuellie aupres de ſon mary, eſtimant choſe indigne de eſtre ſeparée par mort du tombeau de celui qu'elle auoit vniquement aimé, & lequel luy portoit de ſa part vne ſinguliere affection. Le Roy de Portugal ayant receu nouuelles de la mort d'Ataide & de la deſſaite de ſes troupes, nomma pour ſucceder en ſa charge Nonio Maſcaregne braue Capitaine.

Lors que les Portugallois furent ainſi mal accommodez, Ichabentaſuf eſtoit en Portugal à ſolliciter beaucoup d'affaires, & entendant les nouuelles de ceſt eſtrange accident, en fut extremement ſaſché. Ce qui le tourmentoit plus eſtoit vne apprehenſion qu'il auoit que le Roy, deſpité de la perfidie des Mores confederez, ne vouluſt plus de là en auant ſe fier à aucun d'eux: quoy aduenant il voyoit l'occaſion de faire quelque braue exploit ſ'eſuanouir du tout. Donques craignant d'eſtre deſappointé, il ſupplie le Roy de n'auoir pour ſuſpects tous les Mores pour la deſloyauté de quelques vns: & qu'il n'y auoit ſi fidele nation au monde, de laquelle ne ſortiſſent ſouuent des hommes meſchans & traîtres iuſques au bout, & diſcournent deuant le Roy, en termes dont la ſubſtance fut telle. SIRE, ſi le forfait de quelques meſchans rend ſuſpecte la fidelité des autres hommes, ie ne ſçay que de-

26.

*Harangue de
Ichabentaſuf
au Roy de
Portugal.*

„ uendront les Roys, ny quels seruiteurs ils pourrôt auoir.
 „ S'ils ne sont aydez de quelques gens, executeront-ils en-
 „ treprise, tant petite qu'elle soit, selon leur desir? Car celuy
 „ qui ne se fiera en personne ne baillera charge aucune à ce-
 „ stui-cy, ny à cestui-là. Il faut donc que le Prince qui char-
 „ ge tous les suiets d'auarice & de trahison, sous couleur
 „ qu'il y a quelques perfides entre eux, s'alle cacher dedans
 „ les bois & quitte du tout le gouuernement de son estat.
 „ Vray est que c'est vne extreme folie de croire trop de le-
 „ ger: mais aussi lon ne scauroit voir vn homme plus misé-
 „ rable que celuy qui se desfie de tous les autres. Ie con-
 „ fesse que ceux qui ont trahy leurs compagnons, & qui a-
 „ ueuglez du desir de butiner ont cruellemēt saccagé ceux
 „ qu'ils deuoyent secourir, sont meschans tout oultre.
 „ Mais tous ne sont pas coupables: car on scait que les
 „ chefs ont empesché de tout leur pouuoir que les soldats
 „ ne commissent vn si meschant & cruel acte. D'auantage,
 „ il y en a eu plusieurs qui ont assez fait paroistre en cōba-
 „ tant iusques au dernier soupir pour & avec les Portugal-
 „ lois, combien ils leur estoient fideles & bons amis: signe
 „ trescertain de leur sincerité, veu qu'ils ont esté tuez par les
 „ ennemis parmy les Portugallois. Et quāt aux renoltez, ce
 „ qu'ils ont fait ne fust iamais aduenū, s'ils n'eussent presu-
 „ mé, & à bō droit, voyans les Portugallois prests à s'entre-
 „ tuer pour l'election d'vn chef, que tous s'en alloit perdu.
 „ Ainsi donc, estimans (à leur aduis) que c'estoit alors fait
 „ de leurs vies, & d'autre-part considerant la grande com-
 „ modité qu'on leur presentoit, l'apparēce de quelque prou-
 „ fit a estouffé la lueur de vertu: tellement qu'ils ont mieux
 „ aymé viure en emportant quelque pillage, que de mourir
 „ avec reputation de fidelité enuers leur souuerain. Ie n'ex-
 „ cuse point le crime, au contraire ie suis d'aduis que vous
 „ vsiez de vostre autorité royale, & que faciez punir rigou-
 „ reusement les coupables. C'est autant la charge d'vn Roy
 „ de faire bonne iustice des forfaits, que de recognoistre &
 „ recōpenser les actes vertueux. Mais ie veūx dire que tous
 „ ne sont pas en faute, & que la mutinerie des Portugallois,
 „ contestans si mal à propos a donné occasion aux meschās
 „ de se descouvrir du tout. Or i'espere, s'ils vous plait em-
 „ ployer les gens de bien, & chastier rudement la folie des

coulpables, que vous regaignerez sans comparaison plus
 que vous n'avez perdu. Vous avez en beaucoup d'affaires
 suffisamment esprouvé ma fidélité: car pour faire service
 à vostre grandeur ie me suis rendu ennemy de mes com-
 patriotes, & n'ay iamais reculé quand il a falu marcher
 pour l'augmentation de vostre estat. Pourtant si mes ser-
 uices vous sont agreables, ie vous supplie, qu'ayant eu
 cest honneur d'auoir charge de beaucoup de vos affaires
 auât que vous cogneussiez quel ie pouuois estre mainte-
 nant il vous plaise vous assurer sur moy de plus grandes
 choses que les passees, puis que par tant de trauaux & ha-
 zards que i'ay frâchis, il vous est assez apparu que i'ay ma
 foy & mon hōneur en singuliere recōmandation. Le m'as-
 seure que par mon moyen plus de Mores se iointront à
 vous que ne mōtent ceux qui par crainte ou par cōnoiti-
 se de gain se sont separez de vostre service pour vn tēps.

Ce discours ayant esté prononcé, & repeté plusieurs
 fois de tresgrande affection par Iehabentafuf, le Roy fut
 gaigné, & luy donna charge de rassurer les Mores ainsi
 esfarouchez, & leur donner esperance que le Roy oublie-
 roit tout le passé. Suiuant cela Iehabentafuf partit avec
 Pierre Mascaregne enuoyé en la ville de Safin, où ils ar-
 riuerent sur la fin du mois de Iuillet avec nouuelle garni-
 son de soldats, armes & munitions de guerre. Tout incō-
 rinent Iehabentafuf fit sçauoir la venue aux Capitaines
 des confederez, lesquels monstroyent en toutes compa-
 gnies par grands signes de ioye le contêtement qu'ils re-
 ceuoient de son retour: aussi estoit ce vn braue Seigneur,
 vaillant & heureux en guerre: tellement que tous ceux
 qui marchoyent sous luy, chargeoyent aussi resoluement
 l'ennemy que s'ils eussent ja tenu la victoire en main. Plus-
 sieurs Mores confederez ayans esté assurez que pour la
 mort d'Ataide (ce qu'ils craignoyent) on ne les recerche-
 roit en sorte que ce fust, vindrent en Safin, où ils obtin-
 drent pardon de Nonio Mascaregne lieutenant pour le
 Roy, qui leur fit de grandes promesses, au moyen de-
 quoy ils deuindrent plus affectiōnez à leur deuoir qu'ils
 n'auoyent esté au parauant. On disputa puis apres au
 conseil du chastiment des plus coulpables, dont le nom-
 bre estoit si grand que c'estoit chose tres-difficile de les

27.

Ordre donné
 aux affaires
 de Barbarie
 par Iehaben-
 tafuf et No-
 nio & Ma-
 scaregne suc-
 cesseur d'A-
 taid.

punir tous : d'autre-part il y eust eu de l'injustice de chastier quelques particuliers pour tous les autres, & craignoit-on qu'en faisant lors quelque aspre iustice, il n'en sortist quelques tumultes, & que le Roy ne perdist beaucoup de gēs qui autrement luy demeureroient affectionnez. Par ainsi l'aduis fut que le supplice seroit remis à vn temps plus propre, & que ce pendant on remarqueroit les coupables pour (sous quelque pretexte) despescher les vns apres les autres. En ceste mesme annee la Royne Marie accoucha d'un fils qui fut nommé Anthoine, & mourut incontinent, laissant sa mere en couche griefuement malade.

28.

*Captivité et
illustre mar-
tyre de Gon-
salue Vasco
cruellement
traité des
Mores pour
auoir renon-
cé au Mahu-
metisme.*

A v mesme temps vne Carauelle voguant du Royaume d'Algarve, en Arzile fut prinse par des coursaïres Mores, sans que la flotte de Portugal seiournant en la rade luy peust donner secours, à cause que le flux de mer s'estoit retiré. François Soveral, homme courageux, porté en ceste carauelle, fit merueilles de combatre, mais il fut terrassé de plusieurs coups, & mouit les armes au poing, laissant prisonniers vingt-huit tant hommes que femmes. Quelques iours apres, Gonsalue Vasco, braue soldat, More de nation, & Mahumetiste en son ieune aage, qui auoit d'assez long temps renoncé sa faulxe religion, pour se ranger au Christianisme, & seruoit de guide des chemins de Barbarie aux Portugallois, se transporta en la ville de Tingi, afin d'y faire penser par vn trest expert chirurgien l'une de ses cuiſſes rompue en guerre. A peine commençoit-il à se bien porter, qu'il monta dans vne nauire pour retourner en Arzile lieu de sa demeurance, & pour voir sa femme & ses enfans : ioint que le patron promettoit le rendre dans trois heures sain & saul à port. Mais le vent leur faillit, qui enhardit deux fregattes des Mores embuschez en mer d'assaillir ceste nauire. Gonsalue, homme fort vaillant, estoit lors sans armes & sans compagnons pour le secourir: voyant donc qu'il ne pourroit eschapper la mort si les Mores l'attrappoyent, il saute dans l'esquippe pour se sauuer à la rame. Nonobstant cela il fut prins avec vn sien petit fils, & tous les passagers de la nauire tāt hommes que femmes, pour ce qu'il n'y auoit personne de defenſe, tellement que les Mores entrèrent dedans

dans à leur aise, & menerent leurs prisonniers à Tetuam. Les femmes racheterent leur pudicité, & empêcherent qu'on ne les violast, par abondance de larmes & promesse de grosse rançon, laquelle ayant esté payee, leurs maris & elles eurent congé de se retirer où bon leur sembla. Quant à Gonsalue Vascio, quoy que plusieurs gentilshommes presentassent grande somme d'argent pour sa deliurance, & que les Mores soyent extremement auares, on ne le peut tirer de leurs mains : car ils estoient despituez tout outre contre luy pour auoir quitté les superstitions & impietez Mahumetiques. Pourtât ils delibererent le martyrer aussi cruellement qu'il leur seroit possible : & pour le premier, ils despecerent son fils en sa presence, lequel le pere exhorta de souffrir volontiers ce tourment pour la gloire de Iesus Christ. Apres cela ils attachent Gonsalue par les piedz & mains à deux aix separez & retenus d'une boucle, deschirent son corps à coups de fouet, leuent des lanieres de sa peau, & pour le bourreler plus longuement le frappoyent à reposees, afin que la mort ne mist si tost fin à ses douleurs. Luy ce pendant soulageoit les souffrances corporelles par continuelle inuocation du nom de Christ, le remerciant de l'honneur qu'il luy faisoit, en ce qu'il n'auoit en iour de son aage obtenu ceste faueur de laisser la vie en quelque supplice pour le nom de celuy qui auoit tant souffert en la croix pour le salut du genre humain. Outre ce que le tourment sembloit fortifier ce personnage, il imploroit aussi la misericorde de Dieu, luy demandant pardon de ses offenses. Les ennemis troublez d'une foy si constante, enduroient beaucoup plus en leurs âmes que luy en son corps : car ils se despitoyent de voir en fumee tous les efforts par eux pratiquez pour rompre ou affoiblir le courage de Gonsalue. Pourtant escumoient-ils de rage, & plus il se monstroient ferme & enduroient constamment plus s'aigrissoient-ils en inuentant nouvelles cruautez pour l'esbrâler. Finalement, voyâs qu'il continuoient à louer Iesus Christ au milieu de ses tourmens, & detestoit le nom & la secte du faux prophete Mahumet, ils luy couperent la langue : ce nonobstant avec une ardeur d'esprit paroissant aux yeux & en tout le visage il rembarroit leur cruelle impieté, & sans dire mot triophoit de leur brutalité.

te farouche plus magnifiquement que s'il eust beaucoup parlé, car n'ayât plus l'usage de la lague il deuïsoit en son cœur plus haut avecques Dieu, remerciant Iesus Christ d'une façon trop plus excellente, que s'il eust eu toute l'Eloquence du monde pour estonner ses ennemis. Il souffrit d'un courage invincible leurs cruautéz l'espace de deux iours, en fin desquels l'ame desliée du corps s'enuola au Ciel. Gonsalue auoit vn frere, lequel s'estoit aussi rangé au Christianisme, & au bout de quelques anneés fut prins des Mores qui le traiterent autât cruellement qu'on scauroit dire, sans toutesfois le pouuoir esbranler, ains mourut fort constamment: & ainsi suiuant les traces de son frere, receut la mesme couronne de gloire au Royaume celeste.

29.

*Voyages de
l'Ambassadeur de Portugal pour se
rendre en la
Cour d'Ismael Sophi
Roy de Perse.*

TANDIS que les affaires se manioyent ainsi en Portugal & en Barbarie, Fernand Gomeſe de Leme despesché par albuquerque, pour aller en ambassade vers Ismael Sophi Roy de Perse, marchoit avec sa cōpagnie, ayant esté accōmodé de quarante chameaux par les Persans: & par tout où il passoit courtoisement recueilly des Princes & Seigneurs vassaux d'Ismael. Vn capitaine nommé Habraim Beale conduist iusques à Carmasa, autresfois ville peuplée & riche, mais lors ruinée par le cōmandement d'Ismael à cause de rebellion, & y auoit seulement vne forteresse gardée par quelques morte-payes. Ismael fit dire à l'Ambassadeur qu'il ne bougeast de là, tant qu'il luy seroit autrement cōmandé. Ce pendât Ismael enuoya querir en vne autre ville quelques cheuaux qu'on lui nourrissoit. Le lendemain par la permission l'Ambassadeur & ses gens entrèrent en vne ville forte nommée Carma, & furent menez en vn temple magnifique aupres d'une riuierre fort large, qui arrouse la cāpagne par diuers cōduits & canaux, & la rend fertile & plaisante à voir. Par tout où l'Ambassadeur passoit, luy & ses gens estoient receus en grand honneur par les gouuerneurs des places, & fournis à planté de toutes sortes de viures. Estans arriuez pres de Caixam, ville merueilleusement forte & riche, Mirabucaca lors Cōnestable de Perse (lequel, cōme nous auons veu cy deuant) auoit esté iusques en Goa saluer Albuquerque de la part de Ismael, alla au deuant d'eux, accōpagné des Ambassadeurs

du Roy de Daquem & de Zabaim, lors suiuant la Cour de Ismael, & de bon nombre de cheuaux & gens de pied. Ils seiournerent là dix iours pour se reposer & rafraischir, & en dix autres grâdes iournees furent conduits finalement es pailions d'Ismael, qui lors demouroit en la cāpagne. Toutesfois deuant qu'en approcher, le grand maistre de Perse, Seigneur bien suiuy, & riche entre tous autres, leur vint à la rencontre, deuilant familièrement & de propos ioyeux avec l'Ambassadeur, en attendant que les Chameaux & le bagage fussent venus. Lors il fit tendre les pailions de l'Ambassadeur pres des siens, & apprestier vn banquet. Ainsi qu'ils se mettoient à table, on leur rapporta force viādes qu'Ismael leur enuoyoit. Depuis leur depart iusques en ce lieu l'Ambassadeur & ses gens estimoient auoir fait plus de cinq cens lieues de chemin par terre. Ismael estoit logé en vne cāpagne enfermee de hautes mōtagnes toutes couuertes de neige, & tenoit-on qu'il y auoit lors trente cinq mille pailions, plus de cent mil hommes de cheual, vn tres-grād nombre de femmes, tant de valets de toutes sortes qu'on ne les eust seu cōpter. Le lendemain Ismael alla à la chasse, estant suiuy de huit mille cheuaux, eslognez quelque peu de sa personne. Ceux qui vouloyent parler à luy s'approchoyent, & ayās declairé ce qu'ils auoyent à dire se retiroyent tout soudain en leur rang. Quant au grand maistre il fut enuoyé pour faire bonne chere à l'Ambassadeur. Pour rendre le banquet plus solennel, il inuita les Ambassadeurs des autres Roys: & lors outre la bonne chere, qui dura dès le commencement du iour iusques au soir, ils eurent la musique des voix & instruments, & tous les conuiez au sortir de table eurent chascun vne robbe de soye passémentee d'or, qui leur fut donnee par le grand maistre. Ce pendant Ismael retournant de la chasse passa deuant le pailion où ils banquettoyent. Tous sortirent pour luy faire la reuerence, & de rechef il dōna à l'Ambassadeur de Portugal nouueaux habillemens & presens.

QUELQUES iours apres l'Ambassadeur obtint audiāce pour declairer sa charge. Ismael l'attendoit en vn pailion de tresbelle façon, reluisant d'or, en vne haute chaire, reuestu de drap d'or, & enuironé des Roys & Prin-

30.

Pour parler
entre l'Ambassadeur de

Portugal &
Ismael So-
phi.

ces ses vassaux. Lors il receut d'un visage ouuert les lettres qui luy furent presentees, fit seoir l'Ambassadeur & les gentilshommes de sa suite, s'enquit assez au long de l'estat & grandeur du Pape, & comme il se portoit: Item des mœurs, aage, maniere de viure, Royaume & nombre d'enfans du Roy de Portugal. En apres il les interroqua bien particulièrement, & d'une contenance fort humaine, touchant Alphonse Albuquerque, de sa vaillance & sagesse en guerre & en paix. Puis il receut les presens que l'Ambassadeur luy offrit de la part d'Albuquerque, monstrant par beaucoup de signes que ce luy estoient choses agreables. Ayant deuisé quelque temps de propos recreatifs avec l'Ambassadeur, il fit dresser & couvrir sa table, & pres d'icelle vne autre pour les Ambassadeurs & princes là presens, en telle magnificence que tous estoient estonnez. Pour ce iour les loix de Mahomet furent mises sous la table, pour le regard du vin qu'il defend: & mesmes e'eust esté lors grand peché de boire le vin trempé, & les vns commencerent à semondre les autres avec plus grandes tasses que de coustume. Vn certain Seigneur mettant chacun en train, presse & adiure la compagnie par la vie d'Emmanuel, qu'on ne laisse rié en la coupe. Ismael commence à leuer vn grand hanap, & demâde s'il estoit assez plain, puis l'auale d'un trait, se glorifiant de cela comme de quelque acte de prouesse, & se vantoit aussi d'auoir autant beu luy seul que tous ceux qui estoient là: puis il enuoyoit aux Ambassadeurs vin, viandes & tout ce qui estoit de plus delicieux en sa table. Le banquet se passa ioyeusement, & tous ne tendoyent qu'à chasser melancholie & rire ensemble, sans faire beaucoup de ceremonies ny prefâces d'honneur & autres tels entregens, & demurerent à table depuis dix heures du matin iusques à soleil couchant. De rechef on donna des presens & habillemens aux Ambassadeurs, qui se retirerent en leurs paillons. Ce pendant & souuentefois le camp se remuoit, mais on continuoit tousiours la bonne chere & la magnificence.

31. EN fin le Sophi delibera de faire response à l'Ambas-
 Demâdes de sadeur de Portugal, la charge duquel cōtenoit trois chefs.
 L'Ambassa- Le premier, qu'Emmanuel desiroit entrer en ligue offen-

siue & defenſiue avec Iſmael, tellemēt, qu'ils fuſſent amis *deux de Por-*
des amis & ennemis des ennemis: offrant donner au Per- *tugal & res-*
se tout le secours qu'il pourroit pour faire teste au Turc *ponses du So-*
& au Sultan d'Egypte ses aduersaires. Pour le regard du *phi.*
second chef, que pour confermer ceste amitié & alliance
Iſmael enuoyast des Ambassadeurs vers le Roy de Portu-
gal, lesquels Albuquerque feroit ſeulement conduire de
Ormus iusques en la Cour d'Emmanuel. Le dernier con-
tenoit vne ſupplication d'Albuquerque, qu'il pleuſt à Iſ-
mael rappeller les Perſes ſouldoyez par Zabaim Dalcam
pour faire la guerre aux Portugallois, & de là en auant
leur defendre de se trouuer en telles guerres. Quant au
premier chef, il fut respondu que l'effect & les paroles ne
s'accordoyent pas, & qu'on trouuoit estrange que le Roy
de Portugal qui recerchoit d'amitié celuy de Perſe euſt
permis à ses gens de prendre & garder à force d'armes la
ville d'Ormus, dont Iſmael estoit ſouuerain, & laquelle
par traité d'alliance luy payoit tribut tous les ans. Tou-
chant les Ambassadeurs, la reſponſe fut que le chemin e-
ſtoit long, perilleux, & qu'il y auoit beaucoup de difficul-
tez: mais que l'annee ſuiuante Iſmael aflaudoit les Turcs,
eſperant que la renommee de ses exploits en ceste guerre
luy ſeruiroit d'Ambassadeurs pour voler iusques en Por-
tugal. Qu'apres auoir acheué contre Selym, il estoit deli-
beré d'entrer à main armee en l'Arabie, & que pour exe-
cuter tout cela il n'auoit beſoin de ſecours d'aucun Roy.
Si Albuquerque luy vouloit monſtrer tour d'amy, qu'il
gardaſt le ſecours par luy preſenté pour la guerre d'Ara-
bie, à l'autre guerre qu'Iſmael estoit reſolu faire aux vil-
les de Catife & Baharem, aſſizes au dedans le gouſſe Per-
ſique, lesquelles s'eſtoient reuoltees de ſon obeiſſance:
pour ce qu'alors il auroit beſoin de l'aide d'Albuquerque
à cauſe de la prochaineté d'Ormus. Pour le fait des Per-
ſes ſouldoyez par Zabaim, il reſpondit cela n'eſtre en ſa
puiſſance: à cauſe premierement que les gens de guerre
ſortans des limites de ſon Royaume pour chercher leurs
aduantures ailleurs, eſtoient quittez de l'obeiſſance de
ſes loix, & ne pouuoient eſtre rangez ſous ſon autori-
té. En apres, que l'alliance qu'il auoit avec Zabaim ne ſe
pouoit rompre ſans grand forſait: que toutes fois il l'ex-

horteroit par lettres de ne plus faire la guerre aux Portugallois. Finalement qu'il auoit commandé à ses Capitaines nauigans en la mer Persique, d'honorer Albuquerque par dessus tous autres, & en lieu de luy faire iamais desplaisir, estre prests à s'employer de bon cœur pour luy en tout ce qui leur seroit possible: promettant de mander la reste par lettres, & d'en discourir encores plus ample-ment avec l'Ambassadeur.

32.

*Exercices de
Ismael Sophi,
son ambassa-
de & ses let-
tres au Roy
de Portugal
& Albu-
querque.*

TELLE fut lors la responce d'Ismael, qui peu de iours apres remua son camp, & fit ceindre par son armee des montaignes ayans six lieues de tour. Par ce moyen les bestes sauuages estoient ramassées peu à peu de toutes parts, & chassées en vne campagne rase que les montaignes fermoient de tous costez. Alors Ismael fit appeller l'Ambassadeur & sa suite, & quelques vns des principaux Seigneurs de Perse, puis à coups de fleches transperça grand nombre de bestes. Cela fait avec vn cimeterre tranchant & bien aigu, il en coupa d'un seul coup plusieurs par le milieu, & mesmes d'un autre seul coup il en trancha vne de long en long: aussi estoit-ce vn Prince merueilleusement vigoureux, & fort adroit aux armes. Estant à la fin tout las de tuer, il permit aux autres de faire comme luy, & ce pèdant il entretenoit de propos familiers l'Ambassadeur, luy demandant si le Roy de Portugal aimoit la chasse, & comme il s'y exerçoit. Puis apres il alla à deux lieues loin de la plaine pour auoir le passetemps de la pèche, iettant luy mesme les filez, & presentant d'une facie riante force poisson aux Portugallois: brief il taschoit par tous moyens & tesmoignages de douceur les asseurer de sa bonne volonté, sans qu'il y eust dissimulation quelconque en son fait, ains suiuant la bonté de son naturel qui estoit debonnaire, ennemy de chagrin, plaissant & propre à toutes heures & à tout tel propos qu'on vouloit. Au partir de là, il vint en des lieux de plaissance, enrichis de iardins & vergers agencez par vn singulier artifice: car il desiroit faire voir aux Portugallois la beauté de son Royaume, afin qu'ils en portassent les nouuelles à leur Roy, & que luy en fust d'autant plus estimé. Or pource que l'Ambassadeur pressoit pour obtenir son congé, Ismael le pria de l'aller attendre en Tauris, à cause qu'il

vouloit luy donner pour compaignie son ambassadeur vers Albuquerque. Les Portugallois firent dix iournees auant qu'entrer en Tauris, qui est vne tresbelle ville, renommee pour les magnifiques bastimens, frequentee de gens,abondance de biens, fertilite & plaissance du pays d'alentour. Il y auoit grãd nōbre de Chrestieſ Armeniēs, qui visitoient souuent les Portugallois, & leur faisoÿēt tous les seruices qu'on ſcauroit desirer pour l'amitiē qu'ils leur portoyent. Les gouuerneurs & principaux de la ville n'oubloÿent rien de bonne chere & de tesmoignages de bien-vueillance enuers l'ambassadeurs & ses gens. Vingt iours apres (pource que l'ambassadeur deleguē par Ismael estoit deuenu griefuement malade) il leur fut commandē de partir de Tauris, & furent menez par vn pays fertile & plaissante en vne autre riche ville nommee Caixa, d'oū ils allerēt en quinze traites à Ziraz. Il faisoit froid, & les neiges empeschoyent tellement les chemins, qu'il falloit force gens pour ouurir les passages. Le gouuerneur de Ziraz avec grosse troupe de cheuaux sortit au deuant de l'ambassadeur, comme auoyent fait les capitaines & gouuerneurs de toutes les villes oū les Portugallois estoÿent entrez. Ils furent courtoisement receus & assez bien traitez en ceste ville, le Prince de laquelle estant suruenu, on fit vnc feste solennelle, tellement que les Portugallois redoublerent la bonne chere. L'ambassadeur qu'Ismael enuoyoit vers Albuquerque avec lettres au Roy de Portugal, arriua aussi en Ziraz avec presens de diuerses sortes, entre autres cinq cheuaux pour Emmanuel harnachez de selles d'or & d'argēt avec leurs poitrals, croupieres, sangles, & autre equipage de pierrenie luyſante à merueilles, & tous cachez de couuertures de soÿe: item vn heaume d'or, & plusieurs vases d'or & d'argent excellemment elabourez. Au partir de Ziraz ils prindrent le chemin de Lara, oū ils s'embarquerent, & finalement vindrēt surgir en Ormus, quelque temps apres le trespas d'Albuquerque, Soarez estant desia es Indes. Les lettres d'Ismael au Roy de Portugal contenoÿēt ce qui s'ensuit. A v grãd Roy, parē d'vne haute couronne, tresgrand honneur & ornement des Princes Chrestiens, magnanime, tresheureux, appuy de Por-

tugal, salut. Vos exploit sont comparables à la beauté des roses de souefue odeur. L'escry ces lettres, afin que vous voyez par icelles que ie vous desire autant de felicité & d'accroissement d'estat que si vous estiez mon frere. Sachez que i'ay enuoyé l'un de mes domestiques en Inde, où seiourne vostre grand & renommé lieutenant, que vous auez choisi par tresgrande sagesse pour le manement d'une telle charge. Iceluy a benignement recueilli mon seruiteur & sa compagnie, leur faisant tous les plaisirs dont il s'est peu auiser, ce que i'ay estimé proceder d'une singuliere affectiō qu'il me portoit. Cela m'a esmeu de luy renuoyer un autre de mes domestiques & conseillers nommé Soleiman, afin d'affermir dauantage l'amitié si bien commencee. Le desire donc que par lettres & plaisirs reciproques nous estraignons nos cœurs de plus en plus par ce lien d'amitié. Dieu tout puissant maintienne tousiours en sa garde vostre maiesté, royaume & famille. Es lettres escrites à Albuquerque il l'appelloit le soustenement & appuy des chefs de guerre, le tresfort lion de la mer, le vaillant entre tous, & luy donnoit tels autres tiltres, adioustant ces mots, Comme quand le soleil se leue, sa lueur resiouit les yeux, & les odeurs souefues flairent doux aux narines, ainsi vos actes valeureux me chatouillent d'un plaisir nōpareil. Le reste de ses lettres estoit paré de tel langage, monstrant l'affectueux desir qu'il auoit de gratifier Albuquerque, lequel il prioit pour cōclusion de luy enuoyer des fondeurs d'artillerie. Mirabucaca escriuit aussi à Albuquerque, discourant au long sur les louanges d'iceluy, & monstrant qu'il luy portoit une fort grande amitié.

FIN DV DIXIESME LIVRE.



LE ONZIESME LI- VRE DE L'HISTOIRE DE PORTVGAL.

SOMMAIRE.

1. Armee du Sultan d'Egypte pour chasser les Portugallois hors des Indes.
2. Aden ville d'importance se veut rendre à Soarez qui toutes-fois la refuse.
3. Incommoditez & mesauentures de la flotte de Portugal.
4. Zeila ville d'Ethiopie, assaillie, prinse & pillée par Soarez.
5. Imprudence de Soarez qui muse apres auoir refusé: ses malheurs & nouuelles incommoditez.
6. Citadelle bastie en Coulam par surprinse: les complaints faites contre les Portugallois, & comme tout fut appaisé.
7. Exploits de quelques lieutenans du gouuerneur de Goa.
8. Guerre perilleuse en Goa, & les occasions d'icelle.
9. Le gouuerneur de Goa se voulant venger cuide perdre l'isle & la ville & ce qui en auint.
10. Mort de Marie Royne de Portugal: & victoire de Selym Turc sur le Sultan d'Egypte,
11. Guerre du Xerif contre les Portugallois en Barbarie, & autres choses memorables en ces lieux.
12. Tumulte en Malaca par l'ambition de deux capitaines Portugallois.
13. Nauigation de Fernand Andrade en la China.
14. Description du pays de la China & les mœurs des habitans.
15. Religion & police de ceux de la China, mal traitez par

Simon Andrade.

16. Navigation de Iean Sylueire en Bengala, & ce qu'il y fit.
17. Guerre en Malaca par les menées du Roy de Bintam, & le succès d'icelle.
18. Iacques Lopez de Siqueire enuoyé es Indes pour estre Viceroy : & ce qui fit Soarez auant que reuenir en Portugal.
19. Rencontres des Mores & Portugallois en Barbarie.
10. Embusches & calomnies dressées contre le Roy Emmanuel.
1. Emmanuel fiance & espouse Eleonor sœur de Charles d'Austriche, depuis Empereur.
21. Flotte de seize nauires enuoyées en Inde.
23. Discours sur le fait de Fernand Magellan gentil-homme Portugallois, & pourquoy il quitta le party de son Prince pour se ranger à celui d'Espagne.
24. Dessein de Magellan pour trouuer les isles Molucques, & ample discours sur cela.
25. Navigation hardie & memorable de Magellan aux Molucques, le destroit qu'il trouua cinquante trois degrez de la l'Equateur, & le succès de ce voyage.
26. Diuerses courses, & victoires d'Alnar Norogne sur les Mores Africains.
27. Exploits de Vasque Fernand Cesar.
28. Autres courses & belles victoires de Norogne.
29. Courses de Iean Contin & de Manuel Mascaregne.
30. Guerre de Nonio Mascaregne gouverneur de Safin contre les habitans de Garabie reuoltez : les diuers accidens, & fin d'icelles.
31. Estat des Indes, & les grandes auantures de Siqueire.
32. Belle histoire de la Prouesse de deux freres en un combat sur mer pres de Septe en Barbarie.



ANDIS que ces choses passoyent, le Sultā d'Egypte armoit sur mer à puissāce, pour oster aux Portugallois tout ce qu'ils tenoyent es Indes, & les chasser de là : à quoy faire il auoit esté induit par lettres de la plupart des Princes Indiens qui promettoyent luy aider de tous leurs moyens en ceste guerre. Estant donc

pouffé de l'esperance que les autres luy donoient, & marry de la perte des ports & peages, les reuenus desquels luy auoyent esté enleuez par les Portugallois, il equippa vne flotte de vingt sept nauires, portâs sept cës Mammeluchs, (qui estoient toute la force de ceste armee) trois cës Turcs, & mille Mores de Tunes & de Grenade. Les Rois Indiens luy promettoient vn renfort d'hômes beaucoup plus grâd sans cōparaison. Les nauires estoient fournis de viures & de canons à suffisance, ayans pour general vn capitaine Turc nommé Soleiman, fort expérimenté aux guerres marines, lequel par longue espace de tēps auoit esté aux gages de Selim, puis l'abandonnant s'estoit retiré vers le Sultā. Iceluy faisant voile de la ville de Suez print la route de l'isle Camare, & auant qu'y arriuer perdit vne galere, puis ioignit à soy Mirhocem, lequel depuis la desfaite de son armee nauale au port de Diu auoit basti à ses despens deux nefes & vne nauire becue. Il edifierent vne forteresse en ceste isle, dont le Sultan vouloit que la charge fut commise à Mirhocem, employent presques vn an à cela: puis remōtent sur mer pretendās assaillir la ville d'Aden, pource que le Roy d'icelle despitē des tors que Mirhocem luy auoit faits, defendit à peine de la vie que l'on ne portast viures quelcōques en l'isle de Camare. Soleiman & Mirhocem perdirent beaucoup de temps en ce siege, & mesmes abatirent vne partie des murailles: mais ceux de dedans les repousserent si courageusement qu'ils furent contrains se retirer en l'isle avec leur courte hôte. Delà ils retirerēt au port de Iude, afin de mieux pouruoir aux viures, specialement à du bled: & en ce port les deux chefs entererent en telle querelle, que Mirhocem fut tué par embusches que Soleiman luy dressa. Le Roy de Portugal auerty par lettres enuoyees de Rhodes de l'appareil de ceste armee nauale du Sultā d'Egypte, auoit cōmandé à Soarez, de n'attendre pas qu'une telle flotte entrast en Inde & se ioignist avec celle des Indiens, ains allast au deuant & la combatist dedans le goulfe Perfique.

SOAREZ se diligenta pour executer sa commission, & pour ceste effect equippa en peu de temps quarante trois vaisseaux, chargez de douze cens Portugallois & *Aden ville d'importāce se veut rendre à*

Soarez, qui
neantmoins
la refusa.
1517.

mille Indiens, avec lesquels il partit de Goa le huitiesme iour de Feurier l'an mil cinq cens dixsept, & tourna voile vers Zacotora pour faire aiguade, & de là print la route d'Aden, où il estimoit trouuer les ennemis à l'ancre: mais ils s'en estoient ia retirez, comme dit à esté au chapitre precedent. La flotte de Portugal' entree dedans le haure, Soarez fit battre la ville de quelques volees de canon. Trois des Principaux enuoyez par Miramirjam, qui en estoit encores gouverneur, vont trouuer Soarez en qualité de supplians, luy presentent les clefs, & le prient de receuoir la ville qui tendoit les mains au Roy Emmanuel, & promettoient les habitans luy estre fideles & viures de là en auant sous son obeissance. Il ne voulut pas prendre ceux qui se venoyent rendre volontiers, alleguâs n'auoir charge d'affaillir Aden, ny d'en prédre possession, ores que les habitâs d'icelle se voulussent de leur bon gré mettre en sa puissance. Mais on ne sçauroit accommoder les commissions prefixes aux euénemens incertains, qui sont gouvernez par l'inconstâce & muabileté des temps. Pource vn chef de guerre à par fois besoin de hardiesse extraordinaire pour changer ses desseins selon la diuersité des accidés: car s'il redoute trop l'indignatiô de son superieur si esloigné qu'il ne puisse receuoir promptement nouuelle charge, plusieurs occasions s'escoulét, lesquelles on regrette en vain puis apres. Voila pourquoy Epaminondas est grandement & à bon droit loué d'auoir retenu sa capitainerie generale deux mois dauantage que les loix ne portoyent, outre la commissiô qui luy en auoit esté donnee, & cōbien qu'il sçeust que sa Republique condamnaist à mourir ceux qui entreprenoyent telle chose. La cause fut qu'il vouloit desfaire entierelement les ennemis: & pourtant il aime mieux hazarder sa vie, que par trop grande obeissance oublier à garantir sa patrie d'vne ruine tout euidente. Si Soarez l'eust ensuiuy, le Prince qu'il craignoit tant offencer, au contraire l'eust chery, honnoré & recompensé d'vn si valeureux exploit. Or afin que lon pensast qu'il acceptoit aucunement l'offre des Adenois, il leur manda que sa deliberation estoit d'attaquer l'ennemy, & qu'à ceste cause il ne pouuoit s'amuser là dauantage, de peur que Soliman

ne gaignassent le haut, tandis que lon articuleroit cest accord: qu'il eseroit estre bien tost de retour, & donner ordre d'establir alors plus commodement vne paix assuree: que pour l'heure il auoit seulement faute de viures & de pilotes. Les Adenois, extremement ioyeux de telle responce, monstrerent en beaucoup de sortes le contentement qu'ils receuoient d'estre ainsi laissez en liberte contre toute esperance: & fourniront des munitions en abondance, puis baillerent à Soarez quatre pilotes qui auoyent couru maintes fois toute ceste mer Arabique.

A v partir de là, Soarez se remit en plaine mer, en-
 uoya deuant Aluar de Castre & Iacques Pereire pour se
 saisir de quelqu'un duquel ils peussent scauoir au vray,
 où estoit enchree la flotte des ennemis. Pereire se rendit
 maistre d'une nef, & sceut des prisonniers que Soleiman
 estoit avec toute son armee au port de Iude, resolut de re-
 tourner au siege d'Aden, acheuer la forteresse de Camare,
 puis faire voile en Inde & donner bataille aux Portuga-
 lois. Comme Soarez vouloit entrer au goulfe d'Arabie,
 vne tourmente soudaine le repoussa si furieusement, que
 peu s'en salut que toute sa flotte ne coulât en fond. Al-
 uar de Castre auoit vne grande nauire fort chargee (car
 il auoit prins trois barques, & fourré dans sa nauire tout
 le butin d'icelles) qui fut engloutie des vagues avec ceux
 qui estoient dedans, lesquels perirent tous. La tourmen-
 te apaisée Soarez reprit sa route, & auant qu'arriuer à
 Iude, dixhuit Venitiens (qui parauant seruoient à cal-
 feutrer les vaisseaux de Solimam & s'en estoient fuis a-
 uecques sept Turcs) luy furent amenez, & luy reciterent
 comme Mirhocé auoit esté tué à cause qu'il vouloit em-
 poisonner Solimam: que l'armee estoit en terre, Iude soi-
 ble, mal munie, & gardee par gens de peu d'experien-
 ce. Ces nouuelles firent haster Soarez, mais vne autre tour-
 mente fort impetueuse le poussa hors de route & à co-
 sté opposite, tellement qu'une des nauires avec toute ce
 qu'elle portoit coula en fond, estant surmontee des flots
 de la mer estrangement esmeüe. Finalement Soarez vint
 surgir à l'entree du haure de Iude, mais il n'osa voguer
 plus pres du bord, à cause que la mer y estoit trop basse.
 Iude est vne ville assize en la coste de la mer Arabique,

3.
*Incommoditez
 & mescon-
 tures de la flot-
 te de Portu-
 gal.*

au milieu d'icelle, apres que lon a passé le goulfe. Le terroir est maigre & sterile: tellement qu'on y apporte d'ailleurs non seulement les viures, mais aussi l'eau douce. Ce lieu comença d'estre hanté à cause de la folle superstition des Mahumetistes: car il n'y a qu'une iournée de Iude iusques à la Mecque, où ils vont visiter le sepulchre de leur Prophete Mahumet. Dauantage ceste ville, pour estre ainsi posée au milieu de la coste d'Arabie, acómode les marchans qui y deschargent les espiceries & autres marchandises des Indes, lesquelles puis apres on portoit de là par chameaux iusques en Egypte. La rade n'y est gueres bone à cause des basses & escueils en grand nombre. Au reste, la ville n'estoit pas forte pour soutenir vn siege, encores qu'elle eust des maisons à plusieurs estages, & assez richement estoffees. Soarez fit commandement à Alfonso de Menesce & à Denis Fernand de Melio, de sonder la profondeur du port. Eux rapportent que le conduit pour les galeres auoit fort peu de large, & ceste incommodité, à cause des contours diuers, qu'à tous moments leurs vaisseaux seroyent cōtrains tēdre le flanc aux coups de canó. De fait ceux de la ville & de quelques forts dressés au lōg de la mer pour cest effect saluoyer desia la flotte tresrudement. Surce on tint le conseil & fut ordonné, que l'on n'assauldroit point la ville avec si grand desauantage, que premierement l'on n'eust encloué l'artillerie des forts, à ce que les ennemis ne peussent s'en seruir. Que pour bien executer cela, falloit mettre le feu en deux nauires de charge & vne becue appartenantes à Mirhocem & anchrees au port, afin que les ennemis occupez à estaindre le feu, on peut courir sans danger à leurs pieces & les rendre inutiles. Le feu fut ietté en ces nauires: mais pour cela les ennemis ne quitterent ni forts ni canós: au moyen dequoy les Portugallois descendus à terre n'osèrent les ioindre. Ce pendant la flotte estoit battue & fort endommagée par ceux de la ville & des forts, tellement que Soarez fut cōtraint se desgager de là, & print la route de Camare pour donner ordre aux viures, car ses gens estoient en grand disette de pain & d'eau douce, mesmes plusieurs mouroyent de faim & de soif. Il trouua l'isle abandonnée de ses habitans que la peur auoit chassé

en terre ferme : & depescha de ce lieu Francisque Gaz & Laurét Cosmio pour aller avec leurs vaisseaux en Ethio-
pie querir des viures, mais il n'amenerent rien, si que la
famine accrut & tua grand nombre de gens. Edouard
Galuan ambassadeur de Portugal vers le Roy d'Ethiopie
mourut de vieillesse & de maladie en ceste isle de Camare

SOAREZ ayant fait demolir la forteresse que les en-
nemis y auoyent bastie, partir de là, & sorty hors du
goulfe, fit voile deuers Zeila, qui est vne ville assise hors
& assez pres du goulfe de la mer Arabique en la coste d'E-
thiopie, peuplee, marchande, & embellie de maisons
spacieuses & hautes. Les habitans estoient cōposez de di-
uers peuples y trafiquans, tellement qu'on voyoit par les
rues des Noirs, des Mores blancs, & d'autres de couleur
bazane. La faim contraignoit Soarez de tendre là pour
recourir des viures. A l'arriuee le menu peuple s'enfuit
de la ville, y laissant en garnison ceux qui pouuoient por-
ter les armes, afin d'en empescher l'etree aux assaillās. Les
Portugallois conurent lors que pour prieres ni pour ar-
gent on ne leur donneroit à manger, & pourtant resolu-
rent tous ensemble d'assaillir & forcer la ville, qui n'estoit
fermee de murailles, ni fortifiée de bouleuards, ni en de-
fense quelconque. Doncques ils prennent terre, la pre-
miere troupe estant conduite par Garsie Coutin &
Jean Sylueire. Soarez & les autres capitaines menoyent
l'arriere garde. Les premiers sortis ayans entendu lon-
guement Soarez, qui ne se hastoit pas beaucoup, s'avan-
cerent, ne pouuans plus porter les outrages de ceux
de Zeila, qui les renuoyent au siege de Iude, & les
asseuroyent qu'en Zeila on leur feroit pareille feste qu'a-
uoit fait Soleiman. Gaspar de Sylues, Arias de Sylues &
Antoine Ferreire de Fogaze, qui marchoyent les pre-
miers, & n'auoyent accoustumé telles brauades, aimans
mieux mourir qu'endurer que lon touchast ainsi leur
honneur, donnent soudain de pied & de teste à trauers
les ennemis, qui furent aussi chargez par tout le reste de
cette premiere bande : mais les assaillis s'amassent de
tous costez & ioints ensemble soustindrent vaillamment
cette charge. Nonobstāt les Portugallois picquez de faim
d'iniures, & de la honte receuē au port de Iude, rechar-

4.
Zeila ville
d'Ethiopie, as-
saillie, prinse
& pillée par
Soarez.

gent de telle furie qu'ils rompent les autres, en tuent grâd nombre, & mettent le reste à vau de route. La ville desnuee par ce moyé de toute garnison demeura pour proie aux Portugallois. Alors Simon Andrade depescha vn messager à Soarez, qui estoit encores en sa capitainesse, l'auertir qu'il pouuoit seurement venir en la ville, pource qu'il n'y auoit plus de gens de defense, Soarez print ce propos en beaucoup plus mauuaise part qu'Andrade ne cuidoit, car il se persuada qu'on l'accusoit de paresse & couardise, pource qu'il ne s'estoit pas trouué au combat. Estant donc venu en la ville il dit mille iniure à Andrade. Mais au reste les maisons furent pillées, où il y auoit force viures, dont toutesfois on n'emporta que bien petite quantité dans les nauires, & mit-on le feu par tout puis apres. Il y auoit dedans les prisons de ce lieu vn Portugallois, patron de la carauelle de George Quadre, lequel par la tourmente qui separe la flotte d'Edouard de Leme, fut ietté en ceste coste de Zeila, & arresté prisonnier: Mais apres le sac d'icelle ses compagnons le deliurerent.

5.
*Imprudence
 de Soarez qui
 muse apres
 auoir refusé
 ses malheurs
 & nouvelles
 incômoditez.*

D s là Soarez remonta vers Aden, où son malheur luy fit entendre ce qu'il eust esté meilleur d'auiser & preuoir par bon conseil, qu'il ne faut quitter le bien present, sous esperance d'vne commodité à venir enclose en la fidelité de gens qu'on ne conoit point. Car se confiant au doux visage & beau parler de Miramirjam il fit brusler la pluspart des viures de Zeila: & puis apres se trouua si court qu'il conut (mais trop tard) que son imprudence l'auoit embrassé parmy toutes ces difficultez: à cause que Miramirjam entendant qu'en ceste nauigation Soarez n'auoit fait chose qui valust, que sa flotte estoit amoindrie, la pluspart de ses troupes estrâglee de faim, & d'aillieurs faisant peu de cas de Soarez, deslors qu'il refusa les clefs d'Aden, sans plus se souuenir de la liberté qu'on auoit laissée à luy & à tous les Adenois, ne voulut point secourir de viure ceste flotte, & ne fournit sinō de l'eau, encor fust-ce comme par force & bien escharcement. Telle necessité rechaissa Soarez en Ethiopie, afin de recouurer quelques victuailles en vne ville nommee Barbore à quarante lieues de Zeila, & y puiser de l'eau douce. De ce lieu il

lieu il print la route d'Ormus, où il arriua tout confus, & apres auoir perdu trop de gens & de vaisseaux. Car il ne laissa garnison aucune en Aden, ne desfit l'armee navale du Sultan, ne pût forcer la ville de Iude, & ne mit en lieu seur de terre ferme Matthieu ambassadeur du Roy d'Ethiopie, comme il en auoit charge bien expresse, au contraire il ramena vne flotte deschiée de soldats eschappez de la fureur des vagues, de la rage des ennemis, de la famine, de la soif, brief trauaillez de toutes sortes de maux. Or auât que surgir en Ormus, il comit à Alexis de Menes la charge d'equipper les nauires qui deuoyent retourner en Portugal, & depescha Lopez de Vilheloupe en vn brigantin pour aller porter les nouuelles au Roy Emmanuel du malheureux succes de ceste navigation en Arabie. Pierre Vasque de Vere conducteur de ce brigatin estoit vn des merueilleux pilotes de son tēps. L'arriuee de Lopez raut en estonnement tout le royaume de Portugal, voyant qu'vn si petit vaisseau eust trauersé tant de mers, surmonté tant de vagues & de tourmentes, sous la violence desquelles les plus grandes nauires succombent maintesfois. Soarez ayant donné ordre aux affaires d'Ormus, fit voile en Indostan, où il trouua Antoine Saldagne party ceste mesme annee de Lisbonne avec cinq nauires. Le Roy l'auoit enuoyé afin de prendre encōres quelques vaisseaux en Inde, pour courir la mer d'Arabie, & faire viuement la guerre en tous les lieux de la coste: ensemble Fernand Alcasor pour estre surintendât des douannes & réceptes des tributs. Or outre les trauerses susmentionnees, les nauires de Soarez estoient esparsez çà & là: car quelques vnes auoyent esté poussees du vent iusques en Melinde, d'autre en Mozambique: vn capitaine emporté hors du goulfe Arabique en vne ville d'Ethiopie y fut tué par Ierosme Oliueire, lequel se plaignoit de certain outrage à luy fait par ce capitaine. Pour executer ce meurtre plus aisément il attira vn vaillant soldat nommé Menende Alfonso qui luy tint compagnie. Mais Iean Roderic Pelage braue cheualier, estant au vaisseau de ce capitaine, pour venger telle meschanceté, tua sur la place ce soldat, & se contenta de tenir prisonnier Oliueire qui estoit gentilhomme

bien aimé de tous, reseruant la conoissance de ce fait au Viceroy. Telle fut l'issue, les nauigations de ceste flotte, qui auoit donné tant d'esperance de faire merueilles.

6.
Citadelle bastie en Coulä et les cöplaines faites contre les Portugallois: avec ce qui s'en ensuiuit.

IL a esté dit au liure precedent que Soarez pacifiant avec la Royne de Coulam, desiroit batir vne citadelle en celieu: pour lequel effect, auant que s'embarquer pour l'Arabie, il depescha Hektor Roderic, homme bien entendu, pour aller en Coulam & dire à la Roine que les Portugallois auoient besoin d'une maison forte, pour estre asseurez contre les machinations des Sarrafins, de peur qu'il ne leur en prinst autant qu'à Antoine de Sale. La Royne accorda volontiers ceste demande: mais Roderic en faignant bastir vne maison posoit les fondemens d'une citadelle. Les Sarrafins apperceuans cela sollicitoyent ceux de la ville à resister de bonne heure à vne telle tyrannye. Que ceste citadelle se dresseoit pour les accabler, & que leurs Roys alloient rendre le col sous vn ioug, lequel quand ils voudroyent seouer, ce seroit en vain: qu'il falloit obuier aux commencemens, & arracher le mal qui n'auoit encores prins gueres profondes racines, pource qu'il seroit comme impossible d'en venir à bout si on le laissoit croistre. Ils adioustoient que l'on voyoit assez de quel pied marchoyent les Portugallois: que sous couleur d'alliance & d'amitié ils cerchoient à maistriser les autres, dresseoyent citadelles desguisees du nom de maisons fortes, rendoyent esclaués & pilloyent les peuples qui ne se donnoient garde d'eux. De tels propos rompoient ils les oreilles des habitans & de la Roine mesmes, laquelle conoissans les Portugallois estre bös amis & aspres ennemis, aima mieux subsister en leur bonne grace, que perir en se rendant leur ennemy. Elle se souuenoit des maux endurez par le Roy de Calcut pour son inconstance & desloyauté: au contraire, que celuy de Cochim auoit affermy son estat par sa fidélité enuers ceste nation. Pourtant fut-il impossible de luy faire rompre sa promesse. Ce pendant l'ouurage s'auançoit, & la Roine estoit partie de la ville avec son fils pour donner ordre aux affaires d'une guerre esmeüe contre le Roy de Trauanzor, voisin du Royaume de Coulam. Tädís qu'il

le fut absente, les Sarrafins importunoyent plus que iamais le peuple à courir sus aux Portugallois, & semoyét des occasions de noïses, afin d'esmouuoir quelque tumulte, pour faire cesser les ouuriers. Mais Hector Roderic se porta fort sagement en cest endroit: car il accoustuma ses gens à ne respondre aucune mauuaise parole, quoy qu'on les iniuriaïst, ains aualer doucement telles pilules. Dauantage il les retenoit si bien qu'ils n'alloyent point vagabondant par la ville: & qui plus est se rendit tant amy des gouuerneurs & principaux de la ville, qu'eux (suiuant en cela le commandement de la Roine) luy offrirēt tous leurs moyens, pour luy assister quand la necessité le requeroit. Sur ces entrefaites la Roine, ayant mis fin à la guerre, rétourna en Coulam, & par sa presence estouffa toutes ces menees: au moyen dequoy la citadelle fut acheuee du tout.

Or tandis que Soatez voguoit en la mer Arabique, Gautier Monroy gouuerneur de Goa fit embarquer son frere Fernand Monroy pour aller és isles de Maldiuar, afin de saisir les nauires venans d'Arabie. Iean Gonfalue de Blanc Castel capitaine d'une galere luy fit compagnie en ce voyage, durant lequel ils prindrent deux nefes d'un fort riche marchand nommé Cojeque chargees de grâds biens. Dauantage Gautier enuoya un autre sien frere nommé Iean pour courir la coste de Chaul avec cinq nauires, lesquelles estans à l'emboucheure de la riuere de Maim prindrent vne nef venant d'Arabie. Le capitaine de la forteresse bastie en ce lieu equippa en moins de rien dix fregates & assaillit les cinq nauires, tellement qu'il y eut un dangereux combat nautal l'espace de quelques heures: mais ce capitaine fut contraint se retirer apres auoir beaucoup perdu, sans que les Portugallois le suiussent d'autant qu'ils auoyent eu de la peine à demeurer les maistres. Iean Monroy tirant oultre, fit voile vers le port de Chaul. Lors habitoit en terre ferme parmy les Sarrafins, un Portugallois nommé Alphonse Madureire, qui auoit femme & domicile en Goa, d'où il s'enfuit craignant d'estre saisi au corps pour auoir tué un autre Portugallois. Il alla trouuer Monroy qui promit luy faire auoir sa grace s'il vouloit retourner en Goa, dût il le remercier

7.
*Exploits de
quelque lieu-
tenant du gou-
uerneur de
Goa.*

beaucoup de fois : mais à cause qu'ils s'excusoient sur l'incommodité de ses affaires, & sur son extreme pauvreté, fut assisté de tous les Portugallois qui estoient en la flotte iusques à la somme de deux cés ducats. Lors il faingnit vouloir retourner en terre pour acheter quelques habillemens dont il auoit faute. Mais au lieu de reuenir il fit tout son possible pour ruiner Monroy & les siés, lesquels au desmarer de là monterent au dessus de la bouche d'une riuere qui traverse la ville de Chaul, & rencōtrèrent quinze fregates de Melichiaz qui vindrent aux mains, & combattirent de grand courage : toutesfoi's apres que Monroy se fust saisi d'une, dont les soldats se ieterent en l'eau, les autres gaignerent le haut. Quant à Madureire, pour recondoissance de l'argent qu'on luy auoit donné, il alla trouuer Mirhal capitaine de Zabaim Dalcam, & l'exhorta de courir sus à Monroy qui n'estoit pas si fort qu'on ne le peust desfaire : ce que Mirhal creut & arma sept fregates, qui voguerēt contre Môroy, lequel les enuabit, & en moins de rien les contraignit se sauuer, ce qu'elles firent avec telle force de rames, que les Portugallois n'en peurent attrapper aucune, combien qu'ils les suiussent à voiles desployees.

8.
*Occasion de
 perilleuse
 guerre surue-
 nue en Goa.*

ENVIRON le mesme temps Goa fut sur le point d'estre perdue pour les Portugallois, par vn accident prouenu d'adultere, esleué par haine & appetit de vengeance, acomply par cruelle effusion de sang humain, dont s'ensuiuirent de grandes pertes, & y eust en encores plus de mal, si Dieu n'y eust pouueu, lors que tout estoit presque sans dessus dessous. Fernand Caldeire esleué en la maison d'Albuquerque auoit prins femme en la ville de Goa. Il fut accusé enuers le Roy d'estre courlaire, & qu'indifferemment il pilloit amis & ennemis : au moyen dequoy Emmanuel commanda qu'on le luy amenast. Mais Caldeire se iustifia, & maintint si biē son hōneur en Portugal, que le Roy luy donna quelque recompense, & luy permit de retourner franc & libre en Inde, ce qu'il fit, s'embarquant en la flotte de Soarez, dedans la navire dont Gautier Monroy estoit capitaine. Tandis qu'ils estoient sur mer, Caldeire estant fort offensé de Môroy luy dit tout plain d'outrages & tels que l'autre s'en tint

pour griefuement interressé. Et si tost que la flotte fust arriuee en Mozambique, Caldeire monta en vn vaisseau de louage. puis en toute diligence print la route de Goa. Gautier Monroy ayant demeuré parauant en Goa, s'estoit ingeré de regarder d'œil lascif la femme de Caldeire, à ce qu'on disoit, & vn nommé Henry le Taur auoit fait le message & seruy de macquereau. Ainsi Caldeire fit vne grande balafre au visage du Taur, & luy coupa vne iambe : cela fait il s'enfuit à quatre lieues de Goa en vne bourgade nommee Ponde, tenue par vne garnison de Zabaim, sous la charge d'Ancoftam. Caldeire se voyoit destitué de la protection d'Albuquerque, exposé à la fureur de ses ennemis : il scauoit que Gautier auoit obtenu du Roy le gouvernement de Goa, & que les iniures qu'il luy auoit dites, les blessure du Taur, & autres offenses seroyent cause de sa mort s'il demeueroit en Goa Mōroy qui se vouloit venger pria Ancoftam de luy liurer cest homme qui auoit commis telle indignitez pour en faire iustice, ce qu'Ancoftam ne voulut accorder : tant à cause qu'il conoissoit Caldeire estre homme vaillant, sage, bien entendu, des plus experts aux affaires, & duquel il pretendoit se seruir es guerre, qu'aussi pource qu'il estimoit chose indigne de la qualité d'un homme d'honneur, vouloir exposer à la fureur d'un ennemy, vn pauvre suppliant refugié & receu en protection. Non obstant Monroy resolut d'auoir la vie de Caldeire à quelque pris que ce fust, tant afin de venger l'outrage fait au Taur & à luy, que pour iouir plus à son aise de la femme. Pourtant il enuoya à Ponde Iean Gomeze secretaire de la douanne, homme propre à telles commissions pour tuer Caldeire, luy faisant beaucoup de promesses pour recompense de se seruice. Gomeze prend hardimēt ceste charge, se retire à Ponde, disant qu'il estoit venu pour passer le reste de ses iours sous la sauuegarde d'Ancoftam, ne pouuant plus subsister en Goa pour les torts & outrages que le meschant Monroy luy auoit faits. Ancoftam qui croyoit celà le receut humainement, & Caldeire le banquetta aussi en sa maison. Or auint qu'Ancoftam voulut aller s'esbatre aux champs, & entre autres mena Gomeze & Caldeire. Estās en campagne Gomeze

faignit vouloir communiquer quelque secret à Caldeire & le tire arriere d'Ancoftam, puis tout soudain le tranſperce d'un coup mortel, & rafche ſe ſauuer à force d'eſperons. Mais Ancoftam enuoye apres les gens de cheual qui luy tenoyent compagnie, eſtant indigné iuſques au bout que lon euſt ſi malheureuſemēt meurtry vn perſonage receu ſous ſa protection. Ses gens retaignent Gomeze, & le luy ayans amené, ſans plus long delay Ancoftam deſgaina ſon cimetre, & luy en tranſcha la teſte ſur le champ.

9.

Le gouuerneur de Goa ſe voulāt vider cūde perdre liſle Et la ville: Et ce qui en auint.

MONROY extremement deſpiré de la mort de ſon bourreau, delibera contre toute equité de tuer Ancoſtam. Pour executer ceſte reſolution il faignit vouloir courir la bague, & pour auoir plus de plaiſir alla iuſques à Benaſtarin, & paſſa vn iour entier à ceſt exercice. Sur le commencement de la nuit il prie ſes capitaines de deſpeſcher Ancoſtam. Eux trouuent mauuais ce conſeil, & taſchent de deſtourner Monroy d'une ſi meſchante entrepriſe. Luy au contraire replique que la mort d'Ancoſtam donneroit pied ferme à la domination du Roy de Portugal en Goa. Perſonne n'oſant conteſter dauantage, oyant mettre le nom du Roy en auant, tous ſ'appreſtent pour l'execution, montent en des nacelles pour trauerſer le deſtroit, deſſellent leur cheuaux, les font paſſer à nage, les conduiſant par les reſnes. Fernand Monroy conduiſoit les gens de cheual, Iean Machiade les pietôs. Machiade eſtât paſſé le premier, ſe ſaiſit de deux payſans deſquels il entendit qu'Ancoſtam repoſoit en la bourgade de Ponde, ſans ſe tenir autrement ſur ſes gardes, cōme ne ſe dōtant de rien. Pourtant il exhorta Fernand de luy permettre d'aller au pas ſ'affeurant, qu'il attrapperoit Ancoſtam au deſpourueu. Fernand eſtimant que ce luy ſeroit vne honte ne voulut laiſſer faire Machiade. Tandis qu'ils diſputoyēt vne partie de la nuit ſ'eſcoule, & Eernand ne fit pas telle diligence d'entrer en Ponde, que la reſolution le requeroir: auſſi le henniffeſment & bruit des cheuaux reſueilla là pluſpart des habitans, de ſorte qu'Ancoſtam fut incōtinent auerti qu'on le venoit charger, Soudain il paſſe vn pont (dautant qu'une riuierre coule là, & ſepare quelque peu la terre) & range ſes

troupes. Fernand entre dedans Ponde n'y trouue ame vivante. Le soleil se leuoit, & par ses rayons auoit descouvert la fraude des Portugallois. Alors Fernand voyant qu'il auoit beaucoup couru & trauaillé en vain voulut tourner bride, exhortant Machiade de se retirer avec ses gens: mais Ancoftam repasse le pont, & donne à toute bride si brusquement à trauers Monroy & sa troupe qu'il rompt tout, & en fait tomber grand nombre sur la place. Les fuyards faucèrent les rangs de Machiade, & contrainquirent les pietons de se sauuer où ils pouuoient. Ancoftam enuoye incontinent vne partie de ses gens pour gagner le destroit par où les fuyards pouuoient eschapper, tellemēt que les Portugallois ayans leur ennemy à dos & en teste furent desfaits, plusieurs prins, & la pluspart raillez en pieces, laissant vne belle victoire à Ancoftam. Machiade cōbatit valeureusemēt, & fit de merueilleux coups de sa main auant que mourir. Cela fait Ancoftam aduertit Zabaim de tout ce qui estoit aduenu: que s'il vouloit prendre vn peu de peine Goa seroit sienne: que les Portugallois auoyent enfrainit l'alliance, & receu le chastiment digne de leur desloyauté: qu'il enuoyast dōc troupes suffisantes, afin d'emporter au premier assaut la ville de Goa desnuce de garnison & esperdue des nouuelles de ceste desfaite. Zabaim cōmanda incontinent à Zufalarim d'entrer en l'Isle avec vne grāde armee: ce qui fut executé, l'Isle fourragee, la ville effroyee d'vn malheur non attendu, reduite, à l'extremité, laquelle s'en alloit perdue, si (contre toute esperāce) Iean Sylueire qui auoit hyuerné en Quiloa n'y fust arriué. Peu de temps apres Raphael Perestrel, retourné avec grādes richesses de la China, vaillant hōme au demeurant, liberal, & qui par diuerses faueurs auoit nombre de gens à son commandement, amena promptement trois basteaux chargez de soldats qui le suiuioyēt de bon courage. Et ainsi ceste ville, qui auoit tant cousté à prendre, gardee & garantie par la sagesse d'Albuquerque, & par la hardiesse des gens de bien, fut lors à vn pas pres de la ruine, par la vilennie & audace de son gouuerneur, puis deliuree, comme nous venons de toucher. Zabaim se voyāt descheu de son esperāce, redemanda la paix à Gaudier Monroy, laquelle luy fut incontinent accordée: telle-

ment qu'ils renouellerent l'alliance, & pour memoire à la posterité les articles d'icelle furent couchez par escrie & signez de la main de plusieurs tefmoins.

10.

*Mort de Marie
Royne de
Portugal.*

EN ceste annee la Royne Marie estant deuenue fort malade depuis l'enfantement de son dernier fils, ne peut iamais se remettre. Elle estoit fort affligee d'une vlcere aux intestins, qui la minoit de iour à autre, sans espoir d'en reschapper, comme les medecins l'estimoient. Aussi rendit elle l'esprit à Dieu le septiesme iour du mois de Mars, l'an mil cinq cens dixsept, ayant vescu trente cinq ans, & laissa en vie les huit fils susnommez. Ce fut une Princeesse douce de plusieurs vertus admirables: car elle estoit de graue & honorable conuersation, gracieuse & de facile acces, de sens & de propos raisis, ennemie d'oisueté, sans permettre que ses filles ny ses Damoiselles de chambre demeurassent à rien faire, tellement que de ses propres mains elle filoit, cousoit, tapissoit, & manioit tels autres ourages de femme, incitant plus par effect que par paroles celles qui la seruoient de faire le mesmes. Iamais ne se messa d'affaires d'estat, considerant que tout l'honneur d'une femme gist en modestie & douceur, & qu'au manient de tant de charges & affaires publics il n'y auoit que trouble & rōpement de teste. Elle redoutoit l'autorité du Roy son mary, & ne s'efforça-onc de le destourner de son deuoir par requestes iniques ou inciules. Quant à ses fils elle les cōtenoit en leur estat enfans par amour maternelle & discipline assez rigoureuse, sans permettre qu'en leurs ieux ils commissent aucune chose deshonnestes, & ne leur pardonnoit iamais une faute, si tost qu'il y auoit la moindre apparence de meschanceté. Elle craignoit Dieu, & le seruoit deuotement, estoit charitable enuers les pauures, se monstrois cordiale & liberale enuers les pauures filles autant que si elle eust esté leur mere, & les marioit honnestement. Comme elle aimoit ardemment le Roy son mary, luy aussi l'aimoit de singuliere affection à cause de sa pieté & droiture. Elle fit bastir quelques temples, & monstra par beaucoup de tesmoignages la deuotion & douceur de son esprit: tellement que tout le Royaume de Portugal la regretta longuement & nō sans cause. Le Roy en fut fort angouillé, & porta long temps le

dueil: mais finalement le deuoir de sa charge, sa bõne volõte à l'auancement du Christianisme, les affaires du Royaume le contraignirent d'essuyer ses larmes, & en se souuenant de celle qu'il auoit tant cherie en son viuant, donner exemple de patience & moderatiõ à ses suiets: & ainsi il se remit peu à peu en son train accoustumie. Ceste mesme annee, Selym Empereur des Turcs donna bataille en Syrie à Campson Sultan d'Egypte, laquelle il gaigna, puis adioignit à son Empire toute la Syrie & l'Egypte. Emmanuel voyant cest ennemy s'agrandir, les Princes Chrestiens s'entreguerroyer d'vne haine irreconciliable, les moyens de la Chrestienté defaillir de iour à autre, pria de nouueau le Pape par Michel de Sylues son Ambassadeur, comme il auoit fait desia plusieurs fois, que laissant à part toutes autres sollicitudes, il s'employast à pacifier les guerres & dissensions ciuiles, & appointer si bien les Princes Chrestiens qu'ils se ioignissent ensemble pour dompter avec vne puillante armee l'orgueil de cest ennemy redoutable qui menaçoit toute la Chrestienté. De sa part il offroit volontiers tous ses moyens, s'estimant bien honoré d'exposer sa vie en vne guerre si excellẽte. Mais les oreilles du Pape distraites par autres affaires, ne donnerent lieu quelconque à telles remonstrances. D'auantage les Princes Chrestiens estoient tellement enuieimez les vns contre les autres, que quand le Pape se fut du tout entremis de les mettre d'accord, on estime qu'il y eust perdu son temps.

*Victoire de
Selym Turc
sur le Sultan
d'Egypte.*

II.

*Guerre du
Xerif contre
les Portugal-
lois en Barba-
rie, & autres
choses memo-
rables en ces
lieux.*

IL y a en la coste Meridionale de Barbarie de là le fleuve Diuce vn promontoire nommẽ Guer, que les anciens nommẽt le Cap d'Hercule. Le Roy Emmanuel en estoit maistre l'ayant ceint d'vne bourgade & forteresse munie d'vne bonne garnison, dont les Capitaines ne cessoyent de courir & elcarmoucher les Mores qui n'estoyent pas confederez. François de Castre commandoit en ce lieu pour lors, & estant venu en Portugal le Xerif fut aduertý de ce depart, à cause dequoy il courut sus aux Mores tributaires d'Emmanuel, fit le degast en la campagne, mit le feu aux bledz & fourragea tout le pays. Zaide Boagaz vaillant Capitaine & partisan du Roy, accompagné de quelques troupes bien equippees alla au deuant du Xerif,

& se choquerent de telle impetuosité qu'il y eut grand meurtre de part & d'autre, sans sçauoir qui auoit esté le plus fort. Le Xerif indigné de voir son ennemy debout, appella au secours vn sien frere qui le vint incontinent trouuer avec bonne compagnie. Ces deux freres ioints ensemble assaillirēt de rechef Boagaz qui fut desfait avec perte notable, mis en route, vne sienne bourgade nommee Tuil, ruinee de fond en comble, & tout le pays voisin saccagé. En la Mauritanie limitrophe du Royaume de Fez y a vne ville appelée Targa, à vingt lieues de Septe. Emmanuel desiroit s'en emparer & y mettre forces, afin de guerroyer plus aisément la ville de Fez. Pour cest effect il enuoya Iacques Lopez de Siqueire avec vne flotte de soixante voiles vers le destroit de Gibraltar au moys de Iuillet, luy cōmandant de prendre de renfort cinquāte cheuaux de la garnison d'Arzile, & autres cinquante de celle de Tingi, puis aller à Septe & se ioindre avec Pierre de Menesez pour assieger ensemble ceste ville de Targa. Menesez, gētilhomme de grand cœur, ne fut pas content de telle commission, ains estīma que ce luy estoit deshōneur d'auoir vn compagnon qui eust part à la charge, & à la louange qu'il en acquerroit, les choses succedans selon son desir. Toutesfois, afin de n'estre estimé desobeissant à son Prince il monte à cheual, & accōpagne Siqueire pour aller au siege. Mais pource qu'ils ne se pouoyent accorder, leurs troupes reuindrent à Septe sans auoir rien fait. Siqueire ayant renuoyé à Tingi & Arzile les cheuaux qui en estoient sortis, dis à Iean Coutin gouuerneur d'Arzile, qu'ayant fait ce voyage avec tant de vaisseaux & soldats d'élite, ce seroit vne grand' honte à luy de retourner en Portugal, sans auoir desgainé l'espee ny fait aucun acte memorable, pource qu'il prioit Coutin de le mener à la guerre, afin qu'il peust aller la teste leuée quand il seroit de retour au Royaume. Coutin s'accommodant à ce desir, ils entrerent eux deux à main armee en terre d'ennemis, ruinerent quelques villages, emmenerent des prisonniers & force butin. Mais pource que personne ne leur fit teste, ils se retirerent en Arzile, d'où quelques iours apres Siqueire tout fasché reuint en Portugal. Depuis Edouard de Menesez & Iean Coutin avec leurs troupes

entrerent au territoire d'Alcaflarquibir, tuerent les pay-
sans, & emmenerent grád nombre de bestail. Le gouver-
neur de la ville leur alla au deuant avec ses forces. Eux,
pour ne rompre leurs rangs, laisserent la pluspart du bu-
tin, & gaagnerent pays avec le reste. Les ennemis sui-
uoient, mais de telle façon qu'ils n'oserent les charger:
& ainsi les Portugallois se retirerent saufs en leurs garni-
sons avec le butin. Ce pendant Nonio Mascaregne, gou-
uerneur de Safin, ne dormoit pas: car ayát entédu que les
cômunés de Ganeme, s'estoyent reuoltees, il leur courut
sus à l'improuue, en desfit la pluspart, & remit les autres
sous le ioug. Puis aduertý par certain More, duquel il te-
noit le frere prisonnier, que ceux de Dabide auoyent re-
soly ensemble de se souleuer, & donné licence à chascun
de piller à son aduantage, pour recompense donna ce
prisonnier au rapporteur, & sur le champ despescha son
frere Pierre Mascaregne avec François Carnier, suivis de
trois cens hommes de cheual & autant de pietons, pour
aller en Dabide. Ils partirent sur le soir, & firent ceste
nuict-là douzelieuës. Le iour suiuant ils chargerent les
ennemis, en tuerent vne partie, contraignirent les autres
de gagner au pied, puis reprindrent la route de Safin a-
vec leurs prisonniers & le pillage. Sur ces entrefaites vn
bruyt courut que pour certain le Roy de Fez armoit de
tous costez, pour venir assieger & forcer la ville de Safin:
ce qu'entendu par Emmanuel, suiuant les lettres que Ma-
scaregne luy en escriuiuit, il enuoya vn renfort de gens d'es-
lite en Safin, entre autres Gonsalue Mendeze de Zacote,
braue Capitaine parmy tous ceux de son temps, dôt Ma-
scaregne & tous les soldats furent fort ioyeux. Mais soit
que le Roy de Fez eust d'autres affaires à desmester, soit
que les nouuelles du secours suruenü en Safin l'arrestas-
sent, il quitta ceste premiere deliberation.

T A N D I S que les affaires passoyent ainsi en Barbarie
& en Portugal, Fernand Andrade, qui faisoit voile en la
China, comme dit a esté cy deuant, fut repoussé par vne
tourmête en Malaca, d'où il estoit party. Il trouua la ville
troublée par la querelle de deux Capitaines, à sçauoir No-
nio Pereire & Anthoine Pacheco, qui debatoyét apres la
mort de George Brittio, decedé de maladie, qui demeu-
rallois.

II.

*Tumulte en
Malaca par
l'ambition de
deux Capi-
taines Portu-
gallois.*

zeroit gouuerneur. Pereire disoit qu'en presence de plusieurs tesmoins Britio luy auoit baillé le gouuernement de la ville, & qu'il ne pouuoit quitter ceste charge sans estre traistre au Roy. Au contraire Pacheco soustenoit qu'Albuquerque auoit fait vne ordonnance que l'Amiral succederait au gouuerneur de Malaca, cas auenant qu'il mourust : & qu'ainsi fut arresté que Fernand Andrade, parauant general sur la mer, commanderoit en terre si le gouuerneur decedoit. Que pour lors il tenoit le mesme estat, dont s'ensuiuoit que le mesme droit de succeder luy appartenoit. Andrade fit tous ses efforts d'appaier ce different, mais il luy fut impossible. En n'ay voulu omettre cest accident, afin qu'on voye que c'est par la prouidence & assistance de Dieu, que les Portugallois, transportez d'ambition & non guidez de raison au cas susmentionné & autres semblables, tiennent avec si petit nombre de gens tant de places en Orient eslongné d'Espagne de plusieurs milliers de lieues. Car si vne sedition, esmeue dans vn pays gardé de longue main & de peres en fils, esbranle bien souvent les estats qui semblent trefasseurez, & les renuerse de fond en cöble: que faut il estimer d'une domination fondee au bout du monde, enuironnee de tant d'ennemis enragez, maintenue par vne poignée de soldats, si les cœurs pressez d'ambition viennent à solliciter les personnes?

13.

*Nauigation
de Fernand
Andrade en
la China.*

L'AN mil cinq cens dix sept, au mois de Iuin, Andrade partit de Malaca avec vne flotte de neuf nauires, & le quinziesme iour d'Aoust suiuant, mouilla l'ancre en vne isle nommee Tamanlabua, à six lieues seulement de terre ferme de la China. Toute ceste mer estoit lors escumee par certains coursaies, tellement que le Roy de la China auoit équipé vne puissante armee nauale, pour asseurer la nauigation aux marchans. Le general de ceste armee fut tout rauy de voir la forme des vaisseaux de Portugal, & pesant que ce fussent coursaies fit voile à eux pour les cöbarre. Andrade ne fit aucun semblant de vouloir venir aux mains, ains alla surgir en vne isle nommee Tama, sans rien craindre. Et comme il seiournoit à l'ancre, ce general luy enuoya demäder qui il estoit, d'où il venoit,

& pourquoy il cingloit en ceste mer. La response d'Andrade fut qu'il estoit Portugallois, seruiteur d'un puissant Roy, le quel commandoit en un pays aux extremités de l'Occident, & qui ayant entendu que le Roy de la China estoit riche & puissant à merveilles, & orné de vertus royales, auoit incontinent desiré de luy estre amy, s'assurant que ceste amitié seroit profitable & honnorable à tous deux. Qu'il auoit besoin de pilotes pour conduire sa flotte sans danger de naufrage iusques au port de Cantam, afin que de ce lieu l'ambassadeur de Portugal peust aller iusques en la ville où estoit le Roy de la China, pour communiquer avec luy de la part de son Prince, luy presenter ses lettres, & faire en presence ce qui estoit requis pour l'execution de sa charge. Le general promit de se rendre en une ville appelée Nantum à trente lieues de Cantam, pour auertir le gouverneur de la venue des Portugallois. Cependant Andrade attendit longuement, & ne pouuant plus durer là, se mit à la voile en deux basteaux & quelques esquifs, prenant la route de Nantum, où il arriua. Le dedans du haure auoit au bout un bouleuard de pierre de taille en quarré, au faiste duquel l'on montoit par degrez, estant iceluy basti en une petite isle, en laquelle les principaux de la ville banquettoient quelques fois assez magnifiquement les estrangers. Le gouverneur pour lors, nommé Tutam, pria Andrade d'aller faire bonne chere en ceste isle : mais il faignit estre malade, craignant d'estre contraint de manger quelques viandes non accoustumées. Il fit entendre à Tutam & aux autres officiers ce pourquoy il estoit venu, mit en leur charge l'ambassadeur qui deuoit aller vers le Roy du pays, & reprint quant à luy la route de Tama, où il fit séjour l'espace de quatorze mois : car il luy estoit commandé de descouurir la situation de ce grand royaume, considerer les mœurs & façons, du peuple, & s'enquerir exactement de toutes les particularitez. Durât ce temps arriuoient là des marchands de diuerses nations, chargez de toutes sortes de marchandises, & d'or principalement. Il les interroguoit de plusieurs choses, tellement qu'il y aprent beaucoup avec grand contentement d'esprit. Outreplus il fit embarquer George Mascaregne pour visiter

toute la coste de mer de ce royaume, le mettant en compagnie des plus assurez pilotes de la China, afin d'apprendre ce qu'il auroit descouuert de veue, & entendu des vns & des autres: Mascaregne ayant esté rappellé au bout de quelques mois, à cause que le temps propre à la nauigation approchoit: Andrade fit crier à son de trompe par la ville, que si aucun auoit presté, ou se plaignoit d'auoir receu outrage de fait ou de paroles, ou en secret de quelque Portugallois, il vinst à luy, pource qu'il ne leueroit point les anchres que tous ne fussent satisfaits. Le peuple fut trescontent de ceste publication, non que personnes se peut plaindre d'outrage notable: mais pour ce que ceste façon de faire monstroir à l'œil l'equité, preudhommie, & sagesse des Portugallois. Si tous ceux qui voyagerent depuis en la China eussent fait de mesme le Roy de Portugal eust estendu sa domination bien auant en ces pays Orientaux. Car aussi d'ordinaire la force ne sert pas tant à affermir l'autorité d'un Prince que la reputation de douceur & fidelité.

14.
*Description du
pays de la
China et les
mœurs des ha-
bitans.*

Le pays de la China est de tresgrande estendue: & lon estime que c'est la dernière terre ferme vers Orient, il est borné de l'Inde à l'Occidēt, de l'Océā au Midi, & au Septentrion de treshautes montaignes chargees de neiges & de glaces perpetuelles. Du costé de Septentrion vers l'Occident il voisine les Tartares avec lesquels les Chinois sont tousiours en guerre. Les Tartares ont plus de vigueur de corps: mais les Chinois les surpassent d'esprit & d'adresse, tellement que si les vns surmontent par fois à force ouuerte, les autres ont puis apres leur reuence par finesse & subtilité. Toutesfois les montaignes qui s'estendent du Septentrion au Midy separent les Tartares du pays de la China. Quant aux valles & plates campagnes les Chinois font des clostures & les ferment de murailles fort espais, tellement qu'ils repoussent aisément l'effort des Tartares. Le pays est tresfertille entre tous autres, abondant en ce qu'on scauroit desirer de choses necessaires, exquisies & delicieuses. Les habitans Meridionaux sont de couleur bazanee, les Septentrionaux au contraire sont fort blancs. Ils vivent tous magnifiquement, font grand chere, scauent fort bien a-

prester vn banquet, portent habillemens de coton, de laine, de soye passémentee d'or, & accommodez aux saisons de l'année. Au plus fort de l'huyet, sur tous es quartiers tirans au Septentrion, ils s'aident de robes fourrees de diuerses peaux. Leurs chéaux sont gentimēt harnachez. En la pluspart de leur maniere de viures ils se gouuernent à la façon des François & Alemans, prennent plaisir d'ordinaire à iouer, rire, danser, & boire d'autant. Vray est qu'ils sont par trop adōnez à paillardise. Les damoiselles ne vont par ville sinon en coches ou petis chariots entierement couverts de drap de soye enrichi d'or artistement agencé. Pour se desennuyer ils s'ebatent à la musique des voix & instrumēt. Ce sont gens adonnez aux deuinations par le vol & cōsideration du mouuement des oiseaux: ils raschent de predire par sort les choses auenir honnorēt les magiciens, s'adonnent aux mathematiques, spécialement à l'Astronomie. Ont Imprimerie de lettres de fonte pour faire leurs liures, & les conseruer à la posterité: choses si anciēne entre eux, qu'ils ne sçauent qui en a esté le premier inuenteur. Leurs maisons sont proprement basties & avec grande despenſe.

Il s'ont des temples bien grands, avec force images & tableaux de platte peinture: & combien qu'ils facent la reuerence à diuerses idoles, toutesfois leur auis est qu'il faut principalement adorer vn seul Dieu createur & gouuerneur de toutes choses, & que c'est cestuy là spécialement qu'il faut inuoyer. Outre plus ils honnorent avec les plus grandes ceremonies qu'on sçauoit penser l'image d'une femme, nōmee entre eux Nammā, laquelle ils disent estre aduocate du gēre humain enuers Dieu. Ils ont vne autre image de certaine vierge, fille de Roy, laquelle (à leur compte) pour l'amour des choses celestes, & afin de les mediter tout à loisir, quitta la dignité royale. C'est la dame & patrone de toute la nation. Encores avec ce que dessus ils ont vn autre Dieu estimé tres-sainct, & disent que ce fut vn fort vaillant homme, & doué de tant de vertus qu'il fit miracles en plusieurs endroits du pays, dont le plus remarquable fut qu'vn iour estant tout armé, il ietta son espee nue dedans vne riuere large & profonde, laquelle il trauersa sur ceste

15.

*Religion de
ceux de la
Chine.*

Leur police.

espee comme en vne nacelle, afin de secourir les gens ferrez de près par leurs ennemis en vne bataille: tellement qu'ils cause de tels actes & pour ce qu'il estoit grand iusticier, on l'a esleué en cest honneur d'estre adoré de tous, ils ont grand nombre d'autres saincts, en l'honneur desquels sont ordonnez des iours de festes. Au reste les Chinois sont excellens ouuriers & bons peintres, bastissent des maisons spacieuses où il enferment leurs moines, & en ont des autres pour les nonnains. Ils estudent, les plus sçauans sont auancez aux estats, & s'aident en leurs estudes d'un ancié langage que le vulgaire n'entend pas, comme entre nous, ceux qui s'adonnent aux sciéces liberales & hautes, apreignent la langue Grecque ou Latine. On y porte grand honneur à ceux qui estudent en droit ciuil. Quant au Roy ils le reuerent comme Dieu, & ne le voyent que bien rarement. L'estat public est distingué en trois degrez: dont les doctes & Iuriscōsultes tiennent le premier, les gens de guerre le second, les artisans le dernier. Quant aux bonnes lettres, les maistres & docteurs examinent & iugent de la suffisance des escoliers, & y a bon ordre & diuerses promotions, tellement que si celuy qui est d'une basse classe veut monter plus haut, cela se fait par l'avis des plus sçauans: & celuy qui a le plus de voix est esleué par dessus les autres aux charges publiques. La iustice criminelle y est bien roide. Il n'est permis à qui que ce soit de mädier, pourueu qu'il ne soit infirme, encores qu'il ne vist goûte: car les aueugles gagnent leur vie à tourner les moulins à bras. A peine donnent ils lieu d'habitation aux estrangers en leur ville, craignans de s'accoustumer à la maniere de viure d'autrui, & oublier peu à peu leurs façons ordinaires. Ils prennent fort grand plaisir à iouer des comedies, & sont si lubriques & desbordez que d'inuenter de iour à autres nouvelles formes de paillarder. On les tient pour grâds magiciens & inuocateurs de diables. Voila en peu de paroles la religion & police de ceux de la China, auxquels Andrade fit tant de courtoisies qu'ils estimoyent la nation Portugalloise estre seruiable, sage & fidelle entre toutes les autres. Estant de retour en Malaca, il y trouua Alexis de Menesez cauoyé par le Viceroy avec plaine puissance,

puissance d'accorder tous differens, & reigler l'estat de la ville. Andrade luy remit sa flotte en main, cingla en Indostan; de là reuint en Portugal, fit vn ample recit au Roy de la douceur & docilité des Chinois, luy monstra quelques images & tableaux: ce qui assura le Roy, qu'avec le temps ce peuple embrasseroit le Christianisme. Mais au bout de quelques annees apres, la folie de Simon Andrade vaillant capitaine (mais estourdi iusques au bout) & ne ressemblant pas à son frere, abolit ceste esperance: car estant allé avec vne flotte en la China, apres y auoir fortifié quelques places pour accommoder les affaires des Portugallois, il commença à trancher du Roy: puis deuint brigand tout manifeste, pillant ce qui luy plaisoit, violât toutes les filles qu'il vouloit, briefcōmettant tant d'insolences à la façon accoustumee, que les Chinois par trop irritez se ruèrent sur luy & ses gens, en tuèrent la plus part & emmenerēt les autres prisonniers. Toutesfois il se sauua avec ses pillages. Le Roy de la China auerty de ce desordre chassa l'ambassadeur de Portugal, lequel estant de retour à Cantam fut emprisonné par ceux de la ville, & finit miserablement ses iours en vne basse fosse. Ainsi auient il souuētesfois que les audacieux & insensez renuersent ce que les sages auoyent estably. Or i'ay esté cōtraint de descuire icy sommairement & tout d'un fil l'estat des Chinois, afin de n'entrerompre trop de fois ailleurs le discours des autres choses auenues.

16.

P O U R le regard des Indes, Soarez ayant receu nouuelles que le Roy des Isles de Maldiuard & celuy de Bengala auoyent quitté l'alliance faite avec Emmanuel, pour ce que depuis la mort d'Albuquerque ils auoyent esté outragez en plusieurs sortes par les capitaines de Portugal, enuoya leã Sylueire avec quatre nauires, afin de renouer l'amitié avec ces Roys & autres alliez. Sylueire conferma la paix avec le Roy des isles, alla en Cambaje & en fit autant avec le Roy: puis reuint en Cochim, où il sejourna iusques à ce que ses nauires fussēt auictuaillees. De Cochim il fit voile en Bengale, qui est vn grand pays que le Gange traVERSE. Ce fleuue est tresprofond & treslarge, separāt l'Inde haute d'avec la basse, puis se desgorge en l'Ocean Indois par deux bouches distantes l'une de

*Nauigation
de leon Syl-
ueire en Ben-
gala, &c
qu'il y fit.*

l'autre enuiron cent cinquante lieues. L'eau en est douce & saine, mesmes les habitans estiment qu'elle fait miracle: tellement que plusieurs s'en lancent fort souuent, ou pour guerir de certaines maladies corporelles, ou pour effacer leurs pechez. Les campagnes sont incroyablement fertiles. Quant au peuple il est bazané, assez beau & propre en ses façons, aimant les bons morceaux, brave en habits, adonné à la paillardise, gourmandise, brief à toutes sortes de vices: se souciant peu de tenir promesse, faisant gloire de tromperie & trahisons, idolatre pour la pluspart, le reste adonné aux impostures de Mahumet. Sylueire arriué au port d'une ville nommée Chatingam, auertit le gouverneur de sa venue, dont l'autre monstra contenance d'estre bien content, luy enuoya des presens, & promet faire pour l'amour de Sylueire tout ce qui luy plairoit. Or pource qu'il continuoit à babiller & mentir, Sylueire & luy se battirent, mais ceux de Chatingam y perdirent beaucoup, tellement qu'ils entrèrent en accord, ratifié par ostages. Depuis ce gouverneur tint si bonne mine, que Sylueire gentilhomme de bon naturel y fut trompé & rendit les ostages. Alors il brassa une autre trahison pour ruiner Sylueire: mais ayant perdu une seconde bataille, il demanda pardon & feignit ne vouloir autre chose que la paix. En fin le gouverneur d'une autre ville nommée Daraca, escriuit à Sylueire, le priant de venir mouiller l'anchre en ce port: que le gouverneur de Chatinga estoit un meschât homme, & que le Roy auoit resolu de le chastier griefuement pour auoir ainsi machiné cōtre les Portugallois. Et afin que Sylueire donnast plustost dedans le filé, il luy enuoya force presens. Tout cela estoit aposté par la ruse du gouverneur de Chatingam, afin de surprendre & ruiner entierement Sylueire, lequel croyās tout cela estre vray, tourna voile vers ce port. Cōme il entroit dans le canal. Le Roy de Bégala incité par son conseil, y enuoya tel nombre de vaisseaux, que peu s'en salut que Sylueire ne donnast du nez à terre pour la dernière fois, si par sa vaillance il n'eust surmōté la fraude de ses ennemis. Ayans esté ainsi finalement reprimés, Sylueire print la route de l'isle de Zeilan avec sa flotte deschiree & diminuée, car Iean Fidalgue capitaine

d'une des nauires l'auoit abandonné, Anthoine Saldagne qui couroit la mer d'Arabie avec plusieurs voiles, fit quel que butin: & pource que l'hüuer approchoit se retira en Inde, sans auoir fait autre exploits memorable. Manuel Lacerde, qui auoit aussi esté enuoyé en Diu, fut hõnorablement recueilly par Melichiaz, & confermerent l'accord entre les Roys de Portugal & Cambaje plus fort que iamais.

Il a esté dit cy dessus, qu' Alexis de Meneséz estoit arriué en Malaca. Lors il menoit trois cens Portugallois, & suiuant l'ordonnance du Roy Emmanuel establit Alfonso Lopez de Coste capitaine de la citadelle, Edouard Melio Admiral, & tira des prisons Anthoine Pacheco, où il auoit esté serré par Pereire, à cause des mescontentemens susmentionnez. Le Roy de Bintam establit vne bonne garnison au fort qui commandoit à la riuere de Muar, & le remplit d'artillerie, afin d'assaillir de pres & plus souuent par mer & par terre les Portugallois qu'il hayissoit à mort. Meneséz enuoya le capitaine Alfonso avec trois cens Portugallois, trois mille Malacans & bon nombre de gentils-hommes, pour ruiner ce fort. D'autant que la marée estoit remõtée, que le canal ne pouuoit porter le faix des nauires, Alfonso attendoit le retour de la mer, afin de pouuoir entrer dedans la riuere. Tandis on canonoit avec perte de gens d'un & d'autre costé. A mesure que le flus s'enflloit, l'occasion se presentoit de combattre à l'auantage, si l'audace ne se fust ientee à la trauerser: car il suruint vne grosse querelle entre Alfonso & George Mascaregne, tellement que les Portugallois s'en retournerent sans rien faire. Quand le Roy de Bintam cognut que la peau du lion ne luy seruoit de rien, il s'auiisa d'y coudre celle du régnard: & faignant n'auoir rié plus à cœur que la paix, la demanda au gouuerneur Meneséz, lequel apperceuant la ville bié à estroit à cause des vñres l'accorda volontiers. Le Roy arrachoit de l'esprit des Portugallois par plusieurs signes de reconciliation toutes les opinions sinistres qu'ils pouuoient auoir de luy: comme eux de leur part luy faisoient tous seruices de bonne affection. Ainsi ils s'enuoyoyét des presens, & y auoir trafic de toutes marchãdises au grãd proufit des vñs

17.

*Guerre en
Malacapour
les menesés du
Roy de Bin-
tã, et le succes
d'icelle.*

& des autres. Voyant les Portugallois endormis sous ceste couuerture de paix & d'amitié, il fait partir promptement septante vaisseaux qu'il auoit fait equipper secrettement, pour battre la citadelle par mer, & enuoya par terre plus de deux mille hommes, afin qu'en mesme temps il assaillissent & surprinsent les Portugallois. Il y a vne isle touchant à Malaca, laquelle ces vaisseaux gagnent, courent sus aux Portugallois endormis, en esgorgeant grand nombre, & mettent le feu aux nauires, sans grâd effect toutesfois, à cause d'un orage & de quelques grosses pluyes qui auoyent trempé le bois assez auant. Menescez esueille par le bruit des fuyards, enuoya les capitaines en l'isle, où le combat dura iusques à midy, en fin duquel les ennemis furent cōtrains se retirer. Ceux qui estoient venus par terre, suivis de plusieurs Malacans complices de la trahison, s'apprestent pour assaillir de pres la citadelle. Le Roy y enuoya gens de renfort avec des elephans, tellement que la meslee fut tresâpre. Mais lors que les Portugallois qui combatoyent en l'isle furēt demeurez les maistres & reuindrent en la ville, les assaillans cōmençoient à se lasser, puis se prirent à reculer au pas, finalement à s'enfuir, mais non pas tous, car il y eut beaucoup de tuez & de prins. Pour cela le Roy ne laissa pas de poursuiure sa pointe, estant resolu de serrer la citadelle de plus pres & avec plus grosses troupes que deuant. Sept iours durāt il ne laissa les assiegez à repos qui de leur part l'endommagerent grandement en diuerses forties. Or ce qui faisoit viuement la guerre aux Portugallois estoit la necessité de viures, lesquels diminuoyent de iour en iour. Finalement Menescez trouua vn moyē pour ruiner le fort de Muar, ce qui fut executé sans peine ny perte. Vn gentil homme fort riche se retirant avec sa femme, ses enfans & grande famille, de laue en Malaca, pour y faire sa residence, comme il vogueoit au long de la costē fut prins par quelques capitaines & mené au Roy de Bintam, qui le receut benignement, & l'induisit à force de prieres à demeurer en Bintam. Or combien que ce Roy fist semblant en beaucoup de sortes de prendre plaisir à deuiser avec ce gentilhomme, toutesfois il auoit beaucoup plus de contentement à entretenir la femme

d'icelūy, qui estoit fort belle. Pour en iouir plus seure-
mēt, il enuoye le mary au loing, sous pretexte d'hōneur,
en le faisant general de quelques nauires. Ce gentil-hō-
me vaillant & experimentē nūdoit beaucoup aux Portu-
gallois: mais ayant receu aduertissement de ses amis que
le Roy le trahissoit vilainement par adultere, il se retira
dedans la citadelle de Malaca. Le gouuerneur Menesēz
luy commūique son entrepriso, à quoy l'autre promet
s'employer, & avec six vingts Portugallois & quelques
Malacans, enuoyez par terre & par eau, surprint & es-
gorgea les ennemis, faussa les tranchées, tellement que le
fort fut forcé & gaigné par les Portugallois qui y firent
vn terrible carnage, ayans toutesfois perdu ce gentil-
homme de laue tué d'vn coup de canon, & quelques Por-
tugallois, non comprins les blesez, entre autres Manuel
Faucon, colonnel des compagnies par terre, lequel eut la
cuisse rompue. On emmena du fort en la citadelle plus
de septāte pieces d'artillerie. Par ce moyen la guerre ces-
sa pour vn peu de temps, tellement que le gouuerneur
ennoya Tristan de Menesēz pour recognoistre les Mo-
lucques, & luy mesmes fit voile en Indostan avec la plu-
part des Portugallois. Apres son depart la guerre recom-
mença, tellement que la citadelle demeura assiegee l'es-
pace de dix sept iours, fut batue & assaillie iusques à l'ex-
tremité. Les ennemis lancerent le feu en vne galere des
Portugallois, & en deux nauires de leurs alliez. Comme
chascun courroit pour estaindre le feu, & durant le com-
bat, par ne sçay quel malheur le feu se print aux pouldres
de la nauire du capitaine Gabriel Gague, embrasa si sou-
dain le vaisseau que tous les soldats qui estoyent dedans
furent noyez, à cause de la pesanteur de leurs armes.
Iacques Mendeze capitaine d'vne autre nauire fut tué
d'vne canonnade; ce nonobstant les Portugallois estai-
gnirent le feu & chasserent les ennemis, qui sentans le
dōmage receu es sorties des assiegez fidellemēt secourus
par les Malacans sous la conduite de leur Xabandare ou
grand preuost, leuerent le siege, & deslors le Roy de Bin-
tam print aduis de se deporter de la guerre. En ces com-
bats & rencontres furent tuez dix huit Portugallois, plus
de quatre cens hommes du costé des ennemis, sans les

prisonniers entre lesquels y eut le fils d'un seigneur du royaume de Siam, pour la rançon duquel le pere enuoya vne grand nef chargee de vstuaillies, dont les Portugallois & Malacans furent fort soulagez en la necessité qui les pressoit.

13.

Iacques Lopez de Siqueira C'est la mesme année le Roy enuoya Iacques Lopez *peux de Siqueira* de Siqueira és Indes avec vne flotte de dix nauires, pour *re enuoyé és* estre Viceroy au lieu de Soarez. Ainsi qu'il doubloit le *Indes pour* cap de bonne esperance, vn gros & grand poisson dont *stre Viceroy*, nant à l'un des costez de la nauires de Jean Limice, la fit *ce que fit* pancher de l'autre, & arresta le vaisseau de telle force qu'il *Soarez* auant estoit impossible le remuer de là. Les soldats & matelots *que reuenir* estimoient auoir donné contre quelque escueil: cependent le poisson se desgagea, laissant flotter la nauires comme auparavant. Siqueira pria port en Goa le huitiesme

1513.

iour de Septébre, auquel temps Soarez bastissoit vne citadelle en l'isle de Zeilan, iouxte le mandement de Emmanuel. Il estoit premierement arriué en vn port de l'isle nommé Columbo, & auoit obtenu congé du Roy de l'isle de commencer ce bastiment. Mais il auint que les Sarrasins, à leur maniere acoustumee, destournerent le Roy de ceste volonté, si que non seulement il denia & empescha l'effect de sa promesse, ains aussi resolut de courir sus aux Portugallois, dressant des forts, disposant des corps de garde, avec des pieces pour chasser au loin Soarez, qui mit toutes ses troupes en terre. Incontinent ils vindrent aux mains & en ce combat vn braue gentil-homme nommé Verissime Pacheco & plusieurs soldats Portugallois furent tuez de grãd nôbre, blesez: ce neantmoins ils firent desloger leurs ennemis arriere de leurs forts avec grand perte. Le Roy demanda pardon & paix, qui luy fut accordée à condition qu'il lairroit bastir la citadelle, & que pour chastiment de sa folle rebellion il payeroit tribut annuel au Roy de Portugal, à sçauoir certaine quantité de poyure, & plusieurs quintaux de cannelle. Au reciproque Soarez promit à ce Roy que le Viceroy Portugallois le tiendrait tousiours en sa sauuegarde, ne luy feroit iamais la guerre, & mesmes que les Portugallois chasseroient tous ennemis hors de l'isle de Zeilan. Ceste alliance fut conclue, iuree, reduite par

escriit, signee de la main de Soarez, du Roy & des principaux du Royaume. Puis la citadelle fut acheuee en peu de temps à l'aide des insulaires, la garde d'icelle commise à Jean Sylueire, & les nauires laissees en la charge d'Anthoine Mirade. Soarez retourna de là en Cochim y trouua Siqueire, és mains duquel il remit son estat, & s'embarqua pour reuenir en Portugal. Incontinent Siqueire se mit après les affaires de sa charge, enuoya Christofle Soule avec quelque flotte en Dabul pour d'opter la ville reuoltée de l'obéissance du Roy de Portugal, eni'oignit à Alfonso de Menezes d'aller faire la guerre en Batticala, fit commandement à Ieã Gomeze de bastir vne citadelle en Maldiair, mais ce Gomeze y fut tué par les Sarasins de Cambaje; puis estant en la route de Goa, ils assura soigneusement des citadelles de Calcut & de Cananor. Apres quil fut arriué en Goa il commit la charge à Anthoine Saldagne, qui auoit des vaisseaux de renfort de costoyer l'Arabie & l'Ethiopie, afin de guerroyer à toute ouurance les Sarasins & Mahumetistes. Simon Andrade fut enuoyé en la China, ou par folie & violence il mist les Portugallois en la mauuaise grace des habitans. Anthoine Correa eut charge d'aller en ambassade vers le Roy de Pegu afin de traiter paix & amitié avec luy; & Garfie de Sale fut depesché pour nauiger en Malaca; afin de pouuoir aux affaires. Y estans arriué, il trouua abatu de maladie Alfonso Lopez de Coste, lequel desiroit grandement retourner en Goa, esperant s'y trouuer mieux; & de fait il partit laissant Garfie en la citadelle de Malaca; & quelques iours apres estre arriué en Cochim, mourut de ceste maladie.

19.

TANDIS que les affaires estoient ainsi maniees en Inde, Abrahim fils de Barraxa entendant que les Portugallois auoyent fait beaucoup de maux aux habitans de Farrobe, Benamaré, & à leurs circonuoiains, delibera d'en auoir la reuence: & tenant son entreprise fort secrette quelques iours, mit cinq cens cheuaux en campagne, & sembuscha en certains villages prochains du territoire d'Arzile vers Tingy. De là fut enuoyé par luy vn nommé Aroz, seruant de guide, pour scauoir le chemin & aller recognoistre iusques en vn endroit appellé le guet

*Remues des
Mores et Por-
tugallois en
Barbarie.*

d'Alfandiquim. Cest Aroaz estoit estimé homme adroit & propre à telle charge, tellement que lean Coutin se donnoit soigneusement garde d'estre attrappé par ses ruses, & iamais n'enuoyoit hors de la ville ses espions, qu'il ne fist marcher vne troupe de cheuaux apres pour les secourir au besoin. Aduint lors qu'enuoyât à la descouuerte, les gens de cheual sortirent quant & quant: ce qui retint Aroaz, iusques à ce qu'il les vist près d'Alfandiquim. Incontinent il en aduertit Abraheim, lequel fortât bellement de l'embusche s'approchoit au grand pas. Les Portugallois voyant l'auantgarde conclurent de se retirer: mais Abraheim & les siens s'estans arrestez court, Fernád de Gallaix, capitaine de la premiere troupe de cheuaux sortis pour faire espaule aux descouueurs, estimant que la peur eust arresté les Mores, donna dedans à bride abbatue. Les Mores reculoient sans rompre leur rang, iusques à ce qu'ils eurent attiré Fernád & les siens en l'arriere garde qui demouroit cachée. En ceste place furent tuez dixsept Portugallois de cheual, & les autres cōtrains de sauuer de vifesse. Ils se trouuerent comme enclos en vn destroit de marescages: mais vn brauc cheualier nommé Louys Vaillant, les rassura, & fit teste aux ennemis sans bouger de sa place que premierement les compagnons ne fussent tous passez: cela fait il les remit en ordonnance & conduisit si dextremement iusques en leur garnison, qu'il demoura tousiours à la queue pour s'opposer viuement aux ennemis. Comme Abraheim se retiroit, il rencōtra vn ieune gentilhomme fort adroit aux armes, nommé Anthoine Mascaregne & quatre autres: qui furent tous prins: & combien que le Roy de Fez fist bonne chere à Mascaregne, toutesfoiſ ce gentil-homme ne se peust garantir de la mort, car il fut emporté de la peste qui lors estouffoit les Mores à ras. Environ ce mesme temps Emmanuel ayant rappellé en Portugal Pierre de Souſe-gouuerneur d'Azamor, y enuoya en mesme charge Aluar Norogne, lequel conferma les traitez de paix avec plusieurs Seigneurs Mores, les cottiza raisonnablement, & fit vne infinité de maux à ceux qui s'estoyent rebellez. Entre autres courſes, le vingthfixiesme iour d'Auril il fourragea le territoire de Benemez, tua beaucoup

de gens, emmena deux cens cinquante prisonniers & force butin. Au mois de Iuin suivant, Vasque Fernand César surprint & desfit d'autres troupes de Mores, en arresta huit cens avec un grand pillage, & fit sa retraite en Azamor sans perdre un seul homme de ses troupes. De rechef au mois d'Aoust Antoine Gôsalue, enuoyé par Norogne, courut sus à une troupe de pietons Mores, qui furent desfaits après quelque résistance, & une partie d'eux emmenez pour estre esclaves. Au mesme mois certains capitaines des Mores confederez prièrent Norogne de leur donner quelques cōpagnies pour assaillir les Mores d'Enxoute, & tirer de là bonne quantité de bled. Sur ce, une troupe de deux cens Mores ennemis estant descouverte, les confederez estimerent qu'il y auoit quelque grosse embûche, & frapper de ceste imagination se retirerent au premier bataillon. Ceux que Norogne auoit enuoyez pour renfort estâs derriere s'ouindrent la charge des ennemis. Mais voyans aucuns de leurs cōpagnons par terre ils s'enfuirent honteusement vers Azamor, non pas tant par leur fuite que par la couardise de ceux qui les abandonnerent. Si est ce que telle retraite les rendit fort confus l'espace de quelques iours.

20.

EN ce temps le Roy de Portugal estoit agité de tres-facheuse pensées & merueilleusement distrait en soimésines. Il se voyoit vesue, & desiroit employer le reste de sa vie en choses notables & dignes de memoire perpetuelle. Poutant resolut il se retirer en Algarue, & laisser le manient des affaires du Royâume à son fils Iean & à ses conseillers, afin de ne vaquer sinô à guerroyer les Mores, & auancer de plus en plus sa religio. Mais il fut destourné de ceste deliberation par les menées de plusieurs qu'il deuoit reprimer par rude chastiment, & non pas simplement changer d'avis. Car suiuant la coustume de ceux qui mesurent les choses à Paulne de leurs desirs, sans se soucier de deuoir ny fidelité queleonque, ils se tiroient peu à peu arriere d'Emmanuel lequel ils esperoyent voir bien tost porter au sepulchre, & s'approchât de Ieâ son fils, s'attendâs de faire mieûx leurs bêsongnes autour de luy, seduisoyent ce ieune Prince, de bon naturel, mais suiet à estre pipé par leur ruses & trahisons. En

*Embusches et
calômes dressés
cont. le
Roy de Portugal.*

premier lieu ils raualoient merueilleusement Emmanuel, disans que ce n'estoit qu'un bastisseur, qui ne se soucioit de la dignité royale, ne scauoit tenir sa grauité, donnoit acces à tous, deuisoit trop familièrement avec le premier rencontré, & ne prenoit plaisir qu'à picquer cheuaux. D'auantage ils l'accusoient de prodigalité, requéroient plusieurs vertus royales en luy, & souffloient aux oreilles du fils que s'il vouloit deuenir grand monarque, il luy falloit prendre tout autre chemin que son pere, & ne se laisser pas ainsi valetter & mespriser. Iean estoit un Prince doux, benin, & religieux: mais ayant tels pendans à ses oreilles, leurs mesdisances eurent telle efficace en son endroit commença à condamner, aucunesmēt les façons de faire de son pere, encores qu'il ne le hayst pas, ains l'honorast grandement. Ainsi donc il conclut, pour deuenir bien grand, d'auoir un tout autre maniement en la conduite de ses affaires. Et la dessus il y auoit des iangleurs & marmousets qui luy chantoient que la souveraineté d'un Roy estoit de faire tout ce qui luy plaisoit. Que brider sa volōté c'estoit signe de miserable seruitude, & non pas de dignité royale. Emmanuel ayant senty le vent de tels soufflers courtilsans, craignit que voulant quitter les affaires, & laissant son fils entre les mains de ces mignons & flatteurs il ne mesprisast son pere, & que le Royaume gouverné par meschant conseil ne panchast pour se ruiner du tout. Ceste apprehension le destourna de la premiere deliberation, tellement qu'il resolut prendre nouuelle alliance pour se fortifier, maintenir son authorité, & ne viure plus solitairement. Pour ceste cause il fit prier l'Empereur Charles de luy accorder à femme sa sœur Eleonor, tresbelle & sage Princeesse. Au parauant il en auoit fait la poursuite pour le Prince son fils, & despesché Pierre de Gouea ambassadeurs en Allemagne vers l'Empereur Maximilian: mais il changea tellement d'avis, à cause de ce qui a esté dit cy dessus, qu'il aima mieux la prendre pour soy que pour son fils, dont plusieurs parlerent diuersement, & quelques uns mesmes l'en blasmoient. Aquoy pense ce Prince (disoyent-ils) qui iusques à present a monstré si bonne affection à ses suiets? maintenant il ruine son estat en beaucoup de sortes: car pre-

mierement il est veufue, aagé de cinquante ans, chargé de huit fils, & ne pourra gaigner le cœur de ceste ieune Princeſſe ſœur de l'Empereur, nourrie en l'eſperance d'autre mariage, à vouloir eſpouſer vn homme ſi peu ſortable à cauſe de l'aage, & faudra faire vne infinité de deſpenſe auant que paruenir à cela; Son fils euſt peu toucher vn riche mariage en eſpouſant ceste Princeſſe; au cōtraire le pere ne receura rien, ains melmes contre toute couſtume & bonne façon donnera à ſa femme en douaire le domaine du royaume. D'auantage il faudra (autrement à peine pourra-il contenter ceste ieune femme) que les affaires prennent ply à l'appetit de la nouuelle Roynie. Et puis, que fera-il, ayāt deſia huit maſſes? Ceste-cy en pourra encores faire auſſi grand nōbre. Le royaume eſt petit: quels biens lairra-il à tant d'heritiers? de quels reuenus tous ces Princes du ſang pourrōt-ils entretenir leur eſtar, pour n'eſtre cōtrains ſe ſouurer parmy le cōmun, & viure à l'ordinaire des autres? Il conuiendra auſſi que le Roy face l'amour, entretiēne ſa femme, & ne pēſe plus à rēdre ſon nom immortel, ains à complaire ſeulement à ceste belle Princeſſe. Tels eſtoient les diſcours du peuple & de ceux qui ignoroient les trauerſes & faſcheries domeſtiques du Roy, lequel maugré tous tels bruits continua en ſa reſolution, & comme Charles d'Autriche fuſt arriué de Flandres en Eſpagne pour voir ſon royaume hereditaire, Emmanuel depeſcha vers luy Aluar de Coſte ſon grand Chambellan.

Ceſt ambassadeur auoit charge, pour pretexte de ſa commiſſion, d'aller faire la bien-venue à Charles: Emmanuel mais le ſommaire de ſon ambassade eſtoit de negocier *fiance & eſ-* le mariage, ce que Coſte executa ſelon le deſir de ſon *pouze Eleo-* maĩſtre: tellement qu'Eleonor luy fut promiſe, douaire *nor d'Auſtri-* assigné par ſon frere, ioyaux de grand pris appreſtez par *che ſœur de* le Roy pour ſa nouuelle eſpouſe, feſte ſolennelle cele- *l'Empereur.* bree pour ce mariage, & les fiançailles faites en Sarra- gouſſe (où Charle ſeiournoit lors) au grād plaisir de tous. Or d'aurāt qu'Emmanuel attouchoit à Charles & à Eleonor tant par conſanguinité que par affinité en beaucoup de ſortes, tellement que ce mariage eſtoit prohibé par ſes decrets du Pape, il ſalut auoir des bulles de Rome, que

lon recouura aisément. Emmanuel recut par les nou-
 uelles de ceste alliance vn merueilleux contentement:
 mais la noblesse & le tiers estat n'en furent ioyeux,
 spëcialement le Prince Iean, non qu'il desirast Eleonor
 pour femme, ains d'autant que ce mariage luy sembloit
 peu utile pour le bien de Portugal. Sur ce Emmanuel as-
 sembla en conseil tous les grands Seigneurs du Royau-
 me, & par vn lōg discours exposa les raisons qui l'auoyēt
 esmeu de se remarier: ce qui contenta les Seigneurs, ou
 du moins il en firent semblant, ne voulās offenser le Roy.
 Ainssi tous l'un apres l'autre en leur rang & selon la con-
 stume luy baisèrent la main, prians Dieu que ce mariage
 s'accomplist en toute prosperité. Ces solennitez acheuees
 la peste assaillit & affligea grandemēt la ville de Lisbon-
 ne, & contraignit le Roy de changer plusieurs fois de de-
 meurance. Finalement il se retira en Almeirin, & d'illec
 se transporta en vne autre ville nommee Crate, assez re-
 nommee, & appartenante lors aux Cheualiers de Rhod-
 des, afin d'y attendre la Royne, laquelle accompagnée de
 grand nombre de Seigneurs d'Espagne se rendit sur les
 frōtieres des deux Royaumes. Beaucoup des principaux
 Seigneurs de Portugal allerent pour la recueillir iusques
 à vne petite riuiere nommee Seuer qui separe Portugal
 d'auec Castille: Le Contē de Villeneufue de Portimane
 en Algarue passa la riuiere, fit vne grande reuerence à la
 Royne & luy baisa la main. Autant en firent le Conte de
 Tentugal, l'Euesque de Portugal & l'Archeuesque de Lis-
 bonne, puis la noblesse de Portugal. Cela fait la Royne
 menee par le Duc d'Alve, & l'Euesque de Cordoue passa
 la riuiere, où le Duc de Bregents accompagné de deux
 mille cheuaux assez bien equippez l'attēdoit de pied coy.
 Quand la Royne fut sur les limites de Portugal, le Duc
 mit pied à terre, afin de receuoir la Royne au nom du
 Roy Emmanuel. Le Duc d'Alve demanda s'il auoit man-
 dement expres & special pour ce faire: & tout incontinēt
 la commission authentique & signee de la main du Roy
 fut exhibee, leue à haute voix deuant tous, & bailee au
 Duc d'Alve pour tesmoignage d'auoir deuēment accom-
 ply ce qui estoit requis en telle commission. Alors ce mes-
 me Duc print la chaine d'or entortillee de plusieurs tours

au bras de la Roïne, laquelle il mena ainsi, la liura & remit en charge au Duc de Bregents. La Roïne ayant esté rendue solennellement, le Duc d'Alve & les autres Seigneurs de Castille se retirerent: toutesfois l'Euesque de Cordoue, le gouverneur de Tregen (qui estoient deputez Ambassadeurs) le Prince de Villefranche, le grand Commandeur de Castille & le Conte de Montagu conduisirent la Roïne iusques à Crate, où estans arriuez & la Roïne ayât touppé, le Roy l'alla voir, qui fut receu d'elle en grâde reuerence & tesmoignage de singuliere amitié. Le Prince de Portugal luy voulut baiser la main, ce qu'elle refusa, & ne fut possible de la persuader à ce faire: mais pour garder la custume d'Espagne elle reçeut le baise-main de George grand Commandeur de Portugal, bastard du Roy Iean second. En apres l'Archeuesque de Lisbonne espousa solennellement le Roy & la Roïne, avec les ceremonies accoustumées en tel cas. Tout ce iour d'espousailles fut employé à toutes sortes de passe-temps. De là ils allerent à petites iournees iusques en Almeirin, & rencontrerent les fils du Roy qui leur venoyent au deuant, & descendirent incontinent de leurs cheuaux, pour baiser la main de la Roïne, ce qu'elle ne voulut souffrir, ains leur monstra en beaucoup de sortes la douceur de son esprit & la bonne amitié qu'elle leur portoit. Les autres Princes & Seigneurs qui ne l'auoyent encores veüe luy firent les reuerences requises selon leurs degrez & qualitez. Estans arriuez en la ville d'Almeirin, Isabelle & Beatrix filles d'Emmanuel se presenterent au haut des degrez du Palais, & comme elle s'apprestoyent à descendre, la Roïne se hasty pour les preuenir, & les soustena pour ce qu'elle s'estoyent tettees à genoux, & les embrassa fort gracieusement. Les autres Damoiselles & filles de ces deux Princeesses baiserent la main de la Roïne, qu'il les salua toutes d'un visage debonnaire, gardant neantmoins sa grauité & le rang qu'elle tenoit. Ce seroit chose trop longue de discourir sur les solennitez, ieux & passe-temps de ce iour là. Le lendemain apres les solennitez accoustumées le Roy print l'ordre de la roison d'or, institué par le Duc Philippe de Bourgogne, retenu en grande deuotion par ses successeurs, dont Charles d'Autriche estoit alors pre-

mier Cheualier, & ce à l'instâce que Charles luy en fit par ses Ambassadeurs. Tout l'hyuer se passa dans Almeirin en grand plaisir, & au printemps le Roy fit sa retraite en la ville d'Euora.

22. L'AN mil cinq cens dixneuf, le Roy enuoya vne flotte de seize nauires en Inde sous la charge de George Albuquerque. Mais tous ne peurent pas tenir la route: car la nature du Capitaine Jacques Lunice fut rechassée d'un vent contraire iusques à Lisbône. Celle de Louys Guzmã fut emmenée par son maistre, lequel se reuolta, deuint coursaire, & commit beaucoup d'actes indignes de sa race. Manuel de Sousa qui commandoit en vne nauiue becuc, costoyant l'Ethiopie vers Melinde, mouilla l'anchre en vn port nommé Mantoue, pour acheter des viures: mais apres auoir pris terre, luy & quarante Portugallois furent tuez des Sarraïns. Quant à la nauiue, vn tourbillon la chassa & fit eschouer pres d'une isle non guerres esloignée de Quitra, où les Sarraïns la poursuiurent & pillèrent entierement, & couperent la gorge à ceux qui estoient dedans, reserué vn ieune garçon à qui le Roy de Zanzibar sauua la vie. George Albuquerque hyuerna en Mozambique avec neuf nauires. Il n'y eut que quatre qui trauersassent la mer iusques en Inde. Cependant Jacques Lopez de Siqueire donnoit soigneusement ordre à toutes choses requises pour aller faire la guerre aux peuples de l'Arabie. Et pource qu'il n'auoit pas assez de forces, Gonçalues de Loule fut enuoyé dans vn vaisseau propre à repousser & trancher les vagues vers George Albuquerque en Mozambique, luy dire de la part du Viceroy, qu'il fist voile de là au goulfe Arabe, où ils ioindroient leurs troupes ensemble pour assaillir la ville de Iude. Siqueire cognoissant aussi la malice de Melichiaz, & qu'il auoit fait beaucoup de torts aux Portugallois, despescha Christofle de Sale avec trois galeres pour roder toute la coste de Cambaje, ce que Sale fit, & ramena force butin. Semblablement Anthoine Saldagne couroit au long du cap de Guardafu, d'où apres auoir pillé beaucoup de vaisseaux il reuint trouuer Siqueire.

23. *Discours sur* ENVIRON ce mesme temps le Roy ayant commis le fait de Fer- vne legere faute irrita tellement l'un de ses suiets, qu'ou-

blant toute foy, pieté & religion, il ne cessa iusques à ce que (entant qu'en luy estoit) il trahit le Roy qui l'auoit esleu, le pays de sa naissance, & hazarda sa vie à de merueilleux dangers. Sur la fin du sixiesme liure nous auons parlé de Fernand Magellan. C'estoit vn gentilhomme de grand cœur, qui auoit fait preuue de sa vaillâce & adresse, tant es guerres des Indes que contre les Mores en Barbarie. Iadis la coustume estoit en Portugal, que les seruiteurs domestiques du Roy estoient nourris à ses despens en sa maison. Ord'autant que le nombre des domestiques accroût (à cause que les fils des officiers du Roy succedoyent aux places de leurs peres, & que plusieurs autres estoient enroollez avec les domestiques à cause de leurs bons seruices) il sembloit trop mal aisé d'apprester viande pour tant de gens. Cela fut cause que les Roys de Portugal donnerent pension d'argent à leurs domestiques, afin de n'estre plus suiets de les nourrir, ains leur permettant de se traicter à leur fantaisie. Et ainsi aduint que chascun receuoit ses gages tous les moys. Alors les viures estoient à si vil pris que la somme d'argent assigné suffisoit, tant petite fust-elle. Maintenant que le monde est accreü, & que les viures & autres choses necessaires à la vie humaine sont encheries de beaucoup, cest argent dont lon auoit iadis quelque reste au bout du moys ne fournit pas à la despense de deux iours. Toutesfois à cause que les Portugallois ne s'estiment honnorerz, sinon estant de la maison du Roy, chascun tasche en toutes sortes possibles de toucher tels gages tous les moys, aussi ardemment que si c'estoit quelque grande somme de deniers. Et comme ils n'ont souhait plus grand pour le monde que d'estre couchez en l'estat des Officiers domestiques du Roy, aussi tiennent-ils que leur honneur croist selon la somme qu'ils recoiuent. Car il y a diuers offices, tellement que celuy qui est en plus haut degré a aussi plus gros gages. Les gentilshommes seruians y sont en plus grand nombre que nuls autres officiers: neantmoins à cause des degrez de noblesse, les gages de tous ne sont pas esgaux, & ainsi selō la valeur d'eux on iuge de la noblesse de chascun, & estime-on plus noble celuy qui reçoit le plus. Selō que les choses sont au monde, ce iugement est faux souuentefois, d'autant

*mand Magellan Portugal
lois & pour
quoy il quitta
le parti de son
Prince pour
se ranger à
celuy d'Espagne.*

que plusieurs obtiennent par habilité & importunité ce qui ne deuroit estre attribué qu'à la vertu & vraye noblesse. Ce nonobstant les Portugallois, gens ambitieux, & qui cuidoient que l'accroist de quelque poignée d'argent les face plus grands gentilshômes, font grand bruit souuent pour ceste paye, comme si de cela dependoit leur vie & leur honneur. Or Magellan maintenoit que ses seruices meritoient rehaussement d'un demy ducat sur les gages de chaque mois, ce que le Roy luy refusa, craignant d'ouurer la porte aux ambitieux: dont Magellan s'offensa si griefuement qu'il quitta le party du Roy, fauçà toute promesse, & mit l'estat en extreme danger. Et combien qu'il nous faille supporter les outrages d'une Republique, aualer doucement les torts que les Roys peres de l'estat nous font, & que nous soyons redevables de nostre vie au pays duquel nous la tenons: si est-ce que l'audacieux Magellan conceut vn tel despit du refus de ce demy ducat de hausse par moys, qu'il fit la guerre au Royaume, irrita le Roy qui l'auoit esleuë, & entant qu'en luy fut tascha d'aneantir la patrie, pour laquelle il deuoit volontiers mourir au besoin. Car les choses en vindrent là, que les deux Royaumes d'Espagne & de Portugal furent sur le point des'entrechoquer. Mais ie ne sçay comment ceste meschâte coustume s'est glissée es gouuernemens publics, que le mot de trahison soit non seulement odieux & detesté, ains aussi imprime sur la race des traistres vne perpetuelle infamie, & que ce pendant on supporte ceux qui violent leur foy, qui deliberent molester leurs Roys ou republiques, quittent par lettres & seaux les gages que on leur donnoit, faucēt toute promesse, renoncent à leur droit de citoyen, laissent au Roy ses deniers par mespris, protestans ne vouloir plus auoir affaire à luy ny à ses sujets, & puis s'efforcent de machiner puis apres la ruine de ceux qu'ils ont ainsi abandonnez. Soit, refusez les presens d'un Prince, mesprisez la liberalité de vostre patrie, si bon vous semble: grondez mesmes tout vostre saoul de n'auoir esté salarié selon vos seruices: s'entuit-il de cela qu'il faille rompre la foy? Le pays m'a grandement offensé. Et quand il vous auroit outragé plus que ne dites, il ne faut pas se venger de ceux qui nous ont engendrez. L'ay laissé,

dira

dira quelqu'un, tout ce que j'auois receu du pays. Auez vous pas emporté, l'esprit, la science? Vous tenez cela de Dieu premierement, puis des coustumes, loix & façons de la patrie: & ne sera iamais loisible de combattre nature, ny d'offencer le pays de nostre naissance, ny de rompre la foy, quelques torts qu'on nous y ait faits. Au contraire il faut plustost perdre la vie, & se hazarder à souffrir tous les plus grands tourmens du monde, que de faucher la promesse ou d'estre traistre à son deuoir. Rompez la foy tant que voudrez, publiez vostre desloyauté par actes publics, laissez à la posterité vne notable memoire de vostre meschanceté: ce n'est pas le moyen d'appaier l'ire de Dieu, ny d'effacer vn opprobre perpetuel.

Pour reuenir à Magellan, il s'oublia iusques là de penser qu'il luy estoit loisible d'estre periure en quittant par tesmoignage public la fidelité par luy deuë au Roy & à la patrie. Aussi ne fit il difficulté d'excuter sa pensee, & se retira incontînét vers Charles Roy d'Espagne, luy donnant à entendre que les Isles Molucques situes delà la Chersonese d'or appartenoyent au partage du Roy de Castille, & qu'Emmanuel les vsurpoit sur son compartif. Il mena quant & soy Roderic Falier, qui faisoit de l'Astrologue, pour s'icher mieux ceste opinion en l'entendement de Charles. Aluar de Coste lors Ambassadeur en Espagne, se presente à Charles, luy ramentoit l'alliance des deux Roys, que c'estoit chose mal seante à sa grandeur de prester l'oreille à telles gens, qui controuoyent & faisoient accroire ce que bon leur sembloit, en aussi vaine & meschante conscience qu'ils auoyent abandonné leur Prince. Que tous hommes, sur tout les Roys, deuoyent detester & reietter les traistres, & que les fauoriser c'estoit nourrir vne peste assez forte pour arracher le nom & l'autorité Royale du cœur des hommes. Charles qui estoit de douce nature commēçoit à fermer l'oreille à ces nouueaux trouueurs de Molucques, si les Seigneurs d'Espagne ne l'eussent persuadé d'empoigner toutes occasions propres à agrandir son Empire. Pourtant ordonna-il que Magellan auroit quelques nauires pour aller trouver vn autre chemin en Orient. Car par l'alliance traitée entre les Roys Iean second & Fernand, lors qu'ils arre-

24.
*Dessein de
Magellā pour
trouuer les
Isles Moluc-
ques, & am-
ple discours
sur cela.*

sterét que chascun pourroit sans offenser l'autre, descourir & conquerir tout ce qu'il pourroit, il fut ordonné que les Espagnols ne suiuroient point la route des Portugallois, ains en prendroyent vne du tout opposite: à sçauoir que les vns vogueroyent à l'Orient, les autres à l'Occident, pour enuironner le globe des mers & de la terre. Par ce moyen il estoit permis à chascun d'eux, attēdu que le contenu de la mer & de la terre n'a de mesure en longitude & latitude que trois cens soixante degrez, de descourir & subiuir la moitié de ce nombre. Le Meridian seruoit de borne. On appelle Meridian vne ligne imaginee au Ciel depuis le Pole Arctique iusques à l'Antarctique, laquelle (quand le soleil y entre) montre aux habitans posez directement sous icelle qu'il est midy: & cōsideree en sa longueur (qui est l'espace terminé de l'Orient & de l'Occident) est à trente six degrez. ou enuiron distant de Lisbonne. Or l'erreur de Magellan & des autres qui l'ont suiuy, sur ce qu'ils debatent que les Moluques appartiennent au Roy d'Espagne, est procedé de plusieurs causes. Premièrement c'est vn ordinaire que quand nous ouurons vn chemin non frequenté au parauant, & lequel nous ne pouuons remarquer par certaines montagnes, destours, ou autres tels signes apparens, il semble beaucoup plus long, sur tout en la nauigation, où il est impossible de limiter l'espace de nostre route par monts, valles, ny par aucunes marques certaines. D'auantage, ceux qui cinglent en mers incognues, pour se vanter mieux, & faire qu'on les estime beaucoup, alongent les lieuës de moitié, afin que chascun les regarde par esbahissement, comme gens reuenus d'un autre monde. Il y a cela encor, que les mariniers & passagers non versés en Astronomie, quoy qu'ils disent, se trompent, pensans tenir la droite route, lors mesmes qu'ils ne font sinō voguer de rumb en rumb & errer à l'auanture. Pour preuue de cela, lon sçait qu'entre les fleues Indus & le Gange n'y a que dix degrez d'espace, & toutesfois Ptolemee leur en donne trente. Ce personnage, tresdocte Geographe, n'auoit pas veu le pays, ains se contentoit d'escrire ce que quelques hōmes dignes de foy, mais peu exercez en telles choses, luy en faisoient entendre. Or eux faisans

voile du fleuve Indus vers le promontoire de Cori, qui s'estend fort auât vers le Su, puis remontans de là au Gâge vers le Nord, mesuroyent l'espace de leur nauigation, comme s'ils eussent tenu leur route droite, ou vn peu pâchee vers le Su. Ceux de l'Europe, spécialement les Portugallois, furent trompez encor par vn autre moyen: c'est qu'estans de là le cap de bonne esperance, & voulans doubler à voiles desployees vne autre pointe qui s'estend plus doucement au Su, pensoyent auoir beaucoup plus fait de chemin que les nauires agitees çà & là des vagues esmeuës n'eussent peu faire: car ceste coste delà le cap de bonne esperance du Su au Nord est de merueilleuse longueur. Les vens qui soufflent de l'Est sont anniuersaires, & fort impetueux en certains temps de l'annee: comme aussi le flux & reflux est vehement à merueilles, à cause de la hauteur de la mer gouuernée par le cours & decours de la Lune. Estant ainsi donc que les vagues chassées d'incroyable violence de l'Est ou Orient à l'Ouest, & repoussées par les costes qui leur sont à l'opposite, roulent au Su, où l'ouuerture est plus aisée, & que de la pointe susmentionnée elles courent plus viste & plus loin de là le cap de bonne esperance, que lon ne pourroit aisémēt croire, cela retarde la nauigatiō des Portugallois: Dū cōmencement & lors que cela n'estoit pas biē cognēu ils pēsoyent auoir beaucoup plus auācé qu'ils n'auoyent. Toutes ces causes ont aussi engēdrē vn autre erreur, c'est que les limites des regiōs ont esté mal marquez par les Espagnols & Portugallois, qui ont adiōsté des fautes à celles de Ptolemee. Si est-ce que le different suruenu à cause des Moluques seruit d'vne chose aux Portugallois, c'est qu'ils furent beaucoup plus diligens à marquer les distances, ce qui ne se peut faire cōmodémēt que par les chāgēmens de la Lune. Car puis qu'il faut qu'à certain tēps la Lune décroisse par l'interpositiō de la terre, on ne scauroit marquer ce defaut de clarté en mesmes heures: pource qu'il cōuient, la nuit suruenant plustost en Inde, qu'en Portugal qui est plus à l'Occident, que le defaut de la Lune qui se fait en mesmes tēps nous apparoiſſe à diuerses heures. Dōques la mesure des heures vuidē toute ceste dispute, car en chascune heure le Soleil s'auāce de quinze degrez. Or des gēs experts,

bien instruits & resolu de cela par Pietre Nonio le plus excellent Mathematicien de nostre temps, ont remarqué que depuis l'embouschure du fleuve Indus iusques au plâ de Lisbonne la course du Soleil dure six heures. Depuis le fleuve Indus iusques aux dernieres bornes des Isles Molucques, vers Orient, lon compte quarante deux degrez, lesquels adioustez à nonâte feront cent trente deux. Si vous y adioustez encor trentesix degrez d'estendue depuis Lisbonne à l'Occident, terminez au Meridian posé pour limite aux Roys d'Espagne & de Portugal, vous trouuerez cent soixante huit degrez. Encores selo ce calcul resterôt aux Portugallois douze degrez à descouurir, & pourrôt occuper tout ce qui est sous ces douze degrez, sans faire tort à nul Prince Chrestien: tant s'en faut que Magellan ou autre puisse à bon droit adiuger, les Molucques aux Roys d'Espagne. Si est-ce qu'une telle dispute troubla l'Espagne entierement, de sorte q les deux Roys, Princes de bon naturel, parens, aliez & bons amis, furent sur le point de s'entreguerroyer, le tout par la mauuaitié de Magellan. Et pour reuenir à luy, le Roy entendant par Coste son Ambassadeur ce qui passoit, assembla son conseil pour y aduiser: mais on ne conclud rien. Coste taschoit retenir Magellan par belles promesses, & par fois le contraignoit d'estre perplex en son opinion. Toutesfois esperant plus grande recompense, s'il perseueroit en sa reuolte, que demeurant fidele, il ferma l'oreille aux remonstrances & belles parolles de Coste. Ainsi apres auoir negocié à souhait avec le Roy d'Espagne, Magellan & Falier prennēt le chemin de Seuille: mais Falier desplaisant de s'estre ainsi oublié, mourut de tristesse au bout de quelques iours.

25.

*Nauigation
hardie et me-
morable de
Magellā aux
Molucques:
le destroit que
il trouue à
cinquante*

Q V A N T à Magellan il s'embarqua avec vne flotte de cinq nauires, ayant toute puissance de vie & de mort sur les Capitaines, soldats, pilotes, & matelots, & fit voile le dixiesme iour d'Aoust, l'an mil cinq cens dixneuf, pour descouurir les pays qu'il n'auoit oncques vus, ny ouy homme qui en fust retourné, ains par opinion seulement se persuadoit d'y pouuoir arriuer. Il n'y a chose tant soit difficile qu'un homme de grand cœur & pressé de desespoin n'entreprene. Apres auoir passé le Bresil, il poursui-

*trois degrez
de là l'Equa-
teur, & le
succes de ce
voyage.*

uit sa route vers le Midy, iusques à passer cinquante trois degrez de là l'Equateur: tellement qu'en l'an mil cinq cés vingt au moys de Septembre il trouue vn destroit, nommé depuis le destroit de Magellan, pour memorial perpetuel de son entreprise. Mais le froid picquoit si asprement les pauvres Espagnols, que plusieurs en moururent en grand pauvereté. On dit que ce destroit a vingt lieues de longueur. L'ayans passé il reprit sa route vers l'Equateur, & retrouua l'air plus doux & temperé. Pendant ce voyage il se trouua reduit en beaucoup de dangers: car les Capitaines & soldats Espagnols le voulurent quitter, & machinerent sa mort: à l'occasion dequoy aucuns d'eux furent executez, & finalement luy mesmes, ayant aydé à vn certain Seigneur qui luy auoit demandé secours, la guerre estant acheuee fut tué traistrement par ce Seigneur en vne Isle nommee Mata: tellement qu'un traistre en chastia vn autre de ses trahisons. Deux nauires seulement de ceste flotte (car les trois autres estoient peries) arriuerent en Tidore, l'une des cinq Isles Moluques. Le huitiesme iour de Septembre l'an mil cinq cens vingt deux, l'une de ces nauires print port à Senille en Espagne. D'autant que l'autre estoit fendue & faisoit eau, les Espagnols la tirent à terre pour la calfeutrer, & apres l'auoir auistuaillée reprindrent leur route vers le Septentrion. Or pource que les viures leur faillirent & que plusieurs mouroyent de froid, ils furent contraincts de faire voile en arriere. Estans arriuez aux Moluques, ils entendirent qu'il y auoit des Portugallois seiournans en l'Isle de Ternate, ausquels ils enuoyent promptement vn des leurs, les priant de secourir au besoin ceux qui estoient voisins & de mesme religion. Que leur nauire estoit dissipée & rompue, la plupart de leurs gens morts, les autres griefuement malades. Anthoine Britio, lequel commandoit alors en ces Isles de la part du Roy Emmanuel, enuoya tout soudain Garsie Hériquez avec quelques batteaux, sur lesquels il chargea les compagnons de Magellan, & leur fit fort bonne chere. Leur nauire fut mise en pieces, & eux allerent en Inde, & de là reuindrent en Espagne. Telle fut l'issue de ceste nauigation de Magellan.

Pour reuenir aux affaires de l'an mil cinq cens dix-

*Diuerses cour
ses et victoi-
res d'Aluar
Norogne sur
les Mores A-
fricains.*

neuf, le neufiesme iour de Feurier Aluar Norogne, gou-
uerneur d'Azamor, accompagné de deux cens trente che-
uaux & cent hommes de pied, fit vne course sur les Mo-
res d'Enxouie, les desfit en plaine campagne, emmena
deux cens dix prisonniers. De rechef le vingt-cinquiesme
iour du mesme moys il fit vne traitre de vingt quatre
lieuës, & donna dedans les pauillons de Nacerbendume,
l'vn des Seigneurs d'Enxouie, print prisonniers deux de
ses fils, deux femmes, vne fille, plusieurs siens parens, &
grand nombre d'autres. Sur son retour vn homme d'ar-
mes Portugallois commit vn acte cruel & barbare. L'vn
des fils de Nacerbendume auoit fiancee vne belle More,
laquelle portoit aux bras & aux iâbes des brasselets d'ar-
gent, pelans beaucoup, & de grand pris. Cest homme, nō-
mé Anthoine Leitan, amoureux del'argent, pour l'auoir
plus aisément, coupa les bras & les iambes à ceste pauvre
espouse. Norogne luy dit vne infinité d'outrages à cause
de ceste cruauté, luy oste les brasselets, l'emprisonne, &
le contraint de s'en retourner tout confus en Portugal.
Le vingtiesme iour du moys de May suiuant, Norogne
mena les troupes contre d'autres bandes de Mores en ce-
ste mesme prouince d'Enxouie, print en chemin bon nō-
bre de Chameaux chargez de diuerses choses, monta la
pente de la montagne sur le commencement de la nuict,
& admonnesta sa guide de le mener par quelque chemin
pierreux, afin que les ennemis ne peussent recognoistre
son chemin au trac des cheuaux. Puis s'estant reposé deux
heures, apres que tous furent resueillez & prests, il fit
trois escadrons, dont le premier fut baillé à Anthoine
Lopez de Siqueire, le second à Iacques Melio, & luy
retint le troisieme où il y auoit plus de soldats. Ils mar-
cherent quelque temps en grand silence, & d'vne impe-
tuosité soudaine assaillirent les ennemis, & les contrai-
gnirent de gagner au pied : tellement toutesfois qu'il en
demeura trois cēs quatre vingt & deux prisonniers, avec
vn merueilleux butin. Les ennemis ayans haussé quelque
signal eurent en peu d'heure tant de gēs accourus de tous
costez qu'ils firent vne armee entiere, & suiuent les Por-
tugallois qui se retiroyent en rang de bataille. Mais vn
brauc Capitaine des Mores confederez nommé Zali

Bembarque, delibera de faire quelque beau coup en presence de Norogne & des autres, alla tout seul se fourrer la lâce baissée à trauers les ennemis. Norogne voulant secourir ce capitaine, le suit de pres & donne aussi dedans, de sorte qu'à ceste premiere charge trente des ennemis demeurèrent sur la place & yn des principaux de leur armee fut prins : dont les autres estonnez s'arrestèrent tout court, & ainsi Norogne despestre de cest empeschement, marchoit en ordre vers Azamor avec ses forces. Il falloit passer à gué vne certaine riuere, mais de peur que le bestail butiné ne troublast les rangs & empeschast le passage, Norogne en donna bonne partie à vn More cōfederé. Apres auoir passé le gué avec tout le reste du pillage, il demeura coy l'espace de deux heures avec ses gens, & prindrent leur refection en presence des ennemis arrestez de là le gué, attendant qu'ils passent vers luy pour leur donner le combat. Mais pource qu'ils n'en voulurent pas manger, il ramena ses troupes en Azamor. Quelques iours au parauant, sçauoir est que le vingt-cinquième de Mars, ayât resolu d'attrapper quelques autres bandes de Mores, il rencontra certains coureurs à la desbandee, & en print prisonniers cinquante : les autres se sauans à la course donnerent l'alarme par toutes les tentes & cōmunes, s'amaissant de toutes pars, ce que Norogne voyât se rerira dans Azamor avec ses prisonniers, ne voulant venir aux mains contre tant de gens. Le vingt-huitiesme du mesme mois il sortit pour surprendre quelques autres cōpagnies d'ennemis. Mais ayant rencontré sans y penser leurs auantcoureurs en grand nombre, il fit marcher Lansarot Freite avec soixâte cheuaux pour soutenir la premiere charge, & luy suivit pour faire espau-le avec le reste. Le combat fut sanglant, plusieurs des ennemis demeurèrent sur la place, soixante prins, & les autres se sauuent de viffesse. Entre les prisonniers estoit vn capitaine bien estimé, qu'ils appelloient Arhage, aagé de cent ans, qui alloit encores vaillamment à la guerre, & conduisoit sagement ses soldats. Deux iours apres, Norogne ne pouuât demeurer oisif, assaillans à l'impour ueue vne villette des Mores nommée Siner, l'emporta d'assaut, emmena trois cens cinquante huit prisonniers en

Azamor, & dona le reste du butin aux Mores cōfederez. *Exploits de* Cæ n'estoit pas Norogne seulemēt qui molestoit ainſi *Vasque Fer-* par ſes courſes les ennemis: ains auſſi ſes capitaines tra-
nand Caſar. uailloyent d'autre coſté par ſon commandement. Entre
 autres il donnoit diuerſes commiſſions à Vaſque Fernād
 Caſar, colonne des cheuaux legers, ſur la vaillance du-
 quel il ſe repoſoit, afin de faire aux Mores du pis qu'il
 ſeroit poſſible. Alors donc, Caſar entendant d'un ſien
 priſonnier qu'il y auoit vne compagnie de coureurs en
 vn lieu nommé Fornigno, pour faire le gaſt, il y alla prō-
 prement, les mit en route, en tua quelques vns, & prit
 leur capitaine. Norogne ayant ſceu d'autre part qu'au
 territoire de Til y auoit grand nōbre d'ennemis enuoyez
 pour fourrager & ſurprendre les Portugallois qui volti-
 geoient par la campagne, y enuoya le capitaine Caſar,
 lequel fit toute diligēce: mais les gens de cheual s'eſtoyēt
 ia retirez, & ne reſtoient que les pietons avecleſquels il
 eut fort à faire, car ils ne voyoyent moyen d'eſchapper
 ny de rataindre les cheuaux, ains faloit combattre vail-
 lamment. Toutesfois apres auoir perdu vne partie de
 leurs cōpagnons, les ſuruians ſe ſauuēt en vne moſquee
 baſtie pres de là, où ils ſe ramafferent & firent teſte plus
 reſolument que iamais. Finalement Caſar gagna les
 degrez, eſtant ſuiuy de François Vaſcia, & du ſecretaire
 Roderic, puis de tous les autres qui prindrent courage,
 voyans leur capitaine marcher le premier. Eſtans donc
 paruenus au plus hant de la moſquee ils aſſaillēt de pres
 leurs ennemis. Caſar en empoigne vn des plus eſchauffez
 & le iette du haut en bas. La meſlee fut ſi furieuſe que
 pas vn des Mores n'eſchappa: auſſi ne ſe contētoyent-ils
 pas de reſiſter à coups d'eſpees & poignards; ains auſſi
 embralloient les Portugallois, & s'eſſorçoient les pre-
 cipiter en terre. Encores que ceſte rencontre ne fuſt pas
 grande à cauſe du petit nombre de ſoldats, ſi eſt-ce que
 les victorieux en furent grandement eſtimez: car les en-
 nemis eſtoient vaillans; bien deliberez & combatans
 obſtinément d'un lieu auantageux, tellement que quoy
 qu'ils viſſent la mort preſente, ſi eſt-ce que pas vn d'eux
 ne ſe voulut rendre, & aimerent mieux demeurer ſur la
 place qu'eſtre emmenez eſclauſes. Peu de temps apres le

Roy appella César pour venir garder avec quelques vaisseaux le destroit de Gibraltar.

28.

Il y a vne ville au territoire d'Enxouje, en lieu haut, bien fortifiée de murailles, rempars & boulenards, à quatorze lieues d'Azamor. Au pied de la vallée coule vn fleuve, au riuage duquel comence la pente sur laquelle ceste ville est assise. Norogne desiroit fort la pouuoir surprendre. De fait le dixiesme iour d'Auril en la mesme année mil cinq cens dixneuf, il l'assaut, chasse à coups de mousquets ceux qui se monstroyent sur le rempart, fait planter les eschelles, & durant quelques heures tasche par tous moyens d'y entrer: mais les citadins le repousserent viuement. Ainsi Norogne voyant que c'estoit peine perdue de les vouloir attrapper par ce moyen s'en auisa dvn autre, qui fut de choisir les plus vaillâs de ses troupes, lesquels tascheroyent d'enfoncer les portes à coups de coignées, combien qu'ils fussent en danger extremes à cause des murailles. On ne les sceut onques empêcher que malgré les cailloux & traits qu'on leur lasehoit, ils n'enfonçassent les portes, ayans arraché les gonds ausquels elles estoient pendues, car pour expedier tant plus viste. Norogne leur auoit commandé de couper les gonds au plustost qu'il seroit possible. Incontinent que l'ouuerture fut faite, les Portugallois tascherent d'y entrer. Les ennemis amassez ensemble resisterent courageusement & longuement: mais les assaillans emporterent finalement la place avec grã meurtre des ennemis: les autres se glissans à bas & gagnans la riuere, non pas tous, car aucuns se rompirent le col en descendant plus viste qu'ils ne vouloyent. Il y eut grand nombre de morts, & deux cens cinquante six prisonniers: les assaillans ne perdirent personne, & n'eurent que dix blesez. Cela si bié executé Norogne remena ses troupes en Azamor, sans laisser garnison en ceste ville prinse, son intention estant d'effroyer les ennemis, & leur faire conoistre qu'ils n'auoyent place tant forte fust elle, qui fust asseuree pour eux. Le huitiesme iour d'Octobre il sortit aux champs pour desfaire la compagnie d'Allimaimô vaillât capitaine More: mais ayant rencôtré & prins quelques coureurs, & voyât qu'il ne pourroit surprendre l'ennemy, il se retira. Six

*Autres cour-
ses & belles
victoires de
Norogne.*

iours apres il enuoya descouurer & recognoistre où estoient campez certains capitaines qui auoyent prins vne troupe de chameaux allans de Safin en Azamor, & emmené pour estre esclau vn des principaux entre les Mores confederez. Les auant coureurs prenēt trois Mores & les amēnent à Norogne, lequel entend d'eux que les ennemis estoient campez à vingt deux lieues de là. Incontinent Norogne partit pour les aller trouuer, & marcha toute la nuit: puis le lendemain tout le iour il se tint à couuert, de peur que les ennemis sentissēt sa venue, & comme la nuit approchoit, prit le chemin de Tamaroch, ayant sceu que ceux qu'il cerchoit estoient campez assez pres de ce lieu. A l'approcher il partit sa compagnie en trois, & dit aux capitaines ce qu'il vouloit que chacun d'eux fist. Puis d'une viffesse incroyable il chargea si rudement les ennemis prins en desarroy, qu'il en mit vne partie au fil de l'espee, les autres en fuite, pilla leur camp, emmenant avec deux cens cinquante prisonniers vn grand butin de bestail à laine & à corne, des cheuaux & chameaux. Et craignant que ses soldats trop affriandez au pillage ne s'elcartassent, tellement que les ennemis ramassez des lieux voisins pourroyent leur courir sus à l'auantage, il fit sonner la retraite, & estoit à minuit quand les troupes quitterent le camp des ennemis pour se ranger ensemble. Cependant les Mores s'assemblent de tous costez chascun empoignant le premier baston qu'il rencontroit, & acourent apres Norogne & les tiens qu'ils endommagent grandement à coups de pierres, de dards & de leuiers, ceste premiere charge continuant en plaine nuit l'espace de deux heures. Si tost que le iour se monstra, on descouurit le grand nombre des ennemis: & lors Norogne renga de rechef ses soldats, & leur fit vne harâgue pour les encourager à bien combattre, & quittant son cheual recru du travail precedent, monta sur vn autre. Le combat recōmēça, mais à coups d'espees & de picques. Norogne se retiroit en ordre au petit pas, & par fois desbandoit à trauers l'ennemy pour les empescher de suiure si pres. Or comme il couroit à lance baissée contre vn More importū entre les autres, lequel il trāspēça & abatit de ce coup

en retirant son bois, il receut tel coup en la teste, qu'il tōbe esuanouy par terre. Le capitaine Cæsar, lors de retour de la flotte à cause de l'incommodité de la saison, acourt à l'aide avec vn autre vaillant homme nommé Martin Gilles & quelques soldars, qui soustindrent les assaillās iusques à ce que Norogne, secouru de ses gens, eust repris ses esprits, & fust remonté sur vn cheual que son escuyer luy bailla. Lors il marcha en l'auantgarde avec la baniere royale, laissant Jean Freite & le procureur du Roy sur la queue, où il ne pouuoit estre à cause de sa foiblesse pour faire teste aux ennemis qui escarmouchoyent asprement. Les Portugallois de l'arrieregarde firent merueilles ce matin: car outre ce qu'ils portoyent tout le faix du combat, ils faisoient aussi tōber beaucoup des ennemis. Apres soleil leué, le combat fut plus aspre, qu'au parauant, neantmoins en despit des poursuiuās les Portugallois emmenerent leur butin dans Azamor, marchans iusques là en rang de bataille. Deux cēs Mores ennemis furent tuez en ces escarmouches, nul des Portugallois: vray est que plusieurs furent blesez, froissez, & aucuns mutilez de leur membres. Ce fut vn accident memorable, & dont les Mores se trouuerēt merueilleusement estonnez; car Aluar Norogne estoit fort seulement avec deux cens cinquante cheuaux & trente cinq hommes de pied. Les Mores d'Enxouie auoyent mis en campagne cinq cēs cheuaux & force pietons. Or d'autāt que les ennemis auoyent commencé le combat à coups de pierre, long temps depuis il fut parlé de l'escarmouche de pierres, & ainsi fut appelée des soldars. Depuis ceste rencōtre plusieurs des ennemis demāderent la paix, & s'assuiettirent à la domination du Roy de Portugal.

29.

Courses de

ENVIRON le mesme temps, Iean Coutin delibera de *Iean Coutin* forcer vn grand village où demeuroyent quelques gens *sur les Mo-* de cheual fort braues à la guerre, & pour cest effect *des.* manda secours à Edouard de Menefez, qui luy enuoya cent cheuaux sous la charge d'André Henriquez. Coutin fort des le soir, ne peut arriuer au village qu'enuiroin le point du iour, par la malice de celuy qui le guidoit. D'autrepart le bruit estant couru par le rapport des couteurs ennemis, qu'il y auoit quelques gens en cāpagne (cōme il

fut impossible qu'une si grosse troupe marchast à cou-
 uert) & se doutant qu'on leur en vouloit, quitterent le
 village à Coutin, & se retirerent presque tous en autres
 endroits. Ceux qui restoyent se defendirent courageuse-
 ment, toutesfois il y en eut seize tuez & quarante quatre
 prins prisonniers. Les Portugallois y perdirent trois des-
 leurs, puis diligenterent de retourner avec leur proye par
 vn autre chemin plus propre. Pierre Lopez d'Azeuede
 fuiui de sept cheuaux marchoit par l'autre voye que Cou-
 tin auoit laissée: & descouuert par les ennemis qui acou-
 rurent incontinent de toutes parts fut chargé tellement
 qu'Aluar de Taire fut tué, puis Azeuede mesmes qui
 couroit pour le secourir, avec vn sien seruiteur qui cō-
 battoit pour sauuer son maistre. Gaspar de Cugne fut
 transpercé de trois iavelots. Comme le capitaine des
 cheuaux legers galoppoit pour venir desgager Azeue-
 de, son cheual luy fut tué entre ses iambes: il fut donc
 sur le point de perdre la vie, & son fils receut deux coups
 de dard qui le blesserent griefuement. Les ennemis tas-
 choyent de gaigner vn destroit pour couper chemin
 aux Portugallois. Coutin doubla le pas au chemin qu'il
 tenoit pour s'emparer le premier de ce passage, & y
 vint à temps pour recueillir ceux qui estoient pourfuiuis
 des Mores, auquel il mit en teste certains archers qui bri-
 derent aucunement leur violence, & le destroit fut gai-
 gné avec grand travail & danger. Ce saut perilleux
 franchy, les espions rapporterent à Coutin qu'une armée
 d'ennemis approchoit pour l'enclorre. Alors laissa vne
 partie du butin & se retira vistement avecques ses troupes.
 Les ennemis perdirent beaucoup de gens: car les Portu-
 gallois en soustenant la charge en abbattoient tousiours
 quelques vns: mais ce ne fut pas sans grand danger, car
 peu s'en salut que Coutin & tous les siens n'y demeuras-
 sent. Peu de iours apres Manuel Mascaregne demanda
 soixante cheuaux à Coutin pour executer vne entreprise
 qu'il auoit dressée, & tira droit vers la riuiera de Bená-
 mur, laquelle trauessee luy & les siens gaignerent la mon-
 tagne, & sur le soir retourna avec force pillage & cinq
 prisonniers seulement. Mais à l'approcher d'un village
 assis sur vne longue pointe de la montagne & nommé Be-

*Course de
 Manuel Mas-
 caregne.*

namarem, les ennemis s'amasserent de tous les lieux dalentour. Mascaregne recula quelque peu, puis s'arresta tout court afin d'attendre & recueillir ceux qui estoient demeurez derriere. Ce pendant suruindrent cent archers couuerts de targes à la Moresque avec quelques cheuaux qui de pied coy comencerent à descocher force flesches contre les Portugallois. Lors Pierre de Menesez, qui monstroït le chemin, exhorta Mascaregne de faire marcher vers la riuere le bestail à laine & à corne avec quelques soldats, veu que les ennemis taschoyent par le moyen de certaines chaussees de clore le passage. Mascaregne suivant cela enuoye dix hommes de cheual avec le butin, & leur donne charge d'empescher que lon ne fist ces leuees de terre: ce qu'apperceu des ennemis ils firent plus d'effort qu'auparauant. A raison dequoy Menesez dit qu'on ne pouuoit couter le combat: car il faut (dit-il) iouer icy des coursteaux, ou sur le bord de la riuere, & pourtant ie suis d'avis que ce soit plustost en ceste campagne rase qu'au passage de l'eau. I'en suis d'avis: respond Mascaregne sus copagnons, courage! frappez hardiment. Disant ces paroles il donne des esperons à son cheual qui l'emporte de telle viffesse qu'auant que les siens peussent l'atraindre il auoit ia donné coup de lance, & porté vn des ennemis par terre. Les Mores luy rendirent son change: mais il estoit si bié armé qu'autre mal ne s'en ensuiuit, fors la perte du cheual qui fut tué. Pierre de Menesez, Anthoine Coutin & Louys Vaillant picquerent les premiers pour aller au secours de Mascaregne qui estoit fort engagé: & furent tât bien suivis, & la charge des Portugallois si furieuse, que les ennemis tournerent le dos, laissant septâte six morts & quarâte deux prisonniers. Tous les Portugallois s'en retoutneret, mais blesez pour la pluspart. Quelque temps apres ceste course, le Roy de Fez avec trois mille cheuaux courent au territoire d'Arzile, & n'auint rien de memorable en l'escarmouche qui fut dressée, sinón la mort d'un capitaine More nommé Arroaz, contre lequel Manuel Mascaregne auoit desiré s'esprouuer. Iceluy estant à costé du general Habraheim, fut renuersé mort d'un coup de boulet tiré par vn cordonnier, lequel combattoit avec la harquebouze à cheual, & qui receut aussi

une harquebuzade des ennemis, dont il mourut, non comme vil artisan, ains en qualité de braue soldat, ayant tué vn si grand capitaine qui auoit occis beaucoup de Chrestiens.

30.

*Guerre de No
nio Mascare-
gne gouver-
neur de Safin
contre les ha-
bitans de Ga-
rabie reuoltez
les diuers ac-
cidens & fin
d'icelle.*

EN ces entrefaites Nonio Mascaregne, gouuerneur de Safin, s'asseurant que la paix faite avec les Mores de Garabie tiendroir, ne pensoit aucunement à leur courir sus. Mais ayant entendu qu'ils s'estoyent reuoltez, cela luy fit changer d'auis. Or deux de ces Mores vindrent à luy, & promirent de tuer vn capitaine du Roy de Fez, lequel auoit sollicité ceste reuolte. Il ne falut pas grâd preuoir pour consermer ces Mores en leur deliberation, car ce sont gens à vendre, enclins à faire vn meschant coup, tellement que pour peu de chose, ils seruiron de tueurs à louage. Ainsî donc de leur bon gré, & allechez par ce qui leur fut donné, ils depeschent ce capitaine. Ceux de Garabie ne faisoient que changer d'habitation, craignans quelque venue: mais le meurtre du capitaine, qui leur seruoit de chef & de bras, les contraignit de demander la paix à Mascaregne, en telle sorte neâtmoins qu'ils demandoient argent pour s'estre ainsî rangez sans combat. La response de Mascaregne fut que la liberté qu'ils auoyent de cultiuer leurs terres estoit suffisante recompense de leur deuoir. Eux non eontens de ceste response, se liguierēt avec vn seigneur More nommé Oleidambram, & s'estans campez auprès d'vn lieu appelé les Salines, commencerent à guerroyer asprement les confederez de Dabide, lesquels auertissent Mascaregne du iour assigné par ceux de Garabie pour les venir visiter avec toutes leurs forces. Mascaregne y enuoya le colonnel de la caualerie legere avec septante cheuaux, suivis de Zaide & d'vn bataillon de Mores. Les ennemis entendans que les Portugallois approchoient, & presumans que Mascaregne estoit de la partie, se retirerent craignans venir aux mains contre luy. Ceux de Dabide les chargent, eux au contraire tournent visàge, tuent quatre des poursuivans, & contraignent les autres de tourner le dos: mais quelques Portugallois acourans au secours, les ennemis eurent la chassie comme deuant, & pour lors le combat print fin, sans grand perte de part ni d'autre. Apres cela

Mascaregne sceut que par le rapport de ses espions que toutes les forces de Garabie estoient cāpees aux Salines, ayans non gueres loin de là le cāp d'Oleidanbrā. Incōtinnēt il mōre à cheual avec deux cens cinquāte autres, & fix vingt pietons harquebuziers & halebardiers, menāt aussi sept genſdarmes de Dabide, pour estre tesmoins de la iustice qu'il pretendoit faire de ceux de Garabie. Le quatriesme iour de Nouembre de cest annee mil cinq cens dix-neuf, il partit de Safin apres Midy, & apres auoir marchē douze lieues s'arresta, n'estant qu'à six lieues du camp des ennemis. Puis remonte à cheual enuiron la minuiēt, au point du iour partit sa troupe en deux, baillant l'vne au colōnel des cheuaux legers, retenant l'autre pour soy, & donne de deux costez si furieusement à trauers les pail-lōs, que tout trembloit & regorgeoit de sang: car plus de trois cēs hōmes y furēt taillez en piēces, & cēt septāte six arrestez prisonniers. Ceste bastōnade cōtraignit plusieurs de demāder la paix, & payer le tribut comme ils souloyēt auparauant. Toutesfois à cause que tous ne vouloyēt pas iōindre, ni s'assuietir au Roy de Portugal, ains cultiuoyēt leurs terres à vingt deux lieues loin de Safin, sous la protection du Xerif, Mascaregne resolut d'en auoir le bout. Iceux habitoyēt en vn endroit nōmé Mizquelle. Or craignant que les confederez, cāpez aupres de Safin, ne se reuolassent & suiussent le party des ennemis, il attēdit vn iour de foire, auquel plusieurs cōfederez venoyent en la ville. Cē iour venu, il retint pour ostages en sa maison, sous beau semblant & cōme ne pensant à cela, les principaux d'entre les Mores, & leur fit bōne chere: faissant fermer les portes, afin que lō ne se dourast de riē. Sur le soir il sortit avec deux cēs cheuaux & soixante pietōs, & ayāt cheminē quatre lieues, enuoya quatre auantcouteurs à la descouuerte, leur assignāt le rendez-vous où ils deuoyent retrouver. Puis s'estant tous reposez quelques heures, il fit resueiller chascun, marchant par mōtagnes & lieux escartez, de peur qu'aucun ne peust deuiner où il alloit, & gaigna vne forest espaisse pres d'vne riuiera nōmee Iolge dans laquelle il se tint coy quelque tēps avec ses troupes. Apres soleil couchē, il print son chemin, tant qu'il se vid pres d'vne mosquee, qui estoit le rendez-vous des quatre

auant coureurs. Personne n'osa s'endormir lors, à cause
 du grand nombre de lions qui repairent en ces quartiers
 là. Enuiron vne heure apres minuit, les auantcoureurs ar-
 riuèrent, rapportas que le camp des ennemis estoit à dix
 lieues de là. Mascaregne laissa dedans ceste mosquee
 vingt pietons qui ne pouoyent plus marcher, & dix
 hommes de cheual, desquels il ne s'asseuroit pas trop,
 & fit charger en croupe des cheuaux les autres gens de
 pied. Le iour commençoit à poindre, lors qu'ils appro-
 cherent du camp. Blaïse de Sylues, conducteur de l'a-
 uantgarde, descendit en la vallee, suyuant l'auis de Mas-
 caregne, avecques cent cheuaux. Il auint la dessus que ces
 hommes de cheual marchans à la file doubloyent telle-
 ment le pas, qu'un de leurs compagnons des derniers es-
 tant tombé par terre quinze autres s'arresterēt pour l'at-
 tendre & luy aider : & voulans puis apres rattraindre Syl-
 ues qui estoit desia bien loin, ils prindrent le chemin de
 la montagne. Quant à Mascaregne il les suiuit à la trace,
 estimant que Sylues auroit prins ceste route, pour auoir
 (peut-estre) entēdu que les ennemis se seroyent remuez.
 Ceux qui estoient montez les premiers en la montagne
 entendirent incontinent un merueilleux tintamarre en
 la vallee, & ce pendant ne pouoyent se resouldre de ce
 qu'il falloit faire. L'un d'entre eux enuoyé vers Mascare-
 gne, luy declaire l'erreur commis, & demande quel
 party lon deuoit prendre : ce qui fit diligenter Mascare-
 gne, & lors il conut certainement que Sylues comba-
 toit les ennemis en la vallee. Il y auoit trois grosses ban-
 des campees en la montagne, & deux autres en la val-
 lee. Mascaregne estant arriué là craignit qu'en voulant
 desgager Sylues, les ennemis ne l'enueloppassent luy-
 mesmes, print autre auis, à sçauoir de courir sus aux
 plus prochains, & apres les auoir rompus, secourir Syl-
 ues plus seurement. Ainsi donc il charge viuement les
 premiers rencontrez, en taille plusieurs en pieces, prend
 septante prisonniers, fait couper les iarrers au bestail
 qui fermoit le chemin, afin que rien ne l'empeschast
 d'aller à l'aide de ceux qui combatoyent plus auant. Les
 ennemis ayans esté ainsi desfaits, Mascaregne double
 le pas pour gaigner la vallee : mais il ne sçauoit de quel
 costé

costé tirer, & les ennemis ramassez & prenans courage escarmouchoyent son arrieregarde & l'empeschoyent de conoistre le pays. Mais les huces de ceux qui combatoyent Sylues, estans paruenues aux oreilles de leurs compagnons poursuivans les dernieres troupes de Mascaregne, iceux commencerent à courir au secours: alors Mascaregne presumant ce qui estoit les suivit à la trace. Sylues auoit fait desia beaucoup, tué nombre d'ennemis, & gaigné force butin. Toutesfois les Mores reprirent courage, & avec quelques gens de cheual accourus à l'aide, chargerent Sylues. Mascaregne auoit commandé à vingt hommes d'armes, & à cinq autresarquebuziers & archers à cheual de doubler le pas avec le renfort des confederez: ce qu'ils firent, & trouuerent Sylues & ses gens au nombre de soixante cheuaux seulement (car les autres marchoyent deuant avec le butin) enfermez de toutes parts. Alors Sylues estoit ia griefuement blessé en trois endroits, & Gaspar Decio de mesme, ensemble son cheual. Quelques gentils hommes, de qui lon auoit tué les cheuaux, combatoyent à pied en grand danger de leurs vies. Iean fils de Fernand Magellan eut la jambe percee d'un coup de picqué. François Nonio estoit blessé à mort: le capitaine des cheuaux legers combattoit encores qu'il eust receu quelques coups. Vn des escuyers de Mascaregne s'adresse à vn vaillant capitaine More qui accepta volontiers le combat, & s'attacherent de si pres, que finalement ils vindrent aux princes & tours de bras, la lance & l'espee ne seruans plus de rien: & apres s'estre bien secourus & branlez sur leurs cheuaux, ils tombèrent tous deux à terre l'un sur l'autre, sans se vouloir ny pouoir desuelopper pour vn tēps. Les autres Portugalois estoient ensanglantez de diuerses playes. Brieft leurs affaires estoient tresinal en point quand le secours arriva, qui leur remit le cœur au ventre, & fit que les ennemis leur donnerent quelque relasche: tellement qu'ils commencerent à s'escrimer vn peu plus au large. Mascaregne les voyant en tel danger, commence à galopper: mais estant descouuert par les Mores leurs bras commencerent à s'engourdir. Lors Mascaregne apperceuans le passage libre, remena ses troupes en rang de bataille: & quoy que les en-

nemis escarmouchassent viuement sur la queue, toutesfois à cause que les Portugallois gardoyent bien leur rang, & demurerent maistres à toutes les charges qu'ils faisoient en tournant vilage, les Mores ne gaignoyent pas beaucoup à crier & tempester en ceste poursuite. Il y auoit vn lieu bocageux, fort estroit à l'entree & aguer-té de diuers sentiers tortus & pierreux, duquel les ennemis tascherent de se saisir viftement. Quand Mascaregne approcha des destroits, il disposa sur les aïsses de ses trou-pes les archers & harquebuziers, tellement qu'après a- uoir abatu quelques ennemis, les autres se retirèrent. Ce- la fait Mascaregne donna ordre de faire pèser les bleffez, & de peur que le travail du chemin ne les accablât du tout, il marcha au petit pas iusques aupres du fleue nôm- mé Diuce. Le lendemain sur le soir il entra dedans Safin avec gros pillage & les prisonniers. En toutes ces escar- mouches les ennemis perdirent cent cinquante des leurs & n'en fut tué plus grand nombre, pource que la lon- gueur du chemin empeschoyent de courir apres. Francis- que Nonio mourut au retour des playes qui luy auoyent esté faites. En toute ceste expeditiō Mascaregne employa six iours seulement, dont les ennemis furent merueilleu- sement effroyez, disans que les fortresses, ny la distâce des chemins ne pourroyent les garentir des maux qui les menaçoient iour & nuict: d'autant que rien ne pouuoit empescher ce capitaine Portugallois, hardy, sage, experi- menté & heureux, de tourmenter incessamment ceux qui ne luy estoient amis. Ainsi donc ils demanderent la paix, se rendas vassaux d'Emmanuel, baillerēt ostages & paye- rent le tribut sans aucun delay.

TEL estoit l'estat de l'Afrique en l'an mil cinq cens dixneuf. En l'année suiuaute, Iacques Lopez de Siquei- re, Viceroy des Indes au lieu de Soarez, équippa vne puissante flotte, pour entrer en la mer d'Arabie. Il y auoit vingt six vaisseaux de guerre, deux mille Portugallois & mille Indiens, qui firent voile du port de Goa au mois de Feurier, & fut laissé Alexis de Meneséz en Goa pour gouuerner l'Inde basse. Anthoine Saldagne s'estoit em- barqué denat, pour aller avecques cinq nauires en Zaco- tora, descouurir ce qui se faisoit en ceste mer Arabesque.

31.

*Estat des In-
des et les grā-
des auatūres
de Siqueire.*

1520.

Siqueire le rencôtra pres du cap de Guardafu, ou le vint trouuer Pierre Vasque de Vere que Soarez auoit enuoyé delà vers le Roy, lequel luy commanda de retourner au mesme lieu, esperant que Siqueire s'y trouueroit, ce qui auint aussi. Vere portoit lettres du Roy à Siqueire, par lesquelles il l'exortoît de guerroyer les Arabes. La flotte ayât fait aiguade au port de Mere en la coste d'Ethiopie, Siqueire print la route de la mer susmentionnee, mais sa capitaineſſe se brisa, tellemēt qu'exceptez les hōmes tout ce qui estoit dedans perit en mer. Siqueire monta dans la nauire de Pierre de Far: comme il vouloit entrer dedans le gouſſe, vne tourmente l'agita de telle sorte qu'il luy fut impossible de prendre port à Iude où il aspiroit, ains par l'auis de tous les capitaines alla mouiller l'ancre en vne isle nommee Mazua. Ceste isle touche aux riuage plus auancez en l'Ethiopie, & appartenoit au Roy Dauid qui auoit enuoyé Matthieu son ambassadeur vers Emmanuel. Les insulaires non acoustumez a voir telle flotte, se donnerent si grand peur qu'ils se retirerēt en terre ferme dans vne ville appelee Archique. Siqueire estoit descendu en ceste isle pour ſçauoir si Matthieu estoit vray ambassadeur du Roy d'Ethiopie, ou si c'estoit vn imposteur & charlatan, comme diſoyent les ennemis d'Albuquerque. Le gouuerneur d'Archique entendāt que la flotte de Portugal estoit si pres, enuoya des lettres d'amitié à Siqueire, declairant par icelles qu'il rendoit graces à Dieu lequel accomplissoit par effect les anciennes prophetie: car il diſoit que certains personnages de grande saincteté auoyent predit plusieurs anneés au parauant qu'en ces derniers temps arriueroyent en Ethiopie des vaisseaux chargez de Chrestiens venus de pays fort lointains. Siqueire recueillit gracieusement les messagers, leur donna quelque robes de soye, & ennoya au gouuerneur vn estendart de soye subtilement mise en œuvre, & garny d'une croix rouge au milieu. Le gouuerneur entendant qu'on apportoit cest estendart, accourut au riuage, ſuiuy de plus de deux mille personnes, qui voyans la croix se ietterent par terre: crians le nom de Christ fort haut par plusieurs fois, tellement que les Portugallois là presens ne se peurent cōtenir de pleurer. Finalemēt le gouuerneur ap-

procha du bord, où Siqueire se fit mener aussi, avec l'ambassadeur Matthieu lequel fut receu des Ethiopiens en grand honneur & signe de grande resjouissance. Apres quelques propos tenus de part & d'autre, Matthieu & Siqueire s'en retournerent en leurs naïres. De là, le president des Indes, homme vertueux & equitable, nommé Pierre Gomeze de Teixeira, alla quelques lieues auant en terre ferme, & paruint en vn grand monastere, où il fut humainement recueilly des moines, de la religion & abstinence desquels il contoit merueilles. Toutesfois il leur demanda pourquoy ils ne reconoissoient l'Eglise Romaine laquelle auoit primauté par dessus toutes les autres Eglises. Eux respondent qu'ils portoyent grand honneur au Pape, mais que les Turcs & Sarrasins les empeschoient de pouuoir aller librement iusques à Rome. Tâdis que Siqueire seiourna en l'isle Mazua, il fit vne cheuauchee par tous les quartiers d'icelle, ordonnât les endroits où lon deuoit creuser des cistermes pour cōseruer de l'eau douce, & marquant aussi la place cōmode, pour le bastiment d'un fort. Mais il n'y auoit point de lieu propre, & le naufrage suruenu auoit englouty les munitions portees en sa capitainesse pour fournir ceste forteresse. La rade de l'isle est bonne, & le port assure, mais la terre ne rapporte presque rien, & y a grande disette d'eau: n'ayant ceste isle tout au plus que huit mille pas de circuit. Au reste le gouuerneur d'Archique escriuit incontinent au Barnagas (ainsi appellent ils le Prince qui commande en vne grande estendue de pays, & à charge de le garder contre les ennemis, au nom du Roy) l'auctorisant de l'arriuee des Portugallois: luy vint les trouuer sans delay, suiuy d'un grand nombre de gens de pied & de cheual. Siqueire print terre, renga ses gēs en bataille, puis s'eflongnant quelque peu du riuage, attendit le Barnagas, lesquels de sa part posa deux cens cheuaux & deux mille pietōs en rang à vn trait d'arc loin de soy. Alors ces deux chefs s'entracolerent fort amiablement, & apres auoir deuils long temps de propos gracieux, plains d'offres & de seruices, & promis respectiuemēt de la part de leurs Rois tous moyens pour se maintenir l'un l'autre, vne partie du iour s'escoula. Puis ils confermerent so-

iennellement la paix, quoy fait le Barnagas se retira en la ville, & Siqueire en les nauires. Depuis ils s'entr'en-uoierent des presens: & finalement Siqueire pria le Barnagas de faire cōduire vers le Roy d'Ethiopie l'ambassadeur que celuy de Portugal luy enuoyoit. Le gouuerneur d'Archique eust ceste cōmission. Celuy qui alla en la place d'Edouard Galuan s'appelloit Roderic Limice, lequel menoit quand & soy vn prestre nommé Francisque Aluarez, qui a escrit vn grand liure de ceste negociation & de toute l'Ethiopie, imprimé en diuerses langues des long temps. Matthieu, ia renommé par tous les pays & royaumes du grand Negus, à cause de sa fidelité, acompagna Roderic & Aluarez: mais ayant fait enuiron trente cinq lieües de chemin il mourut en vn monastere nommé Bifam. Apres cela Siqueire alla fourrager & ruiner l'isle Dalaze habitee des Sarrafins: puis cingla vers Ormus, & trouua George Albuquerque au port de Calajate, lequel ayât charge de se rendre au cap de Guardafu, & n'y trouuant pas Siqueire, auoit dressé la route en Ormus. On ne scait pourquoy Siqueire differa d'assaillir la ville de Iude. Mais soit que les vêts luy fussent contrains, ou qu'il estimast ceste place ne pouuoir seruir aux Roy de Portugal, c'est chose asseüree que ceste flotte qui auoit tant cousté à equipper ne fit riē siñō s'enquérir si la cōmission de Matthieu estoit authentique, & mettre en terre l'ambassadeur de Portugal pour estre cōduit par des Chrestiens iusques au Roy d'Ethiopie. Sur la fin du mois d'Aoust Siqueire fit voile en Inde, print en ceste nauigatiō deux nefs Arabeques, approcha du port de Diu: mais entendant que la ville estoit pleine de soldats bien equippez, fournie de canon, & voyant ses vaisseaux mal en point, ses troupes diminuees, vne partie de ses gens morts de maladies, ne fut nullement d'auis d'assaillir lors vne si forte place, encores qu'il eust charge de ce faire. Melichiaz estoit absent, & commandoit en son lieu vn sien fils nommé Melichac, à qui Siqueire enuoya lettres & presens, dont il fut remercié, & reciproquement honnoré d'autres presens. Finalemēt il arriva en Cochim, où estoit desia George Brittio party de Lisbonne ceste mesme annee avec neuf nauires. La flotte de Siqueire perdit deux vaisseaux

en la nauigation, le premier fut la capitaineſſe, & le ſecond la galere de Ieroſme de Souſe, laquelle coulant en fond fit perir tout ce qui eſtoit dedàs, exceptez onze perſonnes du nombre deſquelles Souſe eſtoit. Ayans fait vingt lieües à pied en la coſte d'Arabie, en fin ils gagnèrent vne bourgade appartenante au Roy d'Ormus, & furent humainement recueillis, habillez, garnis de quelque ſomme d'argent par le gouuerneur, & menez à Calajate.

32.

*Belle hiſtoire
de la promeſſe
de deux freres
en vn combat
ſur mer
pres de Septe
en Barbarie.*

EN la meſme ennee ſe fit pres de Septe en Barbarie vn braue exploit de guerre, petit en ſoy ſi lon conſidere le nôbre de perſonnes qui s'en meſlerent, mais aſſez grand & fort notable, quand on prendra garde à la valeur de ceux qui l'excuterent. Deux freres courſaires, demeuràs à Teruam, eſcumoyent des quatre ans auparauint avec deux fregates le deſtroit de Gibraltar, & la coſte regardât au Midy. Gomeſe de Vaſconcel eſtoit gouuerneur de Septe. Auint qu'un des courſaires voulut ſe cacher en quelques iſles vis à vis de Septe, afin d'ailloir & ſe ruer à l'improuuee ſur les premiers paſſagers qui ne ſeroient bien ſur leurs gardes. L'autre rodoit cependant çà & là, pour faire ſigne à ſon frere quand il en ſeroit temps. Vaſconcel ayant deſcouuert ſes courſaires par quelques eſpions fit armer ſoudainement deux brigantins, ſous la charge de ſes deux fils, l'un nômé André, l'autre Michel. Septe eſt aſſiſe ſur vne langue de terre qui s'auâce en mer & fait du coſté d'Occident vne plage aſſez ſpacieuſe tellement qu'elle ſepare les deux ports de la ville aſſez loin l'un de l'autre, car l'un regarde l'Orient l'autre l'Occident. Par le commandement du gouuerneur les brigantins furent armez au port d'Occident, & ces deux ieunes capitaines auertis de doubler ceſte pointe de terre. puis aller enſemble droit aux courſaires qui ne les attédoient pas. Or il enioignit à Michel qui eſtoit le plus ieune de roguer le premier cõtre les ennemis. Tous deux eſcoutoyent de ſi grand deſir ce que diſoit leur pere, que par trop d'ardeur ils onblierent à excuter ſon conſeil: car le ieune ſe haſta tellement que ſon frere ainſné demeura biẽ loin derriere, & ne haſtoit pas fort ceux qui manioient les rames. Or donc Michel ailloit couraſeuſement la fregate des courſaires, qui eſtans beaucoup plus en nôbre, en vn

grand vaisseau contre vn petit, & tous gens de guerre, ayas vn chef experimenté, hardy & adroit, se mocquoyt de l'effort du brigantin, & mesmes sautèrent dedans, où il y eut vne terrible escrime. En fin, les soldats de Michel perdans courage se vont cacher en la sentine. Le gouuerneur qui voltigeoit au long de la mer avec quelques cheuaux pour voir ce passetemps, apperceuant les ennemis dedans le brigantin crie apres André, & luy fait signe qu'il aille viste ment secourir son frere. Mais auât que venir là, Michel à force d'armes fit desloger les ennemis de son brigatin, coupa les attaches qui le tenoyent lié à leur fregate, puis y ayant appelé & tancé ceux qui s'estoyent cachez en la sentine leur haussa le courage, & assaillit de rechef les ennemis, tellement que les vaisseaux accrochez, ils recommencerent de plus grande furie qu'au parauant. Le maistre du brigantin, son fils & vn sien parent furent tuez à coups de picques: Pierre Vieire fut blessé à mort: alors quatre ennemis sautent en la prouë du brigantin, mais Michel qui tenoit vne picque au poing en donna tel coup à l'ainé des coursaïres qu'il le renuerça mort, l'ayant par vne faueur speciale de Dieu atteint droit à la gorge. Apres ce coup il empoigne vne autre picque & donne de telle furie à trauers les trois autres, qu'il les contrainst regagner leur fregate, & trouue moyen de desgager son brigantin. Puis il court vers la poupe, criât apres le maistre que c'est qu'il falloit faire: car il ne scauoit que ce maistre eust esté tué. Alors iettant sa veuë sur Pierre Vieire il demeurâ tout esperdu luy voyant les boyaux hors du ventre. Neantmoins Michel qui estoit plus ieune luy demanda son aduis. Allez, dit Vieire, & faites sortir ceux qui se sont cachez: & puis qu'il n'y a plus que vous, gagnez le bord à force de rames. Incontinent il appelle ces caignardiers, ce que veu par les ennemis, & que les plus asseurez soldats de Michel estoient morts ou bien blesez, ils assaillirent de rechef le brigantin. Sur ces entrefaites André Vasconcel se monstra, & lors les ennemis lassez du combat, affoiblis de la perte d'vn de leurs chefs, voyans approcher secours frais, se retirerent. Michel demande de rechef aduis à Vieire, qui l'exhorte de voguer vers le riuage, afin de pousser la fregate des coursaïres en vn gué:

ce qui fut executé, avec si grand estonnement d'iceux qu'auec toutes leurs rames ils voguerent vers le riuage opposite: & se iettans en mer pour gagner le bord la plupart furent noyez: huit se sauuerent en terre, mais ils furent arrestez par le gouuerneur qui couroit çà & là. Par ainsi auant qu'André Vasconcel approchast, son frere puisné auoit finy la meslee. Je ne sçay laquelle des deux vertus est plus louable en ce ieune homme, ou la vaillance par laquelle il fit teste si courageusement tout seul, ou avec quelques blesez qui ne le pouuoient seconder, à des ennemis si resolu: ou la modestie, qui luy commanda de ne rien faire en tel accessoire que par l'aduis des plus experimentez. Les ennemis s'estans presentez peu de iours apres deuant Septe, le gouuerneur les mit en route, & les poursuivit iusques à vne riuiera qu'ils passerent à nage & à gué, non pas tous, car aucuns des leurs furent taillez en pieces. Or estant aduenü qu'un braue gëtilhomme nommé Anthoine Pereire tomba de cheual en terre, les ennemis, qui n'estoyent encores tous passez, se ruerent sur luy. Incontinent Michel Vasconcel accourut à l'aide avec cinq hommes de cheual. Lors il eut la cuisse percee d'un coup de lance: mais son frere André, Pierre Mendez, & autres estans suruenus, les ennemis gaagnerent & passerent la riuiera.

FIN DE L'ONZIEME LIVRE.



LE DOVZIESME LI- VRE DE L'HISTOIRE DE PORTVGAL.

SOMMAIRE.

1. Plaisante Histoire de vingt Portugallois, qui estans tous nuds à chenal font teste à deux cens cheuaux Mores, & se reti-
rent à sauueté.
2. Braue combat d'une Carauelle de Portugal, dans laquelle n'y
auoit que trois hommes de defense, contre une fregate de
coursaires: & quelques exploits sur les Mores.
3. Description du Royaume de Pegu & Indes, & alliance du Roy
auec les Portugallois.
4. Sedition & guerre au Royaume de Pacem, les euenemens &
la fin d'icelle.
5. Guerre contre le Roy de Bintam.
6. Rebellion de ceux de Coulam & ce qui s'en ensuiuit.
7. Voyages de George Quadre en Ethiopie, Arabie & Perse.
8. Mort de l'Empereur Maximilian premier, auquel Charles
cinquiesme succede à l'Empire, & le tribut excessif qu'il
imposa sur l'Espagne.
9. Renolte des Castillais à cause du tribut sur eux imposé: la guerre
qui s'en ensuiuit, & la fin d'icelle.
10. Guerre de Ichabentasuf contre les Mores de Dabide & de
Garabie renoltez de son obeissance.
11. Batailles navales de Vasque Fernand Cesar, dont il remporte
la victoire.
12. Trahison de Benaduxera cõtre les Portugallois en Azamor &
ailleurs, dont luy & son frere recoiuent leur payement.
13. Puissante armee nauale de Siquire pour assieger Din, & cõ-

me cela succeda.

14. Murmures des soldats contre Siqueire qui n'entreprend rien contre la ville de Diu.
15. Goa reduite à l'extremité par les menses de Zabaim, & par quel moyen deliuree.
16. Tumulte en l'Isle de Zeilan.
17. Guerre de Zeilan, & les accidents notables d'icelle iusques à la paix.
18. Conspiration du Roy d'Ormuz & de son conseil contre les Portugallois.
19. Siqueire induit par la fraude du Roy d'Ormuz à faire la guerre à Mochri Seigneur de la Mecque, & le succes de cela.
20. Conspiration contre Iehabentafuf, qui est traifreusement tué à table.
21. Edouard de Meneſez eſten & enuoyé Viceroy des Indes: voyage de George Albuquerque en Malaca, & la guerre qu'il fit au Royaume de Pacem.
22. Arrinee de George Brittio en l'Isle de Taprobane, où il est defait & tué avec les Capitaines & principaux de sa flotte, & que devint le reste.
23. Bataille navale de Iacques Fernand de Begie pres du port de Diu, & autres exploits en celuy de Chaul.
24. Mariage de Charles Duc de Savoye avec Beatrix fille d'Emmanuel Roy de Portugal.
25. Cruelle bataille navale entre Hagamahemed & les Portugallois au port de Chaul, & l'issue d'icelle.
26. Siqueire quitte le gouvernement à Meneſez: & ce qui aduint de rechef pres de Chaul iusques à la paix faite entre Meneſez Viceroy & Melichiaz gouverneur de Diu.
27. Exploit de George Albuquerque en l'Isle de Bintam: & la navigation d'Anthoine Brittio vers les Molucques.
28. Sedition en Ormuz contre les Portugallois la plupart tuez, les autres bleſsez se ſauvent (apres grand combat) dans la Citadelle.
29. Valeureux ſaits du Capitaine Veigue, & la bataille navale en Ormuz.
30. Braue reſiſtance & diuers stratagemes de Garſie Coutin gouverneur de la Citadelle d'Ormuz.
31. Fuite du Roy d'Ormuz, eſtranglé puis apres par le commandement de Xeraſſon beau pere.

32. Courses des Portugallois & Mores en Barbarie, avec diuers euenemens.
33. Rencontre & bataille entre Vafque Fernand Cesar & vne nauire Angloife: ensemble autres accidens diuers.
34. Maladie, mort & enterrement du Roy Emmanuel, avec vn long discours de fa maniere de viure & de ses faits.

EN ceste meſme annee aduint vn cas, qui ſemblant tirer apres ſoy vne ſanglante guerre tourna finalement en riſee. Le Roy de Fez Prince belliqueux & ennemy de repos, reſolu d'entretenir ſes gens en continuuel exercice des armes, ne ceſſoit de faire courſes ſur les Portugallois. De fait, il fourragea le territoire de Tingi, & emmena quelque butin: puis ſe voyant maiftre de la campagne tira contre Arzile. Il y auoit lors en Arzile vn Citadin de bas eſtat, aimé de tous à cauſe de ſa preud'hommeie, qui de long temps eſtoit malade & deſailloit de iour en iour. Les Medecins luy enioignirent d'vſer en ſes repas de tortues de riuiera: ce que ne pouuans recouurer en la ville, il ſe plaignit à quelques amis d'eſtre priué du ſeul remede conuenable à la guerifon. Sur cela vingt hommes de cheual promirent luy en aller querir, moyennant que Iean Coutin gouuerneur de la ville leur donast congé de ſortir aux champs, ce que Coutin leur accorda volôtiers. Eux ſe mettēt en campagne, ſe rendent au bord de la plus proche riuiera de la ville, desbridēt & deſſellent leurs cheuaux, les attachēt par les licols à quelques arbriffeaux, & fichent leurs lāces en terre. Puis ſans apprehenſiō d'aucun danger ils ſe deſarment, ſe deſpouillent nuds & ſe plongent en l'eau. Il faiſoit fort chaud, & eux qui aimoyēt à ſe baigner & reſraiſchir ſ'esbattoyēt à nager, & peſcher avec les mains force tortues aquatiles pour leur malade. Aduint qu'vn eſpion de l'ennemy nommé Hamelix, deſcouurit ces vingts cheuaux ſortir des portes, & preſumāt que ce fuſt quelque groſſe troupe, qui couruſt ſecretement pour ſurprendre l'ennemy, cōme c'eſtoit la couſtume de ſe cheualer ainſi les vns les autres par bois & montagnes: cōclud qu'il n'eſtoit que la premiere bāde. Pour tant en alla-il porter incōtinent les nouuelles au Roy

1.

*Discours ſar
cetteux de l'eſ
carmouche
des Portuga-
lois nuds &
des Mores.*

de Fez, lequel bailla à cest Hamelix deux ceas cheuaux, pour garder le passage par où il estimoit que les Portugallois deussent retourner. Il assigna pareille troupe à Martin oncle d'Abraheim son lieutenant, & Chrestien renié, pour garder vn autre passage de la riuiera. Hamelix ayant couru de l'œil toutes les auenues, & ne voyant aucun trac de cheuaux, tira vers la riuiera où estoient les baigneurs, nommee le Doux. Mais il ne peut marcher si à couuert qu'il ne fust apperceu des eschauguettes d'Arzile: & par ainsi l'on tira vn coup de double cañon pour auertir ceux qui estoient dehors de se retirer, & quât aux citadins & autres estans en la ville on sonna incontinent l'alarme. Les nageurs prenoient tel plaisir à leur ieu que le bruit du canon ne leur seruit de rien pour les tirer: car ils peschoient des tortues en abondance, l'vn se mocquoit de l'autre, brief ils ne faisoient que huer & rire à gorge desployee: quand voicy les ennemis se monstrent. Incontinent ces gentils nageurs quittent l'eau, tirent leurs lances de terre, & se iettent tous nuds à cheual, postans en diligence deuers la ville. Les ennemis courent apres, tellement que les Portugallois, nuds qu'ils estoient, tournent vilage, & arrestent les plus eschaufez au moins mal qu'il leur fut possible. Toutesfois l'vn d'entre ces nuds tombe par terre: mais Antoinne Coutin (qui de Mahumetiste s'estoit fait Chrestien) desirant garantir celuy qui estoit bas, baïsse la lance & donne tel coup à vn More lequel courroit deuant les autres, qu'il le desarçonne puis tend la main à son compagnon & le charge derriere soy sur vn mesme cheual. Le gouuerneur Coutin, sorti en bonne compagnie pour recueillir les fuyards, voyant ceste troupe nue; se cuida laisser choir à force de rire, & comme c'estoit vn des plus facetieux & qui disoit le mot aussi bien qu'homme de son temps, il donna tant d'attaintes & de traits de risée à ces nageurs, que tous recommencerent à rire plus fort que deuant. Quand à la vaillance d'Antoine Coutin il en dit tout le bien du monde: adioustant ces mots, apres qu'ils eurent ri tout leur saoul, de peur que nos compagnons n'offensent leurs dames, si elles les voyoyent en tel equipage, c'est raison que nous leur donnions quelque couuerture auât

que r'entrer en la ville. Alors chascun quitta vne partie de ses habillemens, pour couvrir les nuds: & ainsi tous se rendirent en la ville, où de rechef les coureurs furent plaisamment brocardez par ceux qui les virent. Hamelix ayant dit les nouuelles de ceste auanture au Roy de Fez, le fit rire de bon cœur, ensemble les seigneurs & capitaines qui l'accompagnoient. Il recueillit aussi les depouilles, à sçauoir des habillemens, boucliers, filez, selles, brides, & vn cheual: & avec ces riches despouilles le plus puissant Roy de Mauritanie s'en retourna chez soy. Quelques iours après, par le commandement de ce Roy, Hamelix retourna vers Arzile pour descouuoir ce que les Portugallois auoyent en pensee: mais il fut contraint se retirer ayant perdu quelques gens. Vn autre iour il se remit aux champs & print vn espion qu'il mena au Roy de Fez, duquel on entendit que la ville estoit munie d'armes & de viures, appuyée sur la prouesse des meilleurs soldats du monde, & en la garde d'un gouuerneur vigilant entre tous les autres. Alors le Roy perdant l'esperance d'en pouuoir venir à bout cassa son armee, & tost apres l'espion fut racheté des propres deniers du gouuerneur. En la mesme annee le Roy Emmanuel delibera bastir vne citadelle sur la bouche du fleue qui trauesse la ville de Tetuam: ce que entendu par Charles d'Autriche Roy d'Espagne il escriuit à son beau frere, & l'exhorta de mettre la main à bon escient apres cest ouurage. Car ceste ville de Tetuam est vne retraite de coursaies qui courent & vont escumant de là les mers Oceane & Mediterranee. Pierre Mascaregne fut enuoyé reconoistre la place, ce qu'il fit & sonda la profondeur du haure, la commodité du lieu, l'aiguade, & conut qu'il seroit tres-aisé de bastir & fortifier ceste citadelle: mais le Roy auoit alors tant d'affaires sur les bras qu'il fut impossible de vaquer à ce bastiment, encores qu'il en eust grand enuie, & pourtant il remit le tout à vne autre fois. Cependant, Contin gouuerneur d'Arzile & Pierre Mascaregne firent vne autre course au peril de leurs vies, sur des montaignes fort roides & à trauers des forests espaisées: tellement qu'apres auoir passé de merueilleux destroits, dont les ennemis ne se doutoyent aucunement,

ils les surprindrent & mirent en route des la premiere charge, puis se retirerēt avec des prisonniers & du butin.

2. *Brave cōbat* Peu de tēps apres Anthoinette d'Azeuede, veufue de d'une carauelle Jacques Soueral, loua vne carauelle pour aller de Tingi le de Portugal en Arzile, estant accompagnee de deux freres siens, à enlaquell'en y scauoit Iean & Arias Cocillo. En la mesme carauelle e- auoit que trois estoit vn pefcheur nommé Anthoine Grimauld, qui ayāt hōmes de de-estē prins avec quelques autres de son mestier par des fense, contre courlaires, s'estoit iettē de leurs fregate dedans la mer & vne fregate sauuē à nage au port de Tingi où il fit entēdre à Edouard de courlaires: de Menelez gouuerneur que les courlaires auoyēt prins & quelques la route de Tetuam, & ainsi l'estimoit-il: qui fut cause que les susnommez se mirēt à la voile beaucoup plustost que les Mores.

à la commoditē du temps ne le requeroit. Mais ils ne furent pas si tost en plaine mer que la mesme fregate les vint inuestir. Huit des ennemis sautent dedās la carauelle: au contraire Iean & Arias Cocillo avec Anthoine accourēt, & se defendent de telle adresse qu'ils tuent quatre des assaillans, & contraignēt les quatre autres de se retirer plus viste encores qu'ils n'estoyent entrez. Cependant les matelots reprennent tellement leur route, qu'ils laisserent la fregate loin d'eux. Surce les courlaires entendās des quatre qui estoient eschappez, qu'il n'y auoit que trois combātās en la carauelle, & que le reste n'estoit qu'une troupe de femmes & de mariniers, commencēt à ramer de toute leur force, & vienēt de rechef assaillir & accrocher ceste carauelle: puis seize d'entre eux bien armez entrent par la proue dedans la carauelle. Les deux freres leur font teste avec vne prouesse singuliere. Anthoine se joint avec eux, n'ayans pour toutes armes que vne hache en la main droite, & vne chemisole de matelots autour du bras gauche. La meslee fut plus aspre que s'ils eussent estē en nombre esgal de part & d'autre. En fin les courlaires ayās perdu la plus part de leurs gēs, se retirent avec le reste en leur fregate. Comme ils estoient ainsi aux mains, quelques autres de leurs gens sauterent par la pouppē, mais ils furent repoussez par les mariniers. Anthoine courut au foyer de la de carauelle, print les charbons & les cendres qu'il ietta dedans la fregate, brussa les vns, & garga les yeux aux autres. Ainsi les ennemis furent cōtrains

se descrocher, mais ils ne laisserent de combattre de loïn à coups de fleſches & d'autres traits. Sur ces entrefaites, deux nefſ Angloiſes qui tenoyent ceſte route abaritent les voiles, apres auoir deſcouuert ce combat, & ceux qui eſtoient dedans entrerent viſtement en leurs eſquifs pour aller au ſecours, à cauſe q̃ leurs nefſ pour eſtre trop grandes ne pouuoient approcher de l'endroit où ſtoytoient la carauelle & la fregate. Mais auãr qu'ils arriuaſſent, les courſaires s'eſtoient retirez. Les Anglois tirerent la carauelle vers leurs nefſ, penſerent les bleſſez, & mōſtre-
rent tous deuoirs d'amitié aux Portugallois. En apres les bleſſez furent portez à Tingi par le commandement du gouuerneur : & la carauelle fauoriſee de la preſence des Anglois ſe rēdit au port d'Arzile. Le peſcheur Grimauld fut priſé entre tous pour ſa vaillance, quoy qu'au reſte il fut de bas eſtat: auſſi fut il fort bleſſé en pluſieurs endroits. Au meſme tēps Frãçois de Caſtre, gouuerneur d'vne vil-
le nomēee le Cap de Guere, ayant ſeiourné quelques tēps pour ſes affaires en la cour de Portugal, & de retour en Barbarie, fit entrepriſes ſur Turoquque. C'eſtoit lors vne ville riche & de grand trafic, dont les habitans fai-
ſoyēt beaucoup de maux tāt aux Portugallois de la gar-
niſon du Cap de Guere qu'aux Mores cōfederez. Il mit donc ſes forces aux champs, & appella pour ſecond Xeq Melich, ſeigneur More, fidele partiſan du Roy Emma-
nuel. Eſtant ſortis au ſoir ils arriuerēt là au point du iour, ſurprenēt les ennemis, gagnēt la ville, font horrible car-
nage des habitans, deliurent les Chreſtiens eſclaues, em-
meinent grand nombre de priſonniers : & cōmbien que les ſoldats de Caſtre euſſent tué beaucoup de perſonnes, ce ne fut rien routesſois au pris de ce que firent les gens de Xeq Melich, leſquels ſentans encores les torts receus par les Mores de Turoquque, firent tout du pis qu'ils peu-
rēt pour ſe venger vn bō coup de leurs ennemis iurez.

3.

T E L eſtoit l'eſtat des affaires en la coſte d'Afrique. *Deſcriptiō du*
Quant à celuy des Indes, nous auons dit que le Roy de *royaume de*
Bintam auoit aſſiegé Malaca, fait tous ſes efforts d'y en- *Pegues In-*
trer, & reduit la ville en extreme dāger, dont elle fut de- *des, et alliée*
liuree par l'arriuee d'Anthoine Correa enuoyé par Si- *du Roy avec*
queire en Pegu, avec commandement de ſecourir ceux *les Portugal-*
de Malaca, ſ'il en eſtoit beſoin. Correa voyant la ville *lois.*

deliuree du siege, & bien munie de viures, print la route de Pegu, & à l'aide d'un bon vent print port à Martabas ville maritime du royaume. Le pays est de grande estendue & tresfertile, abondant en mines d'or & d'argent, & en diuerses sortes de pierres precieuses. Quant aux habitans ils sont de couleur bazanee & viuēt somptueusement, fort vicieux & effeminez au reste. Pour la pluspart ils sont grands idolastres, & sacrifient à leurs idoles. Ils portent grand honneur à leurs prestres, ont des moines qui viuēt (ce disent ils) en estat plus parfait que les autres, & des nonnains recluses aussi faisans vœu de perpetuelle virginité. Brief ils s'accordent en la pluspart de leurs mœurs & ceremonies avec ceux de la China. Si tost que Correa eust mouillé l'anchre, il despesche Anthoine Pazagne vers le Roy scournant lois en Pegu, duquel Pazagne & ses compagnons furent assez benignement recueillis. Tost apres il fit response, & enuoya avec Pazagne vn des principaux prestres du royaume (appelez Rolines) & vn autre de ses conseillers, à Martabas, avec ample pouuoir de traiter la paix à conditions iustes & equitables; ce qui fut fait, & les articles couchez par escrit, dont Correa bailla lettres signees & scellees à la maniere de Portugal, aux ambassadeurs de Pegu. Eux au nom de leur Roy grauerent la teneur de ceste paix en vne placque d'or, comme ces Roys Orientaux ont acoustumé de faire en leurs alliances, & la porterent à Correa. Durant ceste negociation ils s'acointerent & deuiendrent si familiers des Portugallois, que Correa & ses gens viuoyent là aussi à leur aise qu'en Portugal, & se pourmenoyent en toute liberté par la ville. Or ayant vn vent de Nord propre à leur navigation, Correa fit voile avec cinq nauires chargees de victuailles, & print la route de Malaca.

4. *Sedition* **E** T A N D I S qu'il negocioit en Pegu, suruint vn grand tumulte au royaume de Pacem en la Taprobane. Car vn certain seigneur desirant regner, dressa vne telle partie *au Roy*, qu'apres luy auoir coupé la gorge, il s'empara *du sceptre*, fit tuer vingt cinq Portugallois habitans en la ville de Pacem, confisca leurs biens, & monstra par tous moyens à luy possibles la haine qu'il portoit à la nation

nation Portugalloise. Garcie de Sale, lors gouverneur de Malaca, equippa incontinent vne nauire chargee de bons soldats sous la conduite de Manuel Pacheco, auquel il cō-
manda de courir soigneusement la coste entre Pacem & Axem, pour empescher que l'on ne portast viures à Pacem, & que personne ne prinst licence de pescher en mer haute. C'estoit la plus rude guerre que l'on pouuoit faire aux insulaires, qui se nourrissoient de viures apportez d'ailleurs, & de poisson nommément. L'un & l'autre moyen estant doncques tettranché, il falloit que la ville se trouuast en peu de iours combatue de famine. Pacheco s'acquitta diligemment de sa charge. Or il auint qu'il enuoya vn esquif prendre terre assez pres de la ville pour puiser de l'eau fraische dont il desiroit boire. Il n'y auoit dedans cest esquif que cinq soldats avec les matelots qui entre-
rent en la riuere, & firent aiguade: mais comme ils remontoient vers leur nauires, voicy arriuer les ennemis à la foule sur les riuages de part & d'autre, lesquels avec vne nuée de cailloux & de flesches cuiderent accabler les soldats & enfondrer l'esquif. Toutesfois les soldats se couurirent si bien de leurs pauois, & les matelots firent tel deuoir de ramer qu'ils se tirent de ceste riuere & gagnerent le haut. Or pource que le fuis de la mer les repoussoit, & qu'ils n'auoyent point de vent, trois fustes fort longues & plaines de gens, appellees Lâchares par ceux de Pacem, fournies de tout ce qui estoit requis pour la guerre, & qui portoyent bon nombre de gentil-hômes du pays, ataignirent l'esquif. Le capitaine de ces fustes estoit de laue, nommé Zudamec. Quant aux Portugallois ils resolurent de mourir plustost que se rendre pour estre esclaués, & apres s'estre recommandez à Dieu en qui ils mettoient leur esperance, ils s'apprestèrent au combat. Vn de ces cinq soldats estoit barbier de son estat, homme fort & courageux au possible, lequel empoigna de telle vigueur la proue de la principale fuste qui voguoit deuant les autres, que ses quatre compagnons eurent moyen d'entrer dedans, & luy sauta incontinent après. Lors ils se ruerēt de telle furie à trauers leurs ennemis, que plusieurs d'iceux troublez de peur se ieterent hors le bord. Zudamec estoit derriere les gens

qu'il pouſſoit au combat, tenant l'eſpee nue, avec menaces de tuer celuy qui reculeroit. Mais voyant que ſes exhortations & menaces ne ſeruiſſent de rien il en tua quatre. Les autres ne ſçauoyent de quel coſté tourner : car ceux qui vouloyent faire teſte aux Portugallois ſentoyent la peſanteur de leurs bras, & ceux qui reculoient ne pouuoient attendre autre choſe que la mort par les mains de leur capitaine. Apres dōc auoir cōbatu quelques tēps, ils furent tous taillez en pieces ou noyez, eſtans ſaiſis de telle frayeur qu'ils ſe precipitoient en la mer, nōmément Zudamec, qui apres auoir eſté bleſſé en pluſieurs endroits ſe lança dedans les vagues. Ceſte fuſte portoit plus de cent cinquante hommes. Les deux autres voyans l'auenture de leurs compagnons s'arreſterent fort eſtonnées: mais alors les cinq Portugallois eſtoient ſi las & nazez en tant de parties de leurs corps, qu'ils ne pouuoient remuer bras ny iambes. Or le meſme Dieu qui les auoit fortifiez au combat, pour executer les merueilleux faits d'armes ſuſ-mentionnez, eſpouuanta auſſi tellement le reſte des ennemis qu'ils n'oſerent les venir attacher. Et ainſi la fuſte des ennemis fut tiree aupres de la flotte, puis menée en Malaca, miſe en terre & couuerte, afin de ſeruir longuement d'un memorial de ce cōbat miraculeux. Car les idolatres cognurēt que ceſte guerre n'auoit eſté terminée par la force humaine, ains ſeulement par le ſecours & faueur preſente du Toutpuiffant. Et en cela l'on peut remarquer beaucoup de merueilles : piemierement l'ardant courage & la reſolution de cinq ſoldats aimans mieux mourir que ſe rendre aux ennemis: en apres l'heureux ſucces du combat, auquel cent cinquante hommes cruels & acharnez ſur les Chreſtiens furent occis par cinq ſoldats tellement eſfarouchez que de ſe ietter en l'eau: finalement ceſte frayeur des deux autres fuſtes qui n'oſerent aſſaillir cinq perſonnes bleſſées & du tout recruës de trop grand travail. Siqueire deuit auſſi apprendre de ceſt accident qu'un chef de guerre ne ſe doit pas iouer du ſang de ſes ſoldats : car celuy euſt eſté beaucoup plus grand honneur d'eſtancher ſa ſoiſe avec de l'eau puante, que mettre ſes gens en tel dāger pour ſatisfaire à ſon appetit. Les quatre ſoldats qui ſe porterent ſi vaillamment

estoyent Iean Almeida, Anthoine Pazagne, Anthoine de Vere, François Gramaxe: le barbier n'ayant autre nō entre les soldats, s'est caché soy-mesme pour n'estre pas connu dauantage. Cependant le Roy de Pacem, estonné d'un si estrange accident, demanda la paix, qui fut consermee, apres qu'il eust payé l'amende.

OR le Roy de Bintam pensoit d'autre costé à recommencer la guerre: & au contraire Anthoine Correa desiroit s'emparer d'un fort que ce Roy tenoit avec garnison sur le riuage du fleuue de Muar, & d'une ville fortifiée par ce mesme Roy, nommée Pade. Ayant donc communiqué avec Garfie de Sale gouverneur de la ville & capitaine de la citadelle, il obtint de luy vne galere, vn brigantin, & trente petis basteaux, chargez de cent cinquante Portugallois & quatre cens Malacans. Avec ceste flotte & troupe de soldats il entre en la riuere de Muar, dont les riuages sont tousiours couuerts de verdure, & vestus d'arbres de tous costez en telle abondance qu'en plusieurs endroits ils font tel ombre sur la riuere qu'on n'y void point de clarté. Ayans vogué enuiron dix lieues ils rencontrent l'emboucheure où le reflux de la mer donnoit. En ce lieu le Roy de Bintam auoit dressé vn fort avec double fossé & forte garnison, pour empescher les Portugallois d'assaillir Pade, où il se tenoit pour auiser plus commodement aux affaires de la guerre. Ce fort commandoit au canal estroit, par où il faloit passer nécessairement, & occupoit la largeur d'iceluy par le moyen de diuers empeschemens mis à trauers: au milieu desquels y auoit vne ouuerture en forme de porte pour donner passage & entrée en la riuere à ceux qui venoyent de Pade, & de nuit l'on fermoit ceste porte. Dans l'enclos de ce fort le Roy tenoit quelques vaisseaux en reserve, pour repousser au besoin, & quand il n'auroit assez de forces les soudaines & inopinées courtes des Portugallois. Et pour lors ce fort estoit gardé par vn vaillant capitaine. Correa enuoye incōtinent George Mesurade en vne barquerolle pour descouurir, lequel rapporte que le fort, estoit couuert de soldats, & que le capitaine les auoit disposés & encouragés au combat, s'assurant qu'ils auroient bien tost à faire aux Portugallois. Nonobstant ce rapport

S.
Guerre contre
le Roy de Binta
tam.

Correa s'auance, & des le point du iour assaut le fort, & finalement entre dedans avec les autres capitaines. Il y eut vn terrible carnage, & toutesfois la pluspart de ceux qui y estoÿent se sauuerent de vistesse vers le Roy de Bintam. Mais Correa ne voulant pas leur donner loisir de se rasseurer, laissa Edouard Melio avec quelques basteaux à l'embouchure du fleue: luy rompit les clostures, & entra plus auant. Or pour empescher que l'on ne peust aisément passer outre, le Roy auoit de bonne heure fait couper des arbres, & iceux ietter de trauers dans la riuiere pour empescher les basteaux de s'auancer deuers Pade. Les Portugallois & Malacans eurent alors fort à faire: car auant que pouuoir passer outre, il faut tirer ces arbres qui empeschoyent le passage. Mais en fin, tous ces empeschemens leuez, Correa fit tant qu'il approcha de la ville de Pade. Le Roy sortit au deuant avec son armee & ses elephans: mais quelque resistance que luy & les siens fissent, Correa & ses troupes prindrent terre: & tout soudain donnerent bataille, rompirent les ennemis, & mirent toute leur armee en route. D'autant que les Portugallois s'eschaufoyent trop à poursuiure leur victoire, Correa fit sonner la retraite: car ils ne connoissoÿent pas les chemins du pays, & il craignoit que ses soldats s'allassent ietter endes lieux escartez, où les ennemis pourroyent se ramasser & combattre à leur auantage. Pade fut incontinent saccagée & bruslee, ensemble plus d'une centaine de vaisseaux, grands & petits. L'on n'a peu scauoir le nombre de ceux qui furent tuez en toutes ces récoÿtres: mais c'est chose certaine qu'il y en demeura beaucoup. Apres què Correa eust executé son entreprisede souhait, il reprit le chemin de Malaca, emmenant force butin & des prisonniers aussi: & fut receu de tous les Malacans en grand honneur, comme sa vertu le meritoit. De là il fit voile en l'Inde basse. Quant au Roy de Bintā, se voyant à l'estroit, par faulte de gens & de vaisseaux, il se retira tout confus & ruiné en la ville de Bintam, voyāt

6.

*Rebellion de
ceux de Cou-
lam, et ce qui
s'en ensuiuit.*

bien qu'il estoit temps de se reposer. Les affaires n'estoyent gueres plus paisibles en Coulam: car les Portugallois ayans prié la Roÿne de tenir sa promesse, leur faire redre ce qui leur auoit esté prins lors

qu'Anthoine de Sale fut tué, & deliurer sans delay les quintaux de poyure deus selon la teneur des articles de pacification, elle (qui du commencement estoit resoluë de garder la foy promise) persuadée & vaincue par les importunes remonstrances des Sarrafins, delibera non seulement de saucer promesse, mais aussi se saisir de la citadelle & faire couper la gorge aux Portugallois. Or pour executer ce dessein, elle commença par finesse: ce qui ne succedant pas, elle arreste d'exécuter à force ouuerte. En ce quartier des Indes limitrophe de Coulam & borné du promontoire de Cory ou Comory vers le Su, regnoit vne autre Roine, avec qui celle de Coulam se ligua pour exterminer les Portugallois. Ainsi donc ces deux Roynes ayant ioint leurs forces sous la conduite de trois freres fort estimez entre tous les Naires, commencerent la guerre au mois de Iuin, qui est le fort de l'hyuer en ces pays là. L'armée estoit de plus de vingts mille hommes. Ils empoisonnerent les puits pour oster l'eau douce aux Portugallois, assiegerent la citadelle, la presserent de toutes parts, & tuerent quelques Indiens baptisez qui habitoient en la ville. Dedans la citadelle n'y auoit que trente Portugallois, cinq desquels estoient fort malades, & l'hyuer empeschoit qu'ils ne pouuoient estre aisément secourus par ceux de Cochim. Les viures estoient courts, & n'auoient que fort peu de pouldres à canon. Hector Roderic despésche incontinent vn braue soldat, qui ne fit difficulté de s'embarquer en si perilleuse saison, pour aller auertir Alexis de Menesez, lors seiournant en Cochim, de l'estat des affaires de Coulam. Tout soudain Alexis enuoya au secours son neveu Alphonse de Menesez avec vingt cinq hommes, munitions & viures en vne fregate, laquelle arriva à sauueré, tellement qu'Alphonse & ce qu'il menoit entrerent en la citadelle. Ce pendant les ennemis faisoient tous leurs efforts, mais ils n'auancoient pas beaucoup, ayans à faire à gens bien resolués, & qui par diuerses saillis les escarmouchoient viuement, non seulement à coups d'harquebuzes, mais aussi avec les pieques & espees. Aucuns des Portugallois furent tuez, quelques autres grieuement blesez: les ennemis perdirent grand nombre de gens de leur part. Pour conclu-

tion, les Roynes voyans que la citadelle auoit tenu bon
ia l'espace de deux mois, & sçachans qu'Alexis de Me-
neses leuoit gens de toutes parts pour venir au secours,
delibererēt de mettre fin à ceste guerre, & demanderent
la paix, qui leur fut accordee, en payant l'amende pour
la rœupture de l'alliance, à quoy elles satisfirent: telle-
ment que la paix fut ratifiée comme deuant à conditiōs
equitables.

7.

*Voyages de
George Qua-
dre en Ethio-
pie, Arabie et
Perse.*

EN ceste mesme annee le Roy Emmanuel aprint d'un
homme curieux & diligent beaucoup de choses, qui res-
ueillerent son esprit à penser apres des entreprises plus
hautes que les precedentes. Nous auons veu cy deuant,
comme la flotte d'Edouard de Leme, en doublant le cap
de Guardafu, le brigantin du capitaine George Qua-
dre separé de la flotte par vne bourasque fut chassé au
port de Zeilam, auquel les Portugallois qui estoient de-
dans furent arrestez, & liurez au Roy d'Aden, qui les fit
fermer en des basses fossés, où ils trempèrent long temps
en extreme pauvreté & disette. Durant ceste captiuité
vn certain Roy d'Arabie voisin de celuy d'Aden luy fit
guerre, & apres l'auoir desfait en plusieurs rencontres, &
subiugué la plupart de son royaume, entre autres choses
deliura de prison les Portugallois, & leur permit de
se retirer où bon leur sembleroit. Voila comme le capi-
taine Quadre & cinq de ses soldats (cartous les autres
rompus de travail & abatus de faim estoient trespassez en
leurs cachots) furent eslargis avec congé de faire sejour
ou de se retirer du pays. Or Quadre desirant voir sans dā-
ger diuers pays en ces quartiers de Lœuant, & pour cest
effect sçachant parler bon Arabesque, à quoy il s'estoit
estudié durāt sa prison, cōtrefit le Sarrafin & se mōstra au
dehors fort affectionné à la secte de Mahumet, tellement
que sous la voille de saincteté & de religion dōt il faisoit
grād semblant, chascun cōmença à l'auoir en admiratiō,
& par le bruit ainsi acquis il s'insinua fort auant en la bō-
ne grace de ce Roy lequel l'auoit deliuré, & qui estoit
Prince fort humain, & adonné aux superstitions de Ma-
humet. Iceluy prenant plaisir à ouir deuiser Quadre ne
luy vouloit point donner congé, & s'estant ascheminé
pour visiter le sepulchre de Mahumet, il mena Quadre

quant & soy. Estans arriuez à la Mecque, Quadre entendit que deux iours auant la venue du Roy vne carouanne ou troupe de chameaux s'estoit acheminee vers Damas. Lors il faignit auoir merueilleuse deuotion de visiter les sepulchres des neveux de Mahumet au Royaume de Perse: & pource il supplia le Roy de luy permettre d'aller apres & rataindre ces chameaux, dont le Roy le voulut destourner, tant pource qu'il se falsoit de perdre telle compagnie, que pour le peu d'apparence qu'il y auoit que Quadre peust aconsuire la carouanne. Mais Quadre l'importuna tant, qu'outre son congé il receut de l'argent & des viures autant qu'il en pourroit porter. S'estans ainsi mis aux champs, il voyagea par des larges campagnes & deserts inconus, sans pouoir rataindre les chameaux, ne scachant en quelle part tirer. En peu de iours il vid la fin de ses viures: le Soleil extrêmement chaud le tourmentoit iusques au bout, à peine pouuoit-il titer les pieds du sable sec & mouuant. Alors se voyant en tel danger il leue les yeux au ciel, & fondant en larmes demanda humblement pardon de toutes ses fautes à Dieu, parla faueur duquel Il se rendit pres d'un costau sabloneux, & apres auoir gaigné le haut il apperceut vn homme & vn chameau, vers lesquels il courut tout ioyeux, & cependant apparurent plusieurs autres chameaux approchant de ce lieu, où estoit l'abru-noir. Il approche des conducteurs, leur declaire sa misere, & demande secours. Eux esmeus de compassion, & fieschis par l'apparence de religion que cest hōme auoit en sa contenance & vesture, luy donnerent à manger & à boire, ensemble toutes autres choses dont il auoit besoin. Sous leur conduite il trauersâ tous les deserts: & apres estre sorty de ces sollicitudes chāpestres, il courut diuers pais en habit de moine Mahumetiste, marquant de l'œil & en sō esprit beaucoup de particularitez. Ayât ainsi rodé par l'Arabie & la Perse, il fut mené par des marchâs Sarrasins en Ormus, où il despouilla ses habits de Sarrasin, & se vestit en Chrestien, cōme tousiours il auoit esté tel en son cœur. Cependant il reconut & effaçâ par abondance de larmes le crime par luy commis en faisant profession exterieure d'une impieté detestable. Garfic Cou-

tin lors gouuerneur d'Ormuz le reuestit, luy dōna de l'argent & quelques ioyaux. De là, Quadre fit voile en Inde, & d'Inde en Portugal, où il arriva l'an mil cinq cens vingt, & présenté au Roy, luy fit vn ample discours de ses pelerinages, recerches & obseruations: notamment de ce qu'il auoit voyagé par toute l'Ethiopie qui est au dessous de l'Egipte, & comme il s'estoit rendu pres d'un grād lac, d'où le Nil decoule, puis trauerse l'Egipte: quelles estoient les façons, loix & coustumes des Chrestiens d'Ethiopie, lasserie d'Egipte, les mœurs des Arabes, la maniere de viure des Perses. Le Roy print singulier plaisir à ce discours, lequel se rapportoit entierement au dessein que le Roy bastissoit sur l'Arabie & l'Ethiopie. Or presumant que l'on pourroit passer aisément du Royaume de Congo iusques à ce lac d'où le Nil sort, il fit de grādes promesses à Quadre, desia tout disposé à tel voyage pour aller descouurir ce chemin. Il l'enuoya donc en Congo avec lettres pour obtenir congé d'aller aux sources du Nil, & de là visiter le grand Negus. Estant arrivé au port de Congo, & amené au Roy qui le recueillit de bon œil, il ne peut toutesfois obtenir congé de poursuivre son voyage, & ce par la malignité des Portugallois qui lors gouvernoient le Roy de Congo: tellement qu'il fut cōtraint retourner en Portugal, & trouuant Emmanuel mort, se rendit cordelier, & vescu le reste de ses iours en cest habit, avec apparence de grande sainteté. Nous auons traité ce que dessus vn peu amplement, afin qu'on voye que l'esprit d'Emmanuel, dont le corps estoit enfermé en vn petit royaume de Portugal, voltigeoit par tout le monde, & remuoit tousiours choses grandes & trop hautes pour ses espauls: ce qu'il faisoit, afin de descouurir par le moyen de ses suies les pays inconnus & les derniers bouts du monde. Mais il ne faut qu'une minute d'heure pour ancantir toutes les pensees des hommes.

8. *Mort de l'Empereur Maximilian premier, au-* ENVIRON ce temps deceda l'Empereur Maximilian premier du nom. Il y auoit debat entre les Alemans touchans vn successeur à l'Empire, car aucuns en elinoyēt à François de Valois, Roy de France, mais la pluspart portoyent singuliere affectiō à Charles d'Autriche. Le Roy

de France en auoit gaigné quelques vns par presens & *quel Charles*
grandes promesses. Toutesfois Charles estoit plus respec- *cinquieme*
té que son competeur, encores qu'il fust bien loin de *succede à*
l'Alemagne: & ce à cause qu'il auoit esté nourry parmy *l'Empire et le*
les Alemans, que l'Austriche heritage de ses predeces- *tribut exces-*
seurs estoit proche de l'Alemagne, & que plusieurs Prin- *sif qu'il im-*
ces luy touchoyent d'alliance: tellement que les vns *posa sur l'Es-*
& les autres l'appellerent par lettres pour venir prédre *pagne.*
possession de l'Empire, cōme si celuy eust esté quelque di-
gnité hereditaire. Auant que partir d'Espagne il assembla
les estats, & par l'avis de Guillaume de Crou, seigneur de
Cheures, son gouuerneur, cottisa les Espagnols à vne ex-
cessiue somme de deniers, outre l'argent qu'ils luy auoient
fourny extraordinairement. Enquoy ie ne scaurois accu-
ser Charles d'avarice ou de temerité, veu que son ieune
age d'alors l'excuse: mais i'estime son gouuerneur s'es-
tre alors tresmal porté & en homme de mauuaise con-
science. Car vn Prince n'est pas esleué en si haur degré
pour espuiser ses villes par exactions desmesurees, ains
pour pouruoir au bien & à la seureté d'icelles. S'il fait va-
loir son nom comme il appartient, il est pere de la patrie:
& doit au besoin exposer sa vie à tous dangers pour le
salut de l'estat public, non pas renuerser l'estat par despē-
ses excessiuelement excessiues. Ie confesse que les suiets
sont tenus fournir les moyens à leur Prince de maintenir
l'estat public: car il est tenu de porter vne infinité de
charges & d'affaires: il administre iustice esgalement à
tous, & quand la necessité le requiert garātir par la force
des armes l'estat public des dāgers qui le menassēt repri-
me les meschans par aspres supplice, brief par sa vigilance
il maintient tout le pays en repos contre les courtes des
ennemis estrangers & malgré les menées & mauuaises
pratiques des seditieux & ennemis domestiques. Il met
la main à tel œuure par effect ou par lieutenans, ou luy
mesmes quand il en est besoin. Or celuy qui estime tel-
les choses se pouoir manier sans frais, s'abuse du tour,
& ne sçait que c'est du gouuernement de la vie humaine.
Pourtant ceste coustume, que les Rois soyent entretenus
aux despēns du peuple, est fondee non seulement sur le
droit humain, mais aussi sur le diuin. Cependant le Roy

ou Prince doit tenir la mesure sus declairee, de peur que par despences superflues & dons immenses, il n'abuse du public, ou qu'il ne iette es cofres de certains alterez l'argent que le peuple luy dône à autre fin. Il ne doit dōc pas amasser fināces des pleurs & complaints de ses suiets, ni vuider les maisons & bourses des petits pour emplir celle des grands iusques à regorger: car ce faisant, sous couleur d'acquérir le nom de liberal & magnifique, à fausses enseignes toutesfois: à la verité il deuient injuste & cruel. Il y auoit encor vne autre raison, qui rendoit ce conseil merueilleusement odieux pour le regard de Charles: pource qu'il auoit esté nourri hors d'Espagne, & ne sentoit point son Espagnol, à cause dequoy ce peuple ne l'aimoit gueres, encores que le royaume luy appartinst par droit hereditaire & legitime succession. Pourtant deuoit-il au commencement gaigner les Espagnols par douceur & gracieuseté, iusques à ce qu'il se fust entièrement insinué en leurs cœurs: & alors faloit plustost rabatre quelque chose des tailles ordinaires, que de charger le peuple de nouveaux impôts. Toutesfois on peut excuser ce ieune Prince, qui par vne modestie naturelle se laissoit manier par son gouuerneur, & ne connoissoit pas bien encore l'humeur des Espagnols. Mais l'auarice du seigneur de Cheures qui commit telle faute sous le nom de Charles, est detestable à bon droit. Car plusieurs provinces appuyees sur la noblesse, refuserent tout à plat le tribut que Charles demandoit. Encore n'y eust il eu pas tant à redire, si les affaires eussent esté conduites du commencement avec quelque bonne moderation. Or d'autāt qu'un peuple trop ialoux de liberté excessiue ne tient aucune mesure, & ne se laisse guider par conseil ni raison: & que plusieurs gentils-hommes, transportez de ie ne sçay quelle fantasie, se firent chefs du peuple, il auint de cela que beaucoup de villes du royaume de Gastille quitterē le party de Charles.

9.

Av commencement de cetumulte, Charles estoit *Reuolte des* hors d'Espagne & seiournoit lors en Flandres. Les vil-
Gastillans à les reuoltees de son obeissance estoient agitees de sedi-
cause du tri- tions: car la pluspart des gentils-hommes ne se remuoit
ont sur eux point, aucuns desirans se faire valoir parmy les petits, fa-

morifoyent les desseins des peuples, qui auoyent coniu^{re} *imposé la*
de chasser Charles d'Austriche hors d'Espagne, piller & *guerre qui*
ruiner tous les Princes & seigneurs Espagnols, afin d'e- *en ensuyuit,*
stre en entiere liberté, & se cantonner comme les Suisses, *et l'issue d'i-*
ne considerans pas que ce que font les Suisses, accoustu- *celle.*
mez de fort long tēps à viure sous l'obeissance des loix
de leur patrie, en quoy ils sont admirez de tout le môde,
ne pouuoit estre maintenu entre les Espagnols, naturel-
lement orgueilleux & insupportables. Ainsi dôc, estât ainsi
qu'une populace estourdie ne sçait tenir mesure, specia-
ment ces mutins de Castille, qui auoyent iuré la ruine de
Charles, estoient si aueuglez de fureur insensée, qu'ils
menaçoient de feu & de sang tous ceux qui adhereroiēt
aux Princes, comme si ces malauisez eussent desia esté
les maistres. Ce pendant l'Espagne trembloit sous le
bruit des armes ciuiles, & sentoit desia les pillages, meur-
tres & embraslemens. Anthoine Fonsecque brulla Medi-
ne de camp, ville opulente, reuoltée de l'obeissance de
Charles, tellement que ce feu deuora de merueilleuses ri-
chesses. Lors personne n'osoit ouurir la bouche pour dô-
ner sage & libre conseil : car si quelqu'un disoit que
pour se maintenir en liberté il ne falloit pas guerroyer si
cruellement contre son Prince legitime, il estoit mis à
mort incontinent pour tel forfait. En plusieurs lieux où
lō plaidoit ainsi pour la liberté, nul n'osoit libremēt souf-
pirer, ni monst^{er} signe de deplorer telles cōfusions. Les
Princes d'Espagne liguez avec les villes nō soussueues, a-
pres s'estre efforcez en vain d'apaiser ceste noise, s'ap-
premierent pour faire la guerre, pouruoyans à tout ce qui e-
stoit requis pour cest effect, & enuoyerent leur deputez
vers le Roy Emmanuel demander secours cōtre les rebel-
les. D'autre part, ceux qui s'estoyēt soustraits de l'obeissā-
ce de Charles, se voyans si pres de leur ruine depescherēt
aussi quelques ambassadeurs en Portugal. Le sommaire de
leur legation fut. Qu'ô les auoit tāt oultragez, qu'il leur
estoit impossible d'en cadurer d'auantage. Là dessus ils
offroyent liurer au Roy de Portugal leurs villes, forte-
resses, biens & personnes : le prians de se declairer pro-
tecteur d'un royaume si opulāt qui luy tēdoit les mains &
vouloir véger les torts qu'on leur auoit faits. Emmanuel

refusa le present apporté par ces Ambassadeurs, & les admonesta d'appréhendre à garder la foy promise à leur Prince, & n'estre pas si outreuidez : adioustant que lon pouuoit assouppir ce debat du premier coup, à cause de la debonnaireté de Charles, si les principaux & qui deuoient contenir le peuple ne l'eussent fait eux-mesmes sousleuer, en se faisant chefs de part avec vne telle audace. Outreplus il les tança bien asprement de ce qu'au commencement ils disoyent ne s'estre armez que pour maintenir la liberté publique, & tost apres ils faisoient la guerre afin d'establiir vne domination populaire. Neantmoins il promettoit s'employer à la negotiation d'une bonne paix & composition amiable, s'ils vouloyent recognoistre leur faute & demander pardon à Charles. Quant à la couronne qu'ils luy offroyent, il leur declaira tout net que la foy & son deuoir luy seroyent tousiours en plus grande recommandation que tout accroissement d'estat qu'on luy scauroit presenter. Mais pour le regard des Ambassadeurs que les Princes & villes non sousleuees auoyent enuoyez, il leur respondit plus d'effect que de paroles, enuoyant de l'artillerie, des munitions, & de l'argent pour faire la guerre aux rebelles, lesquels perdirent vne bataille, & furent prins leurs principaux chefs, à scauoir Jean de Padille, Anthoine Euesque de Zamore, Pierre Piminelle, Fracisque Maldonat, & quelques autres gentils hommes, ensemble aucuns de bas estat que le peuple mutiné auoit esleuez aux honneurs. Iceux comme Capitaines de la conjurat'on furent executez à mort, & quant au menu peuple Charles leur pardonna. Ces choses aduindrent en l'année mil cinq cens vingt & vn.

10.

Guerre de Iehabentafuf contre les Mores de Dabide & de Garabie renoltez de son obeissance.

EN ceste derniere année, Nonio Mascaregne deuint ennemy de Iehabentafuf par les artifices de quelques malvueillans : ce qu'estant venu aux oreilles de ses soldats, notamment des Mores de Dabide & de Garabie, ils quitterent son party, & mesmes aucuns d'eux le pillerent. D'auantage, Mascaregne l'accusa de trahison & en escriuit au Roy de Portugal. Iehabentafuf pria Emmanuel, par lettres & deputez enuoyez expres, de vouloir prendre l'affaire en main, & cognoistre la verité des choses, offrant souffrir tel supplice que de raison, s'il estoit trouué auoir

commis acte reprochable depuis le temps qu'il tenoit le party des Portugallois. Le Roy satisfit entierement à la demande equitable de Iehabentafuf, & enioignit à Mascaregne de conseiller & secourir Iehabentafuf, lequel suivant cela receut de Mascaregne soixante cheuaux & quelques pietons pour courir sus aux rebelles. Avec ce renfort (dont il fit courir le bruit par tout, afin que lon sceust que le Roy de Portugal luy assistoit) il se mit en campagne, suiuy de ses troupes ordinaires, donna bataille aux ennemis, emporta la victoire, les contraignit de faire ioug cōme deuant, estaignant par sa vertu & equité tous les troubles suruenus de ceste reuolte.

PRESQVES au mesme temps le Capitaine Vasque II.
 Fernand Cesar couroit avec vn bastean de guerre le de- *Exploits str*
 stroit de Gibraltar, par commandement expres du Roy *mer du Capi-*
 Emmanuel, & faisoit mille fascherics aux ennemis. Ad- *taine Cesar*
 uint que deux fregates de Mores qui auoyent beaucoup *et ses victoi-*
 butiné, bien fournies de soldats, d'artillerie & de muni- *res.*
 rions, qui les rendoyent plus hardies que de coustume, vindrent assaillir Cesar, lequel fit incōtinent tourner vers elles la prouë de son bastean. Le Capitaine de l'vne des fregates voyant de quelle assurance Cesar venoit aux mains, craignit de ioindre, & tournant voile print vne autre route. Alors le Capitaine de l'autre fregate, se voyant abandonné par son compagnon, deliberoit faire mesme retraite, mais Cesar s'y opposa, le poussant à coups de canion telle part que bon luy sembloit: & le suiuit si obstinément mangré les vagues fort esmeues, qu'il contraignit la fregate d'approcher du riuage. Cesar saute incōtinent dans vn esquif lié à la pouppé de son bastean, & qui seruoit à tels accidens, commandant à ceux qui demeuroyent en la garde du bastean de tirer sans cesse cōtre la fregate, iusques à ce qu'ils l'apperceussent meslé au combat cōtre les ennemis, lesquels tascherent se sauuer en terre. Il les suit, & attache l'escarmouche, tellement que le conflict fut tresapre, mais les Mores ayans perdu vne partie de leurs compagnons voulurent se garantir à la courtse, ce qui ne leur seruit de gueres, car ils furent tous attrapez & arrestez par Aluarez Carual braue Capitaine & gouuerneur d'Alcazar Seguir, lequel estoit accouru au bruit de

l'artillerie. Cesar print sa part du butin, puis se retira dedans son bastéau. Quelques iours apres, voguât par le destroit, il fut inuesty de six fustes de Mores. Iceux ne desiroient rien plus que de saisir le Capitaine Cesar, & pensans qu'à ce coup il luy seroit impossible d'eschapper, commencerēt à huer en signe de ioye, puis à coups de fleisches, de harquebuzes & mousquets, tascherent l'accabler. Or Cesar les canonnoit viuement pour empescher qu'ils n'approchassent de son bastéau, rabatant leurs coups par diuerses façons de vöguer, & tousiours tant quelques vns, au moyen dequoy leur cholere se refroidit fort. Ce que luy voyant, courut sus à trois de ces fustes arrestees ensemble, car le vent auoit chassé les trois autres & les empeschoit d'approcher. Les ennemis luy viennent aussi au deuant: & sur cela Cesar fit delascher vn gros canon dont le boulet, donnant en long de proue en poupe de l'vne de ces trois fustes, rompit les rames. Les ennemis retirerent ceste fuste mutilée entre les deux autres, & la remettre en equipage selon que leurs affaires le permettoyēt. Lors ils se reioignent & enuahissent de rechef Cesar, lequel courant avec vne braue resolution par tout, & encourageant ses soldats à haute voix, canonna de telle sorte les fustes, que les assaillans trouuerent beaucoup plus forte partie qu'ils ne pensoyent. Finalement vn coup de boulet emporta la pluspart des forçats de l'vne des fustes: au moyen dequoy les ennemis desnuez de plusieurs soldats tuez du canon, voyans deux de leurs fustes brisees, & que la prise de Cesar leur cousteroit trop cher, quitterent le combat. Ce Capitaine qui estoit d'vn naturel tousiours vigoureux, suinit les fustes: mais à cause qu'elles vöguyent à la rame, & son bastéau à la voile, & que le vent luy failloit, il ne peust les attraindre, mais selon son desir, alla surgir au port de Malaga, pour faire enterrer les morts de son costé & penser les soldats blesez durant ce combat.

II. EN ces entrefaites les Portugallois de la garnison d'A-
Trahison de *Benaduxera* *Seigneur More nommé Benaduxera, l'vn des princi-*
contre les Por *paux du pays, fort estimé & en grand credit pour sa vail-*
sugall: is en *lance, grandeur & richesses. Il entretenoit d'ordinaire*

vn regiment de plus de quinze cens cheuaux, & grād nōbre de pietons, avec lesquels il estoit en guerre contre le Roy de Fez duquel il ne vouloit se rendre vassal. Mais ayant esté desfait en vne grosse bataille, il enuoya lettres à Norogne gouuerneur d'Azamor, contenans son intention estre de faire toute sa vie seruice au Roy de Portugal contre ses ennemis. Norogne acceptant la bonne volonté de ce Seigneur, le receut en Azamor avec deux cēs cheuaux qui l'accompagnoyent, & luy fit tous honneurs à luy possibles, mesmes le crea general de quelques compagnies de Xerquie, par le consentement des Capitaines. Benaduxera voulant assseurer chascun de son affectiō enuoye vn sien frere nōmé Feres avec beaucoup de presens au Roy de Portugal, lequel le receut courtoisement en sa protection, luy renuoya d'autres presens, dōna quelques ioyaux à Feres, & luy fit de grandes promesses auant qu'il s'embarquast, commandant à Iacques Melio de secourir ces deux freres quand la necessité le requerroit, afin que ioignans leurs forces ensemble ils peussent faire la guerre tant plus viuement. Par ainsi Melio, sans delayer dauantage, se met à la voile avecques Feres: & au bout de quelques iours ils se ioignent à Benaduxera, menans apres eux septante cinq cheuaux & des pietons en assez bō nombre. Lors ce Seigneur sortit aux champs suiuy d'once cens vingt cinq cheuaux, & arriuez finalement en vn lieu où est la source du fleue Diuce à soixâte lieus d'Azamor, chargent trente deux compagnies d'ennemis, en tuent grand nōbre, emmeinent quatre cens huitante deux prisonniers, & au bout d'vn moys retournēt en Azamor, trainans apres eux vn merucilleux butin, dont chascun fut extremement ioyeux, car on estimoit ces gens perdus obstant leur long sejour. Or Benaduxera, qui ne pensoit sinon aux moyens de rentrer en la bonne grace du Roy de Fez, obtint secretement à la sollicitation de ses amis tout ce qu'il desiroit, à condition de mener au Roy tous les Chrestiens qu'il pourroit y attirer finement. Norogne soupçonna quelque chose de ceste menee: & pourtant, encores que Benaduxera l'importunast souuent de luy bailler pour compagnon Iacques Melio, & que cela se faisant ainsi, il y auroit moyen de donner de beaux

Azamor & ailleurs, dont luy et son frere receioient leur payement.

coups, iamais il ne s'y voulut accorder, sans toutes fois en descouurir rien à personne, ny en former proces à Benaduxera, lequel il vouloit descouurir dauantage, & en attendant estoit d'aduis de ne se fier que bien à point en celuy qu'il presuinoit, par plusieurs coniectures, estre inconstant & desloyal. Ce pendant, afin de ne l'esfaroucher il s'en desfaisoit par gracieuses excuses: tellement que Benaduxera frustré de ce costé, & craignant d'estre descouuert, fit vn voyage à Mazagan, où ayant communiqué avec Anthoine de Laiet gouuerneur de la ville, il luy demanda quelques gens de cheual pour executer vne belle entreprisle, l'assurant que Norogne y enuoyeroit vn renfort de caualerie: mais que la guerre qu'il vouloit commencer requeroit plus grandes forces pour estre tant plus tost acheuee & avec moins de danger. Anthoine qui ne scauoit rien de la trahison, estimant Benaduxera homme digne de foy, à cause de ses deportemens precedens, luy bailla quinze hommes de cheual & quelques gens de pied. Benaduxera apres auoir cheminé environ trente cinq lieues avec ses troupes & les gensd'armes Chrestiens, descourut son intention à Feres son frere, disant qu'il auoit regaigné la bonne grace du Roy de Fez, aimant mieulx seruir à son Prince naturel & de mesme religion, qu'à vn Roy estranger & contraire aux Mahumetistes. Que pour attirer dauantage le cœur de son Prince, il luy vouloit liurer ces Chrestiens emmenez par finesse de la garnison de Mazagan, esperant que tel don effaceroit entierement les offenses passees. A quoy Feres respondit, Si vous auiez veu en face le bon Roy Emmanuel, pour certain vous n'aurez iamais pensé au meschant acte que vous voulez commettre. Où est la foy? qu'est deuenue le serment presté en traitant l'alliance? Auez-vous oublié la singuliere douceur & magnificence de ce Roy? Vous a-il recueilly lors qu'estiez chassé, vous a-il enuoyé des presens, afin que sans occasion vous entreprissiez de luy iouer vn tel tour? Le ne m'arreste point à disputer si vous ne luy nuisez guere, mais ie considere la mauuaise volonté que vous auez de luy porter dommage: car en petites choses lon descouure maintesfois vne malice extreme. Puis que vous menez traistrement en cruelle

cruelle seruitude quinze cheualiers Portugallois commis à la fidelité que leur deuez : c'est chose asseuree que vous ruineriez entierement le Roy de Portugal, si le pouviez faire, encores que vous ayez promis & iuré de luy estre loyal. Mais outre tout cela, vous considerez bien peu que le Roy de Fez ne prendra gueres de plaisir à vous voir. Vous auez quitté sa protection, luy auez fait la guerre: estant vaincu, despoillé & chassé, estes couru en Portugal vers Emmanuel, comme au dernier refuge en vostre misere extreme. Encores maintenant vous abandonnez Emmanuel? Comment cestui-cy se fiera-il en vous, qui violez meschamment & tant de fois la foy que deuriez maintenir? On a dit-il y a long temps, que les Roys ayment vne trahison brallee à leur aduantage, & pour la commodité de leurs affaires: mais qu'ils hayssent les traistres. Je diray dauantage. Vous rompez la promesse qu'auez faite au Roy de Portugal, & retournez en la cour de celuy de Fez qui vous hait à mort, & ne se soucie de tenir sa foy. Au moins quittez les marques visibles de vostre lascheté. Portez vous la banniere du Roy Emmanuel, afin que toutes fois & quantes que les gens verront ceste marque de bié-vueillâce & d'amitié ils se souuiennent de vostre forfait? Reposez-vous en ce beau pauillon qu'Emmanuel vous donna, afin qu'autant de fois que le ferez dresser, autant de fois chascun marque de l'œil vostre desloyauté? Menez-vous ainsi traistrement prisonniers ceux qui se fient en vous, afin qu'à iamais vostre perfidie demeure empreinte en l'entendement de tout le monde, qui se souuiendra que ceux-cy estoient sous vostre charge? Faites comme on dit que les Chrestiens font. Quand ils quittent leur Prince, afin de n'estre estimez ingrats & proclamez tels, ils luy renuoient tout ce qu'il leur a donné, ne voulans emporter aucunes enseignes de leur lascheté. Quittez cest estendard, de peur qu'il ne descouure vostre meschanceté. Abandonnez ce pauillon qui ne scauroit receler vne perfidie. Laissez aller ces Chrestiens en liberté, afin qu'ils ne prennent le Ciel & la terre à tesmoins contre vous. Ferez ayant tenu ce langage hardiment & en choler, irrita iusques au bout son frere, & peu s'en salut que ils ne missent les mains aux espees l'un contre l'autre. Tou-

tesfois d'autât que Benaduxera estoit plus grâd seigneur, & l'aisné aussi, Feres ne sceut rien gagner sur luy sinon qu'il fit reporter la banniere & le pavillon au Roy de Portugal, & permit aux Chrestiens de s'en retourner en leur garnison. Au reste, ces deux freres prindrent le chemin de Fez & se presenterent au Roy, lequel les receut avec si mauuais visage qu'il leur fit trancher les testes, craignant, pource qu'ils estoient riches & grands Seigneurs, vne seconde reuolte qui le mettroit en nouuelle peine. Il aime donc mieux s'en desfaire pour vne bonne fois, prenant pour couleur de ceste execution, que Benaduxera auoit laissé aller les Portugallois avec la baaniere & le pavillô, & que Feres son frere l'auoit induit à ce faire.

13.

*Puissante ar-
mee nauale
de Siqueire
pour assieger
Diu, et cômè
cela succeda.*

DYRANT ces remuemés en Afrique, Siqueire equip-
pa vne puissante flotte en Inde pour le rendre maistre de
Diu. Melichfac fils de Melichiaz presuma incontinent
que ceste armee menaçoit Diu, encores que Siqueire ne
decelast son dessein à personne. Afin donc d'amolir Si-
queire sous pretexte de modestie, & tant pour le destour-
ner de la guerre, que pour descouurir son intention, il en-
uoye vn sié domestique nommé Camal avec les lettres fort
gracieuses & quelques presens assez riches. Siqueire mon-
stra de contenance & de paroles que la venue de cest Am-
bassadeur luy estoit agreable, & faignit porter vne sin-
guliere affection à Melichiaz & à Melichfac. Nonobstant
ces couuertures Camal qui auoit bon nez sentit quelle
route vouloit prendre la flotte de Siqueire, puis aduertit
Melichfac, & Hagamahamed gouverneur de Diu, qu'ils
missent bonne garnison dans la ville: ce qu'eux execute-
rent promptement & en grande diligence. Apres que Si-
queire eust muny de toutes choses necessaires les nauires
qui deuoyent retourner en Portugal, il assemble en con-
seil tous les Capitaines qui le deuoyent accompagner en
l'execution de ses desseins, leur declaira que pour obeir
au Roy il auoit armé ceste flotte pour s'emparer de Diu,
& les exhorta de le suivre pour auoir part à l'honneur de
ceste guerre. Eux loient son aduis, & se montrent vo-
lontaires & tous prests à executer. La flotte estoit de plus
de quatre vingts vaisseaux, avec trois mille Portugallois
& mille Naires enrrollez, conduits par les plus braues

Capitaines de Portugal, tellement que iusques alors n'y auoit eu Viceroy és Indes qui eust mieux équipé ny plus armé de vaisseaux. Sur le commencement du mois de Feurier l'an mil cinq cens vingt & vn, Siqueire & sa flotte mouillèrent l'anchre en la coste de Diu. Incontinent Melichsac l'enuoyé saluer par Ambassadeurs expres qui luy portent force presens. Ce pendant, comme s'il eust pensé à autre chose il arreste en qualité d'ostages Martin Euangelo & autres Portugallois trafiquans en la ville de Diu. Siqueire fit semblant de vouloir aller en Ormus pour appaiser quelques troubles, & pria qu'on luy renouast Euangelo & tous les autres Portugallois, desquels il disoit auoir affaire pour vacquer aux negoces du Roy de Portugal. A cela Melichsac & Hagamahamed firent response que les Portugallois ne scauroyent trafiquer avec plus dauantage ny faire meilleure chere qu'au lieu où ils estoient: qu'eux s'accommodoyent aux Portugallois en toutes sortes possibles, afin de monstrier par cela qu'il n'y auoit ville dont le Roy Emmanuel deust esperer plus d'obeissance à l'aduenir. Siqueire pria Melichsac de parlementer, à quoy l'autre s'accorda & vint au lieu designé pour cest abouchement, avec Magamahamed & force soldats. Le discours de Siqueire tendoit à ce point qu'il s'estoit embarqué pour aller donner ordre aux affaires d'Ormus, & que ce pendant il auoit bien voulu s'arrestier en la coste de Diu pour visiter ceste ville amie & associée, pour demander aussi permission à Melichsac d'y bastir vne forteresse, afin que les Portugallois qui y trafiquoyent peussent negotier plus seurement. Melichsac fit response que les Portugallois alloient & venoient par la ville en aussi grande seureté qu'en leur propre pays. Quant à la forteresse, qu'il ne permettroit nullement que on y besongnast, sans le congé de son pere. Alors Siqueire pria Melichsac de lui rendre les Portugallois: mais sa response fut que ce seroit luy faire grand deshonneur, & l'estimer traistre & ennemy, sur tour les choses estans en tel estat, & le port rempli de tant de vaisseaux, de luy demander des gens qui trafiquoyent commodement en vne ville confederée & obligée en beaucoup de sortes à se porter fidelement. Que s'il faisoit cela, lon pourroit

remarquer de la desfiance d'un costé & de la couardise de l'autre : d'autant que si Siqueire ne vouloit croire que les Portugallois pouuoient se pourmener seulement en vne ville qui les cherissoit, il auroit mauuaise opinion de ses confederéz, outrage le plus grand qu'un amy scauroit recevoir de l'autre : & d'autre part si Melichfac satisfaisoit à la demande de Siqueire tandis que l'armée estoit ainsi pres, on ne le pourroit estimer sinon lasche & de cœur failly entre tous autres hommes. Ce pour parler d'oc n'eut aucun effect : & Siqueire ayant assemblé depuis ses Capitaines, les aduis furent diuers, & finalement fut arresté qu'il n'estoit pas temps d'assaillir ceste place, forte d'affiète & d'artifice, & pour lors bien munie de soldats : ains faloit remettre le siege à vne autre fois, & n'estre pas inconsiderément cause de la mort de ceux que Melichfac tenoit prisonniers.

14.
*Murmures
 des soldats
 contre Siquei
 re, lequel n'e
 streprend rien
 sur la ville de
 Din.*

Les soldats entendans cest aduis, cōmencerent à murmurer & maugreer, accusans tout haut le Viceroy & leurs Capitaines. Nous voyons maintenant (disoyent-ils) que la prouesse & vertu des Portugallois est amortie. Les Capitaines ne pensent qu'à réplir leurs bourses & faire leurs charges par maniere d'acquit, sans se soucier beaucoup de leur honneur & deuoir. Auioird huy les chefs ne permettent plus à leurs soldats de faire preuve de la vaillâce qui leur est comme naturelle. C'est par là faute du Viceroy, que pour le present tous les peuples Oriëtaux se moquent des Portugallois, le nom desquels les faisoit trembler autresfois. On dit q la ville est plaine de soldats. Mais quand est-ce que ces gētils Capitaines l'ont sceu? Estoit-il temps de s'en enquerir lors qu'il falloit cōbatre? On en deuoir scauoir la verité avant que faire voile. Maintenāt qu'une si puissante armee, qui a tant cousté à venir iusques icy, est prestē à combattre & que la cōmodité se presente, on saigne du nez, & couure-on couardise du nom de sagesse. A ce conte donc l'audace & l'inconsideration auront seruy de conseil, & en l'execution pour excuser la lascheté on l'appellera prudence & vertu. De rechef on allegue qu'il faut cōseruer les Portugallois arrestez dedans la ville : cōme si au siege & en la prinse d'icelle il n'y eust deu point demeurer de soldats. Les Capitaines ne deuoyent pas

craindre d'affaillir la place sous ombre de vouloir espargner les vies de ceux qui sont venus pour cōbatre iusques au dernier soupir. Mais ils ne considerent pas que la vie de ceux qui sont retenus leans consiste en nostre vaillâce, non pas en faute de cœur : car si les ennemis redoutēt nos armes, ils ne feront rien à nos compagnons, cōme au cōtraire, s'ils commencent vne fois à nous mespriser ils diront & feroēt tous les outrages du mōde aux Portugallois qu'ils tiennent en leur puissance. De tels discours les soldats, gēs libres, audacieux, mesdisans, picquoyēt le Viceroy & les principaux de l'armee. Il survint encores vne autre occasion de mal pēser qui despita ces gēs de guerre iusques au bout. Lon auoit permis à Euangelò d'aller & venir vers la flotte, moyennāt certains autres ostages qui furent baillez Oriceluy preuoyant q̄ ses affaires se porteroient mal, à tous les voyages, emportoit és nauires des paquets d'argent & de meubles: ce que faisoient aussi les autres Portugallois ses cōpagnons. Sur cela le bruit courut incontinent que Siqueire corrópu par argēt laissoit la ville de Diu en paix, & l'accusoit-on d'auoir receu ces deniers de Melichfac. Quant à Siqueire, voyant que c'estoit temps perdu de s'arrester là dauantage, il print la route de Ormus, & designa vn autre endroit assez pres de la ville pour y bastir la Citadelle. Auant que partir il enuoya Alexis de Menesez en Cochim, Albuquerque en Malaca, George Brittio aux Isles Molucques, Raphael Perestrel en la China, laissant Iacques Fernand de Begie, Nonio & Manuel de Macede en la coste de Diu, afin que sous pretexte d'amasser viures pour Cochim ils se monstassent amis, iusques à ce que les Portugallois estans en la ville de Diu se fussent retirez és nauires, & qu'alors ils fissent guerre ouuerte à Melichfac. Tout cela ne cousta rien à excuter, car apres que la flotte fust desmaree, les gouuerneurs de Diu permirent incontinēt aux Portugallois d'aller où bō leur sembleroit: & n'estoit pas malaisé à ceux qui vogoient en plaine mer sans crainte d'aucune rencōtre de denōcer la guerre aux autres. Toutesfois ce conseil meritoit reprehēssion: car dequoy seruoit de publier la guerre, la force des Portugallois estant eslongnee, & les ennemis ne pouuans estre gueres endommagez? Estoit-ce afin d'a-

uertir ceux de Diu qu'ils fortifiassent encores leur ville, & y fissent entrer nouueau renfort de gens de guerre? Il s'ensuiuoit necessairement de cela que Siqueire n'ayant osé esperer de se faire maistre d'une place aucunemēt forte, à l'aide d'une si puissante armee de mer, n'entreprendroit iamais de la regarder pour l'assaillir, quand elle seroit munie plus qu'auparauant, & que sa flotte auroit moins de moyens & de force que la premiere fois. D'auantage, lors que la guerre fut denoncee, lon donnoit occasion à plusieurs de dire que ce n'auoit esté par bō aduis, ains par couardise que Siqueire & ses Capitaines auoyēt différé de battre & donner l'assaut à ceux de Diu. Finalement il estoit malaisé d'excuser les Portugallois, qui commēçoient la guerre sans occasiō, apres auoir amassé des viures & tiré leurs compagnons hors de la ville. Mais il faloit que Siqueire à son retour d'Ormuz, comme il auoit juré de reuenir, trouuant la ville en paix & sans opinion de guerre, inuētast alors quelque pretexte (ce qui luy eust esté bien aisé) pour faire la guerre plus honnestement, par meilleur aduis, & avec les deniers & autres moyens qu'il pouuoit apporter d'Ormuz.

15.

Goa en extreme danger par les menées de Zabaim, & par quel moyen deliurée.

ENVIRON ce mesme temps Goa fut reduite en grād danger : car d'autant que Siqueire resolut de faire son armee nauale la plus puissante qu'il seroit possible, ils ensuiuit que la ville de Goa fut affoiblie d'autant. Zabaim Dalcam scachant bien telle chose, estima le temps estre venu de recouurer son Isle, & pourtāt il fit amas de gens d'armes. Là dessus Crisnare Roy de Narisigue, ennemy iuré de Zabaim, craignant que s'il reconquestoit Goa, yn tel surcroit ne l'enhardist à machiner quelque autre plus grande chose, delibera de rompre ce coup par vne guerre ouuerte, dont il eut encores vne autre occasion : c'est que si Zabaim se rendoit Seigneur de Goa, tous les cheuaux de Perse & d'Arabie y seroyent arrestez, tellement que le Royaume de Narisigue en seroit frustré. Or afin de faire la guerre plus viuement & seuremēt, il voulut s'y trouuer en personne, & manier luy-mesmes ses affaires. Ainsi ces deux Princes se rencontrerent avec leurs armees sur les limites de Goa, & se donnerent vne terrible, sanglante & longue bataille : mais le Roy de Narisigue demcura vi-

etorieux, print de force plusieurs villes, & adioignit à son royaume diuerſes prouinces de Zabaim, entre autres celles de Balagate, qui payoyent tous les ans vn grãd tribut à Zabaim. Ce Roy Prince fort riche, eſtimant moins le reuenu de ces prouinces que la cõmodité de recouurer des cheuaux en Goa pour gaigner la fureur des Portugallois enuoya ſon ambaffadeur vers Roderic Melio gouuerneur de la ville, luy declarer que le Roy de Narſingue eſtoit preſt de quitter à celuy de Portugal, lequel il aimoit cõme ſon propre frere, la poſſeſſiõ des prouinces ou gouuernemens de Balagate, n'ayant rien plus à cœur que de faire alliãce & contracter telle amitiẽ avec Emmanuel, qu'on diroit que iamais deux Princes n'auoyent eſté plus eſtroitement vnis. Qu'au retour de Si- queire il enuoyeroit des ambaffadeurs, pour ratifier ceſte alliance avec toutes ſolennitez requiſes: ce pendãt il exhortoit, Melio d'enuoyer prõptement des commiſſaires pour s'emparer de ces gouuernemẽs, & y loger des garniſons. Melio fort ioyeux de telles nouuelles, veu que par main d'autruy le danger imminent eſtoit repouſſé, & le reuenu du Roy de Portugal augmentoit, remercia celuy de Narſingue, luy enuoyant force preſens: & partit ſoudain avec deux cens Portugallois à cheual & ſept cẽs pietons Indiens pour entrer au gouuernemẽt de Salſete, où il ne trouua perſonne. Ayãt ſeiourné là quelques iours & attiré le peuple à trafiquer, dreſſé quelque forme d'eſtat public, & logé les garniſons requiſes, il y eſtablit capitaine & maiſtre des ports & peages ſon neueu Roderic Iuſarte Melio. Puis entendant que les gouuernemens de Ponde & de Barde eſtoient abandonnez, il commanda à Iuſarte de s'en emparer. Deux mois apres Iuſarte ouit nouuelles que deux lieutenans de Zabaim approchoyent avec vne armee pour exterminer les Portugallois, dont il auertit ſon oncle, lequel alla au ſecours, & deſſit les ennemis en bataille rangee. Puis ayans fait informations contrẽ ceux qui auoyent eu intelligence avec Zabaim, emmena priſonniers en Goa cent trente des principaux, qu'il retint comme pour oſtages, tellement que les affaires demeurerent paiſibles quelques temps.

*Tumulte en
l'isle de Zei-
lan.*

EN ceste mesme annce y eut sedition esmeue en l'isle de Zeilan contre les Portugallois, par leur propre faute & mal versation. Nous auons veu cy dessus que Loup Soarez bastit vne citadelle au port de Colombo qui est en la mesme isle. Loup Brittio, capitaine d'icelle apres le depart de Ican Sylueire, la fit rebastir depuis les fondemens iusques au sommet: car la premiere fois (à cause qu'il falloit diligenter, autrement les Portugallois eussent eu beaucoup à souffrir, & pource aussi que l'on ne trouuoit point de chaux) elle auoit esté faite d'argille & de cailloux meslez confusément ensemble. Mais à ceste seconde fois Brittio amassa quatre cens charpétiers & manœuvres, avec tous les materiaux necessaires apportez sur la place. Ceste citadelle paracheuee, les Portugallois commencerent à brauer & outrager les insulaires, comme si c'eust esté quelque acte de noblesse de battre & tourmenter ces pauures gens. Les Zeilandois irritez de tant de torts coupent les viures, ne fournissent rien qu'à cōtre-cœur, blessent de plusieurs playes ceux qu'ils pouuoyēt attraper à l'escart, brief font tous actes d'hostilité. Brittio dissimuloit tous les maux que l'on faisoit à ses gens, les contenoit à ce qu'ils ne s'auançassent trop, & enuoyoit prier les gouuerneurs de l'isle d'empeschér leurs gens qui faisoient ainsi la guerre. Quant aux Portugallois ils grinçoient les dents, & accusoyent leur capitaine d'estre lâche & couard, endurât les insoléces des Zeilandois, & l'importunoyent souuēt de contraindre à coups d'espee ces barbares d'estre plus sages & de iour à autre le picquoyent de paroles pour l'induire à prendre les armes. Mais Brittio consideroit qu'en commençant la guerre il y auroit du danger pour les vns & pour les autres, que la victoire cousteroit trop cher, qu'en luy coupant les viures ses soldats avec luy seroyēt reduits à vne merueilleuse extremité, & faudroit se hazarder à quelque mort estrange: neantmoins vaincu par les importunes remonstrances de ses gens, il aimâ mieux satisfaire à leur remerité, que faire sa charge avec raison & moderation. En quoy lon apperçoit qu'il est beaucoup plus malaisé & notable aussi de mespriser vne fausse opinion d'honneur, que de se fourrer à teste baissée à trauers

les glaives d'un ennemy. Car plusieurs qui ne font difficulté d'exposer leurs vies à tous hazards pour le salut de leur patrie, la ruinent & renuersent souuentefois enrant qu'en eux est, pour la crainte qu'ils ont d'encourir quelque note d'infamie qui n'est point infame. Dont on peut conclure celuy-là estre vrayement magnanime, qui non seulement desie la mort quand elle se presente, ains aussi qui ne tient compte des bruits & vains discours de gens qui babillent sans sçauoir de quoy ils parlent.

Pour reuenir à Brittio, pour n'estre blasmé de ses soldats qu'il deuoit viuement reprimer, il fit vn trait d'homme estourdy, & qui merite grande reprehension. Car vn iour apres midy, & lors que les insulaires estoient à repos en leur maison à cause de l'ardante chaleur qui broilloit la terre, sans se douter de rien, il sortit de la citadelle suivi de cent cinquante Portugallois, court sus à des gens desarmez remplit la bourgade de frayeur & de sang, & contrainst les habitans de se sauuer de vitesse. Mais apres s'estre assemblez en campagne, & rassuré l'un l'autre, ils se souindrent d'auoir laissé leurs femmes & enfans destituez de secours: pourtant ils retournēt vers leurs maisons, & en troupe se fourrent à teste baissée parmy les Portugallois, qui sentans trop pesant fardeau sur leurs bras se retirerēt avec trente blesez, & n'en fussent pas échappez à si bon marché, si les insulaires ne se fussent amusez à estaindre le feu que Brittio fit mettre es maisons basties sur le chemin de la citadelle, afin d'auoir moyen de se retirer sans estre poursuuy. Le bruit courut incontinent par l'isle, que les Portugallois estoient si desbordez & farouches quoy qu'estrangers & en pays lointain, que sans auoir receu tort de personne ils auoyent machiné la ruine de leurs hostes: dont tous les Zeilandois furent tellement irritez, qu'ils delibererent se venger du dernier effort susmentionné. De fait, ils s'amassèrent au nombre de plus de vingt mille hommes & coururent assieger la citadelle; fossoyans tout autour, & dressans des leuees de terre sur lesquelles ils braquerent quelques pieces, puis commencerent à battre la citadelle, sans cesser de nuict non plus que de iour. Ils firent tous efforts de guerre avec vne resolution & hardiesse incroyable pour

17.

*Guerre de
Zeilan, et les
accidēs d'icelle
les iusques à la
paix.*

forcer ceste place. Ce pendant les assiegez qui faisoient
 braue resistance auoyēt à combattre la faim qui les tenoit
 à la gorge, & demurerent ainsi enclos l'espace de cinq
 mois, auant que personne les peust secourir. Alors ces
 furieux gēsdarmes deuenus plus souples se repentoyent
 de leur folie, & aprenoyent vn peu bien tard que ce n'est
 pas à faire à vn soldat de prescrire à son capitaine quād,
 qui, où & comment il faut combattre, ains doit seulemēt
 bien faire ce qui luy est commandé. Brittio enuoya
 messager expres en Cochim pour auertir que luy & ses
 gens n'en pouuoient plus. Siqueire voulant auoir vne
 grosse flotte n'auoit laissé que biē petite garnisō en chas-
 que citadelle : neantmoins Alexis de Menefez gouuer-
 neur de Cochim enuoya au secours en vne galere cinquā
 te Portugallois sous la charge d'Anthoine de Leme.
 Iceux ne pouuās voguer en diligēce à cause des bouras-
 ques & tourmentes, arriuerent tard en la citadelle, & lors
 Brittio entendit du capitaine Leme qu'il ne falloit plus
 attendre de gens que Siqueire ne fust de retour. Or il n'y
 auoit ordre de delayer plus longuement, sinō qu'ils vou-
 lussent mourir de faim: pourrant Brittio cōclud de iouer
 à la desesperée, & cōmanda au capitaine Leme de canō-
 ner furieusement de sa galere durāt toute la nuit les tou-
 relles & les forts des assiegeans. Sur le matin, cōme les in-
 sulaires estoient apres à se garātir du tōnerre de la gale-
 re, sans presumer (cōme il n'y en auoit gueres d'apparēce)
 que les assiegez osassent mettre le nez dehors, Brittio sort
 avec trois cens Portugallois, surprend les ennemis, fauce
 du premier coup leurs forts & bouleuards, & les effroye
 tellement qu'ils quittent la place. Mais d'autant qu'ils e-
 stoient vne telle multitude, estans entrez en la bourga-
 de, ils furent tancez par les plus experimentez d'entre
 eux, & encouragez de telle sorte qu'ils retournerent au
 combāt. Outre les gens de pied il y auoit en l'auāgarde
 cent cinquante hommes à cheual, & vingtcinq elephans
 avec leur tourelles, aucuns desquels portoyent des glai-
 ues trenchans à leurs dents crochues, dont ils blessoyent
 les premiers trouuez avec vne merueilleuse adresse. Au-
 cuns Portugallois estonnez de voir tant de gens & sur
 tout l'impetuositē de ces bestes farouches, vouloyent

reculler : mais Brittio auoit laissé le camp & s'auançoit vers la bourgade. Lors il enioignit aux harquebuziers de viser tous à ces elephans, lesquels faschez d'un bruit d'harquebuzades non accoustumé, & encores plus des playes que les bales leur faisoient, se tournent vers leurs gens mesmes, renuerfent & foulent aux piedz les hommes de cheual, rôpent entierement le bataillon des pietons, & mettent en route l'armee des insulaires, tellement que les Portugallois n'auoyent personne à combattre : pourtant ils se mirent à la poursuite, firent vne terrible boucherie, chassent toute la garnison de la bourgade, & suiuent les fuyards iusques pres d'une forest de palmiers. Brittio ne trouua pas leur de passer outre, craignant que les arbres pour estre trop pres l'un de l'autre ne contraindisent ses gens de marcher à la desbandee, & que cela donast moyen aux ennemis de les endommager. Ainsi dōc il fit sonner la retraite. Le Roy de Zeilan voyant la pluspart de sa noblesse tuee en ceste sortie, & que les Sarrafins, auteurs de la guerre, s'estoyent sauuez sans combattre : presumant d'autre part que le plus fort restoit à faire, & que tāt plus la guerre tireroit en longueur, plus son estat se trouueroit esbranlé : considerant aussi que tenāt la citadelle assiegee encores quelques mois il auroit à combattre vne armee nauale : encores que les Sarrafins n'en fussent d'avis il demanda la paix qui luy fut tres-volontiers accordee, la necessité du temps le requerāt ainsi : tellement que l'alliance fut renouuelee, les Portugallois se porterent plus modestement en l'isle qu'ils n'auoyent fait par le passé, & les Zeilandois d'autre part firent meilleur traitement à leurs hostes, fust de bon cœur ou par faintise : tāt y a que les vns entretrindrēt les autres mieux que par le passé.

13.

TANDIS que l'on se barroit en Zeilā, les Portugallois se trouuerent en grād danger dedans Ormus, par les embusches qu'on leur dressa : ce qui print commencement de la debonnaireté du Roy de Portugal, lequel entendant que les Roys d'Ormū auoyent esté tresindignement traitez par leurs propres suiets, & qu'apres la ville prinse par Albuquerque, qui les auoit deliurez, neantmoins leurs seruiteurs manioient tellement les douannes & ga-

*Conspiration
du Roy d'Or-
mus et de son
conseil contre
les Portuga-
lois.*

belles, que la plupart des deniers demeureroit entre les doigts des receueurs, delibera d'y pouruoir, à ce que telle piperie ne se commist plus à l'auenir. Pour cest effect il estable des thresoriers, secretaires & controlleurs des finances, leuelles il vouloit estre entierement employees à l'entretienement du Roy d'Ormus, & ce iusques à tant que luy-mesmes peut cognoistre à combien montoit la despenſe annuelle, & ce qu'on auoit tiré de ses coffres, & que tel calcul luy fist toucher au doigt que toute sa prosperité dependoit de la sauuegarde du Roy de Portugal. Raix Xeraf & autres courtisans, culpables de ce meſme crime de peculat au manient des finances, furent extremement despités de se voir forclos du moyen de fouiller au thresor public pour emplir leurs bougettes, comme ils faisoient d'ordinaire es autres annees. Se voyans doc ainſi rebutez par l'adresse & fidelité des Portugallois, ils taschent de persuader au Roy, qu'il ne portoit que le nom, & qu'en effect il estoit priué de son droit & domaine: que sous couleur d'amitié on tirannisoit son royaume tout ouuertement, & que tout le reuenu seruiroit à estancher aucunement l'auarice des Portugallois: qu'il valoit mieux mourir mille fois que d'endurer vn tel outrage. Ces propos repetez à diuerſes fois par tels conseillers pendus à toutes heures à l'oreille de ce Roy, le changerent entierement & rendirent ennemy des Portugallois, auxquels autres fois il portoit singulieremēt affection. Apres auoir communiqué l'affaire au beau-pere du Roy, ennemy mortel des Chrestiens, il fut arresté, apres que Siqueire seroit party d'Ormus, qu'on couperoit la gorge aux Portugallois, & mettroit on force soldats en la citadelle. Mais il y auoit vne difficulté, au cas que ceste coniuration ne peut estre executee, & que leur dessein fust descouuert, qu'ils n'eussent pour aduersaire vn Prince nommé Mochry, lequel venant à se ioinde aux Portugallois, pourroit beaucoup nuire aux Ormuſiens.

19.

Siqueire in- L'ISLE nommee auourd'huy Baharem (qu'aucuns
duit par la estiment estre celle que les anciens appelloient Ichare)
france du est separee de l'Arabie par vn petit bras de mer. Elle
Roy d'Ormus dependoit du royaume d'Ormus: & toutesfois Mochry
 gendre du Prince de la Mecque s'en estoit emparé à for-

ce d'armes. Non content de cela il auoit armé vne flotte de six vingt voiles, moyennant quoy il nelaissloit guerres en repos le Roy d'Ormus. Auant d'oc qu'exccuter la conspiration sus declairee, ces bons conseillers resolurent de ruiner premierement Mochry : & pour paruenir à cela, s'auiſerent d'vne trahison notable entre les autres, delibèrez de desfaire l'ennemy qu'il redoutoyent le plus par les mains de ceux, ausquels ils pretendoient couper la gorge puis apres. C'est aussi l'ordinaire de la plupart des Mahumetistes de s'estimer fors habiles gens, s'ils peuuent commettre quelque insigne acte de desloyauté. Or donc ceux-cy vont trouuer Siqueire, luy font entendre que le Roy de Portugal estoit vray seigneur d'Ormus, & partât deuoit ruiner par la force de ses armes tous ceux qui endommageoyent son nouueau royaume. Qu'il ne suffisoit pas à Mochri de piller les reuenus d'Emmanuel, mais aussi tous les vaisseaux tenans la route d'Ormus estoient partie par force, & quelques fois sous pretexte d'accorder modement, menez au port de Baharem en laquelle il commandoit d'autorité, & que tenant ce passage, la douanne royale estoit fort diminuee. Que le Roy d'Ormus estoit si court de finances qu'il ne pouuoit plus fournir le tribut deu à celuy de Portugal. Et pourtant prioyét Siqueire de pouruoir à l'honneur & dignité de son Prince, affermir sa domination, reprimer vaillamment l'arrogance de ce tyranneau de Baharem, & donner ordre qu'un Roy allié, tributaire, & tresaffectionné seruiteur de celuy de Portugal, fust maintenu : affin que chascun entendist que les ſuiets d'un si braue Prince estoient bié assurez sous la protection d'iceluy. Ils adiouſtoient à cela que par vne grande prouidence de Dieu Siqueire estoit lors arrivé en Ormus avec vne si belle armee navale : & qu'il estoit impossible d'imaginer temps plus propre, ny meilleure commodité d'exccuter ceste haute entreprise à souhair, comme à ce coup. Par tels propos ils induisirent Siqueire de trouuer bonne la guerre cōtre Mochry : toutesfois il en voulut auoir l'auiſ de ses capitaines, qui enclinerent tous à cela. Suiuant quoy furent armees sept nauires sous la charge d'Anthoine Correa, qui auoit acquis fort grand honneur en la desſaite du Roy

*à faire la
guerre au
Prince Mo-
chry, et suc-
ces de cela.*

de Bintam pres de Malaca. Il fut suiuy de quatre cens Portugallois, gentils-hommes pour la pluspart, pour aller combatre Mochry & les siens. La flotte du Roy d'Ormus composee de cent cinquante voiles, dont Xerax estoit general, se ioignit aux Portugallois, & y auoit en ces vaisseaux d'Ormus trois mille Sarrafins archers, picquiers, & harquebuziers, munis de canons & de toutes choses necessaires à la guerre. Comme ils tenoyent leur route, vne tourmente soudainement leuee escarta les vaisseaux. La mer estant appaisée, Anthoine Correa & Iean Pereire avec leurs nauires arriuerent en l'isle de Baharè, à l'endroit où est assize vne ville de mesme nom, assez grande, & renommee pour la beauté de ses bastimens & le grand nombre de ceux qui y habitent & trafiquent de tous endroits pour la commodité du commerce. Mochry ayant entendu qu'on le venoit visiter, auoit fortifié ceste ville, disposé force artillerie es endroits necessaires, & souldoyé douze mille Arabes pour la defence d'icelle. Correa attendit à l'anchre, vn peu arriere de Baharem, la flotte d'Ormus, laquelle arriua six iours apres, & tous se rallierent, fors deux nauires Portugalloises, dont l'vne fut rechassée de la tourmète iusques en Ormus, l'autre print port en l'isle de Baharem apres la guerre acheuee. Les troupes ayans prins terre, Correa les rangea incontinent en bataille, puis assaillit la ville de toutes parts: mais à ceste premiere venue les assaillans furent viuement repoussez. De rechef Correa donne à teste baillée dedans deux forts, & lors y eut vn cruel conflict, qui dura longuement: toutesfois les assaillans entrerent dedans & contraignirent les ennemis de tourner le dos, ayans laissé morts sur la place trois cens hommes de pied & trente de cheual. Les Portugallois y en perdirent cinq, entre autres George Pereire, & eurent septante blesez, nommémēt Antoine Correa qui recut vn coup fort dangereux. Son frere Arias, port enseigne de la compagnie, eut tant de playes, que pour auoir trop perdu de sang il tomba esuanouy, en danger d'estre acheué par les ennemis, si Alexis de Souze & Roderic Correa, braues gentils-hommes, ne fussent acourus au secours: mais en voulant desgager Arias, ils furent grieuement blesez

eux mesmes. Xeraffe porta sagement alors, car il ne se trouua point en la meslee; & n'emporta de butin en ses nauires que ce qu'on luy laissa prédre. S'il eust voulu suivre les Arabes avec ses troupes entieres, il y eust eu beaucoup plus d'ennemis par terre. Apres cest exploit, Correa se saisit du palais de Mochry, print possession de la ville au nom du Roy Emmanuel, loua ses gens de leur bon deuoir, & fit cheualiers quelques vns qui s'estoyent le plus vaillamment portez au combat: puis ayant prins le serment de Xeraf, representant la personne du Roy d'Ormus, il luy bailla le gouuernement de la ville, à condition de recognoistre à perpetuité le Roy de Portugal pour souuerain. Or Xeraf ayant entendu que Mochry estoit mort trois iours apres la bataille, à cause des playes qu'il y auoit receues, courut, par la permission de Correa, iusques au lieu où ce Prince auoit rendu l'esprit, & coupa la teste au corps mort pour en faire vn agreable present au Roy d'Ormus. Les vaisseaux estans à la rade de Baharem furent bruslez. Hamet neveu de Mochry, gouverneur d'une autre place nommée Catife, située en la mesme isle, la quitta, & sous la promesse que Correa luy fit, passa bagues - sauues en terre ferme: & ainsi finalement toute l'isle demeura paisible au Roy d'Ormus. Correa de retour en Ormus fut recueilly de Siqueire, comme sa prouesse le meritoit, & receut beaucoup de presens du Roy: mais la conspiration susmentionnée demeura en suspens, & l'exécution en fut différée iusques à vne autre fois.

En ceste mesme année Ichabentafuf voulant venir au dessus d'une belle entreprise, fut tué en trahison. Il s'estoit resolu de faire la guerre au Xerif & assaillir la ville de Maroch, & pour cest effect demanda secours à Nonio Mascaregne, qui luy fournit trente cheuaux & vingt pictons seulement, conduits par Roderic Norogne. Outre ceux là, Francisque Melio, Alfonso Gomez, Jean Fernad Prete, & Ignace Nonio, importunerent tant Mascaregne qu'il leur permit d'aller à la guerre avec Ichabentafuf, & furent suivis de vingt autres à cheual & de cinq hommes de pied, sans que Mascaregne en voulust laisser sortir dauantage, car mesme il fit fermer les portes de Safa, de peur que nul ne s'en allast sans congé. Ichabenta-

20.

*Conspiratio
cōtre Ichabē-
tafuf qui est
traitreusé
tué à table.*

fuf appella les Mores de Dabide & de Garabie, enſemb le
 ceux de Ledehambre avec leſquels il auoit traité ac-
 cord. Mais ces Mores de Ledehambre, gens qui n'auoyẽt
 aucune tenuẽ, & qui imaginoyent des dangers en l'en-
 trepriſe de Iehabentaſuf, n'oſoyent ſe mettre aux chãps:
 & d'autre part ils craignoyent que Iehabentaſuf ne leur
 couruſt ſus, s'ils reſuſoyent de le ſuiure. Là deſſus ils
 complotterent de le ſurprendre & luy couper la gorge.
 Pour executer cela ſeulement, ils faignirent ne deſirer
 rien plus que de luy rendre obeïſſance, & finalement ſe
 rendirent aupres de luy, mais pour lui oſter la vie. Enuiũ
 le meſme temps Nacer Roy de Mequinez eſcriuit à Ieha-
 bentaſuf, que luy & ſon frere Hamet Roy de Fez auoyẽt
 appointé tous leurs differens, & delibéré de ioindre leurs
 forces enſemble pour enuelopper Iehabentaſuf qui ne
 leur ſçautoit iamais faire teſte, & n'y auoit moyen de
 ſe garentir, s'il ne faiſoit quelque bon coup pour ſe re-
 mettre en la bonne grace du Roy de Fez & effacer toutes
 les fautes precedentes. Que s'il eſtoit ſage il deuoit at-
 trapper finement autant de Chreſtiẽs qu'il luy ſeroit poſ-
 ſible, & les liurer au Roy de Fez: autrement il ne pou-
 uoit attendre que ruine & conſuſion ſoudaine. Iehaben-
 taſuf trouua telles lettres ſi impertinẽtes qu'il ne daigna
 y reſpondre. Ce pendant on luy vint dire qu'un certain
 ſeigneur des monragnes auoit chargẽ, deſfaire, & tuẽ vn
 ſon capitaine nommé Abraheim, frere d'Azume, eſtimẽ
 vaillant & riche entre les Mores, & emmenẽ prifonniers
 cinquante hommes de cheual: ce qu'entendu, Iehaben-
 taſuf alla viſiter Azume pour le conſoler, aſſiſter au ban-
 quet ſunebre qu'Azume deuoit faire en l'honneur de ſon
 frere, ſelon la couſtume du pays, & faire en perſonne les
 autres deuoirs & offices de fidele amy. Il auoit laiſſẽ tous
 les Chreſtiẽs & toute ſa famille & ſes pauillons, menant
 trois de ſes capitaines, qui luy tindrent compagnie iuſ-
 ques au camp des Mores de Dabide. Or comme il ban-
 quettoit à table ſans ſe douter de rien, trois des princi-
 paux coniuerez le viennent ſaiſir par derriere, & luy don-
 nent tant de coups de poignard, qu'il tombe mort. Les
 trois capitaines venus avec luy, voulans le ſecourir, firent
 deuoir de vaillans hommes en telle neceſſité: mais ils fu-
 rent

rent assaillis & taillez en pieces par les autres coniuerez. Incontinent Oleidehabram assaillit le camp de Ichabentafuf, Roderic Norogne & les autres Chrestiens, ralliez avec les Mores de Garabie, prenent le chemin de la ville. Comme ils marchoyent, plusieurs de ces Mores, gens inconstans, traistres, & prest à changer de party d'heure en heure, complotterent de tuer les chresties, afin d'auoir leurs armes & cheuaux: mais leurs capitaines ro-pirent ce coup. Sur ces entrefaites arriue vn seigneur nommé Allebembeques, ennemy de Ichabentafuf, & confederé d'Oleidehabram, lequel enuoya requerir Norogne de parlementer ensemble. Ainsi qu'ils deuisoyent à part, ses gens courent sus à ceux de Norogne, qui n'estoiet pas sur leurs gardes, en tuerent grand nombre, & prindrent les autres avec Norogne, puis les emmenerent pour estre esclaves. Quelques vns eschapperent, entre autres vn More nommé Bogime, duquel la femme & les enfans demouroyét à Safin, qui ne cessa de courir iusques à ce qu'il fust arriué là, pour compter ces piteuses nouuelles. Lors Mascaregne monte promptement à cheual, suivi de cent cinquante autres, & doublant le pas, arriua bien tost au camp de ces meurtriers, qui estoient enuiron à cinq lieues de là. Il donne à bride abatee à trauers leurs pauillons, en tue cent cinquante, prend plus de six cens cinquante prisonniers, & emmeine vn merueilleux butin de bestail à laine & à corne dedans Safin, remportant vne belle victoire des ennemis, & vengeât en mesme iour vn detestable forfait. Ce iour mesmes Francisque Melio reuint avec six homes de cheual eschappez de la main des Mores: & le lendemain arriuerent seize pietons, & deux autres hommes de cheual, qui auoyent quité leurs montures pour gaigner au pied avec les seize autres. Telle fut la fin de Ichabentafuf, vaillant seigneur More, tresbel exemple de preud'homme, rare entre ceux de sa nation: & tresfidele, car iusques au dernier soupir de sa vie il porta les armes heureusemēt & avec tresgrande reputatiō pour maintenir l'honneur & la domination du Roy Emmanuel.

AN commencement de ceste annee mil cinq cens vingt & vn, Emmanuel establit Edouard de Menescey

21.

Edouard de

Y

*Menezes vi-
ceroy de In-
des.*

*Guerre de
George Albu-
querque au
royaume de
Pacem.*

Viceroy des Indes, lequel fit voile de Lisbonne le cinquies-
meiour d'Auril avec vne flotte de quinze nauires, & arri-
ua sans perte ny incommodité aucune au port de Bar-
ticala, & incontinent print possession de la charge qui
luy estoit commise. En la mesme annee George Albu-
querque & George Britio s'embarqueret, pour aller l'un
à Malaca, l'autre aux Molucques: mais ils ne rencontre-
rent pas l'un comme l'autre en leur nauigation. Nous co-
mencerons à deduire ce qui auint à Albuquerque lequel
menoit avec soy vn Prince chassé de son pays, despouil-
lé de ses biens & estats par vn tyran meurtrier du pere
de ce Prince, & pretendoit le remettre en possession du
Royaume de Pacem. Estans arriuez au port de la ville ca-
pitale aussi nommée Pacem, le bruit courut que le fils du
feu Roy estoit en ceste flotte, qui fut cause que plusieurs
se retirerent aux nauires, firent la reuerence à ce ieune
Prince, & crierent viue le Roy. Le tyran appelé Guei-
nah, auoit fortifié la ville d'un fossé & d'un bon rempart,
disposé des soldats en diuers endroits, braqué force ar-
tillerie, & posé plusieurs corps de garde: car on luy rap-
porta que le Viceroy des Indes deuoit enuoyer vne ar-
mee pour le chasser du royaume de Pacem. De fait Albu-
querque luy enuoya dire que s'il quittoit au vray succes-
seur du feu Roy la couronne par luy iniustement & mes-
chamment vsurpee, il iouiroit d'une meilleure condition
qu'il ne faisoit auant que s'estre emparé de ce Royaume.
Mais le tyran fit responce que par droit de bonne guerre
il s'estoit saisi de la couronne qui luy appartenoit legiti-
mement, & qui luy auoit esté rauie à tort par le defunct:
qu'il estoit prest de faire hommage au Roy de Portugal, &
payer fidelement le tribut qui luy seroit imposé. Là des-
sus il supplioit Albuquerque de ne vouloir en faueur de
qui que ce fust depousseder contre toute equité vn Roy
qui tenoit la couronne à iuste tiltre, & qui remettoit de
bonne affection sa personne & son estat en la protection
d'Emmanuel. Apres beaucoup de prieres & protestations
faites en vain depart & d'autres, il fut arresté qu'on as-
sauldroit la ville. De bon heur Manuel de Gama party
de Malaca avec vne nauire bien equippee, estoit arriué
au port de Pacem. Outreplus, le Roy de Dairi voisin de

Pacem, & parent du ieune Roy (en faueur duquel il auoit entreteenu la guerre contre Gueinal) entendant que les Portugallois estoient resolués de forcer la ville, assembla soudainement vne armee de trois mille hommes, vint trouuer Albuquerque, & luy offrit sa persone & tous ses moiens. Albuquerque le remercia de sa frâche voloté, disant au reste, qu'il n'auoit besoin de ses forces pour entrer dedans la ville, ains seulement pria ce Roy de regarder le cōbat, pour iuger des coups, & cognoistre de quel bras les Portugallois scauoient frapper leurs ennemis. Mais de peur qu'apres la victoire (qu'il esperoit obtenir à l'aide de Dieu) les troupes du Roy, mēsees parmy celles de Gueinal, ne se trouuassent enuēlopees au danger, il leur donna pour signal vn chapeau de brâches d'arbres que les soldats deuoyent mettre sur leurs testes, afin d'estre recognus d'auec les autres. Cela fait, Albuquerque disposa ses gens en trois bandes, baillant la premiere à Sance Henriquez, la secōde à Alfonso de Menesez, la troisiēse luy demeura, en laquelle estoient Manuel de Gama, Anthoine Mirande d'Azeuede, Garfie de Chaigne, Hector Valladares, Francisque Boucarre & quelques autres gentils-hōmes, qui auoyent ia fait preuue de leur vaillance en maints endroits. Sance desmarche incontinent pour se rendre maistre du premier fort. Menesez voulāt auoir sa part de l'honneur, courut vistemēt assaillir le lieu qui luy estoit assigné. Puis Albuquerque les suiuit avec ses gens, encourageant chascun au combat. L'escarmouche dura longuement & bien chaude à coups d'arquebuzes, de fiesches, & de pots à feu. Il y auoit vn boulevard dont les Portugallois estoient batrus auecques blessure de plusieurs. Denis Melio, Gama, Valladares & Boucarre marchent droit à la porte, l'enfoncent, brisent les gonds & verrouils, puis entrent à teste baissée avec leurs soldats, tellement que le premier fort leur demeura. L'autre mieux muni se defendoit courageusement si que les soldats eurent beaucoup de peine à le forcer, & s'y trouuerent maintesfois en grand danger de leurs personnes: car la partie estoit beaucoup plus forte qu'il ne pensoient, & confesserent depuis que Dieu auoit besongné en cest endroit d'une façon speciale pour leur donner

viçtoire. Quatre cens seruiteurs domestiques & amis du tyran Gueinal, ensemble deux, mille des soldars entretenus à ses despens, furent lors taillez en pieces. Gueinal mesme fut tué aussi, ses femmes & enfans prins prisonniers. Albuquerque n'auoit mené au cōbat que deux cēs huitante Portugallois, qui reuindrēt tous, exceptez quatre occis en la meslee. Le Prince, heritier du feu Roy, fut mis en possession du Royaume par Albuquerque, lequel luy fit prester hommage & serment de fidelité au Roy de Portugal, le cortisa à certain tribut annuel, mit force ourriers en besongne & bastit vne citadelle, dont il cōmit la garde à Sance Henriquez avec vne garnison de cent soldats: puis reprint la route de Malaca, & s'y rendit sain & sauf avec toute sa flotte.

22.
*Arrivée du
Capitaine
Brittio en l'is-
le Taprobane
où il est des-
fait & tué a-
vec les capi-
taines et prin-
cipaux de sa
flotte: & que
deuint le re-
ste.*

Q V A N T à George Brittio il mouilla l'ancre avec six nauires en la Taprobane au haure d'une ville nommée Dachein. Le Roy de ce pays & quartier de l'isle vouloit mal de mort aux Portugallois, depuis le tēps qu'Alfonse Albuquerque auoit conquis Malaca: tellement qu'il pilloit du tout ceux qui par cas d'auenture arriuoient en ce haure. Brittio scachant cela luy enuoye dire qu'ils s'embahissoient fort que tous les Roys de Taprobane fussent amis des Portugallois, & que luy en fust ennemy, iusques à despouiller ainsi ceux qui venoyent surgir là: & sur ce le prioit & exhortoit de vouloir contracter ensemble vne bonae paix, & en signe d'amitié faire rendre tous les biens ostez aux Portugallois. La response du Roy fut qu'il donneroit ordre de faire chastier les coulpables d'un tel crime, & satisferoit au reste de la requeste: mais en lieu de tenir promesse, il fortifioit sa ville plus que iamais. Brittio voyant qu'on le paissoit de paroles, mit en terre ce peu de gens qu'il auoit, assaillit le fort qui gardoit le haure & y entra de force, commençant la charge à coups de picques & d'espees, pource que les archers & harquebuziers qui deuoient combattre au premier rang, selon la deliberation de Brittio, n'estoyent encores en terre, à cause d'un vent contraire qui les retenoit. Les ennemis se retiroient en grand haste, quand voicy venir le Roy suiuy de plus de mille gentils-hōmes bien armez, & de six elephans. Brittio attēdoit dedans le fort le reste de

ses troupes: mais Iean Serran enseigne de la compagnie, sans respecter l'autorité de son capitaine marcha vers les ennemis qui gaignoyét vn costau: & quoy que Brittio le rappellast à haure voix, il fit la sourde oreille, continuant en son audace & forcenerie, tirant beaucoup de ses semblables après soy, tellemēt que Brittio ne les pouuāt plus arrester fut cōtraint aller à la queue de ces incensez. A la premiere charge ils desmarcherent si resoluement que les ennemis reculerent dedans la ville. Lors estimans auoir tout gaigné ils entrerent après, afin de ne laisser repredre haleine aux fuyards: mais ils se trouuerēt incōtinent biē loin de leur cōpte, car ils rencontrerēt en vne large place les forces du Roy, dont ils furent enuëlomez. Ce fut là que les Portugallois firent merueilles voyans qu'il falloit mourir. Iean Serran fut le premier tué. Vn braue capitaine nommé Gaspar Fernand, marchāt à teste baissée droit à vn des elephans pour le transpercer d'vn coup de iaque-line, fut empoigné par l'elephant qui l'esleua bien haut avec sa trōpe, puis le ietta de grande roideur cōtre terre, & le foula aux pieds, tellement qu'il expira sur le champ. En apres Brittio tōba mort par terre, puis Christoffe Pincte, Iean Pereire, Francisque Godize & plusieurs autres. Ceux qui peurent se tirer de la presse gaignerent au pied. Vn des capitaines de nauire, nommé Laurent Godin, mettoit ses soldats en terre, pour se ioindre à Brittio: mais voyant acourir les Portugallois à perte d'haleine il ne les attēdit pas pour les recueillir, ny pour arrester l'ennemy qui les suiuoit de pres, ains s'ensuit vilainement: au moyen dequoy les poursuiuans talonnerent les fuyards iusques au riuage. Tous ne sçauoyēt pas encores que le general eust esté tué dedans la ville. Ludouic Rapoz & Pierre Villose capitaines renommés pour leurs braues exploits, entēdans au riuage que leur chef estoit mort, conclurent entre eux de ne souffrir ceste tache en leur honneur, de partir d'vne meslee, où le chef estoit demeuré. Pourtant ils entrent de pied & de teste parmy les ennemis, ne cessent de frapper, renuerser & tuer, iusques à ce qu'eux mesmes, las de combatre & de receuoir des coups, demeurerent estendus sur la place. Gaspar Gal, qui deuoit marcher le premier avec ses soldats, harquebuziers pour la pluspart,

eut à combattre les vagues & vents contraires. Mais quand il entendit les coups de canon que les ennemis tiroyēt de leur fort pour repousser les Portugallois, il fit haster sa fregate à force de rames le plus diligemment & courageusement qu'il estoit possible. La roideur de laquelle on pouloit ceste fregate la fit eschoquer & l'arresta tout court sur vn monceau de sable caché sous l'eau, tellement qu'on ne la sceut tirer ni avec les rames, ny avec les perches, ny par adresse aucune des matelots, ains salut attendre le reflux qui la retira de dāger. Ainsi donc tous les capitaines furent tuez, sinon Gal & Godin qui ne se trouuerent pas en la meslee: l'un pource qu'il luy fut impossible, l'autre d'autant qu'il ne fit conscience de s'enfuir comme vn vilain. En ceste desfaite furent tuez enuiron quatre vingt Portugallois, & quant à ceux qui eschapperent, il n'y en eust pas vn qui ne portast les marques du combat pour s'en souuenir le reste de leur vie. Ils leuerent les anchres incontinent, desployent les voiles & gaigner le port de Pedir, ou ils trouuerent Anthoine frere de George Britto, lequel par les voix de tous fut esleu pour tenir la place de son frere suiuant l'intention du Roy qui auoit ordonné que, si George mouroit par quelque accident, Anthoine auroit la charge des isles Molucques. Anthoine establit des capitaines es nauires, & fit voile en la coste de Pacē, où il trouua George Albuquerque: & tous ensemble prindrent la route de Malaca, où ils furent fort gracieusement recueillis par Garſie de Sale, lequel quitta promptement la capitainerie de la citadelle à George Albuquerque. En ceste mesme annee au mois de Iuin, la Roine Eleonor estant à Lisbone accoucha d'une fille qui fut nommee Marie, laquelle depuis a esté vne princesse de grand esprit, magnanime, & fort riche: vray est que iusques au jour que nous escriuios cecy elle estoit encore à marier.

23.

Bataille navale de Jacques Fernad de Begie MAINTENANT il nous faut discourir sur ce qui quait en Inde à Jacques Fernand de Begie. Lors qu'Anthoine Correa fut enuoyé en Bahare par Siqueire, Begie fit voile en Inde avec quatre nauires, assaillit & print en la coste de Cambaye deux nefs chargees de viures, & vne nauire de charge bien munie. Pource que le combat se donna pres du port de Diu, Melichiaz enuoya au secours

dixhuit fustes & fregates sous la charge de Hagamahamed. Mais lors qu'il approcha, le combat estoit finy, & la plupart des ennemis taillez en pieces. Neantmoins il s'attacha vivement aux victorieux, mit en fond la nauire de Gaspar Dougel, au moyen dequoy presques tous ceux qui estoient dedans furent noyez: & peu s'en salut que celle du general Begie ne perist avec l'autre. Nonio Fernand de Macede fut aussi reduit en grand danger, & perdit quatorze soldats. Comme le combat s'eschauffoit avec apparence de confusion extreme pour les Portugallois, survindrent des pluyes fort grosses accompagnees de tonnerres & de fouldres, si que la mer courroucée se para les combatans. Begie tira vers Chaul pour faire aiguade, recouurer des farines, & calfeutrer les nauires où Siqueire arriua n'ayant plus esperance de pouuoir bastir vne citadelle à Diu: pource que Melichiaz auoit fortifié le lieu designé pour ce bastiment. D'auantage vn grand vaisseau qui portoit les matériaux de l'edifice auoit esté brulé par les prisonniers Turcs qui estoient dedans, & entreprirent vn terrible acte: car aimans mieux mourir que viure esclaués, ils firent tant avec des cloux de fer frottez l'vn contre l'autre, que les estincelles en volerent sur certains caques de pouldre, laquelle brussa vaisseau, Portugallois, prisonniers & tout. Siqueire ayant embrassé d'autres desseins fut cōtraint de lascher prise à l'arriuee d'Edouard de Menesez. Ce pendant Pierre de Sylues, que Siqueire auoit laissé en Ormus pour expedier quelques affaires, arriua en la coste de Chaul. Hagamahamed voguant à l'encontre avec sa flotte enfondra à coups d'artillerie le vaisseau de Sylues, lequel fut noyé avec la plupart de ses gens: ceux qui se sauuerent à nage furent prins & menez prisonniers à Diu.

tres exploits
en celuy de
Chaul.

A v mesme temps fut solennisé à Lisbonne le mariage de Beatrix fille du Roy Emmanuel avec Charles Duc de Sauoye. Quelques anneés au parauant Charles auoit pour chassé ce party, estimant que ce luy seroit honneur & auancement pour ses affaires d'estre allié d'Emmanuel, ioint qu'on luy auoit fait bon rapport de la beauté & bonté de Beatrix: tellement que pour l'obtenir il enuoya ambassadees expres en Portugal. Mais pour la premiere fois

24.

Mariage de
Charles Duc
de Sauoye a-
vec Beatrix
fille du Roy
de Portugal.

le Roy ne conclud rien, toutesfois il recueillit avec bon visage les Ambassadeurs, s'excusant sur l'aage de sa fille, encores bien ieune pour estre mariee. Ce pendant il donna ordre de sçauoir sous main par gés propres quel estoit l'estat, le domaine, le pays & la grandeur de ce Duc: ce qu'ayant sceu il estima qu'il ne le faloit esconduire. Dequoy Charles ayât senty quelque chose, renuoya ses Ambassadeurs en Portugal, par l'entremise desquels l'accord fut fait; les articles d'iceluy couchez par escrit, & la flotte necessaire pour mener Beatrix iusques à Nice, où son pere promettoit la rendre, equipper à grands frai. Il y auoit dixhuit nauires les plus grandes, pour la pluspart, que lon eust iamais veuës en Portugal: outreplus, quelques galasses, galeres & fregates. Le Roy ordonna chef & general de ceste flotte vn sage Seigneur nommé Martin de Blanc Castel, Conte de Ville-neufuë de Portimane. Martin de Coste Archeuesque de Lisbonne equippa magnifiquement vne autre nauire pour accompagner Beatrix. Plusieurs gentils hommes furent deputez pour y aller aussi, en si braue equippage d'habillemens enrichis de pierreries, d'or, & d'autres ornemens, que chascun estoit estonné de les voir. Les nauires estoient dorees & peintes de gentille façon par dedans. Auant que partir on celebra des iours de feste, & des ieux où la noblesse se trouua, avec grand plaisir & signes de ioye de tout le peuple. Outre ces riches vestemens les Portugallois eurent encores plus de soin de leurs armes & de fournir leur flotte d'artillerie. Le neufiesme iour d'Aoust ils haussèrent les voiles, & vindrent surgir au port de Nice sur la fin de Septembre ensuiuant: où Beatrix fut receuë de Charles en grande pompe & avec tresgrands signes d'amitié, ensemble de tous les Seigneurs, gentils hommes & autres qui se trouuerent là.

29. EN ces entrefaites, les Portugallois qui bastissoient la Citadelle en Chaul, laquelle n'estoit encores esleuee que iusques au premier estage, se trouuerent fort trauaillees & en grand danger: car Hagamahamed faisoit diuerfes courses sur Francisque Mendoze & George de Menefez Capitaines de deux galeres, & tuoit tousiours quelques vns des leurs à la barbe de Siqueire & des autres Capitai-

mes, qui à cause de l'impetuosité du reflux ne pouuoient *de Chaul, &*
secourir leurs compagnons: car Hagamahamed, hardy & *l'issue d'icelle.*
rusé chef de guerre, elpioit le temps auquel les vaisseaux
de voile ne luy pouuoient nuire. Siqueire estât contraint
de se retirer en Cochim pour d'illec faire voile en Portu-
gal, laissa Henry de Menesez en la Citadelle de Chaul, &
establit Admiral en ceste mer Iacques Fernand de Begie,
luy laissant pour l'exécution de sa charge deux nauires,
trois galeres, vne fregate & vne fuste: puis se mit à la voi-
le: mais vne bonasse trop grande l'arresta tellement qu'il
fut contraint demeurer en la coste pres de la flotte de Be-
gie. Hagamahamed ne voulant perdre aucune occasion
d'endommager les Portugallois, tournoit avec trente
fregates autour de leur flotte, la canonnoit sans cesse, se
garantissant de viffesse, à force de rames, & par vn mou-
uement continuel de ses vaisseaux. Siqueire estoit en
merueilleuse peine, d'autant qu'il ne pouuoit bouger.
Begie commanda à André de Soufe de voguer avec sa
galere à l'embouchure du fleuve qui trauerse Chaul,
pour empescher que les ennemis venans par là ne canon-
nassent la forteresse. Mais Hagamahamed courut sus au
Capitaine Soufe, & de nuit tira tant de coups contre
la galere d'iceluy, qu'il la perça en diuers endroits, tua
sept soldats, & en blessa griefuement plusieurs. Alexis
frere de Soufe y receut vn coup tresdangereux. Fina-
lement Hagamahamed approcha de la galere pour l'ac-
crocher, & d'autre costé George de Menesez vint au se-
cours. Ce nonobstant Hagamahamed faisoit tout son
possible de les arrester tous deux: lors Begie en sa Capi-
tainesse & Francisque Mendeze avec quatre fustes ap-
procherent, & voyans la galere de Soufe brisée, Begie
la fit titer de là, puis se rendit en la galere de George de
Menesez. Ce pendant les nauires demeuroyent immo-
biles, faute de vent: d'autre part l'escarmouche s'eschauf-
foit, & ceux qui estoient es fustes, ne pouuans ou n'o-
sans attendre les ennemis, voguerent en arriere, afin de
combattre de la poupe d'une des galeres, lesquelles por-
toient tout le faix du combat. Le mast de la galere, en
laquelle Begie se retira estoit ja percé, & les costez enta-
mez en beaucoup de lieux: neantmoins Begie faisoit vn

merueilleux deuoir, courant par tout, se monstrant Capitaine & soldat tout ensemble: brieu son exemple pouuoit seruir aux autres de combattre courageusement. Ne voyât point les fustes il courut à la poupe de sa galere, criant à haute voix, Quoy donc, meschans que vous estes, que l'honneur ny la religion ne peuuent induire à bien faire, aimez vous mieux en fuyant laschement estre taillez en pieces par le plus cruel ennemy du monde, que conseruer vos vies en vous defendant comme bons soldats? Disant cela, la bale d'un fauconneau luy donne au costé, brise sa cuirasse, & en fait entrer les esclats dedans son corps. George de Menesez le voyât par terre, fit courir le corps d'un manteau & le tirer arriere de la veue des soldats, de peur qu'un tel accident ne leur ostant tout courage. Quât à ceux à qui ce malheur ne pouuoit estre celé, il les exhorta de ne perdre courage pour la mort d'un homme, ains de rendre leur nom honorable en suivant l'exemple de ce braue Capitaine. Lors Menesez, faisant la charge de Begie, se porta en homme vertueux: & combien que la pluspart de leurs canonniers eussent esté tuez des ennemis, toutesfois au lieu de s'effroyer, les soldats braquoient & laschoient les pieces selon l'adresse & l'experience qu'ils auoyent en cela. Les forçats, ennemis du Christianisme, commencent à crier aux ennemis en langue non entendue des Portugallois, qu'ils accrochassent la galere, laquelle estoit sans defense, pource que tous les soldats estoient ou morts ou bien blesez. Menesez se doutant de ceste trahison, donna quelques bastonnades à sept ou huit de ces forçats, tellement que les autres, craignans d'en receuoir autant que leurs compagnons, ramenerent sans dire mot. Hagamahamed d'autre costé voyant la pluspart de ses gens tuez, plusieurs vaisseaux brisez, se retira de peur d'autre plus grande perte. Menesez voulut lors monstrier à ceux qui regardoyent le combat de dessus le riuage que la victoire estoit sienne, & pourtant il suiuit les ennemis quelque espace de temps: puis fit leuer force estendarts sur le chastellet de la galere qui auoit soustenu presque tout le faix du combat, commanda qu'on laschast toutes les pieces en signe de ioye, dont les habitans de Chayl furent merueilleusement

estonnez. D'avantage, pour leur faire encores mieux cō-
fesser que la victoire luy estoit demeuree, il demeura à
l'anchre iusques au soir. En fin, apres les anchres leuees,
il se rendit en la galere Capitaineſſe, remena la galere deſ-
peece, & monſtra le roolle des morts au combat.

Siquere ne voulut partir de là que premierement
la flotte ne fuſt remiſe au deſſus, & par lettres fit entendre
à Edouard de Menefez l'eſtat des affaires: puis ayant e-
quippé la flotte comme au parauant il en laiſſa la charge à
Anthoine Correa, iusques à la venue de Ludouic de Me-
neſez frere d'Edouard, que le Roy Emmanuel auoit e-
ſtably Admiral des Indes. Les choſes ainſi dreſſees, Si-
quere print la route de Cochim, afin d'y faire ſes a-
preſts pour reuenir en Portugal. Mais Hagamahamed
arma de rechef trente ſix fregates, & ſe rangeant au port
de Chaul, ſe logea en tel lieu que la flotte de Portugal
ne pouuoit endommager la ſienne. Quand il vid que
Correa ne bougeoit, cela l'enhardit d'approcher, & e-
ſtant à la portee du canon, fit iouer ſes pieces. Correa n'a-
uoit que bien petite prouiſion de pouldres, au moyen
dequoy il yeilloit ſoigneuſement ſur les canonniers, à
ce qu'ils ne tiraſſent nullement à coup perdu. Les Por-
tugallois auoyent baſty & fortifié deux tours, l'une ſur
le bord entre la mer & le deſgorgement du ſleuue, l'autre
(qui ſeruoit d'eſchauguette) plus pres de la ville. Ha-
gamahamed voyant du danger pour ſoy ſ'il combatoit
de pres, reſolut d'afſaillir la tour de l'embouſchure du
ſleuue, gardee par trente Portugallois: & pour ceſt ef-
fect y enuoye quinze vaiſſeaux ſous la charge d'un Ca-
pitaine nommé Chile, lequel fit deſcendre en terre deux
cents de ſes ſoldats, en vn lieu couuert d'une haute ro-
che, d'où ils gaignerent vn coſtau lequel commandoit
à la tour. Lors ils commencent des vaiſſeaux à canonner
ceſte tour, & à l'afſaillir furieuſement par terre. Combien
que les aſſiegez euſſent à entendre en deux endroits, ſi
ne laiſſerent-ils de faire deuoir. Pierre Vasque de Fur-
me leur Capitaine, s'acquittant courageuſement de ſa
charge, fut tué d'un coup de boulet, enſemble Simon
Ferreire, le principal canonnier avec quelques ſiens ſer-
uiteurs. Or combien que Correa fut lors empeſché

26.

*Siquere quiſ-
te le gouver-
nement à Me-
neſez, & ce
qui aduint
de rechef pres
de Chaul iuf-
ques à la
paix faite
entre Men-
sez Viceroy et
Malichiaz
gouverneur
de Diu.*

contre Hagamahamed, toutesfois il enuoya Roderic Pereire avec septante Portugallois en deux brigantins, pour secourir les assiegez de la tour. Pereire & les siens descendus en terre courent sus aux ennemis campez au costau, deslogent de là, les contraignent se sauuer de vistesse, vont apres iusques au riuage, & en tuent grand nôbre. Quant à Hagamahamed, apres auoir longuement combatu, voyant la pluspart des siens despeschez, il donna le signal de tetraine aux suruiuans: & lors Correa despestré des mains de son aduersaire alla en la tour, où il trouua les morts susnommez, & plusieurs blesez. Vn soldat nommé Pierre Queirose receut dans son bouclier vingt sept coups de feschcs, & Manuel de Cugne vingt cinq, qui y estoient encores fischees. Les autres môstroyent par diuerses autres marques leur prouesse en ceste defense. Alors que les ennemis furēt repousséz de l'entree de la tour ils perdirent trente hommes & soixante sur le bord de la mer, outre ceux que Pereire tailla en pieces. C'estoyent gentils hommes pour la pluspart, comme il paroïssoit à leurs armes & vestemens: entre autres Chile & vn Ethiopien colonnel des bandes y demurerent. Incontinent Correa fit couper les testes à tous ces enaemis morts, & les enuoya à Hagamahamed pour vn présent tel que l'on peut penser. En apres il repara & refraischit de nouuelle garnison ceste tour, y establisant capitaine Aluarez Britio. Sur ces entrefaites arriua Ludouic de Meneséz, auquel Correa remit l'armée nauale sans aucun delay, & partit de là pour venir en Cochim. Melichiaz d'autrepart pria Edouard de Meneséz Viceroy de traiter appointement, & mit toute la coulpe des guerres passees sur Siqueire, commandant à Hagamahamed de se retirer ailleurs avecques ses vaisseaux.

27.
Exploits de
George Albu
querque en
l'isle de Bin-
gam.

TANDIS que les affaires se manioient ainsi en l'Inde basse, George Albuquerque delibera d'assailir Bintā ville forte & bien gardee entre toutes autres. S'estant embarqué pour cest effect avec bō nombre de soldats, il arriua en l'isle, se cāpa deuant la ville, resolu de chasser ceux qui gardoyent les remparts. Mais on n'auoit point apporté d'escheles, pource que quelques vns firent entēdre à Albuquerque que les remparts estoient si peu effenez

que les soldats y monteroyent aisément: ce qui se trouua faux, & salut que les Portugallois se retirassent avec leur courte honte, & perte de gens tuez à coups de trait de ceux de la ville, entre autres de George Melio, lequel s'en alloit aux Molucques avec Anthoine Brittio. Il y en eut beaucoup de blesez, & sur leur retraite les ennemis sortirent dessus, en despescherent plusieurs, & les allerent battant iusques à ce qu'ils gagnèrent leurs esquifs à toute peine. Laqueiximenc Amiral de Bintam poursuivant la victoire, & voulant monstrier qu'Albuquerque auoit esté vaincu de tous costez, se mit à la voile avec vingt nauires sur la route des Portugallois, inuestit Gilles Simô capitaine d'un brigantin, le tua ensemble tous les soldats qui estoient dedans. Telle fut l'issue de ceste guerre entreprise à l'estourdie, comme il auient ordinairement en tels cas. Quant à Anthoine Brittio, estant party de l'isle de Bintam pour aller aux Molucques, il fut porté des vents en la grande laue, & mouilla l'anchre au port d'Agacime ville confederée des Portugallois, près de laquelle estoit vne isle nommée Maduram, dont l'eau douce estoit fort estimée à raison dequoy Brittio enuoya le pilote de sa capitainesse pour y faire aiguade. Les insulaires coururent sus aux Portugallois, les arresterent ensemble leur brigantin, pource qu'ils auoyent commencé la noise à leur maniere accoustumée, & ne voulurent iamais les rendre que premierement ils n'eussent payé rançon. Or d'autant que l'hyuer auoïoit, Brittio ne peüst nauiguer ceste année aux Molucques, tellement qu'il huierna dedans Agacime.

EN VIRON le mesme temps Raix Xeraf tascha d'exercuter en Ormus ce qu'il auoit machiné contre les Portugallois: car incontinent apres que par l'adresse & vaillance de Correa il eut reconquis l'isle de Baharem, audace le transporta de telle sorte, que mettant sous lois, tuez pour le pied sa promesse & le bon seruice qu'on luy auoit fait la pluspart, tout de nouueau, tous les moyes furent employez pour ruiner les Portugallois. Personne ne s'opposoit aux desseins de Xeraf que le Roy, amy des Portugallois, lequel quoy que destourné aucunement par les continuelles calamities de son beau pere, toutesfois desiroit se môstrer la citadelle.

28.

Sedition en

Ormuz cõtre

les Portuga-

les, tuez pour

le pied sa promesse

& le bon seruice

qu'on luy auoit fait

la pluspart,

tout de nouueau,

tous les moyes furent

employez pour

ruiner les Portuga-

llois. Personne ne

s'opposoit aux des-

seins de Xeraf que

le Roy, amy des

Portugallois, lequel

quoy que destourné

aucunement par les

continuelles ca-

lamities de son beau

pere, toutesfois des-

iroit se môstrer la

citadelle.

loyal comme au parauant, quād il se representoit le bien qu'il auoit receū des Portugallois en la dernière guerre contre Mochri. Toutesfois esmeu par l'autorité de son beau pere, & vaincu par les importunes remonstrances de ses meschans conseillers, il leur lascha sa bride, encores qu'il vist bien telle desloyauté deuoir estre la cause de la ruine. Le iour assigné pour le massacre, ceux d'Ormus assaillirent la fauteurie en laquelle demouroient les Portugallois, qu'ils surprindrent dormans, en esgorgerent plus de soixante, & bruslerent quelques maisons. Garsie Coutin gouuerneur de la citadelle auoit esté auerty de ceste coniuration : mais il fut si paresseux à y remedier, & oublia tant le deuoir de sa charge, que mesmes il ne se soucia pas de faire porter des viutes en la citadelle, pour y soutenir le siege au besoin. Or ceste nuict, tout estant en armes, & les choses ainsi cōfuses, il cōmença à penser aux affaires, posa les capitaines es lieux propres, fait placer l'artillerie, dressa vne compagnie, pour recueillir les Portugallois qui accouroient de la ville en la citadelle, & pour repousser les ennemis qui vouldroyent en approcher. Les soldats & chefs de ceste compagnie sortent, donnent à teste baissée parmy vne troupe de Sarrasins, en tuent plusieurs, & sauuent quelques Portugallois eschappez du massacre. Comme ils se retiroyent en la citadelle, ils trouuerent les ennemis qui tenoyent le passage, & lors y eut vn cruel combat: d'autant que la rage & le grand nombre haussioit le cœur aux Ormusiens: les Portugallois au contraire, qui n'estoyent que quarante, eschansez de despit & de desespoir, & ne voyant moyen d'eschapper que par vne prouesse extraordinaire, firent tant à coups d'espee qu'ils ouurirent le chemin, passans sur le ventre des ennemis qui y perdirent force gens, & gagnerent finalement leur citadelle, mais blesez tous quarante. Ceste mesme nuict Coutin enuoya messenger vers le Viceroy en Inde l'auertir de ce soulleuement, & du danger auquel la citadelle & les Portugallois estoient. Or d'autant qu'il auoit faute de matiere pour dresser quelques bouleuards, il fit descharger & despecer vne nauire chargee & seiournant à l'anchre, puis on porta toutes les pieces en la citadelle : ce qui ne se peut faire sans combat, bleseure de plusieurs, & meurtre d'au-

Euus, car beaucoup de Sarrafins, qui s'y vouloyent opposer, furent occis & quelques Portugallois semblablement, entre autres Valqué Vieire, qui fit merueilles en ce cōbat. En ce temps, Manuel de Soufe, qui couroit les mers de Perse & d'Arabie avec quelques vaisseaux, fut emporté d'une tourmente en Mascate, où estoit arriué Tristan Valque de Veigue, party de Calajate dans vne nauire. Le gouverneur de Mascate leur cōta les nouuelles de sa sedition d'Ormus, & du meschant tour ioué aux Portugallois: item, que le Roy d'Ormus luy auoit commandé par lettres, de massacrer sans aucun delay tous les Portugallois qui estoient en Mascate, & en auoit autant escrit au gouverneur de Calajate, si tost que le capitaine Veigue en fust party. Toutes les villes de ceste coste de mer appartenoyent au Roy d'Ormus, lequel fut biē obey du gouverneur de Calajate: car iceluy, pour faire du bon valet, incontinent les lettres veues fit couper la gorge à tous les Portugallois qui peurēt estre attrapez. Celuy de Mascate, vieil capitaine, expérimenté de lōgue main aux affaires du monde, preuoyant que ce forfait d'Ormus apporteroit quelque malheur s'abstint d'espādre le sang.

Quant au capitaine Veigue, c'estoit vn homme estourdy, desbauché & dissolu: mais de tel courage que iamais dāger aucun ne l'estōna, à cause dequoy plusieurs l'estimoient insensé & desesperé. Or il suruint sur ces nouuelles vn debat entre luy & Soufe, tellemēt que sans autre resolutiō il print la route d'Ormus avec trēte Portugallois seulemēt, & se fourra à trauers la flotte des ennemis, cōbatit si vertueusemēt toute leur puissance, q̄ malgré la pluye des bales du canon, des harquebuzades, des feux artificiels, des coups de fleches & autres traits, apres auoir fait merueilles & des actes surpassās toute force humaine, il passa & se redit dedans la citadelle. Ce valeureux exploit estōna biē fort les ennemis, & rēplit de bōne esperāce les assiegez. Soufe arriuatost apres en l'isle de Queixume, situee vis à vis de la citadelle. Coutin ayant secu de Veigue q̄ Soufe auoir peu de vaisseaux assez mal fournis de gēs, pria Veigue d'oublier sa querelle & s'aller reioindre à Soufe: à quoy Veigue s'accorda combien qu'il fust blessé. De rechef dōc avec aussi grād hazard qu'à la premiere fois il trauersā la flotte des ennemis, auertit Soufe

29.

*Valentreuse
faits d'armes
du capitaine
Veigue & la
bataille nauale
en Ormus.*

de l'estat des assiegez, & comme la merce montoit, euz deux avec leurs so dats attachent le combat sur mer qui dura longuement & fut tresfurieux. Les ennemis perdirent dix vaisseaux qui coulerent en fond, grand nombre d'hommes tuez, & plusieurs blesez. Du costé des Portugallois y eut vn soldat tué, quatre vingts blesez : mais maugré la resistance des Ormusiens soule & Veigne arriuerent à la porte de la citadelle. Xeraf voyant que du costé de la mer on n'en pourroit venir à bout, à cause de ceste flotte nouuellement venue au secours, fit tourner toutes les forces vers terre, pour assaillir la citadelle du costé de la ville : & par le conseil d'un Turc nommé Mirabelic, bien exercé aux affaires de la guerre, dressa vn fort au palais du Roy, & vn en l'hospital des Portugallois basti entre le palais & la citadelle, d'où les assiegez estoient batrus & grandement molestez, à cause de la prochaineté des places.

30.

*Braue resistance
ce & diuers
stratagemes
de Garsie Coutin
gouverneur de la
citadelle d'Or-
mus.*

GARSIE Coutin enuoye promptement Manuel le Vieil & Roderic Varelle avec quarante soldats vers ce fort de l'hospital, lequel ils assaillent viuement, rompent la muraille, entrent dedés de pied & de teste, taillét en pieces ceux qui le gardoyent, mais ils furent blesez presques tous, & perdirent deux de leurs cōpagnons. Ce fort ainsi gaigné, Coutin fit amener dedans la citadelle toute l'artillerie qui y estoit. Xeraf de son costé, par le moyen d'un double canō braqué en la basse cour du palais royal, rompit & brisa les portes de la citadelle: mais Coutin les estouppa incontinent avec des materiaux de diuerses sortes & force terre meslee parmy tellement que l'entree demeura autant close qu'auparuant. En apres il donna charge d'une piece, esleuee sur le clocher du temple de la citadelle qui regardoit le palais du Roy, à vn canonier si expert, que du premier coup de ceste piece il mit en esclat le double canon dont on auoit rompu les portes. Les ennemis furent estonnez de cest accident, & pour cela toutes fois ne laisserent de poursuiure leur pointe. Alors les assiegez estoient pressez de faim, & encōres plus de soif. Quelques coquins s'enfuirent de la citadelle vers les ennemis, & rapporterent à Xeraf que la soif contraindroit bien tost les Portugallois

portugallois de se rendre. Ces nouvelles firent resouldre Xerax d'escheller la place, presumant que la disette d'eau auroit tellement affoibly les Portugallois qu'ils ne scauroyent mener les mains. Incontinent vn Sarrasin en alla auertir les assiegez, se retirant avec eux. Pour pouruoir à ceste assault Coutin apresta sur les creneaux des pots, à feu, des pieces de bois & de gros cailloux meslez parmy, pour accabler les assaillans, qui approcherent assez courageusement, planterent leurs eschelles pour la pluspart, & faisoient monter çà & là sur les murailles à qui mieulx mieulx, chascun voulât estre le premier ou des premiers au dessus, quand voicy les Portugallois qui roulent les pieces de bois sur les eschelles, brisees par tel moyen, lancent leurs pots à feu dont vne bone partie des assaillans furent grillez, les autres accablez des gros cailloux & quartiers de pierre qu'on leur iettoit de dessus les murailles: puis à coups de harquebuzes, qui pleuuoient de tous costez, vn autre nombre demeura sur la place. Xerax voyant ses soldats si mal receus fit sonner la retraite, & recomencer la batterie plus furieuse que deuant & sans intermission. En apres il fit ranger au palais vne grande machine de guerre propre à darder ce qu'on veut d'un lieu en autre assez loin, & qui eust fait du mal aux assiegez, si quelque vn des ennemis eust sceu la mettre en besongne: mais leur bestises fut cause qu'ils perdirent autant de temps, en s'occupant à la dresser pour estre inutile puis apres. Finalement Xerax bastit vne muraille qu'il pretendoit leuer si haut qu'elle commanderait à la citadelle, & de là ses archers descocheroyent tant de fleches sur les Portugallois, que les murailles de la citadelle dementeroyent vuides. Pour obuier à cela, Coutin fit bouer deux canons qui battirent ceste muraille iusques à la percer à iour en plusieurs endroits: puis les assiegez planterent es creneaux des perches de bois & des morions au bout, faisans monstre des ges en sentinelle, se prenant à danser & faire grand bruit de ioye, afin que les ennemis estimassent quelques gens frais estre suruenus en la citadelle. La nuict suivante Manuel le Vieil & Roderic Varelle furent enuoyez par Coutin avec quelques caques de pouldre vers la muraille dressée par Xerax & battue come nous auos dit. Ils s'en

approchent fort coyement, mettent leurs pouldres dans les fentes & pertuis de la muraille, puis font vne trainee de là iusques en la citadelle, où estans retirez ils mettent le feu en la trainee, dont tout soudain les pouldres de la muraille furent embrasées, le fort réuersé & englouti. La flâme gaigne le palais du Roy, & pource que le vêt estoit impetueux ceste nuit-là, il fut impossible d'estaindre le feu, encores que chascun s'y employast, tellement que le palais & vne grande part de la ville furent reduits en cendre par tel embrasement.

31.
*Fuite du Roy
d'Ormus,
estranglé puis
apres par le
comandemēt
de Xeraf.*

Ce stratageme de Coutin mit à neant tous les desseins de Xeraf & du Roy, qui virēt la fin de leurs efforts, & pē sans que les assiegez eussent receu quelque renfort de gēs quitterent vistement la ville, & s'enfuirent bien effroyez en vne isle qui est vis à vis. Or de peur que le feu ne ruīnast toutes les maisons, les Portugallois y coururēt & l'estaignirent, charrierēt force viures & de l'eau specialemēt en leur citadelle. Le Roy, estant en l'isle de Queixume, escriuit à Coutin qu'il se repētoir biē fort de ce qui estoit auenu, imputant le tout à Xeraf, & prioit humblement Coutin de faire la paix. Cepēdant arriva en Ormus Gōsalue frere de Coutin enuoyé avec bonnes troupes au secours par le Viceroy: ce qui assēura les Portugallois & les mit en plaine liberté, comme au contraire les ennemis perdirent lors toute esperance: tellement que les Portugallois commencerent à aller & venir par la ville, sans qu'on leur sonnast mot, non plus que si la paix eust esté faite. Mais Xeraf, pour cōbler la mesure de ses forfaits, ayant entēdu que le Roy negocioit sous main avec Coutin, donna charge à vn seigneur nommé Xamire, duquel il se seruoit en plusieurs affaires, d'estrangler le Roy: ce q'il autre executa biē tost. Puis apres Xeraf fit Roy Patxa Mahametxa fils de Zafardim lequel regnoit lors qu'Albuquerque vint en Ormus: au moyen dequoy Xeraf eut tel credit enuers le nouueau Roy, qu'il mania l'estat du royaume en plus grande insolence & tyrannie qu'il n'auoit oncques fait auparauant.

32.
*Courfes des
Portugallois
et des Mores*

EN ceste annee Iean Coutin, gouuerneur d'Arzile en la coste d'Afrique, sortit en campagne avec deux cens cheuaux, & continua sa course vers Alcazarquibir, mar-

chant de telle sorte, qu'il enuoyoit tousiours deuant quelques coureurs pour prendre langue. Il se rendit en fin à deux lieues de là en vn village nommé Tintan, où il surprint les ennemis, en tua plusieurs, emmena cinquante prisonniers avec plus de deux mille bœufs. Le gouuerneur d'Alcassarquibir va apres avec trois cês cheuaux & deux cês pietons. Coutin marchoit au pas, & les plus serré qu'il estoit possible, le fortifiant tellemēt la queue de ses troupes que les ennemis ne la pouuoient entamer. Ayant passé vne riuiera il s'arresta court, presentant le combat aux ennemis : mais eux n'osans passer la riuiera, il se reposa, beut & mangea, & fit repaistre sa troupe en leur presence: cela faict il entra dedans Arzile avec tout son butin, au grand contentement de tous ceux de la ville, d'autāt que lors l'Espagne & la Barbarie estoient en extreme disette de viures. Hamed Laroz Seigneur d'Alcassarquibir, ne pouuant digerer ceste brauade de Coutin qui venu de si loin avec vne poignée de gens auoit tué tant de Mores aupres d'vne puissante ville, emmené des prisonniers & tant de bestail, delibera se venger d'vne tel deshonneur. Pourtant fit il vne course vers Arzile avec quatre cês cheuaux. C'estoit en vn iour couuert & pluuieux, au moyen dequoy les espiôs ne peurent descourir ceste troupe. Plusieurs estoient sortis hardiment de la ville pour aller couper du bois, & descourans l'ennemy gaignerent la ville sur leurs montures, & donnerent l'alarme bien chaude. Quelques autres qui se pourmenoyēt dehors rentrerent dedans bien vistemēt. Coutin fit soudain sonner sa trompette & sort aux champs avec ses troupes. Entre ceux qui marchoyent deuant avec Fernand Mascaregne capitaine des cheuaux legers, estoit vn ieune gentilhomme nommé Aluarez Nonio, fils du maistre de la garderobe du Roy de Portugal, suiuy de plusieurs mignons, pour ce qu'il estoit liberal & haut en ses armes. Alors l'un de ces flatteurs cōmence à luy dire, Or sus, monsieur, c'est maintenant que Dieu vous presente le moyen de faire vn acte memorable: ne permettez que personne vous oste l'honneur de ceste iournee. Dōnez à l'ennemy, nous vous suivrōs. Ce ieune estourdy, enyuré d'un tel babil courtoisan, donne des esperons à

*de Barbarie,
avec diuers
enchemens.*

son cheual. Mascaregne tascha le retenir: mais Nonio estimant que ce fust par enuie, picqua plus roidement, pour estre le premier aux prinſes avecques l'ennemy. Il fut ſuiuy de vingt cinq autres qui à bride abatuë chargerēt ſireſolument, que les Mores furent contrains reculer: mais eſtans ſouſtenus par le renfort que Hamet enuoya promptement, Nonio fut enueloppé, & auant qu'on y peult venir à temps tué avec quatre autres, le reſte mis en route par les ennemis qui leur chauſſerent les eſperons de bien pres, & iuſques à ce qu'ils rencontrerent Coutin qui leur fit tourner bride plus viſtement. Coutin trouua Nonio encores respirant, le cōſola du mieux qu'il peult, & le fit incontinent porter en la ville: mais auant qu'y paruenir il rendit l'ame. Au demeurant, Mascaregne fut enuoyé avec quarante cheuaux pour donner ſur la queue des ennemis: ce qu'il executa renuerſant ceux qui voulu rent faire teſte, & print vn priſonnier duquel il ſçeut que Hamet eſtoit en la troupe, dont Coutin fut auerty tout à l'heure. Telles nouuelles luy furēt fort agreables: car il deſiroit fort eſprouuer au combat la valeur de Hamet, lequel eſtoit fort eſtimé entre les capitaines de ſon temps: comme Hamet de ſa part auoit dit maintes compagnies qu'il deſiroit fort rencontrer Coutin. Mais il changea d'auis alors, voyant Coutin ſi reſolu au combat, & reprit le chemin d'Alcaſſarquibir, où Coutin le laiſſa aller à cauſe que la nuit approchoit, & tira vers Arzile, emmenant priſonniers cinq des principaux ennemis avec le bagage & deſpouilles des morts, & ſes trouppes entieres, exceptez les cinq ſuſmētionez qui ſe perdirent par leur propie temerité. Presques au meſme tēps, Henry de Menefez, frere d'Edouard Viceroy des Indes, gentil-homme fort ſçauāt & gouuerneur de Tingy, ayāt fait diuerſes courſes à ſon auantage ſur les Mores, entendit par ſes eſpiōs que le gouuerneur de Tetuā deuoit amener quelques compagnies de genſd'armes au territoire de Tingy, pour y faire le gaſt & preſenter le cōbat aux Portugallois. Henry alla au deuant, & attendit trois iours au rendez vous de ce gouuerneur. Au quatrieſme iour il reuint en la ville: & toſt apres que luy & les ſiens furent deſcendus de cheual, le gouuerneur de

Tetuan se presente aux portes. Lors on sonne l'alarme; Henry de Menesez & ses gens remettēt le pied à l'estrier, sortent dehors, chargent, enfoncent, mettent en route & poursuivent les ennemis iusques au soir, en tuent grand nôbre, ramenant quelques prisonniers, & eussent obtenu plus grande victoire, si la nuit n'eust seruy de garant aux fuyards. Cest exploit fut notable pour deux raisons: l'une d'autant que le gouverneur de Tetuan estoit tenu pour vn des plus vaillans de son party, menoit grandes forces, & Menesez l'auoit hardiment assailly avec peu de gens: l'autre, que les Mores ne pouuoient croire que Menesez, qui presque toute sa vie n'auoit fait qu'estudier, specialement en droit canon, fust si braue en fait de guerre.

DYRANT ces courses, Vasque Fernand Cesar gar-
doit avec petit nôbre de soldats, mais vaillamment, le de-
stroict de Gibraltar. Or auint que le capitaine d'une frega-
te l'auertit que quatre nauires Angloises auoyent prins le capitaine
vne nauire de Portugal, & l'amenoyer attachee à la poupe
pe de leur Amirale. Incontinent Cesar vogue apres, &
les descouurit derriere le mô de Calpe. L'Amirale estoit
assez loin des autres, tellement qu'il alla droit à icelle, &
estant pres demanda à ceux de dedans, d'où ils estoient;
Eux ne respondirent rien, ains le menacerēt d'enfonder
son vaisseau s'il ne baïssoit les voiles. Cesar, non accou-
stumé d'oubeir à tels commandemens, au lieu de caler
se monstra tout prest de combattre. Alors l'artillerie com-
mença à iouer de part & d'autre: pendant quoy ceux de
la nauire de Portugal liee à l'Amirale Angloise coupent
la chorde, sans que les Anglois trop attentifs au combat
s'en apperceussent. En ce confict Cesar perdit sept hom-
mes, non comprins plusieurs griefuement blesez des es-
clats & pieces de boucliers que le canon Anglois brisoit.
Entre les soldats de Cesar estoit vn Lansquenet gros &
grand, bien resolu à la guerre, & ia blezé en quinze en-
droits de son corps, dōt il auoit perdu beaucoup de sang:
à cause dequoy Cesar l'exhorta de se retirer pour faire pé-
ser ses playes. Je ne bougeray d'icy dit-il, que ie ne meure
ou que ie ne contraigne les ennemis de baisser eux
mesmes. Disant cela il charge vn fauconneau sur son

33.

Rencōtre &
bataille entre
le capitaine
Cesar & vne
nauire An-
gloise.

espaulle, & commande à l'un de ses compagnons d'y mettre le feu, mirât si à propos qu'il brisa l'équipage de l'Armiraie à l'endroit où l'antenne est attachée au mât, & rompit une pièce d'iceluy. Puis rechargeant iusques à la troisieme fois, il estonna fort la partie contraire. Un autre Aleman, deschargeant une pièce de la proue contre la poupe des Anglois, en tua plusieurs, & enfondra une partie d'icelle poupe: tellement que les Anglois ayans ia perdu vingt des leurs, sans les blesez qui s'estoyent tirez de la presse, baissèrent incontinent, ce que firent aussi leurs trois autres nauires, qui ne s'estoyēt peu trouuer au combat à cause d'un vent contraire. Cela fait, le capitaine Cesar entra dās un esquif, & voulut sçauoir des Anglois pour quelle cause ils auoyent prins la nauires des Portugallois. Eux respondent que pour la garantir de la main des coursaïres Mores, qui escumoyent la mer avec quelques fregates, ils l'auoyent ainsi tirée apres eux. Incontinent Cesar leur donna congé, & eux pour se rafraischir font voile au port de Cadiz. Quant à Cesar il se retira en celuy de Septe. Or pour nettoier le destroit de tous ces escumeurs de mer, le Roy arma une flotte sous la charge de Simon fils de Tristan de Cugne. En ceste annee, la Barbarie fut trauaillie d'une grande secheresse, dōt s'ensuiuit la famine qui emporta beaucoup de gens. Une infinie multitude de Mores, ne sçachāt de quel costé tourner à cause de la disette, enuoyerent dire au Roy qu'ils estoient pres de receuoir le Christianisme, & se rendre esclauēs des Chrestiens qui les voudroyent instruire en la religion. Le Roy leur accorda ceste requeste, tant le mot de religion luy plaisoit, & pouuoit-on sous ce pretexte abuser ce Prince en maintes sortes. Car aussi c'estoit chose aussi clere que le iour que ces supplians estoient Chrestiens pour le ventre, lequel estant répli, à la premiere occasion ils tetourneroyēt en telle cōscience à leur Mahumetisme qu'ils s'en estoÿēt departis. Dauātage cela sembloit dāgereux de receuoir & loger au milieu de Portugal si grand nombre d'ennemis iurez du royaume: ioint qu'on estimoit qu'ils infecteroyent le pays à cause de la peste qui estoit entre eux. Qui plus est, tout le Portugal estoit en disette, car la secheresse auoit estranglé la plus

part des bleds, puis les pluyes continuelles d'Auril & de May auoyent gasté le reste : tellement que personne ne vouloit receuoir les Mores, encores qu'il se rendissent esclaves pour leur vie : dont s'ensuiuit que plusieurs moururent pauuement d'extreme disette & necessité. Au mesme temps les ambassadeurs de Venise arriuerent avec cinq galeres au port de Lisbonne, ayans pour chef André de Pise, gentil-homme de grande autorité en ceste Republique, de laquelle il estoit commis pour negocier avec le Roy Emmanuel touchant les espiceries des Indes, que les Venitiens demandoient à certain pris, avec prouffit notable pour le Roy. Il les receut magnifiquement, leur fit de grands presens, & les accommoda de tout ce qu'ils demandoient, sinon pour le regard des espiceries, dont ils ne purent s'accorder.

Sur la fin de ceste annee mil cinq cens vingt vn, le Roy Emmanuel, Prince riche, grand seigneur, renommé par tout le monde, de bonne disposition, & en grande vigueur pour durer encore longuement, ce sembloit, deuint soudainement malade &, mourut au bout de neuf iours, le treiziesme du mois de Decembre. Il estoit lors aagé de cinquâre deux ans & demy, dont il auoit regné vingt six ans, vn mois & quinze iours. Sur la fin de sa vie il monstra de grâds tesmoignages de sa pieté. En premier lieu il dône ordre aux affaires de ce mode par vne singuliere prudence, se disposa à bien mourir, receuant paisiblement le message de mort : & respondoit aux gens d'Eglise qui l'environnoyent prians Dieu pour luy, recitant luy-mesme par cœur plusieurs versets des Pseaumes. Il fut enterré au temple de Bethlehé par luy fondé, & mis au tôteau en pōpe royale, presens presque tous les Princes, seigneurs & gentils-hommes du Royaume, qui par leurs larmes monstrerent combien le decès de ce Prince les angoissoit. Or si nous considerons le cours de sa vie, nous l'estimerons heureux, autât qu'il y peut auoir de felicité és choses humaines. Ce Prince, issu de sang royal, auoit passé vne partie de sa iennesse sans esperer atteindre jamais à la couronne : là dessus tous les autres Princes plus proches ou plus anciens pour y paruenir, moururent par diuers accidens : tellement que cestuy-cy fut Roy, &

34.

*Maladie,
mort, & enterrement du
Roy Emmanuel: avec vn
long discours de sa maniere
de viure et de
ses faits.*

amplifia le domaine par des moyens merueilleux ad-
 ioustant aux royaumes de Portugal & des Algarves ce-
 luy d'Ormus, vne portion d'Arabie, les Indes deçà & delà
 le Gange, avec autre pays à l'extremité d'Orient: descou-
 urit & assuiettit des regions inconnues auparavant. le luy
 attribue tous les exploits mentionnez és douze liures sus
 escrits: d'autant qu'il faut rapporter à la louage & gloire
 d'iceluy tout ce que les Portugallois executoyét par son
 commandement. Et de fait le deuoir d'un Roy ne se mō-
 stre en chose aucune si bien qu'au grand nombre de vail-
 lans & sages lieutenans qui entreprenent & accōplissent
 des actes notables & qui meritent vn los perpetuel. Car
 celuy là est vrayement Roy, & en porte le nom à bonnes
 enseignes, qui encourage & pousse ses suiets à l'amour de
 vertu, qui les contraind doucement à se hazarder aux da-
 gers, qui propose honneurs & recompenses de trauaux à
 chascun, afin que tous fassent leur deuoir à qui mieux
 mieux. Tout ainsi dōc qu'il faut attribuer la proïesse des
 soldats à la sagesse des capitaines qui les ont dressez, in-
 struits en l'art militaire, rendus volontaires & prompts à
 executer: à tresuiste raison aussi doit-on, ce me semble, ra-
 porter aux bōs Rois, qui par auancemēs aux charges ont
 incité leurs suiets à bien faire, la louange que les sages &
 vaillans hommes meritent. Ainsi donc les Rois peuuent
 s'attribuer l'honneur appartenāt à leurs suiets, pour deux
 raisons: l'une pource qu'ils poussent les hommes de grād
 esprit à entreprises hautes & difficiles: l'autre qu'ils le sa-
 uent aider de ceux qu'ils conoissent propres à l'executiō
 de telles entreprises. Et comme la feneātise & vanité d'une
 noblesse effeminee deshonnore grandement vn Roy:
 au contraire les gentils-hommes vaillans & sages donnent
 vn tresbeau lustre à la maïesté de leur Prince: car c'est des
 Rois, comme d'une source viue, que decoulent sur tout
 vn public les vertus & les vices aussi. Pour reuerir à Em-
 manuel, si Vasqué de Gama, d'une tant admirable adresse
 & grandeur de courage, a ouuert le chemin en Orient: si
 Edouard Pacheco a rabatu l'audace & la fureur du Roy
 de Calcut, trespuissant en ce temps là: si François Almei-
 de a gaigné tant de belles victoires: si Alphonse Albuquer-
 que peut estre comparé, par ses valeureux exploits, avec

les plus grands capitaines dont la memoire est celebree par les historiens: tout cela se doit rapporter & attribuer principalement aux vertus des Rois Iean second & Emmanuel premier, de l'escole desquels sont sortis tant de braues hommes. Il en faut dire autāt de Iean de Menesez, de Nonio, Fernand, Ataide, de Matcaregne, de Coutin, & d'autres capitaines de marque: à sçauoir que par la vertu de leur Roy ils ont fait ce que nous auōs descrit ci deuār. Parquoy ie tient pour certain que si Emmanuel fust passé luy mesmes en Afrique, toute la Barbarie se fust aisément rangee à son obeissance: mais le temps & le conseil de gens de petit cœur le destournerent de ce voyage. Au reste, les villes prinſes par son auiſ & commandement, les citadelles basties & fortificées à son aueu, mouſtrerēt quel desir il auoit d'abolir la memoire du faux Prophete Mahumet. Et par ainſi ſa felicité incroyable ne doit eſtre rapportee au cours de fortune, comme l'eſtime le vulgaire ignorant, ainſi à la faueur de Dieu qui benifſoit la pieté & iuſtice de ce Prince. Car il eſtoit d'un naturel honneſte, benin, religieux, debonnaire, humain, d'une grauité plaiſante & ioyeuſe, de facile acces, diligent à adminiſtrer iuſtice, & à deſpeſcher affaires. Il ſe leuoit fort matin, & ſouuent eſſois deuant iour, vaquant auant toutes choſes au ſeruice diuin, puis employoit le reſte du temps à receuoir & appointer requeſtes, & donner ordre aux affaires d'eſtat. C'eſtoit vn Prince facécieux, qui auoit le mot à commandement, fort liberal, pouruoyāt, en grande douceur aux neceſſitez de ſes domeſtiques, payant bien les gens de guerre, louant & recompensant par preſens & biensfaits ceux qui faiſoyent quelque acte notable. Les pauüres eſtoient ſoulagez grandement de ſes richesses, ſemblablement les conuents de moines & nonnains, auxquels il fourniſſoit largement & magnifiquement non ſeulement ce qui eſtoit requis pour leurs temples, mais auſſi pour leur vie & vſage particuliere. Au reſte il eſtoit grand iuſticier, & ſeuere aux criminels, encoür que de nature il enclinaſt plus à douceur qu'à rigueur. Il prenoit grād plaiſir à la muſique, ſans que cela le deſtournaſt du maniemement des affaires: car en ſon palais tandis que les chātres & ioueurs d'inſtrumens luy donnoyēt du plaiſir,

Il donnoit audience aux thresoriers, maistres des requêtes & autres officiers qui luy communiquoyēt plusieurs choses d'estat, tellement qu'en passant le tēps il expedioit le principal. Quāt à la maniere de viure il y estoit exquis, & la table couuerte de viādes tresdelicages: mais il viuoit fort sobrement, iamais ne but vin, & s'abstenoit precisement de manger es iours de ieunes solennel. Il aimoit les bonnes lettres, s'enqueroit par le menu des façons de faire des nations estrāges, oyoit volontiers lire les histoires, & quand il prenoit son repas en veūe de plusieurs personnes, les mets se trouuoient mieux assaisonnez par discours ioyeux & proufitables que par l'artifice des cuisiniers: car il deuisoit fort priuement & de grande affectio avec gens doctes, & avec ceux qui auoyent voiaagé en diuers pays. S'il s'esbatoit à quelques ieux, c'estoit en toute honnesteté: s'exerçant au ieu de la paulme, à la chasse, à courir la baque, & à iouter en tournoy, selon qu'il auoit le loisir. Mais il y auoit cela d'admirable en luy qu'à peine se donna il iamais licence de iouer ou passer le temps si auāt qu'en mesme iour il ne traitast de quelque affaire publique avec ses conseillers: car s'il estoit à la chasse dās la forest, tousiours quelqu'un le suiuoit pour luy presenter requeste, ou faire autre chose concernant le bien du public: & s'il s'esbatoit en vn esquif sur la mer, les principaux officiers luy tenoyent compagnie pour conferer ensemble des affaires du Royaume. De son tēps il sembloit que la pauureté fust bannie de Portugal, que la tristesse n'y peust trouuer logis, les lamentations s'y taisoyent, pour faire place aux dāses & chansons, à quoy toute la cour passoit le temps bien souuent. Les ieunes gentils-hōmes s'esbatoient ainsi avec les damoiselles, sans vilenie ni sales propos: & encores qu'ils fissent l'amour d'une façō pudique, & du tour cōtraire à celle du temps d'auioird'huy les damoiselles auoyent ceste coustume de ne mōstrer faueur à aucun, que premiere ment il n'eust fait quelque acte de proesse en guerre. Et n'estoit loisible aux pages du Roy & des Princes de s'emanciper, qu'apres auoir fait vn voyage en Barbarie & esté à la guerre avec quelque hōneur au retour de là. Alors aussi la noblesse estoit si biē dressée, que de la cour de ce Roy sortirent des persona-

ges aussi excellent qu'il est possible de penser. Il obeissoit alaigrement aux commandemens de l'Eglise Romaine, maintenoit avec grande deuotion, les ceremonies establies par icelle, & au tēps qu'on y fait memoire de la passion de Iesus Christ, il ne bougeoit du temple cōme aussi durant les trois iours que l'hostie de la messe demouroit cachee & comme enseuelie, pour souuenance de la sepulture de nostre Seigneur, il ne se despouilloit point, & ne partoioit de là que pour bien peu de temps, & si le sommeil le prenoit il reposoit en sa place, sans liēt ni parement royal. Il remit sus diuerses religions de moines, reforma les mœurs dissolues, bastit plusieurs temples tout à neuf, en recti qui estoient presque ruinez, estant si aspre ennemy de la superstition Mahumetique, que pour la ruiner il s'apprestoioit à faire la guerre en Asie & en Afrique, afin de ruiner entant qu'en luy seroit la memoire de cest erreur pestilent. Ses heures de deuotion ne le destournoyent point du maniemēt des affaires publiques, où il auoit l'œil en telle sorte, que ce qui concernoit la guerre estoit le principal point de ses pensées: & passant ses ennuis à la musique où à la chasse, au milieu de tels plaisirs il se souuenoit de ses suiets. Pourtant en mesme temps il faisoit armer des vaisseaux pour aller en Barbarie, Ethiopie & Orient, enuoyoit garnisons en diuers lieux, presidoit en son conseil, donnant audience à chascun, & punissant les crimes: de si doux esprit au demeurāt, qu'il se laissoit mener par les conseils de gens nez pour leur proufit, & qui craignoient tous d'agers pour petits qu'ils fussent: ce qui fut cause que plusieurs ietterent les griffes trop auant es deniers procedās des reuēnus Ecclesiastiques, & qu'il diffeira tant de fois son voyage en Afrique, où il auoit si grand desir d'aller. Mais la mort, non attendue si tost, enseuelit ce Prince avec toutes ses deliberations. Toutes fois, cōmbien que selon le cours des affaires de ce monde il ait fait chose qui semble meriter quelque reprehension: si peut-on dire que ç'a esté vn Prince orné de plusieurs vertus royales, & digne de memoire immortelle.



LE TREIZIESME LI- VRE DE L'HISTOIRE DE PORTVGAL.

SOMMAIRE.

1. Estat des affaires de Portugal, d'Afrique, d'Ethiopie & des Indes au iour du trespass d'Emmanuel.
2. Iean troisieme du nom, fils d'Emmanuel, succede à son pere, estant le quinzieme Roy de Portugal.
3. Brief discours touchant le Royaume & les Roys de Portugal, avec la genealogie & les enfans de Iean troisieme.
4. Ordre donné par Edouard de Menesex Viceroy aux affaires de Perse & des Indes.
5. Ce que fit Louys de Menesex en Ormus.
6. Navigation de Garsie Henriquez es Isles de Bandan : la description & les singularitez d'icelles.
7. Repetition & ample discours de la navigation de Fernand Magellan aux Isles Molucques : accidens notables d'icelle iusques à la mort de Magellan & au retour en Espagne de la nauire nommee Victoire.
8. Description des Isles Molucques & de leur singularitez.
9. Arrivee d'Anthoine Britto & de Garsie Henriquez aux Molucques, & ce qu'il y firent.
10. Navigation du Capitaine Martin Alonse Melio en la China, d'où il est contraint se retirer.
11. Efforts du Roy de Dachen pour chasser les Portugallois hors de l'Isle Taprobane.
12. Naufrage d'Edouard Ataide, & autres accidens des Portugallois sur leur retour d'Ormuz en l'Isle de Goa.
13. Troubles en Ormuz, & quel ordre y fut donné par le Viceroy.

14. Navigation de Louys de Meneses vers le cap de Guardafu & son retour en Ormus.
15. Exploits d'Anthoine Falier coursaire Portugallois.
16. Guerre de Zabaim Dalgam pour recouurer les gouuernemens de Ponde & de Salfete, & quelle en fut l'issue.
17. Guerre d'Anthoine Britio contre le Roy de Tidore, & autres accidens.
18. Exploits de guerre de Pierre de Castre & de Iacques Melio en faueur du Roy de Zanzibar.
19. Accidens du Capitaine Galuan & de Pierre de Castre.
20. Negotiation de Baltazar Personne au Royaume de Perse & l'issue d'elle.

AYANT entendu par le discours des liures precedens les choses plus memorables faites par les Capitaines Portugallois sous le regne d'Emmanuel, selon que Ierosme Oforius les a sagement descrites: pour continuer quelque peu plus auant, & contenter le desir des lecteurs, j'ay recueilly çà & là vne suite des exploits de la nation Portugalloise, sous vne partie du regne de Iean troisieme, fils & successeur d'Emmanuel, me contentant de toucher les choses principales: avec esperance toutesfois, si le tēps le permet, de presenter quelque iour l'Histoire toute entiere. Car pour le present ie me suis arresté à ce qui s'est passé es Indes depuis la mort d'Emmanuel, n'ayant voulu toucher aux guerres d'Afrique, pource que les memoires que nous en auons sont defectueux & peu certains: tellement que j'ay mieux aimé laisser cela en suspens, que paistre les gens de mensonges ou comptes mal-asseurez. Ce nonobstant ie trousseray maintenant en peu de mots l'estat des affaires de Portugal, d'Afrique & d'Ethiopie, au iour du trespas d'Emmanuel; y adioustant aussi celuy des Indes, pour faire mieux entendre ce qu'Oforius a deduit en ses douze liures, & ce qui sera discours cy apres. Il semble que les Royaumes & principautez du monde ayent leurs aages, naissances, auancemens, accroissemens & declinaisons, comme les Princes & suiets qui y viuent pour vn temps. Quant à celuy de Portugal, on peut dire que, sous Emmanuel, il a esté comme seroit vn homme

*1.
Estat des affaires de Portugal, d'Afrique, d'Ethiopie, & des Indes, au iour du trespas d'Emmanuel.*

en la fleur & vigueur de son aage: car encores que depuis il se soit entretenu en quelque virilité durant le regne de Iean troisieme, ce n'a pas esté toutesfois avec tel succes aux affaires qu'auparavant, & ce qui est aduenü sous le regne de Sebastien petit fils & successeur de Ieã troisieme, n'agueres tué en Barbarie, montre la declinaison de cest estat. Neantmoins comme Dieu scait, quand il luy plait, faire reuerdir les personnes en leur vieillesse, il peut non seulement redresser l'estat de Portugal, mais aussi celuy de plusieurs autres Royaumes, iadis tresflorissans, & maintenant affoiblis & prochains de leur ruine. Mais laissons cela en ses mains, & desirons ce pendant que les grãds & les petis ne sentent ses iugemens, ains par iustice & pieté attirer sa faueur, afin de subsister paisiblement en la société humaine, attendans d'estre recueillis au vray Royaume. Les guerres d'Emmanuel en Barbarie & es Indes tenoyent Portugal en paix: & les commoditez de ces nouuelles conquêtes & peuplades en Orient encourageoyent les Portugallois à se façonner & accoustumer aux armes & à la nauigation: tellement que leur pays, quoy que de petite estendue, & leur nation qui ne faisoit qu'une poignée de peuple, à comparaison d'autres Royaumes, estoient admirez, redoutez & bien voulus en maints endroits de l'Europe. Seulement les Espagnols commençoient à les regarder de trauers, à cause de la descouuerture des Molucques, dont nous parlerons amplement au septiesme chapitre: mais l'alliance d'Emmanuel avec Charles cinquiesme retenoit les cœurs en contre poids. Ainsi donc le Royaume de Portugal estoit lors en grande paix, redouté de ses ennemis, plain de grandes richesses, de gens de guerre & fideles à leur Prince, brief accommodé & renommé au possible. Quant aux affaires de Barbarie, les Mores auoyent en teste les gouuerneurs de Safin, d'Arzile, & des autres villes occuppees par les Portugallois, tellement qu'Emmanuel y estoit merueilleusement craint & bien obey, ayant force vassaux & tributaires: & ses ennemis principaux en ces pays là se fussent lassez de la guerre, si ce Prince eust vescu plus long temps: mais sa mort les encouragea tellement que sous le regne de Iean troisieme & de Sebastien, ils ont recouuré plusieurs places,

fait mourir grand nombre de Portugallois en diuerses rencontres, la plupart des tributaires se sont reuoltez, & finalement Sebastien mesmes y a esté tué en bataille, au moys d'Aoust de l'an mil cinq cens septante huit. Le Royaume de Congo en Ethiopie estoit lors aussi comme en la puissance des Portugallois, par le moyen de la religion Romaine qu'ils y auoyent plantee, & l'Ambassadeur de Portugal estoit en chemin pour aller vers le grand Negus & y negocier comme il fit depuis, & rapporta lettres au Roy Iean troisieme, contenans offres d'amitié & d'alliance, selon que le tout a esté amplement décrit en vn liure particulièrement par Francisque Aluarez, dont sera parlé au dixseptiesme liure. Pour le regard des Indes deçà & delà le Gange, & de l'estat de l'Orient, encores qu'en quelques lieux des Portugallois eussent beaucoup d'affaires, toutesfois ils semaintenoyent & auançoient, comme il appert par le liure precedent. Brief on peut dire qu'Emmanuel a esté vn des plus heureux Princes du monde pour le regard de la prosperité temporelle: & que les pertes qu'il a faites çà ou là quelquesfois ne sont rien au pris des belles conquestes & victoires obtenues par ses lieutenans.

MAINTENANT il faut parler de Iean troisieme, son fils & successeur, lequel fut proclamé Roy au temple de Saint Dominique à Lisbonne le Dimanche vingtiesme iour de Decembre mil cinq cens vingt vn, en preience d'aucuns de ses freres, du Duc de Bregents, du grand Commandeur, des Contes de Tentugal, de Tarauce & d'autres grâds Seigneurs du Royaume: apres auoir presté le serment requis en tel cas entre les mains de son frere le Cardinal Alфонse, lors fort ieune, à sçauoir de l'age de douze ans ou enuiron, Iean estoit lors aagé de dixneuf ans cinq moys & seize iours, Prince d'assez belle stature, non guerres grâd, & qui avec le temps deuint fort replet: au reste de bon & paisible naturel, deuotieux en sa religion, charitable enuers les pauvres, grand amy des gens doctes en toutes sortes de sciences: come de fait, pour l'embelissement de son Royaume il fit dresser l'Academie & noble vniuersité de Conimbrice, & fonda le college Royal de Saint Paul, avec pensions honnorables pour les pro-

2.
Iean troisieme du nom, fils d'Emmanuel, succede à son pere, étant le quinzieme Roy de Portugal.

seffeurs & régens, qu'il attiroit de diuers pays : enquoy il fut fuiuy depuis par son frere le Cardinal, lequel bastit en la ville d'Eſſora le college des Iesuites, & vne vniuersité si accomplie qu'en l'an mil cinq cens soixâtes deux s'y trouuerent pres de douze cens elcholiers. Pour reuenir à Iean troisieme, le Royaume auoit recouuré en luy son feu pere, ce sembloit: mais depuis lon cogaut que le fils n'auoit pas tant de viuacité que le pere, ains se contenta de garder ce qui estoit conquis, ou si les lieutenans s'auancerét, ce ne fut pas de telle adresse & felicité que sous Emmanuel. Aussi mania-il ses affaires par autres armes que n'auoit fait son pere: car au lieu qu'Emmanuel s'estoit fait voye en Oriët à la pointe del'eſpee, Iean s'aida des courses & voyages des Iesuites, comme nous le verrons en son lieu, sans qu'il soit besoin s'y arrester, attendu que nous voulons suiure l'ordre des années, comme és liurés precedens, autant qu'il sera possible. Mais au reste, Iean troisieme fut quinzieme Roy de Portugal, dequoy il faut dire icy quelque chose pour plus grande intelligence de ceste hystoire.

3. *Brief discours touchant les Roys et Roy-
aume de Por-
tugal, avec la
genealogie et
les enfans de
Iean troisieme.*

LA maison d'Aragon est issue d'un Seigneur Goth nommé Ennie, lequel enuiron l'an neuf cens douze desfit en diuerses batailles & chassa les Gots descendus des monts Pyrenees en Aragon & és pays voisins. Or le petit fils de Ennie nommé Sancel aîné avec son fils Fernad conquist les Royaumes de Leon & de Castille, en chassa les Mores, puis ayant fait partage à ses fils & neueux, donna les Royaumes de Leon & de Castille à Fernand, celui de Nauarre à son fils puisné nommé Garſie, celui d'Aragoë à Sance le ieune son neueu ou petit fils. De ces trois sortiront trois familles distinctes, à ſçauoir celle de Castille, d'Aragon, & de Nauarre. La maison de Castille de ceste lignee print fin en Alfôse sixiesme qui mourut sans hoirs mâles, & maria sa fille aînée nommée Vraque à Raimôd Beranger Comte de Thoulouſe: la seconde nommée Tireſie à Henry Comte de Lorraine, petit fils de Guillaume frere de Godefroy de Bouillon Roy de Ierusalem, luy donnant pour douaire vne partie de Gallice, qui est auourd'huy le Royaume de Portugal. Du mariage de Henry & de Tireſie sortit Alfonſe premier, Roy de Portugal,

tugal, qui print Lisbonne sur les Mores, & pour auoir desfait cinq de leurs Roys en vne bataille, laissa vn escusson à ses successeurs, dedans lequel y en a cinq petis, & les cinq ronds inferez en chascun d'iceux representent (ce disent quelques vns) cinq playes mortelles qu'il receut en ceste bataille, dõt toutesfois il fut guery. Cest Alphonse fils de Henry eut vn fils nommé Sance, & surnommé le peupleur, à cause de diuers lieux de ce Royaume peuplez par luy. Apres Sance regna Alphonse second, surnommé le gras, puis Sance second: en apres Alphonse troisieme, Denis premier surnommé le bastilleur, Alphonse quatrieme, surnommé le hardy, Pierre premier du nom, surnommé le iusticier, Fernand premier, Iean premier surnommé de bone memoire, Edouard premier, Alphonse cinquiesme, puis Iean second, surnommé le grand, lequel succeda à son pere Alphonse sur la fin de l'an mil quatre cens huitante & vn, auquel, decedé sans hoirs males legitimes, succeda son cousin germain Emmanuel, fils de Fernand frere d'Alphonse cinquiesme, l'an mil quatre cens nonante cinq, & régna vingt six ans, durant lesquels ont esté executées les choses memorables contenues és douze liures precedens. La premiere femme d'Emmanuel fut Isabelle fille de Fernand & d'Isabelle Roy & Roïne de Castille, veufue d'Alphonse fils du feu Roy Iean second, de laquelle il eut vn fils nommé Michel, qui mourut ieune & deux ans apres sa mere. En secondes nopces Emmanuel espousa Marie fille de Fernand & Isabelle, sœur propre de la defuncte Isabelle. La dispense du Pape (lequel on estimoit en ce temps-là auoir l'autorité de dispenser des loix diuines) pourueut à ceste affinité. De Marie nasquit au mois de Iuin, mil cinq cens deux, Iean depuis Roy, & au mois d'Octobre de l'an suiuant Isabelle, mariee depuis à son cousin germain Charles cinquiesme petit fils de Fernand: & de ce mariage est issu Philippe à present Roy d'Espagne. Puis apres Marie accoucha l'an mil cinq cens & cinq d'vne fille nommée Beatrix, depuis mariee à Charles Duc de Sauoye, & dont est procedé Philebert Emmanuel viuant encores pour le iourd'huy. Depuis iusques à l'an mil cinq cens dixsept elle accoucha de six enfans males à six fois: dont les noms furent Louys, Fernand, Alphon-

se, Henry, Edouard & Anthoine, qui moururent presque tous auant leur pere. Henry à suruescu tous ses freres & sœurs, voire son petit neveu le Roy Sebastien, mort en bataille comme dit a esté cy dessus. Incontinēt apres que Marie se fut deliuree de son dernier fils nommé Anthoine, elle deceda. L'an suiuant, Emmanuel print pour troisieme femme Eleonor fille de Philippe d'Austrie & de Ieanne fille de Fernand Roy de Castille. Par ainsi Eleonor estoit niepce des deux femmes defunctes d'Emmanuel. Il eut de ceste troisieme vne fille nommee Marie, l'an mil cinq cens vingt & vn. Quāt au Roy Iean, duquel nous descriuons l'histoire, l'an mil cinq cens vingt cinq il espousa Catherine sœur de l'Emperer Charles cinquieme, de laquelle sont issus plusieurs enfans, à sçauoir Alfonso, Marie, Catherine, Beatrix, Manuel, Philippe, Ieā & Anthoine. Deux des filles moururent en bas aage. Marie fut mariee à son cousin germain Philippe d'Austrie Roy d'Espagne, & eut vn fils nommé Charles, mort en prison où il estoit reserré par le commandement de son pere. Manuel, Philippe & Anthoine decederent ieunes. Reste Iean, qui en l'aage de seize ans fut marié avec Ieane fille de l'Emperer Charles, aussi sa cousine germaine, & ce l'an mil cinq cens cinquante trois. Mais il mourut tost apres, laissant la femme enceinte d'un fils qui fut nommé Sebastien, successeur de son ayeul Iean troisieme, & seiziesme Roy, né l'an mil cinq cens cinquante trois. Voila sommairement quant aux Roys de Portugal. Adions quelque chose de ce Royaume. Il est diuisé en trois parties principales, l'une deçà l'autre delà le Tayo, appelé Tagus par les anciens, & la tierce au milieu entre deux riuieres, l'une nommee Duero; l'autre Minio. Ce pays a douze lieues de longueur & autant de large, contenant en ce petit espace, outre les Eueschez notables, plus de cent trente monasteres, enuiron quatorze cens paroisses, & la campagne arrousee & fertile à merueilles: Les autres deux parties sont de grande estendue, comme les chartes en font foy, & ont le Royaume d'Algarvé adioint, qui est assez ample, mais montueux. Quant aux villes & gouvernement du Royaume, d'autant qu'il y a rapport d'icelles & de tout l'estat public à la façon d'une

grand' part du reste de l'Europe, il n'est besoin d'en parler davantage: ce Royaume estant clos de la mer à l'Occident & au Midy, du Royaume de Castille & de Leon à l'Orient & au Septentrion.

IL a esté parlé au liure precedent des machinations de Raix Xeraf en Ormus contre les Portugallois, lesquels il tascha d'executer comme appert par le vingthuitiesme chapitre: à l'occasion dequoy Coutin gouverneur de la Citadelle enuoya messagers expres en Inde aduertir Edouard de Menefez, lors Viceroy, de ce soufleuement des Ormusiens, & du danger auquel la Citadelle & les Portugallois estoient. Le Viceroy considerant de quelle consequence estoit cest affaire, se retire incontinent en Goa, & despesche vn gallion avec lettres à son frere Louys de Menefez qui bastissoit vne Citadelle pres de Chaul, pour aller promptement en Ormus: & pour recompenser Francisque de Soufe qui commandoit en ce gallion, il luy donna la Capitainerie d'une galliere royalle, & commission d'aller en Dabul pour estre general de douze fustes & y faire la guerre aux vaisseaux ennemis. Soufe s'estant rendu au port de Chaul, Menefez s'embarqua pour tirer en Ormus, menant quant & soy Roderic Pereire, Manuel de Macede, Henry de Macede, Edouard Ataide, Lopez d'Azeuede, & Pierre Vasque de Trauaze, Capitaines de gallions & nauires. Apres leur départ Martin Alфонse Melio, qui seiournoit aussi en Chaul pour aider à bastir la citadelle, print la route de Goa, d'où il fut enuoyé par le Viceroy au Royaume de la China: tellement qu'il se mit incontinent à la voile, ayant pour Capitaines sous soy Vasque Fernand Coutin & Jacques Melio ses freres, avec Pierre Lhomme, & Ambroise Dorego qui les attendoit en Cochim, d'où ils partirent, tirans vers Malaca, au moys d'Auril de l'an mil cinq cens vingtdeux. Simon Andrade estoit de retour de la China, & auoit fiancé la bastarde du Viceroy, lequel pour dote de mariage donna à Simon la Capitainerie de Chaul: ce que toutesfois il ne pouuoit faire, à cause que Henry de Menefez braue gentilhomme en auoit eu la charge du Viceroy Siqueire, & ne pouuoit-on l'en deietter si tost, si non qu'il fust cōuaincu de quelque sinistre deportement.

4.

*Ordre donné
par Edouard
de Menefez
Viceroy aux
affaires de
Perse & des
Indes.*

1 5 2 3.

Mais la faueur & la force dominerent pour ceste fois: tellement qu'Andrade monta sur mer, emmenant douze fustes, avec charge de garder la coste contre les vaisseaux de Diu, & commander comme Admiral aux trois autres generaux, à sçauoir Francisque de Souze, Vaisque Leme & Martin Correa. Andrade menoit lors deux cens soldats, & en sa route il fut sur le point de donner bataille pres de Dabul à sept mille hommes seiournans à l'ancre, pource que le gouuerneur refusoit luy deliurer deux galeres faites par les Turcs. Mais estans ja descendu és esquifs pour prendre terre, ce gouuerneur fut tellement estonné qu'il luy fit deliurer les deux galeres, & ainsi Andrade reprit sa route vers Chaul, emmenant ces deux galeres de renfort. Estant arriué, Henry de Menesez luy quitta le gouuernement de la citadelle, voyant les lettres du Viceroy, & qu'il ne pouuoit resister, ioint qu'il s'estoit fort endebté pour nourrir les soldats & faire autres choses pour le seruice du Roy. Incontinent apres Andrade établit des Capitaines és fustes, & enuoya les generaux au long des costes, où ils firent de grands maux. Martin Correa estant entré dans vn fleuve d'eau douce nommé Bettele, descendit en terre avec vingt cinq soldats, & se rendit pres d'une grande maison enuironnée de iardins & vergers, pres de laquelle estoient force Mores, hommes & femmes, qui le saluerent, & dirent qu'en ce lieu habitoit vn grand Seigneur More, lequel despendoit son bien à l'entretenement des pauvres, leur fournissant du bled, du ris & de l'argent. Sur ces entrefaites ce Seigneur sortit & monstra fort bon visage aux Portugallois, auxquels il donna deux vaches, des poules & fruits en abondance. Enquis pourquoy il estoit si grand aumosnier & quelle recompense il en attendoit, fit responce que son naturel enclinoit à cela, & que le plaisir qu'il prenoit à soulager les pauvres lui faisoit ainsi employer ses moyes. Quelque temps apres en vne autre course les soldats de Correa prindrent vn vieil Bramine, lequel pria Correa qu'on le laissast aller iusques en certain lieu, promettant d'apporter rançon de dix ducats pour le rachat de sa liberté, & iurant par certaines reliques pendues à son col qu'il retourneroit. Correa se souciant aussi peu de perdre

que de gagner telle prinse, le laisse aller, pensant que ce Bramine eust inuenté ceste ruse pour eschapper : mais l'autre faisant cas de son iurement retourna bien tost avec huit poules, demandant pardon de ce qu'il auoit sejourné peut estre plus que de raison, & de ce qu'il ne pouuoit fournir que la moitié de l'argent qu'il auoit promis, à cause de sa pauureté, & que les poules fourniroyent pour le reste. Lors Correa estonné de la fidelité de ce pauvre Barbare qui auoit si estroitement gardé sa promesse, luy laissa l'argent, & pour recompense des poules luy donna du drap pour faire vn vestement, avec saufconduit, à ce qu'il peust se retirer en seureté. Depuis les Portugallois, voulans emmener & tuer quelque troupeau de vaches pour auistuailler leurs vaisseaux furent assaillis par huit cens Mores, lesquels ils desfirent, puis se retirerent en Chaul, où les autres Capitaines se rendirent aussi pour passer l'hyuer.

QUANT à Louys de Menesez, il arriua pres d'Ormus au commencement de May : & pource que le temps du gouuernement de Gasie Coutin estoit expiré, Menesez establit Capitaine en la Citadelle vn gentilhomme nommé Iean Roderic Norogne à qui le Roy de Portugal en auoit donné charge. Il fut puis apres question de repeupler Ormus, pource que sans cela lon ne pouuoit subsister en la Citadelle qui auoit faute de viures, & personne n'en apportoit à cause que les habitans de la ville s'estoyent retirez ailleurs. Or Menesez sçachant qu'il ne pourroit rien faire si Raix Xeraf ne luy tenoit la main, tascha de le gagner, promettant luy pardonner tout le passé, & la mort du feu Roy, pourueu qu'il donnast ordre de faire repeupler Ormus. Mais d'autant que Xeraf estoit résolu de ne s'affuiettir aucunement aux Portugallois, encorés que ce fust à son grand desauantage, pour la perte des peages & tributs, il ne voulut respondre franchement, ains l'entretenoit de promesses couuertes, presumant que les Portugallois estoient trop peu de gens pour s'enhardir de l'aller combattre en terre ferme. Les Capitaines & gentilshommes Portugallois, sçachans bien que Xeraf ne cherchoit que de faire couler le temps, conseillèrent Menesez de ne differer pas dauantage, ains attacher

s.
Ce que fit
Louys de Me-
nesez en Or-
mus.

Xeraf, lequel ayant le Roy & le Royaume d'Ormus en sa puissance, ne retournetoit qu'à toute force sous le ioug de ceux qui l'auoyent si rudement manié au parauât. Menesez ne voulut suiure cest aduis, ny mettre l'affaire en deliberation, ains suiuit vn autre chemin. Voyant donc que c'estoyent pas perdus de negotier dauantage avec Xeraf, delibera de le faire tuer: parce qu'iceluy mort le Roy d'Ormus ne demanderoit pas mieux que de repeupler sa ville. Pour ceste execution il appelle en secret Xamire qui auoit estrâglé le feu Roy, le persuade de despescher Xeraf, promettant le faire Capitaine d'Ormus: car il sçauoit que nonobstant le parentage & la familiarité qui estoit entre Xeraf & Xamire, ce tueur feroit vn meschant coup, pour récompense plus petite sans comparaison que la Capitainerie d'Ormus. Il en auint aussi, c'est que Xamire accepta volontiers ceste cômision, s'exculant toutesfois de ne pouuoir si tost couper la gorge à Xeraf, qui estoit tousiours bien accompagné & se doutoit des Portugallois, notammét de Menesez. Neantmoins pour asseurance de sa promesse il s'en obligea par lettres, tellement que Menesez, comme asseuré de l'auenir, enuoya dire à Xeraf, puis qu'il vouloit changer Ormus à l'Isle de Queixume, luy ne s'en soucioit point: d'autant qu'outre cela le Roy d'Ormus estoit tenu de payer la pension qu'il deuoit à celuy de Portugal, autant que s'il sejournoit en l'Isle d'Ormus. Pourtât le sommoit il de payer, ensemble la valeur des meubles & marchâdises prinſes sur les Portugallois. Xeraf s'y accorda, & accomplit ce que Menesez requeroit: & combien qu'il ne retournast en Ormus, neantmoins la paix demeura entre les Mores & Portugallois qui redresserent leur trafic ensemble.

6.

D'vne autre part, George Albuquerque gouuerneur de Malaca voyant que le Roy de Bintam auoit posé les armes, & sembloit se repentir d'auoir fait païrie cõtre les Portugallois, resolut (attendu qu'il auoit gens de relais) d'enuoyer és isles de Bandan vn sien cousin nommé Garsie Henriquez, & luy donna quelques soldats qui estoient lors comme inutiles. Garsie s'embarque sur le commencement de Ianuier en l'an mil cinq cents vingt deux, & en passant, mouilla l'anchre au port d'Agacime en la

*Nauigatiõ de
Garsie Hen-
riquez aux
Isles de Ban-
dan: la descri-
ption & les
singularitez
d'icelles.*

grande Iaué, où il trouua encores Anthoine Brittio, lequel le suiuit tost apres. Ces isles au nôbre de trois, à sçauoir Bandan, Mire & Gunuape, dôt Bandan est la plus grande, sont à quatre degrez & demy ou enuiron de l'Equateur, & par consequēt assez proches des Molucques. Gunuape signifie au lāgage du pays môtagne de feu, cōme à la verité il y a vne môtagne qui ard cōtinuellemēt, à l'occasion dequoy ceste isle est deshabitee. Auant que les Portugallois eussent nauigé si auant, les habitans de ces isles viuoyent bestialement, leurs maisons estās basses, de bois, mal faites & pirement accommodees. Pour tous habillemens ils auoyent quelques chemises, que les marchans de Cambaje y portoyent pour eschanger à des muscades. Ils marchoyēt au reste pieds nuds, la teste decouuerte, les cheueux longs, la face ronde & de couleur oliuastre, de petite stature, idolastres, & si lourds qu'ils n'auoyent adresse à chose quelconque. Les plus grādes singularitez de Bandan sont trois sortes de perroquets, les vns rouges au bec iaune, les autres bigarrez, les autres blācs: puis les noix muscades, desquelles nous dirons ce mot, apres ce qu'en a escrit Garſie d'Orte medecin du Vice roy des Indes, au premier liure de son histoire des espiceries. Il croist (dit il) en l'isle de Bandā vn arbre ressemblāt au pescher, mais dôt les fueilles sont plus courtes, lequel porte la noix muscade & le macis qui en est la conuerture, & a cōme vne poire, assez espaisse au commencement, puis deuenant meure elle se fend de soy mesme, & monstre vne peau plus deliée enuironnant la noix muscade. Ceste peau est le macis laquelle on cōfit avec sucre, & sert aux maladies du cerueau, du ventre & des nerfs. Quand le macis est meur il se monstre fort rouge & de beau regard: puis apres il deuint iaune, & se vend beaucoup plus que la muscade enuelppee dedans. Toutesfois le tout y estoit lors à fort vil pris: mais ces gens pauvres & farouches se sont civilisez avec le temps, & sçauēt faire valoir auiourd'huy leurs cōmoditez mieux qu'antresfois, qu'ils n'obeissoyent à leurs gouuerneurs sinon par amitiē & autant que bon sembloit à chascun en particulier. Anthoine Brittio arriua au port de Bandan sur la fin de Feurier, où il trouua Garſie Henriquez, qui luy dit

auoir entendu pour certain que deux nauires d'Espagne estoient arriuees aux Molucques où elles s'estoyēt chargees d'espiceries, puis reprins leur route, & laissē douze hommes en l'isle de Tidore pour y negocier.

7.

Ample discours de la nauigation de Fernād Magellan aux isles Molucques : accidēs notables d'icelle iusques à la mort de Magellan, et du retour en Espagne de la même Victoire.

NOVS auons veu au vingtroisiēme chapitre de l'onziēme liure le discours sur le fait de Fernād Magellan gētil-homme Portugallois, & qui l'esmeut de quitter le party de Portugal pour se rāger à celuy d'Espagne, en semble ce qu'il proposa au conseil de Charles cinquiēme pour trouuer vn nouveau chemin aux Molucques à l'auantage des Espagnols, & comme il s'embarqua, & la fin de ceste nauigation. Mais d'autant que ceste nauigation a esté trop sommairement descrite, il ne sera pas impertinent d'en parler maintenant plus au long. Selon que les plus assurez historiens en ont discoursu, afin de contenter le lecteur, & l'amener de plus en plus à vne viuē cōsideration de grādes merueilles de nostre temps. Magellan partit de Seuille & du port de saint Lucar de Barra meda au mois d'Aoust mil cinq cens dixneuf, menant avec soy deux cens trente sept hommes, tant soldats que matelots, entre lesquels y auoit quelques Portugallois, en cinq nauires, dōt la capitainesse s'appelloit la Trinité, les autres Victoires, saint Anthoine, la Conception & saint Iacques, ayans pour maistre pilote Iean Serran, bien entendu au fait de la nauigation. Apres auoir passé les Canaries, & les isles de Cap verd, estāt au cap de saint Augustin il print sa route entre Midy & Occident, avec intention de nauiguer iusques à ce qu'il trouuaist le bout, costoyant la terre ferme de plus pres qu'il pouuoit. Ils s'arrestèrent beaucoup de iours és pays situez à vingt deux ou vingt trois degrez de là l'Equateur, & à la fin de Mars de l'an mil cinq cens vingt arriuerent à vne plage à quarante degrez où ils hiuernerent les cinq mois suiuañs iusques en Aoust, pource que le soleil courant lors vers le pole Arctique, le froid & la glace regnent en ce quartier tirant vers l'Antarctique. Ce pendant quelques Espagnols mirent pied à terre pour aller voir quel pays c'estoit, & porterent des miroirs, sonnettes, & autres menues besongnes pour changer. Les babitāns accoururent au riuage, elmerucillez de voir des vaisseaux si grands &

des hommes si petis. Ils ostoyent & retiroyēt de leur gosier vne fiesche pour estonner les Espagnols, & portoyēt les cheueux ronguez en couronne comme les prestres, & entortillez avec vn cordon de fil, auquel mesme sont attachees leurs fiesches, quand ils vont à la chasse ou à la guerre, & portoyent souliers de bergers, & estoyēt vestis de peaux de bestes. S'estans fait signe les vns aux autres, en fin sept harquebuziers allerent iusques à trois lieux dedans le pays en vne maison couuerte de peaux, au milieu d'un bois fort espais. Ceste maison estoit partie en deux, l'une pour les hommes, l'autre pour les femmes & enfans, & y auoit lors cinq geās, & treize autres personnes femmes & enfans, plus noirs que ceux des pays voisins. Ayans traité leurs hostes à la façon du pays, le lendemain trois de ces geans s'acheminèrent avec les Espagnols vers la flotte, & marchoyent aussi viste qu'un cheual, & deux d'entre eux se retirèrent. Le troisieme tenu de plus court fut mené à Magellan, qui le traita doucement, & luy donna quelques menues besongnes pour l'appriuoiser. Finalement, pour s'en assseurer, on le voulut lier, mais huit Espagnols n'en peurent venir à bout. On l'enchaina, mais depuis il ne fit que braire, & par despit s'abstint de manger, & ainsi mourut. Ces peuples sont appelez Paragones, à cause (disent aucuns) de la deformité de leurs pieds: ils parlent du gosier, mangent beaucoup, selon leur corpulence & à raison de la température de l'air, sont mal vestus, au reste bons archers, grands chasseurs, & prenent en leur chasse des austruches, des regnards, des cheures sauvages & autres bestes. Magellā mit pied à terre & fit camper les gens: mais parce qu'il n'y auoit en ce pays, ny villages, ny personnes qui apparussent, les Espagnols tomberent en piteux estat, endurans si grand froid & telle famine qu'aucuns en moururent. Or Magellan mettoit vne estroite reigle aux viures, afin que le pain ne defaillist point, voyant le defaut, la necessité & le danger: & que les neiges & le mauuais temps duroyent tousiours. Au parauant il auoit perdu vn capitaine Espagnol nommé Iean de Solis & soixāte soldats que les Canibales auoyēt mangé, parce qu'ils s'estoyent fourrez trop auant en

terre ferme pour secourir du pays. Les capitaines & autres de la flotte le prierent de retourner en Espagne, sans les faire mourir si miserablement en cherchant ce qui n'estoit point, & se cōtenter d'auoir veu des pays, où iamais Espagnol n'auoit mis le pied. La responce de Magellā fut que celuy seroit grand honte de s'en retourner pour si peu de trauail, les encourageant au reste par beaucoup de remonstrances : ce nonobstant ils ne cesserent de l'importuner, & le presserent tant que de cholere il commenca à leur faire teste, en fit prendre & chastier quelques vns. Cela irrita les soldats, iusques à dire que ce Portugallois les menoit à la mort, pour faire sa paix avec son Roy. Estans ainsi diuisez ils s'embarquerent tous avec Magellan, & des cinq nauires il y en auoit trois qui ne vouloyēt point obeir: ce qui l'estōnoit, craignāt qu'ils ne l'assaillissent & ruinaissent. Sur ceste peur vne de ces trois nauires repoussees par les flots de la mer vers la riuē, sans que les mariniers y prinsēt garde, parce qu'il estoit nuit, vint se ietter sur la capitainesse de Magellan, ce qui redoubla sa peur, mais aussi tost il conut la faute, & arresta ceste nauire sans coup ferir, & sans s'esmouuoir. Les autres deux voyans ceste là en l'obeissance du general, se vindrent aussi ranger vers luy. Alors il fit pendre deux des plus mutins, & laissa sur terre vn soldat & vn prestre qui incitoient chascun à reuolte, leur baillāt pour routes armes leur espees & vn petit sac plain de biscuit, pour chastiment de leur conspiration: ce qui adoucit fort les autres. Au partir de là, Magellan poursuivit sa route vers le pol antarctique, & contemplant attentiuement tous les destours des plages qu'il rencontroit, pour voir si ce n'estoyent point quelques passages, il tardoit beaucoup en chascue quartier où il arriuoit. Vn iour estant vis à vis d'vne pointe nommee sainte Croix, à l'instant s'esleua vn tourbillon qui poussa contre les escueils le plus petit vaisseau des cinq, lequel fut brisé : toutesfois les homes & tout ce qui estoit dedās furent sauuez. La peur reprint Magellan, le ciel estant troublé, l'air remply de tonnerres & tempestes, la mer enflée, la terre glaccée: neantmoins il ne laissa de couir plus bas, & gaigna vn autre cap qu'il surnomma des Vierges, mesura la hauteur du Soleil, & se

trouua à cinquante deux degrez & demy de l'Equateur, & estoit lors la minuiſt. Ceste endroit luy ſembla eſtre vne grande deſcente ou courante d'eaux, & penſant que ce fuit le paſſage qu'il cherchoit enuoya les nauires pour ſ'en informer plus au vray, commandant aux capitaines qu'au bout de cinq iours ils retournaſſent en ce meſme lieu. Deux reuindrēt, & cōme la troiſieſme, nommee S. Anthoine, tardoit trop, les autres firent voile. Ceste troiſieſme nauire eſtant puis apres de retour en ce cap des Vierges, & ne trouuāt les autres, Aluarez de Meſchite capitaine d'icelle & Eſtienne Gomeze pilote firent laſcher l'artillerie & allumer des feux pour ſçauoir nouuelles de leur cōpagnon, leſquels ils attendirēt quelques iours. Aluarez vouloit entrer au deſtroit, diſant que ſon oncle Magellan auoit prins ce chemin : mais le pilote & les autres pour la pluſpart vouloyent retourner en Eſpagne, & ſur ce different Gomeze donna vn coup d'eſpee à Meſchite, le mit priſonnier, l'accuſant d'auoir conſeillé Magellan de traiter le ſoldat & le preſtre à la façon ſus declairee, & qu'il eſtoit cauſe de la mort d'autres Eſpagnols: puis fit voile vers l'Equateur, emportant en ceſte nauire deux geans Patagones qui moururent ſur mer. Ils arriuerent en Eſpagne huit mois apres ſ'eſtre departis de Magellan, qui cependant tarda beaucoup à paſſer le deſtroit: mais voyās l'autre pointe il rendit graces infinies à Dieu, ne pouuant tenir contenance, tant il eſtoit aiſe d'auoir trouué vn paſſage pour aller en la mer de Midy, par laquelle il eſperoit arriuer bien toſt aux Molucques, dont il eſperoit de grands hōneurs & prouiſts. Les deux embouchures de ce paſſage, aujourd'huy appellé le deſtroit de Magellan, ſont en vne meſme hauteur de cinquante deux degrez & demy. Oſorius luy donne vingt lieues de longueur: aucuns luy en attribuent quatre fois d'auantage, le conſiderans en ſes deſtours. Il va d'Orient en Occidēt, & à quatre lieues de largeur, & en quelques endroit d'auantage, fort profond, croiſſant que plus diminuant, & court vers le Midy, couuert de pluſieurs iſles, garny de bās ports, ayant, les deux coſtes fort hautes & plaines de rochers. Le pays voiſin eſt ſterile, & le froid y dure quaſi toute l'annee: la terre eſtant couuerte d'a-

bres, & de cedres treshauts. Il y a des austruches & autres grands oiseaux, avec plusieurs bestes à quatre pieds, d'estrange sorte. La mer est fertile en sardines, arondelles de mer, lous marins, dont les peaux seruent de vesture aux habitans, & de balaines, des os desquelles ils font des barques: comme aussi ils en font d'arbres, & les calfeutrent avec de la fiente d'antas qui est vne sorte d'animal de la grandeur des vaches de l'Europe. Au demeurant le pole Antarctique n'a ses estoilles de la sorte de celles du Pole Arctique: car on les void ensemble, non gueres eslongnees, & vn peu obscures. Au milieu d'icelles il y en a deux assez petits, & nō gueres luisantes, & qui tournēt vn peu. Icelles sont le Pole Antarctique. Les Espagnols estās au milieu du destroit virent cinq estoilles fort claires en esgale distancel'une de l'autre en forme de croix, & non gueres eslongnees des deux autres: tellement aussi que ceste croix est aujourdhuy prinse pour marque du Pole Antarctique à ceux qui de deça passent l'Equateur. Apres que Magellan eust trauersé le destroit il fit tourner les proües à main droite, & print sa route quasi par derriere le soleil pour regagner l'Equateur, par ce que dessous iceluy sont situees les Molucques qu'il cherchoit. Il fut trois mois & demy sans voir terre, sur vne mer paisible sans aucune tourmēte ni fascheuse nauigation: mais ses viures commençoient à faillir, tellement que ses gēs n'auoyent qu'une once de pain par iour, beuoyent l'eau toute corrompue & puante, & faisoient cuire leur ris avec eau marine. Outre tout cela, les machoires leur enfièrent de telle sorte, que dixneuf Espagnols en moururent, & vingt cinq ou trente en furent si malades qu'ils ne pouoyent remuer bras ny iambes: le reste ne valant guerre mieux. Durant ces miseres ils firēt biē quatre mille lieues en ceste mer paisible sans descouurir autre chose que deux petites isles desertes; où ils ne virent que des oiseaux & des arbres, à l'occasion dequoy ils les appellerent infortunees, & sont à deux cens lieues ou enuiron l'une de l'autre, l'une à quinze, l'autre à neuf degrez de l'Equateur. Si la nauigation eust esté perilleuse, iamais Magellan & ses gens n'eussent gaigné pais à temps, ains eussent serui de pasture aux poissons. Finalement ils attri-

uerent à Iuagana qu'ils appellerēt l'isle des bons signes, où ils se repeurent abondamment. Ceste isle est à onze degrez, & ils y trouuerent du corail blanc. Apres ils rencontrerent tant d'isles ensemble qu'ils nōmerent cest endroit de mer l'Archipelague : mais les premiers eurent le nom d'isles des larrons, parce que les habitans d'icelles desrobent aussi subtilement, comme font ces coureurs nommez Bohemiens ou Egyptiēs en Europe. Les hommes y ont les dents noires ou rouge par artifice, s'estudient à porter les cheueux long iusques au nombril : les femmes les portent iusques aux talons, & les liēt à l'entour de leurs corps en forme de ceinture, & portent des chapeaux de feuilles de palmes, & quelques façons de braves de mesme matiere pour se couvrir. D'isle en isle les Espagnols gaignerēt finalement celle de Zebut. Magellā fit dresser vn estendart en signe de paix, lascher l'artillerie & descendre quelques vns des siens en terre pour porter quelques presens au Roy de ceste isle, & de la mercerie pour changer. Le Roy nommē Hamabar print plaisir à telle arriuee & enuoya prier Magellan de venir en l'isle : ce qu'il fit, & y fut bien receu, mesmes ce Roy & la plupart de ses suiuis se firent baptiser. Puis à la requeste de Magellan il enuoya messagers aux habitans des isles voisines, les priant de venir prendre amitié avec les Espagnols, ce que firent quelques vns des petites isles plus prochaines. Mais ceux de Mata, ou Mauta, qui est vne assez grande isle à huit ou dix lieues de Zebut ne voulerent ou n'oserent venir pour l'amour de Cilapulapo leur Seigneur, lequel exhorté par Magellan de se rendre tributaire de l'Empereur Charles cinquiēsme, fit response qu'il n'obeiroit à celuy qu'il n'auoit iamais veu, encores moins à Hamabar. Ce pendant, afin de n'estre estimē inhumain il enuoya quelque bestail que les Espagnols demandoient. Magellan pensant faire tort à sa reputation, s'il laissoit ainsi Cilapulapo, passa avec quarante soldats en l'isle de Mata, où il brussa quelque petit fort, dont les insulaires firent semblant d'estre estonnez, & enuoyerent comme en secret à Magellan bon nombre de cheures, demandans pardon, & s'excusans sur leur Seigneur auquel ils l'exhortoyent de faire guerre, ou bien qu'il

leur enuoyast quelques Espagnols bien armez pour faire teste à Cilapulapo, & qu'ils leur liureroyent l'isle. Magellan ne se doutant point de la tromperie, s'en retourna, & reuint la nuict avec soixante soldats bien equippez, en trois barques, amenant aussi Hamabar qui auoit treize barques plaines de ses suiets. Il eust bien voulu combattre incontinent: mais d'autant que par vn traité special il auoit promis à Cilapulapo, de le desfier auant que venir aux mains, si dauanture il luy faisoit guerre, il l'enuoya sommer de se declairer amy ou ennemy. Cilapulapo fit vne response hardie & plaine d'iniures: puis aussi tost fit sortir trois mille hommes en campagne, partis en trois bandes, lesquelles il rangea pres de l'eau, se tirant à costé pour se garantir de l'artillerie & de la scopeterie des harquebuziers. Ce pendât Magellan sort de ses barques avec cinquante soldats, se iettant en l'eau iusques au genouil, parce que les barques ne pouoyent approcher pres de terre, à raison que la riue estoit toute pierreuse: puis alla pour charger les ennemis qui l'attendoient de pied quoy, sans auoir esté endommagez de l'arquebuzerie ni d'artillerie. Alors Magellan se iugea perdu, & sans la honte qui le retint il eust tourné le dos: aussi ne s'abusa il pas en cela, car si tost que ses gens approchoyent tant soit peu c'estoit fait d'eux. Il leur comanda donc de se retirer: mais en ceste retraite huit de ses soldats & quelques vns de Zebut furent tuez, luy & vingt autres blesez la pluspart aux iambes avec fleches enuenimees, les Matanois ayans ceste ruse de ne descocher sinon contre la partie qu'ils voyoyent desarmee. Finalement Magellan fut tué d'un coup de fleche qu'on luy tira au visage, son casquet estant tombé à coups de pierres & de picques. Il receut deux autres coups, l'un en la iambe, l'autre estant tombé, & qui le perçoit tout oultre, tellement qu'il mourut entre terre & eau, mettant fin à si haute entreprise, sans iouir du bien qu'il esperoit de tant de trauaux. Ceste rencontre auint le vingtiesme iour d'Auil, l'an mil cinq cens vingt vn. Apres la mort de Magellan, les Espagnols esleurent pour leur capitaine Iean Serran grâd pilote de l'armee: ce pendât ils s'amusoient à changer avec les habitants de Zebut quelques merceries à de l'or, du su-

ère, du gingembre, de la chair, du pain & autre choses, pour aller aux Molucques : d'autre part les blesez se guérissent & fendoit-on les moyens de conquerir Marat. Et comme pour l'une & l'autre entreprise ils eussent à faire d'un esclaue nommé Henry truchement de Magellan, ils le pressoyent de se leuer mais estant blessé d'un coup de fleche enuénimée, il ne pouuoit bouger pour la grande douleur qu'il sentoit, ou bien ne vouloit, selon qu'aucuns pensoient: tellement que Serran se teniestoit contre luy, Edouard Barboze beaupere de Magellan & Beatrix sa vesue le menaçoient. Cela enaigrit Henri, qui pour se venger & recouurer sa liberté communiqua secrettement avec Hamabar, & luy conseilla, s'il vouloit demeurer seigneur de Zebut, de tuer les Espagnols : disant que c'estoyent gens auares, qui apres s'estre seruis de luy pour desfaire Cilapulapo, vsurperoyent son isle, sans ainsi par tout où ils mettoient le pied. Hamabar le creut, & incontinent pria à disner Serran & tous ceux qui luy voudroyent tenir compagnie, disant leur vouloir bailler vn present pour l'Empereur, puis qu'ils s'en vouloyent aller. Ainsi Serran & trente Espagnols s'en allerent au palais d'Hamabar, sans penser à ce qu'on leur brassoit : & cōme ils disnoient, tous furent tuez à coups de picques & d'espees, excepté Serran qui trouua moyen de se sauuer. On arresta tous les autres qui estoient parmy l'isle, & huit d'iceux furent depuis vendus à des marchans de la China. Les Zebutins mirent aussi par terre les croix & les images que Magellan auoit fait dresser, sans se soucier de leur Baptisme & nouuelle profession de Chrestienté. Les historiens Portugallois disent que Magellan apres auoir secouru Hamabar & desfait Cilapulapo fut tué en Zebut au banquet susmentionné avec Iean Serran, Edouard Barboze son beaupere, & vingt Espagnols. Quoy qu'il en soit, il mourut de mort violente, auant qu'auoir veu les Molucques par luy tant desirée. Ceux qui estoient restez dedans les nauires entendans le massacre qu'on auoit fait de leurs cōpagnons, par les clameurs de Iean Serran qu'ils laisserent au riuage, sans qu'on ait seu depuis qu'il deuint, leuerent les anchres & les voiles voguans à l'auanture. Car encorés que Iean Carnal leur

capitaine promist les mener aux Molucques, si ne sca-
uoit-il lors quelle route prendre. Ils estoient lors cent &
quinze hommes de reste avec trois nauires, dont ils brus-
lerent l'vne par contrainte, ne leur restant que la Trinité
& Viçtoire, avec lesquelles ils aborderent en vne isle nom-
mee Puloand suiette au Roy de Burneo, où ils prirent
deux hommes qui les menerent en Burneo mesmes, &
ils enuoyerent prier le Roy de leur permettre la descen-
te pour trafiquer avec ses suiets, ce que leur fut accordé,
& apres quelque seiour en la ville, où aucuns d'entre
eux furent magnifiquement traitez, ils se remirent à la
voile, & en vne autre isle calfeutrerent leurs nauires, puis
arriuerent à Mindanao & Sanguin. Au partir de là, apres
auoir beaucoup tournoyé, ils rencontrent vn ionc ou
basteau de la China qui alloit aux Molucques, duquel
ils emprunterent vn pilote qui les conduisit en Tindore,
l'vne d'icelles, en laquelle ils aborderent sur la fin du mois
d'Octobre l'an mil cinq cens vingt & vii. Le Roy de ceste
isle les recueillit avec grand honneur, & eux luy firent
quelques presens, & declairerent estre venus là pour tra-
fique & pour le bié du pays, adioustas vn long discours à
la louange de l'Empereur Charles cinquiesme leur Prin-
ce, auquel ce Roy de Tidore promit fidelité, les priant
d'attēdre encōres deux mois pour charger des espiceries
nouuelles: mais leur responce fut qu'ils ne pouuoient
attendre, pource que leurs nauires estoient demy pour-
ries, & falloit necessairement se retirer, mais qu'au bout
de deux ans ils retourneroyēt avec vne flotte de cent cin-
quante vaisseaux chargez de marchandise. Là dessus ils
demanderent si les Portugallois trafiquoyent point en
ceste isle, & entendans que si, en dirent tous les maux
du monde, affermans que tout ce qui estoit depuis Ma-
laca iusques aux Molucques appartenoyent au Roy d'Es-
pagne. De rechef ils prierent le Roy de leur faire vendre
les espiceries qui se retrouueroyent en Tidore, encōres
qu'elles ne fussent fresches: ce qu'ils sollicitoyent fort a-
fin de se retirer d'heure, craignans d'estre surprins & mal
traitez des Portugallois qui maintenoyēt les Molucques
estre de leur descouurement & sous leur partage, & les
contraindroient de retourner bien viste en Espagne. Or
tandis

tandis qu'on amassoit les especeries pour charger ces deux vaisseaux, les Espagnols commencerent à vendre leurs marchandises à l'encan, & d'autrepart enuoyerent solliciter d'amitié le Roy de Ternate, & luy firent des presents. Mais pource que quelque annes auparavant il s'estoit allié avec le Roy de Portugal, il escriuit incontinent à George Albuquerque gouverneur de Malaca l'avertissant de ce qui passoit, dont Albuquerque donna avertissement au Viceroy & au Roy de Portugal, par hommes expres enuoyé de Malaca, afin que l'on pourueust à la garde de ces isles en y faisant bastir vne forteresse. Les Espagnols voyans que le Roy de Ternate ne tenoit compte de leur estre amy, asseurerent celuy de Tidore qu'à leur retour ils contraindroient ceux de Ternate de faire hommage à l'Empereur. Quand le Roy de Tidore les vid resolu de s'embarquer, il fit recueillir toutes les especeries qu'on pût recueillir en l'isle, & en chargea-on les deux nauires Espagnoles. La pluspart de ces especeries appartenoyent au Roy de Portugal & aux Portugallois qui l'auoyent amassée en l'an mil cinq cens vingt, de trois ions ou basteaux de Malaca, qui deschargerent en l'isle de Bachian, pource qu'ils n'auoyent la commodité de faire voile iusques en Malaca, & l'un de ces basteaux appartenoit à vn marchand, qui en auoit la commission pour les affaires du Roy de Portugal sous l'autorité de Gaspar Roderic son facteur: mesmes plusieurs sacs de ces especeries estoient marquez du nom de ceux à qui ils appartenoyent. Mais les Espagnols auoyent telle haste de charger de peur d'estre chargez par les Portugallois qu'ils achetoient la marchandise au quadruple. Ayans emply leurs nauires, ils laisserent quelques facteurs en Tidore avec de la mercerie, & promirent au Roy de bastir à leur retour vne forte citadelle, laissant pour gage quarante diuerses pieces de canon, force arbalestres & harquebuzes & autres armes. Puis ils s'embarquerent & partirent de Tidore au mois de Decembre, l'an mil cinq cens vingt vn. La capitainesse nommée la Trinité tiroit grãde quantité d'eau: à l'occasion de quoy ils accorderent ensemble que Iean Sebastien de Cauo s'en iroit en Espagne dedans le vaisseau nommé Victoire, duquel il estoit pilo-

re par le chemin que font les Portugallois, & que l'autre vaisseau estant rabillé & calfeutré, de peur d'autre inconuenient, prendroit vne route plus seure & abregée, passant sur le partage de l'Empereur, & s'en iroit surgir à Panama, ou prendre port en la coste de la nouuelle Espagne. Cest accord fait Iean Sebastian partit avec soixante cōpagnons, & ayant passé par plusieurs isles, comme il chargeoit du sandal blanc en Timor, s'esleua vn tumulte avec les habitans, tellement que quelques Espagnols furent tuez. L'onzième iour de Feurier mil cinq cens vingt deux, Iean Sebastian partit de Timor entrant en la mer Orientale. surnommée de Lantchidol, prenant sa route entre le Ponant & le Garbin, laissant la Tramontane à main droite, crainte qu'en approchant trop de terre ferme il fust descouuert des Portugallois: & apres auoir passé entre Samatra laissée à gauche, & Pegu, Bengala, Cananor, Goa, Cambaje, le goulfe d'Ormuz, & toute la coste de l'Inde Orientale à droite, pour doubler plus seurement le cap de bonne esperance, il descendit iusques au quarante deuxième degré vers le pole Antarctique, & demeura sept semaines dessous ce cap, voltigeant tousiours à voiles hautes, pource qu'il auoit en proue les vents de Ponant & Mistral qui l'empeschoient d'auancer, tellement qu'il eut à combattre les vents, les vagues & tourmentes, avec merueilleux hazards. Ce cap de bonne esperance est à trente quatre degrez & demy de l'Equateur vers le pole Antarctique, à seize cens lieues du cap de Malaca, estant la plus grande & dangereuse pointe de toutes les mers du monde, à l'occasion de quoy on l'appelle le Lion de la mer, pour les courantes impetueuses qui y sont ordinaires, & autres raisons deduites au vingtquatriesme chapitre de l'onzième liure. Quelques Espagnols sentās la faim & les maladies qui pressoyent presque tous ceux de la nauire, estoient d'avis d'aller mouiller l'anchre au port de Mozambique où les Portugallois auoyent vn fort: mais les autres scachans biē qu'ils y seroyent encores plus mal traitez que sur mer, dirent qu'ils aimoyent mieux mourir que de prendre autre route que de celle d'Espagne. Puis reprenans courage ils passerent le cap de

bonne esperance, & avec vn vent propre voguerent deux mois entiers sans approcher de terre: tellement que pendant ce temps vingt & vn d'entre eux moururent de disette & maladie. On jettoit les corps en la mer, & à ce que recite Marc Antoine Pigafette, present en toute ceste navigation, dont il a escrit vn liure imprimé, les corps des Chrestiens, flottoyent sur l'eau la face dessus, mais ceux des Indîes le visage dessous. Au reste sans vne speciale assistance de Dieu, Iean Sebastian & tous les suruiuans fussent morts de faim: & comme ils estoient reduits à toute extremité ils approcherent d'une des isles du cap verd, nommee saint Iacques, appartenant au Roy de Portugal. Iean Sebastian fit descendre dans l'esquif treize soldats, pour aller puiser de l'eau, acheter de la chair & du pain, & louer des Negres pour tirer à la pompe, parce que la nauire tiroit force eau, & ceux de dedans estoient presque tous malades. Ils obrindrent quelque mesure de ris, & voulans y retourner pour la seconde fois, le capitaine qui commandoit en l'isle arresta prisonniers ces treize, voulant sçauoir où ils s'estoient chargez de ces espiceries, à cause qu'ils auoyent offert payer en cloux de girofle les viures qu'ils acheteroyent. Il arresta aussi l'esquif, & en vouloit faire autant de la nauire: mais Iean Sebastian fit incontinent leuer les anchres & les voiles, & le septiesme iour de Septembre entra au port de saint Lucar de Barrameda avec dixhuit seulement, les plus desfaits & rompus qu'il estoit possible. Les treize arrestez en l'isle de saint Iacques furent incontinent relâchez par le commandement du Roy de Portugal. Selon le conte tenu de iour en iour durant le temps de leur navigation, qui dura trois ans, moins quatorze iours, ils firent quatorze mil quatre cens soixâte lieues, voguans autour du monde d'Orient en Occident, & passerent six fois par dessous la Zone torride. Le huitiesme de Septembre ils entrèrent à Seville, & tous en chemises, nuds pieds & testes nues, avec vne torche en la main, s'en allerent au grand temple remercier Dieu qui les auoit ramenez & deliurez de tant de morts.

ENTRE ce monde d'isles grandes & petites posees en l'Ocean Oriental ou Archipelague de saint Lazare,

Bb ij

8.

Description

des isles Mo-
lucques et de
leurs singula-
ritex.

les Molucques sont fort renommées à cause des espèces qu'elles produisent. Il faut donc dire icy quelque chose d'icelles & de leurs singularitez. Ces isles au nombre de cinq s'appellent Tidore, Ternate, Motir, Machian, & Bachian. Tidore est deçà l'Equateur vers nostre Pole à vingt sept minutes seulement, Ternate à quarante : Motir est iustement sous l'Equateur, Machian à quinze minutes vers l'Antarctique & Bachian à vn degré, laquelle est estimée la plus grande des cinq. Elles sont entourées des isles de Gilolo, Celebes, Ambon, Burru, & d'autres assez prochaines & fertiles. Burneo & Mindanao sont plus loin, l'une à l'Occident, l'autre au Septentrion, très-riches & bien accommo dées. Lors qu'elles furent decouvertes, les insulaires estoient Mahumetistes pour la plupart, les autres idolâtres, adorans ce que bon leur sembloit. Depuis quelques années en çà, par le moyen du trafic des Portugallois, quelques Iesuites y ont fait changer à aucuns insulaires leur vieille religion à celle de l'Eglise Romaine. Mais ces peuples ont peu d'arrest en tel cas, & suivent seulement ce qui leur est plus commode, changeans selon les occurrences du temps. Ils sont bazanez & vivent à la façon des autres Indiens, estans gouvernez par quelques Rois qui prennent plaisir à entretenir grand nombre de femmes & concubines, comme aussi le commun s'en accommode selon les moies que chacun a en son particulier. Encores qu'ils n'aient les commoditez de viures des autres nations, toutes-fois le trafic de l'espicerie qui y croist en abondance & presque de toutes sortes, fait que les marchans qui y abordent de tous costez portent pour eschange choses propres pour l'entretenement des insulaires, qui aujour-d'huy sont vn peu civilisez, & vivent en repos, tandis que les Europeans & autres se donnent mille peines pour porter à viure à ces gens, qui autresfois se soucioyēt peu des richesses de leurs isles. Leurs maisons sont basses & petites: les femmes y sont laides & vêt nues ainsi qu'és autres isles, sauf qu'elles couvrent leur honte avec toile faite de certaines escorces d'arbres, qu'elle font longuement tremper en l'eau, & estans amollies les battent d'une piece de bois, les font deuenir aussi longues & larges

que bon leur semble, & subtiles comme fine toile de lin, tellement qu'on diroit que c'est tissure. Les hommes sont fort ialoux de leurs femmes, aimans le repos & le sejour de leurs isles. On trouue en Tidore certains oiseaux qu'ils appellent Mamucos, lesquels ont moins de chair que le corps ne demonstre, les iambes longues d'un demy pied, la teste menue, le bec fort long, le plumage d'une couleur singulieremēt belle, ils n'ont point d'aïsses, ains au lieu d'icelles des plumes assez lōgues & de diuerses couleurs, & ne les void on iamais sur terre que morts, sans se corrompre aucunement, & ne sçait-on d'où ils sortent, ne où ils s'esleuent, ni quelle est leur nourriture, si ce n'est la rosee & la fleur des espices. On les appelle aussi Manucodiatas, qui signifie autāt qu'oiseau de Dieu, & les Portugallois serrent soigneusement les plumes d'iceux pour en faire des pannaches, & les insulaires s'en seruent pour guerir les playes. Toutes ses isles produisent les cloux de girofle, la cannelle, le gingembre, & noix muscates: mais chaque isle ne produit pas ces especes esgalement: car l'une porte plus de cloux que l'autre, & une autre plus de gingembre. Motir fournit plus de cannelle que d'autre espices. Il y a force cloux en Tidore & Ternate: & l'arbre qui les produit est grand & gros, ayant la fueille comme celle du Laurier, & l'escorce semblable à celle d'un Oliuier. Il porte ses cloux par grappes, comme fait l'hierre ou l'espine vinette: au commencement ils sont verds, puis deuiennent incontinent blancs, & en se meurissant rougissent, & se tournent en noir estāt secs. Apres qu'on les a cueillis on les laue en l'eau de la mer, puis ils sont essuyez & gardez es magazins. Cest arbre demande les collines, & engendre au dessus de soy vne & plusieurs fois vne petite vapeur de nuee qui l'enuironne presques d'ordinaire. Si on le plante en des valles il ne proufite point, ou s'il croist c'est sans porter fruit: encores moins s'il est mis en vne plaine. Le gingembre est vne racine qui ressemble à la garance ou au safran. La cannelle vient d'un arbre qui ressemble fort au grenadier: l'escorce se fend & creue par la force du soleil, puis on l'arrache & la nettoye-on au soleil. Quant aux noix muscates nous en auons parlé en faisant mention des is-

las de Bandan. Au reste, toute ces isles portent le Camphre, gomme distillant de certain arbre que les Insulaires appellent Capar, lequel est beau, bien feuillu, touffu, & croissant aux montagnes voisines de la mer: ayant le bois leger & les branches menues. Il y a quatre sortes de camphres: l'un se trouue serré entre les veines du bois, fait tout ainsi que petites lames de quelque metal: l'autre sort hors de l'écorce, comme fait la resine par deçà, s'y ioignant contre, comme gomme, semé de petites taches rouges, puis apres il deuient tout blanc, estant meilleur & plus purifié que celuy qui croist dedans les veines: le troisieme est moindre, plus noir, & moins estimé que les deux autres: le quatrieme est encores moins prisé, à cause qu'il est chargé des raclures & esclats du bois, où il se tient amassé de la grosseur d'une amende ou d'une feue. Les Moluciens ont, outre les richesses susmentionnées, du ris, des brebis, chèvres & poules figues, amandes grenades de toutes sortes, à sçauoir douces & aigres, oranges, citrons, limons, du miel, des roseaux de sucre, huile de dattes, melons, citrouilles, & un fruit fort rafraichissant qu'ils nomment Camulicaj. Leur pain est fait d'une certaine racine, & font du vin du ris, ayant au reste des oiseaux de diuerses sortes, notamment des Perroquets. Quand aux singularitez des autres isles voisines il n'est besoin d'entrer en ce discours, réservé à ceux qui escriuent une histoire vniuerselle ou Cosmographie, ioint que selon l'occasion qui s'en pourra presenter en d'autres endroits ci apres nous en toucherons quelque mor. Reprenons maintenant le fil de l'histoire.

9.

ANTHOINE Brittio ayant entendu que les Espagnols estoient arriuez aux Moluques, & y auoyent dressé vne factorerie, d'autant qu'il y faisoit voile avec quelques soldats au nom du Roy de Portugal, craignant n'estre assez fort, pria Garfie Henriquez de luy tenir compagnie afin d'y demeurer les maistres, & chasser les Espagnols: à quoy Henriquez s'accorda, encores que celuy fust chose fort incommode de laisser Bandan, où Brittio trafiqua & print amitié avec les insulaires, iusques à y planter vne colonne de pierre avec les armoiries de Portugal, à l'occasion dequoy ils eurent differend, & en vindrent

aux coups : mais finalement ils demeurèrent amis. Au
moys de May, qui est la saison propre pour nauiguer aux
Molucques, Brittio & Henriquez s'embarquerent avec
leur flotte de huit vaisseaux chargez de trois cens hômes,
& allerent surgir en cinq Isles à cent lieues de Bandan,
entre le Septentrion & le Midy, lesquelles sont propre-
ment les Molucques susmentionnees, esquelles on nego-
cioit peu au parauant, pour ce que les marchans de Ma-
laca & d'autres pays se contentoient de trafiquer en l'Isle
de Bandan, sans s'auancer plus loin: aussi les Moluciens y
enuoyoyent partie de leurs espiceries. Mais depuis la des-
couuerte des Portugallois, ils sont demeurez chez eux,
où le trafic est maintenant, & ont aprins aussi d'aller çà
& là, parce qu'ils cognoissent ce que vaut ce qu'on va
querir iusques en leurs maisons. Le menu peuple tient tel
conte des Roys de ces Isles, encores qu'il ne soyent pas si
riches que plusieurs autres, qu'en les voyant il ferme in-
continent les yeux, se iette la bouche contre terre, & leur
en auoit pas qui fust amy des Portugallois, excepté ce-
luy de Ternate, qui les auoit recherché d'amitié, & per-
mis de bastir vne forteresse en son Isle: se voulant par tel
moyen assseurer contre les Espagnols, ausquels il portoit
mauuaise affection. Estans arrivez sur la fin de May en
ces Isles, Brittio sçachant que les Espagnols estoient en
Tidore avec les deux nauires de reste de la flotte de Ma-
gellan, resolut les aller trouuer pour abolir leur facture-
rie, afin qu'elle ne preiudiciast au Roy de Portugal, & e-
stant arrivé là apres auoir donné ordre aux affaires de son
maistre, & empesché les Espagnols de passer outre en
leur trafic pour l'aduenir (en quoy les Historiens ne s'ac-
cordent pas, car les vns disent qu'il arresta prisonniers les
Espagnols, & leur osta beaucoup de marchandises, les au-
tres tiennent qu'il les traita gracieusement, & leur permit
se retirer, comme nous auons veu cy dessus que l'vne des
nauires auoit prins la route de Panama, l'autre, celle d'Es-
pagne) il fit voile en Ternate, où il ne trouua plus le Roy,
car peu au parauant il estoit mort, ayât esté (ce disoit-on)
empoisonné en vn banquet par le Roy de Tidore son be-
aupere, pource qu'il refusoit l'amitié des Espagnols. Sa

veufue gouernoit, pource que son fils n'estoit lors agé
 que de sept ans. La Royne entendant l'arriuee de Brittio
 Téouya saluer, & auertir qu'elle auoit charge de son mary
 de luy faire bõ accueil, & permettre de bastir vne forte-
 resse, aidât de tous ses moyens pour l'auancer & le secou-
 rir. Ceste offre fut acceptee des Portugallois, & Brittio
 enuoya demander congé de descēdre en terre pour voir
 en quel endroit il pourroit commodément commencer,
 ce que la Royne permit, & enuoya ses Mandarins ou
 gentilshommes le receuoir, ce qu'ils firent en grande so-
 lennité. Brittio ayant marqué le lieu propre pour sa for-
 teresse, commença à faire vne barriere pour se retirer a-
 uec son bagage & l'artillerie, tandis que on bastiroit la
 forteresse: & auant que rien commencer traitta vn ac-
 cord avec la Royne & les Sangagins ou Barons de l'Isle
 au nom du petit Roy, contenant entre autres choses que
 les Portugallois pourroyent auoir vne facturerie pres du
 lieu principal de l'Isle pour retirer les espiceries que ceux
 de Bandan y apportoyent, & qu'on leur fourniroit en
 l'Isle de Ternate les mesmes marchandises, & autres y
 prouenantes, sans en vendre à autres estrangers: en payât
 pour bahar, qui est vn poids de quatre quintaux, trente
 deux realès d'Espagne seulement. Cest accord fut escrit
 & signé de part & d'autre: & pource que Brittio se des-
 fioit de la Royne, fille du Roy de Tidore, lequel auoit
 pour suspecte ceste négociation des Portugallois, à cause
 qu'il estoit amy des Espagnols, il voulut tirer à son party
 quelques vns du pays pour luy aider & fauoriser, au cas
 que la Royne luy voulust iouer quelque mauuais tour.
 Ainsi donc il gaigna le cœur d'un nommé Cachil Da-
 roes, bastard du feu Roy de Ternate, & promit le faire
 gouuerneur de l'Isle, s'il vouloit tenir la main aux Portu-
 gallois. De fait, Brittio pratiqua si bien, que le bastard
 fut esleu Viceroy, maugré la Royne & ses partisans, les-
 quels voyans Brittio & le bastard auoir gens à leur com-
 mandement, silerent doux pour l'heure & faigirent es-
 tre bien ioyeux de ce changement: mais depuis la Roy-
 ne ne cessa de vouloir mal à Brittio, espiant le temps pour
 luy faire mal ses besongnes, mesmes & machina secret-
 tement contre les Portugallois avec son pere le Roy de

Tidore, despitée iusques au bout de voir le bastard Vice-roy & en la place d'elle qui au parauant manioit tout à son plaisir. D'autre part Cachil, appuyé sur Brittio, vouloit se faire Roy & Seigneur absolu de toute l'Isle, & seruoit à Brittiô de tout son possible, luy donnant aduis de ce qu'il deuoit faire, & dont il se faloit donner garde. Sans ce personnage, les Portugallois n'eussent iamais basti leur citadelle, ny subsisté aux Molucques, attendu les guerres & autres affaires qu'ils y eurent depuis. Apres l'election de Cachil, & le paracheuement des barrieres, en l'enclos desquelles Brittio retira tout son bagage & son artillerie, ayant mis en terre ses gens qui estoient au port, il mit la main au bastiment de la Citadelle le iour Saint Iean au moys de Iuin l'an mil cinq cens vingtdeux : & en la presence du ieune Roy de Ternate suiuy de tous les Sagagins & Mandarins, & d'un grand nombre de peuple, fit ouurir les fondemens, & planta la premiere pierre, faisant descharger l'artillerie & sonner les trompettes en signe de ioye. Le ieune Roy, ses Barons, & le Roy de Gilolo, fauorisoyent Brittio & ses gens en beaucoup de sortes : mais les Insulaires, pour n'estre accoustumez à la peine, n'aidoyent aucunement à la besogne, tellement que les Portugallois estoient rompus du trauail & de disette, pource qu'ils se trouuoient tout nouueaux aux viures de ces pays Orientaux.

Nous auons dit cy dessus que Martin Alphonse Melio estoit party au moys d'Auril l'an mil cinq cens vingtdeux pour aller en Malaca. En suiuant sa route il alla surgir à Pacem, où il laissa André Henriquez pour commander en la Citadelle, & se remettant sur mer avec Sance Henriquez entendre en Malaca nouuelles de ce qui estoit aduenü à Simon Andrade & à ses gens, ensemble à l'Ambassadeur de Portugal au Royaume de la China, comme il en a esté discoureu cy deuant au feuillet 419. Cela le fit resouldre à tourner voile vers la China, accompagné d'Edouard Conil Capitaine d'un ionc ou basteau de Malaca. En chemin ils butinerent & se firent riches du pillage de plusieurs vaisseaux ennemis. Ils abordèrent vis à vis & assez près de ce grand Royaume au moys d'Aoust, où ils furent assaillis d'une tourmente, & icelle appaisée apparut

10.

*Nauigation
du Capitaine
Martin Al-
fonse Melio
en la China,
d'où il est co-
traint se reti-
rer.*

l'armee nauale des Chinois, ayant grād nombre de ioncs, de Calaluz & autres vaisseaux plains de soldats, qui es-
 ployent les Portugallois vogans en ceste coste où ils es-
 toient merueilleusement hays. Aussi tost que les Chi-
 nois descouurirēt la flotte de Melio, ils se rangerent pour
 combattre, voguans à rames & à voiles, affustans quel-
 ques pieces legeres comme mousquets & fauconneaux,
 sans espargner les fiesches qui voloyent de toutes parts.
 Martin Alfōse qui n'ignoroit pas ce que les Chinois sca-
 uoyent faire, & ne demandoit que paix avec eux, ne bou-
 geoit, ny ne monstroit voloatē de combattre. Ses Capi-
 taines estoient d'autre auis, & voyatis que les Chinois
 continuoient en leurs brauades, ils commāderent à cer-
 tains canōniers delascher quelques pieces, ce qui fut exē-
 cutē specialement au vaisseau d'Ambroise de Rege, telle-
 ment que plusieurs petis basteaux furent brisez & les sol-
 dats tuez, ce qui contraignit l'armee des Chinois de se
 retirer à cause du canon qui les endommageoit. Ambroi-
 se les suit, dont Martin Alfōse fut despitē, & encores plus
 de la perte des Chinois, & enuoya querir Ambroise, le-
 quel il tança fort rudement, sans toutesfois le chastier
 d'autre sorte pour auoir ainsi commencē sans le commā-
 dement de son general. Puis suiuit sa route, il alla mouil-
 ler l'anchre en vn canal hors du port de l'Isle de Benjaga,
 où l'armee des Chinois le vint de rechef accoster & en-
 clorre, tellement que luy ny les siens ne pouoyent faire
 voile en auant ny en arriere que par le milieu de ceste ar-
 mee, laquelle ne cessoit de lascher ses mousquets sur les
 Portugallois, encores qu'au parauant elle eust fait la per-
 te que nous venons de declairer. Melio cognoissant lors
 que les Chinois ne cerchoient que guerre, conclud avec
 ses Capitaines de prendre langue la nuit suiuite, pour
 descouurir l'intention des ennemis, & trouuer moyen
 de faire entendre à leur Admiral le desir que les Portuga-
 lois auoyent de viure en bonne amitiē avec ceux de la
 China. Or ceste nuit les descouureurs prindrent cinq
 paysans qui vogueyent au long du riuage en vne barque-
 rolle chargee de charbon, & les amenerent à Melio qui
 ne peut rien apprendre d'eux: mais il les fit vestir rout à
 neuf & les enuoya dire de sa part à l'Admiral de la China,

que luy & les Portugallois venoyent comme amis, avec force marchandise pour trafiquer, & qu'on auoit tort de leur courir sus : pourtant le prioient-ils de leur en mander l'occasion, estans prests de satisfaire selon leur possible, s'il se trouuoit que les Portugallois fussent cause de ceste guerre : & qu'au contraire s'ils auoyent le droit de leur part on cessast de leur courir sus, & que les vns entretenissent paix & amitié avec les autres. Ces pay sans allerét faire leur message, mais ils ne retournerent pas : au contraire les Chinois tirerent plus de coups qu'au parauant, ayans charge expresse de leur Roy de ne laisser aborder les Portugallois en lieu quelconque. Melio patienta encores tout ce iour sans rien entreprendre, pensant que ces pay sans n'auroyent eu l'esprit de s'acquitter de leur commission : & la nuit suivante renuoya ses descouureurs qui descendirent en terre, prindrent deux hommes & les luy amenetent. Il entendit d'eux que le Roy de la China estoit extrêmement irrité contre les Portugallois, & ce qu'il auoit decreté contre eux : partant que il ne falloit point enuoyer gens pour traiter d'accord, pource que la guerre estoit ouuerte. Il leur fit donner quelques habillemens, & les renuoya en terre : puis ayât receu nouuelles ceste mesme nuit qu'Edouard Conil, demeuré derriere avec son bastéau, s'estoit arresté pres d'une pointe de terre, pource qu'ayant descouuert l'armée des Chinois, il auoit peur de tomber en leurs mains, & pourtant il prioit qu'on l'allast enleuer de là, ou qu'il luy fust permis de s'en retourner. Incontinent Melio luy enuoya deux bastéaux bien equippez, mais ils ne peurent passer à cause des mousquetades de l'ennemy, dont plusieurs soldats furent blesez, & quatre tuez, tellement qu'ils se retirerent vers la flotte. Alors Melio, voyant ses gens morts & blezez, delibera de combattre les Chinois, & tint conseil, où la pluspart furent d'avis contraire, disans que ce seroit se hazarder par trop de donner bataille pour lors, & qu'il suffiroit de faire ai guade, dont la flotte auoit besoin, & que le temps monstreroit ce qui seroit plus expedient de faire. Suiuant cela, Melio print terre avec quelques bastéaux bien armez, afin de se fournir d'eau douce, vn peu à costé de sa flotte;

ce que veu par les ennemis, soudain trente de leurs calaluz & lanchars se desbanderent, & vindrent assaillir à coups de mousquets de telle viffesse les basteaux de Melio, qu'à peine eut il loisir de rentrer dedans, & laissa en terre les tonneaux qui y auoyent esté deschargez pour les emplir d'eau douce. Se retirant tous confus il fut fuiuy & battu de coups de mousquets iusques aupres de sa flotte: mais les ennemis se retirerent, craignans l'artillerie de Portugal qui les foudroyoit si tost qu'ils approchoyent de la portee d'icelle, & n'osans venir aux mains, se contentoyent de mener du bruit & faire quelques escarmouches pour donner enuie aux Portugallois de se retirer. Sur cela les capitaines conseillerent Melio de faire retraite entierement, ce qui luy estoit assez aisé sans perte, puis qu'il ne pouuoit s'attacher aux Chinois qu'avec peril tout euident. Cest auis fut couché par escrit, & signé de tous pour la descharge de Melio, puis le lendemain on haussa les voiles, & commença on à s'effargir en mer. Les Chinois suiuent Melio avec grâdes hucés, escarmouchans avec leurs mousquets & vne infinité de fleches. Pierre l'Homme & Iaques Melio qui voguoyét derriere les autres respondoient à coups de canon. Or il auint que le feu se prit à vn baril de poudre en la nauire de Iaques Melio, & s'alluma de telle furie qu'il fut impossible de l'estaindre, tellement que ce vaisseau commença à pancher pour couler en fond. Pierre l'Homme voyant que la plupart des soldats raschoyent se sauuer à nage, vogua droit celle part pour les tirer dedans son basteau: mais les Chinois le vindrent inuestir avec leurs ioncs, & pource qu'il auoit peu de gens à cause du petit espace de son vaisseau les ennemis eurent loisir del'accrocher de tous costez, entrerent dedans, mirent en pieces tous ceux qui y estoient, excepté vn qui se sauua en la hune: puis couperent les testes aux morts, pillerent le basteau, le despourillerent de tout son equippage, & avec grands cris & bruits de certains instrumens qu'ils portent en guerre se retirerent en moins de rien. Celuy qui estoit sauué en la hune commence à faire signe, & fut tiré de là à toute peine, pource qu'il n'y auoit chordage quelconque pour denaler d'où il estoit monté: en fin tous es-

fois il glissa tellement quellement, & apres auoir fait entendre au general ce qui estoit aduenü, le conseil fut assemblé, où nonobstant les remonstrances du general (qui en pensant venger la mort de ses soldats se mettoit en danger de la vie de luy & de tous les siens) les capitaines furent d'avis de mettre à fond ce vaisseau desarmé, & prendre la route de Malaca sans delayer dauantage. Et pour nouuelle descharge de Melio fut dressé acte de cest aus soussigné des capitaines, que Melio retint vers soy, & encores qu'il partist contre sa volonté, & fust gentilhomme de grand cœur, neantmoins il fit executer l'arrest du conseil: puis tous se mirent à la voile, & combien qu'ils n'eussent vent propre pour gagner Malaca, sinon en costoyât la China, toutes fois Dieu voulut qu'ils trouuerent moyen de tirer vers la Taprobane, où Melio delibera surgir pour voir si la citadelle de Pacé estoit fournie de ce qui luy estoit necessaire.

Ces rës deliberation vint tout à point aux Portugalois qui gardoyent ceste citadelle: pource que le Roy de Dachen deuint si outreuidé apres la deffaire de George Britio, descrite au douziésme liure, qu'il resolut faire mourir autant de Portugallois qu'il en pourroit attrapper. Et entendant qu'ils estoient en quelque petit nombre avec vn capitaine en la citadelle de Pacem, conclut de les exterminer. Pour cest effect il enuoye promptement deux mille hommes de guerre, & donne charge à son lieutenant de mettre le feu en ceste citadelle, qui estoit faite de bois. Or pource que le chemin estoit court & se faisoit par terre, ceste armee se rendit incōtinent autour de la citadelle, qui lors n'auoit que septante soldats pour garder: car les autres auoyent suiuý Sance Henriquez en son voyage de Malaca. Qui pis est, leurs viures estoient courts, mais en recompense ils auoyent bonne artillerie & force munitions de guerre, au moyé dequoy ils soustindrent vaillamment le siege, & empeschèrent les ennemis d'approcher, comme c'estoit leur intention de brusler la citadelle. Sur tout ils faisoient bonnet de nuict, allumãs des feux pour descourir ceux qui s'ingeroient de venir trop pres. Mais comme ils commēçoient à se lasser, les viures defaillans, & estans sur

11.

*Effort du
Roy de Dachen
pour chasser les Portugallois hors
de la Taprobane.*

le point de quitter tout , voicy arriuer Melio avec sa flotte de cinq grosses voiles, qui fut incontinent reconu des ennemis qui leuerent le siege, & se retirerent de vitesse auant que Melio les peust ioinde. Voila comment à quelque chose malheur fut bon, car la route de Melio fut cause, selon les hommes, de la deliurance des Portugallois de Pacem.

12.

Naufrage d'Edouard Ataide, & autres accidens des Portugallois sur leur retour d'Ormuz en Goa. APRES que Louys de Menescez eut donné ordre aux affaires d'Ormuz, il despescha trois nauires pour aller en Goa avec les deniers du tribut & autre argent tiré des marchandises menees là au nom du Roy de Portugal. Et pour ce que Pierre Trauaze capitaine de l'une des trois nauires se trouua malade, la charge en fut donnée à Manuel le vieil. Ils s'embarquerent donc au port d'Ormuz, & allerent se rendre près de Mazcate en vn lieu nommé l'Aiguade de Cojeatar, pour y puiser de l'eau. C'estoit au mois d'Octobre: & de nuict le leua vn vent de traucise si furieux & violent qu'il chassa long temps quelques nauires de Mores d'un costé & d'autre, ruina en terre beaucoup de maisons, & en l'estendue de douze lieues de pays fit dommage de la valeur de cinquante mille ducats. Outreplus il poussa si rudement contre quelques escueils de mer la nauire d'Edouard Ataide, qui n'auoit plus qu'une ancre, qu'elle se brisa, & perirent aucuns de dedans, entre les autres Ataide mesmes, vn sien fils, Vaque Martinez Melio, & Iean Rabel. D'auantage, elle hurta de telle roideur le vaisseau de Lopez d'Azeuede, qu'elle rompit l'esperon d'iceluy & la mit en danger de perir, ce qu'entendu par Manuel le vieil, il monta sur vn bastau avec quelques soldats pour aller au secours d'Azeuede, encores que l'on ne vist goutte estant nuict: & apres l'auoir mis à seureté, il retourna vers sa capitainesse avec grande difficulté à cause de la tourmente, & lors il se trouua en nouveau danger, car tous ceux de la flotte estoient merueilleusement esmeues, & cherchoient les moyens de se sauuer, craignans faire naufrage en la coste. Lors Manuel s'auisa d'une ruse, à scauoir d'oster les armes aux particuliers, à ce que ils ne peussent luy resister, quand il voudroit les retenir par force, & fit en sorte à l'aide de ses seruiteurs qu'il eut les armes: puis

il mit chascun tellement en besongne, que finalement ils gaignerent le port de Mazcate, situé au dessous de ceste aiguade, & furent garantis par tel moyen. Le lendemain fut publié de la part du gouverneur de Mazcate, ami des Portugallois, qu'à peine de la vie aucun More ne touchast aux hardes & marchandises de la nauire brisée : à l'occasion dequoy tout ce qui estoit là dedans appartenant au Roy de Portugal & aux particuliers fut sauué, moyennant quelques presens que lon fit à ce gouverneur. Il y auoit entre autres choses deux quaißes plaines d'or & d'argent de tribut, avec vn poignard & vn cimenterre d'or que le Roy d'Ormus enuoyoit à celui de Portugal, ensemble quelques autres fort riches ioyaux pour la Royne. Manuel le vieil fut aussi a certainé par le gouverneur de Mazcate qu'en l'aiguade de Cojeatat y auoit vn capitaine enuoyé par Raix Xeraf avec nôbre de gens pour massacrer les Portugallois, si tost qu'ils auroient prins terre: à quoy manuel pourueut si dextrement qu'il attrappa ce capitaine, demeuré seul avec ses matelots tandis que ses soldats estoient descendus en terre, & l'amena en mazcate, où il appointa le différent qui estoit entre ce capitaine & le gouverneur, à cause de la mort de Raix Delamixe frere de Xeraf & capitaine du Calajate, tué en vne escarmouche q̃ ceux de mazcate luy auoyent dressée, & pour vengeance dequoy Xeraf auoit enuoyé ce capitaine afin d'exterminer les Portugallois, pour l'amour desquels ceste escarmouche auoit esté dressée. Apres cela, manuel & Azeuede prindrent la route de l'Inde, arriuerent en Goa, & cōsignerent es mains des tresoriers tout ce qui appartenoit au Roy.

13.

Ce pendant les affaires d'Ormus estoient assez mal Troubles enragées. Les capitaines & gentil-hômes estans en l'armée Ormus, & de Louys de menesez, commencerent à se fâcher contre quel ordre y luy de ce qu'il ne contraignoit Xeraf de retourner en *fut donné par* Ormus & la repeupler: que l'on ne deuoit pas tant en-*le Viceroy.* durer d'vn personnage qui descouuroit ainsi sa meschante volonté contre les Portugallois: de menesez deuoit aller en Queixume, & fourrager le plat pays: que telle entreprise deuoit estre proposée au conseil, pour en resouldre vn bon coup. Combien que menesez vist le

fondement de leur raisons, toutesfois il ne voulut en
 prendre auis, se contentant de la promesse de Xamir,
 qui s'estoit oublié de tuer Xeraf, à la premiere cōmodi-
 té qui se presenteroit. Or pource qu'il ne vouloit aller à
 Queixume n'y prestre l'oreille aux remōstrances de per-
 sonne, tous commencerent à se mutiner. Mais nonob-
 stant tout cela, Menesez sans autre exploits print la rou-
 te de Diu, & fut chassé par vne tourmente au port de
 Chaul, d'où il fit voile en Goa. Il fut enuoyé de celieu en
 Cochim pour faire charger les nauires qui doyuent par-
 tir pour Portugal, & le Viceroy entendant par les let-
 tres de Iean Roderic Norogne capitaine de la citadelle
 d'Ormus, l'estat de la ville, delibera d'y faire vn voyage
 pour remettre les affaires en quelque autre train. Apres
 le depart de Louys de Menesez, Xeraf fit son conte que
 le gouvernement du royaume luy estoit assésuré, puis
 qu'on ne l'auoit voulu forcer à faire contre sa volonté, &
 presumant que Queixume deuiendrait Ormus, tellemēt
 qu'alors il seroit maistre, pource que la bride des Portu-
 gallois seroit trop loin pour le retenir, il cassa les archers
 de sa garde, ne se doutant point des mōres, pource qu'il
 n'auoit point d'ennemis, & que ceux de la cour estoient
 ses parens, amis, ou seruiteurs, oubliez à luy par diuers
 plaisirs qu'il leur faisoit. Raix Xabadin son cousin fai-
 soit de mēme: ce que voyant Xamir, resolut d'executer
 sa promesse, & trouua Xabadin mieux à descouuert le fit
 tuer par quelques archers. Il ne voulut pas despescher Xe-
 raf tout d'un train, estimant en pouuoir voir le bout plus
 aisement puis apres, en quoy il se trompa: car Xeraf
 voyant son cousin mort reprit incontinent ses gardes,
 & se donna telle peur, encores qu'il eust deux mille hom-
 mes de guerre & que Xamir n'en eust pas plus de cinq-
 cens, que sans se fier à ses parens, amis, ou seruiteurs, il
 quitta Queixume, & s'enfuit secretement ailleurs, puis
 se retira dedans la citadelle, s'assésurant plus en la fidelité
 des Portugallois qu'en la force & faueur des siēs propres.
 Xamir le sçachant là, enuoya incontinent prier Noro-
 gne d'arrester ce traistre & tyran, meurtrier de son Roy,
 qui auoit troublé & despeuplé Ormus: à l'occasion de
 quoy luy, comme seruiteur du Roy de Portugal, auoit
 promis

promis à menesez de tuer Xeraf & Xabadin, ce qu'il auoit executé en partie, exhortant Norogne de serrer Xeraf, puis qu'il le tenoit en la citadelle, afin de luy faire rendre compte des crimes susmentionnez: ce que Norogne fit incontinent. Tost après le Roy d'Ormus & ses suiets se retirerent en la ville. D'autre part Norogne sçachant ce que menesez auoit promis à Xamir, l'acomplit de sa part & luy donna la capitainerie d'Ormus: ce qu'entendu par Xeraf, il promit grande somme de deniers à Norogne, pour estre mis en liberté & fait capitaine d'Ormus. La chose estant de grande importance, Norogne ne voulu pas passer outre, ains asseura Xeraf de faire que le Viceroy luy bailleroit ceste capitainerie, leque il auertit de l'emprisonnement de Xeraf, du repeuplement d'Ormus & qu'il estoit besoin d'y venir faire vn tour, mais que pour le bien des affaires du Roy de Portugal, il se gardast d'amener Roderic Varelle & manuel le Vieil. Xeraf estoit auteur de ce conseil, d'autât que ces deux capitaines entendoient bien les affaires d'Ormus, & sçauoient tous les meschans tours de Xeraf, lequel craignoit leur venue de peur qu'à leur rapport on ne luy fist son proces, s'assurant de venir à bout de tous les autres, & du Viceroy mesmes: les Portugallois commençans desia à se laisser corrompre. Le Viceroy ayant receu les lettres de Norogne conclud d'aller en Ormus, & mit incontinent ordre à ce qui estoit requis pour son voyage. Quant à Louys de menesez, ayant gagné le port de Cochim il fit equipper les nauires qui deuoyent faire voile en Portugal, & expedia Pierre Laurent melio pour aller en la China, licetiant martin Alonse avec vn ionc pour luy faire cōpagnie. André Brittio fut enuoyé trafiquer en la coste de Malaca avec vne siene nauire faite & equippee à ses despens. menesez s'en retourna incontinent vers le Viceroy en Goa, d'où il fut renuoyé avec quelques gallions, tant pour courir en ceste coste de mer, que pour aller au port de mazzuã recueillir Roderic Limice ambassadeur de Portugal en Ethiopie, avec charge d'aller retrouver le Viceroy en Ormus & y passer l'hier. menesez mena quant & soy Nonio Fernand de macede, Roderic Vasque Pereire Fernand Gomeze de Lemé, Henri de macede & Lopez

de Mezquite , tous capitaines de gallions. Le viceroy ayant donné ordre à ses affaires s'embarqua pour aller en Ormus avec six galeres & quelques autres petits vaisseaux, suivi de Sebastian Norogne, Iean Fogaze, Denis Fernâd Melio, Frâcisque de Mendoze, Vasque de Leme, François de Soufe & autres. En trauersant le goulfe ils descourirent vne nef de Mores allans à Diu. Norogne & Fogaze allerent les premiers apres : & pource que la galere de Norogne estoit plus legere que celle de Fogaze, il attaignit les Mores sur le soir, & fit attacher leur nef à sa galere, de peur qu'ils ne s'enfuissent de nuit, résolu de les combattre le lendemain matin. Les Mores voyâs la nōchalence de Norogne l'en craignirēt moins, & tandis que les Portugallois dormoyent sans se douter de rien, lierēt la galere à leur nef, de telle sorte qu'elle ne pouuoit eschapper, & l'assaillirēt si furieusement que les Portugallois perdirent leur premiere esperance, & leur capitaine se monstra si lasche qu'au lieu de se defendre il s'alla cacher avec la pluspart des siens, & se voyans prests de tomber en la puissance des Mores se jetterent en la mer, où ils eussent esté tous noyez, sans Ieā Fogaze qui suruint au secours. Le pis fut que Iean Fogaze qui estoit assez fort pour combattre les Mores n'y voulut entendre, ains calant voile laissa la galere de son compagnon aux Mores qui la menerent au port de Diu, & en firent present à Melichiaz, ensemble de l'artillerie qui y estoit belle & en bon nombre de pieces. Or les autres galeres estoient si loing qu'elles ne peurent secourir celle de Norogne, dont tous les capitaines furent merueilleusement indignez n'estimant auoir lors receu vne des plus lourdes bastonnades & hontes qu'on sçauroit : comme de fait les Portugallois n'ont receu en Inde perte aucune où ils se soyēt montrez si lasches qu'alors. Le viceroy fit emprisonner Iean Fogaze & Sebastian Norogne, qui furent relaschez deux iours apres. Melichiaz ayant sçeu comme la galere auoit esté conquise, prisa si peu le viceroy qu'il ne voulut traiter aucun accord avec luy, & mādâ ses fustes au long de la coste de Cābaje, faisant tirer la galere en terre : & quand quelques estrangers arriuoierēt à Diu, il la leur faisoit, monstrier, & raconter comme

elle auoit esté prinse. Depuis cela aussi les Portugallois ne furent plus si redoutez en ceste coste des Indes qu'ils estoient auparavant. Pour reuenir au Viceroy, son arriuee en Ormus resiouit chascun, estimans qu'il chastieroit Raix Xeraf de tant de maux qu'il auoit faits aux vns & aux autres. Mais il en auint tout autrement : car ayant deuisé par trois fois en la prison avec Xeraf en presence de Norogne capitaine de la citadelle, qui intercedoit pour ce brigand, duquel il auoit touché deniers, ils entrèrent en termes d'appointement, & Xeraf promit tant d'argent pour auoir le gouuernement d'Ormuz que le Viceroy assembla vistement le conseil de quelques capitaines, tandis que son frere Louys de Meneses, ennemy mortel de Xeraf estoit absent. Alors courrant les fautes passées de Xeraf, le louant d'estre homme entendu, qui payeroit trois fois autant de douanne que les autres, accusant Xamire d'estre vn personnage sans cōduite ny iugement, mal voulu du peuple, & qui ne bailloit gueres d'argēt, il tira les capitaines à son auis, excepté Manuel de Souze general des galeres en la mer d'Ormuz, lequel cognoissant de long tēps le naturel de Xeraf, l'auoit tousiours veu & tenu ennemy des Portugallois, lesquels il taschoit de chasser d'Ormuz par tous moyens à luy possibles, comme la sedition derniere & ses autres deportemens en faisoient foy. Il conseilloit dōc qu'on fist mourir Xeraf, si l'on vouloit assseurer l'estat du pays au Roy de Portugal, autrement ce seroit bien tost à recommencer. Cest auis fut suiuy de Denis Fernand Melio seulement: mais les autres pancherent du costé du Viceroy, suiuant leur opinion, soussignée de tous, Xeraf fut deliuré, esleu capitaine d'Ormuz, d'où Xamire & Norandin, qui s'estoyent monstrez seruiteurs du Roy de Portugal, furent chassez & tost apres mis à mort par les menees de Xeraf, sans que les Portugallois se souciaissent de les garantir, dont plusieurs furent fort indignez, notamment les Mores, qui commencerent à se desfier entièrement des Portugallois, disant tout haut que quicōque auroit de l'argent pour demeurer seurement en Ormuz & y cōmettre toutes les meschancetez du monde. Incontinent que Xeraf fut mis en possession de son estat, il paya au Vi-

ceroy cent mille ducats pour la moitié de sa rançon, soixante autre mille pour les douannes, & pour le reste de sa rançon bailla vn sien fils en ostage. Pour satisfaire aussi aux particuliers & recouurer son credit, il prenoit le serment de ceux qui auoyent perdu en la ruine d'Ormus & leur en payoit vn tiers sur le champ, puis les deux autres à certain terme: tellement que plusieurs pour auoir la conscience large se firent plus riches qu'au parauant. Au reste, outre les grands presens donnez par Xeraphim Viceroy, il luy faisoit toutes les sortes de seruice qu'il est possible de penser, luy enuoyant aussi force confitures, fruits, volaille, sauuagine, poisson & eaux de senteurs, dont le Viceroy se sceut fort bien accomoder, & passa ainsi ioyeusement son huer en Ormus, mais avec le preiudice de sa reputation, estant taxé de tous comme auaricieux & trop adonné à ses plaisirs.

Q V A N T à Louys de menesez son frere, estant parti de Goa avec sa flotte, il suiuit la route du cap de Guardafu, & en peu de iours ses capitaines prindrent cinq nauires de mores. Du cap de Guardafu il tourna voile au port d'Aden en Arabie, où ayant trouué quatre grandes nefs il les fit brusler, puis cōclud aller iusques à vn autre haure en la mesme coste, cinquante cinq lieues au dessus d'Aden, & quatorze degrez & vn quart de l'Equateur, en lieu où la mer est tousiours haute & agitée, fertile au reste en toutes sortes & de tels biens & fruits que produit l'Espagne de grand trafic, principalemēt de cheuaux & d'encēs. Ce haure, où est assize vne ville nommee Sael, sert de retraite aux nauires qui arriuent trop tard, & ne peuuent passer plus outre, estans arrestees par vn vent d'Occident qui leur donne en prone, & les contraint d'hyuerner là. menesez pensoit faire ses besongnes à Sael, à cause qu'elle appartient au Roy d'Aden: mais ayant sceu qu'il y auoit grand port, & que l'entree du haure estoit dangereuse à cause des continuelles bourasques, il changea d'auis, à demy desesperé de n'auoir fait chose remarquable en Inde, & ne pouuant auancer beaucoup en Arabie. Là dessus les Arabes le preuindrent, car deuinans aucunement sa pensée, ils viderent la ville de gens, & de la pluspart des biens, tellement que menesez & ses gens trouuerēt pres-

que tout net: sinõ que quelques Portugallois butinerent ce que les Arabes n'auoyent eu loisir d'emporter. Comme ils seiournoyent là, la mer se esmut de telle furie que les gallions furent escartez au long de la coste, & contrains de getter vne partie de leur artillerie, ayans perdu l'un de leurs esquifs: mais en fin ils eschapperent, prindrent la route de Mazzuan, mirent le feu en vne grande nef de Mores, & finalement gaagnerent ce port, d'où par le moyen du gouuerneur d'Archique Meneséz enuoya mesager à Roderic de Leme ambassadeur de Portugal en Ethiopie, pour l'auertir qu'il attendroit iusques à la fin d'Auril, & que s'il ne venoit en dedás ce temps, luy seroit contrainct se remettre à la voile, pour ne perdre la commodité de sa navigation. Mais entendant que Roderic ne pourroit si tost venir, il se remit en mer, arriva en vn autre port nommé Dofar, que les Portugallois saccagerent & bruslerent. De Dofar il cingla vers Ormus, où estant arriué, apres auoir sçeu comme tout y estoit passé, selonc le discours du chapitre prece dent, il reprint, & tança aigremēt son frere le Viceroy: & despité de ce qui estoit auenu à Xamire, & à Xeraf qu'il ne pouuoit voir de bon œil, il deslogea incontinent au mois d'Aoust, quittant le Viceroy, & alla furgir au cap de Diu: mais le temps fut si estrange que force luy fut de tourner voile en Ormus où il attendit quelques iours, & finalement se retira en Inde avec le Viceroy.

En ce tēps il estoit permis aux Portugallois, qui en demandoient congé aux capitaines des forteresses & aux generaux des galeres, de trafiquer en la mer de Leuant, & de courir à leur auantage sur les ennemis. Or auant que Louys de Meneséz partist pour faire le voyage sus-mentionné, vn nommé Anthoine Falier demanda licence à Francisque Pereire de Pestre, capitaine de Goa, d'aller faire vne course vers le cap de Guardafu, afin d'attrapper quelques Mores voguans en vaisseaux legers au long de la coste, & passans de lieu en autre bien chargez d'argent, ce qu'ils faisoient hardiment s'asseurans de n'estre veuz des Portugallois, d'autāt qu'ils couroyent ainsi pres de terre. Et afin que Pereire le licenciast plus volontiers, il luy promit partie du butin: au moyē dequoy il obtint sa

14.
Exploits de
Anthoine Fa-
lier coursier
Portugallois.

demande, & outreplus quatre canons & vn fauconneau tirez de l'arcenal de Goa. L'intention de Falier, comme l'effect le monstre depuis, estoit (sous couleur de ce congé qui ne s'estendoit que contre les ennemis) d'escumer les vns & les autres. C'estoit vn homme courageux, de grand esprit, qui auoit la langue Arabesque, Persique, & autres à commandement. Avec ceste permission de Pereire, les canons & le fauconneau il equippa vne fuste siene & vn petit carauellon, s'assurant d'vne vingtaine de soldats deualisez, auxquels il promit merueilles, leur faisant ouuerture des moyens qu'il deliberoit suiure pour butiner à plaisir. Eux s'asseurant de cela, tirerent à leur cordelle quelques Portugallois mariez en Goa, qui auoyent à conduire vn basteau d'Ormus & vne hurque de Cananor chargez de marchandise pour trafiquer en Calaiate & en Mazcate, d'où ils deuoyent ramener des cheuaux: & tandis que le basteau & la hurque s'apprestoyent acheuans leur charge, enuoyerent François Falier dire à ceux de la fuste & du carauellon qu'ils les allassent attendre pres de Chaul: ce qui fut fait, & entrans au fleuue de Chaul avec la flotte afin d'y puiser de l'eau douce, Simon Andrade capitaine de la citadelle voulut faire abatre le timon & les voiles, tellement que la fuste se retira incontinent: & tost apres Anthoine Falier arriué avec le basteau & la hurque, tous de compagnie prindrent la route de l'isle des vaches pour y faire aiguade. Comme ils se journoyēt là, arriuerent deux marchans de Perse en vn grand vaisseau qu'ils nōment Cotie, chargé de marchandises de pris, iusques à la valeur de si mille ducats, & s'en alloyent à Diu, avec passeport suffisant: toutes fois Anthoine Falier les pillā, & mesmes leur fit donner quelques traits de chorde, afin de declairer ce qu'ils pouoyent auoir caché, puis les retint pour esclauē, & quant à leurs seruiteurs qui estoient en bon nōbre, ils furēt mis à la chaine pour tirer la rame en la fuste & au carauellon. Ayant puis apres despouillez & mis en fond ceste Cotie, Falier fit voile avec sa flotte vers l'autre costé, où il fut en danger de perir par plusieurs fois, & estant pres de Dosar vn de ses vaisseaux eschoua, tout ce qui estoit dedans fut per-

du, exceptez neuf hommes, qui apres auoir gaigné terre furent assaillis d'une troupe de Mores, mais ils se defendirent si bien que finalement ils gaignerent Dofar, se retirans vers le gouverneur du lieu, qui pour l'amour des Portugallois, desquels il estoit amy, leur fit bon traitement, & les arresta iusques à ce qu'ils trouuassent la commodité de se remettre en mer. Falier connoissant où il estoit, print la route de Calajate, & vendit illec ce qu'il auoit prins aux Mores en l'isle des vaches: & quant aux prisonniers ils payerent rançon, empruntée de leurs amis. Non content de celà, Falier dit à quelques vns de ses soldats que le gouverneur de Calajate refusoit luy payer vne certaine somme de deniers bien deuë, & luy auoit fait beaucoup de torts, dont il deliberoit auoir sa raison. Eux aussi gés de bien que leur maistre, qui inuenoit ceste plainte pour cōtinuer son train encōmencé, promettent s'employer, & luy sans autre procedure commence à plaider à coups de canon contre le palais du gouverneur, basti sur le bord de la mer: tellement que peur de plus grande ruine, ce gouverneur enuoya incontinent cinq cens ducats, ce qui appaisa le tonnerre & fit retirer ce coursaire, lequel continuant son mestier (encores que aucuns de sa suite, ayans horreur de tels deportemens, l'eussent abandonné) enuoya François Falier au dessus de Dofar, où il le suiuit & se ietta sur vne nef de Mores venans de l'Inde, print hommes, femmes & enfans qui estoient dedans, & arriué au port de Dofar voulut contraindre le gouverneur de racheter ceste nef avec les prisonniers menaçant, qu'à faute de ce faire il mettroit le feu en quatre nauires marchandes anchrees en ce port. Les neuf Portugallois, que le gouverneur auoit si benigneement recueillis, allerent trouuer Anthoine Falier, & obtindrent quelque chose pour le bien de Dofar au commencement: tellement que le gouverneur estimant toutes choses paisibles, leur donna congé. Mais eux retournans à leur naturel mirent le feu aux oreilles de Falier, & l'inciterent d'assaillir ces quatre nauires pour y butiner, ce qu'il s'efforça de faire: toutesfois par la diligence & sagesse du gouverneur il fut chassé de là à cōus d'artillerie & cōtraint s'eslargir en haute mer. Puis il

enuoya vendre en Calajate par Laurét de Soure les Mores qu'il tenoit prisonniers, & les marchandises pillées en leur nef, retenant quelques forçats pour tixer la rame. Depuis, ayant faute d'eau douce, il fut question de jeter au sort pour voir qui iroit en terre: & estant escheu à Alfonso de Veigue & à deux autres de le faire, sur le retour les vns s'eslongnerent des autres, tellement que ces pui-seurs apres auoir beaucoup enduré se sauuerent finalement en Ormus. Quant à Laurent de Soure qui estoit descendu aussi en terre pour le soulager, voulant regagner la coste de Calajate, il fut tué par des coursaïres Mores & son vaisseau pris. Anthoine Falier ayant prins autre chemin & fait nouueaux pillages, se sentât bié gorgé delibera de retourner en Inde, n'olant hyuerner en aucun port desgoulfes de Perse ou d'Arabie, pour y estre trop conu à cause de ses courses & rançonemens. Il ne vouloit pas aussi aller en Ormus, pource que le Viceroy ne luy auoit donné licence de se mettre en mer: & auoit encores moins d'enuie d'aborder en Goa, pour ne faire part de son butin à Francisque Pereire, sachant que ce capitaine eust eu par force, ce qu'il n'eust peu tirer par amitié. Pourtant alla il surgir en vne isle nommée Dande, située entre Chaul & Dabul, en laquelle il hyuerna, & fit de telle sorte qu'il obtint sa grace du Viceroy, sans aucune recompense à tant de personnes interressées: dont les Arabes, amis mesmes des Portugallois, furent si mutinez, qu'ils deuindrent leurs mortels ennemis, & deslors tascherent s'en venger sur les trois susmentionnez: mais leur effort fut vain pour ceste fois, Falier demeurant pour vn temps, & pour le regard des hommes, impuny de ses malefices.

19.

Terre de Zabaim Dalcam pour recouurer les gouuernemens de Ponde & Salsete, et

Il a esté parlé au deuxiesme liure, page quatre cens soixante six des Menecs de Zabaim Dalcam pour se redre maistre de Goa, & que pensant recouurer sa perte, le Roy de Narfingue luy auoit osté beaucoup de pays, & donné aux Portugallois quelques gouuernemens de Zabaim, entre autres ceux de Ponde & de Salsete. Depuis Zabaim ne fit qu'espier les occasions pour recouurer ce qui luy auoit esté enleué des mains: & voyant le Viceroy Edouard de Menecez avec son frere Louys hors de l'Inde

basse, & qu'en Goa ne restoit personne que le capitaine & les mortepayes de la citadelle, il delibera de reprendre possession de Salsete & de Ponde. Suiuant ceste resolutiõ il enuoye vn sien lieutenant avec cinq mil hõmes de pied & de cheual, lesquels entrerent en pays, commencerent à en recueillir les reuenus pour Zabaim, surprindrèt & tail-lerent en pieces quelques Portugallois, dont l'vn s'estant retiré en vn fort où demouroit Fernad de Sottomajor ca-pitaine general de ces gouuernemens, accompagné de cent cinquante Portugallois & de trois cens hommes de pied du pays. Fernand, braue gentilshomme, alla soudain au deuant des ennemis, mais il fut desfait à cause du de-sordre de ses troupes, & fut contraint se retirer avec plu-sieurs blesez. Les ennemis merueilleusement enleze de cest auantage suiuirent Fernand, & le tindrèt assiegé l'es-pace de deux iours. En ce temps Francisque Pereire capi-taine de la citadelle de Goa entendit en quelle extremité Fernand & les siens estoient reduits: à l'occasion dequoy il depescha incontinent Anthoine Correa avec quelques fustes, pour recueillir ceux qui se pourroyent sauuer. L'ar-riuee de Correa remit le cœur au ventre de Fernand, qui se voyant refraischy d'vn secours venu tant à propos, conclud par l'auis de Correa & d'autres d'aller trouuer les ennemis, & leur donner la chasse. Ceux qu'on auoit enuoyez à la descouuerte, rapporterent qu'ils n'auoyent peu rien entendre, sinon que les gens de Zabaim estoier passent à vne lieüe & demie de là, sans que personne peust dire où ils estoient-allez. Fernand homme valeureux, s'estimant des plus habilles au fait de la guerre, pensa que la peur eust conseillé les ennemis de se retirer, & qu'il ne luy faudroit pas beaucoup de gens pour les mettre en route. Pourtant il se mir à la poursuite avec vingt cinq cheuaux, six vingts pietons Portugallois, & trois cēs In-diens. Le iour suiuant sur le soir apres auoir passé vne riuiere à gué, trois lieues au dessous du lieu duquel il es-toit party, il les descouurit au bout d'une belle & grāde plaine à vn trait de harquebuzes qui se reposoyēt au pied d'un costau. Eux apperceuans les Portugallois se leue- rent incontinent en pieds, & se rengēas en long, encores qu'ils ne fussent que cinq mil, paroilloient beaucoup plus

*qu'elle en fut
l'issue.*

ce qui estonna les Portugallois. Fernand qui voyoit ses gens esbranlez, les arresta, & encouragea de telle sorte encores que les trois cens Indiens s'en fussent fuis, que les hommes de cheual suiuis des pietons donnerét resolution à trauers ceste armee d'ennemis, faisant tel effort & assistez d'une faueur speciale de Dieu, qu'après grand meurtre ou demurerent plus de huit cés des principaux, & notamment leur capitaine, ils mirent tout le reste à vau de route, n'ayàs perdu vn seul hōme, ains seulement cinq cheuaux tuez sous leurs maistres. Toutesfois d'autant qu'ils estoient presques tous griefuement blesez, & Fernand entre les autres, ils ne poursuirent les fuyards, ains apres auoir ramassé les despouilles trouuerent moyé de gaigner Goa, où plusieurs des blesez moururent. Or pource que Francisque Pereire n'auoit pas assez de gés pour enuoyer en terre ferme & chasser les Morres, ils s'emparerent des gouuernemens desnuez de garnison, au grand preiudice du Roy de Portugal qui en retiroit pres de cinquante mille ducats de reuenu annuel: ce qui ne fust auenu, si le Viceroy, au lieu de demeurer en Perse, eust passé l'hiuer en l'isle de Goa, d'où il luy eust esté aisé enuoyer gens pour repousser les ennemis esfroyez de la victoire de Fernand. Ainsi donc, estant demeurez maistres à cause de leur nombre, & qu'on ne les poursuivit pas apres ceste desfaite, Zabaim enuoya vn nouueau lieutenant, lequel fit sa residence ordinaire en Ponde: & pource que cé lieutenant, coupoit les viures qu'on menoit de terre ferme en la ville de Goa, Fracisque Pereire appointa avec luy, tellement que les gouuernemens demurerent à Zabaim.

17.

*Guerre d'An
thoine Britio
contre le Roy
de Tidore, &
autres acci-
dens.*

A v temps que le capitaine Britio faisoit bastir la citadelle en Ternate, auint qu'un frere du Roy de ceste isle banny d'icelle pour quelque entreprise, certain tēps auparauant, apres auoir entendu la mort de son frere, tacha de faire abolir son bannissement, & obtenir congé de retourner en l'isle: à quoy Cachil Daroes bastard du feu Roy s'opposoit craignant que l'autre ne le despouillast du gouuernement & de la grande autorité qu'il auoit en toute l'isle. Ce frere se voyāt hors de tout espoir, & entendant que Britio auāçoit sa citadelle, voulut essayer si à

l'aide des Portugallois il pourroit point rentrer en l'isle. Pourtant trouua il moyen de se retirer en vne mosquee de la ville de Ternate, puis enuoya dire à Brittio que son intention estoit de se faire baptiser avec quelques autres, moyennant qu'on leur donnast sauf conduit pour entrer en la ville, pour la des fiance qu'ils auoyent du bastard lequel fut incontinent auerty de ceste menee, & sans autre delay s'en alla trouuer Brittio lequel il persuada si bié que l'autre fut renuoyé, Brittio declairant qu'il ne pourroit luy donner aucun secours: ce qui esmeut tellement les insulaires, que Brittio eut beaucoup à souffrir tant pour les appaiser que pour acheuer son bastiment & le fournir de choses necessaires. Ce fardeau l'eust du tout accablé, si Roderic de Sylues ne fust venu au secours avec vn bastean de Malaca chargé de besongnes propres pour munir la citadelle. Il fut suiuy de quelques vns de Malaca & de Bandan & d'autres lieux, qui venoyent au trafic de l'espicerie à leur maniere acoustumee. Brittio entendât leur arriuee, resolut de s'opposer à leur deliberation, voulant que toutes les espiceries demeurassent au Roy de Portugal, à l'occasion de quoy aussi la citadelle auoit esté commencée. Pourtant escriuit il aux Rois circonuoisins, les priât de ne laisser vendre les espiceries de leurs isles à autres marchans qu'au facteur du Roy de Portugal: mais spécialement il en auertit le Roy de Tidore, ayant sceu que certains bateaux de Bandā estoient arriuez en ceste isle là, pensans y charger, ce que Brittio ne voulut souffrir, & pourtant il donna charge à Anthoine Tauares qui alloit en vne fuste avec vingts soldats faire ce message au Roy de Tidore, que si les bateaux de Bandā refusoient partir apres qu'ils auroient prié le Roy de le leur commander, eux les chassassent du port à coups d'artillerie. Tauares trop bouillant à l'exécution de sa charge assaillit incontinent ces bateaux, dont le Roy & ses gens furent fort indignez: mais pource que Tauares estoit en mer avec de l'artillerie, le Roy n'osa l'attacher. Or cōme les Portugallois seiurnoyent au port pour tenir en halaine ceux de Bandan, & les empescher de partir avec leur charge, ils furent assaillis d'une bourasque qui les poussa de telle roideur en la coste, que leur fuste se rōpit, tellement que Ta-

nares & les siens gaignerent le bord à toute peine : & qui pis fut, les insulaires despitez au parauant contre eux à cause de leurs brauades, les voyant si mal accommodez, leur coururent sus à main armee, taillerent en pieces Ta-uares & tous ses soldats, prindrent la fuste & l'artillerie. Les nouuelles de cest accident rapportees à Brittio, il fit quelques represailles sur certaines gens du Roy de Tidore, luy faisant scauoir pourquoy, le priant au reste de luy enuoyer les armes des occis, la fuste, l'artillerie, & les meurtriers pour en faire iustice. Mais le Roy peu soucieux de telle chose ne fit responce, à l'occasion dequoy Brittio delibera de luy faire guerre, par le conseil de Cachil Daroes, afin que les Portugallois fussent contrains se seruir de luy plus qu'ils ne faisoient, & qu'ils s'entre-tinist par le moyen de leurs armes en son autorité. L'auis d'oc de Cachil estoit que si Brittio laissoit couler vne telle insolence du Roy de Tidore, sans en auoir raison, tous les iours ce seroit à recommencer, & que la Royne & le petit Roy de Ternate n'oseroient reculer à luy fournir secours : que s'il differoit, la Royne reprendroit ses esprits, & pratiqueroit de faire souleuer tous les insulaires de Ternate à la faueur de son pere le Roy de Tidore, pour ruiner les Portugallois, & qu'elle en machinoit desia quelque chose, laquelle s'excuteroit, si de bonne heure Brittio n'y donnoit ordre. Pourtant le cōseilloit-il de ser-rer la Royne & le ieune Roy dedans la Citadelle, l'assu-rant que ce seroit le moyen de tenir l'Isle en paix. Là des-sus Brittio assembla le conseil des principaux de sa suite, qui pour la pluspart furent d'auis de ne se dessoindre de la Royne ny du ieune Roy par vn moyen si oblique : pour-ce qu'en les retenant dedans la Citadelle, le peuple se mutinerait, & seroit impossible à Cachil Daroes d'y met-tre ordre : au moyen dequoy falloit procurer soigneuse-ment que la Royne tint le party des Portugallois. Brittio conseillé par Cachil ne voulut suiure cest aduis, mais cō-me il vouloit se saisir de la Royne, elle en ouit quelque vent & gaigna vne montagne d'où elle se retira pres de son pere. De peur que le ieune Roy n'en fist autant, Brit-tio l'emmena dedans la Citadelle, le traittant au reste se-lon que sa grandeur le meritoit. Les insulaires voyans

leur Roy tellement serré qu'on ne luy permettoit de muer le nez dehors, en conceurent vn merueilleux despit, dont s'ensuiuit du tumulte que Cachil appaisa : mais ils se desbanderent tellement d'auec les Portugallois, que Brittio ne peut tirer faueur ny secours d'eux pour faire la guerre au Roy de Tidore, pere de la Roynie : ce qui incommodoit fort Brittio, lequel voyoit la pluspart de ses gens malades, la Citadelle imparfaite, & dont il ne se faisoit pas gueres eslongner, ny se hazarder à vne guerre. Car il vouloit en assaillant celuy de Tidore desfaire celuy de Ternate, & les ruiner & deposseder l'un par l'autre. Surce, Cachil luy conseille de faire crier à son de trompe par tous les villages de l'Isle, que quiconque apporteroit au Capitaine de la Citadelle la teste d'un Tidorien, auroit pour recompense vne piece de fin drap. Plusieurs desireux de gagner telle proye commencerent incontinent à s'embarquer & faire des courses en l'Isle de Tidore, & y auoit tel nombre de coupeurs de testes que le drap ne pouuoit suffire pour les payer. D'autre part en ces saccagemens & massacres quelques vns de Ternate estoient tuez aussi par les parens & amis des massacrez : tellement que la guerre s'alluma de toutes parts d'une façon extrêmement cruelle entre les deux Isles, ceux de Bachian & de Gilolo se joignans à ceux de Ternate, afin d'auoir du drap. Or combien qu'ils fussent acharnez contre les Tidoriens, ils n'en aimoyent pas portant les Portugallois, à cause du passé. mais Brittio acheminoit ses desseins par tels moyens, bastissât sur la ruine des vns & des autres, & Cachil maintenant son autorité par vne guerre si tyrannique. En ces entrefaites, Brittio enuoya descouurir vne navigation des Molucques à Malaca par l'Isle de Burneo : aucuns estimans le chemin plus court que par l'Isle de Bandan. Simon de Breu eut ceste commission, & s'embarqua au mois de Iuin, puis surgit en Malaca en Nouembre.

18.

En ce mesme temps, comme Pierre de Castre & Iacques Melio hyuernoyent en Mozambique, le Roy de Zanzibar & de Pembe enuoya des Ambassadeurs au Capitaine de la Citadelle, demander secours comme allié & tributaire du Roy de Portugal contre les insulaires de Zanzimba ses vassaux, qui s'estoyent rebellez & mis en la pro-

*Exploits de
guerre des
Portugallois
en faueur du
Roy de Zan-
zibar.*

tection du Roy de Mombaze, ayans prins quelques vaisseaux & tué certains hommes de Zanzibar, Le Capitaine ayant trop peu de gens pour donner secours, pria Jacques Melio & Pierre de Castre d'y aller pour le seruice du Roy de Portugal. Melio estoit de fort bonne volonté, mais à cause de quelques empeschemens il fut contraint demeurer : toutesfois il aida de conseil, de gens & de moyens Pierre de Castre, lequel partit avec Christofle de Soufe, quelques gentilhommes & soldats Portugallois au nombre de cent, & voguans au long de la coste, arriuerēt pres l'une des principales Isles de Querimba, où il y auoit vn village de Mores, gardé par le neveu du Roy de Mombaze avec forte garnison. Iceluy voyant les Portugallois approcher en armes, fit conduire en lieu seur les femmes, petits enfans, & gens inutiles à la guerre, retenant ceux qui estoient propres au combat. Pierre de Castre mit les siens en deux troupes, dont il conduisoit l'une & Soufe l'autre. Mais ils trouuerent plus forte partie qu'on ne leur auoit donné à entendre, car ce nepveu du Roy de Mombaze estoit vn ieune homme merueilleusement courageux, & qui se defendoit brauement avec sa troupe, tellement que les Portugallois furent cōtraints se partir en plusieurs bandes pour combattre plus à leur aise en diuers endroits du village. Durant la messée Edouard Galuan, s'escartant de la troupe de Castre, apperceut huit Portugallois enuironnez d'un grand nombre de Mores, & sur le point d'estre taillez en piéces. Il courut incontinent à l'aide, & se porta si vaillamment avec aucuns de sa suite, que les Mores tournerent le dos: puis il se retira pres de Soufe qui auoit fort affaire autour d'une maison, où il fut blessé, après auoir tué beaucoup de gens. D'autre part, Castre fit tel deuoir que le nepveu du Roy de Mombaze & quelques autres des plus asseurez tomberent par terre: lors les Mores tascherent à se garâtir à la course, laissant plusieurs morts parmy le village. Soufe, Gaspar Prete, Nonio Freire, Louys Machiade & autres Portugallois furent blesez, les autres estans disposés, encores que le combat eust duré longuement. Et pource qu'il estoit nuict, Castre se retira dans vne mosquee pres de la mer, où luy & les Portugallois attendirent le iour. Or ayant entendu que sur le ma-

tin certains Mores deuoyent venir de terre ferme pour secourir ceux de l'Isle, & assaillir de rechef les Portugallois, il despescha tout soudain Anthoine Galuan & quelques soldats pour aller au deuant de ce secours, n'y pouuant aller luy mesmes à cause de la fiere qui le pressoit: mais si tost que le iour apparut il s'alla ioindre à Galuan, & assaillirent les Mores, dôt les vns furent tuez sur la place, les autres mis en route. Puis ils saccagerent le village y trouuans la valeur de deux cens mille ducats de butin, puis mirent le feu és maisons, quelque argent qu'offris- sent les Mores à Pierre de Castre pour empescher cest em- brasement: mais il les voulut ainsi chastier afin qu'ils ne s'esleuassent plus contre leur Seigneur, sous l'obeissance duquel ils retournerent, comme aussi firent les autres In- sulaires reuoltez, apprenans aux despens de leurs compa- gnons. Mais il aduint que les vaisseaux, dans lesquels les Portugallois auoyent chargé la plus grande part de leur proye, se destacherent & coulerent en fond avec tout ce qui estoit dedans, tellement que Pierre de Castre & ses gens s'en retournerent à vuide à Mozambique, ayans en- uoyé deuant Chrystofle de Souze & les autres blesez. Or pource que le bastean de Castre estoit grand & mal aisé à manier, il delibera l'enuoyer en Melinde, où le vent sem- bloit le pouffer. Quant à luy il se mit dans vn esquif, co- stroyant la terre sur la route de Mozambique, & donna charge à Anthoine Galuan d'aller au bastean. Sur l'aspres- dinée comme Castre reposoit, vn frere cousin nommé Chri- stofle & aucuns soldats descendirent en terre, où ils ren- contrerent des ennemis qui les chargerent rudement & contrainquirent de regagner l'esquif, estās presque tous blesez. Castre se resucillant au bruit, courut à l'aide, sau- ua son cousin & les autres, contrainnit les poursuiuans de se retirer: mais Chrystofle mourut des playes receues au combat. Anthoine Galuan n'estoit pas encores entré de- dans le bastean, qui fut cause que Castre le retint avec- ques luy en l'esquif, & donna la charge de ce bastean à Roch de Castre son frere, puis ils se departirent, l'un tirant vers Mozambique, l'autre à Melinde.

COMME Galuan & Pierre de Castre vogueoyent au
long de la coste, ils trouuerent vn brigantin chargé de vi- 19. *Accidens des*

*Capitaines
Saluan &
de Castre.*

1131. DE PORTUGAL
Auailles, lequel estoit chargé de Portugallois. Lors, pour certaines considerations, Castre s'en alla avec ce brigantin, & laissa Galuan dedans l'esquip. Galuan endura beaucoup de diserte en continuant son voyage avec les siens: & comme ils approchoyent de Mozambique ils descouurirent à vne lieue loin d'eux en mer vn vaisseau, auquel ils donnerent la chasse de si pres qu'ils le firent tirer en terre, sur la plage d'un lieu nommé Cotangõ, peuplé de Mores ennemis des Portugallois. A l'approcher du riuage, Galuan trouua les habitas occupez à charger le vaisseau, mais ils laisserent tout pour courir sus aux Portugallois qui descendoient, & s'attacha entre eux vne braue escarmouche, en laquelle les Portugallois se porterent si bien qu'ils contraignirent les Mores de regagner leur village, dans lequel ils mirent le feu. Les Mores quittans le combat pour estaindre l'embrasement, donnerent loisir aux Portugallois d'aller au vaisseau qu'ils pillerent, spécialement quant aux viures qui y estoient, & prindrent quelques autres petits basteaux ancrez en ce port. Cela fait, & comme ils se remettoient en mer, ils descouurent d'un autre costé de terre vne barque en laquelle y auoit sept hommes qui accosterent le vaisseau conquis par Galuan & auquel il estoit. Vn vieillard, du nombre des sept de la barque luy fit present de quelques poules & fruits de la terre, adioustant l'aide d'un trucheman vogant avec luy qu'il estoit de Mozambique, venu là pour cognoistre Galuan & sa compagnie: spécialement pour voir des hommes qui en si petit nombre auoyent bien osé mettre pied à terre pour combattre tant d'ennemis, ausquels ils auoyent osté vn vaisseau, sans rien perdre de leur costé. Poutant le prioit-il de luy donner ce vaisseau & les autres emmenez du port, à la charge qu'ils seroyent tousiours au commandement des Portugallois. Galuan presuma par ce discours que le vieillard estoit venu là pour luy iouer quelque tour: poutant faignit-il de vouloir l'arrester prisonnier avec les six autres, lesquels demanderent pardon, & confesserent estre venus voirement pour amuser les Portugallois iusques à ce que d'autres vaisseaux fussent arrivez de toutes parts pour les saisir. Toutes fois Galuan leur pardonna, & promit les relacher tous, moyennant qu'ils
luy

luy vendissent quelques viures, ce que le vieillard promit faire, & laissa ses compagnons en ostage, puis renint avec plusieurs autres apportans des cheures, œufs, poules, chapons & diuerses victuailles qu'ils donnerent à Galuan, lequel lascha les ostages, & fut illec deux iours à se rafraichir, durant lesquels il pacifia avec les Mores qui luy fournirent ce dont luy & les siens auoyent faute: aussi pour récompense il leur rendit tous les vaisseaux emmenez du port, & laissant le pays en paix, reprint la route de Mozambique, où il trouua Pierre de Castre & les autres qui passerent l'hyuer tous ensemble en ce lieu. Sur le printemps Castre & Galuan partirent de Mozambique, & allerent surgir au port de Goa enuiron le quinzième iour d'Aoust. Ainsi qu'ils prenoient terre, la mer commença à s'esmouuoir & tourméter de telle furie que ceux de Goa confesserent n'auoir iamais veu vne si cruelle bourrasque, tellement que le vaisseau de Castre cuida perir plusieurs fois: & quelque secours qu'on luy donnast, ne sceut iamais gagner le bord sans faire iect, tellement q̄ tout ce qu'il auoit butiné çà & là fut terre retourna dās la mer. Il sauua à toute peine quelques hardes & marchandises appartenantes au Roy de Portugal, & quār à lui & ses gēs ils prindrēt terre apres grād travail, ayās ainsi fait naufrage à la descēte.

D V R A N T le seiour du Viceroy en Ormus, Raix Xeraf fut aduertý qu'aucuns Capitaines d'Ismael Roy de Perse ne laissoient passer les marchāds qui alloient trafiquer en Ormus: pource (disoyent-ils) que le Roy d'Ormus refusoit payer cinq mille ducats de tribut qu'il deuoit à Ismael. Ces represailles diminueoyent de beaucoup le reuenū du Roy d'Ormus, à l'occasion dequoy Xeraf pria le Viceroy d'interceder enuers Ismael à ce que les marchāds eussent leur commerce libre, puis que le Roy d'Ormus estoit suiet de celuy de Portugal, & amy allié d'Ismael, offrant au reste celuy d'Ormus faire conte avec l'Ambassadeur de Perse, & payer ce dont il se trouueroit redeuable. Christofle Personne Cheualier de Saint Iacques fut deputé pour y aller avec bōne compagnie, & emmena l'ambassadeur qu'Ismael tenoit d'ordinaire en Ormus. Ayant fait quelque chemin ils arriuerent en vne ville nommee Lara où les Portugallois firent en grād danger, nommé-

20.

*Negotiation
de Balhazar
Personne au
Royaume de
de Perse, &
l'issuē d'icelle.*

ment leur Ambassadeur, qui receut vn coup de masse sur la teste, & plusieurs de ses gens furent bien blesez, pour s'estre comme mocquez du gouuerneur du lieu : tellemēt qu'ils n'eurent autre moyen de se garantir que de vifesse, puis s'estias reioints passerent plus modestemēt les autres villes, entre autres Xiraz & Tabriz les mieux peuplees de l'Orient. Ils approcherent finalement à vne iournee pres du camp d'Ismael, lequel leur enuoya dire par son grand maistre, que les Perses appellent Vaquil, qu'ils s'arrestassent là, sans en bouger qu'on ne les en aduertist : tellemēt qu'ils y seiournerent dix ou douze iours, durant lesquels passa vn nombre infiny de gēs & de chameaux en tresbel equippage pour se trouuer au camp à vne feste solennelle nommee Nouoruz, c'est à dire la feste du printemps, en laquelle Ismael vouloit tenir cour ouuerte, & traiter à la royale les Seigneurs de son Royaume. Balthazar fut incontinent mandé & estant pres du camp, quelques Capitaines le receurent avec grand honneur. On le logea en pauillons bien accommodez avec tous ses gens, & luy fut dit de la part d'Ismael qu'il se reposast & s'asseurast d'auoir bonne responce. Au bout de quelques iours ceste feste fut solennisee avec tant de magnificences qu'il n'est possible d'en imaginer d'auantage au monde. Ismael fit vn banquet tressomptueux à tous les Seigneurs Persans, où fut conuié l'Ambassadeur Portugallois avec ses gētilshommes, & traité des viandes qui estoient enuoyees par Ismael & de sa table mesmes. Mais comme Balthazar esperoit obtenir vne despesche auantageuse pour le Roy d'Ormus, Ismael, malade des quelque temps au parauant d'vne epilepsie & d'autres infirmitéz, en fut du tout abattu, & mourut sans auoir fait responce à Balthazar, lequel fut contraint seiourner encores plusieurs iours en la cour du nouveau Roy, nommé Tamaz fils d'Ismael, aagé de quinze ans. Iceuluy renuoya l'Ambassadeur & les Portugallois, sans leur rien accorder de ce qu'ils demandoient, ny faire conte d'eux: au moyen dequoy Balthazar s'en reuint en Ormus tout mal content & despité.



LE QUATORZIESME

LIVRE DE L'HISTOIRE

DE PORTUGAL.

SOMMAIRE.

1. Retraite du Viceroy Edouard de Meneses d'Ormuz en Goa, & ce qui aduint aux Portugallois en Calcut.
2. Nouveaux efforts du Roy de Dachien contre la Citadelle de Pacem : laquelle est finalement abandonnee des Portugallois.
3. Guerre du Roy de Bintam contre les Portugallois en Malaca, & les accidens d'icelle.
4. Prise de quelques Portugallois au port de Pam, & leur cruel supplice pour n'avoir voulu abiurer le Christianisme.
5. André de Brittio & ses gens desfaits au port de Pam.
6. Desfaite de Sance Henriquez & de son frere en ce mesme port.
7. Ordre donné par le Viceroy aux affaires de Malaca.
8. Exploits de guerre des Mores de Bintam contre les Portugallois au port de Malaca.
9. Laqueximene Admiral de Bintam conquiste deux Caranellons de Garfie Henriquez.
10. Malaca assiegee par mer & par terre, puis delivrée.
11. Guerre de Martin Alonse de Souse cõtre les Roys de Bintam, de Pam & de Patane.
12. Commencement de guerre entre Anthoine Brittio & le Roy de Tidore, & le succes d'icelle.
13. Ananture de Martin Alonse Melio voulant ruiner quelques insulaires.
14. Desfaite de Francisque de Souse & de sa compaignie

pres de Mariac place principale de Tidore.

15. Prise de Mariac par Martin Correa.
16. Continuation de la guerre des Portugallois contre le Roy de Tidore, sur lequel ils prennent plusieurs places & Isles de Machian & de Batochin.
17. Le Roy de Tidore demande la paix, qui luy est refusee par Britio.
18. Entreprises du Roy de Calecut contre les Portugallois, & ce qui s'en ensuiuit.
19. Differens entre le Roy de Portugal & l'Empereur Charles cinquieme sur la conqueste des Molucques.
20. Vasque de Gama estleu Viceroy des Indes, sa navigation, son arrivee en Cochim, & l'ordre qu'il donna aux affaires.
21. Deux grâdes victoires obtenues par George Tello sur les Calcutiens.
22. Arrivee d'Edouard de Menesex en Cochim, où il se desmet de sa charge, suivant la teneur des lettres du Roy de Portugal: & Vasque de Gama meurt.

1.

Retraite du
Viceroy en
Goa, et ce qui
aduint aux
Portugallois
en Calecut.



ANDIS que Balthazar Personne negocioit en Perse, Edouard de Menesex Viceroy partit d'Ormuz, & fit voile en Goa, où peu au parauant estoit arriué Hector de Sylueire enuoyé par le Roy Iean pour estre Admiral des Indes, ayant pour Capitaines Manuel de Macede, Simon Sodre, Anthoine Almeida, François de Cugne, Pierre de Fonseca & Vincent Gil. De Goa le Viceroy fit vn voyage en Cochim avec vne puissante flotte, & en passant visita les forteresses de la coste, laquelle estoit couuerte de vaisseaux de Malabares lesquels saccageoyent tous les Portugallois qui s'escartoyent tant soit peu. L'occasion estoit que les Roys & Seigneurs Indiens estans paisibles, & les Portugallois nō occupez à la guerre comme au parauant, ils trafiquoyent tellement les vns avec les autres, que ce pendant le Viceroy auertissoit les gens de se tenir sur leurs gardes, & porter leurs armes, afin de n'estre surprins des Malabares qui ne feroient difficulté de les prendre à leur auantage & les saccager en temps de paix pour reuence des torts receus en guerre. Ceste licēce fut cause d'un grand mal, car les Portugallois perdirent tellement

toute honte, qu'au lieu de fuire simplement leur trafic, ils demandoient la bourse aux premiers rencontréz, fussent amys ou non, & faloit que les Malabares se sauussent en payant rançon: dont ils commencerent à s'irriter tellement, que ceux de Calecut se plainriēt à leur Roy, successeur de Naubadarim mort peu de temps au parauant, des torts qu'on leur faisoit. Luy qui vouloit autant de mal aux Portugallois que son predecesseur leur auoit desiré & procuré de bien, voyant ceste rupture de paix, resolut s'en venger, fit armer en tous ses ports, tenir prestes les barques & pataches qui seruoient parauant au trafic, & lascha la bride à ses suiets qui trouuoient moyē assez aisé d'attrapper & esgorger les Portugallois, deuenus si insolens qu'ils ne se tenoyent aucunement sur leurs gardes, pensans que les Malabares fussent tenus obseruer la paix & eux non. Or comme le Viceroy suiuoit sa route, il print port à Calecut, où arriuerent aussi quelques gentilshommes, entre autres Pierre de Castre, lequel vn iour apres disner sortit de la Citadelle, accompagné de six ou sept autres, pour s'aller esbatre en la ville. Les Calecutiēs enuēnimez contre les Portugallois, au sang de plusieurs desquels ils auoyent trempé leurs mains, vindrent incontinent attacher de paroles Castre & sa compagnie. Luy faignant ne les entendre, reprint le chemin de la Citadelle: mais s'il fut poursuiuy par les Calecutiens qui blesserent quatre de sa troupe, lesquels commencerēt à doubler le pas. Sur ces entrefaites voicy venir Anthoine Galuan suiuuy de quatre seruiteurs, lequel descourant ces quatre blesez reconnut que c'estoyent des gens de Castre, & tout soudain l'alla trouuer pour le secourir ou mourir avec luy. Ayant marché quelque peu il apperceut vne grosse troupe de gens armez autour de Castre qui taschoit les appaiser & entretenir de douces paroles, ne se sentant pas fort pour leur faire teste. Mais à l'arriuee de Galuan, il eut loisir de se desgager, & entrer en vne rue assez estroite menant droit à la Citadelle. Luy & Galuan firent marcher leurs gens deuant, se tenans sur la queue pour soutenir les Calecutiens qui faisoient brui-
re leurs boucliers, & lançoient des dards, au grand peril de ceux qui en estoient atteints. Deuant tous marchoit

vn More de fort haute stature, fuiuy de bon nombre des plus hardis, lequel s'approcha de Castre pour le charger: à quoy Galuan s'opposa, & apres auoir marchandé l'vn l'autre quelque temps, par le côté de Castre, Galuan desfia le More au combat d'homme à homme, ce que le More n'osa accepter, ains se retira avec ses gens, & ainsi Castre, Galuan & les leurs rentrent sans en la Citadelle. Le Viceroy aduertty de ce fait n'en tint compte, ains se retira en Cochim, emmenant toute l'artillerie qui estoit en ceste coste: dont les Calecutiens deuindrent si fiers qu'ils s'embarquerent, & avec nombre de vaisseaux de guerre passerent deuant Cochim, sans que le Viceroy s'en esmuist. Ceste deuxiesme conuiuece enhardit tellement les ennemis qu'ils entrerent en la riuere de Cochim & donnerent la chasse à quelques nauires de marchans Portugallois, sans que le Viceroy s'empeschast d'y mettre ordre, disant qu'il vouloit rendre à son successeur toute l'Inde paisible: à l'occasion dequoy les Calecutiens prindrent la hardiesse de tuer autant de Portugallois que ils pouuoient attrapper, dont le nombre fut plus grand qu'il n'auoit esté sous aucun precedent Viceroy. A son arriuee en Cochim il despescha Sebastian de Soule, Martin Correa & Arias Conil, pour nauiguer en l'Isle de Bandan avec trois basteaux dont ils eurent charge.

2. ON a veu és liures precedens la mauuaise affection que le Roy de Dachen portoit aux Portugallois, auxquels il s'estudioit faire tout le mal à luy possible. Il auoit tasché de forcer la Citadelle de Pacem, afin de s'emparer du Royaume & de toute la Taprobane, puis aller iusques en Malaca. L'arriuee de Martin Alphonse Melio rompit le coup à tels desseins & contraignit ce Roy de leuer le siege pour la premiere fois. Or sentant le secours vn peu loin, il retourna assieger ceste Citadelle gardée par André Henriquez, qui auoit la plupart de ses gens malades, le reste propre à manier les armes estant en bien petit nombre. Comme il estoit apres à trouuer les moyens de s'en rendre maistre, Sebastian de Soule arriua pres de Pacem avec sa flotte, & vint surgir à la bouche du fleuve, vne lieue au dessous de la Citadelle, ne sçachât pas qu'elle fust assiegee: & pource qu'il estoit tard, luy & ses gens as-

*Efforts du
Roy de Da-
chen contre la
Citadelle de
Pacem, la-
quelle est fina-
lement aban-
donnée des Por-
tugallois.*

chrerent là pour ceste nuict. Le Roy auerti de ce secours qui venoit si mal à point pour ses affaires, resolut de tenter en toutes sortes d'emporter la place, auant que Souse y peust venir à temps, & de donner vn tel assaut la nuict avec toutes ses troupes que les assiegez ne pourroyent tenir coup. Il commanda donc à ses capitaines d'exhorter leurs soldats à se porter vaillamment, que les murs & bouleuards de la citadelle estoÿt de bois pourry & rôgé de vieillesse, aisez à mettre par terre, qu'alors tout estoit à eux, pource que les assiegez estoient trop peu de gens. Incontinēt les ennemis vindrent à l'assaut, avec haches, coignes, eschelles & engins propres pour se faire entree en la place: mais ils furent recueillis si courageusement par Henriquez & ses gens tant sains que malades, qu'apres l'og combat en diuers endroits, où toutes sortes de ruses & façons d'assaillir furent pratiquées, les ennemis furent contrains se retirer avec grand perte, au grand estonnement de leur Roy, qui ne pensoit nullement que les Portugallois tant harassez au parauāt peussent soustenir vn tel choc. Le lendemain, Henriquez, craignant vne nouvelle recharge, alla des le point du iour visiter les bouleuards & murs de la citadelle, cōtre lesquels il vid beaucoup d'eschelles appuyees, que les ennemis n'auoyent eu loisir d'emporter, tant ils auoyent eu haste de se retirer. Il les ennoya rompre, & sur ces entrefaites arriuerent Souse & les autres capitaines de sa flotte qui entrerent avec leurs soldats dedans la citadelle: & apres auoir communiqué avec Henriquez, leur resolution fut (sans que l'on ait peu bonnement sçauoir surquoy elle estoit fondee, sinon qu'il n'y auoit pas assez de viures, mais il n'y auoit rien à gaigner sinon des coups, & le butin des isles de Bandan estoit beaucoup plus friand que le trauail de la guerre) ils quitterent la citadelle, voire en si grande diligence qu'ils y laisserent toute l'artillerie, pource (disoyent-ils) qu'elle leur eust fait trop de peine à trainer en leurs vaisseaux, & n'emporterent point aussi les pouldres, ny ne mirent le feu dedans, de peur que les ennemis ne sentissent ceste suite pour les poursuiure, tant la peur soudaine sans aucune raison les auoit esfarouchez: seulement cōme ils furent sur le point de s'embarquer ils mirent le feu à

quelques trainees, qui s'alloyent rendre aux pouldres de la citadelle, mais les ennemis coururent au deuant, & cstaignirēt les trainees auant qu'elles fussent cōsommees iusques au bout. Et voyans au reste que les Portugallois se retiroient en desordre, ils deschargerent l'artillerie de la citadelle sur eux avec grandes hūees & moqueries d'auoir ainsi laschement abandonné la place, de laquelle le Roy de Dachen se trouua paisible seigneur contre son esperance, attendu ce qui estoit auenu la nuit precedente. Ceste retraite rendit les Portugallois fort mesprisez en la Taprobane, & ce Roy deuint si superbe que de là à peu de iours il se fit maistre de tout le royaume de Pacem, d'auantage que le regent d'iceluy voyant les Portugallois s'en aller n'osa demeurer au pays sans eux, ains les suiuit, emmenant aussi le Roy qui estoit encores fort ieune. En apres le Roy de Dachen s'empara du Royaume d'Aru voisin de celuy de Pacem, contrainc le Roy d'Aru de s'enfuir en Malaca, où ces deux Roys vescurent depuis en grande disette. André Henriquez & Sebastian de Souze estans en leur flotte, furent trois iours à l'anchre, puis hausserent les voiles & se sauuerent en Malaca.

3. D'v n autre costé le Roy de Bintā ennemy mortel des Portugallois ne pensoit qu'aux moyens de les chasser
Guerre du de Malaca, & les exterminer du monde. Pour cest effect
Roy de Bin- il arma huitante cinq lanchars ou basteaux de guerre
am contre sous la charge de son Amiral Laqueximene, luy com-
les Portugal- mandant d'approcher de Malaca & guerroyer les Portu-
lois en Mala- gallois à toute outrance. Laqueximene se mit incontine-
ca, & les ac- nent à la voile, & comme il approchoit de Malaca es-
sidés d'icelle. tant en la coste à huit lieues pres d'Edouard Conil, qui couroit ceste plage de mer avec vne fuste pour butiner sur les premiers qu'ils rencontreroit, scachant que ceux de Malaca ne se doutoyēt pas d'vne telle venue, si tost que la nuit apparut print la route de Malaca, où estant arriué fit entendre à George Albuquerque l'occasion de son retour. Le conseil assemblé fut d'auis qu'on deuoit aller promptement combattre ceste armee: pource que si elle demeueroit en son entier, la citadelle auroit fort à souffrir, à faute de viures qui n'y pourroyent estre apportez,

joïnt aussi que la ville perdrait son trafic. Suiuant ceste resolution, Sance Henriquez Amiral de Malaca monta en vn galliô duquel son frere Anthoine estoit capitaine, avec Edouard Conil en sa fuste, Manuel Berrede en vne galliote, Henri de Leme, Frâcisque Fogaze, Jacques Laurent, Fernand Aluarez Cassados, Iean de Sore & Alfonse Louys, en six lanchars. Ils prindrent la route du fleuue de Muar où Laqueximene les attêdoit avec toute sô armee. Le gallion, la fuste & la galliote vogueyēt en haute mer, & les lanchars costoyoyent le riuage. Sur cela, voicy vne bourasque avec vn furieux vent de nordouest qui commence à leur donner en pouppe: ce qui cōtraignit Sance d'assēbler les capitaines pour auiser à ce qui estoit de faire, & proposa que la tourmēte, estant portee d'un tel vēr, mettroit les vaisseaux à fond, s'ils alloyēt s'engouffrer en ce fleuue de Muar, qui estoit fort large & profond: joïnt q̄ le iour declinoit, & qu'il luy sembloit plus expedient de baïsser en vne autre petite riuere nommee Cazan, plus proche que Muar. Les plus vieux capitaines qui cognoissoiēt le pays, & les affaires de la guerre furēt tous de ceste opiniō: mais certains autres nouueau-venus de Portugal, sans auoir encor fait aprētisage d'armes, dirent que ceux qui conseilloyent cela auoyent peur, & qu'il ne falloit pas interesser ainſi la reputation des Portugallois. D'autant qu'ils estoient en plus grand nombre que les autres, leur quis fut suiuy: mais les vieux capitaines leur dirent, qu'à l'approcher des ennemis on verroit qui estoient les plus paoureux. Estans entrez enuiron demy lieue dedās le fleuue de Muar, vn tourbillion donna de telle impetuosité à trauers, que le gallion, la fuste & la galliote furent repoussees contremont, les lanchars chassiez à bas, les trois premiers de si grande roideur, qu'ils allerent donner parmy la flotte des ennemis qui les inuestirent en vn instāt, & tuerent tous ceux qui estoient en ces trois lanchars. Puis avec grandes huees s'approcherent des trois autres, & de leurs rames & autres instrumens propres battoient tellement les vogues qu'ils firent couler en fond les lanchars de Francisque Fogaze & de Henri de Leme, si que tous furent noyez, exceptez Fogaze & trois autres, qui à la faueur de la nuit furēt portez d'une vague sur le bord

du fleuve, & avec vn trauail nompareil trouuerēt, moyē de retirer leur lanchar, sur lequel ils se remirent à l'auanture, & la tourmente estāt cessée firent tant qu'ils reprindrent la route pour se ioindre au gallion de Sance Henriquez. Le lédemain, si tost que le iour apparut, cinq lanchars de Bintam se monstrerēt derriere eux, & leur donnerent l'assaut, qui fut si courageusement soustenu par ces quatre Portugallois, qu'ils se desgagerent gaignās le galliō de leur Amiral. L'autre lanchar donna cōtre terre, & s'embourba de telle sorte qu'il y demeura avec ceux qui estoient dedans Henriquez pensant estre assez fort pour se venger, sans prendre conseil d'autre teste que de la sienne, commenda à Manuel Berrede & au lieutenant de Fogaze de se rendre à la bouche du fleuve, estimans qu'ils seroyent assez forts pour empescher Laqueximene de sortir de là, puis luy & Edouard Conil les suiuiroyēt, afin de fermer du tout le passage. Ce pendant on enuoyeroit querir secours en Malaca pour donner bataille générale. Combien que Manuel & l'autre capitaine conussent bien que Henriquez leur commandoit vne chose du tout desraisonnable, attendu que c'estoit se precipiter à la mort, veu le grand nombre des ennemis à demy victorieux, neantmoins afin qu'on ne les taxast de couardise ils executerent ce qui leur estoit commadé. Mais les ennemis ne leur donnerent pas loisir de se rendre à la bouche du fleuve, ains les preuindrent & attacherent de toutes parts, tellement qu'ils furent tous ou noyez ou taillez en pieces, la galiotte & le lanchar prins. Le nombre des Portugallois tuez & noyez en ceste rencontre estoit de soixante cinq, entre lesquels se trouua Henry de Leme, braue gentil-homme, lequel fut noyé. Quant à Sance Henriquez, les Mores estoient tant occuppez à desfaire manuel Berrede & les autres, qu'ils n'as faillirent ny luy ny Edouard Conil, lesquels firent que sages en se retirant, pource que c'estoit chercher la mort d'aller en si petit nombre, en temps mal propre, combattre des ennemis puissans & enflēz de leur victoire. Ainsi donc ils reprindrent la route de malaca, Laqueximene se contentant de sa victoire: car, selon l'experience que ce vieil capitaine auoit es affaires de la guerre, il n'igno-

roit pas que les Portugallois auoyent esté desfaits plus par leurs indiscretion que par la vaillâce des Bintamois: pourtant ne voulut il agacer ses ennemis, ains estimant auoir assez gaigné pour vn coup fit voile avec son armée vers Bintam.

SANCE Henriques ne fut pas si tost arriué en malaca, qu'il vouloit remonter en son gallion, & emmener quelques autres vaisseaux pour courir sus à Laqueximene: mais entendant que la flotte estoit partie il demeura coy. Sur cela George Albuquerque permit à Anthoine de Pine, d'aller avec vn sie ionc ou bastéau trafiquer pour son particulier en la grâde laue. Pine mena trois autres Portugallois en son bastéau, & sur leur retour de laue en malaca, ils arriuerent au port de Pam, ville assise en la coste & non gueres loin de malaca. Le Roy de Pam, amy des Portugallois, se banda contre eux à la sollicitation du Roy de Bintam qui luy donna vne siene fille à femme. Ce mariage fut tenu fort secret entre eux, tellement que pour vn temps les Portugallois furent mal traitez de ce Roy en diuers affaires, sans s'appercevoir toutesfois que cela procédaist de luy. Et ainsi Pine & ses compagnons aborderent là, pensans estre en terre d'amis, & enuoyerent quelques vns des leurs en la ville pour acheter des viures. Le Roy entendant leur arriuee manda dire à Pine que s'il auoit besoin d'autres choses on les luy fourniroit volontiers, & enuoya diuers presens de fruits & tels rafraichissemens, mais la nuit suivante il despescha sept lanchars avec enuiron trois cens hommes de guerre, sans les pilotes & marelors, lesquels au point du iour enuironnerent de toutes parts & de pres le bastéau de Pine, lequel se defendit brauement, cōme aussi firent les trois autres: mais estans las de combattre & tuer, & apres auoir perdu le secretaire & les seruiteurs de leur ionc, finalement ils furent prins ensemble le ionc avec tout ce qui estoit dedans, & menez eux quatre au Roy de Pam, lequel les enuoya tout soudain à son beau pere. Iceuluy les exhorta d'abjurer le Christianisme pour adherer à l'impieté de mahumet, ce qu'ils refuserent faire avec vne grande constance & resolution, au moyen dequoy ils furent attachez separément chacun à la bouche d'un canō chargé de pouldre,

4.

*Prinse de
quelques Por-
tugallois au
port de Pam,
& leur cruel
supplice pour
n'auoir vou-
lu abiuuer le
Christianis-
me.*

& le feu estant mis aux pieces, ces quatre Portugallois preferans la vie auenir à la presente volerent parorceaux: dont ceux de Malaca ne sceurent rien qu'assez lóg temps apres.

5.
*André Brit-
tio & ses gēs
desfaits au
port de Pam.*

AVANT que George Albuquerque en eust les nouvelles, il commanda à Sance Henriquez de faire vne course en la coste de Patana. Sance monté au gallion, duquel son frere Anthoine auoit charge mena tréte Portugallois, & Ambroise de Rege tréte autres en son basteau. Estans en mer, André Brittio vint surgir en Malaca, & pource qu'il portoit vn cógé du Viceroy, de trafiquer où bon luy sembleroit, il partit du consentement d'Albuquerque pour aller au Royaume de Siam, & en chemin alla mouiller l'anchre au port de Pam, pour fournir son vaisseau de viures. Le Roy auerty de ceste arriuee, enuoia incontinent ses lanchars, qui par vn matin inuestirent les Portugallois, lesquels furent incontinent acrochez: mais comme les Mores vouloyent entrer il y eut vne estrange meslee, car Brittio & ses gens firent vne terrible boucherie d'ennemis, courans alaigrement de tous costez pour faire teste aux plus resolos, Mais le nombre des assaillans estoit si grand, que les Portugallois las de frapper, & tuez les vns apres les autres, finalement les Mores entrèrent dedans le vaisseau, n'y restant plus personne de defense qu'un frere de Brittio, lequel avec vne espee à deux mains tailla en pieces tant de gens, que les Mores estimoyent que ce fust quelque diable qui aidast aux Portugallois, car il les chassa par deux fois hors du vaisseau: mais se sentans si las qu'il n'en pouoit plus, & craignant tomber es mains de ceux qui auoyent marchandé si chèrement sa peau, il se jetta de vistance dedans la mer & y perit. Brittio auoit vn facteur & trucheman nommé Fracisque, lequel ne fut point tué, d'autant qu'il estoit Indien, mais il trouua moyen avec le temps de se tirer des mains de ceux qui l'auoyent prins; & s'en retourna à Malaca, ou lon sceut de luy ce que dessus.

6.
*Desfaite de
Sance Henri-
quez & de*

QUANT à Sance Henriquez & Ambroise de Rege, apres auoir paisiblement accommodé leurs affaires en Patana, ils se mirent au retour vers Malaca: mais vne tourmente soudaine les desynit, tellement qu'Ambroise

s'largit en mer & Sance qui costoyoit la terre alla surgir *son frere an*
à Pam estimant que le Roy fust encores amy des Portu- *port de Pam.*
gallois, & fit ietter l'ancre attendât que la mer fust plus
commode. Le Roy enuoya incontinent sous couleur de
visitation & offre d'amitié, accompagnée de quelques
presens, voir quelles gens c'estoyent & leur nombre: puis
renuoya de ses domestiques en meilleur equippage que
les premiers caresser Sance, luy presenter les moyens du
Roy, lequel aussi luy faisoit presens de quelques vaches,
buffles & autres viures, qui seruoient d'amorcer pour at-
trapper les Portugallois. Vn peu auparauant Laquexime-
ne estoit arriué près de ce port pour surprendre les vais-
seaux qu'il entendoit y estre venus de Malaca. Il condui-
soit trente lanchars qui se ferrent à couuert, en atten-
dant l'occasion & l'auis du Roy, lequel leur enuoya dire
que les Henriquez y estoient en leur gallion. Soudain
les lanchars s'apprestent au combat, & si tost que le iour
apparut estans suiuis de dix autres lanchars du Roy de
Pam, & estans en nombre de douze cens homes de guer-
re vindrent assaillir les Portugallois qui n'estoyent que
trente. Sance apperceuant tant d'ennemis prests à tom-
ber sur ses bras, & qu'il n'y auoit moyen d'eschapper que
par les armes, dit à ceux de sa troupe, Compagnons, il
n'y a remede icy sinon à frapper fort, comme i'espere que
Dieu nous fortifiera: ie vous prie au nom d'iceluy que
vous preferiez vne honorable mort à vne vie ignomi-
nieuse. Cela dit, il distribua quatorze soldats sur les deux
bords du gallion, à sçauoir sept de chaque costé baillant
la proue à son frere Anthoine avec huit hommes, & rete-
nant huit autres pour soy en la poupe. Les ennemis,
voyans ce petit nombre, commencerent à huer & crier
de ioye, tenans desia tout gaigné, ce leur sembloit, & en-
uoyerent seulement quatre lanchars acrocher le gallion
en quatre endroits, ce qui fut executé: & lors commen-
ça vne des plus cruelle meslee que lon sçauroit penser. Si
les Portugallois n'eussent eu affaire qu'à ces quatre lan-
chars ils demeuroyent victorieux & faisoient vn étrange
carnage de Mores: mais Laqueximene enuoyoit tant de
gens frais pour continuer l'assaut en la place des blesez
ou occis, que Sance fut contrainct, pour soutenir le choc

avec moins d'incommodité, d'amasser le reste de ses soldats ensemble, pour combattre dos à dos, & auoir le moyen de vendre si chèrement leurs vies que Laqueximene & les siens s'en souuinissent. De fait ils combatièrent tant que leur force le permit, & apres auoir esté blesez en diuers endroits, afoiblis par la perte du sang coulant de leur playes, ils tomberent mi morts les uns sur les autres, laissant l'entree libre dás le gallion aux ennemis qui les acheuerent de tuer, sans espargner aucun, tant ils estoient despités du grand nombre de gens que les Portugallois auoyent fait mourir au combat. Puis ils emmenèrent le gallion avec force pieces de bonne artillerie dont il estoit chargé.

7.
Ordre donné
aux affaires
de Malaca et
de l'Inde han
te & basse.

AMBRÓISE de Rege ayant esté separé de Sance par la tourmente susmentionnée, arriua d'un autre costé au destroit de Cincapure, où il attendit Sance l'espace de huit iours: & ne le voyant point estima qu'il auroit gagné le deuant, & seroit passé de nuit. Quant à luy donc il print la route de Malaca, & n'y oyant nouuelles aucunes de Sance, George Albuquerque & Garcie Henriquez nouvellement arriué des Molucques ingerent Sâce & les siens morts ou prisonniers. En ces entrefaites suruindrent Sebastian de Souze & André Henriquez avec leurs gens partis de Paçé, comme dit a esté au deuxiesme chapitre de ce liure. Leur venue contrista fort les Portugallois & Malacans, qui voyoyent leur affaire empirer de toutes parts & leur ennemis comme au dessus, mesmes que le Roy de Danchen secondoit celuy de Bintam, & ne pouuoit-on presumer autre chose sinó que ces deux Princes se ioindroyent ensemble & tailleroient bien de la besongne à ceux de Malaca. Albuquerque craignant que le Roy de Bintam n'enuoyast sa flotte voltiger au long de Malaca, pour couper les viures & empescher le trafic, commanda au capitaine Garcie Henriquez d'aller à l'emboucheure de Bintam, pour empescher Laqueximene de s'eslargir en mer, & luy donna quatre basteaux avec deux carauellós. Or pource que le mois de Decembre approchoit, propre à la navigation de Malaca en l'Inde basse, quelques nefes partirent pour aller en Cochim. Lors Albuquerque auertit par lettres le Viceroy de l'estat des

affaires de l'Inde haute, le besoin qu'il auoit de gens & de vaisseaux, ensemble ce qui estoit auenu en Malaca & es enuiron: adioustant qu'Anthoine Britio (des lettres duquel il enuoyoit copie) prioit d'estre deschargé de la capitainerie en l'isle de Ternate, s'excusant sur son infirmité, & que c'estoit raison qu'un autre portast le faix de la guerre contre le Roy de Tidore. Les nefes armées en Cochim trouuerent le Viceroy occupé à faire ses aprests pour aller en Ormus. Entendant les nouuelles de Malaca & ce qu'Albuquerque luy escriuoit, il esleut Amiral de Malaca Martin Alphonse de Souze, luy assignant trois bastiments ronds & quatre fustes avec deux ces Portugallois. Apres auoir expédié ceste flotte, il cingla vers Ormus, delibéré d'y passer l'huiuer pour recouurer les deniers que Raix Xeraf deuoit de reste au Roy de Portugal & à quelques particuliers, menant avec soy vn gallion qui n'eust seruy de rien durât son seiour en Ormus, & laissa les vaisseaux de rame necessaires pour la garde de toute la coste, sous la charge de son frere Louys de Meneses, lieutenant en son absence, auquel il commanda de demeurer en Cochim, pour estre plus pres des Calecutiens, presuimât, & à bon droit, que le Roy de Calecut machinoit quelque chose contre la citadelle, en quoy il ne s'abusa point: mais au lieu de demeurer il se retira trop loin, ce qui enhardit les Malabares à rompre les traitez de l'accord, emmenas les espiceries en Arabie, sans congé des Portugallois, & s'apprestans pour courir sus au Roy de Cochim, ce qu'estant descouuert aucunement à Jean de Leme capitaine de la citadelle & nié par le Roy de Calecut, les vns commencerent à se donner garde des autres, pour s'entresurprendre à la premiere occasion, comme nous le verrons ci apres.

Pour reuenir au Roy de Bintam, pource que les Mores voisins de Malaca estoient ses grands amis, le voyans en guerre contre les Portugallois, ils prindrent les armes & cesserent de porter viures en la forteresse. Et quant à ceux qui y venoyent par mer, la flotte du Roy de Bintam les estonnoit & empeschoit d'aller en Malaca. Pourtant c'estoit chose certaine, que si la guerre tiroit en longueur, la viâtuaille defaudoit incontinent. Au moyen

8.

*Exploits de
guerre des
Mores de
Bintam contre
les Portugallois
au port
de Malaca.*

dequoy Albuquerque ne voulant pas attendre l'extrémité, & pource que Gasie Henriquez, à qui ceste charge appartenoit, estoit pres de Bintam, pria Gasie Caigne facteur des Portugallois en Malaca, & vaillant homme en guerre, d'entreprendre ce rauenissement, ce qu'il accepta volontiers, encores que le danger fust tout euidant, n'y restant basteau quelconque apres son depart fors celuy de Simon de Breu arriué des Molucques, & vn ionc qui n'auoit serui de long temps. Il partit donc avec son basteau & toutes les autres barques ou almadies qui se trouuerent au port, accompagné de quelques soldats, & voguans au long de la coste entrerent dans le feu de Muar, à cinq lieues de Malaca, pour cercher des viures. Comme ils estoient en queste, quatorze láchars de Bintam surgirent au port de Malaca, le general desquels entendant en quelle necessité estoit la citadelle destituee de gens, de vaisseaux de rame & de guerre, delibera y mettre le feu. Sur le point du iour il entra dans le port, surprenant dormans Simon de Breu & treize Portugallois qui deuoient faire le guet: mais ils auoyent tant veillé les nuicts precedentes que pour ceste fois les ennemis ne furent apperceus qu'assez tard. Simon de Breu s'esueilleât en sursaut, commence à crier à l'arme, tellement que la peur & le despit encourageant au double ses soldats qui firent merueilles ce matin. Le general de Bintam voyant qu'à la longue ce petit nombre de Portugallois, bié fournis de pouldres & autres munitions, luy tueroit la pluspart de ses gens, s'auisa d'un stratageme, à sçauoir de faire desarmer & despouiller vn ionc ou basteau, lequel, sur le decroist de la maree, il fit pousser aual l'eau droit à celui de Breu, & quelque resistance que fissent les Portugallois fit attacher fermement l'un à l'autre, & mettre le feu en ce desarmé, en sorte que celui de Breu fut embrasé bien tost apres, luy & ses soldats bruslez pour la pluspart, sans que George Albuquerque (qui voyoit tout du riuage, & qui enrageoit de despit, n'ayant pas vn vaisseau pour y enuoyer à l'aide) peüst remedier à ce miserable accident. Vray est que de cholere, & contre l'avis de tous, il commanda à trente Portugallois d'entrer en vne barquerolle qui n'auoit equippage quelconque, pour se ha-

zarder à la deliurance de Breu & des siens : mais ils ne peurent iamais auancer, tellemēt que les vns furent bruslez tous vifs, les autres se iettans du feu en l'eau pour gaigner le bort à nage furent tuez à coups de flesches & de harquebuzes. Le feu dura iusques au soir, & consumma entierement ces deux basteaux, au grand contentement des ennemis qui se mocquoyent des Portugallois d'auoir laissé brusler & noyer leurs cōpagnons, sans les pouuoir aider. C'est ce que gaigna Albuquerque pour auoir enuoyé ses gens au loin, qui ne reuindrent pas assez tost, & Garfie Caigne arriué le dernier n'amena des viures que pour dix iours, sa départie aiāt esté cause d'une tēle perte.

TANDIS que les affaires des Portugallois alloient de mal en pis de ce costé, Garfie Henriquez voltigeant avec ses basteaux & carauellons en la fosse de Bintam, faisoit mille maux aux ennemis, saisissant les vaisseaux qui vouloyent entrer ou sortir, & mesmes prenant terre quelques fois & saccageant le plat pays, dont le Roy fut extremement indigné, estimant ces brauades luy tourner à plus grande hōte qu'il n'auoit eue d'honneur en toutes les rencontres passées. S'en estant plaint à Laqueximene, iceluy fit responce que ces basteaux & carauellons n'estoyent pas encores en prinse, qu'il falloit besongner finement en ce fait, d'autant que la force n'y seruiroit de rien, les Portugallois estans si bien faits à la guerre que les victoires obtenues sur eux ne se deuoyent attribuer à la vaillance des Bintamois, ains au hazard des armes journalieres: mais qu'il penseroit à tous moyens propres pour en attrapper quelques vns. Deslors en auant Laqueximene eut l'œil iour & nuict sur Garfie Henriquez, afin de le surprendre à descouuert, & continua si soigneusement qu'un iour il sceut que Garfie estoit descendu en vne isle, pres la bouche du fleue de Bintam, pour puiser de l'eau douce avecques les basteaux, & que les deux carauellons estoient en garde. Incontinent il sort avec quelques lanchars de sa flotte, & commande à ses capitaines que si d'auanture les carauellons vouloyēt s'approcher de eux, ils fissent semblant de fuir, afin de les attirer à l'emboucheure, où la flotte estoit à couuert qu'il les enuahirōit promptement. Eux s'auancent, & estās

Ec

9.
Laquexime-
ne Amiral de
Bintā cōque-
ste deux cara-
uellōs de Gar-
fie Henriquez
et le cōtrains
se retirer en
Malaca.

descouverts en petit nombre par les capitaines des deux carauellons, les Portugallois voguerent contre à voiles desployees, estimans en iouir comme les autres fois. Les lanchars commencent à voltiger, comme voulans fuir, & les carauellons qui avec vn vent propre cinglent apres, se trouuerent incontinent à l'embouscheure où Laqueximene les attendoit, lequel sortit soudain avec toute sa flotte, environna les deux carauellons, les accrocha, puis craignant que Garfie ne vinst à temps au secours & luy arrachast ceste proye des mains, il fit tirer des le commencement du combat les deux carauellons dedans le fleue, où les bastaux de Garfie qui estoient de haut bord ne pouuoient entrer à cause des basses, & que le fleue est departy en plusieurs bras estroyts. D'autrepart les Portugallois des deux carauellons estoient si eschauffez & attentifs au combat, qu'ils ne sentirent point qu'on les trainoit arriere du secours de leurs compagnons, pour les depescher plus aisément puis apres. Aussi cela fut executé si vistement que Garfie & Arias Conil ne peurent iamais venir à temps. Ils voulurent maugré leur maistre pilote, entrer dedans le fleue: mais tout soudain ils recognurent leur folie, car en s'auançant quelque peu dauantage, il leur estoit impossible d'en sortir: & sans leur artillerie Laqueximene les eust attrappez auant qu'ils eussent peu s'elargir en mer. Quāt aux deux carauellons ils furent prins, & tous ceux qui estoient dedans, apres longue resistance & grande boucherie d'ennemis, esgorgez & taillez en pieces: dont les Bintamois furent si ioyeux que le Roy en fit celebrer vne feste solennelle. Garfie se voyant desnué de la meilleure partie de ses forces, & pesant au danger qui luy pourroit auenir, s'il se iournoit là plus longuement, se retire en Malaca, où les affaires estoient en l'estat mentionné au chapitre precedent.

10.

*Malaca assie-
gee par mer et
par terre, puis
deliuree.*

Le Roy de Bintam voyant que ses entreprises contre les Portugallois succedoyent si heureusement, resolut de leur courir sus par mer & par terre avec vne armee entiere, pour les ruiner du tout, s'assurant d'emporter la citadelle à ceste fois. Pourtant assembla-il vingt mil hommes, dont Laqueximene eut quatre mil pour ses vais-

seaux, & seize mil pour assieger par terre Malaca, desquels estoit chef vn Portugallois renié qui se faisoit nommer Auelar. Estans arriuez pres de Malaca, Auelar print terre & fit camper ses gens, Laqueximene demeurant sur mer pour clore le port & empescher l'êtree aux basteaux & victuailles. Albuquerque ne pouuoit longuement subsister à faute de vaisseaux, n'ayant qu'enuiron quatre vingts Portugallois qu'il vouloit reseruer au besoin, & quelque nombre de pietons Indiens, lesquels furent distribuez çà & là en garde, en telle sorte que parmy vne cétaine de ces Indiens Albuquerque mesloit deux ou trois Portugallois pour les encourager, duire & mener à la guerre. Mais ils ne pouuoient encores fournir toutes les auenues qui auoyent besoin de soldats : tellement que vne bourgade nommee Quelin proche de Malaca demeura sans garnisons, pource qu'Albuquerque se sentoît trop foible, ioint aussi qu'elle estoit close de palissades du costé par où les ennemis la pouuoient assaillir, & que les habitans faisoient le guet de nuict. Or apres qu'Auelar eut posé ses corps de garde, il enuoyoit tous les iours faire des courses pour s'emparer de Quelin, & s'attachoit ordinairement vne furieuse escarmouche, où les Portugallois se trouuoient des premiers au grand d'omage des ennemis. Mais les veilles & grands trauaux accabloient les Portugallois desia attenuez de faim, car ils n'auoyent autre chose à manger que du ris cuit à l'eau, estans presque tous malades ou blesez : tellement que c'estoit miracle qu'ils peussent si long temps porter les armes & faire teste à si grand nombre d'ennemis, bien entretenus de toutes choses. Auelar, extrêmement despiré contre ses gens qui ne pouuoient venir à bout d'une poignée de soldats, delibera d'assaillir de nuict ceste bourgade de Quelin, qui estoit comme son entrée pour serrer de pres Malaca, & auoit mieux la raison de ceux de la ville. Il scauoit que les palissades estoient pourries: pourtant fit-il porter force coignes & tels autres instrumens, avec lesquels enuirō la minuiet les Bintamois mirēt par terre vn pan de soixante brasses, sans estre descouverts des sentinelles à cause de l'obscurité, iusques à ce que l'on ouist tōber ceste palissade. Intōcinent les assaillans entrent, tūent

les premiers rencôtrez, & se mettent à piller les maisons. Là dessus on donne l'alarme, ou acourut Nicolas de Sauiuy de trois harquebuziers Portugallois & d'Arias Conil, lesquels trouuerent les Indiens aux mains contre les gens d'Auelar, lesquels ils contraignirent de quitter la place & se retirer vistement, nō pas tous, car ceux qui s'amuserent au pillage furent tuez par les places. Le iour venu Albuquerque fit reclore la bresche, & les ennemis, qui auoyent demeuré vn mois au tour de Malaca, entendant que le secours venoit aux Portugallois, leuerent le siege & se retirerent à Bintam, comme fit aussi Laqueximene avec toute sa flotte.

II.

*Guerre de
Martin Al-
fonse de Souse
côtre les Rois
de Bintā, de
Pam & de
Patane.*

MARTIN Alfonse de Souse, qui tenoit la route de Malaca avec quelque vaisseau, y arriva tost apres ce siege leué, trouuāt la ville en grande disette: car vne poulx y vendoit cinquante ducats, & les autres viures à l'equipolant, & sembloit qu'on eust deterré les personnes tant elles estoient descharnées & plus mortes que viues. L'arriuee de Souse ressonit merueilleusement les Portugallois & Malacans, puis Albuquerque osta à son cousin Gaslie Henriquez l'estat d'Admiral, & en pourueut Souse, lequel luy presenta les lettres du Viceroy, donnant le gouuernemēt des Molucques à l'un des parés d'Albuquerque. Or pour mettre fin à la guerre & aux machinations du Roy de Bintam, Souse eut charge d'Albuquerque d'aller avec cinq vaisseaux en la fosse de Bintā, pour n'en laisser sortir Laqueximene, & empescher l'entree aux viures. Souse executant sa commission demoura trois mois pres de Bintam, incommodant tout le pays de telle sorte que personne n'alloit ny venoyt, & les pescheurs n'osoient entrer en leurs barques pour pescher. Quant à Laqueximene, iamais il n'osa venir aux mains contre Souse, lequel perdit quelques soldats de maladie, & voyant que le trop long seiour en ce quartier ruinerait les gens non acoustumez à l'air du pays, partit de là pour aller faire la guerre au Roy de Pam & venger les torts faits à la nation Portugalloise. Estant arriué au port il brusa force basteaux de Pā & de Iaue, tua pres de six mille Mores, & en print si grand nombre, que chaque Portugallois auoit pour le moins vne dizaine de pri-

sonniers à sa part. Apres ceste grande desfaite il print la route de Patane, à cause que le Roy d'icelle estoit deuenu ennemy des Portugallois, trouua quelque ioncs au port & y mit le feu, notamment en vn attrié nouvellement de l'auc, dans lequel estoit le Roy de Patane avec deux cens Mores qui pour euitier l'embrasement se precipiterent en la mer, où ils furent tuez à coups de picques par les Portugallois. Ceux de la ville, spectateurs de telle tragedie, craignans en auoir bien tost leurs part, abandonnerent la place, emmenans femmes, enfans, & tout ce qu'ils peurent emporter, auant que Soufe fust descendu en terre, lequel ne trouuant personne qui fist resistance brusla toute la ville, n'y laissant rien entier que la campagne où elle auoit esté bastie, & quelques iardins & palmiers plantez à l'entour, avec vn tel memorial du nom des Portugallois en toute la coste, que les habitans trembloient si tost qu'on leur en parloit. Tels exploits acheuez, Soufe tourna voile & reuint en Malaca, laquelle demeura paisible & en grande prosperité pour vn temps.

Nous auons dit ci dessus que Martin Correa & Sebastian de Soufe partirent de Malaca pour aller és îles de Bandan, & arriuerent à Borinte, où ils trouuerent Martin Alfonse Melio, lequel des quatre mois auparauiant estoit en guerre contre les habitans du pays, des mains desquels il se garantit vaillamment avec sept Portugallois, septante Iauans & Chinois seulement. A l'arriuee de Soufe & Correa les ennemis furent cōtrains laisser en paix Melio, qui se resenant des maux receus de ces barbares pria Soufe de luy aider à auoir sa reuence, mais Soufe s'excusa, disant auoir affaire ailleurs, dont s'esmut telle picque qu'ils se separerent, & Soufe se retira en vn lieu nommé Dalutatan avec Correa, puis arriuerent à Bandan. Tost apres leur arriuee suruint Gaspar Gal, enuoyé des Molucques en vne carauelle par Antoine Brittio, pour demander à Martin Alfonse Melio quelques victuailles & autres fournitures pour les soldats de la citadelle de Ternate, qu'il falloit mettre en quelque equippage pour la guerre contre le Roy de Tidore. Par mesme moyen Brittio prioit Martin Alfonse de le secourir avec

12.

*Comencement
de guerre entre
Antoine Brittio & le
Roy de Tidore,
Et le succes
d'icelle.*

tous les Portugallois de Bandan, l'assurant qu'ils au-
royent moyen de se faire tous riches, à cause que l'année
deuoit estre fertile & de grád rapport d'espiceries. Il l'ex-
hortoit aussi d'oster aux marchans de Bandá les victuail-
les qu'ils pourroyent auoir, luy enuoyant pour cest effect
copie de la commission du Roy, lequel luy octroyoit la
souueraineté de l'isle de Bandan. Sur ces entrefaites Gas-
par Gal mourut, & suruint debat entré Sebastian de Sou-
se & Martin Alphonse Melio á qui seroit la caracelle: mais
en fin Melio demeura le maistre, & la mena aux Moluc-
ques avec deux ioncs de Portugallois, ayant Martin
Correa en sa compagnie. Arriuéz en l'isle de Ternate ils
entendirent de Brittio qu'un ieune gentil-homme Por-
tugallois nommé George Pincte auoir charge d'aller cõ-
mencer la guerre en Tidore, tandis que luy assembleroit
les Rois & Seigneurs qui luy promettoyent secours. D'au-
rant que Correa & Pincte estoient cousins, Pincte, qui
s'estoit ja embarqué, descendit en terre pour le saluer &
l'emena quant & soy en un autre vaisseau, ensemble Lio-
nel de Leme qui conduisoit un basteau & un calaluz biẽ
armez, pour faire courtes au long des riuages, y ayant
quarante bons soldats en ceste petite flotte, avec laquelle
ils allerẽt surgir au principal port de Tidore, & en peu de
temps firent viuement la guerre, pillás les viures, & prenás
terre pour faire courtes, d'où ils remmenoyent force pri-
sonniers & bestail domestique. Le Roy despité de tãt de
maux & affligé de la perte des victuailles, à cause du grád
peuple qui estoit en necessité autour de luy, s'auisa d'une
ruse pour attrapper Pincte qui faisoit plus de mal que les
autres. Il fit poser à couuert, sous vne fuillade d'arbres,
bon nombre de barques, dans le canal qui est un peu
à costé de la ville, & de nuict enuoya vne caracore ou
barque en mer avec charge de se monstrier sur le iour en
la coste de Gilolo, d'où venoyent souuentefois des
viurès, afin que Pincte, croyant que la caracore (qui
feroit semblant d'auoir peur) voulust gagner le canal, la
poursuiuit, & se vint fourrer en la vase, où il demeure-
roit à sec, à cause de la pesanteur de son vaisseau chargé
d'artillerie, & qu'alors les barques sortiroyent de l'embus-
che & depescheroient Pincte avec tous ses gens: Il en a-

uint comme ce Roy l'auoit imaginé, car Pincte voyât ceste Caracore, & cuidant que ce fust son gibier accoustumé, vogua incontinent apres en vn calaluz, sans aduertir Lionel de Leme. Ceux de la Caracore saignans estre estonnez, virerent la voile pour tournoyer & fuir, iusques à ce que Pincte fust plus pres, & lors à force de rames se retirerent au canal où estoit l'embusche & entrerent sans eschouer, auans assez d'eau, pource qu'ils alloÿt à vuide: mais le calaluz qui demandoit beaucoup plus d'eau, à cause de l'artillerie qu'il portoit, s'arresta tout soudain qu'il fut entré. Alors les Tidoriens sortent de leur embusche, assaillent Pincte de tous costez à coups de fleches & de dards. Luy & les siens se defendent longuement, mais ils auoyent tant d'ennemis en teste, à dos & aux flancs, qu'apres auoir receu plusieurs coups ils tomberent mymorts en leur calaluz, au secours duquel Lionel de Leme voulut venir, mais apperceuant que c'estoit se perdre avec les gens s'il entroit au canal, fut contraint se retirer, ayant toutesfois oublié de canonner les barques des ennemis, lesquels eussent esté contraincts quitter tout, & par ce moyen eust peu sauuer quelques Portugallois. Les Tidoriens voyans que ceux du calaluz ne faisoient aucune resistance entrerent dedans, couperent les testes aux Portugallois & à cinquante Mores de Ternate, dont ils firent des trophées à leurs barques, & avec grands signes de ioye entrerent au port de la Cité, où ils furent recueillis & caressez du Roy comme telle deliurance le meritoit.

ANTHOINE Brittio ayant receu nouuelles de ceste desfaite, enuoya de cholere commander à Lionel de Leme de ramener la flotte en Ternate, ce qui fut fait: & si alors le secours demadé pour la guerre n'eust esté assemblé, Brittio estoit sur le point de quitter tout: mais ne pouuant pour son honneur casser les compagnies il pour-
 suit la premiere entreprise. Et tandis que Cachil d'A-
 roes s'embarquoit pour recommencer, fut aduisé que Martin Alfonse Melio iroit surgir avec les vaisseaux de Portugal au dessus de la fosse de Tidore, ce qu'il executa, menant pour Capitaines Lionel de Leme & Martin Correa, & partans au soir du port de Talangane arriuerent en l'Isle de Tidore, & mouillerent l'anchre près du canal où

13.

*Auanture de
 Martin Al-
 fonse Melio
 voulant rui-
 ner vn villa-
 ge de Tidore.*

Pincte & ses gens auoyent esté desfaits. Or d'autant qu'ils auoyent à ne bouger de là iusques à ce que Cachil d'Aroes fust arriué, Melio resolut suiuant l'aduis des Capitaines & gentilshommes d'assaillir vn village de Mores, estant à vne lieue de la flotte au long de la mer, auquel pourroit aisément mettre le feu. Il partit enuiron la minuit, afin de n'estre descouuert de la ville de Tidore, s'il passoit de iour: mais encores que les matelots sceussent où il falloit aller, si ne peurent-ils tant faire, pource qu'ils vogoient contre vent, que le iour ne cōmençast à poindre estans à l'endroit de Tidore, à raison dequoy les ennemis presumans ce que Melio vouloit faire, allerent au deuant auec quelques barques: mais apres les auoir chassés à coups de canon, il alla surgir au village, où n'y auoit que douze maisonnettes & vne mosquee, les insulaires s'estans retirez depuis le commencement de la guerre en vne haute roche, les chemins de laquelle ils auoyent si biē barrez qu'il estoit fort malaisé d'y monter. Toutesfois Melio delibera les en desnicher, & à l'aide de Correa fit ouuir les passages, & comme il estoit sur le point d'en voir le bout, vn de ces montagnards luy tira vn tel coup d'harquebuzé dans l'espaule, qu'il en tomba esuanouy par terre, & furent contraints les autres l'emporter és vaisseaux, n'ayans rien fait en ceste course que brusler les cahuettes & la mosquee des insulaires: puis se retirerent à Ternate par le commandement de Brittio.

14. OR Brittio voyant que ceste guerre succedoit mal pour luy, la voulut laisser tout à fait, sans Cachil d'Aroes, qui se dourant de cela requist qu'on luy laissast continuer avec les soldats du pays, & que seulement Brittio y enuoyast vn Capitaine & vingt Portugallois, & qu'il vouloit s'emparer de Mariac principale forteresse de l'Isle de Tidore. Brittio luy donna Francisque de Soule & vingt Portugallois qui s'embarquerent avec les Mandarins & l'armee de Cachil, montans en tout au nombre de quinze cens hommes. Ayans gagné terre ils prirent le chemin de Mariac qui est comme vn Chasteau basti en vne planure au faiste d'une montagne, où les Roys de Tidore demeuroient anciennement, mais depuis pour s'accorder au peuple & à cause de la mer & du trafic ils vin-

*Desfaite de
Francisque de
Soule et de sa
compagnie
pres de Ma-
riac place
principale de
Tidore.*

dre à habiter en la ville. Ce Chasteau estoit réparé d'un costé, & auoit quelques fossez de l'autre, estant assez fort pour le pays. Estans pres du lieu, Cachil posâ quelques corps de garde pour empescher le secours à ceux de Mariac, & pria Soufe de demeurer coy avec ses gens à vn des costez de la montagne, tandis que luy monteroit par vn chemin couuert, & estant au dessus les gens crieroyent, qui seroit le signal pour monter au secours. Ayât fait vne partie du chemin, aucuns de sa troupe se descourans par trop, ceux des corps de garde commencerēt à crier, comme si c'eust esté quelque renfort d'ennemis. Soufe estimât que ce fust Cachil qui l'appellast, monte incontinent avec ses soldats : mais il trouua ceux du Chasteau qui l'attendoient, & qui sçachans que Cachil ne pouuoit estre si tost au dessus, seruirent Soufe & ses gens de tant de cailloux & de fleches, qu'ils furent contraints descendre plus viste qu'ils n'estoyent montez, & en autre estat, à sçauoir blesez pour la pluspart, nommément Soufe qui reçeut vn coup en la cuisse de ce mesme harquebuzier qui auoit frappé Melio. Cachil entendant ces nouuelles quitta sa premiere entreprise pour venir à l'aide, & despité de cest accident iura par ses dieux qu'il ne bougeroit de là que Mariac ne fust pris, & tout soudain escriuit à Brittio, le priant de supporter ceste aduanture, & que la guerre se faisoit ainsi : qu'au reste il luy enuoyast vingt Portugallois sous la conduite de Martin Correa, lequel il estimoit si sage & vaillant Capitaine, qu'ils s'asseuroit mettre fin à ceste guerre par le moyen d'iceluy, & renuoya Frâcisque de Soufe avec les blesez.

BRITTIO plus desgousté que iamais par ceste nouuelle bastonnade conclud entièrement de n'enuoyer plus de Portugallois en Tidore, ains se tenir en sa Citadelle avec six vingts & dix soldats luy restans, attendant le retour des Iones de Malaca, & ne voulut cōmander à Correa d'aller au secours de Cachil, & ne l'eust enuoyé si Cachil ne fust allé en personne le demander. Alors Brittio luy permit d'y aller avec vingt Portugallois, & escriuit à Lionel de Leme sejournant lors au port de Tidore, qu'il accompagnast Correa avec tant de soldats qu'il pourroit, sans desgarnir son bateau, adionstant à sa lettre que si

15.

Prinse de Mariac par Martin Correa.

Correa vouloit se hazarder en quelque endroit, Lionel l'aduertist de la part du Roy de s'en deporter, & luy leust la lettre, s'il s'ingeroit de passer oultre, afin que les soldats ne le suiussent. Suiuant ceste charge, Leme suiuy de quinze Portugallois alla trouuer Correa, lequel voyant si bonne troupe avec ceux de Cachil les sollicita d'aller assaillir Mariac, à quoy plusieurs ne se monstrerent pas fort eschauffez: neantmoins il les esueilla tellement par belles paroles qu'il fut resolu d'y aller, Correa s'assurant que Cachil luy feroit espaule, si tost que l'assaut seroit commencé. Leme entendant ceste deliberation dit à Correa la volonté de Britio, & leur les lettres aux soldats Portugallois, qui n'oserent le suivre, excepté Iean Mendeze braue Cheualier lequel offrit sa personne à Correa, & s'en alla avec. Là dessus Correa fit entendre aux troupes de Cachil qu'il ne vouloit point assaillir Mariac, puis qu'on ne luy vouloit donner secours: mais sur le soir ayât communiqué sa resolution à Iean Mendeze, & arresté ensemble que le lendemain ils assauroient le Chasteau par vn endroit assez foible: suiuant cela ils partirent ensemble avec deux seruiteurs & huit Mandarins ou gentilshommes des plus hardis de toute l'armee de Cachil, qui auoient aposté gens pour venir au secours à temps. Ayans gagné le dessus de la montagne, ils presumerent qu'au costé qu'ils vouloyent assaillir n'y auoit gueres de gens, pource qu'au dehors tout estoit plain de buissons & brossailles, & au dedans du rempar y auoit vne façon de tour plus esleuee. Comme ils consideroyent l'endroit plus commode pour entrer, apparut sur le rempar vn Mandarin vestu d'vn razaquin d'escarlatte, avec vn bonnet de mesme en teste, & vn plumail, lequel fut incontinent abbatu mort d'vne harquebuzade que Iean Gomeze luy tira. A ce bruit accoururent quelques hommes en vne tourelle, d'où ils commencerent à ietter cailloux, descocher fleches, & espandre tant de terre que la pouldre empêchoit les vns de voir les autres. Or d'autant que ceux qui gardoyent ce costé voyoyent si peu d'assaillans, il leur sembloit que quand mesmes on les lairroit entrer il y auroit moyen de les pousser aisément dehors, qui fut cause de leur ruine: car au lieu d'appeller leurs cōpagnons qui gar-

doient les autres costez du Chasteau ils se contentoient de ietter cailloux, tirer fiesches, & vuidier la terre sans dire mot, estimans chasser les Portugallois par tel moyen. Mais ceste pouldre seruoit de beaucoup à Correa, le courrant des coups, & donnant loisir à ceux de sa suite de leuer vne large piece de bois de la closture, tellement que Correa, Mendeze & les autres entrerent par là. Ceux de dedans les sentans si pres commencerent à crier apres leurs compagnons & donnent l'alarme par le Chasteau. Lionel de Leme n'estant pas si loin qu'il n'entendist les hutes y accourut avec les Portugallois, & entrerent par la petite porte de Correa avec lequel ils se ioignirent, & lors commença vne terrible escarmouché: car tous les Mores de Mariac s'amasserent à la file & combataient vaillamment, iusques à la venue de Cachil qui ne s'estoit guerès hasté, ne pensant pas entrer si tost en ceste place. Les soldats estans entrez, les ennemis furent enclos de toutes parts & mis à mort exceptez cent qui gaignerent de vitesse le sommet de quelques arbres, d'où Cachil les vouloit faire abbarre à coups de harquebouze: mais Correa leur obtint la vie sauue, bien à contre-cœur de Cachil, qui disoit la coustume inuiolable estre qu'en toutes les batailles esquelies les Roys ou leurs lieutenans se trouuoient, on faisoit mourir sans aucune remission tous les ennemis qui auoyent attendu le combat ou l'assaut. En ceste prise les assailans ne perdirent pas vn seul des leurs, & quant aux beffez, du nombre desquels estoit Correa, ayant receu vn coup de fiesche en la iambe, ils guerirent tous. Quant à ceux de dedans il y eut pres de trois cens hommes tuez, qui estoient tous Mandarins & parens du Roy de Tidore pour la pluspart, car les autres habitans de Mariac s'estoyent retirez ailleurs dès le commencement de la guerre, & auoyent emporté tous leurs biens, tellement qu'on ne trouua rien à butiner en ce lieu, sinon les habillemens des morts. Le feu fut mis es maisons tellement qu'il n'y demeura rien d'entier, & par la flamme, qui estoit fort grande, Brittio & ses soldats cogneurent que Mariac auoit esté pris. Au reste, comme Correa se reposoit reprenant ses esprits apres vn si grãd trauail, il vid accouràs vers lui vn Mandarin de Ternate, hōme assez vieil, & vn autre

Les
me
ure
le
re
d

plus ieune, Comite d'une barque. Ce ieune tenoit par les cheueux deux testes de Mores fuyoit deuant l'autre qui luy vouloit oster, & approché plus pres de Correa se plaignit à luy de ce quele vieil vouloit auoir vne de ces testes pour la planter au plus haut d'un vaisseau duquel il estoit capitaine, adioustant que ce n'estoit pas raison de le vouloir frustrer de l'honneur qu'il auoit acquis au hazard de sa vie, pour en faire part à vn Mandarin lequel n'auoit fait que dormir en son basteau, tandis que les autres estoient meslez au combat avec les ennemis. Sur cela le ieune se departit avec les deux testes, & lors Correa sceut que quicôque en ces isles peut porter à son Roy à diuerfes fois sept testes d'ennemis tuez en guerre, il est fait cheualier & gentil-homme qu'ils appellent Mandarin: tellement que la noblesse croist selon le nombre des testes qu'ils emportent, estans en ceste barbarie plus supportables sans comparai son que ceux qui se donnent ou achètent par tres-vilains & detestables-moyens ce beau tiltre de noblesse.

16. APRES la ruine de Mariac, Cachil & Correa resço-
Continuatiô lurent d'aller ensemble en l'isle de Machian, appartenan-
 de la guerre te par esgale moitié au Rois de Tidore & de Ternate,
 desPortugal- afin de s'emparer de la part du Roy de Tidore. Estans
 loiz contre le arriuez en l'isle pres d'un village ennemy, & comme ils
 Roy de Tido-vouloyent prendre terre, le Zamaran ou Amiral de Ter-
 re, sur lequel nate fit publier si haut que les villageois le pouuoient
 ils prenēt plu entendre, qu'en l'armee presente estoit certain nombre
 sieurs places de Portugallois, gens vestus de fer, qui menoyent leurs
 es isles de Ma barques couuertes de testes de Mandarins Tidoriens,
 chian & de qu'il estoit en la liberté de ceux de Machian de prendre
 Batochin. les armes & se venger s'ils pouuoÿt: mais que s'ils vou-
 loient rendre obeissance à Cachil Daroes regēt de Ter-
 nate on ne les traiteroit pas comme ceux de Tidore. A
 ce cry, tous ceux du village se vindrent rendre sur la gre-
 ne, & voyans tant de testes de morts, commencerent à
 s'estonner, & delibererent se rendre, ce qui fut fait le len-
 demain matin, chascun d'eux portant quelque chose qu'il
 donnoit au regent de franhe volonte, non-point par
 obligation, & apres auoir iuré fidelité entre les mains du
 regent se retirerent en leurs maisons, & de là en auant

furēt ſuiets du Roy de Ternate. Auec meſme ceremonie tous les autres villages appartenans au Roy de Tidore en ceſte iſle ſe rendirent à Cachil. La raiſon pourquoy le Zamaran fit publier ce que deſſus eſt, que la couſtume du pays porte, que quand les Inſulaires veulent faire la guerre à quelques autres, afin que les aſſaillis ne ſe plaignent d'auoir eſté ſurpris, ils les enuoyent deſſier preſmierement, & les auertiffent des gens qu'ils meinēt, deſcriuans les armes deſenſiues & offenſiues qu'ils portent: ſi les autres ſe rendent on ne leur fait aucun deſplaiſir: mais ſ'ils ſont les aſſeurez, diſans n'auoir peur & eſtre preſts à ſe defendre, de là en auant ils peuuent ſ'entre-courir ſus, & ſe faire la guerre par tous les moyens de fineſſe & de trahiſon dont ils ſe peuuent auifer, ſans en encourir blaſme. Quand Brittio vid le hazard de la guerre luy fauoriſer, il ne parla plus de repos comme auparavant, ains donna nouuelle charge à Correa ſuiuy de quarāte Portugallois, d'aller en l'iſle de Batochin, ſe rēdre maĩſtre d'vne forte place que le Roy de Tidore y poſſedoit. Cachir, le Zamaran & autres leur firent compagnie auec force gens, & arriuerent tous en Batochin pres de ceſte place, qui eſtoit vn village de deux cens maiſons couuertes de roſeaux & eſleuees ſur des groſſes pieces de bois, tellement qu'ils y falloĩt monter auec des eſchelles, & du haut des maiſons les Inſulaires cōbatoyent à coups de Pierres, de fleſches, de tiſons bruſlez, & de crampons de fer attachez à leurs bras qu'ils laſchoyent & tiroyent à plaiſir, tellement que ſi les aſſaillans eſtoyent tant ſoit peu mal auifez, les inſulaires enleuoyent en l'air vn hōme auec ſes crampons, puis le traitoyent comme bon leur ſembloit. Leur village eſtoit ceĩns d'vn foſſé profond que la mer emplifſoit quand ils vouloyent luy donner entree: d'vn autre coſté y auoit des canaux & tranchees, tellement que l'entree eſtoit fort difficile. Correa ne voyant autre paſſage pour y entrer auec ſa barque que par dedans le foſſé, ſe mit dedans, mais il n'auança gueres à cauſe des pieux fichez en terre qui bouſchoyent le paſſage à ce grand vaiſſeau, lequel eſtant ainſi engagé fut aſſailly des inſulaires à coups de fleſches. Pour les attirer plus pres, Correa ſaignit eſtre ſurpris, au moyen dequoy

ils environnerēt avec leurs nacelles: mais alors luy & ses gens en firent grand meurtre avec leurs harquebuzes, & contraignirent le reste de se retirer viftement. O les Portugallois voyans qu'il n'y auoit moyen d'entrer par ce costé ny par les canaux, se hazarderent de passer par vn estang fort limonneux & plain de roseaux aigus qui blefferent Correa: neantmoins ils passerent & approchant d'un rempart qui estoit entre l'estang & le village, en chasserent les insulaires à coups d'harquebuzes, & entrerent finalement au village, suivis de Cachil & de ses troupes, qui du commencement ne vouloyent y entendre. Incontinent ces insulaires gaignent le haut de leurs maisons, tirent les eschelles apres eux, puis combattent à leur maniere accoustumee: mais Correa & ses gens ne leur donnoient gueres de loisir, car ils haussierēt avec leurs picques des paquets de pouldre à canon sur les toits des maisons & y mirent le feu, lequel en moins de rien gaigna tellement d'un lieu en autre que tout le village fut embrasé. Ceux qui quittoient le haut pour se sauuer en bas estoient tuez à coups de picques & de harquebuzes, le feu brusloit les autres: neantmoins ils sauuerent la vie à deux cens prisonniers, du nombre desquels estoit le Seigneur dece village avec toute sa famille. Cela executé, Correa & Cachil s'embarquerent & firent retraite en Ternate, où ils furent reçueillis en grand honneur, & Correa fut ordonné par Brittio grand chastelein de la citadelle & general des vaisseaux de ceste mer des Molucques.

17.

La ruine du village susmentionné abatit l'orgueil du Le Roy de Roy de Tidore, tellement qu'il commença à se repentir *Tidore demanda* de la guerre commencée contre les Portugallois, lesquels *dela paix* qu'il redoutoit tellement, qu'il ne trouuoit aucune place *luy est refusée* assurée. Pourtant enuoya il demander la paix à Brit- *par Brittio.* tio, offrant recompenser le Roy de Portugal de tous les dommages & interets de ceste guerre, avec restitution de l'artillerie prise en la desfaite de George Pinste. Brittio ne voulut rien accorder, alleguant pour response qu'il ne s'estoit pas encores assez vengé du Roy de Tidore. Quelques iours ensuiuās les Portugallois prirent sur mer deux cens hommes suiers de ce Roy, lesquels Brit-

tio fit massacrer cruellement: ce qui estonna non seulement le Roy de Tidore, ains aussi les autres Rois voisins des Molucques, qui rechercherent l'amitié de Brittio. Entre autres ne faut oublier le Roy d'une isle nommée Gramboccanore, lequel enuoya à Brittio dedans une barque douze hommes que ceux du pays appellent Ourans Soangues, c'est à dire hommes diables: pource que par art diabolique ils se rendent inuisibles, & entrēt où bon leur semble, faisans vne infinité de maux, tellement que chascun les craint & hait mortellemēt, & quand on les peut attraper ils sont massacrez sur le champ, autrement ils eschappent. Ce Roy donnoit telles gens à Brittio pour les enuoyer faire des courses en Tidore, & y tuer force peuple, dont Brittio se mocquoit au commencement. Mais apres que ces Ourans Soangues eurent fait cinq ou six voyages en Tidore, d'où ils rapporterēt grand nombre de testis, chascun commença à s'estonner, sur tout les Tidoriens, lesquels ayans trouué moyen de surprendre la barque de ces diables, il salut leur amener vn vaisseau de Ternate, & n'en trouua-on non onze, le douzieme s'estant esuanouy, sans que depuis l'on ait peu sçauoir qu'il estoit devenu, dont Brittio se gaudissoit mieux que deuant, encores que Cachil luy iurast que les Ourans se rendoyent inuisibles. Pour en faire l'espreuue, Cachil luy en bailla vn auquel on ferra le col en vn collier tel qu'il n'y auoit apparence de l'en tirer sans aide d'autre, & le fit garder toute la nuit: mais le matin on ne trouua que le collier, ce qui espouuenta Brittio & tous les Portugallois. Or afin que le Roy de Tidore ne se plaignist qu'on luy faisoit la guerre par art diabolique, il defendit aux Ourans Soangues d'y plus aller, & les renuoya en leur isle, se contentant de continuer avec les gens, qui donnoyent assez d'affaires au Roy de Tidore.

TANDIS que les affaires se menoyent ainsi es Molucques, le Roy de Calcut ayant delibéré de courir sus aux Portugallois & ruiner leur citadelle commença à faire ses apprests, comme firent aussi les Malabares, tellement qu'ils assemblerent vne flotte de deux cens voiles en la coste de Malabar, dont vne cinquiesme partie chargée

18.

*Entreprises
du Roy de Ca
lecte cōtre les
Portugallois
et ce qui s'en
ensuiuit.*

*Fes
me
ure
le
rie
s d*

d'espiceries print la route de la Mecque, cōme dit a esté cy dessus. Le general de ceste armee s'appelloit Cutial, homme vaillant & auisé entre tous les Mores. Iean de Leme capitaine de la citadelle d'Ormus fut informé de l'embarquement de Cutial, qui se mit en mer au cōmencement de l'esté, & qu'on auoit entrepris se saisir de la citadelle s'il n'y auoit trop grand empeschement, dequoy Leme auertit incontinent Louys de Meneséz qui sejournoit en Cochim, le priât d'enuoyer quelques vaisseaux pour garder la coste: ce que Louys ne daigna faire ny sortir de Cochim, sinon au mois d'Octobre, voguant au long de Goa, où il attredit le Viceroy retourna d'Ormus. Leme voyant qu'il ne se falloir pas attendre au secours de Cochim, talcha de mettre la citadelle en estat pour se bié defendre du costé de la mer, & dressa vn boulevard de bois pour couvrir la porte de sa citadelle: & pour le hauffer vïstement pria le gouuerneur de Calecut de luy ottroyer des charpentiers, ce qui luy fut refusé. Or Leme estoit si hasté que sans contester dauantage il se mit apres ce boulevard, s'aidant des ingenieurs de la citadelle qui aprindrēt la charpenterie à quelques soldats: ce qu'entendu par le gouuerneur, pour oster à Leme toute opinion de guerre, il enuoya des ouuriers, tellemēt que le boulevard fut incontinent acheué. Tost apres l'armee de Cutial apparut, & vn des vaisseaux vint pres de terre, pour essayer de surprendre la citadelle: mais Leme le fit saluer d'vn tel coup de canon qu'il enfondra ce vaisseau, & de quelques volées de deux autres canons fit couler en fond d'autres vaisseaux qui s'estoyent trop auancez: ce qui fit retirer Cutial. Apres cela, Leme en uoya faire plaintes au gouuerneur de Calecut de la peine qu'on luy auoit donnee, disant que si le Roy de Calecut vouloit la guerre il ne faloit que le dire: dequoy le gouuerneur s'excusa. Mais le Roy auerry que son entreprise estoit descouuerte, commanda à vn Naire d'aller en la citadelle & tuer Leme à quelque pris que ce fust: ce que le Naire delibera d'exécuter, estans ces Naires fort prompts à tout ce que les Roys leur commandent. Ice-luy donc saignant auoir à dire quelque chose de la part du Roy à Leme, le trouua assis en la salle basse de la

citadel-

citadelle avec certains gentilshommes Portugallois, & importuna tât pour auoir permission des s'approcher, que Vafque de Leme foupçonna incontinent que ce Naire estoit venu là pour faire vn mefchant coup, & le vouloit tuer : mais Iean de Leme le retint, commandant aux archers de la garde de l'arrefter, dont le Naire se mit à tépêfter difant qu'il venoit en ambaffade au nom du Roy. Eux luy répondét que c'estoit chose cōtrouuée & qu'on fçauoit bien l'occafion de fa venue : que luy mefmes auoit bien meritè d'estre haché en pieces fur la place, mais que pour entretenir paix on luy laiffoit la vie, & fut ainfi réuoyé en Calecut. Depuis le Roy enuoya trois autres Naires qui se difoyent deputez du Roy pour negocier avecques Leme: mais ils furét empoignez & mis hors par fes gardes, Leme enuoyant dire au Roy que fes ruses ne luy pourroyét nuire : que s'il vouloit la guerre il la declairast, & les Portugallois auiferoyent à se bien defendre: & que fans le defir de conseruer la paix, il n'eust tant attendu à luy demander raifon des outrages precedens. Encores que les affaires passassent en ceste sorte, les Portugallois & Calecutiens ne laiffoyét de trafiquer ensemble, ny mefmes les Naires de la douanne ne cefsoyent de feruir leur quartier : & quant au peuple de Calecut il ne demandoit autre chose que paix & repos. Seulement les Mores troubloyent tout, pour la haine qu'ils portoyent aux Portugallois, & enflammyent le Roy de Calecut à faire la guerre. Au mefme temps ils ruerent Gonfalue Tauares & deux autres que Iran de Leme enuoyoit vers le gouuerneur de la ville pour traiter de quelque affaire. Ce gouuerneur ne donna aucunement ordre à ceste confusion, encores que Leme enuoyast gens se plaindre de l'insolence des Mores. Les gentils-hommes, le faâteur, le chasteelain de la citadelle & autres voyans ces outrages, & que depuis deux mois auparauant les Mores auoyent faccagé douze Portugallois en vn lieu dependant de Calecut, nommé Parangale, confeillerent Leme de commencer la guerre à decouuert à celuy qui la luy faisoit par deffous terre, difans qu'on ne fçauoit l'endommager d'auantage qu'en maflacrât ainfi les foldats les vns apres les autres, & qu'en

plaine guerre on n'en pourroit faire mourir dauantaget & qu'il n'estoit besoin d'attendre plus grandes occasions que les presentes. Encores que Iean de Leme eust assez de courage pour leuer les armes, toutesfois il ne vouloit pas rompre la paix, & desiroit euitier le siege de la citadelle, suivant ce qui luy estoit commandé, tellement qu'à cause de sa charge il aualoit toutes ces fascherie. Or le gouverneur & le Catoual de Calecut sçachans par le rapport des Naires de la douanne ce que les gentils-hômes conseilloyent à Leme, craignans qu'il ne commençast à cause dequoy tout le pays souffriroit beaucoup, estant ce capitaine estimé l'un des plus valeureux de son temps, allerent le visiter pour l'entretenir de belles paroles : & en leur pourparler, Leme ayant commencé à se cōdoulloir des affaires passées, & eux s'excusans, furent tirez par certains hômes de leur part quelques harquebuzades, dont personne ne fut blessé : mais le gouverneur & le Catoual en receurent toutes la honte & commencerēt à crier & menasser ces tireurs de faire chastier les coupables, renuoyerent toute leur suite en la ville, & demurerent seuls avec Leme, auquel ils firent de grandes plaintes du passé, promettans y remedier à son contentemēt, ce qu'il crut. Mais c'estoyent fainctes seulement, comme il apparut deux iours apres : car quelque Mores allans à Coulete s'efforcerent de rauir & emmenerent avec eux des femmes Chrestiennes qui demeuoyent à Calecut. Elles ne voulans suiure ces barbares, commencerent à crier les Portugallois à leur aide, & fut le bruit si grād qu'il paruint aux oreille de Iean de Leme, lequel enuoya prier les Mores de ne contraindre ces femmes, puis qu'elles estoient Chrestiennes. Iceux cōtinuans en leur mauuaise volonté, Leme en enuoya faire plainte au gouverneur & au Catoual qui ne se trouuerent point : au moyen dequoy Leme donna charge à aucuns soldats Portugallois d'aller deliurer ces femmes, ce qu'ils firent. Là dessus s'esleua vn bruit par la ville, que les Mores & Naires sceurēt bien allumer, & pource qu'ils en vouloyent à la citadelle, incontinent ils s'amaillēt de diuers endroits iusques au nombre de trois cens, harquebuziers pour la pluspart & s'achement de ce costé. Pource qu'ils estoient si

peu, Leme enuoya au deuant Manuel de Far & vingt cinq harquebuziers : mais les trois cens furent incontinent fuiuis de tout le peuple en armes, & avec vn bruit tel que l'on peut penser se mettent à courir vers la porte de la citadelle pour s'en emparer. Leme se doutant de leur dessein sort dehors avec vn bon nombre de soldats pour recueillir Manuel, & fit lascher quelques harquebuzades en l'air, ne voulant offenser personne, tant il aimoit la paix, & desirant aussi estonner les ennemis pour donner moyen à Manuel de se retirer sauf, comme il fit. D'autrepart Leme fit vne protestation solennelle deuant vn notaire public, qu'il n'auoit fait tirer ces coups de harquebuzes, sinon pour se defendre, & ne pretendoit nullemēt enfreindre le traité de paix. Cela fait il se retira dedans la citadelle, mais les assaillans retournerent & se rendrent tout aupres: ce que luy voyant sortir avec cens soldats, dont Aluarez de Cugne, qui marchoit le premier conduisoit la moitié, & Leme l'autre. Ils chargerent les ennemis, en bleferent & tuerent quelques vns, puis reuindrent en la citadelle, contre laquelle ceux de dehors ne cesserent de tirer fleches & harquebuzades tout le long du iour. Le lendemain ils se tindrent cois, sans mōstrer aucun semblant de guerre. Sur ce vn Naire nommé Punache, cousin du Roy de Calecut, & pensionnaire de celuy de Portugal pour maintenir le party des Portugallois, ausquels il portoit grande amitié, ayant quelque loisir de communiquer avecques Leme s'approcha de la citadelle, & avec vn visage fort abatu, pria Leme de ne se fier au Roy de Calecut, pource qu'il estoit entierement resolu de poursuiure les Portugallois à toute outrance: ce qu'il auoit bien voulu luy faire entendre, estant obligé de procurer le bien du Roy de Portugal. Ce Naire & les autres qui seruoient à la douanne s'en retournerent pleurans à chaudes larmes, apres s'estre iettez à genoux & demandé pardon à Leme de ce qu'ils ne pouuoient luy faire seruice en ceste guerre, laquelle commença quelque temps apres. Or Leme n'estoit pas en trop grand peine de cela, car l'esté approchoit, au moyen dequoy ils s'asseuroit de la venue d'un nouueau Viceroy qui luy donneroit secours. Pourtant il n'auertit de rien

Louys de Meneséz qui seiournoit d'ordinaire en Cochim. Au reste, d'autant que les ennemis se logeoient entre certaines parois proches de la citadelle, Leme fit quelques sorties à leur desauantage, & vne fois mit le feu en la ville, brullât vn rang de maisons: surquoy les ennemis attacherent vne furieuse escarmouche, en laquelle ils perdirent beaucoup de gés, au cōtraire Leme & les siens se retirerent entiers dedans leur forteresse.

19.

Differēs entre le Roy Ieā troisiēme & l'Empereur Charles cinquiēme, sur la conqueste des Molucques.

N O V S auōs veu au liure precedent vn ample discours sur la navigation de Magellan, & le retour de Iean Sebastian avec la nauire renommee, & meritant plus que nul le autre le nom de Viētoire, en Espagne au mois de Septembre, l'an mil cinq cens vingdeux. L'Empereur receut vn merueilleux contentement au recit de ceste navigation, entendant qu'on pouuoit aller aux Molucques par ses pays mesmes, & de ce qu'on luy apporta que quelques Roys & seigneurs de ces isles, s'estoyent rendus les tributaires. Il remercia & recompensa de grands biens Iean Sebastian pour les bonnes nouuelles qu'il rapportoit. Cela fut incontinent publié par tout, & le different autresfois esmeu, pour le partage que le Pape auoit fait du nouueau monde, se renouuella entre les Portugallois & Espagnols, par les rapports de Iean Sebastian. qui soustenoit que les Portugallois n'estoyent point encores entrez aux Molucques. Ceux du conseil des Indes conseillerent l'Empereur de faire continuer la navigation & trafic de l'espicerie, puis que cela estoit sien, & qu'il auoit passage par les Indes Occidentales, remonstrans que ce seroit vn moyen de receuoir de grands deniers, & s'asseurer d'un reuenu inestimable: qu'avec cela ses royaumes & suiets s'enrichissoient sans faire grande despense. L'Empereur suyuant ce conseil commanda que lon continuast ce trafic, ce qu'entendu par le Roy de Portugal, & considerant les maux qui en pouuoient auenir d'vne part & d'autre, pria l'Empereur de n'enuoyer aucune flotte aux Molucques, que premierement on n'eust disputé du partage & veu à qui elles appartenoyent, autrement ce seroit donner occasion aux Espagnols & Portugallois de s'entreuer, quand ils se retrouueroyēt en ces isles. Apres quelques allées & venus ils accorderēt que

ce différent seroit verifié par gens entédus en la Geographie & par pilotes experts promettās & iurās auoir pour agreable ce que ceux là en resouldroyent ensemble. Les deleguez de l'Empereur & du Roy de Portugal se trouuerent a Vadajoz & Elbes, villes prochaines & sur les frontieres des deux royaumes, au commencement de l'an mil cinq cens vingt quatre, & apres auoir perdu du temps à des ceremonies, pour sçauoir où se feroit la premiere entreuenē, & qui parleroit le premier, finalement ils accorderent de se voir & saluer à Caya, qui est vn ruisseau seruant de borne aux royaumes de Castille & de Portugal, au milieu du chemin de Vadajoz à Elbes. En apres ils s'assembloyent vn iour à Vadajoz, l'autres à Elbes. Ils furent plusieurs iours à examiner les globes, chartes marines, & rapports des pilotes : puis entrerent en dispute du partage, des degrez de longitude & latitude des premiers decouureurs & navigateurs aux Moluques, chascun voulāt faire sa cause bone, & dōt leurs historiens ne s'accordent nullemēt, cōme il en appert de ce qu'Oforius en a discouru cy deuāt, & de ce que Gomara Espagnol en escrit au troisieme liure de son hostoire generale des Indes Occidentales. Ils furent aussi enuiron deux moys sans vouloir rien resoudre : & finalement les deputez Espagnols marquerent la ligne du partage entre les deux Roys, par le milieu du globe à 1480. mil de saint Anthoine qui est l'isle la plus Occidentale de celles du Cap. verd, suiuant la capitulation faite (comme ils disent) entre les Roys d'Espagne & de Portugal : & là dessus prononcerent sur le bord de Caya leur sentence au proufit de l'Empereur, laquelle ne fut aprouuee des Portugallois, & ainsi se departirent sans auoir rien conclud. Il auint lors vn cas pour rire, & neantmoins qui vaut la peine d'en toucher quelque mot. Comme les deputez de Portugal venoyent à l'assemblee ordinaire & passoyent vn ruisseau nommé Guadiana, vn petit enfant gardāt du linge que sa mere auoit laué & là estendu pour seicher, leur demāda si c'estoyent eux qui deuoyent venir pour partager le mōde avec l'Empereur. Ayans respōdu qu'ouy, l'enfant leua sa chemise, & leur mōstra son derriere disant tout haut, marquez la ligne par le millieu de

ce pertuis. Ce trait de rîse vola incontinent par tout, dôt les vns rioient, les autres estimoient l'enfant auoir esté aposté par quelque particulier pour se mocquer des Portugallois, ou plustost des Espagnols & Portugallois ensemble. Quant à la capitulation sur laquelle les deputez Espagnols fonderent leur sentéce pour adiuger les Molucques à l'Empereur, voicy ce que Gomara en dit au liure susmentionné. Les Espagnols & Portugallois aucyēt fort contesté ensemble pour la mine d'or descouuerte en Guine l'an mil quatre cens septante deux, du temps qu'Alfonse cinquiésme estoit Roy de Portugal. Ce trafic estoit d'un merueilleux proufit, d'autant que les Negres pour choses de petite valeur bailloyēt de l'or à poignées. Il y auoit encor cela, qu'Alfonse prétēdoit le royaume de Portugal estre sien à cause de sa femme nomēee Ieanne. Mais ces querelles prindrent fin par la bataille que gaigna Fernand Roy de Castille contre Alfonso à Temulos pres la ville de Toro. Et quāt à la mine de Guinee il la quitta, aimāt mieux guerroyer les Mores de Grenade que trafiquer avec les Negres. Ainsi le Roy de Portugal demeura seigneur de ceste mine, & de tout ce qu'il pourroit cōquerir en l'Afrique: ce qui estoit raisonnable, attendu que le commencement de ces conquestes vint de Henry Prince de Portugal. Le Pape Alexandre sixiésme ayant entendu le descouurement du nouueau monde fait par ces deux Roys, & les debats suruenues entre eux à qui en seroit le maistre, de son propre mouuement & de sa pure volonté (fondée sur le pouuoir que luy & ses predecesseurs se sont attribué sur tous les royaumes & pays du monde) donna aux Roys de Castille les Indes, & aux Roys de Portugal toute la coste d'Afrique, à la charge de conuertir les pauvres barbares à la religion Romaine. Et afin que l'un n'entreprinst rien sur l'autre, il fit tirer sur le golbe vne ligne tombant de Septentrion au Midi, qui passeroit vers l'Occident plus de 400. mil loin de l'une des isles de Cap verd, afin qu'elle ne touchast point sur l'Afrique qui appartēnoit au Roy de Portugal. Ceste ligne tranchoit en deux tout le monde, & seruoit de borne aux conquestes de ces deux Roys, la partie Orientale appartenāt aux Portugallois, l'Occidentale aux

Espagnols. Le Roy Iean second ayant leu la beule & donation d'Alexandre, qui auoit ainsi fait ce partage à la requeste des ambassadeurs de Portugal, cōmença à se plaindre du Roy d'Espagne qui luy coupoit par tel moyen le chemin à ses conquestes & richesses. Il appella donc de ceste bulle demandant qu'outre les quatre cens mil, la ligne fust mise vers l'Occident à 1200. mil, & aussi tost despescha des vaisseaux avec pilote & geographes des plus experts, pour costoyer toute l'Afrique, s'il estoit possible. Le Roy d'Espagne voulant viure en paix entendit à appointement: de sorte qu'ils enuoyerent à leurs ambassadeurs amples memoires pour en dresser vn nouvel accord deuant le Pape, consentant celuy d'Espagne, qu'outre les quatre cens mil la ligne seroit mise vers l'Occident à 1080. mil. Ce qui fut confirmé depuis en la ville de Tordefillas le septiesme iour de Iuin, l'an mil quatre cens nonante quatre. Nos Rois (dit Gomara) pesans perdre du pays par l'ottroy qu'ils auoyent fait de ces 1080. mil, gaignerent au contraire les Molucques & plusieurs autres isles tres riches, & le Roy de Portugal par sa demande se trompa, ou fut deceu par les siens mesmes, qui ne sçauoyent pas bien encores où estoient situées ces isles. Mais Olorius est de tout autre auis, comme il appert de ce qu'il en discourt ci deuant, page 432. dequoy ie ne veux faire aucune conclusion, laissant en la liberté du lecteur de considerer les globes & chartes, puis prendre le compas, & en estimer puis apres ce qu'il verra plus approcher de la verité. Tant y a que les Espagnols & Portugallois continuerent leurs nauigations aux Molucques, avec les accidens & issues que nous verrons ci apres.

Pour reprendre le propos du gouuernement des Indes Orientales, le Roy Iean troisieme desirant rappeler en Portugal Edouard de Menesez, enuoya pour Viceroy Vasque de Gama Contre de Vidgueire & grand Amiral de la mer Indienne, avec vne flotte de quatorze voiles, à sçauoir sept nauires, quatre carauelles & trois gallions. Pour adioints il auoit Henry de Menesez ordonné gouuerneur d'Ormus, & Viceroy, cas auenât que Gama mourut durant le temps de sa charge: Pierre Ma-

20.

Vasque de

Gama esleu

Viceroy des

Indes: sa na-

uigation son

arrisee en Co-

chim, Et l'or-

dre qu'il don-

na aux affai-

res.

Fes

me

ur

de

rie

o d

scaregne gouverneur de Malaca, nommé successeur de
 Menefez : Lopez de Sampaja gouverneur de Cochim &
 le troisieme en nomination pour la charge de Viceroy.
 François de Sa, François Britio, Anthoine de Sylueire,
 George de Menefez, Fernand Monroy & Alphonse Mes-
 sie y estoient aussi avec charge, ensemble Gaspar Mail-
 lorquin, Christofle Rosade & Roderic Gonsalve : tous
 ces capitaines suivis de bons soldats bien equippez, les
 vaisseaux bien armez & fournis de toutes choses neces-
 saires. Ils s'embarquerent le neuvesime iour d'Auril l'an
 mil cinq cens vingt quatre, & eurent vne navigation fas-
 cheuse & perilleuse, car François Britio, Gaspar Maillor-
 quin & Christofle Rosade se perdirent avec vne nauires &
 deux carauelles, tellement que depuis ils ne furent veuz.
 Le gallion de Fernand Monroy fit naufrage pres de
 Melinde : & quant aux autres vaisseaux, ils perdirent beau-
 coup de gens par diuerses maladies, & n'allerent iamais
 de mesme vent, ains tous l'un d'un costé, l'autre de l'autre.
 Estans arriuez à Mozambique ils partirent incontinent
 pour gagner l'Inde basse, & approchans de la coste le si-
 xiesme de Septembre furent battus d'une furieuse tour-
 mente & sur le point de se perdre tous, mais il en eschap-
 perent finalement. Peu de iours apres ils descouurent vne
 nef de Mores faisans voile d'Adé en Inde, lesquels fu-
 rent arrestez par le gallion de George de Menefez, & trou-
 ua on en leur nef soixante mille ducats en deniers, & deux
 cens mil en marchandise, dont le Viceroy se saisit, puis
 tost apres alla surgir au haure de Chaul, où il declaira
 sa commission, comme le Roy luy auoit commandé, &
 fut là trois iours à l'anchre sans descendre en terre, ni per-
 mettre qu'aucun y descendist, fors Jean de Soire audi-
 teur general des Indes & Sebastian Louys secretaire de
 Cochim, auxquels le Viceroy commanda d'aller visiter
 en son nom la forteresse de Chaul, & faire publier que
 tous ses soldats non mariez ny de la garde du lieu eussent
 à s'embarquer promptement & suivre le nouveau Vice-
 roy à peine de perdre leurs gages, & estre priuez de vi-
 ures. Il comanda aussi à Christofle de Souze capitaine de
 la citadelle, que si Edouard de Menefez party d'Ormuz
 arriuoit en ce port, il ne luy laissast prendre terre & ne

luy fournist viures pour plus de quatre iours : ce qui fut executé de point en point. Et comme il ne vouloit permettre à aucun de descendre en terre, aussi defendit il d'y enuoyer sorte aucune de marchandise, dont plusieurs furent endommagez ayans commodité de vendre & gagner en cellieu. Aussi refusa il aux malades de sa flotte le congé qu'ils luy demadoient d'aller en terre ferme pour se refaire en chageant d'air quelque instance qu'ils en fissent, ains print la route de Goa. Et pource qu'il luy estoit necessaire d'aller voir la ville & dōner ordre à quelques affaires concernans le seruice du Roy, pour aller aussi en Cochim, il laissa pour lieutenant en la flotte George de Menefez. On le receut en Goa avec les ceremonies accoustumées, & lors plusieurs se plainquirent de Frâcisque Pereire capitaine de la citadelle, l'accusans de diuers outrages faits à la pluspart des citadins, & des grandes debtes qu'il ne vouloit payer. A l'occasion de telles charges le Viceroy le degrada de son estat, & le bailla à Henry de Menefez, disant cela estre expedient pour le bien du pays, encores que Menefez fust designé gounerneur d'Ormuz. D'auantage il fit emprisonner Pereire pour le chastier selon ses demerites, & le contraignoit de payer ses debtes au serment des creâciers, sans autre preuue. Pereire voyant sa ruine, & que plusieurs demandoient plus qu'il ne leur estoit deu, fit porter tout son argent en la maison du Viceroy, le suppliant de ne faire iurer personne si Pereire luy deuoit ou nō, mais de faire publier à son de trompe que qui prétendroit toucher deniers de Pereire les alast demander au Viceroy qui les feroit deliurer. Par ce moyen Pereire s'acquitta de ses debtes par la prudence du Viceroy qui tint la main à ce que chascun eust son droit & non plus. Il fit d'autres bonnes ordonnances pour entretenir son armee en bon ordre & en paix, pouruoyant à beaucoup de confusions qui auoyēt enuéné la discipline militaire par la licence de ses deuanciers. Durant son seiour en Goa, il deuint malade & continua la maladie iusques à sa mort: ce pendant il donna ordre à diuers affaires pour l'entretienement de l'armee, puis arriua en Cochim sur la fin d'Octobre, où il rangea aussi toutes choses à point, mais vn peu trop exacte-

ment au gré de plusieurs, nommément des Indiens, dont la plupart quitterent le party de Portugal & se rangerent à celuy de Calecut, encore que tous tremblassent au bruit de la venue de Gama qui les auoit maniez viuement, comme nous l'auons veu és premiers liures de ceste hystoire. Luy voyant de quelle consequence ces reuoltez estoient, afin d'obuier au mal auenir de pescha le roisme de Soule avec trois cens Portugallois pour garder la coste de Calecut, & fauoriser par tous moyens ceux de la citadelle. Soule estant au deffous de Calecut trouua pres du canal quarante barques sous la charge d'un capitaine More nommé Cutial de Capocate, lequel pilloit les viures qu'on menoit par mer en la citadelle. Incotinient Soule les aborde & commence à les saluer de force canonnades; les Mores respondirent de mesmes, & dura ceste escarmouche l'espace de deux heures iusques à la nuict, sans que les vns eussent grand auantage sur les autres. Le lendemain dès le point du iour ils recommencerent, mais finalement les Mores furent mis en route & poursuiuis iusques en Cananor, où la plupart furēt tuez & perirent en la mer avec bon nombre de leurs barques: puis Soule se retira en la coste visitant par fois la citadelle de Calecut & la fournissant de victuailles.

21.
*Deux grâdes
 victoires obtenues par
 George Tellio
 sur les Calecutiens.*

O & pource que les Calecutiens faisoient leurs triôphes sur mer en ce temps là, tant ils tenoyent peu de côte des Portugallois, ils ne se contentoyent pas de mener le poyure en Arabie, ains aussi le transportoyent au royaume de Cambaye, & tous les iours passoyent par brauades vis à vis de Goa, sans que personne leur contredist, à cause que Louys Machiade, commis pour la garde de ceste coste, estoit allé avec le Viceroy & par son commandement iusques en Cochim. Henry de Menesez fasché iusques au bout de l'insolence de ces Malabares acheta vne fuste d'un marchant nouuellement arriué en l'isle de Goa, la fit equipper & fournir d'artillerie de viures & de gens, sous la charge de George Tellio son neuen, vaillant capitaine entre tous ceux de son temps, auquel il commanda d'aller descouurir le nombre des barques portans le poyure de Calecut à Cambaye. Tellio qui ne demandoit que guerre, ne se contente pas de descouurir de

loin, ains approche & canonne tellement les barques, qu'il en met les vnes à fond, rompt l'équipage des autres, tue grand nombre de gens, se retirant à l'aïse à cause de la viffesse de sa fuste. Sur ces entrefaites les Mores de Calecut ayant entendu le bruit de ces courses de George Tellio delibererent l'attrapper, armans pour cest effect trente barques chargees de poyure & de soldars, desquels estoit chef vn More nommé China Cutial. En ce temps, Tellio auoit deux fustes & trois brigantins, chargez de soixante hommes de guerre, harquebuziers pour la plupart. En cest equipage il donne bataille à Cutial, le desfait, conqueste sept barques chargees de poyure & d'artillerie, avec deux autres qui demeurerent arrestees en la coste: le reste gaigna le haut, sans que Tellio eust perdu vn seul home. Avec ce butin Tellio fit voile en Goa, d'où apres s'estre deschargé il remōta sur mer en sa fuste, & à bout de quelques iours trouua vne nef de Calecut accompagnée de neuf barques bien munies d'artillerie & de gens. Ce nonobstant Tellio les assaillit de telle vigueur qu'il escarta ceste flotte, apres auoir tué la plupart des Mores, conquist trois barques pres du riuage, & incontinent se saisit de la nef mesme, puis la mena avec les barques en Goa, où il fut recueilly comme sa vaillance le meritoit, ayant obtenu deux si belles victoires sur les Malabares, qui de là en auant redouterent les Portugallois plus que de coustume, & ne furent pas si estourdis que par le passé.

CO M M E Vasco de Gama se preparoit pour aller en Calecut, sa maladie acréut tellement qu'il luy fut impossible de vacquer aux affaires, desquelles il remit la charge durāt ceste difficulté à Lopez de Sápajo capitaine de Cochim, lequel tint la main fort soigneusement à ce que toutes choses demeuraissent paisibles durant ceste maladie. Surce, Edouard de Menesex partit d'Ormuz, & sans aucune rencontre vint surgir au port de Chaul: mais il fut empesché par Crisofle de Soufe, capitaine de la tadelle, de mettre pied à terre, suiuant la charge que ma luy auoir donnée. Autant luy en fit Héry de Menesex en Goa, tellement qu'Edouard fut contraint suiure sa route d'vne traite iusques au port de Cochim, Gama entē-

22.

Arrivee d'Edouard

de

Menesex

en

Cochim, où il

se demet de sa

charge, sui-

uant la teneur

des lettres du

Roy: & Vasco

de Gama

meurt.

Fes

me

ur

de

r: e

o d

dant ceste arriuee, enuoya incontînêt Lopez de Sampajo vers Edouard luy monstrier les lettres & la charge de Viceroy, & porter celles que le Roy Jean luy escriuoit. Par les lettres d'estat de Gama il estoit commandé à Meneséz qu'après icelles veuës il eust à se desmettre de sa charge és mains de Vasque de Gama estably en son lieu, sans faire de là en auant aucun acte de Viceroy, ordonnant à tous Portugallois d'obeir à Gama en ceste qualité, & que toutes les places, armes, munitions de guerre & finances luy fussent consignees, pour en disposer au bien des affaires du Roy. Les lettres adreslées à Meneséz estoient de mesme substance, soussignées toutes deux de la main du Roy & de son premier secretaire, au mois de Feurier l'an mil cinq cens vingt quatre. Meneséz ayant leu ces deux lettres, Lopez luy defendit de la part du Viceroy de mettre pied à terre, dont Meneséz fut si depité, qu'il reprocha à Lopez l'honneur qu'il auoit receu de son pere, & qu'il ne deuoit luy estre aduersaire, ny s'opposer à ses desseins comme il faisoit en entreprenant telle cômmission. Lopez s'excusa, disant ne faire rien contre Meneséz, ny outre son deuoir, puis que c'estoit pour le seruice du Roy de Portugal, de qui tous deux estoient suiets. Au reste, Meneséz ne renonça pas du premier coup au gouvernement des Indes: car sçachant que le Viceroy estoit malade, en cas qu'iceluy mourût il pësoit demeurer encores en charge. Pourtant ses responses estoient couuertes & ambiguës: mais l'Auditeur general, suiuant le deu de sa charge, après quelques contestations & responses picquantes de part & d'autre, le contraignit de quitter l'estat à Vasque de Gama és mains de Lopez & de l'Auditeur, qui luy en bailla acte public le quatriesme iour de Decembre, en presence de plusieurs Capitaines. Après que cest acte eust esté deliuré à Edouard, Lopez se retira dedàs Cochim, ou Louys de Meneséz alla aussi sous couleur de donner ordre à ce qui estoit requis pour le voyage de son frere: mais à la verité c'estoit pour remettre le gouvernement des Indes és mains de son frere, si Gama mouroit, comme il y auoit apparence qu'il ne pouuoit plus guerres viure. Lopez ayât ouy quelque vent de ceste deliberation, & pensant aux dangers qui s'en pourroyent ensuiure, alla trouuer Louys

de Menefez, & en presence de l'Auditeur general & du superintendant des finances le pria doucement de s'embarquer au plustost pour le bien des affaires du Roy. Et pource que Louys restituoit, il luy commanda de la part du Roy de Portugal de sortir promptement, & remonter en son vaisseau, autrement il le chasseroit par force: ce qui fut dit en telle autorité que Louys s'embarqua tout à l'heure, & par ce moyen s'appaierent tous les bruits qui commençoient desjà à s'esmouvoir. Le Viceroy sçachant telles menées, & sentant croistre son mal, pour ne laisser apres sa mort aucune occasion de debat, fit venir en sa chambre tous les Capitaines & gentilshommes, les pria d'obeir à Lopez de Sampajo, iusques à ce qu'on auroit ouuert les lettres de la succession, pour sçauoir quel Seigneur ou Capitaine le Roy auoit designé pour succeder & estre Viceroy apres le trespas de Gama. Tous luy promirent faire ce qu'il requeroit, & lors Gama se despoillant de toutes pensées mondaines, après auoir pourueu à sa conscience avec les ceremonies accoustumées, mourut le vingtquatriesme iour de Decembre, l'an mil cinq cens vingtquatre, & fut enterré avec beaucoup d'honneurs au grand temple de Cochim. Les notables exploits de ce Seigneur, amplement descrits au premier & au second liure, sont bons tesmoins de sa sagesse & vaillance, & recommandent son nom, pour auoir esté le premier qui a ouuert le chemin des Indes Orientales par le cap de bonne esperance.

FIN DV QUATORZIESME LIVRE.



LE QVINZIESME LI- VRE DE L'HISTOIRE DE PORTVGAL.

SOMMAIRE.

1. Henry de Menesex declairé Viceroy apres la mort de Vasque de Gama.
2. Ordre donné aux affaires par Menesex ayant receu nouvelles de la charge qui luy estoit commise.
3. Combat de Menesex contre une flotte de Calecut, & l'exécution à mort de Momelox en la Citadelle de Cananor.
4. Exploits de guerre d'Hector de Sylveire contre les Calecutiens.
5. Negotiation de Paix entre le Roy de Calecut & Jean de Leme Capitaine de la Citadelle.
6. Responce du Viceroy à la paix que demandoit le Roy de Calecut.
7. Ce que le Viceroy fit en Panane au preiudice du Roy de Calecut.
8. Entreprises des Portugallois contre la ville de Calecut.
9. Navigation des Portugallois au port de Coulete.
10. Quel deuoir le Viceroy & ses Capitaines firent pour s'emparer de Coulete.
11. Bataille par mer & par terre pres de Coulete, & l'issue d'icelle.
12. Pourparler entre le Viceroy & le Roy de Cananor: & la responce aux lettres du Roy d'Ormuz & de Raix Xerax.
13. Combat de Fernand de Leme à l'embouchure du fleuve de Mangalor: & navigation de Pierre Mascaregne en Malaca.

14. Rencontre sur mer entre Simon de Menesex & soixante barques de Malabares, & ce qui en aduint.
15. Bataille navale des Portugallois contre les Turcs, & le succes d'icelle.
16. Victoire notable des Portugallois en l'Isle de Zeilan.
17. Mores desfaits par Anthoine de Mirande au cap de Guardafu.
18. Ce qui aduint à Martin Alphonse Melio & à Garsie Henriquez en l'Isle de Bandan.
19. Martin Alphonse de Souze desfait avec sa flotte par Laqueximene Admiral de Bintam.
20. Retraite des Portugallois en Malaca apres leur desfaite.
21. Exploits de Laqueximene apres sa victoire.
22. Laqueximene & le Roy de Draguin desfaits par la flotte de Portugal venue au secours du Roy de Lingue.
23. Recommencement de guerre du Roy de Bintam contre Malaca, & quel en fut le succes.
24. Pierre Mascaregne estably gouverneur en Malaca, & ses premiers exploits.
25. Arrivee de Garsie Henriquez aux Molucques, & ce qu'il y fit.

VN jour apres l'enterrement de Vasque de Gama, Lopez de Sampajo, le superintendant des finances, l'auditeur general, tous les gentilshommes, Capitaines & autres personnes de marque s'assemblerent au grand temple de Cochim pour voir ouvrir les lettres du Roy touchant la premiere succession. L'auditeur presenta devant tous un paquet clos & scellé de cinq sceaux, sur lequel ces mots estoient escripts, Que les presentes soyent ouvertes incontinent, au cas que Vasque de Gama grand Admiral & nostre lieutenant es Indes aille de vie à trespas, ce que Dieu ne vueille. Le dedans de ces lettres fut leu tout haut, & cōtenoit ce qui s'ensuit. Nous Jean Roy de Portugal, faisons scauoir à tous nos Capitaines de nauires & forteresses es Indes, & aux Capitaines de tous vaisseaux partans de ce Royaume ou y retournans chargez, aux gentilshommes, Cheualiers, soldats appointez de par nous es Indes, & à tous autres nos officiers & suiers qui ces presentes lettres

I.

Hery de Menesex declai-
né Viceroy a-
pres la mort
de Vasque de
Gama.

Fes
me
ur
de
rie
ô d

verront, que pour la fiance que nous auons en Henry de Menefez gentilhomme de nostre maison, qu'il scaura nous bien seruir & rendre bon compte de ses actions en tout ce à quoy nous plaira l'employer, voulons & nous plait, cas, auenant que Vasque de Gama Conte de Vidigueire, grand Admiral de la Mer Indique, & nostre lieutenant es Indes, aille de vie à trespas, que ledit Henry luy succede en sa lieutenance & charge de Viceroy, iouissant de la mesme autorité que nous auons donnée à son predecesseur. Pourtant nous vous faisons scauoir cecy, vous commandons à tous en general & à chascun en particulier, que en ce cas vous l'acceptiez pour vostre general & gouverneur en tous ces quartiers, luy obeissans, executans ses aduis & commandemens, comme d'un Viceroy, & selon qu'estes obligez de faire à l'endroit de nostre Capitaine & lieutenant general. & qu'en toutes choses vous le laissez user de mesme autorité & pouuoir que nous auons donnez au Viceroy Gama par nos lettres patentes, sans rien reuoker en doute ny dispute. Car tel est nostre plaisir: & si vous faites ainsi, comme nous l'esperons, vous ferez vostre deuoir, comme aussi vous y estes obligez, & le tiendrons pour vn des plus grands seruices que nous scauriez faire. Donné à Euorale dixiesme iour de Feurier mil cinq cens vingtquatre. Ces lettres estoient signees du Roy & d'un de ses secretaires. Tous ceux qui se trouuerent à la lecture d'icelles acceptèrent Henry de Menefez pour Viceroy, & en attendant sa venue, suivant la requeste de Gama obeirent à Lopez de Sampajo, lequel enuoya vne galere, deux fustes & deux brigantins pour amener Menefez qui estoit en Goa. Lopez demeura en Cochim pour faire equipper la flotte qui deuoit faire voile en Portugal. Il estoit empestre en beaucoup d'autres difficultez pour tenir Cochim en paix, car il y auoit lors en la ville plus de quatre mil Portugallois, qui n'estoyent de guerres bon accord à cause des inimitiez suruenues entre Edouard & Louys de Menefez contre Estienne de Gama fils du Viceroy. Il y auoit aussi des gentilshommes adherans aux deux partis contraires, tellement que les choses tendoyent à grande confusion, si Lopez n'y eust soigneusement pourueu. Mais il ne estoit d'aller iour & nuit par la ville

avec l'Auditeur general & force soldats, separant les quel-
 les par gracieuses remonstrances : en quoy l'heur le fa-
 uorisa tant que iamais les soldats, quoy qu'en nombre si
 grand & de contraire humeur, ne vindrent aux mains. Au-
 reste, en attendant la venue du Viceroy Henry de Mene-
 sez, Sampajo comme Capitaine general commit Simon
 Sodre pour aller avec quelques vaisseaux es Isles de Mal-
 diuar, tant pour butiner sur les ennemis que pour conser-
 uer le trafic & commerce libre. Il enuoya aussi en Ormus
 quatre nauires chargees de diuerses marchandises appar-
 tenants au Roy de Portugal, pour estre serrees en la
 douanne : & donna charge d'une flotte de trois gallions
 & d'une Carauelle à Anthoine Mirande d'Azevede, pour
 courir au long du cap de Guardafu, & Fernand Martinez
 de Soufe en Melinde : suivant en toutes ces despesches la
 volonté de Vasque de Gama. Tout ce que dessus expédié,
 Edouard de Menesez partit avec cinq nauires pour reue-
 nir en Portugal, & haussa les voiles le vingtiesme iour de
 Ianuier, l'an mil cinq cens vingtcinq, emmenant son frere
 Louys de Menesez, lequel se perdit en chemin avec son
 vaisseau, tellement que depuis on n'en ouit aucunes nou-
 uelles, & qu'à Edouard, ainsi qu'il vouloit prendre terre
 pres de Scimbre en Portugal, la nauire se rōpit en la co-
 ste : tellement que ce Seigneur fut aussi peu heureux à son
 retour des Indes qu'il y auoit esté durant son sejour.

HENRY de Menesez ayant receu les nouvelles de la
 charge qui luy estoit commise, delibera s'acquiescer de son
 deuoir : se plaignant neantmoins de Sampajo & des au-
 tres qui auoyent enuoyé les vaisseaux au loin, estant l'In-
 de basse en grande necessité d'armée navale, à cause de la
 guerre de Calecut & d'autres affaires : Ité de ce que Sam-
 pajo ne luy enuoyoit toutes les forces de Cochim pour
 assaillir les Mores qui rodoyent au long de ceste coste,
 car il auoit resolu de leur courir sus, & chastier ces cour-
 saires de tant de maux qu'ils auoyent commis à l'endroit
 des Portugallois. Vn peu apres cela, Cidial Ambassadeur
 de Melichiaz gouuerneur de Diu, print port en l'Isle de
 Goa, disant estre enuoyé expres pour sçauoir au vray si
 Menesez estoit Viceroy, comme le bruit en courroit par
 tout : & quand ainsi ne seroit neantmoins il auoit charge

1525.

2.

Ordre donné
 aux affaires
 par Menesez
 ayant receu
 nouvelles de
 la charge qui
 luy estoit co-
 mise.

Fer-
 me
 ur
 de
 r'e
 d

de luy dire que Melichiaz estoit prest de faire seruice au Roy de Portugal, desiroit bien fort l'amitié de Menesez, en resmoignage dequoy il luy enuoyoit vn present d'armes, des bardes & harnachemens de cheuaux, & autres choses de grand pris. Menesez ayant ouy l'ambassade ne voulut receuoir les presens, s'excitant que ce n'estoit à luy qu'ils appartenoyent, promit au reste de faire response, & se porta dextremement en cela, afin de descouurir l'intention de Melichiaz qui enuoyoit cest espion pour cōsiderer tout le pays. D'auantage Menesez ne vouloit aucun appointement avec Melichiaz, ains desiroit luy courir sus pour se reuenger du tort qu'il auoit receu de Melichiaz sans aucune occasion, du temps de laques Lopez de Siqueira: ioint qu'il entendit de deux Portugallois venus avec Cidial, qu'à leur partement de Diu ils auoyent laissé au port deux nauires chargees de bois, que Melichiaz enuoyoit au port de Iude en Arabie, pour refaire certaines galeres Turquesques qui attendoyent là. Ainsi donc, Menesez voulant ainer Melichiaz, delibera par l'aduis de Francisque de Sa, Hector de Sylueire & autres gentilhommes, d'entretenir Cidial tant qu'il luy enuoyeroit & prendroit enuie de s'en retourner sans response: sinon de l'emmener en Cochim. Et pour empescher que les deux nauires qui deuoient porter le bois au port de Iude n'y allassent, il despescha promptement deux vaisseaux commandant aux Capitaines de faire voile en Chaul pour se ioinde à vn gallion & à vne Carauelle qui y estoient sous la charge de Manuel de Marede & d'un autre, puis aller ensemble espier les deux nauires de Diu, pour s'en saisir, & priuer les Turcs de ceste commodité. Ces Capitaines firent voile incontinent, & Menesez establet Francisque de Sa, gentilhomme de grand sens & experience, gouuerneur de Goa. Puis ayant donné ordre au reste des affaires, print la route de Cochim avec deux galeres & vne galiotte, accompagné de bon nombre de gentilhommes & Capitaines. Item de Ierosme de Soule general de quelques vaisseaux en la coste de Malabar, lequel fit vne course iusques en Goa, pour asseurer tant plus le voyage du Viceroy. Cidial les suiuit avec six barques que les Indiens nommēt Atalajés; mais il ne fit que-

res de chemin apres eux, car auant qu'arriuer à Batticala, il tira droit vers Diu, sans licence de Menesez, & estât arriué fit entendre à Melichiaz ce qu'il auoit veu, de telle sorte qu'il ne fut plus question de parler de paix.

Comme le Viceroy poursuioit sa route, on ouit lacher quelques coups de canon qui pouuoient estre assez loin. C'estoyent trente barques, de Malabares tenans assiéger le gallion de George de Menesez en la fosse de Batticala, pour le mettre à fond: mais il se defendoit brauement, & les soustint iusques à l'arriuee du Viceroy, car alors les Malabares, qui s'estimoient assez forts pour les Portugallois, quitterent le gallion pour faire teste à la flotte entiere, & commencerent à se canonner furieusement de part & d'autre, puis vindrent aux mains, & apres long combat les Malabares furent desfaits, perdirent dix huit barques avec force d'artillerie, & grand nombre d'esclaves que les Portugallois prindrent, sans les autres barques brisees du canon & peries en mer. Les Malabares perdirent la pluspart de leurs gens, & les Portugallois bien peu. Au partir de là le Viceroy rencontre Anthoine de Mirande qui faisoit voile au cap de Guatdalu, auquel il commanda & à deux autres Capitaines de demeurer en Inde pour le seruice du Roy. Quant au Capitaine de la Caruelle il l'enuoya au cap, afin de commander aux quatre vaisseaux enuoyez pour espier les deux nauires de Diu dont nous auons ja parlé plusieurs fois: & luy avec toute la flotte alla surgir en Cananor, où il entendit du Capitaine que Mamelez More renommé estoit en prison dedans la Citadelle à la poursuite du Roy de Cananor lequel il s'asseuroit estre sur le point de prier qu'on luy donnast Mamelez, pour ce qu'il esperoit tirer grande somme de deniers des autres Mores pour la deliurance d'iceluy. Le Viceroy voulât couper broche à telles mauuaises pratiques, & punir Mamelez s'il se trouuoit coupable, fit bailler le proces d'iceluy au conseil, & trouua-on tant de crimes en ce More qu'il fut condamné à mort & estranglé dedans la Citadelle: ce que le Viceroy commanda afin que le Roy de Cananor ne luy demandast plus Mamelez, & que luy n'eust la peine de disputer si on le liureroit ou non. Il craignoit aussi d'estre corrompu par

3.
Combat du Viceroy contre une flotte de Calecut; & l'execution de Mamelez en la citadelle de Cananor.

Ferme
de
rie
o d

presens, sçachant bien que les Mores s'employeroient avec tous leurs biens pour deliurer le plus apparent d'entre eux, s'assurant au reste de contenter le Roy de Cananor par belles paroles.

4.
*Mesconten-
mens du Roy
de Cananor,
et exploits de
guerre d'He-
ctor de Syl-
neire contre
les Calecu-
tiens.*

A peine Mamelez estoit expiré que voicy venir vn messager de la part du Roy de Cananor pour saluer le Viceroy, & luy dire que le Roy viendrait en personne dès le lendemain pour le voir: ce qu'il faisoit ne presumât aucunement que Mamelez fust mort. Le Viceroy tenant bonne mine fit response qu'il ne sçauoit venir de trop bonne heure: mais le Roy, sçachât dauantage au retour du messager, enuoya dire que son voyage estoit rompu, puis que on auoit fait mourir Mamelez, ne voulant pas que les autres Mores estimassent qu'il y eust consenty. A quoy Mamelez repliqua seuerement qu'ils esbahissoient qu'un tel Prince se formalizast pour la mort d'un meschant More qui auoit fait tant d'outrages au Roy de Portugal son Seigneur, & que chascun sçauoit auoir bien merité la mort: qu'il deuoit plustost se resiouir de ce supplice, afin de n'auoir plus les oreilles rompues par les Mores qui l'importunoient de demander Mamelez: qu'à la premiere commodité le Roy cognoistroit qu'on ne l'auoit point voulu despirer par telle execution. Par telles paroles gracieuses le Roy fut satisfait, & de là en auant pris beaucoup en son cœur le Viceroy, de ce qu'ayant tenu vn si riche prisonnier que Mamelez, duquel lon pouuoit tirer vn bien grosse rançon, il auoit eu plus d'esgard au seruice du Roy de Portugal qu'à son interest particulier. Or comme ce Roy Indien cognut bien qu'il n'estoit pas temps de faire le mauuais, aussi les Mores furent du tout desferrez & abatus par la mort de Mamelez, voyans qu'il falloit viure autrement que de coustume & charrier droit, pour ce que le Viceroy estoit homme pour ne supporter aucune chose mal faite, ayant son honneur en recommandation, avec le vouloir & les moyens de chastier les fols. Neantmoins ils aduertirent les Calecutiens & ceux de Cochim de ce qui estoit aduenü, dont ils furent fort estonnez, & cognoissans par cest acte vertueux que le Viceroy n'estoit point corrompu d'auarice, iugerent incontinent que c'estoit vn homme de valeur qui leur donneroit de la peine,

& autant en estima le Roy de Calecut quand il sceut la mort de Mamelez. Celuy de Cananor voyant qu'il n'y auoit plus de remede, voulut se preualoir de l'offre à luy faite par le Viceroy : pourtant le pria-il de faire bruster vn village de Mores nommé Maranie, assis delà vne riuiere qui separoit les Royaumes de Calecut & de Cananor, & ce d'autant que les habitans se vouloyent soustraire de l'obeissance du Roy de Cananor, de qui ils auoyent esté suiets. Le Viceroy voulant luy complaire, & affoiblir d'autant le party du Roy de Calecut, commit ceste entreprise à Hector de Sylucire & à trente soldats, qui s'embarquerent avec deux brigantins & commandement de faire mettre le feu au village, sans descendre en terre. Hector estant auprès y enuoya des mariniers qui commencerent en quelques maisons : mais sur ces entreprises les Mores sortirent en tel nombre & de tant d'endroits qu'ils enuolopperent les boteux, & les eussent saccager sans Hector, qui fut contraint sauter en terre avec tous ses soldats, contre le mandement du Viceroy. Or pource que les Mores se sentoient forts ils voulurent faire teste, & combattirent quelque peu : mais finalement, apres auoir perdu quelques compagnons, force leur fut de gagner au pied, de maniere que leur village & vingt-deux barques attachees au riuage furent brustees. Cela fait, Sylucire reprint le chemin de Cananor, & le Roy s'appaisa voyant que les Portugallois auoyent executé ce dont il les auoit requis.

DURANT la guerre du Roy de Calecut contre les Portugallois Iean de Leme Capitaine de la Citadelle & ses soldats estoient merueilleusement harassez, car les ennemis, qui estoient en fort grand nombre, assailloyent la Citadelle deux fois le iour, afin de bruster la factorerie & les munitions qui estoient dehors : mais à toutes les fois Leme sortoit pour les combattre, & s'en retournoit toujours avec perte notable du costé des ennemis. Mais luy & ses gens commençoient à succomber sous le faix, pource que les armes ne bougeoient de dessus leur dos, & de nuit les Calecutiens donnoient tât d'alarmes qu'il leur estoit impossible de reposer tant peu que ce fust. Neantmoins ils estoient bien resolus, & faisoient à qui mieux

*Negotiation
ds paix entre
le Roy de Ca-
lecute & Iean
de Leme Ca-
pitaine de la
Citadelle.*

*Fes
me
ur
de
rie
o d*

mieux, sur tous Iean de Leme lequel sortoit tousiours le
 premier au combat, & rentroit le dernier, ne se voulant
 fier de la garde de sa Citadelle à homme viuant, encores
 qu'il fust accompagné de plusieurs Capitaines ses parens
 & amis, qui s'estoyent merueilleusement bien portez en
 tous lieux. Ceste guerre tirant en longueur, le Roy de Ca-
 lecut, lors absent de la ville, enuoya querir son maistre de
 camp, ensemble vn Seigneur de quelques môtagnes voi-
 sines & son neveu, gens de grande conduite & experien-
 ce, qui amenerent grand nombre de bons soldats, tous
 Naires & la plupart harquebuziers: ce qui fit presumer
 au Roy de Calcut qu'à ceste fois il auroit la Citadelle,
 comme eux aussi se firent forts de l'emporter. Estans ar-
 riués à Calcut, la nuit suivante ils enuironnent la Ci-
 tadelle, avec vne grande scoppeterie. Leme fit sonner in-
 continent les trompettes, & salua les ennemis à coups de
 canon & de harquebuzes. Apres ceste careffe les trois Ca-
 pitaines Mores, marchans en grande pompe & arrogan-
 ce, à causes des forces qui les suiuyent, delibérerent ie-
 ter le feu en la factorerie & en la tour des munitions. Sui-
 uant ceste resolution ils assaillirent tost apres la Citadelle
 avec toutes leurs troupes au nōbre d'environ quinze mil
 hōmes, contre lesquels Leme sortit avec vingtcinq Por-
 tugallois d'un costé, & Vasque de Leme avec pareil nom-
 bre d'un autre: & lors cōmença le comba à coups de har-
 quebuzes, de picques & de coustelas. Entre autres actes
 memorables, le neveu de ce Seigneur des montagnes, es-
 tant attaché à Anthoine de Sa fut trāspércé d'un coup de
 picque & renuerse mort: ce qui descouragea tellement les
 ennemis, avec les autres pertes faites au mesme instant,
 qu'ils se sauuerent de viffesse, & Leme se retira aussi lais-
 sant grand nombre de Mores estendus sur la place, sans auoir
 perdu pas vn de ses soldats. Vray est qu'aucuns furent
 griefuement blesez, nommément George de Leme, le-
 quel mesmes apres sa blessure ne laissa de cōbatre vaillā-
 ment, & tua encores plusieurs ennemis. Quand le Roy de
 Calcut vid les affaires en si mauuais train, Héri de Mene-
 sez Viceroy, & ses barques defaites entre Goa & Cochim,
 il se repētit d'auoir cōmēcé la guerre, & desira la paix dōt
 il iouissoit au parauant. Pour la recouurer il enuoye de

mander trefues à Iean de Leme, durant lesquelles on ne-
gotieroit plus amplement avec le Viceroy. Son cousin
Punache, le gouuerneur & le Catoual de Calecut furent
deputez pour obtenir ceste trefue. Tous trois parlerent
à Leme, lequel respondit estre prest d'accorder la trefue
& la paix aussi au nom du Viceroy, moyennant qu'iceluy
ratifiast le tout: mais à condition qu'on liurast aux Por-
tugallois vn More nommé Patemacar, le plus riche &
auancé entre tous ceux de Cochim, lequel depuis ceste
guerre encommançee, s'estoit rangé au party du Roy de
Calecut, & avec quelques fustes endommageoit les Por-
tugallois autant qu'il luy estoit possible. Outreplus Leme
vouloit qu'on luy rendist toute l'artillerie prinse sur les
Portugallois, ensemble celle de Calecut, & toutes les
barques du royaume: & que le Roy payast tous les dom-
mages & interets receus par les Portugallois à l'occasion
de ceste guerre. Punache & les deux autres promirent
faire ratifier au Roy toutes les demandes de Leme, & fut
dressé vn acte souigné des parties pour la confirmation
de la trefue, en entendant le bon plaisir du Viceroy: &
lors tous actes d'hostilité cessèrent.

Le Viceroy seiournant en Cananor entendit qu'en la
ruiere de Mangalor, entre Cananor & Goa, l'on auoit
descouuert cent barques de Malabares bié equippez, re-
uenans de Cambaje où ils auoyent mené du poyure, &
rapportoyent du riz & autres victuailles, & attendoient
que le Viceroy fust passé pour se mettre à la voile der-
riere luy. Or d'autant que le Viceroy n'auoit la commo-
dité de les aller combattre, & d'autrepart ne vouloit per-
mettre qu'ils eschappassent, il commenda à Fernand Go-
meze de Leme d'aller clore l'embouchure de ceste rui-
re, ce qui fut executé avec vn gallion & deux galliottes.
Cela fait, le Viceroy s'embarqua, laissant Hector de Syl-
ueire pour commander en la citadelle de Cananor, &
emmena Simon de Menesex, lequel en estoit capitaine,
& qui fut content partir avec le Viceroy, esperant obte-
nir bien tost l'estat de grand Amiral des Indes, dequoy il
fut resolu tost apres contre son attéte, car le Viceroy de-
clara tout haut que ce n'estoit office à donner: neant-
moins Simon ne laissa de le suiure. Ils arriuerent de

6.
*Response de
Menesex Vi-
ceroy à la
paix que de-
mande le Roy
de Calecut.*

nuict pres de Calecut : & lors Jean de Leme vint trouver le Viceroy auquel il proposa les conditions proposees pour l'establissement d'une bonne paix, & que s'il demeureroit vn iour à l'anchre le gouverneur de Calecut luy en viendroît dire autant de la part du Roy. Mais le Viceroy qui connoissoit l'humeur de ce Roy, & des Mores qui ne procedoyent pas rondement en ce fait, & n'auoyent autre but que d'affopir la guerre durant l'esté, pour se fortifier l'huiuer suiuant, chargea Leme de dire au gouverneur que le Viceroy n'auoir plus grand haste que de roder promptement au long de la coste, pour y faire la guerre à feu & à sang : que si le Roy de Calecut vouloit la paix, il feroit des dommages passer, & que pour l'execution de ses promesses, il monstra payment, & que lors on parleroit de paix. Et afin que le gouverneur ne le trouuaît à l'anchre & ne l'entretint de paroles, il fit hausser les voiles, si tost que Leme se fust retiré. Le lendemain, Leme fit entendre la response du Viceroy au gouverneur lequel en auertit son maistre, dont s'ensuiuit vn grand esprit du Roy de Calecut contre les Portugallois : car il voyoit la resolution du Viceroy, & luy n'en vouloit prendre aucune, à l'occasion des Mores qui l'empeschoyent de ce faire, & l'enflammoient à la guerre. Il ne pretendoit donc autre chose sinon d'amuser le Viceroy, & pousser le temps à l'espaule, attendant l'huiuer qu'il esperoit par le moyen de ses forces s'emparer de la citadelle, & attraper tous ceux qui y estoient. Pour tenir encores mieux au Viceroy le bec en l'eau, comme on dit, il luy enuoya lettres en Cochim, l'auertissant que tout estoit prest pour satisfaire aux conditions : pourrant le prioit il de venir au plustost à Calecut, où il trouueroit tout ce qui deuoit estre assigné es mains de Jean de Leme. Aucuns estiment que ce Roy parloit à bon escient, mais que les Mores le corrompirent, craignans d'estre chassés de Calecut, si la paix se concludoit.

7.
Ce que le Viceroy fit en Panane au preindice du Roy de Calecut.

Le Viceroy arriué à Cochim fut receu avec toutes les solennitez & ceremonies accoustumées, & mis en possession du gouuernement des Indes. Or d'autant que la principale pensee estoit de retourner vistement en la coste de Calecut, pour y faire vne guerre cruelle au possible, il

ne seiourna dans Cochim que quinze ou seize iours : & laissant plusieurs autres affaires d'importance qu'il auoit en main, il s'embarqua pour aller en ceste guerre, de plus grande consequence (à son auis) que toutes les autres, pour recouurer le credit que les Portugallois auoyent perdu és Indes. Comme il s'apprestoit, on luy apporta les lettres du Roy de Calecut demadant la paix, & plaines de belles promesses touchant l'observatiõ des articles. Pour tesmoignage de cela, au bout de quatre iours le gouverneur de Panane luy enuoya dire que le Roy auoit commandé que certaines barques arrestees au port luy fussent deliurees, afin que ses deputez allassent conclure de tout. Le Viceroy sçachant à quelles gens il auoit à faire, voulut s'y trouuer en personne, afin que si on vouloit le paistre de bayes il commençast incontinent la guerre. Il partit donc de Cochim avec vne flotte de cinquante six voiles, à sçauoir deux galeres, quatre balteaux, cinq barques, dixneuf caturus, vingstix paraus, fustes, & brigatins. Son lieutenant en ceste armée navale sur Jean Melio de Sylues, capitaine de Coulam, personnage de grande autorité & experience, ayant pour capitaines Simõ de Menesez, Pierre Mascaregne, Roderic Pierre, George Norogne, Ierosme de Soute, Anthoine Personne, Roderic Capral, Anthoine de Menesez, George Tellio, Arias de Cugne, George Capral, Anthoine de Sylueire, Gomeze de Sotto-major, Fracisque Vasconcel, Pierre Vieil, George de Menesez, Anthoine d'Azeuede, Iacques de Silueire, Arias Capral, Nouio Bernard Freire & plusieurs autres. Le vingtcinquiesme iour de Feurier mil cinq cens vingt cinq ils surgirēt à l'embouchure de Panane, & sur l'heure on enuoya demander au gouverneur les paraus ou barques dont il faisoit mention en ses lettres. Le gouverneur fit vne responce ambiguë, ce que vëu par le Viceroy, & que l'eau douce commençoit à faillir, delibera de faire aiguade en ceste riuere, n'ayāt lieu plus commode ny si prest. Les habitans du lieu, speciallement les Mores, qui sçauoyent l'intreñon du Roy n'encliner sinon à la guerre, voyāns les Portugallois entre la riuere pour se fournir d'eau douce, commencerēt à canoner d'un corps de garde bien accommodé, où ils s'estoyent retranchez,

en deliberation de battre le Viceroy & l'engarder de prendre terre. Le Viceroy conoissant alois l'extreme impudence des Mores, resolut de leur oster ceste artillerie & ruiner leur fort. Pour cest effect il assemblea les capitaines & principaux de la flotte, leur communique son auis lequel fut approuué de tous: & de peur que leurs soldats ne fussent endommagez de l'artillerie s'ils descendoient vis à vis du corps de garde, fut ordonné qu'on prédroit terre à l'endroit d'une pointe entre la mer au Midy & la riuere au Septentrion, & ce d'autant que le corps de garde estoit au-dessous. Le Viceroy & Mascaregne allerent ensemble avec une troupe de deux cés soldats entre la pointe & la riuere. Simon de Menesez & trois cens soldats, harquebuziers pour la pluspart, descendirent en la coste vis à vis du corps de garde, pour favoriser la descente du Viceroy, & empescher que le canon des ennemis ne iouast. Ce mesme iour, qui estoit le vingtsixiesme de Feurier, le Viceroy & les autres capitaines entrerēt es esquifs pour approcher du riuage & gagner terre, & ayans donné le signal de leur descente à Simon de Menesez, incontinent il aborda en la coste avec ses gens, au deuant desquels accoururent mil ou douze cens Mores & Naires, faisant monstrier de vouloir bien garder leur fort & combattirent vaillamment à coups de picques, de fiesches & de harquebuzes; mais voyās quelques vns de leurs compagnons atterrez ils se retirerent en leur fort, où ils firent teste à Menesez, lequel les chargea de telle violence qu'ils ne peurent subsister longuement, ains après auoir perdu grand nombre de gens, furent mis en route, s'enfuirent en grand desordre pour se sauuer en terre, tellement que les Portugallois s'emparerent de la place. La dessus le Viceroy & Mascaregne arriuerēt, rafraischirent la troupe de Menesez, lequel est renuoyé de l'autre costé de la riuere, & Mascaregne va à l'endroit où Menesez estoit descendu, pource qu'au bout de ces deux plages s'estendoit le village, s'avançant de là vers terre ferme: le Viceroy demeura au milieu pour assaillir ceste place & y mettre le feu, ne voulant pas que les Portugallois y entraissent pour piller, de crainte que le butin ne les arrestast, ains laissa le tout aux Naires associez.

qui marchoyent deuant, & luy attendir leur sortie pour puis apres faire abatre les palmiers & embraser les maisons: ce qu'estant executé, & l'artillerie enleuee du fort, le Viceroy se retira en ses vaisseaux.

De là le Viceroy fit voile en Calcut, où il entendit de Jean de Leme que le gouverneur ne s'estoit acquité de ce que le Roy luy auoit promis en Cochim, à sçauoir de tenir les vaisseaux & canons prests. Voyant donc que c'estoyent paroles, conclud de mettre la main à l'œuvre & brusler vne partie de la ville, pour faire sentir aux Calcutiens qu'il ne redoutoit point leurs armes. Il fit entendre le tout aux capitaines, & fut arresté que luy, la banniere royale & le gros de l'armée demeureroient en la plage, & que Jean de Leme suuy des gens qu'il pouuoit auoir mettroit le feu en la ville sans entrer auant dedans, & se retireroit, quand le feu seroit bien allumé. Ils mirent la main à ceste besongne le iour suiuant, & quelques gentils hommes de Jean de Leme, sortis pour saluer le Viceroy, retournerent & commencerent ensemble à ietter le feu en quelques maisons: & comme ils vouloyent poursuivre, le gouverneur de Calcut suuy d'une troupe de Mores & de Naires harquebuziers leur vint au deuant, mais ils l'enfoncerent à la premiere rencontre, & contrainquirent de reculer plus auant en la ville, d'où neantmoins luy & ses Naires continuoyent l'escarmouche pour empescher le feu. Leme & ses gens en tuerent quelques vns, & s'eschaufferent tellement que Leme oubliât la defense du Viceroy, lequel ne vouloit qu'ils entrassent en la ville, s'y fourrerent si auant qu'au retour ils virent la honte & le danger à leurs talons, pource que toutes les auénues & retraites furent barrées de grosses pieces de bois & de cailloux, & quand les Portugallois vouloyent prendre autre chemin, les fleches & harquebuzades pleuuyent sur eux de tous costez. Là dessus ils approcherent d'une mosquée, où ils descouvrirent vn bataillon de mille Naires, harquebuziers pour la pluspart, & qui les attendoyent de pied coy. Vasque de Leme, Anthoine de Sa, Manuel de Macedo & Anthoine d'Azeuedo, qui marchoyent des premiers, furent incōtinent accueillis d'harquebuzades, dont l'vne bleffa quelque peu Vasque en la cuisse, & la luy

*Entreprises
des Portugal
lois contre la
ville de Cale
cut.*

*Fes
eme
our
de
r: e
ô d*

eust percee sans vne tassette de maille qui rōpit le coup: mais cela le rendit plus ardent, tellement qu'à coups de picque luy & ses gens enfoncerent les Naires: mais comme ils vouloyēt poursuivre, Jean de Leme suruint qui les pria de se retirer, ce qu'ils firent. Les Naires descōchoyēt de loin sur eux, & les soldats de Leme respondoient de leur part: tellement que sur la continuation de telles escarmouches, Leme gaigna finalement le bord de la mer, où il trouua le Viceroy qui le reprit aigrement de s'estre tant auancé, quelques excuses que luy & les autres peussent alleguer: & en ceste cholere, le Viceroy remōta sur mer, avec deliberation toutesfois de continuer ceste guerre contre le Roy de Calicut.

9.
*Navigation
des Portuga-
lois au port
de Coulete.*

Pour cest effect fut resolu d'aller assaillir Coulete, qui est le principal & plus riche port du royaume, mieux fourny de gēs & de vaisseaux que nul autre. Et pour sçavoir au vray quelle estoit la situation de ce port, & le nombre des vaisseaux qui y pouuoient estre, le Viceroy y enuoya Jean Melio de Silues, avec douze caturs d'Indies & cinq barques de Portugallois, lesquels prindrent incontinent la route de Coulete, qui est vne bourgade au port de laquelle se fait vn canal & vne plage sablonneuse. Au bout de ce canal est la bourgade assise assez pres de la riue, & à costé de ce canal vers Midy y auoit trois bastions, l'vn à la pointe, l'autre au dessus, & le tiers au milieu, bien fournis d'artillerie; le port muni de quarante bastiments de guerre biē equippez, l'armee de terre & de mer montant à vingt mille Naires Mores cōbatans; & qui auoyent bon nombre d'arquebuziers, au moyen dequoy ils s'estimoient assez forts pour receuoir bataille si le Viceroy la leur presentoit. Luy, entendant le rapport de Melio, conclud de ruiner Coulete, & renuoya deuant Melio pour descōurir encores de plus pres l'affieté du lieu, & fit voile apres sur le soir. Melio approcha du canal au matin, & incontinent vid sortir les quatre bastiments en tel estat, & chargez de tāt de gens qu'il ne vouloit estre si temeraire que d'attacher l'escarmouche se sentant par trop foible, ains se retira, canonnant ceux qui le vouloyent aborder de trop pres, tellement qu'apres s'estre entresaluez de loin chascun se retira, les Mores s'apprestans au

combat sur terre & sur mer avec grand bruit de tabours & d'autres instrumens de guerre, dont le retentissement s'entendoit en la flotte du Viceroy, encores qu'il fust assez loin-d'eux.

Le conseil assemblé pour resouldre de ce qui estoit à faire, il y eut diuersité d'opinions, car les vns estoient d'avis de donner bataille par mer, pour ce que le Viceroy n'auoit gueres de gens, au contraire les ennemis estoient forts en terre. Ils adioustoient que la retraite seroit fort dangereuse, si on combattoit en terre, tant pource que leurs ennemis se sentiroient forts à cause de leur armée de mer, que d'autant qu'il faudroit recommencer vne bataille navale, où il y auoit beaucoup à faire, pource que ceux des basteaux voyans leurs cōpagnons en route reprendroyent courage pour se defendre iusques au bout, ne voyans retraite ni faueur quelconque qu'en leurs vaisseaux. Il en auoit d'autres qui soustenoyent qu'on deuoit prendre terre pour desfaire premierement les plus grandes forces & dompter le reste plus aisément puis après. Les autres, du nombre desquels fut Mascaregne, estimoyent qu'il ne falloit se hazarder ainsi, ains recueillir premierement quelques vaisseaux espars çà & là au lon de la coste, afin qu'avec des forces entières on peust comme s'asseurer de la victoire, auât que ioindre & venir aux mains avec vn si puissant & résolu ennemy. Mais le Viceroy fut d'avis d'assaillir les Mores par mer & par terre, fondant son desir sur des raisons si apparentes, & rabbattât si dextrement par vn long discours tout ce qu'on auoit allegué au contraire, que finalement son avis fut suivi, & tous se résolurent au combat, encores que quelques vns, trop arrestez à leur opinion, n'en fussent pas gueres contents, pource qu'ils craignoient le danger, & ne pouuoient presumer que l'issue en deust estre telle que Dieu la fit voir bien tost après, suivant l'esperance du Viceroy qui lors encourageoit tous les capitaines, & l'assurance que lean Meli leur donna d'vne victoire toute certaine, pour auoir reconn les ennemis esfonnez, & qu'il eust infalliblement mis en route, si ses forces eussent esté tant soit peu plus grandes. Mais ainsi arresté, le Viceroy fit baïsser les galeres

10.

*Quel deuoit
le Viceroy et
ses capitaines
furent pour
s'emparer de
Coulette.*

*Fa
eme
pue
de
r: e
ô d*

Bataille par
mer & par
terre pres de
Coulète &
l'issue d'icel-
le.

le plus pres de terre qu'elles pouuoient, afin que leur ar-
tillerie iouast à prouffit : & en attendant le matin les Por-
tugallois pourueurent aux affaires de leurs consciences à
la maniere acoustumee entre eux : puis commencerent à
chanter & sauter de ioye pour despiter leurs ennemis, les-
quels d'autre costé ne firent que bruire & sonner de leur
instrumens toute la nuit, pensans effroyer les Portu-
gallois, & lascherent aussi quelques volées de canon. Si
tost que le iour apparut, les paraus de Coulète s'auan-
cerent en bon équipage, comme firent aussi les Portuga-
lois en leurs basteaux, paraus, carurs & brigantins. Pierre
Mascaregne & Simon de Menêsez voguoient en l'auan-
garde, & le Viceroy conduisoit la bataille, puis se recô-
mandans à Dieu chascun se rengea au lieu qui luy estoit
assigné : le Viceroy cinglant droit au fort, Mascaregne
à la pointe du canal, & Menêsez à la plage. La plus grâde
farie du canon des ennemis s'adressoit contre la flotte
du Viceroy, tellement que quelques capitaines, pour es-
tre plus à couuert, se rangeoyent avec Menêsez, qui n'e-
stoit pas en si grand danger. Le Viceroy neantmoins ap-
proche courageusement du combat, exhortant ses gens
de ne se point desbander. Roderic Aregne capitaine d'un
petit careur ou basteau Indien, dans lequel il y auoit que
huit Portugallois, fut le premier qui accrocha vn paraus
des ennemis au nombre de soixante, & malgré eux y
entra, suivi de ses huit soldats, cobarant à coups de main.
Autant en firent cõtre d'autres paraus les capitaines Geo-
rge Norogne, Ierosme de Soule, Anthoine Personne, Tri-
stan Norogne & Alonse de Menêsez. Alors la meslee
estoit si grande que les capitaines, escartez de la flotte du
Viceroy pour se ranger avec Simon de Menêsez, estoient
si loin les vns des autres, que le Viceroy ne leur pût faire
dire qu'ils descendissent : car il leur auoit defendu de
prendre terre, iusques à ce qu'il le leur commandast, &
vouloit qu'ils voguassent au long de la plage iusques aux
paraus, afin d'aider par terre à les desfaire. Simon de
Menêsez n'osoit descendre, mais attendoit : ce que veu
par le Viceroy, print auis sur l'heure faisant prendre terre
à trois hommes qui allerent dire à Menêsez qu'il descen-
dist. Ce qu'ayant fait en moins de rien, les Mores acouru-

rent de tous costez pour l'empescher de passer outre, & lors y eut vn terrible conflict, où les ennemis auoyent tel auantage, pour leur grand nombre, que Meneslez ne pouuoit s'auâcer iusques aux paraus, cōme le Viceroy auoit commandé. Quelques capitaines du Viceroy, à sçauoir Iacques Pereire, Manuel de Gama, Roderic Coste, Fernand de More, Gomeze de Sottomajor, Iean de Betancour & autres iusques au nombre de trente, voyans descendre les trois hommes enuoyez à Meneslez, ne se peurent contenir de prédre terre, encores que le Viceroy fust d'autre auis, voulant qu'ils combattissent en mer. Les Mores, qui estoient en merueilleux nombre, leur coururent au deuant & les chargent. Eux soustiennent & font si biē leur deuoir qu'il abattent gens de tous costez, mais avec perte des leurs aussi: car Iacques Pereire fut tué sur la place, Coste, More, & Betancour & cinq soldats si griefuement blesez qu'il en moururent tost apres. Manuel de Gama & les autres, ne pouuans plus subâster, tournerent le dos, sans estre secourus de Iean Melio, George Capral & autres deux gentils-hommes estans au brigantin de Leme, lequel voyant ceste desroute, gaigne promptement le riuage suiui des trois iusquomez & de quelques soldats, soustenant & rafraichissant le combat: mais les Mores croissoient tellement que force fut au Viceroy de descendre avec sa compagnie, & bien à point, pource qu'alors tout estoit en branle, & le combat tellement mēlé sur mer & en terre, qu'il y auoit beaucoup de blesez de part & d'autre. Le Viceroy conut lors que Simon de Meneslez ne pouuoit le secourir, pour la grande resistance que les ennemis faisoient: qu'il falloit changer d'auis, & s'emparer d'un fort que les Mores tenoyent à la pointe de leurs vaisseaux vers la bourgade, à raison dequoy quelques gens de renfort luy estoient necessaires. Pourtant fut il contraint d'enuoyer querir Pierre Mascartegne avec ses capitaines qui vindrent incontinent, & accompagnèrent le Viceroy à l'assaut de ce fort, qui fut assez bien defendu au commencement, mais en fin les Mores s'enfuyrent quittans la place au Viceroy. Ceux de la mer combattoient vaillamment & en gens qui s'asseuroient d'emporter la victoire; tellement qu'ils ne se vouloyent point

Fe
me
iur
de
r:c
ô d

sauuer en terre, encores qu'ils eussent moyen de ce faire:
 & sembloit que les Portugallois ne fussent pas gens
 pour eux, tant à cause que ceux à qui le Viceroy auoit
 ordonné de combattre sur mer, estoient descendus en ter-
 re pour la pluspart, qu'aussi ils ne retournoyent point en
 leurs vaisseaux pour recommencer le combat, & n'y au-
 uoit personne qui fust deuoir sur mer que Roderic Ara-
 gne, George Norogne & autres capitaines susnommez,
 qui des le commencement auoyent acroché quelques pa-
 raus ennemis dedans lesquels il combatoyent main à main.
 Entre autres Iean Sigurade capitaine d'un cateur, apres
 auoir acroché un parau, saute incontinent dedas, & sem-
 bla que les Naires, qui vogueyent avec luy, furēt si mes-
 chans de pancher le cateur de telle sorte, que les soldats
 Portugallois n'eurent moyen de suivre leur capitaine. Par
 ainsi Sigurade demeuré seul au milieu de tant de Mores
 estoit reduit à ceste necessité ou de mourir les armes
 au poing, ou de sauter en l'eau. Il aima mieux combat-
 tre, & commença à escrimer de telle dextérité qu'il chas-
 soit les ennemis de costé & d'autre: finalement ils se rue-
 rent tous sur luy, firent voler son espee hors des mains:
 encores pour cela ne quitta-il la place, ains à coups de
 poing continua la guerre, cassant les machoires à ceux
 qu'il pouuoit atteindre. Mais ayant receu plusieurs coups,
 & sur le point d'estre acheué du tout, il fut secouru de
 Pierre George capitaine d'une autre cateur, tellement que
 les Mores furent partie tuez partie blesez & contrains
 se sauuer à nage. Or le Viceroy voyant que ses vaisseaux
 auoyent besoin de secours, y enuoya quelques capitaines,
 à l'aide desquels les ennemis furent entierement desfaits,
 & n'en depescha que bien peu, car ils aymoyent mieux
 mourir que se retirer. Les Portugallois qui combattirent
 sur mer furent blesez pour la pluspart: mais personne
 d'eux ne mourut au combat. Autant en print-il à Simon
 de Menesez, c'est que les Mores se defendirent coura-
 geusement, iusques à ce qu'estans rompus par la violence
 des Portugallois, ils se retirerent en terre ferme, laissant
 grand nombre de morts, & remenans plusieurs blesez. Le
 Viceroy ayant rendu graces à Dieu d'une si belle victoire,
 embrassa Iean Melio pour son bon conseil, & qui entre

tous les autres fit tresbien son deuoir ce iour là. Les foits & paraus demeurèrent aux Portugallois, & trouua-on deux cens cinquante pieces d'artillerie grosse & menue, force boulets de fer, de fonte, grâde quantité de pouldres & d'engins à feu. Le tout fut chargé dans les vaisseaux de la flotte, & quaranté paraus amenez. Cependant le Viceroy donna l'ordre de cheualerie à quelques gentils-hômes & capitaines: & de la en auant se donna plus de bon temps, à cause que les Mores ne l'aguacerent plus comme ils auoyēt accoustumé. Il y auoit dix nauires de charge en terre, lesquelles furent bruscées: quoy fait le Viceroy se retira paisiblement. Par ainsi les Portugallois recouurerent le credit qu'ils auoyent perdu es Indes, au contraire le Roy de Calecut commença à decheoir de la reputatiō par luy acquise, estant la renommee du Viceroy espandue par toutes les Indes, & son nom redouté des ennemis.

De Couleté le Viceroy fit voile en Cananor, où il arriua l'onzième iour de Mars, trouuant les Mores fort paisibles, mais contristez à cause de la desfaite de leurs compagnons & des Naires qu'ils estimoyēt inuincibles, & s'asseuroyent que les Portugallois y seroyent desfaits tout à plat. Ainsi donc voyans tout le contraire, ils faisoient leur compte d'estre bien tost ruinez. Le Roy n'en pensoit pas moins, pource qu'il y auoit quelques paraus de Mores au port de Cananor: & entendant que le Viceroy y estoit arriué, luy enuoya gens pour le gratifier de sa victoire, avec present d'un collier d'or & de certains ioyaux de grand pris, que le Viceroy ne voulut recevoir, mais en fin on le pressa tant qu'il les print, afin que ce Roy ne presurnast qu'on luy en voulust, & que le Viceroy fust indigné contre luy. De fait, incontinent apres il donna collier & ioyaux à l'hospital de Cananor, pour le soulagement des malades & autres entretenues necessaires, faisant dire au Roy qu'il auoit receu ses presens, afin de l'asseurer qu'il luy estoit seruiteur, & feroit tout ce qu'il pourroit pour luy donner occasion d'entretenir amitié avec le Roy de Portugal son seigneur, estant prest de s'employer en toutes affaires pour celui de Cananor, sans dons ni presens: pource que quand on luy doneroit tout

Hh

12.

Pour parler
entre mene-
ses & le Roy
de Cananor:
& la respos-
se aux lettres du
Roy d'Ormus
& de Raix
Xerax.

Fa-
me-
sur-
de
r: e
o d

le monde, il ne feroit autre chose que ce qui seroit pour le service de son Prince. Le roy fut bien estonné de ceste response, car auparauant on obtenoit és Indes tout ce qu'on vouloit moyennant qu'on fongast le poignet aux Viceroy & à leurs capitaines & lieutenans. Incontinent aussi il alla visiter le Viceroy en la citadelle, ce que iusques alors nul Roy de Cananor n'auoit fait à aucun gouuerneur des Indes, & parlementerent dans vn pavillon tendu dehors la citadelle. Apres les salutations accoustumees, le Roy promit de liurer aux Portugallois les paraus qui estoient au port de Cananor, avec toute l'artillerie qui se trouueroit en iceux, promettant à l'auénir de ne favoriser obliquement ni directement leurs ennemis. En apres il monstra au Viceroy vne lettre du Roy de Portugal, lequel luy donnoit les isles de Maldiuar, à la charge de fournir autant de cuirs que les Portugallois en auroient besoin és Indes, au pris qu'ils coustoyent és isles de Maldiuar. Le Viceroy offrit de le mettre en possession des isles, moyennant qu'il baillast par an de ces cuirs le poids de mille bahards qui font deux mil huit cens vingt cinq quintaux, disant que les Portugallois auoyent faute de ceste quantité és Indes. Mais le Roy de Cananor ne voulut accepter telle condition, dont le Viceroy fut ioyeux, pource que le Roy lean y gaignoit encores dauantage: car il scauoit que le quint du riz, que payoyent les nauires qui arriuoient és isles, suffisoit pour acheter les mille bahards de cuir, & pour entretenir quarante soldats y seiournans avec le facteur, qui s'enrichissoient outre cela des arriere-mains, & larcins qu'il faisoient. Or combien que le Roy de Cananor n'eust accepté les isles, si ne laissa il de protester qu'il estoit seruiteur du Roy de Portugal & amy du Viceroy, auquel il fit deliurer incontinent les paraus qui se trouuerent au port, demandant les autres vaisseaux pour la commodité du trafic, qui luy furent octroyez par le Viceroy, pourueu qu'il baillassent leur artillerie aux Portugallois, taillassent les esperons, & ostassent les auirons, ce qui fut fait. Par tel moyen Cananor demeura paisible, & durât ce pourparler y arriua vn More portât lettres du Roy d'Ormus & de Raix Xerâ à Yâsqe de Gama, au-

quel ils faisoient de grandes plaintes & le supplioient de faire vn voyage en Ormus pour leur faire raison des torts qu'ils auoyent receu d'Edouard de Menesez, & qu'ils receuoient encor de Iacques Melio. Cōbien que le porteur de ces lettres eust entēdu en Chaul le deces de Gama; neātmōins il delibera venir trouuer le nouueau Viceroy, & luy presenta ses lettres, le priant lire le cōtenu d'icelles, comme à luy adressantes, & faire la iustice qu'un Viceroy estoit tenu de rendre; puis qu'il auoit ceste charge. Il luy presenta grande quantité de perles & des draps de Perle fort precieux. Le Viceroy ne voulut rien prendre, mais finalement il les receut; puis en disposa comme du collier que le Roy de Cananor luy donna, & tint mesme l'āgage sur ce point au Mōre d'Ormuz qu'il auoit fait au Roy de Cananor. Puis escriuit à Iacques Melio touchant les doléances des autres, le priant de sa part, & l'exhortant au nom du Roy, de ne faire chose qui cōtraignist le ieune de chastier le vieil, Melio estoit lors aagé de soixante ans, & le Viceroy n'en auoit gueres plus de trente. D'auantage, pour empescher Melio de tourmenter le Roy d'Ormuz & Xeraf, il commanda à l'Auditeur de la citadelle d'Ormuz de luy enuoyer pieds & poings liez vn certain Portugallois, par le conseil duquel on disoit que Melio faisoit les fautes, desquelles il estoit accusé. Il auertit aussi le Roi d'Ormuz & Xeraf de ce qu'il faisoit en leur faueur, protestant d'oster le gouuernemēt de la citadelle à Melio, s'il ne se conduisoit plus sagemēt, & ne souffrir qu'on leur fit tort moyennāt qu'ils demeurassent fideles au Roy de Portugal. Il s'excusoit aussi sur ses affaires, qui l'empeschoient d'aller luy mesmes en Ormuz, & ainsi renuoya le More lequel partit fort content, & bien estonné d'auoir veu vn tel Viceroy & si peu adonné à son prouffit particulier.

FERNAND Gomez de Leme enuoyé avec quatre vaisseaux pour clorre le passage à cent paraux des ennemis anchrez dedans le fleuue de Mangalor, arriua à l'embouchure d'iceluy; qu'il fitra tellemēt que les ennemis ne pouoyent en sortir: car sitost qu'ils s'auançoient plus que de raison. Fernand & les autres capitaines les battoient & rechassoient à coups de canon. Ainsi donc

13.

Cōbat de Fernand de Leme
à l'embouchure
du fleuue de
Mangalor: e
nauigatio d

Hh ij

Pierre Masca
regne en Ma-
laca.

les vns & les autres demurerent là quelques iours tr'es-prier: ce pendant arriua vne flotte de Calcut qui alloit en marchandise. Les Malabares apperceuans les Portugallois à la bouche du fleuue, dedans lequel ils scauoient que leurs compagnons estoient en clos, approcherent assez pres, & cōmencerent à l'ascher quelques coups. Incontinent ceux de dedans se mettent à voguer pour secourir leurs compagnons & trouuer moyen de se ioin- dre à eux, tellement qu'ils attacherent l'escarmouche de- uant & derriere, au grand danger des Portugallois, specia- lement de la galliote d'Anthoine de Sylue, qui cuida couler en font plusieurs fois: mais luy cōme courageux, tint bon iusques à ce que Fernand fit leuer les anches & desployer les voiles, comme firent aussi les autres capi- taines pour aller au deuant des Malabares. Comme ils s'apprestoyent, la pluspart des parais enferrez dedans le fleuue sortirent, & à voiles desployees gaignerēt le haut avec la grand' flotte & se sauuerent. Fernad ne les voulut pas suiure, ains se remit à l'entree du fleuue pour empes- cher ceux qui estoient demeurez de faire comme leurs compagnons, mais ils eschapperent finalement: & le Vi- ceroy entendant le peu de proufit qu'il y auoit en cela, es- tima la peine mal employee de s'y arrester dauantage: pourtant ne voulut il y renuoyer renfort de gens, ains vaequa à d'autres affaires plus vrgentes. Pource que le printemps s'auançoit, estant desia la mi Mars, & que les vaisseaux de Malaca estoient arriuez, où il falloit enuoyer gens avec Pierre Mascaregne, le Viceroy se retira au port de Cochim: & scachant que les citadelles de Cananor, de Calcut & de Cochim auoyent faute de riz, il depe- cha Simon de Menesez, afin d'aller à Braccor & Battica- la, pour charger de ceste grainē quelques basteaux de charge, vne galere, deux galliotes, des caturs & parais le- gers: luy commandant de mener quand & soy Fernad de Leme & ses quatre vaisseaux qui estoient encores au- guet, & qu'a son retour il laissast à Jean de Leme capi- taine de la citadelle de Calcut les soldats dont il auoit faute. Cela fait le Viceroy se retire à Cochim, & don- ne ordre à ce qui estoit requis pour la nauigation de Mascaregne, lequel s'embarqua le huitiesme iour de

May dessus le galliô d'Arias de Cugne qui alloit estre general de Malaca. Il fut suivi d'un basteau venu de Malaca, d'un brigantin & de deux paraus, emmenant trois cens cinquante hommes, pource que le Viceroy estoit averty que George Albuquerque auoit lors bien peu de gens de guerre.

SIMON de Menesez ayant executé sa commission, sur son retour de Batticala en Cananor avec neuf voiles, à sçauoir sa galere; le galliô de Gomeſe Martines de Leme, la galiotte d'Anthoine de Sylues, vne autre galiotte, vne carauelle, les deux brigantins d'Anthoine Personne & de Dominique Fernand, & deux petis basteaux, trouua au mont Delin vne flotte de soixante paraus Malabares, qui alloient charger du riz au long des fleuves de Bracelor & Mangalor. Les Morés ne voulurent pas attendre le choc, ains monstrent les pouppes & se sauuerent à toutes voiles. Menesez les suivit, canonnant les moins habiles tellement que cinq demeurèrent derriere, & craignans d'estre acrochez, donnerent en terre pres de la coste où ils se briserent: mais ceux de dedans prindrent terre & gagnèrent au pied. Dominique Fernand & Anthoine Personne en agraferent deux autres, sauterent dedans, mirent en pieces quelques Morés, les autres sauterent hors le bord, & neantmoins furent tuez en la mer, les paraus demeurans aux Portugallois. Vne partie des fuyards fit voile en haute mer, les autres se coulerent dans le fleuve de Maraue, où Menesez delibera les combattre, & fit entrer soudainement ses soldats en des petis basteaux, esquifs & autres vaisseaux legers de la flotte, lesquels allerent gagner la bouche du fleuve au son des trompettes & cry de bataille. Ils furent sauez de mesme & de plusieurs volées de canon & de coups de fleches par certains paraus qui n'estoient avec les autres. Ce n'obstant les Portugallois enſez des victoires passees, sans crainte des boulets ny de fleches entrerent dedans le fleuve, & approchez des ennemis, iettèrent des pots de feu artificiel en huit paraus, dont les Morés furent tellement espouuantez qu'ils se precipiterent incontinent en la mer, laissant bruster leurs vaisseaux qui furent entièrement consummez par le feu. Dominique Fernand suivit

I 4.

*Récontre sur
mer entre Si-
mão de Mene-
sez et soixan-
te barques de
Malabares,
et ce qui en
auint.*

deux paraus assez auant, & y mit le feu : mais d'autant
 qu'il se hazardoit vn peu trop, Menefez enuoya Gomeze
 Marrines de Leme en vn elquif pour le faire remonter :
 mais le malheur fut tel que Leme s'alla ietter en des bas-
 ses, d'où il ne pouuoit sortir : & là dessus suruindrent tant
 d'ennemis au riuage qu'ils le tuerēt ensemble Michel fils
 d'Alfonse de Leme & quatre soldats. Dominique crai-
 gnant que son brigantin ne demeurast à sec regaigna la
 fosse. Or pource que ce fleuue appartenoit au Roy de
 Cananor, le Roy môstra que la mort des six Portugallois
 luy pesoit, sur tout quand il sceut que ses suiets en auoyēt
 esté les meurtriers, fauorisans l'ennemy, & portans les
 armes contre les Portugallois. Afin donc de ne laisser tel
 acte impuny il fit executer par iustice quelques Naires &
 Mores des plus coupables, enuoye les corps des six Por-
 tugallois à Hector de Sylues, afin qu'on les enterrast, &
 luy fit entendre la punition des autres, disant estre prest
 à faire dauantage s'il estoit besoin : le tout afin que le Vi-
 ceroy n'eust aucune mauuaise opiniō de luy, & qu'à cau-
 se de cest accident il ne luy fist la guerre. Simon de Me-
 nefez ayant assemblé ses gens rentra es grand vaisseaux,
 & durant quelques iours courut toute la coste, afin de
 descouurir & charger les ennemis qui s'ingereyent de
 passer, ce qu'ils n'auoyent encores osé entreprendre à
 cause des capitaines Portugallois qui gardoyēt les passa-
 ges : tellement qu'ils ne pouuoient se fournir de victuail-
 les, ce qui fit que l'huiuer ensuiuant il y eut grande di-
 sette en tout le pays des Malabares, spécialement au
 royaume de Calecut. Vne telle guerre fut beaucoup plus
 cruelle pour les Mores que celle des armes, pource qu'ils
 ne pouuoient subsister sans estre aidez des viures qu'on
 amenoit par mer des lieux voisins : & si le Viceroy se fust
 plustost auisé de fermer l'entree du fleuue susnommé, les
 Calecutiens eussent encores eu plus à souffrir. Menefez
 voyant que l'huiuer approchoit, fit voile vers Cochim,
 & de là en Cananor, fournit de riz la citadelle, puis al-
 la surgir au port de Calecut, & pourueut aussi la citadelle
 de la quantité de riz qu'il faisoit : mais estant question
 de laisser gens dont Leme auoit besoin, pource qu'il s'at-
 tendoit d'estre assiégé durant l'huiuer, personne de qualité

ne voulut demeurer, pour ce que le Viceroy n'auoit point exprimé le nom d'aucun, & lors chacun commençoit à se laisser des trauaux de la guerre, & fuioit celle qui menaçoit Leme & sa Citadelle. Quand Meneséz vid que les hommes de marque refusoient s'arrester leans, il leua six vingts hommes des moins respectez en sa flotte, & les contraignit de demeurer en la Citadelle, qui par ce moyen demeura despourueuë de gens d'autorité, exceptez ceux qui y estoient au parauant. Depuis la retraite de Meneséz à Cochim, les Mores de Calecut se hazarderent, non obstant la facheuse saison, d'aller querir du riz, & en amenerent quantité, sans quoy tous fussent morts de faim: & pource que les Mores estoient accusez d'estre cause de ce desordre, les Calecutiens & sur tout les Naires leur vouloyent mal de mort, disans qu'ils ne scauoient faire autre chose qu'irriter les Portugallois, & allumer vne guerre sans la pouuoit estaindre puis apres, ny pouruoir aux necessitez du pays. Ils se plaignoyent d'autre torts, tellement que les Mores se trouuerent bien empeschez, spécialement tandis que la disette dura.

ALORS que le Viceroy partit de Goa pour aller prendre possession du gouuernement en la ville de Cochim, il commit à Francisque de Sa Capitaine de la Citadelle de Goa vne flotte de quatre fustes & six brigantins, pour garder la coste iusques à Dabul. Christofle Brittio fut ordonné general de ces vaisseaux, avec lesquels il fit diuerfes courses & eut des rencontres avec l'armée de Calecut, laquelle il battit plusieurs fois. Continuant ainsi la guerre, il cingla vn iour iusques aupres de Dabul, ce qu'entendu par le gouuerneur il fit embarquer promptement quatre cens Turcs en sept grâdes fustes & vne galiotte bie fournie d'artillerie & de rames, qui sortirent en deliberation de combattre les Portugallois, lesquels au nombre de cent cinquante seulement les receurent brauement, & apres auoir fait iouer leurs pieces de part & d'autre, quatre fustes & la galiotte attacherent le combat avec cinq vaisseaux Portugallois, où les vns & les autres se porterent en gens de guerre. Durant le conflict, Brittio receut au col deux coups de fesehes qui transpercerent sa chemise de maille, & le blefferent de telle sorte, qu'il rendit bien tost

15.
Bataille navale des Portugallois contre les Turcs & le succes d'icelle.

l'esprit. Ses Capitaines & soldats au lieu de perdre courage, voyans leur general abatu, deuindrent plus furieux, & d'une impetuosité soudaine assaillirent si brusquement les ennemis qu'ils forcerent les fustes & la galliotte, tuâs vne partie de ceux qui y estoÿet, & iettans les autres hors le bord, la pluspart desquels ils harquebusoyent ou transperçoient à coups de picque en l'eau. Les trois autres fustes voyans cest esclandre de leurs compagnies ne voulurent ioindre, ains penserent à se garantir de la main des Portugallois, & donneret en la coste de telle roideur que elles se briserent. Les quatre fustes & la galliotte demurerent aux Portugallois qui perdirent Brittio avec six autres hommes, & remenerent beaucoup de soldats grièvement blesez. Quant aux Turcs ils y moururent presque tous. Avec ceste victoire, qui fut notable (considéré l'estat des Portugallois qui n'auoyent aucun credit en toute ceste coste, & l'orgueil des Mores à cause de leur prosperité) les Capitaines s'en retournerent vers Francisque de Sa lequel auertit le Viceroy de ce qui estoit aduenü.

16.
Victoire notable des Portugallois en l'Isle de Zeilan.

L a esté parlé au douzième liure de la guerre des Portugallois en l'Isle de Zeilan, où ils auoyent basti vne Citadelle, & de la paix qui entreuint. Depuis pour diuerses raisons le Roy de Portugal fit desmolir ceste forteresse par Fernand Gomeze de Leme, qui laissa en l'Isle vn facteur, vn secretaire & quinze Portugallois, afin d'y vacquer tous ensemble plus commodement au trafic. Fernad de retour en Inde, vn More de Calecut nommé Baleacen Capitaine de l'arsenal sceut que la Citadelle de Zeilan estoit ruinee, & qu'il y auoit peu de gens pour les affaires du Roy de Portugal: à l'occasion dequoy il s'assura de les attraper s'il les demandoit au Roy de l'Isle, près duquel ils sejournoyent. En ce pensement il s'embarque menant cinq cens soldats en quatre paraus, & arriné au port de Colombo alla trouuer le Roy & luy dit que l'armée de Calecut auoit desfait en bataille la flotte des Portugallois qui auoyent esté tous mis à mort, tellement que les Roys de Cochim, de Cananor, & tous les autres Princes Indiens tenoyet assiegez les Portugallois habitans en leurs pays: & qu'il auoit charge de la part du Roy de Calecut de luy demander les Portugallois qui se trouueroyent en

L'Isle. Le Roy estonné de telles nouvelles, sans toutes fois y adiouster foy, pource qu'il luy sembloit qu'on ne pouuoit les auoir rompus en si peu de temps, demanda quelque delay pour faire response à telle demâde, puis enuoye querir le facteur & le sectétaire, auxquels il declaira ce que dessus. Eux respondirent que ce qu'alleguoit Baleacenn'estoit pas vray semblable, tant pour le grand nombre des Portugallois estant és Indes, qu'à cause de la sagesse & vaillance du Viceroy. Là dessus ils prièrent le Roy d'enuoyer en Inde scauoir la verité, luy permettant puis apres de faire d'eux ce que bon luy sembleroit, au cas que le rapport de Baleacenn se trouuast veritable. Cela pleut au Roy, Prince de gentil esprit, & fit response à Baleacenn que il ne luy lureroit point les Portugallois, que premierement il n'eust la confirmation bien asseuree de son dire. Baleacenn estimant que ce fust vne desfaite pour ne point bailler les Portugallois, lesquels seroyent encores plus favorisez, quand la fausseté seroit descouuerte, delibera de les enleuer par force: mais auant qu'il peust rien executer le Roy eut nouuelles contraires, au moyen dequoy il aida de tous moyens possibles le facteur & ses gens pour se garantir d'une telle violence. Eux accompagnez de quelques Zeilandois (qui ne leur donnerent aucun soulagement, pour n'estre guerés exercez aux armes) allerent au deuant des cinq cens Mores descendus en l'Isle, lesquels ils chargerent de telle vigueur qu'apres long combat ils en tuerent cinquante sur la place, en blessèrent beaucoup d'auantage; & contrainquirent les suruinans de se sauuer de vistsse en deux paraus: à cause q'les deux autres pour estre attachez au riuage n'eurent loisir de desmarer, ains demeurèrent aux Portugallois. Baleacenn s'enfuit confus & accablé de honte comme lon peut penser, & le Roy de Zeilan ray d'estonnement caressa les Portugallois plus qu'il n'auoit encores fait, & les Insulaires aussi; nommément ceux qui estoient accourus pour butiner apres la victoire, s'entretindrent en plus grande amitié avec le facteur & ses gens, que par le passé.

ANTHOINE de Mirande, general de la flotte enuoyee au cap de Guardafu, tant pour butiner, que pour
 17. *Victoire de*
 surprendre les deux nauires chargées de bois & enuoyees *Anthoine de*

*Mirande sur
les Mores de
Sael.*

de Diu au port de Iude en Arabie, cingla tellement qu'il se rendit au lieu assigné, d'où il fit quelques courles & gagna beaucoup sans combattre, pour ce que les vaisseaux ennemis baïssoient incontinent pour se rendre à sa mercy. Ayant voltigé quelques iours en attendant les deux nauires chargees de bois, elles ne comparurent point: tellement que luy voyant que la nauigation se redroit bien tost perilleuse, resolut de n'attendre pas dauantage, & là dessus print la route de Sael, vers laquelle les autres vaisseaux faisoient voile par le commandement du Viceroy qui demandoit au Roy d'Aden l'artillerie des Portugallois ietee en mer à cause d'une tourmente, comme dita esté au troisieme liure, & depuis auoir esté tirée à bord par les Arabes. Mirande arriué au port de Sael enuoye demander ceste artillerie au Roy, lequel n'en tint compte, estant encores despité des torts que Louys de Menesez luy fit, lors que ceste artillerie fut perdue. Ceresus fit resouldre Mirande à se venger sur douze nefes de Mores anchrées en ce port: de fait il leur courut sus, tua & blessa ceux qui se voulurent mettre en defense, mit le feu en sept d'icelles nefes, en print quatre, la cinquiesme eschoüa au riuage, & eut vn riche butin de marchandises. Or pource que le gallion de Manuel de Macedo puisoit, & auoit besoin d'estre tiré en terre, Mirade chargea tout le butin en deux nefes & les enuoya sous la charge de Macedo au port de Chaul, où tout arriua seurement: & quant à Mirande, il se retira avec sa flotte à Mazcate, pour y passer l'hyuer.

18.

*Ce qui auint
à Martin Alfonso
Melio & à Garfie
Heriquez en
l'Isle de Bandan.*

DV R A N T la guerre entre Anthoine Brittio & le Roy de Tidore, dont a esté parlé au liure precedent, Brittio enuoya quatorze ioncs en Malaca sous la charge de Martin Alfonso Melio qui vogueoit en vn gallion équipé à ses despens. Il alla surgir à Lutatan, qui est vn port de l'Isle de Bandan, dont les Insulaires furent peu ioyeux, à l'occasion de la guerre des Molucques, tellement qu'ils se desfioient des Portugallois, & ne vouloyent trafiquer ny pratiquer avec eux. Sur cela, Melio sceut qu'en l'Isle de Mire, qui est l'une des Isles de Bandan, y auoit vn ionc de Patane, ville ennemie de Malaca: à l'occasion dequoy il haussa incontinent les voiles pour aller vers ce ionc & y

mettre le feu. Les Mores qui estoient dedans se mirent en armes, si tost qu'ils l'eurent descouvert: neantmoins Melio, qui ne menoit que trente ou quarante soldats, approcha resoluement du ionc, lequel fut accroché en peu de temps, & embrasé par le feu artificiel que les Portugallois y lancerent, ce qui contraignit les Mores de sauter en l'eau où quelques vns furent tuez, les autres gaignerent le riuage & se sauuerent, mais le vaisseau fut entierement bruslé avec tout son equippage & ce qui estoit dedans. Et d'autant que Melio estoit despité contre ceux de Bandan, il entama la guerre, & fit mille maux. Sur ces entrefaites, George Albuquerque voyant les affaires assez paisibles en Malaca, & que Britio auoit demandé plusieurs fois d'estre deschargé du gouuernement des Molucques, il y enuyra, suivant l'ordonnance d'Edouard de Menesez Viceroy, vn de ses Capitaines nommé Garsie Henriquez, avec charge de se retirer en l'Isle de Bandan, & y dresser quelque fort pour asseurer son trafic, tandis qu'il seiourneroit là. Henriquez partit avec deux basteaux ronds, vn ionc couuert & vne fuste, accompagné de soixante soldats, non compris les mariniers & canonniers, & arriva pres de Bandan sur la fin de Ianuier l'an mil cinq cens vingt cinq, où il trouua Melio en guerre cōtre les insulaires. Ayans communiqué ensemble ils delibererent d'assailir Lotir principal village de ceste Isle, apres la prise duquel ils demeuroyent maistres de tout le reste. Pour exēcuter ceste resolution ils descendirent en terre avec cent soldats, lesquels mirent incontinent le feu en certains petis basteaux liez au riuage, & entrās en pays approcherent de Lotir qu'ils trouuerent clos de plusieurs barrieres & gardé par quelques gens de guerre. Henriquez & Melio firent marcher leurs harquebuziers pour gaigner les barrieres, lesquels maugré les fleches, cailloux & dards qu'on leur iettoit, firent retirer les defendans & commencerent à entrer: mais les Insulaires accoururent promptement de tous costez en grand nōbre, descouchans telle auec de fleches que c'estoit horreur, & à coups de dards blesserent Henriquez & autres, à l'occasion dequoy les Portugallois n'ayans gaigné que des coups, & peu endōmage leurs ennemis, furent contrainctz

se retirer en leurs vaisseaux, & depuis se contenterent de faire la guerre sur mer, attendâs saison propre pour faire voile en Malaca.

19.

Le Roy de Bintam se resentant des maux que Martin Al-
*Martin Al-*Alfonse de Soufe auoit faits en la coste de Pam & de Pa-
fonse de Soufe rane, delibera s'en venger, sur tout apres auoir entendu
desfuit par des ses espions que Gasie Henriquez estoit allé aux isles
*Laquexime-*de Bandan avec vne partie des forces de Malaca, qui n'e-
*ne Amiral de*stoit alors guerres munie de gens. Pourtant luy sembla il
Bintam. auoir trouué l'occasion de recommencer, & sur l'assurâ-
ce de sa victoire fit armer vingt grands lanchars chargez
de douze cens soldats equippez de toutes sortes d'armes
& engins de guerre, sous la charge de Laqueximene, le-
quel partir si secrettement qu'il se rendit pres de Malaca
sans estre descouuert, tellement que le vingt cinquieme
iour de Mars de grand matin il print terre pres du bourg
de Quelin, où les gens commencerēt à piller & saccager.
Les habitans se mettēt partie en defense comme ils peu-
uent, partie à grands cris font tel bruit que George Albu-
querque, Martin Alfonso de Soufe, & autres qui estoient
en vn temple assez pres l'entendirent. Soudain Albuquerque
enuoye par terre quatre vingts Portugallois & vingt
Malacans sous la cōduite de Gasie Chaigne. Soufe mō-
ta sur mer avec deux fustes & septante Portugallois. Les
vns & les autres partirent en mesme heure pour aller au
deuant des ennemis. Quand Laqueximene sentit que les
Portugallois approchoient pour le charger, il retira ses
gens es lanchars, & afin que l'artillerie de terre ne les peust
offenser, estant assez pres de luy, & que Soufe s'elargist
en mer sans luy nuire, faignit d'auoir peur, se retirant non
guerres loin du riuage, sans lascher aucun coup pour atti-
rer Soufe lequel estimant que Laqueximene n'osast attē-
dre, le suivit de grand ardeur, canonnant les lanchars &
les semonant au combat. Estant à vne lieue loin de Ma-
laca, Laqueximene tourna les proues de ses lanchars, fait
iouer toutes les pieces, & se manie si dextrement qu'il
inuestit les deux fustes, commença à les canonner sans
relasche, puis s'approche & accroche de quatre lanchars
chascune fuste. Mais Soufe avec ses capitaines & soldats
fit lors vn merueilleux deuoir, empeschant les ennemis

d'entrer és fustes, & ce combat dura depuis deux heures apres midy iusques au soir, le plus furieux qui fut oncques donné en ceste coste de mer. Soule, Arias Conil, Aluar Botel, Francisque Rabel & quarante deux soldats furent tuez, & huit blesez. Les ennemis y perdirēt beaucoup de gens meurtis du canon pour la pluspart : & Laqueximene se contentant de la venue qu'il auoit donnée aux Malacans se retira en mer, laissant les Portugallois suruiuans pouruoir à leurs affaires comme s'en suit.

APRÈS la retraite de Laqueximene, les Portugallois 20. eschapperez d'un si grand danger, commencerent à se re- *Retraite des Portugallois* prendre & encourager les vns les autres, & delibererent, quoy qu'il fust nuit, de gagner Malaca, craignans que *en Malaca a Laqueximene* ne les vint retroquer le lendemain pour les *pres leur des-* ruiner du tout. Mais les courantes repousserent les fustes *faite.* à cinq lieues loin, tellement qu'avec toutes les peines du monde ils arriuerent finalement à vne lieue pres de Malaca, par le moyen d'un vêt de terre qui les fauorisa grandement. Or ils furent contrains demeurer là iusques à midy, ne pouuans auancer à cause que la marée remontoit; dōt toutesfois Laqueximene ne sceut rien, ains estimant qu'ils eussent gagné Malaca des le soir, fit voile en l'isle de Dupe pour y faire enterrer ses morts, Albuquerque ne pouoit donner secours aux fustes n'ayant que deux basteaux, où il falloit beaucoup de gens, & craignāt la rencontre de Laqueximene. Mais enuiron midy le vêt se leua & commencerent ceux des fustes à deployer les voiles. & cinglerent à l'aide du reflux vers le port de Malaca. Par l'auis d'Anthoine Caruail qui conduisoit l'une des fustes, toute l'artillerie fut chargée pour tirer pres du port, à ce que ceux de terre par ce signal de ioye creussent que les Portugallois retournoyēt victorieux, & qu'à l'occasion de leur desfait il ne suruinst quelque trouble. De fait estans assez pres toutes les pieces furent laschees : & incōtinēt George Albuquerque, le chastellain majeur & autres estimans que Soule eust tout gagné accourēt vers les fustes. Lors voyans tel nombre de morts; les fustes lardees d'un nombre infiny de fiesches; & entendans ce qui estoit auenu, se prindrent à pleurer chaudemēt. Toutesfois de pœur que les Malacans s'esfarouchassent, &

pour leur faire croire que les Portugallois estoient demeurez maistres: Albuquerque fit laisser les morts es fustes iusques à minuit qu'ils furent enleuez & enterrez au tēple. Par ainsi la route des Portugallois fut celee par vn long temps, & disoit on à ceux du pays que Martin Alonse de Soule & les autres morts, estoient malades, afin d'oster tout soupçon, quand on ne les voyoit plus pourmener, comme ils auoyent accoustumé.

21. *Exploits de Laquexime ne apres sa vie éloire.* **Q**UANT à Laqueximene, voyant que les Portugallois se tenoyent clos pour ne plus s'esprouuer contre luy, il resolut de leur aller faire vne autre brānade, & se venger de leurs alliez. Pourtant descendit-il en la coste de Malaca pres d'un village assez prochain de la ville, nommé Colascar. Les habitans enuironnez de tant d'ennemis, ne voulurent se mettē en defence, se rendirent vies sauues, & furent chargez hommes, femmes, enfans, bestail, viures & meubles dessus les lanchars de Bintam. Vn Chrestien demeurant en ce village courut en dire les nouuelles à George Albuquerque en Malaca, lequel fit partir promptement Garſie Chaigne avec septante soldats pour donner sur la queue des troupes de Laqueximene, selon que l'occasion s'y donneroit, ce qu'il pourroit conoistre estant au bord d'un ruisseau coulant entre Colascar & Malaca. Chaigne party sur le soir estā pres du ruisseau ne peust retenir ses soldats qu'ils ne passent outre, sans attēdre qu'on eust descouuert ce que faisoient les ennemis, qui estoient encores au village, acheuans de le piller. Mais quand ils sentirent les Portugallois craingnās qu'Albuquerque n'y fust avec toutes ses forces, ioint que la pluspart estoient es lanchars, ils se retirerent vilement pour s'elargir en mer, sans que Chaigne & ses gens en peussent attraper pas vn, ains trouuerent le village sans habitans, & apres en auoir tiré quelques quantité de riz, & vn peu d'autre choses que les ennemis n'auoyent eu loisir d'emporter, ils retournerent à Malaca, estant lors pres de la minuit. Laqueximene priāt la route de Bintam, se contentant pour ce coup des maux que son armee auoit faits aux Portugallois.

22. *Exploits de Laquexime* A quelques iours de là suruint vn accident par le moyē duquel les Portugallois se vengerent de leurs pertes. Le

Roy de Bintam irrité contre celuy de Lingue voisin de ne et le Roy de
Malaca, deuenu amy des Portugallois, auxquels il en- *Draguin des-*
uoyoit des viures, delibera luy courir sus: & pour cest ef- *faits par la*
fect arma cent septante lanchars sous la conduite du *flotte de Por-*
Roy de Draguin son gendre & de Laqueximene, qui *tugal venne*
menerent en ceste flotte fournie de canons & de toutes *au secours d'a*
munitions de guerre, huit mille hommes bien equippez. *Roy de Lin-*
Auec ceste armee ils assiegerent de si pres le Roy de Lin- *gue.*
gue, que se voyant sans moyens de pouuoir subsister
il enuoya demander secours à Albuquerque, lequel prom-
mit s'y employer & cōclud le faire, encores que cela fust
malaisé tant à cause du petit nombre de gens qu'il auoit,
blessez pour la plustart & saouls de la guerre, que pour
la peur que chascun auoit de ceste puissante flotte de Bin-
tā en laquelle estoit Laqueximene. Neâtmoins Aluarez
Brittio & Balthazar Roderic Rapoze, suivis de cin-
quante Portugallois, s'embarquerent en deux basteaux
pour entrer en la ville de Lingue, s'il leur estoit possible.
Estans arriuez en vne petite isle, qui est à la portee d'un
saucōneau pres de Lingue, ils furēt cōtrains mouiller les
anchres à cause que la marée se retiroit, mais de peur que
les ennemis ne coupassent les gūmenes, ils attacherēt des
chaines de fer aux anchres pour les retenir & leuer à leur
commodité. Laqueximene & le Roy de Draguin esti-
mans tenir desia ces deux basteaux en leur puissance
commencerent à renger leurs lanchars, & enuoyer
sonder l'eau, pour inuestir les Portugallois, lesquels ap-
perceurēt bien qu'on ne les lairroit gueres en repos,
pourtant s'apprestèrent au combat avec force engins
à feu, tenans leurs harquebuzes & pieces routes pre-
stes. Et pour empescher d'estre accrochez, ils reuestirēt
leurs basteaux de nattes de paille fort espaisles, & qui
aualoient insques à fleur d'eau, ne laissant que les proues
& poupes descouuertes. Si tost que les ennemis
sentirent la marée baisser, ils se parrirent en deux flottes
avec grand retentissement de tabours & instrumens de
guerres qui sonnoyēt par interualles, & n'auoyēt plustost
cessé que les soldats se prenoyent à crier & chanter yne
chanson en langage Malacan à la cadence des rames, dōt
le refrain estoit: Vous estes prins à ceste heure, comme

les poissens au filé. Mais il en auint autrement, car à l'approcher Anthoine Caruail deschargea tant à point vn fauconneau qu'il brisa vn lanchar, & soudain iouerent quatre autres pieces qui rompirent onze lanchars & tuerent beaucoup d'ennemis. Laqueximene voulant auoir les deux basteaux entiers & les Portugallois en vie, ne fit lascher ses pieces, ains approcha pour accrocher les basteaux, ce que ses gens ne peurēt faire à cause des nattes. Il commença lors à leur dire mille iniures, & eux demy desesperez tiroient flesches enuenimees, dards & zagayes en tel nombre que les basteaux sembloient à des herissons, & n'y auoit chordage ny equippage qui fust entier. Ce nonobstant les Portugallois combatoyent de grand courage, harquebuzans incessamment & dardans leurs engins à feu avec telle dexterité qu'ils ne perdoient pas vn coup, ioint aussi le grand nombre d'ennemis, à trauers desquels ils desferrent vne de leurs plus grosses pieces qui fit vn terrible rauage, & mit à fond quelques vns de leurs lanchars. Neantmoins Laqueximene & le Roy de Draguin recommencerent de plus grande furie qu'auparauant : mais le cœur croissoit aux Portugallois. Sur ce il auint comme Anthoine Caruail apprestoient vn pot de feu artificiel pour le lancer de la poupe de son basteau en vn lanchar qui le tenoit assiégué, qu'Alfonse Gilles le pria de luy laisser ceste charge, & cōme il estoit prest à faire son coup, vn dard ietté du lanchar des ennemis fit tomber ce pot à ses pieds, & le feu se prenant à Alfonso brussa vne partie de ses ennemis & s'espandit incontinent par le basteau. Les ennemis estimant que ce basteau deust brusler, commencerent à faire tous leurs efforts d'y entrer par les deux petites portes du timon, ou quelques Portugallois coururent incontinent, avec le canonier qui marchoit le premier pour mettre le feu à vne piece qui estoit dans l'une de ces portes. Mais d'autant que les ennemis estoient desia dessus & autour de ceste piece, il ne peust executer sa volonté, & de despit qu'il eut de se voir ainsi empesché empoigne au poil le premier qui se rencontra, & du pommeau de son espee luy cassa les machoires : ce que voyans les autres saentrez ou prests à monter se retirerent vistement, si que le ca-

le canonniier eut loisir de descharger ceste piece & quelques autres, qui firent voler bras, iambes & testes d'une estrange sorte: tellement que les ennemis perdans esprit & force, nonobstant les cris de leurs generaux qui les rappelloyent au combat, quitterent la partie, laissant grand nombre des leurs au fond de la mer, sans les bleflez. Les Portugallois n'y perdirent qu'un homme nommé Louys Perez, & dixsept bleflez, qui en guarirent pour la plupart. Apres que Laqueximene eut esté ainsi repoussé, les Portugallois entrerent en grande ioye, & avec fanfare de trompettes, son de tabours & harquebuzades, au port de Lingue, où ils furent receuz du Roy, de son fils & de son gendre, avec infinies remerciemens de leur arriuee & secours: puis ayans pourueu à ce qui estoit requis pour la seureté de ceste place se retirerent avec quelques viures necessaires pour soulager la disette de ceux de Malaca.

COMBIEN que le Roy de Bintã eust receu ce coup de baston en la desfaite d'une partie de son armee, si ne desista-il d'en vouloir aux Malacans, estimât faire beaucoup de guer-
coup, s'il pouuoit couper les viures aux Portugallois. Et re du Roy de
non content d'enuoyer Laqueximene avec une armee Bintam cõtre
nauale, despescha aussi par terre ce renegat nommé Aue- Malaca Et
lar, avec quatre mille hommes, lesquels se camperent à quel en fut le
demie lieue pres de Malaca. Ce qui mit Albuquerque en succes.
plus grande peine que iamais, d'autant qu'il n'auoit pas
lors plus de cent Portugallois propres à la guerre, enco-
res y en auoit-il une partie malades, lesquels il logeoit es
forts & corps de garde pour les defendre au moins mal
que possible seroit, ayans à combattre de pied ferme en
des endroits. Les affaires estans en cest estat, une nuit
les ennemis assaillirent la bourgade de Quêlin par un
endroit fermé de pallissades pourries de vieillesse, tellement
qu'au premir abord ils en firent tomber par terre la lon-
gueur de soixante brasses. Le bruit fut tel que les habitãs
qui dormoyent s'esueillerent & coururent voir que c'es-
toit, mais ils trouuerent les ennemis dedãs qui tuerent
quelques homes, & en emmenerent d'autres. Les Portu-
gallois suruindrent au cry des eschappez, & garderent
la bresche iusques au point du iour qu'Albuquerque la

23.

*Recommence
ment de guer-
re du Roy de
Bintam cõtre
Malaca Et
quel en fut le
succes.*

fit reparer. Depuis Auelar fit cōtinuer les escarmouches & courfes, de telle sorte que les Portugallois, contrains d'estre iour & huiet au guet les armes sur le dos, & mal nourris, cōmençoÿēt à defaillir du tour: mais Albuquerque & Garfie Chaigne les soulagerēt de viures & les encouragerent tellement qu'ils continuerēt iusques au bout, tellement qu'Auelar fut contraint se retirer en vn lieu nommé Penagin à sept lieues loin de Malaca, d'où il faisoit quelques courfes. Vn iour il fit vn banquet aux capitaines & principaux de son cāp, lesquels apres auoir fait grand' chere, & beu à outiance firent sermēt es mains les vns des autres d'aller en Malaca, & rapporter la teste de Garfie Chaigne qu'ils haysoÿēt plus que nul autres Portugallois. Incontinent ils s'embarquerent avec leurs plus assurez soldats au nombre de deux cens septātē hōmes, en douze lanchars, parais & calaluz. Estans entrez, en vn fleuue à deux lieues de Malaca, ils mirēt leurs vaisseaux à couuērt sous des arbres pres du riuage, & s'auacērēt plus pres de la ville, enuoyans quelques coureurs, qui allerent tuer des vaches au pasturage. Les Portugallois sortēt pour aller apres ces coureurs qui se retirent cōme fuyans vers leur embuscade. Garfie Chaigne qui menoit la troupe les ayant perdus de veue se retire avec ses soldats, exceptez six qui se desbanderent & prindrēt vn chemin nō accoustumé, tellement qu'ils approcherent de l'embuscade, & voyans tant d'ennemis vouloyēt se sauuer à la course: mais Frācisque Correa les vns des six, affoibly de maladie, & ne pouuant à peine se soustenir, retint ses cōpagnons, qui se rangerent si dextremēt autour de quelques arbres, qu'apres auoir mis par terre à coups d'harquebuzes & de picques onze des plus eschaufez, ils cōtraignirent les autres de se retirer. Eux ayans si bien fait cōtre leur esperāce, regaignerent la ville & firēt entendre le tout à Albuquerque, lequel réuoya sur l'heure Garfie Chaigne apres les ennemis, qui voyant la resolutiō des Portugallois, cōmencerent à fuir au long du riuage, afin qu'on n'estimast qu'ils fussent venues en des vaisseaux. Neātmoins les Portugallois chercherent si bien qu'ils trouuerent ceste flotte, dont la plupart fut bruslee, le reste mené à Malaca. Autre chose notable n'auint en ceste guerre, qui dura iusques à

l'arriuee de Pierre Mascaregne. Depuis la mort de Martin Alphonse de Souze iusques alors moururēt deux cēs quarante Portugallois, tāt de blessures, que de faim & autres incōmoditez, les suruiuans assistez d'Albuquerque & de Chaigne en toutes sortes possibles, cōme nous auōs dit.

24.

PIERRE Mascaregne tenant avec sa flotte la route de *Pierre Masc-* Malaca pour y commander, trouua vne nef de *Mores de caregne esta-* Cambaje, chargee de grandes richesses, qui furēt pillées, *bly gouver-* & Iacques Chaigne, qui alloit en ce voyage pour estre *neur de Ma-* facteur du Roy de Portugal en Malaca, ordonnē *capitain,* & ses *tainē de ceste nef,* avec laquelle il surgit au port de *Ma-* Malaca. Garſie Chaigne ayant entendu la venue de son frere *premiers ex-* ploits.

re, monta en vn calaluz avec treize autres, estant vestu si superbement, que son espee, le fourreau, la ceinture & les pendāns valoyēt deux mille ducats. Au sortir du fleuue le calaluz receut telle secouſſe d'vne vague, qu'il print eau & coula en fond, tellement que Garſie & tous ceux qui l'accompagnoyent furent noyez, exceptē vn Malacā, & telle fut la fin de ce personnage qui auoit fait de grāds seruices à son Prince. Iacques son frere print possession de tous ses biens. Tost apres arriva Mascaregne, lequel en vertu des lettres patentes du Roy fut receu & establi gouverneur par Albuquerque. La premiere chose qu'il fit fut d'emprisonner Iacques Chaigne, pour s'estre mis en possession des biens de son frere, sans autorité de iustice, à quoy faire il estoit obligē selon son deuoir, & pour l'acquit de sa charge, puis l'enuoya en l'Inde basse, où il mangea toute ceste succession pour recouurer sa liberté. Le Roy de Bintam ayant eu nouuelles de l'arriuee du nouueau gouverneur, ne pouuoit croire qu'il y eust encōr des Portugallois en vie pour oser luy faire teste: pourtant leua-il vne nouuelle armee pour assieger la citadelle de Malaca. Encōres que les Portugallois fussent en petit nombre, harassez du travail des mois precedens, contrains de veiller & porter les armes iour & nuict, si est-ce qu'ils sortoyent souuent à l'escarmouche, où Mascaregne marchoit des premiers & menoit sagement ses soldats. Vne fois entre autres prisonniers il ramena vn capitaine de Bintā & vn soldat qui s'estoit bien defendus. Ce capitaine serrē dedans la citadelle. trouua

moyen de se saisir d'un poignard, & en tuoit Mascaregne sans l'avertissement qu'on luy donna par un cry soudain: tellement qu'il eut assez affaires de destourner le coup. Mais pour punition d'un tel attentat il fit ietter le capitaine du haut de la grosse tour de la citadelle en bas. Le soldat fut attaché à la bouche d'une piece pour estre desmêbré en l'air, mais en faisant le coup la piece creua & tua le canonnier. Or comme la guerre cōtinuoit, Mascaregne voulant se mettre un peu au large, & tailler de la besongne au Roy de Bintam, enioignit à Arias de Cugne Amiral de Malaca d'aller avec son galliô & quelques fustes couper les viures & rompre le trafic de Bintam: ce qui fut executé au grand desauantage des ennemis. Au mesme temps Martin Alonse Melio ayans hyuerné autour de Bandan arriua au port de Malaca, & fut prié par Mascaregne d'aller faire la guerre au Roy de Patane, lequel s'estoit rebellé, comme nous l'auons veu cy dessus. Quoy que Melio ne fust encores bien guery de sa blessure, neantmoins il accepta ceste commission, & remonta dās le galliô du capitaine Rapozé, qui eut charge d'un autre vaisseau, & tint compagnie à Melio, ensemble Louys Brandan qui commandoit en une carauelle, & quatre lanchars, avec deux cens Portugallois. Avec ceste flotte Melio assaillit seize ioncs anchrez au port de Patane, tua la pluspart de ceux qui estoient dedans, & pillā ces ioncs: au moyen dequoy le Roy de Patane fut contraint demander la paix, offrant payer tous les dommages que les Portugallois auoyent receus en ce port, & d'enuoyer en Malaca les viures que l'on voudroit tirer de son royaume, à condition que l'on redist les seize ioncs. Cela fut accordé par Melio, lequel fit voile de Patane en Malaca, puis se retira en l'Inde basse.

25.

Arrivée de Garfio Henriquez aux Molucques, & ce qu'il y fit.
 S V R le commencement de May, saison propre pour naviguer aux Molucques, Garfio Henriquez partit de Bandan, & suiuant sa route arriua en l'isle de Ternate, lors qu'Anthoine Brittio vouloit enuoyer assaillir une place appartenante au Roy de Tidore. Ayant mouillé l'ancre à Talagame, qui est le port des iōcs & des nauires à deux lieues loin de la citadelle, il enuoya faire entendre sa venue à Brittio, & qu'il venoit pour estre gouverneur des

Molucques: pourtant demandoit-il que la citadelle luy fust liuree, & n'estoit deliberé de prendre terre que cela ne fust fait. Brittio estonné d'un message si precis, fut sur le point de l'esconduire tout à plat: toutesfois pensant un peu mieux à soy, il le fit prier de se desembarquer, promettant de faire tout ce qui seroit pour le service du Roy. Gasie refusoit tousiours de quitter ses vaisseaux, que premierement Brittio n'eust assigné la place, craignant que s'il descendoit son competeur ne le deposse- dast de la flotte & de la citadelle tout en un coup. Neant- moins à la parfin il descendit sur la foy de Brittio qui le recueillit avec fort bon visage, le mena dîner en la cita- delle avec le facteur & le chastellain. Apres dîné, Hen- riques vouloit monstrier ses lettres d'estat à Brittio & de- meurer maistre en la citadelle: ce que Brittio refusa du commencement, mais quelques heures apres elles furent leues en preséce du chastellain & autre officiers du Roy. Ce qu'estant fait, Brittio dit, encor qu'il eust moyen de disputer sur certaines ambiguités contenues en ces let- tres, & tirez les affaires en longueur, neantmoins estoit prest de quitter la place au mois de Ianuier suinant, & non plustost, pource qu'alors la saison estoit propre pour al- ler des Molucques à Malaca. Apres quelques contesta- tions, ils allongerent le terme iusques au mois d'Aoust seulement, & fut arresté que pendant ce temps ils demeu- reroient ensemble dedans la citadelle, ce qu'ils accepte- rent, & furent grands amis tout ce temps là, Henriques estant reconu selon la teneur de ses lettres.

FIN DV QUINZIESME LIVRE.

Liij



LE SEIZIESME LI-
VRE DE L'HISTOIRE
DE PORTVGAL.
SOMMAIRE.

1. Renouuellement de guerre entre le Roy de Calcut & les Portugallois.
2. Citadelle de Calcut ceinte d'un fossé par les ennemis.
3. Exploits de Jean de Leme capitaine de la citadelle pour se défendre contre les Calcutiens.
4. Commencement de siège & batterie de la citadelle.
5. Fortification nouvelle des Calcutiens.
6. Secours demandé au Viceroy par Jean de Leme.
7. Divers effort des Calcutiens pour emporter la citadelle.
8. Arrivée de Christofe Iusarie au secours de la citadelle, & ce qu'il fit.
9. Autre secours enuoyé par le Viceroy à Jean de Leme.
10. Nouveaux engins dressés par les Calcutiens contre la citadelle, & ce qui s'en ensuivit.
11. Fortifications des Portugallois pour leur défense.
12. Inventions adoussées aux précédentes pour forcer la citadelle, & dequoy seruirent.
13. Hector de Sylveire & Francisque Perayre secoururent Jean de Leme.
14. Combat entre les Portugallois & Calcutiens, & ce qui s'ensuivit puis après au siège de la citadelle.
15. Conseils tenus & moyes suivis par le Viceroy pour secourir les Portugallois, & combattre les ennemis.
16. Bataille entre le Viceroy & les Calcutiens campés devant la

citadelle, & qu'elle en fut l'issue.

17. La citadelle de Calecut desmolie par le commandement du Viceroy.
18. Ce que fit le Roy de Calecut apres le depart des Portugallois.
19. Rencontre & bataille sur mer entre George Albuquerque & le gouverneur de Porqua.
20. Auantures des capitaines Portugallois partis des Molucques pour aller en l'isle de Celebo.
21. Differens entre Anthoine Britio & Garfie Henriquez en la citadelle de Ternate, & ce qui en auint.
22. Retraite du Viceroy de la coste de Malabar en Cananor.
23. Malabares desfaits par George Tellio au fleuue de Baccanor.
24. Mort & enterrement de Henry de Menesex Viceroy, avec un brief discours de sa vie & de ses vertus.

POUR CE que le Roy de Calecut auoit deliberé de se rendre maistre de la citadelle; il s'auisa d'endormir (s'il estoit possible) ceux qui la gardoyent, afin d'en cheuir plus aisément puis apres. Pour cest effect il enuoye au Viceroy qui estoit en Cochim vn espion nommé Lambeamorin, avec lettres de creance, pour traiter de la paix & coucher par escrit les articles qu'ils trouueroient conuenables pour l'entretienement d'icelle. C'estoit afin d'oster aux Portugallois toute opinion de guerre, & les garder de fournir citadelle des choses qui y estoient necessaires pour soustenir vn siege. Lambeamorin arriua sur la fin de May au port de Cochim, presenta ses lettres de creance, & dit au Viceroy qu'il auoit charge de la part du Roy de Calecut de traiter la paix: ce que le Viceroy fut content de croire à raison de la guerre qu'il pensoit commencer contre le Roy de Cambaye, & dit à ce député qu'il pacifieroit à condition que lon rendist toute l'artillerie appartenante aux Portugallois, & tous les parais du Royaume de Calecut, autrement c'estoyent pareilles perdues de discourir sur les articles de pacification. Outreplus le Viceroy demandoit qu'on luy liurast certains Mores à la suscitation desquels on auoit tué quelques Portugallois & bruslé le temple de saint Thomas à

i.

Le Roy de
Calecut sous
ombre de
paix se dispo-
se à vne cruel
le guerre con-
tre les Portu-
gallois.

Cranganor, & qu'ils payassent vne somme raisonnable pour rebastir ce temple. Lambeamorin s'en retourna avec ceste responce, promettant faire accorder le tout au Roy son maistre, & la dessus dressa des articles souffignez de sa main, lesquels il enuoya de Calecut au Vice-roy. Mais c'estoyent promesses en papier & sans aucun effect, car Lambeamorin ne retourna plus, & n'escriuit chose quelconque pour l'execution des articles: d'aurant que le Roy cuidoit auoir temps propre pour commencer la guerre, l'hiuer estant ia commencé en ce pays là, tellement que Iean de Leme ne pourroit estre secouru, il enuoya son lieutenant general avec douze mille hommes, pour ceindre la citadelle d'un fossé depuis vn des bouts où elle regarde la mer iusques à l'autre, puis d'une tranchée, afin de mettre ses gens à couuert & empescher que l'artillerie des Portugallois ne les greuast. Il despescha par mesme moyen vn Chrestien renié, Sicilien de nation, qui estoit maistre de camp, & grand ingenieur, lequel s'estoit trouué au camp des Turs au siege de Rhodes, trois ans auant ceste guerre de Calecut. Toute ceste armee descendue en terre alla incontinent se camper autour de la citadelle, pour reconoistre la place, sans espargner les coups de fleches & de harquebuzes. Mais pour ce que les pieces de la citadelle iouoyent, ils n'osoyent se monstrer, ains tiroient d'entre certaines mazures assez proches de la. Iean de Leme, cheualier sans peur, exhorta incontinent les capitaines qui l'accompagnoient de faire vne sortie sur les Mores, pour leur monstrer qu'on ne les redoutoit en sorte que ce fust: ce que les capitaines executerent avec leurs harquebuziers d'une adresse si brusque & courageuse qu'ils contrainquirent les ennemis de se retirer dedans la ville, puis rentrerent tous dedans la citadelle, que Leme auoit fournie de matieres necessaires pour entretenir les pouldres & reparer les bresches au besoin, se doutant bien de ce qui auint rost apres.

Le lendemain matin apres ceste escarmouche les gadoours des ennemis commencerent à creuser le fossé qu'ils auoyent aucunement entamé durant la dernière guerre, & vouloyent fermer la citadelle d'un riuage iusques à l'autre. Leme se doutant bien de leur deliberation

2.
Les Calecutiens commen-
cent à faire
leurs appro-

taschoit de les molester par tous moyens possibles: & combien qu'il n'eust pas plus de trois cens hommes de fait & propres à porter les armes, si ne lassoyt il d'attaquer tous les iours l'escarmouche, dôt les Portugallois ne reuenoiët iamais que les ennemis ne perdissent quelques gens. Mais ils estoient en tel nombre que leur ouurage s'auançoit, resolu à quelques pris que ce fust, de paracheuer, si que Leme apperceut qu'on vouloit par tel moyen luy trancher toute esperance de secours. Pour y remedier ses capitaines luy conseillèrent de dresser depuis la forteresse iusques au riuage vne closture ou terrasse assez large, & dessus vne forte palissade: ce qui fut diligemment executé de nuit & en peu d'heures. De là en auant il y eut tousiours garde sur ceste terrasse, pour empescher que les ennemis n'y ietassent le feu. Et pource que la facturerie & la tour des munitions estoient hors de la citadelle, en grand danger d'embrasement, Leme fit transporter tout ce qui y estoit en la citadelle: mais ce fut avec grande peine, à cause de la resistace des ennemis qui s'obstinoient au combat; encorës qu'ils n'y gaignassent que des coups. Ces maisons vuidees, les Portugallois qui y faisoient garde endommageoyent fort les ennemis à coups de barquebuzades qu'ils tiroient à couuert sur ceux qui s'approchoient trop pres de la citadelle: & sur la retraite Leme faisoit vne sortie courât iusques dedans le fossé, avec force engins à feu, dont plusieurs estoient grillez, tellement qu'il les arresta long tēps auant qu'ils eussent paracheué ceste entreprise. Le Sicilien desirieux d'auancer la besongne fit dresser des mantelets de bois, tellement accommodez que les pionniers travailloyent tousiours à couuert, & par ainsi l'artillerie ny les engins à feu ne les pouuoient offenser. Pour cela Leme ne discontinna pas ses escarmouches, mais à faulte de gens il estoit contraint se retirer quelques fois plustost qu'il n'eust voulu. Au contraire le Sicilie auoit tant d'hommes en main qu'il conduisit sa tranchee fort auant, & commença à faire vne leuee de terre pour y dresser vntrebuscher & engin propre à darder pierres & gros cailloux dedans la citadelle durant la batterie, afin d'empescher les assiegez de remparer. Combien que Leme ne

comprinst pas du premier coup le dessein de cest ingénieur, neãtmoins il resolut avec ses capitaines d'empescher le paracheuement de ceste leuee, & fit sortir Valque & George de Leme avec cinquante soldats sur huit cens hōmes trauaillans à cest ouurage, aucuns desquels furēt tuez & les autres mis en route, sans que les Portugallois y eussent rien perdu sinon vn soldat & deux blesez qu'ils remenerent. Depuis cela les ennemis reuindrent & continueroyent avec deux fois autant de besōgnas: mais Leme leur courut sus de telle impetuosité, & en fit si sanglante boucherie, qu'ils abandonnerent entièrement ceste fortification.

3.

*Exploits de
Ieã de Leme
pour se defendre
contre les
Calecutiens.*

Ce pendant les Mores de Calecut estoient merueilleusement ioyeux de voir la citadelle assiegée, car c'estoit par leur conseil que le Roy faisoit ceste guerre: lequel aussi ils aidoyent de tous leurs moyens pour forcer ceste place, esperans qu'apres la ruine d'icelle ils recouureroyent leur credit, perdu es Indes. Mais ils n'osoyent en sonner mot deuant les Naires, qui leur disoyent mille iniures, les accusans d'estre propres à esmouuoir guerre & reduire le Roy au hazard de perdre son estat, & que ceste querelle esmeué contre les Portugallois estoit la commodité des viures, & feroit mourir de faim grands & petits. Ce nonobstant le Roy de Calecut fauorisoit les Mores à cause de leur bourse assez profonde, de laquelle il tiroit les moyens de entretenir la guerre: car sans cela, & si les Mores eussent quitté le royaume de Calecut, ce Roy demeueroit à sec, de sorte qu'eux pour regagner leur credit presque du tout perdu, pratiquoyent avec luy pour entretenir & poursuiure ceste guerre à leurs despens. Et pource qu'ils scauoient que sa presence presseroit dauantage la citadelle, ils le prierent d'aller à Calecut, ce qu'il fit avec vne puissante armee & y arriva au commencement de Iuin, accōpagné de plusieurs Rois & Seigneurs ses confederez. A la monstre generale se trouuerent nonnante mil hommes outre les Mores & les Naires, qui faisoient nombre de deux mil harquebuziers, avec de l'artillerie à force pour battre la citadelle. Si tost que le Roy fut descendu il se deguisa & avec biē peu de gens alla reconnoistre la place, & voyant vne si petite forteresse se

donna de ce que lon tardoit tant à prendre ceste poignée de pierre & de bois. A quoy son maistre de camp fit response que c'estoit chose plus malaisée que le Roy n'estimoit, pource que les Portugallois la gardoyent si bié, que les Calecutiens pourroyent se vanter d'estre venus à bout d'une tresbelle entreprise, s'ils emportoient ceste place en dedans quelques semaines. Le Roy repliqua qu'il s'en feroit maistre, & qu'il n'auoit amené tant de gens que pour cest effect: puis s'en retourna au palais, & ce mesme iour enuoya vne compagnie d'archers autour de la forteresse, lesquels firent chasséz à coups d'harquebuzes & de canons, & laisserent cinquante des leurs sur la place. Pour faire despit à Jean de Leme le Sicilien luy fit dire que le Roy estoit attriné, exaltant merueilleusement les forces d'iceluy: mais Leme fit telle response que ce renegat demoura confus. Au reste, encores que les ennemis ne continuassent leurs escarmouches, Leme ne laissoit de sortir presques ordinairement sur ceux qui trauiilloient iour & nuict au fossé, & leur donnoit tant d'alarmes qu'ils s'esbahissoient qu'une petite troupe de gens peust faire tant d'efforts. Depuis, Leme voyant que l'escarmouche aux fossés le ruineroit peu à peu, se contenta de loger ses soldats en la factorerie & en la tour des munitions, d'où ils harquebuzoyent par les canonnières & abbatoyent tousiours quelques vns. Ce que voyant le general de l'armee, amassa vn iour ses harquebuziers, les faisant tirer par ordre & si dextrement depuis midy iusques au soir, qu'ils rompirent les canonnières des Portugallois, & sans vne grosse poultre mise en trauers, & à la faueur de laquelle quelques pieces battoient l'ennemy, les Portugallois estoient en danger de mort, car ils eussent esté tuez en ces lieux, ou accablez du grand nombre d'assaillans s'ils fussent sortis en place. Mais leurs pieces iouerent si bien pour eux que les ennemis se retirerent. Incontinent Leme consulta avec ses capitaines, s'il faloit garder ceste factorerie & l'autre maison. La resolution fut qu'on y mettroit le feu pour obuier à plus grande incommodité; & en mesme heure l'un & l'autre furent embrasés au grand contentement des ennemis qui auoyent esté tant fouetez de ces deux endroits, & qui s'assu-

royent de paracheuer leur fossé plus aisément, quand tous les Portugallois seroyent dedans la Citadelle. Leme ayât fait reueue de ses soldats, trouua comprins les gentilshommes & Capitaines encores trois cens hommes, dôt quelques vns estoient blesez: puis visita les viures & trouua qu'il y auoit de l'eau douce pour vn an, moyennât qu'elle fust mesnagee, à quoy il pourueut, empeschant que les esclaves n'y iettassent quelque poison, & en gardoit luy mesmes la clef. On trouua aussi du riz pour vn an, & quelques autres victuailles pour vn mois ou enuiron. Outreplus il establit six corps de garde sous la charge de Vasque de Leme, Anthoine de Sa, George de Leme, Roderic Melio, Iean Rabel, Anthoine de Serpe & Manuel de Far, prenant la charge quant à luy avec quelques gentilshommes de secourir au besoin les plus foibles endroits. Et pource que la Citadelle estoit de forme quarrée, les vns pouuoient aisément voir & aider les autres.

4. *Commence-
ment du siege
& batterie
de la Cita-
delle.* LA nuit suiuaute l'embrasement de la facturerie & de l'autre maison, les ennemis besongnerent si diligement au fossé & en la tranchee, qu'ils acheuerent la besongne, qui auoit vne picque de profond & à vn iect de pierre de la Citadelle, & pouuoient cheminer dans le fossé & la tranchee sans pouuoir estre offensez de l'artillerie des Portugallois. Ils auoyent fait cela pour poser deux corps de garde avec force artillerie aux deux bouts, pour empescher le secours qu'on pourroit donner du costé de la mer à ceux de la Citadelle. Le iour venu ils placerent du costé de Septentrion deux grosses pieces, & commencerent à les lascher contre la Citadelle. En apres ils dressèrent vne autre batterie au lieu où les deux maisons susmentionnees auoyent esté, & avec vn double canon que ils auoyent prins aux Portugallois, & couuert à cause des pluies d'une couuerture espaisse esleuee proprement. Ce canon battoit la tour où estoient les pouldres. Au mesme endroit y auoit vne autre couuerture sous laquelle furent disposéz quatre canons, qui tiroient le boulet de fonte assez gros contre le pan de muraille depuis le boulevard de la Citadelle iusques à ceste tour des pouldre. Du costé de Midy fut dressée vne autre batterie de sept pieces, dôt les quatre portoyēt le boulet de pierre, les trois de fonte,

onnans contre la muraille du boulevard. A l'Orient estoient disposées sept grosses pieces, cinq à boulets de pierre, deux à fonte, & tiroient à vne muraille entre le boulevard & la tour des poudres ensemble à ce boulevard & aux deux tours. Il y auoit encor deux autres batteries au Septentrion & au Midy chascune de six canons sur rouës pour tirer aux vaisseaux qui voudroyent donner secours par mer, & ce pendant battoient la Citadelle de ce costé : estans toutes ces batteries à vn iect de pierre de la Citadelle. La batterie commença le treiziesme de Juin au point du iour, avec vn tel tonnerre & si espaisse fumee qu'on n'oyoit ny ne voyoit rien : mais par l'ignorance & peu d'experience des canonniers ce furent autât de coups perdus, pource qu'ils donnoient trop bas ou trop haut, ce qui descouragea fort les assaillâs, & au contraire encouragea les assiegez plus que deuant.

L'INTENTION des ennemis estoit de rōpre à coups de boulets les pieces de la Citadelle: toutesfois ils ne gaignerent pas beaucoup par ce moyen. Vray est qu'un soir ils tirerēt vn coup du costé de la ville, lequel rompit quelques bouts de muraille & la cloche qui seruoit à sonner la garde. Incontinent les Portugallois coururent à la bresche & reparerent ce dommage, comme ils auoyent fait en plusieurs autres endroits au parauant. Or le Sicilien voyant que le Roy de Calcut estoit à demy desesperé à cause de l'insuffisance de ses canonniers, l'assura de dresser vn engin par le moyen duquel on emporteroit la forteresse. C'estoit vne leuee de terre, de cailloux & de fascines meslees ensemble, par l'industrielle diligence des gastadours, pretendans la rendre aussi haute que la forteresse, pour puis apres accabler à coups de pierres ceux de dedans. Au commencement les Portugallois estimoyent que les ennemis voulussent combler les fosséz pour escheller puis apres la muraille, & pourtant firent prouision de grenades, pots & lances à feu. Leme estoit en merueilleuse perplexité à cause du grand nombre des ennemis qui l'environnoient de toutes parts, & n'y auoit apparence que de grande confusion pour luy & les siens s'il falloit combattre main à main. Sur cela il assemble les Capitaines par l'aduis desquels fut conclud d'enuoyer vers

*Fortification
nouuelle des
Calcutiens.*

le Viceroy pour obtenir renfort de cent hommes & quelques pouldres, avec vn ample discours de tout le passé. Leme enuoya suiuant ceste resolution vn messager expres dedans vne almadie, n'ayant lors aucun autre vaisseau.

6.
Secours de-
mandé au
Viceroy par
Jean de Le-
me.

LES nouuelles de ce siege volerent iusques aux oreilles du Viceroy, lequel attendoit que le Roy de Calcut enuoyast les articles de pacification accordez & signez. Mais entendant tout le contraire il se trouua merueilleusement perplex : car l'hyuer estoit ja auancé, la pluye impetueuse, la nauigation dangereuse, tellement qu'il n'osoit enuoyer secours. Tost apres il sceut plus au vray que Jean de Leme estoit serré de bien pres, & que les ennemis deliberoient d'en voir la fin à quelque pris que ce fust. Pourtant fit il equipper promptement deux Carauelles, vaisseaux plus propres que nuls autres en nauigation facheuse. En ces entrefaites l'almadie arriva au port de Cochim le dixiesme de Iuillet, ayant passé mille dangers en ce voyage. Alors le Viceroy entendit par le menu en quel estat les affaires se trouuoient requises, & lors quelques gentils hommes voyans la necessité se presenterent alaignement pour aller au secours, entre autres Manuel Cernige, Edouard de Fonseca & Christofle Iusarte, avec lesquels s'embarquerent cent quarante soldats Portugalois es deux Carauelles sous la charge de Iusarte. Fonseca alloit dans vne autre Carauelle, & partirent tous ensemble en grãd hazard hors de la fosse de Cochim le treizieme de Iuillet, avec commandement de voguer en toute diligence, d'approcher au plus pres de la Citadelle, & faire tonner leur artillerie cõtre les batteries qui seroyent de ce costé. Que durant ces canonnades il entrassent en deux paraus qu'ils menoyent attachez à leurs Carauelles, & voltigeassent en attendant auis de Jean de Leme, sans quoy leur estoit defendu de prendre terre. Apres le depart de ces Carauelles, le Viceroy craignant qu'elles ne courussent fortune de costé ou d'autre à cause de l'inconstance des vens, & ne peussent gagner Calcut à temps, tellement que la Citadelle demeueroit despourueue, enuoya apres vne galliote avec le plus de gens qu'il fut possible de trouuer, sous la conduite de François Vascõcel, avec charge, si la Citadelle n'estoit encores secourue des

Carauelles d'aller à Cananor dire à Hectór de Sylueire que le Viceroy luy commandoit secourir Leme, pour ce que ce lui estoit chose plus aisee qu'au Viceroy. Au mesme instant il despescha vn courrier par terre pour aduertir Sylueire de toutes les particularitez de ce siege, & des gens qui y alloient au secours: luy enioignant d'y marcher en personne, & d'y mener autant de soldats, de viures, & munitions de guerre, que possible seroit.

D E P U I S que Leme eut enuoyé querir du secours, les Mores n'ayans la patience de voir acheuer leur leuee de terre, firent dresser vn trebuschet pour lancer impetueusement en la Citadelle des cailloux fort pesans, par le moyen desquels ils brisoient les bouleuards & maisons. Ils commencerent à s'en aider le premier iour d'Aoust, tirans à la tour des pouldres pour la jeter par terre, & dardèrent de telle roideur six cailloux l'un apres l'autre, que la muraille se creua. Leme voyant cest effort, & qu'il y auoit danger pour les pouldres qui estoient en la tour, les fit transporter le mesme iour en vn autre boulevard, avec grand traual & peril de ceux qui s'y employerent. Ce trebuschet ayant foudroyé l'espace de quatre iours, mit par terre vn quartier de la tour, ce qui estonna Leme: mais Iacques Perez maistre canonnier de la Citadelle le consola, promettant, à l'aide de Dieu, de faire trebuscher ce trebuschet & le mettre en pieces, & la dessus braquer vn canon & tire si à point que sa promesse fut accomplie, & outre plus les esclats du trebuschet tuerent plusieurs des ennemis qui estoient aupres pour voir la ruine de la tour. Incontinent Leme & les siens mirent les genoux en terre remerciens Dieu d'une telle faueur, & toute la nuit il fit sonner l'alarme, & enuoya dehors Vasque & George de Leme avec quarante soldats qui sorrirent sur les plus proches ennemis, lesquels de là en auant ils contraignirent d'estre encores plus sur leurs gardes que par le passé.

L E S Carauelles parties de Cochim eurent le temps si contraire que ce fut miracle qu'elles ne furent englouties de la mer, tant les vagues estoient impetueuses. Outre ce danger il y en auoit vn non moins ennuyeux d'as les Carauelles mesmes, à sçauoir faute d'eau douce: car les sol-

7.

*Divers efforts
des Calcut-
tiens pour em-
porter la Ci-
dadelle.*

8.

*Arrivée de
Christophe In-
sarte au se-
cours de la Ci-
dadelle: & ce
qu'il fit.*

dats s'estoyent embarquez si soudainement qu'il n'estois
 souuenu à personne de dōner ordre à cela, pensans (à cau-
 se qu'il n'y a que vingt lieues de Cochim à Calecut) que
 ce qu'il y auoit de prouisiō és Carauelles suffiroit, & que,
 par maniere de dire, ils pourroyent achēner ce voyage
 sans boire. Mais il y en eut de tropes, car ils furent ving-
 cinq iours à temporiser & combattre la fureur des vents
 & des flots, tellement que sans quelques pluyes il fussent
 morts de soif, encores ceste eau deuenoit tant amere &
 puante, quād elle auoit esté gardee quelques iours, qu'on
 n'en pouuoit boire. Finalement ils descouurirent Cale-
 cut, où Christofle Iusarte arriva le premier sur le soir, & à
 la faueur d'un vent propre entra soudainement au canal,
 estant suiny le lendemain par Fonseca, lequel, à faute
 de vent, demeura dehors en mer. L'arriuee de ces Cara-
 uelles mit le cāp des ennemis en alarme, & ceux qui gar-
 doyent les batteries deuers la mer coururent aux armes,
 pour empescher la descente aux Portugallois, qui par leur
 arriuee resouirēt grandement les assiegez. Quand Leme
 appercent Christofle Iusarte dans le canal il courut viste-
 ment à la porte, & craignant que Iusarte voulust prendre
 terre luy fit signe de ne bouger encores, pource que ceux
 qui quitteroyent la mer se hazardoyent tout ouuertemēt
 à la mort, ayans à passer au trauers de tant d'ennemis. Il
 vouloit donc que ceste descente fust differée iusques à la
 nuit: mais le desir que Iusarte auoit d'entrer en la Cita-
 delle, luy fit penser que Leme l'exhortoit de gaigner le ri-
 uage, ioint qu'il auoit peur, en esgard à la saison, que quel-
 que vent de trauers ne iettast la Carauelle & la brisast
 contre la coste. Pourtant sans delayer dauantage ny at-
 tendre Fonseca, il fit entendre sa resolution à quatre
 vingts soldats qu'il menoit, dont les vns estoinez firent
 difficulté de descendre & luy proposerent la volonte du
 Viceroy: mais luy ne tenant compte de leurs remonstrā-
 ces, declaira qu'il iroit plustost tout seul, que qui le vou-
 droit suivre saurast promptement dedans le parau, & que
 les mal-assureez demeurassent en la Carauelle. Trente-
 cinq du nombre offrirent l'accompagner: lors ils entrē-
 rent au parau, & Iusarte commanda à ceux qui restoyent
 de tirer incessammēt avec les piecēs de la Carauelle. Cela
 dit-il

dit-il saute avec ses soldats, vogue vers le riuage conuer
d'archers & d'harquebuziers, attache son enseigne à l'es-
peron du parau, fait sonner les trompettes de fois à autre,
& quand elles cessoyent luy & ses gens crioient à plaine
teste, les matelots tirans à la rame de toutes leurs forces
droit à la Citadelle. Alors l'artillerie des ennemis com-
mença à tonner, & les harquebuzades à plouuoir com-
me gresle: ce neantmoins Iusarte & ses gens approche-
rent du bord, quelque peu à costé de la Citadelle. A rai-
son de cela les ennemis eurent loisir de les enuironner, &
sans attēdre que les Portugallois fussent descendus, & en
despit de leurs efforts, ils entrèrent dans l'eau assez auāt
à teste baissée, & comme bestes farouches arracherēt l'en-
seigne & les deux trompettes qu'ils emporterent hors du
parau, les autres se battoient à coups de poing contre les
Portugallois. Nonobstant ceste furie Iusarte & ses soldats
chasserent les assaillans d'autour d'eux, & sauterent tous
au bord de l'eau, où ils firent merueilles, & perdirent alors
deux mariniers, avec Iean de Macede & Fernād Siqueire
qui furent tuez sur le champ. Tous les autres furent grief-
uement blesez, nommément Manuel Cernige, lequel
voulant secourir vn sien amy receut vn coup à la iambe
dont il mourut quelques iours apres. Or Iusarte se porta
si vaillamment, qu'apres auoir passé sur le vêtre à tous ses
aduersaires, il se rendit à la porte de la Citadelle, où Iean
& Vasque de Leme avec quatre vingts soldats l'atten-
doient. Alors la meslee recommença plus aspre que de-
uant, pource que les ennemis, sans aucune apprehension de
mort, entroyent à la foule & pesse mesle avec les Portu-
gallois, estimans ne pouuoir regagner vne si propre oc-
casion puis apres. Iean de Leme & les autres se porterent
lors aussi vaillamment qu'on scauroit dire, & ce fut com-
me miracle qu'ils ne demeurèrent tous sur la place, veu
que les ennemis venoyent en telle multitude & de si grā-
de furie qu'ils sembloient deuoir tout engloutir. Neant-
moins les Portugallois demenerent maistres de la porte,
& Leme entra le dernier, maniant le coustelas de telle for-
ce & adresse, que les ennemis se contenterent de luy tirer
vne infinité de fleches sans l'oser ioindre, & furent alors
blesez quatre soldats qui marchoyent deuant luy. Pres-

ques tous les autres eurent leur part des coups, sans mort toutesfois sur le champ que des quatre sus-mentionnez. Au reste, comme Iean de Leme s'estoit trouué en merueilleux danger, ce fut à recommencer dedans: car plusieurs troupes d'ennemis voyans le combat si cruel vers la mer, porterent incontinent des eschelles à vn ruelin du costé de la ville, & commencerent à monter. Ceux qui gardoyent ce quartier se mirent en defence, n'espargnans pas les engins à feu: toutesfois les assaillans estoient en si grand nombre qu'en fin ils fussent entrez, si Leme n'y fust couru soudainement. Alors les eschelles furent renuersées, les monteurs si mal traitez, qu'il ne leur print aucune enuie d'y retourner à la seconde fois. Et pource qu'il y auoit dans le fossé beaucoup de morts qui avec le temps eussent par la puanteur de leurs charongnes infecté l'air, Leme fit crier par vn trucheman de dessus la muraille qu'il permettoit aux assaillans de reprédré les corps de leurs compagnons, promettant sur sa foy de ne leur y donner aucun empeschement. Eux y vindrent sur ceste parole, & emporterent les morts, dont les assiegez furent aussi contens que les ennemis eurent d'occcasion de lamenter ceste nouuelle perte.

9.

*Antre secours
enuoyé par le
Viceroy à Iean
de Leme.*

E D O V A R D de Fonseca voyant ce qui estoit aduenü à Iufarte, attendist que le vent tournast pour entrer le lendemain au canal, & s'approcha de terre le plus pres qu'il luy fut possible: Or pourcequ'il auoit veu le iour precedent en quel danger Iufarte & les siens s'estoyent precipitez, il ne voulut pas se hazarder ainsi sans scauoir premierement la volonté de Iean de Leme, & pour cest effect lon descocha vne fleche en terre, à laquelle estoit attaché vn billet, priant qu'on les aduertist de ce qu'il faloit faire. Leme ayant cest escrit assembla ses Capitaines, par l'aduis desquels fut arresté que Fonseca ne descendroit point, attendu que s'il y auoit moins de cinq cens hommes à la descente le danger estoit tout euident à cause de l'armee ennemie: ioint que lon ne pouuoit enuoyer secours de la Citadelle, presques tous les soldats estans blesez, & ayans besoin de repos pour soutenir les assaux qu'ils attendoient, les ennemis faisans mine de vouloir combler le fossé & paracheuer leur terre-plain. Leme es-

criuit cela & à Fonsecaque, & au Viceroy, comme aussi fit Iufarte: & enuoya-on les lettres en quelques fiesches tirees iusques à la Carauelle: tellement que Fonsecaque se retira emmenant la Carauelle de Iufarte, & trouuant pres de Calecut le Capitaine Vasconcel, de qui sçachant la resolution du Viceroy, luy bailla l'une des Carauelles pour aller en Canattor, & suivit sa route en Cochim, où il arriva sur la fin d'Aoust. Le Viceroy ayant receu les lettres des assiegez, fut irrité contre Iufarte qui n'auoit suivi sa commission: neantmoins à cause de l'issue heureuse il luy pardonna ceste faute. Au reste, voyant de quelle importance estoit ceste guerre, qu'il estoit besoin de secourir la Citadelle, & d'autre part le danger qu'il y auoit à la descente, delibera de choisir quelque homme prudent & valeureux pour y donner ordre. Francisque Pereire luy sembla propre, car il estoit d'esprit rassis, grand guerrier, & riche, ayant de quoy despandre & bon moyen de souldoyer gens de sa bourse. Luy ayant remontré la necessité des affaires, le pria de vouloir mener le secours, ce que Pereire promit faire, encorés qu'il eust congé de se retirer en Portugal ceste mesme année. Qui plus est, il presta au Viceroy & au tresorier des guerres la somme de dix mille ducats, pour subuenir aux frais & necessitez extraordinaires. Incontinent le Viceroy fit vn amas d'environ cinq cens hommes, qui s'embarquerent en la Carauelle de Fonsecaque, au bastéau de Pierre Vitil, en vne barque & en deux galliotes, l'une desquelles ayant esté desnuée d'une partie de son équipage au desmarter, Pereire general de la flotte la laissa pour monter en vn gallion. Mais d'autant que les autres vaisseaux vogueyent plus viste, le Viceroy donna la charge d'iceux à Anthoine de Sylueire iusques à Calecut, avec commandement de prendre terre avec les soldats, si la commodité se presentoit, sinon d'attendre Pereire qui les suiuoit avec son gallion. Et pource qu'il par les lettres de Leme & Iufarte le Viceroy sçauoit de quels moyens & de quelles machines les ennemis s'aidoyent pour ruiner la forteresse, il s'appresta pour aller au secours après ceste flotte.

Les Mores qui auoyent mis ceste guerre en teste au Roy de Calecut estoient confus de honte & de despit voyans tous leurs efforts contre les Portugallois s'esua-

10.
Nouueaux
engins dress-

*sez par les
Calecutiens
contre la Ci-
tadelle, et de-
quoy seruirét.*

nourir en fumée. Neanmoins ils s'auiserét d'un nouveau moyen, à sçauoir de planter deux trebuschetz l'un à la factorerie, l'autre en vne maison ou parauant estoit la forge des Portugallois, & vn bastion au deuant de chascun trebuschet, pour empescher que l'artillerie de la Citadelle ne les rompiſt comme elle auoit brisé l'autre. Ayans accômodé ces engins ils commencerent à tirer de telle furie & si souvent que les Portugallois n'osoient aller ny venir par la Citadelle, à cause des cailloux qui gressoient de toutes parts sur eux. Jacques Perez maistre canonnier, pour remedier à cela accouitra des boulets, d'un tel artifice qu'ils faisoient prendre feu à l'endroit où ils frappoyent: puis d'une volée de canon lâché, de puis le quinziesme d'Aoust donna si droit qu'il frappa le bastion de la forge. Le feu gagna incontinent le trebuschet, & fut impossible aux ennemis de l'estaindre, tant à cause de la promptitude & vehemence d'iceluy, que pour les coups de mousquets & harquebuzes qu'on tiroit de la Citadelle à trauers de ceux qui se descouuroyēt à la lueur de l'embrasement. Par despit d'un tel accident, les ennemis canonnerent la Citadelle fort long temps, & Leme leur fit response de mesmes, avec perte de part & d'autre, mais beaucoup plus grande du costé des ennemis, dont le Roy commença à se fâcher & enuoyer plus qu'au parauant. Or pour estonner les Portugallois, il fit faire mourir à toute son armée, faisant passer toutes les compagnies deuant la Citadelle, d'où ils furent sauez de quelques coups d'artillerie qui en emporta plusieurs des moins adroits. Ce pendant, Leme voulut leur monstrer combien il se soucioit peu de leurs pourmenades, & fit planter force estendards par tous les endroits estez en la Citadelle, puis avec une longue faulx de trompettes les soldats commencerent à chanter & crier de ioye: ce qui mit le Roy de Calecut en telle cholere qu'il fura de faire hacher en pieces tous les Portugallois qu'il pourroit attrapper, & en attendant, l'autre trebuschet resté entier continuoit à ietter cailloux dedans la Citadelle, & ne fut possible au maistre canonnier d'y mettre le feu ny le rendre inutile, comme les précédens. De rechef les Mores craignans que le Roy se degoustast entierement, & les ex-

posast en proye aux Portugallois, ne cessoyent de chercher nouvelles inuentions pour l'entretenir en esperance, & à ceste fin estoient iour & nuict autour du Sicilié, qui leur fournissoit diuers modèles & desseins. Entre autres, il s'auisa de faire miner les boulevards de la factorerie dressé vers le Mldy, s'assurant de le faire sauter, & donner bresche suffisante aux assaillās pour entrer en la Citadelle. Or d'autant que la terre autour de ceste forteresse estoit sablonneuse, & qu'on n'y pouvoit faire vne mine qu'en creusant bien profond, pour en oster aussi la veüe aux Portugallois & euitier la contremine, il dressa vne couuerture sur vn engin à six roues pour cacher les pionniers, & empêcher que le sable ne roulast & retardast la besongne. Pour l'acheuer plustost ils cessèrent de travailler au terre plain, & coururent tous à la mine, commençans de nuict: mais Dieu voulut que la nuict precedente vn certain Chrestien remié, qui estoit au camp des ennemis, touché de quelque remords en sa conscience approcha du fossé, & comme en chântant, dit plusieurs fois en langue Portugalloise aux sentinelles, Prenez bien garde au dessous. Leme entendit à demy mot ceste chanson, voyāt le lendemain la couuerture & autres engins dont il ne s'estoit donné garde ny aduis au parauant. Le conseil resolut qu'on esuenteroit ceste mine, ce qui fut executé, & les ennemis cōtraints quitter tout, dont le Roy commença à perdre toute contenance, reprochant aux Mores que ils l'auoyent poussé en vn destroit dont il leur seroit mal aisé le retirer. Eux au contraire le prioient de patienter encōres quelques iours, l'assurant d'emporter la place, n'estant pas possible qu'vne si petite poignée de gēs peust subsister dauantage. Ils firent encōres vne autre mine, laquelle ayant esté rendue inutile comme la première, les pionniers furent employez à paracheuer le terre-plain.

Ces tr'ouuages, qui s'auançoit d'heure en heure, mit Leme en grand pensee, car il preuoyoit bien que les ennemis vouloyent le ioindre de pres, qui estoit sa confusion toute euidente, à cause qu'il auoit trop peu de gens. Or cōme il remuoit en son esprit quelque expedient à cela, le Sicilien en approchant de la muraille pour deuiser

II.
Fortificatiōs
des Portugal-
lois pour leur
defense.

avec luy, dit en langage Castillan, que de là à peu de iours le Roy de Calecut gagneroit la place en despit des Portugallois. Leme prenant ce propos à son auantage, & voulant tirer les vers du nez au Sicilien, fit del'estonné, & demande comme cela se pourroit faire. Le Sicilien qui monstroist contenance d'auoir quelque compassion des assiegez, dit que ce seroit par le moyen de ceste haute leuee de terre. Mais Leme faignit ne tenir compte de cela, disant scauoir bien pourquoy les ennemis le vouloyent estonner, qu'il auoit veu beaucoup de telles inuentions, & tenoit ja le remede prest pour rendre cest effort inutile, comme on le verroit en temps & lieu. Apres la retraite du Sicilien, Leme communiqua l'affaire aux Capitaines, & la nuit suivante commença à leuer vn rempar du costé où les ennemis haussioient la terre, liant le tout avec pieces de bois bié cramponnees & trauessees, pour commander à l'ouurage des Mores, & les empescher de ioindre. Eux au contraire dresserent sur leur leuee des pieces de bois sur lesquelles fut braqué vn double canon qui tira quelques coups la nuit suivante, & donnant contre vne des pieces de bois du rempar en fit voler des esclats, dont Anthoine de Sa, Jean & Vasque de Leme furent blessez, & d'vn coup de pierre lachée du trebuchet fut tué vn Portugallois. Au reste les ennemis n'espargnoyent ny poudres ny boulets, encores qu'ils ne tirassent ordinairement qu'à coups perdus, estans si bestes de penser par tel espouuantail amener les Portugallois à composition. Nonobstant leurs empeschemens, Leme fit acheuer le rempar en la mesme nuit, & y furent placees incontinent certaines pieces d'artillerie à la hauteur du terre-plain des ennemis, duquel les assiegez n'eurent plus d'aprehension, comme ils auoyent au parauant.

12.

*Inuentions
ajoutees aux
precedentes
pour forcer la
Citadelle, &
dequoy serui-
rent.*

La fortification des Portugallois reduisit les Mores presque au desesper, voyant si mal succeder tous leurs travaux. Ils demanderent donc au Sicilien quelque inuention nouuelle, à quoy il donna ordre proprement, fit dresser deux mantelets de la hauteur des murailles de la Citadelle, & de largeur à proportion; faits de planches de l'espaisseur de deux doigts, couuerts de cuir au dehors, & montez sur vn trauersier de chevrons, roulant sur douze

roues. Ils auoyent vn plancher assez haut, sur lequel estoient aucuns harquebuziers, pour tirer par des trous faits promptement aux soldats qui seroyent sur la muraille. Derriere ces mâtelets deuoit marcher vn gros bataillon à couuert de l'artillerie des assiegez: puis quand les matelots seroyent au pied de la muraille, ils deuoient planter les échelles, tandis que leurs harquebuziers empescheroient les Portugallois, qui ne pourroyent endommager les mâtelets à cause du cuir dont ils estoient reuestus. Comme ces engins estoient fermes, fort bien dressés, le nombre des assaillans fort grand, & des assiegez trop petit, il y auoit apparence que la citadelle seroit emportee à ceste fois: mais Leme ayant sçeu par celuy qui auoit decouvert la mine tout le secret des mantelets, fit vn iour durer battre vne maison derriere laquelle on dressoit ces engins, l'vn desquels estoit paracheué. Ceste batterie fit tel effort que les mantelets demeurerent à decouvert, & pour empeschier qu'ils nes'auangassent, ceux de dedans continuerent toute la nuict à lascher leur artillerie, & furent feris de mesme par ceux de dehors. Au point du iour ils commencerent à faire rouler vn des mâtelets, faisant tous aëtes d'hostilité pour approcher & entrer, ce qui estoit aisé en apparence, n'estans les Portugallois qu'au nombre de huit vingts combatans, les autres qui y estoient au commencement du siege ayans esté tuez ou griefuement blesez. Là dessus, le canonnier dressa l'vne de ses plus grosses pieces tant à point qu'à la premiere volée il mit le mantelet en pieces, tuât vne partie de ceux qui se cachoyent dedans & du barailon qui marchoit derriere. Les autres canons contraignirent les ennemis de se retirer bien viste, briserent l'autre mantelet commencé, tellement que les Mores se virent lors au bout de leur preteate, & le Roy demeura si confus que il vouloit leuer le siege, defendant au Sicilien de faire plus aucun engin contre les Portugallois (quoy que les Mores suppliasent qu'il leur permist de poursuiure) & fit cesser le terre-plain, commandant qu'on le couurist de branches de palmes & de nattes de paille. Les Portugallois voyans cela, lascherent toutes leurs pieces, & sonnerent les trôpettes, en signe de ioye, d'où les ennemis se de-

nerent l'alarme, estimans que le secours fust attiré, d'autant que les Mores de Cochim auoyent escrit que le Viceroy s'embarqueroit bien tost pour aller à Calecut. Pourtant resolurent ils, puis que le Roy ne trouuoit bon qu'on dressast nouueaux engins, s'employer en toutes autres façons, pour emporter bien tost la place: tellement que sans cesser ny iour ny nuict ils assaillirēt Leme & ses gens par tous moyens possibles. Ceste importunité & necessité extreme contraignoit les Portugallois d'auoir tousiours les armes sur le dos, estans battus de l'artillerie, de coups de harquebuzes, de fleches, de cailloux, dont quelques vns estoient blesez, les autres occis, & les furuiuas si abbatus de travail & de disette (car cinq mois durant ils n'auoyent vescu d'autre chose, pour la plus part, que de riz cuit en eau sans sel, & afin d'y trouuer quelque goust, le cuisoient au soir pour le lendemain, tellement qu'il cueilloit vn peu d'aigreur & de goust) qu'ils ne pouoyent plus gueres subsister. En ces entrefaites Anthoine de Sylueire approcha de Calecut, ayant laissé derrière soy les autres capitaines partis de Cochim quant & luy, & n'auoyent peu passer à cause des tourmentes. Luy entré dans le canal à l'aide d'vn vent propre à cetta l'ancre: mais les ennemis d'autre costé enuoyerēt cinq cens hommes en vn corps de garde pres du riuage, pour tirer sans cesse & empescher la descente. Alors Sylueire: voulant sçauoir ce qui estoit expedient de faire, enuoya vne lettre à Iean de Leme par vn nageur, qui ne peüst prendre terre à cause des harquebuzades que les ennemis tiroient, & dont ils tuerēt vn autre messager qui suiuoit le premier. La nuict suivante fut enuoyé le troisieme qui gaigna le bord & porta la lettre à Leme, lequel defendit à Sylueire de descendre, mais le prioit d'enuoyer des pouldres, s'il estoit possible. Sylueire en enuoya trois barils qui furent portez de nuict en grand hazard, avec auertissement que le Viceroy ameneroit bien tost secours, ce qui fortifia les assiegez. Or pour ce que Sylueire estoit seul, apres auoir liuré les pouldres il reprit la route de Cochim & rendit raison de sa charge au Viceroy, luy disant l'estat de la citadelle & retrouua illec les autres capitaines de sa flotte que la mer & les vents y auoyent

rechasser.

VASCONCEL enuoyé à Cananor, suivant ce qui a esté déclaré cy dessus, y arriva avec grande difficulté, & auertit Hector de Sylueire de l'intention du Viceroy: mais Sylueire, qui estoit prest des quelques iours au parauant, & ne pouuoit partir à faute de vaisseaux assez grand, incontinent apres l'arriuee de Vasconcel s'embarqua avec certain nombre de soldats menant la carauelle de Vasconcel, vne galliote, & cinq paraus legers chargez de viures & pouldres, laissant au chastellain la forteresse encommencée pour la faire continuer. Il arriua sur la fin d'Aoust près de Calecut, & entra au canal fut auerty par Iean de Leme de ne prendre terre. Les ennemis pensans qu'ils y voulust hazarder, luy tirent force coups de canon, & se rengèrent en grand nombre au long du riuage. Hector de Sylueire ne bougea d'un lieu iusques au soir, & alors fit descharger l'artillerie de la galliote qui voguoit deuant, & de la carauelle aussi, canonnant les ennemis, à ce qu'ils ne prissent garde aux paraus qui partirent au mesme instant pour gagner le bord, & se rendirent vis à vis de la porte de la citadelle, ou Leme les attendoit accompagné de quarante soldats. Ces paraus estoient chargez de biscuit, chair salee, poisson, fruits & autres victuailles, ensemble de pouldres pour les canonniers & harquebuziers. Au reste, Leme scachât le secours qui luy venoit, & que le Viceroy arriueroit bie tost, enuoya dire à Sylueire qu'il n'estoit besoin faire descendre aucun de ses gens, pource que la citadelle en auoit assez iusques à la venue du gouverneur. Toute ceste nuit fut employée à porter les viures en la citadelle & à canonner de part & d'autre. Hector de Sylueire voyant qu'il n'estoit besoin de sejourner plus longuement en ce canal, s'en reuint le lendemain en Cananor. D'autre part Iea de Leme, pour faire creuer de despit les Calcutiens, semondit le Chrestien renié à venir banqueter, & luy fit jetter du haut des murailles dedans le fossé trois grands pots de chair salee, & trois peus barils de betelle ou salade fraische. Les ennemis estonnez de voir cela coururent que les Portugallois auoyent esté auictuaillez, & lors desespererent de pouoir s'emparer de la citadelle,

13.

*Hector de
Sylueire &
Francisque
Pereire secou
rent Iean de
Leme.*

pource qu'au parauant ils s'asseuroyēt de l'auoir par famille, ayant sceu des Naires de la facturerie que les Portugallois n'auoyent autre viāde que du riz. Apres le depart de Sylueire, Francisque Pereire, ayant esté plusieurs fois en dāger de perir surgit pres du canal de Calecut sur la fin de Septembre, attendant les autres capitaines: & sur le soir de son arriuee enuoya le parau de son galliō en terre avec victuailles & munitions, estimāt que Leme en eust besoin. Or d'autāt que la Lune estoit fort claire, Leme alla au deuant, cōme aussi firent les ennemis, & sur le desembarkement de ce parau commença vne furieuse escarmouche, en laquelle moururent cinq Portugallois & Leme fut blessé d'une harquebuzade à la iambe: ce nō obstant le parau fut deschargé, le tout porté en la citadelle, & les ennemis contrains se retirer. Le parau renuoyé vers le galliō, Pereire fut auerti de ne point descendre, le hazard y estant par trop grand. Sur la retraite Leme sentit le coup qu'il auoit receu, & apres estre entré fut contraint se mettre au liēt, laissant la charge de commander à George de Leme qui s'estoit vaillamment porté en ceste escarmouche.

14.

Cōbat entre les Portugallois & Calcutiens, & ce qui s'ensuiuit puis apres au siege de la citadelle.

TROIS ou quatre iours apres Francisque Pereire retourna, fit partir le parau vers terre avec plus de victuailles qu'à la premiere fois, & l'enuoya apres disner en la plus grande chaleur du iour, estimant qu'il y auroit lors moins de danger, pource que les ennemis seroyent en leurs logettes sans penser à telle venue. Ceux de la citadelle ne prenoyent aucunement garde à ce parau, ne leur semblant que Pereire leur voulust enuoyer viures à telle heure: mais les ennemis descouurirent le parau, & enuoyerent soudainemēt quelques capitaines & soldats à la descente, afin de se saisir du vaisseau & de ce qui estoit dedans. La sentinelle commence à donner l'alarme, où coururent Vasque & George de Leme avec soixante Portugallois: mais le parau estoit arriué desia, & sur le champ fut arresté & pillé des ennemis qui emmenerent les mariniers & tuerent quelques gens qui conduisoient les viures. Alors les vns coururent sus aux autres, & y eut vne telle meslee que Iean de Leme, couché au liēt, ouit les coups & appella ses valers pour scauoir que c'estoit.

Mais il n'y auoit lors personne autour de luy qu'un esclaue, laquelle luy compta ce qui se faisoit. Luy se leuë de son liët, & se fait asséoir pres de la fenestre treillée de fer, d'où il voyoit le combat, mais ne pouvant y aller se fit apporter deux harquebuzes, de l'une desquelles il tiroit tandis que l'esclaue chargeoit l'autre, mirent si droit que durant ce conflict il abbatit trente Calcutiens, pource qu'ils combatoyent fort pres de la citadelle, & qu'il choissoit à plaisir ceux qu'il vouloit frapper, estans en telle troupe qu'il ne pouuoit faillir. Durant la meslee, Vaque de Leme transperça d'un coup de picque le chef des ennemis, ce qui les mit en rûte; & lors les Portugallois se retirerent reuenant George de Leme blessé d'un coup de harquebuzé à la teste, & qui auoit poussé son casquet si rudement, que le dessus de l'œil estoit tout escorché. Estans rentréz l'eau de Leme se recoucha par contrainte, pource que son mal estoit empiré par ce dernier effort. Quant à Francisque Pereire, il n'envoya plus de viures en la citadelle à faire de parau, ains se tint coy. Au contraire les ennemis firent grand bruit de la conqueste du parau, & se mirent derechef en teste de pouuoir forcer la citadelle: suiuant quoy ils l'assailirent de nouueaux, estimans que Iean de Leme fut mort, pource que le Chrestien renié demandant ou estoit le capitaine, vn soldat respondit qu'il reposoit au liët à cause de sa blessure. Cela estant rapporté au Roy de Calcut & aux Mores les resouit pour quelques iours, tenans pour certaine la mort de Leme; & que pour conuerture d'icelle ses gens le faisoient malade seulement. Pour s'en esclaircir encôres mieux ils conseillerent leur espion de demander entrée aux assiegez pour visiter leur capitaine. Quand Leme ouit parler de ceste demande, se doutât de l'intention des ennemis & pour les oster de soucy, il fit entrer ce Chrestien renié nommé Sebastian, & luy dit franchement ce qu'il imaginoit de sa visitation, le priant bien fort de luy en dire la verité. Sebastian declaira que le Roy de Calcut haïssoit Leme par dessus tous les autres, à cause de ceste longue resistance, & que pour le grand desir qu'il auoit de sa mort ceste parrie s'estoit dressée. Alors Leme pria Sebastian de dire au Roy que

la mort d'un capitaine n'auanceroit pas beaucoup ses affaires, & que tous ceux qui resteroient apres luy en la citadelle pouuoient commander aussi dextrement que luy, estans faconnez à l'art militaire de telle sorte que les Calcutiens receuoyent plus de dommage du premier nouveau capitaine en la citadelle, qu'ils n'auoyent encores receu de luy. Et si le Roy desiroit tant la peau de Leme il le prioit de venir en personne donner l'assaut: que sa presence pourroit faire que les Mores y enteroyent & seroyent de Leme selon leur volonte: assurant d'atrepart ce Roy qu'à la premiere rencontre ils s'efforceroient le prendre vif, pour l'enuoyer prisonnier en Portugal, afin d'y estre chastié de ses trahisons & meschancetez. Mais à cause qu'il scauoit certainement que ce Roy n'auoit garde d'approcher de la citadelle il le prioit de ne pas fuir en terre ferme, afin qu'on l'allast chercher & battre dedans Calcut à bon coups de canon. Au demeurant Leme exhorta par un ample discours ce Sebastian à reprendre la premiere religion, promettant le reniener en Portugal, & luy faire obtenir pardon de sa reuolte, ce que Sebastian ne voulut accepter, ains se retira apres auoir este reuestu de neuf par le commandement de Leme. Estant hors de la citadelle il se presenta au Roy & luy recite ce que dessus, ce qui alluma la guerre plus impetueuse que deuant, si que les assiegez receuoyent tous les iours quelque assaut, & par ce continuel travail estoient tatarompus qu'ils commençoient à defaillir du tout. Vne nuit les ennemis mirent le feu au boulevard de bois qui les empeschoit d'approcher de la porte de la citadelle. Vasque de Leme, lequel commandoit lors, courut incessamment là pour esteindre le feu, à quoy les ennemis s'opposèrent, & la dessus commença le combat auant furieux qu'on scauroit penser. Jean de Leme qui n'estoit encores guery, entendant en quel estat estoient les affaires, se fit mener aux bouleuards contre l'avis de tous, & fit soudain amener de la terre à force pour amortir l'embrasement, car l'eau n'y seroit de rien, & les Portugallois n'auoyent loisir d'y vaquer longuement, à cause que le feu gaignoit & que les ennemis s'eschoient d'entrer. Ainsi que les Portugallois estoient sur le point de leur

ruine, voycy arriuer Hector de Sylueire. Il estoit capitaine de Cananor en l'absence de Simon de Meneſez, lequel ayant eu quelque propos iſacheux avec le Viceroy, partit de Cochim, retournant en Cananor à ſa charge, que Sylueire exerçoit en ſon absence. Sylueire ſe voyant inutile delibera d'aller au port de Galecut, pour aider de ſes moyens aux aſſiegez, & attendre le Viceroy qui estoit ſur ſon embarquement. Il monta donc en la galliotte de Vaſconcel, menant auſſi la caravelle & quelques parais. Eſtant pres du port il vid le feu du boulevard, & cognoiſſant que c'estoit en la citadelle approcha de terre le plus qu'il fut poſſible, & commença à faire iouer ſon artillerie. Ce nouveau tonnerre fit penſer aux ennemis que le Viceroy n'estoit pas loin, car on leur auoit mandé de Cochim que le Viceroy estoit party pour venir lever ce ſiege. En ce ſouſſon, & ceux qui estoient autour du boulevard pour empêcher que les Portugallois n'eſtaignissent le feu, & les autres de tous les corps de garde poſez en diuers lieux, coururent incontinent au bord de la mer. Alors les Portugallois quittes du combat eſtouflerent la flamme, & les ennemis furent au guet toute la nuit, penſans que ceux qui estoient en mer deussent prendre terre. Mais ils ne deſcendirent lors ny depuis, & ce par l'auis de Leme qui leur enuoya vne lettre attachee à vne fleſche. Le lendemain ſur le ſoyr, Sylueire fit iouer les pieces de tous ſes vaiſſeaux contre les ennemis, & ce pendant enuoya des viures & pouldres à ceux de la citadelle, qui les enleuerent promptement. Il les auertit auſſi que le Viceroy s'appreſtoit pour venir au ſecours, & que pour ceſte raiſon luy ne vouloit ſortir du port, ains deſliberoit y attendre l'armée : mais que ſ'ils auoyent faute de quelques ſoldats, au premier mädement il deſcendroit malgré les ennemis. Au bout de quelques iours, arriua au meſme port Pierre de Farlequel menoit vne flotte de ſuſtes partie de Goa, eſquelles y auoit pluſieurs Portugallois mariez & habitez en la ville de Goa, qui estoient venus à ce ſecours à leurs propres deſpens. Meſmes ſi toſt qu'ils entendirent les nouuelles du ſiege de la citadelle, encores que ce fuſt au plus fort de l'hier en ce pays là, requierent Francisque de Sa de les vouloir conduire, &

s'embarquerent enuiron la fin de Iuillet, n'ayans peu sur-
gir plustost au haure de Calecut à cause des bourasques
& vents tourbillonneux. Ceste flotte de Goa avec celle
de Sylueire faisoit monstres d'une assez bonne armee de
mer: aussi les Mores se sentirent lors du tour desferrez,
voyans qu'il ne faloit plus rien pretendre sur la citadelle.
Les assiegez les semondoyēt à l'assaut, se moquās d'eux,
& les saluans de mille coups de canon, comme aussi fai-
soyent ceux de la flotte: ce qui rendoit les ennemis enra-
gez, & les Mores si confus qu'ils n'osoyent leuer le nez,
tant ce siege leur martelloit la teste. Le Roy de Calecut,
aussi despitē que les autres, maudissoit les Mores & leur
conseil: neantmoins voyant que c'estoit vn faire le faut,
il se prepara pour combattre le Viceroy.

15.
*Cōseils tenus
& moyez sui-
uis par le Vi-
ceroy pour se-
courir les Por-
tugallois &
combattre les
ennemis.*
PAR plusieurs auertissemens apportez en Cochim le
Viceroy sçauoit que les assiegez auoyent esté auictuail-
lez & rafraischis de gens: ce qui le mit en repos, ayant
auparauāt esté en merueilleuse perplexité pour les diuers
bruits qui en couroyent. Cependāt il resolut d'y aller au
secours, si tost que le temps seroit propre, & avec armee
conuenable à la grādeur d'un Viceroy des Indes: ce qu'il
ne pouuoit executer que la mer ne fust plus paisible,
pource qu'en se hazardant au milieu de l'hüer, outre le
danger de naufrage, sa flotte seroit harassée & à demy rō-
pue auant qu'estre au port de Calecut. Telle incommo-
ditē estoit lors de trop dangereuse consequence & ne
faloit point hausser les voiles à faute, tant pour l'hon-
neur que pour l'auancement des affaires du Roy de Por-
tugal. Ioint que le Roy de Calecut & les Mores estoient
si puissans & orgueilleux, que s'ils le voyoyent peu accō-
pagné, ils feroient plus de bruit que iamais, au contraire
vne armee entiere abatroit leur orgueil & rendroit les
Portugallois redoutez de tous les Indiens. Ainsi donc il
partit au commencement d'Octobre, menant en sa flotte
enuiron deux mille Portugallois, sous la charge de plu-
sieurs capitaines, dont les principaux furent George de
Menesez, Tristā Norogne, Alphonse de Menesez, George
Tellio, Pierre de Blanc castel, Jean Mélio de Sylues, lac-
ques de Leme, Anthoine de Sylueire, Manuel de Macede
George de Castre; Henry de Macede; George Capral,

Anthoine d'Azeuede, Edouard de Fonseca, Fernad de Leme, Anthoine de Sylues, George Vasconcel, Anthoine de Leme, Roderic d'Aragne, Anthoine Personne & autres, qui arriuerent au port de Calecut enuiron le quinziesme d'Octobre, & lors fut fait vne salue de toute l'artillerie de la flotte & de la citadelle, avec son de trompettes, fifres & tabours. Le bruit fut tel que les ennemis cuidans que le Viceroy voulust prendre terre acoururerent tous au riuage faisans iouer toutes les pieces placees au long de la mer: les Portugallois respondirent de mesme, tellement que le reste du iour s'elconla en perte de pouldres & boulets. Or le lendemain matin, les ennemis se trouuans avec toutes leurs forces si pres de la citadelle, recommencerent la batterie avec toutes leurs pieces, & du trebuchet nommement. Ceste furie passee, ils firent monstre au riuage de leurs pietons archers, harquebuziers, picquiers & iaueliniers costoyans la mer en bon ordre & bruit effroyable aux Portugallois qui descouuroyent de leurs vaisseaux ceste puissante armee, en laquelle y auoit nonante mille hommes: car encores que plusieurs fussent morts au siege, leurs places auoyent esté incontinnet remplies, tellement que le premier nombre demeureroit tousiours entier. Le Viceroy, bien ioyeux de scauoir à combien & à quelles gens il auoit affaire, leur fit tirer quelques volées de cano: mais à mesure qu'ils se retiroyēt ceux de la citadelle auoyent à se defendre, tellement qu'ils furent molestez toute ceste iournee. Nonobstant leur multitude le Viceroy continua en sa resolution de les combattre, ayant ce naturel que le cœur luy croissoit es plus grands dangers, & plus vne entreprise estoit perilieuse, plus desiroit il d'y mettre la main, estant accompagné du bon heur des chefs de guerre, ascauoir de prudence, sage resolution, hardie execution, adresse prompte, industrieuse vigilance, & allegresse pour venir les soldats en denoir, & pouruoyance à toutes les difficultez qui se presentoyent au combat. Il auoit deliberé de donner batailles le dixseptiesme d'Octobre, mais il différa, pource que le Roy de Portugal luy commandoit par lettres expresses de ne donner aucune bataille par mer où par terre, que premierement il n'eust assemblé tous les

capitaines de son armee, pour entendre leurs auis, & sur-
 ure la plus grande voix. Suiuant cela, le conseil des capi-
 taines, gentils-hommes & principaux de la flotte fut
 assemblé, auquel le Viceroy fit vn amplex discours de ce
 que lon voyoit, requerant vne droite opinion & reso-
 lue deliberation. Presque tous furent d'auis de ne donner
 ni receuoir bataille, parce que les ennemis estoient en
 tel nombre qu'il seroit impossible aux Portugallois de
 se desuelopper du milieu de tant de gens: qu'il falloit des-
 cendre droit à la bouche de leurs canons, & que le bord
 estoit fâcheux plain de rochers, haut & battu de vagues,
 de telle sorte qu'il seroit impossible de gagner terre à
 pied sec, tellement que les Portugallois seroyent tuez a-
 uât que pouuoir venir aux mains: que ce seroit perdre en
 vn iour l'estat du Roy de Portugal & Indes, chose de
 beaucoup plus grâde importâce q̃ la citadelle de Calecut,
 & valoit mieux abâdôner telle place que se hazarder ain-
 si. Cest auis suiuy de la pluspart fut reietté par quatre seu-
 lement, sçauoir est Anthoine d'Azeuede, Francisque Pe-
 reire, Hector de Sylueire, Manuel de Macede. Ils disoient
 pour leurs raisons que l'estat de Portugal & Indes n'a-
 uoit iamais esté si pres de sa ruine, à faute de combattre,
 qu'il estoit pour lors: que si les Portugallois auoyent
 oncques eu occasion de donner bataille c'estoit à ceste
 fois: que lon perdroit plus à ne point combattre qu'à cō-
 battre, à cause que ce seroit aneantir entierement le credit
 que les Portugallois auoient commencé à perdre en tou-
 te l'Inde haute & basse: que le Roy de Calecut ne pour-
 roit plus estre retenu en bride, si lon ne le chastioit à ce
 coup: que les Mores, apres auoir ruiné la citadelle affie-
 gee, en seroyent autant à toutes les autres, & finale-
 ment contraindroient les Portugallois de quitter leurs
 conquestes & trafics: qu'il falloit bien esperer en faisant
 son deuoir, & seramenteuoir les belles victoires de Pa-
 checo, qui acôpagné de si peu de soldats auoit brisé l'or-
 gueil du Roy de Calecut. Iean de Leme enuoya par es-
 crit son auis & conseilloit au Viceroy de donner bataille.
 Encores que les raisons de ces cinq capitaines se blâssent
 plus pertinentes, neantmoins le Viceroy ne s'y rangea
 point, pource que l'autre auis auoit plus de voix sans cō-
 paraison.

paraïsson. Toutesfois lon ne resolut pas tout à plat de ne point combattre, ains le conseil fut rompu, laissant la conclusion en suspens, & le Viceroy se persuada que la prochaine assemblée suiuroit l'opinion d'Azeuede: ce qu'il desiroit fort afin de chastier les Morés qui auoyent osé assieger la citadelle durant son gouuernement. Mais à cause de tant de voix contraires il ne pouuoit obtenir cela si aisément, estant tenu de court par le mandement du Roy qui vouloit qu'on se reiglast par la pluralité des auis. Ainsi donc il differoit pour voir si les esprits changeroient point, & tint cinq ou six fois le conseil où les capitaines continuoient en leur premier dire: & luy remettoit dextrement les affaires à vne autre fois, sans rien arrester. Ce pendât les ennemis donnoient de terribles assaux à la citadelle pour monstrier qu'ils ne se soucioient du Viceroy, lequel toutes les nuicts enuoyoit des viures aux assiegez. Vne fois entre autres, George de Meneslez menât vn basteau chargé de prouision, ne l'eut pas si tost déchargé que les ennemis en grand nombre vindrent le charger à coups de harquebuzes, de flesches & d'engins à feu, chose fort espouuantable durant l'obscurité de la nuict: mesmes plusieurs estroyent en l'eau avec des crochets de fer pour aller retenir le basteau: mais George se tira de leurs mains après en auoir tué quelques vns, & remena blesez tous ceux qui estoient au basteau avecques luy. Anthoine d'Azeuede, qui estoit d'auis de combattre, voyant la résistance des autres capitaines, auertit lea de Leme de ceste contrariété d'opinions, le priant bien fort, s'il estoit possible, de faire en plain iours vne sortie sur les ennemis, afin qu'iceux estans mis en routé (côme il s'en asseuroit) le Viceroy conust que ceux là s'abusoyent qui en leurs auis combattoient pour ne point combattre, & qu'il falloit prendre vne autre resolution. Sa lettre fut portee de nuict par vn seruiteur, qui l'attacha à vne cordelette autour de son col, & l'enveloppa de cire, afin que l'eau ne l'endommageast. Ce conseil d'Azeuede resioit Leme, lequel appella quelques gentils-hommes, avec lesquels il delibera de faire vne saillie sur le corps de garde des ennemis posé au Midi, où il y auoit moins de gens qu'es autres, ordonnant à George Vastonceil

de sortir le lendemain sur l'apresdinee avec cinquante
 harquebuziers pour charger ce corps de garde, puis se re-
 tirer auprès de Leme qui luy deuoit faire espaulle. Tan-
 dis que Vasconcel sortoit, Leme commanda à ceux qui
 restoyent en la citadelle de harquebuzer sans cesse les au-
 tres corps de garde, pour retenir ceux qui y estoient &
 les empêcher d'ouir la charge de Vasconcel, à ce qu'ils
 ne courussent au secours de leurs compagnons. Il en au-
 uint comme Leme le pensoit: car Vasconcel homme va-
 leurieux & ses soldats gens de grand cœur descoucherent
 de telle roideur à trauers les ennemis, qu'iceux tourne-
 rent le dos, abandonnans le corps de garde & quelques
 vns de leurs compagnons tuez sur la place. Les Portu-
 gallois emmenèrent certaines pieces legeres qui estoient
 là: mais sur leur retraite ils furent chargez par vne gros-
 se troupe ramassée au bruit des fuyards, & lors ce fut à
 recommencer: tellement que si Leme ne fust suruenu,
 Vasconcel & ses soldats estoient fort engagez. En ce-
 ste meslée, Leme receut vn coup de harquebuzé à l'espaule,
 qui enfonça la cuirasse sans autre mal. George Dia-
 z commissaire des munitions de la citadelle fut tué: ce
 pendant l'artillerie battoit les autres corps de garde,
 & parmi ces tempestes, Leme se retira avec ses gens,
 aucuns desquels furent blesez. Le Viceroy receut vn
 merueilleux contentement de ceste entreprise, vid à l'œil
 qu'il ne faisoit pas grande armee pour desfaire les enne-
 mis qui eussent esté rompus rourà fait si Leme eust eu
 plus de soldats, & lors arresta en soy-mesme de donner
 bataille. Ceux qui estoient d'avis contraire se despi-
 roient, portans impatiemment qu'on aneantist ainsi
 obliquement la commission du Roy, qui vouloit les cho-
 ses estre reiglees par la plus grande voix. Neantmoins le
 Viceroy perseverant en sapensee escriuit secrettement à
 Jean de Leme, le remerciant de tant de peines qu'il pre-
 noit, avec tous les autres qui se portoyent si vaillam-
 ment. Au reste il le prioit de luy mander s'il estoit d'avis
 que l'armee print terre pour cōbattre les forces du Roy
 de Calcut, & en quel endroit les troupes pourroyēt des-
 cendre moins incommōdement. Leme fit response que le
 Viceroy deuoit donner bataille, que iamais il n'auroit

autre auis, & enuoya George de Leme porter ce messa-
ge : mais l'almadie de George fut brisee d'un coup de ca-
non des ennemis, qui tiroient toute la nuit à coups
perdus sur la mer pour empescher les paraux d'approcher
de la citadelle où d'aller vers la flotte. George & son ma-
rinier se jeterent en la mer, & nagerent iusques aux
premiers vaisseaux où ils furent recueillis, & George
porté au gallion du Viceroy, avec lequel il passa vne par-
tie de la nuit à discourir sur les auantures du siege & au-
tres particularitez de ceste guerre, tellement que le Vice-
roy se resolut à la bataille. Suiuant quoy des le matin il
assembla le conseil, non point pour demander auis, ains
pour declarer à tous les capitaines qu'il vouloit descendre
& charger les ennemis. Toutesfois afin de contéter ceux
qui iusques alois auoyent opiné au contraire, estans tous
assemblez il leur dit telles ou semblable paroles. Il auier
bien souuent que nostre iugement se trompe, estimant
faux ce qui est vray, & prenant verité pour mensonge,
dauantage que nous faisons beaucoup de choses tout au
rebours de nostre intention : à cause dequoy nous de-
uons tousiours mettre deuant la volonté de Dieu, à ce
que par sa misericorde il guide l'effect de nos entreprises
à sa gloire. Pourtant, en tout cest affaire de guerre contre
nos ennemis, j'ay rangé mon desir sous la sagesse & volon-
té del'Eternel tout puissant, & l'ay prié de conuertir le
tout à l'auancement de son seruice. En ceste esperance
j'ay attendu quelques iours sans me resoudre si ie de-
uois me ranger à vostre auis, lequel part d'une prudence
& bonne volonté que ie remarque en vous tous. Car
ie sçay non seulement par oui dire, ains pour l'auoir veu
moy-mesme, que vostre vaillance s'est monstree en beau-
coup d'endroits, avec des euene mens notables : & ie
faisoy difficulté de quitter vostre auis, croyas que ce n'e-
stoit sans grandes considerations que vous me conseil-
liez de ne donner bataille. D'autrepart, pesant bien vos
raisons il me sembloit qu'il y auoit del'erreur en cest auis
purement humain : car vous fondant sur ce point que les
ennemis sont en trop grand nombre à comparaison de
nous, vous sçauiez que par moins de gens que nous ne
sommes, lesquels il n'est besoin vous nōmer, les Indes

& autres pays ont esté conquis, des batailles gaignees, & victoires memorables obtenues sur les Mores qui estoient aussi braues & bien accôpaignez que ceux-cy. Le croy dōc, puis que nous auons le droit de nostre costé, que Dieu nous aidera, comme il a fait par le passé, & qu'ayans assurance en luy la victoire sera nostre. Il faut mettre sous le pied ceste apprehension que nous serons desfaits, & qu'on hazardera l'estat des Indes. Au contraire ie rien que le rebours, de ce que craignez auiedra, car ayant attendu quelques iours pour conoistre s'il se presenteroit quelque occasion de le presumer, j'ay conu en la fuite de nos ennemis chargez par le capitaine Leme qu'ils sont à nous. Ma raison est, que si peu de soldats à la debandee ont mis en route beaucoup plus de gens qu'eux, que ferons nous marchans & combatans en ordre? Pourtant, Seigneurs, ie vous prie changer d'avis & trouver bon que nous donnions bataille, car de ma part ie suis entièrement de ceste opinion. Les capitaines commencerent lors tous à dire, puis que bon luy sembloit, que de par Dieu fust, & qu'on allast trouuer les ennemis, dont le Viceroy les remercia bien affectueusement, puis suivant ce que Jean de Leme luy auoit escrit, fut arresté que Hector de Sylueire entreroit dans la citadelle avec trois cens hommes d'élite, & que la nuict d'apres ils feroient sortie sur les ennemis vn peu deuant iour, au commencement duquel se feroient quatre feux en la hune du galliō, puis on tireroit vn coup d'artillerie, & feroit-on trois autres feux, à quoy ceux de la citadelle conoistroyēt que le Viceroy voguerait alors vers le riuage. Qu'apres les feux estaints lon sonnast la trompette au boulevard de bois, duquel on ouuriroit incontinent la porte à Francisque Morales & à vingt des meilleurs soldats munis d'engins à feu, pour ietter au corps de garde du trebuschet, afin de embesongner les ennemis & les attirer là. Au mesme instant Sylueire sortiroit avec les trois cens hommes pour assaillir ceux qui estoient logez es quartiers vers Midy, Jean de Leme donneroit avec les gens au Septentrion, le Viceroy au Leuant, tandis que l'artillerie de la citadelle canonneroit ceux de Couchant.

noya quelques capitaines, pour approcher du riuage le plus pres qu'il seroit possible & lascher leurs pieces, pour empêcher les ennemis d'assaillir Sylueire & ses soldats à la descente. Tandis que ces pieces iouoyent, Sylueire prit terre avec cent cinquante hommes seulement, car le Viceroy ne voulut que pour ceste nuit il en menast dauantage, afin qu'ils entraissent plustost sans danger en la citadelle: ce qu'un plus grand nombre n'eust sceu executer si commodement. Les ennemis sentans ceux qui gaignoyent le riuage, & n'osans aller au deuant à cause de l'artillerie, penterent faire beaucoup à descharger la leur & tirer force harquebuzades: mais ce furent autant de coups perdus, car Sylueire & ses gens entrerent saufs en la citadelle, comme firent aussi la nuit suiuite autres cent cinquante hommes sous la conduite de Iacques de Leme, & par mesme ruse. La nuit d'apres, qui estoit le dernier iour d'Octobre, les Portugallois tant de la citadelle que de la flotte s'apprestèrent pour la bataille, & apres le signal donné, comme à esté dit au chapitre precedent, le Viceroy fit ramer vers terre avec toute sa flotte où il y auoit seize cens soldats. George de Menezes & George Tellio, braues capitaines, marchoyent deuant, chacun avec soixante hommes chargez d'engins à feu, pour bruser les premiers qui viendroyent leur empêcher la descente, & les arrester par tel moyen. Les autres capitaines & gentilshommes acompagnoyent le Viceroy & la banniere royale. Au second signal de feu qui monstroir que le Viceroy approchoit, Iean de Leme fit sonner vne trompette au boulevard de bois, à quoy les ennemis ne prindrent garde, pource que toute ceste nuit on n'auoit fait que trompetter dedans la citadelle, & ne pensoyent receuoir autre assaux que les escarmouches acoustumees. Fernand Morales sortit incontinent avec ses vingt hommes, & assaillit vigoureusement le corps de garde du trebuschet, y lancêr les engins de feu contre les ennemis à demy assoppis de veilles & courtes extraordinaires. Mais l'embrasement soudain les contraignit bien de leuer les oreilles, en telle sorte toutesfois qu'au lieu de faire teste ils monstrerent les espauls, sur tout quand Sylueire & ses soldats vindrent à les char-

ger. Leme sortit d'un autre costé avec un estrange bruit d'arquebuzades, tellement que les Calecutiens quittoierent leurs corps de garde fuyans de tous costez. Ceux qui estoient dedans le fosse pensans que ce fust vne alarme ordinaire, coururent pour faire retirer Leme: mais les Portugallois qui n'estoient deliberez de partir que la victoire ne leur demeurast toute entiere commencerent à serrer les ennemis de plus pres que de coustume. En ces entrefaictes le Viceroy descendit de son gallion en terre, avec tel bruit d'armes & fanfare de tant de trompettes qu'on eust cuidé qu'il y auoit vne puissante armee: ce que les Mores creurent aussi, specialement à l'arriuee de Menes & Tellio qui avec leurs engins à feu firent un terrible rauage. Et si tost que ce feu artificiel fut allumé le Viceroy se ioignit avec toutes les bandes & commencerent les harquebuziers à faire leur deuoir, cōme aussi les picquiers & autres: tellement qu'en un instant les ennemis virent comme un deluge de maux qui les serroit de toutes parts, estans les uns percez de coups de picques & harquebuzes, les autres hachez en pieces avec coustels, espees à deux mains & cimeterres: les autres fuyans blesez & mutilz, les autres accourās au combat, la terre & la mer retentissans & tremblans à cause de la tempeste d'un si cruel conflict, le riuage & tout le pais prochain se remplissant de morts & de naurez. Le nombre des ennemis estoit si grand que les uns empeschoient les autres tant à combattre qu'à fuir: au contraire les Portugallois bien resolu & conduits par bons capitaines, soit qu'ils combattissent de pied ferme contre les resistans, où qu'ils poursuiussent les fuyards, ne tiroient coup d'harquebuzes, de picque ou de coustelaz, qui ne portast, faisans vne si estrange boucherie que le sang couloit de toutes parts, & ne trouuoit-on à mettre le pied que sur des tas de corps despezes. Le plus grand meurtre fut fait par ceux qui portoyent les espees à deux mains, entre lesquels estoient George & Vasque de Leme, Jean de Leme le ieune leur frere, Anthoine de Sa, Roderic Melio & autres, qui esclarcissoient les rangs par où ils passoyent, coupans les uns en deux, fendās les autres par la moitié, ou leur auāns testes, bras, & iambes, bref fauchans ces

corps peu ou point armez, cōme s'ils eussent fauché l'herbe des champs. Aussi les ennemis estimans que les Portugallois fussent plustost diables qu'hommes, venus pour les exterminer totalement du monde, quitterent tous les corps de garde, & s'enfuirent vers la ville. Cōme les Portugallois suiuyēt leur victoire, George de Meneslez aperceut dedans le fossé vn soldat escarté de la troupe, & environné de grand nombre de Calecutiens qui l'assailloyent de tous costez. Il y courut suiuy de deux soldats seulement, & d'une espee à deux mains mit bas tant d'ennemis qu'il cōtraignoit les autres de courir bie viste apres leurs compagnons. En retournāt vers le gros de l'armee, avec les trois, il fut enuelpé d'une autre compagnie de Calecutiens, lesquels le serrent de si pres qu'il fut contraint laisser choir son espee, & s'aider d'un poignard, mais il fut blessé au visage & en vne main, laquelle demeura percluse depuis: deux des soldats l'abandonnerent, mais le troisieme nommé Balthazar Fernand luy tint bonne compagnie, & fit en sorte qu'il rendit l'espee à Meneslez, lequel ne sentant lors ses blessures fit merveilles de combatre, gagnant place si large que les assaillans n'osoyent approcher de la longueur de son espee, & là dessus accoururent quelques Portugallois, tellement que on le tira de la presse, & finalement furent chassés du fossé, s'enfuyans en tel desordre, qu'au lieu de se rallier, les vns se sauverent dedans les forests de palmiers, les autres en la ville, laissant deux mille morts sur le champ, sans les blesez & mutiléz qui moururent depuis. Les Portugallois y perdirent quarante des leurs, & eurent deux cens cinquante blesez. Au reste ils estoient si acharnez au combat, qu'ils vouloyent suivre les fuyards & entrer dedans la ville: ce que le Viceroy ne voulut permettre, cognoissant bien qu'ils s'amuseroyent à piller les maisons, donneroyent loisir & moyen aux ennemis de se reioindre & leur courir sus, en danger de se perdre tous en pensant gagner. Il rompit donc ceste entrepryse, encor qu'en apparence lon ne pouoit presumer autre chose, sinon que la ville seroit bruslée à ceste fois. Le Viceroy se contentoit d'auoir deliuré la Citadelle & rompu ceste puissante armee, qui fut vn des plus

beaux exploits de la nation Portugalloise és Indes, attendu que iamais les ennemis ne s'estoyent amassez en tel nombre, ne si bien equippez & deliberez qu'à ceste fois. Ceste desfaite despouilla le Roy de Calecut de tout credit, les Roys Indiens quitterent les Isles & lieux maritimes pour se retirer plus auant en terre ferme, afin d'euitter les mains du Viceroy, lequel acquit ce iour vne grande reputation enuers tous: mesmes les nouvelles de ceste victoire allerent iusques aux oreilles des Turcs, dont ils furent fort estonnez, car ils estimoient le Roy de Calecut inuincible, à cause des forces & grans moyens qu'il auoit en ceste guerre.

17.

*La Citadelle
de Calecut
desmolie par
le commandement
du Viceroy.*

APRES que le Viceroy eust rendu graces à Dieu d'vne si belle victoire, & remercié les chefs de l'armee qui auoyent si brauement combatu, il fit camper ses troupes autour de la Citadelle, ayant en fantaisie de la faire desmâter & raser, à raison dequoy il vouloit s'arrester quelques iours aupres. Vn si nouueau conseil estoit fondé sur ce que le Viceroy estimoit inutile pour le bien des affaires du Roy de Portugal d'auoir vne forteresse en Calecut, attendu que ces Malabares ne cerchoient que guerre, & que les Portugallois seiournans en garnison dans ceste place seroient tous les iours en danger de leurs vies. Outre plus il deliberoit d'aller sur la fin de l'esté au goulfe d'Arabie attendre les Turcs qui estoyent sur le point de s'embarquer pour venir aux Indes, où ils pourroyent arriuer le quinziesme de May ou sur la fin d'Auril: sinon ce seroit entre les mois d'Aoust & Septembre, qu'il faisoit son compte d'estre en la coste de Diu pour les combattre auant qu'ils gagnassent le port. Il faisoit donc qu'il allast hiuerner à Mazcate, car demeurant en l'Inde basse, il ne pouuoit arriuer à Diu au mois de Septembre, à cause des vents contraires: s'asseurant au reste de prendre Diu au cas que les Turcs ne s'y trouuassent, & auant la venue des marchans & estrangers qui y trafiquoyent, & pouuoient luy donner grand empeschement. Or tenoit-il ceste ville pour ja prinse s'il y pouuoit aborder le premier: & d'autant que ce seroit auoir vn grand empeschement derriere, que de laisser la Citadelle de Calecut debout, & dedans vne garnison de vaillans hommes, plus propres à il-

leurs que là où ils estoient en aussi grand danger pendant la paix que durant la guerre, il conclud de ruiner ceste place, sans toutesfois en dire rié à personne, mais se campa saignant attendre si le Roy de Calecut demanderoit la paix, se fortifiant contre les assaux des Mores qui firét quelques escarmouches, mais ils furent contraints prendre autre party. Le Roy de Calecut se voyant au bout de toutes entreprises, desnüé de moyens & las de la guerre, enuoya demander la paix au Viceroy, offrant payer les despens & frais faits par les Portugallois en ceste guerre, consigner les paraüs & toute l'artillerie du Royaume de Calecut. Mais le Viceroy cerchoit des difficultez afin de rompre ceste negotiation, & demandoit qu'on luy rendist le gouverneur d'une ville nommee Porqua, lequel auoit quitté les Portugallois ses alliez pour se ranger avec les Calecutiens durant ceste guerre. Et pource que le Roy de Calecut refusa cest article, comme contraire au droit des gens & à ses coustumes, le Viceroy ne voulut accorder la paix. Depuis cela, le conseil fut assemblé où le Viceroy proposa puis que le Roy de Calecut refusoit vn bon accord, & qu'il falloit continuer la guerre, le meilleur seroit, à son aduis, pour le seruice du Roy de Portugal, de ruiner la Citadelle de Calecut, qui ne seruoit de rien, coustoit beaucoup, retenoit gens & artillerie de plus grand seruice ailleurs, pourtant deuoit estre desmolie. Plusieurs furent de mesme aduis: mais Hector de Sylueire, Jean de Lemo & quelques autres opinerent au contraire, disans que les affaires du Roy de Portugal receuoient grande commodité de ceste Citadelle, en ce que durât la guerre contre le Roy de Calecut il y auoit moyen de l'incommoder, & battre la ville capitale du Royaume, où le Roy residoit la pluspart du temps, avec toutes ses forces & richesses. Que la garde d'une telle place en despird'un si puissant ennemy estoit vn beau tesmoignage de la puissance du Roy de Portugal, lequel de nouveau auoit remis au dessus son credit par la victoire obtenue sur les ennemis. Que lon pouoit aisément garder la Citadelle en esté par le secours que l'armée seiournant en la coste luy pourroit donner, puis qu'au plus fort de l'huyuer elle s'estoit maintenue avec vne poignée de gens contre

tant d'ennemis si bien pourueus de toutes choses requises pour assieger & forcer vne place. Que cela se pouuoit faire sans grande despenſe puis qu'on ſçauoit le nombre de ſoldats & de canons requis pour la deſenſe, ce qui au parauant auoit eſté conſideré à part de l'armee nauale: & qu'avec ce peu de gens on feroit la guerre ſi viuement que le Roy de Calecut ſuccomberoit ou ſe rendroit à diſcretion, ou ſeroit contraint quitter la ville & planter ſon ſiege ailleurs, entrepriſe la plus importante que lon ſçauoit penſer pour accroître le credit des Portugallois en tout l'Orient, & les faire eſtimer inuincibles; outre le prouiſt qu'on en pourroit recueillir, grand en toutes ſortes, ſur tout de ce qu'un ſi puiffant Roy eſtant marré, les autres plieroyent le gantelet, & lairroyent baſtir des Citadelles par tout où les Portugallois verroyent leur commodité. D'auantage, que pour conſeruer à la poſterité la ſouuenance d'une victoire tant remarquable il eſtoit bon de laiſſer debout la Citadelle, car en la deſmoliffant c'eſtoit abolir tout à fait la memoire de la valeur des Portugallois, & l'ignominie des Mores qui ſe vanteroyent qu'on l'auroit ruinee de peur d'un autre ſiege. Apres ces remonſtrances, Iean de Leme s'offrit de la garder avec ſes parens & amis, tandis que la guerre durerait. Mais le Viceroy autrement reſolu commanda que la Citadelle fuſt abatee, dont les ſoldats s'eſbahirent fort, diſans que les ennemis ne pouuoient pis faire s'ils fuſſent demeurez victorieux, & blaſmoient le Viceroy enſemble tous ceux qui auoyent eſté de ceſt aduis. Manuel de Macede fut laiſſé en terre avec bonnes troupes pour miner en certains endroits & faire tomber les murailles & rempars en partie. Les mines iouerent, mais non pas de telle violence qu'on eſtimoit, tellement que la groſſe tour & la pluſpart des murailles demurerent debout, au grand regret des Portugallois qui quittoient ce qu'ils auoyent ſi vaillamment deſendu deuant la bataille, & à riſon de quoy vne tant belle victoire leur eſtoit demeuree. Apres que le Capitaine Macede & ſes gens ſe furent embarquez le Viceroy fit voile en Cochim, permettant à Iean de Leme d'aller en Cananor enleuer quelques coffres & hardes qu'il y auoit, pour ſe remonter, pource que durant le

siège il n'auoit espargné son bien pour subuenir aux necessitez extraordinaires des soldats.

18.

Le Viceroy estant sorty du port de Calecut, les Mores entendirent ce qu'on auoit fait à la Citadelle & y coururent voir que c'estoit. Lors ils allerent trouuer le Roy, auquel ils attribuerent tant de louanges, comme s'il eust esté cause de ceste desmolition, qu'il deuint plus fier que les Portugallois. Les autres Roys & Princes Indiens s'enfermerent de mesmes, ayans receu nouuelles que le Viceroy auoit abandonné & ruiné la Citadelle de Calecut, concluans de ne donner terre aux Portugallois pour en edifier à l'auenir, & de raser celles qui estoient basties. Entre autres Zabaim Dalcam se fit accroire qu'il pourroit recouurer Goa, ou par le moyen d'une longue guerre contraindre les Portugallois à en desloger. Il aduertit le Roy de Calecut de ceste entreprise, disant vouloir ensuiure son exemple, & le remerciât de ce qu'il auoit fait. Outreplus il le prioit de prester son armee, afin de commencer la guerre par mer, & ioindre les Malabares aux forces dont Melichiaz gouverneur de Diu l'accommodoit, pour chasser les Portugallois hors de l'Inde basse. Le Roy s'accordant à ceste demande redressa son armee, commandant au general d'icelle d'enuoyer les paraus en la coste pour guerroyer à toute outrance les Portugallois. Or comme ils deliberoient executer vne partie de leurs desseins Zabaim se trouua enuveloppé en des guerres contre ses voisins, & fut contrainct laisser les Portugallois en quelque repos. Cependant le Roy de Calecut demeura aussi superbe que iamais, & fit releuer les murailles de la Citadelle, afin de pouoir dire & se vanter que les Portugallois auoyent tant redouté sa puissance, qu'ils estoient deslogeés de leur forteresse pour la luy laisser. D'autre costé le Viceroy estant à Cochim donna secrettement ordre sur mer & par terre à tout ce qui estoit requis pour le siège de Diu, attendant la commodité d'executer ceste entreprise, & fit faire en Goa diuers engins & instrumens de fer & de bois, & provision d'armes & de pouldres.

Ce que fit le Roy de Calecut apres le depart des Portugallois.

19.

Il faut parler maintenant des affaires de l'Inde haute. George Albuquerque ayant la saison propre pour venir de Malaca en l'Inde basse, s'embarqua en vn ionc qui luy appartenoit, ne voulant (tant il estoit affectionné au

Rencontre et bataille sur mer entre

George Albu (seruice du Roy) emmener aucun vaisseaux de Portugal, querque et le encores que Mascaregne luy en presentast quelques vns
gouverneur de de bon cœur, pource qu'il sçauoit que tels vaisseaux es-
Porqua.

toient necessaires en Malaca. En ce ionc il menoit quarante quatre Portugallois ses amis & seruiteurs, avec lesquels estant pres de Porqua il fut assailly du gouuerneur grand ennemy des Portugallois, lequel menoit vne flotte de vingt cinq caturs bien equippez, ayant à sa queue sous ceux du pays en desalmadies, car il les auoit semôds au pillage de ce ionc. Albuquerque voyant qu'on luy en vouloit, ragea ses soldats, fit charger les pieces au nôbre de douze couleuines & vn fauconneau, disposa les hommes & canons en proue, en poupe & aux costez, attendant le gouuerneur qui sur les neuf heures du matin inuestit le ionc & cōmence à le canonner de plusieurs pieces, tellement que les balles tōboyent dru & espais cōme gresse. Mais le ionc estoit si fort, & les pieces de l'ēnemy si petites, qu'il ne receut pas grand mal: au contraire les Portugallois brisoient plusieurs caturs & tuèrent plus de deux cēs cinquante hōmes à coups d'artillerie & d'arquebuzes, au rapport qui en fut fait depuis, chascū faisant vn merueilleux deuoir, tellemēt que le gouuerneur & ses gens furēt contrains se retirer cōfus d'vne telle perte enuiron midy. Albuquerque ne perdit qu'vn de ses esclaves, mais il despēdit toutes ses pouldres & boulets, puis gaigna le port de Cochim, où le Viceroy estoit encor, qui aprestoit gens pour enuoyer au deuant de ce ionc, ayant entendu l'empeschement que ce gouuerneur de Porqua luy vouloit donner.

10.

Auantures **Q**UANT aux isles Molucques les affaires y estoient lors en l'estat qui s'ensuit. Durāt l'amitié entre Garfie Hē *des capitaines* riquez gouuerneur des Molucques & Anthoine Brittio, Portugallois tous deux furent d'avis d'enuoyer en l'isle de Celebo à *partis des Mo* soixante lieues de Ternate, ayans entendu qu'il y auoit *lucques pour* grande abondance d'or. Pour en sçauoir la verité ils y *aller en l'isle* uoyerent quelques capitaines avec vne fuste chargée de *de Celebo.* draps & autres marchandises, pour trafiquer avec les insulaires. Estans partis sur le commencement de Iuillet ils arriuerent en vne isle prochaine del'autre, où ils furent humainement recens: mais quand les Insulaires enten-

dirēt que l'occasion de la venue estoit pour auoir de l'or, ils craignirent q̄ cela ne seruist d'amorce aux Portugallois pour s'empare de l'isle: pourtant resolerēt ils de les sacager tous, & se saisir de la fuste, s'asseurans qu'il n'y en viendroīt plus d'autres. Vne nuit ils tāscherent d'executer ceste deliberation, tandis que les Portugallois dormoyent en la fuste laquelle ils tirerent à bord. Mais au bruit qu'ils firent les Portugallois s'esueillerent en sursaut, & se defendirent si bien qu'ils repousserent les Insulaires. Puis remōtans en mer aborderēt en vne autre isle, de laquelle ils furent chassez, & surgirent en vne autre où ils furent aussi mal recueillis qu'es precedentes. Se voyās ainsi frustrez, delibererent de retourner à Ternate, mais les vents estoient si contraires qu'ils voguerent plus auāt & se trouuerēt entre les isles de Mey, en pas vn̄s desquelles ils ne peurent arriuer, à cause des courātes qui les porterent en plaine mer entre le destroit de Magellan & les Molucques. Or pource que les vents regnoient alors, ils furēt poussez à plus de trois cēs lieues loin de leur route, & par diuerses fois se virēt sur le point de perir, vne nuit entre autres que le timon fut iettē hors de son lieu, sans qu'on le peust remettre, & errerent ainsi iusques au matin qu'ils se trouuerent pres d'une isle qui à trente lieues de tour, où ils prindrent terre, & furēt bien receus des Insulaires, gens de couleur bazannee, biē disposz, & de beau viaire tant hommes que femmes. Les hōmes portent la barbe lōgūe & noire, couuerts les vns d'une piece de tiffure pēdāte iusques sur les genoux, & ceints sur la hāche. Ceste couuerture est d'une sorte de paille plus blāche & delice q̄ des ioncs: ayās par dessus vne sorte de mātcau qui les couuroit iusques au nōbril, & sous cela portoyent des chemises d'autre scēblable tiffure beaucoup plus fine. La terre couuerte d'arbres & de fruits pareils à ceux des Indes, abondante en cheures, poules, eau douce de bōne saueur, & quelque legumes: l'air y estant si sain que l'on n'y voioit aucun malade ny debile, & y auoit de beaux vieillards. Au reste ils s'aidoyent de nacelles pour la pesche, costoyāns leur isle, & coupoient le bois avec des os de poisson. Quelques Portugallois malades de long tēps auparauant y recouurerent leur pleine santé: & voyāns

l'humanité de ces Insulaires, ils sejournerent avec eux l'espace de quatre mois attendans navigation plus commode. Puis s'embarquerent pour tirer à l'Occident, sans accroire à leurs hostes bié marries de ce deslogement, qu'ils retourneroyent bien tost d'un voyage par eux entrepris pour descouurir nouveau pays, & arriuerent en Malaca le vingtiesme iour de Ianuier l'an mil cinq cens vingt six. On pensoit qu'ils fussent morts, tellement que leurs hardes auoyent esté vendus, à cause que pour aller & venir à Celebo il ne faut que six semaines, & ils auoyent arresté plus de six mois.

21.

IL a esté dit à la fin du quinziesme liure que Brittio & Henriquez s'estoyent accordez de demeurer ensemble iusques au mois d'Aoust, auquel temps Brittio deuoit s'embarquer & prendre la route de Malaca. Ce terme escheu, d'autât que Brittio n'auoit encores acheué d'equiper son bastean il se retira en vn lieu nommé Toloco deux lieues au dessous de la citadelle, Henriquez demeurant gouverneur entierement. Or d'autant que presque tous les Portugallois de la suite de Brittio estoient saouls de la guerre, & auoyent amassé grâde quantité d'espicerie, qui leur touchoit de plus pres que le seruice du Roy, ils ne demâdoyer qu'à trouffer bagage, & pour cest effect prièrent Brittio de les receuoir & emmener, à quoy il s'accorda. Et sçachant que Henriquez s'y opposeroit si tost qu'on luy en porteroit les nouuelles, & retiendrait les payes qu'il auangoit, eux tirerent de bonne heure ce qui leur estoit deu, & porterent peu à peu leurs hardes au bastean, faisans entendre que c'estoit le bagage de Brittio, lequel aussi trouua moyen de soustraire les instrumens de la forge de la citadelle, avec tout le fer & le plomb qu'on y trouua, gaignans tous les charpentiers & autres manœuvres pour s'embarquer avec luy, sans oublier les pouldres & boulets: brief tout ce qui luy sembla propre pour son voyage, encores qu'il vist la citadelle auoir grand faute de ce qu'il emportoit. Henriquez ne sçauoit rien de tout ce mauuais mesnage, à cause que les officiers du Roy qui manioyer ces choses estoient meilleurs amis de Brittio que bon seruiteur de leur maistre, & donnoient à Brittio ce qu'il leur demandoit. Le mois d'Aoust escheu,

Differens entre Anhoins Brittio & Garfie Henriquez & ce qui en auint.

Brittio mit entierement la forteresse és mains de Henri-
quez, sans que le mur du costé de la mer fust du tout
fermé : les creneaux de la muraille du costé de terre es-
toient encores à faire ensemble du boulevard en ce
mesme endroit. L'autre boulevard n'estoit que comécé,
& la grosse tour n'auoit que dix brasses de hauteur à deux
estages, le reste iusques au toict dressé sur charpenterie
sans muraille, & clos de pille: tellement que les cheures &
pourceaux pouuoient entrer & sortir leans. Brittio
employa trois ans entiers apres ce superbe bastiment,
dont Henriquez print possession. Et quand Brittio par-
rit il fut suiuy de tous ceux qui s'asseuroient de pren-
dre avec luy la route de Malaca, faignans le vouloir
côuoyer iusques au port seulement pource qu'il auoit
esté leur capitaine, & promettans retourner bien tost, ce
que Henriquez leur permit, croyant ce qu'ils disoient :
mais estans à Toloco ils oublièrent leur promesse, &
Brittio se soucia peu de les renvoyer, pource qu'il estoit
bien aise de se mettre à la voile en bonne compagnie.
Henriquez ayant attré du ses gens quelques iours, se dou-
ta de ce qui estoit auenu, & enuoya messager & lettres à
Brittio le priant de renvoyer les soldats, la presence des-
quels estoit necessaire à cause de la guerre. Brittio fit res-
ponse telle quelle & ces messages durerent quelques sep-
maines, en fin desquels Henriquez voyant que Brittio
promettoit tout & ne tenoit rien, fit entendre tout le
passé aux officiers de la citadelle, par l'auis desquels fut
dressé vn escrit contenant les noms de tous les Portugal-
lois obligez à garder la citadelle, & mandement à Brit-
tio qui les tenoit pres de soy de les renvoyer, à faute
dequoy faire y auoir de grâdes protestations cõtre tous.
Le secretaire de la factorie porta ceste escrit à Brittio,
lequel respondit & fit à sa maniere accoustumee. Lors
Henriquez resolut par l'auis des officiers de faire oster le
gouuernail, la trompe & les voiles de la nauire nommee
sainte Eufemie, sans laquelle ils ne pouuoient se mer-
re en mer, n'estant le balteau assez grand pour tant de
gens. Cela executé, Brittio & ses gés arrestez court deli-
berent se saisir de la nauire à force d'armes, esperans puis
apres l'accõmoder de l'equippage necessaire. De fait, sans

aucun respect d'honneur ny de deuoir, ils s'en allerēt tous
 armez vers la citadelle de leur Roy avec des menaces cō-
 tre Gasfie & les siens: puis entrerent audacieusement en
 la nauire crians tout haut qu'ils voudroyent voir qui les
 pourroit retenir de couper la gorge à Henriquez, lequel
 les ayant veu passer avec telle insolence fut merueilleu-
 sement despitē, & pour empeschier plus grād mal enuoya
 defendre en qualité de gouuerneur de la citadelle au nō
 du Roy de Portugal à Brittio & à ses gens d'emmener la
 nauire, & fit publier ceste defence par vn heraut qui acō-
 pagnoit l'auditeur de la citadelle. Apres la lecture d'icel-
 le les soldats de Brittio se prindrēt bien fort à rire, disans
 qu'ils ne recognoissoyent Henriquez pour gouuerneur,
 ains Brittio, la charge duquel dūroit iulques à son partē-
 ment, qu'ils luy estoient soldats & non à autres: que si
 Hēriquez s'approchoit pour les brauer ils le perceroyēt
 à coups d'harquebuzes. L'auditeur retournē avec ceste
 respōce, Henriquez fut conseillé d'enfondrer la nauire à
 coups de canon, & pour ceste effect le canonnier cōmen-
 ça à ranger quelques pieces. Cōme les affaires estoient
 sur le point de tomber en extreme confusion, Cachil Da-
 roes grand amy de Brittio ouit parler de ces dissentions,
 & vint incontinent trouuer Henriquez, auquel il fit de
 grandes remōnstrances, & apres auoir entēdu ses raisons
 alla vers Brittio. Finalement il se voulut mesler de faire ap-
 pointemēt, qui fut tel que l'on apperceut qu'il fauorisoit
 Brittio, lequel emmena la nauire, avec promesse de ren-
 uoyer les soldats, dont il tint cōpte cōme les autres fois.
 Cachil estoit bien aise que Henriquez demeurast en pe-
 tite compagnie, afin que luy & ses gens dependissent de
 l'autorité de Cachil & fussent ses iuiets. Tel appointe-
 ment engēdra de merueilleuses picques, par les rapports
 que les soldats faisoient, car aucuns qui estoient avec
 Britio se retirerent en la citadelle, & au contraire cer-
 tains de la compagnie de Henriquez le rengerent avec
 Britio, soufflans tellement aux oreilles de ces deux capi-
 taines qu'un feu de haine irrecōciliable s'alluma en leurs
 cœurs, iulques là que Brittio attenta en diuerses sortes
 sur la vie de Henriquez, & alla luy-mesmes en habit des-
 guisé dedans la citadelle pour le tuer: mais il ne peust rien

executer

executer ny ceste fois ny les autres. Depuis il suiuit d'autres moyens obliques pour auoir prinse sur Henriquez, (qui se monstroir patient & peu passionné) toutesfois il perdit son temps, & apres que ces querelles eurent continué iusques à la fin de l'année, Britio s'embarqua sur la fin du mois de Ianuier de l'an mil cinq cens vingt six, & print la route de Bandan, laissant la citadelle despourueue de soldats & des autres choses susmentionnées. Henriquez destitué de moyens enuoya Martin Correa es isles de Bandan pour enleuer gens & meubles tant es iôcs qu'es autres vaisseaux de Malaca qui se trouueroyent en ces lieux : pource qu'on ne se soucioit en Malaca, encores moins en l'inde basse, d'enuoyer gens ou fournitures necessaires aux Portugallois demeurans en ces isles Molucques.

LE Viceroy parti de Cochim pour se retirer en Goa courut la coste iusques à Panane, sans rencontrer aucun paraus des ennemis, car ils auoyent leurs sentinelles en terre qui donnoient le signal pour faire retirer leurs gendâs les fleues plus prochains où ils se tenoyent cachez iusques à ce que la flotte fut passée. Comme le Viceroy repassoit deuant Calecut, il fit brusler quelques vaisseaux tirez en terre, & faisant voile vers Cananor, descourut quatre paraus Malabares escartéz d'une plus grand' flotte qui alloit acheter du riz. Il fut despité de l'audace de ces quatre vaisseaux qui s'approchoient si pres de luy, n'ignorans pas qu'il estoit en ceste coste: pourtant conclud-il de les chastier, & sur l'heure fit equipper vn basteau commanda qu'on luy apportast ses armes, puis nonobstant le mal de sa iambe, & contre les remonstances des capitaines, qui s'offroyent d'aller inuestir ces paraus voulut y aller en personne. Ainsi qu'il voguoit quelques brigantins de sa flotte le denancerent, & ioignirent les paraus de telle sorte qu'ils prirent prisonniers tous ceux qui estoient dedans. Ce neantmoins le Viceroy vouloit aller iusques là, pour se trouuer aux coups: mais son mal de iambe, laquelle s'enflait desmesurément, s'il s'appuyoit dessus tant soit peu, le contraignit de retourner en son gallion, & pource qu'il s'estoit eschauffé de cholere, & avec les armes sur le dos, la fie-

22.

*Retraite du
Viceroy à Cananor.*

3526.

ure le saisit sur le soir, qui le contraignit de se retirer en Cananor pour pouruoir à sa santé. Il y arriva au mois de Ianuier, laissant pour Amiral en ceste coste de Malabar George Tellio, lequel courant au long d'icelle trouua Pierre de Far à la bouche du fleuve de Baccanor, appartenant au Roy de Narfingue, où cent cinquante paraus Malabares se chargeoyent de poyure pour Cambaje, estans bien equippez & fournis de quatre mille harquebuziers, Tellio scachant ces nouuelles ne voulut assaillir incontinent ceste flotte, pource qu'il auoit peu de gens, ains escriuit au Viceroy, le priant d'enuoyer quelque renfort. Le Viceroy ne scachant pas en quel nombre estoient les ennemis, ne luy, enuoya que bien peu de gens sous la charge de George de Meneséz, mandant à Tellio que s'il se sentoit assez fort pour aborder les ennemis il leur donnast bataille: sinon qu'il attendist autre nouveau renfort.

23.

*Desfaite des
Malabares
par George
Tellio au fleu-
ue des Bacca-
nanor.*

GEORGE de Meneséz ayant rendu les lettres du Viceroy, Tellio dit qu'il estoit impossible de différer le combat, ny d'attendre gens de Cananor, pource que les ennemis deuoient partir le lendemain, & faloit leur empêcher l'entree en mer. L'affaire mis en deliberation, les capitaines furent d'avis de donner bataille, encores qu'en tout ils ne fussent pas plus de six cens hommes. Ils se preparerent la nuict, équipans & disposans leurs basteaux, brigantins & catur, pour entrer dedás le fleuve, ce qu'ils firent le lendemain avec le flus de la mer, & tost apres trouuerent les ennemis qui montoient par le flus. Alors les pieces commencerent à tóner & vomir le feu de toutes parts. Les ennemis qui ne s'attendoient pas qu'on les deust assaillir dedans l'embouchure du fleuve, furent si estonnez de voir les Portugallois & d'ouir le canon, qu'ils pèserent l'armee estre beaucoup plus gráde qu'elle n'estoit, & de peur commencerent à tourner pour venir au dessus, puis avec la maree qui haussioit & à force de rames ils fuyrent de toute leur puissance, estans suivis de Tellio & des siens qui canonnoient furieusement, & endommagerent soit les ennemis iusques à ce que l'eau comença à baisser. Alors les paraus Malabares & les brigantins des Portugallois demurerent arrestez les vns d'un costé, les autres d'un autre. Ce pendant les Mala-

bares taschoyent de voguer au lōg du riuage, n'ayans la hardiēſſe d'attēdre le choc. Les plus legers vaiſſeaux des deux partis ramerēt iuſques à vn lieu où le fleuue eſtoit ſi peu largo qu'on le paſſoit ſur vn pōt. Alors ils ſ'arreſterent tous. Quant aux Portugallois il n'y auoit là que les deux baſteaux de Tellio & de Menefez avec quatre caturſ, & ſi petit nōbre de ſoldats que ce n'eſtoit rien à cōparaifon des ennemis, leſquels voyās ſi peu de gēs, prīnēt courages & cōmencerent à tirer coups de canon & de fleſches ſpecialement contre le baſteau de Menefez, lequel ſe voyant aſſailly de telle furie taſcha de les acōſter pour cōbatre à coups de main. Tellio voyant les ennemis ſe réforcer, fuſt d'auis de ſe ioindre aux autres vaiſſeaux de ſa flotte, mais en ſe retirāt il demeura à ſec en doublāt vne pointe de terre, à cauſe que l'eau eſtoit trop baſſe, & y auoit en ce meſme lieu vingt paraus ennemis arreſtez de meſme empēchement. Quand ils virent les Portugallois en telle extremité ils firent iouer certaines pieces qui eſtoyent en terre, ſans que Tellio peult ſe deſfendre, & de malheur vn bōulet donna contre vn baril de pouldre en vn catur & y mit le feu, mais les ſoldats & matelots ſauterent en l'eau & ſe ſauuerent. Ceſte accidēt encouragea les ennemis, tellement qu'ils ſe faiſoyent à croire que les Portugallois eſtoyent en leurs mains, & recommençans le combat vindrēt ioindre Tellio, lequel alors avec Menefez & les autres fit vn merueilleux eſfort tellement que le fleuue eſtoit taint en rouge du ſang des oecis & bleſſez du coſté des Malabares, qui ſe retirerent vers terre. Mais apres ceſte victoire les Portugallois ſe trouuerent en plus grand danger qu'auant la bataille, pource que les ennemis recommencerent à tirer du bord de l'eau comme s'ils euſſent viſé à vn but, les vaiſſeaux eſtans à ſec, tellement que ſ'il leur euſt ſalu atten-dre le retour de la marée, c'eſtoit fait de Tellio & de ſes troupes. Or au meſme temps eſtoit en ceſte coſte vn lieutenant du Roy de Narſingue avec trente mille hommes, pour recueillir les tributs de ceſte prouince, & donner ordre aux affaires qui ſ'y preſentoient. Iceuluy oyant le bruit de l'artillerie marcha en diligence celle par avec quelques troupes, & à ſa ve-

nue fit cesser & retirer les Malabares. Tellio sçachant qui estoit ce capitaine, luy enuoya remôstrer qu'il ne deuoit permettre que les Malabares assaillissent les Portugallois sur les terres du Roy de Nasringue amy du Roy de Portugal. Le lieutenant s'excusa, tançant les capitaines ennemis, & commanda à toute l'armee des paraus de descendre en terre : tellement que les Portugallois demurerent libres, & trouuerent quarante des leurs tuez en ceste rencontre, en laquelle les ennemis perdirēt beaucoup. Tellio voulant venger la mort de ses soldats, se retira vers la bouche du fleuue pour attendre les ennemis au passage, & mit au riuage quelques pieces pour les endomager de tous costez : puis auertit le Viceroy de ce qui estoit auenu, & entendit de luy ce qu'il auroyt affaire puis apres.

24.

Mort & enterrement de Hery de Mauesex Vice-roy : avec un brief discours de sa vie & de ses vertus.

LORS que le Viceroy receut ces nouuelles, sa iambe le tourmentoit si asprement qu'il conu sa mort estre prochaine, d'autant qu'il decheoit de iour en iour. Ainsi dōc apres auoir donné ordre à ses affaires, il rendit l'esprit à Dieu le second iour de Feurier l'an mil cinq cens vingt-six, & fut enterré au temple de Cananor, au grand regret de tous, spécialement des gens de bien, à cause des belles parties & grandes vertus qui paroissoient en luy. Car il estoit fort consciencieux enuers Dieu & les hommes, liberal, nullement auaricieux, comme la fin de sa vie en seruit de preuue, n'ayant en ses coffres que cens ducats, sans s'estre soucié de trafiquer. ni de penser à ses affaires particulieres, comme faisoient plusieurs autres, encores que sa charge & autres precedentes luy eussent présenté moyen de remplir sa bourse. Or il pensoit si peu aux biens qu'en partant de Portugal pour aller aux Indes, il vendit vne partie d'iceux, engagea & bailla à ferme le reste, pour employer l'argent quant il seroit en charge. Mais voyant qu'il ne pouuoit vacquer aux affaires publiques & particulieres ensemble, il quitta incontinēt le souci de son particulier, & despendit ses deniers pour le seruice du Roy, sans vouloir faire autre guain, disant que le Roy s'en souuiendroit, pour le reconoistre enuers ses enfans. Ce Seigneur de grande maison estoit fort vaillant de sa personne cheualier sans peur, & tel reconu en toutes les

batailles & rencontres esquelles il s'estoit trouué tant en Afrique qu'es Indes, des qu'il commença à porter les armes. Il aimoit les hommes vaillans, & les louoit deuant chascun, les encourageant à continuer en mieux par les riches presens & beaux estats qu'il leur donnoit. Estant au reste plus ialoux de son honneur que nul autre, prompt à faire iustice, sans passion aucune ni acception de personnes, à raison dequoy il estoit mal voulu de quelques gentils hommes qui disoyent mal de luy, pource qu'il ne les auoit pas espargnez. En tous affaires il estoit bien auisé à les acheminer, resolu en conseil, prompt & hardi à executer. Son intentiõ estoit des'emparer des villes de Diu & Aden, & de continuer la guerre de Calcut: mais la mort le deliura de tels soucis, & cacha dans terre avec le corps, tant d'entreprises que l'esprit embras-
soit durant ceste vie mortelle.

FIN DV SEIZIESME LIVRE.

Mm iij





LE DIXSEPTIESME LIVRE DE L'HISTOIRE DE PORTUGAL.

SOMMAIRE.

1. Lopez de Sampaio declairé Viceroy apres l'enterrement de Henry de Meneſex: ſes premiers exploits en ceſte charge, tant és Indes qu'en Ormus.
2. Retour de Roderic de Leme ambassadeur de Portugal de la cour du grand Negus d'Ethiopie au port de Maxxuan, ſa navigation en Ormus ſon retour en Portugal, & ſommaire de ſa legation.
3. Troubles en la ville de Diu: par quels moyens elle demeura en la puissance du Roy de Cambaie, & l'ordre que les capitaines Portugallois donnerent à leurs affaires.
4. Lettres du Roy Iean troiſieſme touchant le gouvernement des Indes conſermé à Lopez de Sampaio lequel eſt declairé Viceroy.
5. Les meſcontentemens ſuruenus entre les Portugallois ſur la nomination du Viceroy, & ce qui ſ'enſuiuit.
6. Eſtat des affaires en Malaca, & ce que fit Pierre Mascaregne ayant entendu que le gouvernement des Indes luy eſtoit attribué apres la mort de Henry de Meneſex.
7. Deſcription de l'iſle de Bintam & l'entrepriſe de Mascaregne ſur icelle.
8. Armee du Roy de Pam venant au ſecours des Bintaſinois deſfaite par Mascaregne: Et l'Amiral Laqueximene mis en ronte par le capitaine Sarraſ.
9. Mascaregne emporte d'aſſaut la ville de Bintam, dont ſ'enſuiuit.

la mort du Roy, le successeur duquel fait alliance avec Mascaregne, & se rend tributaire du Roy de Portugal.

10. Navigation de Francisque de Sa insques à Zunde, & ce qui lui avint.
11. Arrivee de Mascaregne au port de Cochim l'empeschement qui lui fut donné & son emprisonnement.
12. Les grands troubles survenus entre les Portugallois à cause de l'emprisonnement de Mascaregne.
13. Pratiques de Mascaregne pour se delivrer & faire obcir comme Viceroy, & l'issue d'icelles.
14. Estat des isles Molucques: appointment entre le Roy de Tidore & Garfie Henriquez lequel rompt ce traité, & ce qui avint depuis.
15. Flotte d'Espagne envoyee par l'Empereur Charles cinquieme aux Molucques, l'arrivee d'icelle, & ce qui passa entre les Espaignols & Portugallois.
16. Continuation du recit des differens entre Sampaio & Mascaregne touchant le gouvernement des Indes.
17. Juges deleguez pour vider le procez d'entre Sampaio & Mascaregne, & leurs considerations sur ce different.
18. Sentence des juges deleguez au proufit de Sampaio: ce qu'il fit apres avoir esté conserme au gouvernement, & le retour de Mascaregne en Portugal.



PRES l'enterrement de Henry de Menezes Viceroy, le gouvernement duquel à esté descriit au liure precedent, tous les capitaines gentilshommes & autres principaux officiers du Roy de Portugal, s'assemblerent

au temple de Cananor, où se trouva pour lors Alphonse Messie conseruateur de la faculté royale avec Jean de Soire Auditeur general des Indes: afin d'ouvir le paquet des lettres de la seconde succession au gouvernement de l'Inde haute & basse. Messie en fit ouverture deuât tous, & se trouua que le Roy nōmoit pour successeur à Henri de Menezes Pierre Mascaregne capitaine de Malaca. Or pource que Mascaregne estoit absent & qu'il ne pouuoit à cause de la navigation venir en l'Inde basse avant neuf ou dix mois, tellement qu'il estoit à craindre que tout

Lopez de Sampaio declairé Viceroy apres Menezes: ses premiers exploits en ceste charge.

ne fust alors renuerſé, ceux qui ſe trouuerent à l'ouuer-
 ture de ce paquet demeurerent eſperdus, d'autant que
 l'Inde baſſe auoit beſoin de Viceroy, tant pour la guer-
 re contre les Roys de Calecut & de Cambaie, que pour
 ce que l'on attédoit l'armée des Turcs en May ou en Sep-
 tembre. Là deſſus Meſſie & autres entrerent en diſpute,
 ſ'il falloit eſlire vn autre Viceroy en l'abſence de Maſcare-
 gne: à quoy l'Auditeur general fit reſponce qu'il eſtoit
 d'auis qu'on ouurift les lettres de la troiſieſme ſucceſſiō,
 & receuoir celuy qui y eſtoit nommé, puis que le Roy ſe
 fioit en luy du gouuernement des Indes, & qu'un tel ma-
 nieroit les affaires de meilleure forte que nul autre en
 l'abſence de Maſcaregne. Vaſque Deze ſ'oppoſa fort &
 ferme à ceſt auis, diſant qu'incontinent que le troiſieſme
 ſucceſſeur ſe verroit receu, encores que ce fuſt par entre-
 poſts & iuſques à la venue de Maſcaregne, on verroit de
 grands troubles en l'Inde baſſe, pource que ceux qui ſont
 ſi haut montez deſcendent bien enuis puis apres: pour-
 tant ne deuoit on ouurir ceſte troiſieſme ſucceſſion, &
 que le Roy n'en ſeroit pas contēt. Quelques gentils-hō-
 mes furent de ceſt auis: mais Alfonſe Meſſie ne ſ'y vou-
 lut ranger, alleguant qu'on pourroit remedier à tous ces
 inconueniens, en faiſant iurer le troiſieſme ſucceſſeur ſur
 le liure des ſaincts Euangiles, & ſigner en preſence de
 teſmoins & notaire en inſtrumēt authentique, qu'il quit-
 teroit le gouuernement ſi toſt que Maſcaregne ſeroit
 venu. Que luy coſeruateur, l'auditeur, tous les capitaines
 & gentils-hommes eſtans en l'Inde baſſe, promettoyent
 par ſerment ſolennel de contraindre le troiſieſme ſuc-
 ceſſeur à tenir promeſſe, & que par ce moyen l'affaire
 demeureroit paſſible & aſſeuré. Tous approuuerent ceſt
 auis, preſterent le ſerment, & ſouſſignerent vn aēte pu-
 blic qui en fut dreſſé par le ſecretaire Pegade. Cela fait
 Meſſie ouurit les lettres de la troiſieſme ſucceſſion, qui
 nommoient Lopez de Sampaio capitaine de Cochim.
 Lors Meſſie iura de rechef que ſoudain apres l'arriuee de
 Maſcaregne il donneroit ordre que Sampaio renonce-
 roit au gouuernement des Indes: autant en iurerent tous
 les autres, & ſouſſignerent vn deuxieſme inſtrument, mi-
 nuté par Pegade le troiſieſme iour de Feurier mil cinq

cens vingt six. Puis apres ils allerent en Cochim, ou Messie remit le gouuernement és mains de Sampajo iusques à la venue de Mascaregne, comme il le iura & promit observer, & signa l'acte que Pegade en fit expres, qui fut soussigné de l'Auditeur general, de Messie, de tous les capitaines & gentils-hommes qui s'y trouuerent. Mais l'euénement monstra que Messie s'estoit lourdement abusé en son discours, ou qu'il estoit vn tresmeschant homme, ayant semé la graine d'une dissention qui euida ruiner les Portugallois: & qu'il auoit moyen de conseruer l'estat & à Mascaregne son droit, sans chatouiller de si pres les oreilles du troisieme successeur, qui se voyant à cheual fit tant en Portugal & és Indes que celuy qui le deuançoit par ordonnance expres du Roy perdit neantmoins les estrieux, & fut renuoyé en Portugal, comme nous le verrons au dernier chapitre de ce liure. Pour reuenir au fait, Sampajo se voyant Viceroy, comença incontinent à tenir la main aux affaires: & premierement despescha Roderic Pereire pour aller à Bengala, remit son gallion à Manuel Britio, enuoya George Capral avec quelques paraus butiner és isles de Maldiuar, où il s'achemina promptement. Ceux là expediez, le Viceroy s'appresta pour aller courir la coste de Malabar, afin que le Roy de Calecut entendist que Henry de Menezes auoit laissé gens qui donneroyent de la besongne aux Calcutiens. Il partit le sixiesme iour de Feurier en vnegalere bastarde de Vasques de Leme, ayant outre les brigantins & careurs quelques grands vaisseaux, esquels commandoyent Iacques de Sylueire, Alonse de Menezes, Manuel Britio, Anthoine de Sylues, Manuel de Macede, Iacques de Mezquite, Héry de Macede & Lopez de Mezquite. Le Viceroy suiuant sa route de Cochim à Cananor ne trouua aucū parau de Calecut, pource que presques tous estoyent espars en diuers fleues, d'où ils n'estoyent sortir craignans tóber és mains des Portugallois. Ainsi que le Viceroy seiournoit en Cananor pour auictuallier ses vaisseaux, il receut vne lettre de George Tello qui le prioit de venir au fleue de Baccanor, pource que les ennemis qui y estoyent dedans en grand nóbre vouloyent partir, ce que luy qui auoit trop peu de gens

ne pouuoit empescher, attendu que les ennemis s'estoiēt tellement renforcez qu'ils auoyent pres de douze mil hommes. Quand le Viceroy ouit parler d'un si grand nombre de gens, il enuoya querir Christofle de Souze & Anthoine de Sylueire, seiournans lors en la ville de Goa, afin de se venir ioindre avec luy & amener toutes leurs troupes, lui ne se sentant pas assez fort pour execution si importante comme celle qui se presentoit. Or tādīs qu'il seiournoit illec à l'occasion des victuailles dont la flotte auoit besoin, il enuoya Manuel de Macede se ioindre à Tello, & le suiuit incontinent apres. Estant arriué pres de ce fleue il entendit que les Malabares s'estoyent fortifiez non seulement d'artillerie au long du riuage, mais aussi d'une palissade courant d'un costé iusques à l'autre, tellement que la flotte des Portugallois ne pouuoit gagner terre sinon à viue force de tous les vaisseaux ensemble: outre ce que tout au long de ceste palissade y auoit de gros chables dedans l'eau, afin que les gallions, brigatins, bastiaux & caturus du Viceroy s'entortillassent en tels filez, & ne peussent passer. Ce nonobstant le Viceroy resolut de donner bataille aux Mores & brusler leurs paraus sans trop attendre Souze & Sylueire. Pour attacher les corps de garde des ennemis il fit armer quatre bastiaux couuerts chargez de grosse pieces d'artillerie, lesquels voguoyent deuant, estans suiuis des autres voiles. Ayant attendu quelques iours il ne voulut differer dauantage, de peur que les Mores n'imaginassent qu'il eut peur d'eux, & resolu de les assaillir fit monstre de ses gens qui montoient à trois cens hommes. Or auant que passer outre il assembla les capitaines & principaux de la flotte pour entendre quels moyens on tiendroīt pour assaillir les ennemis. Mais la pluspart iugerent qu'il ne deuoit point combattre, alleguans que le Viceroy estoit trop foible pour assaillir une telle armee & si bien fournie de canon, & ne deuoit ainsi auanturer le gouuernement des Indes en un affaire si perilleux que cestui-la. Presques tous ceux de cest aduis vouloyent mal à Sampajo, estans marris qu'il eust le gouuernement, pource qu'il n'estoit pas grand seigneur: & l'esperance qu'ils auoyent de voir bien tost Mascaregne les faisoit ainsi reculer, afin que ce-

stui ci, qu'ils n'estimoient sinon gouverneur prouisionnel n'emportast l'honneur d'une telle victoire. Lui conoissant leur intention, & qu'ils ne le voioient pas de bon œil, remit ceste deliberation à une autre fois & iusques à ce qu'il auroit reconu le fleuve & la descente, ce qu'il fit le lendemain matin au cler de la Lune, avec Manuel Britio & Roderic d'Arauge braues capitaines, qui luy tindrent compagnie, & vogueoyent chascun en un catur. Les Mores delcourans ces vaisseaux commencerent à canonner, mais en despit d'eux le Viceroy ne laissa de considerer & remarquer ce qu'il desiroit, & en retournât fit couper par gens experts, qui se plongerent en l'eau, les chables trauersans le fleuve pres de la palissade, puis se retira vers la flotte, & exposa ce que dessus aux capitaines & gentils-hommes, leur prouuant par viues raisons que la victoire estoit aux Portugallois, si l'on vouloit assaillir les ennemis. La pluspart fut du premier auis, qu'on ne donna point bataille, tellement que le Viceroy n'osant passer outre tiroit cest affaire en longueur, attendant Souze & Sylueire qui seroyent (ce lui sembloit) d'aides de combatre, comme aussi ils furent & y pousserent le Viceroy qui y enclinoit entierement. Apres auoir ordonné ce que chascun auoit à faire, le lendemain de grand matin, qui estoit le vingt cinquieme iour de Feburier, les vaisseaux esquels y auoit mille hommes de combat commencerent à voguer vers les ennemis qui canonoient furieusement de leur part. Neantmoins Britio & Arauge qui conduisoit l'auantgarde inquestirent courageusement la palissade, & la rompirent. Lors il y eut un tresaspre conflict à la descente: mais à l'approcher du Viceroy les ennemis estonnez quitterent le riuage pour se sauuer de vitesse en terre ferme, laissant leurs paraus à la mercy des victorieux. Incontinent le Viceroy fit sonner la retraite, ne voulant pas que les soldats fourrageassent le plat pais appartenent au Roy de Narfingue ami des Portugallois, & craignant que ce Roy ne s'en vengeast puis apres, comme il en auoit bien les moyens. Les troupes assemblees on mit le feu es paraus qui furent tous bruslez, ensemble une maison pres du riuage, plaine d'espiceries qu'ils vouloient charger es paraus. Outre plus on tira dans les vais-

seaux de la flotte quatre vingts pieces de bronze prinſes
 autour de la paliffade. Le Viceroy ne perdit que quatre
 ſoldats en ceſte iournee, & en remena cent bleſſez : mais
 les ennemis y laiſſerent grand nombre des leurs, comme
 on le ſçeut depuis par le grand dueil fait à cauſe d'eux en
 la ville de Calecut, & non ſans cauſe, attendu auſſi la per-
 te d'environ cent cinquante paraus & de tant de mar-
 chandiſes. Apres ceſte victoire le Viceroy print la route
 de Goa, où il trouua de l'empeschement: car Francisque
 de Sa gouuerneur de l'ifle & de la ville luy enuoya ſigni-
 fier à diuerſes fois qu'il perdoit temps de pretendre en-
 trer dedans la ville: qu'il ne recognoiſſoit autre Viceroy
 es Indes que Pierre Mascaregne nommé par le Roy Iean
 troiſieſme: que Sampajo auoit eſté nommé par gens qui
 ne pouuoient donner ceſte charge, pourtant n'eſtoit il
 aucunement deliberé de le recognoiſtre ny luy obeir.
 Francisque de Sa auoit le conſeil d'eſtat en ceſte iſle de
 ſon coſté: ce neantmoins Sampajo vint ſurgir aupres du
 quay où il demeura quelques iours à l'anchre, employât
 le temps à ſommer Frâciſque de le laiſſer entrer. Il n'eust
 rien gaigné en cela ſans Chriſtoſte de Souſe qui ſollicita
 ceſt affaire, & pour l'amour duquel Francisque fit ou-
 uerture: mais incontinent que Sampajo fut dedans la
 ville il oſta la capitainerie de la citadelle à François de
 Souſe pour la donner à Anthoine Sylueire ſon gendre
 pretendu, & enuoya Francisque de Sa aux Molucques
 pour baſtir vne fortereſſe à Zunde, ville maritime de la
 grande Iauc. Car le Roy de Zunde craignant eſtre chaſſé
 par vn autre ſien voiſin auoit enuoyé prier le Viceroy E-
 douard de Menefeſez d'enuoyer gens pour baſtir vne
 fortereſſe, & qu'il fourniroit du poiure en abon-
 dance & à beaucoup meilleur pris que les marchans
 de Cochim. Or d'autant que le Roy de Portugal
 craignoit que les Eſpagnols ne gaignaſſent le de-
 uant, il commanda que l'on y allaſt dreſſer vn fort, don-
 nant la charge & gouuernement d'iceluy à Frâciſque de
 Sa, gentil-homme de grand ſeruice. Sampajo ſçachant
 que Francisque auoit ceſte commiſſion, print ceſte cou-
 leur pour le chaſſer au loin, & luy donna trois cens hô-
 mes en vn galliô & deux galliottes. Il enuoya auſſi Geor-

ge de Menefez aux Molucques pour y commander, & luy ordonna cent soldats qui s'embarquerēt en deux bateaux. Simon de Soufe fut establi Admiral des Indes: & Martin Alfonse Melio despesché avec six voiles pour roder autour des isles de Maldiuar, où il rencontra vne nef Turquesque allant de Tenazarin à Iude en Arable, chargée de grandes richesses & de trois cens Turcs combattans, ausquels Melio s'attacha, & apres auoir combattu deux iours, & tué la pluspart des Turcs, il conquist la nef, laquelle fut menee au port de Goa. Quant aux affaires d'Ormus, nous auons dit cy deuant que Henry de Menefez auoit en faueur du Roy & de Raix Xeraf escrit à Iacques Melio capitaine de la citadelle, le priant de se comporter en telle douceur que les autres n'eussent plus occasion de se plaindre de luy. Soit que Melio ne tint cōpte de telles lettres ou pour autres raisons, il constitua Xeraf prisonnier & le traita rudement, sur tout pour le regard de sa bourse, tellement qu'on en fit des chansons en Inde, & taxoit-on Melio d'auoir pincé viuement la bourse de Xeraf, qui l'auoit enduré pour n'estre bourelle d'autre façon, ayāt bien meritē le gibet: mais sa bourse fut pendue pour luy. Sampajo entendant les nouuelles de ce trouble, ioint que Melio le prioit de faire vn voyage en Ormus pour appointer ce different, auant la venue de Pierre Mascaregne, qui eust peut estre chastié Xeraf & Melio ensemble, delibera d'y aller pour complaire aux parties & les mettre d'accord. Cest affaire mis en deliberation, tous conseillerent à Sampajo de demeurer, tant pour donner ordre à la guerre contre les Turcs & autres affaires, que pour n'aller perdre temps en voyage de nulle importance. Mais il ne voulut suivre cest aui, ains ayant laissé le capitaine Mirande avec tous les vaisseaux à rame en la coste de Malabar, il fit voile en Ormus sur la fin du mois de Mars, en vne galere bastarde de Vasque de Leme & menant quatre bateaux de guerre, dont Alfonse de Menefez, Manuel Britio, Iacques de Sylueire & Manuel de Macede estoient capitaines. Apres beaucoup de difficultez ils arriuerent au port de Calajate, où Sampajo regaigna le gouuerneur au party des Portugallois, duquel il s'estoit destourné à cause des ex-

torſions de Iacques Melio, autant en fit-il à Mazcate: puis ayant conquis vne nef de Mores qui fut vëdue mille ducats, ſurgit au port d'Ormus, deliura de priſon Raix Xeraſ, proteſtant eſtre venu pour le mettre d'accord avec Melio, & que ſ'il pretendoit eſtre greué en demandant iuſtice elle lui ſeroit faite, nonobſtant le parentage entre lui & Melio. Xeraſ entendant cela perdit toute eſperance d'obtenir ſon droit, & reſpondit à Sampajo qu'il pardonnoit à ſa partie tous les outrages dont il ſe pourroit plaindre: autant en fit le Roy d'Ormus par l'aduiſ de Xeraſ. Voila comme les vns & les autres demeurèrent amis en apparence, & Sampajo apres auoir tancé ſon parent des fautes commiſes contre le Roy & Xeraſ, paſſa l'hüuer en Ormus,

3.
Retour de Roderic de Leme Ambaſſadeur de Portugal vers le grand Negus, d'Ethiopia au port de Mazzuan, ſa nauigation en Ormus, ſon retour en Portugal, & ſommaire de ſa legation.

HISTOIRE de Sylueire enuoyé par le Viceroy Menezes l'attendre au cap de Guardafu, d'où il eſperoit le mener en la guerre de Diu, voyant que le temps propre à la nauigation ſ'eſcouloit, fit voile à Mazzuan, & arriué en l'iſle de Dabacca le premier iour d'Auril eſcriuit incontinent à Roderic de Leme Ambaſſadeur de Portugal vers le grand Negus d'Ethiopia, au Royaume duquel il auoit ſeiourné fort long temps. Par les lettres Sylueire prioit Leme de ſe retirer au port de Mazzuan où la flotte l'attendoit, & les enuoya-on au gouuerneur d'Archique pour les faire tenir au pluſtoſt & en main propre. Lors Roderic de Leme & ſa troupe reuenu de la cour d'Ethiopia avec ſa deſpeſche pour Portugal, eſtoit arriué à Barua environ le quinzième iour de Ianuier, d'où il deſpeſcha incontinent deux hommes vers la mer pour apporter nouvelles de l'arriuée des vaiſſeaux qui le deuoient emmener. Ils retournerent le meſme iour que Sylueire ſurgit en l'iſle de Dabacca, tous deſeſperez & demi morts, diſans n'auoir rien trouué, ni ouy parler des Portugallois qu'en fort mauuaiſe part: car le bruit couroit que leur armee auoit eſté deſfaite és Indes, les Citadelles priſes. Ces nouvelles furent ſemees par certains Mores arriuez à Mazzuan avec trois neſs, qui aſſeuroyent cela ſous couleur de la priuſe d'une gallere Portugalloiſe pres de Diu. Mais le troiſieſme iour enſuiuant les lettres de Sylueire furent rendues à Leme, ce qui le conſola, comme lon peut eſti-

mer, & escriuit incontinent à Zagazabo ambassadeur du Negus en Portugal, lequel seiournoit en quelques siènes terres, qu'il ne fust faute de se mettre au plustost en chemin pour se ioincre à Mazzuan, où la flotte de Portugal les deuoit recueillir tous. Quelques iours apres Roderic se mit en chemin avec le Barnagas ou commissaire qui auoit charge du Negus de conduire les Portugallois iusques à leur flotte. Ce Barnagas estoit accompagné de six cens pictons & de deux mil hommes montez sur cheuaux & mules. Depuis Barua iusques à Mazzuan lon ne conte que quinze lieuës, toutesfois ils furent six iours à les faire, à cause des chaleurs & diuerses incommoditez du chemin. Ayans gaigné le lieu où ils tendoyent, le Barnagas remit Leme & ses gens es mains de Sylueire, avec grande allegresse & ioye de tous, & luy fit aussi present de cinquante vaches, de plusieurs moutons, poules, chapons & du poisson en quantité pour la fourniture des vaisseaux. Deux iours apres arriua Zagazabo, que le Barnagas conduisit à Sylueire, & demurerent là quelques iours attendans la commodité de la mer qui est nauigable en cesté coste d'Ethiopie depuis le vingtiesme d'Auril iusques au quatriesme de May, & si on laisse escouler ce petit espace de iours, il faut differer l'embarquement iusques au mois d'Aoust. Ce vingtiesme d'Auril quatre Calacènes ou messagers du Negus survindrent à Mazzuan, disans leur maistre auoir esté aduertty du costé de Zeila que la flotte de Portugal estoit entree en la mer d'Arabie pour les enleuer: & d'autant qu'ils pourroyent estre contristez & incommodez veu le long temps qu'ils estoient partis de la cour, ces messagers auoyent charge de remener Leme & ses gens vers le Negus qui leur vouloit donner tant d'or & d'autres commoditez qu'ils retourneroyent en tresgrande ioye vers le Roy de Portugal. Ils adioustoyent qu'on leur auoit commandé de faire toute diligence, tellement qu'ils n'auoyent cessé de marcher iour & nuict, changeans leurs montures en diuers lieux, & pressoyent instammēt Leme de retourner avec eux. Puis commanderent à Zagazabo d'accompagner Leme vers le Negus, & supplierent Sylueire de les y enuoyer, adioustans que leur Prince seroit

fort mal content si l'on n'obeissoit à la requeste. Mais Sylueire, Leme & les principaux, ne sçachans l'occasion d'un tel mandement, firent response que cela estoit impossible, attédu que la commodité de s'embarquer presloit, sans permettre de satisfaire pour ceste fois au desir du Negus. Son ambassadeur fit refus, craignant s'il retournoit sans les Portugallois, d'estre ietté en quelque fosse au lions: tellement que les Calacenes s'en retournerent fort marris de n'auoir executé leur charge selon le desir de leur Prince. Le lendemain, vingthuitiesme iour d'Auril mil cinq cens vingtsix, la flotte qui estoit de trois grands gallions & de deux carauelles estans partie de ce port, alla faire aiguade en l'isle de Camaran le premier iour de May, où estoit enterré Edouard Galuá, les os duquel furent transportez secretement par Francisque Aluarez chapellain de Leme, & serrez en vne quaiße au gallion où estoit ce prestre. Puis avec un bon vent toute la flotte fit voile à l'aise iusques au dixiesme de May, qu'elle commença à vouloir entrer dedans le goulfe de la mer Arabique. Mais un vêt d'hyuer qui leur donnoit en prouë s'esmut de telle furie la nuict du douziesme de May, que les vaisseaux furent escartez & portez fort loin les vns des autres à la mercy des vents & des vagues. Le gallion de Leme ayât esté en danger de naufrage fut poussé finalement pres d'Ormus, & le vingthuitiesme de May print terre au port de Mazcate, où il y trouua vne des carauelles, & l'autre y arriua au bout de trois iours avec le second gallion. Restoit celuy de Sylueire, les gens duquel furent bien empeschez quelques iours à tirer à la pompe l'eau qui entroit, & avec la tourmente qui continuoit fut chassé en la coste de l'Inde vers le goulfe de Cambaje: & pource qu'il ne sçauoit où mettre le pied il resolut gagner Ormus, maistrisant la boue rasque le plus dextrement qu'il estoit possible, & cinglant de merueilleuse vistesse par diuers rumbz & changemens de vents. Ce temps perilleux continua iusques au septiesme de Iuin, & ce pendant les viures commencerent à faillir, sur tout l'eau douce, dont vne parties s'estoit espandue durant la furie de la tourmente: tellement qu'ils furent pres de trois iours sans oser mettre viande à leur

bouche,

bouche, à faute d'eau pour boire. Et quant à Sylueire, qui en auoit quelque peu de referue en sa chambre, il s'abstint d'en boire pour en soulager les malades, lesquels il consolait benignement: & de peur qu'on ne l'accusast de boire à part il ne voulut entrer en sa chambre, & dormoit ailleurs, encourageant les autres par tel moyen. Or sur le soir du septiesme de Iuin ils descouurirent Mazcate, n'ayans plus vne seule goutte d'eau douce. Et pource que le vent les empeschoit de gagner terre, ils furent secourus de deux Carauelles, qui leur porterent à boire & à manger & conduisirent le gallion à bord. Sylueire l'ayant rauistuaillé, fit voile avec toute la flotte en Ormus, où estoit Sampajo qui les alla recueillir sur la plage, & fit bon recueil à tous. Le lendemain Roderic de Leme presenta à Sampajo vne lettres du Negus, adressantes à Iaques Lopez de Siqueire Viceroy, lors que Leme fut enuoyé en Ethiopie. Il lui fit aussi present de la part de ce mesme Prince, qui honnoit ainsi le Roy de Portugal en la personne de son lieutenant, d'une robe de soye avec cinq larges & grosses placques d'or massif au deuant, autant par derriere, & vne sur chascue espaule, de la largeur de quatre doigts piece. Sampajo fit present à Leme de deux cents ducats, & d'autant à l'ambassadeur du Negus, & ayant fait calfeutrer les vaisseaux de ceste flotte, enuoya Sylueire, Britio & Macedé avec quatre gallions & deux Carauelles, sur la fin d'Aoust, en la coste de Diu, où ils conquererent trois nefes de Mores & firent si riche butin que le quint du Roy montoit à soixante mille ducats, sans les esclaves qui furent vendus depuis. Delà Sylueire se retira au port de Chaul où estoit Sampajo qui lui fit grand acueil à cause de ce butin, qui vint à propos pour accommoder toute l'armee. Roderic de Leme mouilla l'ancre au port de Goa le vingtcinquiesme iour de Nouembre, ayant trois nauires, & de là fit voile en Cochim, puis en Cananor, où il arriua sur la fin de l'annee. En la nauires de Leme estoit l'Ambassadeur d'Ethiopie, & pource qu'elle estoit arriuee la premiere à la rade de Cananor, elle fut incontinent chargée de gingembre, biscuit & poisson, puis rehaussa les voiles le quatriesme iour de Ianuier l'an mil cinq cens vingt sept, prenant la route de Portugal: celle d'Anthoi-

ne Galuan le dixhuitiesme, & la tierce le vingtneufiesme du mesme, cinglans toutes en haute mer, tellement qu'elles ne s'entreurent iusques au dixhuitiesme d'Auril, & lors elles se revnirent & firent voile ensemble iusques au vingtneufiesme. Leme & sa flotte se trouuerent lors vis à vis l'Isle sainte Helaine, où ils pensoient se rafraischir d'eau: mais sur le soir vn vent de terre les vint assaillir de telle violence, qu'il les contraignit de passer outre, à leur grand regret, car l'eau douce commençoit à faillir. Estés en ceste extremité suruiut vne pluye qui dura trois iours & trois nuicts sans cesser, au moyen dequoy ils remplirent trente poinçons d'eau, puis reprindrent leur route, iusques aux Isles Açores, la nauire de Galuan flottant la premiere, qui ayant descouuert vne Almadie, en laquelle on ne voyoit personne, Galuan fit jeter l'esquif & enuoya sçauoir que ce pouuoit estre. Ceux del'esquif trouuerent en ceste Almadie neuf hommes, cinq blancs & quatre Mores esclaves, n'ayans autre apparence que de gens morts, car ils estoient immobiles de leurs sens & membres extérieurs. Ils furent amenez & leuez en la nauire, & si soigneusement traitez que la parole leur reuint, & sceut-on qu'ils auoyent esté enuoyez par les deux autres nauires de Leme en vne Isle pour y acheter quelques viures, & qu'ils n'auoyent peu rattendre la flotte, tellement que la faim & la soif les surprenant ils perissoient si Dieu ne les eust secourus alors. Tost apres les deux nauires arriuerent, & se rafraischirent tous ensemble enuiron quinze iours, & ce pendant enuoyerent de leurs nouuelles en Portugal: puis rechaussans les voiles eurent le vent si à propos que le vingtcinquesme iour de Iuliet ils approcherent du port de Lisbonne, où vne Carauelle leur vint faire defenses de par le Roy de se desembarquer, à cause que la ville estoit affligée de peste. Ce neantmoins ils furent incontinent accostez de plusieurs barques pour descharger leurs besongnes, qui furent transportées à Sanctaren, où ils allerent se rafraischir cinq ou six iours, puis en partirent en vn temps de si extreme chaleur qu'ils n'auoyent senty la pareille en Ethiopie, tellement que deux Mores estoufferent de chauld. De Sanctaren ils allerent trouuer le Roy à Conimbrice où il les attendoit en

son palais. L'ambassadeur du grand Negus d'Ethiopie presenta au Roy vne couronne d'or & d'argent en quatre pieces, de la hauteur de deux paumes avec deux lettres en fucilles de parchemin, chascune en trois lagues, Abissine, Arabique, & Portugalloise, serrees en deux sachets de drap d'or, dont l'une s'adressoit au feu Roy Emmanuel, l'autre à Iean troisieme. Apres quelque briefue harangue de l'Ambassadeur offrant la couronne de la part de son Prince, il fut renuoyé en son logis & traité magnifiquement durant son seiour. Les lettres adressees à Emmanuel contenoient vn long discours de la bonne affectiō du Negus enuers le Roy de Portugal, vne confession de Iesus Christ & detestation des erreurs Mahumetiques: en apres il promettoit fournir à Emmanuel pour la guerre contre les Mores, gens, argent & munitions à suffisance, priant Emmanuel d'estre vny en religion & toutes autres choses avec luy, & pour la fin il demandoit gens experts en diuerses sciences mechaniques, spécialement des Imprimeurs, nōmant fort souuēt Emmanuel son pere & s'appellāt son fils. Es lettres adressees à Iean troisieme, il faisoit entre autres choses vne protestation de perpetuelle amitié, & requeroit que Iean l'entretinst par lettres & Ambassades, luy faisant offre de ses richesses & moyens, & demandoit aussi toutes sortes d'ouuriers. Au reste Roderic de Leme rendit compte au Roy bien particulierement de tout ce qu'il auoit negocié en ceste legation, laquelle avec ce qui a esté continué iusques à présent a esté hōnorable en quelque sorte, mais peu ou point profitable aux Rois de Portugal.

LAISSONS l'Ambassadeur d'Ethiopie en Portugal, & repassons l'Ocean iusques aux Indes, pour considerer en quel estat estoit la ville de Diu, de laquelle a esté parlé plusieurs fois cy deuant, & sera encores sur la fin de ceste histoire. Henry de Menezez auoit entrepris de s'en emparer, comme nous l'auons dit sur la fin du seiziesme siecle, mais comme il se preparoit à cela, Dieu le retira du monde. Ce pendant les affaires s'acheminèrent peu à peu pour la conqueste de ceste place, de grande importance pour la commodité des Portugallois en l'Inde haute & basse. Mais auant que declarer la guerre que les Turcs

*Troubles en
la ville de*

*Diu: parquels
moyens elle
demeura en
la puissance du
Roy de Cam
bra, & quel
ordre les Ca
pitaines Por
tugallois dō
nerēt à leurs
affaires,*

y firent, & le succes d'icelle à l'auantage des Portugallois, il faut considerer ce qui preceda. Le quatriesme Roy de Cambaje nommé Madofar eut vn fils nommé Badur, lequel il delibera faire mourir pource que les deuins predi-
loyent que Badur mettroit vn iour le Royaume en proye par son mauuais gouuernement. Ce fils aduerty de la mau-
uaise volonté de son pere s'enfuit, errant en pauvre estat par diuers Royaumes & pays, desquels il aprint les langa-
ges, estant curieux & ingenieux. Apres auoir tracassé du-
rant quelques annees il se rendit en vne ville nommée Chitor au Royaume de Sanga, limitrophe de celui de
Cambaje, où il entendit que Madofar & vn sien fils es-
toient morts, & que le frere de Madofar auoit esté esleu Roy par les seigneurs du Royaume. Luy delibérant de
s'en faire maistre comme de chose à luy appartenant, se
descourrit à la Roynes de Sanga, laquelle gouuernoit les
affaires apres la mort de son mary durant le bas aage d'un
sien fils, & obtint secours d'elle & du Roy de Mandou,
Prince voisin : tellement que par leur moyen il conquist le
Royaume, ayant desfait & tué son competeur en ba-
taille rangee. Estant paisible Seigneur de Cambaje, il luy
print enuie de se venger de quelques grands du Royau-
me qui auoyent fauorisé le feu Roy. De ce nombre estoit
Melichfac fils de Melichiaz gouuerneur de Diu, lequel
craignât d'estre attrappé resolut se preualoir de la faueur
des Portugallois. Mais estimant qu'il n'y auoit point de
Viceroy es Indes il escriuit à Christoffe de Souze & le pria
d'enuoyer à Diu quelque homme d'autorité, auquel il
vouloit communiquer chose d'importance, & qui auoit
besoin de l'appuy d'un Viceroy de Portugal, sans rien spe-
cifier dauantage, pour ne se descourir si tost. Pource que
Sampajo estoit lors à Chaul, ceste lettre luy fut rendue, &
lors il presuma que Melichfac se vouloit maintenir con-
tre le Roy de Cambaje à l'aide des Portugallois. Il entre-
prenoit luy mesmes ce voyage pour parlementer avec
Melichfac: mais tous les Capitaines s'y opposerēt, disans
que ce seroit vne honte qu'un Viceroy des Indes courust
ainsi à l'auanture, & fut ceste charge commise à Hector
de Sylueire, lequel l'accepta & partit incontinent avec la
flotte arriuee d'Ormus. Si tost qu'il eust mouillé l'ancre

au port de Diu, Melichfac vint en son gallion, luy compra l'inimitié du Roy de Cambaje, auquel il ne seferoit iamais, attendu que c'estoit vn Prince le plus desloyal du monde, & que pour se venger de luy il liureroit la Citadelle de Diu aux Portugallois, moyennant qu'ils luy assistassent quand la necessité le requerroit, & qu'estans maistres de la ville ils luy donnassent la moitié des reuenus de la douanne. Ce pendant il retireroit en vne Isle nommee Giaquete toute l'artillerie & les munitions que il auoit à Diu, pour se fortifier en ceste isle où il pretendoit demeurer. Ce parlement fut continué entre Melichfac & Sylueire l'espace de quelques iours, mais sans aucun effect, le naturel des Mores estant tardif à se resoudre, desfiant & infidelle: tellement que cestui-cy vint à soupçonner que les Portugallois ne luy tiendroyent promesse. Hagamahamed son parent, duquel a esté parlé au douzième liure, & qui accompagnoit Melichfac, tâchoit de l'entretenir en ceste desfiace: car il haïssoit mortellement la nation Portugalloise, & craignoit que Sylueire ne s'emparast de la Citadelle. Toutesfois pour lors il dissimuloit, disant à Melichfac, que c'estoit bien pour uoir à ses affaires de liurer Diu aux Portugallois, afin de s'asseurer contre le Roy de Cambaje: mais quelle assurance (adioustoit-il) auez-vous que ceux-cy vous rendent moitié des reuenus de la douanne, quand ils en feront les maistres? Et me semble que deuez aller à Giaquete, tandis que les Portugallois sejourneront au port: car ils ne vous aiment que pour leur proufit particulier, estât à craindre que s'ils sont pres de vous à l'embarquement, ils ne saisissent vostre personne, vos femmes, vos richesses & tout ce qu'emporterez, tellement que vous perdrez ce que tenez desia, & ce que vous esperez tirer cy apres de la douanne. Melichfac homme paoureux & desfiant print pied aux paroles de Hagamahamed, s'assurant que tout ce discours estoit veritable, & deslors commença à songer bien fort à ses affaires, differant sa retraite de iour à autre, sans toutesfois se pouuoir resoudre. Mais Hagamahamed le voyant ainsi en brâsle pousoit à la roue tantost d'un costé tantost de l'autre, pour finalement le ietter du tout hors de la promesse faite à Syl-

ueire. Vous auez promis (disoit-il) de liurer Diu, & le deuez faire pour vous maintenir contre le Roy de Cambaje. Mais aussi pour euitier que les Portugallois ne vous iouent le tour dõt ie me doute, ne vous embarquez point avec eux, & dites au Capitaine Sylueire qu'il s'en retourne à Chaul, afin qu'ayez meilleur moyen de retirer vos biens à Giaquete, puis retourner à Diu pour y asseurer toutes choses, promettant de l'enuoyer querir, incontinent qu'il en sera temps. Melichsac creut ce conseil d'un ennemy coniué des Portugallois, apres le partemēt desquels il deliberoit faire que Melichsac rendroit la place au Roy de Cambaje pour faire sa paix. Pour executer ceste resolution ils commencerent à delayer l'embarquement de Melichsac, de la part duquel Hagamahamed alla trouuer Sylueire en son gallion, & luy dit que les habitans de Diu commençoient à murmurer voyans ceste flotte tāt de iours au port, & presumans qu'il vouloit trahir la ville commençoient à prendre les armes: pourtant le prioit-il de se retirer à Chaul, afin que ceste multitude s'appaissast, & lors il retourneroit. Sylueire cognut bien à ce langage que Melichsac se repentoit, & luy enuoya dire que les Portugallois ne se soucioient pas d'un bruit de ville: puis que la Citadelle estoit du costé de la mer, il se pouuoit embarquer secrettement de nuit & entrer en icelle: qu'apres cela lon trouueroit bien moyen de faire demeurer tois ceux qui crioyent le plus haut. La response de Melichsac conseillé par Hagamahamed fut qu'il ne partiroit sans emporter tous ses meubles & l'artillerie, ce qu'il ne pouuoit executer en si peu de temps: que ce pendant son entreprise seroit descouuerte à cause du seiour des Portugallois, ce qu'il redoutoit pour beaucoup de raisons: & pourtant conseilloit Sylueire de s'en retourner à Chaul, qu'en son absence il enleueroit ses hardes plus secrettement & sans soupçon des habitans qui demouroient paisibles: puis quand tout seroit à point, il enuoyeroit querir Sylueire, tellement que l'entreprise seroit executee sans hazard ny perte quelconque. Sylueire ne remarquant rien de certain au dire de Melichsac, tascha de descouurir au vray qui l'esmouuoit à changer ainsi, & pour le scauoir banquetta souuent Hagamahamed &

autres Mores qui l'accompagnoyēt, les faisant boire de mesurement afin de les enyurer, pour puis apres tirer d'eux la certitude & verité de cest affaire. Hagamahamed hōme d'entendement cognut bien tost où tēdoit ceste bōne chere, & saignit vn iour entre autres d'estre bien yure, afin que Sylueire l'interroguast, comme il fit. Lors Hagamahamed qui le guettoit à ce passage l'assēura q̄ Melichsac ne luy vouloit point donner la citadelle, & qu'il l'entretenoit ainsi finement pour accommoder ses affaires avec le Roy de Cābaie, auquel il faisoit parler d'appointement. Sylueire adioustant foy à ce rapport conclud que Melichsac se repentoit de sa premiere deliberation, & en aduertit Sambajo, le priant d'auiser ce qui estoit expedient, pource que son seiour au port de Diu luy sembloit inutile. La lettre fut leuē en conseil, où quelques vns dirent que nul ne sçaueroit mieux iuger ce qui estoit de faire que Sylueire mesmes, puis qu'il se retrouuoit sur les lieux, & pouuoit voir par les occurēces quelle resolution seroit la meilleure, sans la demander à ceux qui ne voyoyent goutte en cest affaire, & qui pourroyēt conseiller chose contraire & du tout preiudiciable à ceste entreprise tant importante à l'honneur & au bien des affaires du Roy de Portugal. Ils concluoyent donc qu'on deuoit remettre la conclusion & l'exécution à Sylueire, pour y pouruoir selon qu'il iugeroit meilleur. Mais les autres alleguoyent, puis qu'il auoit esté si nonchalant & peu auisé de ne pouuoir se resouldre estant sur les lieux, où le temps deuoit le conseiller, & demandoit auis à ceux qui ne voyoyent rien, l'on ne deuoit point laisser chose de telle consequence à sa discretion, ains y enuoyer quelque autre plus habile, qui sçaueroit voir & executer par mesme moyen. Ces auis estans presque en contrepoids esgal, Sampaio fut du premier, car il desiroit attirer Sylueire de son costé pour mieux resister à Mascaregne, duquel il craignoit la venue, & ne consideroit pas qu'il estoit meilleur d'y enuoyer vn autre, puis que Sylueire se laissoit tromper si lourdement. Voilà neantmoins quelle en fut la resolution, dont Sampaio auertit promptement Sylueire, lequel estant saoul de demeurer si long temps à l'ancre,

voyant aussi que Melichfac continuoit en sa requeste, à
 sçauoir qu'il se retirast au port de Chaul pour quelques
 iours, il estima que c'estoit vne desfaite, & s'en alla sans
 considerer plus auant si le dire de Melichfac auoit appa-
 rence de verité ou de mensonge. Or estant arriué à Chaul
 il fit entendre ce que dessus à Sampajo, lequel de son
 costé pensant aussi peu à l'intention de Melichfac, & lais-
 sant couler ceste occasion, empescha que Sylueire ne re-
 tournast à Diu, & l'enuoya d'un autre cesté pour butiner,
 & que ce pendant il se tiast prest pour aller si Melichfac
 donnoit auertissement sur lequel on se peust asseurer. Au
 reste, d'autant que les nouuelles de l'armee des Turcs cō-
 mençoient à estre estimees vrayes, Sampajo print ceste
 occasion, pour confermer son gouuernement, d'escrire
 en Portugal, & y enuoya promptement François Men-
 doze, lequel partit au commencement d'Octobre, afin de
 pouruoir arriuer en Portugal auant que la nouuelle flot-
 te desmarast du port de Lisbonne. Il despescha aussi No-
 nio de Blanc-castel pour aller à Mozâbique, & le facteur
 de la nauire qui trafiquoit en Cambaje, pour faire voïe
 en Zofala: leur commandant de dōner auis en ces quar-
 tiers de l'entreprise des Turcs, afin que chascun pensast
 à ses affaires. Il en escriuit semblablement à ceux de Goa
 & des autres forteresses, priât les soldats mariez de vou-
 loir s'employer pour le seruice du Roy en certains affai-
 res particulieres à l'occasion de ceste descente des Turcs,
 & pource aussi qu'il n'auoit point d'argent pour payer
 les troupes. Eux s'y employèrent volontairement, &
 en Cochim commencerent promptement à faire vn gal-
 lion, vne carauelle & vne gallere, puis à rebastir la cita-
 delle en certains endroits. Ceux de Cananor creuserent
 vn fossé fort profond tout autour de la citadelle, & en
 Goa ils dresserent vn pan de muraille tresespaisse, char-
 penterent vn gallion, vne galere & vne carauelle, & vne
 gallere aussi à Chaul. Outre cela Fernand Morales fut cō-
 mis pour porter des pouldres & autres munitions à la
 citadelle d'Ormus ce qu'il executa. Sampajo partit puis
 apres de Chaul, & emmena (contre l'auis du conseil)
 Hector de Sylueire, lequel fut bien content d'y aller,
 au lieu d'attendre nouuelles de Melichfac: & vne des

principales causes fut qu'il se faschoit de n'auoir moyens de trancher du magnifique, & tenir maison ouuerte à tous gentilshommes, comme faisoit Christofle de Soufe: tellement que l'indiscretion de l'un & l'ambition de l'autre furent cause que Diu eschappa de la main des Portugallois qui l'eussent eu pour neant alors, au lieu qu'elle cousta bon puis apres. Car apres le depart de Sylueire hors du port de Diu, Melichfac continuant en sa volonte de la liurer aux Portugallois, & executer de fait ce qu'il auoit promis de parole, commence incontinent à trousser bagage & enleuer l'artillerie, enuoyant le tout à Giaquete, où il pretendoit se retirer. Mais d'autrepart Hagamahamed bien marri que Melichfac poursuiust ainsi sa pointe, faisoit diuerfes pratiques pour fermer la porte aux Portugallois, tellement qu'un iour (tandis que Melichfac estoit en vne sienne maison aux champs) il se saisit de Diu pour le Roy de Cambaje, faisant prendre les armes aux habitans qui ne demandoient pas mieux, & se faschoient tous que Melichfac les abandonnast ainsi. Incontinent Hagamahamed fit entendre au Roy le dessein de Melichfac, & luy demanda le gouuernement de Diu, où le Roy vint quelques iours apres, pour remedier à ce trouble. Melichfac entendit le tour que luy iouoit son parent, conut lors où tendoit ce conseil de renuoyer Sylueire à Chaul, & pensant que Sampajo y seroit encor, il despescha homme expres pour luy porter nouuelles de ce que dessus, & luy demander secours moyennant lequel il esperoit tenir promesse. Christofle de Soufe gouuerneur de Chaul n'ayant lors aucune flotte pres de soy enuoya ces lettres en Goa, d'où Sampajo estoit party pour aller à Cochim. Sylueire les receut & incontinent se mit à la voile, prenant la route de Chaul avec bon nombre de capitaines & soldats: mais ce fut trop tard, car auant son arriuee à Chaul, le Roy de Cambaje entra au port de Diu avec vne puissante armee, & Melichfac n'eut pas presques le loisir d'errer en vne fuste pour se sauuer vistement en l'isle de Giaquete. Par ainsi Sylueire apres beaucoup de trauaux, sans aucun auantage, fut contraint se retirer vers Sampajo qui sejournoit lors en Cochim.

4.

*Mandement
du Roy Iean
troisiesme
touchant le
gouvernemēt
des Indes, cō-
fermé à Lo-
pez de Sam-
pajo, lequel
est declairé
Viceroy.*

EN ceste mesme année mil cinq cens vingstfix enuiron le mois de May quatre nauires sous la charge de François d'Aguaie, Tristan de Veigue, Anthoine de Breu ordonné Amiral de Malaca, & Anthoine Galuan partirent de Portugal pour aller es Indes, où elles arriuerent finalement apres auoir trauersé beaucoup de dāgers, spécialement celle de Galuā. Sur la fin de la mesme année Veigue & Galuan reuindrent avec Roderic de Leme en Portugal, comme dit a esté cy dessus au second chapitre de ce liure. Estans ces deux arriuez à Cochim ils baillerēt deux pacquets de lettres à Alphonse Messie, lequel attendoit celā des long temps, estant ennemy de Mascaregne, au preiudice duquel il pratiqua tellement par ses agents en Portugal, que le conseil du Roy reuoqua les successions precedētes, & en manda vne nouuelle, où il nōmoit Sampajo Viceroy : & pour ne mescōntenter du tout Mascaregne braue gētil-homme, on le substituoit au cas que Sampajo mourust auāt le temps prefix à sa charge. Ceste nouuelle succession fut ouuerte par Messie contre l'auis de plusieurs gentils-hommes & capitaines, preuoyans le mal qui en pouuoit auenir: mais luy prenoit à soy la charge de rendre raison de ce faire en tēps & lieu. Il y eut grande dispute de ceste ouuerture de lettres au temple de Cochim, entre Messie & Vasque Deze capitaine de la citadelle, qui auoyent chascun assez de gens de leur opinion. Finalement apres toutes leurs cōtestations la lecture fut acheuee, & acte public dressé par Fernād Nugnez secretaire de la faculté de l'ouuerture de ceste successiō nouuelle, lequel fut soussigné de la pluspart des gentils-hommes, capitaines & autres personnes de qualité qui se trouuerent à ceste action, & qui n'osoyent contredire à ce dernier mandement du Roy, ignorans en ceste endroit les pratiques de Messie, lequel entant qu'en luy fut deslors sit declairer & tenir Sampajo pour Viceroy.

5.

*Les mescon-
tenemens
suruenus en-
tre les Portu-
gallois sur la
remouation*

TOUTSVOIS & grands & petits trouuoient fort mauuais que l'on eust ouuert ce dernier paquet, & disoyent que Messie s'estoit tresmal porté en ceste affaire, ayant rauy l'hōneur à Mascaregne, à qui le gouuernemēt des Indes appartenoit à tresiuste tître: que Sampajo ne feroit pas sagement d'accepter la charge d'autrui, & que

pour certain l'Inde basse seroit troublee à la venue de *du nouveau*
Mascaregne, lequel estoit plus aimé que Sampaio. Il y a *Viceroy, &*
auoit aussi ce point que le Roy de Portugal preuoyât ces *ce qui s'en en*
diuisions, selon le discours que François Mendoze luy *suiuit.*
auoit fait de l'estat des Indes & de la mort de Henry de
Menesez, auquel Mascaregne estoit substitué, & en l'ab-
sence duquel Sampaio gouuernoit, pour obuer à ces té-
pestes auoit premierement despesché Pierre Iean Fran-
çois en vn basteau, avec lettres contenans son intention
estre que Mascaregne demeurast Viceroy. Or François
se perdit en l'isle de saint Laurent, tellement que le vou-
loir du Roy fut ancanty, & par lettres subreptices obte-
nues apres le depart de François & apportees par Tristan
de Veigue, le Roy remit cest affaires à ses officiers es In-
des, qui en disposerent par l'entremise de Messie qui ma-
nioit tout, comme dit a esté au chapitre precedent. Sam-
pajo ayant esté ainsi declairé Viceroy, Messie luy en en-
uoya incontinent lettres, & escriuit aux officiers de Goa,
où Sampaio deuoit se trouuer bien tost, comme les cho-
ses estoient passees, & qu'ils eussent à luy obeir. Les nou-
uelles de ceste election semées en diuers endroits de l'In-
de basse esmeurent tous les Portugallois contre Messie:
toutesfois Sampaio fut receu Viceroy, & donna l'Ami-
rauté au capitaine Mirande, & fit Pierre de Far general
des galeres en la coste de Goa, ordonnant à Hector de
Sylueire d'aller au destroit: puis il se retira à Cochim, où
il fut bien recueilly de Messie, & tous iurerēt de nouveau
de luy obeir comme estant vray gouverneur des Indes.
Mais cela n'appaisa pas les murmures, au contraire les
partialitez cōmencerent, & vindrent les partisans à s'en-
tr'iniurier, presenter le cōbat les vns aux autres, & faire
de grands desordres en Cochim. Là dessus furent appor-
tees lettres de Mascaregne, par lesquelles on entendit
qu'il estoit party de Malaca pour venir en Inde: à l'occa-
sion dequoy ceux de son party commencerent à murmu-
rer plus fort que deuât. Sâpajo entendant ces nouuelles,
pour faire sçauoir de bōne heure à Mascaregne qu'il n'es-
toit point Viceroy, enuoya copie de la successiō nouuel-
le & de l'acte dressé le iour de sa receptiō, à Héry Figuie-
re chastellain maieur de Coulā, avec mandement expres

qu'auant l'arriuee de Mascaregne au port de Coulam, il allast lui monstres ces actes, & si Mascaregne les acceptoit pour bons on le laissast descendre, mais qu'à faute de ce faire lon se donnast bien garde de le receuoir en la citadelle. Or dautant que Sampaio n'ignoroit pas que plusieurs l'accusoient publiquement qu'il faisoit tort à Mascaregne, pour prouuer le contraire, il fit appeller en sa maison le dernier iour de Decembre certains capitaines au nombre de cinq, du nombre desquels Anthoine Galuan & Tristan de Veigue estoient (lesquels partirent tost apres avec Roderic de Leme pour reuenir en Portugal, comme nous l'auons veu au second chapitre) & les harangua de telle sorte qu'il se fit de nouveau declairer Viceroy, & en eut acte expedie par les mains d'un secretaire. Il passa outre, s'aidant de tous moyens dont il se pouoit auiser. Le Roy de Portugal auoit enuoyé en l'Inde basse un moine nommé frere Iean Daro, assez sçauant & habile pour un homme de ce temps & estat. Icelui assura Sampaio d'estre vray Viceroy, & promit le faire sçauoir à tous le lendemain qui estoit le premier iour de l'an auquel les Chrestiens se souuiennent de la Circoncision de Iesus Christ. Sur la fin du Sermon ce moine fit un grand discours des murmures & diuisions suruenues entre les partisans de Mascaregne & de Sampaio, declairant que Sampaio, estoit vray gouuerneur, & qu'il le soustiendrait en toutes les vniuersitez de France, d'Espagne, & de Portugal: puis il exhortoit Sampaio de chaster seuerement les premiers auteurs de ce trouble, & les bannir de Cochim, si besoin estoit. Le sermon de ce moine produisit incontinent ses fruits, car Sampaio relegua des le mesme iour Simon Tuscan seruiteur de Mascaregne, duquel il maintenoit la cause fort courageusement. Il confina aussi en Chaul Vincent Pegade, pour ce mesme fait, & chassa quelque autres des plus affectiõnez à Mascaregne. Pegade estant à Chaul, pour se vager de Sampaio, besongna de telle sorte, que Christofle de Souze capitaine de la citadelle, & gentilhomme de grande autorité, assembla le conseil des principaux officiers du Roy de Portugal en ce lieu là, lesquels furent de son auis, à sçauoir que Sampaio ne procedoit pas en cest affaire comme il ap-

partenoit, & que pour empescher le mal qui pourroit sur-
uenir, à cause du different de ces deux grands capitaines,
il leur faloit persuader de se soumettre à la sentence de
quelques iuges, afin que leur querelle fust vuidee par le
droit & non par les armes: que lon auertiroit Sampajo de
ceste resolution, laquelle s'il n'acceptoit on ne lui obeir-
oit point, au cōtraire lon favoriseroit Mascaregne. Sou-
se dressa les lettres, & les enuoya à Francisque de Souse,
qui les fit tenir à Sampajo lequel seiournoit en l'isle de
Goa, où lon bastissoit vne forteresse à cause des Turcs, au
deuant desquels il deliberoit aller. Et scachant qu'il y a-
uoit grand nombre de Portugallois à Chiromandel, il es-
criuit à Ambroise de Rege facteur du Roy & au chaste-
lain, qu'ils declairassent à ces soldats que le Viceroy leur
commandoit, sous peine d'estre declairez rebelles à leur
Prince, de se venir trouuer à Cochim & qu'il leur pardō-
noit toutes les mutineries & querelles passees. Mais ils se
moquerent de ce mandement, disans que Sampajo n'a-
uoit rien à leur cōmander: & mesmes aucuns qui estoient
en Cochim ne se soucioient de l'aller trouuer, disans
tout haut qu'il faignoit d'aller au deuant des Turcs, afin
de ne se trouuer en Cochim, & se soumettre à la senten-
ce de iustice, pour la vuidange de ce proces entre luy &
Mascaregne, lequel deuoit venir bien tost. Sampajo bien
perplex en ces nouuelles difficultez & voulant faire en-
tendre qu'il s'embarquoit pour combattre l'armee Tur-
quesque, estant vn iour de dimanche à la messe, lors que
le prestre commença à hausser son corpus domini, il se le-
ua debout, & prononça si haut que chascun le pouuoit
entendre: Ie iure par le corps de Iesus Christ qui est en-
tre les mains du prestre, que ie m'en vay en deliberation
de donner bataille aux Turcs, & les empescher de venir
és Indes. Puis que ie suis resolu de ce faire, ie commande
à tous Portugallois, exceptez ceux de la citadelle, de s'em-
barquer avec moi: & qui ne le fera s'assure d'estre puny
griefuement. Ceste ceremonie esmeust les Portugallois
à monter és vaisseaux, estimans que Sampajo allast droit
contre les Turcs. Or auant que se mettre à la voile il lais-
sa vn escrit à Alphonse Messie, auquel il commandoit de
chasser Mascaregne à force d'armes, s'il vouloit descen-

dre à Cochim en qualité de Viceroy: & enuoya des lettres bien amples à Mascaregne pour l'adoucir. Cela expédié il partit en Ianuier l'an mil cinq cens vingt sept, & arriué à Cananor laissa à Simon de Meneses vn mesme escript qu'à Alfonso Messie, commettant George de Souze sur quelques brigantins pour garder la coste de Calecut. Le premier iour de Feurier il print la route de Goa, & en chemin trouua Hector de Sylueire qui luy fit vn discours des choses auenues à Diu, & les nouuelles que Christofle de Souze auoit receus de l'arriuee des Turcs à Camaran. De Batticala, Sampajo escriuit à Christofle de Souze, l'auertissant de la bonne affection qu'il auoit de combatre les Turcs, & le priant d'enuoyer toutes les forces qui estoient à Chaul. Au partir de celieu, il trouua sur mer Francisque Morales qui venoit d'Ormuz avec lettres du Roy & de Melio se plaignans fort de Xeraf lequel estoit prisonnier, & prioient qu'on pourueust en le tirât hors de ce lieu, pource qu'il ne cesseroit d'y entretenir tousiours des troubles. Sampajo finalement arriué en la ville de Goa, fit appeller tous les capitaines & principaux gentils-hommes, avec les parrôs & pilotes des vaisseaux, ausquels il proposa la venue des Turcs à Camaran, & que sa deliberation estoit de les choquer. Mais le conseil fut d'auis contraire, monstrant que ce seroit folie à vne si petite flotte que celle de Portugal d'aller assaillir vne puissante armee d'ennemis: qu'il falloit hiuerner en Goa, attendant les nauires que le Roy deuoit enuoyer au printemps, & qu'alors on consulteroit de ce qui seroit le plus expedient. Le secretaire dressa vn acte de cest auis lequel fut soussigné de tous. Alors les soldats & autres entendans que Sampajo n'alloit pas au deuant des Turcs commencerent à dire que son intention auoit tousiours esté telle, encores qu'il eust fait la ceremonie susmentionnée pour persuader le contraire: & que ce bruit estoit ainsi espandu pour fuir la lice & empescher que le droit de Mascaregne ne fust conu. Brief ils accusoyent assez ouuertement Sampajo d'estre vn periure, qui s'estoit mocqué de sa religion & du Dieu de la messe pour satisfaire à son ambition & frauder Mascaregne. Luy se voyant frustré, & son voyage de Camaran rompu, des-

peſcha Manuel de Macede pour aller querir Xeraſ & l'amener d'Ormuſ à Goa, pour eſtre chaſtié ſelon ſes demerites. L'Amiral fut auſſi enuoyé à Cochim avec lettres adreſſantes à Maſcaregne pour le faire retourner à Malaca, avec promeſſe d'acroiſt de gages, & l'empêcher de deſcendre en l'ifle de Goa: car Sampaio ne vouloit point entrer en juſtice contre Maſcaregne, ni attendre ſentence de iuges ſur leur different: ains demeurer en la charge que Meſſie lui auoit pratiquée.

6.

AVANT que declairer plus au long ce qui auint en l'Inde baſſe durant ceſte année mil cinq cens vingt ſept, il faut conſiderer l'eſtat des affaires de Malaca, & ce que Maſcaregne y fit pendant ſon ſejour, pour puis apres voir ſes procedures & la fin de ſon proces contre Sampaio. Donques l'année precedente & quelques iours auant la mort de Henri de Menefez Viceroy, Maſcaregne enuoia en l'Inde baſſe vn capitaine pour ſçauoir des nouuelles & expedier quelques affaires. Ce capitaine fut accompagné de Gaſpar Machiade, lequel auoit vn ionc chargé de hardes & marchandises à luy appartenantes. Eſtans pres du cap de Comori ils deſcouvrirent Patemarcar general de cinquante deux parâus de Calecut, qui tenoit la route de Zeilan, pour aller faire guerre au Roy, ami & allié des Portugallois. Luy s'eſſorça par tous moyens de les aborder, mais vne tourmente ſe leua qui le retint, tellement qu'il n'en peut aprocher qu'à la portee du canon, dont il tua quelques Portugallois, & Machiade entre autres. Le capitaine & le reſte de ſes ſoldats ſe ſauuerent à toute peine & gaignerent le port de Cochim, Menefez eſtant mort quelques iours auparauant. En ce meſme temps George Capral capitaine d'aucunes fuſtes pres des iſles de Maldiuar, ſçachant que Maſcaregne eſtoit nommé Viceroy apres la mort de Menefez, reſolut luy en porter les nouuelles, ſ'afſeurant que pour recôpenſe d'un ſi ioyeux meſſage Maſcaregne lui donneroit la capitainerie de Malaca, qui eſtoit de grand prouiſir: car outre les butins, ce capitaine auoit deux mille ducats de gages du Roy de Portugal, moitié en deniers contans, & l'autre moitié en poyure. Suiuant ceſte deliberation il partit avec ſa fuſte, & ayant trouué Maſcaregne eut

Eſtat des affaires en Malaca, & ce que fit Pierre Maſcaregne ayant entenda que le gouuernement des Indes luy eſtoit attribué apres la mort de Menefez.

promesse de la capitainerie, lors que Mascaregne se retireroit en l'Inde basse. Tost apres Anthoine de Sylues vint avec lettres d'Alfonse Messie, de la teneur declairee au premier chapitre, à sçauoir que Mascaregne estoit Viceroy: mais qu'en attendant sa venue, la troisieme succession auoit esté ouuerte, & Sampajo nommé en icelle receu pour manier les affaires par prouision. Il apportoit aussi l'acte dressé touchant cela, & soussigné des gentils-hômes & capitaines qui s'estoyent trouuez apres la mort de Meneséz au temple de Cananor. Ces lettres & actes veus par le chastelein & autres officiers du Roy en ces lieux, Mascaregne fut receu, reconu & obeï comme Viceroy des Indes, ou il delibera faire voile au mois d'AOust, & s'en aller en l'isle Pulopuar attendre vn vent propre qui se leue ordinairement au mois de Septembre. Auuant que partir il tint parole à Capral & le mit en possession du gouuernement de Malaca, nonobstant les remonstrances & protestations d'Arias de Cugne general de la mer, lequel pretendoit ceste charge luy appartenir pour diuerses raisons par lui alleguees. Mais l'autorité de Mascaregne l'emporta, tant pour l'affection qu'il portoit à Capral, que pour faire conoistre qu'il estoit en sa puissance de disposer des principales charges, estant Viceroy des Indes. Côme il vouloit se mettre à la voile, les pilotes le prierent de delayer, attendu qu'il ne pourroit gagner l'Inde basse en telle saison: neantmoins il s'embarqua en vne nauire prenant la route de Pulopuar, apres de laquelle il fut assailli d'une tourmente qui rompit le mast de sa nauire en trois endroits, & fut sur le point de faire naufrage. Ceste boursasque appaisée il tourna voile vers Malaca pour r'equipper son vaisseau: car autrement il ne pouuoit passer plus outre. Alors François de Sa & sa flotte allant à Zunde pour y bastir vne citadelle estoient au haure de Maluca, ensemble George de Meneséz qui pretendoit se rendre aux Molucques, pour y commander, suivant la charge que le feu Viceroy lui auoit donnée, & que Mascaregne conferma, lui donnant encor vn vaisseau de renfort avec bon nombre de soldats. Il lui enioignit de suivre la route de Burneo afin de descouurir vne plus courte nauigation aux Molucques par ce

par ce costé que par les isles de Bandan : ce que Menesez executa. Au reste, d'autant que Simon de Souze, ordonné general de la mer des Molucques, entendit que Mascaregne deliberoit d'aller assaillir le Roy de Bintam & forcer sa ville: que ceste charge de general en la mer des Molucques estoit peu de chose, & qu'en cest endroit il ne feroit pas grand service au Roy de Portugal: il différa de suivre Menesez, demeurant à Malaca pour se trouver à la guerre de Bintam, en laquelle il esperoit acquerir reputation.

MASCAREGNE considerant que celuy estoit for-
ce d'attendre saison plus commode pour son voyage
en Inde, & voyant ceste belle flotte de Francisque de
Sa, resolut's'en servir pour s'emparer de l'isle & ville de
Bintam tant ennemie de Malaca. Son conseil estant de
cest auis, il partit avec dix-neuf voiles, à sçavoir vn gal-
lion, vne galere, quatre barques, deux brigantins, deux
basteaux couverts, quatre calaluz & cinq lanchars: ayant
pour principaux capitaines Aluarez Brittio, Francisque
de Sa, Arias de Cugne, Edouard Conil, Anthoine Brit-
tio, Francisque Serran, Simon de Souze, Jean Pacheco
& quelques autres, qui commandoyent à trois cens Por-
tugallois. Outreplus il y auoit six cens Malacans sous la
charge de deux seigneurs du pays, l'un nommé Sanaje
Raie & l'autre Tuan Mahumet. Ceste armee print la rou-
te de l'isle de Bintā, mot qui en langage Malacan signifie
estaille: riltre fort superbe pour le Roy de ceste isle, qui
aussi s'en preualoit par dessus les autres Rois. L'isle de
Bintam est à soixante lieues de Malaca, pres du destroit
de Cincapure, peuplee de Malacans, & en laquelle s'esuie
le Roy de Malaca, apres qu'il eut esté desfait par les Por-
tugallois, & en deposseda le seigneur qui estoit son vas-
sal. S'estant emparé de ceste isle, il fortifia soigneusement
la ville aussi nommee Bintam, pour se garantir des Portu-
gallois, desquels il craignoit vne autre venue. La manie-
re de se fortifier fut telle. Vne riniere passe dedans la ville
par vn canal assez estroit. Il fit au long du canal, qui est
assez tortu, planter des gros pieux en telle sorte & si grand
nombre qu'une galere ne pouuoit entrer au port. Ferma
la ville d'un répart fait de terre & de gros arbres liez en-

7.
*Descriptio de
l'isle de Bintā
et l'entreprise
de Mascare-
gne sur icelle.*

semble, avec quelques bouleuards de mesme, & les portes bien fortes, ensemble vn pont de bois qui trauersoit le fleuue pour la commodité de l'isle & de terre ferme, pres de laquelle estoient deux bouleuards à l'opposite l'un de l'autre, le rempar estant garni de trois cens diuerses pieces d'artillerie: & au pied on auoit semé force plâtemalans & trochets de fer à pointes acerees & enuenimees, tellement acōmodez qu'il estoit fort difficile d'approcher de là sans s'offenser griefuement. L'entour de la ville est marescageux, à l'occasion dequoy aussi toutes les maisons estoient leuees sur pilotis & engins de bois, excepté le palais du Roi basti sur vn costau vers terre ferme. Mascaregne eut beaucoup de peine en ce voyage, à cause qu'il faut tousiours nauiguer par des canaux & entre des isles qui sont fort proches les vnes des autres. Finalement il approcha de la fosse de Bintam, & enuoya sonder le canal par Edouard Conil, lequel rapporta estre impossible que la flotte y entraist, si premierement on ne rompoit les pieux: qu'apres cela fait, les Portugallois à l'approcher du rempar se trouueroyent en plus grand danger que deuant, à cause del'artillerie qui pouuoit iouer à l'aise & les choisir à descouuert: dauantage que le rempar estoit si haut que ce seroit grande temerité d'en approcher sans eschelles. Ce rapport fit prendre auis à Mascaregne d'entrer par le pont dōt ceux de la ville s'aidoyent pour aller en terre ferme, & qui n'auoit pas tant d'artillerie. Pour s'en asseurer & pouuoir mieux executer ce qu'il pretendoit, il delibera y enuoyer vne barque, & par le moyen d'icelle esbrâsser & arracher les pieux, afin que la flotte peust entrer puis apres. Francisque Serrâ braue capitaine eut ceste charge avec cinquante Portugallois, lesquels fortifierent leur barque pour se couvrir contre les coups de trait, & la chargerent aussi de quelques pieces pour saluer leur ennemis. Ils enterrent au canal tirans deux calaluz apres eux, & commencerent à besongner de grand courage, & trauaillerēt tant l'espace de huit iours qu'ils arracherent la pluspart de ces pieux. Ce pendant ils furēt canonnez par ceux de la ville avec telle furie qu'ils eurent infinies peines à se garantir: & sans la fortificatiō dresseē en leur barque, elle eust esté enſōdree

Mais tandis qu'ils s'occupoyent à cela, lon descouvrit en mer vne flotte qui venoit vers la fosse de Bintam, tellement que Mascaregne & les siens eurent à prendre aux auis, puis que ils auoyent nouueaux ennemis en teste.

QUAND le Roy de Bintam vid l'armee de Malaca & sceut quel homme estoit Mascaregne, craignant l'issue du siege, il enuoya promptement demander secours au Roy de Pam son gendre & voisin, lequel despescha vne flotte de trente trois lanchars avec deux mille hommes & beaucoup de victuailles. Ceste flotte descouuert par les Portugallois, Mascaregne ne voulut pas attendre quelle approchast, craignant que le Roy de Bintam ne sortist avec quelques vaisseaux, & que lui & ses gens ne demeurassent enclos. Il delibera donc de combattre ceste flotte du Roy de Pam, au deuant de laquelle il enuoya quatre caturcs & cinq lanchars sous la charge d'Edouard Conil, qui à vne lieüe de la trouua les ennemis, & les assaillit à coups de canon avec telle furie, qu'en peu d'heure il les mit en route. Dix-neuf de leurs lanchars voguerent vers le riuage, & furent abandonnez de tous ceux qui estoient dedans, & saisis par les Portugallois. Les dix autres voyant le danger si prochain tournerent voile & se retirerent à Pam. Ceux qui auoyent gagné terre, s'escarterent par l'isle de Bintam. Apres la route de ceste flotte, ceux de la barque du capitaine Serran recommencerent leur besongne avec vn trauail incroyable, pour arracher & scier les pieux, enquoy ils employèrent quinze iours, maugré tout l'effort des ennemis, & approcherent du pont. Incontinent le Roy y enuoya Laqueximene avec onze lanchars, lequel fit tel deuoir qu'il acrocha la barque de Serran, en laquelle plusieurs Bintamois entrerent à viue force, & y eut vn terrible combat, où Serran & presques tous ses soldats furent blesez: mais ils se defendoient couragement, & par le secours que Mascaregne & Conil leur donnerent, Laqueximene fut mis en route, apres auoir perdu beaucoup de gens, bruslez pour la pluspart de feu artificiel, les autres tuez au combat, & quelques vns noyez. Apres ceste retraite de Laqueximene, Serran & ses soldats, firent pesser

3.

*Armee du
Roy de Pam
venant au
secours des
Bintamois
defaites
par Mascaregne,
& Laqueximene
mis en route
par le capitaine
Serran.*

leurs playes, sans vouloir partir de là, quelque instance que Mascaregne fist, disans estre deliberez de mourir ou de paracheuer ce qu'ils auoient commencé, tellemét que Mascaregne & Conil se retirerent pres de la flotte, pour pouruoir au reste, & suiure leur dessein pour la prinse de Bintam.

9.

*Mascaregne
emporte d'as-
saut la ville
de Bintā, dont
s'esuit la mort
du Roy, le suc-
cesseur duquel
fait alliance a-
uec Mascare-
gne, & se rēd
tribunaire du
Roy de Por-
tugal.*

MASCAREGNE considerant l'audace des ennemis qui auoyent osé acrocher la barque deuant ses yeux, craignit qu'avec des pieces de bois embrasees & autres engins à feu, ils ne bruslassent les vaisseaux : & poutāt sans plus differer resolut d'assaillir la ville par le costé du pōt. Or pource que les ennemis s'en fussent bien tost doutez à cause de la barque proche du pont, & eussent desployé toutes leurs forces pour resister de ce costé, il s'auisa d'un stratageme, à sçauoir de leurs faire croire qu'il vouloit entrer par les pieux & de ce costé fit dresser de nuit quelques gabions & vn retranchement au bord du canal avec trois pieces de canon. Laqueximene qui gardoit ce destroit fit auertir le Roy de telle entreprise, le priant enuoyer gens de renfort ce qui fut fait, tellement que ceux qui gardoyent le costé du pont, se rengerent autour de Laqueximene: estimans auoir tout gaigné, & que le lendemain la flotte des Portugallois demeureroit à leur merci à cause de la difficulté du canal. La nuit venue Mascaregne enioignit à Sanaje Raie de descendre en terre avec les pietons Malacans, & quarante Portugallois, & se logger derriere le retranchement, auquel il donna charge, si tost qu'ils verroyent le feu en l'un des bouleuards du pōt, ils fissent iouer leurs pieces, sonnassent les trompettes, & faignissent vouloir entrer au canal. Cela fait Mascaregne descēdit en terre en des nacelles & barqrolles, afin de n'estre ouy, & à vne lieuë loin du pont, & print son chemin vers iceluy à trauers la boüe, où luy & ses gens se trouuerent en merueilleux danger, specialement à cause des racines de certains arbres qui les arrestoyent & faisoient tomber à tous coups. Neantmoins ils prindrent tel courage que finalement tous couuerts de sange & de sueur, ils approcherent du pont vne heure auant iour, aussi alaiques que s'ils eussent dormy toute la nuit, & trouueren; le capitaine Serrā avec ses soldats fournis d'engins à feu

moyennant quoy ils embraserent incontinent l'un des boulevards à l'entree du pont vers l'isle. Les Mores qui gardoyent ce boulevard fait de bois & rempli de terre estoient endormis tant à cause de veilles passées, qu'aussi pource qu'ils ne s'attendoient pas que Mascaregne deust assaillir la ville par ce costé. Mais le feu les esueilla & contraignit de se sauuer bien viste, pour courir vers vne petite porte qui fermoit le pont, mais elle estoit ia rompue par Arias de Cugne & lean Pacheco, qui apres quelque combat entrerent dedans en despit des ennemis, dont les vns commencerent à fuir vers le palais du Roy, les autres vers la garde de Laqueximene, auquel Sanaje Raie donna l'assaut, selon l'instruction de Mascaregne. Du commencement Laqueximene estimoit que ce feu du boulevard ne seroit rien, mais entendant le mal estre plus grand, il tascha (comme courageux qu'il estoit) d'y remedier, ce qu'il eust fait si ses soldats eussent esté magnanimes, mais il lui fut impossible de les retenir, & d'autre part les Portugallois estoient si eschauffez, sur tout se voyans dans la ville, qu'il estoit impossible leur faire teste. Le Roy entendant le cri des fuyards employa toute son autorité pour rallier les gens, mais voyant tout perdu, se fit amener vn elephant, & s'enfuit de vistesse hors du palais, & se sentant suivi de pres (car Mascaregne ne desiroit autre butin) quitta sa monture, & se cacha dans vn taillis fort espais, tellement qu'on le perdit, & furent contrains ceux qui le suivoient rentrer en la ville, où ils trouuerent Mascaregne au combat contre vn capitaine nommé Laxaraie, lequel se defendoit vaillamment avec mille Mores autour d'un boulevard. La pluspart furent taillez en pieces, les autres se sauuerent comme ils peurent avec leur capitaine blessé de deux harquebuzades. Voila comme fut prise ceste ville qui auoit tant fait de maux aux Portugallois, lesquels ce matin firent vn acte des plus remarquables en toute leur histoire, attendu mesmes qu'ils ne perdirent pas vn des leurs en ceste prise: & quant aux blesses le nombre n'en fut pas grand. Tost apres la prise de Bintam, trois fort riches marchans estrangers qui y habitoyent allerent trouuer Mascaregne & le supplierent de leur laisser leurs marchandises, puis qu'ils n'estoyent

pas du lieu, ce qu'il leur accorda, moyennant qu'ils accommodassent l'armee de viures tãdis qu'elle sejourneroit là, ce qu'ils promirent & executerent. Puis la ville fut pillée, & y trouua on de grandes richesses, spécialement au palais du Roy, & ne fut oubliée l'artillerie au nombre de trois cens pieces, entre lesquelles furent reconues celles qui auoyent esté prinſes aux Portugallois en diuerſes rencontres descrites és liures precedens. Puis on mit le feu aux bouleuards qui furent consumez, tellement que la terre d'iceux s'esbranla, & demurerent inutiles. Mascaregne encores irrité des torts que les Malacans auoyent receus des Bintamois, & voulant se vanger encores dauantage du Roy & des Insulaires de Bintam, enuoya ses capitaines faire des courses en diuers endroits de l'isle, où ils tuerent quelques Mores, & prindrent à diuerſes fois deux mille prisonniers en l'espace de quinze iours, estãs aidez des troupes du Roy de Lingue qui enuoya dixhuit lanchars & calaluz au secours de Mascaregne, mais ils arriuerent apres la prinſe de Bintam. Toutesfois pour recompense ils aiderent à saccager l'isle, puis se retirerent. Le Roy voyant le nōbre de ses ſuiets si diminué, & qu'en fin il demeueroit presque seul, se retira en vn lieu nommé Vgentane, où il mourut de regret. Les nouuelles de ceste prinſe de Bintam & de la fuite du Roy entendues du Seigneur de ceste isle demeurant en terre ferme, depuis le temps que le Roy de Malaca l'auoit chassé de Bintam, estima le temps estre venu qu'il pourroit rentrer en possession de sa seigneurie, en se rendant tributaire du Roy de Portugal. De fait il alla trouuer Mascaregne par sauf cōduit, & accorderent ensemble que ce Seigneur demurerait Prince de Bintam, à condition de n'y bastir aucune forteresse, ni auoir armee en terre ou sur mer, ains se remettre aux Portugallois qui le defendroyent contre tous ennemis. Cela fait, Francisque de Sa fut enuoyé à Zunde, pour y bastir vne citadelle, & mena trois cens Portugallois en sept vaisseaux. Apres son embarquemēt, Mascaregne fit voile en Malaca, où il fut solennellemēt receu des Portugallois & Malacans, tresioyeux d'estre deliurez de la cruelle guerre que le Roy de Bintam leur auoit faite, à l'aide d'autre Rois ses alliez, qui les voyans

ruiné de tout point pacifierent avecques Mascaregne, tellement que depuis Malaca demeura paisible, & deuint l'un des plus riches haures de l'Orient.

FRANCISQUE de Sa poursuivant sa route fut assailly d'une telle tourmente que ses vaisseaux s'escarterent fort loin les uns des autres. Edouard Conil avec sa nauire, vne galere & un brigantin qui le suiuoyent, arriuerent les premiers au port de Zunde, ville entre la Taprobane & la grande Iaué. Les plus asseurez Geographes estiment qu'elle est au continent de Iaué, & située à l'opposite de la Taprobane. Autour de ceste cité croist du poyure en abondance, aussi bon que celuy de la coste de Malabar. L'air du pays est sain, & y a force viures: les habitans sont Mores, & ont un Roy. Lors que Conil y arriva, celuy qui permettoit aux Portugallois de bastir vne Citadelle n'estoit plus Roy, ains un autre sien voisin qui l'auoit chassé à force d'armes, & prins possession de la ville où il demouroit avec bonne garnison, resolu de faire teste aux Portugallois qu'il attendoit de pied coy, sçachans qu'ils estoient appelez au secours de celuy qui leur accordoit place pour leur forteresse. Or la tourmente qui chassoit Conil poussa de telle furie le brigantin qu'il se rompit contre la coste, & trente Portugallois qui estoient dedés se sauuerent en terre, où ils furent incontinent attrappez & esgorgez par les Mores qui les haysoient mortellement. La nauire & la galere de Conil furent preseruees de naufrage: mais cognoissans par le traitement fait à ceux du brigantin qu'ils estoient en terre d'ennemis, auxquels c'estoit folie de s'attacher en si petit nombre, ioint que Francisque de Sa n'apparoissoit point, ils tournerent voile. Le Roy de Zunde ayant descouuert ces deux vaisseaux, & sçeu ce que son predecesseur auoit promis aux Portugallois, s'asseura de quelque autre visite, & pourtant il pourueut de bonne heure à ses affaires, se fortifiant pour resister à quicqu'il aborderoit de trop pres. Comme il donnoit ordre à cela, Francisque de Sa avecque sa flotte print port en vne ville de Iaué nommee Panaruca, & approchant de Zunde enuoya demander lieu au Roy pour commencer sa Citadelle, suivant la permission de son predecesseur. Sur le refus qu'on luy fit, luy

*Navigation
de Francisque
de Sa à Zunde,
de, & ce qui
luy aduint.*

& ses troupes descendirent pour obtenir ceste demande par force : mais les Mores estoient si forts qu'ils chasserent le sPortugallois & en tuerent quelques vns, tellement que Francisque fut contraint le retirer en ses vaisseaux, & se iugeant trop foible, il reprit la route de Malaca, d'où Mascaregne estoit ja party pour aller en Inde, tellement que Francisque demeura desnué de moyens de retourner à Zunde, à cause que George Capral gouverneur de Malaca auoit enuoyé ses forces au mesme temps sous la conduite de Gonzale d'Azeuede pour aller secourir ceux de Molucques. Se voyant donc inutile en ces lieux, il suiuit Mascaregne.

II.
Arrivée de
Mascaregne
au port de Co
chim, & ce
qui s'en en-
suiuit.

Si tost que la saison propre de nauiguer en Inde fut venue, Pierre Mascaregne se mit à la voile avec trois gallions chargez de marchandises & conquestes qui appartenoyent au Roy & à luy aussi, & arriué à Coulam fut receu du facteur & de Henry Figueire chasteillon de la Citadelle en qualité de Viceroy des Indes, encorés que Sâpajo leur eust donné aduis de faire autrement. Il sceut alors ce qui s'estoit passé en l'Inde basse depuis la mort de Meneses, dont il fut bien estonné, & se conseilla de ce qui estoit de faire avec quelques vns. Simô Caier son auditeur general & Lanzarot de Seix son secretaire luy persuaderent d'aller en Cochim & chastier Alфонse Messie qui auoit ouuert la troisieme succession, enquoy il auoit commis vne tresloude faute : mais que tout cela ne preiudicioit en rien à la raison, qui luy adiugeoit le gouvernement, attendu que sa succession auoit esté ouuerte premierement, & estoit fondee en l'autorité du Roy. Suiuant ce conseil il cingla vers Cochim, & y vint mouiller l'ancre le dernier iour de Feurier l'an mil cinq cens vingt sept. Alфонse Messie qui auoit gens au guet de tous costez, entendant l'arriuee de Mascaregne luy enuoya intimer par le iuge de Cochim, par le thresorier du trafic, & par le secretaire de la factorerie, la nouuelle succession de Sampajo, & la commission qu'il auoit de ne le recevoir en qualité de Viceroy, & leur donna charge de commander de par le Roy à Mascaregne d'obeir à Sampajo, comme estant Viceroy, & tel declairé par lettres patentes de Iean troisieme. Ces officiers ayans executé leur

commission, Mascaregne fit response en grande cholere, disant que ces dernieres lettres n'estoyent point souz-signes de la main du Roy, qu'il ne les recognoissoit point pour Royales, ains pouuoient auoir esté dressées par Melsie son ennemy, auquel il n'estoit pas deliberé s'assuictir, veu mesmes qu'il estoit Viceroy des Indes & legitime possesseur de ce gouvernement par le moyen de Melsie, qui meritoit d'estre viuement chastié de son audace, en ce qu'il osoit enuoyer faire des commandemens si temeraires au lieutenant general de son Prince. Simon Caier, comme auditeur general, les tança fort aigrement, puis les officiers de Cochim furent renuoyez avec grandes menaces, le thresorier & le secretaire demeurans prisonniers au gallion de Mascaregne, pource qu'ils auoyent plus contesté que les autres, & maintenu tousiours que Sampajo estoit Viceroy. Melsie renuoya faire des nouuelles protestations, à quoy (apres plusieurs allees & venues) Mascaregne, par l'aduis de son conseil, promit faire response estant en terre le lendemain matin. Ce qui eut donna Melsie, & craignant que Mascaregne ne descédist de nuict & n'entraist en la ville qui n'estoit fermee, il appella tous le peuple de Cochim au son de la cloche, & encores que quelques vns fauorisassent Mascaregne, si fit-il en sorte par grandes remonstrances, ayant la parole à commandement, que tous prindrent les armes, & passerent la nuict au bord de la mer, pour defendre l'entree à Mascaregne, lequel estimant, s'il ne portoit nulles armes, que Melsie n'auroit occasion de quereller, entra de matin en quelques basteaux avec ses officiers & soldats, sans qu'aucun d'eux portast espee. Mais à l'aborder, melsie, armé & monté sur vn coursier, commence à commander aux siens d'entrer en l'eau & charger mascaregne comme ennemi. Lors Mascaregne & les siens commencent à remonstrer qu'ils estoyent Portugallois & Chrestiens, qui cerchoyent paix & iustice, prians au nom de Dieu & du Roy qu'on eust patience. Ce nonobstant melsie continuoit en son commandement, & c'estoit vne terrible tragedie de voir les Portugallois prests à tuer leurs compatriottes, mesmes en terre d'ennemis. Or Mascaregne voyant qu'il auoit fait vn pas de clerc d'oublier ses armes, pour se de-

fendre contre vne violence si desbordee, se retira en son gallion ayant receu vn coup d'espee au bras. Son cousin George Mascaregne fut blessé d'un coup de picque, & plusieurs soldats battus & foulez aux piedz des gens de Melsie. Apres que Mascaregne se fut retiré il demanda acte de l'outrage qu'on luy auoit fait, & bannit comme traistres les habitans de Cochim, avec menaces de les chastier s'il demeueroit gouuerneur des Indes. D'autre costé Melsie, qui gardoit tousiours la descente, aduertit Sampajo de ce qui estoit aduenu. Mascaregne luy escriuit, aussi requerant que leur debat fust vuidé par iustice, se monstrant fort moderé en ses procedures, iusques à remettre entre les mains de Melsie les trois gallions avec les besongnes & marchandises appartenantes au Roy, & se contentant d'une Carauelle pour aller en l'Isle de Goa debatre son droit contre Sampajo. Au contraire Melsie monstra lors son animosité comme deuant: car pource que ceux qui estoient és trois gallions ne pouuoient entrer tous en la Carauelle, & qu'ils voyoyét que Mascaregne cherchoit la voye de iustice, ils descendirent en terre, où la pluspart furent empoignez & emprisonnez par le commandement de Melsie, notamment George Mascaregne, lequel avec sa blessure fut enuoyé en la Citadelle de Coulam, comme ayant griefuement offensé son Roy, de la maison duquel il estoit gentilhomme. Mascaregne estimoit trouuer plus de faueur à l'endroit de Simon de Meneséz Capitaine de la Citadelle de Cananor, l'un de ses plus grands & anciens amis: toutesfois il en aduint autrement, car Meneséz luy refusa l'entree de la Citadelle en qualiré de Viceroy, mais qu'y venant comme Seigneur notable qu'il estoit, tout seroit à son commandement. Mascaregne ne le voulut presser, ains seulement luy demanda vn catur, pour aller avec moins de soupçon en Goa, d'autant qu'il ne vouloit rien obtenir que par iustice: ce que Meneséz luy ottroya, tellement que Mascaregne ne mena que Simon Caier & Lanzarot de Seix avec deux seruiteurs & les matelots. De rechef afin qu'on l'estimast eslongné de toutes mauuaises pratiques, il ne voulut pas aller vers Christofle de Soule Capitaine de Chaul, son grand amy, ains print la route de

Goa, s'asseurant que Sampajo ne refuseroit d'entrer en examen du droit, & que s'il tergiuerloit, les gentilshommes & Capitaines estans pres de luy le contraindroient à y entendre : quoy aduenant il se tenoit pour asseuré de gaigner sa cause. Arias de Cugne qui portoit les lettres de Meisie & de Mascaregne à Sampajo se rendit au port de Goale quatriesme iour de Mars. Ces lettres receuës, Sampajo fit en sorte qu'il fut dit qu'on ne lairroit point descendre Mascaregne, ains que commandement luy seroit fait de retourner à Cananor, & ne partir de la Citadelle sans licence de Sampajo : qu'en cas de refus on l'y menast piedz & poings liez : s'il se mettoit en defense, qu'on le iettast dedans la mer. Là dessus il escriuit des lettres bien aspres à Mascaregne, l'accusant de tout ce desordre, & le priant avec menaces d'aller en la Citadelle de Cananor, & que de là il escriuist & enuoyast ses remonstrances. Arias de Cugne pour recompense de ses peines fut créé facteur & chastelein de Coulam, au lieu de Henry Figueire qui en fut debouté, Sampajo l'accusant de trahison pour auoir receu Mascaregne en qualité de Viceroy. Cugne ne trouua point Mascaregne, ny l'Admiral de Goa à qui Sampajo donnoit charge d'executer ce que dessus : pourtant il reuint en Goa. Or pource que la pluspart des grands & petis en l'Isle & cité de Goa tenoyent Mascaregne pour Viceroy, se resiouissans tout ouuertement de sa venue, avec protestation de le fauoriser si tost qu'ils le verroyent, les partialitez recommencerent : tellement que par les places & coings des rues on n'oyoit que disputes touchant le droit des deux competeurs. Sampajo bien fâché que lon heurtast ainsi contre luy, & ne voulant perdre l'honneur de ceste charge & le proufit aussi, à sçauoir dix mille ducats de gages par an, sans les arriere-mains & auantages secrets qui montoient six fois autant, & quelques fois à des sommes presques infinies, à cause des butins & pratiques des douannes) assembla incontinent ses amis, & par leur conseil enuoya Simon Melio son neveu & Anthoine de Sylueire son gendre en la fosse de Goa, pour y attendre Mascaregne, & luy commander de tourner voile en Cananor, sinon l'y mener eux mesmes, & le remettre prisonnier es mains de Simô de Me-

nefez. Sampaio auoit pour principal confeiller Hector de Sylueire, auquel il donnoit mille ducats de gages tous les ans pour l'arrester de son costé. Il le pria d'aller faire ceste capture, dont Hector s'excusa, disant qu'il estoit confeiller, & nō pas executeur, preuoyant bien, s'il le faisoit, de perdre sa reputation parmy tous les gentils-hommes Portugallois. Mais ceste excuse ne le iustifia pas, ains depuis & luy & tous ceux qui auoyent tēdu la main à Sampaio se repentirent des conseils pernicieux dōnez & des violentes procedures tenus contre Mascaregne. Vray est que Hector de Sylueire recōnut sō deuoir quelque temps apres: mais à ce coup il fut cause d'un grand mal & entretenit le feu, sur lequel voulant mettre le pied avec certains autres de sa suite ils receurent leur payemēt de Sampaio, lequel ils auoyent esleuē en vne trop grande licence. Simon Melio & Anthoine de Sylueire partirent avec vne flotte aussi bien armee & fournie de gens que s'ils eussent voulu attendre les Turcs, ce qui despita plus que iamais les partisans de Mascaregne, iusques à dire que Sampaio descouuroit assez son intention, & qu'il fuyroit toute voye de raison pour dominer par violence, & en somme ils l'accusoient d'estre vn tyran & vsurpateur, qui ne vouloit estre suiet à loix ny à ordre quelconques. Mesmes aucuns d'entr'eux en allerent faire leurs plaintes au gardiē des Cordeliers de Goa, pour l'exhorter de pouruoir à ces desordres selon le deuoir de sa charge. Mais ce moine tenoit le party de Sampaio, & leur en toucha quelque mot: ce pendant il promit les en resouldre au sermon qu'il deuoit faire le Dimanche suiuant, à la fin duquel il plaida tout au long ceste cause, en presence de Sampaio & de plusieurs capitaines & gentils-hommes, disant iniures à ceux qui soutenoient Mascaregne estre Viceroy. Sa conclusion fut qu'on scauoit bien qu'il auoit autant acointance avec l'un qu'avec l'autre, & se pouuoit passer d'eux & de tous autres hommes. Quesi on l'accusoit d'impudence & de mensonge, il prioit Dieu de le damner en enfer & luy oster promptemēt la parole, s'il disoit autrement que son cœur ne pensoit, iurant par le Dieu qu'il auoit tenu entre ses mains le matin tout son discours cōtenir verité. Outreplus il requi

que de la part du vicaire general, assistant à ce sermon, tous qui s'opposeroient de fait ou de parole au gouvernement de Sampaio fussent excommuniez, & payassent dix mares d'argent applicables à l'Eglise, & ne peussent estre absouls que par l'Euesque de Funchiale. Il prioit aussi l'Auditeur general & tous les gentilshommes de bien peser ceste affaire de si grande importance, & lors ils connoistroient que les gardes posees à la fosse de Goa estoient seulement pour empescher que scandale n'auinst, & non pas qu'on se doutast de la venue de Mascaregne. Ce fut la fin des propos de ce moine, qui estima auoir assez harangué pour faire croire que Sampaio estoit Viceroy. De fait, soit que la chose fust ainsi apostee ou autrement, Pierre de Far capitaine de Goa demanda les lettres de la succession à Sampaio, puis les baissa & les mit sur sa teste, disant qu'il les tenoit pour valables, & demanda à tous les assistants s'ils estoient pas de son avis, lesquels responderent qu'oui ensemble de ce que le gardien auoit proposé. Incontinent Sampaio se fit expedier acte de ce que dessus, pour s'en preualoir en temps & lieu, commandant à l'Auditeur d'aller par les logis des gentilshommes qui ne s'estoient point trouuez au sermon afin qu'ils soussignassent ce playdoyer du moine, ce qu'ils firent au nombre de vingt ou enuiron. Quelques vns qui refuserent, entre autres Vasque & George de Leme, furent arrestez & leur bailla-on leur logis pour prison. Les capitaines & gentilshommes qui gardoyent la fosse de Goa, en pareil nombre de vingt ou enuiron, soussignerent le lendemain, comme firent aussi l'Amiral & tous les capitaines qui arriuerent au port de Goa durant ces menées. Quant à Mascaregne, ainsi qu'il continuoit son voyage vers Goa, il rencontra sur mer Gonsalue d'Azeuede, qui luy dit qu'une flotte l'attendoit pour le prendre prisonnier de la part de Sampaio. Mascaregne delibera de supporter tous les torts qu'on luy feroit, & de ne chercher autre chose que son droit par iustice ne tint compte de l'auertissement d'Azeuede, ains passa outre, & si tost qu'il fut descouuert, vn brigantin alla droit à luy & tira vn coup de canon en l'air pour le faire baisser, ce qu'il fit, & fut mené à Anthoine de Sylueire, auquel il ne voulut

promettre de se retirer dedans la citadelle de Cananor & n'en sortir sans la licence de Sampaio : pourtant on luy mit les fers aux pieds, & fut liuré à Simon Melio pour le mener à Cananor. Simon Caier & Lanzarot de Seib furēt menez es prisons de Goa, pieds & poings liez. L'ēprisonnement de Mascaregne appaisa les bruits pour viremps, car chascun craignoit mesme traitement, & les petits iugeoyent bien à propos, que si lon n'auoit point espargné vn si grand capitaine, on leur feroit pire traitement sans comparaison, s'ils se remuoient tant fust peu. Ainsi dōc les partisans de Mascaregne demeurèrent aux escoutes, tandis que luy sans changer de contenance ni de paroles perseueroit à maintenir sa cause, demandant que son competeur se soumist à iustice.

12

*Les troubles
qui suruin-
drēt entre les
Portugallois
à cause de l'e-
prisonnement
de Mascare-
gne.*

A v mesme tēps, Francisque de Souse apporta lettres de Christofle de Souse à Sāpaio, contenans en substance qu'il s'esbahissoit fort de ce qu'il entretenoit telles partialitez, veu que les Turcs approchoient avec vne puissante armee contre si petit nombre de Portugallois, & que nourrir ainsi les diuisions c'estoit commettre vne des plus grandes meschancetez du monde: adioustant que si Sampaio s'estimoit legitime Viceroy, il ne deuoit differer d'en remettre la cognoissance aux iuges, quand Mascaregne seroit arriué de Malaca, entendant que ce proces se terminast par le droit des loix, & non par les armes, comme l'intention de Sampaio sembloit estre telle. Pour la fin apres quelques prieres & protestations, il declairoit à Sampaio que s'il refusoit la voye de iustice, de sa part il ne luy obeiroit point. Ces lettres estonnerent Sampaio, pource que Christofle de Souse estoit le principal capitaine des Indes, ayant le plus de gens à sa suite, à cause qu'il tenoit meilleure table que Sampaio, mesmes donnoit argent aux pauvres gētilshōmes & soldats, estoit familier enuers chascū, tellement que sa maison estoit vne cour royale, tant il auoit grande suite. Sāpaio donc estima que Souse le quitteroit, puis qu'il n'auoit vuidé son different avec Mascaregne, que par ruse & violence: & ne sçahant cōme se resouldre cōmuniqua les lettres à quelques siens amis plus speciaux, lesquels luy conseillerent de declarer à Souse l'emprisonnement

de Mascaregne, auenu sans tumulté, approuué de l'Amiral, du capitaine de Cananor, & de tous les capitaines & gentilshômes de l'Inde basse, qui le reconoissoient lors pour Viceroy. Ce qu'il fit & pria instamment Soufe de ne se desioindre des autres pour entretenir la diuision, & d'escrire à Mascaregne qu'il se deportast de pretendre au gouuernement. Soufe entendant cela fut ioyeux de ce que la diuision ne s'augmentoît, mais il ne laissa de trouuer fort mauuais l'emprisonnement de Mascaregne & encores pire de ce qu'on luy auoit osté le gouuernement qui luy appartenoit, estimant que c'estoit à Mascaregne, & non à Sampaio, qu'il falloit obeir. Mais considerant d'autre costé que s'il prenoit le partit de Mascaregne la sedition se rallumeroit, & les Portugallois seroyent diuisez, en danger d'estre entierement desfaits par les Turcs, il delibera, par l'auis de son conseil, d'approuuer pour le bien de paix l'election de Sampaio & prier Mascaregne de ne plus quereller, le gouuernement, & leur en escriuit bien au long à tous deux, ensemble aux principaux de l'Inde basse, dont Sampaio fut tresioyeux pensant tenir Soufe de son costé. Mascaregne accepta de sa part l'intention de Soufe, voyât qu'il n'approuuoit l'estat des affaires, sinon pour rompre le coup à vne guerre ciuile, & procurer que les Portugallois demeurassent vnis pour faire teste aux Turcs. Il espéra donc de nouueau que Sampaio viendroît à raison, pourueu que Simon de menesez capitaine de Cananor le relaschaft, comme il s'en asseuroit aucunement, menesez luy ayant promis de ce faire sur le commencement del'hiuer, & mesmes luy demandant pardon de ce traitement lequel il estoit contraint de continuer quelque temps, pour n'inciter Sampaio à faire pis. Ceste bonne volonté de menesez enhardit Mascaregne d'euoier vn escrit à Sampaio par les mains de Denis melio notaire public de Cananor, requerant qu'ils eussent à vider leur differrent par iustice, & protestant à faute de ce faire de tous despens, dommages & interests. Il intercedoit aussi pour la deliurance de Caier & Seix detenus es prisons de Goa. Sampaio ayant leu cest escrit le mit en pieces, tellement que melio se sauua vistemēt sans attēdre respōce: & cōme

Sampaio se retiroit en son logis, en passant pres de la prison de Caier & Seix, il les entendit crier qu'on les eslargit pour solliciter le droit de Mascaregne, ce qui le despita tellement qu'il les fit enfermer de nouvelles & plus pesantes chaines, defendant à peine d'estre rudement chastié qu'on ne luy presentast rien de la part de Mascaregne, ains à son secretaire, qui feroit responce. Tost apres il fit publier à son de trompe, que quiconque nommeroit Mascaregne Viceroy seroit pendu & estranglé. Melio estant en Cananor donna acte à Mascaregne des procédures de Sampaio, & quant à Menesez, entendant ce que dessus, il se mit en teste que Sampaio vouloit maistriser par force, à l'occasion dequoy il resolut de ne luy point obeir: toutesfois il retint ceste deliberation en son esprit & pour lors n'en fit aucun semblant à Mascaregne. Les lettres de Christofle de Soule sembloient auoir assoupi tout ce different: mais les affaires prindrēt vn autre train par l'occasion qui s'ensuit. Sur le commencement d'Auril Hector de Sylueire sollicita Sampaio de luy donner la capitenerie de Goa, & enuoyer Pierre de Far à Malaca, ce que Sampaio ne put faire, à cause que Far ne voulut bouger, se fondant sur sa cōmission. Sylueire assez mal content de ce refus, fit demander par Jaques Melio son parant la capitenerie de Malaca, dont il fut esconduit par Sampaio, s'excusant que Capral establi par Mascaregne ne quitteroit la place sinon à force d'armes, & que par tel moyen l'Inde haute se verroit en guerre ciuile. De ces occasions proceda vne alienation de cœurs & vne pratique nouuelle à l'auantage de Mascaregne, car Sylueire se ranga de son partit, & y attira Anthoine de Sylueire, Tristan Norogne, George de Castre, Henri Deze, Nornio Fernand Freire, Vasque de Cugne, François de Castre, George de Sylueire, Jacques de Mirande, François Ataide, Arias Capral, George melio, Simon Sodre, Martin Pacheco, Simon Delgade & plusieurs autres, lesquels tous ensemble escriuirent à Mascaregne leur resolution estre de faire vider en iustice le different dont estoit question: l'exhortans de procurer sa deliurance, & obtenir de menesez les moyens de faire voile en l'isle de Goa sur le commencement de l'esté, & que lors ils doroiēt

netoyent ordre à tout. Mascaregne monstra incontinent ces lettres à Meneséz, le priant, puis qu'ils estoient amis, & que tant de gentilshômes luy tendoyent la main de le vouloir essargir, avec promesses de le faire Amiral, au cas que le gouvernement luy demeurast. Meneséz iura qu'il le deliureroit, moyennant que les autres perseuerassent en leur deliberation. Sur ces entrefaites, le conservateur Melsie ayant oui quelque vent de ces pratiques, mit des espions par tout pour retenir les paquets apportez secrettement, & en descouvrir un entre autres escrit de la main de Mascaregne, sans toutes fois pouuoir cognoistre à qui ils s'adressoit, & vid bien que Sampaio seroit à recômmencer. Pourtant il le luy enuoya, & ce pendant commença de son costé à contreminer, pour faire prendre issue à cest affaire, selon que nous le verrons ci apres. En ce temps, asçauoir au commencement de May, Hector de Sylueire & ceux de son parti cômencerét à se retirer de la maison & suite de Sâpaio, lequel tascha de les regagner: mais Sylueire n'y voulut entêdre, estât resolu de le faire ioindre à ce que requeroit Mascaregne, lequel ne cessoit de demâder iustice. Finalement Sâpaio luy declaira bié expressement qu'il n'entreroit point en ceste voye, pource que ce seroit reuocquer en doute ce que le Roy luy auoit ottroyé en termes si entendibles. Mascaregne auertit incontinent Sylueire de ceste declaratiô, le priant de cōtraindre Sâpaio, qui s'estoit ainsi descouuert, & que s'il refusoit venir à raison ils l'y amenassent en luy ôstant le gouvernement. Sylueire & les siens ne furêt encores de cest auis, ains conseillerét à Mascaregne de venir au port de Goa, l'assœurâs que sa presence pouruoyeroit à cest affaire. Les officiers de la châbre de Goa furent de mesme auis avec plusieurs habitâs de la ville, iusques au nôbre de deux cês soixâte qui soussignerét la lettre escrite à Mascaregne, auquel ils promettoyêt d'employer corps & biens pour maintenir son droit. Tant de signatures rauirent Mascaregne en esbahissement, car il ne pésoit pas auoir tât d'amis: & les ayant môstrees à meneséz il fir vne autre despêche à Sylueire pour le persuader de se saisir de la persône de Sâpaio, au cas qu'il ne voulust promettre de subir iugement

de ce debat: & alleguoit beaucoup de raisons pour fortifier ceste aui, lequel fut rendu à Sylueire au commencement d'Aoult, & suivant iceluy ceux de la chambre firent leur sommation à Sampaio qui n'en tint compte. Sylueire & les autres gentilshommes firent puis apres presenter la leur par Manuel de Macede en presence d'un notaire. Mais Sampaio se despita de telle sorte qu'il fit enfermer & mettre Macede en vne basse fosse, soufflera sur le champ le notaire, lequel, eust esté massacré si les iambes n'eussent sauué le corps. Ces insolences de Sampaio inciterent Sylueire & ses partisans à se rallier de plus pres: mais ils furent preuenus par Pierre de Far capitaine de la citadelle & autres de la faction de Sampaio, tellement que la ville fut incôtinent en armes, & les vns prests à courir sus aux autres, Sampaio marchant des premiers. Sylueire voyât la confusion horrible qui s'enfuiuroit de ce combat, aima mieux se rendre prisonnier que hazarder les vies de tât de Portugallois & ruiner en un iour l'estat des Indes, faisant place à la violâce de Sâpaio, auquel il fit de grâdes remôstrances. Jacques de Sylueire s'auança beaucoup plus, lors mesmes que tous estoient en armes par les rues: car il cria tout haut d'une fenestre à grand nombre de gentilshommes, Seigneurs, voyez-vous point cest homme qui veut estre gouverneur par force, & refuse se râger à la raison? à quoy Sâpaio replica de mesmes, Oui, oui ie le suis, & le seray malgré tous ceux qui s'y opposent. Sylueire & tous les autres capitaines & gentilshommes susmentionnez furent menéz en la citadelle, où Sampaio leur fit iurer qu'ils ne sortiroyent point sans congé, & en fut dressé acte par escrit. Les officiers de la chambre, outre plusieurs autres, vindrent se reconcilier à Sampaio, qui leur commanda de respondre à la demande de Mascaregne, ce qu'ils firent, & pour complaire à Sampaio escriuirent à Mascaregne qu'il n'auoyent peu requerir Sampaio d'entrer en voye de iustice pour raison du gouuernement, attendu que le Roy l'auoit establi par ses lettres, en vertu desquelles il estoit reconnu Viceroy par toutes les Indes, & qu'insister sur cela, pour en attribuer cognoissance à iustice, c'estoit desobeir au Roy à qui seul appartenoit de vuides

ce différet: que sa venue en Goa ne seruiroit que de troubler le peuple, qui deuoit estre laissé en paix à cause des Turcs: & pourtant le prioyét de se tenir où il estoit. Le Viceroy escriuit aussi à Mascaregne, & ce pendant print acte de la resolutiō de ceux de la chābre. Le messager venu de Cananor fut renuoyé avec ces despeschés, & emporta aussi vne lettre des gentilshōmes prisonniers, lesquels supplioyét Mascaregne de venir, & l'asseuroyét que tout se porteroit bié. Apres le depart du messager, Sampaio relacha la pluspart de ces gentilshōmes, plus pour les attirer à sō parti que pour bōne estime qu'il eust d'eux, & ne retint que Hector de Sylueire avec trois autres. Quāt à Arias Capral & George Melio, pource qu'il auoyent dit mille maux de luy, il les fit enfermer & mener prisonniers en la citadelle de Benastarim. Sur la fin du moys d'Aoust, craignāt que Hector de Sylueire & les trois autres ne luy dōnassēt quelque trouffe, & ne fissent venir Mascaregne, il les voulut enuoyer à Cochim, dont aucuns estimerent que c'estoit vn pretexte pour les faire noyer, pource que la nauigation estoit perilleuse. Eux donc luy remonstre-rēt viuement qu'il se gardast de les enuoyer ainsi à la mort: tellement qu'il changea d'auis, & leur establit bonnes gardes, viuant de son costé en grande crainte, pour la peur qu'il auoit qu'on ne l'empoisonnast, les affaires estant lors si confuses que c'estoit pitié.

Il sembloit que l'emprisonnement de ces gentilshōmes donneroit pied ferme au gouvernement pretendu par Sampaio: mais ce fut presque sa ruine. Car Mascaregne entendant ces nouuelles, & ayant receu leur lettre, en laquelle ils declairoyent craindre la poison, attendant qu'on auoit ia machiné leur mort en les voulāt mettre sur mer en peril tout euidēt, s'enhardit de solliciter Meneséz de le deliurer & recognoistre pour Viceroy, quitter le parti de Sampaio, qui vouloit ainsi dominer par tyrannie, emprisonnant ceux qui desiroyent iustice, & cherchant leur mort. Simon de Meneséz irrité de l'emprisonnement de ces gentilshommes se rangea du costé de Mascaregne, & le mena dedans le temple de la citadelle, où se trouuerēt le facteur, le chasteilian maieur, tous les officiers de iustice & de la faculté, quelques gētilshō-

14

*Pratiques de
Mascaregne
pour se dé-
tourner & faire
obeir comme
Viceroy, &
l'issue d'elle.*

mes, les soldats & habitans de la citadelle & du bourg. Lors furēt leuës à haute voix la succession de Pierre Mascaregne ouuerte apres la mort de Henri de Menesçz, l'acte du gouvernement prouissionnel de Sampajo, les lettres d'Alfonse Messie conservateur de la faculté royale, ensemble les autres actes & protestations faites depuis.

„ Cela fait Mascaregne print la parole & dit, Seigneurs, ces
 „ actes vous ont esté leus, afin que vous voyez qu'on m'a
 „ iniurié, emprisonné & molesté sans raison ni iustice, &
 „ qu'on ne pouuoit pis faire à vn brigand ou traistre qui
 „ auroit voulu liurer les Indes aux Mores, qu'on m'a fait,
 „ Alfonso Messie est venu me blesser, Sampajo m'a em-
 „ prisonné, sans auoir esgard à la faueur de mon Roy
 „ qui se fioit en moy du gouvernement des Indes pour re-
 „ compense des seruices que j'ay faits à sa grandeur & à
 „ feu son pere, en diuers lieux, & dernieremēt en ma ca-
 „ pitainerie de Malaca, qui est en paix par la ruine du
 „ Roy de Bintam. Or estimant venir prendre possession du
 „ salaire de mes peines, j'ay esté vilipendé & outragé cō-
 „ me chascun sçait, specialement d'Alfonse Messie, qui
 „ pour le deu de sa charge me deuoit aider contre la violē-
 „ ce de Sampajo, & entretenir les affaires en paix, cōme
 „ il le pouuoit bien faire à cause de son autorité : mais il
 „ s'est monstté tout à descouuert mon ennemy, a tout ren-
 „ uersé, exposant les lettres du Roy contre l'intention
 „ de sa maiesté, & à mis l'Inde en troubles & diuisions, &
 „ en dāger d'estre perdue. Sāpajo y a tenu la main de son
 „ costé, ne voulant subir iugement ni conoissance de cause,
 „ & pource que ie ne voulus condescendre à son desir, il
 „ m'a mis les fers aux pieds comme à vn traistre, veut m'o-
 „ ster le gouvernement, dit qu'il le gardera avec les armes
 „ au poing, ce qui appert assez quand il emprisonne tous
 „ ceux qui le prient de ma part que nostre different soit
 „ vuidé par iustice. Et afin qu'il en couste encores mieux,
 „ il tient aujourd'hui prisonniers les principaux gentilshō-
 „ mes Portugallois, avec autant de rigueur que s'ils e-
 „ stoyēt coupable de la plus grande trahison du monde,
 „ & ie tient de bōne part qu'il a delibéré de venir assieger
 „ ceste forteresse pour se saisir de moy & du capitaine,
 „ sans pēser à la venue des Turcs, preuue assez euidente

de sa reuolte, & qu'il ne tient compte des commande-
més du Roy, veut s'opposer aux Portugallois seiour-
nans en Inde, lesquels (pour la pluspart) sont lassez &
saouls de sa tyrannie. Puis qu'il y procede ainsi, ie vous
requier, Seigneur, de la part du Roy nostre Sire, & vous
prie vne, deux & trois fois, cōsiderant l'obstinatiō de Sâ-
paio, qui ne veut entrer en la voye de iustice, que de vo-
stre part vous m'adiugiez le gouuernemēt & m'obeissiez
comme estant vray Viceroy: afin qu'avec ceste faueur de
vous, & d'autres dont ie m'asseure, ie le puisse amener à
raison, tellemēt que ce qui m'appartiēt me demeure, que
les troubles qui ruinerōt l'Inde basse, si les Turcs viennent
bien tost, soyent assopis. Protestant en cas de refus d'en
faire plaintes au Roy, & de leur imputer les maux qui
s'ensuiuiroyent de cela: & demandant acte de ce que des-
sus, avec ou sans leur response. Tous declairerent que
ils le receuoyent pour Viceroy, pour les raisons con-
tenues es actes & par luy deduites: & sur l'heure preste-
rent le serment, & solennizerent ceste reception de Mas-
caregne avec grande ioye. Les nouuelles en furent incō-
tinent portees à Cochim, & si tost que le tēps fut propre
plusieurs gentilshommes & autres gens de qualitté alle-
rent vers Mascaregne à Cananor, où arriuerēt aussi quel-
ques capitaines venans de l'Inde haute, & se rangerent
au parti de Mascaregne, entēdās le refus de Sâpaio, lequel
fut afoibli d'autant. Cela fait, Mascaregne enuoya som-
mer de nouveau Sampaio d'accepter la voye de iustice, &
Simon de Menefez luy escriuit pour la deliurance des
prisonniers, ausquels il enuoya lettres de faueur, les
asseurant d'employer corps & biens pour leur deliurance
Sâpaio n'ignorāt pas que plusieurs de l'isle & ville de goa
enclinoient à Mascaregne, donna ordre à ses affaires sur
tout pour luy empescher la descente de ceste isle, & fit
ratifier son gouuernement par Anthoine de Breu, Vincēt
Gilles, Balthazar de Sylues, Gaspar Payua, Iean Deze &
Francisque Pereire, qui en ce temps arriuerent de diuers
endroits au port de Goa, prenant acte de leur declara-
tion & consentement. Au mesme temps Christofle de
Soufe receut nouuelles de la mort de Raix Solimā gene-
ral de l'armee du Turc, tué en vne meslee & mutinerie

suruenue entre les Turcs , où il y auoit eu tel meurtre que l'armee s'estoit rôpue, & les compagnies ramassées à Suez d'où elles ne pouuoient partir ceste annee pour entrer en l'Inde. Incōtinent apres cela, suruint le capitaine Vascōcel, portant les actes de ce qui s'estoit passé au temple de Cananor: ce que veu par Soufe & son conseil, qui entendirēt les deportemens de Sāpaio, fut resolu qu'on reconnoistroit Mascaregne pour Viceroy, & qu'il seroit permis à Sampajo d'entrer en voye de iustice si bon luy sembloit. Ceste declaration fut enuoyee à Mascaregne, & d'autre part Soufe escriuit à Sampaio, luy rendant raison de ce fait, dont Sampaio ne se cōtenta nullemēt, ains assembla gēs sous la charge d'Anthoine de Sylueire son gēdre, pour aller à Chaul demāder à Soufe les ~~soldats~~ soldats qui y estoient, & qu'il sortist de la citadelle, puis que son terme estoit expiré, pour faire place à Frācisque Pereire qui auoit obtenu du Roy ceste capitainerie. Sylueire fit voile à Chaul, mais, Soufe luy deffendit de descendre, pource que Sampajo n'auoit voulu respōdre à ses lettres, puis alla trouuer Sylueire sur mer, estās chacun en vn brigātin, & luy dit qu'il ne feroit rien de ce que Sāpajo cōmandoit, pource qu'il auoit vne cōmission tout au cōtraire de la part de Mascaregae son general & Viceroy des Indes. Sylueire & Pereire repliquerent & firent de grandes protestations de leurs dommages & interests a cause de ce refus, dōt furent dressez actes: mais ils n'obtinrent pour lors autre chose, & s'en retournerent comme ils estoient venus.

Nous laissons ces cōpēriteurs penser à leurs affaires pour considerer quel estoit l'estat des isles Molucques alors. Ci dessus a esté dit que Gasie Henriquez, se voyant desnué de moyens en la citadelle de Ternate, par les pratiques d'Anthoine Britio, lequel auoit enleué les soldats & principales munitions, enuoya es isles de Bandan Martin Correa pour recouurer quelques commoditez des vaisseaux de Portugal qui y pourroyent estre. Correa fut assailli d'une tourmente si estrāge qu'il cuida perir plusieurs fois: mais finalement il surgit au port de Bādan, où Britio estoit à l'anchre. Tost apres y arriua vn basteau de Malaca, duquel estoit capitaine Manuel

Faucon, enuoyé par Mascaregne avec quelques ioues chargez de marchandise, sous la conduite de Fernâd Baldaje secretaire de la facturerie des Molucques: ce qui vint bien à propos pour charger le vaisseau de Correa. Or d'autant que ceux du pais l'assurerent d'auoir veu passer deux nefs de la facture de Portugal, il conclut incontinent que c'estoyent nauires d'Espagne, n'y ayant lors apparéece qu'il y eust vaisseaux de Portugal en ceste mer. Et craignant que si c'estoient Espagnols ils ne fissent voile en Ternate, & surprinsent la citadelle où il n'y auoit gés ni munitions, il requit Anthoine Brittio & Manuel Faucon d'y aller au secours, ce que Brittio refusa, & Faucon promit s'y employer, comme de fait avec le plus de soldats qu'il luy fut possible d'amañser il se ioinit à Correa, & se rendit en l'isle de Ternate, & trouuerent Henriquez en termes d'appointement avec le Roy de Tidore. Cachil Daroes n'en estoit gueres content, car outre la diminution de son autorité par le moyé de ceste paix, d'autant que les Portugallois n'auroient pas tant affaire de lui que de coustume, il craignoit que le Roy de Tidore le fist empoisonner, pour vengeance des maux receus en ceste guerre. Encores que Henriquez sceust cela, neantmoins il pacifia avec le Roy de Tidore, à condition qu'en dedans six mois iceluy rendroit l'artillerie de la fuste & tous les esclauues des Portugallois, lesquels s'estoyent sauuez en terre ferme, ensemble les hardes & marchandises qui se trouueroyent auoir esté prinſes. Apres que ceste pacification eust esté ratifiée, le Roy Tidore sachant que Cachil estoit fâché d'un tel accord, il le fit auertir qu'il lui donneroit à femme vne sienne fille, s'il la vouloit accepter. Il faisoit cela pour se assurer de l'amitié de Cachil lequel il redoutoit, s'assurant que pour l'amour d'iceluy les Portugallois recommenceroient la guerre, chose qu'il craignoit merueilleusement, à cause des dommages soufferts par le passé. Henriquez entendit quelque chose de ce mariage, auquel Cachil prestoit l'oreille, & s'y opposa par diuerses pratiques, craignant que telle alliance n'esclouist quelque trahison, & que le Roy de Tidore ne voulust se vanger des Portugallois. Mais voyant que ce mariage s'en alloit cōclud, il resolut

l'empescher en rompant la paix : & pour monstrier qu'il auoit iuste occasion de ce faire, il enuoya demander l'artillerie au Roy de Tidore, quoy que le terme de la rendre ne fust escheu. Le Roy estoit malade, & promit satisfaisre en brieuf à ceste demande, priant bien fort Henriquez de lui enuoyer vn medecin pour lui assister. Henriquez lui en enuoya proprement vn, qui empoisonna ce Roy & en peu de iours le mit hors du monde. Les nouvelles de ceste mort portées à Henriquez, il delibera s'emparer de la ville de Tidore, tandis que les Insulaires s'amusoient à pleurer leur Roy, sans se douter de guerre. Il tint son cas prest, & pour coulourer son fait enuoya demander l'artillerie au gouuerneur de l'isle, sinõ la paix seroit rompue. Or d'autant que le corps du Roy n'estoit pas encores enterré, ce gouuerneur fit response qu'incontinent apres la sepulture il rendroit cela & le reste contenu en l'accord. Henriquez qui ne cerchoit autre response fait embarquer ses troupes, & enuoie declairer la guerre, au cas que l'artillerie & les esclaves ne fussent promptement rendus. Fernand Baldaje qui auoit ceste commission ne voulut descendre en terre, ains y enuoya l'un de ses gens en vn esquif. Le gouuerneur & les Mandarins respondirent, qu'au sortir d'un conseil qu'ils estoient prest de tenir pour l'election d'un autre Roy, Henriquez seroit satisfait. Mais il estoit ia bien prest de l'isle, si que deuant iour il se rendit au port de la ville de Tidore, les habitans de laquelle esperdus de la mort du Roy & d'autre part se reposans sur l'accord, furent surpris, tellement que n'ayans moyen de faire teste ils s'enfuirent çà & là. Les Portugallois entrez en la ville, ne trouuerent resistance ne butin, tellement qu'ils mirent le feu es maisons & enleuerent seize pieces d'artillerie, se retirans en leur citadelle apres ce braue exploit, à l'occasion duquel ils furent extremement hais de tous les Insulaires des Molucques & autres lieux voisins, qui les appelloient infideles & traistres : tellement qu'ils furent forclos de Bachian & d'autres riches isles, où ils trafiquoyent auparavant en grande liberté. Ce pendant, George de Menesez enuoyé de Malaca par Mascaregne pour estre gouuerneur des Molucques suiuoit sa route : mais il fut tant harry des

vents & tourmentes que finalement il arriua pres des illes de Papue, ou il fut contraint sejourner l'espace de six mois en grâd trauail & misere, à cause que le vêt d'Ouest le retenoit de nauiguer aux Molucques, & salut attendre l'Est ou vent d'Orient qui commence à souffler au mois de May en ces quartiers là.

Le retour de la nauires nommee victoire, sous la conduite de Iean Sebastian capitaine Espagnol, qui auoit mené les Molucques, & enléué quantité d'espicerie qu'il mena en Espagne, donna occasion à l'Empereur Charles le Quint d'enuoyer vne autre flotte de cinq nauires aux Molucques, pour bastir vne forteresse en l'isle de Tidore. Frere Garfie de Loaisa cheualier de saint Ieâ fut general de ceste flotte, & s'embarqua au mois de Septembre l'an mil cinq cens vingt cinq, & passa le destroit de Magellan avec route sa flotte: mais ils se desbanderēt tost apres, tellement que le plus petit vaisseau vint surgir en la nouuelle Espagne, deux autres s'escarterent par vne tourmente, dont l'un sous la charge de George Manricho prit port en l'isle de Viceya. Le Roy de ceste isle faignāt estre ami entra en son vaisseau avec nombre de gens, tua George & Iacques Manricho freres à coups de poignards empoisonnez, & arresta prisonniers tous leurs soldats. L'autre vaisseau perit en vne isle nommee Candida. Loaisa mourut sur mer au mois de Iuillet l'an mil cinq cens vingt six, laissant charge de sa nauires, nommee Victoire, à vn gentil-homme Biscain, nommé Martin Igniguez, lequel arriuant pres des Molucques en Ianuier l'an mil cinq cens vingt sept, avec l'autre vaisseau restant des cinq, entendit que les Portugallois auoyent citadelle & armee en l'isle de Ternate. Pourtant il recueillit en sa capitainesse les soldats de l'autre vaisseau, lequel il fit brusler, & se trouua acompagné de trois cens Espagnols bien equippez & resolu, avec lesquels il suiuit sa route, & arriua incontinent en l'isle de Mor où George de Meneses estoit venu peu au parauāt. Apres auoir descouuert que c'estoyent Portugallois, il se ferra au goulfe de Camaso, appartenant au Roy de Tidore: & pource que les habirans conurēt que c'estoyent Espagnols alliez de leur Roy, ils leur firent bō acueil; & d'autre part les Espagnols

15.
Flotte d'Espagne enuoyee par l'Empereur Charles cinquiesme aux Molucques: l'arriuee d'icelle, et ce qui passa entre les Espagnols & Portugallois.

leur promirent venger l'embrasement de Tidore, qu'ils saccageroyent les Portugallois & leurs alliez, tellement que ses Insulaires leur faisoient diuers presens & fournissoient ce dont les Espagnols auoyent faute, sans prendre aucun argent ni recompense d'eux. Garfie Hériguez ayant entendu que lon auoit descouuert deux vaisseaux (qui estoient ceux de George Menefez) prenans la route de Ternate, sans pouuoir dire si c'estoyent Espagnols où Portugallois, fit embarquer Correa pour aller decouurir que c'estoit. Il entra dedans vn caracore ou barque du pais avec son trucheman & quelques Mandarins, & sçeut à Camafo, lieu appartenant au Roy de Ternate, qu'il y auoit pres de là des Espagnols alliez avec les Insulaires de Tidore. Correa retourné, Hériguez enuoya Manuel Faucon & septante Portugallois en deux basteaux, acompagnez de Cachil Daroes & de ses gens en douze barques. Faucon estant à michemin, enuoya par l'Auditeur de la forteresse vne lettre de Garfie à Martin Igniguez general des Espagnols, auquel cest auditeur la porta, afin que sous ce pretexte il peust voir combien il y auoit d'Espagnols en ceste nauire. Igniguez n'ignorant pas ceste ruse, lui donna loisir de voir & visiter tout ce qu'il voulut, afin que les Portugallois (desquels il scauoit les moyens par le rapport des Insulaires) fussent d'autant plus estonnez: & ne laissa de respondre aux lettres de Garfie, lui offrant beaucoup de plaisirs. L'auditeur estant parti, Igniguez suiuit sa route, & arriva en l'isle de Tidore, puis fit dresser à l'emboucheure du canal deux bouleuards de pierre, les munit de l'artillerie de sa nauire, afin de garder l'entree du port, la nauire estant en frôte avec quelques pieces, & ressembloit à vn des bouleuards. Faucon ayant ouy le rapport de l'auditeur ne voulut se hazarder au combat contre les Espaignols, ains s'en retourna vers la citadelle, & rendit compte de son voyage à Henriquez à qui au bout de quelques iours vint vn messager de la part de Igniguez, disant estre venu en Tidore par le commandement de l'Empereur son souverain, & seigneur des Molucques, qui estoient en son parrage, & auoyent esté descouuertes par Fernád Magellan son lieutenant, qui en auoit prins possession pour son maistre, le

quel aussi les auoit obtenues par la sentence dōnée à son prouffit contre le Roy de Portugal. Que depuis la descouuerte de ces isles, on y auoit laissé trête Espagnols & establi vne facturerie, ou il y auoit beaucoup de biens & quarante pieces d'artillerie: mais que les Portugallois auoyēt tués les Espagnols, pillé les biens, enleué l'artillerie, & outreplus basti vne citadelle sur les terres de l'Empereur, sans sa permission. Qu'il vouloit donc sçauoir qui les auoit esmeus de ce faire, afin d'en dresser vn proces verbal & l'enuoyer à l'Empereur. Henriquez fit respōse, que les Molucques & autres isles voisines n'appartenoyēt ni n'auoyēt iamais appartenu à l'Empereur: n'estoyēt aucunement de son partage: que la sentence donnée à son profit auoit esté prononcee par des Espagnols ses suiets, qui n'eussent osé iuger autrement: que les iuges Portugallois auoyent prononcé au cōtraire, & adiugé les Molucques au Roy de Portugal, tellement que cela ne seruoit de rien: encores moins d'alleguer le voyage de Magellā, veu que plus de dix ans auant sa nauigation, elles auoyēt esté descouuertes par Anthoine de Breu par commandement d'Alfonse Albuquerque, lors Viceroy des Indes, au veu & sceu de Magellan mesmes, lequel estoit avec de Breu en ce voyage, & toutesfois depuis pour despirer le Roy de Portugal, duquel il estoit suiet naturel, auoit fausement donné à entendre à l'Empereur que les Molucques estoient de son partage & promis les aller descourir par vn nouveau chemin, où il auoit finalement receu le salaire de ses trahisons enuers son souuerain seigneur. Qu'alors que ces isles furent descouuertes par Anthoine de Breu, plusieurs Rois d'icelles deuinrent amis du Roy de Portugal, & se contēterent que les Portugallois trafiquassent avec leurs suiets, cōme ils auoyent cōtinué depuis, & qu'à la requeste du feu Roy de Ternate celui de Portugal auoit fait bastir vne citadelle en l'isle. Qu'Anthoine Britio y estant venu pour cest effect, auoit trouué quelques Espagnols en l'isle de Tidore, lesquels il enuoya au Viceroy des Indes, pour ce qu'ils ne monstroyēt cōgé du Roy de Portugal de trafiquer és Molucques, lesquelles appartenoyent au Roy Iean troisiēme, au nom duquel il commandoit en la citadelle, resolu de

la garder iuſques à la derniere goutte de ſon ſang contre tous ceux qui s'en vouldroyent emparer, & clorre les paſſages à toutes perſonnes, tant Eſpagnols qu'autres, qui vouldroyent nauiguer & trafiquer par ces Iſles, ſans ſa licence. Pourtant prioit-il Igniguez de venir prôptement en la Citadelle, & que s'il ne vouloit y loger, on l'accorderoit d'un lieu à part, où il pourroit habiter ſeulement; reſteurant au reſte que les Eſpagnols n'achetaſſent point d'eſpiceries, d'autant qu'elles appartenoyent au Roy. Qu'en cas de refus il les rangeroit à deuoir avec les armes, ſans crainte de reprehension, puis que c'eſtoit pour le ſeruite du Roy de Portugal ſon Prince & Seigneur ſouuerain. Le meſſager fut renuoyé avec ceſte reſponſe: ce nonobſtant Igniguez perſeuera en ſes demandes, & conſeſterent aſſez long temps par eſcrit, ſans prendre reſolution. Or quâd Henriquez vid que les Eſpagnols ne bougeoient de Tidore & hauſſoyent le pris des eſpiceries, il delibera de les en chaffer, & ſur vn ſoir ſ'embarqua avec cent Portugallois & grand nombre de gens du pays en des coracores & autres vaiſſeaux. Ils chargerent trois pieces d'artillerie, la plus groſſe en vn baſteau, les deux autres ſur vne fuſte & ſur vn calaluz, qui ne portoyent que certains Capitaines avec les canonniers & matelots. La fuſte qui vogoit deuant fut deſcouuerte par les Eſpagnols, encores qu'il fuſt nuit, leſquels commencerent à canonner de l'un des bouleuards, avec telle recharge que ils tuerent vn matelot, eſmorcelèrent la main du patron qui tenoit le gouuernail, & endommagerent le gouuernail meſme. D'autrepart le Capitaine de ceſte fuſte ſe print à battre le boulevard, de ſi grande furie que ſa piece creua, & fut contraint ſe retirer aupres du calaluz, attendant qu'on euſt amené vn autre canon de la Citadelle, lequel fut braqué vn peu auant iour dedans la fuſte. Le matin venu, Henriquez fit iouer toutes ſes trois pieces contre les deux bouleuards. Au contraire les Eſpagnols commencèrent à deſſerrer leur artillerie de telle impetuoſité, que les Portugallois, pour ſe garantir, reculerent ſi loin que leurs boulets donnoient dedans l'eau, dont les Eſpagnols faiſoyent des riſces & hucces eſtranges. Henriquez n'oſoit approcher avec ſes caracores, qui eſtoient ſi foi-

bles qu'un seul coup de canon les enfondroit. Ceste escarmouche ayant duré iusques à midy, les Portugallois, voyans qu'ils ne faisoient rien que perdre leurs pouldres & boulets, se retirerent avec leur flotte en vn goulfe, enuoyans quelques barques querir des pouldres en la Citadelle. En attendant leur retour, Correa, le facteur & quinze autres descendirent en terre, pour aller mettre le feu en vn village assis sur vn costau: mais estans descouverts par certains Espagnols on les empescha d'aller plus auant, mesmes Correa receut vn coup d'harquebuzes sous l'oreille, dont il tomba demy mort par terre, & eurent les gens assez affaire à l'emporter & gagner viftement leur barque. Henriquez se retira du tout finalement en la Citadelle, sans rien entreprendre depuis: & les Espagnols de leur part demeurèrent cois, à cause que leur nauire commença à s'ouuir & s'emplir d'eau, tellement qu'elle coula en fond, sans qu'ils en peussent rien sauuer. La saison venue pour faire voile en Malaca, Henriquez fit ses efforts de charger quelques vaisseaux pour le Roy: mais d'autant que les particuliers payoyent mieux les especeries aux Mores, il ne recueillit presque rien: & voulant vser de son autorité, il cuida tout gaster à cause que ses gens aimoyent mieux leur prouffit que celui du Prince: tellement que sur le commencement de Ianuier il enuoya demander secours au gouuerneur de Malaca, pour donner ordre aux affaires du Roy de Portugal és Molucques, & faire teste aux Espagnols demeurez és Isles de Tidore & Gilolo, où nous les laissons pour quelque temps, afin de reprendre le discours du different entre Mascaregne & Sampaio.

ANTHOINE de Mirande Admiral des Indes partit 16.
de Cochim le quinzième iour de Septembre, tenant avec sa flotte la route de Goa, & portoit lettres de Melsie
lequel conseilloit Sampaio d'enuoyer Mascaregne en Portugal, ne sçachant pas ce qui estoit aduenü à Cananor. Mirande arriué pres de Cananor, pour pouruoir à ce qui seroit requis, Mascaregne luy enuoya vn aduis par Simon de Menesez, le priant puis que Menesez & Christofle de Souze avec la plupart des gérilshommes & soldats Portugallois habitans és Indes l'auoyent accepté

*Continuatiõ
du recit des
differentes en-
tre Sampaio
& Mascare-
gne touchant
le gouuerne-
ment des In-
des.*

pour Viceroy, voyans que Sampaio refusoit se ranger à raison: ce que luy recherchoit encores de sa part pour le repos del'Inde, il pleust à Mirande de le recognoistre pour Viceroy, s'assurant que si Sampaio se voyoit sans armee nauale, ce seroit vn moyen pour le pousser en voye de iustice: promettant de sa part estre prest à y entendre, peine de tous despens, dommages & interests vers qui il appartiendrait. Mirande voyant que Mascaregne auoit esté receu pour Viceroy, & quel malheur ce seroit de voir deux competeurs en si long debat, fit response que si Sampaio refusoit le moyen & ordre de iustice, il obeiroyt à Mascaregne, auquel il en fit vne promesse escrite & signee de sa main le dixseptiesme iour de Septembre mil cinq cens vingtsept. Cela fait Mirande fit voile au port de Goa, où ayant communiqué avec Sampaio ils eurent grandes disputes ensemble touchant ce que dessus: tellement que Sampaio fut conseillé d'oster l'Amirauté à Mirande, mais il n'en fut d'auis, ains luy donna charge d'aller à Chaul recueillir les troupes qui y estoient, & faire receuoir Francisque Pereire pour commander en la Citadelle. Estant arriué pres de Chaul il rencôtre Anthoine de Sylueire, lequel luy conseilla d'attendre si Christofle de Souze obeiroyt au commandement de Sampaio, dont Mirande l'aduertit. Souze fit response que si Mirande vouloit communiquer avec luy pour luy faire rendre les soldats & le gouuernement de la Citadelle, c'estoit temps perdu de s'y attendre, pource que Mascaregne son general & Viceroy des Indes luy auoit commandé le contraire. Apres quelques allees & venues, Souze & Mirande parlerent ensemble dedans la Citadelle, pour aduiser aux moyens de faire que Sampaio se mist en iustice avec Mascaregne pour le repos del'Inde basse, & que les iuges qui vuideroient ce proces ne fussent point plus de sept. Ceux qu'ils nommerent furent Anthoine de Mirande, Iean Deze, Francisque Pereire, Balthazar de Sylues, Gaspar Payua, frere Iean Daluin Cordelier, & frere Louys de la Victoire Iacopin. Souze choisit ces iuges, encores qu'il sceust que (reservez les deux moines) les cinq Capitaines auoyent signé que Sampaio estoit vray Viceroy des Indes: mais de sa part il ne voulut pas estre du

nombre, ny souffrir qu'aucun gentilhomme de sa parenté ou partisan de Mascaregne en fust, encores qu'il eust peu estre du nombre, attendu que Mirande en estoit. Mais il n'auoit autre but que de pacifier l'Inde par composition amiable, estimant en cela faire seruice à Dieu & au Roy, chose qu'il auoit en singuliere recommandation. Ces iuges ainsi nommez entre luy & Mirande, avec promesse bien expresse de tenir le cas secret iusques à ce qu'il fust temps de le manifester, de peur que Mascaregne & Sampaio le sceussent, ils s'assemblerent le lendemain au temple de Chaul avec les officiers du Roy, gentilshommes & autres personnes de qualité: puis firent vn discours des choses passées, monstrans combien il estoit requis pour le repos de l'Inde que Mascaregne & Sampaio vuidassent leur different par iustice, & adiousterent que d'un commun aduis ils auoyent dressé vn escrit, lequel fut exhibé, afin que par la lecture d'iceluy chascun cognust & opinast s'il y falloit adiouster ou en oster quelque chose. C'estoyent des articles au nombre de sept ou huit pour contraindre Sampaio à ioindre, & pour authorizer Soufe & Mirande en la nomination des iuges, deliurât des prisonniers & vuidange du proces. Apres la lecture d'iceux, Soufe deduisit les raisons pourquoy cela auoit esté ainsi dressé, & tous promirent avec Mirande de luy tendre la main & procurer que ceste negotiation eust son plain effect, & le iurerent ainsi, remerciens Soufe & Mirande qui prenoyent tant de peine à remettre tout en son premier estat. De ce que dessus fut dressé proces verbal par Gaspar Alfonsé notaire public de la forteresse, & soussigné de tous, le quatriesme iour d'Octobre mil cinq cens vingt-sept. Ces articles furent portez par Mirande à Anthoine de Sylucire, lequel les accepta plus par contrainte qu'autrement, & tint des propos facheux à Mirande qui s'en estoit meslé si auât. On en fit deux copies, l'une pour Mirande qui s'embarqua le mesme iour, l'autre pour Christofle de Soufe, lequel partit le lendemain, laissant la Citadelle en la garde d'Aluarez Pinete chastellain maieur d'icelle. Estans arriuez ensemble au port de Goa, Mirâde alla trouuer Sampaio, & luy ayât monstré les articles accordez avec Christofle de Soufe, remōstra les raisons qui

les auoyent meus à ce faire, le priant d'y acquiescer. Mais Sampajo se mit en cholere & le tança bien rudement, iusques à l'estonner, de sorte que Mirande au lieu de tenir roide se laissa aller, proposant des excuses, & les choses en vindrent iusques là, que fauçant la promesse iuree entre luy & Soufe de ne declairer à personne les iuges nommez pour la vuidange de ce differant, iusques au temps propre, il les nomma tous à Sampajo, lequel ayant obtenu ce point, qui fut le fondement du gain de la cause, en gaigna incontinent vn autre, à sçauoir vne promesse signee de la main de Mirande, qu'il n'y auroit autres iuges ny en plus grand nombre que les sept nômez. Ceste promesse fut dressée tout à l'heure, & souffignée de l'Auditeur general & de son secretaire comme tesmoins. Les articles examinez en presence de l'Auditeur & de Pierre de Far Capitaine de la Citadelle de Goa, ils conseillerent Sampajo d'y consentir : pource que s'il reculoit, chacun s'esleueroit contre lui. Mais que premierement il les môstrast aux officiers de la chambre, afin que s'ils les trouuoient raisonnables il y consentist, à condition qu'il iroit en qualité de Viceroy iusques en Cananor, que l'honneur d'Alfonse Messie demeureroit sauf, que cas aduenant que Mascaregne fust Viceroy, il ne changeroit aucun des officiers qui estoient lors establis. Soufe ayant promis faire ratifier & obseruer ces demandes, Sampajo lascha Hector de Sylueire & les autres prisonniers, donnât sauf-conduit à Soufe d'entrer en Goa, ce qu'il ne voulut faire, d'autant que ses amis l'auertirent que Sampajo estoit résolu de l'emprisonner avec Mirande, & se venger d'eux. Pour accorder ceste nouuelle difficulté, fut dit qu'on châtéroit vne Messe pres de l'aiguade de Goa, & que quand le prestre leueroit son hostie, Mirande & Soufe iureroient en presence de Jean Deze & Anthoine Ricco secretaire des Indes, que Sampajo iroit comme Viceroy iusques à Cananor, & qu'en conscience ils essiroyent pour iuges du differant ceux qu'ils cognoistroient plus propres, sans descouuir ny par eux mesmes ny par autrui ceux qu'ils auoyent choisi : Item que l'honneur d'Alfonse Messie demeureroit en son entier. Soufe requit aussi que Sampajo iurast avec mesme ceremonie, qu'estant arriué à Cananor

Cananor il se redroit comme prisonnier en la galere de Mirande : surquoy il y eut quelque estrif. Mais finalement le vingtieme iour d'Octobre Soufe & Mirande firent ce serment qu'on requeroit d'eux, au lieu & avec les ceremonies mentionnees, & en fut dressé acte signé de plusieurs témoins. Le lendemain en presence de Pierre de Far, des officiers de la chambre, de tous les gentilshommes de Goa, du Vicaire general & de tout le clergé, assemblez au Convent des Cordeliers; le gardien tenant son hostie en main, Sampajo estant à genoux dit à haute voix, Vous sçavez que par deux & trois fois, du cōsentement de vous & de plusieurs autres, j'ay esté reconnu & proclamé Viceroy des Indes en vertu des lettres du roy mō Seigneur, lesquelles vous ont esté exhibees. Et pource que j'ay esté obey en ceste qualité, ie n'ay voulu entrer en voye de iustice pour le gouvernement avec Pierre Mascaregne, & ne m'y fusse point rangé, si ie n'apperceuois que Dieu & le Roy y sont honnorez. Qu'au reste j'ay esté attiré par force à suiure ce moyen, & me soumettre à ceste necessité, n'estant trouuer autre remede. Ce pendant ie iure par ceste hostie sacree de faire ce qui a esté accordé, & qu'estant à Cananor ie quitteray l'autorité de Viceroy pour la consideration que chascun sçait, protestant me preualoir en temps & lieu de toutes les procedures passees: & promets de me rendre comme prisonnier en la galere d'Anthoine Mirande, & d'observer les articles que luy & Christoffe de Soufe ont dressé & accordez à Chaulmoyennant que l'honneur du Conseruateur de la faculté demeure sauf, suiuant le cōpromis. Le Capitaine de la Citadelle, l'Auditeur general, les officiers de la chambre & autres personnes de qualité, presterent mesme serment: dōt fut dressé acte par vn secretaire, & soussigné de tous. Tost apres Sampajo print la routé de Cananor en grand appareil, & fut suiuy le lendemain par Mirade & Soufe, lesquels arriuerent avec luy le sixiesme de Nouembre, & prindrent terre incontinēt pour aller vers Mascaregne en la Citadelle, auquel ils monstrerent les articles afin de iurer l'obseruation d'iceux, ce qu'il fit declairāt n'auoir autre desir que de voir l'Inde en repos: mais qu'il estoit fort offensé d'une lettre de Sāpajo à Messie, en laquelle estoies

nommez les iuges choisis pour la determination du proces, & qu'il auoit remarqué que frere Iean Daluin estoit du tout à la deuotion de Sampajo, pour beaucoup de raisons contenues en ceste lettre. Mirade & Soufe ayans veu la lettre cogniurent le dire de Mascaregne estre veritable, & luy promirent de rayer ce moine du nombre des Iuges & d'en establir vn autre. Or Mascaregne desiroit que Soufe fust du nombre, & pourtant le pria d'y entrer, puis que l'occasion se presentoit, mais il en fit refus, sçachant que Sampajo luy en vouloit. Finalement, au lieu du moine Daluin ils esleurent cinq autres iuges, à sçauoir Lopez d'Azeuede, Anthoine Brittio, Nonio de Blanccastel, Tristan de Ga, & Sebastian Perez vicaire general del'Inde basse : ce que Mirande trouua bon encores qu'il eust donné vne promesse par escrit à Sampajo qu'il n'y auroit autres iuges que les sept premierement nommez. Neantmoins luy & Soufe y adioustèrent ces cinq, avec serment de ne les reueler à personne iusques à ce qu'il en fust réps. Le lendemain Mascaregne, Meneséz & autres officiers du Roy avec plusieurs gentilshommes se trouuerent au temple de la Citadelle, & en presence de tous, avec les ceremonies obseruees en Goa, Mascaregne promit d'observer de point en point les articles de la capitulation, declarant qu'il n'auoit fait les poursuites & tenu les procédures passées, sinon d'autant qu'il estoit asseuré que le gouuernement luy appartenoit : accordant, au cas que Sampajo obtinst gain de cause, qu'on l'enuoyast prisonnier en Portugal pour y respondre de son fait. Les principaux de ceste assemblée presterent aussi le serment, & fut le tout couché par escrit: apres quoy Mascaregne monta dans le gallion de Soufe. Il aduint sur cela que Mirande s'estant remué de sa galere au gallion nommé saint Denis, Sampajo qui y estoit n'en voulut sortir, dont Mascaregne se plaignit à Soufe & à Mirande, disant que Sampajo ne gardoit pas la capitulation & ne se deportoit de la charge de Viceroy puis qu'il demouroit en ce gallion, dans lequel estoient les plus grandes forces que le Roy de Portugal eust es Indes, & par le moyen desquelles il pouuoit combattre tout le reste de la flotte : d'auantage qu'il auoit fait planter la banniere royale à la hune: que

cela n'estoit pas se deporter du gouuernement & attendre la sentence de iustice, ains se monstrier Viceroy par effect: requerant qu'ils l'exhortassent de garder ce qu'il auoit promis, dont eux l'admonnesterent, mais iceluy ne tint compte de leurs remonstrances. Les gentilshommes voyans vn tel orgueil commencerent à s'esmouuoir, & dire haut & clair que Sampajo rompoit la capitulation & son serment: brief ils l'accusoyent assez ouuertement de estre vn seditieux & perjure. Souse voyant qu'il y auoit danger d'vn grand mal si tant que Mascaregne & les autres laisserent faire Sampajo. Apres que Mascaregne se fut embarqué, lon tira vn coup de double canon, & lors les gallions esquels estoient les deux compétiteurs (qui firent de part & d'autre leurs protestations auant que venir en haute mer) se mirent à la voile, Mascaregne estant conduit par Souse, & Sampajo par Mirande, tenans la route de Cochim; où ils arriuerent le quinziesme iour de Decembre. Incontinent Mirande alla trouuer le conservateur Messie, pour luy faire prester le serment comme aux autres. Mais il n'en voulut rien faire, disant Mirande n'auoir peu manier affaire de telle importance sans en communiquer avec luy, seconde personne es Indes apres le Viceroy, & menaça Mirande, Souse & autres, de leur en faire rendre compte au conseil de Portugal. Mascaregne & les gentilshommes de sa suite voyans ceste nouvelle enclouure & les mauuaises pratiques cachees sous icelle, prièrent Souse & Mirande, puis que Messie faisoit le restif & descouuroit par trop son animosité, que le proces se iugeast à Coulam, à vne iournee pres de Cochim, afin d'obuiuer à routes menées. Souse cognoissant que Sampajo ne consentiroit iamais à cela (pource que Messie estoit la seule esperance, lequel auoit fait des sollicitations & instances bien grandes de tous costez pour le maintenir, & le maintiendrait en ce dernier effort par tous moyens à luy possibles) & pour empescher que le proces ne se vuidast à coups d'espee, moyenna tellement avec Mascaregne & les siens qu'ils accorderent que la sentence seroit dressée & prononcée en la ville de Cochim. Suiuant cela luy & Mirande prindrent terre & entrerent au temple de saint Anthoine pour noie-

mes les iuges. Lors Souſe voulut que le moine Daluin fuſt oſté du nombre, & qu'en ſon lieu fuſſent mis les cinq nommez cy deuant: à quoy Mirande ſ'oppoſa, à cauſe de l'eſcrit qu'il auoit baillé à Sampaio, auquel il en ſaloit rendre compte, & ſçauoir ſa volonté. Sampaio entendant cela fut extrêmement deſpité, tenant pour ſuſpects les cinq iuges de renfort: tellement qu'il ne les voulut recevoir, diſant auoir trop enduré; qu'il ne ſ'eſtonnoit pas trop que Mirande l'eût abuſé & mené ainſi par le nez depuis Goa: qu'il eſtoit coupable de tout le mal, mais qu'il auoit ourdy ceſte roile contre ſoy-mesmes. Adiouſtant outreplus que telles menées ne l'eſtonnoyēt point, pour ce que Mirande & tous les autres demureroyent prins en vn meſme piege, & qu'il allaſt leur aider à ſe perdre: que ſ'ils reſuſoyent de tenir la capitulation, il ne vouloit auſſi ny iuges ny iugement, & les combattoit tous avec ſon gallion de ſainct Denis, lors la fortune eſleueroit le plus fort: que au reſte Mirande demureroit obligé à rendre compte de tout, puis qu'il en eſtoit la cauſe. Mirande reſpondit qu'il n'eſtoit trompeur ny moqueur, ains ſ'acquittoit de ſa charge, & qu'en ce cas il eſtimoit eſtre bon ſeruiteur de Dieu & du Roy, auquel il ſeroit plainte des iniures & outrages de Sampaio. Pluſieurs autres propos falſcheux & eſtranges furent lors iectez de part & d'autre, ſans qu'on les peüſt bien remarquer à cauſe du bruit de ceux qui ſe mirent entre deux. Sur cela Mirande ſortit tout bouillant de cholere, & ſ'en alla au gallion de Maſcaregne, lequel ayant entendu ce que deſſus déclara, puis que Sampaio ne vouloit accepter les iuges nommez par Souſe & Mirande, leſquels ils approuuoit de ſa part, on deuoit ſuiuant la teneur des articles le recevoir pour Viceroy, ſans autre conſideration, requérant que Souſe & Mirande le recognüſſent. Mirande ayant eſgard à la capitulation, & encores indigné des paroles outrageuſes de Sampaio, attira pres de ſoy aũtant de vaiſſeaux qu'il put & les remit en la puisſance de Maſcaregne, à ſçauoir la galere baſtarde d'Hector de Sylueire, le baſteau de Nonio de Blancaſtel, les deux carauelles de Vincent Pegade & de Iean de Sa, le gallion de Simon Melio lors abſent, vne galliotte & quelque brigantin. Sampaio eut de reſte trois

gallions, nommez saint Denis, saint Louys & le Zamborin, Item les deux galeres de Roderic Pereire & d'Anchoine de Sylueire, outre plusieurs fustes qui estoient au port de Cochim, tellement qu'il estoit plus fort que Mascaregne. Neantmoins les vns & les autres commencerent se disposer au combat, accommodans leur artillerie, pour se donner bataille, par l'obstination de Sampaio. Les soldats de Mascaregne croiyent, guerre, guerre, disans que Mascaregne ne deuoit se monstrier ainsi double que Sampaio, & que la commodité se presentoit en ses mains pour chastier ceux qui lui auoyent fait tât de torts. Les Portugallois furent lors sur le point de perdre tout ce qu'ils tenoyent és Indes: car la partie estoit forte, & si es vns fussent venus aux mains contre les autres, il y eut eu vn terrible carnage, tellement que le victorieux fust demeuré si foible qu'il luy eust esté impossible de soustenir le choc du Roy de Calecut, lequel auoit vne puissante armee nauale prestee pour assaillir les Portugallois eschapez de leur bataille ciuile. Tous les autres Princes & Seigneurs Indiens tenoyent l'œil ouuert sur ceste flotte, afin de se remuer en temps propre, saisir les Citadelles, & seouer entierement le ioug, s'asseurans à ce coup de nettoyer l'Inde basse de la domination estrangere. Ce qui fut infailliblement aduenu, si ces mutineries eussent continué. Mais on estime que Mirande ayant mis de l'eau en son vin, & considerant que son escrit demeuré entre les mains de Sampaio estoit cause en partie de toute la tempeste, promit à Sampaio de s'employer pour lui en la vuidange du proces, estant l'un des iuges d'iceluy. Quoy que l'en soit, Sampaio changea incontinent d'avis & accepta ces onze iuges, apres quelques aduertissemens à luy donnez par Messie & autres. Son consentement signifié par toute la flotte, Mascaregne requit qu'il eust à changer de gallion, tellement que Mirande le fit remuer en vn autre vaisseau où il y auoit peu de gés, & le mit és mains d'Anchoine de Sylueire son gendre. Mascaregne fut logé en vn autre sous la charge de Iacques de Sylueire, & ces deux Capitaines iurerēt de représenter les deux competeurs, quand besoin seroit.

Le lendemain, qui fut le dixneuuesme de Decembre,

Qq iij

*Juges dele-
guez, pour
vuider le pro-
ces de Sam-
paio & de
Mascaregne.*

Christophe de Souze, Anthoine de Mirande, l'auditeur general & le secretaire des Indes, descendirent en terre, & allerent au conuent de saint Anthoine, où se trouuerent la pluspart des Capitaines & gentilshommes habitans à Cochim, en presence desquels Souze & Mirande nômèrent les onze specifiez entre eux pour vuider ce proces du gouvernement, lesquels presterent le serment, ensemble leur secretaire avec les ceremonies obseruees par les autres. Cela fait Mirande tira Souze à part, & luy dit que pour fermer du tout la bouche à Sampaio, si les iuges le condamnoient, il seroit bõ d'adiouster aux onze le moine Daluin & Biage de Sylues. Du commencement Souze en fit refus, sçachât que ces deux portoyent mauuaise affectiõ à Mascaregne, tellement qu'ils fauorisoyent Sampaio. Apres assez longue contestation, Mirande le pria de ne trãindre ces deux iuges, pour ce qu'en cõtrepoïds luy & Iean Deze tiendroyent bõ pour Mascaregne, lequel auoit si bon droit de son costé que les iuges ne le luy pourroyent oster. Que toute ceste ceremonie de iuges n'estoit que pour appaiser Sãpaio, afin qu'il ne lui semblast que de primfaut & de volõté absolue on le despoillast du gouvernement, pour en reuestir Mascaregne. Cõme ils continuoyent leur dispute, suruint Iean Deze qui conferma le dire de Mirande, tellement que Souze s'y accorda, sans en aduertir Mascaregne ny autre, afin d'euitier nouueau trouble, & voulant bien tost voir la fin de toutes ces querelles, sans considerer autrement l'esprit de Mirande, lequel auoit dressé ceste derniere partie par le mandement de Sampaio & de Messie, ausquels il s'estoit trop engagé. Ces deux nouueaux iuges ayans presté le serment, Messie promit aussi solennellement obseruer la sentence des iuges: mais au prealable il pourueut en toutes sortes à la seurété de sa vie, de son hõneur & de ses biẽs, au cas que Mascaregne fust Viceroy, & s'en fit bailler acte soussigné de tous les principaux de party & d'autre. Tout ce que dessus expedie, les treize iuges commanderent à Souze de se retirer, & Mirande entre autres insista fort là dessus, tellement que les cõtestations furent si aigres que les officiers de Cochim y accoururent par le commandemẽt de Messie, afin de chasser Souze, lequel s'en alloit voyant sa

presence ne seruir de rien. Et lors il conut les fautes qu'il auoit commises en ceste procedure, que Mirand l'auoit affiné, que la pluspart des iuges, nōmément les deux derniers, estoient formellement contre Mascaregne: tellement qu'à l'entree de son logis, il dit à ses gens, Orsustroussons bagage & deslogeons, puis que tout est perdu. Il ne dit autre chose, & s'ēbarqua sur le soir voyant desja ce qui auint incōtinent apres. Le lendemain les iuges & leur secretaire s'assemblerent à part pour vacquer à la vuidange du proces, & lors comparurent Vasque Deze & Simon Caier procureurs des parties, qui leur fournirēt les lettres, actes & auertissemēs de leurs droitz, puis se retirerent. Les officiers de la chambre de Cochim persenterēt incontinent vne requeste au nom de toute la ville, à ce que sentence fust donné au proufit de Sampaio, pource que si Mascaregne demouroit Viceroy les habitants estoient deliberez de quitter leurs maisons, & aller demeurer parmi les Mores, plustost que se soumettre à la mercy de leur ennemy capital, auquel ils ne se fieroyent iamais, quelque promesse qu'il peust faire pour les assurer. Le conseruateur Messie, ayant fait ceste ouuerture par les officiers de la chambre, poursuiuit, & presenta de sa part des articles aux iuges par lesquels il chargeoit Mascaregne d'estre vindicatif, d'auoir menacé de mort ceux de Cochim, de s'estre iniquement porté es affaires de police & de iustice en Malaca, d'auoir protesté de casser de leurs estats les principaux officiers, d'estre fauteur & protecteur de meurtriers, larrōs & mutins, de fauoriser à plusieurs Seigneurs & capitaines coupable du crime de pecular, lesquels aussi tenoyent son parti, afin de ne venir iamais à compte, & faire grand chere des deniers qu'il deuoyent au Roy, si Mascaregne deuenoit gouuerneur. Il le chargeoit aussi d'auoir relasché des prisonniers redeuables de grandes sommes, & d'estre cause que le Roy estoit demeuré en arriere de plus de trois cens mille ducats, & n'auoir argent ny marchandises. Pour conclusion il protestoit de quitter le seruice du Roy & se retirer hors de l'nde, & d'auoir recours contre eux de tous ses despens, dommages & interests, en cas qu'ils iugeassent pour Mascaregne: d'autant que ce seroit

faire tout ouuertement la guerre au Roy d'establiir ce personnage son lieutenant es Indes. Pierre de Far capitaine de la citadelle de Goa fit vne autre remonstrance par escrit de mesme substance, & fut suiuy de Jean Soire Auditeur general des Indes. Mesmes toute la nuit du premier iour que les iuges entrèrent en conference, tous les habitans de Cochim allerent nuds pieds en procession, avec leurs femmes & petis enfans, prians Dieu qu'il inspirast au cœur des iuges de debouter Mascaregae, pour la peur qu'ils auoyent d'estre chastiez, & crioient à chascun que pas misericorde, tellement que c'estoit horreur & pitié d'ouir ce bruit. Quant à Mascaregne, personne ne par la ny interceda pour luy, & ne fut son procureur appellé pour respondre aux charges de Messie, & proposer contre Sampaio beaucoup de maluersations, desquelles nul ne le pouuoit iustifier. Ce ne fut donc pas de merueilles si le bon droit, sur lequel il demouroit appuyé, fut rendu inutile par la mauuaise cause debatue avec tant d'artifices.

18

*Sentence des
iuges deleguez
au profit de
Sampaio: ce
qu'il fit apres
auoir esté co-
fermé au gou-
uernement, &
leretour de
Mascaregne
en Portugal*

Après que les iuges eurent employé quelque tēps à fuiller les pieces produites de part & d'autre, chascun d'eux escriuit & signa son auis en vn papier à part. Ces auis furent leués par le secretaire, & fut trouué que Sampaio auoit beaucoup plus de voix, tellement que d'un commun accord ils luy adiugerent le gouuernement, par vne sentence donnée le vingtyuiesme de Decembre mil cinq cens vingtsept, dont la teneur fut telle. Nous iuges ayās veu les actes, & ce qui a esté mis par deuers nous ensemble les auis de chacun de nous particulierement, disons par nostre ceste sentence definitive, que le gouuernement demeure à Lopez de Sampaio, lequel d'ores en auāt sera Viceroy des Indes: que Pierre Mascaregne s'en aille à la bonne heure au royaume de Portugal avec vaisseaux & equippage selon la qualité, laissant à la volonté du Roy nostre Sire d'adiuger à chascun d'eux tel salaire que bon luy semblera, & autres choses qu'ils voudroyent prendre en ses pays. Ceste sentence fut portee le mesme iour par Anthoine Mirade, Jean Deze, Biago de Sylues, & Tristan de Ga, embarguez en vn brigantin, à Mascaregne, les amis duquel estimoyent qu'on eust iugé

en sa faueur. Mais ils furent extremement indignez oyâs la lecture d'icelle: au cōtraire Mascaregne l'esconta paisiblement sans changer de contenance ny couleur de visage, ny dire parole autre que de seigneur sage & d'esprit biē rassis. Il demeura en sō vaisseau iusques à ce qu'ō luy eust fourni ce qui luy estoit necessaire pour son voyage. Sampaio fut ioyeux, comme l'on peut presūmer, de la lecture de son arrest, & remercia fort les iuges, demandāt auec contēnāce yn peu trop seruite, pardon à Mirande de toutes les querelle passées. Or pource qu'il estoit desia tard il ne descendit pas en terre ce soir: cependant on fit des feux de ioye de tous costez, & deschargea-on toute l'artillerie. Les partisans de Mascaregne estoÿēt en grād' doute, craignās que Sampaio ne les recerchast à l'auenir. Luy au contraire se voulant fortifier & auoir tant plus de seruiteurs, le lendemain auant que gaagner le riuage, entra en vn petit basteau, courut au long de toute la flotte, & fit en chascun vaisseau vne petite harangue, en laquelle il prioit les capitaines & soldats de se resiouir auec luy, & s'asseurer qu'il leur estoit amis à tous en general & à chacū en particulier, qu'il reconnoistroit leurs seruitices, & en auertiroit le Roy, les priant de luy porter affection. Il declaira aussi auoir en tresbonne reputation tous les partisans de Mascaregne, & croire qu'ils n'auoyēt rien fait que selon leur cōscience, & leur en scauoir aussi bō-gré qu'ils eussent tenu son parti: adioustāt que tout le passé demeueroit cōme non auenu, & les prioit de faire bon deuoir à l'auenir pour le seruice du Roy. Ces propos de Sampaio asseurerēt tous ceux de la flotte, qui descedirent apres luy, & fut receu en la ville auec grandes solennitez, puis conduit en la citadelle, où il deuoit loger. Estant là il diuisa particulierement avec les gentilshommes amis de Mascaregne, & leur fit tant de promesses qu'ils demurerent en Inde. Tost apres il voulut se mettre en mer pour aller deuant des Turcs: mais son conseil fut d'auis d'attendre que son gouuernement fust plus asseuré, & que son armee fust encores en meilleure equippage. Pourtāt se contenta il pour lors d'enuoyer l'Amiral auec six gallions, vne gallere bastarde, deux galliores, & cinq brigātins en la coste de Calecut: item Simō

Melio avec vne fregate & vne carauelle es isles de Maldiuar. Au mesme temps, asçauoir sur la fin de l'annee furent acheuees de charger quatre nauires pour venir en Portugal. Mascaregne entra en l'une d'icelles sous la garde d'Anthoine Britio, & fut suivi de plusieurs gentilshommes & autres siens amis. Auant que hausser les voiles il fit adiourner Sampaio à comparoir deuant le Roy de Portugal & son conseil, auquel il appelloit de la sentence donnee par les iuges de Cochim touchant le gouuernement des Indes: & outreplus il l'auertit que les Espagnols estoient en l'isle de Tidore, afin que Sampaio enuoyast secours à George de Menefez, lequel y commandoit de par le Roy. Ceste flotte de quatre nauires arriuee en Portugal, Mascaregne fut gracieusement recueilli du Roy, lequel se monstra fasché des procedures & de la sentence susmentionnee. De fait il ordonna tost apres vn autre Viceroy au lieu de Sampaio, lequel estant de retour en Portugal ne fut gueres bien reconu, & Mascaregne le poursuivit si roidement deuant le conseil du Roy que Sampaio fut condamné à luy payer tous ses despens dommages & interests, & les gages de l'estat de Viceroy pour tout le temps que Mascaregne eust exercé ceste charge, asçauoir l'espace de trois ans. Et quant à Messie & autres qui s'estoient tout ouuertement bandez contre Mascaregne, ils ne furent, pas mieux recompensez que Sampaio, lequel ils auoyent soustenu par vne amosité trop apparente.

FIN DV DIXSEPTIESME LIVRE.



LE DIXHVITIÈME LI-
VRE DE L'HISTOIRE
DE PORTUGAL.

SOMMAIRE.

1. Estat des Moluques, & ce que George de Menesex y fit à l'en-
tree de son gouvernement.
2. Garsie Henriquez emprisonné par le commandemēt de Mene-
sez: son eslargissement & leur reconciliation.
3. Pratiques contre George de Menesex, lequel Garsie fait enfer-
mer & mettre en prison: ce qui aint de part & d'autre,
durant ceste captivité iusques apres la delivrance de
Menesex.
4. Portugallois desfaits par les Mores de Longu, dont ils se ven-
gerent depuis.
5. Les premiers exploits de Sampaio depuis qu'il fut declaré Vi-
ce-roy, & la victoire qu'un de ses lieutenans obtint con-
tre les Calcutiens.
6. Navigation de Pierre de Far à Malaca, de Simon de Souze
aux Moluques, & de Christofe Médoze à Ormus.
7. Courses & exploits d'Anhoine de Mirande Amiral des
Indes.
8. Prince de Iacques de Mezquite & d'autres Portugallois pres-
sez & tourmentez pour abiurer le Christianisme.
9. Rencontre de la flotte de Diu & du gallion de Henri de Ma-
cede.
10. Voyage par terre depuis Ormus iusques en Portugal fait par
Anthoine Ternier.
11. Ce qui aint entre Gonsalve d'Azevede & Garsie Henri-

quez en l'isle de Bandan.

12. Alvarez Saavedre capitaine Espagnol desfait les Portugalois es Molucques & emmeine leur galliotte.
13. Gonçalves d'Azueide fait voile en l'isle de Ternate, & ce qu'il negocia pour accorder les Espagnols & Portugallois ensemble.
14. Pratiques des Espagnols & Portugallois es Molucques, pour s'entretenir en guerre.
15. Navigation de Martin Alonse Melio à Zunde, ses traverses & auantures estranges, & son retour en l'Inde basse.
16. Arrivee de Simon de Souze pres de Dachen, ou il est desfait & tué avec la pluspart de ses gens.
17. Retraite de Garsie Henriquez à Malaca, & comme il y fut traité.
18. Ce qui avint entre le Roy de Dachen & Pierre de Far gouverneur de Malaca.
19. Nonio de Cugne esleu Viceroy des Indes, son embarquement pour y aller, & ses auantures durant la navigation.
20. Mombase prinse par Nonio de Cugne où son armee, passe l'hiuer.
21. Ordre donné aux affaires de Goa par Lopez de Sampaio, & le naufrage de sa flotte en la coste de Calecut.
22. Courses & victoires de Sampaio en ceste mesme coste.
23. Deliberation de Sampaio pour s'emparer de Diu: la victoire qu'il gaigna sur l'armee nauale du Roy de Cambaie, & ce qu'il fit puis apres.
24. Flotte de Calecut desfaite par Anthoine de Mirande & Christofe Melio.
25. Guerre d'Hector de Sylucire au Royaume de Cambaie.
29. Estat des Molucques & de Malaca au commencement de l'an mil cinq cens vingt neuf.
27. Nouveaux efforts du Roy de Dachen contre les Portugallois, & ce qui s'en ensuiuit.
28. Arrivee de Nonio de Cugne au port d'Ormus, & l'emprisonnement de Raix Xeraf.
29. Navigation de Simon de Cugne à Baharen, en la coste d'Arabie, où il est desfait.
39. Ordre donné aux affaires de l'Inde basse par Sampaio, lequel reuint en Portugal, & Nonio de Cugne prend possession du gouvernement des Indes

GEORGE de Menefez, enuoyé de Malaca par Mascaregne pour gouverner les Moluques, fut contraint hiuerner és isles de Papue, comme dit à esté ci deuant. Or si tost que George de Menefez y cingla vers l'isle de Ternate, & y estant arriué au mois de May de l'an mil cinq cens vingt sept, entendit que les Portugallois estoient en guerre contre les Espagnols assistez des Insulaires de Tidore & de Gilolo: ce qui le mit en grand peine, pour ce que les gens pour la plus part estoient morts durant l'hiuer, & les suruiuans auoyent besoin de repos. Il laissa en mer deux vaisseaux bien armez, & entra dans quelques esquifs pour approcher de la citadelle. Incontinent Garfie Henriquez accourut au deuant, bien soy eux qu'on le vint desgager tant à propos du peril où il estoit, n'ayant gens ni moyens pour resister aux ennemis: & tout soudain remit la place és mains de Menefez, telle que Britio l'auoit laissée, dont il eut acte par main de notaire. Martin Igniguez capitaine des Espagnols, entendant la venue de Menefez, l'enuoya bien auiser & lui offrit paix & amitié, se plaignant fort de Garfie lequel n'auoit iamais voulu demeurer en bon mesnage avec les Espagnols, ains estoient cause de la perte de leur nauires, auoit tué vn des leurs & blessé trois autres. Menefez le remercia, promettant de demeurer ami: toutesfois il excusoit Garfie, & prioit Igniguez qu'il monstrast ceste amitié par effect, en se retirant du milieu des Infideles pour venir loger en la citadelle de Ternate, où il seroit receu & acocomodé à son contentement. Pour ce qu'il ne fit point de responce, Menefez lui enuoya vn escrit au commencement de Iuin, par lequel Igniguez & les siens estoient sommez de sortir promptement du pays & de toutes les isles Moluques, avec defences d'y acheter aucune sorte d'espiceries. Igniguez renuoya vn escrit, par lequel il faisoit la mesme sommation à tous les Portugallois: & depuis ils perdirent du temps & beaucoup de papier apres telles contestations, au bout desquelles ils accorderent ne trefue, iusques à ce que l'on eust mandement d'Espagne ou de l'Inde, de ce que les vns & les autres auoyent à faire. Incontinent les Portugallois

I.

*Estât des Mo-
lucques, Et ce
que George
de Menefez y
fit à l'etree de
son gouuer-
nement.*

& Espagnols commencerent à cōuerfer & negocier paisiblement ensemble, les capitaines enuoyans des singularitez & presens les vns autres. Neantmoins Igniguez fut destourné d'entrer en la citadelle de Ternate par le Roy de Gilolo & Cachil d'Aroes, qui estoient contents que les affaires demeurassent en suspens, afin de se maintenir, ce qu'ils ne pouuoient si aisément faire en temps de paix. Depuis cela Meneséz osta la chastellenie de la citadelle à Manuel Faucon, & en pourueut Simon de Vere par le commandement de Mascaregne, dont Faucon faignoit estre content, mais il en garda vne haine en son cœur, laquelle il descouurit d'estrange façon puis apres. Au reste, Messie conseruateur de la faculté royale es Indes auoit enuoyé des lettres par lesquelles il commandoit au facteur des Moluques d'achepter pour le Roy toutes les espiceries quis'y pourroyent trouuer, & charger le plus de vaisseaux que lon trouueroit & les enuoyer à Cochim, que ce qui resteroit fust vendu aux marchans demeurans en la citadelle, au plus haut pris que possible seroit, & que l'argent seruist pour payer les officiers du Roy, souldoyer les gens de guerre, & acheter viures, afin que le Roy fust soulagé des grandes despenses qu'il estoit contraint faire à raison de ceste citadelle: & sur tout qu'on auisast que l'achept se fist sans offenser les Mores & Portugallois de Ternate. Meneséz fist publier ce mandement, à quoy les Portugallois delibererent s'opposer, & pour cest effect s'allierent avec Cachil Daroes, lequel leur tendit la main, estant bien aisé de voir les Portugallois en nouueaux troubles, afin qu'ils eussent affaire de luy. Il declaira dont puis que les Insulaires estoient forclos de vendre leur marchandise au plus offrant, & quand bon leur sembloit, qu'aussi pour l'auenir ils ne vendroyent plus de viures pour l'entretienement du gouverneur & de ses gens, & defendit aux insulaires ceste vente: à l'occasion dequoy Meneséz fut contraint se deporter, ne pouuant faire mieux, tellement que l'auarice des particuliers ietta le Roy en des despences excessiues. Apres cela suruint vne autre difficulté dont s'ensuiuirent de grands maux. Lors que Meneséz partit de Malaca il eut charge de Mascaregne de renuoyer Garfie

par la route de Burneo, dont il l'avertit cōme iceluy faisoit ses apprests pour partir. Garfie & quelques autres proposèrent tant d'excuses que Menefez fut cōtent d'enuoyer quelque autre descouvrir ceste route: ce que Garfie empescha de rechef, craignant quelque reproche à l'avenir, & là dessus y eut commencement de querelle & de soupçon entre eux, lequel se descouvrit tost apres. Ce pendant Vaque Laureht fut enuoyé au lieu de Garfie par la voye de Burneo, où estât arriué il eut acces au Roy par le moyen d'Alfonse Perez, & demanda pour les Portugallois licence de trafiquer en l'isle. En faisant ceste requeste il presenta au Roy vne tresriche tapisserie, en laquelle estoit viuement representé le mariage du Roy d'Angleterre avec la tante de l'Empereur. Celuy de Burneo demandal'interpretation des figures, & entendant que c'estoyt vn Roy couronné que celuy d'Angleterre, soupçōna que les Portugallois voulassent lui iouer quelque meschant tour, & que par art magique ils donneroyent vie à ceste figure & aux autres, & tueroient luy & ses gens, pour prendre possession de son royaume: ce qui le troubla tellement qu'il fit emporter vistement ceste tapisserie, & eust mal traité les Portugallois, sans Alfonso Perez & quelques marchans Mores qui lui dirent la verité du fait. Neantmoins il leur commanda de sortir de l'isle. Alfonso Perez ne voulant s'envelopper en la guerre qu'il preuoioit és Molucques, ne tint cōpte d'y retourner, ains print la route de Malaca, menant Vaque avec soy, lequel renuoya sa coracore és Molucques, avec auertissement à Menefez de ce qu'il auoit fait en l'isle de Burneo.

Lors que ceste coracore arriua, le Roy de Gilolo commençoit à faire guerre à Menefez, pource qu'il de- *2. Emprisonne-*
layoit d'entrer en la trefue faire avec le Roy de Tidore, & *més de Garfie*
faisoit quelques courtes iusques en l'isle de Ternate: cō- *Hériquez Et*
me au contraire Cachil Daroes menoit ses troupes à Gi- *ce qui s'en en-*
lolo, & se nuisoyent ainsi de part & d'autre. Sur ces entre- *fuins.*
faites Martin Igniguez vint à mourir, auquel succeda Fernãd de la Tour: ce qu'entendât Menefez il enuoya gratifier Fernãd, & sçauoir s'il vouloit entretenir la trefue faite entre lui & Igniguez, ce que Fernand refusa tellement

que les armes furent leuées de tous costez. Or pource que Fernand n'auoir aucun vaisseau de rame, il fit charpenter vne galiotte pour assaillir plus hardimēt les Portugallois ce qui fut raporté à Menelez, lequel tout à l'heure commanda qu'on en fust vne autre pour les gens, & pour cest effect arresta & mit en besongne tous les charpentiers que lon peust trouuer en terre, quoy qu'ils fussent occupez à d'autres besongnes, mesme ceux qui trauielloient apres le bastéau de Garſie, ceste galiotte requerrant prompte depesche pour faire teste aux Espagnols. Garſie auerti que sa besongne demeueroit à faire, sans considérer pourquoy, courut vers la mer où Menelez regardoit les ouuriers, & se plaignit en grande cholere de ce qu'on lui auoit fait. Menelez respond qu'il ne pouuoit faire de moins, les affaires du Roy le requerrans ainsi: & pource que Garſie insistoit que lon ne deuoit ainsi emmener ses ouuriers, & Menelez soustenoit le contraire, ils s'eschaufferent tellement que Menelez ayant lasché quelques mots iniurieux & vsé de menaces, Garſie repliqua: Quittez vostre capitainerie pour ceste heure, & ie vous ferai sentir que ie suis meilleur gentil-homme & cheualier que vous. Disant celà il met la main à l'espee: mais tant de gens acoururent de tous costez, qu'il n'y eut combat que de paroles fascheuses & picquantes. Garſie se retira en son logis avec ses partisans, qui l'estimoyent beaucoup d'auoir ainsi braué Menelez, auquel plusieurs autres remōstroyent qu'il ne deuoit laisser telle rebellion impunie, ains faisoit empoigner cest outrequidé, pour l'en faire repentir. Manuel Fauco versoit de l'huile sur ce feu, voulant mal de mort à Menelez & à Garſie, & desiroit les voir aux prises ensemble, s'assurant qu'ils s'entreruinoient. Menelez croyant ce conseil enioignit à Thomas Nuguez de Fosecque son Auditeur de saisir Garſie & ses adherans, qui ne voulurent pas obeir à l'Auditeur. Alors Menelez fit sonner le tocsain de la citadelle, tellement que tous ceux de l'isle commencent à venir vers luy, offrant lui aider à se faire obeir. Incontinent Simon de Vere chasteillain maieur est enuoyé sommer Garſie & les siens de se venir rendre prisonniers en la citadelle, autrement on les iroit querir en plus grande compagnie. Garſie

fic ayant respondu encores plus audacieusement qu'à l'Auditeur, Meneséz fit braquer quelques canons contre la maison d'iceluy, pour la renuerfer : puis renuoya le chastellain pour la dernière fois, ensemble Tristá de Veire ami de Garfie, afin de l'amener à raison. Apres plusieurs remonstrances, Garfie s'en alla seul en la citadelle, & ayant promis attendre resolution de iustice sur ce qui estoit passé, demeura prisonnier au logis d'Anthoine Brittio, & commença on à former son procès. Mais d'autre part ses amis sollicitèrent pour lui, entre autres Cachil Daroes, le facteur du Roy & autres des principaux: mais ils ne gagnèrent rien, Meneséz alleguant tousiours qu'il vouloit que le conseil de Portugal fust auerti de tout, & enuoyeroit Garfie au Viceroy des Indes. Mesmes d'autant qu'il y auoit apparence qu'on le tireroit de ceste maison, en laquelle il estoit detenu sous promesse de se représenter, Meneséz le fit enfermer & serrer en la grosse tour de la citadelle, où il demeura huit iours, ayans esté prisonnier en la maison l'espace de trois semaines. Ceux qui soustenoyent sa querelle, estans au nombre de cinquante complotterent de le deliurer, & communiquerent leur entreprise à Cachil qui promit s'y employer, mais ils ne peurent rien executer, pource qu'il y auoit grosse garde de iour & de nuict en la citadelle. Se voyans frustrés de ce costé, ils conclurent se ranger en vn lieu, d'où ils enuoyeroient sommer Meneséz de relascher Garfie, & qu'en cas de refus ils se rendroyent aux Espagnols, & leur persuaderoyent de courir sus à Meneséz, tous les moyens duquel ils descouvriroyent à ses ennemis. Auât que rien executer ils vserent d'un tour de finesse, faisans descouvrir leur ligue par l'entremise d'un soldat Castillan Francisque Baldaje, lequel l'alla incontinent declairer à Meneséz. Il salut lors entrer en nouuelle resolution, & pource que Meneséz vouloit emprisonner les principaux de ces cinquante, Baldaje & Simon de Vere lui remontrèrent le danger qu'il y auroit de garder tant de prisonniers l'espace de quatre ou cinq mois, auât la fin desquels on ne pouuoit nauigner en Malaca: que ce pendant ils trouueroyent moyen de sortir & feroient quelque desordre: pourtant luy conseilloyent de largir Garfie, &

s'exempter de tous ces hazards, adioustans d'autres inductions auxquelles Menefez consentit, & fit mettre Garfie en liberté, à condition de ne lui estre ennemi ni prendre le parti des Espagnols, & que Menefez deschireroit les informations prises & autres actes dressez contre Garfie, lequel promit obseruer ce qu'on requeroit de lui. Delà en auant ils furent grands amis, & hantoyent fort priuément ensemble, autant que si iamais n'eussent esté en querelle l'un contre l'autre.

3. CESTES hantise desplaisoit fort aux partisans de Pratiuescō- Garfie, lesquels craignoient qu'on nes les retinst aux tre Menefez- Molucques pour resister aux Espagnols, & que Garfie ne le quel est en les laissât à Menefez pour s'en seruir. Preuoyans d'éc que ferré & mis le seul moyen de se tirer loin des coups, estoit de rendre en prison e- ennemis ces deux Seigneurs, afin que sous couleur de stroite: & ce soustenir Garfie ils s'embarquassent avec lui, ils commē- qui auint de cerent à ietter des propos à la trauerser à quelques vns de part et d'autre durât ce- la citadelle, disans que Menefez n'estoit guerres bien au- uisé de se fier ainsi à vn ennemi reconcilié, qui atten- ste captiuité doit l'occasiō de faire receuoir à Menefez la plus grande iusques apres honte du monde. D'autrepart ils alloient soufflant aux l'eslargisse- oreilles de Garfie de telle sorte qu'ils l'induisirent à de- ment de Me- mander congé tant pour soy que pour eux: à quoy Me- nesez. nesez fit si honneste responce que Garfie s'en contenta. Toutesfois ces calumniateurs le cheualerent tellement qu'ils lui persuaderent de ne dependre pas ainsi de la discretion de sa partie: & que s'il souffroit qu'eux le suiuis- sent ordinairement, Menefez ne seroit pas si roide, ains accorderoit le congé qu'on lui auoit demandé. Garfie pē- sant se faire suiure, le laissa beffier par telles gens qui marchoyent au tour de lui les espees aux costez: à quoy Menefez ne print garde, tant il s'estoit revni avec Garfie. Les flatteurs craignās la touche, & que Menefez leur ressemb- last, c'est à sçauoir qu'il faignist ne demander que leur commodité, attendant que Garfie s'embarquast pour les retenir & se venger d'eux: delibererent ne cesser qu'ils n'eussent ouuert la vieille playe, que la reconciliation, la hantise & le temps auoyent si dextrement fermee. Pour- tant tascherent ils d'imprimer en l'entendement de Menefez que Garfie auertissoit les Espagnols & Tidoriens

de tout ce qui se faisoit en la citadelle, & par dessous main incitoit ceux de Ternate à faire la guerre aux Portugallois. Aussi pour y prouoquer les Insulaires, ces boute-feux faisoient ietter de la poison dans les puits, & enuoyoyent de nuit les plus desbauchez de leur troupe par les loges de Ternate, où ils paillardoyêr avec les femmes & filles du pays, ausquelles ils disoyent que Menefez leur commandoit faire telle violence. Les insulaires despirez d'un si indigne traitement se retiroyêr de Ternate en autres lieux: ce pendant les calomniateurs disoyent que tout le desir de ces insulaires estoit de massacrer Menefez & tous les siés, afin de r'allumer la guerre par quelque bout que ce fust. Mais d'autant que le feu ne prenoit pas assez tost à leur gré, & pour trouuer moyen de couper la gorge à Menefez & au Roy de Bachian grand ami des Portugallois, lequel estoit lors en l'isle de Ternate avec deux cens hommes, vn s^r Tristan Vieire, Alfonso Gentil, Louys Dias, & autres de la suite de Gasie, allerent au quartier de ce Roy, tuerent quatre de ses scruiteurs, & en blefferent quelques autres, qui pensoient estre en terre d'amis. Ce meurtre executé, Vieire & ses compagnons se retirerent sans auoir esté descouverts: & le lendemain, ainsi que le Roy en alloit faire sa plainte à Menefez, les meurtriers, qui l'attendoient expressement, le preuindrent, & saignans entêdre qui le menoit, dirêt que c'estoit peine perdue à lui, d'autant que Menefez auoit sommadé ce meurtre, duquel par consequent il ne faloit attendre aucune iustice: alleguâs que Menefez auoit voulu venger la mort de son frere Tristan tué en l'isle de Bachian, avec perte d'un vaisseau chargé d'espicerics. Le Roy, croyant ce faux rapport, ne passa plus auant, & depuis ne voulut entrer en la citadelle, mesmes estoit sur le point de faire souleuer tous les Insulaires des Moluques: mais il auint que Menefez descouurit la source de ce mescontentemêt, & en esclaircit le cœur de ce Roi qui en fut satisfait: puis fit prendre informations du cas, les auteurs duquel estans descouverts s'enfuirent en des forrests espaisles, où ils demeurerent cachez pour quelque temps, & l'amitié entre le Roy de Bachian & Menefez se renouua comme deuant. Apres quelques autres menées,

ces faux rapporteurs semerent vn bruit que Menesez vouloit faire tuer Garfie, & suborner vn More, nommé Michel Nugnez vaillant homme, que Menesez auoit amené de Malaca, lequel dit, comme par grand secret, au facteur de la citadelle, que Menesez luy auoit commandé de depeſcher Garfie: ce qui lui sembloit tant de raisonnable qu'il aimoit mieux se rendre aux Espagnols que commettre tel acte. Du commencement le facteur vouloit que Michel en auertist Garfie, ce qu'il refusa faire protestât toutesfois qu'il n'executeroit nullement vne si meschante commission: & pource qu'il faignoit vouloir prendre parti avec les Espagnols le facteur le retint, avec promesses de le faire embarquer avec Garfie. Le facteur ayant considéré de plus pres ce fait, delibera le descourir: mais au lieu d'en parler à Menesez il s'adresse à Garfie, le suppliant de tenir la chose en son esprit, sans la communiquer à personne pour lors. Garfie ayant oui ce rapport, en creut quelque chose, remercia grandement le facteur, & lui dit qu'il ne pouuoit moins faire que de s'en descourir à certains de ses meilleurs amis: ce que le facteur ne trouua pas mauuais, priant neantmoins Garfie de ne faire grand estat d'un tel bruit qui pouuoit estre plustost faux que vray. Mais Garfie s'en alla incontinent communiquer avec les auteurs de ceste menee, lesquels lui conseillerent de couper la gorge à Menesez: dont Manuel Faucon, qui estoit en la compagnie, ne fut nullement d'avis, remonstrant les dangereuses consequences d'un tel fait, & qu'il suffiroit se laisir dextrement de la personne de Menesez, former proces contre lui, & l'enuoyer pieds & poings liez au gouuerneur de Malaca. Garfie considerant que s'il faisoit tuer Menesez, la charge des Molucques & la guerre des Espagnols lui demeueroit sur les bras, à laquelle il ne pourroit fournir, attendu mesmes que les partisans de Menesez pourroyent lui donner de grandes trauerses, & véger cent fois sur lui ce meurtre si mal fondé, suiuit l'avis de Faucon, auquel cependant il delibera deslors iouer vne trouſſe, à ſçauoir le laisser capitaine en la citadelle de Ternate: concludant de sa part suiute Menesez à Malaca. Or ayans arresté de faire ceste capture, premierement ils trouuerent moyen de faire que Mene-

sez enuoyast la pluspart de ses forces en l'isle de machian avec Cachil Daroes: au contraire tous ceux qui soustenoient Garfie demeurèrent. En apres, Francisque de Castre l'un des conjurez invita Simon de Vere chasteillon & autres officiers de la citadelle à vn bāquet appresté à vne lieue loin de là, afin que menesez n'eust gens pour se defendre. Ils allerent donc à ce banquet vn Dimanche, laissant menesez presque seul: & comme il acheuoit de dîner, manuell Faucon & Iacques de la Roque furent enuoyez par Garfie pour l'entretenir au ieu de table. Durant leur ieu, manuel Botel, Tristan Vicire & Alfonse Gentil (qui auoyent obtenu grace de leur crime) Francisque Perez, Iean Fignereide, Andre Palaz, Francisque de Soto & autres de la faction de Garfie, ayans chascun sa commission, l'un pour fermer la porte l'autre pour la garder, quelques vns pour mener les domestiques de menesez pourmener hors de la citadelle, les autres pour se tenir pres de ceux qui demeureroient afin de les empescher de secourir leur maistre, entrerent dedans la citadelle, & furent suiuis de Garfie enuiron les deux heures apres midy, sans contredit de personne: tellement que Garfie venu dedans la grosse tour où estoit menesez, la porte fut fermee incontinent, & menesez ayant salué Garfie le fit seoir. Garfie le voyant ententif au ieu, se leue & le saisit fermement par derriere, disant ces mots. Vous estes prisonnier, Incontinent manuel Faucō & plusieurs autres se ruerent sur menesez: quelques vns empoignerent deux seruiteurs restez pres de luy, leur estouppans la bouche de peur qu'ils criaissent à l'aide. menesez voyāt que ce n'estoit pas ieu commence à crier trahison, trahison: auquel cri son page courut sonner la cloche de la garde. Garfie & les autres luttèrent assez loguement, & eurent beaucoup de peine à ietter menesez par terre pour l'enfermer: car il estoit grand & vigoureux, & le despit lui acroissoit le courage, tellement qu'avec les bras, les pieds & les dents il leur donna tant d'affaire, que s'ils l'eussent laissé aller, & qu'il eust loisir d'auoir quelques armes, il eussent esté contrains s'enfuir. mais estans dix ou douze sur luy, ils luy attacherent finalement vne grosse chaine de fer aux pieds, souffrans toutes les iniures qu'il vomis-

soit contre eux, leur disant, Traistres, tuez moy, & ne m'enchainez point. Cela fait, ils l'enfermerēt en vne châbrette basse, d'ou ils le remuerent puis apres en vn cachot sous la citadelle. Baltazar Roderic qui estoit le fauteur, & par son indiscretiō auoit reduit Meneséz à ceste extremité, oyāt le son de la cloche acourut avec plusieurs autres vers la citadelle laquelle ils trouuerent fermee. Incontinent Garfie se presenta sur la muraille & fit vn long discours pour iustifier son fait, alleguant que pour preuenir Meneséz il l'auoit serré prisonnier, & l'enuoyerait en Inde avec son proces, protestant au reste de vouloir demeurer bon seruiteur du Roy de Portugal. Le fauteur reconnoistāt lors sa lourde faute tascha de la radoubber, en conseillant Garfie de ne proceder pas si rudement: mais il ne gaigna rien & fut contraint se retirer avec les autres. Or tandis qu'ils parlementoyent ensemble vn nommé Aluarez du Cai, seruiteur, de Meneséz, gisant malade ouit le tumulte & connoissant le tort qu'on faisoit à son maistre se leua courageusement du liēt, & ferma la porte de la grosse tour à Garfie & à ses gens puis s'appuyant à l'vne des fenestres se print à crier de toute sa force. Ceste forteresse appartient au Roy nostre Sire, Dom George de Meneséz en est capitaine maugré Garfie Henriquez. Lors Garfie & les siens coururent là, eschellerent la tour, battirent outrageusement ce malade, & le ietterent de la fenestre en l'estage de dessous: puis firent sauter du haut des murailles en terre le page qui auoit sonné la cloche. Sur ces entrefaites arriuerent Simō de Vere & les autres banquetteurs, qui extremement cholerez d'vn si cher escot ramasserent autant de gens qu'ils peurent, & tous ensemble approcherent de la citadelle pour enfoncer la porte, à quoy les partisans de Garfie & le Roy de Bachian avec grand nombre d'hommes s'opposèrent: & ainsi force fut à Simon de Vere de se retirer, laissant Garfie lequel demeura maistre l'espace de quelques iours. Les nouuelles de cest emprisonnement volerēt aussi tost es isles voisines, mesme en celle de Machian, ou estoient plusieurs des amis de Meneséz, qui quitterent tout pour venir voir que c'estoit. Simon de Vere les assembla, & se trouuerent au nombre de quarante, qui firent Vere leur

chef, promettās s'employer en toutes sortes pour affranchir Menefez, & que si Garſie demeurōit le plus fort ils ſe retireroiēt avec les Eſpagnols. Le dire & le faire fut tout vn : car apres auoir eſſayé diuers moyens, & cognu que c'eſtoit temps perdu de conteſter de paroles avec garſie, lequel on ne pourroit reprimer que par les armes, ils enuoyerent gens vers le Roy de Tidore & Fernand de la Tour Capitaine des Eſpagnols, expoſer les procedures de Garſie & demander ſecours contre luy. Le Roy de Tidore & le Capitaine Fernand deſpeſcherent ſur l'heure meſſagers expres, par leſquels garſie fut ſommé de laſcher Menefez, à peine de ſ'en repentir. Ceſte ſommation mit garſie en merueilleuſe perplexité, & du commencement il taſcha de couvrir ſon fait au mieux qu'il fut poſſible: mais voyant que Simon de Vere & les autres eſtoiēt ſur le point de ſ'en aller rendre aux Eſpagnols, & que toſt apres il auroit à ſouſtenir vne guerre, en laquelle peut eſtre luy & ſes adherans ſeroient payez de leurs mauuais deportemens: ioint qu'on luy vint dire que la flotte des Eſpagnols approchoit pour enleuer Vere & les ſiens, il baiffa l'aile, craignant le choc, & enuoya querir Vere auquel il promit relascher Menefez. Ce propos entamé fut pourſuiuy de telle ſorte, qu'ils accorderent finalement que Menefez retourneroit en ſa premiere autorité & liberté, & lairroit aller garſie avec ſes gēs, ſans les empescher en rien, toutes informations & autre pieces de proces aneanties. Apres ceſt accord garſie fit trouſſer bagage & deſlogeā bien toſt, baillant les clefs de la priſon à Vere pour deliurer Menefez, lequel indigné des torts que on luy auoit procurez, commanda ſur le champ à l'Auditeur de dreſſer vn acte des procedures de garſie en ce dernier fait, notamment de ce que durant ſa captiuité les Eſpagnols s'eſtoient emparez de l'ifle de Machian deſpourueū de garniſon, & qu'en ceſte prinſe le Roy de Portugal auoit perdu grande quantité d'eſpiceries. Outreplus il enioignit au Capitaine Botel de demeurer en la Citadelle, afin de ſeruir aux affaires de la guerre prochaine: ce que Botel refuſa tout à plat, ſe ſentant ſupporté de garſie avec lequel il ſ'ébarqua, dont Menefez ſe fit dōner vn autre acte, & deſpeſcha homme expres pour porter

ces actes en malaca au lieutenât pour le Roy de Portugal, afin de chastier Garfie, Botel & les autres qui quittoient les Molucques au besoin, & pour demander secours.

4. *Portugallois desfaits par les Mores de Longu, dont ils se vengent depuis.* En ceste mesme année, & tandis que George Capral estoit gouuerneur de Malaca, les Mores de Longu, port de mer en l'Inde haute, tuerent quelques Portugallois qui ne leur auoyent fait dommage quelconque. Capral ne voulant laisser telle audace impunie enuoya septante bös soldats en vne galere sous la charge d'Aluarez Brittio: mais ils furent desfaits & taillez en pieces avec leur Capitaine par les mesmes ennemis, & la galere emmenee à Longu. Quinze iours apres les nouuelles de ceste desfaite Martin Correa se vint rendre au port de Malaca: & pource qu'il estoit vaillant & bien experimenté, Capral le fit chef d'une petite armee nauale pour aller à Longu, ce qui fut executé, tellement qu'apres grande tuerie de Mores Longu fut prins & bruslé, la galere ramenee à Malaca. Lors Capral entendit en quelle disette de viures & de gens estoient ceux des Molucques: pourtant ordonna-il promptement vn secours pour partir au commencement de Ianuier, sous la conduite de Gonsalue d'Azeuede, auquel furent baillez deux basteaux à voile, vn brigantin & vn ionc bien fournis de viures, & de deux mille ducats de marchandise, avec cent soldats Portugallois.

5. *Premiers exploits de Sampajo depuis qu'il fut declaré Vice-roy, et la victoire que son lieutenant obtint contre les Calecutiens.* Il faut entrer maintenât en l'année mil cinq cens vingt-huit, & voir ce que fit Lopez de Sampajo apres le depart de Mascaregne. Premièrement donc il enuoya Iean Deze prendre possession de la Citadelle de Cananor, pour y commander au lieu de Menefez. Et d'autant qu'il y auoit grand nombre de paraus de Calecut en toute la coste, qui molestoient les alliez du Roy de Portugal, il pria Deze de garder ceste coste avec quelques vaisseaux le reste de l'hiuer, ce que Deze accepta, & luy furent baillez pour cest effect seize caturus & brigantins, avec vne galere sur laquelle il monta. En apres Sampajo donna charge à Martin Alfonse Melio d'aller à Zunde, afin d'y bastir vne Citadelle, ce que Melio refusa, s'excusant que ce seroit fait tort à Francisque de Sa qui auoit ceste commission: mais il fut pressé de ce faire, ayant toutesfois protesté de ne faire que ce que Francisque luy commanderoit, au

cas qu'il le trouuaſt en la coſte de Malaca. Or pource que l'on ſçauoit deſia que Francisque auoit eſté contraint retourner de ce voyage ſans aucun exploit, à cauſe de la reſiſtance du nouueau Roy de Zunde, les ſoldats ne vouloyent ouir parler de ce voyage : tellement que pour donner compagnie à Melio, le bruit fut qu'il alloit roder la coſte de Tanazarin, d'où il deuoit venir hyuerner à Paleacate. Ce faux donné à entendre amasſa quatre cens hômes en neuf nauires & quelques autres vaiſſeaux plus legers. Melio eut charge d'aller par Zeilan, afin de ſecourir le Roy qui eſtoit moleſté par vne flotte de Calecut, laquelle ſe retira ſi toſt qu'elle entendit que Melio eſtoit en mer, & demeura l'ile de Zeilan en ſon repos & trafic accouſtumé. De là Melio fit voile vers Calecare, qui eſt vn grand pays voiſin de la mer, au Seigneur duquel appartient la peſche des perles. Iceſuy, pour ſ'aſſeurer contre les Calecutiens, ſe rendit tributaire du Roy de Portugal, lequel promit par Melio fournir gês de guerre pour aſſeurer la peſche des perles cõtre tous ennemis. Cela fait, Melio mena ſa flotte hyuerner à Paleacate. Quant au Capitaine Deze il tourmenta de toutes façons les Mores allans de Calecut à Cambaje porter du poyure, & en diuerſes rencontres print quarante huit paraus & barques de Malabares, qui perdirent grand nombre de gens en ces rencontres. Non content de cela, vn iour il print terre à Mâgalor, où quelques Malabares eſtoient à l'anchre, leſquels ſ'enſuiurent auât en terre ferme, laiſſans la bourgade vuide, en laquelle les Portugallois mirent le feu : & comme ſon terme de garder la coſte expiroit, il fut aſſailli de China Cutial general de ſoixante paraus de Calecut, lequel pẽſoit deſfaire les Portugallois : mais au ioindre il en aduint autrement, car Deze & ſes gens firent tel deuoir que les ennemis furent mis en route, vne partie de leurs paraus coulez en fond, China Cutial bleſſé au viſage & à vne iambe prins priſonnier. Apres ceſte victoire, Deze fit voile à Cananor & renuoya preſque toute ſon armee à Cochim : mais pour recompenſe de ſes ſeruices Sampajo luy laiſſa China Cutial, duquel il tira groſſe rançon.

6.

SAMP AJ O ne prenoit pas plaifir de voir George Ca- *Nauigation*
ral & George de Menefez eſtablis au gouuernement de *de Pierre de*

Far à Malaca, de Simon de Soufe aux Molucques, & de Christofte Médoze à Ormus. Malaca & des Ifles Molucques par Pierre Mascaregne. Afin donc de mettre son esprit en repos il pria Pierre de Far Capitaine de la Citadelle de goa d'aller feruir en la place de Capral, dont Far s'excusa, difant l'air de Malaca luy eſtre mal ſain: toutesfois il acquieſça finalement pour complaire à Sampaio. Le gouuernement des Molucques fut donné à Simon de Soufe, la chaſtellenie à Anthoine de Caſtre, la faſturerie à Anthoine Caldeire, enſemble la Capitainerie d'une galere: & ſeptante ſoldats pour mener aux Molucques avec trente autres que Far deuoit ſournir eſtant arriué au port de Malaca. Far ſe mit à la voile au mois d'Auril del'an mil cinq cens vingthuit eſtant ſuiuy par Simon de Soufe, de la nauigation deſquels nous parlerons plus amplement cy apres. Or auant que Sampaio partit de Cochim pour aller hyuerner en l'iſle de Goa, il donna charge à Chriſtoſte Mendoze d'aller en Ormus commander en la Citadelle, & renuoya quant & luy Raix Xeraſ, abſouls de tous les cas à luy impoſez par ſentence de Iean de Soire Auditeur general des Indes, avec permiſſion d'exercer ſon eſtat de Capitaine de iuſtice de Ormus, où eſtans arriuez Iacques Melio gouuerneur de la Citadelle quitta la place à Chriſtoſte Mendoze.

7.
Courſes & exploits de Anthoine Mirade Admiral des Indes.

ANTHOINE Mirande, Admiral des Indes, eſtât party de Goa, ſit voile vers le cap de guardafu, où il arriua apres auoir eſté rudement battu d'une tourmente. Puis diuiſa ſa flotte en trois bataillons ſeparez, afin de fermer tout paſſage aux neſs des ennemis. Comme il les eſpioit de tous coſtez ſuruint vne autre tourmente qui eſcarta Héry de Macede de la flotte en laquelle eſtoit l'Admiral, tellement qu'il fut porté fort loin arriere, & vn iour de grãd matin deſcouurit vn grand gallion de Turcs, fourni de bons ſoldats bien munis, & qui cōmencerent le combat à coups de canon. Macede leur ayant reſpondu de meſme, ils approcherent les vns des autres, ſans que l'on peult iuger qui auoit l'auantage. Or ainſi que le vent ceſſa, les Turcs darderent vne lance à feu dans le gallion des Portugallois, lequel ſe print à la plus grand' voile & l'embraba: mais vn vent ſoudain ſ'eſtant leué rechaſſa ceſte lance encor ardante au gallion des ennemis, où le feu s'attacha tellement que les Turcs ceſſerent de combattre pour

estaindre cest embrasement: mais ils ne peurent le garentir, ains vne partie d'eux furent bruslez avec le gallion, quelques autres se ietterent en mer où aucuns perirent, les suruiuans furent prins. Sur ce la saison de faire courses estant passée, toute la flotte cingla vers Caxen en la coste d'Arabie, où estoient vingt voiles de mores que les Portugallois conquirent. Et pource que Mirande entendit que quelques nefes estoient en mer avec intention de passer le destroit, il retourna pour les y attendre, laissant Roderic Pereire à Caxen pour vendre vne partie du butin conquis sur les mores. Au reste, les autres nefes ne furent point descouvertes, à cause dequoy Mirande alla surgir au port d'Aden principale ville d'Arabie, lors reconcilice & nō ennemie des Portugallois, où il trouua Roderic Pereire, auquel le gouverneur fit entendre que le Roy estoit absent, & que les Turcs luy auoient fait quelque dommage, puis apres la mort de Solciman s'estoient retirez en l'isle de Camaran. Sur cela fut consulté, si on iroit les trouuer, dont les capitaines ne furent d'avis, pource que la nauigation estoit perilleuse: ains qu'il faisoit seulement enuoyer vn catur qui pourroit passer aisément & sauoir de leurs nouuelles. Le grand pilote de l'armee y fut enuoyé: mais à cause des vents contraires il luy fut impossible de passer, & en chemin print deux barques de Mores, desquels il entendit qu'il luy auoit trois mil cinq cens Turcs en l'isle de Camaran. Mirande entendant ces nouuelles trauersâ la mer depuis Aden iusques à Zeilaville d'Ethiopie pres de la mer, laquelle estoit desnuée de gens, & y mit le feu, puis alla au port de Mazcate, où il laissa l'armee sous la charge d'Anthoine de Sylues, & se retira en Ormus pour y passer l'hier.

TANDIS que Mirande seiournoit en Ormus lon vëdit le butin des nefes Arabesques, lequel monta à soixante mille ducats: puis Mirande s'embarqua le vingtdeuxiesme iour d'Aoust pour aller vers Diu faite ses courses sur les ennemis. Mais il trouua la mer si courroucée que force luy fut se retirer à Chaul, où tous les autres Capitaines le suiurent, exceptez Anthoine de Sylues & Henry de Macede qui tindrent bon. Or comme Mirande approchoit du port, vn vent de trauers leuë soudain donna de

8.

Prinse de Iacques de Mexique et d'autres Portugalois pressés et tourmentés pour abiuver le Christianisme.

telle furie parmy sa flotte, que Lopez de Mezquite capi-
 taine d'un gallion fut chassé iusques pres de Diu, & ren-
 contra vne nef d'ennemis au nombre de deux cés bien e-
 quipez. Lopez maugré les vagues, & quoy qu'il n'eust
 que trente soldats, vogua droit à ceste nef, l'acrocha, puis
 saute dedans avec quelques autres, & commence vne es-
 crime merueilleusemēt hazardeuse: car outre le combat
 des hōmes, la tourmente faisoit entreheurter la nef & le
 gallion ainfi acrochez, de telle roideur que l'un cassoit
 l'autre, & cōmençoient tous deux à puiser, prests à cou-
 ler en fond, si les guinenes ne se fussent rompues, telle-
 ment que le gallion fut poussé d'un costé & la nef de l'aut-
 tre, Lopez demeurant avec ses gens dedans la nef, sans
 pouuoir estre secouru de ceux qui restoyent au gallion,
 à cause de la fureur des vents & des vagues. Lors voyant
 que le moyen d'eschapper estoit de vaincre & de mourir,
 il prit tel courage qu'apres grand meurtre d'ennemis,
 les suruiuans blesez pour la pluspart se rendirent à sa
 mercy. S'estant asseuré d'eux, il fut question d'empes-
 cher que la nef ne perist & ne noyast victorieux & vain-
 cus tous ensemble. Lopez voyant le danger, recueillit
 tout l'or & l'argēt qui estoit en la nef, & fit entrer Iacques
 de Mezquite son frere au basteau de la nef avec seize au-
 tres afin de sauuer cest argent: puis on essayeroit de re-
 medier à la nef s'il estoit possible. Les seize embarquez
 avec Iacques de Mezquite voyās que lon ne pouuoit es-
 puiser l'eau que faisoit ceste nef, en quelque sorte que ce
 fust, desesperēt de la pouuoir sauuer, & d'autre part se iu-
 gerēt perdus, pource que si ceux de la nef sautoient dās
 le basteau ils le feroient perir, estant trop petit pour tant
 de gens. Aimans donc mieux leurs vies que celles d'au-
 trui, ils tascherent se sauuer auant qu'attendre si la nef
 periroit ou nō, nonobstant les remonstrances de Iacques
 de Mezquite, qui les prioit de patienter encores vn peu.
 Mais ils tomberent de sieure en chaud mal, comme
 on dit: car pensant gagner le port de Chaul ils trouue-
 rent la flotte de Diu, qui prit le basteau & mena Mez-
 quite avec les seize à Diu, d'où ils furēt enuoyez au Roy
 de Cambaie, lequel, bien ioyeux de tel present, sollicita
 Mezquite d'abjurer le Christianisme, avec promesses

de le faire grand. Mezquite ne voulant s'accorder à telle demande fut gehenné en diuerſes façons, & finalement attaché à la bouche du canon, pour eſtre brisé par morceaux: toutes fois il demeura ferme, detestant tousiours l'impieté de Mahumet. Ce que voyans les seize autres ils prindrent courage à son exemple, & ne voulurēt se faire Mahumetistes. Ceste constance des Portugallois mit le Roy de Cambaie en telle cholere qu'il fit reserrer estroitement tous ces prisonniers, & de fois à autre les faisoit torturer cruellemēt & tremper en telle misere qu'ils moururent les vns apres les autres, perseuerans neantmoins de bonne volonté en la professiō du Christianisme. Quāt à Lopez de mezquite resté dedans la nef, & lui & ses gens s'employèrent si heureusement qu'ils surmonterent l'effort de l'eau, & gagnerent le port de Chaul: puis des deniers preuenans de la vente des marchandises estans en la nef furent payez les soldats de l'armee, & demeura pour le Roy la somme de soixante mille ducats.

HENRI de Macede, qui estoit demeuré durant la *Rencontre* de tourmente à la pointe de Diu, gouuerna si dextrement la *flotte* de son gallion nommé le Zamorin, qu'il maistrisa les *va-Diu Et du* gues: & cōme la mer commençoit à se rendre bonasse, *gallio de Hē-* tâcha de se retirer. Mais il fut descouuert & inuesti par *ri de macede,* trente trois fustes de Diu conduites par un vaillant capitaine nommé Halissa, lequel commença à battre furieusement de plusieurs pieces. Cōbien que Macede fist iouer les siennes, ce n'estoit pas avec tel succes: car d'autant que les fustes estoient basses, leurs coups donnoient à fleur d'eau, & percerent le gallion en tant d'endroits, que sans secours d'ailleurs il perisoit avec tous ceux de dedans, ayant les masts rompus, les verges & voiles despees, brief tout son equippage fracassé. mais Anthoine de Sylues, capitaine du gallion nommé les trois Roys, ayant ouï le bruit de l'artillerie se douta que c'estoit & vint au secours. Al'approcher du Zomarín il fit tirer quelques volées de canon, & sonner les trompettes, ce qui fit penser à ceux des fustes que l'Amiral des Indes venoit contre eux avec toute sa flotte, & se donnerent telle peur qu'ils s'en fuirent laschement, & contraignirent leur general d'aller apres. Sylues presumant à peu pres pourquoy ils se

retiroient, suinit, les batât du canon: ce que voyant Halissa fit teste, & d'un coup de mousquet tua de son vaisseau Sylves fut renuersé mort, ce qui fit cesser la poursuite aux Portugallois, lesquels se retirerent à l'endroit où ils auoyent laissé le capitaine Macedo. Halissa pensant que ce fust vneruse pour l'attirer, ne voulut s'auancer, ains s'en alla apres les fustes, au lieu que s'il fust retourné, les deux gallions estoient perdus: mais ayans eschappé tel danger ils gaignerent le port de Chaul, puis firent voile avec l'Amiral iusques à Goa, où ils mouillerent l'ancre sur la fin de Septembre, & rendirent compte à Sam-pajo de tout ce qui leur estoit auenu.

10

*Ce qui auint
entre Gonsal-
me Azuenede
& Hérriquez
au l'isle de
Bandan.*

A v mesme temps, le capitaine Mendoze, gouverneur de la citadelle d'Ormus, desirant auertir le Roy de Portugal que les Turcs ne pouuoient encore venir es Indes, & luy donner auis d'autres choses touchant son seruice tant en Ormus qu'en l'Inde basse, resolut d'y enuoyer par terre, & choisit pour cest effect vn Portugallois nommé Anthoine Ternier, habitant d'Ormus, lequel auoit fait le voyage de Perse avec Balthasar Personne, & allant de là en Ierusalem estoit tombé es mains des Turcs qui l'auoyent mené au Caire, où il fut racheté: puis fit voile du Caire iusques en Cypre pour gaigner Portugal, mais il changea d'opinion, & retourna en Perse par vn chemin de deserts, assez estrange & bié long, lequel toutes fois il marqua soigneusement, avec la conoissance qu'il auoit du langage Persan. Mendoze luy communiqua son desir & les occasions d'un tel voyage, ce que Ternier entreprint alaigrement, apres auoir touché quelques deniers pour sa despence, & lettres de benque pour en receuoir ailleurs & y negotier selon la commodité. Il partit d'Ormus le vingtiesme de Septembre, & alla par mer iusques à Bazole ville d'Arabie au bout du goulfe de Perse, trente lieues au dessus de l'Euphrate: & fut six semaines en ce chemin à cause des vents contraires. Il demeura vingt iours à Bazole, pource que la carauane avec laquelle il pensoit aller iusques à Damas estoit partie. Le gouverneur de la ville ne vouloit pas luy bailler vne guide pour trauffer le desert qui est entre Bazole & Alep, disant que deux hommes sans plus ne s'estoyent iamais

hazarder à faire vn si grand chemin, de peur d'estre deuorez par les bestes sauuages, & que personne ne se fourroit en ce desert qu'avec compagnie de plusieurs centaines d'autres. Neantmoins Ternier estoit tousiours apres le gouuerneur, afin d'obtenir son congé & guide. Le gouuerneur estonné de ceste resolution, luy donna vn pilote pour le cōduire: car en ce chemin les voyageurs se gouuernent par les vêts comme les matelots sur mer, pour ce qu'il n'y a sentier ny maison quelconque, fors deux petis chateaux où les Arabes se retirent au retour de leurs courses. Ternier & son pilote deslogerent au cōmencement de Nouembre, à deux heures apres minuiet, pour n'estre point descouverts, monter chacun sur vn dromedaire (beste de charge, dispostes pour expedier chemin, de petite despence & de grand traual) & portoyent leurs prouisions pour vn moys. Ils entrerent en ce grand desert où lon ne voyoit que des Tigres, Lyons, Ours & semblables animaux, desquels ils s'elongoynent aussi soigneusement que des coureurs Arabes, qui voltigent par ce desert pour destrousser les passans, estans ces escumeurs de terre les plus grands voleurs du monde. Apres auoir cheminé trois semaines entieres, ils furent assaillis de deux lions, dont les dromedaires s'effaroucherent iusques à courir plus de deux lieues sans s'arrester, tellement que celuy de Ternier se tordit l'vn des pieds, & furēt cōtrains s'arrester six iours pour guerir leur monture, en fin desquels l'eau douce leur faillit: mais en recompense ils arriuerent pres d'vn gros village d'Arabes, bien arrousé de fontaines, & peuplé de palmiers, où ils se rafraischirent, & y trouuerent vne carauane preste à partir pour aller à la ville d'Alep, qui est au bout de ce desert. Ternier se mit en ceste troupe, & son pilote retourna avec ses deux dromedaires à Bazole. La carauane se mit incontinent en chemin, & fit quarante lieues auant que sortir du desert, puis entra au territoire d'Alep, qui est vne vile close, peuplée d'Arabes suiets au Turc. En celieu Ternier pensoit trouuer vn riche marchand Venitien mōmé André, auquel il portoit lettres de change pour recouurer argent, mais iceluy estoit lors à Constantinoble, & salut à cause de l'hiuer que Ternier seiourna la pres de

deux mois, en fin desquels il se mit avec vne carauane qui alloit à Tripoli de Surie, où estant parueni il s'embarqua & fit voile en l'isle de Cypre, & apres beaucoup de trauerses gaigna l'Italie d'où il s'achemina par terre iusques au royaume de Portugal, & y arriua sain & saul en la cour du Roy, auquel il presenta ses lettres & fit ample discours de son voyage au grand esbahissement de tous. Aussi estoit il le premier qui auoit fait ce chemin par terre avec vn seul pilote: & ce pendant il prouua par viues raisons au conseil du Roy, que lon pouuoit aller aisement par terre en trois mois depuis Portugal iusques en Ormus.

II.
Ce qui auint
entre Gōsalue
Azeuede &
Garsie Hēri-
quez en l'isle
de Bandā.

Il a esté dit ci dessus que George Capral gouuerneur de Malaca auoit commandé à Gōsalue d'Azeuede de mener secours aux Molucques. Azeuede s'embarqua sur le commencement de Ianuier l'an mil cinq cens vingt-huit, & alla surgir en l'isle de Bandam, où il trouua Garsie Henriquez, arriué peu de temps au parauant, & qui auoit dressé vne barriere en l'enclos de laquelle il s'estoit logé. Quelques iours apres suruint Vincēt de Fonseca avec lettres de Meneséz & les actes dressez contre Garsie, lequel fit vn ample discours au capitaine Azeuede de tout ce qui estoit auenu en la citadelle de Ternate, luy cōseillant d'arrester Garsie & ses gens, & s'emparer de leur vaisseau. Quant à l'emprisonnement Azeuede en fit refus, biē promit il de se saisir du vaisseau quand il en seroit temps, Fonseca voyant cela, voulut enuoyer à Malaca les lettres & actes, par certains Portugallois qui deuoient partir bien tost: mais eux sçachans que c'estoit le procès de Garsie, lequel se trouueroit en personne aussi tost qu'eux en Malaca, ne s'en voulurent point charger: tellement que Fonseca les reporta à Meneséz. D'autre costé, Garsie se douta incontinent de l'occasion de ceste venue de Fonseca, & craignit qu'Azeuede ne cerchast les moyens de l'empoigner. Manuel Faucon logé avec Garsie, ayant mesme soupçon, se retira vistement au logis d'Azeuede, estimant qu'il eust commission expresse de Meneséz de les saisir tous, & se repentant d'auoir laissé les Molucques où il vouloit retourner, conseilla Azeuede d'emprisonner Garsie & luy oster son vaisseau. Azeue-

de faignit trouuer bon cest auis, & là dessus Faucon fit courir le bruit que Garfie seroit bien tost prisonnier & perdrait son vaisseau. Garfie n'apprehendoit aucunement la prison, ayant auis contraires par les espions qui estoient autour d'Azeuede: & quant à l'atrest du vaisseau, cela luy sembloit impossible, pource qu'il y auoit grande quantité d'espicerie pour le Roy. Or Azeuede afin en cest endroit garfie & ses espions quant au vaisseau, tenant son intention si secrette qu'homme viuant n'ensentit vent quelconque iusques à l'execution. Estant prest de partir, il alla par terre dire adieu à garfie, lequel l'accompagna iusques au basseau. Lors Azeuede eslongné de terre tira droit vers le vaisseau de garfie, lequel creut alors ce qu'on luy auoit rapporté. Tost apres vint vn messager de la part d'Azeuede demander à garfie les voiles de ce vaisseau que lon auoit portees en la barriere: & pource que Garfie en fit refus, Azeuede se saisit du ionc d'iceluy, dedans lequel y auoit la somme de quatorze mille ducats en deniers monnoyez & d'auantage. Cela fit enuoyer les voiles bien promptement: mais, pour contremine, Garfie escriuit au patron du vaisseau & à quelques autres siens amis qu'ils donnassent ordre de partir les derniers & puis faignissent estre empeschez à radoubier quelques pieces de leur equippage: afin qu'Azeuede, qui auoit vent en poupe, s'elonnast tellemēt que garfie peust aller rescourre son vaisseau. Manuel Loup, qui tedit les voiles & porta les lettres, s'estât retiré à Bandan, Azeuede fit Roderic Figueire capitaine de ce vaisseau, puis haussa les voiles, estât suivi des autres capitaines de sa flotte. Figueire demouroit derriere, à cause que le patron vouloit executer le mandement de garfie, & faisoit fort de l'empesché à bien agencer son fait: mais appareceuant venir quelques paraus de Bandan, & se doutant de la menee, fit signe à Azeuede de venir au secours. Incontinent, Azeuede conūt que cela vouloit dire, & s'approchans luy & Manuel Faucon qui commandoit en vn des basseaux de la flotte firent lascher quelques voiles de canō cōtre les paraus, dōt ils tuerēt deux mariniers, & rōpirent la iābe à Manuel Loup qui vogueoit des premiers. garfie perdāt lors toute

esperance de rauoir son basteau se retira en son logis, & Figueire suiuit la route des autres.

12

*Aluarez Sa-
iauedre capi-
taine Espa-
gnol desait-
les Portugal-
lois es Moluc-
ques & em-
meine leur
galliotte.*

C n pendât Menefez estoit en grâde perplexité : car Fernand de la Tour, les Roys de Tidore & de Gilolo, sçachant que Garfie auoit laissé la citadelle de Ternate mal fournie de viures, de gens, & de munitiōs de guerre, resolurent ensemble de presser les Portugallois plus que deuant, sur tout le Roy de Gilolo qui vouloit conquerrir quelques terres occupees par les Portugallois, & tenoit vne armee prestte pour couper les viures à ceux de Ternate, lesquels cōmençoient à auoir faim. Sur ces entrefaites arriua à Tidore vn basteau d'Espagnols sous la charge d'Aluarez Sajauedre, lequel estoit party de la nouuelle Espagne avec trois vaisseaux (dont les deux se perdirēt en chemin) afin d'aider à ceux de Tidore. Il ne fut que trois moys sur mer, à cause des courâtes impetueuses qui sont entre la uouuelle Espagne & les Molucques, & aussi à raison des vêts qui donnent tousiours en poupe. Les Espagnols furent merueilleusement resiois de l'arriuee de Sajauedre, & sur tout de ce qu'il auoit si peu tardé : s'assurans que par le moyen de nouueau secours qu'ils pourroyēt receuoir en peu de tēps, ils chasseroyēt les Portugallois & s'empareroyēt de leur citadelle. Tost apres dōc, les Roys de Tidore & de Gilolo delibererent entrer à main armee en l'isle de Montel, les seigneurs de laquelle estoient vassaux du Roy de Ternate. Iceux ayant demandé secours à Cachil & à Menefez, Cachil dressa son armee avec laquelle il se mit en mer, & Menefez enuoya Fernand Baldaje avec trēte Portugallois en la galliotte neufue : ce qu'entendu par le capitaine Fernand il despescha Sajauedre & trente Espagnols en sa galliotte. Ces deux galliottes se recōtrerent le quatriesme de May, & vindrent aux mains, tellement qu'il y eut huit Portugallois tuez d'vne part, & cinq Espagnols de l'autre : mais Eernand Baldaje ayant esté renuerlé mort, les vingt deux qui restoyēt en sa galliotte se rendirēt à Sajauedre, qui les ammena avec leur vaisseau au port de Tidore, où il fut receu en grand'ioye, & de là en auant les Espagnols tindrent pour certain que les Portugallois estoient en leurs mains, comme il y en auoit aussi grande apparence,

Menefez n'ayât que cinquante hommes de reste en la citadelle. Cachil despiré de ceste rencôtre, en laquelle il auoit failli de se trouuer, laissa son armee à Montel, & se retira en l'isle de Ternate.

Ce dernier accident avec la disette de viures & peu de soldats reduisit Menefez à l'xtremité: & comme il estoit sur le point de quitter tout, Vincent de Fonseca arriva le huitiesme iour de May, lequel apporta nouuelles du grand secours qui le suiuoit de pres, sous la charge de Gonsalue d'Azeuede. Les Espagnols ayans entendu ces nouuelles, estimans tousiours demeurer victorieux enuoyerent Sajauadre avec les deux galliottes, vn brigantin & l'armee du Roy de Tidore, pour desfaire Azeuede & l'amener avec tous les siens, côme il auoit fait les vn gt deux autres. Cēpédant Azeuede alla mouiller l'ancre au port de Bachian, sceur du Roy de l'isle tout l'estat des affaires, & laissa illec Manuel Faucon mal voulu de Menefez, iusques à ce que la paix fust faite. Poursuinât de là sa route vers Ternate, il descourrit la flotte des Espagnols, & incontinent fit leuer les banderolles en tous ses vaisseaux en signe d'allegresse, & pour monstrier qu'il ne craignoit Sajauadre ni ses troupes. Aussi Sajauadre n'osa venir aux mains, ains laissa passer Azeuede, lequel pour despiter encores dauâtage les Espagnols fit sonner toutes ses trompettes côme sa flotte voguoit vis à vis de la leur, & s'en alla surgir au port de Talagame en Ternate, & se rendit en la citadelle, où il fut recueilli en grād'ioye par Menefez, lequel l'establit tout à l'heure chancelain majeur & general de la mer, en vertu d'ynes lettres du Viceroy des Indes, lesquelles il exhiba en entrant. Or apres qu'Azeuede eut entēdu plus particulièrement les dōmages receus en ceste guerre, il cōseilla Menefez de pacifier avec Fernād, ce que Menefez approuua, pourueu que son honneur demeurast sauf. Lors Azeuede obtint vn sousconduit, & enuoya vn gentilhomme faire diuerses remoustrances à Fernand pour entrer en accord, dont il luy presenta les articles qui s'ensuiuent. Asçauoir que George de Menefez estoit content de traiter vne bonne & ferme paix avec Fernād, en laquelle les Roys de Tidore & de Gilolo seroyēt compris: à condition

Gonsalue de Azeuede fait voile en l'isle de Ternate, & ce qu'il negotia pour accorder les Espagnols et Portugalois ensemble.

que les prisonniers seroyent renuoyez sans rançon de part & d'autre : que les Espagnols rendroyent la moitié de l'isle de Machian appartenant au Roy de Ternate, de laquelle ils s'estoyent emparez durant ceste guerre : que Fernand promettoit sur sa foy de ne donner secours aux Roys de Tidore & de Gilolo s'il vouloyét courir sus aux Portugallois : que les soldats de parti & d'autre pourroyent aller & venir où bõ leur sembleroit en ces isles, avec le congé de leurs capitaines : que Cachil Doroes & le Roy de Bachiã demeureroient amys des Roys de Tidore & de Gilolo. Le gentilhomme qui portoit ces articles eut charge, en cas de refus, de protester contre Fernand de tous despens, dommages & interets, que l'Empereur & le Roy de Portugal pourroyent souffrir à raison de ceste guerre. Fernand accorda tous les articles, fors celui de la redditiõ de Machian, disant ne le pouuoir passer sans la licence de l'Empereur, à qui ceste isle appartenoit : & apres auoir respondu aux protestations renuoya le gentilhomme, tellement que ceste negotiation ne seruit de rien.

14
Pratiques des
Portugallois
et Espagnols
pour s'entre-
tenir en guer-
re.

A ZEUEDE & quelques autres estoyent d'auis de laisser cest article de Machian, & faire signer les autres, à quoy Menesez ne se voulut ranger : & conoissant qu'Azzeuede n'estoit fort eschaufé à la guerre, il resolut d'enuoyer querir secours de gens, de viures & de marchandise pour le trafic, tant en l'Inde basse, qu'en Malacca, ensemble le proces contre Gasie, afin de le faire saisir prisonnier auât qu'il gaignast le royaume de Portugal, Simõ de Vere eut ceste commission, & s'embarqua dedans le vaisseau que l'on auoit prins à Gasie en l'isle de Bandan, lequel estoit chargé d'espiceries. Mais vne tourmente le chassa pres de l'isle de Mindanao (qu'aucuns estiment estre l'un des Baruffes) où luy & tous ses gens perirent, tellement que depuis lon n'ouit aucunes nouuelles d'eux ny du vaisseau. Fernand de la Tour sçachant que Vere estoit parti pour amener secours de Malaca & de l'Inde, conclud que menesez vouloit estre maistre entierement : & combien qu'il eust assez d'Espagnols & autres gens pour se defendre, neantmoins il delibera, par l'auis des autres capitaines, de demãder renfort au

Viceroy de la nouuelle Espagne, & des maçons pour bastir vne citadelle. Sajauedre eut ceste commission, & s'embarqua dedans sa galliotte, menant avec soy, pour tesmoignage de la conqueste de l'autre galliotte de Meneséz, quelques vns des vingtdeux qui y furent prins, à sçauoir Fernand Romero patron, Jacques Ribier Comite, & vn secretaire de la citadelle : item Simon Patalin & Bernard Cordeire, qui auoyent pris le parti des Espagnols, & sollicité qu'on les laissast aller avec Sajauedre. Ils s'embarquerent le quatorzième iour de Iuin, & estans à huit vingts lieuës loin de Tidore, Patalin, Romero, & les autres Portugallois cōploterēt de brusler la galliotte, afin de rompre le coup de Sajauedre: mais n'yans assez aisé moyen d'exécuter cela, ils desfroberent le bateau & quatre esclaves, puis tournerent vers Ternate en telle diligēce que Sajauedre ne les pūt attrapper. Combien que ceste perte l'incommodast grandement, toutesfois il poursuiuit sa route. Quand à Patalin & aux autres, ils allerent errant d'isle en isle avec grand travail & misere, & furēt cōtrains laisser trois d'entre eux fort malades en vne isle bien loint de Ternate. Patalin & Romero poursuiuirent avec les quatre esclaves, & arriuerent à l'isle de Garmelin appartenant au Roy de Tidore, où ils furent recōnus pour Portugallois & réuoyez prisonniers à Tidore. Fernand sçachant qu'ils estoient partis avec Sajauedre se douta de quelque trahison, & leur fit dōner si roide trait de corde qu'ils confesserēt la verité: à raison doquoy Patalin eut la teste trāchee & Romero fut pēdu. Quant à Sajauedre, apres auoir esté battu des vents & courantes fort long temps, il fut contraint regaigner Tidore, où il se rendit au moys de Nouēbre. On remit sus alors la negociation de paix, mais sans rien resouldre, pource que Fernand ne vouloit rendre la moitié de Machian : ce qui despitoit extremement Meneséz, se voyant ainsi enserré. Il eust volontiers assailli la ville de Tidore, mais Azeuede reculoit. & retenoit les gēs de guerre, disant n'estre venu aux Molucques que pour le trafic des espiceries: à quoy aussi les soldats s'accordoyēt, sans se soucier de Meneséz, lequel n'osoit demander personne pour luy tenir cōpagnie, ains s'assuiettissoit à Aze-

uede, craignant d'entrer en querelle & esmouuoir quelque sedition. Il suiuit donc autre chemin, & fit tant par gracieuses remonstrances, qu'Azeuede poussé de honte tint compagnie à Cachil Daroes, pour aller faire la guerre en l'isle de Machian : mais il ne fit qu'aller & venir, sans rien exploiter, & depuis ne voulut bouger de Ternate iusques à ce qu'il salut s'embarquer pour le retour, se contentât d'auoir fait vne leuce de bouclier, côme on dit, & rien d'auantage. Mesmes afin de n'en estre plus importuné il remit la chastellenie & l'estat de general es mains de Menesez, aussi n'estoit-il propre qu'à entasser des sacs d'espicerie & faire trafic. Menesez establit en son lieu Lionel de Leme, & pour l'encourager à son deuoir, luy fit toucher prôptemēt les gages de l'annee commençât : mais il se porta encores plus mal qu'Azeuede. Vne chose seruit à Menesez à sauoir que les Espagnols craignans que les Portugallois (qui estoient en plus grand nombre qu'eux) ne les surprinsent en quelque endroit, faisoient la guerre assez lentement & donnoient des trefues de fois à autre.

DRONS maintenant ce qui auint à Martin Alfonso

*Navigation
de Martin
Alfonse Me-
lio à Zunde,
ses trauerses &
auantures e-
stranges, &
son retour en
l'Inde basse.*

Melio, qui auoit charge d'aller à Zunde pour y bastir vne citadelle. Tandis qu'il hyuernoit à Paleacate, l'on sceut en Inde le secret de ce voyage, dōt furēt incontinēt auertis quelques vns de sa flotte, & de main en main tous les soldats (qui ne pensoient nullement à si fascheux voyage) receurent ce pacquet. Incontinent tous commencēt à murmurer, & dire qu'on les auoit trompez : aucuns s'escarterent çà & là pour ne point aller à Zunde, les autres conspirerent ensemble de mettre le feu es vaisseaux, ce qu'ils executerent tost apres, & si Melio n'eust esté diligent, il demeureroit à terre. Au reste, il ne pūt iamais descouvrir les boute-feux : bien entendit-il de la bouche mesmes de plusieurs, qu'ils estoient deliberez le quiter : pourtant les retint-il prisonniers & confisqua les biens des fugitifs. Il passa ainsi l'hier, & sur le printemps entendit qu'entre Bengala & Pegu couroyent quelques fustes de Turcs, pourtant se mit il à la voile, & pour les attendre alla sargir à vne isle appelee Negamele à l'opposite d'Arcan. Mais vne tourmente suruint qui es-

carta toure le flotta, tellement que Melio demeuré seul, son vaisseau eschoua, où lui & les siens se trouuerent en des dangers fort grands, & finalement furent contrains gaigner terre en vne barque & laisser leur vaisseau avec quelques esclaves, lequel fut finalement couuert de sable & englouti des ondes. Melio ayant encouragé ses gens au moins mal qu'il lui fut possible, leur persuada de voguer au long de la coste pour voir s'il descouuroident point les autres vaisseaux, afin de se retirer dedans, & que si personne n'apparoissoit, ils iroyent iusques à la ville d'Aracan, le Seigneur de laquelle estoit ami des Portugallois, puis de là se retireroient en l'Inde basse. Suiuant cest auis ils voguerent deux iours pres de terre, sans oser manger de leur biscuit, dont ils auoyent quelque quantité, à faute d'eau douce: mais en fin ils descouuroidrent vn village assez auant en terre, où Melio enuoya incontinent deux hommes, afin d'apporter de l'eau, s'ils en pouuoient recouurer. Ces deux estans pres du village apperceurent quarante Indiens, qui les environnerent & menierent par force plus auant: sans que Melio ni les siens y courussent, estimans qu'on menoit ces prisonniers à la fontaine. Comme on attendoit leur retour la mer se print à bruire comme deuant, à cause dequoy plusieurs vouloyét à toute force que lon print terre en ce lieu, ce que Melio ne trouuoit aucunement bon, alleguât puis qu'ils n'auoyent aucunes armes, & que les Indiens de ces quartiers estoient pauures, il falloit s'attendre de mourir là, qu'au contraire allans à Aracan ils pourroyent trouuer quelque riuere d'eau douce, & l'vn des vaisseaux de la flotte, ioint que le Seigneur d'Aracan n'oseroit leur faire tort, quand mesmes il en auroit enuie, ayant beaucoup à perdre: & que les deux enuoyez en terre ne retournans point, c'estoit mauuais presage pour les autres, s'ils vouloient les aller chercher. Ils estoient soixante quatre personnes dans ceste barque, laquelle de tous coups sembloit deuoir couler en fond à cause de sa charge: toutesfois Melio leur remonstra tellement le danger & l'autorité qu'il auoit sur eux, que l'affaire estât remis à en deliberer entre les principaux de la compagnie, fut resolu que lon feroit la volonté du gene-

ral, lequel ayant entendu vne partie du iour & voyant que les deux ne retournoient point, continua de voguer pres de terre, n'osant descendre à cause que lui & ses gens auoyent perdu leurs armes avec le grand vaisseau. Quant aux deux, qui estoient descendus en terre, ils trouuerent moyen d'eschapper, & apres beaucoup de trauaux gaignerent l'Inde basse. Comme Melio costoyoit le riuage, il descourut vn fleuve qui s'engoulfoit en la mer, & enuoye promptement quatre hommes pour apporter vne grande cruchee d'eau. Ainsi qu'ils la puisoyent au fleuve suruindrent deux habitans du pays portans vn pot plain de riz cuit & encores chaud, que les quatre acheterent, & en firent present avec leur cruche d'eau au general Melio & à la compagnie. Encores que tous refusassent prédre du riz, si est-ce que Melio en fit part à chascun, & alla-on par plusieurs fois querir de l'eau douce: tellement que tous furent rassasiez, & emporterent leur cruche pleine. Pour la faire durer, Melio trempoit vn baston spongieux dedans, & le faisoit succer à chascun à certaines heures du iour, & le reste du temps ils tenoyent des boules de fer en leurs bouches pour empeschier la soif, mangeans quelque morceau de biscuit pour se sustanter. Ils voguerent en telle diette l'espace de cinq iours, en fin desquels ils se trouuerent pres du port d'Aracan: en laquelle Melio ne vouloit entrer, craignant tomber es mains du gouuerneur qui n'amoit point les Portugalois. Afin donc de tirer les gens plus loin de là sans nul desordre, il les pria d'aller tous ensemble en quelques islettes voisines, pour voir s'il descouueroient point quelques vaisseaux de leur flotte: ce qui fut trouué bon, mais ils cuiderent perir en chemin à cause des vagues dont leur barque se remplissoit, toutesfois ils gaignerent vne isle à la rade de laquelle furent trouuez deux sacs de biscuit tout mouillé, vne quaiße de bois plaine de hardes, laquelle seruit à refaire la barque. Ils conurent à ces enseignes qu'aucuns de leurs vaisseaux auoyent fait naufrage: ce pendant ils descendirent en l'isle, estroite & de forme ronde, en laquelle ils trouuerent vn lac d'eau amere & de plus fascheuse odeur que celle de la mer. Plus loin y auoit vne sorte de feues & quelques autres legu-

mes dont les plus affamez se hastèrent de manger: mais cela les fit tant vomir que la plupart en furent grièvement malades, qui n'auoyent autre liêt pour reposer que le sable. Durant la nuit, la Lune estât au plain, quelques vns que la faim & la tristesse ne laissoyent dormir, virent sortir de l'eau vne tortuë grande comme vne rondelle de guerre, & l'ayans prinse la porterent à Melio qui la fit despecer, & luy trouua-on plus de deux cens œufs au ventre, qui seruirent de medecine & nourriture à chascun malade, estans ces œufs cuits en vn pot sur le feu, & acoustrez comme le temps & le lieu permettoit. Ils rostirent & fricasserēt la chair de la tortue, se repaissant de ceste viande avec du biscuit. Le lendemain ils prindrēt vne autre tortuë, qui auoit encores plus d'œufs que la premiere, tellement que les malades furent remis sur les pieds. Alors estant question de se resoudre à gaigner quelque port, Melio descouurit franchement son cœur pour le regard d'Aracan: & fit en sorte que tous accorderent d'aller à Chetigan, ville & port de mer au royaume de Bengala, assez proche de leur isle, qu'ils y seroyent bien recueillis, à cause que les marchans du lieu trafiquoyent Calcut, & auoient besoin de l'amitié des Portugallois. En trauersant la coste ils surgirēt en vne isle où il y auoit grand' planté de palmiers, & ne voyans aucunes maisons approcherent de terre, & se rafraichirent illec deux iours entiers avec le reste de leur tortues, quelques œufs, du biscuit: des dattes & de l'eau douce qu'ils y trouuerent. Deux mariniers dormoyent de nuit dans la barque, & Melio se leuoit par fois pour faire le guet, & empescher que quelques soldats ne s'enfussent avec, & laissassent les autres en l'isle. Comme Melio alloit à la garde durant la seconde nuit il trouua deux almadies pres de terre, pensant que ce fussent courfaires qui volussent enlever sa barque, se print à crier à l'aide: tellement que les pescheurs estans en ces almadies s'eloungnerent de terre, & commencerent à parler en langage du pays. Melio leur fit demander par vn Portugallois qui auoit demeure au royaume de Bengala, & scauoit la langue, ils estoient bien pres de Chetigan. Eux ayans respondū, Melio leur donna vne somme d'argent pour l'y

mener avec sa troupe, ce qu'ils promirent: mais ils men-
toient, car la ville prochaine se nommoit Cuqueire, en
laquelle commandoit vn puissant seigneur More, appel-
lé Codauaz Can, vassal du Roy de Bengala. Sur le matin
les deux almadies & la barque se trouuerēt en vne rui-
re sur laquelle les pecheurs voguerent iusques à la nuit.
& lors ils sauterent en terre, & firent dire à Melio, qu'ils
alloient auertir le gouuerneur de Chetigan de la venue
des Portugallois; lesquels ils asseurerent d'estre fort pres
de la ville. Ces pescheurs ne retournerent pas depuis:
bien coururent-ils iusques à Cuqueire proche de là, &
dirent à Codauaz Can ce qu'ils auoyent fait. Luy bien
ioyeux de rencontrer telle gens pour s'en seruire en vne
guerre contre vn sien voisin, leur enuoya dire par vn sien
seruiteur, qui parloit le langage de Portugal, qu'ils se
resiouissent ayans trouué vn seigneur bon ami de leur
Roy. Ce seruiteur ne pouuant descourir la barque à cau-
se de la nuit, prononça son message si haut que Melio
l'entendit ce qui l'asseura & resiouit grandement. Dés le
point du iour Codauaz Can monte à cheual suiuy d'v-
ne grosse troupe de pietons armez à la mode du pays,
avec diuers instrumens de guerre qui sonnoient en si-
gne d'esiouissance. Les Portugallois voyans tant de mō-
de penserent qu'on les venoit saisir prisonniers, & par l'a-
uis de Melio mesme voguerent contre-mont pour regai-
gner la mer. Les soldats de Cadauaz Can voyans ceste re-
traite soudaine, commencerēt à courir droit à la barque,
la costoyans & crians quel on print terre. Or pource que
les Portugallois se monstroyēt de cōtaire auis, les autres
se prindrent à descocher fiesches & ruer des pierres pour
les faire ranger. De l'autre costé de la ruiere apparurent
des payfans avec leurs femmes & enfans qui tenoyent
mesme contenance, tellement que des deux costez on
n'oyoit que des hucces estranges contre les Portugallois,
auxquels le malheur seruit lors de quelque chose: car leur
barque rencontrant de la vase s'arresta tout court, & salut
lors que Melio dressast vne banderolle en signe qu'il cer-
choit la paix, & à haute voix pria ce peuple de demeu-
rer coy & vouloir sauuer la vie tant à lui qu'à sa compa-
gnie. Mais force fut à tous de gagner le bord à nage:

quoy fait Melio alla incontinent trouuer Codauaz Can, lequel d'une face riant le pria ne prendre à la mauuaïse part ce qui estoit auenu ce matin : qu'il s'assurast autant en ce pays qu'en Portugal mesme, pour ce que lui & tous les autres Portugallois y seroyent aussi bien traitez qu'en leurs propres maisons : qu'il les lairroit retourner en Inde, si tost que le temps seroit propre, ou bien les y feroit mener, s'ils n'auoyent vaisseaux & moyens de s'embarquer. Apres cest acueil, Melio & ses gens furent logez en vn grand palais, ou quelques vns eurent du drap pour s'habiller, & les accommoda-on de tout ce qui estoit requis pour leur viure & entretenement ordinaire. Tost apres arriuerent au port du Cuqueire Edouard de Vascōcel capitaine d'une galliotte, & Jean Conil capitaine d'un brigantin, tous deux de la flotte de Melio, lequel ils alloient cerchant : & apres auoit entendu des pecheurs susmentionnez que les Portugallois estoient dedans ceste ville, ils enuoyerent auertir Melio de leur venue, afin qu'il donnaist ordre à ses affaires. Lors Melio alla demander son congé, suppliant Codauaz Can se souuenir de sa promesse. Sa responce fut qu'il ne pouuoit le licencier si tost, & lui en dit les raisons, le priant lui aider à mettre fin aux querelles qu'il auoit contre vn sien ennemi voisin : & que ceste guerre paracheuee (en laquelle il s'asseroit d'obtenir victoire à l'aide des Portugallois) il ne les retiendroit point, offrant fournir à ceux qui estoient au port les viures dont ils auroient faute. Le lendemain Codauaz Can se mit aux champs avec ses troupes, menant Melio à cheual, & les soixante quatre Portugallois à pied bien equippez d'armes qui leur furent baillées à Cuqueire, & marcherent en bonne deliberation iusques sur les terres de l'ennemi, lequel entendant qu'il y auoit des Portugallois en l'armee ne voulut venir aux mains, ains quitta tout à Codauaz Can, lequel demeura maistre du pays sans coup ferir. Mais la recompense de Melio & de ses gens fut que Codauaz Can leur refusa le congé promis, demandant rançon s'ils vouloient s'en aller : ce qu'ils ne pouoyent fournir, ayans tout perdu avec leur vaisseau. Melio despité d'une telle perfidie delibera se sauuer, & de fait sortit vne nuit hors la ville, & gai

gna pays vers le riuage où quelques almadies l'attendoient. Or il aduint qu'une partie de sa suite s'escarta, & furent quelques vns contrainsts se retirer en la ville dans leur logis, & se coucher, afin que lon ne presumaist rien de leur fuite. Dés qu'il fut iour Codauaz Can aduertiy par des payfans que ses prisonniers s'enfuyoyent, alla au palais, où ne trouuant Melio & quelques autres, enuoya vn Capitaine avec quatre cens homes pour les ramener vifs ou morts. Melio & les gens ne peurent gagner les almadies, pour s'estre fouruoyez la nuict: pourtant furent rattrainsts, & ne se mirent en defense craignans plus grand inconvénient, ains retournerent vers la ville avec leurs gardes. Codauaz Can les rança quelque peu, mais la cholere fut incontinent appaisée, car il ne demandoit que rançon: ce que Melio cognut bien, pourtant pria-il Vasconcel & Conil de n'attendre pas d'avantage, ains faire voile en Inde & prier le Viceroy (auquel aussi il mandoit par escrit tout le discours de ceste nauigation) de racheter les prisonniers. Ainsi que le Capitaine les ramenoit dans la ville, quelques prestres ou Bramines Indiens le prièrent de leur donner vn des Portugallois pour le sacrifier à leurs idoles (qu'ils appellent Pagodes) par la faueur desquels ces prisonniers auoient esté retrouuez. Ce Capitaine leur en donna vn nommé consalue de Mele, auquel il vouloit mal, pource qu'allans à la guerre mentionnée cy deuant, Vasque l'auoit appellé chien renié: & se vengea de luy alors, tellement que les prestres l'esgorgerent & mirent en pieces avec grandes ceremonies, sans que Melio ny autres le peussent rescourir. Vasconcel & Conil estans paruenus en l'Inde basse presenterent leurs lettres à Sampajo, lequel pria vn More d'Ormus, nommé Cojezabadin qui alloit à Bengala, de racheter Melio & tous les Portugallois suruiuans: ce que fit Cojezabadin, & paya trois mille ducats de rançon à Codouaz Can, puis donna vne fuste bien equippee à Melio & à ses gens, qui firent voile en Inde, en la premiere année du gouuernement de Nono de Cugne.

16.

*Arrivée de
Simão de Sou-*

PIERRE de Far & Simon de Souze, partis de Cochim pour aller à Malaca, entrèrent au goulfe de Zeilan afin de gagner le port de Pacem en l'Isle Taprobane; mais d'au-

tant que ce destroit est perilleux en toute saison & que la galere de Soufe estoit trop chargée, il fit abatre toute l'artillerie tant grosse que menue. Or cōme ils estoient presques hors du goulf suruint vne tourmente qui les separa, tellement que Far fut porté au port de Malaca, où Cappral luy remit le gouuernement. Quant à Soufe il se rendit à la fosse de Dachen en la Taprobane, sans se recognoistre, toutes ses pieces bas, ses gens estonnez & rompus de travail. Ayant entendu de ceux du pays en quel lieu sa galere estoit, il conclut de desloger si tost que la mer seroit accoïsee, sçachāt l'inimitié que le Roy de d'Achen portoit aux Portugallois. Mais la tourmente duroit encor: & par ainsi ce Roy entendant qu'il y auoit vne galere si pres de sa ville enuoya voir que c'estoit, & le sçachāt delibera s'en saisir. Mais pour n'y aller à faute, il despescha vn de ses domestiques pour visiter le Capitaine de la galere, auquel il enuoye des fruits & autres rafraischissements, & luy fit dire qu'il estoit bien ioyeux de l'arriuee de ceste galere au port de Dachen, pource que depuis quelque temps il desiroit auoir alliance avec les Portugallois, & prioit Soufe d'entrer dans le canal, afin d'y estre à couuert & auoir meilleur moyen de se fournir de provisions necessaires, que pour executer cela plus aisément il estoit prest d'enuoyer quelques lāchars pour luy aider. Soufe remercia le messager, le priant dire au Roy qu'il demeureroit en mer, pource que son intention estoit de partir si tost que la commodité se presenteroit. Le Roy ne voulant perdre ceste proye, dès la nuit suiuite fit armer mille hommes de guerre qui s'embarquerēt en vingt lāchars pour aller prendre la galere & les Portugallois, l'estat desquels auoit esté descouuert par le porteur de presens. Dès le matin le general de ces lāchars monta sur mer, avec charge d'amener Soufe & les siens par amour ou par force. Ce general voulant euitier le combat, & attrapper Soufe sans coup ferir, luy enuoya vn homme avec vn calaluz, dedans lequel il le prioit entrer pour estre plus assuré, & que les lāchars aideroyent à sa galere pour gaigner le canal. Le More du calaluz fit son message pres de la galere sans vouloir entrer dedans, & comme Soufe s'amusoit à luy respondre, les lāchars commen-

se pres de Dachen, où il est desfait et tué avec plusieurs autres.

cerent à s'estendre, afin de l'inuestir. Alors Souſe voyant tant de gens cognot euidemment la mauuaife volonté du Roy, & commanda au More de ſe retirer, diſant qu'il ne vouloit paſſer plus auant: puis tout à l'heure demanda ſes armes, ſes ſoldats ſe preparerent au combat, & Manuel de Souſe voyant que le Calaluz ne vouloit s'eſlongner, luy tira vn coup de fouconneau pour luy en faire venir l'enuie. Quād le general des lanchars vid ſa trahiſon decouuerte, il commanda que lon accrochaſt la galere, ce que les Mores taſcherent faire avec leurs cris accouſtumez, & apres force coups de mouſquets & de harquebutz trois lanchars accrocherent en pouſſe, & pluſieurs Mores ſauterent dedans la galere, ſans qu'on les en peuſt empeſcher: mais ils furent ſi mal ſeruis, qu'apres auoir perdu vne partie de leurs cōpagnons ils deſlogerent auſſi viſte qu'ils y eſtoient entrez. La bataille ayant duré iuſques à midy, au grand eſtonnement des aſſaillans, qui ſe voyoyent battus & repouſſez par vne poignée d'hommes, Souſe demeura en paix le reſte du iour, ayant toutesfois quarante ſoldats tant morts que bleſſez. Les ennemis en perdirent ſix fois dauantage, & ſe retirerent dedans le canal: dont le Roy ayāt eu les nouuelles par quelques vns qui diſoyent merucilles de la vaillance des Portugallois, monta ſur vn Elephant, & fit appeller ſon Admiral avec les gens de guerre de ſa charge, & leur commanda d'amener la galere, iurant par Mahumer que ceux qui retourneroyent ſans icelle ſeroient leuez en l'air puis iettez par terre par la trompe de l'Elephant. Tout à l'heure il les fit embarquer en cinquante lanchars, bien enuis pour la pluſpart, tant ils redoutoyent les Portugallois. L'Admiral eſtant aſſez pres de la galere faignir n'eſtre pas en mer pour combattre, ains dreſſa vne banderolle en ſigne de paix, diſant vouloir parler au Capitaine de la galere, lequel ſe preſenta ſur le tillac pour entendre ce More, la harangue duquel fut que le Roy eſtoit bien faſché du tort fait aux Portugallois, & auoit emprisonné les mutins, avec deliberation de les chaſtier, priant Souſe d'entrer au canal pour en voir l'exécution. Quelques vns qui coſtoyoyent Souſe luy conſeillerent lors de ſe rendre, veu qu'il eſtoit impoſſible de plus cōbattre: ce qu'en

tendu il craignit que ses soldats mesmes ne fissent du desordre, & pourtant pria l'Admiral de Dachen luy donner loisir de se resouldre avec sa compaignie, & que lors il donneroit responſe : ce que l'Admiral accorda, pour ne venir aux mains si possible estoit, & s'eslongna de la galere, laissant les Portugallois aduifer à leurs affaires. Souſe ayant aſſemblé ſon conſeil, les vns alleguerent beaucoup de raisons pour l'induire à ſe rendre au Roy de Dachen, lequel peur eſtre tiendrait promeſſe, s'il voyoit que l'on ſe fiaſt en luy. Ils propoſoyent pour principale raiſon la foibleſſe des Portugallois, qui ſeroient contraints faire par force ce qu'on requeroit par amitié. Mais Souſe condamna ceſt aduis, diſant que chaſcun voyoit bien qu'il ne ſaloit attêdre grace du Roy de Dachen: & puis qu'il ſaloit mourir, c'eſtoit bien plus grand honneur d'expirer les armes au poing que ſe rendre ainſi laſchement: qu'en faiſant ce que bons Chreſtiens & vaillans ſoldats doiuent faire, Dieu dônneroit quelque moyen d'eſchapper: & du moins ſ'ils ne pouuoient garentir le corps, Dieu feroit miſericorde aux ames de ceux qui mourroyent pour ſon ſervice. Ceſte brieue reſponſe les accouragea tous de telle ſorte, qu'ils promirent à Souſe de faire ce qu'il leur commanderait. Apres les auoir remerciez il enuoya dire à l'Admiral que les Portugallois n'eſtoient pas deliberez d'entrer au canal, & que luy pouoit ſe retirer quand bon luy ſembleroit. Lors iceluy commanda aux lanchars de ceindre la galere & prendre les Portugallois viſs, ſi faire ſe pouuoit, adioutant que chaſcun euſt à ſe ſouuenir des menaces du Roy. Incontinent les ennemis approcherent avec des huez ſi effroyables qu'elles ſuffiſoyent pour eſtonner vn cœur bien aſſuré, & ſe prindrent à deſcocher tant de fleſches que l'air en eſtoit obſcurcy: puis les harquebuzades, dards, iaelots & cailloux voloyent eſpais comme greſle. S'eſtans vn peu marchandez de loin ils ioignirent & accrocherent la galere, en laquelle les plus eſchauffez s'ingererent de ſauter, mais ils furent incontinent taillez en pieces par les Portugallois, qui n'eſtoient pas vn contre vingt, & neantmoins ſe portoyent ſi vaillamment, qu'en fin les bras commencerent à defaillir à force de frapper & tuer, ayans combatu plus de trois heu-

res sans relasche. Les ennemis estonnez d'une si brave résistance se retiroient, quand vn More forçat de la galere se ietta dans la mer, & nageant entre deux eaux alla dire à l'Admiral qu'il faisoit vne grand' faute de se retirer, veu que les Portugallois estoient morts pour la pluspart, les furuians si blesez & harassiez qu'ils succomberoyent à la moindre charge, & lairroyent la galere vuide. Ce forçat fut enuoyé promptement vers le Roy avecques les blesez, afin que lon enuoyast quelque renfort de gens & de munitions, que le Roy fit fournir à l'heure: & lors ils retournerent assaillir la galere, en laquelle ils entrèrent, n'estant le nôbre des assaillis suffisant pour garder les bords: car il n'y auoit gens de combat que Simon de Souze, Anthoine de Castre, Manuel de Souze, Anthoine Caldeire, George de Breu, & quatre autres, lesquels ralliez ensemble firent merueilles, iusques à ce qu'estans comme acablez, ils s'amasserēt autour du masts, où d'un coup de fleche Anthoine de Castre fut si griessuement blezé aux deux mains, desquelles il manioit vn espieu, qu'incontinent apres il tomba par terre & rendit l'esprit. Simon de Souze receut vn coup de iauelot, dardé de telle force que sa cuirasse fut percee, & cheut roide mort, ayant esté frappé droit au cœur. George, Manuel & Roderic Galuan freres, & fils d'Edouard Galuan, furent aussi tuez en combat. Restoyent alors vingt cinq Portugallois en tout, entre autres Anthoine Caldeire & George de Breu qui se redirent vies faunes, pource qu'ils estoient hors d'halaine & de toute vigueur pour combatre: mais les Mores se voyans maistres vouloyent tout mettre au fil de l'espee, si leurs propres Capitaines ne s'y fussent opposez. Toutesfois pour les appaiser ils leur dōnerent le corps de Simon de Souze, lequel (pour venger la mort de plusieurs parens & amis qu'ils auoyent perdus en ceste bataille) ils hacherent en mille morceaux & les donnerent pour pasture aux poissons. La galere fut menee dedans le canal, & les Portugallois presentez au Roy, qui leur fit bon traitemēt, pour couurir sa pensee: mesmes il faignit estre bien desplaisant de la mort de Souze & des autres, disant qu'il leur eust fait plaisir & honneur, comme il desiroit faire à tous les Portugallois ses meilleurs amis: priant les vingt cinq, quand
ils se

ils se porteroient mieux, de choisir vn de leur compagnie pour aller en Malaca, procurer vers le gouuerneur qu'il tenuoyast querir la galere, l'artillerie & tout ce qui appartenoit aux Portugallois, car son intention estoit de rédre le tout bien volontiers. Nous verrons cy apres le fond de ceste intention, laquelle pour mieux couvrir il fit loger, medicaméter & accommoder les Portugallois, aussi proprement que s'ils eussent esté entre les plus grands Chrétiens du monde.

GARSIE Henriquez party des Molucques avec les troubles & mescontentemens susmentionnez, ayant attendu nauigation commode fit voile de Bandan à Malaca, & en chemin conquist vn bâtiment de Iauiens. Approchant de Malaca il obtint promesse de Pierre de Far gouuerneur qu'on n'emprisonneroit ny luy ny aucun de sa suite, tellement qu'il y alla mouiller l'ancre: mais incontinent apres leur arriuee Far fit saisir tous leurs biens, disant n'auoir donné saufconduit que pour les personnes. Or aduint sur ces entrefaites que quelques Ambassadeurs de Panaruque, (c'est vn royaume & membre de la grande Iauie) estans venus pour traiter alliance avec Pierre de Far, s'esmut vne querelle entre leurs seruiteurs & les Malacans, laquelle fut cause que Garsie recouura ses biens, par le moyen qui s'ensuit. Ces Ambassadeurs estans logez en la bourgade de Quelin, aucuns de leurs domestiques osterent vn iour certaine somme de deniers à vn Malacan, lequel s'escriant à l'aide, ceux de la ville proche de Quelin y accoururent: & comme ils contestoyent ensemble, passa le lieutenant de iustice en la Citadelle, lequel voulant appaiser ce debat fut tué par les Iauiens. Lors courut vn bruit par la ville que ceux de Panaruque & autres de la grande Iauie habitans en Malaca s'estoyentiguez ensemble pour changer l'estat: ce qu'estant venu aux oreilles de Pierre de Far il y courut avec quelques soldats, craignant qu'il n'y eust de la trahison. En y allant trouua la noïse presque assoupie: d'autant que Garsie Henriquez & sept de sa troupe furent les premiers en place avec les armes, & empescherent les Iauiens de passer oultre, mesmes en tuerent douze. Par ainsi lors que arriua il n'eut autre chose à faire qu'à renvoyer les

17.
*Retraite de
Garsie Henri-
quez à Mala-
ca, & come
ily fut tras-
sé.*

vns & les autres en leurs logis. Et pour recompense du bon deuoir fait par Garfie en telle necessité, ses biens luy furent relaschez, en baillant caution d'une somme de ducats, si George de Menefez vouloit rien quereller à l'auenir: & par ce moyen Garfie se maintint paisible en Malaca.

*Ce qui auint
entre le Roy
de Dachen
& Pierre de
Far gouver-
neur de Ma-
laca.*

A v mesme temps s'esmeut guerre entre les Roys de Dachen & d'Auru voisins. Celuy d'Auru n'ignorant pas les grandes raisons que les Portugallois auoyent de ne desirer pas beaucoup la prosperité de son aduersé partie, enuoya son Ambassadeur en Malaca demander secours à Pierre de Far, & remontrer le moyen asseuré qui se presentoit de venger les torts receus du Roy de Dachen: lequel considerat de sa part le danger qui le menaçoit, proposa de rompre ceste alliance pratiquee par son ennemy, & faisant de necessité vertu rechercher d'amitié le gouverneur de Malaca, en offrant luy rendre les prisonniers, la galere, & tout ce qu'il auoit prins aux Portugallois. Mais afin de ne perdre aucun de ses seruiteurs en ceste negotiation, & pour mieux persuader à Pierre de Far qu'il marchoit rondement en cest affaire, il donna ceste commission à deux Portugallois, dont Anthoine Caldeire estoit l'un. Deuant que les enuoyer, il leur fit de grandes caresses, outre l'ordinaire, & leur declaira pourquoy il n'enuoyoit autres gens qu'eux, avec charge de dire au gouverneur de Malaca qu'il renuoyast querir les prisonniers, la galere, & l'artillerie trouuee tant en ceste galere, qu'en la nauire rompue en la fosse de Dachen, & en la Citadelle de Pacem: qu'en recompense de la restitution de ces choses il ne demandoit sinon l'amitié des Portugallois. Lors que Caldeire surgit au port de Malaca, Pierre de Far auoit promis secours à l'Ambassadeur du Roy d'Auru: mais oyant le discours de Caldeire, il changea d'aduis, pensant desia tenir les prisonniers, la galere & l'artillerie, ce qu'il estimoit (preferant l'vtilité à l'honneur) de beaucoup plus grand aduantage qu'enuoyer secours au Roy d'Auru. Cela estant trouué bon par les principaux de la Citadelle, Iacques de Mecede Admiral de Malaca, despesché pour aller secourir le Roy d'Auru, fut retenu iusques à ce que lon verroit quel train prendroit ceste nouuelle

negotiation. Mais telle façon de procéder desplaisoit fort à Martin Correa, lequel comme amy & familier de Pierre de Far l'exhorta de bien peser cest affaire, par ce que toutes les offres du Roy de Dachen sembloient estre friuoles, & n'auoit enuoyé Anthoine Caldeire sinon pour sçauoir si l'on secouroit le Roy d'Auru, ou s'ils ioinoyent leurs forces pour le châtier de ce qu'il auoit fait à ceux de la galere, ce qu'il craignoit assez euidentement, ayant encores deuant les yeux la punition des Mores de Longu. Les raisons de cest aduis estoient, qu'il cognoissoit par experience que les Mores ne demandoient la paix, sinon quand ils n'en pouuoient plus. Que le Roy de Dachen couuoit quelque ordure en son cœur, veu que iusques alors il auoit poursuiui les Portugallois à toute outrance, tesmoin la desfaite de George Britio, le siege de la Citadelle de Pacem, la prise de la galere de Soufe, & autres actes d'irreconciliable hostilité. Pierre de Far goustant ceste remonstrance fit appeller Caldeire, & le pria bien fort en presence de Correa de dire s'il auoit point quelque sinistre opinion du Roy de Dachen. Caldeire respondit que non, louant ce Roy iusques là, de protester que rien ne le destourneroit de porter telle response qu'il plairoit au gouuerneur, pour la grande confiance qu'il auoit en vn si debonnaire Prince. Lors Pierre de Far se laissa persuader que le Roy de Dachen cheminoit de pied droit en ce pourparler, puis que Caldeire en disoit tant de bien, & estant libre ne faignoit de retourner sans craindre d'estre fait esclave: sur tout quand il entendit Caldeire declairer franchement, que si on le vouloit retenir dauantage & l'amuser à Malacca, ils'en iroit plustost sans response que rompre la promesse faite au Roy & aux autres Portugallois prisonniers de retourner vers eux. Ainsi donc il fut expedie avec lettres de Far au Roy de Dachen, par lesquelles il acceptoit son amitié pour & au nom du Roy de Portugal, qu'à l'auenir il luy en monstreroit les preuues au besoin, & que pour le present il l'asseuroit de ne donner secours au Roy d'Auru. Pour l'asseurer d'auantage, Far enuoya vn Portugallois marié & habitué en Malacca, lequel sçauoit bien la situation & le langage du Royaume de Dachen, pour mener Caldeire & le rendre au port de Pa-

ecm, où le Roy de Dachen estoit lors, afin de remettre Caldeire entre ses mains. Mais estans partis de Malaca ils surgirent en vne Isle, où cuidans faire aiguade ils furent surprins & tuez par les insulaires: au moyen dequoy leur message & les lettres furent perduës. Apres le depart de Caldeire, Pierre de Far donna congé à l'Ambassadeur d'Auru, s'excusant qu'il falloit racheter les Portugallois esclauës, retirer la galere & grand nombre d'artillerie appartenante au Roy de Portugal: que sans cela il assisteroit tres-volontiers au Roy d'Auru contre celuy de Dachen & contre les autres ennemis. L'Ambassadeur fort indigné de telle responce, contraire à ce qu'on luy auoit promis au commencement, sortit de Malaca fort secrettement, & de nuict, dont le gouuerneur fut mariy craignant l'indignation du Roy d'Auru bõ amy des Portugallois. Afin donc de l'adoucir & contenter, Fernand Morales luy fut enuoyé avec vn gallion & quelques gens, pour faire les excuses: mais l'Ambassadeur arriua plustost, tellement que ce Roy pensa que les Portugallois vouloyent secourir son ennemy: pourtant fit-il embarquer son armee pour aller combattre celle de Dachen, laquelle estoit à l'anchre au port de Pacem. En ceste route l'Admiral d'Auru suprint vn parau, dans lequel estoit vn des Portugallois prisonniers apres la mort de Souffe, lequel estoit enuoyé par le Roy de Dachen vers Pierre de Far luy dire qu'il renuoyast querir les prisonniers, l'artillerie & la galere: ce qu'il faisoit afin d'empescher que les Portugallois & le Roy d'Auru ne se ioignissent ensemble pour le desfaire, & au contraire apres les auoir desbandez trouuer moyen de les ruiner l'vn apres l'autre. Ce messager fut enuoyé par l'Admiral au Roy d'Auru, lequel le retint, de peur que s'il alloit à Malaca Pierre de Far n'enuoyast gens au Roy de Dachen. Sur ces entrefaites Fernand Morales vint surgir au port où estoit le Roy d'Auru, qui ne voulut enuoyer ny souffrir que pas vn de ses gens allast vers le gallion de Fernand, tant il estoit despité contre les Portugallois. Morales ayant attendu quatre iours, resolut se mettre au hazard, & aller vers le Roy, ce qu'on luy desconseilla par beaucoup de raisons: ce nonobstant il se presenta au Roy du-

quel il fut bié veu & careffé, avec protestatiō de ne trouuer mauvais l'accord du gouverneur de Malaca avec le Roy de Dachen, puis qu'il estoit question de recouurer bon nombre de prisonniers, vne galere & quantité d'artillerie: qu'il ne lairroît pour cela d'estre tousiours fidele amy des Portugallois. Mais c'estoit vne sainte, car il delibera retenir Fernand Morales & le gallion, si son armee estoit desfaite par celle du Roy de Dachen, afin de se venger sur Fernand du refus de Pierre de Far. Au contraire si son armee demeueroit victorieuse, il eust donné gratuitement congé à Fernand, afin de s'entretenir en l'amitié des Portugallois. Or l'un ny l'autre n'aduint: car les deux armées s'estans heurtées en mer, se departirent avec perte esgale, sans que l'une eust la victoire sur l'autre. Par ainsy le Roy d'Auru entendant que ses forces tournoyent en arriere, donna congé honnestement à Morales & au Portugallois venu de Dachen, & enuoya deuant vn messenger dire à Pierre de Far les mesmes paroles qu'il auoit tenues à Morales, lequel arriuant à son gallion trouua le pilote & les soldats prests à hauffer les voiles, pensans qu'on l'eust arresté prisonnier, & que les Mores se prepassent pour s'emparer du gallion. Au reste, ces Roys de Auru & de Dachen ayans refroidy leur cholere, s'accorderent tout soudain ensemble, & deuidrent plus grands amis que iamais. Quant à l'amitié des Portugallois que celui de Dachen recherchoit si curieusement, c'estoit vne pure dissimulation, & ne tendoît qu'à s'en preualoir contre le Roy d'Auru: car apres la paix conclue entre eux, il se repentit d'auoir laissé aller les trois Portugallois en Malaca, dont Pierre de Far ne sceut rien, à cause que personne des siens n'alloit à Dachen, & qu'il auoit toute autre opinion de ce Roy, par le rapport de Caldeire. Par faueur donc de bien descouurir la verité des choses, le Roy de Dachen demeura impuny, lequel eust esté ruiné du tout, si Pierre de Far & le Roy d'Auru eussent ioint leurs forces pour luy faire la guerre.

Nous auons veu sur la fin du dixseptiesme liure, que le Roy de Portugal estoit mal content des procedures tenues contre Mascaregne. Deslors donc il delibera d'ordonner à Sampajo la charge de Viceroy qui luy auoit esté

19.

Nenio de Cuy
gne esleu Vi-
ceroy des Indes

*des, son em-
barquement
pour y aller,
& ses auan-
tures durant
la navigatiō.*

donnée par arrest des Iuges de Cochim. Et de fait auant
mesmes que Mascaregne, fust arriué en Portugal, Nonio
de Cugne conseruateur de la faculté royale, & gentilhō-
me de grande maison, fut nommé Viceroy des Indes, par
la bouche du Roy Iean troisieme. Or pource que l'hiuer
auoir esté fort aspre, il luy fut impossible s'embarquer si
tost, ains attendit iusques au dixhuitiesme iour d'Auril
de l'an mil cinq cehs vingthuit, qu'il haussa les voiles,
menant vne flotte d'onze vaisseaux, à sçauoir neuf nauir-
es, vn gallion, & vn bastean de guerre, accompagné de
Simon de Cugne son frere, designé Admiral des Indes, de
Pierre de Cugne aussi son frere estably Capitaine de Goa,
de Garfie de Sa ordonné gouuerneur de Malaca, & Fer-
nand de Leme nommé general des nauires du trafic de
Batticala en Ormus: Item de Francisque Deze, Iean Freire,
Francisque Mendoze & d'Anthoine Saldaigne. Ber-
nardin de Sylueire commandoit au gallion, & Alфонse
Azambuge au bastean. Il y auoit en ceste flotte trois mille
soldats, grand nombre de gentilshommes & seruiteurs
domestiques du Roy, tous en tel equipage que iusques
alors on n'auoit veu si belle troupe faire le voyage des In-
des. Auant qu'ils approchassent des Canaries, la nauire
de Iean Freire coula en fond par l'accident qui s'ensuit.
Elle estoit suiui de la nauire de Simon de Cugne, laquelle
le poussee d'un vent assez fort heurta par deux fois si ru-
demment l'autre (sans que le pilote la destournast, comme
il eust peu aisément faire) que la prouë s'entr'ouurit, &
en moins d'une heure fut si pleine d'eau que l'on ne pût
mettre dehors le bastean, & eut-on beaucoup à faire à iet-
ter l'esquif, dedans lequel Iean Freire avec quelques vns
des principaux & plus habiles entrerent. Quant aux au-
tres qui restoyent en grand nombre il fut question d'a-
uoir aux moyens de se sauuer, l'un saisissoit vn coffre,
l'autre vne quaiße, & à coups d'espee charpentoyent des-
sus pour s'en accommoder, dont plusieurs furent blesez
mortellement, tant ils se pressoyent, chascun s'estimant
heureux de pouuoir tenir vne plâche pour se mettre des-
sus à l'extremité qui estoit proche: car finalement les va-
gues vindrent à couvrir tellement la nauire qu'elle cou-
la du tout en fond avec des cris horribles de cent cin-

quante personnes qui deualerent en la mer avec ce grād vaisseau. Entre autres ne sont à oublier vn mari & sa femme, qui menoyent quand & eux trois ieunes enfans . Le pere & la mere voyans la mort presente mirent leurs enfans au milieu & s'embrassans estroitement ces cinq ensemble, avec des clameurs qui perçoient les nues, perirent quand & le reste, sans que les autres nauires peussent en approcher à temps, pource qu'elles en estoient à vne lieue loin. Mais voyans la nauire baïsser, chascun acourut promptemēt des esquifs, & sauua-on cinquante personnes qui se tenoyent à des aix & autres pieces, attendant la volonté de Dieu parmi les vagues. Le pilote, cause de tout le mal, se sauua à nage: & ne fut chastié d'vne si malheureuse faute, pource que lon ne scauoit bonnement comme ce naufrage estoit auenu, & n'en descouurit-on rien que fort long tēps apres. Le Viceroy suiuant sa route, alla faire aiguade en l'isle S. Iacques, où le gallion de Sylueire ne se trouua point: car dés le premier iour du desembarquement il s'estoit escarté, & cinglant d'autre vent que la flotte alla surgir au long de Zofala, où il trouua de la vase qui l'arresta, & les soldats voulans prédre terre furent taillez en pieces par certains Mores qui les attendoyent à la descente. Apres que le Viceroy eust fourni sa flotte d'eau douce & de victuailles, que deux carauelles porterent iusques en l'isle susnommee, il se remit à la voile, & en la coste de Guinee laissa derriere sa flotte la nauire d'Anthoine Saldane qui ne cueilloit vent si bien que les autres, lesquelles perdoyent beaucoup de temps à l'attendre, disant qu'il y auoit moins d'inconuenient en la perte d'vn vaisseau que de toute la flotte: puis fit desployer en chasque nauire la voile du trinquet, & laisserent Saldagne & les siens bien tristes. Or Saldagne prenant couraige en telle extremité fit changer tant de fois la charge de la nauire de prouë en pouppe, & au contraire, que finalement il donna tel contrepoids que son vaisseau commēça à flotter de mesme vistes que les autres. D'auantage, il donna tel ordre par tout, que le pilote, le maistre, les comites & matelots regaignerent peu à peu le temps perdu, fortifiant les soldats à leur deuoir, & assistant aux malades de si bonne

soerte, qu'il deuint l'un des meilleurs & plus estimez capitaines de marine que l'on eust sceu trouuer. Le Viceroy fut battu de deux tourmentes auant que descouurir l'isle de Saint Laurens, laquelle il laissa à main gauche prenant droit la route de l'Inde basse: au contraire Francisque Deze, Azambuge & Mendoze firent voile entre l'isle & la coste d'Ethiopie, tellement qu'ils gaignerent le port de Mozambique, excepté Azambuge lequel fit naufrage au bord d'une islette prochaine, mais toutes les personnes se sauuerent. Simão de Cugne estoit arriué à Mozambique quelques iours auparauant, & pource que l'hiver commençoit en ce quartier ils demorerent là. Quāt à Garsie de Sa, la premiere tourmente l'escarta si loin de la flotte qu'il pensoit estre perdu: mais ayant du depuis vêt propre il se vid pres de la coste de l'Inde le dixseptiesme iour d'Octobre, apres auoir souffert beaucoup & l'eau douce commençant à luy defaillir. Saldane arriua au port de Batticala le vingtquatriesme du mesme moys, ayant perdu soixante hommes morts de disette & diuerses maladies. Il se refraischit quelques iours, puis fit voile en Cochim, & y arriua le premier. Le Viceroy, Pierre de Cugne & Fernand de Leme surgirent ensemble, apres grandes difficultez, au port de saint Iacques en l'isle de S. Laurent, sur la fin d'Octobre, où ils trouuerent vn Portugallois qui leur dit estre de la compagnie de Manuel Lacerde, la nauire duquel s'estoit rompuë contre vn banc de sable, auoit attendu l'espace d'un an sans qu'aucun vaisseau Portugallois fust apparu, sinō celuy de Saldane, lequel ne s'estoit approché, craignant les insulaires: tellement que Lacerde se faschant auoir diuisé sa troupe en deux, pour aller voir si du costé de l'isle regardant l'Ethiopie il descouueroit riē dauantage. Que quant à luy il estoit demouré seul en ce port n'ayant peu suiure les cōpagnōs, se cōtentant fort des insulaires qui luy assistoyent & tenoyent bonne cōpagnie. Comme le Viceroy & les autres capitaines faisoient aiguade en ce port, suruint vne tourmente qui fit eschouer la nauire du Viceroy, tellement qu'elle périt, exceptez les gens, dont vne partie entra en la nauire de Pierre de Cugne, l'autre en celle de Leme, & partis delà le dixies-

me de Nouembre surgirent pres l'isle de Zanzibar. Mais ils entrerent de nuict en vn goulfe entre deux isles, tellemēt qu'au matin les pilotes ne sceurent conoistre par où ils estoient entrez, ni quelle issue ils pourroyent trouuer. Sur cela le Viceroy fit descendre le capitaine de ses gardes en terre, pour s'enquerir de quelque passage pour regaigner le large: mais les insulaires le contraignirent se retirer plus viste qu'il n'estoit venu. Pierre de Cugne y alla puis apres avec plus grandes forces, à la venue desquelles les insulaires s'enfuirent tous, tellement qu'il fut impossible de trouuer personne, à faulte dequoy le Vice- & ses gens fussent morts de disette auant que pouuoir sortir du goulfe. Mais par la hardiesse de lean & Tristan Melio avec leā Roderic leur seruiteur, qui se mirent en embuscche pour attrapper de nuict quelqu'un du pays, ils surprindrent vn vieillard, lequel ils amenerent dans l'esquif qui les attendoit au riuage. Pierre de Cugne le fit asseurer par vn truchement qu'on ne luy feroit mal quelcōque, seulemēt qu'il s'employast à dōner ouuerture aux nauires pour eschapper de ce goulfe. Le vieillard promit s'y employer, estāt pilote de son estat: ce qui vint tres-à propos aux Portugallois, qui fussent demeurez là sans ce pilote, car les autres insulaires n'eussent eu l'adresse de cestui-ci, lequel dès le lendemain tira les nauires par vn canail fort estroit, au grād estonnement de tous. Estās dehors ils donnerent cōgé à leur pilote, & gaignerēt le port de Zanziber, où ils sejournerent quelque tēps pour se refraischir, estant le pays commode & fertile. Le Viceroy se voyant hors d'esperance d'arriuer bien tost en Inde, & craignāt d'estre surpris du mauuais temps sur la mer, delibera de passer l'huiuer à Mombaze, assise à l'embouchure d'une riuere de au douce, avec vn bon haure pour les nauires: ce qui n'estoit pas en Melindé, au contraire il n'y auoit rade qui fust seure. Cela resolu il laissa deux cens malades à Zanzibar sur la charge d'Alexis de Souze, afin qu'ils eussent loisir de se refaire en vn air meilleur qu'autre de ceste coste, & que luy aussi peust aller plus viste. Il surgit au port de Melinde, où il fut biē recueilli du Roy, & y trouua le capitaine Botel en vne barque, qui alloit cerchant Louys de Menesez au log

de ceste mer. De Melinde le Viceroy enuoya demâder permission au Roy de Mombaze d'hiuerner au port de la ville, rendant raison pourquoy il n'auoit peu s'arrester à Melinde, avec promesse de reconoistre ce bié. Mais le Roy de Mombaze croyoit que ce fust quelque finesse pour le deposseder de son estat, ne voulut rien accorder à cause duquel refus le Viceroy resolut d'yentrer par force & y hiuerner, par l'auis de son frere, de Fernand de Leme & des autres capitaines qui le luy persuaderent.

20
Mombaze
prinse par
Nonio de
Cugne, où se
armee passe
l'hiuer.

Pour l'execution de ceste entreprise il fit monstre & trouua huit cens Portugallois & deux cens Indiens sc-iournans en Melinde, lesquels le suiuirent avec six cens hommes, que le Roy de Melinde luy fournit. Sur vn soir ceste armee se mit à la voile, en quatre nauires, l'vne du Viceroy, les trois autres de Leme, Botel, & des Indiens. Le lendemain matin ils arriuerent à la fosse de Mōbaze laquelle fut sondée par Pierre de Cugne, qui y alla avec vn basteau bien équipé & quarante soldats. A l'entree ils trouuerent vn boulevard de pierre de taille, garni de huit canons, lesquels furent incontinent laschez par les Mores qui gardoyent la place: mais le basteau qui voguoit de grande vistesse n'en fut endommagé, & s'en alla mettre au lieu ou les nauires deuoyent se rendre, sans en bouger. Et pourtant au leuer du vét, le Viceroy fit tirer les anchres & hausser les voiles, comme firent aussi les autres capitaines, & entrerent dās le canal maugré l'artillerie du boulevard, auquel le Viceroy ne voulu lors s'arrester, pour monstre aux Mores qu'il ne se soucioit pas d'eux, & ce pédāt leur faire pēser qu'il ne cerchoit point la guerre, ains seulemēt que le Roy permist aux Portugallois d'iuerner en son haure. Pour cest effect il attendit iusques au soir, sans tirer plus apāt vers la ville, attēdāt si perlonne viēdroit de la part du Roy, lequel n'auoit veine qui y tendist, estant destourné aussi par ses conseil-lers, alleguans qu'il valoit mieux abandoner la ville que la rendre volontairement, & que les Portugallois en sortiroient, y ayant passé l'hiuer. Suiuant ceste auis il vuidèrent la ville des biés & personnes inutiles au combat, & n'y laisserent que les gens de guerre. Le Viceroy voyant le Roy arresté en son oppiniō, & qu'on ne luy ap-

portoit autres nouvelles conut bien qu'il falloit iouer des
 cousteaux : mais pour en estre mieux resolu , sur le soir
 Pierre de Cugne fut enuoyé pour reconoistre la ville , &
 sçauoir en quel estat estoient les affaires. Si tost que les
 Mores le sentirent approcher, ils coururent en grand nô-
 bre vers le riuaige, & descocherent force flesches eueni-
 mees, dôt quelques Portugallois furent blesez, & furent
 cōtrains se retirer vers la flotte. Cōme le Viceroy s'ap-
 prestoit pour aller prendre terre au mesme endroit où
 ceste escarmouche s'estoit dressée, suruint vn Melindien
 qui demouroit à Mōbaze, lequel luy mōstra les dangers
 qu'il y auoit de tendre de ce costé, d'autāt qu'il falloit en-
 trer en l'eau iusques aux genoux, auant que toucher le
 bord, & que les ennemis l'attendoient de pied coy avec
 leurs flesches empoisonnees : mais qu'il seroit meilleur
 descendre pres d'une mosquee, où n'y auoit incōmodité
 quelcōque, estant le riuage plat, escarté, & aisé à gaigner.
 Il adiousta que le Roy de Mombaze estoit acompagné
 de trois mille hommes, & que pour tous répars il n'auoit
 qu'un fort hors de la porte, garni de quatre ou cinq mor-
 tiers de fer gouuernez par vn canonnier Portugallois :
 mais qu'au reste les ennemis estoient si mal assurez,
 qu'à la premiere charge ils tourneroyent le dos. Le Vice-
 roy conclud sur cela d'assaillir Mombaze le lendemain
 matin, donna à son frere six cens Portugallois harque-
 buziers pour la pluspart & trois cens Indiens pour l'a-
 uantgarde, marchant avec le reste des troupes à l'arriere-
 garde. Il descendirent de grād matin vers la mosquee à vn
 trait d'arbalestre loin de la ville, sans trouuer aucune resi-
 stance, pource que les ennemis les attendoient d'un au-
 tre costé. En approchant du fort, le canonnier se voyant
 visiter de si pres, & n'ayant que deux pieces assez mal
 montees, quitta la place, comme firent aussi les Mo-
 res qui la gardoyent & se retirerent dedans la ville. Le
 Roy voyant qu'il ne pourroit resister aux Portugallois
 s'enfuit avec son peuple en si grād haste, qu'ils laisserēt
 vne partie de leurs biens cachez en terre, en lascherent
 quelques pieces par les chemins, & emporterēt ce qu'ils
 peurent puis se retirerēt à demi lieue de là où le Roy se
 atrancha avec tout son cāp. Quand le Viceroy apperceut

Mombaze vuide, il ne voulut passer outre pour lors, ains l'abandonna au pillage, dont quelques vns enrichirent & s'en retournerent en Portugal, sans aller plus auant, Mombaze Prinse de ceste façon, sans mort d'homme de part ny d'autre, le Viceroy fit fortifier les plus foibles endroits, barrant les auenues pour la pluspart, pource qu'il auoit trop peu de gens pour garder tant d'entrees. Sur tout il se fortifia du costé de la mer, puis se logea au palais du Roy, & au bout de quelques iours enuoya Roderic de Leme assaillir le boulevard de la fosse, lequel fut forcé, la pluspart de la garnison mise au fil de l'espee, & l'artillerie chargée és nauires. Roderic & quelques autres y furent blesez de coups de fleches frotees de poison, dont ils moururent tost apres. Depuis cela ceux du camp du Roy de Mombaze commencerent à faire leurs courses, & entrer de fois à autre dedans la ville, contraignant les Portugallois d'estre en armes iour & nuict: toutesfois par la vaillance de Jacques & Tristan Melio les ennemis furent tellement effroyez qu'ils ne continuerent pas leurs courses si souuent. Vne autre incommodite suruint, à sçauoir la maladie qui se fourra parmy les Portugallois, & dura iusques à la fin de Mars, dont moururent trois cens septante hommes, entre autres Pierre de Cugne & bon nombre de noblesse.

21.
*Ordre donné
 aux affaires
 de Goa par
 Lopez de Sampaio & le
 naufrage des
 Portugallois
 en la coste de
 Calicut.*

EN ce temps Lopez de Sampaio passoit l'hier en la ville de Goa, estât luy mesme gouverneur de la citadelle, pour remedier à beaucoup de desordres que les capitaines faisoient, comme de vendre iustice à beaux deniers contans, imposer nouueaux tributs sur les marchandises, & autres executions à la grâd' foule du peuple. Sampaio mit bas tout cela, dont les Mores receurent tel contentement que les nauires arriuoient de tous costez au port de Goa, au moyen dequoy les reuenus de la douanne acrurent. Il reforma l'estat en plusieurs autres dependances necessaires, pour le repos & embellissement de tout le pays. Or pource qu'il y auoit disette de viures en la ville, que les garnisons posees en quelques gouuernemens circonoioisins tenus par Zabaim Dalcam arrestoyét pour leur fourniture, Tristan de Ga fut enuoyé en ambassade vers Vabaim, auquel il fit present d'un harnois complet

Gravé & fait à fueillage, deux masses d'argent doré, vne charge de gros coral, & l'asseura que les Portugallois seroyent tousiours prests à luy faire service. Zabaim remercia bien fort Sampaio, & commanda par lettres aux capitaines des gouvernemens de donner passage aux viuandiers de Goa, & laissassent couper aux habitans tout le bois dont ils auroyent faite : par ce moyen la ville fut pourueue. Au reste pour empescher que ceux de Calecut & du pays voisin n'enuoyassent leur poyure de dehors, Sampaio enuoye vne galere & cinq brigantins pour garder la coste sous la charge de Simon Melio, lequel y demeura attendant Anthoine Mirande, qui se ioignit à luy sur la fin de Septembre. Lors ils receurent nouuelles de la part de Jean Deze capitaine de Cananor, qu'environ le vingtiesme du mesme mois vne flotte de treize brigantins & catures avec vne galliotte partis de Cochim auoit esté poussée d'un vent de trauesse contre la coste de Calecut, à l'embouchure d'un fleuue nommé Chatua : où tous les vaisseaux s'estoyent brisez, les soldats noyez ou ruez, ou menez prisonniers à Calecut, dont le Roy estoit denenu si fier qu'il dresseoit vne puissante armee, a cause dequoy les Mores de Cananor commençoient à leuer la teste, & pourtant estoit besoin d'y pouruoir, & reprimer l'ennemy de bonne heure.

SAMPAIO auerty de ce naufrage partit de Goa le premier iour d'Octobre, laissant Mirande se refraischir & commander en la ville. Il fut suiuy de Fernand Roderic Barbe, Lopez de Mezquite, Henry de Macede & d'Anthoine de Leme avec leurs gallions, outre sept brigantins & son grand gallion, nommé saint Denis. Estans arrivé au mont Dely il trouua Simon Melio, lequel l'auertit auoir receu lettres de Cananor que pres de Termapatan y auoit vne armee de cent trente voiles, à sçauoir soixante paraus de guerre, & le reste bastaux de charge plains d'espiceries qu'ils portoyent à la Mecque. Les paraus faisoient compagnie à ces marchans iusques à ce qu'ils fussent hors del'Inde, & auoyent pour general de ceste flotte vn vaillant Seigneur More nommé Curial de Tanor, estimé Saint entre les Mahumeristes, pource que de nouueau il estoit reuenue de la Mecque, où il estoit

22.
*Courses &
 victoires de
 Sampaio en
 ceste mesme
 coste.*

allé en pelerinage visiter le corps du faux prophete Mahomet. Melio eut charge de tirer vers le Canal de Cananor, Sampaio ayât resolu en soy mesme d'y attirer Cutial, & luy donner bataille, en laquelle il esperoit obtenir le dessus, mais il vouloit que les Mores de Cananor fussent tesmoins du cōbat. Les brigantins furēt enuoyez au lōg de la coste, & les gallions s'eslargirent en mer. Sequeire capitaine Indien, lequel auoit charge d'un Catur, fut enuoyé recognoistre l'ennemy, afin de le suiure avec toute la flotte s'il s'eslongnoit: mais Sequeire trouua les paraus en plaine mer, pource que Cutial ayât sçeu que Melio tenoit la route du mont Dely avec si peu de vaisseaux, delibera de l'attraper, estimâr en venir aisémēt à bout avec tel nombre de paraus, & que cela fait il s'empareroit en moins de rien de la citadelle de Cananor. Avec ceste deliberation il fit voile vn matin, & descouurant les galliōs de Sampaio estima que ce fust celuy qu'il cherchoit, contre lequel tous les paraus commencerent à voguer. Incontinent que Sampaio les apperceut il se fit apporter ses armes, donna le signal du conseil, où se rendirent les capitaines & gentils-hommes qui le trouuerent s'armât pour combattre: & luy tout debout commēce à leur dire, qu'il deliberoit donner bataille ce iour là. Triстан Norogne, Lopez d'Azeuede & Hestor de Sylueire dirent incontinent que c'estoit temerité de s'attacher à yne si puissante armee, ains faloit rassembler tous les vaisseaux, afin de pouoir soustenir le choc des ennemis, s'ils entreprenoyent s'approcher de trop pres. La pluspart des voix panchoit de ce costé: quelques autres apres estoient d'avis cōtraire, fondé sur raisons biē pertinentes, notamment sur la commodité du combat. Comme les vns & les autres debatoyent pour maintenir leur dire, Sequeire suruint, lequel cōseilla d'affaillir Cutial avec les brigātins seulement & par les costez de sa flotte: puis les gallions suruiendroyent pour enfoncer le milieu à coups d'artillerie. Sampaio trouuoit cest auis fort bon, mais il ne vouloit le suiure que du consentement des capitaines & gentils-hōmes: doncques comme il demeureroit tout pensif, Iean de Soire auditeur general, ayant mesme desir, luy marcha sur le pied le regardant entre deux yeux, avec al-

fez de signe qu'il suiuiſt l'auis de Sequeire. Lors ſans plus
 long diſcours, Sampaio tout ioyeux & de grand courage
 commence à dire. Or ſes freres & amis, quant à moy ie
 veux combattre: donnons dedans au nom de noſtre Sei-
 gneur: qui vouldra accôpagner le Viceroy & la banniere
 royale, me ſuiue. Diſant cela, il charge vne harquebuze
 ſur ſon eſpaule, & ſaute dedâs la fuſte du capitaine Taſul,
 n'eſtant ſuiuy d'autres gentils-hommes que de ceux de
 ſon galliô, car ceux qui auoyent eſté de cōtraire aduis ne
 bougerent, non pas qu'ils euſſent peur, ains pource qu'ils
 ne vouloyent que Sampaio euſt l'hôneur d'auoir gaigné
 quelque bataille, eſtans encores deſpitez cōtre luy à cauſe
 de ce qui eſtoit auenu au ſait de Maſcaregne. Or apres
 que Sâpaio ſe fuſt embarqué, faiſant reueuë de ceux qui
 le ſuiuoient il trouua quatorze brigantins & caturſ, avec
 trois qui arriuerent de Cananor: dequoy il fit deux ba-
 taillons, donnant l'auantgarde à Simon Melio, retenant
 l'arriere-garde pour ſoy. Lors ils commencerent la ba-
 taille à coups de canon, & ioignans de plus pres en flanc
 tirerent tant de coups de mouſquets & de harquebuzes
 que ils trompirent par deux fois les ennemis enſondrans
 quelques paraus. Ils en acrocherent ſept qui furēt brulez
 de feu artificiel, enſemble la pluſpart des Malabares qui
 eſtoient dedâs: brief en moins de deux heures les ſoixā-
 te paraus furent mis en route, & ſ'eſcarterent les vns vers
 Cananor, les autres en haute mer, laquelle eſtoit couuer-
 te de corps, & tainte du ſang des occis, au nombre de
 mil ou douze cens. Les Portugallois eurent plus de ſix
 cens priſonniers, vingt ou vingtcinq paraus, cinquante
 piéces d'artillerie, & ne firēt aucune perte notable. Ceſte
 bataille fut donnée ſi pres de Cananor qu'on la pouuoit
 voir du riuaige, ce qui contriſta merueilleuſement les
 Mores y trafiquans, pource qu'ils perdirent ceſte iournee
 bon nombre de leurs parens & amis. Le Roy de Calecut
 craignans que ceſte victoire n'encourageaſt Sampaio à
 entrer dedans ſon royaume du coſté de Cranganor, y
 enuoya ſoudainement le prince ſon ſucceſſeur avec vne
 armee, au deuant de laquelle le conſeruateur Meſſie
 deſpeſcha des troupes, qui partirent de Cochim pour
 garder que ce Prince n'entraſt trop auant. Quant à

Sampaio, les capitaines luy ayans deſeſſeillé de ſuivre les ſuyards, il ſ'en retourna vers ſon gallion, & auant que d'y paruenir rencōtra Triſtan Norogne, Lopez d'Azueide & Hector de Sylueire, qui depuis ſon embarquement en la fuſte pour donner bataille, ſ'eſtoient bien repentis de ne l'auoir ſuiu, tellement que certain temps apres il entrerent en vn baſteau pour ſ'y trouuer: mais ce fut trop tard, dont ils furent confus, & ſe retirerent en leur gallion, où de crainte que Sampaio ne les accuſaſt au conſeil du Roy) ils dreſſerent certains articles contre luy, leſquels ils enuoyerent au Roy l'annie ſuiuante. Sampaio qui ne penſoit nullement à cela, les reçueillit gracieuſement, encores qu'ils fuſſent demeurez derriere, & leur fit autant d'honneur qu'aux autres gentils-hommes qui auoyent vaillamment cōbatu avec luy. Au reſte, craignant que les ennemis ne ſe ralliaſſent il attendit deux iours en haute mer, ne voulant prendre terre à Cananor: & quant il vid qu'ils ſuyoyent le combat, & ſ'eſtoient (peut eſtre) retirez à couuert en quelque canal d'eaux douce, il les alla chercher, enuoyant Simon Melio avec neuf brigantins pour deſcouvrir, leſquels il ſuiuir accompaigné des gallions. Melio deſcouurit pres de terre douze paraus, deſquels ceux de dedans ſ'enfuirēt bien toſt, enſemble les habitans du village prochain: tellement que les Portugallois bruſlerent paraus & maiſons, abaterent tous les palmiers d'alentour: puis allerēt à Chatua, ou ils bruſlerent dixſept paraus & le village, tuerent pluſieurs des habitans, pour venger la mort de ceux qui auoyent eſté ſacmentez apres le naufrage de la flotte de Cochim, dont a eſté parlé au chapitre precedent. Ils traiterent de meſme pluſieurs autres endroits de terre ferme, Sampaio les ſuiuait en mer, pour donner ſecours au beſoin. Cela fait il mouilla l'ancre à Crāganor où il trouua les troupes de Cochim, & ſçachant que le Prince de Calicut n'eſtoit là que pour garder le paſſage, il joignit ces forces nouuellement venues à ſes cōpaignies, pour aller à Porqua, & ruiner ceſte ville enſemble le Seigneur d'icelle qui eſtoit l'un des plus grands courſaires de l'Inde, ayant toujours force catires biē equippez & ſoufny de gens & d'artillerie, par le moyen dequoy il s'eſtoit fait

riche.

riche. Sampaio donc resolut de saccager ce lieu, & en donner vne si bõne curee aux soldats, qu'ils eussent moyē l'estre plus à leur aise puis apres. Il en auertit les capitaines, afin de les rendre plus deliberez & disposez à faire ce voyage. Pour mieux executer, ils partirent assez tard de Cranganor faignans aller à Cochim: mais sur le commencement de la nuēt ils tournerent visage vers Porqua, pres de laquelle toutes les troupes se trouuerent au point du jour, & incontinent prindrent terre, & sur le champ Sampaio fit entendre aux soldats qu'il leur dõnoit le pillage: ce qui leur haussa tellement le cœur, que malgré les dangers, où ils entroyent iusques aux genoux, & autres incommoditez du chemin, ils approcherent du lieu, sous la conduite de Melio qui menoit l'auantgarde. Mais ils ne trouuerent point de resistance, parce que le Seigneur estoit dehors avec ses gens de guerre: par ain- si les habitans, gens mal adroits, sans armes, & surprins, abandonnerent incontinent la place, & se sauuerent qu'il y a qui là. Les Portugallois entrez dans la ville coururent soudain au palais du seigneur, qu'ils saccagerent en vn instant, & y trouuerent grand somme de deniers, & y eut tel soldat qui eut à sa part plus de huit mille ducats, le moindre n'ayant pas eu moins de huit à neuf cens ducats, encõres qu'ils fussent plus de mille hommes. Sampaio emporta lors deux cens mille escus, & les autres capitaines ne s'oublierēt pas. Outre les deniers en or, il y eut grand butin d'argent monoyé & en masse, de pierres precieuses, de riches draps de Perse & des Isles de Maldiuar. Les femmes & vne sœur de ce Seigneur de Porqua, pompeusement ornees de ioyaux de grand pris, de pendans d'oreilles, de bagues à col, de brassilets d'orés mains & és iambes, furent deschargees de tout ce bagage & retenues prisonnieres. En apres la ville & tout le pays d'autour furent desolez d'estrange façon, toute l'artillerie enleuee, huit paraus & deux caturs emmenez. Sampaio & ses gens s'en retournerent bien courrez à cochim, où ils se donnerent du bon temps, tandis que le Seigneur de Porqua deploroit ses pertes, qui affoiblirent tant que depuis il n'osa rien entreprendre contre les Portugallois, auparauant molestez en diuerses

sortes par ses ruses & moyës. Toutesfois il ne voulut iamais pacifier avec Sâpaio, craignant que le Viceroy, que l'on attendoit en Inde pour l'année prochaine, n'annullast ce qui auroit esté accordé par son deuancier. Il attendit donc la venue de Nonio de Cugne, auquel il fournit vne grand' somme de deniers pour la rançon de ses femmes & de sa sœur. Tâdis que Sampaio se reposoit, Garfie de Sa & Anthoine Saldagne arriuerent au port de Cochim, & raconterët à Sampaio ce qui leur estoit auenu en leur navigation depuis l'embarquement du Viceroy, lequel estoit demeuré (comme tous le presumerent, à cause du temps incommode) en quelque port de la coste d'Ethiopie. Lors Sampaio delibera de recommencer la guerre contre les Calecutiens, & pour cest effect mena toutes ses forces par mer à Cananor, puis enuoya deuât Simon Melio, avec charge d'aller mettre le feu en douze paraus de Calecut anchrez pres du mont Dely en vn port nommé Maraue. Incontinent Melio s'embarqua menant soixante bons soldats en cinq brigantins, & assaillit trois cens Mores, lesquels apres quelque resistance furent mis en route & les paraus bruslez, Cela fait, Melio reprit la route de Cananor, où il fut pourueu du gouuernemët de la citadelle, Deze enuoyé pour commander en celle de Goa, & Mirande en la coste de Calecut, où il alla avec quelques vaisseaux & deux cens hommes.

25.

S A M P A I O s'estant retiré au haure de Goa receut vne lettre de Frâcisque Percire capitaine de Chaul, qui l'auertissoit que cinquante fustes de Diu venoyent d'ordinaire iusques à la fosse de Chaul, descendoient en terre & pour s'emparer de Din: la fourrageoyent le plat pays, tellement qu'il y auoit danger que la citadelle ne demeurast bien tost en leur puissance sur la lance, si l'on n'enuoyoit du secours. Cest auertissement escmut Sampaio de se mettre à la voile, contre l'avis de de Cambaie, Anthoine Saldagne, disant qu'vn Viceroy des Indes ne se deuoit ainsi hazarder à tous coups en entreprises, desquel les vn simple gentils-homme pourroit venir à bout. Mais Sampaio consideroit que cest flotte de fustes auoit de grands moyens, & qu'en la desfaisant ce seroit faire vn bon seruice au Roy. Pourtant il par tit le cinquiesme iour de Ianuier mil cinq cens vingtneuf avec cinquante deux

1529.

voiles, de gallions, galeres, galliotes, braigatins, & caturs, chargez de deux mille Portugallois & de grand nombre d'Indiens. A son arriuee à Chaul il trouua que les fustes s'estoyent retirees. Or d'autant que plusieurs insistoient qu'on les deuoit poursuiure, il despescha vn capitaine de Catur pour aller descouurir les ennemis, lesquels il descouurit pres d'une riuere nommee Maim, ayans soixante trois vaisseaux bien fournis d'hommes & d'artillerie, sous la charge du general Halissa, & en vint faire son rapport à Sampaio lequel estoit encores en la fosse de Chaul. Sur cela Sampaio descendit en terre, & entra dedans la citadelle, pour se resoudre avec les capitaines. Le mesme iour arriuerent pres de Chaul treize fustes entretenues par Halissa pour cognoistre l'intentiõ de Sapaio. Encores que les fustes vissent les gallions, si s'en approcherent-elles hardiment, en faueur du temps qui empeschoit par vn vent de traucise les Portugalois de sortir hors du fleuve: mesmes ceux des fustes tirerent quelques coups de canon, à cause dequoy Hector de Sylueire fut enuoyé pour les reprimer, à la venue duquel ils se retirerent vistement vers leur general, qui se douta lors que Sampaio luy presenteroit bataille. Le conseil des capitaines & gentilshommes Portugallois assemblé en la citadelle de Chaul, Sampaio leur dit: Seigneurs, vous saluez bien que Diu est la plus forte place de toute la coste de Cabaie, & la clef de toute l'Inde, en laquelle le Roy de Cambaie peut entrer aisément: c'est là qu'aspirerent les Turcs pour descendre plus bas puis apres. Pourtant quand ie considère ce dangereux voisinage & fascheux ennemy, ce seroit (ce me semble) faire beaucoup pour le seruice du Roy, que de s'emparer d'une telle ville. Dieu nous en ouüre maintenant les moyens, sans beaucoup hazarder les soldats, & avec peu de despense: c'est que la pluspart des habitans de Diu sont embarquez sur leurs fustes avec leur meilleure artillerie. Melich Tocan qui commande en la ville n'a pas grand'experience, & est encores tout neuf à la guerre, tesmoignages assurez de mon opinion, à cause dequoy aussi ie suis venu iusques en ce haure, non point simplement pour chercher les fustes & les cõbatre, car l'un d'entre vous peut executer plus dis-

„ facile entreprise, mais aussi pour m'approcher si pres de
 „ Dieu que i'espere, à l'aide de nostre Seigneur, vous y voir
 „ tous en bonne prosperité. Il me semble donc que nous
 „ deuôs laisser les fustes, & en nostre route faindre de cin-
 „ gler droit à Ormus, puis tout soudain faire voile à Dieu,
 „ laquelle tendra incontinent les mains, estimant que sa
 „ flotte aura esté mise en route par nous, & n'osera iamais
 „ se mettre en defense. Des l'aage de seize ans iusques à
 „ present i'ay porté les armes, & scay à peu pres comment
 „ les affaires de la guerre se doiuent manier. Si donc vous
 „ m'estimez de quelque experience & iugement, ie vous
 „ prie me croire ceste fois. Là dessus Anthoine Saldagne
 „ & Garſie furent priez de dire ce qui leur en sembloit, les-
 „ quels respondirent ne pouoir cōseiller qu'on allast droit
 „ à Dieu, ains falloit combattre l'armee nauale, parce que les
 „ soldars ennemis estans es vaisseaux se monstroient si in-
 „ solés que si les Portugallois s'adressoyēt ailleurs, ces en-
 „ nemis, estimans qu'on eust peur d'eux, approcheroyēt de
 „ Chaul, ruineroyent & ville & citadelle. Que d'aller à Dieu
 „ ce n'estoit guerresbiē auisé, n'estans croyable qu'une place
 „ de telle importance fust despourueue, & n'en deuoit-on
 „ ainsi presumer sans l'auoir veu: & qu'au contraire il faloit
 „ estimer les Mores assez prudens pour conseruer vne tel-
 „ le ville, & y faire bonne garde, tandis qu'ils verroyent
 „ les Portugallois si proches d'eux. Que d'aller heurter aux
 „ portes sans entrer dedans seroit se flectir d'une hôte per-
 „ petuelle: ioint que telle navigation & entreprise deuoit
 „ estre plustost commise à vn simple capitaine qu'au Vice-
 „ roy des Indes. Presques tous les autres conseillers furent
 „ de ce mesme auis, excepté Hector de Sylueire qui suiuit
 „ celui de Sampaio, lequel dit alors resolument son inté-
 „ tion estre de combattre les fustes, & que ceux qui ne le
 „ voudroyent suiure demeuraſſent. Il partit incontinent
 „ avec toute la flotte, ayant donné la conduite des vais-
 „ seaux de rame à Hector de Sylueire, afin de costoyer le
 „ riuage, & luy s'essargit en mer avec les galliôs, afin d'en-
 „ clore les fustes & leur couper chemin & retraite de tous
 „ costez. Sur le soir du cinquiesme iour de feurier, on de-
 „ couurit treize fustes au long de terre, tenans la route de
 „ Chaul, lesquelles ayans descouuert l'armee commence-

rent à se retirer. Sampaio conut alors que leur flotte n'estoit pas loin, & pourtant se mit en vn brigantin avec de- liberation de donner bataille: puis alla trouuer Sylueire, pour l'auertir de ce qui estoit requis pour le lédemain. Et afin d'encourager les capitaines, il fit publier par toute l'ar- mee, que quicôque des capitaines acrocheroit le premier vne des fustes de Diu auroit cent ducats pour loyer de sa- vaillance. Le lédemain au point du iour l'armee se trouua pres de Bombain, où les soixante quatre fustes estoient derriere vne pointe de terre, Hector de Sylueire defendit à tous les capitaines de tirer aucun coup de canon aux fustes, sinon quand il n'y auroit plus d'esperance de les pouuoir accrocher, qui fut vn stratageme profitable aux Portugallois: car s'ils eussent fait iouer leurs pieces des le commencement, les ennemis se fussent retirez sans rien prendre, à cause de la vifesse de leurs vaisseaux. Sylueire se doutant desia de leur fuite, & qu'ils se rengeroyent pres de l'embouchure d'une riuere vers le Sep- tentrion, commanda à huit capitaines de gagner ceste embouchure si tost que les ennemis seroyent rompus. Cela fait il commence à voguer avec les capitaines & gentils-hommes de sa suite, qui estoient lors en bon nô- bre. Haliffa general des soixante quatre fustes les auoit disposees en trois bataillôs, au dernier desquels il estoit. Voyant approcher Sylueire il fit descharger l'artillerie avec telle furie que le ciel, la mer & la terre trembloÿt: ce nonobstant les Portugallois auançoient chemin sans tirer vn seul coup: ce que voyant Haliffa il congut qu'on le vouloit ioindre & venir aux mains, chose qu'il redou- roit. Pourtant tascha-il de se retirer à l'endroit d'où ses fustes estoient partis, mais le vent estoit contraire. Lors Haliffa se voyant à trois doigts pres de sa ruine, saute dans vne petite fuste, quittant la siene grande, & se retire des premiers, laissant vne partie de ses fustes au combat: car les Portugallois estans approchez, le brigantin d'An- thoine Fernand chargé de bon nombre de gentils-hom- mes donna de telle roideur contre la plus grande fuste qu'en l'accrochant il lascha incontinent prinse, en telle forte neantmoins que Francisque de Barros fut le pre- mier qui entra dedans la fuste, où il se trouua en merueil-

leur danger pour vn peu de temps. Mais le brigantin s'estant reioint ses cōpagnons le secoururent: & tira ce combat vn pot de feu artificiel tombé de la hune de ceste fuste en bas se creua pres de la poupe, & prenant à quelques pouldres prochaines, fit vn estrange tintamarre, ietta dans la mer tout le conuert de ce costé avec ceux qui y estoient. Francisque de Barros fut enleué & porté au brigantin, ayant esté atteint d'vn coup de iavelot à l'espaule, comme quelques autres furent blesez de fiesches & de cailloux. Sylueire & les autres capitaines suruindrent qui ferrerent les ennemis de si pres que les vns se rendoyent, les autres se precipitoient en mer, les autres estoient tuez au cōbat. Brief apres grand meurtre, ils mirent le reste en route, & les suivirent de si pres, que quarante six fustes leur demeurerēt avec l'artillerie. Onze autres se sauuerent, dont Halissā recueillit les sept avec la sienne, & gaigna vn lieu nommé Tana, d'où il fit voile vers Baccain. Les quatre qui restoyent se sauuerent dans le fleue de Nagotane, où elles furent prinsees par ceux de Chaul. Apres ceste desfaite Sampaio mena ses gallions au goulf de Braim, & d'autre part Sylueire ioignit à sa galere les fustes conquises sur les ennemis & se retira vers Sampaio qui le receut en grande allegresse, & fit diuers honneurs & presens aux capitaines & gentilshommes qui s'estoyent trouuez en ceste braue rencontre, où les Mores receurent vne lourde bastonnade, pource qu'ils se reposeroyent entierement sur ceste flotte. Tous les capitaines Portugallois assemblez, Sampaio remit en auant la deliberation d'aller à Diu, alleguant pour raison cōcluante la desfaite de ceste flotte du Roy de Cambaje, à l'occasiō de quoy ceste ville demeueroit desnuée, & seroit prinse ou rendue en peu de iours, si lon en approchoit. Mais ceste victoire ne luy seruit de guerres, car Saldaigne & garfie de Sa furent d'avis contraire, estans suiuis de plusieurs: & la dispute s'eschaufa tellement que Garfie protesta d'empeschet que Sampaio ne rauiroit point l'honneur au Viceroy de Cugne, qui estoit enuoyé es Indes specialement pour s'emparer de Diu: & pourtant qu'il ne falloit point parler de siege ny d'approche, autrement il demandoit acte de ce que Sampaio voudroit entreprendre dauant.

tage. Saldagne & ceux de son party dirent le mesmes, & y en auoit de si eschauffez par les nouuelles de la venue du Viceroy, qu'ils ne daignoyent pas mesmes regarder Sampajo, tant ils l'auoyent à contre-cœur. Luy de la part craignant pis n'osa repliquer à leurs protestes, se sentant trop foible, & laissa en arriere son entreprise sur Diu qui fut vne chose mal entendue, d'autant que si les Portugalois y fussent allez, la place leur tédait les mains, & n'eust pas fait espandre tant de sang, ny despendre tant d'argent, comme elle fit depuis. Mais force fut à Sampajo de dissimuler, & pour sa iustification il demanda au secretaire vn acte de ce qu'il auoit proposé au conseil deuant & apres la desfaire de Halissa, pour faire cognoistre au Roy qu'il auoit procuré de sa part la prise de Diu. Cest acte fut soussigné de ceux qui auoyent assisté és deux consultations. Puis apres Sampajo voulut aller assaillir vne ville grande & riche en la coste de Cambaje, nommée Tana: mais par l'indiscretion d'Anrhoine Saldagne, qui voulut entrer dans la riuere de Maim (sur laquelle ceste ville est bastie) avec son gallion lequel fut arresté sur le sable, & salut que tous s'employassent à le tirer de là, ceste entreprise tourna en fumee, ioint que les soldats & Capitaines mesprisoyent Sampajo avec vne insolence toute manifeste, quoy qu'il les amadouast & cherist en diuerfes sortes. Or pource que l'hiver approchoit, & que l'intention de Sampajo estoit de se retirer en la ville de Goa, n'ayant plus rien à faire en ceste coste, à quoy vn de ses lieutenans ne satisfit aisément, il laissa vne armee de vingt brigantins & de deux galliottes avec trois cens hommes à Hector de Sylueire, pour continuer la guerre, & sur la fin de l'esté se retirer en Chaul: puis il fit voile & surgit au haure de Goa enuiron la fin du mois de Mars.

D E Goa Sampajo despescha trois gallions chargez de marchandise appartenante au Roy, pour aller à Ormus, sous la charge de Fernand Deze, ayans pour Capitaines Anthoine de Leme & Lopez de Mezquite. Il leur com-
māda qu'au retour ils courussent la coste de Diu, & fit embarquer Garfie de Sa pour aller prendre possession du gou-
uernemēt de Malaca, lui recōmandāt sur toutes choses la

24.

Flotte de C.
lecut desfait
par Anthoi-
no Miranda
et Christof.
Melio.

deliurance de Martin Alfonse Melio prisonnier de Co-
douaz Can, ainsi que nous l'auons veu cy dessus. Chr o-
se Melio fut enuoyé en la coste de Malabar avec vne ga-
lere & six brigantins, pour se ioindre avec Anthoine Mi-
rande, & faire ce qu'iceluy commanderoit. Estans en-
semble, ils cinglerent vers le fleuve de Chiale, où il y auoit
vne grande nef du Roy de Calecut, chargee de poyure
pour la Mecque, & douze paraus qui l'accompagnoient,
fournis de mil ou douze cens Malabares, archers & har-
quebuziers pour la pluspart. Mirande entra dedans le
fleuve avec les brigantins & caturs qui voguoient en râg
de bataille aux deux riuages: & sans se soucier de l'artille-
rie des ennemis (qui estoient au milieu de l'eau, ayans at-
taché leurs paraus quatre à quatre autour de la nef) ap-
procherent de si pres que quatre paraus furent accrochez,
& y eut vn cruel conflict: mais apres grand meurtre de
Mores, les Portugallois ietterent force engins à feu,
dont les paraus furent incontinent embrasés, & ceux de
dedàs contrainsts se lancer en l'eau, où les vns furent tuez
à coups de picques & d'harquebuzes, les autres gaignerēt
terre à bien nager & s'enfuirent fort loin, laissant la bour-
gade au commandement des Portugallois, qui y mirent
le feu, & ruinerent tout le pays d'alentour. La nef & les
huit paraus entiers furent enuoyez à Cochim, le poyure
deschargé en la facturerie, & les paraus furent accômo-
dez tellement qu'ils seruirent depuis de brigantins. Apres
ce premier exploit, Mirâde & Melio se departirent pour
guerroyer avec plus grand aduantage, l'un tendant au
Midy, & l'autre au Septentrion. Vn iour sur le tard, Melio
descouurit vne flotte de cinquante paraus de Calecut, &
alla tout à l'heure trouuer Mirande pour donner l'assaut
à ceste armee: ce qu'ils firent le lendemain, tellement que
ils conquerirent quatorze paraus aux despens de ceux qui
les gardoient, & furent menez à Cananor, pour estre chā-
gez en brigantins. Cela fait, ces deux Capitaines couru-
rent encores l'espace de quelques iours ceste coste, laquel-
le ils laisserent nette sur la fin d'Auril, que Melio fit sa re-
traite à Goa & Mirande à Cochim.

25.

Guerre d'He

tor de Syl.

Н Е К Т О Р de Sylueire laissé en la coste de Cambaje
delibera se rendre maistre d'une forteresse à deux lieues

loin de la mer sur la riuere de Negotane, où y auoit garnison de six cens cheuaux & de deux mil hommes de pied. Mais il ne pût aller iusques là, pource qu'à vne lieuë pres l'eau estoit si basse que les caturs ne pouuoient flotter dessus. En contr'eschange il brusla six villages és deux costez de l'embouschure de ceste riuere, & tua grand nombre de gens, dont les nouuelles portees en la fortteresse, le Capitaine & la garnison se mirent en cāpague pour courir sus aux Portugallois, qui acheuoient de ruiner le dernier village. Sylueire sçachant qu'il auroit trop d'ennemis sur les bras s'il combattoit en campagne, n'estant suivi que de trois cens Portugallois, fit retirer ses gens vers la mer, se tenant à la queue pour auoir l'œil par tout. Incontinent il vid à ses talons les ennemis, sur tout ceux de cheual qui l'escarmouchoient sans cesse: mais il les sustenoit brauement, & tousiours gaignoit chemin. Sur ce il aduint qu'un de ses picquiers s'escarta de la troupe, & lors vn homme de cheual accourut vers luy la iaueline au poing, pour le terrasser à quoy il obuia si dextrement que du premier coup il luy perça l'espaule & le porta de son cheual en terre, puis empoigne la iaueline, monte sur le cheual, & tue vn autre More qui accouroit au secours, le perçant de part en part, encores qu'il fust armé d'un bon iacque de maille. Ces deux beaux coups renforcèrent les autres soldats Portugallois, & retindrent en pied l'ennemy qui n'osa passer plus auant. Pour recompense d'un si valeureux fait d'armes, ce soldat fut fait cheualier, & depuis eut grand credit & nom entre les Capitaines. Sylueire s'estant rembarqué fit voile au long de la coste, & print la route de Bazain, à cinq lieuës de là, & demië lieuë auant en terre sur vn fleuve: puis commit Christofle Correa pour aller avec son brigantin reconnoistre l'estat de ce lieu. Iceluy estant descendu en terre vid vne bourgade fermee de palissades, munie de deux rempars & de trois bouleuards de terre, avec soixante grosses pieces d'artillerie, ayant pour garnison trois mille pietons & cinq cens hommes de cheual bien armez. Ce nonobstant les soldats importunerent tant Sylueire qu'ils le contraignirent de les mener là, & gaignerent terre, maugré la résistance de ceux qui gardoyēt

*neire au roy-
aume de Cā-
baie.*

le riuage, puis marcherent vers la palissade, où les ennemis cōbatirent vaillamment l'espace de quelques heures: mais en fin ils furent chassez iusques dedans la bourgade, où ils se rallierent, & firent teste mieux que deuant, attendant le secours de Halissa qui s'estoit mis en embusche pour surprendre les Portugallois. De fait, il sortit avec une bonne compagnie pour les venir charger, ce qui fit retirer Sylueire & ses troupes en cāpagne, où il les disposa pour soutenir le choc, mettant les harquebuziers en front, qui du bruit de leurs bastons à feu estonnerent tellement les chevaux de Halissa qu'impossible fut aux maistres de les retenir, tellement que de là s'ensuiuit leur route. Sylueire ne les voulut pas suivre à cause que ses gens estoient las, ains apres auoir saccagé & ruiné tout le plat pays, regaigna le riuage & emplit ses vaisseaux du pillage de Bazain, estonnant de telle sorte les habitās de six lieues à l'entour, quel'on ne voyoit personne, non plus que si c'eust esté quelque desert. Le gouuerneur de Tana effroyé comme les autres enuoya demander la paix à Hector de Sylueire, offrant payer tous les ans quatre mille ducats de tribut, & deslors fournit vne demie annee, baillāt ostages pour seurer de l'autre moitié. Pource q̄ la fin de l'esté approchoit, Sylueire se retira au port de Chaul, où il deuoit hyuerner.

26.

Estat des Moluques en l'an mil cinq cens vingt-neuf.

CONSIDERONS maintenant l'estat des Moluques & de Malaca sur le commencement de ceste mesme annee mil cinq cens vingt-neuf. Nous auons veu cy deuant le peu d'assistance que Gonfalue d'Azeuede & ses gens firent à George de Menefez gouuerneur de la Citadelle de Ternate, & qu'ils ne pensoient qu'à leurs affaires particuliers. Toutesfois leur presence & ombre brida les Espagnols & Tidoriens qui ne faisoient pas la guerre si hardiment; mesmes par fois les vns alloient banquetter avec les autres sans autre sauconduit, sinon d'une bande rolle blanche qu'ils desployoyent à l'approcher, pour signal de leur vnion. Pour tout cela neantmoins le Capitaine Fernand de la Tour ne voulut oncques rendre les Portugallois prins avec la galliotte de Baldaje, dont Menefez estoit fort mal content. Sur ces entrefaites deux Espagnols se presenterent à la porte de la Citadelle de Ternate, pensans y entrer pour boire & passer le temps

avec quelques soldats : mais ils furēt saisis par les gardes, & serrez en prison par le cōmandement de Meneséz, qui se doutoit de trahison, pource que ces deux n'auoient demandé sauſconduir, ny ne pouuoient alleguer cause iustificante de leur venue. Fernand aduertý de ceste detentiō, demanda licence à Meneséz de luy enuoyer gens pour traiter de leurs affaires : & despescha tost apres vn Ambassade, qui se fit accompagner autant que s'il eust esté enuoyé par quelque grand Roy : car il faisoit sonner des trompettes & cornets, & marchoyent deuant luy deux Heralds d'armes, & force gens deuant & derriere en riche équipage. Le sommaire de ceste magnifique legation fut, que Fernand trouuoit fort estrange l'emprisonnement des deux Espagnols, demandant qu'ils fussent relaschez. Auant que faire responce, Meneséz entretint l'Ambassadeur quelques iours, luy faisant bonne chere à sa table, & par fois luy enuoyāt des presens en son logis. Or vn iour entre autres, cest Ambassadeur estant sur la fin du dîner, Meneséz voulāt plaísanter, luy enuoya vn grãd pasté, dans lequel estoýent enclos vn chien & vn chat vifs, avec charge au porteur de dire, puis q̃ ces deux animaux si aduersaires estoýent neantmoins de bon accord en ce pasté, que les Espagnols & Portugallois ne deuoýet s'entreguerroyer, veu mesmes qu'ils estoýent Chrestiens & seruiteurs de deux Princes parens, aliez & amis. L'Ambassadeur enuoya demander à Meneséz, auquel des deux animaux il comparoit les Espagnols : la responce fut qu'il les cōparoit au chat qui de ses griffes auoit pigné le chien assez rudement ; mais que le chien aussi pouuoit l'analler à deux ou trois morceaux : qu'au reste l'Ambassadeur allaist dire à son maistre, qu'on le prioit de rendre les Portugallois, sinon les Espagnols demeureroýent. Ce fut l'expédition de l'Ambassadeur, dont Fernand cuida creuer de despit, & ne voulut lascher ses prisonniers. Quelques iours apres, George de Castre arriua en l'Isle de Ternate, ayant passé par Burneo, & menant vn bastean chargé de marchandises pour la facturerie, & des munitions pour la Citadelle. Ce rafraischissement remit dessus Meneséz, lequel enuoya Castre faire vne course cōtre la flotte des ennemis laquelle il mit en route, puis se retira au port de

Ternate. Au commencement de l'an mil cinq cēs vingt neuf, Azeuede fit ses apprests pour retourner à Malaca, & nonobstāt les remonstrāces, prieres & offres de Menefez luy & Lionel de Leme s'embarquerēt: mais en petite cōpagnie, ceux de leur suite s'estans arrestez à Ternate par le moyen des grandes esperances & belles promesses dōt Menefez les entretint. George de Castre partit aussi pour aller querir secours es isles de Bandan: & quant à Azeuede il print la route de Bachna, pour recueillir & mener quand & soy Manuel Faucon qu'il y auoit laissé, lequel ne pūt s'entrer en grace avecques Menefez qui se plaingnoit merueilleusement de luy. Au reste, lors que les Espagnols & Portugallois estoient sur le point de s'entreguerroyer plus cruellement que iamais, spécialement es Molucques, suruint vn accord entre l'Empereur & le Roy de Portugal qui assopit presques tout. Nous descrirōs ici ce que les historiens Espagnols en recitent d'un cōmun accord. Apres la sentēce donnee sur le fait des Molucques par les deputez de l'Empereur au prouffit de leur maistre, le Roy Iean troisieme fit son possible d'empescher que les Espagnols n'y allassent trafiquer: sans toutesfois pouuoir rien obtenir, cōme les discours precedens le monstrent. Quelque temps apres l'Empereur espousa Isabelle sœur du Roy, lequel reciproquement print à femme Catherine sœur de l'Empereur. Par le moyen de telles alliances le negoce de l'espicerie se refroidit vn peu, & ce pendant le Roy poursuiuoit vers son beau frere d'estre laissé paisible en possession des Molucques, à quoy l'Empereur, par l'auis de quelques conseilliers, ne vouloit pas entendre, ioint que quelques vns taschoient par diuers rapports inciter l'Empereur à poursuiure ceste nauigation, & mesmes de faire quitter la place aux Portugallois, accusez d'y auoir rudement traité les Espagnols qu'ils auoyent peu attrapper à leur auātage. Le Roy nioit que ses suiets se fussent ainsi portez, au cōtraire alleguoit plusieurs exemples de l'insolēce des Espagnols. Sur ces contestations, l'Empereur qui auoit vne infinité d'affaires sur les bras, à cause des guerres cōtre le Roy de Frāce, & pour l'estat d'Alemagne, & d'Italie où il vouloit aller en grand appareil pour se faire

couronner, & se trouuant lors bien court de finances, engagea ce qu'il prétendoit aux Molucques, & tout le trafic de l'espicerie, pour la somme de trois cens cinquante mille ducats que le Roy Iean fournit l'an mil cinq cens vingtneuf, sans adiouster à l'obligation aucun temps, laissant le proces en mesme estat qu'il estoit demeuré au pont de Caja. Le Roy chastial le docteur Azeuede de ce qu'il auoit promis les deniers, sans autrement terminer l'obligation : qui sembloit luy preiudicier & tenir les choses en suspens, à l'auantage des Espagnols. Or cest engagement fut assez secret, & contre la volonté de plusieurs du cōseil d'Espagne, qui sçauoyēt le proufit que le public & les particuliers pouuoient tirer de ce trafic des Molucques : mais l'Empereur passa oultre, sans que lon ait peu sçauoir au vray qui l'a esmeu depuis à ne point restituer au Roy les trois cens cinquante mille ducats, & quereller son droit, ou en iustice, ou par les armes, comme lon auoit commencé : mesmes il fut plusieurs fois conseillé de le faire, & nommément en l'an mil cinq cēs quarante huit, les procureurs de la diette se trouuans à Valledolid le supplierent de donner à ferme pour trois ans au royaume d'Espagne ce trafic des espices, à la charge qu'ils rembourseroyent le Roy de Portugal des trois cens cinquante mille ducats, qu'ils deschargeroyent toute l'espicerie au port de la Corugna, designé par l'Empereur des le commencement de ceste negotiation, & les trois ans expirez il disposeroit de ce trafic selon que bon luy sembleroit. La responce de l'Empereur (qui estoit lors en Flandres) fut de deffendre qu'on ne luy parlaist plus de ceste affaire : dont plusieurs furent estonnez & offensez, les autres estimerent qu'il y auoit quelque communication plus secrette entre l'Empereur, & le Roy de Portugal, & que les trois cens cinquante mille ducats auoyent esté suiuis de plus grâdes sommes, fournies puis apres par le Roy pour l'achap absolu des Molucques, l'empereur ayant tant d'armes, de pëssonnaires, garnisons, & seruiteurs à entretenir, que l'or d'Orëe & d'Ocçidēt n'y pouuoit suffire, pour les raisons que chascun sçait assez remarquer de soy mesme. Or deuant cela & depuis aussi plusieurs porterent grand' enuie aux Por-

*Estat de Ma-
laca en l'an
1529.*

tugallois pour ce trafic, dont la descharge est establie à Lisbonne & Anuers: ce neantmoins la iouissance leur en est demeuree iusques à present. Voila quant à l'estat des Molucques. Reste à parler de celuy de Malaca, duquel George Capral auoit esté gouuerneur auant la venue de pierre de Far enuoyé de Sampaio. Au commencement de Ianuier l'an mil cinq cens vingtneuf Capral & Garfie Henriquez s'embarquerēt en vn mesme ionc avec plusieurs gentilshommes de leur suite, & arriuerent pres de Cochim où Capral delibera se retirer, n'osant passer plus outre à cause des vents de Nordest qui luy donnoient en proue. Garfie voulut faire du braue, & voyager contre vent pour gagner le port de Goa: mais apres auoir eschappé le naufrage par deux ou trois fois, il tourna vistement voile vers Cochim. Or pource que son basteau estoit trop grand & trop chargé il ne pūt entrer dedans le canal, tellement que Garfie fut contraint le laisser à l'anchre, tandis qu'il print terre: mais le vent se renforça, & esmūt la mer de telle sorte l'espace de trois iours & de trois nuits, que le basteau petit, & y eut perte de cinquante mille ducats pour Garfie, lequel demeura desnué, n'ayant autre chose que la cappe & l'espee. Encores pour l'acheuer de peindre, comme on dit, le Viceroy de Cugne le fit emprisonner à cause de ses mauuais deportemens es Molucques, & l'envoya l'annee suiuite pieds & poings liez en Portugal, où il eut prou d'affaire à garantir sa teste, Garfie de sa estoit à Cochim durant ceste tourmente laquelle appaisée il monta en sa nauire suiue d'un ionc qui portoit son bagage, & print la route de Malaca. Ce ionc se brisa au sortir du haure, & salut charger le bagage dedans la nauire. Apres que Garfie fust arriué, Pierre de Far luy remit la capitainerie de la citadelle, & fit seiour en la ville iusques au mois de Septembre, qu'il se mit à la voile & gagna l'Inde basse au mois de Nouembre ensuiuant.

27

*Nouveaux
efforts du
Roy de Da-*

LE Roy de Dachen auoit enuoyé dire à Pierre de Far qu'il estoit prest de rendre au premier gentilhomme, qui viendrait à son haure, la galere, l'artillerie & les prisonnieres. Or voyant que personne ne venoit, & n'entendoit

aucunes nouvelles; il delibera d'en sçauoir la raison, & *chen cōtre les*
despescha homme expres auec lettres à Sanaje Raie, Bâ- *Portugallois*
dare ou iuge de Malaca, son ancien ami & pensionnai- *ce qui s'en*
re pour le prier de luy escrire & descouuir l'intention *ensuiuit.*
des Portugallois & leur nombre: pource que toute sa
pensée tendoit à trouuer les moyens deles destruire, &
s'emparer de leur citadelle, sans coup ferir. Sanaje l'a-
uertit que Caldeire auoit esté renuoyé par Pierre de Far
auec bõne response, & que pour la bõne opiniõ que les
Portugallois cõceuoient de luy, le secours preparé pour
le Roy d'Auru estoit demeuré à Malaca, & que sans la
venue de Garfie de Sa, Far eust commis gens pour aller
querir la galere, l'artillerie & les prisonniers. Ce Roy re-
solut incontinent de demander la paix à Garfie, afin d'at-
trapper quelques Portugallois sous ce pretexte, pour les
massacrer à son aise puis apres, & pour y paruenir en-
uoya son ambassadeur, lequel entré par sauconduit à
Malaca, auant que se presenter à Garfie, se pourmena
par toute la ville, monté sur vn elephant, avec vn bassin
d'or en main, dedãs lequel estoient les lettres de son mai-
stre à Garfie, & environné d'une grosse troupe de gens de
pied & de cheual faisoit marcher vn heraud deuant soy le
quel touchoit vn bassin, & de fois à autre crioit à haute
voix que le Roy de Dachen vouloit pacifier avec celuy
de Portugal. Ceste solénité est accoustumee en ces lieux,
quand il est question de quelque paix que lon estime as-
seuree. Apres auoir ainsi tournoyé il alla faire son am-
bassade, dont le sommaire fut d'excuser le Roy touchant
ce qui estoit auenu à Simon de Soufe, faire l'offre accou-
stumee, & demander que Garfie enuoyast quelque hom-
me d'autorité pour confermer la paix, d'autant que le
Roy ne seroit iamais en repos qu'il ne vist les Portuga-
lois trafiquans en son pays: priant Garfie de faire respõ-
se à ceste fois, puis que le Roy n'en auoit receu aucune
à tant de messages enuoyez au parauant. Garfie croyant
tout cela tresveritable & mis en auant sans dissimulation
fit bonne chere à l'ambassadeur, & expedia ensemble vn
de ces gẽtils hõmes avec response accordate aux deman-
des du Roy de Dachen, lequel fit toutes les caresses du
monde à ce deputé de Garfie, & pour l'attirer encores

dauantage luy dôna deux riches bracelets d'or, & à ceux qui l'accompagnoient chascun vn, dont les nouuelles volèrent incontinent à Malaca, tellement que chascun desiroit aller à Dachen. Mais si tost que ce député & ses gens se furent embarquez pour retourner à Malaca, le Roy les fit suiure & esgorger tous, si secrettement toutesfois que personne n'en sceut rien que luy & les bouchers qu'il auoit mis en besongne. Garfie voyant que ses gens ne retournoyēt point estima qu'ils s'estoyēt noyez au retour, & en parloit ainsi, dont Sanaje auertit le Roy qui renuoya vn autre ambassadeur à Garfie, le priant instamment d'enuoyer quelque personnage de qualité à Dachen pour confermer la paix. Ceste recharge esmūt tellemēt Garfie que sans communiquer l'affaire au conseil, il commit Manuel Pacheco qui parloit bon Malacā, afin d'aller à ceste negotiation, & pource qu'il y auoit apparence de pouuoir trafiquer à grād proufit avec ceux de Dachen, il luy donna vn gallion tout neuf chargé de marchandise propre, dont vne portion appartenoit à Garfie, l'autre à quatre viangts Portugallois, lesquels s'embarquerent alaigrement avec Pacheco, estimans se faire riches à ce coup. D'autre costé Sanaje dône auis de tout au Roy, le conseille de saisir ce gallion, l'assurant qu'iceluy prins, la citadelle de Malaca ne pourroit subsister, n'ayans plus gueres d'hommes de defence, qui ne fussent malades & cassez. Si tost que Pacheco fust arriué au port de Dachen, le Roy qui auoit ia receu l'auertissement de Sanaje, enuoya sur l'heure grand nombre de lanchars bien equippez pour inuestir ce gallion. Lors les Portugallois se doubterent de trahison & en auertirent Pacheco, le prians de commander que chascun prinst les armes pour se defendre. Pacheco leur respōdit en choler qu'ils gardassent bien de rien entreprendre, & qu'un tel Roy n'auoit garde de penser à telle meschanceté. Cependant il y auoit déjà tant de lanchars autour du gallion, qu'un coup de fiesche fut descoché & passa si pres des oreilles de Pacheco, qu'il conut, mais trop tard, qu'on luy disoit vray, pourtant se fit il apporter ses armes, & comme il restoit vne chemise de maille vne autre fiesche luy perça le col tout outre. Alors les Mores approcherent

cherent avec grandes huees, entrèrent de tous costez dans le gallion, & firent prisonniers tous les Portugallois, avant qu'ils eussent moyen de s'armer & mettre en deffense, sans qu'aucun d'eux eschappast, puis furent menez au Roy, qui les fit massacrer tous avec ceux de la galere de Simõ de Souze, & retint le galliõ tout neuf & bien armé, tellemēt qu'il auoit lors plus d'artillerie qu'il n'y en auoit en la citadelle de Malaca, contre laquelle il enuoya vne flotte incontinent après ceste trahison, & fit dire à Garfie qu'il le remercioit du gallion, & le prioit d'enuoyer encores vn brigatin, sinon il trouueroit moyen de le luy enleuer biē tost des mains. Briefce Roy deuint si orgueilleux qu'il pensoit tenir desia les Portugallois en sa puissance, pour les traiter comme ceux qu'il auoit si meschamment trahis & tuez. Il conclud donc d'employer toutes ses forces pour forcer la citadelle de Malaca poussé à ce faire par les auertissemens de Sanaje, que promit luy liurer la citadelle: ce qu'il eust assez aisément executé, selon l'apparēce humaine, sans vn accident qui rompit le coup & chastia Sanaje de sa desloyauté. Quelques capitaines de Dachen courans avec leurs bastaux au lōg de la coste, trouuerent certains Malacans qui les menerent bâquetter en vn lieu nommé l'estang du Roy, & firent si bonne chere, que ces capitaines estans bien yures compterent aux Malacans la verité des choses susmentionnees, que tout se manioit par le conseil de Sanaje, & qu'vn tel iour, tandis que Garfie & ses gens seroyēt au temple, la citadelle seroit saisie par gens qui estoient prests, & que cela fait, l'armee prendroit terre afin d'exterminer tout ce qui resteroit de Portugallois en Malaca & es enuirs. Garfie fut bien tost auerti de ce discours par quelques vns qui s'estoyent trouuez au bâquer, & assemblant son conseil fut resolu que lon tueroit Sanaje, avec le moins de bruit qu'il seroit possible. Comme Garfie vouloit sortir pour donner ordre à ceste execution, Sanaje & son gendre Tuan Mahumet entroyent en la citadelle. Ils furent incontinent appelez, & ne firent difficulté de se présenter à Garfie Sanaje estimāt que lō ne scauoit rien de ses menees. Mais Garfie adressant sa parole à Tuan (qui entendoit & parloit le langage Portugal-

lois) luy dit qu'il retiendroit son beau pere prisonnier, à cause de trahison, à quoy Tuan fit responce, Chastiez le s'il est coupable. A l'instant Sanaje fut empoigné & lié, ses meschâctez luy furēt declairees, & sans le garder davantage on le ietta du plus haut d'une tour à cinq estages en bas sur le pauc, & finit ainsi ses iours. Tuan esperdu voyant ceste execution fut asséuré & consolé par Garfie, laquelle fit reconduire seurement en son logis, & donna ordre aux affaires pour recueillir ceux de Dachen & les traiter selon leurs merites. Ce supplice de Sanaje effroya tous ceux de la ville, & leur ramentut la mort d'Vetimutaraja de temps d'Albuquerque: par ceste nouvelle occasion les Portugallois furent plus redoutez qu' auparauant. Quant au Roy de Dachen il demeura cōfus, & fut contraint se contéter des trahisons passees, & attēdre que le temps luy offrist nouueaux moyēs. La veufue de Sanaje & son gendre Tuan Mahumet se retirerent bien tost après sous la protection du Roy de Dugétane voisin de Malaca.

32
Arrivée de
Nonio de Cugne au port
d'Ormus, &
emprisonnement de Raix
Xerax.

Nous auons dit que Nonio de Cugne hyuerna dedans Mombaze, où il perdit grand nombre de gens emportez de maladie. Sur la fin de l'hyuer, Simō de Cugne, Francisque Deze, & Frâcisque Mendoze partirēt de Mozambique, où l'hyuer les auoit arrestez, vindrēt trouuer le Viceroy & luy conterent que quatre cens de leurs soldats estoient morts: qui fut vne nouvelle occasion de tristesse aux Portugallois amoindris de plus d'un tiers en ceste nauigatiō, comme il appert par le discours des dix-neuf & vingtième chapitres de ce liure. Encores craignoit-on que Garfie de Sa & Anthoine Saldagne n'eussent fait naufrage. Or d'autant que l'esté commençoit lors à finir en l'Inde basse, & que la nauigation vers icelle deuenoit biē tost perilleuse pour les nauires, le Viceroy cōclud d'aller hyuerner à Ormus. Ainsi qu'il vouloit s'embarquer arriua en vn basteau Sebastiā Fereire, enuoyé de Goa par Sampajo pour le chercher & auertir de l'estat des affaires. Le Viceroy l'auertit de la prinse de Mombaze, & pourquoy il faisoit voile vers Ormus, le priant de tenir l'armee preste, pour s'en seruir si tost qu'il seroit arriué. Le Viceroy estant arriué au port d'Ormus fut ma

gnifiquement recueilli du Roy: mais Xeraf commença à craindre plus qu'auparavant d'estre chastié de ses tyrannies, pensant (selon l'ordinaire de telle gens, qui ne vivent iamais qu'en crainte) que le Viceroy ne fust venu là sinon pour luy former son procez, & l'enuoyer pieds & poings liez en Portugal. Quelques iours apres ceste arriuee du Viceroy, survint Manuel de Macéde avec son galliô, & charge expresse du Roy de Portugal d'emprisonner Xeraf, à cause des plaintes que lon auoit de ses iniques deportemens, & qu'il l'amenast dedans ce gallion iusques en Portugal. Macéde estant à soixâte lieues d'Ormus endendit que le Viceroy y estoit, ce qui l'arresta craignant qu'on luy rauist l'honneur qu'il pensoit acquérir à la prinle de Xeraf. Voulât donc couvrir son entreprise, il se mit en vne barque avec certains amis, & commanda à son lieutenant de se trouuer au port d'Ormus à iour qui fut nommé, en dedans lequel temps il esperoit executer sa cômmission & mener Xeraf droit au gallion, puis enuoyer copie de ses lettres au Viceroy, afin de le contenter, & reprendre la route de Portugal. Estant arriué vn iour de bon matin pres d'Ormus il descendit fort secrettement, & s'en alla droit au logis de Xeraf dedans le palais du Roy, ayant commandé à vn sien seruiteur si tost qu'il le verroit avec Xeraf, de porter vne lettre au Viceroy, par laquelle il le sommoit au nom du roy de Portugal, que tout promptement il enuoyast gens au logis de Xeraf pour affaire d'importance. Xeraf qui estoit en son logis receut Macéde fort courtoisement, pource qu'il le conoissoit de long temps. Si tost que le seruiteur les vid en propos il courut porter la lettre au Viceroy, lequel en la desployant fut salué de Simon de Cugne presque hors d'halaine qui le venoit auertir que Macéde auoit saisi prisonnier Xeraf, & que le bruit en estoit ia semé par la ville. Le Viceroy troublé de telles nouvelles enioignit à Simon de Cugne d'aller avec bonne troupe prendre Xeraf ce qui fut executé, & le trouuerent desia entre les mains de Macéde, auquel ils l'osterét mirent tous ses biens par inuentaie, & le menerent au logis du Viceroy, sans aucun tumulte en la ville, encores que Xeraf eust de grâds moyens, & beaucoup d'amis,

lesquels n'osèrent rien remuer, craignans estre battus des Portugallois. Au reste, le Viceroy indigné de la hardiesse de Macedé, qui ne l'auoit auerti de sa deliberation le fit emprisonner, nonobstant sa commission, & par ce trait aussi fut appaisé le Roy d'Ormuz, fort mal content de ce qu'on auoit fait ceste capture en son propre palais. Ces choses auindrēt au moys d'Aoust, & au mesme tēps, comme le Viceroy se preparoit pour aller en l'Inde basse, le Roy d'Ormuz fut auerti pour certain que Reiz Bardadin son lieutenant, & gouuerneur de Baharen, s'estoit reuolté, refusant fournir les quarāte mille ducats de tribut q' il payoit tous les ans: & ce à cause del'ēprisonnement de Xeraf, prins par le cōmandement ou consentement du Roy d'Ormuz & dedans son palais, dequoy il deliberoit se venger. Cest affaire ayant esté debatū entre le Roy d'Ormuz & le Viceroy, qui en communicqua au conseil, apres beaucoup de disputes, fut resolu, puis que le Roy d'Ormuz offroit hausser le tribut, qu'il payoit à celuy de Portugal, de quarāte mille ducats par an, moyennant que lon remit Baharen sous son obeissance, que Simō de Cugne iroit faire la guerre à Bardadin, avec charge de s'en retourner, si en dedans vn moys il n'auoit executé sa commission. Cugne partit au commencement de Septembre avec trois basteaux de guerre (l'vn desquels demeura derriere) deux galliōs, vn brigantin & vne fuste, ayās pour capitaines Manuel Albuquerque, Fernād Deze, Alexis de Souze, Lopez de Mezquite & Tristan Ataide, qui cōduisoient trois cēs hōmes, tous nobles, & cheualiers pour la pluspart, biē armez & richemēt equippez.

29
*Nauigatiō de
 Simō de Cugne à Bahare en la coste d'Arabie, où il est desfait.*

SIMON de Cugne apres auoir combattu contre les vents en ceste nauigation, surgit finalement au port de Baharen, où il trouua le general de la mer de Perse avec six brigantins & caturis, lesquels gardoyent le port, pres duquel y auoit vne forteresse cloie de bonne muraille, de tours & bouleuards, & d'vn large fossé, dans laquelle s'estoyent retirez Bardadin, les femmes, enfans & soldats. Voyant arriuer la flotte de Portugal, & presumant à quelle intention ce voyage estoit entrepris, fit dresser vne bâderolle blanche en la forteresse, qui esmūt Cugne à enuoyer son trucheman demander que cela vouloit

dire. Bardadin respondit ne s'estre souleué sinon à raison de l'emprisonnement de Xera son cousin: qu'il ne vouloit toutesfois entrer en querelle & combat avec les Portugallois, estant affectonné seruiteur du Roy Iean, & prest de rendre paisiblement la forteresse, moyennant qu'on luy laissast emmener ses femmes, enfans & soldats avec leurs bagages & armes, Cugne vouloit accepter ceste offre, mais ses gentilshommes & capitaines furent de contraire avis, disans qu'on l'accuseroit de couardise, qu'il falloit chastier ce More, ou du moins retenir tout le bagage, & luy donner la vie seulement, cõpris ses femmes, enfans, & soldats, qu'autrement il auroit moyen de s'esleuer vne autre fois contre le Roy d'Ormus. Encores que cela despleust à Cugne, toutesfois il faignit le trouver bon, & enuoya ceste respõse à Bardadin, lequel comme valeureux ne fit aucune repliche, ains fit dresser sur la muraille deux banderolles, l'une blanche, l'autre rouge, proposant par ce signal aux Portugallois la paix ou la guerre. Les capitaines demanderent la guerre, tellement que Cugne fit approches pour battre la forteresse. La batterie ne fut pas si tost commencée qu'on osta la banderolle blanche, ne restant que le rouge, pour monstrier que les assiegez ne craignoient point les assaillans: & de fait, incontinent que l'artillerie auoit fait quelque pertuis, il estoit estouppé si soudain qu'on ne l'eust sceu reconnoistre. Ceste resistâce mit Cugne en grãde perplexité, sur tout quand les pouldres commencerent à faillir, tant ses vaisseaux estoient mal pourueus: & lors il cõnut la faute d'auoir refusé la forteresse sans coup ferir. Or n'ayãt autre remede il despescha vn brigantin pour aller en Ormus querir des pouldres, ce qui fut vne secõde faute: car les assiegez eurent loisir de se fortifier d'auantage, se moquoient des Portugallois, disans puis que le pays leur sembloit si bon qu'ils y demeurassent. Lon estimoit qu'ils auoyent empoisonné les fontaines, où que les eaux estoient lors venimeuses: de fait l'air estoit si mal sain, & les Portugallois tellement disposez à maladies à cause des trauaux, couruces & miseres precedentes, qu'ils cõmencerent à s'afoblir de telle sorte, que le plus vigoureux ne se pouuoit soustenir sur ses iambes. Là dessus

Bardadin enuoye dire à Cugne qu'il le conseilloit & prioit de se retirer, pource qu'en l'arrestant plus long temps autour de la forteresse il luy seroit impossible de partir quand il voudroit. Mais son conseil fut mesprisé des capitaines, qui s'en repentirét tost apres, aussi bié que Simon de Cugne: car auant que les pouldres fussent apportees d'Ormus, presques tous estoyét malades, & le nombre des morts croissoit de iour en iour. Cugne voyât ses hommes perir ainsi les vns apres les autres, changea de logis, & mit les malades pres de la mer, pour les metre plus aisément es vaisseaux, si les assiegez faisoýét quel que sortie, ce que Bardadin ne voulut entreprendre, non qu'il ignorast le miserable estat des Portugallois, ou redoutast leurs forces, mais il craignoit qu'en leur courant sus le Viceroy ne füst mourir Xeraf: pourrant se contenta-il de se tenir sur ses gardes, & attendre l'issue de la maladie, luy estant aisé de saccager Cugne & ses gens, qui n'estoyent pas lors en estat pour le soustenir. Quant à Cugne, apres auoir acommodé les malades d'une tranchee tout au tour d'eux, il recommença la batterie, & fit bresche assez raisonnable, avec intention de dōner vn assault, s'il eut eu gēs de combat: mais ne trouuant que trente cinq hōmes qui peussent marcher, il leua les yeux & les mains au ciel, & dit ces mots. O Dieu, combien peu t'auroit-il cousté de me donner cent hommes disposés? ce me seroit assez pour emporter ceste place. Apres ces murmures & cōplaintes inutiles, delibera de charger l'artillerie & les malades es basteaux & gallions, à quoy les trente cinq s'employèrent avec telle peine, que leurs mains estoyent sanglantes à force de trainer l'artillerie, & pource que les malades ne se pouuoient leuer ni soustenir ils leur attachoyent des chordes aux pieds, & les trainoyent iusques dedans les vaisseaux, avec des propos, cris & lamentations estranges. Simon du Cugne s'embarquant le dernier, saisi d'un mortel regret, dit au pilote de son gallion Patron, quand il vous aduendra d'entreprendre quelque affaire qui touche vostre honneur, ne prenez auis d'autrui, mais gouuernez-vous selon ce que vous estimez le meillieur en vous-mesmes. Cela dit on hau-

sa les voiles, & fut laissé Bardadin en sa forteresse sans auoir rien perdu de son costé. Trois iours apres l'embarquement, plusieurs malades commencerent à mourir, dont Cugne conceut vn tel ennuy qu'il tomba malade, & s'enferma dedans la chambrette de son gallion sans vouloir voir ny ouir personne, ne cessant de soupirer & sanglotter l'espace de neuf iours, en fin desquels il mourut, & en son gallion septante autres expirerent incontinent apres, demeurant le vaisseau si desnüé que sans le secours de Fernand Aluarez, qui le remena au port d'Ormus, il eust fait naufrage, ceux qui restoyent n'estans en nombre suffisant pour le conduire. Brief de tant d'hommes accompagnans Cugne il n'en reuint pas la dixiesme partie: mais outre ce malheur il y eut vne incommodité, que le Viceroy fut arresté plus longuement à Ormus qu'il ne pensoit, & ne donna si tost ordre à la guerre de Diu. Sur son partement il relascha Manuel de Macede & luy mit en main Xeraf pour le mener en Portugal.

SAMPAIO auerty par Sebastian Fereire que le Viceroy arriueroit bien tost en l'Inde basse fit faire vne procession solennelle dedans la ville de Goa, pour remercier Dieu des bonnes nouuelles de la venue de ceste nouuelle flotte: car les mores publoyét par toute l'Inde que les Portugallois n'auroyent plus de secours, & en faisoient grand feste. Mais ils changerent de cōtenance, & ce pendant Sampaio donna ordre que les forces fussent prestes à la venue du Viceroy, fit dresser & equipper plusieurs vaisseaux, outre les autres faits durant sa charge, à scauoir six galeres, vn gallion, vne nauire, cinq galliotes, quatre carauelles, cinquante brigantins, quelques fustes, barques & caturis. Il se trouua que de son temps les Portugallois auoyent conquis cent cinquante paraus Malabares, sans les fustes, & autres vaisseaux, tous bien armez & fournis d'artillerie, qui furent enuoyez en diuers ports de l'Inde, où le roy de Portugal tenoit garnison. Sōme, quand le Viceroy descendit d'Ormuz en Inde, il trouua vne flotte de cent trente six voiles, à scauoir quatorze gallions, six galeres royales, huit galliottes, six carauelles, avec force fustes & brigatins. Apres celà, Sampaio fit fortifier les citadelles d'Ormuz, de Chaul & de Cana-

30.

Ordre donné

aux affaires

de l'Inde basse

par Sam-

paio, lequel

renuint en Por-

tugal, & No-

me de Cugne

prend posses-

sion du gou-

uernement des

Indes.

nor, de boulevards, terrasses, tours, fossés, murailles & rempars, és endroits necessaires. Il fit clore la ville de Goa depuis le bout où elle regarde la mer iusques à l'autre, & acheua le temple: & en Cochim fit dresser vne longue muraille acheuer les tourrions autour de la ville. Puis il fournit les places de viures, de gens & d'armes, attendant le Viceroy, lequel arriua tost apres & fut receu à la maniere accoustumee: quoy fait, Sampaio se mit à la voile, & reuint en Portugal, où il ne fut gueres bien recompensé de ses seruices: car Mascaregne le fit condamner par arrest du conseil royal à luy payer tous despens, dommages & interests, & par ainsi les butins apportez des Indes luy seruirent bien alors, pour eschapper de ces nouuelles difficultez à son honneur.

FIN DV DIXHUITIESME LIVRE.





LE DIXNEUVIESME LI- VRE DE L'HISTOIRE DE PORTUGAL.

SOMMAIRE.

1. Conquête de la ville & citadelle de Diu par Nonio de Cugne Viceroy des Indes.
2. Armée Turquesque envoyée en Inde pour en chasser les Portugallois, & ce qu'elle fit contre le Roy & la ville d'Aden.
3. Citadelle de Diu assiégée par les Turcs, & leurs premiers escarmouches.
4. Moyens tenus par Anshoine de Sylueire capitaine de la citadelle de Diu pour se défendre, & la brave résistance des Portugallois à soutenir les Turcs.
5. Gratian Norogne esleu Viceroy des Indes : ses aprests pour secourir Diu : le retour de Cugne en Portugal, & sa mort en chemin.
6. Ce que firent les Rois de Calcut & de Cochim à la venue des Turcs.
7. Diverses assaux des Turcs & brillamment repoussez & contrains de lever le siège de la citadelle.
8. Occasions de la seconde guerre de Diu commencée par le Roy de Cambaie.
9. Diverses ruses de Coie Sophar lieutenant du Roy de Cambaie pour surprendre les Portugallois, & comme Lean Mascaregne capitaine de la citadelle y pourvint.
10. Pour parler entre le député de Mascaregne & Coie Sophar avant le siège.
1. Commencement du siège de la citadelle de Diu, & ce qui fut

fait de part & d'autre.

11. *Arrivée du Roy de Cambaie, ce qui passa durant son séjour en l'armée, & sa retraite.*
13. *Continuation de ce siège, avec divers accidens, & la mort de Coie Sophar.*
14. *Rumecan fils de Coie Sophar succede à la charge de son pere, le secours qu'il reçoit, & ses efforts pour emporter la citadelle.*
15. *Divers assaux donnez par Rumecan, repoussez par les Portugallois.*
16. *Moiatecan Connestable de Cambaie amene quatorze mille hommes contre les Portugallois, & ce qui s'en ensuivit.*
17. *Secours enuoyé à Mascaregne par Jean de Castro Viceroy des Indes.*
18. *Effort & combat des Portugallois arrivez au secours de la citadelle pour repousser les Turcs.*
19. *Ordre donné par le Viceroy pour secourir & delivrer Mascaregne.*
20. *Arrivée du Viceroy au port de Diu, où il donne bataille, desfait les ennemis, reprend la ville, Rumecan tué, dont s'ensuit la delivrance de la citadelle, & la domination du Roy de Portugal es Indes demeure plus asseurée que iamais.*

I.
*Conqueste de
 la ville & ci-
 tadelle de
 Diu par No-
 nio de Cu-
 gne Viceroy
 des Indes.*



ON IO de Cugne ayant esté receu & proclamé Viceroy des Indes, du consentement de tous, il fut question d'avisier en son conseil à ce qui estoit le plus expediât de faire, ayant vne si belle armée, bien fournie de toutes munitions de guerre, & résolue de combattre. La conclusion fut s'emparer de la ville & citadelle de Diu, estâs ceste place la clef des Indes, & de laquelle les Turcs auoyent délibéré se rendre maistres, pour chasser les Portugallois, & saisir leur negotiation. On entendoit de divers lieux, que nonobstant la route de leur armée, qui s'estoit desfaite soy-mesme, Solymâ leur Empereur vouloit poursuiure sa pointe, & voir le bout de ce qu'il auoit fait commencer. Cela fit que le Viceroy, apres auoir employé le reste de l'année mil cinq cens trente à pouruoir à tout ce qui estoit requis pour la seurété des places que l'on tenoit en l'Inde haute & basse, à l'estat de Malaca &

des Molucques, en l'an mil cinq cens trente vn se mit à la voile, tenant la route de Diu, avec la plus puissante armee que les Portugallois eussent oncques eue sur l'Ocean. En cest endroit, nous sommes contrains d'estre brieufs, les historiens ne disans rien des exploits de Cugne és commencemens & en la suite de sa charge, encores qu'il ait esté Viceroy l'espace de dix ans: mais font mérito en somme que Badur lors Roy de Cambaie, se sentant trop foible pour cōbatre les Portugallois, leur laissa prédre possession de la citadelle de Diu, & fit quelque accord avec le Viceroy, lequel establit Anthoine de Sylueire gouverneur de ceste place. Edouard Barbose pilote Portugallois parlant de Diu, au traité qu'il a fait des Indes, dit qu'en la coste de mer, & assez pres de l'encouleure du fleuve Indus en l'Océa, se fait vne pointe entrant assez auant en l'eau, à laquelle est coniointe vne islette qui a vne grande & riche ville, que les Malabares appellent Diza, & les Indiens Diu, accommodee d'un bon port, de grand trafic entre tous les hautes d'Orient, d'autant que ceux de Malabar, de Bengale, des Molucques, d'Arabie & de Perse y portēt leurs marchandises, du Peage desquelles le Roy de Cambaie tiroit vn merueilleux denier. Es liures precedens on a veu les diuerses pratiques dressées par les autres Viceroy pour s'en saisir, mais cest hōneur demeura finalement à Cugne, n'ayant pas tenu à Sampaio qu'il n'en fust maître, s'il eust esté mieux obey. Depuis la prinse de la citadelle, le Roy de Cābaie sollicité & fauorisé du Turc machina contre les Portugallois, & s'efforça les attrapper en la citadelle, & vint en personne l'assiéger, se persuadant d'en venir à bout. Mais la flotte du Viceroy estant venue au secours il y eut bataille donnée au port de Diu, en laquelle ce Roy se trouua, & apres la desfaite de sa flotte, l'on inuēstir vne fuste en laquelle il s'estoit mis pour eschapper plus aisément, & apres vn cruel conflict, les gens partie tuez, partie précipitez en mer, ou bruslez de feu artificiel, luy mesmes, n'osant se fier aux Portugallois, sauta dedans l'eau pour se sauuer à nage: mais il fut tué d'un coup de picque & perit en la mer. Ceste victoire, & sur tout la mort du Roy, rendit les Portugallois paisibles possesseurs de la ville, laquelle iusques alors

auoit tousiours fait teste à la Citadelle qui luy seruoit de bride, & qui fut de nouueau fortifiée, le Viceroy sçachât bien que les Conseillers du nouueau Roy de Cambaje ne le lairroyent longuement en paix, & que les Tucs seroyēt bien aises d'empoigner ceste occasion pour esclorre ce qu'ils couuoient des long temps au parauant.

2.
*Armee des
Turcs en In-
de pour en
chasser les
Portugallois,
& ce qu'elle
fit contre le
Roy & la
ville d'Aden.*

IL en auint selon qu'il l'auoit pensé, car le Turc incité par les prieres de Badur, auoit auant la desfaite & mort d'iceluy, cōmencé à dresser vne puissante armee au goulfe d'Arabie. Le Sultan d'Egypte, spécialement Campfon, predecesseur de Tomumbei desfait & estranglé aux portes du Caire par le commandement de Selym, auoit resolu, comme les liures precedens l'ont monstré, de chasser les Portugallois hors de l'Orient, s'il lay estoit possible, pour attirer le trafic au Caire & en Alexandrie. Selym perseuera en ceste volonté, mais il mourut incontinent apres la desfaite de Tomumbei, laissant son fils Solymān, qui à cause d'autres guerres en diuers endroits ne pūt si tost redresser son armee, sur tout apres qu'elle se fut rompue soy-mesmes comme dit à esté. L'accident de Badur l'enflamma dauantage, tellement qu'il fit bastir grand nombre de vaisseaux au port de Suez, ayant pour conducteur & maistre de tels ouurages vn Geneuois fort expert. Finalement la flotte se trouua composee de soixante trois galeres, six galliōs, six fustes, deux houlques, vingt barques, & grand nombre de brigantins, sous la charge de Soleiman Bassa gouuerneur du Caire, accompagné de quatre mille Ianissaires, seize mille Turcs, de canonniers, pilotes & marelots à suffisance. Tous les vaisseaux estoiet bien equippez, fournis de viures & munitions, sur tout d'artillerie, & y auoit quarante pieces, nommees basiliqs, portans boulet de nonante liures. Ceste armee desmara du port de Suez, prenant la route de l'Inde sur la fin du mois de Iuin l'an mil cinq cens trente huit, & le cinquiesme du mois suiuant arriua pres de la ville d'Aden, & le quinziesme alla faire aiguade en lieu commode à vingt lieues de là. Incontinent le Bassa despescha gens pour porter au Roy d'Aden lettres plaines d'offres & d'amitié, auecques vne longue robbe de drap d'or: & charge aux Ambassadeurs de dire au Roy que l'Empereur des Turcs

luy enuoyoit ceste armee, pour y commander, & pour uoir qu'elle chassast hors de l'Inde les Portugallois ennemis de Mahumet : & que s'il ne pouuoit se trouuer en personne à ceste guerre, il luy pleust fournir la flotte de bois & de chairs dont elle auoit quelque faute, & non d'autre chose. Combien que ce Roy fust lors tributaire de Iean troisieme, & luy payast dix mille ducats par an, par accord fait avec Hector de Sylueire, deux ou trois ans au parauant, neantmoins il recueillit magnifiquement ces Ambassadeurs, & leur promit franchement enuoyer ce dont l'armee auroit besoin. Sept iours apres toute la flotte surgir au port d'Aden, & fut receue avec grands signe de ioye, personne n'attendant que repos & commodité de ceste arriuee. Incontinent le Roy enuoya des principaux de sa cour à Soleiman pour le bienueignier, & l'asseurer que s'il luy plaisoit descendre & venir s'esbattre en la ville, il y seroit logé & traité comme sa grandeur le meritoit. Soleiman leur fit response, qu'il ne desdaignoit pas la magnificence & bonne affection du Roy, mais qu'il estoit encores si estourdy de la nauigation & incommodité de la marine, que de deux iours on ne le verroit hors de la Capitainesse: mais que se trouuant plus disposé il iroit saluer le Roy. Si tost que les deputez du Roy furent partis lon enuoya trois cens hommes apres eux, faignans se vouloir esbattre & pourmener par la ville: & pour acheuer la trame, Soleiman fait descendre l'un de ses domestiques, & aller dire au Roy que pour euitier que les trois cens qui se pourmenoyent és rues ne fissent quelque trouble, il enuoyeroit le lendemain cent soldats des vieilles bandes pour les ramener és galeres. Ces trois cens estoient des plus asseurez de la flotte, & le Roy procedoit si simplement en cest affaire qu'il les receut en son palais, afin que ils fussent ses gardes. Au lieu des cent qui deuoient les aller querir, on y enuoya deux mille Ianissaires, dont le Roy s'estonna, & comme il estoit apres à regarder aux moyens de sortir d'un tel labyrinthe, le lendemain auant iour le lieutenant de Soleiman suivy de plus grosse troupe que les precedentes entra dedans la ville, & d'un visage riant exhorta le Roy d'aller avec quelques uns des principaux de sa cour visiter & saluer le Bassa qui estoit malade. Le

Roy voyant le danger & l'embusche dedans & dehors, n'osa reculer, ains se laissa conduire vers Soleiman, laissant sa ville en la puissance des Turcs qui y estoient en trop grosse troupe. Apres qu'il fust entré en la Capitainesse il ne pût se contenir de dire avec vne grauité royale, Soleiman, ie te prie me dire pourquoy tu as fait icy venir prisonnier vn tel Prince que moy, amy de ton maistre & de toy aussi? faloit-il m'attirer par fraudes & menees comme si l'estois quelque malfaiteur? Mais Soleiman appuyé sur l'armee qui l'environnoit luy respondit, Et toy, n'as tu point de honte d'auoir laissé trois iours entiers le lieutenant du grand Seigneur arresté deuant ta ville, sans le venir voir? Le Roy repliqua, Si l'Empereur des Turcs estoit icy, i'eusse fait mon deuoir, & luy aussi ne m'eust pas cauteusement & outrageusement manié comme tu fais. Tu me tiens maintenant en tes mains, ce qui ne fust pas aduenü, si ie n'eusse mis ma personne & mon royaume en ta puissance, me laissant piper par tes belles paroles. Aden est vne ville qui ne redoutoit ny toy ny ton armee: mais y a-il homme qui se puisse garantir de calomnie & de trahison? Homme vilain, esleué aux honneurs sans l'auoir merité, faoule toy du sang d'un Roy issu de race de Roys. Ie voy que mon corps perira par la sentence d'un tyran infidele: mais la vertu des Adenois & la race de leurs Princes viura mesmes apres ta mort. Soleiman presques enragé d'ouir tel langage fit tout à l'heure pendre & estrangler au mast de sa Capitainesse ce pauvre Roy, & quatre grands Seigneurs qui l'auoyent suivy. Pour excuse il allegua que son maistre luy auoit enchargé de faire mourir ce Roy, pource qu'il estoit allié & tributaire des Portugallois, lesquels le Turc vouloit chasser des Indes avec tous leurs adherans. Apres ceste indigne & detestable trahison commise en la personne du Roy, la ville d'Aden fut saccagée & pillée, sans aucune resistance: puis Soleiman fit assembler le peuple, & leur remonstra qu'ils se deuoient esioir de n'estre plus sous le ioug des Portugallois, les admonnestant d'estre obeissans & fideles au grand Seigneur, Prince debonnaire, leur legitime Roy, & de mesme religion Mahumetique qu'eux. Il laissa deux mil hommes en garnison de-

dans la ville, & reprit sa route vers l'Inde, mais en chemin il perdit neuf ou dix barques & fustes, & finalement surgit au port de Diu le quatriesme iour de Septembre. Estant à la portee du canon pres des murailles, il fit lâcher vingt pieces d'artillerie, pour saluer les Portugallois, qui respondent de mesmes & mettent à fond deux gale- res, ce qui fit retirer l'armee au long d'une rade à huit lieues delà, nommee Marafabar, où ils attendirēt la flot- te que le feu Roy de Cambaje auoit equippee en les at- tendant. La ville de Diu fut incontinent abandonnee des marchans & autres habitans: au moyen dequoy les Por- tugallois s'enfermerent dedans la Citadelle, pouruoyans à tout ce qui estoit requis pour le soustenement de ce sie- ge. Anthoine de Sylueire leur Capitaine faisant lors re- ueüe trouua deux cens gentilshommes & cinq cens sol- dats, mais il n'y auoit que soixante milliers de pouldre à canon, & trois caques pour les harquebuziers, ce qui vint mal à point puis apres: mais ils ne laisserent de s'aider si bien de leur moyens que les Turcs n'en receurent que perte & confusion.

D'un autre costé, deux Seigneurs de Cambaje suivis de quatre vingts voiles se vindrent ioindre à Soleiman. Aussi Coje Coffar, fils d'une Chrestienne de l'Isle de Chio, calfeutreur de nauires, & deuenu depuis grand Conseil- ler du Roy de Cambaje, amena par terre vne armee de vingt mille hommes. Soleiman accompagné de tant de forces retourna vers Diu, & mouilla l'ancre à vn trait de canon, puis fait descendre cinq mille hommes, & cent cinquante pieces de batterie, entre autres vingt des basi- lics susmentionnez. Ces cinq mille se toignirent incontin- ent à l'armee de Coffar. Le lendemain ils accourent en desordre pour piller certaines maisons proches de la Citadelle, où y auoit quantité de bledz appartenans aux Portugallois. Sylueire fait braquer & tirer quelques pie- ces à trauers ces troupes, de telle dexterité que cent cin- quante en furent tuez, & les autres se retirerent vistemēt. Ils commencent lors à se retrancher & leuer vne terrasse sur laquelle ils dresserent huit tourelles, dont la Cita- delle estoit ceinte du costé de terre, & y placerent for- ce artillerie. Cela fait leurs pieces iouerēt tant par mes

3.
*Citadelle de
Diu assigee
par les Turcs,
& leurs pre-
mieres escar-
mouches.*

que par terre, estans assaillis de mesme façon par les Portugallois. Sylueire auoit muni deux tours basties autour de la Citadelle, dont l'une estoit sur les rochers du riuage, l'autre en la ville neufue nommee Rhomeum, à cause des Ianissaires & soldats que les Roys de Cábaje y logeoient, laissant la grande ville aux marchans pour la seureté de leur trafic. En la tour du riuage y auoit cinquante soldats, & soixante en celle de la ville, de laquelle les ennemis estoient fort endommagez. Pour se garantir ils assaillirerent furieusement la dernière, & apres grande perte d'hommes firent en sorte que trente de ceux de dedans se rendirent, pensans receuoir gracieux traitement, mais ils furent enchaînez au sortir de la tour, & menez aux galeres pour y seruir de forçats. Les trente autres continuerent en leur resistance, & apres auoir soustenu quelques assaux, & tué grand nombre d'ennemis, moururent tous ensemble vaillamment & les armes au poing.

4.

Moyens tenus par Anthoine de Sylueire Capitaine de la Citadelle de Diu pour se maintenir, et la braue résistance des Portugallois à soustenir les Turcs.

EN ces entrefaites, Sylueire despesche vn brigantin avec lettres au Viceroy, residēt lors en la ville de Goa, fort loin de Diu, pour luy faire entendre l'estat des affaires, & la disette des pouldres. Ce brigantin fut suiuy d'autres brigatins Turcs pour l'attrapper, & d'un entre autres qui precedoit ses compagnons d'environ huit lieues loin. Les Portugallois voyans ce brigantin seul tournent voile, & le vont rencontrer, avec tel succes qu'ils saccagent tous les Turcs, & n'eschappe de leur troupe qu'un Chrestien renié, natif de la Pouille, lequel ils emmenerent prisonnier, & mirent le brigantin à fond. Le Viceroy promit d'equipper au plustost vne puissante flotte pour aller au secours: mais d'autant que cela ne pouuoit estre si tost armé, il fit promptement rouler en l'eau seize fustes legeres, fournies de petit nombre d'hommes, mais bien résolus, qui ne portoyent avec leurs armes & viures que des chordes & pouldres à canon. Le sixiesme iour d'Octobre, les Turcs donnerent vn assaut par mer & par terre à la Citadelle, & continuerent encores depuis: notamment leur batterie, tirans par fois quatre cens coups de canon du matin au soir, sans cesser pas vn iour. Ils se presentoyent aussi ordinairement à l'escarmouche: mais ils furent tousiours battus & repoussez. Ce pendant ils soudroyerent

droyerent de leurs pieces toutes les tours & murailles de la Citadelle, descourās les Portugallois en diuers lieux. Finalement ayans fait tomber tout à plat l'une des principales tours ils vindrent à l'assaut, d'où ils furent chassés comme deuant. Depuis, les assiegez inuenterent diuers artifices pour incommoder les assiegeans, qui sans cesse venoyent à l'escarmouche & tuoient tousiours quelques Portugallois : neantmoins les Turcs perdirent depuis le commencement iusques alors plus de trois mil hommes, sans les blesez & bruslez. Or le vingtiesme iour d'Octobre, de grād matin, les guettes descoururent en mer quelques barques de rame assez pres de la tour de la marine, ensemble huit galeres, l'intention desquelles estoit d'escheller la tour, estans les Turcs fournis de tous engins propres pour cest effect. Sylucire aduertey de cela, donna tel ordre sur le champ à la feureté de la tour que quatre barques furent enfondrees, & plusieurs Turcs occis par le renfort de deux cens harquebuziers enuoyez au secours des cinquante, qui apres ce combat se retrouuerent tous, excepté vn tué, & douze blesez. Les Turcs retournerent le lendemain, où ils gagnerēt encores moins que le iour de deuant : car vne de leurs galeres & plusieurs nacelles furent percees & mises à fond, la pluspart de leurs eschelles & machines brisees, la mer tainte du sang des plus eschauffez, plusieurs naurez & gastez du feu artificiel : tellement que les suruiuans, hors d'esperance d'estre maistres de la tour, se retirerent plus viste que le pas. Ceux de la Citadelle voyans la destroute, entrent en quelques esquifs pour recueillir les despouilles qui flottoyent sur l'eau, virent quelques Turcs qui se sauuoient à nage, & en prirent trois prisonniers, desquels Sylucire sceut tout l'estat de l'armee Turquesque, laquelle fut diminuee en ces deux iours de plus de huit cens hommes. Depuis ils recommencerent contre la Citadelle, ne cessans de descouurer flesches & tirer harquebuzades, mais ils furent contraints se reposer, & comme vn iour on les apperceut à equoy, cent cinquante des plus assurez de la Citadelle firent si heureuse sortie qu'ils entrerent iusques au camp, sonnèrent l'alarme bien chaude à tous les Turcs, en tuèrent plus de deux cens cinquante, & firent leur retraite sans

danger, ne laissant que trois des leurs tuez en campagne, & six blesez reconduits dedans la Citadelle. Le mesme iour Sylueire sçachant que dans le fossé paroïssoyent diuerfes machines pour saper les murailles, enuoya incontinent quarante harquebuziers, qui à la faueur de quelques mantelets endommagerent tellemēt l'ennemy qu'il n'osoit approcher du fossé.

5.
Gratian Norogne esleu Viceroy des Indes, & ses prests pour se courir Diu: le retour de Cugne en Portugal, & sa mort en chemin.

COMBIEN que iusques alors les assiegez se fussent valeureusement maintenus, neantmoins Sylueire preuoiant qu'à la longue il seroit impossible de subsister s'il n'auoit secours, despescha pour la seconde fois vn brigantin à Nonio de Cugne, l'asseurant auoir perdu cent hommes, & en garder deux cens blesez & offensez de feu artificiel: au moyen dequoy c'estoit chose du tout necessaire d'enuoyer gens au plustost, sinon la Citadelle s'en alloit perdue. Gratian Norogne, gentilhomme Portugallois, estoit lors Viceroy des Indes, où il arriua l'onzieme iour de Septembre, l'an mil cinq cens trente huit, estant là enuoyé par le Roy, non pour desfiance que lon eust de Cugne, ains pour le soulager & rappeler en Portugal, pour luy faire l'honneur que sa fidelité meritoit, à cause des grands seruices par luy faits en toute sa vie au royaume de Portugal, nommément en ceste derniere charge qu'il auoit sagement & heureusement administree l'espace de dix ans. Lors que le brigantin de Sylueire arriua, Norogne estoit en possession du gouuernement, par l'auis de Cugne mesmes, & du consentement de tous. Ayant donc receu les lettres de Sylueire, il resolut de mener secours aux assiegez, tant des vaisseaux qu'il auoit amenez de Portugal, que de ceux que son predecesseur fit equipper peu auant la venue, sans vouloir attendre la flotte qui estoit au goulfe de Perse, & qui deuoit bien tost arriuer. Suyuant ceste resolution il arme des vaisseaux en bon nombre, à sçauoir douze houlques, seize grands galliôs, vingt cinq Carauelles, vingt neuf galeres, quinze barques de passage, vingt fustes & brigantins, avec les basteaux des viures. Avecques luy s'embarquerēt cinq mille Portugallois, & huit mille Naires des plus assurez & meilleurs escrimeurs de toute la coste de Malabar, & firent voile vers Diu. Quelque temps apres cest embar

quement, Nonio de Cugne, fuiuant les lettres du Roy qui le rappelloit, & bien ioyeux auffi de se reposer apres tant de trauaux de corps & d'esprit, monta sur mer pour reuenir en Portugal. Mais comme il doubloit le cap de bonne esperance, vne maladie, qui l'auoit faisi peu de temps au parauant, se rengregea de telle sorte qu'il rendit l'esprit à Dieu, & fut son corps enseuely en la mer, suiuant la coustume des gens de marine qui ne veulent point de corps morts en leurs vaisseaux. Telle fut l'issue de ce grand personnage, qui auoit eu tant de credit & de puissance en son temps: au decès duquel les Portugallois perdirent beaucoup, pour la cognoissance qu'il auoit des affaires de Portugal, de Barbarie & des Indes, estât si fort aimé de tous, qu'il n'y auoit homme au Royaume, auquel on se fust dauantage qu'à cestui-là.

A V A N T que Norogne partist de Goa, il receut lettres de Manuel Brittio gouuerneur de la Citadelle de Chaul, *Ce que firent les Rois de* l'aduertissant que l'Ambassadeur de Soleiman Bassa *Calecut & de Cochim à la venue des* estoit arriué au port de Calecut, où il auoit esté recueilly *Turcs.* en grande magnificence par les Mores Mahumetistes habitans au royaume, spécialement par vn des principaux Capitaines nommé Patemarcas, qui le conduisit iusques deuant le Roy, auquel cest Ambassadeur dit sans autre preface, Sire, le Bassa Soleiman, enuoyé par le trespuissât & inuincible Empereur des Turcs pour Viceroy des Indes, vous salue affectueusement, & vous fait sçauoir qu'il viendra iusques icy exterminer les Portugallois, & vous rendra le plus grand Prince de l'Orient, si vous voulez recevoir les armoiries de Turquie; & vous mettre sous la protection de l'Empereur Solymán, au nom duquel, & en signe d'alliance, ie vous apporte vne longue robbe, des chausses & vn bonnet de drap d'or. Alors le Roy chargeant de contenance, & d'un regard selon, luy respondit, Les Empereurs de Calecut n'ont iamais receu ny ne receuront encorés aucun present, ains en donnent: & ne s'aident de forces estrangeres pour estendre leurs limites: ils ont assez de suiers, & ont accoustumé de reestablis les autres Roys en leurs royaumes. Pourtant (dit-il aux Naires qui l'auironnoyent) empoignez moy cest outrecuidé cy & le Capitaine Patemarcas: qu'on les ferre

en basse fosse, & qu'ils portent la peine de la folie de ceux qui les enuoyent. Cela executé, le Roy enuoye ses deputés demâder à Manuel Britto la paix qu'il auoit enfraincte tant de fois au parauant & promit l'entretenir inuiolemment à l'auenir. L'ayant obrenue, elle fut publiee par toutes les villes & prouinces de son Royaume: ce qui seruit bien aux Portugallois en vn temps si dangereux, & lors qu'ils auoyent occasion de redouter la flotte de Calcut autant que celle des Turcs. Quant au Roy de Cochim, si tost que les nouuelles furent apportees de l'arrivée des Turcs au port de Diu, il fit appeller tous les Naires de son royaume en vn temple, & leur ramentut l'amitié des Portugallois, ensemble les grands plaisirs & secours que la ville & le Royaume de Cochim auoyent receus de la nation Portugalloise, dont il les prioit monstrier lors quelque bonne souuenance, en se ioignant aux Portugallois pour les fauoriser en ceste guerre. Eux s'accordans à son dire presterent tous le serment sur vne certaine idole qu'ils adorent, & promirent s'employer de bon cœur pour le seruice du Roy de Portugal: quoy fait le Roy declaira aussi de sa part qu'il n'espargneroit rié en ceste guerre: autant en fit aussi le Roy de Cananor.

7.

*Diuers as-
sauts des
Turcs vaillamment re-
poussés, &
contraints de
leuer le siege
de la Cita-
delle.*

MAIS pour reuenir aux Turcs campez deuant la Citadelle de Diu, apres diuers efforts pour s'en rendre maistres, ils resolurent finalement de donner vn assaut general, & apres s'estre rangez en bataille, le premier iour de Nouembre au point du iour cinquante barques & douze galeres se presenterent vers la tour de la mer, afin d'attirer les Portugallois celle part, & ce pendant les surprendre du costé de terre: mais Sylueire pourueut sagement à ceste incommodité, & receut le premier assaut donné par trois mille Turcs, lesquels il repoussa vaillamment. Incontinent apres deux mille autre s'enuindrent encores plus resolu que les premiers, & qui tuerent nombre de Portugallois, entre autres Roderic d'Arauge lieutenant de Sylueire, Anthoine Mendeze de Vasconcel, Martin & Gabriel Pacheco, ensemble quelques gentilshommes, mesmes le Capitaine de la tour vers la mer. Ce nonobstât les ennemis furent contrains reculer, ayans combatu pres de quatre heures. Mais vn autre bataillon des Tanissaires

& soldats de vieilles bandes, montât à plus de cinq mille hommes, vint à teste baissée de telle furie, qu'ils gagnèrent le rempar, & entrèrent en la basse court. Alors Sylueire, & ses Capitaines & soldats, s'estans exhortez à vn extraordinaire deuoir, se porterent lors si vaillamment que il n'est possible de mieux, & depuis midy iusques à cinq heures du soir combattirent les vns contre les autres en la basse court, les Turcs n'osans reculer, à cause que leurs colonnels, armez de toutes pieces, les attendoient avec le cimeterre au poing pres de la tour, pour tailler en pieces ceux qui s'elongneroyent de la meslee. Les Portugallois n'auoyent autre refuge apres Dieu qu'à l'adresse & vigueur de leurs bras. Et se ioignirent de si pres que les vns ayans lasché leurs harquebuzes, frappoyent leurs ennemis du manche d'icelles, & y eut vn soldat Portugallois qui tira plus de septante coups. La nuict commençant à venir, les Turcs furent contrainis se retirer en leur camp, ayans perdu en ces trois assaux deux mil cinq cens hommes & dauantage, dont l'artillerie de la Citadelle fit ce iour vne terrible boucherie. Tandis qu'ils s'amusoient à enseuelir leurs morts, Sylueire ayant donné ordre aux siens, fit sonner les trompettes en plaine nuict, & chanter ses soldats, comme s'ils n'eussent rien perdu en ces assaux, afin d'espouuanter les Turcs. Mais c'estoit vne feste de gens qui pensoient à toute autre chose qu'à rire, & voyoyent la mort presente si les ennemis retournoient à l'assaut, dequoy se doutans ils iurerent tous de ne cesser de combattre qu'ils n'eussent repoussé l'ennemy, ou fussent morts les armes au poing. Sylueire fit mettre à point les feux artificiels, trainees de pouldre à canon, & autres engins propres pour receuoir les assaillans, lesquels on attendoit le lendemain. Vne chose mettoit les assiegez en grande angoisse, à sçauoir la faute de pouldres, dont Sylueire n'auoit rien descouuert qu'à deux ou trois des principaux, craignant que les soldats ne perdissent courage, s'ils oyoyent le bruit de si mauuaise nouuelle. En ces difficultez, vn marinier Venitien se sauua de la flotte des Turcs, où il estoit comme prisonnier, & se rendir dedans la Citadelle, declairant que l'intention du Bassa estoit de ne donner plus d'assaut, & descouurit plusieurs

autres particularitez, que l'apprehension du danger prochain fit estimer suppoles: mais l'euénement les monstra veritables. Ainsi donc les Portugallois continuerent de pouruoir à leurs affaires, mais le matin & iour suiuant ils furent laissez en repos, les Turcs s'occupans apres leurs morts & blesez. La nuit du mesme iour, les seize fustes legeres, enuoyées par Nonio de Cagne, arriuerent pres de Diu, & estans à deux lieues de la flotte Turquesque, lon alluma force flambeaux en chasque fuste, afin de faire estimer aux ennemis que c'estoit quelque puissante armee qui les venoit visiter. Avec ce stratageme les fustes approchent, font iouer toutes leurs pieces, & sans aucun dommage se rendent pres de la Citadelle, au grand contentement des assiegez. Ce secours non attendu fit prendre resolution à Soleiman de leuer le siege, tellement que la mesme nuit il monta en sa Capitaineffe, laissant paillions, munitions & artillerie, tât la peur le talonnoit de pres. L'armee du Roy de Cambaje voyant ce desordre se retira d'un autre costé, & furent laissez plus de mille blesez au camp, & mille autres Turcs qui estoient allez au fourrage, lesquels furent puis apres tuez par les paysans en vengeance des maux que ces barbares auoyent comis durant ce siege. Le matin venu, ceux de la Citadelle se virent en liberté, & marchans droit au camp, enleuerent ce que les ennemis auoyent laissé, nommément cent cinquante diuerses pieces de canon, abandonnans les blesez à la mercy des insulaires & Indies. Sylueire despescha tout à l'heure vn de ses Capitaines en vn brigantin, pour porter les nouuelles de tout ce que dessus au Viceroy, lequel avec sa grosse flotte estoit à soixante lieues de Diu. Vne si bonne nouuelle donna occasion à toute l'armee de louer Dieu, combien que le Viceroy eust bien desiré trouuer les ennemis en mer, pour leur donner bataille & remporter l'honneur d'auoir deliuré la Citadelle. Ne pouuant donc regagner cela, sa deliberation fut de suiure les ennemis iusques en la mer d'Arabie, afin de les combattre par mer ou par terre; mais Soleiman Bassa ne cerchoit pas telle rencontre, ains cassa bien tost son armee, & s'en alla rendre compte de ses exploits à son maistre en Constantinople, & pour assouuir sa rage en quelque sorte, empor-

tales nez & oreilles de tous les Portugallois vifs & morts que les Turcs auoyēt peu attrapper durant toute ceste guerre, afin qu'on l'estimast tout autre qu'il n'estoit.

8

TELE fut l'issue de la premiere guerre de Diu. Main- Occasions de
tenant il nous faut descrire la seconde, & en considerer la seconde
premierement les occasions. Apres la retraite des Turcs, guerre de
les affaires de Diu se redresserēt peu à peu, & en l'espace Diu, cōmen-
de quelques annees la ville reprint sa premiere forme, cee par le Roy
tellement que tout le pays demeueroit en repos. Mais il de Cambaie.
y auoit quelques capitaines & seigneurs du royaume de
Câbaje, qui vouloyēt mal de mort aux Portugallois, tāt
à cause de la diuersité de religion, que pour autres consi-
derations, tellemēt qu'ils ne cesserēt durāt cest entreposts
de tramer vne autre guerre: nō moins dangereuse que la
precedente. Celuy qui manioit ceste entreprinse s'appel-
loit Coje Sophar, Italien de nation, qui auoit renoncē le
Christianisme pour se renger à l'impietē Mahumetique,
vieil capitaine alors, vaillant de sa personne, & qui auoit
grand credit en la cour du Roy de Câbaje. Iceluy ne ces-
soit de ramentenir au ieune Roy, nommé Mamud, la
mort de son oncle Badur desfait & tuē au port de Diu,
l'exhortant d'en faire vengeance, pour les raisons dōt tels
cōseilliers ne sont pas desgarnis. Aussi adiouſtoit-il que la
petite troupe des Portugallois gardans la citadelle de
Diu seroit aisēment desfait, & que c'estoit grand' honte
à vn si puissant Roy de permettre que des estrangers luy
missent le pied sur la gorge, dedans son palais, en sa ville
capitale, au mespris des loix du pays & de la religion de
ses ancestres: & que si le Roy ne se ſetoit assez de moyēs
luy & autres y employeroient les leurs de bon courage,
Ce ieune Prince, batu par les persuasions de Sophar &
d'autres de mesme auis, delibera de faire la guerre aux
Portugallois, & en dōne la charge à Sophar, lequel com-
mēce par deſsous main à faire leuee de gēs, sans se ſoucier
del'alliance iuree par Badur avec le Viceroi Norogne.
En apres il ſollicite les Roys & Princes voisins d'entrer
en ligue avec celuy de Cambaie, montrant les dangers
qu'apportoit le delay, & au contraire le grand bien dont
tous seroyent participans en prenāt les armes. Les vns se
liguerent incōtinent, les autres promirent y entendre, &

d'autres se contenterent de regarder le ieu, sans adherer à personne.

D V R A N T ces menées, Sophar fit courir vn bruit que le Roy Mamud luy auoit donné la ville de Diu, ce qui estoit assez croyable, pource qu'auparauât il auoit partie achetée, partie obtenu en don, plusieurs lieux d'alentour, entre autres Surrate, ville maritime, bien munie & que Mamud reconnoissant les seruices de Sophar auoit liberalemēt adiousté ceste derniere piece aux precedētes pour empescher que les Portugallois & Turcs ne debattissent pas dauantage pour l'auenir à qui l'auroit, attēdu que Sophar estoit fourni de moyens pour la bien garder. Ceste nouuelle semée part tout, Sophar enuoya lettres expresses à Iean Mascaregne gouverneur de la citadelle y delle (auec le quel il auoit grande accointāce, & estoit familier) amis pour l'auertir de ceste donation, l'exhorter à en faire meilleure chere que de nulle autre nouuelle, veu que c'estoit vn moyen de nouer leur amitié plus fort que iamais, & de s'entre voir fort souuēt à l'auenir, d'autāt qu'il deliberoit se retirer à Diu. Les porteurs de ces lettres eurent charge de bien cōsiderer quelles gēs & forces Mascaregne auoit, & le prier au nō de Sophar, de permettre que quelques compagnies entraissent dedans la ville, afin de contenir le peuple en deuoir, & empescher tout desordre en ce changement de Seigneur. Cependant il amasse des troupes, & les fait glisser secrettement dedans la ville en des maisons propres, ensemble quelques pieces d'artillerie. Mascaregne qui se doutoit de trahison donnoit ordre deson costé à fournir la citadelle & auertissoit les Portugallois habitās en la ville de trousser bagage & se retirer pres de luy. Tandis que les vns guettoyēt ainsi les autres, les espiōs de Mascaregne viennent auertir que tout le royaume de Cambaje estoit en armes, & que desia quarante mil hommes Arabes, Abyssins, Turcs & autres, marchoyent en campagne avec force canōs pour battre la citadelle. Mascaregne, faignant ne rien scauoir de tout cest apprest, escript des lettres fort gracieuses à Sophar, adioustāt sur la fin qu'il ne le vouloit pas empescher en ses droits, seulement le prioit-il de

n'entreprendre rié au prejudice des Chrestieës. Toutes ces pratiques se manioyēt sur la fin de Mars, l'an mil cinq cēs surante six. Suiuāt cela, Sophar fit entrer quelques cōpagnies en plain iour dedans la ville, mais les autres, en beaucoup plus grād nombre, s'y fourrerent de nuit & ne se monstrerent qu'au tēps assigné. Au moys d'Auril suruindrēt des nouuelles bandes, de Turcs pour la plupart, l'intention de Sophar estant de commencer la guerre auant que l'hiuer vinst, & pour empescher aussi que Jean de Castre, lors Viceroy, n'enuoyast secours aux Portugollois. Les choses descouuroyent tellement de iour à autre, que Mascaregne despescha messagers pour aller auertir le Viceroy, qui demouroit en la ville de Goa, de l'estat des affaires, & luy demander secours, attendu qu'il n'y auoit que deux cens cinquante soldats dedās la citadelle. Il donna le mesme auertissement à Ierosme de Menesez & à Anthoine de Souse, gouuerneurs de Bazain & de Chaul. Ce pendant Sophar acōpagné de cinq mille Turcs & Abyssins fit son entree en Diu, suivi d'environ tēte mille personnes, comme massons, charpentiers, pionniers, viuandiers, goujats & autres telles gens de bagage. Son fils Rumecan, grand maistre de l'artillerie, estoit aussi avec lui. Incōtinent apres il enuoye vn sien seruiteur à Mascaregne, le prier de n'auoir sinistre opinion de sa venue si soudaine, ni de tant de troupes: que la necessité du tēps le contraignoit à cela, veu que les habitans n'endureroient qu'on leur donnaist vn nouveau Seigneur, si on ne les tenoit en bride du commencement que c'estoyent gens reuesches, desloyaux, meschans & seditieux: partant supplioit Mascaregne de croire qu'il n'auoit amené ceste petite armee que pour se maintenir contre le peuple, & non pour faire tort à luy ni aux Portugallois, estimant l'vn de ses plus grans biens en ce monde d'auoir trouué le moyen de visiter de pres à l'auenir vn si bon & familier ami que Mascaregne. Que si par mauuais rapports ils estoient empeschez de s'entreuoir & cōmuniquer ensemble, le tēps & l'experience feroient conoistre qu'il scauoit & vouloit s'entretenir avec ses anciens amis.

10

*Pour parler**MASCAREGNE voyāt le iour à trauers telles ruses, entre le de-*

puté de Mascaregne & Coie Sophar auât le siege.

stima qu'il falloit pour lors n'en faire aucû sêblât, & sous couleur de gratifier Sophar de sa nouuelle dignité luy enuoya vn gentilhomme de bõ esprit nõmé Simon Phei, qui fit entêdre à Sophar que Mascaregne approuuoit ces procédures, estât bié ioyeux que deormais ils eussêt moyen de s'entreuoir plus familièrement. Sophar recueillit magnifiquemêt ce gẽtilhõme, & le rēuoya avec telle response que les Portugallois n'en pouuoient recueillir autre cõclution que de guerre. Car Sophar madoit que par l'alliãce traitee entre Mamud & Norogne il estoit permis au Roy faire bastir vne muraille vis à vis de la citadelle, pour empescher que les Portugallois n'outrageassent ceux de Diu, & par tel moyen cõseruer les vns en paix avec les autres. Que lõ auoit autresfois cõmencé ceste muraille, mais que le capitaine Manuel de Souse s'y estoit opposé: maintenãt le Roy desiroit que ceste besongne s'acheuast, suiuañt les articles de l'alliãce, estât deliberé la faire hausser à force d'armes, si Mascaregne ne l'accordoit amiablemêt. Il adioustoit que le Roy entêdoit que la navigation pour apporter & emporter marchãdises fust libre, sans en demander cõgé ni passeport au capitaine de la citadelle, que ce Prince puissant entre les autres ne pouuoit plus demeurer esclau: & quoy que les Portugallois n'ignorassent pas les moyens, toutesfois qu'il aimoit mieux obtenir cela de bõne grace que par violence, les priãt accorder franchement ce que la necessité leur cõtraindroit de permettre s'il falloit passer plus outre. Que le Roy prisoit beaucoup les Portugallois, & les aimoit, pourueu qu'ils ne le voulussent brauer & asseruir, promettant leur assister de tous ses moyens en leurs necessitez: seulement desiroit-il qu'ils ne le cõtraignissent de r'auoir par force ce qu'ils luy auoyêt enleué des mains. Qu'ils craignissent de perdre tout en voulant retenir ce qui ne leur appartenoit pas, & considerassent les armées prestes à les encloire, item la saison qui leur coupoit toute esperance de secours, & le nombre d'hommes qu'ils estoient en la citadelle. Que le Roy l'enchargeoit de dire ces choses, & que comme amy il prioit Mascaregne de n'allumer pas vne guerre, qui pourroit cõsumer les Portugallois & rēuerser tout leur estat es Indes. Que si on refusoit se met-

tre à raison, il protestoît deuant Dieu & les hommes, que c'estoit par cōtrainte qu'il rôpoit l'alliance pour cōmencer la guerre: & pourtant que Mascaregne auisast à faire response resolutement, & croire le conseil de son amy. Alors Mascaregne assembla son conseil des plus vieux & sages capitaines & gentilshommes qui fussent avecques luy, par l'auis desquels Simon Phei fut renuoyé, faire la response qui s'ensuit. Que ce n'estoit à Mascaregne de conoistre ni de disposer des choses concernant l'innouation ou changement des articles de pacification, & ne falloit luy demander congé de ce qu'il ne pouuoit oëtroier, cela estant en la puïssance du Viceroy, comme Sophar le sçauoit bien: & pourtant on prioit le Roy d'enuoyer son ambassadeur à Goa, qui n'estoit pas loin de Diu, pour entendre la volonté du Viceroy, & cependant tenir les affaires en surseance. Quād au bastiment de la muraille, Mascaregne s'ebahissoit que Mamud y eust enuoyé tant de gens, veu que les officiers de Diu pouuoient faire cela sans foule aucune, & eussent esté assistez par ceux de la citadelle, en bastissant es endroits accordez entre Mamud & Norogne. Si on vouloit encores bastir sur les limites marquez entre les parties, les Portugallois n'y dōneroyent empeschement; mais ils estoient deliberez de repousser & Sophar & Mamud aussi, s'ils entreprenoyent de passer ces limites la largeur de trois doigts seulement. Au reste, pour monstrier combien ils desiroient le repos, Mascaregne enuoya copie des articles de pacification à Sophar, lequel la receut des mains de Phei, mais apres la lecture des articles, ne pouuant plus contenir sa cholere, il mit en pieces ceste copie, retint l'ambassadeur & le fit seerrer en prison, puis resolut d'assaillir la citadelle.

II

S V I V A N T ceste deliberation il assiege la citadelle le *Cōmencement* vingtyniesme iour d'Auril, ceste place estant l'vne des *du siege de la* plus fortes de l'Inde haute & basse, presques inaccessible *citadelle de* soit par mer, soit par terre, & couuerte d'vne forte *Diu, & ce* tour à l'entree d'un canal, qui à l'aide du canon peut em- *qui fut fait* pescher tous vaisseaux d'entrer en la ville. Elle fut assail- *de part &* lie du costé de terre par Sophar, qui fit vn boulevard bien *d'autre.* haut vis à vis, reuestu de balles de cotton, pour rom-

pre l'effort de l'artillerie: le tout ayant esté dressé en vne nuit, si que le lendemain matin la citadelle fut saluée de toutes sortes d'engins & machines de guerre. Mascaregne, qui auoit l'œil par tout, enuoya premierement les esclaves, femmes, enfans & autres bouches inutiles, en des vaisseaux de marchâs Portugallois iusques à Bazain & Chaul. Puis fit armer promptement deux catur, pour courir toute la coste, & couper les viures aux ennemis, dont les capitaines de ces catur s'acquitterent si bié, que les assiegeans furent fort incommodez, & prirent au veu de leur armee quatorze barques qui y amenoyent des victuailles. En apres, Mascaregne distribua toutes les charges de la citadelle aux capitaines, suiuis chascun de vingt soldats. Iceux estoient Iean Almeida, Louys de Soule, Gilles Coutin, Anthoine Pezane, Alphonse Bonifacce, Iean Verzeá, Anthoine Roderic, & Anthoine Freire, lesquels se rangerent en leurs quartiers, & donnerent ordre à ce qui estoit requis pour la defense. Ce pendant les ennemis firent deux autres boulevards, & bastirent la muraille qu'ils auoyent entreprinse, à force d'ouuriers qui ne leur defailloyent pas, tellement que la citadelle estoit enclose de tous les costez de la terre. Ce pendant Mascaregne fut auerty que Sophar deliberoit de forcer la tour du canal, & que pour ceste effect plusieurs vaisseaux s'assembloyent, entre lesquels y auoit vne grosse nef, sur laquelle estoit dressé vn bastiment de charpenterie esgalant la hauteur du dernier estage de la tour, gabionné & muni de mâtelets pour rompre l'effort & les traits des assiegez. Iacques Laiet capitaine des deux catur susmentionnez, ayant charge de remedier à tel incôueniêt, tira de nuit, le plus coyement qu'il peust, ces deux catur vers la ville, resolu de ietter le feu dedás la nef. Mais ayant esté descouuert, l'alarme fut donnée si chaude par tout le camp que chascun courut aux armes. Ce nonobstant les Portugallois lancent le feu dedans la nef, dont n'ayant pas esté beaucoup endommagée, vingt soldats y entrerent de force, couperent les chables des anches, & maugré toute resistance la tirerent pres de la citadelle, où elle fut reduite en cendres: ce qui effroya Sophar, car il esperoit venir à bout de la citadelle par la prinse de ce-

le tour. Se voyant donc frustré de cest endroit, il s'auia d'autres expediens, faisant continuer la batterie plus rude qu'auparavant, afin que les assiegez pressiez de l'hiuer, qui approchoir en ces quartiers Orientaux, & prieuz de secours, demandassent composition. Or comme ils estoient en grande angoisse à cause des mesmes considerations, le dixhuitiesme iour de May, Fernand de Castre, fils puisné du Viceroy, suiuy de huit catur, arriva pres de la citadelle, & maugré la flotte des ennemis, luy, ses capitaines, & soldats entrerent par vne fauce porte qui leur fut ouuerte, & furent receus en la citadelle avec telles caresses que chascun peust estimer. Incontinent Mascaregne fait reuene, & trouue enuiron quatre cens cinquante hommes, tous bien resolu, armez, & assez bien fournis pour assaillir & se defendre, à chacun desquels il monstre ce qu'il faloit faire. Ce pendant les ennemis couppoyent les viures aux assiegez, tant par mer que par terre: mais la rigueur des vents & l'esmeute de la mer firent cesser leurs courses, & contrainrent les vaisseaux de se retirer au long des rades.

Le Roy de Cambaie auerty du bastiment de la muraille, selon le dessein de Sophar, voulut voir que c'estoit, & vint à Diu le vingtcinquiesme iour de Iuin, où il fut receu en pōpe royale par toute l'armee. A sa venue la batterie redoubla, tellement que la tour de saint Thomas fut abatue, celle de saint Jacques bien esbranlee, mais au dommage des ennemis, qui y perdirēt trois de leurs basilics ou mortiers. Ils auoyent vn canonnier qui fit beaucoup de maux aux assiegez par son adresse à manier vn de ces basilics: tellement que les Portugallois ne s'osoyent presenter en aucune place de la citadelle. Mais il auint qu'un coup de mousquet tua ce canonnier, par la mort duquel les Portugallois obtindrent quelque relasche, pource qu'il ne se trouua homme qui le peust seconder en ceste adresse de bien proportioner ses coups, & pourtant les ennemis furent contrains de laisser ceste batterie. De rechef ils dresserent deux autres machines, pour battre depuis la tour de saint Jean iusques à celle de saint Jacques, & se remettent à canonner de grande furie. Les assiegez respondēt de mesmes, & tuēt tout au-

12.

*Arrivée du
Roy de Cambaie, ce qui
passa durant
son sejour en
l'armee, &c.
sa retraite.*

pres du Roy vn sien cousin: ce qui luy donna telles affies qu'il quitta le cap, onze iours apres y estre arriué, & se retira en vne de ses principales villes nommee Madaba, pour enuoyer renfort de gens & de munitions. Depuis, soit par crainte, ou pour autre cause, il ne voulut plus se trouuer à ce siege. En partant il commit la charge du regiment royal à vn Seigneur, des plus sages & vaillans de Cambaie, nommé Iuzarcā, sur lequel il se reposoit de la pluspart des affaires du royaume, & ordonna, qu'iceluy & Sophar auiseroient ensemble à tout ce qui seroit requis pour le paracheuement de ceste guerre.

Après la retraite du Roy, les ennemis continuerent à battre de telle impetuosité que la tour de saint Jean fut mise par terre, & le fossé cōblé de ruine d'icelle. Ils dressent tost apres vn répart couuert de gabions, par le moyē de quoy ils battoient les assiegez à descouuert, tellement que personne n'osoit se descourir qu'avec manifeste danger. Pour remede à cela, Mascaregne fit hausser vne tourelle à la proportion du rempart des ennemis, & y logea quarante harquebutziers & mousquetaires, sous la charge d'Anthoine Pezane, qui les entretenoit à ses despens. Iceux escarmoucherent tellement l'ennemy qu'ils le cōtraignirent de prendre nouuel auis, & essayer s'il pourroit estre plus heureux de nuict que de iour, à quoy Mascaregne obuia par le moyen des falots allumez en diuers lieux, à la clarté desquels on saluoit ceux qui entroyent trop auant. Ils commencerent puis apres à miner, mais ils furent contreminez, & quoy que par diuers brocards ils talchassent d'attirer les assiegez au combat, Mascaregne ne voulut laisser faire aucune sortie: se contentant d'obuier à leurs ruses & efforts, ce qu'il fit si dextrement que lors qu'ils pensoient auoir fait ils se trouuerent à recommencer, & apperceurent que les assiegez s'estoyent retranchez mieux que deuant: ce qui les mit en telle fureur qu'ils s'ingerent d'entrer au fossé pour s'en faire maistres, ordonnerent vn assaut, où quelques Portugallois entre autres le capitaine Freire, furēt tuez: mais force leur fut finalement se retirer en leur cap. La nuict suiuite Mascaregne fit acheuer vn ravelin s'estendant assez loin, & tellement accommodé que l'on pouuoit empescher les

ennemis de combler le fossé comme ils pretendoyēt : ce qui les estonna merueilleusement le lendemain matin, & coururent aucuns d'entre-eux en auertir Sophar, lequel vint soudainement pour voir que c'estoit. Or comme il regardoit attentiuement de dessus la muraille, tenant la teste appuyee sur la main droite, sans descourir autre chose du corps, il s'arresta si long temps qu'un moufquetaire le descourant mira si droit que d'un coup il emporta la main droite & la moitié de la teste, le corps tombant reide par terre. Ce fut un heureux coup pour les Portugallois, car ce personnage estoit cauteleux, exercé en diuers affaires, sur tout tellemēt rusé en guerre, qu'il n'auoit gueres son semblable en ce temps là : au reste ennemy iuré des Chrestiens, à cause dequoy les Mahumetistes le respectoyent, voyans qu'il tenoit si fermement leur party. Et ny a doute que s'il eust vescu plus lōg tēps, les Portugallois eussent beaucoup plus souffert qu'ils ne firent depuis.

14.

La mort da Coie Sophar arresta la furie des ennemis qui n'estoyent pas d'accord pour la cōtiuation du siege: car les vns estoyent d'avis que l'armee se retirast, aucuns debatoyent qui succederait à Sophar, ne voulans point obeir à son fils Rumecan, les autres vouloyent que l'on attendist le mandement du Roy, à quoy chascun acquiesça, & furent enuoyez gens pour entendre sa volonté. Suiuant icelle, Rumecan fut declairé lieutenant general de l'armee, lequel fit promptement faire diuerses mines iusques au nombre de cinq, lesquelles ayans esté esuentees, les ennemis recoururent à d'autres intentions, & à force de pousser la terre gaignerent finalement le bord du fossé, rendans toutes les fortifications de Mascaregne inutiles. En ces approches & resistances il y eut grand nombre de Portugallois tuez & blesez: au moyen dequoy Mascaregne conut qu'il falloit auoir bien tost secours ou perir. Il enuoye donc auertir le Viceroy, le gouuerneur de Bazain & celuy de Chaul, de l'estat des affaires, & au mesme temps Rumecan receut un secours de quatre mille hommes d'eslite que son Roy luy enuoyoit, lesquels, pour leur bien venue, donnerent un furieux assaut à la citadelle: mais ils ne gaignerēt que des coups, &

Rumecā fils de Coie Sophar succede à la charge de son pere, le secours qu'il reçoit, & ses efforts pour emporter la citadelle.

furent contrains continuer leurs leuees de terre, & combler le fossé, apprestans diuers engins pour monter à leur aise sur la bresche. Les assiegez les recueillirēt & festoyèrent de telle sorte avec feux artificiels en diuers assaux, qu'ils quitterent la montee. Ayant fait du pis qu'il leur estoit possible, avec tous moyens dōt vn ennemy se peut auiser, ils ameinent de nuict Simion Phei (qu'ils tenoyēt prisonnier) & marchans iusques sur le bord du fossé, luy font dire à haute voix, au nom de Rumecan, que la citadelle ne pouuoit faillir d'estre bien tost forcee, mais que s'ils vouloyent se rendre, sans resister dauantage, il permettroit à tous de s'en aller en toute liberté, vies & bagues sauues, mesmes leur fourniroit gens & vaisseaux pour les conduire où ils pretendroiēt se retirer: menaçant, s'ils refussoyent ceste condition, de leur donner le lendemain vn assaut general, & les auoir à quelques pris que ce fust. Mascaregne entendant cest sommation fit commander à Phei qu'il se retirast, protestant que sans son respect on eust salué sa compagnie, mais que s'il ne ne deslogeoyent, on les chasseroit de la place à coups de mousquets, & qu'ils auertissent Rumecan, que les assiegez estoient deliberez de luy faire bonne chere, s'il entreprenoit de les visiter. Sur ces propos les ennemis lascherent force coups de harquebuzes, dont furent tuez deux soldats de la citadelle, qui s'estoyent trop descouuert, & auancez pour ouir les paroles de Phei. Rumecan tint promesse, car le lendemain (dixneufiesme iour de Juillet) vne heure auant soleil couché, ses troupes donnerent vn si braue assaut, que trente des plus assurez mortierent sur la bresche, où ils combatirent lōg temps main à main, & furent finalement tuez, ce qui fit reculer les autres. Ce nonobstant ils continuerent & comblerent tellement le fossé, qu'il ne falloit plus monter pour auoir entree en la citadelle, & lors durant la nuict ils ne cesserent de trotter par les mosques de la ville, vouans à Mahumet qu'ils mourroyent à l'assaut, où se verroyent maistres de la citadelle, si tost que le iour seroit veau. Ils allumerent tant de cierges, torches & flambeaux, par toutes les places & rues, qu'on les voyoit marcher en troupes, dont Mascaregne fut auerty, & lors, se doutant de la ve-

nue; disposâ les gens à leur deuoir.

Le lendemain les ennemis vindrēt à l'assaut deux heures deuant iour, & y eut vn tres-aspre confliēt, & comme chascun estoit attentif au combat, les soldats posez en garde dans la citadelle au costé de la marine, estimans leur presence inutile en tel endroit presques inaccessible, coururent se mēster avec leurs cōpagnons. Mais par leur inconsiderée hardiesse ils cuiderent tout perdre: car enuiron soixante soldats des troupes de Iuzarcā, voyans la mer basse, & pensans que cest endroit ne seroit gueres bien gardé, vindrent doucement planter leurs eschelles sur les escueils, montent sur le rocher, puis tirent leurs eschelles, & sans aucun bruit gaignent le dessus des murailles. Deux Portugallois, qui alloient & venoyent par la citadelle, ayans descouuert ceste troupe aux mesches des harquebuziers, coururent incontinent auertir Mascaregne que l'ennemy estoit dedans, Luy accompagné d'un seruiteur seulement leur commande de parler bas, en retint l'un avec soy, & enuoye l'autre signifier à ceux qui estoient en la grand' place en quel estat estoit la citadelle. Ce pendant il marche vers ces soixante, vingt desquels estoient ia mōtez sur les toits des maisonnettes, & y auoyēt planté deux banderolles, les autres entrez en quelques logis commençoient à piller & demandoient de l'argent aux femmes, aucunes desquelles s'apprestoyēt à les combattre, quand Mascaregne & quelques Portugallois suruindrent qui chargerent de telle vigueur ces soixante que tout fut fracassé, & les suruiuans contrains se ietter par où ils estoient entrez mais à leur confusion, d'autant qu'ils se deschirerent en piēces sur les rochers, & perirent tous de mort violente, excepté vn qui fut retenu prisonnier. Cela fait Mascaregne reuint à la bresche, & trouuant ses soldats recreus, les encouragea par le rapport de ceste nouuelle desfaite, tellement qu'il reprindrent nouuelle force & contraignirent l'ennemy de se retirer. Il n'estoit pas encores iour: mais au leuer du soleil les ennemis apperceuās le carnage de leurs cōpagnons, entrerent en telle fureur qu'ils retournerent à l'assaut, lequel dura iusques à neuf heures, où quelques femmes demeurées en la citadelle se porterent vaillam-

15.
*Diners as-
saut donnez
par Rumecā,
repoussez
par les Por-
tugallois.*

ment. En ces deux assauts les ennemis perdirent mille hommes, & leur colonnel Iuzarcan, & les assiegez sept tant seulement, que Mascaregne fit enterrer en grand pompe & plustost avec signes de ioye que de tristesse, à cause de l'heureux succes de ceste iournee. Deux iours apres, enuiron vne heure apres midy, les ennemis donnerent vn troisieme assaut, qui fut soustenu par Fernand de Castre & Louys de Souze, si valeureusement que les ennemis laisserent plus de cent cinquante hommes sur la place, & ne s'en retournerent pas tous si disposés qu'ils estoient venus. Les assiegez y perdirent quelques vns des leurs, tellement que de iour à autre leur nombre decroissoit, sans grande apparence de renfort, à cause dequoy Mascaregne & les principaux estoient fort angoulez. Mais en telle destresse suruint le catur enuoyé vers les gouuerneurs de Bazain & Dabul, lequel rapporta que le secours arriueroit bien tost. Les assiegez furent tant resiouis de ces nouuelles que pensans ia estre deliurez ils se tindrent si peu sur leur gardes, que le lendemain on les cuida surprendre, & les ennemis en grand nombre monterent sur la bresche: mais vingtcinq soldats conduits par François Almeide, qui gardoit la tour de S. Thomas soustindrent vaillamment le premier effort, tandis que les autres s'armoyent. Estans tous accourus à teste baissée, le combat dura plus de trois heures, de furie si obstinee qu'il est impossible de exprimer, & avec horrible carnage de part & d'autre, mais beaucoup plus sans comparaison du costé des ennemis, qui laisserent morts pres de huit cens homes, & se retirerent en grand desordre dedans leur camp. Les assiegez estoient lors en petit nombre, & neâtmoins auoyent si peu de viures qu'une poule se védoit dix ducats, & les autres choses qu'on pouuoit trouuer pour le soulagement des malades, à l'equipolent.

16.

*Maiotecam
Connestable
de Cābaie a-
meine qua-
torze mille
hōmes contre
les Portugal-*

M A M V D Roy de Cābaie, auerty du malheur de son armee, enuoye au secours son Cōnestable nomé Mojatecā avec quatorze mille cōbatās. Iceluy s'estant ioint au cāp, les chefs resolurent de miner & renuerser la citadelle, ce qu'ils firent avec tel stratageme & bruit des gēs au dehors, que les assiegez n'entēdirent le bruit sous terre, & ne s'en apperceurent que biē tard, à l'occasiō dequoy deux tours

furent le faut. L'une fut abandonnee de bõne heure par la garnison, & par ce moyen n'y eut mal qu'en la cheute du bastiment: mais les soldats de la tour de saint Jean, pour n'auoir voulu croire Mascaregne (lequel voyant les ennemis se retirent vistement loin des fossez & bresches, se doura de la mine, au lieu qu'ils faisoient semblât de sapper, & cria apres ces soldats qu'ils quittassent tout) furent esleuez en l'air & foudroyez par ceste tempeste, estans au nõbre de septante, desquels on voyoit voler les pieces & morceaux de tous costez. Quelques vns furent portez par l'air tous entiers, & tõbans par terre on leur trouuoit les espees & boucliers es mains, tant ils desiroient le cõbat. Vingt autres furent gastez du feu & rendus inutiles pour le reste de leur vie. Quant aux personnes de qualité, qui furent ainsi meurtris, l'on conte Fernand de Castre fils puinẽ du Viceroy, ieune Seigneur de tresgrande esperance, Iean Almeida, Louys Melio, Iosse de Sotomaior, Anthoine Roderic, Gilles Coutin, Iosse Reinose, Aluarez Ferreire, Roderic de Souse, Laurent de Far, Ieã Brãdane, George Almeida, Tristan de Souse, Francisque Lopez & Gratiã Ferrace. Quant à Mascaregne il estoit au pied de l'autre tour, mais voyant venir la ruine, il se retira prõptement avec quinze autres: puis apres que la mine eust ioué, retourna voir ce qui estoit auenu, & vid cest horrible spectacle, non sans horreur & gemittement. Or comme les assiegez vouloyent pouruoir à la sepulture de ces corps despeecez, ils furent contrains laisser tout pour soustenir & repousser les ennemis, lesquels sans la nuit eussent emporté la place. Mascaregne armé d'un courage inuincible ayant fait enterrer les morts, tant de la ruine que de ce dernier assaut, & medicamenter les blesez, à l'aide des suruiuans, suiuis des femmes & de quelques esclauẽs, fit leuer vne muraille assez pres de la vieille tour, des ruines d'icelle, de suffisante hauteur & espaisseur contre vn premier effort. Les ennemis estõnez de ceste diligence dresserent aussi vne muraille, & continuerent leur mine, laquelle ne seruit pas tant que la premiere, car elle d'abatit qu'un quartier de la tour, ce pendant ils tiroient en bas les pierres avec des grands crochets de fer, au moyẽ dequoy Mascaregne fit remuer les pieces de ceste

tour, craignant vn renuersémēt final d'icelle: mais pource qu'il n'auoit pas cent hommes en pied, il fut contraint y laisser deux des principales, qui ne seruoient de rien. En ces entrefaites, trois esclauēs de la Citadelle se sauuerent au camp des ennemis, firent entendre le petit nombre & la disette des assiegez: à l'occasiō dequoy les ennemis reprenans courage firent iouer vne nouuelle mine qui renuersa la tour de Iainct Iacques, puis accoururent promptement à l'assaut, & maugré la résistance des Portugallois, plantent leurs enseignes sur le rempar, entrèrent en la basse cour, & saisissent la nef du temple nommé sainct Iacques: mēmes quelques iours durāt il y eut tel combat que par fois le temple demeueroit aux Portugallois, & par fois aux ennemis. Or d'autant qu'il estoit question de la vie, de l'honneur & des biens, Mascaregne & ses gens trauaillerent de telle ardeur qu'ils bastirent vne muraille dedās le temple, laquelle separoit le chœur d'avec la nef, les Portugallois faisans leur seruice en l'vn, & les Cambaiens le leur en l'autre.

17.

*Secours en-
uoyé à Mas-
caregne par
Jean de Ca-
stre Viceroy
des Indes.*

IEROSME de Menefez gouuerneur de Bazaim ayant enuoyé les lettres de Mascaregne à Jean de Castre Viceroy des Indes, par lesquelles on l'auertissoit de la nécessité des assiegez, laquelle estoit empiree beaucoup depuis ces lettres écrites, le Viceroy fit armer en peu de iours quatorze fregattes desquelles Aluarez de Castre son fils aisné fut esleu general, & se mit à la voile sur la fin de Iuiller, avec telle resolution que maugré la rigueur de l'hyuer, lors tref-aspre en ces endroits, il gaigna le port de Bazaim, où il trouua Francisque de Menefez, & s'estā ioints ensemble furent contrains se separer à cause des vents, & prendre chascun vaisseau sa route à part pour se rēdre pres de la citadelle, au plustost qu'il seroit possible. Les premiers qui en approcherent furent Anthoine Moniz & Gratin Roderic en vne fregatte, la venue desquels remit le cœur au ventre des assiegez. Tost apres, voicy venir Louys Melio de Médoze, & Edouard de Menefez, qui pour leur bien venue soustindrent vn furieux assaut, auquel les ennemis eurent l'auātage pour quelques heures à cause de leur grand nombre: mais on ne les laissa gueres long téps iouir de ceste victoire, car Mascaregne

leur courut sus incontinent, & les mit en route, tellement que par leurs huees estranges ils donnerent l'alarme au camp, & ramenerent leurs compagnons, qui nonobstant vne pluye espaisse soudainement suruenue, ne laisserent d'approcher, tellement que la meslee dura iusques au soir à coups de piques, de fleches & cimeterres : puis si tost quelà pluye fut cessée, le canon se print à foudroyer de part & d'autre, dont la conclusion fut que les ennemis quitterent la place, apres auoir combatu l'espace de sept heurs. Au mesme temps Iean Ataide & Frâcisque Guillerme arriuerent avec deux brigantins. tandis que les vns & les autres remparoyent. Roderic Fernand suruint en sa fregatte, qui portoit vingt soldats, & ainsi les capitaines venoyent à la file de iour en iour. Finalement Aluarez de Castre & Francisque de Menesez accompagnez de la plupart des fregattes surgirent au port de Diu, le vingthuitiesme iour d'Aoust, & lors se trouuerēt ensemble vingcinq vaisseaux grands & petits, esquels n'y auoit pas plus de quatre cēs hommes. Il en arriua encores d'autres au mois de Septembre, tellement que nul des vaisseaux partis de Goa ne perit.

APRES que tout le secours fut ramassé dedās la citadelle, les soldats nouveau-venus, apperceuans que les ennemis auoyent tellement descōbré avec leurs crochets les pierres de la derniere tour par eux abatue, que les deux pieces d'artillerie estoient aussi demeurees en leur puissance, ne peurent supporter cela : & comme ieunes estourdis ont acoustumé de faire, commencent à dire que les ennemis n'auoyent autre force que leur artillerie, que la crainte de Mascaregne estoit cause de la longueur de ce siege, que si lon eust fait des courses iusques au camp de l'ennemy, les choses seroyent en meilleur estat. Par telles calomnies ils corrompirent les vieux soldats, & les tirerent en leur opinion, qui fut aisément confirmée par la perte des deux pieces. Somme ils complotterent iusques là d'aller vers Mascaregne, & luy cōmander en parol les couuertes qu'il leur permist de faire vne sortie. Luy conoissant la sottise de cēs importuns, & le danger où ils se precipitoient, leur declaira tout net que iamais on ne leur ouuriroit la porte de son consentement, & se

18.

Effort et combat des Portugalloiz arriuez au secours de la citadelle pour repousser les Turcs.

garderoit bien d'estre d'un si perilleux aui. Il les prioit au reste d'estre prudens, non pas audacieux, sinon qu'ils voulussent tout perdre, & rabatit dextrement toutes leurs allegations, adioustant que l'on deuoit premierement sçauoir au vray en quelle disposition estoit l'armee des ennemis, & attendre renfort de gens, pour combattre avec assurance de victoire. Ceste responce les retint pour lors, & Mascaregne rentia en son logis pour auiser avec Aluarez de Castre & autres à ce qui estoit le plus expedient. Ainsi qu'ils communiquoyent ensemble, les ennemis ietterent un chable sur l'une des pieces tombee parmy les ruines de la tour, afin de la tirer de là: ce qui mutina tellement les soldats de la citadelle, que tout à l'heure ils coururent en troupe au logis de Mascaregne, se plaignent de la brauade des ennemis, crient & rempestent pour auoir congé de sortir, le demandans avec une audace & insolence extreme. Mesmes l'un des plus seditieux se prend à dire aux autres, Souffrons-nous qu'un tel capitaine nous commande tousiours? Vaudroit-il pas mieux obeir à une idole qu'à ce poltron? Mascaregne dissimulant pour lors, respondit froidement & en louriant du bout des leures, Soldat, peut estre que ie merite vraiment d'estre estimé une idole, & ie confesse auoir presques aussi peu d'adresser: mais ie sçay bien une chose, c'est que tu t'enfuiras des premiers arriere du combat, dedans lequel toy & tes seblables vous allez ietter à lestourdie. Ceste prediçtion fut veritable: car ce braue soldat fut le premier qui se tira loin des coups. Au reste, Mascaregne extremement despiré de telle arrogance, laquelle il ne pouuoit reprimer, n'ayant personne de son costé, fut contraint lacher la bride à ceux qui cerchoyent malencontre, craignant qu'ils ne fissent quelque plus estrange mesnage dedans la citadelle mesme: pourtant il fit donner le signal pour sortir, laissant en garde cent soldats, & menant dehors tous les autres en trois troupes, Aluarez de Castre menant l'auantgarde, Francisque de Meneses la bataille, & Mascaregne l'arrieregarde, à son grand regret, & voyant desia le malheur qui en auint. Les ennemis qui les sentirent venir, donnerent tel ordre à leur affaires que les Portugallois n'eurent pas l'honneur

d'affaillir ny de côbatre longuement, ains furent incontrinrent enclos, & chargez par deux bataillons si forts, qu'ils retournerent plus viste que le pas vers la Citadelle, estans vivemêt poursuiuis par les Cambajens. Edouard de Meneséz ieune & braue Seigneur fit tous ses efforts de retenir les fuyards, où il perdit ses pas & ses paroles: mais au lieu de leur ressembler, luy & quelques autres combatièrent iusques à la dernière goutte de leur sang, aimans mieux mourir les armes au poing que se rendre ou fuir. Ainsi donc avec Edouard furent tuez Francisque de Meneséz, Nonio Pereire, François Almeida, Lopez de Souze, Roderic Fernand, François Guillaume, & environ cent de leurs soldats. Mascaregne tascha par tous moyens de rallier les troupes, afin de faire vne retraite moins honteuse, mais sa vertu ne pût rien à l'endroit de ceux que la peur priuoit de iugement, chascun s'efforçant de gagner son compagnon à bien courir. Comme Aluarez de Castre remontoit par les ruines d'une tour, il receut vn coup de pierre à la teste dont il tomba esuanouy, & eut-on toutes les peines du monde à le sauuer des mains de l'ennemy, que Mascaregne contraignit finalement se retirer en son camp. Les soldats tant eschauffez auant le combat perdirent lors toute leur audace, n'osans à peine hanter le nez, quoy que Mascaregne leur monstraist bon visage, en les encourageant à recompenser la perte passée. Au contraire les ennemis deuenus plus aspres acheuerent de ruiner les tours qui restoyent debout en la Citadelle, & briserent la pluspart des bastimens avec leur artillerie: à quoy Mascaregne remedia selon sa resolution & dexterité accoustumée, tellement que la pluspart du dommage tomba sur les edifices.

TANDIS qu'on se battoit ainsi deuant la Citadelle, Iean de Castre Viceroy des Indes receut nouuelles de la mort de son fils puîné Fernand, accablé par la ruine d'une tour, comme dit a esté cy dessus. Encores que ceste playe le touchast iusques au fond du cœur, neantmoins il se cōtint si grauiement que lon ne pouuoit remarquer changement quelconque en luy: mesmes il louoit hautement la mort de son fils, & ce pendant menaçoit d'en faire repentir l'armée du Roy de Cambaje, & chastier si roide.

19.

Ordre donné
par le Viceroy pour se-
courir et de-
liuer Ma-
scaregne.

ment les ennemis, qu'il en seroit memoire. Pour executer sa pensee, au commencement de Septembre il donna commission au Capitaine Aluarez de Cugne, de rassembler tous les vaisseaux flottans sur ceste mer Indoite, & de les mener à Diu. Outreplus il luy bailla lettres adressantes à Mascaregne, portans defense de ne laisser sortir personne de la Citadelle, sans expres commandement du Viceroy. Cugne accompagné de quatre cens soldats, & de quelques charpentiers & massons, en cinq fregattes, arriva au port d'Ormus, où cinq autres fregattes estoient venues au parauant, tellement qu'en ceste flotte se trouuerent quinze ou seize cens hommes, lesquels firent des courses sur mer, & vne fois entre autres rencontrèrent le cousin de Coje Sophar, retournant du Caire, avec vne armee nauale qu'il menoit au secours de Rumezan. Après vn long & furieux combat, Cugne demeura victorieux, mit à fond vne partie des vaisseaux ennemis, tueu ou noyez pour la pluspart, leur chef & quelques vns des principaux de leur armee retenus prisonniers. Ils furent menez à Diu, & ferrez en la Citadelle, mais on ne les y garda pas longuement, ains apres qu'on les eust esgorgez, les festes furent iettees au canal, afin que deualans vers ceux du camp, & recognees de leurs ennemis, ce fust pour les descourager, & leur trancher tout espoir de secours. Cugne perdit grand nombre de gens en ceste bataille nauale, & en remena encores dauantage de blesez, dont plusieurs moururent, les autres demurerent inutiles, ou malades fort long temps. Quant au Viceroy, si tost que le temps se monstra commode à la nauigation il haussa les voiles, & partit de Goa suiuy de septante vaisseaux grâds & petis. Estant arriué à Bazaim, il resolut d'y attendre ceux qui estoient demeurez derriere à cause des vents, & tandis enuoya Manuel Limice courir avec quelques fustes au long de Surrate, où il fit grâd meurtre d'ennemis, & ramena force butin. A son retour, le Viceroy, qui auoit attendu sur mer l'espace de seize iours, sans mettre pied à terre, print la route de Diu, & enuoya Limice pour descourir & attrapper ce qu'il pourroit, dont il s'acquitta vaillamment, & se reioignit à la flotte pres l'Isle des morts. De ce lieu pouste la flotte cingla droit à Diu, où elle arriva

le septiesme iour de Novembre, y ayant en icelle seize cens hommes de guerre. Vn iour au parauant, Laurent Petrejo general de la flotte partie de Lisbonne en ceste annee (selon la coustume, qui est d'enuoyer tous les ans quelque rafraichissement d'hommes & de nauires au Viceroy des Indes) s'estoit rendu au mesme port, ayant eu nouuelles à Cochim des apprests du Viceroy, & de l'estat de Mascaregne.

Le Viceroy estant assez pres de la Citadelle fit ietter les anchres, & rager les vaisseaux, puis enuoya querir Mascaregne avec lequel il communiqua de ce qui estoit à faire pour ruiner les ennemis. Le lendemain on planta deux eschelles du costé de la mer, afin qu'au refus ceux de la flotte peussent entrer en la Citadelle, & disposa-on les pieces es endroits commodes pour canonner sans cesse le camp des ennemis, lesquels, au lieu de s'estonner, s'apprestèrent alaigrement au combat, donnâs ordre à tout ce qui estoit requis pour tel effect, & sur tout logerent bon nombre de mousquetaires & canonniers es tours basties sur le canal, pour empescher l'entree à la flotte, estimâs que le Viceroy voulust les assaillir de ce costé, où ils ordonnerent vn bataillon de quinze mille homes, des plus assurez, qui iurerent tous de mourir sur la place plustost que de reculer. Mais le Viceroy, qui auoit autre dessein, entra secretement dedans la Citadelle, le neufiesme iour de Nouëbre, avec toutes ses troupes: puis s'auisa d'vn stratageme pour amuser les ennemis. Il fit entrer es vaisseaux tous les mariniers, massons, viuandiers & goujats, cōmandant à ceux qui les conduisoient, qu'au signal qui leur seroit donné sur les trois heures de matin ils voguassent droit au riuage, avec chascun deux picques esleuees es mains: que ceux qui tiroient à la rame, maniasent l'auiron d'une main & tinset en l'autre des mesches allumees: que tous ensemble huassent à plaine teste, fissent sonner tous leurs rabourins & trompettes, approchans doucement comme pour gaigner le riuage. Cela ainsi disposé, Anthoine de Correge fut commis pour garder la Citadelle avec quelque garnison. Le lendemain tous les guichets des portes de la Citadelle furent abatus & emportez au loin par le commandement du Viceroy, afin que les soldats ne tour-

20.

*Arrivée du
Viceroy au
port de Diu:
bataille don-
née, les enne-
mis desfaits,
la ville prise
d'assaut, Ru-
mécane tué, la
Citadelle de-
livrée, la do-
mination du
Roy de Por-
tugal établie
es Indes plus
fermement
que iamais.*

naissent plus les yeux à ceste retraite, ains firent leur compte de vaincre ou de mourir. Sur la pointe du iour il fait donner le signal aux vaisseaux, & met dehors environ deux mille cinq cens Portugallois qui montent sur les murailles des ennemis, & se rangent à leurs enseignes, pour donner dedans les corps de garde. Ceux qui estoient sur mer, ayas receu le signal, & disposez selonc l'intention du Viceroy comencet à voguer avec enseignes desployees, & vn estrange bruit lequel attira encorcs celle part nouvelles troupes d'ennemis, estimans que c'estoit là qu'il faloit combattre. Les autres quartiers affoiblis d'autant, il fut plus aisé aux Portugallois d'approcher du camp. Mascaregne, qui menoit le premier bataillon composé de quatre cens hommes d'élite, donna dedans de pied & de teste, & perdit cinquante soldats en ceste meslee, le reste demeurant engagé, sans le secours des autres Portugallois qui firent reculer les ennemis. Ceux qui attendoient la flotte au riuage, descourans le tour qu'on leur auoit ioué, enuoyerent incontinent la pluspart de leurs troupes vers le lieu où le combat estoit commecé, & lors force fut au Viceroy d'enuoyer vn autre bataillon pour soustenir le premier. D'vn autre costé, luy & Petrejo forcerent vne tour qui les endommageoit fort, & tuerent tous ceux qui la defendoyent. Rumecan de sa part monstra ce iour qu'il n'auoit faute de sens ny de courage, & donna tant d'affaires aux Portugallois, que sans Mascaregne qui les encourageoit par viues remonstrances, & leur monstroit exemple en marchant des premiers parmy les coups, ils eussent tout perdu ce iour-là. Or comme la meslee se renforçoit, le Viceroy & Petrejo suruindrent, & lors les soldats, animez tant par les propos de Mascaregne que par la presence de leur general, firent tel deuoir que finalement les ennemis tournerent le dos, les vns gaignans le pont, les autres passans le canal à nage pour se sauuer hors de l'isle. La ville estant abandonnee & le camp mis en route, les Portugallois mirēt tout à feu & à sang, le Viceroy faisant abatre les edifices que le feu auoit espargnez, tellement que la ville de Diu fut du tout ruinee. On trouua tant es maisons de la ville, qu'en diuers pauillons & logis du cap, les tables dressees, la viande au feu, & des viures mesmes

par les places publiques, comme en temps de paix, pource que les ennemis ne se doutoyent point d'un si estrange changement. Les Portugallois perdirent cent cinquante homes en ceste bataille, & quelques Capitaines, à sçavoir George de Souze, Jean Manuel, Francisque Azeuede, Baptiste Personne, Cosme Payua, Balthazar George, Edouard Roderic Nazin, Vasque Fernand, Artas Gomez Quadre, & Iulian Fernand. Du costé des ennemis moururent plus de trois mille hommes. Rumecan, voyant les choses en tel desordre, ietta bas quelques accoustremens qui le faisoient paroître entre tous autres, & tascha se sauuer: mais estant reconnu par quelques soldats il fut chargé, & apres assez longue resistance tué sur le champ, comme furent aussi six autres des principaux chefs de l'armée. Iuzarcan le ieune ayant fait merueilles ce iour, fut prins vif, & traité honnorablement, comme sa qualité le meritoit. Le Connestable Mojatecan monté sur un vif coursier eschappa avec quelques Capitaines, laissant l'enseigne royale & tous les autres estendarts qui furent portez au Viceroy. On ne sçauroit exprimer les cruantez commises par les Portugallois contre les hommes, femmes & enfans de la ville de Diu, lesquels passerent tous au tranchant de l'espee, sans espargner femmes enceintes, ny enfans à la mammelle, non pas mesme les bestes brutes: tant la victoire les auoit acharnez pour venger la mort de leurs compagnons. Toute l'artillerie des ennemis fut gaignee, & leurs troupes restantes encores en grand nombre se retiterent bien viste, & fort auant en terre ferme, puis s'escarterent en diuers lieux de Cambaje, laissant leur Roy confus & perdu, iusques à ce qu'il fut contraint accepter telle composition que le Viceroy voulut: brief luy & son Royaume demurerent comme asseruis aux Portugallois, qui firent bastir à neuf leur Citadelle, si qu'en peu de temps elle fut rendue plus forte que deuant. Quant à la ville, à cause du trafic, par succession d'annees on l'a remise au dessus, mais non telle que iadis. Les Portugallois perdirent és assaux & rencontres de ce siege pres de deux mille hommes. Apres que le Viceroy eust donné ordre aux affaires de ce quartier, il retourna vers l'Inde basse: & quant à Petrejo, estant arrivé au port

HIST. DE PORTVGAL
de Cochim, il fournit ses nauires, & reprint la route de
Portugal, apportant au Roy les nouuelles de la victoire
& le discours entier de ceste guerre, laquelle nous auõs
descrite sommairement.

FIN DV DIXNEVFIESME LIVRE.




LE VINGTIESME LI-
VRE DE L'HISTOIRE
DE PORTVGAL.

SOMMAIRE.

1. Diuision de l'Asie, & descriptiõ des principales parties d'icelle, par maniere de recapitulation, pour plus aisee intelligence des matieres traitees es liures precedens.
2. Nouveau moyen suyui par le Roy Iean troisiẽsme, pour conser-
ner le trafic des Indes.
3. Ample discours de la secte & doctrine des Iesuites, de leur na-
uigation, deportement & succes en diuers lieux des Indes
Orientales.
4. Discours de quelques autres choses remarquables auenues de-
puis la guerre de Din iusques à la mort du Roy Iean troisi-
esiẽsme.
5. Sebastian, premier du nom, & dixseptiesme Roy de Portugal,
succede (bien ieune) à son ayeul Iean troisiẽsme.
6. L'estat du Royaume de Portugal & autres pays appartenans
au Roy Sebastian.
7. Recit de la guerre suruenue en Barbarie entre Muley Mahu-
met & Muley Abdelmelec, pour les royaumes de Fez &
de Maroc.
8. Le Roy Sebastian embrasse le parti de Muley Mahumet, & passe

en Barbarie pour le mettre en possession de ces royaumes.

9. Bataille remarquable en laquelle perissent de diverses morts Mahumet, Abdelmelec, & le Roy Sebastian.
10. Ce qui s'ensuivit apres ceste bataille, & conclusion de l'histoire de Portugal.



OMBIEU qu'es liures precedens nous a-
 yons veu ça & là quelques descriptions des
 Indes Orientales & autres pays de l'Asie, où
 les Portugallois ont penetré de nostre tēps:
 toutesfois il ne sera, peut estre impertinent
 de proposer ici en vn seul chapitre toutes ces
 en rāg propre, afin de représēter au lecteur tout à vn coup
 ce qu'il a peu imaginer en tāt de parcelles susmentionēes,
 & grauer mieux en sa memoire les choses memorables
 deduites iusques à presēt. Vray est que les nauigatiōs des
 Portugallois touchant la coste Orientale de l'Afrique, à
 laquelle appartiennent les royaumes de Zofala, Melia-
 de, Quiloa, Mombaze, Mozambique & autres: mais
 cela se montrant assez par les chartes, ioint que les
 principaux faits d'armes ont esté executez en l'Asie, c'est
 à icelle que nous nous voulons arrester, suiuant les dis-
 cours qu'en a faits le seigneur Iean de Barroos en ses de-
 cades, & autres doctes geographes de nostre tēps en leurs
 escrits. L'Asie, estimee par quelques vns la plus grande
 portion de la terre habitable, est separee de l'Europe
 par le fleuue Tanais, de l'Afrique par le destroit qui est
 entre la mer mediterrannee & le Sein d'Arabie. L'Océā
 l'environne des autres costez. Auiourd' hui nos Geogra-
 phes sont de deux auis en la diuision d'icelle, aucuns la
 cōsiderans en sa masse, les autres en ce qui est maritime &
 plus conu. Les vns donc la considerēt en cinq parts prin-
 cipales, dont la premiere & limitrophe d'Europe obeit
 au grand Duc de Moscovie, bornee de la mer glatee,
 du fleuue Obei, du lac de Kytaja, & du destroit entré la
 mer Caspie & Euxine. La seconde est la Tartarie suiette
 au grand Cham, ayant pour limites la mer Caspie, le
 mōt Imaus & le fleuue Iuxarte au Midi, l'Océan au Le-
 uāt & au Septentrion, la Moscovie à l'Occidēt. Les Turcs
 tienēt la troisieme partie, laquelle cōtient ceste estēdue

I.
 Diuision de
 l'Asie. &
 descriptiō des
 principales
 parties d'icelle.
 le, par ma-
 niere de reca-
 pitulatiō &
 pour plus
 grāde intelli-
 gēce de ce qui
 a esté traité
 es liures pre-
 cedens.

de pays qui est entre la mer Euxine, *Ægee* & *Mediterranée*, l'*Egypte*, la mer rouge ou Arabique, la *Perfique*, le fleuve *Tigris*, la mer *Caspie* ou de *Bachu*, & le destroit qui est entre icelle & la mer Euxine ou mer maieur. Sous la quatriesme est cōpris le royaume de *Perse*, aboutissant à celuy des *Turcs* vers Occident, au grād *Cham* vers Septentrion, au fleuve *Indus* à l'Orient, & au Midi à la mer des *Indes*. Quand à la cinquiesme partie, c'est celle que nous appellōs les *Indes Orientales*, ainsi appellees à cause du fleuve *Indus*, & la haute distinguee de la basse par le Gāge fleuve tresrenommé. *Marc Paul* Venitiē en fait trois parties, à sçauoir, la grāde, la petite & la moitoyēne. Ces *Indes* sont gouuernees par vne infinité de Roys & Seigneurs, quelques vns desquels sont vassaux du grand *Cham*, du *Sophi*, & du Roy de Portugal. Pour le regard des ports & lieux maritimes depuis le goulfe de la mer rouge iusques au promōtoire appelé cap de *Lampo*, au trentiesme degré de la latitude Septentrionale, les Portugallois sont maistres de la pluspart, ou en tirēt quelque tribut. Les isles d'*Asie*, specialement en la mer Indienne, sont *Sumatra* ou *Taprobane*, *Zeilā*, les deux *laues*, *Burneo*, *Celebo*, *Palohā*, *Mindanao*, *Gilolo*, les cinq *Molukes*, *Iapā*, & infinies autres petites, lesquelles on decouure aucunement es chartes vniuerselles, sur tout en celle du docte *Mercator*, excellent geographe de nostre tēps. Voila quāt à la premiere diuision: reste de cōsiderer la seconde, laquelle on distribue en neuf portions, dont la premiere commence au goulfe de la mer rouge, & finit à celuy de la mer *Perfique*: la seconde s'estend de ce goulfe de *Perse* iusques au fleuve *Indus* qui se desgorge en l'*Ocean*, & costoye le royaume de *Cambaje*: la troisieme depuis la ville de *Cambaje* iusques au promōtoire de *Comori*: la quatriesme commence à ce promōtoire: la cinquiesme au *Gange*: la sixiesme au promōtoire de *Cincapura* au dessus de *Malaca*: la septiesme au grand fleuve nommé *Menam*, que ceux du pays disent signifier la mere des eaux, & lequel trauesse le royaume de *Siam*: la huitiesme s'estend de là iusques au cap de *Lampo*, promontoire renommé & le plus Oriental de toute la terre ferme, au milieu de la coste maritime du

grand royaume de la China : la neuuesme peu hâtee des Portugallois, (encores qu'ils soyent môtez plus haut vers l'Oriët iusques aux Leques & Iapanois) est si grâd qu'on ignore si cest isle, ou terre ferme continuee iusques à l'autre bout de la China. Or pour retourner à la premiere portion de ces neuf, depuis le goulfe de la mer rouge, qui est situé en latitude de douze degrez & deux tiers, iusques à la ville d'Aden, capitale du royaume, lon côte quarante lieues : & d'Adé iusques au cap de Fertache, qui est à quatorze degrez & demi, cent lieues. Entre ces extremittez sont situez Abian, Ar, Canacam, Brum, Argel, Sacl ville capitale du royaume d'Herit, Cayem, & Fartage, ville d'un autre royaume appellé de mesme nom, & le peuple Fartachin. D'illec iusques à Curia Maria, où Vincent Sodre fit naufrage, y a septante lieues, & au milieu du chemin se trouue Dualfar, ville fournie du meilleur encens de tout l'Arabie, & en plus grande quantité que nul autre lieu. De Curia Muria iusques au cap de Razalgate, qui est à vingt deux degrez & demi, lon conte six vingts lieues de pays desert & sterile. A ce cap commence le royaume d'Ormus, & de la ville d'Ormus, en trauersant la mer, iusques au cap de Mocandan, y a quatre vingts & sept lieues. De ce royaume sont Calajate, Curiate, Mazcate, & autres isles, la derniere desquelles nommee Limma est à huit lieues de ce cap de Mocandan que Ptolemee nomme Afaborum, & le met à vingt trois degrez & demi, mais nos geographes le mettent à vingt six, & en cest endroit finit la premiere diuision. Tout le pays compris entre les deux limites d'icelle que les Arabes appellent Hyaman, & nous l'Arabie heureuse est la plus fertile & habitee des trois Arabes. Trauersant du cap de Mocandan à l'autre qui est vis à vis nommé Iacquete, nous entrons en la seconde portion, qui est petite & peu habitee à cause de la nauigatiô, qui y est perilleuse. Le pays est quasi desert, & iadis s'appelloit Carmanie, auioird'hui Herac Ajan, où sont les royaumes de Macran & Guadel, qui ont pour principales places Guadel, Calara, Calamete, & Diu à la premiere bouche du fleuue Indus vers l'Occident. On compte deux cens lieues depuis ce cap de Iacquete iusques au

fleuve Indus, La troisième portion contient cent cinquante lieues ascavoir depuis la pointe de Diu iusques au cap de Iacquete trente huit lieues, & de là droit par mer iusques à Diu ville du royaume de Guzarate ou Cambaje, cinquante lieues, & de Diu, que est à vingt degrez & demi iusques à la ville de Cambaie à vingt deux degrez sont cinquante trois lieues, & de Cambaie iusques à Goga dix ou douze lieues. En ceste estendue de pays est comprise vne grãd' partie du royaume de Guzarate, ensemble la province des peuples nommez Rezbut, qui habitent es montaignes. Quand à la quatrième portion elle commence à la ville de Cambaie & finit au cap de Comori, tirant en longueur environ deux cens nonante lieues de bon pays, qui est toute la fleur des Indes, & qu'on peut diuiser en trois parts avec deux grandes riuieres qui le trauerfent d'Occident en Orient: la premiere part separant le royaume de Decan d'avec celuy de Guzarate qui le touche au Septentrion: la seconde, tranchant le mesme royaume de Decan d'avec celuy de Bishnagar au Midi: tierce, diuisant Decan & ce royaume de Bishnagar limite du goulfe de Bengala, les deux riuieres sortant de deux fontaines en vne haute & longue montagne, nommee Gate, à l'Orient de Chaul, & sont à quinze lieues de largeur l'une de l'autre, la plus Septentrionale nommee Crusuar, & l'autre vers le Midi Benhora, lesquelles apres assez longue course se ioignent ensemble, & appelle-on ce fleuve vni Ganga, lequel se descharge en la fosse du Gange entre deux ports nommez Angelij & Picholide, à vingt deux degrez ou enuiron. Ce Ganga ou Guégua est de merueilleuse largeur, à cause des riuieres qui entrent dedans, & l'eau en est estimee sainte par ceux du pays, tellement que les Seigneurs empeschent que les habitans en puisent & n'y aillent se lauer qu'ils n'ayent payé quelque tribut. Il y a vne infinité de riuieres en ces trois parts de nostre quatrième portion d'Asie. En la premiere part, qui est celle de Guzarate, lon conte depuis la ville de Cambaie iusques au fleuve Nôgotana ou Mádoua septante lieues, ou sont pour principales villes Machigam, Gandar, Baroche, Surrate & Rael: puis, en suivant la coste, Noscari, Gandini, Daman, Dánu, Tapor

rapor, Quelmain, Agacim, & Bazaim, où les Portugalois ont vne citadelle, & à Chaul qui est à treize lieues de là. Illec commence la seconde part iusques aux derniers bouts du royaume de Decā, ayāt seprâte cinq lieues d'espace, sçauoir depuis Chaul iusques au fleuve de Zanguizar vingt cinq lieues, en l'espace desquelles sont Bandede, Sifardam, Calanci & Dabul: de Zanguizar iusques à Siatacora derniere place de Decan cinquante lieues esquelles se voyent Ceitapor, Carapatam, Iamaga, Banda, Capora, & la fameuse ville de Goa. La troisieme part depuis le royaume de Decan iusques au cap de Comori cōtient cent quarante cinq lieues, & a force bourgades & petites villes, en l'espace de quarante cinq lieues, suiuetes au Roy de Bisnagar, comme Onor, Batticala, Bendor, Bracelor, Bracamor, Carcara, Carnate, Māgalor & autres. Le reste cōtenant cēt lieues, qui s'appelle la coste de Malabar, est suiuet à plusieurs Roys, dont les principaux sont ceux de Calecut, Cananor, Cochim & Coulam, desquels & de leur pays a esté amplement traité cyderant. Quant au cap de Comori, cest le bout de l'Inde dedans le Gange, qu'on appelle maintenant Indostan & Inde basse, vers le Midi, & là se terminent les royaumes de la coste de Malabar, finissant aussi la quatrieme portion de l'Asie. Nous ne nous arresterons maintenāt à la description des isles, cela n'estant du tout au propos que nous deduisons. Reste dōt de toucher les autres portions, à sçauoir la cinquieme, qui comprend la coste du goulfe de Bégala, où il y a trois principaux royaumes, à sçauoir Bisnagar en longueur de deux cents lieues: Orixa, de cent & dix: & Bégala, de cent soixante, & finit ceste portion à Chatigā port de mer, tout au fond du goulfe. De ce port iusques à Malaca se considere la sixieme portio cōtenant trois cēs quatre vintg lieues, & c'est l'autre coste du goulfe de Bégala, où se voyent les royaumes de Verma, Aua, Pegu, Siam & Malaca. L'autre coste regardāt l'Oriēt, en laquelle sont les royaumes de Cambaje, Campar & Cacuchin fait la septieme portion. Les deux autres dernieres, à sçauoir la China, diuisé en quinze royaumes, de longue & large estēdue, & ce qui s'estend par de là iusques au Septentrion, n'ayāt esté encores bien

descouuert il suffira de le marquer pour le present. Or nous n'auons ici spécifié les villes & places notables de ces derniers portions, ni toutes les bornes d'icelles, pour euitier prolixité, ioint que les chartes d'Asie & de l'Inde Orientale satisfont en cest endroit aux plus curieux. Mais le lecteur considerera qu'en ces deux opinions que nous auõs proposées de la diuision de l'Asie, la premiere qui la reduit en cinq parties, à sçauoir Moschouie, Tartarie, Turquie, Perse & Inde, regarde tout le corps de l'Asie: & la seconde opinion, qui diuise l'Asie en neuf portions, considere seulement les costez de l'Ocean, sans entrer es pays du Mosconite, Tartare, Turc, ou Perse, qui semblent auoir leur cas à part, & s'arreste plus à ce qu'on peut estimer Asie propremēt aujourd'hui, restraignant le mot à ce qui approche de la mer, & nommémēt aux Indes Orientales. En somme, on peut dire que la premiere opinion se rapporte à l'Asie terrestre, la seconde à l'Asie maritime, en laquelle les Portugallois ont fait quelques conquestes, basti des citadelles, & saisi certaines villes pour la seureté de leur trafic, le tout estant bien peu de chose, à comparaisson de ce surquoy ils n'ont droit aucū. Ce n'a pas esté faute de volonté, ains de puissance, ioint qu'ils ont trouué des gens courageux, bellicueux, subtils, & qui ne se sont pas laissé gourmander comme ont fait les Indiens Occidentaux, trescruellemēt traitez par la natiõ Espagnole, qui d'un pays peuplé a fait un desert horrible. Mais quant à l'Orient, encores que les Portugallois ayent saccagé & butiné en quelques endroits: qu'aucuns particuliers se soyēt monstrez barbares & feroches: si est-ce qu'aujourd'hui il n'y en a presque point de marques, & les autres marchans trafiquent tellement à cause de la richesse des pays, qu'il y a assez pour les vns & pour les autres. Qui plus est, encores que nous ayõs veu de grandes victoires obtenues par les Portugallois, si est-ce qu'à la fin ils se laisserent les premiers de faire la guerre, ayans appris aux Indiens de cōbattre mieux qu'ils ne faisoient il y a cinquante ou soixante ans. A cause dequoy force fut au Roy de Portugal & à son conseil d'auiser à un autre moyen de maintenir l'estat des Indes que par les armes, veu que la guerre consumoit peu à peu toutes les forces du royaume, qui estoient acces-

saïres pour d'autres endroits, sur tout en Barbarie, où les Portugallois perdoyent tous les ans quelque place. Dōcques pour conseruer ce que l'on auoit gaigné es Indes, vn expedient se presenta, tel qu'il s'ensuit:

Les guerres en la coste de Malabar, es Molucques & ailleurs, auoyent tant harassé les Portugallois, qu'ils cōmençoient à hair le mestier: & plusieurs des particuliers en s'affriandant au gain quittoient peu à peu le train des armes, tellement que les soldats perdoyent ceste ardeur, que l'on auoit remarquée du temps des Vicerōis Almeida & Albuquerque notammēt. D'auantage les Indiens estoient desia tant aguerris, qu'ils aprenoyent toutes les inuentions de l'Europe, pour s'en preualloir contre ceux qu'ils leur auoyent enseignées. Il y auoit aussi cela, que les Princes & seigneurs des Indes s'entretenoyēt ensemble, tellement que le conseil de Portugal apperceuoit bien qu'avec le temps suruiendroyēt des nouuelles tempestes: ausquelles l'espee ne remedieroit, n'estant assez forte. D'y proceder par ambassades & belles promesses, les Indiens ne se laissoient pas affiner: au contraire, s'il estoit question de donner quelque venue, ils estoient fort habiles à tromper & surprendre, telmoïn entre autres le Roy de Dachen. Les nauigations ordinaires espuisoyent les finances du Roy: puis les perils & naufrages faisoient que la perte esgaloit le gain, tellement que (cōme dit le prouerbe) le ieu ne valoit pas la chandelle: à quoy les capiraines & officiers aidoyēt bien aussi, car pour la pluspart ils ne pensoiēt qu'à emplir leurs coffres, tellement que si le Roy auoit quelque chose, il estoit tousiours le dernier, & faisoit-on la part au plus eslongné. Parmi telles incommoditez il y auoit cela de biē que le Roy estoit en bon mesnage avec l'Empereur, n'auoit guerre cōtre aucun Prince de l'Europe: & quant aux affaires de l'Afrique les garnisons ordinaires se maintenaient tellement quellement. Apres beaucoup de discours au conseil de Portugal, pour trouuer quelque entre deux qui à l'auenir adoucist & retinist aucunement les Indiens, il fut auisé de s'aider de la religion, quelques vns ramenteuans le fruit que l'on en voyoit estre procedé au royaume de Congo. Il y a quatre sectes es Indes, la

2
Nouveau
moyen suiu
par le Roy de
Portugal
pour cōseruer
le trafic des
Indes:

premiere de demi Chrestiens, la seconde de Mahumetistes, la tierce de Iuifs, la quatriesme d'idolâtres de diuerses sortes. On estima donc qu'en gaignant les Mahumetistes & idolâtres, ou partie d'entre-eux, ce seroit l'appuy de l'estat & du trafic en ces quartiers. Il falloit seulement des instrumens pour entamer ceste besongne & la poursuiure courageusement à quoy il ne trouuerent gens plus aptes que les Iesuites lesquels y estans enuoyez par succession de temps se sont fort multipliez en l'Inde haute & basse iusques à monter à l'Isle de Iappan és royaumes de la Chine & autres endroits tant des Isles que de terre ferme.

3
Ample discours de la secte & doctrine des Iesuites : leur nauigation & portemēt & succès es Indes Orientales.

Mais il nous faut reprendre ce propos vn peu de loin & le deduire au long pour le contentement du Lecteur. Ignace de Layola, Biscaien, yssu de maison noble, & de parens catholiques, fust dès son ieune aage, enuoyé à la cour du Roy Ferdinand, où il se portoit tellement, que sur toutes choses il auoit en recommandation les armes, tachant de surpasser tous ses freres plus aagez que luy en cest exercice : de sorte que l'an mil cinq cens treize, si trouuant dans la ville de Pampelune assiegee fort & ferme des François, & deffendue des Espaignols, apres auoir souuent donné courage, par sa vaillantise, aux assiegez de resister à la force des ennemis, il eust la iambe droite brisee d'un coup de canon, & la gauche fort blesee d'une pierre enleuee de la muraille. Ce qui fust cause que la ville bien tost rendue par composition, Ignace tomba entre les mains des François, desquels il fust humainement traité, & renuoyé libre en sa maison, où il se fit penser avec toute diligence, souffrant des douleurs tresgriefues pour estre guery, n'ayant encore laissé le desir qu'il auoit de porter les armes. Toutesfois par ceste affliction estant comme aduertty de Dieu, se mist à considerer si profondement la vanité des choses de ce monde, qu'apres auoir bien combattu avec ses pensées, il se resolut à la parfin (estant à ce grandement esmeu par la lecture de la vie de nostre Seigneur & de ses Saints) de s'adonner du tout au seruice de Dieu, à l'imitation de ceux desquels il auoit leu les vies. Mais voyant qu'il ne pouuoit accomplir cecy, selon son desir tant qu'il seroit

en la maison de ses parens, delibera de sen aller en Ierusalem, & premieremēt estant party avec deux seruiteurs, ausquels il donna bien tost congé, se retira à Montserrat, où il y a vne Eglise dedice à la vierge Marie, fort renommee, pour les grands miracles qui si sont ordinairement, où ayant deliberé de s'arrester quelque temps, laissa ses habits anciens, & se vestist d'un sac, usant d'austeritez admirables, & s'exerçant es vertus d'humilité, patience, prudence, & deuotion, se confessant souuent, & receuant le sacré corps de nostre Seigneur: dont en peu de temps il paruint à tel degré de perfection, qu'estât souuent consolé de l'assistance du saint Esprit, il fust embrasé de si grande charité enuers son prochain, qu'il estoit prest d'employer tout ce qu'il auoit pour son salut, se souuenant toutesfois de son ancien propos d'aller en Ierusalem, il sen va à Barcellonne où s'estant embarqué arriua en Italie, & peu apres à Rome, n'ayant vescu en tout ce voyage que d'aumosnes. Il receut avec toute humilité la benedictiō du Pape, & sans vouloir accepter aucun viatique de plusieurs qui le luy offroient liberalement (excepté six ou sept escus pour payer les nautonniers, lesquels toutesfois il distribua aux pauures, craignant que cest argent ne luy apportast quelque des fiance de la prouidence de Dieu) dressa son chemin à Venise, ou estant arriué, & ne trouuant vne nuit personne qui le voulust loger, à cause qu'il estoit si desfaiēt pour les ieunes, veilles & autres macerations du corps desquelles il s'estoit volontairement affligé, qu'on ne l'osoit seulement regarder. Il aduint qu'un Senateur estant couché en sa maison, fust esueillé de telles paroles: Est-il convenable que toy mollement vestu sois à ton aise en ta maison & que mon seruiteur demy nud soit estendu en la place? que tu sois mollement couché, & luy qu'il gise sur le dur paué? dequoy espouuenté ce Senateur, se leue incontinent, sort de sa maison, & allant de çà & de là, rencontre Ignace en tel estat qu'on luy auoit descript, le mene en son logis pour ceste nuit, & le traicte fort humainement. Quelque temps apres il entre en vne nauire qui vogoit en Cypre, & de Cypre en vn'autre, qui le mena pres de Ierusalem, ayant ceste coustume que de

reprendre ceux qu'il voyoit estre les plus vicieux, avec
 vne grande liberté d'esprit & de parolles. Arrivé qu'il
 fust à Ierusalem, il receust tant de consolations en visi-
 tant les saincts lieux, qu'il y eust demeuré toute sa vie,
 n'eust esté que le Prouincial des Cordeliers luy dissuada
 ce qui fust cause de son retour à Barcelonne, ou il com-
 mença à estudier, combien que desja assez aagé pour le
 grand desir qu'il auoit d'aider son prochain, cognoissant
 bié que sans les lettres son dessein n'auroit pas grand ef-
 fest. Apres auoir employé deux ans en la grammaire, il
 fust trouué capable de ses regens d'estudier en Philoso-
 phie, & pour ceste cause se retira à Alcala, où à grãd peine
 venu, estant poullé de charité, commença à enseigner
 les plus rudes la doctrine chrestienne, avec vn merueil-
 leux fruit, & contentement de tous. Ce que toutesfois
 estant rapporté aux inquisiteurs de la foy, il fust exami-
 né, & avec quelques compagnons qu'il auoit avec soy
 déclaré innocent, & qui plus est leur fust permis de con-
 tinuer en tel exercice, à quoy il s'employèrent comme de
 coustume, iusques à ce que Ignace fust mis en prison,
 pour auoir comme l'on disoit conseillé à quelques per-
 sonnes, de laisser ses parens sans leur adieu, & entreprē-
 dre quelques pelerinages: dequoy par apres n'estant
 trouué coupable fust mis dehors. Le mesme par apres
 luy aduint à Salamanque, qui luy caufoit vn grand em-
 peschement à ses estudes. Parquoy delibera de les pour-
 suivre à Paris auquel il arriua l'an mil cinq cens vingthuit
 au mois de Februrier en plain hyuer, & temps fort dan-
 gereux, où il souffrist beaucoup de difficultez, pour la
 peine qu'il auoit de s'entretenir, & pource estoit con-
 trainct tous les ans d'aller en Flandres, à quelques mar-
 chans Espagnols, où par aumosne il se fournissoit d'ar-
 gent, pour se sustenter, combien que fort frugalement.
 Il commença ses estudes au collegé de Montagu, où il
 employa quelques ans aux lettre humaines, & puis se
 mist au cours de philosophie l'an mil cinq cens vingtreuf
 & fust passé maistre es arts, par l'examen le plus rigou-
 reux qui se trouuaist en l'vniuersité de Paris. Le reste du
 temps iusques à l'an mil cinq cens trente cinq se con-
 somma en l'estude de Theologie. Et cependant il ne cess-

soit par bon exemple & parolles, d'exciter beaucoup de jeunes hommes à la pieté & deuotion, à se conseller & cōmunier tous les huit iours, à examiner tous les iours leurs consciences, tellement que quelques vns iusques au nombre de dix se sentirent pour cela tant obligez à luy que jamais ne voulurēt le laisser, ains firent veu & propos de se rengier en sa cōpagnie, & s'employer es mesmes exercices que luy, & premierement d'aller en Ierusalē, que si les chemins estoient empeschez, se presenter à nostre S. Pere le Pape, & se ietter à ses piedz, pour disposer d'eux à son bō plaisir, pour le salut des ames. Parquoy prirent leur chemin vers Venise, où estant arriuez, s'en allerent in continent à diuers hospiraux pour soulager les malades, nettoier & bāder leurs playes, les encourager & exciter à patience. C'est là que Francois Xavier, vn de leurs dix compagnons, monstra vne charité tref-grande & parfaite victoire de soy mesme: Car ayant horreur des playes qu'il voyoyt, il lechoir par fois le sang pourry & corrompu. Enuiron la mi-carisme il vont à Rome, où ils furent humainement receus du Pape, qui leur donna puissance de recevoir les saincts ordres, & pource estant retournez de rechef à Venise, pour aller en Ierusalem, Ignace & six autres seulement furent faits prestres, à cause que trois des autres l'estoyent desia long temps auparauant. Ainsi qu'il se preparoiēt à la nauigation, toute esperance d'aller en Ierusalem leur fust ostee, à cause que la nauire des pelerins estoit arrestee pour l'alliance rompue entre le Turc & les Venitiens. En quoy ils recognurent la prouidence de Dieu, qui vouloit que leurs labeurs fussent aussi bien employez au prouffit des fideles que des mescreans. Car des lors ils commencerent à bon escient exercer les offices qui leurs ont esté tousiours en plus grande recommandation, comme d'exciter par predication toutes sortes de gens à embrasser la vertu & fuir le vice, mettant en auant la beauté de l'vne & defformité de l'autre, à enseigner les ignorans, consoler les affligez, administrer les sacremens, principalement de penitence & en charité, avec vn si heureux succez, qu'ils donnoiēt à tous grande occasion de s'estonner voulant toutesfois s'estendre plus auant, ils se distribuerent en diuerses vil-

les d'Italie, les vns à Rome, les autres à Siene, Boulogne, Ferrare, Padeuë, ou il n'obmettoient rien de ce qui pouuoient auiser estre profitable pour le salut de ceux avec lesquels ils conuërtoient, & le faisoient d'autant plus hardiment, qu'il en auoyent eu de nostre Sainct Pere le Pape plaine autorité & puissance. Ignace fut de ceux qui prindrent le chemin de Rome, auquel il eust des illustrations admirables, voire mesme, qu'estant pres de Rome il entra tout seul en vn temple presque desert, où estant en oraison, Iesus Christ s'apparut à luy portant sa croix, qui luy dit, ie vous seray fauorable & propice à Rome. Ce qui encouragea grandement Ignace, veu qu'il auoit vn si bon protecteur, & cecy à esté l'vne des principales causes, pour laquelle il à tousiours desiré que ceux de sa religion fussent appelez de la compagnie de Iesus, & non d'Ignace, ne voulant point qu'ils se pensassent estre entrolez en l'ordre d'Ignace où de quelqu'autre homme, mais du fils de Dieu : de sorte que le nom mesme dès l'instant, leur fist cognoistre à quelle perfection ils estoient appelez, ce qui n'a esté fait sans vne grande prouidence de Dieu, veu que le Sainct Siege Apostolique les voulut ainsi nommer, comme aussi par apres ils ont esté appellés au Cōcile de Trente chapitre seizesme de la sessiō vingtequiesme dont appert que plusieurs se trōpent, qui pēsent que par arrogāce ils se loient vsurper ce nom, veu que plus tost par modestie & humilité, Ignace ne voulut les siens estre appelez Ignaciens ou Ignacistes, mais sectateurs de Iesus Christ, où comme maintenant on les appelle Iesuites (nom cōmū de tous les Chrestiens). Car tout ainsi que ceux qui embrassent la foy de Christ ont est appelez chrestiens, aussi pouuoient-ils estre nōmez Iesuites, Christ & Iesus estans deux noms d'vne mesme personne, mais ils ont prins plus tost celuy qui estoit le moins vsité, partie afin qu'ils fussent discernés des autres, partie aussi à cause que plus particulièrement ils se deuoient proposer de se gouverner à la façon des Apostres, allans par tout le monde, & s'accommoder à tous, sans toutesfois offenser Dieu, pour tous gagner, n'ayās autre respect que leur salut, & posposāns leur propre corps pour l'ame de leur prochain, comme ont bien

monstré quarante de leur compagnie, qui s'en allans au Bresil pour la conuersion des infideles, furent par Iaqués Sore Caluiniste, & ses complices cruellement & de sang froid occis, pour la foy catholique Apostolique & Romaine, cōbien que depuis la vengeance diuine s'en soit ensuiuie, ledict Sore estant mort enragé au Compté d'Eu sans se vouloir recommander à Dieu, encore qu'il fut assisté de ses parens & exhorté à ce faire. Lan mil cinq cens trenehuit apres auoir donné grand' opinion de bonne vie & saine doctrine par toute l'Italie, ils s'assemblerent tous à Rome, & n'y eust personne d'eux qui ne fut incontinent employé à prescher en quelque Eglise, ne laissas pas pour cela d'exercer lesœuvres de charité, cōme ils auoyēt fait au parauant à Venise & ailleurs, en quoy ils s'occupioient toute la iournee, & la nuit ils estoient où en prieres, où bien consultoiēt de l'establissemēt de la cōpagnie qui est à present, & à ce les incitoit principalement le profit qu'ils apperceuoient croistre de iour en iour pour leurs traualx & assistance de la grace de Dieu, desirās qu'apres leur decés, les mesmes exercices de pieté fussent continuez par successeurs que Dieu leur pourroit dōner: & à ceste intentiō prioient Iouuent Dieu qu'il eust a les illuminer, & faire cognoistre sa sainte volonté, & en cest estat furent l'espace de trois mois, iusques à ce que tous d'un cōmun accord sans s'estre communiqué leur aduis l'un à l'autre, trouuerent bon de s'assembler en vn corps & compagnie, où ils deuoiēt faire vœu de pauureté, & chasteté, & obeissance, avec beaucoup d'autres choses qui sōt propres de leur institut, lesquelles il n'est pas aisē de sçauoir, parce q̄ ne les pouuās dire sans se louer, ils aymēt mieux les tenir sous silence, combien que l'on peut aisément penser qu'ils ont beaucoup de moyens particuliers propres pour se cōserver, veu que allās en tāt de païs & hantās toutes sortes de gens pour leur instructiō, toutesfois ils se maintiennēt si constamment en l'obseruance de leur reigle & discipline, & donnent à tous vn merueilleux exemple de biē viure, par leur bonne vie. Mais comme le plus souuent on porte enuie aux gens de bien, le diable qui vouloit empeschier l'enfancement de ceste compagnie, suscita quelques personnes pour leur faire la guerre, & de rechef Ignace fut

accusé de ce qu'on luy auoit imposé en Espagne, mais il se purgea de telle sorte (se trouuans là par vne singuliere providence tous ceux qu'il auoit eu pour iuges en Espagne, qui eux mesmes donnoyēt tefmoignage de son innocence) qu'il eust sentence, en laquelle il estoit déclaré non seulement innocent ains par ceste accusatiō remporta vn grand honneur pour sa bonne vie, & saine doctrine. Cependant le Roy de Portugal Iean troisieme estant plus desirieux de la conuersion des Indois & infideles, que d'amplifier son Royaume, escriuit à Iacques Gouean principal de sainte Barbe que s'il cognoissoit quelques gens de bien pour enuoyer aux Indes qu'il l'en aduertist. Auquel incontinent Gouean respondit en auoir cogneu quelques vns fort propres pour ceste affaire qui estoient pour le present à Rome, & pour autant le Roy de Portugal manda à son ambassadeur enuers le Pape Pierre Mascaregne qu'il impetrast pour le moins six des Peres de la societé pour la conuersion des infideles aux Indes, ce que Mascaregne fit d'autant plus volontiers, qu'il auoit desia assez considéré leur deportement, & cognu que c'estoient gens propres pour faire de grand seruices à Dieu & au Roy de Portugal, pour le salut des Indois. Parquoy il s'adressa à Ignace luy monstra les lettres du Roy, duquel toutesfois il n'obtint pas tout ce qu'il desiroit, attendu que, comme il disoit, s'il en donnoit six pour les Indes, comment pourroyent les autres quatre suffire pour tout le monde. Si est ce il en octroya deux, à sçauoir François Xavier Nauarrois & Simon Roderic Portugallois, lesquels arriuerent à Lisbone, l'an mil cinq cēs quarante, & furent appelez apostres, à cause qu'ils menoyent vne vie apostolique: de quoy ie parleray par apres plus amplement pour premierement entrer à l'approbatiō de leur institut. Ignace & ses cōpagnons voyans que le profit qu'il auoyēt desia apperceu, seroit beaucoup plus grād, si leurs labeurs & trauaux estoeyēt approuuez par l'autorité & iugemēt de nostre S. Pere le Pape, le prierent par l'entremise de Gaspar Cōtarin Cardinal, de permettre qu'il leur fust loisible d'amplifier leur compagnie, afin que eux mourans, ils eussent des successeurs, qui fissent comme eux selon la religion & façon de vie qu'ils auoyent desia long tēps au parauant premeditée. Ce que le Pape trouua bon, &

loua grandement. Eux toutesfois non contents de cecy, demanderent la confirmation par escrit, & le Pape commit ceste affaire à trois Cardinaux pour en ordonner ce qui en seroit le plus expedient. Mais l'un d'eux se trouua si contraire au desir d'Ignace & de ses compagnons, qui n'approuuoit point vne si grande multitude de religions, comme l'on voit pour le present, voulant plus tost qu'il y en eut peu, mais bien reiglees, que la chose sembloit du tout estre refusee, n'eust esté qu'Ignace s'adressa à Dieu, & fit pour ceste affaire celebrer en diuers lieux beaucoup de Messes, & incontinent le cœur de ces Cardinaux mesmes de celuy qui estoit le plus contraire fut tellement changé, qu'il commença à louer grandement ceste institut iustques à dire souuent. Je n'approuue point les nouvelles religions, mais ie ne puis que ie n'approuue cecy. Parquoy apres auoir bien considéré le tout les recommanda grandement au Pape, qui ne se peut tenir de dire, que l'esprit de Dieu operoit en cest affaire, & qu'il auoit grande esperance des fruits que ceste compagnie rapporteroit en l'Eglise de Dieu. Doncques la compaignie de Iesus fut confirmée l'an mil cinq cens quarante le vingteseptiesme de Septembre, pourueu que le nombre de ceux qu'ils receuroient, ne monta plus qu'à soixante hommes en tout, de peur que rien ne fut fait à la legere, & qu'ils fussent bien esprouuez, deuant qu'ils eussent plus ample confirmation. L'annee d'apres, le septiesme d'Auril, François Xavier s'embarqua à Lisbonne, pour aller és Indes Orientales, avec le Viceroy Martin Alфонse de Souze, & Simon Roderic demeura en Portugal, à cause qu'estant rapporté au Roy, qu'ils n'estoyent moins necessaires en Portugal, qu'aux Indes, Il s'en voulut pour le moins retenir vn, pour dresser vn college de leur compaignie à Coimbre, qui fut comme la pepiniere de ceux des Indes: & de fait l'an mil cinq cens quarante deux, l'on en enuoya à Goa, ville Metropolitaine de toutes celles que tient le Roy de Portugal és Indes, pour y en dresser vn autre, lesquels depuis ont prins si grand accroissement qu'en celuy de Coimbre y à pres de trois cent personnes, & celuy

de Goa quelques deux cent: & de ces deux Colleges principalement a pris son origine tout ce que ceux de leur robe ont fait en Japon, Chine, Perse, Ethiopie, & autres pays du tour priuez de la lumiere de la foy, que si ie voulois le declarer par le menu, ce mien entrepropos seroit plus lög que le reste de l'Histoire, mais me contenteray de brieffement toucher les choses principales, qui ont esté faites par François Xavier, afin que de là on cognoisse le deuoir que font ceux qui luy ont succedé es mesmes exercices, réuoyât les plus curieux aux Epistres qu'eux mesmes ont escrîtes à leurs compagnons de l'Europe, qui pour la plus part sont mises en lumiere. François Xavier homme docte, & qui auoit autre fois enseigné à Paris publiquemēt la Philosophie, apres que comme nous auons dit fust arriué à Goa, ne cercha autre logis que l'hospital, où il assistoit aux malades, pour chasser non seulement les maladies du corps, mais aussi celles de l'ame, comme beaucoup plus dangereuses. Il entendoit les cōfessions de ceux qui le venoient visiter, alloit souuent visiter les prisonniers pour les consoler, enseignoit aux enfans la doctrine chrestienne, les faisoit tous assembler en vn lieu au son d'vne clochette. Les Dimanches alloit hors de la ville visiter les Ladres, afin que tous se resentsissent de sa charité. Apres auoir demeuré quelque temps à Goa passa au Promontoire de Comori, où il conuertist presque vne infinité de personnes des tenebres de l'infidelité à la lumiere de la vraye foy, y laissant quelques autres en sa place, apres y auoir estably iusques à quarante Eglises. Il s'en alla depuis à Machacar, où ayant conuert y deux Roys, par mesme moyen il reduist à la foy de Iesus Christ vn grand nombre de peuple. S'estant par apres porté de mesme à Malacca, passa iusques aux Moluques, où il baptiza vne grande multitude d'enfans, & tellement instruit tous les chrestiens, qu'en quelque part qu'ils fussent, ne faisoient que chanter les rudimens de la foy. Il fist le mesme en sept bourgades d'Amboin. De là passa en vne Isle appelée More, fort infertile, de laquelle les habitans, voire plustost monstres qu'hommes, estoient si cruels, que s'ils ne pouuoient massacrer les estrangers, ils ne pardonnoient pas à leurs propres peres: lesquels quand ils estoient vieux ils

euoient pour les manger, & ayant esté aduertý de cecy par ses amis, qui l'en vouloient destourner, ne laissa pour cela d'y aller, & le fruit qu'il rapporta au grenier de l'Eglise en la conuersion de ce peuple, respondist aucunement à la grandeur de sa charité. Retournant à Malaca, rencontra vn Iapponnois homme prudent & honnesté, mais fort angoissé de scrupules pour les pechez commis en sa ieunesse : & encore qu'il se fust adressé aux Bonzes, les prestres des Iapponnois, desquels il n'estoit satisfait : par le conseil toutesfois des Portugais, vint iusques à Malaca, pour trouuer François Xavier, où estant venu bien tost apres fust baptizé, & appellé Paul : par lequel Xavier fust excité d'aller au Iappan, où en peu de temps il conuertist à la foy plus de mil cinq cens personnes, & maintenant presque tout le Iappan embrasse la foy catholique. Mais Xavier ayant entendu que les Iapponnois auoiet pris leur premiere religió de ceux de la Chine, delibera d'y aller, afin que ceux du Iappā par apres se soubmissent plus volontiers au ioug de Iesus Christ, quand ils auroient entendu q̄ ceux qui auoient esté leurs maistres auroient changé d'opinion. Embarqué qu'il fust sans autre compagnie que de deux Chinois, il arriua en vne Isle proche de la Chine, & fist tant qu'encore qu'il sceust estre deffendu aux estrangers d'entrer en la Chine sur peine de la mort : toutesfois il se fist promettre à vn Chinois de le mener de nuit à Chauton premiere ville de la Chine, voulant seulement estre laissé au milieu d'une rue, mais Dieu se contenta de sa bonne volonté, laissant la chose entiere aux autres de la compagnie. Car le dernier iour de Nouembre se sentant malade, s'enferma en vne petite chambre du nauire, & y demeura en prieres & oraisons tout ce iour, & le premier de Decembre, cognoissant que sa fin s'approchoit, se fist porter en vne roche fort haute & aspre, ou enuiron la minuit avec grande douceur rendist l'ame à Dieu, l'an mil cinq cens cinquāte deux. Quāt aux miracles qu'ils a fait en ces contrees, ie les laisse pour vn' autre Histoire scachant de bonne part qu'il y en a vn grand nombre & qui desirerent vn traité à part : seulement diray en general, qu'il a guery beaucoup de malades par le seul signe de la Croix ou asperuon de l'eau benecite,

chassé les diables des corps des hommes, rendu la vüe aux aueugles, resuscité des morts, predict beaucoup de choses deuant qu'elles fussent aduenües. Son corps & ses habits furent mis en terre avec de la chaux par des marchâs Portugalois, afin que la chair estant consumée, ils emportassent les os aux Indes, selon que luy mesme auoit ordonné deuant que mourir. Trois mois apres ayans fofsoyé la terre trouuerent les robes entieres, le corps ferme & sans corruption, avec sa couleur naturelle & cōme s'il eust esté viuât, la chair humide & sans mauuaise odeur. Dequoy comme d'un euident miracle ces marchans estâs merueilleusement estonnez, le chargent tout ainsi en leur nauire, & entre vne infinité de dangers, avec vne promptitude incroyable paruiennent à Malaca: ou entier comme il estoit fust encore gardé douze mois, & à la parfin porté à Goa, en mesme estat fust mis au tombeau, avec grand couroux de toutes sortes de personnes, en l'Eglise du College: le Sepulchre duquel est frequenté de tous les Chrestiens de par delà, qui luy portent grande reuerence, à cause de sa sainteté & miracles qu'il a faict deuant & apres sa mort, que ie laisse pour cause de briueté. Ceux qui ont esté enuoyez par les Iesuites depuis Xavier, ont merueilleusement amplifié ce qu'il auoit commencé, & auroient desia mis à fin la conuersion des infidelles, s'ils eussent eu plus de gens pour y enuoyer: car considerans que la Chrestienté en beaucoup d'endroits auoit besoin de leur aide, ils n'ont tellement voulu fournir les Indes, que l'Europe en fut desgarnie: & de fait ils se sont bien fait cognoistre en plusieurs lieux, s'estans opposez directement aux efforts des heretiques, tant par Predications & Instructions de la ieunesse, que par Liures escripts: desquels en si peu de temps ils ont desia remply le monde & s'ils ont des gens autant ou plus suffisans, & en plus grand nōbre pour mettre la main à la plume que iamais ils ont eu: le nombre de ceux qui se sont rengez en ceste compagnie, estant merueilleusement creu, depuis que l'an mil cinq cens quarâte trois, le quatorzième de Mars, le Pape Paul susdit de rechef les confirma, leur donnant puissance de receuoir autant de personnes qui se presenteroient & trouueroient aptes pour entrer en leur compagnie, &

depuis tous les autres Papes ont subsequitiuement confirmé ceste compagnie, & orné de beaucoup de priuileges. Je sçay bien que les plus curieux desireront sçauoir l'accroissement & l'estendue qu'elle a pour le present, auxquels ie tascheray aucunement satisfaire. En l'Italie ils ont cinq prouinces, celle de Rome, qui contient treize Colleges, sans les maisons des profez nouices & quelques residences où les Collegez ne sont encore dressez: Sicile, où il y a huit ou neuf Colleges: Naples, sous laquelle il y a six Colleges: Milan, où il y en a autant: Venise, qui contient huit Colleges. En Portugal y a vne prouince, comprenant neuf Colleges, sans quelques residences qui sont en Afrique, & ses prochaines. Es Indes Orientales ils ont vne prouince, avec six Colleges, & enuiron seize residences. Au Bresil ils ont trois Colleges, & cinq residences. L'Espagne tient quatre prouinces, qui toutes ensemble comprennent iusques à cinquante deux, tant Colleges que maisons des profez & des nouices. Es Indes Occidentales, ils ont deux prouinces: au Peru & au Mexique & en icelles huit Colleges, cinq residences, avec quelques maisons des nouices. En la Gaule, ils ont deux prouinces de longue estendue, l'une de France, & l'autre d'Aquitaine: Celle de France contient huit Colleges, sans quelques autres qui se commencent, celle d'Aquitaine en a sept. En Flandres il y a vne prouince, & sept Colleges, avec quelques residence & maisons des nouices. L'Allemagne contient trois prouinces, celle du Rhein, de la haute Allemagne, & de Vienne, qui contiennent toutes ensemble quelques dixsept Colleges, sans les residences & maisons des nouices. En Poloigne, il y a cinq Colleges. En Suede, Transylvanie, & Moscovie ils ont quelques residences. De sorte qu'en toute leur compagnie ils peuuent auoir quelques vingt vn ou vingt deux Prouinces, dix maisons des profez, cent cinquante six Colleges, douze maisons des nouices, & trente trois residences. En quoy lon peut voir & comme toucher au doigt la prouidence de Dieu, qui en vn temps si calamiteux & plein d'erreur, a voulu susciter vne telle compagnie, par vn si petit commencement, & semble que Dieu en aye voulu faire comme vn rempart pour soutenir les assaux des Heretiques, & aussi pour les

confondre: attendu qu'Ignace commença sa conuersion, lors que Luther vomist son venin contre le S. Siege Apostolique & toute l'Eglise, qui a esté la pepiniere de toutes les heresies, qu'à nostre grand regret & au grand mal de l'Eglise, nous voyons regner presque par toute l'Europe. Et c'est pourquoy les heretiques haïssent tous ceux de ceste Societé, autant qu'hommes du monde, & encore que ils n'ayent occasion de mordre sur leur vie, toutesfois comme imposteurs taschent de la calumnier, s'efforçans puis qu'ils ne peuuent reprendre leurs œuures, iuger de leur intention, qu'ils disent estre bien autre qu'il ne semble. Ce qui est vne aperte calumnie, attendu les peines & travaux qu'ils souffrent en ces exercices, sans aucun salaire, enseignant la ieunesse gratuitement, les vns viuans d'aumône, les autres qui sont aux Colleges pour vacquer aux estudes, ne demandans non plus de reuenus qu'il leur en est de besoin, pour s'entretenir frugalement & en pauvres escoliers. Que si ils aspiroient aux dignitez Ecclesiastiques, on auroit parauanture quelque occasion de les blasmer: mais il n'y a chose laquelle ils fuyent dauantage, comme estant expressement defendue en leurs constitutions, ce qu'ils font afin que plus librement ils s'employent au seruice de Dieu, la part où ils seront enuoyez. Leurs exercices aussi sont fort penibles, & de deux sortes, les vns comme prescher, enseigner la doctrine chrestienne les petis enfans, & autres qui ne la scauent, administrer les Sacremens, principalement de Penitence & Eucharistie, visiter les malades, & ceux qui sont en prison, reconcilier ceux qui sont en inimitié l'un contre l'autre, bref apres leur propre salut, procurer principalement le profit spirituel de leur prochain, en tout ce qu'ils peuuent imaginer y pouuoir aider: Les autres sont ceux lesquels ils ne prennent pour autre raison que pour paruenir aux premiers, comme d'enseigner les bonnes lettres tant humaines qu'autres, ce qu'ils font si heureusement, que ceux qui ont esté sous leur discipline, s'en contentent grandement, & les louent de ce qu'ils sont laborieux, assidus aux Leçons, sans laisser rien perdre du temps qui leur est assigné pour les Leçons, & en cecy ne cherchent vne gloire & estimation des hommes, ains le profit de leurs escoliers.

Les

Les Leçons de Philosophie florissent grâdemment en leurs Colleges, qui sont coniointes avec frequentes disputes, ils la paracheuent pour l'ordinaire en trois ans. Mais sur tout, s'employent à bien enseigner la Theologie, tant scholastique que positive, & encore que en choses qui ne sont de foy, ils soyent libres & puissent tenir telle opiniõ qu'il leur semble, si est-ce toutesfois qu'ils ont en grande estime la doctrine de S. Thomas, lequel mësme ils expliquent en leurs escholes. Touchant ce qui appartient à la foy catholique, Apostolique & Romaine, ils y sont si attachez & ancrez, qu'il n'est pas possible de les en faire departir. A la Theologie ils adioustant encore le droit Canon, de façon qu'il n'y a aucune science de laquelle ils ne fassent profession, excepté du Droit civil & de la Medecine. Je me suis voulu estendre quelque peu sur ce subiet, afin de faire cognoistre à plusieurs quels gens ce sont. Car j'ay veu beaucoup de personnes, au reste gens de bien & honnestes, qui pour ne les cognoistre, se sont formalisez contre eux, & me puis asseurer que quicõque cognoistra bien la reigle & les faicts de ceste Societé, s'il n'est du tout meschant ou heretique, n'en dira que du bié: & mësme encore les meschans contraints par la verité, bien souuent en disent plus de bien qu'ils ne voudroient. Quant à ceux qui les ont quelque peu frequentez, ils se sont tousiours estonnez de trois ou quatre choses. Premièrement de voir vne si grande charité entre personnes de nations fort diuerfes, estans presque tousiours meslez les vns avec les autres en chascun College, ou ceux de la nation s'employent en Predications, les estrangers le plus souuent soustiennent le fais des Classes hautes, comme de Theologie & Philosophie, esquelles seulement la langue latine est necessaire. Pareillement vne grande doctrine coniointe avec vne profonde humilité, & vne chasteté avec la ieunesse, bref vne integrité de vie avec la conuersation entre tant de personnes, laquelle toutesfois comme ie me persuade ne se perdra pas aisément, à cause que comme j'ay entendu de quelqu'un d'eux qui m'est fort familier, ils ont espluché de pres les causes qui pouuoient auoir esté la source de la desbaüche de quelques Religions, & les ont retranchées par leurs regles,

ont aussi retenu celles qui auoient esté cause de la conseruation des autres. Sur tout il y a vne fort grande vnion entre les superieurs & inferieurs, avec vne obeissâce tres-prompte; à laquelle si quelqu'un ne se voudroit ranger, ils n'ont point de prisons pour l'enfermer, mais comme inutile le renuoyent à sa maison, aymés beaucoup mieux le retrancher du corps de la compagnie, que le tenir au grand dommage des autres & de toute la religion: dequoy mesme n'est pas exempt leur general, celuy qui est superieur de tous, si en sa charge ne se comportoit selon raison. Il me semble aussi que la façon qu'on tient en ceste compagnie pour façonner les suiets qu'ils reçoient, peut beaucoup pour les maintenir en ceste integrité de vie, qu'ils ont monsté iusques à cest' heure. Car ils ne reçoient personne qui n'ait vn fort grand & comme importun desir d'estre de leur compagnie, & qui ne soit en aage de discretion. D'entree on leur presente les choses les plus difficiles qui se trouuent en leur Religion, comme d'aller par obeissance par tout où on les voudra enuoyer, sans aucun denier: de seruir les malades és hospitaux, de faire tous les plus bas & abiets offices de la maison ou College, & faire estat de ne vouloir rien autre chose que ce qu'il plaira à ses superieurs: ce que lon propose à toutes sortes de gens, quoy qu'ils soyent doctes, ou de grande maison. Que si on remarque en eux vn grand courage d'accomplir tout ce que dessus, ils les mettent au nouitiat où ils sont esprouuez l'espace de deux ans, & depuis selon qu'ils sont auancez aux lettres, on les fait estudier ou en Philosophie ou Theologie, & pour ce que communement ce sont beaux esprits, esleuz avec choix, & qu'ils ont de bons precepteurs, ils profitent plus en vn an aux lettres, que d'autres en quatre, qui n'estudient qu'à leur fantasie & avec vne infinité de distractions: outre ce que les frequens exercices qu'ils ont ou de disputes en public, ou Predications & Leçons en particulier durant le disner & soupper, leur esueille grandement l'esprit, & les rend prompts à lire ou prescher publiquement. Brief leurs meditations, oraisons, examens de conscience, propos spirituels, qu'ils tiennent ensemble voire quand ils sont en recreation, les entretiennent

& conseruent si bien en leur institut, qu'ils taschent à qui fera plus de progrès en esprit, & qui surpassera son compagnon par vne sainte emulation : ayans au reste toutes les autres religions en telle reputation & estime, qu'ils se reputent les moindres de tous. Je pourrois en discourir plus amplement, mais craignant d'auoir esté trop long; ie retourneray à mon propos, laissant penser le reste au Lecteur, ou s'il desire en sçauoir dauantage, de les hanter & se rendre familier à eux comme se sont gens fort affables, & il en cognoistra par experience beaucoup plus que ie n'en ay escript.

OR quant aux affaires de la guerre és Indes haute & basse, & ailleurs, depuis la victoire de Diu, combié que les Indiens se remuassent en quelque endroit, toutesfois ç'a esté avec peu d'effect, & sans perte notable de part ou d'autre, au moins que j'aye peu descourir, les choses estans ou du tout oubliées, ou si briefuement traittees par les liures publiez, qu'autant vaut s'en taire que de discourir en l'air. Toutesfois nous deduirons biefuement en ce chapitre ce qui se presente de remarquable en l'histoire de Portugal, depuis la guerre de Diu iusques à la mort du Roy Iean troisiésme. Isabelle sœur du Roy & femme de l'Empereur Charles cinquiesme mourut à Tolède le premier iour de May l'an mil cinq cens trente-neuf. L'an mil cinq cens quarante deux, les Espagnols essayèrent de retourner aux Molucques, y estans enuoyez par Anthoine de Mendoze Viceroy de la nouuelle Espagne, sous la conduite du Capitaine Villalobos, lequel arriué és isles de Tidore & Gilolo fut bien receu des Roys d'icelles, ennemis des Portugallois. Mais vne tourmente suruint qui mit à fond les vaisseaux de Villalobos, tellement que luy & ses soldats tomberent en la puissance des Portugallois, ausquels ce trafic est demeure depuis, quelques entreprinſes que les Espagnols & autres ayēt faites pour l'attirer à eux. Deux ans apres le Roy donna sa fille Marie agee de dixsept ans pour femme à Philippe d'Austriche fils de l'Empereur, Prince & heritier de Castille, lors aagé de dixsept ans & quatre mois. Les nopces furent solennizees en la ville de Salamanque, & l'an mil cinq cens quarante cinq au mois de Iuillet,

4.
*Ce qui anime
depuis la guer
re de Diu ius
ques à la
mort du Roy
Iean troisiés
me.*

Marie accoucha d'un fils nommé Charles, mort en prison, où il auoit esté reserré par le commandement de son pere, l'an mil cinq cens soixante huit au mesme mois de Iuillet. Depuis ceste année iusques à sa mort le Roy Iean demeura paisible en tous ses pays, excepté en Barbarie, où il perdit quelques places, & quatre Carauelles, avec bon nombre de gens qu'il enuoyoit au secours d'un Prince More: lesquelles pertes il n'apprehendoit pas si fort que eust fait son pere, qui estoit plus speculatif & actif. La principale intention de Iean troisieme estoit de se maintenir en bon mesnage avec l'Empereur son beau pere, & de conseruer le trafic des Indes & Moluèques à la couronne de Portugal, ce qu'il obtint aussi, & de nouveau un peu auant sa mort il maria le Prince Iean son fils aîné à Ieane Princeesse de Castille & fille de l'Empereur Charles, au grand contentement des Espagnols & Portugallois, dont on fit de grandes demonstrations de ioye à Lisbonne. Mais tout cela fut tost apres conuertty en dueil, car au commencement de l'an mil cinq cens cinquante quatre ce ieune Prince mourut, n'ayant encores dixsept ans accomplis, laissant sa femme enceinte, laquelle quinze ou dixhuit iours apres accoucha d'un fils nommé Sebastian, & tost apres la Princeesse se retira en Castille, pour gouuerner le pays en l'absence de son pere & de son frere, qui estoient es pays bas en guerre contre le Roy de France. L'onzieme iour de Iuin l'an mil cinq cens cinquante sept, le Roy Iean aagé de cinquante cinq ans & quatre iours sortit de ce monde, & fut enterré en grande magnificence. Durant son regne la ville de Lisbonne fut embellie & enrichie à merueilles, & tout le pays de Portugal bien accommodé de toutes choses. Il y receut l'inquisition d'Espagne, & fauorisa grandement les Iesuites, aidé à cela par son frere le Cardinal Henry primat du royaume. Au reste ce fut un Prince tel que nous l'auons descrit cy deuant, à sçauoir de bonne nature, mais non si vif que son pere, au moyen dequoy il ne conserua ny ne donna pas un pied si ferme à son estat qu'il estoit à desirer. Neantmoins iusques à sa mort les affaires se maintindrent assez bien: vne grande incommodité restant, à sçauoir un trop ieune successeur, duquel il nous

faut dire quelque chose maintenant.

SEBASTIAN, premier de ce nom, aagé de trois ans quatre mois & trois sepmaines, succeda à son ayeul le Roy Iean troisiésme, & ne fut point marié, encores que au iour de sa mort il eust vingt cinq ans, ayant aspiré à diuers partis, desquels rien ne fut conclud, tellement qu'en luy sont defaillies les Roys nez en Portugal. C'estoit vn beau Prince & de belle taille, dès son enfance bien aimé de ses suiets, qui promettoit ie ne sçay quoy d'heroique & martial: car dès qu'il commença tant soit peu à se cognoistre, il ne prenoit plaisir qu'à ouir parler des armes & des affaires de guerre. Or comme les choses de ce monde ont accoustumé d'aller à l'empire, la simplicité des Roys precedens mourut avec Iean troisiésme, lequel sous bien luy d'apparece ne laissoit de monstrier vne maiesté royale, venerable, & redoutee de chascun. Au contraire on bailla incontinent à Sebastian vne forte garde, le nombre de ses domestiques fut augmenté, sa court deuint fort grosse, la vanité & les dissolutiōs s'y glisserent, tellement que la vigueur des predecesseurs & ceste magnanimité ancienne des Portugallois vint à s'ancantir. Cōbien donc qu'on fist grād bruit de paroles, toutesfois ce ieune Prince gouuerné en son priué par ieunes seigneurs, comme il aduient ordinairement, les affaires n'amanderent pas durant son regne, encores que son oncle le Cardinal & autres anciens Conseillers tinssent la main à tout, selon leur pouuoir, ce qui eut quelque poids durant l'enfance du Prince: mais venant en aage & sentant ses moyens il se conseilloit quelquesfois par sa teste, dont mal luy print finalement.

Le royaume de Portugal estoit alors plain de richesses, à cause du trafic des Indes qui auoit son cours ordinaire, & où plusieurs des grands & petis se fourroyent avec grand auantage, le gain estant fort grand, la navigation deuenüe aisee par continuelle hantise, & par la dextérité des gens de marine, dont ce royaume est bien fourny. Sur tout la ville de Lisbonne croissoit à veuë d'œil, estant l'une des principales del'Europe, & peut estre le plus beau port de mer de tout l'Océa. L'inquisition d'Espagne receuë en Portugal, du viuant de Iean troisiésme, estoit

5.
Sebastiā premier de ce nō, disepiesme Roy de Portugal, succeda à son ayeul Iean troisiésme.

6.
Estat du royaume & des autres pays appartenans au Roy Sebastian.

vne bride en la main du conseil pour retenir chascun en craindre, & dominer par tout le pays, sans que personne s'osast remuer. Quant aux Indes, les charges ordinaires estoient maniees selon l'ordre accoustumé, tellement que il y auoit assez de tranquillité. Et ainsi le trafic continuoit assez bien, les garnisons bien payees & entretenues des Portugallois & de Naires gens nez aux armes, & grands guerriers maintenant. Aussi routes les Citadelles s'estoient redressees & remises en pied, specialement depuis la desfaiete du Roy de Cábaje, tellement que les Portugallois nauiguoient assez libremet par toutes les mers & goulfes de l'Ocean. Quant aux marchadises, elles se distribuoyent à Anuers specialement & a Lisbone, avec vn grand gain pour le Roy, qui a conseil à part pour les negoces des Indes, come aussi tel & si beau reuenu le merite bien. Il ne restoit que la coste de Barbarie, en laquelle les Mores estoient vn peu plus au large que du temps d'Emmanuel: ce neantmoins les Portugallois auoient dequoy se contenter, si lon peut trouuer contentement es grandeurs humaines. Mais ce royaume de Portugal estant venu comme au sommet de son bien, & ne pouuant y subsister par l'ingratitude des membres d'iceluy, Dieu le visita d'une estrange façon, le priuant du Roy Sebastia tué en bataille, & le reduisant puis apres à l'extremite que lon a veue depuis.

7.

Discours de la guerre suruenue en Barbarie, entre Muley Mahumet & Muley Abdelmelec pour les royaumes de Fez & de Maroc.

M A I S pour entendre mieux l'accident de ce ieune Prince, retranché au printemps de son aage, il faut prendre ceste matiere de plus haut, afin de voir quel malheur c'est aux Princes d'estimer qu'ils feront bien leurs affaires, en se fourrant parmy les querelles d'autres princes aussi puissans qu'eux. Le discours auquel nous entrons a esté publié cy deuant: mais il faudra le couper vn peu plus court, pour n'ennuyer les lecteurs, & faire fin à ce volume parueniu à quelque iuste grosseur. Muley Mahumet Roy de Fez & de Maroc, ayant trois fils, à sçauoir Abdalla, Abdelmunen, Abdelmelec, & vn bastard nommé Hamed, tint vn parlement à Maroc, où, du consentement des Estats, fut arresté que ces quatre succederoyent l'un à l'autre en leur ordre, le bastard demeurant le dernier. Cest arrest passé en loy inuiolable, Abdalla fut deslors declaré Prince & successeur des royaumes de son pere, &

receut les hommages des vassaux, puis demeura Roy absolu par la mort de son dit pere, tué quelque temps apres en sa tente par certains Turcs ces ennemis. Abdalla se voyant maistre voulut rompre la loy des Estats, contraignit ses deux freres de s'enfuir vers les Turcs, & fit couronner son fils Muley Mahumet. Quant à Abdelmunen il fut blessé d'un coup de fleche dedans vne mosquee de Tremissen, d'où il mourut au bout de deux iours. Abdelmelec s'en alla iusques à Constantinople, & fut bien receu de Selym fils de Solymâ & d'Amurath, qui regne aujourdhui, & demeura là quelque temps durant lequel Abdalla mourut, & son fils Mahumet print possession des royaumes, faisant tuer un sien frere, & emprisonner l'autre. Le bastart Hamed son oncle trouua moyen de se tirer de la presse, & se sauua dedans Tremissen, gardée par les Turcs, & est pour le present Roy de Fez & de Maroc. Abdelmelec, ayant entédu la mort de son frere, vint promptement en Barbarie, avec mandement du Turc à ses capitaines en Arger de fournir à Abdelmelec tout ce qui seroit necessaire pour la guerre: par ainsi en moins de rien il amassa cinq mille harquebuziers & quelques troupes d'Alarbes à cheual. Son frere bastart Hamed s'estât ioint à luy leur armee se trouua mōter à douze mille lanciers & quatre cens harquebuziers à cheual, avec les cinq mille pietons, qui marcherent bien deliberez avec douze pieces de campagne vers la ville de Fez. Mahumet ne se soucioit des nouuelles de ceste armee iusques à ce qu'il la sentit assez pres, & lors il amassa ses forces de quatre vingt mil hommes de cheual, quatre mille argoulets & treze mille pietons, avec trente six couleuerines. Estant sur le point de partir & s'en aller cōtre Abdelmelec, vint à luy vn gentilhomme de la part du Roy Sebastian, luy offrir au nom de son maistre tout le confort & secours d'où il auroit besoin en ceste affaire: dont Mahumet ne tint compte, estimant auoir trop déforcé pour ruiner son oncle, & renuoya ce gentilhomme avec maigre responce. Or les deux armées se rencontrerent entre Fez & Tremissen le dixseptiesme iour de Mars, l'an mil cinq cens septante, & apres quelque cōbat assez aspre du cōmencement, Mahumet, se voyāt

abandonné d'un capitaine de gens de pied qui se retira vers Abdelmelec, & luy mena deux mil harquebuziers, se fit acroire que les autres Capitaines le quitteroyent de mesme. Et pourtant abandonna son armee & le camp en proye, s'enfuyant vers Maroc avec cinq cens cheuaux seulement. Abdelmelec victorieux presques sans meurtre marcha vers la ville de Fez, où il fut bié receu & proclamé Roy, puis donna congé aux Turcs, aucuns desquels au nombre de quinze cens ne le voulurent abandonner, Mahumet ayant reprins ses esprits amassa vne nouvelle armee de dix mille pietons harquebuziers, mille argoulets, & trente mille lanciers, & receut lettres du Roy Sebastia qui luy offroit secours, qu'il refusa comme à la premiere fois, alleguant qu'il se sentoit assez fort, & donna vne seconde bataille à Abdelmelec, lequel se môstra si braue capitaine alors qu'apres vn cruel combat, ou moururent plus de six mille hommes, Mahumet fut mis en route, & poursuini par Hamed iusques pres de Maroc. Estant entré dedás son palais il print de ses thresors autant que le temps luy permit d'en emporter, d'ot il chargea cinq mulets, & au bout de deux heures s'enfuit craignant d'estre attrappé par les troupes, & marcha bié viste avec quelques gens de cheual vers la montagne que ceux du pays nomment Montes Claros, qui est la retraite des bannis & voleurs de ceste contree, à six lieues de Maroc. Quant à Abdelmelec il fut receu en grand pōpe & resiouissance par tout le peuple de Maroc, pource qu'il auoit la reputation d'estre bon, doux, affable, charitable & iuste, ioint que les insolences & tyrannies de Mahumet donnoyent encores plus de lustre à telles vertus. Incontināt apres son entree il donna ordre aux affaires de ses royaumes, se môstrāt en ses actiōs autāt sage & discret que vaillant & adroit aux armes. Et combiē que du cōmēcemēt quelques vns de ses suiets ne l'aimassent & fussent offenzes des deportemens de ceste troupe de Turcs qui estoient à sa solde, lesquels, pour auoir acoustumē de viure sans discipline en la coste de Barbarie, faisoient beaucoup d'extorsions aux Mores: en peu de temps il se fit aimer de chascun, & se desfit des Turcs peu à peu, les faisant esuanouir deux à deux &

trois à trois, si bié qu'il ne luy en restoit plus haut de deux cens, lesquels il tenoit loin de sa cour, & les faisoit viure avec raison & paisiblement. Le bruit de ses valeurs fut cause que tous venoyent luy presenter seruaice & obeissance, & de toutes ses provinces on luy portoit de beaux presens & d'os inestimablement riches. Plusieurs Roys Chrestiens prindrét plaisir en son amitié, & luy les accepta pour amis, s'estimant heureux d'auoir leur acointance, tellemét que de diuers endroits beaucoup de Chrestiens alloient en ses pays, où ils receuoient fort gracieux traitement, & luy leur môstra meilleur visage qu'à nuls autres hômes qui hantassent en ses terres, & leur aidoit libéralement en leurs necessitez. Au reste l'vne de ses premiers ordonnances fut de nommer vn successeur à ses royaumes, & confermer la loy establie par son pere: & pource il fit iurer foy & hommage par tous les grands à son frere Hamed, quoy qu'il eust vn fils en bas aage. Ce qui estonna tous les Seigneurs, & fit on à cause de telle equité grâds triôphes & esiouissances pour l'amour du nouueau Prince, & à cause de l'ordonnance qui renoueloit la memoire du pere, sous lequel le pays auoit prosperé. Quand à Mahumet, ayant fait le mestier de voler l'espace de sept ou huit mois, avec quelques compagnies de gens sans auer, ils fut desfait par les troupes de Abdelmelec & cōtraint ses retirer és plus inaccessibles endroits de la montagne, où il souffrit vn million de miseres l'espace d'un an, viuant en transe & des fiance perperuelle, pour la crainte qu'il auoit qu'on l'allast attrapper en ses cachettes. Brief la necessité le contraignit de desirer le secours qu'on luy auoit offert, & recourir au Roy de Portugal, auquel il enuoya vn messager expres, puis deux de ses capitaines, & cepédât il trouua moyé de descendre de la mōtagne par lieux escartez, & se sauua dedâs Tingi, où il fut bié receu du gouuerneur qui cognoissoit aduenement l'affection du Roy Sebastian, & fournit à ces deux capitaines vne carauelle bien armée pour aller faire leur ambassade en Portugal.

Il a esté dit ci dessus que le Roy Sebastian estoit fort adonné aux armes, à quoy la disposition de sa personne & son haut couragel'aiguillōnoient incessammēt: & pour-

*Le Roy de
Portugal em-
brasse le par-
ti de Muley
Mahumet,
passe en Bar-
barie pour le
mettre en pos-
session des
Royaumes
de Fez & de
Maroc,*

ce ne cherchoit il qu'une ouuerture pour aller en Afri-
que, prenant son pretexte sur le desir qu'il disoit auoir
d'auancer sa religion & ruiner la Mahumetique. Il auoit
essayé le mesme par deux fois, sans aucun auance-
ment, pource que Mahumet n'auoit voulu accepter
son secours. Mais à ce troisieme coup, se voyant sol-
licité & prié de celuy qu'il estoit allé chercher autres fois
oultre mer, il apresta bien tost l'oreille à tel ambassade, &
apres magnifiquement recueilli & traité les capitaines
de Mahumet, fit responce aux lettres d'iceluy, l'assu-
rant de le remettre en possession de ses royaumes. Le
Roy d'Espagne, le Cardinal Henri, les Princes & Sei-
gneurs de Portugal ne sceurent iamais destourner Seba-
stian de ceste entreprise, quelques remonstrances qu'on
luy fist & de son impuissance & des forces d'Abdelmelec
ains resolut passer en Barbarie, estimant auâcer ses be-
soins d'autre façon qu'il ne fit. Il cōmença donc à faire ses
aprests, fit vne leuee de cinq mille Lansquenets en Ale-
magne, escriuit à quelques capitaines d'Andalousie pour
en tirer des vieilles bandes, & assembla aussi plusieurs
nouuelles compagnies en Portugal, mais de gens tous
neuf à la guerre, & quant aux Lansquenets qui n'estoyés
pas soldats exercez de long temps, il en mourut plus de
deux mille à Lisbonne. Six cens Italiens enuoyez par
le Pape à la conqueste d'Irlande, en trois nauires de
guerre, s'arrestèrent au port de Lisbonne & promirent
passer en Barbarie. Outreplus, il fit publier par toutes
ses terres & seigneurie, que tout noble, gentilhomme &
seigneurs qui refuseroit d'aller en ceste guerre perdroit
ses rentes & censues, ensemble tous les priuileges que
les autres Roys leur auoyent ottroyez. Abdelmelec, ayât
eu nouuelles de tels preparatifs, en fut marri, non qu'il
craignist les Portugallois, mais pource qu'il aymoit les
Chrestiens, & preuoyoit que la Barbarie seroit le tom-
beau du Roy de Portugal, qui estoit par trop foible pour
s'attacher à si puissant ennemi. Et sur ce propos il dit
plusieurs fois, Le Roy Sebastian deuroit regarder qu'il
n'y a ordre de se venir perdre: car vouloir m'oster le roya-
ume qui m'appartient par droit successif, pour donner
à vn Negre, sans que la Chrestienté en soit soulagee ni

accōmodee, ce n'est chose que Dieu, qui est iuste, doiuue
jamais permettre. Il commença donc aussi de son costé à
donner ordre à ses affaires pour receuoir Mahumet & Se-
bastian, & fit assembler son armee, se mettant de bon-
ne heure en campagne pour attendre ses ennemis sur
la frontiere du royaume de Maroc. Quant à Sebastia-
an, il se mit sur mer le vingtsixiesme iour de Iuin l'an
mil cinq cens septante huit. Il y auoit treize cens voiles,
tant grands que petis vaisseaux en ceste flotte, la plus
belle que lon eust veüe de long temps. Le Roy alla
surgir au port de Cadiz, où il seiourna quinze iours, at-
tendant quelques Espagnols d'Andalousie, & se remit
à la voile le huitiesme de Iuillet, & approchant lelen-
demain de la rade de Tingi, Mahumet luy enuoya au
deuant vn sien fils aagé de dix ans nommé Muley Xeq,
& arriua tost apres. Tous deux furent bien receus de
Sebastian, auquel pour l'entrée Mahumet fit vne harāgue
de ses droits, luy faisant à croire que les Mores ne fai-
soient que chercher les occasions & moyens de trahir Ab-
delmelec, ou du moins l'abandoner, dont les principaux
du pays l'asseuroient, promettans se ranger à son ser-
uice si tost qu'il auroit vne petite armee aux champs.
Outre ceste boardé, Mahumet taschoit de persuader à
Sebastian de ne donner bataille, ains se camper seulemēt
pource que les troupes d'Abdelmelec viendroyent vers
luy à la file. Au reste il promit dōner à Sebastian deux ou
trois ports de mer en Barbarie, & plusieurs terres pour le
seruice & soustien d'icelles. Puis afin d'asseurer ceste pro-
messe il donna son fils en ostage. Sebastian persuadé par
telles promesses, ou plustost par son naturel, s'achemina
vers Arzile, faisant cōduire Muley Xeq son ostage vers
Mazagan. Abdelmelec estant en campagne pres de Tre-
missen fut incontinent enuironné d'vne grande armee:
mais à deux ou trois iours de là il se sentit fort malade
pour auoir mangé quantité de lait, qui s'estoit caillé en
son estomach. Pour s'en descharger il fit ses efforts l'espa-
ce de deux iours pour s'esmouuoir à vomissement, tel-
le estant sa coustume, & à la patfin ietta vn gros mor-
ceau cōme de fromage, qui affoiblit tellement l'estomach
quē de là en auant il ne pouuoit rien digerer. Neant-
moins tout malade qu'il estoit, il se fit mettre en litte-

re pour aller vers Arzile avec son armee, & se ioignit à son frere Hamed pres d'Alcaffar, où il seiourna quelques iours pour se refaire, & fit monstre generale, en laquelle se trouuerent quinze mille harquebuziers, dont les deux tiers ne seruoient que de nombre, avec deux mille argoulets, & quarante deux mille Alarbes lanciers à cheual & couuerts de leurs rarges. Il auoit aussi vingt six bonnes pieces de campagne, bien affustees & gouuernees par gens experts, son camp pourueu de viures & autres munitions, ses soldas bien payez tous les mois. Encores qu'il eust telle troupe, toutesfois il ne se fioit qu'en cinq mille harquebuziers choisis d'entre quinze mille, auxquels il fit iurer de mourir tous à ses pieds. Quant au Roy de Portugal il fit aussi sa monstre, & outre mille hommes laissez es vaisseaux, & deux mille enuoyez à Mazagan, il se vid quatorze mille pietons, deux mille cheuaux, la plus part d'hommes, & trois mille gastaours. Les goujats, charretiers, muletiers, viuandiers, esclaués & putains montoient à pareil nombre que l'armee mesme, & ce bagage fut en partie cause du desordre qui suruint puis apres. Outre ce, il auoit trente six pieces de campagne, onze cens charrettes de bagage pour la noblesse seulement. Il pouuoit mener beaucoup plus de gens tant d'Espaigne que d'ailleurs, mais les belles promesses & assurances de Mahumet luy firent donner congé à plusieurs braues bades Espagnoles qui estoient prestes à s'embarquer à Caliz, & à ceux de son camp qui sous couleur de maladie vouloyent se tirer de la presse. Pour specifier les choses encores mieux, Sebastian auoit pour pietons 3000 Lansquenets, 600 Italiens, 2000 Espagnols, 600 soldats de Tingj, & 2500 auanturiers, le reste estant de payfans Portugallois peu exercez aux armes, cinq cens cheuaux de Tingj, & quinze cens tant de l'arriere ban de Portugal que des gentils-hômes de sa maison. La pluspart des soldats estoient soudoyez à grand difficulté, & plusieurs mouroyent de disette, tant les affaires estoient mal maniees sous ce ieune Prince. Le mal estoit qu'oultre l'inexperience de la meilleure partie de ceste armee, de ce nombre de pietons les huit mille estoient picquiers, gens inutiles es guerres de Barbarie.

Après ceste reueue, on eut nouuelles de l'armee d'Abdelmelec, sur quoy le conseil assemblé, les Seigneurs priaient le Roy de ne s'exposer au hazard d'une bataille, puis qu'il auoit affaires à vn si fort ennemy, ains mener son camp à l'Arache, & pouruoir aux necessitez des soldats, puis se resouldre du tout. Abdelmelec portant quelque affection aux Chrestiens desiroit espargner Sebastian & ses troupes, & de fait par personnes interposees il donna sagement ordre de faire entendre les ruses de Mahumet à Sebastian, afin de le faire retirer en Portugal. Mais ce ieune Prince ne voulut croire conseil aucun, toutesfois par importunité des Seigneurs qui l'accompaignoyent il partit d'Arzile le vingtiesme de Iuillet, & s'achemina vers l'Arache, où il se campa pres du fleue Magazan entre Orient & Septentrion. Abdelmelec estoit content de laisser prendre l'Arache aux Portugallois, esperant qu'ils se contenteroyent pour ce coup: mais entendant qu'ils s'auançoient il alla au deuant, & se campa à vne lieue loin d'eux, au long de la riuiera d'Alcasser entre Occident & Midy, ceste riuiera allant choir dans celle de Magazan, passans ensemble à l'Arache: tellement que les deux armées auoyent chascune vn fleue à dos, & vne fort large campagne rase entre deux. Le conseil ayant gaigné Sebastian iusques là, qu'il deliberoit de passer la riuiera, & gaigner l'Arache, Mahumet craignit demeurer desnüé, attendu que si Sebastian & son cōseil auoyent tant soit peu de loisir pour apprehender les forces d'Abdelmelec ils se retireroient sans combattre. Pourtant alla-il trouuer Sebastian le samedi second iour d'Aoust, assez tard, & comme on deliberoit de passer la riuiera le lendemain, il fit tant qu'il rompit ce coup, tellemēt qu'au lieu de passer, l'armee marcha au long du fleue. Abdelmelec sçachant qu'on le vouloit attaquer, approcha aussi de demie lieue, pour considerer la contenance de ces parties, & en resolution de ne commencer, & se passa ainsi toute la iournee, sinon qu'il y eut quelque legere escarmouche. Quoy que les capitaines importunassent Abdelmelec de donner bataille, il n'y voulut entendre, à cause qu'il estoit tard: ains commanda seulement qu'on sonnast la retraite, & que chascun se serrast en son pa-

uillon. Puis fit crier à son de trompe que tous demeurassent armez ceste nuit, fit doubler les gardes & sentinelles, comme la nuit precedente, afin que personne ne peust s'enfuir vers ses ennemis. Ceste garde redoublée fut cause de la ruine de Mahumet, pource qu'il n'y auoit homme qui osast sortir de son quartier apres la retraite sonnee. Neantmoins Abdelmelec ne vouloit commencer le combat : toutesfois oyant dire que ce mesme iour quelques vns s'en estoient fuis de son camp, & que s'il ne donnoit bataille le lendemain la plupart de ses gens se renuolteroyent, il conclud de passer outre, & assaillir Sebastian. Et ainsi le fit-il publier par tout son camp, afin que chascun se tint prest, & s'apprestast pour vaincre ou pour mourir. Sebastian print la mesme resolution en son conseil, où Mahumet se trouua & fut d'avis de donner bataille sur le tard, afin que les soldats d'Abdelmelec se desbandassent & vinsent à loisir au camp de Portugal, afin aussi de remedier plus aisément par le moyen de la nuit aux desordres qui pourroyent auenir en l'armee. Cela fut trouué bon, & la nuit de ce Dimanche l'arrest du conseil fut publié par tout le camp.

9.

*Bataille remarquable,
en laquelle
perissent de di-
uerses morts
Mahumet,
Abdelmelec,
Et le Roy
Sebastian.*

Or auant que descrire ceste bataille memorable, il faut voir comme les vns & les autres s'y preparerent. Le lundy quatriesme iour d'Aoust mil cinq cens septante huit, de grand matin on fit passer l'artillerie & le bagage, de peur que l'ennemy n'y donnast quelque empeschement : ce qui fut cause que la bataille se donna plustost. Toute l'armee s'auança puis apres, & fut rangée pour combatre, le Roy allant & venant pour voir placer ses pieces, & disposer ses barailions, ausquels il fit vne belle harangue pour les encourager à leur deuoir. Les Euesques de Conimbrice & de Port, le Legat du Pape, quelques Iesuites, & autres moines s'y employerent aussi, estans meslez parmy les compagnies. Ainsi s'esgoula le matin iusques à onze heures. Abdelmelec ayant sceu que ses parties marchoyent fit donner l'alarme par tout son camp, commandant aux colonnels de ranger leurs troupes, selon l'ordre qu'il leur auoit designé. Et d'autant qu'il estoit encores bien malade, & ne se pouoit aider des bras, on l'exhorta de se tirer arriere de la meslee, ce qu'il ne voulut :

au contraire, encores qu'il n'eust bougé de sa litiere plus de trois semaines au parauant, il s'efforça lors outre son naturel, se fit vestir d'une riche robe de drap d'or & parer d'une infinité de ioyaux precieux, puis on le monta sur un beau cheual, & en cest equipage visita son armee encourageant chascun à bien combattre, & promettant grandes recompenses à ceux qui feroient bon deuoir. Le frond de son armee marchoit en forme demy circulaire, & ce demy cercle composé des plus asseurez pietons, estoit l'auantgarde fauorisee de mille harquebuziers à cheual, à la teste du costé droit, & de deux mille argoulets à celle du costé gauche, & sur les ailes dix mille lanciers en l'une, & autant en l'autre. Abdelmelec estoit en la bataille au milieu de toute la force des harquebuziers à pied, & enuironné de sa garde de deux cens halbardiers Chrestiens reniez. L'arriere garde estoit composee de plus de vingt mille cheuaux partis de deux en deux mille, & par bataillons quarrez, assez pres les uns des autres, & en demy cercle autour de la bataille, l'artillerie estât au front de l'auantgarde. Quant au Roy Sebastian il deuisa son armee en quatre bataillōs disposez en figure quadrangulaire. Au costé droit estoit l'auantgarde defendue par les auétutiers & soldats de Tingy, ayans Aluaro Perez de Tauora pour maistre de camp: au bataillon de la main gauche estoient les Lansquenets & Italiens, conduits par le Marquis d'Irlande: l'arrieregarde composee d'Espagnols & de quelques Italiens auoit pour colonel Alфонse d'Aguilar: & à costé droit vn bataillon des Portugallois, desquels Louys Cesar estoit chef, chascun bataillon cōtenant trois mille hōmes, ayans pour general Edouard de Menefez gouuerneur de Tingy. Outre plus il y auoit deux mille cheuaux bien armez, departis de cinq cens en cinq cens, tant en auantgarde & arrieregarde, qu'es deux aïles de la bataille. Au milieu du cāp estoient tous les chariots, bagage, & gens de seruice inutiles au cōbat. Muley Mabumet estoit à main droite de l'armee avec enuiron cinq cens harquebuziers & six cens lāciers. Les trente six pieces de cāpagne estoient à la teste de l'auantgarde, & le Roy Sebastian au milieu de ses troupes. En cest equipage les deux armees re-

solus de se choquer, marcherent par vne campagne rase & si vnie qu'il n'yaioit arbres, herbes, ronces ny pierres à plus de deux lieues, à la ronde. Le camp d'Abdelmelec estoit fermé à main gauche de la riuere d'Alcassar, & celuy de Sebastian laissa derriere soy le fleuve del'A-rache, taschant de venir à celuy d'Alcassar, tant pour oster le vent à l'ennemy, que pour s'en seruir de flanc & de muraille. Comme les armées aprochoyent, les troupes d'Abdelmelec s'arrestèrent pour disposer leurs pieces, attendans que les Portugallois aprochassent, & incontinent firent iouer leur canon. Mais ils n'eurent pas tiré trois coups qu'on leur respondit, & lors les deux auantgardes aprocherent à teste baissée, avec telle gresle & tempeste d'harquebuzades & tonnerre d'artillerie que tout estoit esmeu & enflammé. Incontinent les cinq cens hommes d'armes de l'auangarde conduits par le Duc d'Auero se ruerent sur la pointe gauche des harquebuziers à cheual d'Abdelmelec, & les mirent en route, ensemble les dix mille cheuaux Alarbes qui les soustenoient, & qui s'enfuirent à vingt lieues de là, portans nouuelles que les Chrestiens estoient demeurez victorieux. Les autres Alarbes de l'aile droite branslerent aussi, & telle route mit Abdelmelec en telle furie qu'il voulut aller combattre de ce costé gauche où la route estoit plus grande. Mais les soldats de sa garde voyans sa foiblesse, l'arrestèrent & empescherent de passer outre, ce qui rengregea son mal de telle sorte qu'il tomba come defaillant, sur l'arçon de la selle, & ne dit autre chose, sinon qu'ils marchassent plus auant, ce qu'ils firent, & cependant l'enfermerent en salietiere, où il mourut enuiron demy heure apres. Mais on cela sa mort, & fit-on courir le bruit qu'il reposoit. Apres ceste destroute d'une partie de l'auantgarde d'Abdelmelec, le Duc d'Auero ne se voyant suiuy, & craignans s'engager trop auant, fut contraint se retirer avec sa troupe. Ces Mores voyans que cinq cens cheuaux auoient esbranlé toute leur armée, sans estre fauorisez d'aucun secours, reprindrent cœur, enuoyerent mille autres harquebuziers à dos du Duc d'Auero, de telle vigneur que luy & les siens furent battus & chassés iusques à courir à bride abatuë à trauers leur

leur infanterie, avec grand desordre & confusion. Sebastian voyant ce desordre, monta promptement à cheual, couuert d'vnes armes verdes, & courut à la charge, suiuy du Duc d'Auero & d'un bataillon de gens de cheual, & repoussa les Mores. Or pource qu'il n'auoit gueres plus de cinq cens hommes, il fut contraint de tourner bride, & en auint à ceste seconde retraite comme à la premiere. Ce fut lors que toute la masse du cap d'Abdelmelec, specialement de l'arrieregarde, vint fondre sur les troupes du Roy Sebastian, avec vne furie telle qu'il est impossible la descrire, & à ceste charge furent tuez le Duc d'Auero & plusieurs braues gentils-hommes, & l'artillerie perdue au grand regret de Sebastian qui fut contraint prendre vn cheual frais, le sien ayant esté abatu entre ses iambes. Quant au costé droit du camp d'Abdelmelec, des le commencement du conflict il ne cessa de harquebuzer, & marchant en son demy cercle donna sur l'arrieregarde de Sebastian, lequel voyant que l'arrieregarde auoit besoin de secours, suyuy de cinq cens cheuaux, chargea les Mores pour la troisieme fois au quartier de Muley Hamed, & les estonna tellement qu'ils fuirent plus de demie lieuë loin. Mais faute d'estre suyuy il fut contraint se retirer vers le reste de son armee, pour voir de ses yeux la perte & prochaine ruine: d'autant que les ennemis, qui s'estoyent emparez de son artillerie, poursuiuans leur victoire desfirent le bataillon qui estoit à tenestre & du costé de la riuere, iusques à donner dedans les troupes de Muley Mahumet qui marchoit entre l'arrieregarde & la riuere, & firent vn grand carnage des gens mesmes de Mahumet, lequel s'enfuit vers la riuere, pensant la passer à gué. Mais pource que c'est vne eau boueuse, son cheual s'estant embourbé, s'eslança de telle roideur qu'il fit perdre les estrieux à Mahumet, lequel ne sçachant nager se naya, demeurant suffoqué en la bourbe. De l'autre costé les Mores estoyent en tel nombre qu'ils environnerent de tous costez le Roy Sebastian & ses troupes, & en tuerent la pluspart, les soldats n'ayans pas grand moyen de se defendre, pource que la pluspart des pouldres auoyent esté bruslees ce iour mesme par mesgarde. Et si


quelques vns tiroient, c'estoit plustost cōtre leurs compaignons & avec intention de s'emparer des chariots, la multitude des fuyards accroissant le malheur, car les vns tomboyēt sur les autres, puis les gens de cheual suruenās fouloyēt & fracassoyēt tout. Les huit mille picquiers ne firēt autre chose q̄ laisser du bois aux ennemis, estāt cause de la desfaite de Sebastian, qui ne pūt auoir pareil nombre d'harquebuziers pour mettre en leur place. Ce nonobstant il ne laissoit d'endommager ses ennemis, tantost d'un costé, tantost de l'autre, n'ayant d'ordinaire autour de soy que sept ou huit hommes d'armes de Tingi qui iamais ne l'abandonerent, les cheualiers Portugallois estant si recreus & auilis que plusieurs quittans leurs mōrures se mettoyēt à l'ombre des charrettes pour se rafraichir, iusques a ce que voyans tout perdu ils laisserent le Roy en la meslee, & s'enfuirent les vns à pied les autres à cheual vers Arzile. Mais ils furent chaudement poursuuius & presque tous taillez en pieces. Tādīs Sebastian combattoit avec quelques chevaux, & abatoit tant de gēs que ses ennemis n'osoyēt l'aborder. En fin soirāte des plus hardis le vindrent enclore: tellement que lui se voyant sans moyen de plus combattre, ni d'eschapper en vie, commanda à quelqu'un des siens de hausser vn linge blanc au bout de la lance, en signe qu'on se vouloit rendre. Or son malheur fut tel que ceux qui le tenoyēt ainsi enclos, estoient Alarbes, lesquels n'entendans pas que vouloit dire ce signal, penserent tout au contraires, qu'il appelloit ses gens au secours. Pourtant luy coururent ils sus de toutes parts, tellement qu'ils le tuerent en la place. Les victorieux poursuuiurent les fuyards iusques à la nuict close, tout estant vaincu, rompu ou fait esclau, & ne restant rien de l'armee de Portugal que les morts. Quant aux prisonniers ils montoient à plus de quatorze mille personnes, qui tost apres furent departis, distribuez & emmenez en diuers lieux, où la pluspart sont demeurez esclauues. Par ainsi le Prince Muley Hamed faisoit sonner la retraite, s'en alla en son caamp, avec le corps de son feu frere Abdelmelec: y estant arriué sur le soir, on publia la mort d'Abdelmelec, & par mesme moyen Hamed fut receu & recognu pour Roy au grand regret de

la plupart, qui auoyent perdu vn Prince vaillant & sage, & se voyoyent en mesme iour assuiettis à vn homme de peu de vigueur soit de corps soit d'esprit. Le nombre des eschappez ne montoyent pas à plus de deux cens, & quant aux Chrestiens tuez il y en eut plus de douze mille, entre lesquels estoient comme principaux le Roy Sebastian, le Duc d'Auero, le Marquis d'Irlande, les Euesques de Conimbrice & de Port, le Legat du Pape, Christofle de Tauore son frere, Aluaro Perez, & plusieurs autres capitaines, Cheualiers & gentils-hommes en grand nombre.

Le mardy matin, cinquiesme iour d'Aoust, le nouveau Roy enuoya vn regimēt de gēs de pied en cāpagne pour recognoistre les morts, & y en trouuerent iusques à quinze cens des leurs, lesquels ils enterrerent au mesme lieu. Ils trouuerēt aussi le corps de Muley Mahumet, cause de tāt de meurtres, qui estoit sur le bord de la riuere où il se noya, cōme aussi celuy du Roy de Portugal pres d'vn mōceau de ses gens, & fut reconnu par deux siens seruiteurs prisonniers, ausquels liberté fut promise, s'ils pouuoient le remarquer, comme ils firent, quoy que ce corps royal fust nud. Mais eux se depouillerent pour le couvrir & presenter à Hamed, comme fut aussi celuy de Mahumet. Aucuns ont escrit que Sebastia tua de sa propre main Abdelmelec, mais le recit susmentionné est plus receu, comme plus certain aussi. Le corps d'Abdelmelec fut porté en sa liētiere, & porté à vingt lieues d'Alcassar, pour y estre enterré avec ses ancestres, au mesme equippage qu'il étoit lors qu'il mourut. Le corps de Muley mahumet fut escorché, la peau emplie de paille, & portee par tout le royaume de Fez & Maroc, pour plus grande ignominie, & afin de rendre sa memoire odieuse & execrable. Plusieurs des gentils-hōmes prisonniers tascherēt de racheter le corps du Roy Sebastian, offrans grosse rançō: mais Hamed demanda quelques places en eschange, & entendāt respōse de Portugal permit qu'on l'enterrast en la ville d'Alcassarquibir, faisant poser gardes autour du sepulchre, pour empescher que personne ne l'enleuast. La mort de ce ieune Prince retranché par vne si effroyable uisitation de Dieu mit tout son royaume en pleurs & desolation,

à cause d'une perte si grande en toutes sortes, en laquelle les grands & petits estoient frappez plus que d'une mort. Aussi combien que ceste horrible tragedie semblast en la ruine du chef estre venue à la catastrophe & au dernier acte: toutesfois plusieurs aperceurent bien que s'en estoient seulement les commencemens. Et en cest endroit le sage lecteur considerera le commencement & la suite de l'estat des affaires de Portugal, spécialement depuis quatre vingts ans, pour y remarquer en beaucoup de sortes & adorer les secrets & iustes iugemens de Dieu, dequoy n'est besoin de discourir, ains attendre le reste que le temps n'a encores descouvert entierement. Je ne feray aucune mention de la regence du royaume, ny de l'estat des autres pays suiets à la couronne de Portugal: car puis que le chef est par terre, encores que le corps se remue, si n'ay-je entrepris de passer outre, sinon qu'un autre chef paroisse, ce qui n'estant encores asseuré, où bien confirmé, & mesmes le successeur de Sebastian, qui qu'il soit, n'ayant fait choses memorables, que nous ayons veues en lumiere, il faut icy faire fin, & enseuelir avec Sebastian la maison d'Emmanuel: car combien qu'il y ait encores quelques Princes vians & issus de ceste maison, toutesfois ils n'approchent de la couronne, sinon de loin. Mais de leur droit & de celui des Estrangers du royaume la dispute en soit à qui elle appartient, & es merueilles de la presente histoire soit le Roy des Roys reconnu en ses faits admirables, pour estre glorifié de tout le monde, comme toute force, magnificence & gloire luy appartient à jamais.

FIN DV VINGTIESME ET
DERNIER LIVRE.



G E N E A L O G I E D' E M M A N V E L

Roy de Portugal.

EMMANUEL premier du n^o, 14. Roy de Portugal, né l'an 1468. commence à regner l'année 1493. épouse Isabelle fille aînée de Fernand Roy d'Espagne puis Marie sœur d'Isabelle & en trois.

1. MICHEL, fils d'Emmanuel & d'Isabelle, né le 29. d'Aoust 1497. meurt du viuant de son pere, sans enfans.

2. JEAN, troisieme du nom, quinziesme Roy de Portugal, premier fils d'Emmanuel & de Marie, né le 7. de Iuin 1502. commença à regner le 15. Decembre 1521. se maria le 5. de Septembre 1525. avec Catherine sœur de Charles cinquiesme, & en eut plusieurs enfans morts du viuant du pere. Luy deceda le 27. Iuin 1557. Sa posterité est telle;

3. ISABELLE, fille aînée d'Emmanuel & de Marie, née le 5. d'Octobre 1503. mariée à Charles cinquiesme, meurt le 1. de May 1530. laissant trois enfans.

JEAN, Prince de Portugal, né au mois de may 1537. épouse Jeanne fille de Charles cinquiesme & d'Isabelle l'an 1553. meurt le 2. de Iuier, laissant sa femme enceinte de

MARIE, née en Iuillet 1527. épouse Philippe Roy d'Espagne l'an 1544. meurt en geline, accouchée de


SEBASTIAN 1. du n^o, 16. Roy de Portugal, né le 20. de Iauier 1554. tué en bataille contre les mores de Barbarie le 7. d'Aoust, l'an mil cinq cens septante, sans laisser enfans.

CHARLES, Prince d'Espagne, né l'année 1545. mort en pris^o, sans enfans, l'an 1568.

1. PHILIPPE, Roy d'Espagne, né le 27. de may 1527. marié quatre fois. 1. de MARIE fille de Ieā 3. naist CHARLES mort en pris^o. 2. de Marie d'Angleterre point d'enfans viuans. 3. d'Elizabet de France deux filles, ISABELLE & CATHERINE. 4. d'Anne d'Austrie trois fils CHARLES, LAVRANT, IACQUES & PHILIPPE. 2. MARIE, espousée à l'Empereur Maximilian 2. duquel elle a eu 6. masles & 4. femelles. 3. JEANNE, mariée l'an 1553. avec Ieā Prince de Portugal, duquel elle a eu vn fils nommé Sebastian.

gesmes no-
ces Eleo-
nor sa nie-
ce: meurt à
Lisbone le
trezieme
Septembre
1521. a eu
douze en-
fans de ses
trois fem-
mes, les
noms des-
quels s'en-
suivent, a-
vec leurs
descendās.

4. BEATRIX, fille d'Emmanuel & de Marie, nee le 1. Ianuier 1505. mariee à Charles Duc de Sauoyel l'ā 1521. laisse deux fils
 1. CHARLES, qui mourut en Espagne en la Cour de l'Empereur Charles cinquiesme son oncle.
 2. EMMANUEL PHILEBERT, né l'an 1528. meurt l'an 1580. laisse vn fils de luy & de Marguerite de Valois, nommé CHARLES EMMANUEL.
5. LOVYS, fils d'Emmanuel & de Marie, né le 2. de Mars 1506. prieur de Malte, laisse vn fils
 1. ANTHOINE, prieur de Crato, né l'ā 1531. viuant encores au- iourd'huy.
6. FERNAND, fils d'Emmanuel & de Marie, né le cin- quiesme de Iuin 1508. meurt sans enfans.
7. ALFONSE, fils d'Emmanuel & de Marie, né le 25. A- uiril 1509. esleu Cardinal, meurt sans enfans.
8. HENRY, fils d'Emmanuel & de Marie, né le 16. Iāuier 1512. Cardinal & Primat de Portugal, suruit à ses freres & sœurs, voire à son petit nepueu Sebastian, & meurt sans enfans, au commencement de l'an 1580.
 1. MARIE, es- pousee à Ale- xandre Farnese Prince de Par- me mort, du- quel naissent
 1. MARGVE- RITE.
 2. RAINVEE viuant au- iourd'huy.
 3. EDOVARD.
 2. CATHERINE, marie à Iean Duc de Breghents viuant, & qu'a 3 enfans.
 3. EDOVARD, né depuis la mor- de son pere, & decedé sans en- fans.
9. EDOVARD, fils d'Emmanuel & de Marie, né le 16. Sep- tembre 1515 espou- se Isabelle. sœur de Theodose Duc de Breghents, & atrois enfans.
 1. ANTHOINE, fils d'Emmanuel & de Marie, né le pre- mier iour de May 1517. meurt durant la couche de sa meire.
 2. CHARLES, fils d'Emmanuel & d'Eleonor sa troisie- me femme, né l'an 1519. meurt incontinent apres sa naissance.
 12. MARIE, fille d'Emmanuel & d'Eleonor, nee l'an 1522 meurt l'an 1577. estant encores à marier.



INDICE DES NOMS ET
MATIERES PRINCIPALES
contenues en la presente
Histoire de Portugal.

Le nombre signifie la page.

A

- A**BDELMELEC ayant desfait par deux fois Ma-
humet demeure paisible Roy de Fex & de Maroc
674. aime les Chrestiens & tasche de destourner le
Roy Sebastian de sa temeraire entreprise 676. sa
maladie 676. differe à donner bataille, et par quel-
le ruse maintient son armee entiere 677. meurt de despit & de foi-
blesse 678
Abedalla Roy de Campar decapité en Malaca 295
Abraham fils du Roy de Caxem tué en duel par Alonse No-
rigne 153
Abyssins quel peuple & leur pays, leur religion 276
Accidens notables de ruse & de prouesse de Pacheco 23
Accord entre Siqueire & le Roy de Malaca 192
Acte tragique de Lean Machiade à l'endroit de ses enfans
229.
Adam & Eve où enterrex, selon l'opinion des insulaires de Zei-
lan 125
Aden ville renommee en Arabie briuevement descrite avec les
mœurs de ses habitans 255. assaillie par Albuquerque qui est re-
poussé 256. assigee par l'armee de Sultan d'Egypte se maintient,
& test apres se veut rendre à Soarez qui la refuse 312. saccagee
par les Turcs 545
Adultere, occasion de grand maux 316
Affaires de Portugal. voyez Estat.

INDICE.

<i>Affaires d' Affrique en quel estat</i>	109
<i>Affrique en quel estat lors qu' Emmanuel mourut</i>	377
<i>Aiguade S Blaise</i>	22
<i>Aiguille marine & sa description</i>	24
<i>Alarbes tuent le Roy Sebastian.</i>	680
<i>Albuquerque enuoyé en Inde 77. sage & vaillant Capitaine entre tous ceux de son temps, delibere s' emparer du Royaume d' Ormus pour le Roy de Portugal, & ce qui s' en ensuiuit 166. 167. & c. negocie avec le Roy d' Ormus & ce qui s' en ensuiuit 169. accorde la paix au Roy d' Ormus, & à quelles conditions 171. rebute les Ambassadeurs du Sophi 173. comment reprime ses Capitaines 173. puis consulte de la guerre 174. recommence la guerre en Ormus, & les cruautéz qu' il y exerça 175. contraint quitter la guerre d' Ormus, & pourquoy 176. fait brusler Calasate, & traite cruellement les prisonniers 178. peu heureux en son voyage d' Arabie 257. mal voulu d' Almeida 185. declare Viceroy des Indes 185. emprisonné par Almeida, puis relasché & reconcilié avec luy 185. entreprend la guerre contre le Prince de Goa 196. retardé en ses desseins par ceux qui le deuoyent aider 198. comment pouruoit aux affaires, apres la reddition de Goa 198. comment tasche de pouruiroir à ses affaires 199. resiste par une singuliere prudence & grandeur de courage au bon-heur de ses ennemis 201. apres la prise de Goa se sauue en la forteresse & de là sur mer 202. conduit si sagement ses affaires qu' il maistrise toutes sortes d' ennemis 204. se prepare pour recommencer la guerre contre Zabarn 207. se rend maistre de Goa & quel ordre donne aux affaires apres ceste prise 209. 210. fondateur de la domination des Portugallois en Inde 212. comment se comporta pour maintenir son autorité es Indes 217. ses preparatifs pour aller faire la guerre en Malaca, & ce qui luy aduint durant le voyage 219. traite paix avec le Roy de Pacem 220. son arriuee en Malaca 220. commence la guerre & se rend maistre de la ville 221. 222. 223. quel ordre il y establit 225. pacifie avec le Roy de Seiam & autres, estant honnoré & redouté de tous 225. en danger sur mer, & la perte qu' il fit 234. negocie avec plusieurs Princes à l' auantage des affaires de Portugal 239. pourquoy fait voile en Arabie 255. contraint leuer le siege de deuant Aden 256. mis en grand peine par son Secretaire 258. demande priuilege au Roy de Cambaie de bastir une Citadelle à Diu 279. fait voile en Ormus, & ce qu' il y negocia 288. comment pouruoit à l' estat d' Or-</i>	

INDICE.

Ambassade des Chrestiens de Cananor vers Vafque de Ga-	64
ma	
Ambassade d'Ethiopie en Portugal	273
Ambassades de plusieurs Roys Indiens vers Albuquerque	225
Ambassades d'Ismael Sophi & d'Albuquerque l'un vers l'aut-	184
re	
Ambassadeur d'Ethiopie enuoyé en Portugal	239
Ambassadeurs de Perse en Ormus, comment recueillis par Al-	173
bquerque	
Ancostam Capitaine de Zabaim tranche la teste à un meur-	
trier & traistre 317. reduit Monroy gouverneur de Goa en grande	318
extremité, & desfait les Portugallois	250
Andrade Admiral de Malaca sage & vaillant	205
Andrades freres, vaillans hommes	462
André Brittio & ses gens desfaits au port de Pam	224
Anthoine Abrei courageux Capitaine	390. recommence
la guerre contre le Roy de Tidore 413. ne tient promesse à Henri-	400
quez 465. fait la guerre au Roy de Tidore	442
Anthoine Caruail brave canonnier	348
Anthoine Correa fait vinement la guerre au Roy de Bintam	344
Anthoine Coutin vaillant Cheualier	397
Anthoine Falier coursaire Portugallois & ses pillages	335
Anthoine Leitan commet un acte cruel à l'endroit d'une Damoi-	439
selle dont il est chastié	534
Anthoine Mirande obtient une victoire sur les Mores de Sael	512
Anthoine Mirande & Christofle Melio desfont la flotte de Ca-	121
lecuc	547
Anthoine Mirande Admiral des Indes fait diverses courses	
Anthoine Sala facteur de Portugal tué avec autres par les Ara-	
bes de Coulam	
Anthoine Sylueire gouverneur de la Citadelle de Diu sonfient le	
siege à son grand honneur & repousses les Turcs	
Anthoine Ternier fait un voyage par terre depuis Ormus jus-	

INDICE.

ques en Protugal	313
Apostasie de septante Portugallois	231
Appareils diners du Roy de Portugal pour maintenir sa domination es Indes	206
Après du Roy de Calecut pour une nouvelle bataille	94
Arabes se mutinent contre les Portugallois, & ce qui en auint	53.
chastiez de leur sedition 54. desfaits par Ataide 243. deteslent les Perses & pourquoy	283
Aragannois maintiennent constamment leurs anciens priuileges	18
Arias Correa tué dedans Calecut avec cinquante autres	172
Armee du Roy de Calecut contre Pacheco et 71. Portugallois	88
Armee de mer du Sultan d'Egypte contre les Portugallois, & leur rencontre	155
Armee nauale du Prince de Iapare contre les Portugallois	250
Armee nauale enuoyee de Portugal pour s'emparer d'Azamor	259
Armee du Sultan d'Egypte pour chasser les Portugallois hors des Indes	312
Armee nauale de Siqueire pour assieger Diu, & comme cela succeda	355. 356
Armee de Calecutiens au siege de la citadelle	457. 458
Armee du Roy de Pam venant au secours des Bintamois desfaite par Mascaregne	484
Armee des Turcs en Inde pour en chasser les Portugallois	544
Armee d'Abdelmelec de quelles gens composée	697
Armee de Portugal mise en ronte & taillee en pieces pour la plus part peu auant que Sebastiam fust tué	679
Arzile prinse par les Mores & reprinse par les Portugallois	160.
161	
Asie descrite & consideree en cinq parties principales	561
Assaut donné à Malaca en vertus duquel elle est prinse	224
Assaut notable donné à Azamor	261
Assaux diuers donnez à la citadelle de Diu	286. 287. 288
Assaux donnez, à la citadelle de Diu par les Turcs, repoussez par les Portugallois	547. 548
Ataide gouverneur de Sasin, ses vaillances & exploits	213. 214
& capitaine bien resolu 242. redouté de tous les plus grands Princes Mores 243. fait la guerre au Roy de Maroc 244. laisse Iehabentafus au besoin & ce qui en auint 245. desfait le Xerif 264. 265. fait une course iusques aux portes de Maroc, & ce qui s'en en-	

INDICE.

suivit 299. gaigne une belle victoire 303. mais sur sa retraite il est
assailli & tué par Benxamat, & ses troupes hachées en pieces par
un estrange malheur 304.

Auantures de Siqueire és Indes	340
Auanture de Melio voulant ruiner un village de Tidore	414
Auanture entre les Arabes anchrez au port de Contam & les Portugallois	118
Auantures d'Almeide	180
Auarice & ambition conseilleres d'entreprises perilleuses ont be- soin de beau pretexte	15
Auarice malheureux conseiller	68
Auarice ambitieuse de Paul loue taxee	184
Auelar Chrestien renié fait la guerre aux Portugallois en Ma- laca	412
Auertissemens utiles sont ordinairement mesprisez	192
Azamor ville de Barbarie descrite avec son territoire 260. aban- donnee des Mores & prinse par les Portugallois 261. assailie par les Portugallois qui se retirent sans la prendre	359. 160.

B

B Adur comment parvient à la couronne de Cãbajo	476
Badur Roy de Cambaie desfait & tué au port de Din	544.
Bains d'Algarue	1
Bairimbonat ambassadeur de Perse vers Albuquerque	284
Baleacen capitaine de Calecut desfait par 17. Portugallois en l'Isle de Zeilan	430
Balthazar personne ambassadeur en Perse & sa negotiation	403
Bandan & ses Isles descrites	382
Baneanes moines de Narsingue, quelles gens	113
Bardadin capitaine Arabe vaillant & resolu au possible	541
Barraxa vaillant capitaine More	240
Barret sage & vaillant capitaine fait viuement la guerre aux Mores	264
Barrigue vaillant capitaine	241
Barrigue tue de sa main le gneral des Alarbes & luy coupe la teste	264
Barrigue desfait les Mores en diuerses rencontres 244. donne bataille aux Mores & les desfait 287. desfait les troupes du Xerif,	

INDICE.

Et ses braves faits d'armes 297: autres siens exploits notables 298	
Bataille entre deux Princes freres, a cause de la religion	75
Bataille navale entre Pacheco Et le Roy de Calecut	93
Bataille donnee entre les Calecutiens Et Portugallois	98
Bataille navale entre la flotte de Calecut Et de Portugal, Et ce qui en auint	126
Bataille navale entre les Calecutiens Et les Portugallois	154
Bataille navale devant Ormus entre Albuquerque Et les vaisseaux de Zorbadin	169
Bataille memorable entre Almeida Et Mirhocem au port de Din	181
Bataille navale entre la flotte d'Albuquerque Et de Zabaim, Et les plus remarquables occurrences d'icelle	204. 205
Bataille cruelle entre les Portugallois Et mores d'Afrique	243
Bataille entre Iehabentafuf Et le Roy de Maroc	245
Bataille donnee aux Roys de Fez Et de Mequinez, qui sont mis en route	266
Bataille contre les mores de Barbarie desfaits par Barrigue Et Iehabentafuf	287
Bataille navale de Begie contre les vaisseaux de Cambaie	366
Bataille navale au port de Chaul entre Hagamahamed Et les Portugallois	367
Bataille seconde pres de Chaul entre Hagamahamed Et les Portugallois	367. 368
Bataille par mer Et par terre pres de Coulette Et l'issue	434
Bataille navale des Portugallois contre les Turcs Et le succes d'icelle	438.
Bataille entre le viceroy Menesex Et les Calecutiens campeux devant la citadelle, Et quelle en fut l'issue	461
Bataille navale entre George Albuquerque Et le gouverneur de Porqua	464
Bataille entre Sampaio Et les Calecutiens	530
Bataille donnee au port de Din, gaignee par les Portugallois	559
Bataille remarquable en laquelle perissent trois Roys de diverses morts	679
Batailles Et victoires admirables des Portugallois contre les Calecutiens	89. 90. 91
Bataille Et victoire remarquable des Portugallois	951
Batailles navales entre Patonoux Et les Portugallois au port de Malaca	250. 251

INDISE.

Batochin village bien fortifié & defendu contre les Portugallois qui s'en rendent maistres	417
Beatrice fille d'Emmanuel, naist 32. mariee à Charles duc du Saoye	366
Begie capitaine Portugallois enuoyé en ambassade vers le Roy de Cambaie 279. tué d'un coup de fauconneau	367
Benaduxera voulant trahir les Portugallois reçoit son payement	354.355
Benastarin forteresse de l'isle de Goa rendue à Albuquerque	238
Benemotapa riche Royaume en Ethiopie, & les particularitez remarquables au gouvernement d'iceluy	124
Bentagogin capitaine more & son fils, tuez de deux coups de mesme lance en mesme heure par Barrigue	288
Bintam isle, retraite du Roy de Malaca	236
Bintam isle & ville descrite avec ses forteresses	485
Bintam prise d'assaut par Mascaregne	485
Bisnaga ville capitale du Royaume de Narsingue	118.119
Bœufs estimez, sacrez, entre les Mores	89
Bon-heur des Portugallois se change	292
Bonnets plissez des Perses opposez aux turbans des Turcs	283.284
Bonzies prestres de Japan	746
Brachmane grand pontife de Calecut	
Brana ville en la coste d'Ethiopie rendue tributaire aux Portugallois 82 forcee, pillée & bruslée par les Portugallois	151
Bresil terre de l'Amerique decouverte par les Portugallois descrite avec les mœurs de ses habitans	46
Burgos l'une des principales villes de Castille	19
Bustin des Portugallois perit en mer	402.403

B

C Achil d'Aroes, seigneur es Molucques, homme rusé & meschant	400.401
Calaiate ville du Royaume d'Ormuz appointe avec les Portugallois & comment 168 bruslée par les Portugallois	177
Calecut ville où situee, & sa commodité	31
Calecutiens & leur religion 34. cruellement traitez par Vasque de Gama 64. rompent la paix & courent sus aux Portugallois	405

INDICE.

desfait en trois grandes rencontres par Souze & Tello 424. assail-	
lis dans leur ville repoussent les Portugallois 432. commencent	
à faire leurs approches de la citadelle, & avec quel succes 447	
leurs efforts pour l'emporter 450. desfaits en bataille rengee avec	
merveilleuse perte d'hommes 461. desfaits sur mer par le lieutenant	
de Sampaio	673
Calomnies des Arabes contre les Portugallois	53
Calomnies contre le Roy de Campar decapité en Malaca	294
Calomnies dressées contre le Roy Emmanuel	327
Cambaie Royaume décrit	279
Camphre gomme où & comment croist	389
Campson Sultan d'Egypte fait la guerre aux Portugallois	155
Cananor ville, la situation & commodité	56
Cannelle comment cueillie & où	389
Cap de bonne esperance parquoy & par qui ainsi appelé 15.	
difficile à passer en certain temps de l'année 21. où finit	387
Capitaine Portugallois perfide & cruel	129
Capitaines Portugallois se renolent en despit d'Albuquerque,	
& le mal qui en auint	177
Capitaine du Sophi desfait par Albuquerque	178
Capitaine Portugallois ambitieux 320. s'entrefont la guerre es	
Molucques	465
Capral gentil homme Portugallois enuoyé en Calecut 39. 40. ar	
rive en Calecut & sa negotiation avec le Roy	51
Caranelles de Portugal & leur façon	60
Cardinaux en nombre de douze, assistans au Pontife de Chre-	
tiens d'Orient	103
Caserquibir ville de Barbarie	65
Castillans se renolent à cause du tribut sur eux imposé	352
Catoualinge du Calecut	29
Cephala. voyez Zofala	
Ceremonies es temples de Calecut	30
Ceremonies des Abissins	277
Charles cinquiesme en different avec le Roy de Portugal touchés	
les Molucques 420. 421. succede à Maximilian premier, & le tri-	
but excessif qu'il imposa sur l'Espagne	351
Charles duc de eSauoye sponse Beatrix fille d'Emmanuel	366
Charles prince d'Espagne emprisonné par le commandement de	
son pere, meurt en prison	672
China pays de grande estendue, décrit avec les mœurs religion	
& police	

INDICE.

Police de ses habitans	312
Chenaliers de Christ en Portugal quels, & discours sur leur institution	10
Chrestiens Indiens 55. de Cranganor, leurs mœurs & ceremonies	103. 80
Chrestiens d'Ethiopie 276. 277 en l'isle de Zacotora, & leurs ceremonies 152. au nombre de douze mille tuez en bataille avec le Roy Sebastian	79. 80
Chrestienté de Congo en Ethiopie quelle	79
Christofle Iusarte arrivé au secours de la citadelle, & ce qu'il fit	451
Christofle Mendoze enuoyé pour gouverner la citadell d'Ormuz	511
Christofle Melio & Anthoine Mirande desfont la flotte de Calecut	534
Cidaco vaillant capitaine more tué	260
Cide manzor gouverneur d'Azamor, vaillant & sage chef de guerre, tué sur la bresche	261
Cinquante Portugallois tuez en la ville de Calecut	54. 55
Citadelle de cochim par qui bastie	78
Citadelle des Portugallois en Cananor 120. commencee par les Portugallois en Ormuz 171. bastie à Malaca 225. de Malaca deliuree de la trahison de Maxelix 253. bastie à calecut 258. rebastie en Ormuz 282. bastie en Coulam 515. bastie en l'isle de Zeilan 325. en l'isle de Ternate qui est l'une des Molucque 390. 361. de Pacem abandonnee des Portugallois 406. de Calecut rudement assaillie & bien defend 429. de Calecut assiegee & battue en diverses sortes &c. 447. 448. de Calecut desmolie par le commandement du Viceroy, &c. 402. de Din assiegee par les Turcs 546. de Din assiegee pour la seconde fois 552. deliuree	559
Clemence d'Emmanuel	8
Cloux de girofle comment croissent	389
Cochim ville de Malabar en quel endroit assize & sa commodité	55
Coicatar principal conseiller du Roy d'Ormuz conspire contre Albuquerque 174. empoisonne l'ambassadeur qu'Albuquerque enuoyoit en Perse	198
Coiebiqne sage & bien experimenté capitaine entre les Indiens	229
Collèges de Jesuites es Indes	

INDICE.

Combat d'un vaisseau de Portugal contre une navire de Cochim 52. de Nonio contre la flotte de Calecut 58. de la flotte de Portugal contre une navire du Sultan d'Egypte 61. entre les Portugallois & Ormusiens 176. entre Benxamut & les Portugallois 304. pres de Septe, remarquable entre les autres 341. d'une caravelle où n'y avoit que trois hommes de defense contre une frigate de cour-saires 345. entre le capitaine Cesar & une navire Angloise 373. contre les Portugallois & Calecutiens.	486
Comparaison d'Albuquerque & d'Almeide au gouvernement des Indes.	212
Complaintes contre les Portugallois en Conlam & ce qui s'en ensuivit	315
Conseil donné au Roy de Portugal touchant la guerre d'Afri-que	165
Conseil tenu pour sçavoir si lon devoit tenir ou quitter Goa	299
Conseils tenus par Henri de Meneses pour secourir la citadelle de Calecut	457
Considération que doit avoir un Prince	164
Conspiration des Capitaines Portugallois contre Albuquerque 174. en Malaca contre les Portugallois, & ce qui en auint 233. en Ormus contre les Portugallois 358. contre Iehabentafus	362
Consultation d'Albuquerque pour recommencer la guerre en Ormus	174
Congo Royaume d'Ethiopie, sa description, & les choses memora-bles avenuës en iceluy 73. comment réduit à la religion Romaine 246. en quel estat sur la fin du regne d'Emmanuel	300
Cor delier, trompette de guerre	263
Cowards comment ret enus en denoir	86
Coulam ville markime, sa description & commodité	79.80.
Coulette principal & plus riche port du Royaume de Calecut assailli des Portugallois	432
Couronne d'or envoyee par Emmanuel au Roy de Cochim	65
Courfes de Pacheco 86. des Portugallois en la coste de Barbarie 214. des Portugallois autour du môit Farrobe 219. de Manuel Mas-caregne 337. des Portugallois & Mores en Barbarie avec divers evenemens	372
Coustumes & maniere de vivre des Bresiliens peuple de l'Ame-rique	47
Coustume du pais de Cochim en la succession Royale	207

INDICE.

Crainte est un mal-heureux conseiller	68
Cranganor ville proche de Calcut assaillie & bruslee par les Portugallois 103 sa situation & estat	103
Croix esleeue par deux Moines pour enseigne de sedition & mas- sacre	111
Cruauté barbare d'Albuquerque 175. des Portugallois en Da- bul 180. d'Almeide 185. de cinq cens mutins	111
Curiate ville du Royaume d'Ormuz bruslee par les Portugallois	167
Cungues domestiques des Euesques de Iapan	749

D

DAbul ville riche pillée & saccagée de façon estrange par Al- meide	179
Damoiselle courageuse	213
Damoiselle More cruellement traitée par un Portugallois	333
Danger le plus à craindre quel	130
David grand Negus d'Ethiopie, ami des Portugallois	355
Degré que c'est & que contient	14.
Demandes du Roy de Portugal au Pape	272
Demandes de l'ambassadeur de Portugal à Ismael Sophi	309
Deportemens des Portugallois es Indes 129. du gonnerneur d'A- den & des Portugallois	255. 256
Description particuliere de l'Asie maritime	741
Dese espoir est un terrible conseil lier	203
Desfaite de ceux de Cochim 71. des Portugallois au port de Chaul 50. des Malabares au fleuve de Baccanor 467. 468 des Portugallois au port de Dachen	521
Desseins d'Albuquerque retardex par ceux qui les demoyent auancer	198
Denoir d'un bon Prince	3
Denoir des Roys	77
Denoir d'un sage chef de guerre	72
Dieu oste le sens à ceux qu'il veut punir 72. monstre sa main es externes dangers 94. de teste la fraude autant que l'injuste vio- lence	97
Different entre les Roys d'Espagne & de Portugal touchant leurs limites, appointé paisiblement 166. entre l'Empereur & le	

INDICE.

Roy de Portugal touchant les Molucques	421. entre les capitaines Portugallois es Molucques	465
Diligence du Roy de Portugal à pourvoir aux affaires d'Afrique		104
Discipline militaire requise		45
Discours monstrant si les Juifs sont supportables ou non entre les Chrestiens	11. touchant la guerre entre Trimumpara & Pacheco	85.
sur le fait des reuenus ecclesiastiques	272. sur la navigation ne Magellan aux Molucques	33. &c. de l'escarmouche des Portugallois nuds & des Mores
344. sur les faits & sur la maniere de viure du Roy Emmanuel	374. &c. touchant les Rois & le Royaume de Portugal	378. 379. de la navigation de Magellan
383. 384. &c. sur la vie & sur les vertus de Henri de Menesex	468. de la secte des Iesuites, de leurs navigations & deportemens es Indes sur la guerre de Barbarie en laquelle mourut le Roy Sebastian	753
Diu ville renommee au Royaume de Cambaie	279. conquise par Nonio de Cugne	549. saccagee de façon horrible par les Portugallois
		559. 560
Doctrinne des Iesuites		
Domestiques du Roy de Calecut retenus prisonniers par les Portugallois		37
Droits des peuples n'encourent point de prescription		19
Droit que les Portugallois se sont attribué en Inde, & comme ils en vsent		130
Duc de Bregents lieutenant du Roy s'empare d'Azamor & autres villes en Barbarie	260. &c. sa response à ceux qui vouloyent qu'on fist la guerre au Royaume de Maroc	263

E

Au benite de Calecut		30
Ecclesiastesques mal accommodez en Portugal du temps d'Emmanuel		243
Edouard Ataide & autres font naufrage		393
Edouard de Leme nauigue en Ormus, & ses exploits		216
Edouard de Menesex, desfait les Mores en Barbarie		240.
		241
Edouard de Menesex gouverneur de Tingi ruine les villages du mont Farrobe		292
Edouard de Menesex, Viceroy des Indes	365. donne ordre aux	

INDICE.

affaires de Perse & des Indes 380 . perd sa reputation en suppor-
tant traistre Xeraf 396. se demet de sa charge de Viceroy

424

Edouard fils du Roy Emmanuel meurt ienne 294

Edouard Galuan enuoyé en ambassade vers le grand Negus 294

meurt de vieillesse & de maladie en l'isle de Camare 314

Edouard Pacheco sage capitaine 86. ses courses exploits & vail-
lances 87. 88. avec septante vn soldats fait teste à toute l'armée du
Roy de Calecut 89. sapieté & prudence 97. renommé & redouté
par toutes les Indes à cause de ses victoires 100. comment recom-
pensé de ses seruices 109

Efforts d'Albuquerque pour pouruoir à ses affaires 202

Efforts du Roy de Dachen contre les Portugallois 393

Eleonor d'Austriche mariee au Roy Emmanuel 328. acouchee
d'une fille 364

Elephans tuez & salex pour la fourniture des nauires 54

Elephans de Malaca dangereux au combat 222

Elephant enuoyé de Portugal à Rome 270

Embusches du Roy de Bintam contre son gendre, & ce qui en
auint 294

Emmanuel nommé & declairé Roy 2. 3. delibere descouvrir les
Indes 19. se marie avec la fille aisnee du Roy d'Espagne 16. se marie
en secondes nopces avec sa belle sœur 40. donne secours aux Venitiens
côte le Turc 41. enuoye diuers presens au Pape Leon dixiesme 270.
en bon mesnage avec tous les Princes Chrestiens, admiré & aimé
des nations estranges 301. fiance & espouse la sœur de Charles
cinquiesme 328. meurt 374

Emprisonnement de Mascaregne & ce qui s'en ensuiuit 490

Enfans de Iean troisesme 377

Engins dresséz contre la citadelle de Calecut 463

Ennemis à craindre qui 193

Ennemis d'Albuquerque le font desmettre de sa charge 293

Enseignes Royales du roy de Benemotapa en Ethiopie 124

Entreprises du Roy de Fez sur Arz. ile & Tingi 245

Entreprises de Mascaregne sur l'isle de Bintan 483

Escarmonche deuant Azamor 260. entre les Espagnols & Por-
tugallois es Molucques 497

Espagne en guerre ciuile à cause d'un tribut excessif 353

Espagnols arrinez es Molucques s'attachent aux Portugallois

I N D I C E.

494 desfont les Pourtugallois es Molucques	516
Estandart de Portugal planté au plus hant du palais du Roy	
d'Ormuz	171
Estat de Portugal	101
Estats d'Espagne recoyuent le fils d'Emmanuel pour leur Prince & luy font hommage	19.20
Estats d'Espagne assemblez pour recevoir leur Roy, & ordre tenu en cest endroit	17
Estats assemblez à la requeste du peuple	60
Euesques Orientaux	103
Euesques Abyssins	277
Euesque souverain en l'isle de Iapan	
Ethiopie descrite	124
Ethiopie où habitent les Abyssins descrite	276
Ethiopie en quel estat lors qu'Emmanuel mourut	377
Ethiopiens & leurs armes	21
Exaction des Portugallois	87
Exercices d'Ismael Sophi	310
Exploits natables du capitaine Barrigue 298. Soares visceroy des Indes 299 de quelques lieutenans du Gouverneur de Goa	316

F

Famine en la foreteresse de Cananor	132
Famine est un terrible conseiller	203
Faux tesmoin chatié par le iugement de Dieu	295
Femmes Moresque prisonnières	66
Femmes du Royaume de Narsing ue comment traitees apres la mort de leurs maris	116
Fernand Andrade negotie en la China	321
Fernand Coutin enuoyé en Inde avec quinze navires, son arrivée & ses exploits tué en Calecut	186
Fernand de Castre arrivé au secours de la citadelle de Diu	553
Fernand fils du Roy Emmanuel & de la Roynie Marie né	148
Fernand Gomeze de Leme, ambassadeur de Portugal en Perse	
307	
Fernand Magellan. voyez Magellan.	38
Fernand Roy d'Espagne meurt	298.299
Feu artificiel qui ne brusle point	129

INDICE.

Feu nouveau donné par le Roy de Benemotapa à ses ſuiets pour ſigne de ſubietion	124.
Fidelité & excellente reſponſe du Roy de Cochim	71
Fidelité notable d'un Roy Mahumetiſte	113
Flatteurs taxez	4
Fatteurs ſement la haine entre Almeide & Albuquerque	185
Flotte de Portugal arrivee à Goa	38
Flotte de Portugal enuoyee en Barbarie pour y baſtir une citadelle 291. ruinee avec perte de quatre mille hommes 292. enuoyee en Inde	329
Flotte d'Eſpagne enuoyee aux Molucques & l'arrivee d'icelles 494. de Portugal perdue en la coſte de Calecut 529. de Calecut deſaite par Mirande & Melio 534. de retraire cens voiles menees par Sebaſtian en la guerre contre Abdelmelec	156
Folie d'un met pluſieurs ruſes en peine	29
Folie de ceux qui ſe ſient aux traſtres	58
Fortereſſe baſtie à Quiloa par les Portugallois 113. baſtie en liſte d'Anchedine 116. des Portugallois à Zofala 122 d'Anchedine ruinee par les Portugallois	127
Fortifications des Portugallois pour leur deſenſe en la citadelle de Calecut	453
Fortifications des Calecutiens	449. 454.
Fotoques ſaincts de Iapan	750
Foy doit eſtre gardee par tous hommes ſpecialement par les Roys & princes 5. ne doit eſtre iamais rompue par ceux qui commandent	63
Fragilité humaine paroiſt en la mort d'Almeide	191
Franciſque de Sa priué du gouvernement de Goa par Sampaia 473. fait voile à Zunde & ce qui luy auint	486
Franciſque de Souſe & ſes gens deſfaits par les Tidoriens	415
Franciſque Pereire vaillant Capitaine 109. gouverneur de Goa degrade & chatié de ſes fautes 425. ſecourt la citadelle de Calecut	456
François Albuquerque rompt ſa foy 80. arreſté par le iugement de Dieu	81
François Guayenaigue en Zofala & ce qu'il y fit 122. il y meurt	123
François peuple belliqueux, renommez es Indes & en tous les pays du Levant	155

INDICE.

François premier, Roy de France, sollicite Emmanuel d'entrer en ligue	301
François Xavier Iesuite Apost re du Pape en Inde	748
Fraude autant abominable deuant Dieu que l'iniuste violence	97
Fnite du Roy de Malaca	224
Funerailles d'Albuquerque.	298

G

Gardian des Cordeliers de Goa plaide en plaine chaire la cause de Sampaio	488
Garfie Chaigne vaillant capitaine se noye miserablement	443
Garfie Contin gouverneur de la citadelle d'Ormus, sage & vaillant	371
Garfie de Soufe tué d'un coup de fleſche, apres auoir fait un excellent deuoir	256
Garfie Hêriquez, va aux Isles de Bâdan 382. perd deux carauellons pres de Bintam 411. arrive aux Molucques Et ce qu'il y fit 445. empesché en son gouuernement par Brittio 466. fait empoisonner le Roy de Tidore 493. emprisoné Et ce qui s'en ensuiuit 507. se retire à Malaca, & comment il y fut traité 522. perd son basteau Et tous ses pillages au port de Cochim, est emprisonné & enuoyé pieds Et poings liez, en Portugal 537	
Gaspar de Corteral & son frere nauigent en Septentrion	60
Gaspar Pereire secretaire d'Albuquerque conspire cõtre son maître	258
Gautier Monroy gouverneur de Goa, par son aduſaire est cause de grands troubles Et dangers	317
Genealogie de Iean troisieme	379
Gentils-hommes Portugallois tuez en Calecut	189
Gentils-hommes Portugallois paillardans avec des Indiennes priez de leurs charges	204
George Albuquerque establi gouverneur de Malaca 277. seduit par faux tesmoings fait mourir le Roy de Campar 295. battu par l'Amiral de Bintam 339. desfait le gouverneur de Porqua 464.	
George Aquilaire capitaine Portugallois perit en mer	148
George Brittio desfait & tué avec les capitaines & principaux de sa flotte au port de d'Achen	365
George Coste Cardinal de Portugal	9

INDICE.

George de Menesex, gouverneur des Molucque 504. some les Espagnols d'en sortir 505. fait emprisonner Henriquez 507. calomnie 508. enfermé & emprisonné en un cachot 509. delivré 510. cherche la paix avec les Espagnols 516. ce qu'il traite avec Fernand de la Tour capitaine Espagnol, & le notable present qu'il luy fit 536. George Mauricho & son frere tuez à coup de poigrads empoisonnez 494

George Menesex se porte vaillant en la bataille navale de Chaul 367

George Pincte & ses gens desfaits au port de Tidore 414

George Quadre voyage en Ethiopie, Arabie & Perse 350

George Tellio desfait par deux fois les Calecutiens 350. desfait les Melabares au fleuve de Baccanor 467

Gloire des Roys en quoy consiste 40

Goa isle & ville descrite 197. se rend à Albuquerque 198. assailie & prise par Zabaim sur Albuquerque 203. prise par les Portugallois avec notables faits d'armes de part & d'autre 217. reduite à l'extremité par Zabaim 462. assaillie & renforcee par le secours de plusieurs capitaine Portugallois 230. en danger d'estre prise par la meschanceté de son gouvernement 318. en extreme danger par les menees de Zabaim & comment delivree 358
Gonsalve Azewede pille une partie de butin de Henriquez 515
Gonsalve Vasco capitaine infidele & cruel deposé de sa charge 129

Gonsalve Vasco cruellement traité & mis à mort pour avoir renoncé au Mahumetisme 306

Gouverneur prudent figuré en Albuquerque 198

Gratian Norogne esleu viceroy des Indes fait son aprest pour se courir Diu 547

Gueinal tyran de Pacem tué avec ses serviteurs & domestiques 364

Guerre des Bresiliens peuples de l'Amerique 47. de Vasque de Gama contre le Roy de Calecut 62. des Portugallois contre les Mores en Afrique 65. du Roy de Calecut contre le Roy de Cochim 70. au royaume de Congo pour le changement de Religion 75. contre les Mores en Afrique 83. du Roy de Calecut contre les Portugallois pour quelle raison continuee 92. renouvellee entre le Roy de Calecut & de Cochim 98. entre le Roy de Cananor & les Portugallois 131. d'Azamor en Afrique & les divers accidens d'icelle 159.
Guerre seconde d'Albuquerque contre le Roy d'Ormuz, & les di-

INDICE.

uers euenemēs d'icelle 175. d'Albuquerque contre ceux de Calaiate & l'issue d'icelle 177. Guerre troisieme d'Albuquerque au royaume d'Ormus 168. de Fernand Coutin en Calecut & l'issue d'icelle 187. Guerre premiere de Goa & quelle en fut l'issue 197. Guerre seconde de Goa & les occurrences d'icelle 199. Guerre en Cochim & son issue 208. Guerre troisieme contre Goa 208. commencee par les Portugallois en Malaca 221. renouuelee en Goa 227. de Patecatir en Malaca contre les Portugallois 235. derniere de Goa et son issue 238. de Safin & l'issue d'icelle 241. d'Almedine, les notables exploits & la fin d'icelle 242. contre le Roy de Maroch 244. contre Roys de Fex & de Mequinez 265. en Azamor & les diuers succez d'icelle 267. de Septe & l'issue d'icelle 269. Guerre entre les Roys de Bintam & de Campar, en laquelle les Portugallois se meslent, & desfont le Roy de Lingue 278. d'Ataide contre le Xerif & les diuers euenemens d'icelle 288. de Maroch & quelle en fut l'issue 299. d'Arzile & les plus remarquables euenemens d'icelle 301. de Maroch 304. du Xerif contre les Portugallois 319. en Malaca par les menees du Roy de Bintam & le succez d'icelle 324. contre les Mores de Garabie 337. 338. contre le Roy de Pacem 347. contre le Roy de Bintam 348. en Espagne à cause d'un tribut excessif 352. de Iehabentafus, contre les Mores de Dabide & de Garabie 353. de Zeilan, & les accidens d'icelle iusques à la paix 359. de George, Albuquerque au Royaume de Pacem 363. de Zabaim Dalcam contre les Portugallois & quelle en fut l'issue 399. du Roy de Bintam contre les Portugallois, & les accidens d'icelle 403. de Britio contre le Roy de Tidore & le succez d'icelle 413. d'Hector Sylueire au Royaume de Cambaie 535. Guerre seconde de Diu pourquoy commencee 550. entre Mahumet & Abdelmelec pour les Royaumes de Fex & Maroch 574. Guillaume de Croy sieur de Cheures, gouverneur de Charles cinquiesme homme auaricieux

351

H

HAbraheim Roy de Quoila prins Prisonnier, sa deliurance & perfidie 61

Hagamahamed rusé capitaine 366. endommage fort les Portugallois 356. empesche les Portugallois de demeurer maistres de Diu 47

Haines entre Almeide & Albuquerque 187

I N D I C E.

Hali gendre & disciple de Mahumet, fait une secte à part	283
Haliadux gouverneur de Safin & ses deportemens enuers les Portugallois	146
Halassa general de l'armee navale de Cambaie desfait par Sam-pajo	533
Hamed se range auec Abdelmelec contre Mahumet	574
Harangue de Iacques Almeide au Roy Emmanuel	3
Harangue de Gama au Roy de Calecut	34
Harangue au Roy de Calecut contre Gama & les siens	35
Harangue de Naubeadarim prince de Calecut	60
Harangue de Pacheco à ses capitaines & soldats	93
Harangue d'un gentil-homme More à Iean de Menesex & la responce	16.
Harangue de Ichabetafus au Roy de Portugal	305
Harangue de Henri de Menesex, conseiller de donner bataille	460
Hector Sylueire fait la guerre aux Calecutiens 428. secours la citadelle de Calecut 455 se laisse tromper, & faut à saisir de la citadelle de Diu 478. fait la guerre au Royaume de Cambaie	536
Helaine Royne d'Ethiopie & ses lettres au Roy de Portugal	275
Henri Cardinal de Portugal quand né	235
Henri de Leme vaillant capitaine & ses auantures	300
Henri de Menesex, gouverneur de Tingi, desfait le gouverneur de Tetuan 373. déclaré viceroy apres la mort de Vasque de Gama 426. donne ordre aux affaires 427. desfait les Calecutiens 428. liberal & sage 436. quel moyen tient pour secourir la citadelle de Calecut 458. ses vertus 458. meurt & est enterré en Cananor : discours de sa vie & de ses vertus	468. 469
Henri le Taur macquereau recompensé de ses seruices	317
Henri Prince de Portugal, premier descouureur de la coste d'Ethiopie	14
Hercules estime auoir esté en Inde	180
Histoire facétieuse d'un enfant qui veut accorder ceux qui debgent du partage du monde	421
Histoire facétieuse d'un present fait à un Espagnol es Moluques	536
Histoire memorable de l'amour d'un mari enuers sa femme	304

INDICE.

<i>E</i> de la femme enuers son mari	305
Histoire notable de la promesse de deux freres	342
Histoire tragique & pitoyable	526
Homar disciple de Mahumet respecté des Perses	283
Hommes prodigieux és Molucques	418

I

I Jacques Azambuge gentil-homme de grand esprit s'empare de	
Sasim par ruses notables	144
Jacques Canus premier desconfureur de la coste d'Ethiopie, & ce qu'il y negotia	73
Jacques de Mexquite & autres pressés & tourmentés pour abjurer le Christianisme	512
Jacques de Viegas brave Cheualier	100
Jacques Lopez herauld d'Ataide brave soldat & ses hardies executions	270
Jacques Melio vaillant Capitaine tué	178
Jacques Melio vinement piqué à cause de son auarice	473
Jacques Siqueire enuoyé aux Indes 148. 149. voyez Siqueire.	
Iahomazende le general des Arabes tué de la main du Capitaine Barrigue	243
Ialousie entre Almeide & Albuquerque	197
Iane grande & petite ou situées, leurs commodités, costumes & habitans	219
Idolatrie defendue au Royaume de Congo	75
Iean Contin gouverneur d'Arzile desfait les Mores 287. ruine les villages du mont Farrobe 291. bat les Mores en diuerses rencontres	336
Iean de Castre Viceroy des Indes enuoye secours à la Citadelle de Diu son arrivée à Diu & ce qui s'en ensuiuit	157
Iean de Leme gouverneur de la Citadelle de Calecut, sage et vaillant capitaine 418. 419. soustient un assaut des Calecutiens, puis entre en traité de paix avec le Roy de Calecut 429. rebarre les Calecutiens rompt leurs entreprises 447. ses diuers exploits 448. demande secours au Viceroy 449. sa vaillance 451. comment se fortifie 453. secours par plusieurs 451. blessé en la iambe 455. son brane & heureux courage 456. conseille de donner bataille 458. deliuré du siege & enuoyé en Cananor	465
Iean de Meneses, fort prisé & renommé en Barbarie 161. fait	

INDICE.

viuement la guerre aux Mores 264. meurt	269
Iean Gomez e tne Caldeire en trahison, & sur le champ a la teste tranc he	317
Iean L'homme capitaine & ses deportemens 118. priuë de son e- stat	121
Iean Machiade tue ses enfans et pourquoy 229. tue au cõbat	318
Iean Mascaregne gouverneur de la citadelle de Diu pouuruit à la seureté d'icelle 551. sa responce aux aduertissemens de Sophar 551. sa sageſſe & vaillance à ſouſtenir le ſiege de la citadelle 552. 553. 554. ſecours par Aluarez de Caſtre 557. patient & prudent 557. deli- uërë du tout & les ennemis deſfaits	558
Iean Nonio enuoyé aux Indes	57
Iean Prince de Portugal né, & les prodiges en ſa naiſſance	57
Iean Prince de Portugal meurt toſt apres ſon mariage avec la fille de Charles cinquieme, de laquelle il eut un fils nomë Sebaſtiã	672
Iean ſecond Roy de Portugal, nomme Emmanuel ſon heritier 1. ſes vertus & ſa mort	2.
Iean Souſe de Limice enuoyé de Portugal arrive en Goa	258
Iean Sylueire fait voile en Bengala, & ce qu'il y fit	323
Iean troiſieſme du nom, fils d'Emmanuel, ſuccede à ſon pere 378. conferme le gouvernement des Indes à Sampaio	479
Iehabentafuſ & Haliadux maſſacrent Rhamam Prince de Sa- fin 134. conſpire contre les Portugallois 146. demeure gouverneur, puis deuient penſionnaire du Roy de Portugal	147
Iehabentafuſ fidele au Roy de Portugal 216. ſe porte vaiſſammët en diuerſes rencontres 244. gaigne vne belle victoire 245. eſleu gou- uerneur d'Almedino 260. met le Xerif en route 265. deſfait les Mores avec Barrique 287. donne ordre aux affaires de Barbarie a- pres la mort d'Ataide 306. fait la guerre aux Mores de Dabide & de Garabie 353. traiſtreuſement tuë à table	365
Ieſuites quelle ſecte, leur doctrine, leurs nauigations & depor- temens es Indes.	664
Ieroſme de Souſe deſfait les Calecutiens	424
Ignace Layola pere des Ieſuiſtes	668
Image d'or de façon monſtrueuſe	64
Image d'un bon Prince	2
Indes Orientales deſcrites	32
Indiens comment auertiffent les uns les autres es dangers	78
Indes en quel eſtat au iour du treſpas d'Emmanuel	378
Incommoditez de la flotte de Portugal en la mer d'Arabie	313

INDICE.

Insolence des Portugallois	80
Inuentions des Calecutiens pour ruiner la citadelle	454
Iogues, moines Indiens	55
Isabelle de Castille promise à femme à Emmanuel 13. meurt	19
Isabelle femme de Charles le quint, en quel temps nee	72
Ismael Sophi Roy de Perse, prince fort renommé, mesprisé par Albuquerque 173. sa race, maniere de viure, domination & exploits notables 283. en quelle maiesté donné audience à l'Ambassadeur de Portugal 308. meurt	403
Isle de Bintam descrite	483
Isle de Goa reconquise par Zabaim	218
Isle de saint Laurent par qui & quand descouuerte, & situation	122
Isles de Bandam quelles, & comment gouuérnees	237
Isles de Maldiuar en grand nombre	125
Isles Molucques descrites	389
Inde vüe en la coste d'Arabie assiegée par les Portugallois, qui sont chassés de deuant	313
Iugement de Dieu sur Almeide & les siens 102. sur un faux tesmoin	295
Iugement sur les batailles & victoires de Pacheco	96
Iuge seduit par faux tesmoins ne veut admettre l'innocent en ses iustificacions	295
Iuges deleguez pour iuger le proces de Sampaio & de Mascaregne	502
Iuisifs bannis de Castille, & leur estat en Portugal 5. 6. chassés de Portugal 11. massacrez à Lisbonne	111
Inzarcan lieutenant du Roy de Cambaje au siege de Diu	553

L

L Ambeamorin espion du Roy de Calecut & sa negotiation avec Meneséz	446
Laqueximene Admiral de Bentam vaillant chef de guerre & ses exploits 339. desfait les Portugallois & par quel moyen 461. desfait Sance 481. Henriquez au port de Pam 403. conqueste deux carauellons de Henriquez 408. n'ose cōbatre avec Martin de Souze 413. desfait & tue Martin Alфонse de Souze avec plusieurs autres 440. & tost apres desfait par les Portugallois 443. mis en route par le capitaine Serran	485

INDICE.

Larache ville de Barbarie, & ce que les Portugallois y firent	83
Lafaman Admiral de Malaca est empesché par quelques ennemis de se ranger au party des Portugallois 225. donne bataille aux Portugallois & les desfait	236
Laurent Almeida excellent capitaine gaigne une belle victoire navale sur les Calecutiens 127. tué en bataille navale	158
Laurent Britio tué auprès d'Almeida	102
Lettres d'Albuquerque montrant escrites au Roy de Portugal 29.	
d'Ismael Sophi au Roy Emmanuel & à Albuquerque 310. du Roy d'Ethiopie à celuy de Portugal	476
Liberalité de Henry de Meneses	435
Licence, tres-dangereuse en guerre	45
Ligne equinoctiale que c'est	14
Livres comment escrits & reliez en Calecut	34
Lopez de Sampaio. voyez Sampaio	
Loup Soarez arrive en Inde avec une flotte de treize navires: ce qu'il fit	101
Loup Soarez. voyez Soarez.	
Louys de Meneses va au cap de Guardafu & de là en Ormuz 396. perit en mer	428
Louys fils d'Emmanuel quand naist	110
Louys Guzman capitaine Portugallois devient coursaire	329
Louys VVartoman de Bonlongne grand voyageur se salue de Calecut en la flotte de Portugal	126

M

Machinations du Roy de Bintam contre George Botel	296
Madagascar ou isle de S. Laurent par qui & quand découverte 122. descrite	151
Magellan gentil-homme Portugallois quitte le party de son Prince & se range à celuy d'Espagne 330. son dessein pour trouver les Moluques 331. sa navigation hardie & memorable 333. le destroit par luy trouué, & sa mort 333. ses exploits descrits bien au long	383
Mahumet Ancon estably Roy de Quiloa	113
Mahumet mis en route plusieurs fois par Abdelmelec 675. induit le Roy Sebastian à donner bataille 678. s'enfuit & se noye en la riviere de Larache	678

INDICE.

Malumetistes ennemis des Perses disciples de Hali	283
Malabares quels peuples & leur religion 32. 33. des faits au fleuve de Baccanor	467
Malaca royaume & ville	192
Malaca assailie & prinse par Albuquerque 222. assiegee par mer & par terre puis deliuree 412. demeure paisible par la prinse de Bintam & devient l'un des plus riches haures de l'Orient	485
Malacans conspirent contre Siqueire	192
Maladie & mort d'Albuquerque	297
Maladie du Roy Emmanuel	374
Maladuissez comment sont attrappez	37
Malipur ville au Royaume de Narsingue où est le sepulchre de S. Thomas apostre	104
Mamelex Mors renomme estranglé dedans la Citadelle de Cananor	428
Mammeluchs tuez en la bataille de Din	183
Mamucos oyseaux admirables	389
Mamud Roy de Cambaje recommence la guerre contre les Portugallois	550
Manuel de Cugne braue soldat	338
Manuel de Souze capitaine Portugallois tué avec 40. soldats	329
Manuel Paz agne repousse l'armée du Prince de Goa de deuant la forteresse d'Anchedine 130. vieux & sage capitaine tué à Calecut	188
Mariac place principale de Tidore prinse par les Portugallois	415
Mariage d'Emmanuel avec Isabelle de Castille 13. de Charles Duc de Sauoye avec Beatrix fille d'Emmanuel	366
Marie, image reclamee des Calecutiens	30
Marie Royne de Portugal meurt	318
Marie fille d'Emmanuel & d'Eleonor, nee	364
Marie princesse de Portugal mariee à Philippe d'Autriche	672
Martin Alonse Melio fait voile en la China, d'où il est contraint se retirer 391. repoussé par les montagnars 414. contraint le Roy de Patane de venir à apointement 444. faisant voile à Zunde souffre une infinité de maux & reuient en l'Inde basse	518. 519
Martin Alonse de Souze Admiral de Malaca guerroye viuement le Roy de Bintam & ses alliez	487
Martin Coeillo tué pres d'Almeide	191
Martin Correa fait viuement la guerre aux Tidoriens	416
Martin Igniguez general des Espaignols és Molucques	480

INDICE.

Mascate ville du Royaume d'Ormuz saccagee & bruslee par les Portugallois	168
Matthieu Ambassadeur d'Ethiopie renuoyé de Portugal avec Soarez	233
Maurus general des Cordeliers & Moines du mont Sinai, ambassadeur du Sultan d'Egypte	106
Maxeluz voulant liurer la citadelle de Malaca au Roy de Bintam est tue	327
Maximilian premier du nom, decede a pour successeur Charles cinquieme	350. 357
Medecin Iuif sert aux Portugallois à s'emparer de Safin	145
Melichiaz gouverneur de Diu sage & vaillant capitaine	156.
demande la paix à Almeide	184
Melichiaz gouverneur de Diu, rusé capitaine	355. 356. entre en intelligence avec les Portugallois & à quelle occasio
476. est cõtroyne s'enfuir dedans une fuste	479
Melinde Royaume et ville avec sa description & comme les Portugallois y furent receus	227
Menees pour attraper les Portugallois	62. 63
Meridian que c'est	331
Mesauantures de la flotte de Portugal conduite par Soarez.	313
Meschancetez estranges du Roy de Dachen	338
Mescontentemens suruenus entre les Portugallois sur la nomination du nouveau Viceroy, & ce qui s'en ensuivit	480
Michel Freire ambassadeur d'Albuquerque vers le Sophi	284
Michel Prince de Portugal & d'Espagne naist 25. meurt	40
Michel Vasconcel ienne gentilhomme vaillant à merucillas	341
Milannois reuoltez 72. executez, à mort à Calecut	126
Mirhocem lieutenant general de l'armee d'Egypte & des Indes contre les Portugallois	156
Mirhocem & Melichiaz, desfaits par Almeide au port de Diu	181
Mirhocem tue par les embasches de Soleiman	312
Miriamiriam gouverneur d'Aden refuse viures aux Portugallois & semoque d'eux	315
Mochri Prince de la Mecque assailli par les Portugallois, & desfait, & sa teste aportee en Ormuz	361
Mozors d'Albuquerque	298
Mojatecan conestable de Cambaje amcine quatorze mille hommes contre les Portugallois, & ce qui s'en ensuivit	556

Moine plaidant en chaire la cause de Sampaio	481
Moine Portugallois prescheur seditieux, cause de grands maux	
III	
Moine preschant la guerre en plaine assemblee, & quelle response lui fut faite sur le champ	263
Moines Abyssins	276
Moines de Perse viuent en estat de perfection	446
Moines Indiens grands imposteurs	54
Moines seditieux executez à mort	112
Molucques isles renommées à qui appartiennent 331. 332. descriptes avec leurs singularitez 387. troubles de guerre par les Portugallois 400. en quel estat sous le gouvernement de Garfie Henriquez 492. engagees par l'Empereur au Roy de Portugal 536. 537.	
Mombaze isle & ville avec sa situation & comment reçoit les Portugallois 26. assaillie, forcee & pillée par Almeida 113. 114. prise par Nonio de Cugne, où son armee passe l'hiver	527
Mondragon coursairer François prins & relasché par Emmanuel	185
Mores desfaits par les Portugallois 7. se rasent la teste & la barbe par deuotion 154. desfaits par Edouard de Meneses 240. se rendent tributaires au Roy de Portugal 269. au nombre de cinq cens meurent de froid en une nuit 289. desfont les Portugallois par un accident notable 304. de Sael en Arabie desfaits par les Portugallois 439. de Longu desfont les Portugallois	510
Mort tragique d'Almeida 589. 590. du Roy de Cochim 207. d'un chef en une ville oste le courage à tous les soldats & habitans 261. de Jean de Meneses vaillant & sage seigneur 268. de Nina-chetuen & les memorables particularitez, d'icelle 277. de Fernad Roy d'Espagne 298. Mort cruelle de Gonsalues Vascio pour auoir abiuré le Mahumetisme 306. Mort & enterrement du Roy Emmanuel 374. de Henri de Meneses Viceroy 468. 249. du Roy Jean troisieme	673
Morts en la bataille ou fut tué le Roy Sebastian	679
Moyen nouueau suivi par le Roy de Portugal pour cõseruer le trafic des Indes	664
Mozambique isle, sa situation & ses habitans	23
Murmures contre les Portugallois par toutes les Indes 295. contre Siqueire, de ce qu'il n'entreprend rien contre Din.	356

INDICE.

N

- N**auires gentilshommes de Calecut 28. leur vaillâce & ordre
33.34. estiment commettre sacrilege de goustier de la chair de
bœuf 89. commis pour tuer Iean de Leme gouverneur de la citadelle
de Calecut 419. vaillans & resolu 433. promettent secourir les
Portugallois contre les Turcs 548.549
- Naramuhim prince de Cochim tué au combat 70.71
- Narsingue Royaume de grande estendue décrit, avec les particu-
laritez notables de la Religion & mœurs des habitans 118
- Naturel d'un bon Roy 3. des Portugallois 35. des matelots & sol-
dats Portugallois 45. des tyrans 61
- Nambeadare successeur de Trimumpara Roy de Cochim recom-
pensé de ses services par Almeida 502.503
- Naubeadarim prince de Calecut moyenne la paix 239. devenu
Roy de Calecut assure la paix avec le Roy de Portugal 238. meurt
& laisse vn successeur grand ennemy des Portugallois 405
- Naufrage de quatre nauires de Portugal 49. Portugallois en la
coste de Calecut 529
- Nauigation moyen propre pour auancer la religion Chrestienne,
& dequoy a seruì 14. de Capral en Calecut & son arriuee en la
terre du Bresil 45. de Ieã Nonio aux Indes 57. de Gaspar Cortereal
en Septentrion & ce qui ensuiuit 59. de Vincẽi Sodre en Arabie, et sa
mort 72. des Portugallois en Congo pour couertir le royaume à la re-
ligion 74. d'Anthoine Saldaigne es Indes 81. de Loup Soarez, & ce
qu'il fit en Calecut et en Cráganor 101. d'Almeide 112. d'Edouard
de Leme 216. d'Albuquerque en Ormus 284. de Iean Sylucire en
Benzala et ce qu'il y fit 32. de Fernã d'Andrade en la China 320.
hardie & memorable de Magellã aux Molucques 332.333. de Hẽ-
riquez aux isles de Bandan 383. de Magellan descrite bien au long
381.382. & c. de Melio en la China, d'où luy et les Portugallois sont
chassez 391.392. des Portugallois au port de Coulette 432. de Fran-
cisque de Sa à Zunde; & ce qui luy auint 486. de Martin Alonse
Melio & ses auantures 517.518
- Negotiation d'Albuquerque avec le Roy d'Ormuz 168. avec plu-
sieurs Roys et Princes 239. de Balhazar Personne au Royaume de
Perse 403
- Negus d'Ethiopie enuoye son ambassadeur en Portugal, & pour
quelle occasion 273.274
- Ninacheu en desponillé de son estat en Malaca 278. sa mort tra-
gique 279

INDICE.

Noblesse de Calecut & ses privileges	33
Noblesse comment s'acquiert es Moluques	416
Noix Muscades comment croissent	384
Nonio de Cugne esleu Viceroy des Indes, son embarquement pour y aller & ses auantures durant la navigation 525. prend Mombaze & huerne 527. arrive au port d'Ormus 539. conqueste la ville & la citadelle de Diu 543. retournant en Portugal meurt pres du cap de bonne esperance	547. 548
Nonio Mascaregne successeur d'Ataide donne ordre aux affaires de Barbarie 306. guerroye viuent les Mores 319. chastie les Mores de Garabie 337. 338. ses louanges	339
Nonnains de Pegu qu'elles	346

O

Oblination mal seante à vn capitaine	103
Occasions de perilleuse guerre en Goa 316. de la secõde guerre de Diu	350
Opinion des Zeilandois touchât la sepulture d'Adam et Eue	115
Or en abondance au Royaume de Benemotapa	123
Ordonnance des troupes des Roys de Portugal & de Fez, en leur derniere bataille	678
Ordre mis par Emmanuel aux affaires politiques & ecclesiastiques de son Royaume	9. 10
Orfazan ville du Royaume d'Ormus pillée et bruslée par les Portugallois	168
Orgueil suivi de honte & de confusion	137
Ormus isle, ville, & Royaume, d. serite avec les mœurs de ses habitans	166
Ouvans, Soanguers, hommes-diables, & leurs prodigieux exploits	418

P

Paillardises de certains Portugallois avec des Indiennes commett reprimees par Albuquerque	204
Paix entre le Roy de Calecut & les Portugallois, par qui rompue & comment 80. entre le Roy de Cananor & les Portugallois 132. accordées par Albuquerque au Roy d'Ormus, & à quelle condition 170. 171. entre Melichiaz & Almeida 184. faite avec le Roy de	

INDICE.

Calecut 239 entre Menesex & Melichiaz	339
Panane ville riche bruslee par les Portugallois 154. ruinee par les Portugallois	124
Pâihere accoustumee à la chasse enuoyee de Portugal à Rome	270
Pape supplié de réunir les princes Chrestiens	180
Paroles douces attrappoires de mal auisex	37
Parole graue de Melichiaz, qui fait le proces à plusieurs Chrestiens	184
Particularitez notables de la guerre entre le Roy de Cananor et les Portugallois	119. 130
Paste d'un chat & chien vifs presenté à vn ambassadeur Espagnol	536
Patecatir successeur d'Vietimutaraia conspire contre les Portugallois & ce qui en aduint 233 sa guerre	237
Pateonoux prince de l'apare fait la guerre aux Portugallois	249.
250. & c. ruiné par ses propres conseils 252. desfait entierement	186
Paul de Gama mort & enterré en l'isle Tierce	39
Paul loue taxe	184
Payfans accourent à Lisbonne pour massacrer & piller	111
Pays du grand Negus, surnommé prestre Iean, descrit	276
Peau du renard cousue à celle du Lyon	97
Pedir Royaume en la Taprobane	129
Pegu grand Royaume, duquel le Roy fait alliance avec les Portugallois 225. l'alliance du Roy avec les Portugallois	346
Pelage de Souse capitaine Portugallois tué	179
Perfes sectateurs de Hali disciple de Mahumet	283
Peste par tout le Royaume de Calecut	110
Peuples courageux & ennemis de seruitude	19
Peuples du cap de bonne esperance, quels	21
Peuples de Barbarie se redent tributaire du Roy de Portugal	269
Philippe d'Autriche depuis Roy d'Espagne espouse Marie fille du Roy de Portugal	674
Pierre de Far enuoyé gouverneur à Malaca 511. trompé par le Roy de Dachen	523
Pierre de Menesex desfait les Mores	269
Pierre de merueilleuse proprieté pour arrester le sang	219
Pierre de Nawarre capitaine renommé meime du secours aux Portugallois	163
Pierre de Souse succede à Iean de Menesex.	269
Pierre de Sylues perit en mer avec ses soldats	366

INDICE.

Pierre Mascaregne establi gouverneur de Goa 254. establi gouverneur de Malaca, & ses premiers exploits 444. comment pouruoit aux affaires entendant qu'il estoit Viceroy des Indes 481. fait entreprise sur l'Isle de Bintam 483. desfait l'armee du Roy de Pam reuant au secours des Bintamois 484. emporte d'assaut la ville de Bintã, & rend le nouveau Roy tributaire à celui de Portugal 485. son arriuee au port de Cochim, où il est indignemēt traité par Messia 486. emprisonné par Sylueire, qui lui fait mettre les fers aux piedz 489. ses pratiques pour se deliurer & faire obeir comme Viceroy & l'issue d'icelles 491. est content que son droit soit. conu en iustice & ce qui s'en ensuiuit 497. 498. son proces ruidé lequel il perd, et s'en retourne en Portugal où il est bien recueilli, & fait condamner Sampaio son competeiteur à tous despens, dommages & interests 502.

503

Pierre Nonio excellent Mathematicien	332
Pierre Personne facteur du Roy tué dedans la Citadelle de Malaca	253
Pierre Queirose vaillant soldat	338
Pierre Vasque de Veigue perit en mer	77
Poisson monstrueux	46
Police de ceux de la China	322
Polonois viennent voir le Roy Emmanuel	301
Pontife des Chrestiens Orientaux	261. 262
Porqua pillée par Sampaio & les siens qui s'y font riches	531
Port de Sainte Helaine	20
Ports de mer du Royaume d'Ormuz assuiettis par les Portugalois	167
Portugal en quel estat lors qu'Emmanuel mourut	377
Portugallois detestent l'ambition & l'auarice de leurs compaignons qui vont aux Indes 15. Portugallois quel peuple 35. assurant les autres veulent pouruoir à leurs affaires pour l'auenir 78. mal voulu des Arabes 51. exigent tribut de celui qu'ils ont pillé & outragé 82. descouurent de quelle affection ont entrepris leurs voyages 81. au nombre de 71. conduits par Pacheco font teste à l'armee de Calcut 87. avec quelle dexterité se fortifient en pays estrange	120
Poursuites du Roy de Portugal pour mettre paix entre les Prince Chrestiens	127
Portugallois estiment François & pourquoy 155. desfaits avec grande perte au port de Chaul 157. traitent cruellement ceux de	

INDICE.

Dabul 188. depaints en peu de traits 194. v'ctorieux en la coste de	
Barbarie 214. pillent la terre pour enrichir la mer 234. deuenus	
Mahumetistes comment chasteiz 238 sous ombre de deuotiō se sont	
emparez de diuers lieux 247 rabaissē au voyage d'Arufie 238.	
mal voulus par toutes les Indes 383. desfaits par leur propre orgueil	
& par la reuolte de leurs alliez 296 voulans brider les More par le	
moyē d'une citadelle sont desfaits, & perdēt quatre mille hōmes 291	
Pour parler entre l'ambassadeur de Portugal & le Suphi 308	
Portugallois nuds soustienent vne escarmouche de Mores 344. de-	
meurans au Royaume de Pacem tuez 346. mal traitez par le Roy	
de Dachen 365. mal traitez en Ormus 389 chassē des ports du	
Royaume de la China 392. recoiuent vne honte Et lourde baston-	
nade en la coste de Diu 395 font la guerre es isles Molucques 406	
secourent le Roy de Zanzibar contre celui de Mombaze 401. au	
nombre de cinq prins au port de Pam, & mis à mort pour n'auoir	
voulu abiurer le Christianisme 408. bruslez en leur ba-	
steau 411. en nouuelle peine à Calecut 418. mal traitez par	
les Calecutiens 419. assaillent Coulette principal port du Roy-	
aume de Calecut 432. desfont Laqueximene & le Roy de Dra-	
guin 433. prests à s'entretuer & perdre tout ce qu'ils tenoyent	
es Indes 426. desfaits par les Mores de Longu, dont ils se ven-	
gerent depuis 510. desfaits es Molucques par les Espagnols	
516 desfaits au port de Dachen 521. riches de pillage de Porqua 531	
chasteiz de leur arrogance au siege de la citadelle de Diu 557	
Preparatif d'Albuquerque pour aller faire la guerre en Malaca	
129	
Prescription nulle contre les droits & franchises des peuples 19	
Presens du Pape au Roy de Portugal tesmoins de la reformation	
de l'Eglise 20	
Presens magnifiques du Roy d'Ormus à Albuquerque 171	
Presens enuoyez au Pape Leon dixiesme par le Roy de Portugal	
270	
Presens enuoyez d'Ethiopie à Emmanuel 275	
Prestre Iean, nom donné au grand Negus d'Ethiopie mal à pro-	
pos 273	
Prestres Abyssins & leurs ceremonies 276. 277	
Prestres de Cranganor & leur maniere de viure 103	
Prince sage quel 3. trop liberal repris 4	
Princes sages ne s'enveloppent en guerre legerement ni ne faussent	
la foy promise 11	

INDICE.

Princes n'ont iamais faute de flatteurs pour excuser leurs fautes	12
Prince equitable qui	59
Prince de Bintam pacifie avec Mascaregne & se rend tributaire du Roy de Portugal	485
Prinse & pillage de Malaca	224
Prinse de quelques Portugallois tourmentez pour abirrer le Cristianisme	512
Prisonniers comment traitez des Bresiliens peuple de l'Amerique	46
Prisonniers en nombre de 14. mille apres la desfaite du Roy Sebastian	679
Preuileges estranges Et infames de la noblesse de Calecut	33
Promesse reciproque des Roys & de leurs suiets	18
Promesses & obligations reciproques entre le Prince & ses suiets	17
Promesse de Pacheco	98
Prudence requise es Roys pour contenter chascun	8
Putelcam lieutenant du prince de Goa fait la guerre à Albuquerque 200. desfait Melras & Timois, 204 desfait & ruine par une ruse estrange	228

Q

Queuxme isle pillée par Albuquerque	176. 177
Querelles commencees entre le Roy de Calecut & les Portugallois 36. entre Britio & Henriquez es Molucques	465
Quiloa isle & royaume descrit avec ses commoditez	49
Quiloa ville en la coste d'Ethiopie prinse par les Portugallois	112
Quinz. e Roys d'Ormuz priuez de leur venue, menex en Inde	269

R

Rabel gouverneur de Goa tué en une sortie	227.
Rahbenxamut vaillant capitaine More obtient une belle victoire pour rescourre sa femme 304. est tué puis apres	305
Rapports de meschans combien sont à craindre	109
Rauasque, capitaine Portugallois, pille ceux de Zanzibar & ce qui en auint	82
Rebellion de ceux de Coulam & ce qui s'en ensuiuit	349
Reglement notable d'Emmanuel	

INDICE.

Religion ne doit estre forcee	12
Religion des Calecutiens 33. des Chrestiens de Cranganor pres de Calecut 103. des Narsinguois 118. manteau dont se seruent les Por- tugallois pour faire leurs besongnes	247
Religion des Abbyssins 262. de ceux de la China	321. 322
Rencontre des Mores & Portugallois en Barbarie 226. de la flotte de Din & du gallion de Henri de Macede	513
Responce excellente du Roy de Cochim	71. 72
Responce du Roy de Portugal aux lettres du Pape & du Sultan d'Egypte 107. d'Albuquerque aux ambassadeurs du Sophi 108 d'Ismael Sophi aux demandes de l'ambassadeur de Portugal 309. de Menezez aux lettres du Roy d'Ormus & de Xeraf	436
Retraite du Roy de Calecut apres auoir esté desfait par Pacheco	96
Reuenus ecclesiastiques demande par le Roy de Portugal au Pa- pe	272
Reuolte de quelques capitaines Portugallois irritez contre Al- buquerque	169
Riuere de S. Iacques 20. des bons Seignes	23
Rois sages & bons quels 3. de Portugal ennemis iurez des Mores 6. de Narsingue & leur magnificence 119. d'Ormus comment trai- tez par leurs gouuerneurs	269
Roderic Britio gouuerneur de Malaca. sage au besoin	250
Roderic de Leme ambassadeur de Portugal en Ethiopie, retourne de là en Ormus puis en Portugal	475
Roline prestres de Pegu	346
Roy de Portugal recherche l'aliance & l'amitie de celui de Cale- cut	29
Roy vertueux se monstre pere de ses suiets	55
Roy de Cochim fidelle enuers les Portugallois 86. Roy de Con- go se fait baptiser 74. de Calecut quitte le Royaume par despit 100. de Quiloa tributaire de celui de Portugal 131. de Benemotapa & ses enseignes royales 124. d'Ormus demande la paix quiluy est ac- cordee par Albuquerque, & à quelle conditions 171. de Pedir fait alliance avec Albuquerque 129. de Malaca tasche de tromper & surprẽdre Albuquerque 220. de Vengapor traite alliance avec celui de Portugal. 299. de Maroc desfait & mis en suite 244. Mequinez rainé & mis en suite par ses propres troupes 268. d'Ethiopie, su- nommé prestre Ioan, & sa magnificence 276. de Lingue desfait par les Portugallois	278
Raichamed tyran d'Ormus tue par le commandement d'Albu-	

querque

285

Roy de Bintam traistre & meschant par quels artifices fait mourir son gendre 294. canteleux, adultere 324. de Pacem tué 447. d'Ormus estranglé par le commandement de Xeraf 372. de Dachen fait ses efforts de chasser les Portugallois hors de la Taprobane 393. de Tidore es Molucques en guerre contre les Portugallois 400. de Dachen ennemi iuré des Portugallois 406. de Calecut fait tous ses efforts pour ruiner les Portugallois 418. de Lingue secouru par les Portugallois 442. de Calecut sous ombre de paix se dispose à une cruelle guerre contre les Portugallois 446. de Bintam s'ensuit & meurt de regret ayant perdu son pays & son estat 485. de Burneo a peur d'une tapisserie 506 de Dachen cruel & malitieux 523. de quelles trahisons use pour ruiner les Portugallois 138. d'Aden pendu à un mast de navire 145. de Calecut pourquoy fait emprisonner l'Ambassadeur des Turcs 548
 Rozalcam beau frere & lieutenant de Zabaim trompe les Portugallois, & se sert d'eux, puis les veut ruiner 229
 Rozalcam desfaits par les troupes d'Albuquerque quitte l'isle de Goa 238

Rumecan fils de Sophar succede à son pere, & donne diners faux à la citadelle de Diu 554. 555 tué en combat ant 559

Rumes nom donné par les Indiens aux soldats de l'Europe & pourquoy 155

Ruses diuerses des Malacans pour surprendre les Portugallois 221

S

Saïu ville de Barbarie tombe par moiens admirables en la main des Portugallois 133

Sagesse d'Emmanuel des son auenement à la couronne 2

Sagesse d'un chef de guerre 7

Sagesse merueilleuse d'Albuquerque 204

Saincte Helaine isle par qui accommodee 238

Sainct Laurent isle des plus grandes du monde, sa situation, ses commoditez, & ses habitans 151

Sainct Raphaël terre decouuerte par les Portugallois 25

Sampaio declare vice-roy apres Menesex, & ses premiers actes. 471. confirmé vice-roy par lettres enuoyees de Portugal 479. bannit les amis de Mascaregne 480. de quel artifice use pour attirer les gens de guerre 481. ses mauuaises & iniques procedures contre

INDICE.

Mascaregne 488. & c. contre les adherans d'icelui 493. obtient sentence par faueur contre Mascaregne, auquel il paye puis apres tous despens, dommages & interest 503. emporte deux cens mille escus du pillage de Porqua 531. veut s'empares de Din 532. desfait la flotte du Roy de Cambaie 533. malheureux en beaucoup d'entreprises à cause de l'audace de ses soldats 534. revient en Portugal où il perd ses butins, estant condamné à payer les despens, dommages & interests de Mascaregne 542.	
Sanage Raie traistre chastie de ses forfaits en Malaca 539	
Sauce Henriquez & son frere desfaits au port de Ram 409.	
Sauuagedu Bresil s'accostent des Portugalois: leurs custumes & façons de viure 46	
Sebastian premier du nom succede à son ayeul Iean troisieme 673. embrasse le parti Mulei Mahumet & passe en Barbarie pour y faire la guerre 675. prie par amis & ennemis de ne donner bataille, ne veut croire conseil 757	
Secours enuoyé à la citadelle de Calecut 452	
Seditieux de Lisbonne executez à mort 112	
Sedition entre les soldats Portugallois & Venitiens 45. entre les Portugallois & les Arabes 5. des Arabes de Conlam contre les Portugallois, & ce qui en auint 120. au Royaume de Pacem 346. entre les gentilshomme Portugallois à cause de l'emprisonnement de Pierre Mascaregne 461. en Ormus contre les Portugallois & ce qui en auint	
Selym Turc desfait le Sultant d'Egypte 319	
Sentence au proufit de Sampaio touchant le gouuernement de Indes 503	
Septe par qui conquise 5	
Septentrionaux Et leur mœurs 90	
Siam royaume 163. puissant & de grande estendue 225	
Siege d'Azamor & le succès d'icelui 261. de Safin 213. premier & second d'Aden, & quelle en fut l'issue 256	
Simon Andrade traite mal ceux de la China, & ce qui s'en ensuiuit 323	
Simon de Breu & ses soldats bruslez en leur bastean 411	
Simon de Cugne desfaits en l'isle de Baharen dont il meurt de despit 141	
Simon de Menesex desfait soixante barques de Malabares 437	
Simon de Souise enuoyé pour gouuerneur aux Molucques 511	

INDICE.

est des fait Et tué au port de Dachen avec plusieurs autres	521
Siqueire fait appointment avec le Roy de Malaca : se retire en Inde 191. enuoyé viceroy és Indes 325. fait diuers voyages & ses auantures 340. 341. pensant s'emparer de Diu est contraint se retirer 356. induit à faire la guerre au prince Mochri, & le succès de cela 361. 362. quitte le gouvernement des Indes à Edouard de Menesex	338
Soarez esleu viceroy des Indes au lieu d'Albuquerque 293. ses premiers actes 299. refuse de prendre possiõ de la ville d'Aden 310. est en danger de perir 313. perd son temps au siege de Iude 313. prend Et pille Zeila 314. son imprudence, ses malheurs & incõmoditez 315	310
Soleiman lieutenant du Sultan d'Egypte assiege Aden & en est repoussé	310
Soleiman bassa se retirer en grande confusion du siege de Diu	549
Sophar Christien renié fait la guerre aux Portugallois à Diu 554. tué d'un coup de mousquet	554
Sophi voyez Ismael.	
Stratageme des Mores 44. de Menesex contre les Mores 84. en la guerre d'entre le Roy de Cananor Et les Portugallois 131 des Portugallois pour se rendre maistres de Safin 145. de tyranneaux 176. aneanti par la prudence d'Albuquerque 200. stratageme d'Albuquerque	201
Sultan d'Egypte se plaint au Pape contre les Roys d'Espagne Et de Portugal	107

T

T	Aprobane isle renommee descrite	190
558	Temeritez des Portugallois de la citadelle de Diu salariee	
	Temples de Narfingue quels	114
	Terre de Corterea en Septentrion. pourquoy ainsi appellee	58
	Terunxa Roy d'Ormus 290. sa negotiation avec Albuquerque	
282	S. Thomas Apostre reueré par les Chrestiens de Coulam 80. presche aux Indiens, & ce qu'ils disent encores aujourdhui, de sa vie de sa mort Et sepulture	104
	Tidore prinse Et pillée par les Portugallois	493
	Tidoriens oppressez, de guerre par les Portugallois 417. deman-	

INDICE.

dent la paix	269
Timoja conseille Albuquerque de faire la guerre au Prince de Goa 195. tué en trahison par le commandement du Roy de Nar-	
singue	227
Tingi par qui conquise	6
Tierce, isle	39
Tite ville de Barbarie prinse par les Portugallois	262
Traistres viuement dépaits 36. en vendant les autres se vendent les premiers 93 comment retenus en deuoir 86. sont gens en qui l'en ne doit se fier 94. semez en tous lieux 67. n'ont iamais faute d'inuentions & d'excuses	194
Trahison horrible du Roy de Bintaïn 294. de Benaduxera comment recompensee 355. du Roy de Calecut cõtre les Portugallois 63. du Roy de Dachein	538
Traité de paix entre le Roy de Pacem & Albuquerque	220
Trimunpara Roy de Cochim fidele enuers les Portugallois 67. recompensé de sa fidelité 77. craint d'estre trahi par les Portugallois 85. comment assuré	86
Trinité de personnes en vne seule nature diuine comment representee par les prestres de Calecut	33
Tristan de Cugne enuoyé en Inde, & ses auantures 149. ses exploits 151. reuiet en Portugal 155 ambassadeur de Portugal à Rome	270
Tristesse meslee parmi les plaisirs des princes	26
Troubles en Ormus comment appeiez par le viceroy 394. en la ville de Diu, laquelle est saisie pour le Roy de Cambaie 630 suruenus entre les Portugallois à cause de l'emprisonnement de Pierre Mascaregne	490
Troupes de Pacheco comment distribuées & conduites	88
Turcs prisonniers & leur terrible exploit	366
Turcs en Inde pour en chasser les Portugallois 545. assiegent la citadelle de Diu 546. contraincts leuer le siege de deuant la citadelle de Diu	549
Tumulte en Coulam & l'ordre que Pacheco y mit 100. suruenu entre les Mores 270. en Malaca par l'ambition de deux capitaines Portugallois 320. en l'isle de Zeilan	358
Turoquaue ville gaignee sur les Mores par les Portugallois 346	

V

Vaillance admirable de cinq Portugallois 447. de Christofle Inarte	451
--	-----

INDICE.

<i>Vasque de Gama enuoyé le premier aux Indes</i>	20. ses voyages, accidens & exploits	22. 23. 24. enuoyé pour la seconde fois aux Indes	54. esleu viceroy des Indes où il arrive, & donne ordre aux affaires	423. meurt tost apres	425
<i>Vasque de Sylueire braue gentil-homme tué en Calecut</i>					189
<i>Vasque Fernand Cesar vaillant capitaine & ses exploits</i>					334.
<i>obtient diuerses victoires sur mer</i>	353. combat vne nauire Angloise, laquelle il amene à raison				373
<i>Veaux marins en nombre infini au cap de bonne esperance</i>					22
<i>Vengapor royaume</i>					239
<i>Vertu de Pacheco comment reconue & recompensee en Portugal</i>					109
<i>Vertu comment reconue par vn Barbare</i>					205
<i>Victoire notable</i>	6. 7. des Portugallois sur ceux de Goa	209. de Iehabentafus	303. des Portugallons sur Rahbenxamut	303. de Selym sur le Sultan d'Egypte	319. des Portugallois en l'isle de Zeilan
	439. du capitaine Dieze sur les Calecutiens	511. des Portugallois sur les Mores d'Afrique	41. Victoires des Portugallois sur le Roy de Calecut	78. de Pacheco	91. 92. de Pacheco & des Portugallois
	94. des Portugallois au port de Din	18. des Portugallois en la coste de Barbarie	14. d'Aluar Norogne	335 de George Tellio sur les Calecutiens	424. de Sampaio
					529
<i>Vigilance de Pacheco</i>					94
<i>Vincent Sodre capitaine de cinq nauires fait voile aux Indes</i>					56.
<i>perit en Arabie</i>					72
<i>Vœu de Mores</i>					154.
<i>Voyage de Fernand Contin en Inde</i>					186
<i>Voyage par terre depuis Ormus iusques en Portugal</i>					514
<i>Voyages Et accidens diuers de Gama</i>	20. 21. 22. de l'ambassadeur de Portugal pour se rendre en la cour du Sophi	308. de George quadre			450
<i>Vtetimutaraia establi iuge en Malaca</i>	148. promet obeissance à Albuquerque	223. emprisonné & decapité en Malaca avec son fils & son gendre			232

X

X Era cause du massacre des Portugallois en Ormus 339. fait estrangler le Roy 370. en danger de mort, par quels artifices se garaniut 345. &c. se plaint du rude traitement des Portu-

INDICE.

gallois 436. eschappe la main des hommes en payant	622.	473.
absous de ses meschancetez par l'auditeur general des Indes	511.	em-
prisonné pour estre mené en Portugal		540
Xerif mis en route par Iehabentafus	265.	s'enfuit deuant Bar-
vigue		288

Z

Zabaim Prince de Goa en voulant ruiner les Portugallois est		
ruiné par Albuquerque	251. 252.	& c. fait tout ses efforts de
ruiner Albuquerque, & comme le tout succeda	259.	recouure une
partie de ses pays usurpez par les Portugallois		522
Zabao Seigneur de Goa	51.	fait la guerre aux Portugallois en
Anchedine, & le succès d'icelle		127
Zacatora isle notable descrite, & la guerre que les Portugallois		
y firent		152
Zanzibar isle escrete		39
Zeam prince d'Azamor trompe le Roy de Portugal & ce qui		
en auint		259
Zeila ville d'Ethiopie assaillie, prinse & pillée par Soarez		314
Zeilan isle renommee, diuisee en sept provinces, sa description &		
ses richesses	124.	rendue tributaire aux Portugallois
		325
Zeilandou se souluent contre les Portugallois	358.	leur font la
guerre, & quelle en fut la fin		359
Zeie inconsideré souuentefois cause de grandes cruantez	12.	
Zerfadin Roy d'Ormus se rend tributaire de celuy de Portugal		
	171	
Zofala pays abundant en or		23
Zufalarim lieutenant de Zabaim		205
Zuse Roy de Zofala tué par les Portugallois	122.	123
Zunde isle abondante en poiure		249
Zunde ville, où située, & ses commoditez		485

FIN DE LA TABLE.

Le nombre des années n'a esté exactement remarqué par tout : mais pour suppléer à ce défaut nous en auons mis vn repertoire

Le lecteur notera aussi qu'Oforius ayât exprimé le plus souuent par vn mesme mot Latin les vaisseaux de marine, le translateur n'en a pas si songneusement remarqué les diuersitez és 12. premiers liures, comme és suiuaus : ce qui se pourra faire en vne seconde edition, laquelle sera augmentée & reduite à sa perfectiō, si Dieu le permet.

$\frac{153}{2}$

151

192

276



CS81

HL673d

6





